



# BREVIARIUM

ROMANUM.



Liturg  
Brev  
1853

# BREVIARIUM

## ROMANUM

EX DECRETO SACROSANCTI CONCILII TRIDENTINI RESTITUTUM,

S. PII V. PONTIFICIS MAXIMI

IUSSU EDITUM

CLEMENTIS VIII. ET URBANI VIII.

AUCTORITATE RECOGNITUM,

CUM OFFICIIS SANCTORUM

NOVISSIME PER SUMMOS PONTIFICES USQUE AD HANC DIEM CONCESSIS.

PARS AUTUMNALIS.



296050  
30 1 34

MECHLINÆ.

H. DESSAIN, SUCCESSOR P. J. HANICQ,  
SUMMI PONTIFICIS, S. CONGREGATIONIS DE PROPAGANDA FIDE  
ET ARCHIEP. MECHL. TYPOGRAPHUS.

M. D. CCC. LXIV.





# EX DECRETORUM REGISTRO

## S. RITUUM CONGREGATIONIS

HEC AD BREVIARIUM ROMANUM ATTINENT.

**S**ACRA Rituum Congregatio declaravit et decrevit, non potuisse post Bullam S. Pii V, de Breviario Romano, neque posse locorum Ordinarios, tam Sæculares quam Regulares, addere Kalendaris, etiam propriis, Sanctorum Officia, nisi ea duntaxat, quæ Breviarii Romani Rubricis, vel sacræ Rituum Congregationis, seu Sedis Apostolicæ licentia conceduntur: neque propria auctoritate, quovis prætextu, mutare ritum, qui habetur in Kalendario Romano, seu Rubricis Breviarii, in altiore ritum: neque extendere concessa Officia de loco ad locum.

Item vetuit et prohibuit celebrari per totam civitatem vel Diocesim, etiam de cujuscumque Ordinarii auctoritate, Festum cum Officio, eo quod in loco adsit Ecclesia Parochialis, vel regularis, vel Abbatialis, aut aliqua Reliquia, sed tantum in ipsius Sancti Ecclesia titulari, seu ubi asservatur corpus aut insignis Reliquia, et non alibi.

Insignes autem Reliquias declaravit esse caput, brachium, crus, aut illam partem corporis, in qua passus est Martyr, modo sit integra, et non parva, et legitime ab Ordinariis approbata.

De sanctis Episcopis locorum, Martyribus, Civibus, et aliis Festis, de quibus in Kalendario Romano, seu Rubricis Breviarii nihil habetur, uti etiam de Beatis nondum canonizatis, nihil propria auctoritate constituatur, sed omnino consulatur Sacra Rit. Congr.

Decretum quoque nuper editum super electione Sanctorum in Patronos, et impressum, omnino servetur.

Et hæc omnia decrevit, statuit, et mandavit, innovando pœnas Constitutionis S. Pii V. respective.

Facta demum relatione horum Decretorum Sanctissimo D. N. Urbano Papæ VIII. ea laudavit et approbavit, atque ab omnibus ubique sub prædictis pœnis servari præcepit, necnon in novis Breviariis de mandato Sanctitatis suæ imprimendis apponi jussit.

Loco † Sigilli.

T. TEGRIMIUS, *Episc. Assisiens. Secret.*

AUTUMNALIS.

\*

## EJUSDEM PRO SANCTIS

---

**E**ADEM Sacra Rituum Congregatio, habita die 2 Decembris 1675, statuit ex mandato Clementis X. Festa Sanctorum ad libitum in posterum non esse transferenda, si eorum festivitas incidat in diem Dominicam, vel aliquam diem Festorum mobilium; sed tunc illo anno eorum Officia esse omittenda. Quod ipsum postea Innocentius Papa XI. in Congreg. habita 24 Januarii 1682 generali Decreto confirmavit, et extendit insuper etiam ad Octavas et Natalitia Sanctorum, de præcepto in aliqua Religione vel Diœcesi, ex indulto Apostolico recitanda. Ita ut ne quidem dictis Festis, vel Octavis Festa ad libitum tunc incidentia possint recitari, sed omitti prorsus debeant.

Permisit tamen, ut Festum translatum quod alias eo die celebrandum foret, in alium diem non impeditum transferatur: item ut eodem die omitti possit Officium semel per hebdomadam, aut mensem recitandum ex indulto Apostolico, ut ita locus sit celebrando Officio ad libitum.

## EJUSDEM PRO SANCTIS

---

### IN MARTYROLOGIO NON DESCRIPTIS.

---

**O**FFICIA Sanctorum ratione Corporis, seu insignis Reliquiæ recitanda ex Decr. Sac. Rit. Cong. 11 Augusti 1691 intelligi debere de Sanctis duntaxat in Martyrologio Romano descriptis, et dummodo constet de identitate Corporis, seu Reliquiæ insignis illiusmet Sancti, qui reperitur in Martyrologio Romano descriptus: de ceteris autem Sanctis in prædicto Martyrologio non descriptis, aut quibus a S. Sede non fuerit specialiter concessum, Officia recitari, et Missas celebrari vetuerunt, non obstante quod ipsorum Corpora vel insignes Reliquiæ in Ecclesiis asservuntur, quibus tamen ab Ordinariis locorum approbatis debitam Fidelium venerationem (prout hactenus servatum est) exhibendam esse censuerunt, sed absque Officio et Missa, sub pœnis de non satisfaciendo præcepto recitandi Officium, aliisque in Constitutione S. Pii V. contentis. Die 11 Augusti 1691, et Sanctissimus approbavit die 19 Octobris ejusdem anni 1691.

Loco † Sigilli.

J. VALLEMANUS, S. R. C. Secret.

# DECRETA GENERALIA

## CIRCA RUBRICAS.

**C**UM Sacrorum Rituum Congregationi demisse supplicatum fuerit sequentia dubia declarare :

Primum. An, cum multis Congregationibus, Religionibus, sive Ecclesiis, vel Nationibus concessum sit a Sancta Sede Apostolica, ut semel, vel pluries in singulis hebdomadis, vel mensibus celebrentur varia Officia per annum, verbi gratia de SS. Sacramento, vel de Sanctis, in diebus non impeditis aliquo Festo Duplici vel Semiduplici, liceat ejusmodi Officia facere etiam in diebus sanctæ Quadragesimæ, Adventus, Vigiliarum, et Quatuor Temporum, etiamsi de his diebus nulla sit facta specialis mentio in aliquibus Officiorum concessionibus.

Secundum. An dies impeditus Festo Duplici vel Semiduplici pro dictis Officiis recitandis, intelligantur etiam dies, in quibus ponendum est Officium de Festo Duplici, vel Semiduplici translato; quemadmodum dicitur responsum fuisse olim a Sacra Congregatione: Quod scilicet Festum Duplex, vel Semiduplex etiam translatum, nec non dies octavæ sit dies impeditus respectu talium Officiorum.

Tertium. An Regulares absque speciali privilegio, sed sola communicatione privilegiorum aliarum Religionum possint addere nomen Sancti Fundatoris in Litaniis, et Confiteor, itemque recitare Officia et Missas concessas aliis Religionibus.

Sacrorum Rituum eadem Congregatio ad relationem Eminentissimi et Reverendissimi Domini Cardinalis Colloredo respondit:

Ad Primum. Negative, et hujusmodi indulta non habere locum in Feriis Adventus, Quadragesimæ, Quatuor Temporum, Vigiliarum, sive cum jejuniis, sive absque jejuniis, nec in Feria ij. Rogationum, nec in illa Feria, in qua secundum Rubricas sit reponendum Officium Dominicæ.

Ad Secundum. Affirmative.

Ad Tertium. Negative in omnibus.

Et ita declaravit, ac servari voluit, ac insuper ut Declarationes seu Decreta prædicta omnibus innotescant, typis ea imprimi mandavit. Die 20 Martii 1706.

Loco † Sigilli.

G. Card. CARPINEUS.

B. INGHIRAMI, Sac. Rit. Congreg. Secret.



## ENGELBERTUS,

MISERATIONE DIVINA TITULI S. BARTHOLOMÆI IN INSULA,  
S. R. E. PRESBYTER, CARDINALIS STERCKX,  
ARCHIEPISCOPUS MECHLINIENSIS, PRIMAS BELGII, ETC.

*Omnibus has visuris Salutem in Domino.*

**C**UM a Papa URBANO VIII. decretum sit, ne quis Typographus Breviarium Romanum, PII V. Pont. Max. jussu editum, CLEMENTIS VIII. primum, nunc denuo ipsius URBANI VIII. auctoritate recognitum, imprimat vel in lucem edat sine licentia eaque in scriptis obtenta ab Ordinario loci, ac nisi prius ab eodem cum exemplari typis Vaticanis anno 1652 excuso concordare fuerit repertum, hinc est quod Nos dederimus licentiam dilecto Nobis HUBERTO DESSAIN, Archiepiscopatus nostri Typographo, illud imprimendi, quin et cæteros omnes libros qui ab eodem ortum habent et seorsum imprimi consueverunt; dummodo tamen, in impressione absolvenda, nuperrima vel alia correctiori uteretur editione Romana, et illius exemplo absolute et strictissime se conformaret: super quo tam præmemorati Typographi, quam revisoris Rev. D. P. M. OLIVIERS, Presbyteri a Nobis deputati, conscientiam oneravimus; cui revisori diligentem novorum typorum cum exemplo collationem instituendi, ut errores quicumque averterentur, curam commisimus. Insuper in hoc Breviario apponi jussimus non tantum Officia nova præcedentibus editionibus jam inserta, sed et Officia a SS. D. N. PIO Papa IX. ad universalem Ecclesiam extensa.

Postquam autem Brev. in-24°, ut vocant, prædicti H. DESSAIN, opera ac typis absolutum intelleximus, et per revisorem a Nobis, ut præfertur, deputatum, fuimus legitime informati illud cum suo originali, diligenti collatione facta, convenire, atque prædicta Officia apposita fuisse, dictum Breviarium in-24°, in quatuor partes excusum approbavimus evulgandique licentiam dedimus, prout per præsentis approbamus, et licentiam damus.

In quorum fidem hasce subsignavimus sigilloque nostro ac Secretarii nostri chirographo muniri fecimus, Mechliniæ, 11 Martii 1864.

ENGELBERTUS, CARD. ARCH. MECHL.

De mandato Eminentissimi ac Reverendissimi  
Domini Cardinalis Archiepiscopi,

L. GRIELEN. Secret.

# DE ANNO ET EJUS PARTIBUS.



**A**NNUS menses habet duodecim, hebdomadas duas et quinquaginta, et diem unum, dies vero trecentos sexaginta quinque, et fere sex horas: tanto enim temporis intervallo sol Zodiacum perlustrat. Quater autem sex horæ singulis quaternis annis diem constituunt: hinc annus ille intercalaris Bissextus, vel Bissextilis dicitur.

## DE ANNI CORRECTIONE,

EJUSQUE NECESSITATE, AC KALENDARIO GREGORIANO.

**Q**UOD dictum est, annum continere trecentos et sexaginta quinque dies, et fere sex horas, intelligendum est, sex horas non esse integras, cum ad earum complementum aliqua minuta deficiant.

Ex quorum minorum neglectu progressum est, ac si annus, ultra dies 365, contineret integras sex horas; et factum est, ut minuta, quæ ultra debitam quantitatem annis singulis tribuebantur, tractu temporis ita excreverint, ut invicem juncta constituerint dies decem, qui causam dederunt, ut Æquinoctium vernum sedem suam mutaverit.

Cui malo occurrens Gregorius XIII, non solum Æquinoctium vernum restituit in pristinam sedem, a qua jam a Concilio Nicæno, decem circiter diebus in anno correctionis 1582 præcedendo recesserat, quod a Concilio ad xij Kal. Aprilis fuerat constitutum, et xiv Lunam paschalem suo in loco repo-

suit, sed viam quoque tradidit, et rationem, qua caveretur ut in posterum et Æquinoctium vernum, et xiv Luna paschalis a propriis sedibus nunquam removerentur.

Ut enim Æquinoctium vernum ad xij Kal. Aprilis restitueretur, statuit, ut dicti decem dies in mense Octobris ipsius anni 1582 eximerentur, ut post quartam diem Octobris S. Francisco sacram, sequens dies non esset quinta, sed decima quinta Octobris. Et ita error, qui in præteritum tot annorum circulis irrepserat, in momento temporis fuit correctus.

Ut autem in posterum idem error vitaretur, ne a xij Kal. Aprilis Æquinoctium vernum recederet, statuit idem Gregorius, Bissextum quarto quoque anno (ut mos est) continuari debere præterquam in centesimis annis qui, quamvis Bissextilis antea semper fuerint, qualem etiam esse voluit annum 1600, anno correctionis proximum, post eum tamen, qui deinceps consequentur centesimi non omnes Bissextilis essent, sed in quadringentis quibusque annis primi quique tres centesimi sine Bissexto transigerentur: quartus vero quisque centesimus esset Bissextilis, ita ut annus 1700, 1800, 1900, Bissextilis non sint, anno vero 2000 more consueto dies Bissextus intercaletur, Febuario dies 29 continente; idemque ordo intermittendi intercalandique Bissextum diem in quadringentis quibusque annis perpetuo conservaretur.

## QUATUOR TEMPORA.

**Q**UATUOR Tempora celebrantur quarta et sexta FERIA, ac Sabbato post tertiam Dominicam Adventus, post primam Dominicam Quadragesimæ, post Dñicam Pentecostes, post festum Exaltationis S. Crucis.

## NUPTIÆ

QUANDO CELEBRARI NON POSSINT,  
JUNTA DECRETUM CONCILII TRI-  
DENTINI.

**A** Dominica prima Adventus usque in diem Epiphaniæ, et a FERIA quarta Cinerum usque in octavam Paschalis inclusive, sancta Synodus solemnitates nuptiarum prohibet: in aliis vero temporibus nuptias solemniter celebrari permittit.

## MODUS BREVIS

COGNOSCENDI AUREUM NUMERUM  
CUJUSQUE ANNI.

Numero anni, de quo quæris, adde unicam unitatem 1. Exempli gratia 1854 adde 1; summam inde conflata divide per 49; quod superest erit Aureus numerus ipsius anni: si nihil superest, erit Aureus numerus 49

*Tabella Litterarum Dominicalium ab Idibus Octobris anni correctionis 1582, (detraclis prius decem diebus) usque ad annum 1700 exclusive.*

c	b	A	f	e	d	c
		g				b
A	g	f	e	c	b	A
			d			
g	e	d	c	b	g	f
f				A		

e	d	b	A	g	f	d
	c				e	

Usus hujus tabellæ hic est. Anno correctionis 1582 post Idus Octobris, (detraclis prius decem diebus) tribuatur littera c primæ cellulæ, et sequenti anno 1583 littera b secundæ cellulæ, et anno 1584 dentur litteræ A g tertiæ cellulæ, et sic deinceps aliis annis ordine aliæ cellulæ tribuantur, donec ad annum propositum perventum sit, redeundo ad principium tabellæ quotiescumque eam percurreris. Nam cellula, in quam annus propositus cadit, dummodo minor sit quam annus 1700, dabit Litteram Dominicalem propositi anni: quæ si unica occurrerit, annus erit communis: si vero duplex. Bissextilis; et tunc superior littera Dominicam diem ostendet in Calendario a principio anni usque ad festum sancti Mathiæ Apostoli: inferior autem ab hoc festo usque ad finem anni. Exempli gratia: Sit invenienda Littera Dominicalis anno 1587: numera ab anno 1582, quem tribue primæ litteræ c usque ad annum 1587, tribuendo singulis cellulis singulos annos, (computando geminas litteras quas-cumque superiorem et inferiorem, pro una cellula) cadetque annus 1587 in litteram d, quæ sextum locum in tabella occupat. Est ergo toto eo anno Littera Dominicalis d; annusque communis est, cum littera simplex occurrat. Rursus sit investiganda Littera Dominicalis anno 1616: numera ab anno 1582, ut dictum est, usque ad annum 1616, redeundo ad principium tabellæ, postquam eam percurreris, perveniesque ad duas hasce litteras c b, septimo loco positas. Est ergo annus ille Bissextilis, cum duplex



littera occurrat, superiorque littera c Dominicam diem indicabit a principio anni illius usque ad festum sancti Mathiæ, inferior autem b in reliqua parte anni.

*Alia tabella Litterarum Dominicalium ab anno 1834, usque ad annum 1900 exclusive.*

e	d	c	A	g	f	e
		b				d
c	b	A	g	e	d	c
			f			
b	g	f	e	d	b	A
A				c		
g	f	d	c	b	A	f
	e			g		

Usus autem hujus tabellæ hic est. Anno 1834 tribuatur littera e primæ cellulæ, et sequenti anno 1835 littera d secundæ cellulæ, et sic deinceps ceteris annis ordine aliæ cellulæ tribuantur: donec ad annum propositum perventum sit, redeundo ad principium tabellæ, quotiescumque eam percurre-  
ris. Nam cellula, in quam annus propositus cadit, dabit Litteram Dominicalem propositi anni: quæ si unica occurrit, annus erit communis: si vero duplex, Bissextilis; et tunc superior lit-

tera Dominicalem diem ostendet in Kalendario a principio anni usque ad festum sancti Mathiæ. Apostoli, inferior autem ab hoc festo usque ad finem anni.

### DE INDICTIONE.

**I**NDICTIO est revolutio 15 annorum ab 1 usque ad 15; qua revolutione peracta, iterum reditur ad unitatem, initiumque sumit quilibet annus hujus Cycli a Januario in Bullis pontificiis. Et quoniam Indictionum frequens usus est in diplomatibus, et scripturis publicis, facile annum Indictionis currentem quolibet anno proposito inveniemus ex sequenti tabella, cujus usus perpetuus est; initium tamen sumit ab anno correctionis 1582.

*Tabella Indictionis ab anno correctionis 1582.*

10.	11.	12.	13.	14.	15.	1.
2.	3.	4.	5.	6.	7.	8.

Nam si anno 1582 tribuas primum numerum, qui est 10; et sequenti anno 1583 secundum numerum, qui est 11, et sic deinceps usque ad annum propositum, redeundo ad principium tabellæ, quotiescumque eam percurre-  
ris, cadet annus propositus in Indictionem, quæ quæritur.

# TABULA PASCHALIS

Aureus num.		Cyclus Epact.	Litteræ Domin.	Septuag.	Dies Cinerum.
16 5		xxij xxij xxj	— d e	Jan. 18 19	Febr. 4 5
13 2		xx xix	f g	20 21	6 7
10 18 7		xviij xvij xvj xv xiv	A b c d e	22 23 24 25 26	8 9 10 11 12
15 4 12		xij xij xj x ix	f g A b c	27 28 29 30 31	13 14 15 16 17
1 9 17		vij vij vj v iv	d e f g A	1 Febr. 2 3 4 5	18 19 20 21 22
6 14 3		ij ij j * xxix	b c d e f	6 7 8 9 10	23 24 25 26 27
11 19 8	25. xxv.	xxviij xxvij xxvj xxiv	g A b c d	11 12 13 14 15	28 1 Mart. 2 3 4
			e f g A b	16 17 18 19 20	5 6 7 8 9

# ANTIQUA REFORMATA.

Pascha.	Ascens.	Pentec.	Corpus Christi.	Dom. p. P.	j. Dom. Adv.
Mart. 22 23 24 25	Apr. 30 1 Maii. 2 3	Maii. 10 11 12 13	Maii. 21 22 23 24	28 28 28 28	29. Nov. 30. 1. Dec. 2.
26 27 28 29 30	4 5 6 7 8	14 15 16 17 18	25 26 27 28 29	28 27 27 27 27	3. 27. Nov. 28. 29. 30.
31 1 Apr. 2 3 4	9 10 11 12 13	19 20 21 22 23	30 31 1 Jun. 2 3	27 27 27 26 26	4. Dec. 2. 3. 27. Nov. 28.
5 6 7 8 9	14 15 16 17 18	24 25 26 27 28	4 5 6 7 8	26 26 26 26 26	29. 30. 1. Dec. 2. 3.
10 11 12 13 14	19 20 21 22 23	29 30 31 1 Jun. 2	9 10 11 12 13	25 25 25 25 25	27. Nov. 28. 29. 30. 1. Dec.
15 16 17 18 19	24 25 26 27 28	3 4 5 6 7	14 15 16 17 18	25 25 24 24 24	2. 3. 27. Nov. 28. 29.
20 21 22 23 24	29 30 31 1 Jun. 2	8 9 10 11 12	19 20 21 22 23	24 24 24 24 23	30. 1. Dec. 2. 3. 27. Nov.

# TABULA PASCHALIS

Litt. Dom.	Cyclus Epactarum.	Septuag.	Dies Cinerum
<b>D</b>	25. 22.21.20.19.18.17.16 15.14.13.12.11.10.9 8.7.6.5.4.5.2. 1.* 29.28.27.26 25.25.24	18. Jan. 25. Jan. 1. Febr. 8. Febr. 15. Febr.	4. Jan. 11. Febr. 18. Febr. 25. Febr. 4. Mart.
<b>E</b>	25.22. 21.20.19.18.17.16.15. 14.13.12.11.10.9.8 7.6.5.4.3.2.1. * 29.28.27.26 25.25.24	19. Jan. 26. Jan. 2. Febr. 9. Febr. 16. Febr.	5. Febr. 12. Febr. 19. Febr. 26. Febr. 5. Mart.
<b>F</b>	25.22.21. 20.19.18.17.16.15.14. 13.12.11.10.9.8.7. 6.5.4.3.2.1.* 29.28.27.26.25.25.24.	20. Jan. 27. Jan. 3. Febr. 10. Febr. 17. Febr.	6. Febr. 13. Febr. 20. Febr. 27. Febr. 6. Mart.
<b>G</b>	25.22.21.20. 19.18.17.16.15.14.13. 12.11.10.9.8.7.6. 5.4.3.2.1.* 29. 28.27.26.25.25.24.	21. Jan. 28. Jan. 4. Febr. 11. Febr. 18. Febr.	7. Febr. 14. Febr. 21. Febr. 28. Febr. 7. Mart.
<b>A</b>	25.22.21.20.19. 18.17.16.15.14.13.12. 11.10.9.8.7.6.5. 4.3.2.1.* 29.28. 27.26.25.25.24.	22. Jan. 29. Jan. 5. Febr. 12. Febr. 19. Febr.	8. Febr. 15. Febr. 22. Febr. 1. Mart. 8. Mart.
<b>B</b>	25.22.21.20.19.18. 17.16.15.14.13.12.11. 10.9.8.7.6.5.4. 3.2.1.* 29.28.27. 26.25.25.24.	23. Jan. 30. Jan. 6. Febr. 13. Febr. 20. Febr.	9. Febr. 16. Febr. 23. Febr. 2. Mart. 9. Mart.
<b>C</b>	25.22.21.20.19.18.17. 16.15.14.13.12.11.10. 9.8.7.6.5.4.3. 2.1.* 29.28.27.26.25 25.24.	24. Jan. 31. Jan. 7. Febr. 14. Febr. 21. Febr.	10. Febr. 17. Febr. 24. Febr. 3. Mart. 10. Mart.

# NOVA REFORMATA.

Pascha.	Ascensio	Pentec.	Corpus Christi.	Dom. inter P. et Adv.	Prima Dñica Advent.
22. Mart.	50. Apr.	10. Maii	21. Maii	28	29. Nov.
29. Mart.	7. Maii	17. Maii	28. Maii	27	29.
5. Apr.	14. Maii	24. Maii	4. Junii	26	29.
12. Apr.	21. Maii	31. Maii	11. Junii	25	29.
19. Apr.	28. Maii	7. Junii	18. Junii	24	29.
23. Mart.	1. Maii	11. Maii	22. Maii	28	30. Nov.
30. Mart.	8. Maii	18. Maii	29. Maii	27	30.
6. Apr.	15. Maii	25. Maii	5. Junii	26	30.
13. Apr.	22. Maii	1. Junii	12. Junii	25	30.
20. Apr.	29. Maii	8. Junii	19. Junii	24	30.
24. Mart.	2. Maii	12. Maii	23. Maii	28	1. Dec.
31. Mart.	9. Maii	19. Maii	30. Maii	27	1.
7. Apr.	16. Maii	26. Maii	6. Junii	26	1.
14. Apr.	23. Maii	2. Junii	13. Junii	25	1.
21. Apr.	30. Maii	9. Junii	20. Junii	24	1.
25. Mart.	3. Maii	13. Maii	24. Maii	28	2. Dec.
1. Apr.	10. Maii	20. Maii	31. Maii	27	2.
8. Apr.	17. Maii	27. Maii	7. Junii	26	2.
15. Apr.	24. Maii	3. Junii	14. Junii	25	2.
22. Apr.	31. Maii	10. Junii	21. Junii	24	2.
26. Mart.	4. Maii	14. Maii	25. Maii	28	3. Dec.
2. Apr.	11. Maii	21. Maii	1. Junii	27	3.
9. Apr.	18. Maii	28. Maii	8. Junii	26	3.
16. Apr.	25. Maii	4. Junii	15. Junii	25	3.
23. Apr.	1. Junii	11. Junii	22. Junii	24	3.
27. Mart.	5. Maii	15. Maii	26. Maii	27	27. Nov.
3. Apr.	12. Maii	22. Maii	2. Junii	26	27.
10. Apr.	19. Maii	29. Maii	9. Junii	25	27.
17. Apr.	26. Maii	5. Junii	16. Junii	24	27.
24. Apr.	2. Junii	12. Junii	23. Junii	23	27.
28. Mart.	6. Maii	16. Maii	27. Maii	27	28. Nov.
4. Apr.	13. Maii	23. Maii	3. Junii	26	28.
11. Apr.	20. Maii	30. Maii	10. Junii	25	28.
18. Apr.	27. Maii	6. Junii	17. Junii	24	28.
25. Apr.	3. Junii	13. Junii	24. Junii	23	28.

# FABELLA TEMPORALIA

An. Dñi.	Lit. Dom.	Aur. num.	Epact.	Septua- ges.	Dies Ciner.	Pasch
1864	c b	3	xxij	24 Jan.	10 Febr.	27 Mart.
1865	A	4	ij	12 Febr.	4 Mart.	16 Apr.
1866	g	5	xiv	28 Jan.	14 Febr.	4 Apr.
1867	f	6	xxv	17 Febr.	6 Mart.	24 Apr.
1868	e d	7	vj	9 Febr.	26 Febr.	12 Apr.
1869	c	8	xvii	24 Jan.	10 Febr.	28 Mart.
1870	b	9	xxviii	13 Febr.	2 Mart.	17 Apr.
1871	A	10	ix	5 Febr.	22 Febr.	9 Apr.
1872	g f	11	xx	28 Jan.	14 Febr.	31 Mart.
1873	e	12	j	9 Febr.	26 Febr.	15 Apr.
1874	d	13	xij	1 Febr.	18 Febr.	5 Apr.
1875	c	14	xxiij	24 Jan.	10 Febr.	28 Mart.
1876	b A	15	iv	13 Febr.	4 Mart.	16 Apr.
1877	g	16	xv	28 Jan.	14 Febr.	4 Apr.
1878	f	17	xxvj	17 Febr.	6 Mart.	21 Apr.
1879	e	18	vij	9 Febr.	26 Febr.	13 Apr.
1880	d c	19	xviiij	23 Jan.	11 Febr.	28 Mart.
1881	b	1	*	13 Febr.	2 Mart.	17 Apr.
1882	A	2	xj	5 Febr.	22 Febr.	9 Apr.
1883	g	3	xxij	24 Jan.	7 Febr.	23 Mart.
1884	f c	4	ij	10 Febr.	27 Febr.	15 Apr.
1885	d	5	xiv	4 Febr.	18 Febr.	5 Apr.
1886	c	6	xxv	21 Febr.	10 Mart.	23 Apr.
1887	b	7	vj	6 Febr.	23 Febr.	10 Apr.
1888	A g	8	xvij	29 Jan.	15 Febr.	1 Apr.
1889	f	9	xxviii	17 Febr.	6 Mart.	24 Apr.
1890	e	10	ix	2 Febr.	19 Febr.	6 Apr.
1891	d	11	xx	25 Jan.	11 Febr.	29 Mart
1892	c b	12	j	14 Febr.	2 Mart.	17 Apr.
1893	A	13	xij	29 Jan.	15 Febr.	2 Apr.
1894	g	14	xxiij	24 Jan.	7 Febr.	25 Mart.
1895	f	15	iv	10 Febr.	27 Febr.	14 Apr.
1896	e d	16	xv	2 Febr.	19 Febr.	5 Apr.
1897	c	17	xxvj	14 Febr.	5 Mart.	18 Apr.
1898	b	18	vij	6 Febr.	25 Febr.	10 Apr.



# FESTORUM MOBILIIUM.

Ascensio.	Penteco- stes.	Corpus Christi.	Ind.	Dom. p. P.	Dom. j. Advent.
5 Maii 25 Maii 40 Maii 50 Maii 21 Maii	15 Maii 4 Junii 20 Maii 9 Junii 31 Maii	26 Maii 15 Junii 31 Maii 20 Junii 11 Junii	7 8 9 10 11	27 25 27 24 25	27 Nov. 3 Dec. 2 Dec. 4 Dec. 29 Nov.
6 Maii 26 Maii 18 Maii 9 Maii 22 Maii	16 Maii 5 Junii 28 Maii 19 Maii 4 Junii	27 Maii 16 Junii 8 Junii 50 Maii 12 Junii	12 13 14 15 1	27 24 26 27 25	28 Nov. 27 Nov. 3 Dec. 4 Dec. 30 Nov.
11 Maii 6 Maii 25 Maii 10 Maii 50 Maii	24 Maii 16 Maii 4 Junii 20 Maii 9 Junii	4 Junii 27 Maii 15 Junii 31 Maii 20 Junii	2 3 4 5 6	26 27 25 27 24	29 Nov. 28 Nov. 5 Dec. 2 Dec. 4 Dec.
22 Maii 6 Maii 26 Maii 18 Maii 3 Maii	1 Junii 16 Maii 5 Junii 28 Maii 15 Maii	12 Junii 27 Maii 16 Junii 8 Junii 24 Maii	7 8 9 10 11	25 27 24 26 28	50 Nov. 28 Nov. 27 Nov. 3 Dec. 2 Dec.
22 Maii 14 Maii 5 Junii 19 Maii 10 Maii	4 Junii 24 Maii 15 Junii 29 Maii 20 Maii	12 Junii 4 Junii 24 Junii 9 Junii 51 Maii	12 13 14 15 1	25 26 23 25 27	30 Nov. 29 Nov. 28 Nov. 27 Nov. 2 Dec.
50 Maii 15 Maii 7 Maii 26 Maii 11 Maii	9 Junii 25 Maii 17 Maii 5 Junii 21 Maii	20 Junii 5 Junii 28 Maii 16 Junii 4 Junii	2 3 4 5 6	24 26 27 24 27	4 Dec. 50 Nov. 29 Nov. 27 Nov. 3 Dec.
3 Maii 23 Maii 14 Maii 27 Maii 19 Maii	15 Maii 2 Junii 24 Maii 6 Junii 29 Maii	24 Maii 17 Junii 4 Junii 17 Junii 9 Junii	7 8 9 10 11	28 25 26 24 25	2 Dec. 4 Dec. 29 Nov. 28 Nov. 27 Nov.

# JANUARIUS.

C. E. L. D.

D. M.

	*	A	kal.	1	Circumcisio Domini. dup. 2. cl.
	29	b	iv	2	Octava S. Stephani. dupl.
	28	c	iiij	3	Oct. S. Joannis Apost. dupl.
	27	d	Prid.	4	Oct. SS. Innocentium. dupl.
	26	e	Non.	5	Vigilia Epiph. semiduplex. Com. S. Telesphori Papæ Mart.
25.	25	f	viiij	6	Epiphania Domini. dupl. 1. cl.
	24	g	vij	7	De Octava Epiphaniæ.
	23	A	vj	8	De Octava.
	22	b	v	9	De Octava.
	21	c	iv	10	De Octava.
	20	d	iiij	11	De Oct. Com. S. Hygini P. M.
	19	e	Prid.	12	De Octava.
	18	f	Idib.	13	Octava Epiphaniæ. duplex. * Domin. ij. post Epiphan. Festum SS. Nominis Jesu. dupl. 2. cl.
	17	g	xix	14	Hilarii Ep., Conf. et Doct. duplex. Com. S. Felicis Presb. et M.
	16	A	xviiij	15	Pauli 1 Erem. dup. Com. S. Mauri A.
	15	b	xvij	16	Marcelli Papæ Mart. semid.
	14	c	xvj	17	Antonii Abbatis. duplex.
	13	d	xv	18	Cathedra S. Petri Rom. dup. maj. Com. S. Priscæ V. et M.
	12	e	xiv	19	Canuti Regis et Mart. semidup. ad lib. Com. SS. Marii, etc.
	11	f	xiiij	20	Fabiani et Sebastiani MM. duplex.
	10	g	xij	21	Agnetis Virg. et Mart. duplex.
	9	A	xj	22	Vincentii et Anastasii M. semid.
	8	b	x	23	Raymundi de Pennaf. Conf. semid. Com. S. Emerentianæ V. et M.
	7	c	ix	24	Timothei Episc. et Mart. duplex.
	6	d	viiij	25	Conversio S. Pauli Apost. duplex majus.
	5	e	vij	26	Polycarpi Episc. et Mart. duplex.
	4	f	vj	27	Joannis Chrys. Ep., C. et D. dupl.
	3	g	v	28	Agnetis secundo.
	2	A	iv	29	Francisci Salesii Ep. Conf. duplex.
	1	b	iiij	30	Martinæ Virg. et Mart. semid.
	*	c	Prid.	31	Petri Nolasci Conf. duplex.

# FEBRUARIUS.

C.E. L.D.			D.M.	
29	d	Kal.	1	Ignatii Episc. et Mart. <b>duplex.</b>
28	e	iv	2	<b>Purificatio B. M. V.</b> dup. 2. cl.
27	f	iiij	3	Blasii Episcopi et Martyris.
25. 26	g	<b>Prid.</b>	4	Andreae Corsini Episc. et Conf. <b>dup.</b>
25. 24	A	<b>Non.</b>	5	Agathæ Virg. et Mart. <b>duplex.</b>
23	b	viiij	6	Titi Episc. et Conf. <b>duplex. cum</b> <b>com.</b> S. Dorotheæ V. et M.
22	c	vij	7	Romualdi Abbatis. <b>duplex.</b>
21	d	vj	8	Joannis de Matha Conf. <b>duplex.</b>
20	e	v	9	Apolloniæ Virg. et Mart.
19	f	iv	10	Scholasticæ Virginis. <b>duplex.</b>
18	g	iiij	11	
17	A	<b>Prid.</b>	12	
16	b	<b>Idib.</b>	13	
15	c	xvj	14	Valentini Presb. et Mart.
14	d	xv	15	Faustini et Jovitæ Mart.
13	e	xiv	16	
12	f	xiiij	17	
11	g	xij	18	Simeonis Episc. et Mart.
10	A	xj	19	
9	b	x	20	
8	c	ix	21	
7	d	viiij	22	<b>Cath. S. Petri Antioch.</b> dup maj.
6	e	vij	23	Petri Damiani Ep., Conf. et Doct. <b>duplex. Com. Vig.</b>
5	f	vj	24	<b>Mathiæ Apostoli.</b> dupl. 2. cl.
4	g	v	25	
3	A	iv	26	
2	b	iiij.	27	
1	c	<b>Prid.</b>	28	

In anno Bissextili Februarius est dierum 29, et Festum S. Mathiæ celebratur 25. Februarii, et bis dicitur Sexto Kalendas, id est, die 24 et die 25. et littera Dominicalis, quæ assumpta fuit in mense Januario, mutatur in præcedentem: ut, si in Januario Littera Dominicalis fuerit A, mutatur in præcedentem, quæ est g, etc. et littera f his servit 24 et 25.

# MARTIUS.

C.E. L.D.		D.M.	
*	d	Kal.	1
29	e	vj	2
28	f	v	3
27	g	iv	4
			Casimiri Conf. <b>semid.</b> Commem. S. Lucii Papæ et Mart.
26	A	iiij	5
25	b	Prid.	6
24	c	Non.	7
			Thomæ de Aquino Conf. et Doct. <b>duplex.</b> Com. SS. Perpetuæ et Felicitatis Mart.
23	d	viiij	8
22	e	vij	9
21	f	vj	10
20	g	v	11
19	A	iv	12
			Gregorii Papæ, Conf. et D. <b>dupl.</b> * Feria vj. post Domin. Passionis. <b>Festum septem Dolorum B.M.V.</b> <b>duplex maj.</b>
18	b	iiij	13
17	c	Prid.	14
16	d	Idib.	15
15	e	xvij	16
14	f	xvj	17
13	g	xv	18
12	A	xiv	19
11	b	xiiij	20
10	c	xij	21
9	d	xj	22
8	e	x	23
7	f	ix	24
6	g	viiij	25
5	A	vij	26
4	b	vj	27
3	c	v	28
2	d	iv	29
1	e	iiij	30
*	f	Prid.	31
			Annunt. B. M. V. <b>duplex 2. class.</b>
			Joseph Confessoris. <b>dup. 2. class.</b>
			Benedicti Abbatis. <b>duplex.</b>

# APRILIS.

C.E. L.D.

D.M.

29	g	Kal.	1	
28	A	iv	2	Francisci de Paula Conf. duplex.
27	b	iiij	3	
25. 26	c	Prid.	4	Isidori Ep., Conf. et Doct. duplex.
25. 24	d	Non.	5	Vincentii Ferr. Conf. duplex.
23	e	viiij	6	
22	f	vij	7	
21	g	vj	8	
20	A	v	9	
19	b	iv	10	
18	e	iiij	11	Leonis Papæ, Conf. et Doct. Dupl. * Dom. iiij. post Pascha. Festum Patrocinii S. Joseph duplex 2. classis.
17	d	Prid.	12	
16	e	Idib.	13	Hermenegildi Mart. semid.
15	f	xviiij	14	Tiburtii, Valeriani et Maximi, Mart.
14	g	xviij	15	
13	A	xvj	16	
12	b	xv	17	Aniceti Papæ et Mart.
11	c	xiv	18	
10	d	xiiij	19	
9	e	xij	20	
8	f	xj	21	Anselmi Episc., Confess. et Doct. duplex.
7	g	x	22	Soteris et Caji PP. MM. semid.
6	A	ix	23	Georgii Mart. semid.
5	b	viiij	24	Fidelis a Sigmaringa Mart. dupl.
4	c	vij	25	Marci Evangelistæ. dup. 2. cl.
3	d	vj	26	Cleti et Marcellini Pont. et Mart. semid.
2	e	v	27	
1	f	iv	28	Vitalis Mart.
*	g	iiij	29	Petri Mart. duplex.
29	A	Prid.	30	Catharinæ Senensis Virg. duplex.

# MAJUS.

C. E. L. D.

D. M.

28	b	Kal.	1	Philippi et Jacobi Ap. dup. 2. cl.
27	c	vj	2	Athanasii Ep., Conf. et Doct. dupl.
26	d	v	3	In v. S. Crucis. d. 2. cl. Com. S. Alexandri, etc. M. ac Juvenalis E. C.
25. 25	e	iv	4	Monicæ Viduæ. duplex.
24	f	iiij	5	Pii V. Papæ et Conf. duplex.
23	g	Prid.	6	Joan. ante Port. Lat. dup. maj.
22	A	Non.	7	Stanislai Episc. et Mart. duplex.
21	b	viiij	8	App. S. Michaelis Arch. dup. maj.
20	c	vij	9	Gregorii Naz. Ep., C. et D. dup.
19	d	vj	10	Antonini Ep. et Conf. dupl. Com. SS. Gordiani et Epimachi Mart.
18	e	v	11	
17	f	iv	12	Nerei, Achillei, Domitillæ Virg. atque Pancratii MM. semid.
16	g	iiij	13	
15	A	Prid.	14	Bonifacii Mart.
14	b	Idib.	15	
13	c	xvij	16	Ubaldi Episc. Conf. semid.
12	d	xvj	17	Paschalis Baylon Conf. dupl.
11	e	xv	18	Venantii Mart. dupl.
10	f	xiv	19	Petri Cœlestini Pap. et Conf. dupl. Com. S. Pudencianæ Virg.
9	g	xiiij	20	Bernardini Senensis Conf. semid.
8	A	xij	21	
7	b	xj	22	
6	c	x	23	
5	d	ix	24	
4	e	viiij	25	Gregorii VII. Papæ et Conf. dupl. Com. S. Urbani Papæ et Mart.
3	f	vij	26	Philippi Nerii Conf. dupl. Com. S. Eleutherii Papæ et Mart.
2	g	vj	27	Mariæ Magd. de Pazz. Virg. Semid. Com. S. Joannis Papæ Mart.
1	A	v	28	
*	b	iv	29	
29	c	iiij	30	Felicis Papæ et Mart.
28	d	Prid.	31	Angelæ Mer. V. d. Com. Petronillæ.
				* Fer. vj. post Oct. Corp. Christi. Festum SS. Cordis Jesu dup. maj.

# JUNIUS.

C. E. L. D.		D. M.	
27	e	Kal.	1
25. 26	f	iv	2 Marcellini, Petri, atque Erasmi Mart.
25. 24	g	iiij	3
23	A	Prid.	4 Francisci Caracc. Conf. <i>dupl.</i>
22	b	Non.	5
21	c	viiij	6 Norberti Ep. et Conf. <i>dupl.</i>
20	d	vij	7
19	e	vj	8
18	f	v	9 Primi et Feliciani Mart.
17	g	iv	10 Margaritæ Reg. Scot. <i>semid.</i>
16	A	iiij	11 Barnabæ Apostoli. <i>dup. maj.</i>
15	b	Prid.	12 Joannis a S. Facundo Conf. <i>dup.</i> Com. SS. Basilidis, etc.
14	c	Idib.	13 Antonii de Padua Conf. <i>dupl.</i>
13	d	xviiij	14 Basilii Magni E., C. et D. <i>dupl.</i>
12	e	xvij	15 Viti, Modesti, atque Crescentii M.
11	f	xvj	16
10	g	xv	17
9	A	xiv	18 Marci et Marcelliani Mart.
8	b	xiiij	19 Julianæ de Falconeriis Virg. <i>dup.</i> Commem. SS. Gervasii et Protasii Mart.
7	c	xij	20 Silverii Papæ et Mart.
6	d	xj	21 Aloysii Gonzagæ Conf. <i>dupl.</i>
5	e	x	22 Paulini Episc. et Conf.
4	f	ix	23 Vigilia.
3	g	viiij	24 Nativitas S. Joannis Baptistæ. <i>dup.</i> 4. cl.
2	A	vij	25 Gulielmi Abb. <i>dupl.</i> Com. Oct.
1	b	vj	26 Joannis et Pauli Mart. <i>dupl.</i> Com. Oct.
*	c	v	27 De Oct. Nativ. S. Joannis.
29	d	iv	28 Leonis Papæ et Conf. <i>semid.</i> Com. Oct. et Vigiliæ.
28	e	iiij	29 Petri et Pauli Ap. <i>dupl.</i> 4. cl.
27	f	Prid.	30 Com. S. Pauli Apost. <i>dup.</i> Com. S. Petri, et Oct. S. Joannis.

# JULIUS.

C. E. L. D.

D. M.

			<i>* Dom. j. Pret. Sang. D. N. J. C. d. 2. cl.</i>
26	g	Kal.	1 Oct. S. Joan. Bapt. <i>dup</i> Com. Oct. Ap.
25. 25	A	vj	2 <i>Visitatio B. M. V. d. 2. cl. Com.</i>
			SS. Processi et Martiniani MM.
24	b	v	3 De Octava.
23	c	iv	4 De Octava.
22	d	iiij	5 De Octava.
21	e	<i>Prid.</i>	6 Oct. Ap. Petri et Pauli. <i>dup.</i>
20	f	<i>Non.</i>	7
19	g	viiij	8 Elisabeth Reg. Portug. Vid. <i>semid.</i>
18	A	vij	9
17	b	vj	10 7 Fratrum et SS. Rufinæ ac Secundæ Mart. <i>semid.</i>
16	c	v	11 Pii Papæ et Mart.
15	d	iv	12 Joannis Gualb. Abb. <i>dupl.</i> Com.
			SS. Naboris et Felicis Mart.
14	e	iiij	13 Anacleti Papæ et Mart. <i>semid.</i>
13	f	<i>Prid.</i>	14 Bonaventuræ Ep., C. et Doct. <i>dupl.</i>
12	g	<i>Idib.</i>	15 Henrici Imper. Conf. <i>semid.</i>
11	A	xvij	16 <i>B. M. V. de Monte Carm.</i> <i>dup.</i> maj.
10	b	xvj	17 Alexii Conf. <i>semid.</i>
9	c	xv	18 Camilli de Lellis C. <i>dupl.</i> Com. S.
			Symphorosæ cum 7 filiis MM.
8	d	xiv	19 Vincentii a Paulo Conf. <i>dupl.</i>
7	e	xiiij	20 Hier. Æmil. C. <i>d</i> Com. S. Marg. V. M.
6	f	xij	21 Praxedis Virginis.
5	g	xj	22 Mariæ Magdalænæ. <i>dup.</i>
4	A	x	23 Apollinaris Episc. et Mart. <i>dup.</i>
			Com. S. Liborii Ep. et C.
3	b	ix	24 Vig. et Com. S. Christinæ V. et M.
2	c	viiij	25 <i>Jacobi Apost.</i> duplex 2. cl. Com.
			S. Christophori Mart.
1	d	vij	26 <i>Annæ Matris B. M. V.</i> <i>dup.</i> maj.
*	e	vj	27 Pantaleonis Mart.
29	f	v	28 Nazarii, Celsi et Victoris Mart. ac
			Innocentii Papæ et Conf. <i>semid.</i>
28	g	iv	29 Marthæ Virg. <i>semid.</i> Com. SS. Felicis, Simplicii, etc. MM.
27	A	iiij	30 Abdon et Sennen Mart.
26. 26	b	<i>Prid.</i>	31 Ignatii Conf. <i>duplex.</i>



# AUGUSTUS.

C. E. L. D.

D. M.

25. 24	c	Kal.	1	Petri ad Vincula. dup. maj. Com. SS. Machabæorum Mart.
23	d	iv	2	Alphonsi Mariæ de Lig. Ep. Conf. dup. Com. S. Stephani P. et M.
22	e	iiij	3	Inventio S. Stephani Protom. <b>semid.</b>
21	f	Prid.	4	Dominici Conf. <b>duplex.</b>
20	g	Non.	5	<b>Dedic. S. Mariæ ad Nives.</b> dup. maj.
19	A	viiij	6	<b>Transfig. Domini.</b> dupl. maj. Com. SS. Xysti, etc. Mart.
18	b	vij	7	Cajetani Thienæi Conf. <b>duplex.</b> Com. S. Donati Episc. et Mart.
17	c	vj	8	Cyriaci, Largi et Smarag. M. <b>semid.</b>
16	d	v	9	Vigilia. Com. S. Romani M.
15	e	iv	10	<b>Laurentii Mart.</b> dupl. 2. cl.
14	f	iiij	11	De Oct. Com. SS. Tiburt. et Susan. M.
13	g	Prid.	12	Claræ Virg. <b>dupl.</b> Com. Oct.
12	A	Idib.	13	De Oct. Com. SS. Hipp. et Cass. M.
11	b	xix	14	De Oct. Com. Vig. et S. Eusebii Conf.
10	c	xviiij	15	<b>Assumptio B. M. V.</b> dupl. 1. cl. * Dom. inf. Oct. <b>S. Joachim C.</b> d. maj.
9	d	xvij	16	Hyacinthi Conf. <b>dup.</b> Com. Oct.
8	e	xvj	17	Oct. S. Laurentii. <b>dupl.</b> Com. Oct.
7	f	xv	18	De Oct. Com. S. Agapiti M.
6	g	xiv	19	De Octava.
5	A	xiiij	20	Bernardi Abb. et D. <b>dup.</b> Com. Oct.
4	b	xij	21	Joannæ Franc. <b>dupl.</b> Com. Oct.
3	c	xj	22	Oct. Assumpt. B. M. <b>dupl.</b> Com. SS. Timothei, etc. Mart.
2	d	x	23	Phil. Ben. Conf. <b>dupl.</b> Com. Vig.
1	e	ix	24	<b>Bartholomæi Ap.</b> d. 2. cl. Rom. 25.
*	f	viiij	25	Ludovici Regis Franc. Conf. <b>semid.</b> <b>In Gallia, duplex. Romæ 26.</b>
29	g	vij	26	Zephyrini Papæ et Mart.
28	A	vj	27	Josephi Calasancetii Conf. <b>dupl.</b>
27	b	v	28	Augustini Ep., Conf. et Doct. <b>dupl.</b> Com. S. Hermetis Mart.
26	c	iv	29	<b>Decollatio S. Joannis Bapt.</b> dup. maj. Com. S. Sabinæ M.
25. 25	d	iiij	30	Rosæ V. Lim. d. Com. S. Felic. etc. M.
24	e	Prid	31	Raymundi Nonnati Conf. <b>dupl.</b>

AUTUMNALIS.

\*\*\*

# SEPTEMBER.

C.E. L.D.

D.M.

23	f	Kal.	1	Ægidii Abb. Com. SS. 12. Fr. MM.
22	g	iv	2	Stephani Regis Conf. <i>semid.</i>
21	A	iiij	3	
20	b	Prid.	4	
19	c	Non.	5	Laurentii Justin. Ep. C. <i>semid.</i>
18	d	viiij	6	
17	e	vij	7	
16	f	vj	8	Nativitatis B. M. V. duplex 2. cl. Com. S. Adriani Mart. * Dom. infra Oct. <i>Festum SS. Nominis B. M.</i> dupl. maj.
15	g	v	9	De Oct. Com. S. Gorgonii Mart.
14	A	iv	10	Nicolai de Tol. C. <i>dup.</i> Com. Oct.
13	b	iiij	11	De Oct. Com. SS. Proti, etc. Mart.
12	c	Prid.	12	De Octava.
11	d	Idib.	13	De Octava.
10	e	xviiij	14	<i>Exalt. S. Crucis.</i> d. m. Com. Oct.
9	f	xvij	15	Octava Nativit. B. Mariæ. <i>duplex.</i> Com. S. Nicomedis Mart. * Dom. iiij. <i>vel</i> iv. <i>Festum 7. Dolo- rum B. M. V.</i> duplex majus.
8	g	xvj	16	Cornelii et Cypriani P. et Mart. <i>semid.</i> Com. S. Euphemiæ, etc.
7	A	xv	17	Impress. Stigm. S. Franc. <i>dupl.</i>
6	b	xiv	18	Josephi a Cupert. Conf. <i>dupl.</i>
5	c	xiiij	19	Januarii Ep. et Soc. Mart. <i>dupl.</i>
4	d	xij	20	Eustachii et Soc. M. <i>dup.</i> Com. Vig.
3	e	xj	21	<i>Matthæi Ap. et Ev.</i> dup. 2. cl.
2	f	x	22	Thomæ a Villanova Ep. et C. <i>dup.</i> Com. SS. Mauriti et Soc. Mart.
1	g	ix	23	Lini Papæ et Mart. <i>semid.</i> Com. S. Theclæ Virg. et Mart.
*	A	viiij	24	<i>B. M. de Mercede.</i> dup. maj.
29	b	vij	25	
28	c	vj	26	Cypriani et Justinæ Mart.
27	d	v	27	Cosmæ et Damiani MM. <i>semid.</i>
25. 26	e	iv	28	Wenceslai Ducis et Mart. <i>semid.</i>
25. 24	f	iiij	29	<i>Dedic. S. Michaelis Arch.</i> d. 2. cl.
23	g	Prid.	30	Hieronymi Presb. et Doct. <i>dup.</i>

# OCTOBER.

C.E.L.D.

D.M.

			<sup>*</sup> Dominica j. SS. Rosarii B. M. dup. maj.
22	A	Kal.	1 Remigii Ep. et C. sem. ad lib. vel simpl. de præc. In Gallia. dup.
21	b	vj	2 Angelorum Custodum. dupl.
20	c	v	3
19	d	iv	4 Francisci Conf. dupl.
18	e	iiij	5 Placidi et Sociorum Mart.
17	f	Prid.	6 Brunonis Conf. dupl.
16	g	Non.	7 Marci Papæ et Conf. Commemor. SS. Sergii, etc. Mart.
15	A	viiij	8 Birgittæ Viduæ. dupl.
14	b	vij	9 Dionysii, Rustici et Eleutherii MM. semid.
13	c	vj	10 Francisci Borgiæ Conf. semid.
12	d	v	11
11	e	iv	12
10	f	iiij	13 Eduardi Regis et Conf. semid.
9	g	Prid.	14 Callisti Papæ et Mart. duplex.
8	A	Idib.	15 Teresiæ Virginis. duplex.
7	b	xvij	16
6	c	xvj	17 Hedwigis Viduæ. semid.
5	d	xv	18 Lucæ Evang. dup. 2. cl.
4	e	xiv	19 Petri de Alcant. Conf. duplex.
3	f	xiiij	20 Joannis Cantii Conf. duplex.
2	g	xij	21 Hilarionis Abb. Com. SS. Ursulæ et Soc. Virg. et Mart.
1	A	xj	22
<sup>*</sup>	b	x	23
29	c	ix	24
28	d	viiij	25 Chrysanthi et Dariæ Mart.
27	e	vij	26 Evaristi Papæ et Mart.
26	f	vj	27 Vigilia.
25	g	v	28 Simonis et Judæ Ap. dup. 2. cl.
25. 24	A	iv	29
23	b	iiij	30
22	c	Prid.	31 Vigilia.

# NOVEMBER.

C. E. L. D.

D. M.

21	d	Kal.	1	Festum omnium Sanct. dupl. 1. cl.
20	e	iv	2	Com. omnium Fidelium Defunct. dupl. et de Oct. omnium Sanct.
19	f	iiij	3	De Octava.
18	g	Prid.	4	Caroli Episc. Conf. dupl. Com. Oct. et S. Vitalis, etc. MM.
17	A	Non.	5	De Octava.
16	b	viiij	6	De Octava.
15	c	vij	7	De Octava.
14	d	vj	8	Oct. omnium Sanct. dupl. Com. SS. Quatuor Coronat. Mart.
13	e	v	9	Dedic. Basilicæ Salvatoris. dupl. Com. S. Theodori Mart.
12	f	iv	10	Andreas Avellini Conf. semid. Com. SS. Tryphonis, etc. MM.
11	g	iiij	11	Martini Episc. et Conf. duplex. Com. S. Mennæ Mart.
10	A	Prid.	12	Martini Papæ et M. semid.
9	b	Idib.	13	Didaci Confessoris. semid.
8	c	xviiij	14	
7	d	xvij	15	Gertrudis Virginis. duplex.
6	e	xvj	16	
5	f	xv	17	Gregorii Thaum. Ep. et C. sem.
4	g	xiv	18	Ded. Basil. SS. Petri et Pauli. dupl.
3	A	xiiij	19	Elisabeth Viduæ. dupl. Comm. S. Pontiani Papæ et Mart.
2	b	xij	20	Felicis de Valois Conf. dupl.
1	c	xj	21	Præsentatio B. M. V. dupl. majus.
*	d	x	22	Cæcilie Virg. et Mart. dupl.
29	e	ix	23	Clementis Papæ et Mart. duplex. Com. S. Felicitatis Mart.
28	f	viiij	24	Joannis a Cruce Conf. duplex. Com. S. Chrysogoni Mart.
27	g	vij	25	Catharinæ Virg. et M. dupl.
25, 26	A	vj	26	Petri Alexandrini Ep. et Mart.
25, 24	b	v	27	
23	c	iv	28	
22	d	iiij	29	Vigilia. Com. S. Saturnini Mart.
21	e	Prid.	30	Andreas Apostoli. dupl. 2. cl.

# DECEMBER.

C. E. L. D.

D. M.

20	f	Kal.	4	
19	g	iv	2	Bibianæ Virg. et Mart. <b>semid.</b>
18	A	iiij	3	Francisci Xaverii Conf. <b>duplex.</b>
17	b	Prid.	4	Petri Chrysol. Ep., Conf. et Doct. <b>dupl.</b> Com. S. Barbaræ V. Mart.
16	c	Non.	5	Sabbæ Abbatis Com.
15	d	viiij	6	Nicolai Ep. et Conf. <b>duplex.</b>
14	e	vij	7	Ambrosii Ep., Conf. et Doct. <b>dupl.</b>
13	f	vj	8	Immac. Concept. B. M. V. d. 2. cl.
12	g	v	9	De Octava.
11	A	iv	10	De Oct. Com. S. Melchiadis.
10	b	iiij	11	Damasi P. C. <b>semid.</b> Com. Oct.
9	c	Prid.	12	De Octava.
8	d	Idib.	13	Luciæ V. M. <b>dupl.</b> Com. Oct.
7	e	xix	14	De Octava.
6	f	xviiij	15	Octava Imm. Conc. <b>Dupl.</b>
5	g	xvij	16	Eusebii Ep. et Mart. <b>semid.</b>
4	A	xvj	17	
3	b	xv	18	
2	c	xiv	19	
1	d	xiiij	20	Vigilia.
*	e	xij	21	Thomæ Apostoli. <b>dup.</b> 2. cl.
29	f	xj	22	
28	g	x	23	
27	A	ix	24	Vigilia.
26	b	viiij	25	Nativitas B. N. J. C. <b>dupl.</b> 1. cl.
25. 25	c	vij	26	Stephani Protomart. <b>dupl.</b> 2. cl. Com. Oct.
24	d	vj	27	Joannis Ap. et Evang. <b>dupl.</b> 2. cl. Com. Octavarum.
23	e	v	28	SS. Innocentium. <b>dupl.</b> 2. classis. Com. Octavarum.
22	f	iv	29	Thomæ Cantuariensis Episc. et Mart. <b>semid.</b> Com. Octavarum.
21	g	iiij	30	De Dom. infra Oct. Nativ. vel de Oct. cum Com. Octavarum.
19. 20	A	Prid.	31	Silvestri P. et C. <b>dup.</b> Com. Oct.

Hæc Epacta 49. nigra numquam est in usu, nisi quando eodem anno concurrat cum Aureo numero xix.

## DUAE TABELLÆ

### EX SUPERIORIBUS RUBRICIS EXCERPTÆ.

In quarum prima statim videri poterit, de quo celebrandum erit Officium, si plura eodem die Festa occurrant.

In secunda vero, quomodo Officium præcedens concurrat in Vesp. cum Officio sequentis diei.

**Ex utraque Tabella hoc ordine reperietur quod quæritur.**

Primum inveniatur numerus positus in quadrangulo illo, in quo Festa, de quibus est controversia, sibi invicem occurrunt, deinde legatur Regula juxta dictum numerum descripta, et ex ea clare videbitur, quid sit agendum.

Exempli gratia. Quadrangulus, in quo sibi invicem occurrunt Duplex j. classis, et Dñica j. cl., erit qui est in angulo superiori primæ Tabellæ, in quo signatus est numerus 4. quia si ad eum tam Duplex, quam Dñica prædicta ex eorum locis recto tramite pergerent, in eo sibi invicem occurrerent. Regula autem juxta dictum numerum apposita sic habet: 4. **Translatio de primo, Officium de secundo.** Id est, Duplex j. classis prædictum transferatur, et Officium fiat de Dñica j. classis: quia cum in his Regulis dicitur, De primo, seu præcedenti; intelligitur de Festo in superiori parte Tabellæ appposito, ut Duplex prædictum, cum de secundo vel sequenti,

de Festo in inferiori parte sub numeris appposito ut Dominica prædicta.

In aliquibus autem quadrangulis nullus appositus est numerus, vel quia nullus occursum neque concursus esse potest, vel quia in propriis locis annotatur in Breviario quid sit agendum.

Scire tamen oportet, quæ sint Duplicia primæ et secundæ classis, et majora per annum, et quæ Dominicæ et Feriæ majores dicantur.

#### DUPLICIA PRIMÆ CLASSIS,

**In quibus nulla fit commemoratio quorumcumque Festorum occurr. nisi prout supra in Rubricis.**

Nativitas Domini.

Epiphania Domini.

Pascha Resurrectionis, cum tribus anteced. et duobus sequent. diebus.

Ascensio Domini.

Pentec., cum duobus sequent. diebus.

Festum Corporis Christi.

Nativitas S. Joannis Baptistæ.

Festum SS. Apost. Petri et Pauli.

Assumptio B. Mariæ Virginis.

Festum Omnium Sanctorum.

Indicatio propriæ Ecclesiæ.

Patronus, vel Titulus Ecclesiæ.

#### DUPLICIA SECUNDÆ CLASSIS,

**In quibus de Simplicibus fit commemoratio in Laudibus tantum.**

Circumcisio Domini.

**F**estum sanctissimi Nominis  
 Jesu.  
**F**estum sanctissimæ Trinita-  
 tis.  
**F**estum Pretios. Sang. D. N.  
 J. C.  
**P**urificatio }  
**A**nnuntiatio } B. Mariæ Virg.  
**V**isitatio }  
**N**ativitas }  
**C**onceptio Imm. }  
**N**atalitia duodecim Apostolo-  
 rum.

**F**esta Evangelistarum.  
**F**esta S. Stephani Protomart.  
 et SS. Innocentium.  
**F**estum S. Joseph.  
**P**atrocinium S. Joseph.  
**I**nventio sanctæ Crucis.  
**F**estum Sancti Laurentii.  
**D**edicatio S. Michaelis Archan-  
 geli.

DOMINICÆ MAJORES  
 dividuntur in duas classes.

DOMINICÆ PRIMÆ CLASSIS,  
 Quæ nunquam omittuntur.

**P**rima Adventus.  
**P**rima Quadragesimæ.  
**P**assionis.  
**P**almarum.  
**P**aschæ.  
**I**n Albis.  
**P**entecostes.  
**T**rinitatis.

DOMINICÆ SECUNDÆ  
 CLASSIS,

Quæ non omittuntur, nisi  
 occurrente Patrono vel Titu-  
 lari Ecclesiæ, et ejusdem De-  
 dicatione: et tunc de iis fit  
 semper commem. in utrisque  
 Vesperis et Laudibus.

**S**ecunda }  
**T**ertia } Adventus.  
**Q**uarta }  
**D**ominicæ } Septuagesimæ.  
 } Sexagesimæ.  
 } Quinquagesimæ.  
**S**ecunda }  
**T**ertia } Quadragesimæ.  
**Q**uarta }

DUPLICIA MAJORA PER

ANNUM,

Quæ aliis Duplicibus minori-  
 bus præferuntur.

**T**ransfiguratio Domini.  
**E**xaltatio S. Crucis.  
**F**estum vij. Dolorum  
**F**est. de Monte Carin. }  
**F**estum ad Nives } B. Mariæ.  
**F**estum SS. Nominis }  
**F**estum de Mercede }  
**F**estum SS. Rosarii }  
**P**ræsentatio  
**C**onversio S. Pauli Apostoli.  
**C**athedra S. Petri utraque.  
**F**estum S. Joannis ante Por-  
 tam Latinam.  
**A**pparitio S. Michaelis Archang.  
**F**estum SS. Cordis Jesu.  
**F**estum S. Barnabæ Apostoli.  
**F**estum S. Annæ Matris B. V.  
 Mariæ.  
**F**estum S. Petri ad Vincula.  
**F**estum S. Joachim Confes-  
 soris.  
**F**estum Decollat. S. Joannis  
 Baptistæ.  
**F**estum Patronorum minus  
 principalium.

FERIÆ MAJORES,  
 de quibus semper fit com.

Adventus.  
 Quadragesimæ.  
 Quatuor Temporum, et  
 Secunda Rogationum.



Notandum, quod Duplex quodcumque, etiam Patroni, et Tituli Ecclesiæ, vel Dedicationis ejusdem, occurrens in Vigiliis Nativitatis Domini et Pentecostes, in die Circumcisionis, in die octava Epiphaniæ, in Feria quarta Cinerum, ac in tota majori Hebdomada, et infra Octavas Paschæ et Pentecostes, in Ascensione Domini, in Festo Corporis Christi, in Festo Assumptionis B. Virginis, et omnium Sanctorum, transfertur.

Infra Octavam Epiphaniæ fit tantum de Patrono, vel Titulari Ecclesiæ, et ejusdem Dedicatione, cum commemoratione Octavæ: alia Festa transferuntur post Octavam.

Infra Octavam Corporis Christi Semiduplex transfertur, neque fit de Duplici translato, nisi sit j. vel ij. classis et de ea, quocumque adveniente Duplici, fit commemoratio.

Infra illas Octavas, in quibus fit de Festis occurrentibus, Semiduplex occurrens in Dominica, transfertur in proxime sequentem diem: quæ si fuerit impedita alio simili Festo, transfertur post Octavam.

De Octava Nativitatis Domini, Epiphaniæ et Corporis Christi, semper fit commemoratio, quocumque Festo in illis occurrente.

De aliis Octavis, quæ non sunt in Calendario, nihil fit a Feria v. Cinerum, usque ad Dominicam in Albis, et a Vigilia Pentecostes usque ad Festum SS. Trinitatis inclusive, et a die 17 Decembris usque ad Epiphaniam.

Dies Octavæ numquam transfertur: ideo quamquam Nativitas sancti Joannis Baptistæ occurrens in die Corporis Christi, transferatur in diem sequentem, non tamen transfertur Octava, sed de ea fit tantum commemoratio in Officio de Octava Corporis Christi.

Si occurrat, ut Patronus vel Titulus Ecclesiæ descriptus sit eodem die in Calendario cum aliis Sanctis, in ea Ecclesia fit tantum de Patrono vel Titulari absque commemoratione aliorum. Qui si in dicto Calendario descripti sint sub Officio Duplici, vel Semiduplici, transferuntur in primam diem simili Officio non impeditam, et de eis fiat Officium Semiduplex; nisi tamen sint de majoribus Festis, quia tunc de translato quoque fiet Officium Duplex, ac si proprio die celebraretur. Si vero in Calendario omnes sint tamquam Festum simplex, de aliis nihil fit.

De Feriis Adventus et Quadragesimæ, quando de eis non fit Officium, fit commemoratio in utrisque Vesperis et Laudibus cujuscumque Festi: de Quatuor Temporibus, de Feria secunda Rogationum, ac Vigiliis, in Laudibus tantum. Si vero aliqua Vigilia occurrat in Adventu, Quadragesima, et Quatuor Temporibus, vel in diebus Festorum Duplicium primæ classis, sive Patroni, vel Tituli, aut Dedicationis Ecclesiæ, de ea nihil fit, nec etiam in Laudibus.



Notandum, quod in primis Vesperis diei octavæ Ascensionis et Corporis Christi, totum Officium fit de Octava, cum commemoratione præcedentis Festi Duplicis, nisi fuerit Festum solenne principale, vel primæ, vel secundæ classis; quia tunc de Festo fieret Officium et commemoratio de Octava.

In secundis Vesperis diei Octavæ Epiphaniæ, Paschæ, Ascensionis, et Corporis Christi, de sequenti Duplici fit tantum commemoratio, nisi illud fuerit primæ vel secundæ classis seu Patronus vel Titulus, aut dedicatio Ecclesiæ, quia tunc de Festo fieret Officium, et de octava commemoratio. Et similiter die octava Corporis Christi in secundis Vesperis concurrente cum die octava S. Joannis Baptistæ, Vesperæ erunt de Octava Corporis Christi, cum commemoratione Octavæ S. Joannis.

In ij. Vesperis Duplicis secundæ classis non fit commem. de die infra Octavam, nisi quando de ea fieri debeat Officium die sequenti.

Cum plures sunt commemorationes, servetur hic ordo: De Duplici, de Dominica, de Semiduplici, de die infra Octavam, de Feria majori seu Vigilia, de sancta Maria in Sabbato, de Simplici.

---

## SI OCCURRAT

Duplex primæ classis, et

Duplex secundæ classis.

Duplex per annum.

Dies infra Octavam.

Dies Octavæ.

Semiduplex.

Simplex.

S. Maria in Sabbato.

Feria major.

Vigilia.

1. Translatio de primo, Officium de secundo.
2. Officium de primo, translatio de secundo.
3. Commemoratio de primo, Officium de secundo.
4. Officium de primo, commemoratio de secundo.
5. Nihil de primo, Officium de secundo.
6. Officium de primo, nihil de secundo.
7. Officium de digniori, commemoratio de minus digno.
8. Officium de digniori, translatio de minus digno.

# EODEM DIE.

6	4	0	6	2	4	6	2	2	8	4	4	1
4	4	0	4	2	4	6	2	8	1	4	1	1
4	4	0	4	2	1	4	8	1	1	4	1	1
4	4	0	4	3	3	7	3	5	5	3	3	3
4	4	0	4	2	7	4	2	3	3	4	3	3
4	4	0	4	8	1	4	1	1	1	1	1	1
3	3	3	0	3	3	3	3	3	5	3	3	3
5	5	0	4	0	0	0	0	0	0	0	0	0
6	0	6	4	3	3	3	3	3	3	0	0	0
0	5	6	4	3	3	3	3	3	5	0	0	0

Dominica primæ classis.

Dominica secundæ classis.

Dominica per annum.

Duplex primæ classis.

Duplex secundæ classis.

Duplex per annum.

Dies infra Octavam.

Dies Octavæ.

Semiduplex.

Simplex.

S. Maria in Sabbato.

Feria major.

Vigilia.

## QUANDO

Dominica major, seu j. et ij. classis cum

Dominica minor, seu per annum.

Duplex primæ classis.

Duplex secundæ classis.

Patronus seu Titulus Ecclesiæ.

Duplex per annum majus.

Duplex per annum minus.

Semiduplex.

Dies Octavæ.

Dies infra Octavam.

1. Totum de sequenti, nihil de præcedenti.
2. Totum de præcedenti, nihil de sequenti.
3. Totum de sequenti, commemoratio de præcedenti.
4. Totum de præcedenti, commemoratio de sequenti.
5. Capitulum de sequenti, commemoratio de præcedenti.
6. Totum de digniori, commemoratio de minus digno.  
Simplex, et S. Maria in Sabbato, Feria, et  
Vigilia non concurrunt.

# CONCURRIT.

0	4	3	4	4	3	3	3	3	3	0
0	4	3	4	4	3	3	1	1	1	0
2	2	4	2	4	4	4	0	4	6	4
4	4	4	4	4	4	4	3	6	3	4
2	2	4	2	4	4	4	0	4	0	4
4	4	4	4	4	4	6	1	3	1	4
4	4	5	4	4	5	3	1	3	1	4
4	5	3	4	5	3	3	1	1	1	5
4	4	5	4	4	5	3	1	3	1	4
0	0	3	4	5	3	3	1	1	1	5

Dominica quacunque.

Duplici primæ classis.

Duplici secundæ classis.

Patrono, seu Titulo Ecclesiæ.

Duplici per annum majore.

Duplici per annum minore.

Semiduplici.

Simplici.

Die Octavæ.

Die infra Octavam.

Sancta Maria in Sabbato.

# ORATIO

*Dicenda ante divinum Officium.*

**A**PERI, Dómine, os meum ad benedicéndum nomen sanctum tuum : munda quoque cor meum ab ómnibus vanis, pervérsis, et aliénis cogitatiónibus : intellectum illúmina, afféctum inflámma, ut digne, attén-te, ac devóte hoc Officium recitáre váleam, et exaudiri mérear ante conspéctum divínæ Majestátis tuæ. Per Christum Dóminum nostrum. *R.* Amen.


Dómine, in unióne illius divínæ intentiónis, qua ipse in terris laudes Deo persolvisti, has tibi Horas persólvo.

*Orationem sequentem devote post Officium recitanti-bus Leo Papa X. defectus et culpas in eo persolvendo ex humana fragilitate contractas indulsit ; et dicitur flexis genibus.*

**S**ACROSANCTÆ et individuæ Trinitáti, crucifixi Dómini nostri Jesu Christi humanitáti, beatissimæ et gloriosissimæ, sempérque Virgínis Mariæ fœcúndæ integritáti, et ómnium Sanctórum universitáti sit sempitérna laus, honor, virtus et glória ab omni creatúra, nobisque remissio ómnium peccatórum, per infinita sæcula sæculórum.

*R.* Amen.

*V.* Beáta viscera Mariæ Virgínis, quæ portavérunt ætérni Patris Filium. *R.* Et beáta úbera, quæ lactavérunt Christum Dóminum. *Pater noster.* *Ave María.*



# ABSOLUTIONES ET BENEDICTIONES

Dicendæ ante Lectiones in Officio novem et  
trium Lectionum.

In primo Nocturno , et pro  
ij. et v. Feria.

**Absolutio.**

**E**XAUDI, Dómine Jesu Chri-  
ste , preces servórum  
tuorum, et miserére nobis :  
qui cum Patre et Spíritu  
sancto vivis et regnas in  
sæcula sæculórum.

**R.** Amen.

**Benedictiones ,**

1. Benedictióne perpétua  
benedícat nos Pater æ-  
térnus. **R.** Amen.
2. Unigénitus Dei Filius  
nos benedicere et adju-  
vare dignétur.
3. Spíritus sancti grátia il-  
lúminet sensus et corda  
nostra.

In secundo Nocturno et pro  
iiij. et vj. Feria.

**Absolutio.**

**I**PSIUS píetas et misericór-  
dia nos ádjuvet , qui cum  
Patre et Spíritu sancto vivit  
et regnat in sæcula sæcu-  
lórum.

**R.** Amen.

**Benedictiones.**

1. Deus Pater omnípotens

sit nobis propítius et  
clemens. **R.** Amen.

5. Christus perpétuæ det  
nobis gaudia vitæ.
6. Ignem sui amoris ac-  
céndat Deus in córdibus  
nostris.

In tertio Nocturno , et pro  
Feria iv. et Sabbato.

**Absolutio.**

**A** vínculis peccatórum no-  
strórum absólvat nos  
omnípotens et miséricors  
Dóminus. **R.** Amen.

**Benedictiones.**

7. Evangélica léctio sit no-  
bis salus et protéctio.  
**R.** Amen.
8. Divinum auxílium má-  
neat semper nobíscum.
9. Ad societátem civium  
supernórum perdúcat  
nos Rex Angelórum.

Si Officium fit de Sancto ix.  
Lect. , octava Benedictio  
erit :

Cujus Festum cólinus  
ipse, vel ipsa intercédat pro  
nobis ad Dóminum.

Quando sunt plures, dici-  
tur, Quorum , vel Quarum

Festum cólimus, ipsi, vel ipsæ intercédant pro nobis ad Dóminum.

Si Officium sit de sancta Maria, octava Benedictio erit:

Cujus Festum cólimus, ipsa Virgo vîrginum intercédant pro nobis ad Dóminum.

Si in ultima Lectione legendum sit aliud Evangelium cum Homilia, nona Benedictio erit :

Per evangélica dicta deleántur nostra delicta.

In Officio iij Lect. dicuntur Absolutiones et Benedictiones prædictæ, ordine superius in Rubricis generalibus, et in prima Dominica de Adventu descripto, et in eo, quando non legitur Homilia cum Evangelio, et Benedictiones sumendæ sunt ex iij. Noct., prima Benedictio erit:

1. Ille nos benedicat, qui sine fine vivit et regnat.

2. Divinum auxilium.

3. Ad societâtem.

In Officio trium Lectionum, quando legitur Homilia cum Evangelio, prima Benedictio erit :

1. Evangélica lécitio.

2. Divinum auxilium.

3. Ad societâtem.

Si Officium sit de Sancto trium Lectionum, prima Benedictio erit :

1. Ille nos benedicat, qui sine fine vivit et regnat.

2. Cujus, vel Quorum.

3. Ad societâtem.

In Officio de sancta Maria in Sabbato, Absolutio, et Benedictiones quæ ibidem ponuntur.



# PSALTERIUM

DISPOSITUM

## PER HEBDOMADAM

CUM ORDINARIO OFFICII DE TEMPORE.

---

### DOMINICA AD MATUTINUM.

Ante Matutinum, et omnes Horas, præterquam ad Completorium, dicitur secreto :

**P**ATER noster, qui es in cœlis, sanctificetur nomen tuum : advéniat regnum tuum : fiat volûntas tua, sicut in cœlo, et in terra. Panem nostrum quotidiân timer da nobis hodie : et dimitte nobis débita nostra, sicut et nos dimittimus debitôribus nostris : et ne nos inducas in tentationem ; sed libera nos a malo. Amen.

**A**VE Maria, grâtia plena : Dominus tecum : benedicta tu in mulieribus, et benedictus fructus ventris tui Jesus. Sancta Maria, Mater Dei, ora pro nobis

peccatôribus, nunc et in hora mortis nostræ. Amen.

In principio Matutini, et Primæ, ac in fine Completorii, dicitur etiam Symbolum Apostolorum.

**C**REDO in Deum, Patrem omnipotentem, Creatorem cœli et terræ. Et in Jesum Christum Filium ejus unicum, Dôminum nostrum ; qui concéptus est de Spiritu sancto, natus ex Mariâ Virgine ; passus sub Pôntio Pilâto, crucifixus, môrtuus, et sepûltus ; descendit ad inferos ; tertia die resurrexit a môrtuis ; ascendit ad cœlos, sedet ad dexteram Dei Patris omnipotentis ; inde ventûrus est judicare

vivos et mórtuos. Credo in Spíritum sanctum, sanctam Ecclesiám catholicam, Sanctórum communióem, remissionem peccatórum, carnis resurrectionem, vitam ætérnam. Amen.

**Deinde clara voce dicitur V.**

**D**OMINE, lábia mea apéries. **R.** Et os meum annuntiábit laudem tuam. **V.** Deus in adiutórium meum inténde. **R.** Dómine, ad adiuvándum me festína. **Gloria Patri, et Filio, et Spíritui sancto.** Sicut erat in princípio, et nunc, et semper, et in sæcula sæculórum. Amen. Allelúia.

**Sic dicitur Allelúia ad omnes Horas per Annum.**

**Invitatorium sequens dicitur ab Octava Pentecostes usque ad Adventum.**

**Invitatorium.** Adorémus Dóminum, \* Qui fecit nos.

**Repetitur** Adorémus Dóminum, qui fecit nos.

**Psalmus 94.**

**V**ENITE, exultémus Dómino, jubilémus Deo salutári nostro : præoccupémus faciém ejus in confessióe, et in psalmis jubilémus ei. Adorémus Dóminum, qui fecit nos.

Quóniam Deus magnus Dóminus, et Rex magnus super omnes deos : quóniam non repéllet Dóminus plebem suam, quia in manu ejus sunt omnes fines terræ,

et altitúdines móntium ipse cónspicit.

**Qui fecit nos.**

Quóniam ipsíus est mare, et ipse fecit illud, et áridam fundavérunt manus ejus : veníte adorémus, et procidámus ante Deum : plorémus coram Dómino, qui fecit nos, quia ipse est Dóminus Deus noster : nos autem pópulus ejus, et oves pásuæ ejus.

**Adorémus Dóminum, qui fecit nos.**

**H**ódie si vocem ejus audieritis, nolite obduráre corda vëstra, sicut in exacerbatióne secúndum diem tentatiónis in desérto : ubi tentavérunt me patres vestri, probavérunt, et vidérunt ópera mea.

**Qui fecit nos.**

Quadráginta annis próximus fui generatióni huic, et dixi, Semper hi errant corde : ipsi vero non cognovérunt vias meas, quibus jurávi in ira mea, si introíbunt in réquiem meam.

**Adorémus Dóminum, qui fecit nos.**

**Gloria Patri, et Filio, et Spíritui sancto.**

Sicut erat in princípio, et nunc, et semper, et in sæcula sæculórum. Amen.

**Qui fecit nos.**

**Adorémus Dóminum, qui fecit nos.**

**Sequens Hymn. dicitur ab Octava Pentec. usque ad Dom. proximiorém Kal. Octobris.**

## Hymnus.

**N**OCTE surgéntes vigilé-  
mus omnes,  
Semper in psalmis meditémur,  
atque  
Voce concórdi Dómino canámus

Dúlciter hymnos.

**U**t pio Regi páriter canéntes,

Cum suis Sanctis mereámur aulam

Ingredi cœli, simul et perén-  
nem

Dúcere vitam.

**P**ræstet hoc nobis Déitas  
beáta

Patris, ac Nati, paritérque  
sancti

Spiritus, cujus résonat per  
omnem

Glória mundum. Amen.

**S**equens Hymnus dicitur  
a Dñica proximiori Kalendis  
Octob. usque ad Advent.

## Hymnus.

**P**RIMO die, quo Trínitas  
Beáta mundum cónclidit,  
Vel quo resúrgens Cónclitor  
Nos morte victa liberat.

**P**ulsis procul torpóribus  
Surgámus omnes ócyus :

Et nocte quærámus Deum,  
Prophéta sicut præcipit :

**N**ostras preces ut áudiat,  
Suámque dextram pórrigat,

Et expiátos sórdibus  
Reddat polórum sédibus;

**U**t quique sacratíssimo

Illius diéi témpore,

Horis quiétis psállimus,

Donis beátis múneret.

**J**am nunc, patérna cláritas,  
Te postulámus áffatim,  
Absint faces libidinis,  
Et omnis actus nóxius.

**N**e fœda sit, vel lúbrica,  
Compágo nostri córporis,  
Ob cujus ignes ignibus  
Avérnus urat ácrius.

**M**undi Redémptor, quæ-  
sumus,

Tu probra nostra díluas :  
Nobisque largus cómoda  
Vitæ perénis cónferas.

**P**ræsta, Pater piíssime,  
Patrique compar Unice,  
Cum Spíritu Paráclito  
Regnans per omne sæcu-  
lum. Amen.

## IN I. NOCTURNO.

**P**er Annum, *Ant.* Servíte  
Dómino.

*Asteriscus\* notat pausam  
cantus in Choro.*

## Psalmus 1.

**B**EATUS vir, qui non ábiit  
in consilio impiórum, et  
in via peccatórum non ste-  
tit, \* et in cáthedra pesti-  
léntiæ non sedit :

**S**ed in lege Dómini volún-  
tas ejus, \* et in lege ejus  
meditábitur die ac nocte.

**E**t erit tamquam lignum,  
quod plantátum est secus  
decúrsus aquárum, \* quod  
fructum suum dabit in témpore suo :

**E**t fólium ejus non dé-  
fluet : \* et ómnia quæcúm-  
que fáciat, prosperabún-  
tur.

**N**on sic impíi, non sic : \*

sed tamquam pulvis, quem  
próicit ventus a fácie terræ.

Ideo non resúrgent impíi  
in iudício : \* neque peccató-  
res in concílio justórum.

Quóniam novit Dóminus  
viam justórum : \* et iter im-  
piórum períbit.

Glória Patri, et Filio, \* et  
Spirítui sancto.

Sicut erat in principio, et  
nunc, et semper, \* et in  
sæcula sæculórum. Amen.

**Hic versus Glória Patri,  
semper dicitur in fine om-  
nium Psalmorum, nisi aliter  
notetur.**

### Psalmus 2.

**Q**UARE fremuérunt gentes :  
\* et pópuli meditáti sunt  
inánia?

Astitérunt reges terræ, et  
príncipes convenérunt in  
unum : \* advérsus Dómi-  
num, et advérsus Christum  
ejus.

Dirumpámus víncula eó-  
rum : \* et projiciámus a no-  
bis jugum ipsórum.

Qui hábitat in cœlis, irri-  
débit eos : \* et Dóminus  
subsannábit eos.

Tunc loquétur ad eos in  
ira sua : \* et in furóre suo  
conturbábit eos.

Ego autem constitútus  
sum Rex ab eo super Sion  
montem sanctum ejus, \*  
prædicans præcéptum ejus.

Dóminus dixit ad me : \*  
Filius meus es tu, ego hódie  
génui te.

Hostula a me, et dabo tibi  
Gentes hereditátem tuam, \*  
et possessionem tuam tér-  
minos terræ.

Reges eos in virga férrea,  
\* et tamquam vas figuli con-  
fringes eos.

Et nunc reges intelligite : \*  
erudimini qui iudicátis ter-  
ram.

Servíte Dómino in timóre :  
\* et exultáte ei cum tremóre.

Apprehéndite disciplinam,  
nequándo irascátur Dómi-  
nus, \* et pereátis de via  
justa.

Cum exárserit in brevi  
ira ejus, \* beáti omnes, qui  
confidunt in eo.

### Psalmus 3.

**D**OMINE, quid multiplicáti  
sunt qui trébulant me?  
\* multi insúrgunt advérsus  
me.

Multi dicunt animæ meæ :  
\* Non est salus ipsi in Deo  
ejus.

Tu autem, Dómine, suscé-  
ptor meus es, \* glória mea,  
et exáltans caput meum.

Voce mea ad Dóminum  
clamávi : \* et exaudivit me  
de monte sancto suo.

Ego dormívi, et soporá-  
tus sum : \* et exurréxi, quia  
Dóminus suscepit me.

Non timébo millia pópuli  
circumdántis me : \* exúrge,  
Dómine, salvum me fac,  
Deus meus.

Quóniam tu percussisti  
omnes adversátes mihi sine

causa: \* dentes peccatorum contrivisti.

Dómini est salus: \* et super pópulum tuum benedictio tua.

**Psalmus 6.**

**D**OMINE, ne in furóre tuo árguas me: \* neque in ira tua corripas me.

Miserére mei, Dómine, quóniam infirmus sum; \* sana me, Dómine, quóniam conturbáta sunt ossa mea.

Et ánima mea turbáta est valde: \* sed tu, Dómine, úsquequo?

Convértere, Dómine, et éripe ánimam meam: \* salvum me fac propter miséricordiam tuam.

Quóniam non est in morte qui memor sit tui: \* in inférno autem quis confitébitur tibi?

Laborávi in gémitu meo, lavábo per singulas noctes lectum meum: \* lácrymis meis stratum meum rigábo.

Turbátus est a furóre óculus meus: \* inveterávi inter omnes inimicos meos.

Discédite a me omnes qui operámini iniquitatem: \* quóniam exaudivit Dóminus vocem fletus mei.

Exaudivit Dóminus deprecationem meam, \* Dñs orationem meam suscepit.

Erubéscant, et conturbéntur veheménter omnes inimici mei: \* convertántur et erubéscant valde velóciter.

**Per Annum. Añá.** Servíte Dómino in timóre, et exultáte ei cum tremóre.

**Añá.** Deus iudex justus.

**Psalmus 7.**

**D**OMINE Deus meus in te sperávi: \* salvum me fac ex ómnibus persecúentibus me, et libera me.

Nequándo rápiat ut leo ánimam meam, \* dum non est qui rédimat, neque qui salvum fáciat.

Dómine Deus meus, si feci istud, \* si est iniquitas in mánibus meis:

Si réddidi retribuéntibus mihi mala, \* decídám mérito ab inimícis meis inánis.

Persequátur inimicus ánimam meam, et comprehéndat, et concúlcet in terra vitam meam, \* et glóriam meam in púlverem dedúcat.

Exúrge, Dómine, in ira tua: \* et exaltáre in finibus inimicórum meórum.

Et exúrge, Dómine Deus meus, in præcépto quod mandásti: \* et synagóga pópulorum circúmdabit te.

Et propter hanc in altum regrédere: \* Dóminus júdicat pópulos.

Júdica me, Dómine, secúndum justítiam meam, \* et secúndum innocéntiam meá super me.

Consumétur nequítia peccatorum, et díriges justum, \* scrutans corda et renes Deus.

**I**ustum adiutorium meum a Dómino, \* qui salvos facit rectos corde.

**D**eus iudex justus, fortis, et pátiens : \* numquid irascitur per singulos dies?

**N**isi conversi fuéritis, gládium suum vibrábit : \* arcum suum teténdit, et parávit illum.

**E**t in eo parávit vasa mortis, \* sagíttas suas ardéntibus effécit.

**E**cce partúriit injustítiam : \* concépit dolórem, et péperit iniquitátem.

**L**acum apérui, et effódit eum : \* et incidit in fóveam, quam fecit.

**C**onvertétur dolor ejus in caput ejus : \* et in vérticem ipsíus iníquitas ejus descéndet.

**C**onfitebór Dómino secúndum justítiam ejus : \* et psallam nómini Dómini altíssimi.

### Psalmus 8.

**D**OMINE Dóminus noster, \* quam admirábile est nomen tuum in univérsa terra!

**Q**uóniam eleváta est magnificéntia tua, \* super cœlos.

**E**x ore infántium, et lacténtium perfecísti laudem propter inimícos tuos, \* ut destruas inimícum et ultórem.

**Q**uóniam vidébo cœlos tuos, ópera digitórum tuórum : \* lunam et stellas, quæ tu fundásti.

**Q**uid est homo, quod memor es ejus? \* aut filius hóminis, quóniam visitas eum?

**M**inuísti eum paulo minus ab Angelis, glória et honóre coronásti eum : \* et constituísti eum super ópera mánuum tuárum.

**O**mnia subjecísti sub pédibus ejus, \* oves et boves univérsas : insuper et pécora campi.

**V**ólucres cœli, et pisces maris, \* qui perámbulant sémitas maris.

**D**ómine Dóminus noster, \* quam admirábile est nomen tuum in univérsa terra!

### Psalmus 9.

**C**ONFITEBOR tibi, Dómine, in toto corde meo : \* narrábo ómnia mirabília tua.

**L**ætabor et exultábo in te : \* psallam nómini tuo, Altíssime.

**I**n converténdo inimícum meum retrórsum : \* infirmabúntur, et períbunt a fácie tua.

**Q**uóniam fecísti iudícium meum et causam meam : \* sedísti super thronum qui júdicas justítiam.

**I**ncrepásti Gentes, et périit impius : \* nomen eórum delésti in ætérnum, et in sæculum sæculi.

**I**nimíci defecérunt frámeæ in finem, \* et civitátes eórum destruxísti.

**P**ériit memória eórum cum



sonitu : \* et Dóminus in ætérnum pérmanet.

**P**arávit in iudicio thronum suum : \* et ipse iudicábit orbem terræ in æquitáte, iudicábit pópulos in iustitia.

**E**t factus est Dóminus refúgium páuperi : \* adjútor in opportunitátibus, in tribulatióne.

**E**t sperent in te qui novérunt nomen tuum : \* quóniam non dereliquisti quæréntes te, Dómine.

**P**sállite Dómino, qui hábitat in Sion : \* annuntiáte inter Gentes stúdia ejus :

**Q**uóniam requírens sanguínem eórum recordátus est : \* non est oblitus clamórem páuperum.

**M**iserére mei, Dómine : \* vide humilitátem meam de inimicis meis.

**Q**ui exáltas me de portis mortis, \* ut annúntiem omnes laudatiónes tuas in portis filiæ Sion.

**E**xultábo in salutári tuo, \* infixæ sunt Gentes in intéritu, quem fecérunt.

**I**n láqueo isto, quem abscondérunt, \* comprehénsus est pes eórum.

**C**ognoscétur Dóminus iudicia fáciens : \* in opéribus mánuum suárum comprehénsus est peccátor.

**C**onvertántur peccátóres in inférnum : \* omnes gentes quæ obliviscúntur Deum.

**Q**uóniam non in finem obli-vio erit páuperis : \* patiéntia páuperum non peribit in finem.

**E**xúrge, Dómine, non confortétur homo : \* iudicéntur Gentes in conspéctu tuo.

**C**onstitue, Dómine, legislátorem super eos : \* ut sciant Gentes quóniam hómines sunt.

**U**t quid, Dómine, recessisti longe, \* déspicis in opportunitátibus, in tribulatióne?

**D**um superbit impius, incénditur pauper : \* comprehendúntur in consiliis quibus cógitant.

**Q**uóniam laudátur peccátor in desidériis animæ suæ : \* et iníquus benedicitur.

**E**xacerbávit Dóminum peccátor : \* secúndum multitudinem iræ suæ non quæret.

**N**on est Deus in conspéctu ejus : \* inquinátæ sunt viæ illius in omni témpore.

**A**uferúntur iudicia tua a fácie ejus : \* ómnium inimicórum suórum dominábitur.

**D**ixit enim in corde suo : \* Non movébor a generatióne in generatióne sine malo.

**C**ujus maledictiône os plenum est, et amaritúdine, et dolo : \* sub lingua ejus labor et dolor.

**S**edet in insidiis cum divitibus in occúltis, \* ut interficiat innocéntem.

oculi ejus in páuperem respiciunt : \* insidiátur in abscondito, quasi leo in spelunca sua.

Insidiátur ut rápiat páuperem : \* rápere páuperem, dum átrahit eum.

In láqueo suo humiliábit eum, \* inclinábit se, et cadet cum dominátus fúerit páuperum.

Dixit enim in corde suo : Oblítus est Deus : \* avértit faciém suam, ne videat in finem.

Exúrge, Dómine Deus, exaltétur manus tua : \* ne obliviscáris páuperum.

Propter quid irritávit impius Deum? \* dixit enim in corde suo : Non requíret.

Vides quóniam tu labórem et dolórem considéras : \* ut tradas eos in manus tuas.

Tibi derelictus est pauper : \* órphano tu eris adjútor.

Cóntere bráchium peccatóris et maligni : \* quærétur peccátum illius, et non inveniétur.

Dóminus regnábit in aetérnum, et in sæculum sæculi : \* peribitis Gentes de terra illius.

Desidérium páuperum exaudivit Dóminus; \* præparatióem cordis eórum audivit auris tua.

Judicáre pupíllo et húmili, \* ut non appónat ultra magnificáre se homo super terram.

### Psalmus 10.

**I**N Dómino confido; quómodo dicitis animæ meæ: \* Trásmigra in montem sicut passer?

Quóniam ecce peccatóres intendérunt arcum, paravérunt sagittas suas in pháretra, \* ut sagittent in obscúro rectos corde.

Quóniam quæ perfecisti, destruxérunt : \* justus autem quid fecit?

Dóminus in templo sancto suo, \* Dóminus in cœlo sedes ejus :

Oculi ejus in páuperem respiciunt : \* pálpebræ ejus intérogant filios hóminum.

Dóminus intérogat justum et impium : \* qui autem diligit iniquitatem, odit animam suam.

Pluet super peccatóres láqueos : \* ignis et sulphur, et spíritus procellárum pars cálicis eórum.

Quóniam justus Dóminus, et justitias diléxit : \* æquitatem vidit vultus ejus.

**Per Annum. Añã.** Deus judex justus, fortis et longánimis, numquid irascétur per singulos dies?

**Añã.** Tu, Dómine.

### Psalmus 11.

**S**ALVUM me fac, Dómine, quóniam defécit sanctus : \* quóniam diminútæ sunt veritátes a filiis hóminum.

Vana locúti sunt unus-



quisque ad primum suum :  
\* labia dolosa, in corde et  
corde locuti sunt.

**D**ispérdat Dóminus uni-  
versa labia dolosa, \* et lin-  
guam magniloquam.

**Q**ui dixerunt : Linguam  
nostram magnificábitur,  
labia nostra a nobis sunt, \*  
quis noster Dóminus est?

**P**ropter misériam inopum  
et gémitum páuperum \*  
nunc exúrgam, dicit Dómi-  
nus.

**P**onam in salutári : \* fi-  
ducíaliter agam in eo.

**E**lóquia Dómini, elóquia  
casta : \* argéntum igne  
examinátum, probátum ter-  
ræ, purgátum séptuplum.

**T**u, Dómine, servábis nos,  
et custódies nos \* a genera-  
tione hac in ætérnum.

**I**n circúitu impij ámbu-  
lant : \* secúndum altitúdi-  
nem tuam multiplicásti filios  
hóminum.

### Psalmus 12.

**U**SQUEQUO, Dómine, obli-  
visceris me in finem : \*  
Usquequo avértis faci-  
em tuam a me?

**Q**uámdiu ponam consília  
in ánima mea, \* dolórem in  
corde meo per diem?

**U**squequo exaltábitur ini-  
micus meus super me ? \*  
réspice, et exáudi me, Dó-  
mine Deus meus.

**I**llúmina óculos meos, ne  
umquam obdórmiam in mor-  
te : \* nequándo dicat inimi-

cus meus : Prævalui adver-  
sus eum.

**Q**ui tribulant me, exultá-  
bunt si motus fuero : \* ego  
autem in misericórdia tua  
sperávi.

**E**xultábit cor meum in sa-  
lutári tuo : cantábo Dómino  
qui bona tribuit mihi : \* et  
psallam nómini Dómini al-  
tíssimi.

### Psalmus 13.

**D**IXIT insípiens in corde  
suo : \* Non est Deus.

**C**orrúpti sunt, et abomi-  
nábiles facti sunt in stúdiis  
suis : \* non est qui faci-  
at bonum, non est usque ad  
unum.

**D**óminus de cælo prospé-  
xit super filios hóminum, \*  
ut vídeat si est intélligens,  
aut requirrens Deum.

**O**mnes declinavérunt, si-  
mul inútiles facti sunt : \*  
non est qui faci-  
at bonum, non est usque ad unum.

**S**epúlchrum patens est  
guttur eórum : linguis suis  
dolose agébant, \* venén-  
um áspidum sub lábiis eórum.

**Q**uorum os maledictione  
et amaritudine plenum est :  
\* velóces pedes eórum ad  
effundéndum ságuinem.

**C**ontrítio et infelicitas in  
viis eórum, et viam pacis  
non cognovérunt : \* non est  
timor Dei ante óculos eó-  
rum.

**N**onne cognóscant omnes  
qui operántur iniquitatem,

\* qui dévorant plebem meam  
sicut escam panis?

**D**óminum non invocavérunt,  
\* illic trepidavérunt timóre,  
ubi non erat timor.

**Q**uóniam Dóminus in generatióne  
justa est, consílium inopis confudístis:  
\* quóniam Dóminus spes ejus est.

**Q**uis dabit ex Sion salutare  
Israel? \* cum avérerit Dóminus  
captivitátem plebis suæ, exultábit  
Jacob, et lætábitur Israel.

**Psalmus 14**

**D**OMINE, quis habitábit in  
tabernáculo tuo: \* aut quis  
requiescet in monte sancto tuo?

**Q**ui ingréditur sine mácula,  
\* et operátur justítiam:

**Q**ui lóquitur veritátem in corde  
suo, \* qui non egit dolum in lingua  
sua:

**N**ec fecit próxímo suo malum,  
\* et oppróbrium non accépit  
advérsus próximos suos.

**A**d níhilum dedúctus est in  
conspéctu ejus malignus: \* timéntes  
autem Dóminum gloriícat:

**Q**ui jurat próxímo suo, et non  
décipit, \* qui pecúniám suám non  
dedit ad usúram, et múnera super  
innocéntem non accépit.

**Q**ui facit hæc, \* non móvêbitur  
in ætérnum.

**Per Annum. Aññ.** Tu, Dómine,  
servábis nos, et custódies nos. **ŷ.** Memor fui nocte  
nóminis tui, Dómine. **Ŕ.** Et custodívi  
legem tuam.

**Post Versiculum cujuslibet Nocturni dicitur Pater noster,**  
**secreto ŷ.** Et ne nos indúcas in  
tentatiónem. **Ŕ.** Sed libera nos a malo.

**Absolutio.**

**E**XAUDI, Dómine Jesu Christe,  
preces servórum tuórum, et miserere nobis,  
qui cum Patre et Spíritu sancto vivis  
et regnas in sæcula sæculórum. **Ŕ.** Amen.  
**ŷ.** Jube, domne, benedícere.

**Bened.** Benedictióne perpétua  
benedícat nos Pater ætérnus. **Ŕ.** Amen.

**Deinde leguntur Lectiões cum Resp.,**  
ut in Proprio de Temp. assignantur.

**Pro ij. Lectione, Bened.** Unigénitus  
Dei Filius nos benedícere et adjuvare  
dignétur. **Ŕ.** Amen.

**Pro iij. Lectione, Bened.** Spíritus  
sancti grátia illúminet sensus et corda  
nostra. **Ŕ.** Amen.

**IN II. NOCTURNO.**

**Per Annum, Aññ.** Bonórum  
meórum.

**Psalmus 15.**

**C**ONSERVA me, Dómine, quóniam  
sperávi in te. \* Dixi Dómino: Deus  
meus es tu, quóniam bonórum meórum  
non eges.

**S**anctis, qui sunt in terra

ejus , \* mirificávit omnes voluntátes meas in eis.

**M**ultiplicátæ sunt infirmitátes eórum : \* póstea accelevérunt.

**N**on congregábo conventícula eórum de sanguínibus : \* nec memor ero nóminum eórum per lábia mea.

**D**óminus pars hereditátis meæ, et cálicis mei ; \* tu es qui restitues hereditátem meam mihi.

**F**unes cecidérunt mihi in præcláris : \* étenim hereditas mea præclára est mihi.

**B**enedícam Dóminum, qui tribuit mihi intelléctum : \* insuper et usque ad noctem increpuérunt me renes mei.

**P**rovidébam Dóminum in conspéctu meo semper : \* quóniam a dextris est mihi, ne commóvear.

**P**ropter hoc lætátum est cor meum, et exultávit lingua mea : \* insuper et caro mea requiescet in spe.

**Q**uóniam non derelínques ánimam meam in inférno : \* nec dabis sanctum tuum vidére corruptiónem.

**N**otas mihi fecísti vias vitæ, adimplébis me lætítia cum vultu tuo : \* delectatiónes in dextera tua usque in finem.

**Per Annum. Añs.** Bonórum meórum non indiges, in te sperávi, consérva me, Dómine.

**Añs.** Propter verba.

**Psalmus 16.**

**E**XAUDI, Dómine, justítiam meam : \* inténde deprecationem meam.

**A**uribus pécipe oratióem meam, \* non in lábiis dolósis.

**D**e vultu tuo judícium meum pródeat : \* óculi tui vídeant æquitátes.

**P**robásti cor meum, et visitásti nocte : \* igne me examinásti, et non est invénta in me iníquitas.

**U**t non loquátur os meum ópera hóminum : \* propter verba labiórum tuórum ego custodívi vias duras.

**P**érfice gressus meos in sémitis tuis : \* ut non moveántur vestigia mea.

**E**go clamávi, quóniam exaudísti me, Deus : \* inclina aurem tuam mihi, et exáudi verba mea.

**M**irífica misericórdias tuas, \* qui salvos facis sperántes in te.

**A** resisténtibus dexterae tuæ custódi me, \* ut pupillam óculi.

**S**ub umbra alárum tuárum prótege me : \* a fácie impiórum qui me afflixérunt.

**I**nimíci mei ánimam meam circumdedérunt, adipem suum conclusérunt : \* os eórum locútum est superbiam.

**P**rojiciéntes me nunc circumdedérunt me : \* óculos

suos statuérunt declinàre in terram.

Suscepérunt me sicut leo parátus ad prædam : \* et sicut cátulus leónis hábitans in ábditis.

Exúrge, Dómine, præveni eum, et supplánta eum : \* éripe ánimam meam ab impio, frámeam tuam ab inimícis manus tuæ.

Dómine, a paucis de terra dívide eos in vita eórum : \* de absconditis tuis adimplétus est venter eórum.

Saturáti sunt filiis : \* et dimisérunt reliquias suas párvulis suis.

Ego autem in justítia aparébo conspéctui tuo : \* satiabor cum apparúerit glória tua.

**Per Annum.** **Aña.** Propter verba labiórum tuórum ego custodívi vías duras.

**Aña.** Diligam te.

Et non repetitur in Psalmo : quod semper fit, quando Aña incipit a primo Versu Psalmi, et Psalmus tunc incipitur ab eo verbo, in quo desinit Aña, sive integra dicatur, sive tantum inchoata ; si tamen eadem sint verba, et continuetur Aña cum Psalmo.

**Psalmus 17.**

**D**ILIGAM te, Dómine, fortitúdo mea : \* Dóminus firmaméntum meum, et refúgium meum, et liberátor meus.

Deus meus adjutor meus : \* et sperábo in eum.

Protéctor meus, et cornu salutis meæ, \* et suscéptor meus.

Laudans invocábo Dóminum : \* et ab inimícis meis salvus ero.

Circumdedérunt me dolóres mortis : \* et torréntes iniquitátis conturbavérunt me.

Dolóres inférni circumdedérunt me : \* præoccupavérunt me láquei mortis.

In tribulatione mea invocávi Dóminum, \* et ad Deum meum clamávi :

Et exaudivit de templo sancto suo vocem meam : \* et clamor meus in conspéctu ejus introivit in aures ejus.

Commóta est, et contrémuit terra : \* fundaménta móntium conturbáta sunt, et commóta sunt, quóniam irátus est eis.

Ascéndit fumus in ira ejus, et ignis a fácie ejus exársit : \* carbónes succénsi sunt ab eo.

Inclinávit cœlos et descendit : \* et caligo sub pédibus ejus.

Et ascéndit super Chérubim, et volávit : \* volávit super pennas ventórum.

Et pósuit ténebras latibulum suum, in circúitu ejus tabernáculum ejus : \* ténebrósa aqua in núbibus aëris.

**P**ræ fulgore in conspectu  
ejus nubes transiérunt, \*  
grando et carbónes ignis.

**E**t intónuit de cœlo Dó-  
minus, et Altíssimus dedit  
vocem suam : \* grando et  
carbónes ignis.

**E**t misit sagittas suas, et  
dissipávit eos ; \* fúlgura  
multiplicávit, et conturbá-  
vit eos.

**E**t apparuérunt fontes aquá-  
rum : \* et reveláta sunt fun-  
daménta orbis terrárum.

**A**b increpatióne tua, Dó-  
mine, \* ab inspiratióne spí-  
ritus iræ tuæ.

**M**isit de summo et accé-  
pit me ; \* et assúmpsit me  
de aquis multis.

**E**ripuit me de inimícis meis  
fortíssimis, et ab iis qui odé-  
runt me : \* quóniam con-  
fortáti sunt super me.

**P**rævenérunt me in die affli-  
ctiōnis meæ : \* et factus  
est Dóminus protéctor meus.

**E**t edúxit me in latitúdi-  
nem : \* salvum me fecit,  
quóniam voluit me.

**E**t retribuet mihi Dómi-  
nus secúndum justitiam  
meam : \* et secúndum pu-  
ritátem mánuum meárum  
retribuet mihi :

**Q**uia custodívi vias Dómi-  
ni, \* nec ímpie gessi a Deo  
meo.

**Q**uóniam ómnia judícia ejus  
in conspectu meo : \* et justí-  
tias ejus non répulí a me.

**E**t ero immaculátus cum

eo : \* et observábo me ab  
iniquitáte mea.

**E**t retribuet mihi Dómi-  
nus secúndum justitiam  
meam : \* et secúndum pu-  
ritátem mánuum meárum in  
conspectu oculórum ejus.

**C**um sancto sanctus eris :  
\* et cum viro innocénte ín-  
nocens eris.

**E**t cum elécto eléctus eris :  
\* et cum perverso perver-  
térís.

**Q**uóniam tu pópulum hú-  
mílem salvum fácies : \* et  
óculos superbórum humi-  
liábis.

**Q**uóniam tu illúminas lu-  
cérnam meam, Dómine : \*  
Deus meus illúmina téne-  
bras meas.

**Q**uóniam in te erípiar a  
tentatióne, \* et in Deo meo  
transgrédíar murum.

**D**eus meus impollúta via  
ejus : elóquia Dómini igne  
examínata : \* protéctor est  
ómnium sperántium in se.

**Q**uóniam quis Deus præ-  
ter Dóminum? \* aut quis  
Deus præter Deum nostrum?

**D**eus qui præcínxit me  
virtute : \* et pósuit imma-  
culátam viam meam.

**Q**ui perfécit pedes meos  
tamquam cervórum, \* et  
super excélsa státuens me.

**Q**ui docet manus meas ad  
prælium : \* et posuísti,  
ut arcum æreum, bráchia  
mea.

**E**t dedísti mihi protectiō-

nem salutis tuæ : \* et dextera tua suscepit me :

**Et** disciplina tua correxit me in finem : \* et disciplina tua ipsa me docebit.

**Dilatasti** gressus meos subtus me : \* et non sunt infirmata vestigia mea.

**Persequar** inimicos meos , et comprehendam illos : \* et non convertar donec deficiant.

**Confringam** illos , nec poterunt stare : \* cadent subtus pedes meos.

**Et** præcinxisti me virtute ad bellum : \* et supplantasti insurgentes in me subtus me.

**Et** inimicos meos dedisti mihi dorsum , \* et odientes me disperdidisti.

**Clamaverunt**, nec erat qui salvos faceret , ad Dominum : \* nec exaudivit eos.

**Et** comminuum eos ut pulverem ante faciem venti : \* ut lutum platearum delebo eos.

**Eripies** me de contradictionibus populi : \* constitues me in caput gentium.

**Populus**, quem non cognovi , servivit mihi : \* in auditu auris obedivit mihi.

**Filii** alieni mentiti sunt mihi , \* filii alieni inveterati sunt , et claudicaverunt a semitis suis.

**Vivit** Dominus , et benedictus Deus meus , \* et exaltetur Deus salutis meæ.

**Deus**, qui das vindictas mihi , et subdis populos sub me , \* liberator meus de inimicis meis iracundis.

**Et** ab insurgentibus in me exaltabis me : \* a viro iniquo eripies me.

**Propterea** confitebor tibi in nationibus , Domine : \* et nomini tuo psalmum dicam.

**Magnificans** salutes Regis ejus , et faciens misericordiam christo suo David , \* et semini ejus usque in sæculum.

**Per Annum , Añã.** Dili- gam te , Domine , virtus mea.

**Ÿ.** Quoniam tu illuminas lucernam meam , Domine.

**Ŕ.** Deus meus illumina tenebras meas. **Pater noster , secreto. Ÿ.** Et ne nos inducas in tentationem. **Ŕ.** Sed libera nos a malo.

**Absolutio.**

**I**PSIUS pietas et misericordia nos adjuvet , qui cum Patre et Spiritu sancto vivit et regnat in sæcula sæculorum. **Ŕ.** Amen.

**Ÿ.** Jube domne benedicere.

**Bened.** Deus Pater omnipotens sit nobis propitius et clemens. **Ŕ.** Amen.

**Pro v. Lectione, Bened.** Christus perpætuae det nobis gaudia vitæ. **Ŕ.** Amen.

**Pro vj. Lectione, Bened.** Ignem sui amoris accendat Deus in cordibus nostris. **Ŕ.** Amen.



## IN III. NOCTURNO.

**Per Annum, Añā.** Non sunt loquélæ.

**Psalmus 18.**

**C**OELI enarrant glóriam Dei, \* et ópera mánuum ejus annúntiat firmaméntum.

**D**ies diéi erúctat verbum, \* et nox nocti indicat sciéntiam.

**N**on sunt loquélæ neque sermónes, \* quorum non audiántur voces eórum.

**I**n omnem terram exívit sonus eórum : \* et in fines orbis terræ verba eórum.

**I**n sole pósuit tabernáculum suum : \* et ipse tamquam sponsus procedens de thálamo suo.

**E**xultávit ut gigas ad curréndam viam : \* a summo cœlo egréssio ejus :

**E**t occúrsus ejus usque ad summum ejus : \* nec est qui se abscondat a calóre ejus.

**L**ex Dómini immaculáta, convértens ánimas : \* testimoniúm Dómini fidéle, sapiéntiam præstans párvulis.

**J**ustitiæ Dómini rectæ, lætificántes corda : \* præcéptum Dómini lúcidum, il-luminans óculos.

**T**imor Dómini sanctus, pérmanens in sæculum sæculi : \* júdicia Dómini vera, justificáta in semetipsa.

**D**esiderabilia super aurum et lápidem pretiósium

multum : \* et dulcióra super mel et favum.

**E**tenim servus tuus custódit ea : \* in custodiéndis illis retribútio multa.

**D**elicta quis intélligit ? ab occúltis meis munda me ; \* et ab aliénis parce servo tuo.

**S**i mei non fúerint domínati, tunc immaculátus ero : \* et emundábor a delicto máximo.

**E**t erunt ut compláceant elóquia oris mei : \* et meditátio cordis mei in conspéctu tuo semper.

**D**ómine, adjútor meus, \* et redémptor meus.

**Per Annum. Añā.** Non sunt loquélæ, neque sermónes, quorum non audiántur voces eórum.

**Añā.** Exáudiat.

**Psalmus 19.**

**E**XAUDIAT te Dóminus in die tribulatiónis : \* prótegat te nomen Dei Jacob.

**M**ittat tibi auxiliium de sancto : \* et de Sion tueá-tur te.

**M**emor sit omnis sacrificii tui : \* et holocáustum tuum pingue fiat.

**T**ribuat tibi secúndum cor tuum : \* et omne consílium tuum confírmet.

**L**ætábimur in salutári tuo : \* et in nómine Dei nostri magnificábimur.

**I**mpleat Dóminus omnes petitiónes tuas : \* nunc cog-

nóvi quóniam salvum fecit  
Dóminus Christum suum.

**E**xáudiet illum de cœlo  
sancto suo : \* in potentáti-  
bus salus dēxteræ ejus.

**H**i in cúrribus, et hi in  
equis : \* nos autem in nó-  
mine Dómini Dei nostri in-  
vocábimus.

**I**psi obligáti sunt et ceci-  
derunt : \* nos autem sur-  
réximus et erécti sumus.

**D**omine, salvum fac re-  
gem, \* et exáudi nos in die,  
qua invocáverimus te.

**Per Annum, Añã.** Exáu-  
diat te Dóminus in die tri-  
bulatiónis.

**Añã.** Dómine.

**Psalmus 20.**

**D**OMINE, in virtúte tua læ-  
tábitur rex : \* et super  
salutáre tuum exultábit ve-  
heménter.

**D**esidérium cordis ejus tri-  
buísti ei : \* et voluntáte  
labiórũ ejus non fraudásti  
eum.

**Q**uóniam prævenísti eum  
in benedictiõibus dulcédi-  
nis : \* posuísti in cápite ejus  
corónam de lápide pretiõso.

**V**itam pétiiit a te : \* et tri-  
buísti ei longitudinem dié-  
rum in sæculum, et in sæ-  
culum sæculi :

**M**agna est glória ejus in  
salutári tuo : \* glóriam et  
magnum decórem impónes  
super eum.

**Q**uóniam dabis eum in  
benedictiõem in sæculum

sæculi : \* lætificábis eum in  
gáudio cum vultu tuo.

**Q**uóniam rex sperat in  
Dómino : \* et in misericór-  
dia Altissimi non commo-  
vébitur.

**I**nveniátur manus tua óm-  
nibus inimicis tuis : \* dē-  
xtera tua invéniat omnes ,  
qui te odérunt.

**P**ones eos ut clibanum  
ignis in témpore vultus tui :  
\* Dóminus in ira sua con-  
turbábit eos , et devorábit  
eos ignis.

**F**ructum eórum de terra  
perdes : \* et semen eórum  
a filiis hóminum.

**Q**uóniam declinavérunt in  
te mala : \* cogitavérunt con-  
silia , quæ non potuérunt  
stabilíre.

**Q**uóniam pones eos dor-  
sum : \* in reliquiis tuis  
præparábis vultum eórum.

**E**xaltáre, Dómine, in vir-  
túte tua : \* cantábimus et  
psallémus virtútes tuas.

**Per Annum, Añã.** Dómi-  
ne, in virtúte tua lætábitur  
rex. **V.** Exaltáre, Dómine, in  
virtúte tua. **R.** Cantábimus  
et psallémus virtútes tuas.

**P**ater noster. **secreto. V.** Et  
ne nos indúcas in tentatió-  
nem. **R.** Sed libera nos a  
malo.

**Absolutio.**

**A** vínculis peccatórum no-  
strórum absólvat nos  
omnipotens et miséricors  
Dóminus. **R.** Amen.



**V.** Jube, domne, benedicere.

**Bened.** Evangélica lécitio sit nobis salus et protéctio.

**R.** Amen.

**Pro viij. Lectione, Bened.**

Divinum auxilium máneat semper nobíseum. **R.** Amen.

**Pro ix. Lectione, Bened.**

Ad societátem civium supernórum perdúcat nos Rex Angelórum. **R.** Amen.

**Sequens Hymnus semper dicitur post ultimam Lect.**

**in Dñicis et Festis tantum;**

**in feriali Officio non dicitur,**

**sed ejus loco ponitur ix. aut iij. Resp.**

**Hymnus SS. Ambrosii et Augustini.**

**T**E Deum laudámus : te Dóminum confitémur : Te ætérnum Patrem : omnis terra venerátur.

Tibi omnes Angeli, tibi cœli et univérse potestátes.

Tibi Chérubim et Séraphim, incessábili voce proclamant :

Sanctus, Sanctus, Sanctus Dóminus Deus Sábaoth.

Pleni sunt cœli et terra : majestátis glóriæ tuæ.

Te gloriósus Apostolórum chorus,

Te Prophetárum laudábilis númerus,

Te Mártyrum candidátus laudat exércitus.

Te per orbem terrárum, sancta confitétur Ecclésia,

Patrem imménsæ majestátis,

Venerándum tuum verum et únicum Filium.

Sanctum quoque Paráclitum Spíritum.

Tu Rex glóriæ, Christe.

Tu Patris sempitérnus es Filius.

Tu ad liberándum susceptúrus hóminem : non horruísti Virginis úterum.

Tu devieto mortis acúleo : aperuísti credéntibus regna cœlórum.

Tu ad dexteram Dei sedes : in glória Patris.

Judex créderis esse ventúrus.

Te ergo quæsumus, tuis fámulis súbveni : quos pretiósó ságuine redemísti.

Etérna fac cum Sanctis tuis in glória numerári.

Salvum fac pópulum tuum, Dómine : et bénedic hereditáti tuæ.

Et rege eos, et extólle illos usque in ætérnum.

Per singulos dies benedicimus te.

Et laudámus nomen tuum in sæculum : et in sæculum sæculi.

Dignáre, Dómine, die isto sine peccáto nos custodíre.

Miserére nostri, Dómine : miserére nostri.

Fiat misericórdia tua, Dómine, super nos : quemádmodum sperávinus in te.

In te, Dómine, sperávi : non confundar in ætérnum.

## AD LAUDES, V.

**D**EUS, in adiutorium meum  
intende. *R.* Domine, ad  
adiuvandum me festina.

Gloria Patri, et Filio, et  
Spiritui sancto.

Sicut erat in principio,  
et nunc, et semper, et in  
saecula saeculorum. Amen.  
Alleluia.

Ab Octava Pentecostes  
usque ad Adventum.

Añā. Alleluia.

## Psalmus 92.

**D**OMINUS regnavit, decó-  
rem indutus est : \* in-  
dutus est Dominus fortitú-  
dinem, et praecinxit se.

Et enim firmavit orbem ter-  
rae, \* qui non commovebitur.

Parata sedes tua ex tunc :  
\* a saeculo tu es.

Elevaverunt flumina, Dó-  
mine : \* elevaverunt flúmi-  
na vocem suam.

Elevaverunt flumina flu-  
ctus suos : \* a vóci-  
bus aquarum multarum.

Mirabiles elationes maris,  
\* mirabilis in altis Dómi-  
nus.

Testimonia tua credibilia  
facta sunt nimis : \* domum  
tuam decet sanctitudo, Dó-  
mine, in longitudinem dié-  
rum.

## Psalmus 99.

**J**UBILATE Deo, omnis terra :  
\* servite Dómino in læ-  
titia.

Introite in conspectu ejus,  
\* in exultatione.

Scitote, quoniam Dominus  
ipse est Deus : \* ipse fecit  
nos, et non ipsi nos.

Pópulus ejus, et oves pá-  
scuæ ejus : \* introite portas  
ejus in confessione, átria  
ejus in hymnis : confitemini  
illi.

Laudate nomen ejus : quón-  
iam suavis est Dominus,  
in ætérnum misericórdia  
ejus : \* et usque in gene-  
rationem et generationem  
véritas ejus.

## Psalmus 62.

**D**EUS, Deus meus, \* ad te  
de luce vígilo.

Sitivit in te ánima mea, \*  
quam multipliciter tibi caro  
mea.

In terra desérta, et ínvia,  
et inaquósa : \* sic in san-  
cto apparui tibi, ut vidérem  
virtutem tuam, et glóriam  
tuam.

Quoniam mélior est mi-  
sericórdia tua super vi-  
tas : \* lábia mea laudábunt  
te.

Sic benedicam te in vita  
mea : \* et in nómine tuo  
levábo manus meas.

Sicut ádipe et pinguédine  
repleátur ánima mea : \* et  
lábiis exultationis laudábit  
os meum.

Si memor fui tui super  
stratum meum, in matutí-  
nis meditabor in te : \* quia  
fuisti adiutor meus.

Et in velaménto alárum  
tuarum exultábo, adhæsit

ánima mea post te : \* me suscepit dextera tua.

Ipsi vero in vanum quæsiérunt ánimam meam, introibunt in inferióra terræ : \* tradéntur in manus gládi, partes vulpium erunt.

Rex vero lætábitur in Deo, laudabúntur omnes qui jurant in eo : \* quia obstrúctum est os loquéntium iníqua.

*Hic non dicitur Glória Patri.*

*Psalmus 66.*

**D**EUS misereátur nostri, et benedicat nobis : \* illúminet vultum suum super nos, et misereátur nostri.

Ut cognoscámus in terra viam tuam : \* in ómnibus géntibus salutáre tuum.

Confiteántur tibi pópuli Deus : \* confiteántur tibi pópuli omnes.

Læténtur et exúltent gentes : \* quóniam júdicas pópulos in æquitáte, et gentes in terra dirigis.

Confiteántur tibi pópuli Deus : confiteántur tibi pópuli omnes : \* terra dedit fructum suum.

Benedícat nos Deus, Deus noster, benedicat nos Deus : \* et métuant eum omnes fines terræ.

*Glória Patri, et Filio.*

*Per Annum. Ana. Alleluia, alleluia.*

*Añs. Tres púeri.*

*Canticum trium Puerorum.*

*Danielis 3. e*

**B**ENEDICITE, ómnia ópera Dómini, Dómino, \* laudáte et superexaltáte eum in sæcula.

Benedícite, Angeli Dómini, Dómino : \* benedicite, cœli, Dómino.

Benedícite, aquæ omnes, quæ super cœlos sunt, Dómino : \* benedicite, omnes virtútes Dómini, Dómino.

Benedícite, sol et luna, Dómino : \* benedicite, stellæ cœli, Dómino.

Benedícite, omnis imber et ros, Dómino : \* benedicite, omnes spíritus Dei, Dómino.

Benedícite, ignis et æstus, Dómino : \* benedicite, frigus et æstus, Dómino.

Benedícite, rores et pruina, Dómino : \* benedicite, gelu et frigus, Dómino.

Benedícite, glácies et nives, Dómino : \* benedicite, noctes et dies, Dómino.

Benedícite, lux et tenebræ, Dómino : \* benedicite, fulgura et nubes, Dómino.

Benedícat terra Dóminum : \* laudet et superexáltet eum in sæcula.

Benedícite, montes et colles, Dómino : \* benedicite, univérſa germinántia in terra, Dómino.

Benedícite, fontes, Dómino : \* benedicite, mária et flumina, Dómino.

**B**enedicite, cete et ómnia quæ movéntur in aquis, Dómino : \* benedicite, omnes vólucres cœli, Dómino.

**B**enedicite, omnes béstiæ et pécora, Dómino : \* benedicite, filii hóminum, Dómino.

**B**enedicat Israel Dóminum : \* laudet et superexáltet eum in sæcula.

**B**enedicite, sacerdótes Dómini, Dómino : \* benedicite, servi Dómini, Dómino.

**B**enedicite, spíritus et ánimæ justórum, Dómino : \* benedicite, sancti et húmiles corde, Dómino.

**B**enedicite, Ananía, Azaria, Misael, Dómino : \* laudáte et superexaltáte eum in sæcula.

**B**enedicámus Patrem et Fílium cum sancto Spíritu : \* laudémus et superexaltémus eum in sæcula.

**B**enedictus es, Dómine, in firmaménto cœli : \* et laudábilis, et gloriósus, et superexaltátus in sæcula.

**Hic non dicitur Glória Patri, neque Amen. In aliis Canticis dicuntur.**

**Per Annum, Aña.** Tres púeri jussu regis in fornácem missi sunt, non timéntes flammam ignis, dicéntes : Benedictus Deus.

**Aña. Allelúia.**

**Psalmus 148.**

**L**AUDATE Dóminum de cœlis : \* laudáte eum in excélsis.

**L**audáte eum, omnes Angeli ejus : \* laudáte eum, omnes virtútes ejus.

**L**audáte eum, sol et luna : \* laudáte eum, omnes stellæ et lumen.

**L**audáte eum, cœli cœlórum : \* et aquæ omnes, quæ super cœlos sunt, laudent nomen Dómini.

**Q**uia ipse dixit, et facta sunt : \* ipse mandávit, et creáta sunt.

**S**tátuit ea in ætérnum, et in sæculum sæculi : \* præcéptum pósuit, et non præteríbit.

**L**audáte Dóminum de terra, \* dracones, et omnes abyssi.

**I**gnis, grando, nix, glácies, spíritus procellárum : \* quæ faciunt verbum ejus.

**M**ontes, et omnes colles : \* ligna fructífera, et omnes cedri.

**B**éstiae, et univérsa pécora : \* serpéntes et vólucres pennátæ :

**R**eges terræ, et omnes pópuli : \* principes et omnes júdices terræ.

**J**úvenes et vírgines : senes cum junióribus laudent nomen Dómini : \* quia exaltátum est nomen ejus solius.

**C**onfessio ejus super cœlum et terram : \* et exaltávit cornu pópuli sui.

**H**ymnus ómnibus sanctis ejus : \* filiis Israel, pópulo appropinquánti sibi.

**Hic non dic. Glória Patri.**

## Psalmus 149.

**C**ANTATE Dómino cánticum novum : \* laus ejus in ecclésia Sanctórum.

Lætétur Israel in eo, qui fecit eum : \* et filii Sion exúltent in rege suo.

Laudent nomen ejus in choro : \* in tympano et psalterio psallant ei :

Quia beneplácitum est Dómino in pópulo suo : \* et exaltábit mansuétos in salutem.

Exultábunt sancti in glória, \* lætabúntur in cubilibus suis.

Exaltatiónes Dei in gutture eórum : \* et gládii ancípites in mánibus eórum :

Ad faciéndam vindictam in natióibus : \* increpationes in pópulis.

Ad alligándos reges eórum in compédibus : \* et nóbiles eórum in máncis ferreis.

Ut fáciant in eis júdicium conscriptum : \* glória hæc est ómnibus sanctis ejus.

Hic non dic. Glória Patri.

## Psalmus 150.

**L**AUDATE Dóminum in sanctis ejus : \* laudáte eum in firmaménto virtútis ejus.

Laudáte eum in virtútibus ejus : \* laudáte eum secundum multitudinem magnitudinis ejus.

Laudáte eum in sono tubæ : \* laudáte eum in psalterio, et cithara.

Laudáte eum in tympano, et choro : \* laudáte eum in chordis et órgano.

Laudáte eum in cymbalis benesonántibus : laudáte eum in cymbalis jubilationis : \* omnis spíritus laudet Dóminum.

Glória Patri, et Filio, et Spirítui sancto.

Per Annum, Añña. Allelúia, allelúia, allelúia.

Sequens Capitulum dicitur in Dñicis, a Dñica iij. post Pent. usque ad Advent.

Capitulum. Apoc. 7. c

**B**ENEDICTIO, et cláritas, et sapiéntia, et gratiárum áctio, honor, virtus, et fortitúdo Deo nostro in sæcula sæculórum. Amen. *ŕ.* Deo grátias.

Sic respondetur in fine omnium Capitulorum.

Ab Octava Pentecostes usque ad Dñicam proximiorẽ Kalendis Octobris.

Hymnus.

**E**CCE jam noctis tenuátur umbra,

Lux et auróræ rútilans corúscat;

Súpplīces rerum Dóminum canóra

Voce precémur :

Ut reos culpæ miserátus, omnem

Pellat angórem, tríbuat salutem,

Donet et nobis bona sempitérnæ

Múnera pacis.

Præstet hoc nobis Dēitas  
beāta

Patris, ac Nati, paritérque  
sancti

Spiritus, cujus résonat per  
omnem.

Glória mundum. Amen.

A Dominica proximiori  
Kalendis Octobris usque ad  
Adventum.

Hymnus.

**E**TERNE rerum Cōnditor,  
Noctem diémque qui  
regis,

Et téporum das tépora,  
Ut álles fastídium.

Nocturna lux viántibus,  
A nocte noctem ségregans,  
Præco diéi jam sonat,  
Jubárque solis évocat.

Hoc excitátus lúifer  
Solvit polum calígne,  
Hoc omnis errónum cohors  
Viam nocéndi désérit.

Hoc nauta vires cólligit,  
Pontique mítescunt freta :  
Hoc, ipsa petra Ecclésiæ  
Canénte, culpam diluit.

Surgámus ergo strénue,  
Gallus jacéntes éxcitat,  
Et somnoléntos increpat,  
Gallus negántes árguit.

Gallo canénte, spes redit,  
Ægris salus refúnditur,  
Mucro latrónis cōnditur,  
Lapsis fides revértitur.

Jesu, labántes réspice,  
Et nos vidéndo córrige :  
Si réspicis, labes cadunt,  
Fletúque culpa sólvitur.

Tu lux refulge sénsibus,  
Mentisque somnum discute :

Te nostra vox primum sonet,  
Et vota solvámus tibi.

Deo Patri sit glória,  
Ejúsque soli Filio,  
Cum Spiritu Paráclito,  
Nunc, et per omne sæcu-  
lum. Amen.

Per Annum. V. Dóminus  
regnávit, decórem induit.  
R. Induit Dóminus fortitú-  
dinem, et præcínxit se vir-  
tute.

Canticum Zachariæ.

Luce 1. g

**B**ENEDICTUS Dóminus Deus  
Israel, \* quia visitávit,  
et fecit redemptiónem plebis  
sue :

Et eréxit cornu salutis no-  
bis : \* in domo David púeri  
sui :

Sicut locútus est per os  
sanctorum, \* qui a sæculo  
sunt, prophetarum ejus :

Salútem ex inimícis no-  
stris, \* et de manu ómnium,  
qui odérunt nos :

Ad faciéndam misericór-  
diam cum pátribus nostris :  
\* et memorári testaménti  
sui sancti.

Jusjurándum, quod jurá-  
vit ad Abraham patrem no-  
strum, \* datúrum se nobis :

Ut sine timóre, de manu  
inimicórum nostrórum libe-  
ráti, \* serviámus illi :

In sanctitáte et justítia  
coram ipso, \* ómnibus dié-  
bus nostris.

Et tu, puer, Prophéta Al-  
tíssimi vocáberis : \* præbis



enim ante faciẽm Dómini parare vias ejus.

Ad dandam sciẽtiam salutis plebi ejus : \* in remissionem peccatorum eorum :

Per viscera misericordiæ Dei nostri : \* in quibus visitavit nos , oriens ex alto :

Illuminare his , qui in tenebris , et in umbra mortis sedent : \* ad dirigendos pedes nostros in viam pacis.

Glória Patri. Sicut erat.

Deinde dicitur Añã et Oratio propria : et post eam , si occurrat eo die aliquod Festum Simplex , fit de eo commem. Postremo (si id tempus requirat) fiunt Commem. de S. Maria , de Apostolis , et de Patrono Ecclesiæ in ordine aliarum Commem. secundum illius dignitatem , et ultimo loco de Pace , ut infra in Vesperis Sabbati.

In fine , si discedendum sit a Choro , dicitur Añã. Salve , Regina , ut habetur infra post Completorium.

#### DOMINICA AD PRIMAM.

Pater noster. Ave Maria. Credo. **V.** Deus , in adiutorium , ut supra. 48.

#### Hymnus.

**J**AM lucis orto sidere ,  
Deum precemur supplices ,  
Ut in diurnis actibus  
Nos servet a nocentibus.  
Linguam refrénans temperet ,  
Ne litis horror insonet :

Visum fovendo cõtegat ,  
Ne vanitates hauriat.

Sint pura cordis intima ,  
Absistat et vecordia :

Carnis terat superbiam

Potus cibique parcitas.

Ut cum dies abscésserit ,  
Noctemque sors redúxerit ,

Mundi per abstinẽtiam

Ipsi canamus glóriam.

Deo Patri sit glória ,

Ejusque soli Filio ,

Cum Spíritu Paráclito ,

Nunc , et per omne sæculum.

Amen.

In Dominicis per Annum .

Añã. Allelúia.

Psalmus 53.

**D**EUS , in nómine tuo salvum me fac : \* et in virtute tua júdica me.

Deus , exáudi orationem meam : \* áuribus pèrcipe verba oris mei.

Quóniam aliéni insurrexérunt advérsus me : et fortes quæsiérunt animam meam : \* et non proposuerunt Deum ante conspéctum suum.

Ecce enim Deus áduvat me : \* et Dóminus suscepitor est animæ meæ.

Avérte mala inimicis meis : \* et in veritate tua disperde illos.

Voluntarie sacrificábo tibi : \* et confitébor nómini tuo , Dómine : quóniam bonum est :

Quóniam ex omni tribulatione eripuisti me : \* et

super inimicos meos despexit oculus meus.

**Sequens Ps. Confitemini Dómino, dicitur tantum in Dñicis, quando fit Officium de Dñica, ut in Psalterio.**

**Psalmus 117.**

**C**ONFITEMINI Dómino quóniam bonus : \* quóniam in sæculum misericórdia ejus.

**D**icat nunc Israel, quóniam bonus : \* quóniam in sæculum misericórdia ejus.

**D**icat nunc domus Aaron : \* quóniam in sæculum misericórdia ejus.

**L**icant nunc qui timent Dóminum : \* quóniam in sæculum misericórdia ejus.

**I**n tribulatióne invocávi Dóminum : \* et exaudivit me in latitúdine Dóminus.

**D**óminus mihi adjutor : \* non timébo quid fáciat mihi homo.

**D**óminus mihi adjutor : \* et ego despiciam inimicos meos.

**B**onum est confidere in Dómino, \* quam confidere in hómine.

**B**onum est speráre in Dómino, \* quam speráre in princípibus.

**A**mnès gentes circuiérunt me : \* et in nómine Dómini quia ultus sum in eos.

**C**ircumdántes circumdedérunt me : \* et in nómine Dómini quia ultus sum in eos.

**C**ircumdedérunt me sicut apes, et exarsérunt sicut ignis in spinis : \* et in nómine Dómini quia ultus sum in eos.

**I**mpulsus evérsus sum ut cáderem : \* et Dóminus suscepit me.

**F**ortitúdo mea, et laus mea Dóminus : \* et factus est mihi in salutem.

**V**ox exultatiónis, et salutis : \* in tabernáculis justórum.

**D**éxtera Dómini fecit virtutem : déxtera Dómini exaltávit me, \* déxtera Dómini fecit virtutem.

**N**on móriar, sed vivam ; \* et narrábo ópera Dómini.

**C**astigans castigávit me Dóminus : \* et morti non trádidit me.

**A**períte mihi portas justitiæ, ingressus in eas confitébor Dómino : \* hæc porta Dómini, justi intrábunt in eam.

**C**onfitébor tibi quóniam exaudísti me : \* et factus es mihi in salutem.

**L**ápidem, quem reprobarérunt ædificántes : \* hic factus est in caput ánguli.

**A** Dómino factum est istud : \* et est mirábile in oculis nostris.

**H**æc est dies, quam fecit Dóminus : \* exultémus, et lætémur in ea.

**O** Dómine, salvum me fac, o Dómine, bene prosperáre :



\* benedictus qui venit in  
nómine Dómini.

**B**enedíximus vobis de do-  
mo Dómini : \* Deus Dómi-  
nus, et illúxit nobis.

**C**onstituíte diem solénnem  
in condénsis , \* usque ad  
cornu altáris.

**D**eus meus es tu, et con-  
fitébor tibi : \* Deus meus  
es tu , et exaltábo te.

**C**onfitébor tibi quóniam ex-  
audisti me : \* et factus es  
mihi in salútem.

**C**onfitémini Dómino quó-  
niam bonus : \* quóniam in  
sæculum misericórdia ejus.

**Psalmus 118.**

**B**EATI immaculáti in via,  
\* qui ámbulant in lege  
Dómini.

**R**eáti, qui scrutántur te-  
stimónia ejus : \* in toto  
corde exquirunt eum.

**N**on enim qui opérantur  
iniquitátem, \* in viis ejus  
ambulavérunt.

**T**u mandásti \* mandáta  
tua custodiri nimis.

**U**tinam dirigántur viæ meæ,  
\* ad custodiéndas justifica-  
tiónes tuas !

**T**unc non confúndar, \*  
cum perspéxero in ómnibus  
mandátis tuis.

**C**onfitébor tibi in dire-  
ctiône cordis : \* in eo quod  
didici judícia justitiæ tuæ.

**J**ustificatiónes tuas custó-  
diam : \* non me derelin-  
quas usquequáque.

**I**n quo córrigit adolescén-

tior viam suam? \* in cu-  
stodiéndo sermónes tuos.

**I**n toto corde meo exqui-  
sivi te : \* ne repéllas me a  
mandátis tuis.

**I**n corde meo abscondi  
elóquia tua : \* ut non peccem  
tibi.

**B**enedictus es, Dómine : \*  
doce me justificatiónes tuas.

**I**n lábiis meis, \* pronun-  
tiávi ómnia judícia oris  
tui.

**I**n via testimoniórum tuó-  
rum delectátus sum, \* sicut  
in ómnibus divitiis.

**I**n mandátis tuis exercé-  
bor : \* et considerábo vias  
tuas.

**I**n justificatiónebus tuis  
meditabor : \* non obliviscar  
sermónes tuos.

**R**ETRIBUE servo tuo, viví-  
fica me : \* et custódiam  
sermónes tuos.

**R**evéla óculos meos : \* et  
considerábo mirabilia de  
lege tua.

**I**ncola ego sum in terra :  
\* non abscondas a me man-  
dáta tua.

**C**oncupívit ánima mea de-  
sideráre justificatiónes tuas,  
\* in omni témpore.

**I**ncrepásti superbos , \*  
maledicti qui declinant a  
mandátis tuis.

**A**ufer a me oppróbrium,  
et contéptum : \* quia te-  
stimónia tua exquisivi.

**N**on enim sedérunt prínci-  
pes, et advérsus me loque-

bántur : \* servus autem tuus exercebátur in justificationibus tuis.

Nam et testimónia tua meditatio mea est , \* et consílium meum justificationes tuæ.

Adhæsit paviménto ánima mea : \* vivifica me secundum verbum tuum.

Vias meas enuntiávi , et exaudísti me : \* doce me justificationes tuas.

Viam justificationum tuarum instrue me : \* et exercebor in mirabilibus tuis.

Dormitávit ánima mea præ tædio : \* confírma me in verbis tuis.

Viam iniquitátis ámove a me : \* et de lege tua miscrere mei.

Viam veritátis elégi : \* iudicia tua non sum oblítus.

Adhæsi testimoniis tuis , Dómine : \* noli me confundere.

Viam mandatorum tuorum eucúrri , \* cum dilatásti cor meum.

*Sequens Symbolum dicitur in Dominicis tantum , quando fit Officium de Dominica , ut in Psalterio et in Festo SS. Trinitatis.*

*Symbolum S. Athanasii.*

**Q**UICUMQUE vult salvus esse , \* ante ómnia opus est , ut téneat cathólicam Fidem.

Quam nisi quisque íntegram , inviolatámque ser-

váverit , \* absque dubio in ætérnum peribit.

Fides autem cathólica hæc est : \* ut unum Deum in Trinitáte , et Trinitátem in unitáte venerémur.

Neque confundéntes personas , \* neque substantiam separántes.

Alia est enim persóna Patris , ália Filii , \* ália Spíritus sancti.

Sed Patris , et Filii , et Spíritus sancti una est divinitas , \* æquális glória , coætérna majéstas.

Qualis Pater , talis Filius , \* talis Spíritus sanctus.

Increátus Pater , increátus Filius , \* increátus Spíritus sanctus.

Imménsus Pater , imménsus Filius , \* imménsus Spíritus sanctus.

Ætérnus Pater , ætérnus Filius , \* ætérnus Spíritus sanctus.

Et tamen non tres ætérni : \* sed unus ætérnus.

Sicut non tres increáti , nec tres imménsi , \* sed unus increátus , et unus imménsus.

Similiter omnípotens Pater , omnípotens Filius , \* omnípotens Spíritus sanctus.

Et tamen non tres omnípoténtes : \* sed unus omnípotens.

Ita Deus Pater , Deus Filius , \* Deus Spíritus sanctus.

**Et tamen non tres Dii : \***  
sed unus est Deus.

**Ita Dóminus Pater, Dómi-  
nus Fílius, \* Dóminus Spi-  
ritus sanctus.**

**Et tamen non tres Dómi-  
ni : \* sed unus est Dóminus.**

**Quia sicut singillátim unam-  
quámque persónam, Deum  
ac Dóminum confitéri chri-  
stiána veritáte compél-  
limur : \* ita tres Deos aut  
Dóminos dicere cathólica  
religióne prohibémur.**

**Pater a nullo est factus,  
\* nec créatus, nec génitus.**

**Fílius a Patre solo est : \*  
non factus, nec créatus, sed  
génitus.**

**Spiritus sanctus a Patre  
et Fílio ; \* non factus, nec  
creatus, nec génitus, sed  
procédens.**

**Unus ergo Pater, non tres  
Patres; unus Fílius, non tres  
Fílii, \* unus Spíritus san-  
ctus, non tres Spíritus san-  
cti.**

**Et in hac Trinitáte nihil  
prius aut postérius, nihil  
majus aut minus, \* sed  
totæ tres persónæ coæternæ  
sibi sunt, et coæquales.**

**Ita ut per ómnia, sicut  
jam supra dictum est, \* et  
únitas in Trinitáte, et Trini-  
tas in unitáte veneránda sit.**

**Qui vult ergo salvus esse,  
\* ita de Trinitáte sentiat.**

**Sed necessárium est ad  
æternam salutem, \* ut In-  
carnatióem quoque Dómi-**

**ni nostri Jesu Christi fidéli-  
ter credat.**

**Est ergo fides recta, ut  
credámus et confiteámur, \*  
quia Dóminus noster Jesus  
Christus Dei Fílius, Deus et  
homo est.**

**Deus est ex substántia  
Patris ante sæcula génitus :  
\* et homo est ex substántia  
matris in sæculo natus.**

**Perfécus Deus, perfécus  
homo, \* ex ánima ratióali,  
et humana carne subsístens.**

**Æquális Patri secúndum  
divinitátem ; \* minor Patre  
secúndum humanitátem.**

**Qui licet Deus sit, et ho-  
mo : \* non duo tamen, sed  
unus est Christus.**

**Unus autem, non conver-  
sióne divinitátis in carnem ;  
\* sed assumptiόne humani-  
tátis in Deum.**

**Unus omnino, non confu-  
sióne substántiæ, \* sed uni-  
táte persónæ.**

**Nam sicut ánima ratióali-  
lis et caro unus est homo : \*  
ita Deus et homo unus est  
Christus.**

**Qui passus est pro salute  
nostra : descendit ad ífe-  
ros : \* tértia die resurrexit  
a mórtuis.**

**Ascéndit ad cœlos : sedet  
ad dexteram Dei Patris om-  
nipoténtis : \* inde ventúrus  
est judicáre vivos et mór-  
tuos.**

**Ad cujus advéntum om-  
nes hómínes resúrgere ha-**

bent cum corpóribus suis :  
\* et redditúri sunt de factis  
própriis ratióem.

Et qui bona egérunt, ibunt  
in vitam ætérnam : \* qui  
vero mala, in ignem ætér-  
num.

Hæc est fides cathólica, \*  
quam nisi quisque fidéliter  
firmitérque credíderit, sal-  
vus esse non póterit.

Glória Patri, et Filio.

Añs. Allelúia, allelúia,  
allelúia.

Capitulum. 1. Tim. 1. d

**R**EGI sæculórum immor-  
táli et invisibili, soli  
Deo honor et glória in sæ-  
cula sæculórum. Amen. *ñ.*  
Deo grátias.

*ñ. br.* Christe, Fili Dei  
vivi, \* Miserére nobis. Et  
repetitur Christe, Fili Dei  
vivi, miserére nobis. *ñ.* Qui  
sedes ad dexteram Patris.  
*ñ.* Miserére nobis. *ñ.* Gló-  
ria Patri, et Filio, et Spirí-  
tui sancto. *ñ.* Christe, Fili  
Dei vivi, miserére nobis. *ñ.*  
Exúrge, Christe, ádjuva nos.  
*ñ.* Et libera nos propter  
nómen tuum.

Sequentes Preces non di-  
cuntur in Duplicibus, nec  
infra Octavas, sed tunc dicto  
*ñ.* brevi, dicitur Dóminus  
vobiscum, et Oratio. Dómine  
Deus, ut infra. 29.

**K**YRIE, eléison. Christe,  
eléison. Kyrie, eléison.  
Pater noster, *secreto usque*  
*ad ñ.* Et ne nos indúcas in

tentatióem. *ñ.* Sed libera  
nos a malo. Credo in Deum,  
*secreto usque ad ñ.* Carnis  
resurrectiόem. *ñ.* Vitam  
ætérnam. Amen. *ñ.* Et ego  
ad te, Dómine, clamávi. *ñ.*  
Et mane orátio mea prævé-  
niet te. *ñ.* Repleátur os  
meum laude. *ñ.* Ut cantem  
glóriam tuam, tota die ma-  
gnitúdinem tuam. *ñ.* Dómi-  
ne, avérte fáciem tuam a  
peccátis meis. *ñ.* Et omnes  
iniquitátes meas dele. *ñ.*  
Cor mundum crea in me,  
Deus. *ñ.* Et spíritum re-  
ctum innova in viscéribus  
meis. *ñ.* Ne projicias me a  
fácie tua. *ñ.* Et spíritum  
sanctum tuum ne áuferas a  
me. *ñ.* Redde mihi lætítiam  
salutáris tui. *ñ.* Et spíritu  
principáli confirma me. *ñ.*  
Adjutórium nostrum in nó-  
mine Dómini. *ñ.* Qui fecit  
cælum et terram.

Deinde Hebdomadarius  
facit Confessiόem.

**C**ONFITEOR Deo omnipo-  
ténti, beátæ Mariæ sem-  
per Vírgini, beáto Michaéli  
Archángelo, beáto Joánni  
Baptístæ, sanctis Apóstolis  
Petro et Paulo, ómnibus  
Sanctis, et vobis fratres :  
quia peccávi nimis cogita-  
tiόe, verbo, et ópere : mea  
culpa, mea culpa, mea  
máxima culpa. Ideo precor  
beátam Mariam semper Vír-  
ginem, beátum Michaélem  
Archángelum, beátum Joán-

nem Baptistam, sanctos Apostolos Petrum et Paulum, omnes Sanctos, et vos fratres, orare pro me ad Dominum Deum nostrum.

*Chorus respondet :*

**M**ISEREATUR tui omnipotens Deus, et dimissis peccatis tuis, perducat te ad vitam æternam. *R.* Amen.

*Deinde repetit Confessionem, et ubi dicitur vobis, fratres, et vos, fratres, dicitur tibi, pater, et te, pater, Facta Confessione a Choro :*

*Hebdomadarius dicit :*

**M**ISEREATUR vestri omnipotens Deus, et dimissis peccatis vestris, perducat vos ad vitam æternam. *R.* Amen.

**I**NDULGENTIAM, absolutiõnem, et remissionem peccatorum nostrorum tribuat nobis omnipotens et misericors Dominus. *R.* Amen.

*Et prosequitur :* *V.* Dignare, Domine, die isto. *R.* Sine peccato nos custodire. *V.* Miserere nostri, Domine. *R.* Miserere nostri. *V.* Fiat misericordia tua, Domine, super nos. *R.* Quemadmodum speravimus in te. *V.* Domine, exaudi orationem meam. *R.* Et clamor meus ad te veniat. *V.* Dominus vobiscum. *R.* Et cum spiritu tuo.

*Orémus. Oratio.*

**D**OMINE Deus omnipotens, qui ad principium hujus diei nos pervenire fecisti :

tua nos hodie salva virtute ; ut in hac die ad nullum declinemus peccatum, sed semper ad tuam justitiam faciendam nostra procedant eloquia, dirigantur cogitationes, et opera. Per Dominum nostrum Jesum Christum Filium tuum : qui tecum vivit et regnat in unitate Spiritus sancti Deus per omnia sæcula sæculorum. *R.* Amen.

*V.* Dominus vobiscum. *R.* Et cum spiritu tuo. *V.* Benedicamus Domino. *R.* Deo gratias.

*Deinde in Choro legitur Martyrologium. Et quando dicenda est prima de beata Maria, præponitur lectioni Martyrologii. Postea Hebdomadarius dicit V.* Pretiosa in conspectu Domini. *R.* Mors Sanctorum ejus.

*Et absolute sine Orémus.*

*Oratio.*

**S**ANCTA Maria, et omnes Sancti intercedant pro nobis ad Dominum : ut nos mereamur ab eo adjuvari et salvari, qui vivit et regnat in sæcula sæculorum. *R.* Amen.

*V.* Deus, in adjutorium meum intende. *R.* Domine, ad adjuvandum me festina.

*Et dicitur ter, ultimo additur Glória Patri. Sicut erat. Kyrie, eléison. Christe, eléison. Kyrie, eléison. Pater noster, secreto. V.* Et ne

nos inducas in tentationem.

*R.* Sed libera nos a malo.

*V.* Réspice in servos tuos, Dómine, et in ópera tua, et dirige filios eórum. *R.* Et sit splendor Dómini Dei nostri super nos, et ópera mánuum nostrárum dirige super nos, et opus mánuum nostrárum dirige. *V.* Glória Patri. *R.* Sicut erat.

*Orémus. Oratio.*

**D**IRIGERE et sanctificáre, régere et gubernáre dignáre, Dómine Deus, Rex cœli et terræ, hódie corda et cörpera nostra, sensus, sermónes, et actus nostros in lege tua et in opéribus mandatórum tuórum : ut hic, et in ætérnum, te auxiliánte, salvi et liberi esse mereámur, Salvátor mundi. Qui vivis et regnas in sæcula sæculórum. *R.* Amen.

*V.* Jube domne benedícere. *Benedictio.* Dies et actus nostros in sua pace dispónat Dóminus omnipotens. *R.* Amen.

*Ad Absolutionem Capituli in Dñicis et Feriis per Annum, ab Octava Pent. usque ad Advent. exclusive.*

*Lectio brevis.*

2. *Thess.* 3. *b*

**D**OMINUS autem dirigat corda et cörpera nostra in charitáte Dei, et patiéntia Christi. Tu autem, Dómine, miserére nobis. *R.* Deo grátias.

*Post Lectionem brevem dicitur V.* Adjutórium nostrum in nómine Dómini. *R.* Qui fecit cœlum et terram. *V.* Benedícite. *R.* Deus. *Bened.* Dóminus nos benedicat, et ab omni malo deféndat, et ad vitam perdúcat ætérnam : et Fidélium ánimæ per misericórdiam Dei requiéscant in pace. *R.* Amen.

*IN FERIALE OFFICIO*

*AD PRIMAM.*

*Pater noster. Ave Maria. Credo.* *V.* Deus, in adjutórium, *ut supra.* 18.

*Hymnus.*

**J**AM lucis orto sídere,  
Deum precémur súpplices,  
Ut in diúrnis áctibus  
Nos servet a nocéntibus.  
Linguam refrénans témperet,  
Ne litis horror insonet :  
Visum fovéndo cóntegat,  
Ne vanitátes háuríat.  
Sint pura cordis íntima,  
Absístat et vecórdia :  
Carnis terat supérbiam  
Potus cibíque párcitas.  
Ut, cum dies abs ésserit,  
Noctémque sors redúxerit,  
Mundi per abstinéntiam  
Ipsi canámus glóriam.  
Deo Patri sit glória,  
Ejúsque soli Fílio,  
Cum Spiritu Paráclito,  
Nunc, et per omne sæculum. Amen.

*Per Annum. Ant.* Beati qui ámbulant.



## Psalmus 53.

**D**EUS in nómine tuo sal-  
vum me fac : \* et in vir-  
túte tua júdica me.

Deus exáudi oratióem  
meam : \* áuribus pércipe  
verba oris mei.

Quóniam aliéni insurrexé-  
runt advérsus me, et fortes  
quæsiérunt ánimam meam :  
\* et non proposuérunt De-  
um ante conspéctum suum.

Ecce enim Deus ádjuvat  
me : \* et Dóminus suscé-  
ptor est ánimæ meæ.

Avérte mala inimicis meis :  
\* et in veritáte tua dispér-  
de illos.

Voluntárie sacrificábo ti-  
bi : \* et confitébor nómini  
tuo, Dómine, quóniam bo-  
num est.

Quóniam ex omni tribula-  
tióne erípuisti me : \* et su-  
per inimícos meos despéxit  
óculus meus.

Post Ps. Deus in nómine,  
loco Ps. Confitémini, dici-  
tur unus ex infrascriptis  
Psalmis ; secundum Ferias  
distinctis : Sabbato autem  
dicuntur tantum tres Psalmi,  
sicut in Festis.

## FERIA SECUNDA.

## Psalmus 23.

**D**OMINI est terra, et ple-  
nitúdo ejus : \* orbis ter-  
rarum, et univérsi, qui há-  
bitant in eo.

Quia ipse super mária  
fundávit eum : \* et super  
flúmina præparávit eum.

Quis ascéndet in montem  
Dómini? \* aut quis stabit  
in loco sancto ejus?

Innocens mánibus et mun-  
do corde, \* qui non accépit  
in vano ánimam suam, nec  
jurávit in dolo próximo suo.

Hic accípiet benedictiόem  
a Dómino : \* et miseri-  
córdiam a Deo salutári suo.

Hæc est generatió quæ-  
réntium eum, \* quærénti-  
um faciém Dei Jacob.

Attóllite portas, príncipes,  
vestras, et elevámini portæ  
æternáles : \* et introíbit rex  
glóriæ.

Quis est iste rex glóriæ,  
\* Dóminus fortis et potens?  
Dóminus potens in prælio.

Attóllite portas, príncipes,  
vestras, et elevámini portæ  
æternáles : \* et introíbit rex  
glóriæ.

Quis est iste rex glóriæ? \*  
Dóminus virtútum ipse est  
rex glóriæ.

## FERIA TERTIA.

## Psalmus 24.

**A**d te, Dómine, levávi áni-  
mam meam : \* Deus  
meus in te confido, non  
erubéscam :

Nequé irrideant me ini-  
mici mei : \* étenim univérsi,  
qui sústinent te, non con-  
fundéntur.

Confundántur omnes ini-  
qua ágéntes \* supervácue.

Vias tuas, Dómine, de-  
mónstra mihi : \* et sémitas  
tuas édoce me.

**D**irige me in veritate tua, et doce me : \* quia tu es Deus salvator meus, et te sustinui tota die.

**R**eminiscere miserationum tuarum, Domine, \* et misericordiarum tuarum, quae a saeculo sunt.

**D**elicta juventutis meae, \* et ignorantias meas ne memineris.

**S**ecundum misericordiam tuam memento mei tu : \* propter bonitatem tuam, Domine.

**D**ulcis et rectus Dominus : \* propter hoc legem dabit delinquentibus in via.

**D**iriget mansuetos in iudicio : \* docebit imites vias suas.

**U**niversae viae Domini, misericordia et veritas, \* requiruntibus testamentum ejus, et testimonia ejus.

**P**ropter nomen tuum, Domine, propitiaberis peccato meo : \* multum est enim.

**Q**uis est homo qui timet Dominum ? \* legem statuit ei in via, quam elegit.

**A**nima ejus in bonis demorabitur : \* et semen ejus hereditabit terram.

**F**irmamentum est Dominus timentibus eum : \* et testamentum ipsius ut manifestetur illis.

**O**culi mei semper ad Dominum : \* quoniam ipse evellat de laqueo pedes meos.

**R**espice in me, et misere-

re mei : \* quia unicus et pauper sum ego.

**T**ribulationes cordis mei multiplicatae sunt : \* de necessitatibus meis erue me.

**V**ide humilitatem meam, et laborem meum : \* et dimitte universa delicta mea.

**R**espice inimicos meos, quoniam multiplicati sunt, \* et odio iniquo oderunt me.

**C**ustodi animam meam, et erue me : \* non erubescam, quoniam speravi in te.

**I**nnocentes et recti adhaserunt mihi : \* quia sustinui te.

**L**ibera Deus Israel, \* ex omnibus tribulationibus suis.

#### FERIA QUARTA.

##### Psalmus 25.

**J**UDICA me, Domine, quoniam ego in innocentia mea ingressus sum : \* et in Domino sperans non infirmabor.

**P**roba me, Domine, et tenta me : \* ure renes meos et cor meum.

**Q**uoniam misericordia tua ante oculos meos est : \* et complacui in veritate tua.

**N**on sedi cum concilio vanitatis : \* et cum iniqua gerentibus non introibo.

**O**divi ecclesiam malignantium : \* et cum impiis non sedebo.

**L**avabo inter innocentes manus meas : \* et circumdabo altare tuum, Domine :



**U**t audiam vocem laudis,  
\* et enârrem univêrsa mi-  
rabília tua.

**D**ómine, diléxi decórem do-  
mus tuæ : \* et locum  
habitatiónis glóriæ tuæ.

**N**e perdas cum impiis,  
Deus, ánimam meam, \*  
et cum viris sánguinum vi-  
tam meam :

**I**n quorum mánibus ini-  
quitâtes sunt : \* dextera  
eórum repléta est munéri-  
bus.

**E**go autem in innocéntia  
mea ingressus sum : \* ré-  
dime me, et miserére mei.

**P**es meus stetit in diré-  
cto : \* in ecclésiis benedi-  
cam te, Dómine.

#### FERIA QUINTA.

##### Psalmus 22.

**D**OMINUS regit me, et nihil  
mihi déerit, \* in loco  
páscuæ ibi me collocávit.

**S**uper aquam refectionis  
educávit me : \* ánimam  
meam convértit.

**D**edúxit me super sémitas  
justitiæ, \* propter nomen  
suum.

**N**am et si ambulávero in  
medio umbræ mortis, non  
timébo mala : \* quóniam tu  
mecum es.

**V**irga tua, et báculus  
tuus : \* ipsa me consoláta  
sunt.

**P**arásti in conspéctu meo  
mensam, \* advêrsus eos,  
qui tribulant me.

**I**mpinguásti in óleo caput

meum : \* et calix meus iné-  
brians quam præclárus est !

**E**t misericórdia tua sub-  
sequétur me \* ómnibus dié-  
bus vitæ meæ.

**E**t ut inhábitem in domo  
Dómini, \* in longitudinem  
diérum.

#### FERIA SEXTA.

##### Psalmus 21.

**D**EUS, Deus meus, réspice  
in me : quare me dereli-  
quisti ? \* longe a salúte mea  
verba delictórum meórum.

**D**eus meus clamábo per  
diem, et non exáudies : \* et  
nocte, et non ad insipién-  
tiam mihi.

**T**u autem in sancto hábi-  
tas, \* laus Israel.

**I**n te speravérunt patres  
nostri : \* speravérunt, et  
liberásti eos.

**A**d te clamavérunt, et  
salvi facti sunt : \* in te  
speravérunt, et non sunt  
confúsi.

**E**go autem sum vermis,  
et non homo : \* oppró-  
brium hóminum, et abjéctio  
plebis.

**O**mnes vidéntes me deri-  
sérunt me : \* locúti sunt  
lábiis, et movérunt caput.  
**S**perávit in Dómino, eri-  
piat eum : \* salvum fáciat  
eum, quóniam vult eum.

**Q**uóniam tu es, qui extra-  
xisti me de ventre : \* spes  
mea ab ubéribus matris  
meæ. In te projectus sum ex  
útero.

De ventre matris meæ  
Deus meus es tu, \* ne dis-  
cēsseris a me.

Quóniam tribulatio pró-  
xima est : \* quóniam non  
est qui ádjuvet.

Circumdedérunt me vituli  
multi : \* tauri pingues ob-  
sedérunt me.

Aperuérunt super me os  
suum, \* sicut leo rápiens et  
rúgiens.

Sicut aqua effusus sum : \*  
et dispērsa sunt ómnia ossa  
mea.

Factum est cor meum  
tamquam cera liquéscens : \*  
in médio ventris mei.

Aruit tamquam testa vir-  
tus mea, et lingua mea ad-  
hæsit fáucibus meis : \* et  
in púlverem mortis dedu-  
xisti me.

Quóniam circumdedérunt  
me canes multi : \* concí-  
lium malignántium obsédit  
me.

Foderunt manus meas, et  
pedes meos : \* dinumeravé-  
runt ómnia ossa mea.

Ipsi vero consideravérunt  
et inspexérunt me : \* divi-  
sérunt sibi vestiménta meá,  
et super vestem meam mi-  
sérunt sortem.

Iu autem, Dómine, ne  
elongáveris auxiliū tuum  
a me : \* ad defensióem  
meam cónspice.

Erue a frámea, Deus, áni-  
mam meam : \* et de manu  
canis únicam meam :

Salva me ex ore leónis :  
\* et a cór nibus unicórniū  
humilitátem meam.

Narrábo nomen tuum frá-  
tribus meis : \* in médio  
Ecclesiæ laudábo te.

Qui timétis Dóminum, lau-  
dáte eum : \* univérsum se-  
men Jacob glorificáte eum.

Tímeat eum omne semen  
Israel : \* quóniam non  
sprevit, neque despéxit de-  
precatióem páuperis :

Nec avértit fáciem suam a  
me : \* et cum clamárem ad  
eum, exaudivit me.

Apud te laus mea in Ec-  
clésia magna : \* vota mea  
reddam in conspéctu timén-  
tium eum.

Edent páuperes et satu-  
rabúntur : et laudábunt Dó-  
minum qui requirunt eum :  
\* vivent corda eórum in sæ-  
culum sæculi.

Reminiscéntur et conver-  
téntur ad Dóminum \* uni-  
vérsi fines terræ.

Et adorábunt in conspé-  
ctu ejus \* univérsæ familiæ  
géntium.

Quóniam Dómini est re-  
gnum : \* et ipse dominábi-  
tur géntium.

Manducavérunt et adora-  
vérunt omnes pingues ter-  
ræ : \* in conspéctu ejus ca-  
dent omnes qui descéndunt  
in terram.

Et ánima mea illi vivet :  
\* et semen meum sérviet  
ipsi.

Annuntiabitur Dómino generatio ventúra : \* et annuntiábunt cœli justitiam ejus pópulo qui nascétur, quem fecit Dóminus.

**Sabbato nihil additur, ut supra in Rubrica. 31.**

**Deinde dicitur Psalm. 118.**

**B**EATI immaculáti in via : \* qui ámbulant in lege Dómini.

Beáti, qui scrutántur testimónia ejus : \* in toto corde exquirunt eum.

Non enim qui operántur iniquitátem, \* in viis ejus ambulavérunt.

Tu mandásti : \* mandata tua custodiri nimis.

Utinam dirigántur viæ meæ : \* ad custodiéndas justificationes tuas !

Tunc non confúndar, \* cum perspéxero in ómnibus mandátis tuis.

Confitébor tibi in directiône cordis : \* in eo quod didici judícia justitiæ tuæ.

Justificationes tuas custodiam : \* non me derelinquas usquequáque.

In quo córrigit adolescéntior viam suam ? \* in custodiéndo sermónes tuos.

In toto corde meo exquisivi te : \* ne repéllas me a mandátis tuis.

In corde meo abscondi elóquia tua : \* ut non peccem tibi.

Benedictus es, Dómine : \* doce me justificationes tuas.

In lábiis meis, \* pronuntiávi ómnia judícia oris tui.

In via testimoniórum tuórum delectátus sum, \* sicut in ómnibus divitiis.

In mandátis tuis exercébor : \* et considerábo vias tuas.

In justificatióibus tuis meditabor : \* non oblivíscar sermónes tuos.

**R**ETRIBUE servo tuo, vivifica me : \* et custodiam sermónes tuos.

Revéla óculos meos, \* et considerábo mirabilia de lege tua.

Incola ego sum in terra : \* non abscondas a me mandata tua.

Concupivit ánima mea desideráre justificationes tuas, \* in omni témpore.

Increpásti supérbos : \* maledicti qui declínant a mandátis tuis.

Aufer a me oppróbrium, et contéptum : \* quia testimónia tua exquisivi.

Etenim sedérunt príncipes, et advérsus me loquebántur : \* servus autem tuus exercebátur in justificatióibus tuis.

Nam et testimónia tua meditatio mea est : \* et consilium meum justificationes tuæ.

Adhæsit paviménto ánima mea : \* vivifica me secundum verbum tuum.

Vias meas enuntiavi, et exaudisti me : \* doce me justificationes tuas.

Viam justificationum tuarum instrue me : \* et exercebor in mirabilibus tuis.

Dormitavit anima mea præ tædio : \* confirma me in verbis tuis.

Viam iniquitatis amove a me : \* et de lege tua miscrere mei.

Viam veritatis elegi : \* iudicia tua non sum oblitus.

Adhæsi testimoniis tuis, Domine : \* noli me confundere.

Viam mandatorum tuorum cucurri, \* cum dilatasti cor meum.

Per Annum. *Añã.* Beati qui ambulant in lege tua, Domine.

### Capitulum.

*Zach. 8. d*

**P**ACEM et veritatem diligit te, ait Dominus omnipotens. *R.* Deo gratias.

*R.* br. Christe, Fili Dei vivi, \* Misere nobis. Et

repetitur. Christe, Fili Dei vivi, misere nobis. *V.* Qui sedes ad dexteram Patris.

*R.* Misere nobis. *V.* Gloria Patri, et Filio, et Spiritui sancto. *R.* Christe, Fili Dei vivi, misere nobis.

*V.* Exurge, Christe, adjuva nos. *R.* Et libera nos propter nomen tuum.

**K**YRIE, eléison. Christe, eléison. *Kyrie, eléison.* Pater noster, *secreto. V.* Et ne nos inducas in tentationem. *R.* Sed libera nos a malo. *Credo in Deum, secreto. V.* Carnis resurrectionem. *R.* Vitam æternam, Amen. *V.* Et ego ad te, Domine, clamavi. *R.* Et mane oratio mea præveniet te. *V.* Repleatur os meum laude. *R.* Ut cantem gloriam tuam, tota die magnitudinem tuam. *V.* Domine, averte faciem tuam a peccatis meis. *R.* Et omnes iniquitates meas dele. *V.* Cor mundum crea in me Deus. *R.* Et spiritum rectum innova in visceribus meis. *V.* Ne projicias me a facie tua. *R.* Et Spiritum sanctum tuum ne auferas a me. *V.* Redde mihi lætitiā salutāris tui. *R.* Et Spiritu principalī confirma me.

Quando ad Laudes non sunt dictæ Preces feriales. statim dicitur Adjutorium nostrum, et Confiteor Deo, etc. ut infra.

Quando autem ad Laudes dictæ sunt Preces feriales inferius positæ post Laudes Feriæ ij., tunc ad Primam prædictæ Preces et sequentes dicuntur flexis genibus. *V.* Eripe me, Domine, ab homine malo. *R.* A viro iniquo eripe me. *V.* Eripe me de inimicis meis, Deus meus. *R.* Et ab insurgen-

tibus in me libera me. **ŷ.** Eripe me de operantibus iniquitatem. **ŕ.** Et de viris sanguinum salva me. **ŷ.** Sic psalmum dicam nomini tuo in sæculum sæculi. **ŕ.** Ut reddam vota mea de die in diem. **ŷ.** Exaudi nos, Deus salutaris noster. **ŕ.** Spes omnium finium terræ, et in mari longe. **ŷ.** Deus, in adiutorium meum intende. **ŕ.** Domine, ad adiuvandum me festina. **ŷ.** Sanctus Deus, Sanctus fortis, Sanctus immortalis. **ŕ.** Miserebere nobis. **ŷ.** Benedic, anima mea, Domino. **ŕ.** Et omnia, quæ intra me sunt, nomini sancto ejus. **ŷ.** Benedic, anima mea, Domino. **ŕ.** Et noli oblivisci omnes retributiones ejus. **ŷ.** Qui propitiatur omnibus iniquitatibus tuis. **ŕ.** Qui sanat omnes infirmitates tuas. **ŷ.** Qui redimit de interitu vitam tuam. **ŕ.** Qui coronat te in misericordia et miserationibus. **ŷ.** Qui replet in bonis desiderium tuum. **ŕ.** Renovabitur ut aquilæ juvenis tua. **ŷ.** Adjutorium nostrum in nomine Domini. **ŕ.** Qui fecit cælum et terram.

**Deinde Hebdomadarius facit Confessionem.**

**C**ONFITEOR Deo omnipotenti, beatæ Mariæ semper Virgini, beato Michaëli Archangelo, beato Joanni

Baptistæ, sanctis Apóstolis Petro et Paulo, omnibus Sanctis, et vobis, fratres : quia peccavi nimis cogitatione, verbo, et opere, mea culpa, mea culpa, mea máxima culpa. Ideo precor beatam Mariam semper Virginem, beatum Michaëlem Archangelum, beatum Joannem Baptistam, sanctos Apóstolos Petrum et Paulum, omnes Sanctos, et vos, fratres, orare pro me ad Dominum Deum nostrum.

**Chorus respondet :**

**M**ISEREATUR tui omnipotens Deus, et dimissis peccatis tuis, perducat te ad vitam æternam. **ŕ.** Amen.

**Deinde repetit Confessionem : et ubi dicitur vobis, fratres, et vos, fratres, dicatur tibi, pater, et te, pater. Facta Confessione a Choro.**

**Hebdomadarius dicit :**

**M**ISEREATUR vestri omnipotens Deus, et dimissis peccatis vestris, perducat vos ad vitam æternam. **ŕ.** Amen.

**I**NDULGENTIAM, absolutiōnem, et remissionem peccatorum nostrorum tribuat nobis omnipotens et misericors Dominus. **ŕ.** Amen.

**Et prosequitur, ŷ.** Dignare, Domine, die isto. **ŕ.** Sine peccato nos custodire. **ŷ.** Miserebere nostri, Domine. **ŕ.** Miserebere nostri. **ŷ.** Fiat misericordia tua, Domine, su-

per nos. *R.* Quemádmódum sperávimus in te. *V.* Dómine, exáudi oratióem meam. *R.* Et clamor meus ad te véniat. *V.* Dóminus vobíscum. *R.* Et cum spíritu tuo.

*Orémus. Oratio.*

**D**OMINE Deus omnipotens, qui ad principium hujus diéi nos pervenire fecisti: tua nos hódie salva virtúte, ut in hac die ad nullum declinémus peccátum, sed semper ad tuam justítiam faciéndam nostra procédant elóquia, dirigántur cogitatiónes, et ópera. Per Dóminum nostrum Jesum Christum Fílium tuum: qui tecum vivit et regnat in unitáte Spíritus sancti Deus, per ómnia sæcula sæculórum. *R.* Amen. *V.* Dóminus vobíscum. *R.* Et cum spíritu tuo. *V.* Benedicámus Dómino. *R.* Deo grátias.

Deinde in Choro legitur Martyrologium. Et quando dicenda est Prima de B. Maria, præponitur Lectioni Martyrologii. Postea Hebdomadarius dicit *V.* Pretiósá in conspéctu Dómini. *R.* Mors Sanctórum ejus.

Et absolute sine *Orémus.*

*Oratio.*

**S**ANCTA María, et omnes Sancti intercédant pro nobis ad Dóminum: ut nos mereámur ab eo adjuvári et salvári, qui vivit et regnat in sæcula sæculórum. *R.*

Amen. *V.* Deus, in adjutórium meum inténde. *R.* Dómine, ad adjuvándum me festína. *Et dicitur ter; ultimo additur, Glória Patri.* Sicut erat. *Kyrie, eléison. Christe, eléison. Kyrie, eléison. Pater noster, secreto. V.* Et ne nos inducas in tentatióem. *R.* Sed libera nos a malo. *V.* Réspice in servos tuos, Dómine, et in ópera tua, et dirige filios eórum. *R.* Et sit splendor Dómini Dei nostri super nos, et ópera mánuum nostrárum dirige super nos, et opus mánuum nostrárum dirige. *V.* Glória Patri. *R.* Sicut erat.

*Orémus. Oratio.*

**D**IRIGERE et sanctificáre, régere et gubernáre dignáre, Dómine Deus Rex cœli et terræ, hódie corda et cörpera nostra, sensus, sermónes, et actus nostros in lege tua, et in opéribus mandatórum tuórum; ut hic, et in ætérnum, te auxiliánte, salvi et líberi esse mereámur, Salvátor mundi: Qui vivis et regnas in sæcula sæculórum. *R.* Amen.

*V.* Jube domne benedicere. *Bened.* Dies et actus nostros in sua pace dispónat Dóminus omnipotens.

*R.* Amen.

*Ad Absolut. Capit. in Diebus et Feriis per Annum, ab Octava Pentec. usque ad Adventum exclusive.*



**Lectio brevis. 2. Thess. 3. b**

**D**OMINUS autem dirigat corda et corpora nostra in charitate Dei, et patientia Christi. Tu autem, Domine, miserere nobis. **℟.** Deo gratias.

**Post Lect. brevem dicitur**  
**℣.** Adjutorium nostrum in nomine Domini. **℟.** Qui fecit cælum et terram. **℣.** Benedicite. **℟.** Deus. **Bened.** Dominus nos benedicat, et ab omni malo defendat, et ad vitam perducat æternam: et Fidelium animæ per misericordiam Dei requiescant in pace. **℟.** Amen.

**IN FESTIS**

**Per Annum.**

**Post Ps. Deus in nomine, dicuntur tantum Ps. Beati, et Retribue. 25. Deinde**  
**Añs competens, et reliqua ut supra in Dñica. 28. Sed in Duplicibus et infra Octavas non dicuntur Preces. Dicto Benedicamus Domino. dicitur Prima de B. Maria, si dicenda est: postea legitur Martyrologium in Choro.**

**Deinde dicitur ℣. Pretiosa, cum reliquis ut supra. 29.**

**Ad Absolutionem Capituli in Festis dicitur Capit. Nonæ.**

**AD TERTIAM.**

**Pater noster. Ave Maria. Deus, in adjutorium. 18.**

**Hymnus.**

**N**UNC sancte nobis Spiritus,  
Unum Patri cum Filio,

Dignare promptus ingeri  
Nostro refusus pectori.

**Os**, lingua, mens, sensus, vigor,  
Confessionem personent,  
Flammescat igne charitas,  
Accendat ardor proximos.  
**Præsta**, Pater piissime,  
Patrique compar Unice,  
Cum Spiritu Paráclito  
Regnans per omne sæculum.  
**Amen.**

**In Dominicis per Annum, Añs. All elúia.**

**In seriali Officio per Annum, Añs. Deduc me.**

**Psalmus.**

**L**EGEM pone mihi, Domine,  
Lviam justificationum tuarum: \* et exquisam eam semper.

**Da** mihi intellectum, et scrutabor legem tuam: \* et custodiam illam in toto corde meo.

**Deduc me** in semitam mandatorum tuorum: \* quia ipsam volui.

**Inclina cor meum** in testimonia tua: \* et non in avaritiam.

**Averte oculos meos** ne videant vanitatem: \* in via tua vivifica me.

**Státue servo tuo** elóquium tuum, \* in timóre tuo.

**Amputa opprobrium meum**, quod suspicatus sum: \* quia iudicia tua jucunda.

**Eccc concupivi** mandata tua: \* in æquitate tua vivifica me.

**E**t véniat super me misericórdia tua, Dómine : \* salutare tuum secúndum elóquium tuum.

**E**t respondébo exprobrántibus mihi verbum : \* quia sperávi in sermónibus tuis.

**E**t ne áuferas de ore meo verbum veritátis usquequáque : \* quia in iudíciis tuis supersperávi.

**E**t custódiám legem tuam semper : \* in sæculum et in sæculum sæculi.

**E**t ambulábam in latitúdine : \* quia mandáta tua exquisívi.

**E**t loquébar in testimoniis tuis in conspéctu regum : \* et non confundébar.

**E**t meditábar in mandátis tuis, \* quæ diléxi.

**E**t levávi manus meas ad mandáta tua, quæ diléxi : \* et exercébar in justificatióibus tuis.

**M**EMOR esto verbi tui servo tuo, \* in quo mihi spem dedisti.

**H**æc me consoláta est in humilitáte mea : \* quia elóquium tuum vivificábit me.

**S**upérbi iníque agébant usquequáque : \* a lege autem tua non declinávi.

**M**emor fui iudiciórum tuórum a sæculo, Dómine : \* et consolátus sum.

**D**eféctio ténuít me, \* pro peccatóribus derelinquéntibus legem tuam.

**C**antábiles mihi erant ju-

stificatiónes tuæ, \* in loco peregrinatiónis meæ.

**M**emor fui nocte nóminis tui, Dómine : \* et custodívi legem tuam.

**H**æc facta est mihi : \* quia justificatiónes tuas exquisívi.

**P**órtio mea, Dómine, \* dixi custodíre legem tuam.

**D**eprecátus sum faciém tuam in toto corde meo : \* miserére mei secúndum elóquium tuum.

**C**ogitávi vias meas : \* et convérsti pedes meos in testimónia tua.

**P**arátus sum, et non sum turbátus : \* ut custódiám mandáta tua.

**F**unes peccatórum circumpléxi sunt me : \* et legem tuam non sum oblitus.

**M**édia nocte surgébam ad confiténdum tibi, \* super iudícia justificatiónis tuæ.

**P**árticeps ego sum ómnium timéntium te : \* et custodiéntium mandáta tua.

**M**isericórdia tua, Dómine, plena est terra : \* justificatiónes tuas doce me.

**B**ONITATEM fecisti cum servo tuo, Dómine : \* secúndum verbum tuum.

**B**onitatem, et disciplínam et sciéntiam doce me : \* quia mandátis tuis crédidi.

**T**riúsquam humiliárer ego delíqui : \* proptérea elóquium tuum custodívi.



Bonus es tu : \* et in bonitate tua doce me justificatiōnes tuas.

Multiplicata est super me iniquitas superbōrum : \* ego autem in toto corde meo scrutabor mandata tua.

Coagulatum est sicut lac cor eōrum : \* ego vero legem tuam meditatus sum.

Bonum mihi quia humiliasti me : \* ut discam justificatiōnes tuas.

Bonum mihi lex oris tui, \* super millia auri, et argenti.

Manus tuæ fecerunt me, et plasmaverunt me : \* da mihi intellēctum, ut discam mandata tua.

Qui timent te vidēbunt me, et lætabuntur : \* quia in verba tua supersperavi.

Cognōvi, Dōmine, quia æquitas iudicia tua : \* et in veritate tua humiliasti me.

Fiat misericordia tua ut consolētur me : \* secūndum elōquium tuum servo tuo.

Veniant mihi miseratiōnes tuæ, et vivam : \* quia lex tua meditatio mea est.

Confundantur superbi, quia injuste iniquitatem fecerunt in me : \* ego autem exercēbor in mandatis tuis.

Convertantur mihi timēntes te : \* et qui novērunt testimoniā tua.

Fiat cor meum immaculatum in justificatiōnibus tuis, \* ut non confundar.

Ana. Alleluia, alleluia, alleluia.

Sequens Capitulum, et alia in aliis Horis, dicuntur in Dñicis a iij. post Pent. usque ad Advent. R̃. br. etiam eodem Temp. similiter et quæ seq. in fer. Offic.

Capit. 1. Joan. 4. c

DEUS charitas est : et qui manet in charitate, in Deo manet et Deus in eo.

R̃. br. Inclina cor meum, Deus, \* In testimoniā tua.

Inclina. Ṽ. Averte oculos meos, ne videant vanitatem : invia tua vivifica me. In. Glória Patri. Inclina. Ṽ. Ego dixi, Dōmine, miserere mei. R̃. Sana animam meam, quia peccavi tibi.

In feriali Officio per Annum, Añā. Deduc me, Dōmine, in semitam mandatorum tuorum.

Capit. Jerem. 17. c

SANA me, Dōmine, et sanabor : salvum me fac, et salvus ero : quoniam laus mea tu es.

R̃. br. Sana animam meam, \* Quia peccavi tibi. Sana.

Ṽ. Ego dixi, Dōmine, miserere mei. Quia. Glória Patri. Sana. Ṽ. Adjutor meus esto, ne derelinquas me. R̃. Neque despicias me, Deus salutaris meus.

Quando ad Matutinum dicte sunt Preces, ad Tertiam, Sextam et Nonam flexis genibus dicitur : Ky

rie, eléison. **Christe**, eléison.  
**Kyrie**, eléison. **Pater noster**,  
*secreto.* **Ÿ.** Et ne nos indú-  
 cas in tentatióem. **Ŕ.** Sed  
 libera nos a malo. **Ÿ.** Dómine  
 Deus virtútum, convérte nos.  
**Ŕ.** Et osténde fáciem tuam,  
 et salvi érimus. **Ÿ.** Exúrge,  
**Christe**, ádjuva nos. **Ŕ.** Et  
 libera nos propter nomen  
 tuum. **Ÿ.** Dómine, exáudi  
 oratióem meam. **Ŕ.** Et cla-  
 mor meus ad te véniat. **Ÿ.**  
 Dóminus vobíscum. **Ŕ.** Et  
 cum spíritu tuo. **Orémus.**

**Oratio conveniens.**

**AD SEXTAM.**

**Pater noster.** **Ave María.**  
**Deus**, in adjutórium. 18.

**Hymnus.**

**R**ECTOR potens, verax  
 Deus,  
 Qui témperas rerum vices,  
 Splendóre mane illúminas,  
 Et ignibus merídiem.  
 Extingue flammás lítium,  
 Aufer calórem nóxium,  
 Confer salútem córporum,  
 Verámque pacem córdium.  
 Præsta, Pater piíssime,  
 Patrísque compar Unice,  
 Cum Spíritu Paráclito  
 Regnans per omne sæculum.  
 Amen.

**In Dominicis per Annum.**  
**Añá.** Allelúia.

**In feriali Officio per An-  
 num.** **Añá.** Adjuva me.

**Psalms.**

**D**EFECIT in salutáre tuum  
 ánima mea : \* et in ver-  
 bum tuum supersperávi.

Defecérunt óculi mei in  
 elóquium tuum, \* dicétes:  
 Quando consoláberis me?

Quia factus sum sicut  
 uter in pruina : \* justifica-  
 tiónes tuas non sum oblí-  
 tus.

Quot sunt dies servi tui :  
 \* quando fácies de perse-  
 quéntibus me iudícium?

Narravérunt mihi iníqui  
 fabulatiónes : \* sed non ut  
 lex tua.

Omnia mandáta tua véri-  
 tas : \* iníque persecúti sunt  
 me, ádjuva me.

Paulo minus consumma-  
 vérunt me in terra : \* ego  
 autem non derelíqui man-  
 dáta tua.

Secúndum misericórdiam  
 tuam vivífica me ; \* et cu-  
 stódiam testimónia oris tui.  
 In ætérnum, Dómine : \*  
 verbum tuum pérmanet in  
 cœlo.

In generatióem et gene-  
 ratióem véritas tua : \* fun-  
 dásti terram, et pérmanet.  
 Ordinatióne tua persevé-  
 rat dies : \* quóniam ómnia  
 sérvíunt tibi.

Nisi quod lex tua meditá-  
 tio mea est : \* tunc forte  
 periíssem in humilitáte  
 mea.

In ætérnum non oblivíscar  
 justificatiónes tuas : \* quia  
 in ipsis vivificásti me.

Tuus sum ego, salvum  
 me fac : \* quóniam justifi-  
 catiões tuas exquisívi.

**M**e expectavérunt peccatores ut perderent me : \* testimónia tua intelléxi.

**O**mnis consummationis vidi finem : \* latum mandatum tuum nimis.

**Q**UOMODO diléxi legem tuam, Dómine? \* tota die meditatio mea est.

**S**uper inimicos meos prudentem me fecisti mandato tuo : \* quia in ætérnum mihi est.

**S**uper omnes docéntes me intelléxi : \* quia testimónia tua meditatio mea est.

**S**uper senes intelléxi : \* quia mandata tua quæsi.

**A**b omni via mala prohibui pedes meos; \* ut custodiam verba tua.

**A** judiciis tuis non declinavi : \* quia tu legem posuisti mihi.

**Q**uam dulcia faucibus meis elóquia tua, \* super mel ori meo!

**A** mandatis tuis intelléxi : \* propterea odívi omnem viam iniquitátis.

**L**ucérna pédibus meis verbum tuum, \* et lumen sémitis meis.

**J**uravi, et státui \* custodire judicia justitiæ tuæ.

**H**umiliátus sum usquequaque, Dómine : \* vivifica me secúndum verbum tuum.

**V**oluntária oris mei benelácita fac, Dómine : \* et judicia tua doce me.

**A**nima mea in manibus meis semper : \* et legem tuam non sum oblítus.

**P**osuérunt peccatores láqueum mihi : \* et de mandatis tuis non errávi.

**H**ereditate acquisívi testimónia tua in ætérnum : \* quia exultatio cordis mei sunt.

**I**nclinavi cor meum ad faciéndas justificationes tuas in ætérnum : \* propter retributionem.

**I**NIQUOS odio hábui : \* et legem tuam diléxi.

**A**djutor et suscepitor meus es tu : \* et in verbum tuum supersperávi.

**D**eclináte a me maligni : \* et scrutabor mandata Dei mei.

**S**úscipe me secúndum elóquium tuum, et vivam : \* et non confundas me ab expectatione mea.

**A**djuva me, et salvus ero : \* et meditabor in justificationibus tuis semper.

**S**previsti omnes discedentes a judiciis tuis : \* quia injústa cogitatio eórum.

**P**rævaricantes reputávi omnes peccatores terræ ; \* ideo diléxi testimónia tua.

**C**onfige timóre tuo carnes meas : \* a judiciis enim tuis tímui.

**F**eci judicium et justítiam : \* non tradas me calumniántibus me.

**S**úscipe servum tuum in

bonum : \* non calumnién-  
tur me supérbi.

Oculi mei defecérunt in  
salutáre tuum : \* et in eló-  
quium justítiæ tuæ.

Fac cum servo tuo secún-  
dum misericórdiam tuam :  
\* et justificatiónes tuas doce me.

Servus tuus sum ego : \*  
da mihi intelléctum , ut  
sciam testimónia tua.

Tempus faciéndi, Dómine :  
\* dissipavérunt legem tuam.

Ideo diléxi mandáta tua ,  
\* super aurum et topázion.

Proptérea ad ómnia man-  
dáta tua dirigébar : \* om-  
nem viam iníquam ódio há-  
bui.

Añá. Allelúia , allelúia , al-  
lelúia.

#### Capitulum. Galat. 6.

**A**LTER altérius ónera por-  
táte, et sic adimplébitis  
legem Christi.

Ŕ. br. In ætérnum, Dó-  
mine, \* Pérmanet verbum  
tuum. In ætérnum. V. In  
sæculum sæculi véritas tua.  
Pérmanet. Glória Patri. In  
ætérnum. V. Dóminus regit  
me, et nihil mihi déerit.  
Ŕ. In loco pásceæ ibi me  
collocávit.

In feriali Officio per An-  
num, Añá. Adjuva me, et  
salvus ero, Dómine.

#### Capit. Alter altérius.

Ŕ. br. Benedicam Dómi-  
num \* In omni témpore.  
Benedicam. V. Semper laus

ejus in ore meo. In. Glória  
Patri. Benedicam. V. Dómi-  
nus regit me, et nihil mihi  
déerit. Ŕ. In loco pásceæ  
ibi me collocávit.

Quando ad Matutinum  
dictæ sunt Preces, flexis  
genibus dicitur : Kyrie, eléi-  
son. Christe, eléison. Kyrie,  
eléison. Pater noster, se-  
creto. V. Et ne nos indúcas  
in tentatióem. Ŕ. Sed lí-  
bera nos a malo. V. Dómine  
Deus virtútum, convérte nos.  
Ŕ. Et osténde faciém tuam ,  
et salvi érimus. V. Exúrge,  
Christe, adjuva nos. Ŕ. Et  
libera nos propter nomen  
tuum. V. Dómine, exáudi  
oratióem meam. Ŕ. Et cla-  
mor meus ad te véniat. V.  
Dóminus vobiscum. Ŕ. Et  
cum spiritu tuo. Orémus.

#### Oratio conveniens.

#### AD NONAM.

Pater noster. Ave María.  
Deus, in adjutórium. 18.

#### Hymnus.

**R**ERUM Deus tenax vigor,  
Immótus in te pérma-  
nens,

Lucis diúrnæ témpora  
Succéssibus detérminans.

Largíre lumen véspere ,  
Quo vita nusquam décidat,  
Sed præmium mortis sacræ  
Perénnis instet glória.

Præsta , Pater píssime ,  
Patrique compar Unice ,  
Cum Spíritu Paráclito  
Regnans per omne sæcu-  
lum. Amen.

In Dominicis per Annum.  
Añā. Allelúia.

In feriali Officio per Annum, Añā. Aspice in me.

Psalmus.

**M**IRABILIA testimónia tua :  
\* ideo scrutáta est ea  
ánima mea.

Declarátio sermónum tuó-  
rum illúminat : \* et intel-  
léctum dat párvulis.

Os meum apérui , et at-  
tráxi spíritum : \* quia man-  
dáta tua desiderábam.

Aspice in me, et miserére  
mei , \* secúndum iudiciu[m]  
diligéntium nomen tuum.

Gressus meos dirige se-  
cúndum elóquium tuum : \*  
et non dominétur mei om-  
nis iniustítia.

Rédime me a calúmniis  
hóminum : \* ut custódiam  
mandáta tua.

Fáciem tuam illúmina su-  
per servu[m] tuu[m] : \* et doce  
me justificatiónes tuas.

Exitus aquárum deduxérunt  
óculi mei : \* quia non  
custodiérunt legem tuam.

Iustus es , Dómine : \* et  
rectu[m] iudiciu[m] tuu[m].

Mandásti justítiam testi-  
mónia tua : \* et veritátem  
tuam nimis.

Labéscere me fecit zelus  
meus : \* quia obliti sunt  
verba tua inimíci mei.

Ignítum elóquium tuu[m]  
veheménter : \* et servus  
tuus diléxit illud.

Adolescéntulus sum ego ,

et contéptus : \* justifica-  
tiónes tuas non sum oblitus.  
Justítia tua , justítia in  
aetérnum : \* et lex tua vé-  
ritas.

Tribulátio et angústia in-  
venérunt me : \* mandáta  
tua meditátio mea est.

Equitas testimónia tua in  
aetérnum : \* intelléctum da  
mihi, et vivam.

**C**LAMAVI in toto corde meo,  
exáudi me, Dómine : \* ju-  
stificatiónes tuas requíram.

Clamávi ad te, salvu[m] me  
fac : \* ut custódiam man-  
dáta tua.

Præveni in maturitatē , et  
clamávi : \* quia in verba  
tua supersperávi.

Prævenérunt óculi mei ad  
te dilúculo : \* ut meditárer  
elóquia tua.

Vocem meam audi secún-  
dum misericórdiam tuam,  
Dómine : \* et secúndum ju-  
diciu[m] tuu[m] vivífica me.

Appropinquavérunt perse-  
quéntes me iniquitáti : \*  
a lege autem tua longe facti  
sunt.

Prope es tu, Dómine : \*  
et omnes viæ tuæ veritas.

Initio cognóvi de testimó-  
niis tuis : \* quia in aetér-  
num fundásti ea.

Vide humilitátem meam ,  
et éripe me : \* quia legem  
tuam non sum oblitus.

Iúdica iudiciu[m] meu[m] ,  
et rédime me : \* propter  
elóquium tuu[m] vivífica me.

Longe a peccatoribus salus : \* quia justificationes tuas non exquisierunt.

Misericordiæ tuæ multæ, Dómine : \* secundum iudicium tuum vivifica me.

Multi qui persequuntur me, et tribulant me : \* a testimoniis tuis non declinavi.

Vidi prævaricantes, et tabescébam : \* quia elóquia tua non custodiérunt.

Vide quóniam mandata tua diléxi, Dómine : \* in misericordia tua vivifica me.

Principium verbórum tuórum, véritas : \* in ætérnum ómnia iudicia justitiæ tuæ.

**P**RINCIPES persecúti sunt me gratis : \* et a verbis tuis formidávit cor meum.

Lætabor ego super elóquia tua : \* sicut qui invenit spólia multa.

Iniquitatem ódio hábui, et abominátus sum : \* legem autem tuam diléxi.

Sépties in die laudem dixi tibi : \* super iudicia justitiæ tuæ.

Pax multa diligéntibus legem tuam : \* et non est illis scándalum.

Expectábam salutáre tuum, Dómine : \* et mandata tua diléxi.

Custodivit ánima mea testimónia tua : \* et diléxit ea veheménter.

Servávi mandata tua, et

testimónia tua : \* quia omnes viæ meæ in conspéctu tuo.

Appropínquet deprecátio mea in conspéctu tuo, Dómine : \* juxta elóquium tuum da mihi intelléctam.

Intret postulátio mea in conspéctu tuo : \* secundum elóquium tuum éripe me.

Fructábunt lábia mea hymnum, \* cum docúeris me justificationes tuas.

Pronuntiábit lingua mea elóquium tuum : \* quia ómnia mandata tua æquitas.

fiat manus tua, ut salvet me : \* quóniam mandata tua elégi.

Concupívi salutáre tuum, Dómine : \* et lex tua meditátio mea est.

Vivet ánima mea, et laudábit te, \* et iudicia tua adjuvábunt me.

Errávi, sicut ovis quæ périit : \* quære servum tuum, quia mandata tua non sum oblítus.

**Ana.** Allelúia, allelúia, allelúia.

**Capit. 1. Cor. 6. d**

**E**MPTI enim estis pretio magno. Glorificáte, et portáte Deum in corpore vestro.

**R. br.** Clamávi in toto corde meo, \* Exáudi me, Dómine. Clamávi. **V.** Justificationes tuas requíram. Exáudi. **Gloria Patri. Cla-**



mávi. **V.** Ab occúltis meis munda me, Dómine. **R.** Et ab aliénis parce servo tuo.

**In feriali Officio per Annum, Añá.** Aspice in me, et miserére mei, Dómine.

**Capitulum.** Empti enim. **R.** **br.** Rédime me, Dómine, \* Et miserére mei. Rédime. **V.** Pes enim meus stetit in via recta. Et. Glória Patri. Rédime. **V.** Ab occúltis meis munda me, Dómine. **R.** Et ab aliénis parce servo tuo.

**Quando ad Matutinum dictæ sunt Preces, flexis genibus dicitur:** Kyrie, eléison. Christe, eléison. Kyrie, eléison. **P**ater noster, **secreto.** **V.** Et ne nos indúcas in tentatióem. **R.** Sed libera nos a malo. **V.** Dómine Deus virtútum, convérte nos. **R.** Et osténde faciém tuam, et salvi érimus. **V.** Exúrge, Christe, ádjuva nos. **R.** Et libera nos propter nomen tuum. **V.** Dómine, exáudi oratióem meam. **R.** Et clamor meus ad te véniat. **V.** Dóminus vobíscum. **R.** Et cum spíritu tuo. **O**rémus.

**Oratio conveniens.**

**Vesperæ in Dñica, et in Feriis, habentur inferius post Laudes Sabbati.**

## FERIA SECUNDA.

**Ad Matutinum.**

**P**ater noster. **A**ve María. **C**redo. **V.** Dómine, lábia mea apéries, **ut supra.** 1.

**Invitatorium.** Veníte, \* Exultémus Dómino. **Psal-mus.** **J**ubilémus Deo, **ut supra.** 2.

**Hymnus.**

**S**OMNO refécit ártubus, **S**preto cubili, súrgimus: Nobis, Pater, canéntibus Adésse te depóscimus.

**T**e lingua primum cóncinat,

**T**e mentis ardor ámbiat:

**U**t áctuum sequéntium

**T**u, sancte, sis exórdium.

**C**edant tenébræ lúmini,

**E**t nox diúrno síderi,

**U**t culpa, quam nox intulit,

**L**ucis labáscat múnere.

**P**recámur iidem súpplices,

**N**oxas ut omnes ámputes,

**E**t ore te canéntium

**L**audéris omni témpore.

**P**raesta, Pater piíssime,

**P**atríque compar Unice,

**C**um Spíritu Paráclito

**R**egnans per omne sæculum. Amen.

**Invitoria per Ferias dicuntur in feriali Officio ab Octava Pentecostes usque ad Adventum. Hymni verotam ad Matutinum, quam ad Laudes et Vesperas, et Añæ Nocturnorum ut infra.**

**Añá.** Dóminus defénsor.

**Psalmus 26.**

**D**OMINUS illuminatio mea et salus mea, \* quem timébo?

**D**óminus protéctor vitæ meæ, \* a quo trepidábo?

**D**um apprópíant super me



nocentes, \* ut edant carnes meas :

Qui tribulant me inimici mei, \* ipsi infirmati sunt, et ceciderunt.

Si consistent adversum me castra, \* non timebit cor meum.

Si exurgat adversum me praelium, \* in hoc ego sperabo.

Unam petii a Domino, hanc requiram, \* ut inhabitem in domo Domini, omnibus diebus vitae meae.

Ut videam voluptatem Domini, \* et visitem templum ejus.

Quoniam abscondit me in tabernaculo suo : \* in die malorum protexit me in abscondito tabernaculi sui.

In petra exaltavit me : \* et nunc exaltavit caput meum super inimicos meos.

Circuivi, et immolavi in tabernaculo ejus hostiam vociferationis : \* cantabo, et psalmum dicam Domino.

Exaudi, Domine, vocem meam qua clamavi ad te : \* miserere mei, et exaudi me.

Tibi dixit cor meum, exquisivit te facies mea : \* faciem tuam, Domine, requiram.

Ne avertas faciem tuam a me : \* ne declines in ira a servo tuo.

Adjutor meus esto : \* ne derelinquas me, neque de-

spicias me, Deus salutaris meus.

Quoniam pater meus, et mater mea dereliquerunt me : \* Dominus autem assumpsit me.

Legem pone mihi, Domine, in via tua : \* et dirige me in semitam rectam propter inimicos meos.

Ne tradideris me in animas tribulantium me : \* quoniam insurrexerunt in me testes iniqui, et mentita est iniquitas sibi.

Credo videre bona Domini : \* in terra viventium.

Expecta Dominum, viriliter age : \* et confortetur cor tuum, et sustine Dñm.

#### Psalmus 27.

**A**d te, Domine, clamabo, Deus meus ne sileas a me : \* nequando taceas a me, et assimilabor descendentibus in lacum.

Exaudi, Domine, vocem deprecationis meae dum oro ad te : \* dum extollo manus meas ad templum sanctum tuum.

Ne simul trahas me cum peccatoribus : \* et cum operantibus iniquitatem ne perdas me.

Qui loquuntur pacem cum proximo suo, \* mala autem in cordibus eorum.

Da illis secundum opera eorum, \* et secundum nequitiam adinventioinum ipsorum.

Secundum ópera mánuum  
eórum tríbue illis : \* redde  
retributióem eórum ipsis.

Quóniam non intellexé-  
runt ópera Dómini , et in  
ópera mánuum ejus \* dé-  
strues illos , et non ædificá-  
bis eos.

Benedíctus Dóminus : \*  
quóniam exaudivit vocem  
deprecatiónis meæ.

Dóminus adjutor meus ,  
et protector meus : \* in ipso  
sperávit cor meum , et ad-  
jutus sum.

Et reflóruit caro mea : \*  
et ex voluntate mea confité-  
bor ei.

Dóminus fortitúdo plebis  
suæ : \* et protector salva-  
tiónum Christi sui est.

Salvum fac pópulum tuum,  
Dómine, et bédedic hæredi-  
tati tuæ : \* et rege eos , et  
extólle illos usque in ætér-  
num.

**Añá.** Dóminus defénsor vi-  
tæ meæ.

**Añá.** Adoráte.

### Psalmus 28.

**A**FFERTE Dómino, filii Dei:  
\* afférte Dómino filios  
arietum :

Afférte Dómino glóriam  
et honórem , afférte Dómino  
glóriam nómini ejus : \* ado-  
ráte Dóminum in átrio san-  
cto ejus.

Vox Dómini super aquas ,  
Deus majestátis intónnit : \*  
Dóminus super aquas mul-  
tas.

Vox Dómini in virtute ,  
\* vox Dómini in magnifi-  
céntia.

Vox Dómini confringéntis  
cedros : \* et confrínget Dó-  
minus cedros Libani :

Et commínuet eas tam-  
quam vítulum Libani : \* et  
diléctus quemádmódum fi-  
lius unicórniū.

Vox Dómini intercidéntis  
flamam ignis : \* vox Dó-  
mini concutiéntis désertum,  
et commovébit Dóminus de-  
sértum Cades.

Vox Dómini præparántis  
cervos , et revelábit con-  
dénſa : \* et in templo ejus  
omnes dicent glóriam.

Dóminus dilúvium inha-  
bitáre facit : \* et sedébit  
Dóminus rex in ætérnum.

Dóminus virtutem pópulo  
suo dabit : \* Dóminus be-  
nedícet pópulo suo in pace.

### Psalmus 29.

**E**XALTAŦO te, Dómine, quó-  
niam suscepísti me : \*  
nec delectásti inimícos meos  
super me.

Dómine Deus meus , cla-  
mávi ad te , \* et sanásti me.

Dómine , eduxísti ab infér-  
no ánimam meam : \* sal-  
vásti me a descendéntibus  
in lacum.

Pállite Dómino sancti  
ejus : \* et confitémini me-  
móriæ sanctitátis ejus.

Quóniam ira in indigna-  
tióne ejus : \* et vita in vo-  
luntate ejus.

**A**d vésperum demorábitur fletus : \* et ad matutinum lætítia.

**E**go autem dixi in abundantia mea : \* Non movébor in ætérnum.

**D**ómine, in voluntáte tua, \* præstitisti decóri meo virtutem.

**A**vertisti fáciem tuam a me : \* et factus sum conturbátus.

**A**d te, Dómine, clamábo, \* et ad Deum meum deprecábor.

**Q**uæ utilitas in ságuine meo, \* dum descéndo in corruptionem?

**N**umquid confitébitur tibi pulvis, \* aut annuntiábit veritátem tuam?

**A**udívit Dóminus et misértus est mei : \* Dóminus factus est adjutor meus.

**C**onvertisti planctum meum in gáudium mihi : \* conscidisti saccum meum, et circumdedisti me lætítia :

**U**t cantet tibi glória mea, et non compúngar : \* Dómine Deus meus, in ætérnum confitébor tibi.

**Añs.** Adoráte Dóminum in aula sancta ejus.

**Añs.** In tua justítia.

### **Psalmus 30.**

**I**n te, Dómine, sperávi, non confúndar in ætérnum : \* in justítia tua libera me.

**I**nclina ad me aurem tuam, \* accélera ut éruas me.

**E**sto mihi in Deum prote-

ctórem : et in domum refúgii, \* ut salvum me fácias.

**Q**uóniam fortitúdo mea, et refúgium meum es tu : \* et propter nomen tuum dedúces me, et enútries me.

**E**dúces me de láqueo hoc, quem abscondérunt mihi : \* quóniã tu es protéctor meus.

**I**n manus tuas comméndo spíritum meum : \* redemísti me, Dómine Deus veritátis.

**O**dísti observátes vanitátes, \* supervácue.

**E**go autem in Dómino sperávi : \* exultábo, et lætábor in misericórdia tua.

**Q**uóniam respexisti humilitátem meam, \* salvásti de necessitátibus ánimã meam.

**N**ec conclusísti me in manibus inimici : \* statuísti in loco spatióso pedes meos.

**M**iserére mei, Dómine, quóniam tribulor : \* conturbátus est in ira óculus meus, ánima mea, et venter meus :

**Q**uóniam defécit in dolore vita mea ; \* et anni mei in gemítibus.

**I**nfirmáta est in paupertáte virtus mea : \* et ossa mea conturbáta sunt.

**S**uper omnes inimicos meos factus sum oppróbrium et vicinis meis valde : \* et timor notis meis.

**Q**ui vidébant me, foras fugérunt a me : \* oblivióni datus sum, tamquam mórtuus a corde.

**F**actus sum tamquam vas perditum : \* quóniam audi-  
vi vituperationem multórum  
commorántium in circúitu :  
**I**n eo dum convenirent si-  
mul advérsus me, \* accípe-  
re ánimam meam consiliáti  
sunt.

**E**go autem in te sperávi,  
Dómine : \* dixi : Deus meus  
es tu : in mánibus tuis sor-  
tes meæ.

**E**ripe me de manu ini-  
micórum meórum, \* et a  
persequéntibus me.

**I**llústra faciém tuam su-  
per servum tuum, salvum  
me fac in misericórdia tua :  
\* Dómine, non confúndar,  
quóniam invocávi te.

**E**rubéscant impíi, et de-  
ducántur in inférnum : \*  
muta fiant lábia dolósa.

**Q**uæ loquúntur advérsus  
justum iniquitátem, \* in su-  
pérbia, et in abusióne.

**Q**uam magna multitúdo  
dulcédinis tuæ, Dñe, \* quam  
abscondísti timéntibus te !

**P**erfecísti eis, qui sperant  
in te, \* in conspéctu filió-  
rum hóminum.

**A**bscóndes eos in abscón-  
dito faciéi tuæ \* a contur-  
batióne hóminum.

**P**róteges eos in taberná-  
culo tuo \* a contradicióne  
linguárum.

**B**enedictus Dóminus : \*  
quóniam mirificávit miseri-  
córdiam suam mihi in civi-  
táte munita.

**E**go autem dixi in excés-  
su mentis meæ : \* Projé-  
ctus sum a fácie oculórum  
tuórum.

**I**deo exaudísti vocem ora-  
tiónis meæ, \* dum clamá-  
rem ad te.

**D**iligite Dóminum omnes  
sancti ejus : \* quóniam ve-  
ritátem requirét Dóminus,  
et retribuet abundánter fa-  
ciéntibus supérbiam.

**V**iriliter ágite, et con-  
fortétur cor vestrum, \*  
omnes qui sperátis in Dó-  
mino.

### Psalmus 31.

**B**EATI, quorum remissæ  
sunt iniquitátes : \* et  
quorum tecta sunt peccáta.

**B**eátus vir, cui non im-  
putávit Dóminus peccátum ;  
\* nec est in spíritu ejus do-  
lus.

**Q**uóniam tácuí, invetera-  
vérunt ossa mea, \* dum cla-  
márem tota die.

**Q**uóniam die ac nocte  
graváta est super me manus  
tua : \* convérsus sum in  
ærumna mea, dum confí-  
gitur spina.

**D**elictum meum cógnitum  
tibi feci : \* et injustítiam  
meam non abscondi.

**D**ixi : Confitébor advér-  
sum me injustítiam meam  
Dómino : \* et tu remisísti  
impietátem peccáti mei.

**P**ro hac orábit ad te om-  
nis sanctus, \* in témpore  
opportúno.

**V**erūmtamen in dilúvio aquárum multárum \* ad eum non approximábunt.

**T**u es refúgium meum a tribulatióne, quæ circūm-dedit me : \* exultatio mea, érue me a circumdántibus me.

**I**ntelléctum tibi dabo, et instruam te in via hac, qua gradiéris : \* firmábo super te óculos meos.

**N**olíte fieri sicut equus et mulus, \* quibus non est intelléctus.

**I**n camo et freno maxillas eórum constringe, \* qui non appróximant ad te.

**M**ulta flagélla peccatóris, \* sperántem autem in Dómino misericórdia circūmdabit.

**L**ætámini in Dómino, et exultáte iusti, \* et gloriámini omnes recti corde.

**Añá.** In tua justítia libera me, Dómine.

**Añá.** Rectos.

### Psalmus 32.

**E**XULTATE, iusti, in Dómino : \* rectos decet colaudatio.

**C**onfitémini Dómino in cíthara : \* in psaltério decem chordárum psállite illi.

**C**antáte ei canticum novum : \* bene psállite ei in vociferatióne.

**Q**uia rectum est verbum Dómini, \* et ómnia ópera ejus in fide.

**D**iligit misericórdiam et

judícium : \* misericórdia Dómini plena est terra.

**V**erbo Dómini cœli firmati sunt : \* et spíritu oris ejus omnis virtus eórum.

**C**ongregans sicut in utre aquas maris : \* ponens in thesáuris abyssos.

**T**imeat Dóminum omnis terra : \* ab eo autem commoveántur omnes inhábítantes orbem.

**Q**uóniam ipse dixit, et facta sunt : \* ipse mandávit et creáta sunt.

**D**óminus dissipat consília Géntium : \* réprobat autem cogitatiónes populórum, et réprobat consília príncipum.

**C**onsílium autem Dómini in ætérnum manet : \* cogitatiónes cordis ejus in generatióne et generatióne.

**B**eáta gens, cujus est Dóminus Deus ejus, \* pópulus, quem elégit in hæreditátem sibi.

**D**e cœlo respéxit Dóminus : \* vidit omnes filios hóminum.

**D**e præparáto habitáculo suo : \* respéxit super omnes qui hábitant terram.

**Q**ui finxit singillátim corda eórum : \* qui intélligit ómnia ópera eórum.

**N**on salvátur rex per multam virtútem : \* et gigas non salvábitur in multitudine virtútis suæ.

**F**allax equus ad salutem :

\* in abundantia autem virtutis suæ non salvabitur.

Eecce oculi Domini super metuentes eum : \* et in eis, qui sperant super misericordia ejus.

Ut eruat a morte animas eorum : \* et aliat eos in fame.

Anima nostra sustinet Dominum : \* quoniam adiutor et protector noster est.

Quia in eo lætabitur cor nostrum : \* et in nomine sancto ejus speravimus.

Fiat misericordia tua, Domine, super nos : \* quemadmodum speravimus in te.

### Psalmus 33.

**B**ENEDICAM Dominum in omni tempore : \* semper laus ejus in ore meo.

In Domino laudabitur anima mea : \* audiant mansueti, et lætentur.

Magnificate Dominum mecum, \* et exaltemus nomen ejus in idipsum.

Exquisivi Dominum, et exaudivit me : \* et ex omnibus tribulationibus meis eripuit me.

Accedite ad eum, et illuminamini : \* et facies vestræ non confundentur.

Iste pauper clamavit, et Dominus exaudivit eum : \* et de omnibus tribulationibus ejus salvavit eum.

Immittet Angelus Domini in circuitu timantium eum : \* et eripiet eos.

Custate, et videte quoniam

niam suavis est Dominus : \* beatus vir, qui sperat in eo.

Time Domini omnes sancti ejus : \* quoniam non est inopia timentibus eum.

Divites eguerunt et esuriierunt : \* inquirentes autem Dominum non minuentur omni bono.

Venite, filii, audite me : \* timorem Domini docebo vos.

Quis est homo qui vult vitam : \* diligit dies videre bonos ?

Prohibe linguam tuam a malo : \* et labia tua ne loquantur dolum.

Diverte a malo, et fac bonum : \* inquire pacem, et persequere eam.

Oculi Domini super justos : \* et aures ejus in preces eorum.

Vultus autem Domini super facientes mala : \* ut perdat de terra memoriam eorum.

Clamaverunt justi, et Dominus exaudivit eos : \* et ex omnibus tribulationibus eorum liberavit eos.

Juxta est Dominus iis qui tribulato sunt corde : \* et humiles spiritu salvabit.

Multæ tribulationes justorum : \* et de omnibus his liberabit eos Dominus.

Custodit Dominus omnia ossa eorum : \* unum ex his non conteretur.



**Mors** peccatórum péssima :  
\* et qui odérunt justum  
delinquent.

**Rédimet** Dóminus ánimas  
servórum suórum : \* et  
non delinquent omnes qui  
sperant in eo.

**Ana.** Rectos decet collau-  
dátio.

**Ana.** Expúgna.

**Psalmus 34.**

**JUDICA**, Dómine, nocéntes  
me, \* expúgna impu-  
gnántes me.

**Apprehénde** arma et scu-  
tum : \* et exúrge in adju-  
tóriúm mihi.

**Effúnde** frámeam, et con-  
clúde advérsus eos, qui per-  
sequúntur me : \* dic ánimæ  
meæ : Salus tua ego sum.

**Confundántur** et reve-  
reántur, \* quæréntes áni-  
mam meam.

**Avertántur** retrórsum, et  
confundántur \* cogitántes  
mihi mala.

**Fiant** tamquam pulvis ante  
fáciem venti : \* et Angelus  
Dómini coárcetans eos.

**Fiat** via illórum ténebræ  
et lúbrium : \* et Angelus  
Dómini pérsequens eos.

**Quóniam** gratis abscondé-  
runt mihi intéritum láquei  
sui : \* supervácue expro-  
bravérunt ánimam meam.

**Véniat** illi láqueus, quem  
ignórat : et cáptio, quam  
abscondit, apprehéndat  
eum : \* et in láqueum ca-  
dat in ipsum.

**Anima** autem mea exul-  
tábit in Dómino : \* et de-  
lectábitur super salutári  
suo.

**Omnia** ossa mea dicent :  
\* Dómine, quis símilis  
tibi?

**Eripiens** inopem de manu  
fortiórum ejus : \* egénúm  
et páuperem a diripiénti-  
bus eum.

**Surgéntes** testes iníqui, \*  
quæ ignorábam, interrogá-  
bant me.

**Retribuébant** mihi mala  
pro bonis : \* sterilitátem  
ánimæ meæ.

**Ego** autem cum mihi mo-  
lésti essent, \* induébar ci-  
licio.

**Humiliábam** in jejúni-  
o ánimam meam : \* et orátio  
mea in sinu meo converté-  
tur.

**Quasi** próximum, et quasi  
fratrem nostrum, sic com-  
placébam : \* quasi lugens et  
contristátus sic humiliábar.

**Et** advérsus me lætáti  
sunt, et convenérunt : \*  
congregáta sunt super me  
flagélla, et ignorávi.

**Dissipáti** sunt, nec com-  
púnci, tentavérunt me,  
subsannavérunt me subsan-  
natióne : \* frenduérunt su-  
per me déntibus suis.

**Dómine**, quando respícies?  
\* restítue ánimam meam a  
malignitáte eórum, a leóni-  
bus únicam meam.

**Confitébor** tibi in ecclésia



magna, \* in pópulo gravi  
laudábo te.

**N**on supergáudeant mihi,  
qui adversántur mihi ini-  
que : \* qui odérunt me gra-  
tis, et ánnuunt óculis.

**Q**uóniam mihi quidem  
pacífice loquebántur : \* et in  
iracúndia terræ loquéntes,  
dolos cogitábant.

**E**t dilatavérunt super me  
os suum : \* dixerunt : Euge,  
euge, vidérunt óculi no-  
stri.

**V**idisti, Dómine, ne síleas :  
\* Dómine, ne discédas a  
me.

**E**xúrge et inténde iudicio  
meo : \* Deus meus, et Dómi-  
nus meus in causam meam.

**J**udica me secúndum ju-  
stítiam tuam, Dómine Deus  
meus, \* et non supergáu-  
deant mihi.

**N**on dicant in córdibus  
suis : Euge, euge, ánimæ  
nostræ : \* nec dicant : De-  
vorávimus eum.

**E**rubéscant et revereántur  
simul, \* qui gratulántur  
malis meis.

**I**nduántur confusióne et  
reveréntia \* qui magna lo-  
quúntur super me.

**E**xúltent et læténtur qui  
volunt justítiam meam : \*  
et dicant semper : Magni-  
ficétur Dóminus, qui volunt  
pacem servi ejus.

**E**t lingua mea meditábitur  
justítiam tuam, \* tota die  
laudem tuam.

### Psalmus 35.

**D**IXIT injústus, ut delin-  
quat in semetípso : \*  
Non est timor Dei ante ócu-  
los ejus.

**Q**uóniam dolóse egit in  
conspéctu ejus : \* ut inve-  
niátur iníquitas ejus ad  
ódium.

**V**erba oris ejus iníquitas,  
et dolus : \* nóluit intelligere  
ut bene ágeret.

**I**niquitatem meditátus est  
in cubili suo : \* ástitit om-  
ni viæ non bonæ, malítiam  
autem non odívit.

**D**ómine, in cœlo miseri-  
córdia tua : \* et véritas tua  
usque ad nubes.

**J**ustítia tua sicut montes  
Dei : \* iudícia tua abyssus  
multa.

**H**ómines, et juménta sal-  
vábis, Dómine : \* quem-  
admodum multiplicásti mi-  
sericórdiam tuam Deus.

**F**ilii autem hóminum, \*  
in tégmine alárum tuárum  
sperábunt.

**I**nebriabúntur ab ubertáte  
domus tuæ : \* et torrén-  
te voluptátis tuæ potábis eos.

**Q**uóniam apud te est fons  
vitæ : \* et in lúmine tuo vi-  
debimus lumen.

**P**ræténdé misericórdiam  
tuam sciéntibus te, \* et ju-  
stítiam tuam his, qui recto  
sunt corde.

**N**on véniat mihi pes su-  
pérbiæ, \* et manus pecca-  
tórís non móveat me.

**I**bi ceciderunt qui operantur iniquitatem : \* expulsi sunt, nec potuerunt stare.

**Ant.** Expugna impugnantes me.

**Ant.** Revela.

**Psalmus 36.**

**N**OLI æmulari in malignantibus : \* neque zelaveris facientes iniquitatem.

**Q**uoniam tamquam fœnum velociter aréscent : \* et quemadmodum ôlera herbârûm cito decident.

**S**pera in Dômino, et fac bonitatem : \* et inhabitabis terram, et pascêris in divitiis ejus.

**D**electare in Dômino : \* et dabit tibi petitiones cordis tui.

**R**evela Dômino viam tuam, et spera in eo : \* et ipse faciet.

**E**t educet quasi lumen justitiam tuam : et iudicium tuum tamquam meridiem, \* subditus esto Dômino, et ora eum.

**N**oli æmulari in eo, qui prosperatur in via sua : \* in homine faciente injustitias.

**D**esine ab ira, et derelinque furorem : \* noli æmulari ut maligneris.

**Q**uoniam qui malignantur, exterminabuntur : \* sustinentes autem Dôminum, ipsi hereditabunt terram.

**E**t adhuc pusillum, et non erit peccator : \* et quæres locum ejus, et non invénies.

**M**ansuêti autem hereditabunt terram, \* et delectabuntur in multitudine pacis. **O**bservabit peccator justum : \* et stridêbit super eum dênibus suis.

**D**ôminus autem irridêbit eum : \* quoniam prospicit quod vêniet dies ejus.

**G**ladium evaginaverunt peccatores : \* intendérunt arcum suum.

**U**t dejiciant pauperem et inopem : \* ut trucident rectos corde.

**G**ladius eorum intret in corda ipsorum : \* et arcus eorum confringatur.

**M**élius est modicum justo, \* super divitias peccatorum multas.

**Q**uoniam brachia peccatorum conteréntur : \* confirmat autem justos Dôminus.

**N**ovit Dôminus dies immaculatorum : \* et hereditas eorum in ætérnum erit.

**N**on confundéntur in tẽpore malo, et in diébus famis saturabuntur : \* quia peccatores peribunt.

**I**nimici vero Dômini mox ut honorificati fuerint et exaltati : \* deficientes, quemadmodum fumus deficient.

**M**utuabitur peccator, et non solvet : \* justus autem miseretur et tribuet.

Quia benedicentes ei hereditabunt terram : \* maledicentes autem ei disperibunt.

Apud Dóminum gressus hóminis dirigéntur : \* et viam ejus volet.

Cum ceciderit , non collidétur : \* quia Dóminus supónit manum suam.

Júnior fui , étenim sénui : \* et non vidi justum derelictum , nec semen ejus quærens panem.

Tota die miserétur et cómmodat : \* et semen illius in benedictióne erit.

Declina a malo , et fac bonum : \* et inhábita in sæculum sæculi.

Quia Dóminus amat judícium , et non derelinquet sanctos suos : \* in ætérnum conservabúntur.

Injústi puniéntur : \* et semen impiórum peribit.

Justi autem hæreditábunt terram : \* et inhabitábunt in sæculum sæculi super eam.

Os justi meditábitur sapiéntiam , \* et lingua ejus loquétur judícium.

Lex Dei ejus in corde ipsius : \* et non supplantabúntur gressus ejus.

Considerat peccátor justum : \* et quærit mortificáre eum.

Dóminus autem non derelinquet eum in mánibus ejus : \* nec damnábit eum cum judicábitur illi.

Expécta Dóminum , et custódi viam ejus : et exaltábit te , ut hereditáte cápias terram : \* cum perierint peccatóres , vidébis.

Vidi ímpium superexaltatum : \* et elevátum sicut cedros Libani.

Et transivi , et ecce non erat : \* et quæsiui eum , et non est invéntus locus ejus.

Custódi innocéntiam , et vide æquitátem : \* quóniam sunt reliquiæ hómini pacífico.

Injústi autem disperibunt simul : \* reliquiæ impiórum interibunt.

Salus autem justórum a Dómino : \* et protéctor eórum in témpore tribulatiónis.

Et adjuvábít eos Dóminus , et liberábit eos : \* et éruet eos a peccatóribus , et salvábit eos : quia speravérunt in eo.

### **Psalms 37.**

**D**OMINE , ne in furóre tuo dárguas me , \* neque in ira tua corripias me.

Quóniam sagittæ tuæ infixæ sunt mihi : \* et confirmásti super me manum tuam.

Non est sánitas in carne mea a fácie iræ tuæ : \* non est pax óssibus meis a fácie peccatórum meórum.

Quóniam iniquitátes meæ supergréssæ sunt caput meum : \* et sicut onus grave gravatæ sunt super me.

Putruérunt , et corruptæ sunt cicatrices meæ , \* a facie insipientiæ meæ.

Miser factus sum, et curvatus sum usque in finem : \* tota die contristatus ingrediébar.

Quóniam lumbi mei impléti sunt illusionibus : \* et non est sánitas in carne mea.

Afflictus sum, et humiliatus sum nimis : \* rugiébam a gémitu cordis mei.

Dómine , ante te omne desidérium meum : \* et gémitus meus a te non est absconditus.

Cor meum conturbatum est, dereliquit me virtus mea : \* et lumen oculórum meórum , et ipsum non est mecum.

Amici mei , et próximi mei \* advérsus me appropinquavérunt , et steterunt.

Et qui juxta me erant, de longe steterunt : \* et vim faciébant qui quærébant animam meam.

Et qui inquirebant mala mihi, locúti sunt vanitates ; \* et dolos tota die meditabántur.

Ego autem tamquam surdus non audiébam : \* et sicut mutus non apériens os suum.

Et factus sum sicut homo non áudiens : \* et non habens in ore suo redargutiónes.

Quóniam in te , Dómine , sperávi : \* tu exáudies me, Dómine Deus meus.

Quia dixi : Nequándo supergáudeant mihi inimici mei : \* et dum commovéntur pedes mei , super me magna locúti sunt.

Quóniam ego in flagélla parátus sum : \* et dolor meus in conspéctu meo semper.

Quóniam iniquitatem meam annuntiábo : \* et cogitábo pro peccáto meo.

Inimici autem mei vivunt, et confirmátisunt super me : \* et multiplicátisunt qui odérunt me iníque.

Qui retribuunt mala pro bonis , detrahébant mihi : \* quóniam sequébar bonitatem.

Ne derelínquas me, Dómine Deus meus : \* ne discéseris a me.

Inténde in adjutóriũ meum, \* Dómine Deus salútis meæ.

**Añs.** Revéla Dómino viam tuam.

**Per Annum .** **Ÿ.** Dómine , in cœlo misericórdia tua.

**R̃.** Et véritas tua usque ad nubes.

**Pro uno Mart.,** **Ÿ.** Glória et honóre coronásti eum , Dómine. **R̃.** Et constituísti eum super ópera mánuum tuárum.

**Pro pluribus Martyribus,** **Ÿ.** Lætámini in Dómino ,

et exultáte, justi. **R.** Et gloriámini omnes recti corde.

**Pro Conf. Pont., et non Pont., V.** Amávit eum Dóminus, et ornávit eum. **R.** Stulam glóriæ induit eum.

**Pro una Sancta, V.** Spécie tua, et pulchritúdine tua. **R.** Inténde, prospere procéde, et regna.

#### AD LAUDES.

**V.** Deus, in adiutórium meum inténde, **ut** 18.

**Ana.** Miserére.

#### Psalmus 50.

**M**ISERERE mei, Deus, \* secúndum magnam misericórdiam tuam.

**Et** secúndum multitudinem miserationum tuarum, \* dele iniquitatem meam.

**Amplius** lava me ab iniquitáte mea : \* et a peccáto meo munda me.

**Quóniam** iniquitatem meam ego cognóscó : \* et peccátum meum contra me est semper.

**Tibi soli** peccávi, et malum coram te feci : \* ut justificéris in sermónibus tuis, et vincas cum iudicáris.

**Eccc** enim in iniquitatibus concéptus sum : \* et in peccátis concépit me mater mea.

**Eccc** enim veritatem dilexisti : \* incérta et occulta

sapiéntiæ tuæ manifestásti mihi.

**Aspérge** me hyssópo, et mundabor : \* lavábis me, et super nivem dealbabor.

**Auditui** meo dabis gáudium et lætítiam : \* et exultábunt ossa humiliata.

**Avérte** faciém tuam a peccátis meis, \* et omnes iniquitátes meas dele.

**Cor** mundum crea in me Deus : \* et spíritum rectum innova in viscéribus meis.

**Ne** projicias me a faciē tua : \* et spíritum sanctum tuum ne áuferas a me.

**Redde** mihi lætítiam salutáris tui : \* et spírítu principáli confirma me.

**Docébo** iníquos vias tuas : \* et impii ad te converténtur.

**Libera** me de sanguínibus Deus, Deus salutis meæ : \* et exultábit lingua mea justítiam tuam.

**Dómine**, lábia mea apéries : \* et os meum annuntiábit laudem tuam.

**Quóniam** si voluísset sacrificium, dedissem útique : \* holocáustis non delectáberis.

**Sacrificium** Deo spíritus contribulátus : \* cor contrítum, et humiliátum Deus non despícies.

**Benigne** fac, Dómine, in bona voluntáte tua Sion : \* ut ædificéntur muri Jerúsalem.

Tunc acceptabis sacrificium iustitiæ, oblationes, et holocausta : \* tunc imponent super altare tuum vitulos.

**Aua.** Miserere mei, Deus.

**Aua.** Intellige.

**Psalmus 5.**

**V**ERBA mea auribus percipe, Domine, \* intellige clamorem meum.

Intende voci orationis meæ : \* Rex meus, et Deus meus.

Quoniam ad te orabo : \* Domine, mane exaudies vocem meam.

Mane astabo tibi, et videbo : \* quoniam non Deus volens iniquitatem tu es.

Neque habitabit juxta te malignus : \* neque permanentibus iniusti ante oculos tuos.

Odisti omnes, qui operantur iniquitatem : \* perdes omnes, qui loquuntur mendacium.

Virum sanguinum et dolosum abominabitur Dominus : \* ego autem in multitudine misericordiæ tuæ,

Introibo in domum tuam : \* adorabo ad templum sanctum tuum in timore tuo.

Domine, deduc me in iustitia tua : \* propter inimicos meos dirige in conspectu tuo viam meam.

Quoniam non est in ore

eorum veritas : \* cor eorum vanum est.

Sepulchrum patens est guttur eorum, linguis suis dolose agebant : \* iudica illos Deus.

Decidant a cogitationibus suis, secundum multitudinem impietatum eorum expelle eos : \* quoniam irritaverunt te, Domine.

Et lætentur omnes, qui sperant in te, \* in æternum exultabunt : et habitabis in eis.

Et gloriabuntur in te omnes, qui diligunt nomen tuum, \* quoniam tu benedices iusto.

Domine, ut scuto bonæ voluntatis tuæ \* coronasti nos.

**Aua.** Intellige clamorem meum, Domine.

**Aua.** Deus Deus meus.

**Psalmus 62.**

**D**EUS Deus meus, \* ad te de luce vigilo.

Sitivit in te anima mea, \* quam multipliciter tibi caro mea.

In terra deserta, et invia, et inaquosa : \* sic in sancto apparui tibi, ut vidérem virtutem tuam, et glóriam tuam.

Quoniam melior est misericordia tua super vitas : \* labia mea laudabunt te.

Sic benedicam te in vita mea : \* et in nomine tuo levabo manus meas.



Sicut adipe et pinguedine repleatur anima mea : \* et labiis exultationis laudabit os meum.

Si memor fui tui super stratum meum, in matutinis meditabor in te : \* quia fuisti adiutor meus.

Et in velamento alarum tuarum exultabo, adhæsit anima mea post te : \* me suscepit dextera tua.

Ipsi vero in vanum quasiervunt animam meam, introibunt in inferiora terræ : \* tradentur in manus gladii, partes vulpium erunt.

Rex vero lætabitur in Deo, laudabuntur omnes qui jurant in eo : \* quia obstructum est os loquentium iniqua.

*Hic non dicitur Glória Patri.*

*Psalmus 66.*

**D**EUS misereatur nostri, et benedicat nobis : \* illuminet vultum suum super nos, et misereatur nostri.

Ut cognoscamus in terra viam tuam : \* in omnibus gentibus salutare tuum.

Confiteantur tibi populi Deus : \* confiteantur tibi populi omnes.

Lætentur et exultent gentes : \* quoniam iudicas populos in æquitate, et gentes in terra dirigis.

Confiteantur tibi populi

Deus : confiteantur tibi populi omnes : \* terra dedit fructum suum.

Benedicat nos Deus, Deus noster, benedicat nos Deus : \* et metuant eum omnes fines terræ.

Glória Patri, et Filio.

*Aññ.* Deus Deus meus, ad te de luce vigilo.

*Aññ.* Conversus est.

*Canticum Isaie Prophetæ.*

*Cap. 12.*

**C**ONFITEBOR tibi, Domine, quoniam iratus es mihi : \* conversus est furor tuus, et consolatus es me.

Ecce Deus salvator meus, \* fiducialiter agam, et non timebo.

Quia fortitudo mea, et laus mea Dominus, \* et factus est mihi in salutem.

Haurietis aquas in gaudio de fontibus salvatoris : \* et dicetis in die illa : Confitemini Domino, et invocate nomen ejus.

Notas facite in populis adinventiones ejus : \* mementote quoniam excelsum est nomen ejus.

Cantate Domino, quoniam magnifice fecit : \* annuntiate hoc in universa terra.

Exulta et lauda habitatio Sion : \* quia magnus in medio tui sanctus Israel.

*Aññ.* Conversus est furor tuus, Domine, et consolatus es me.



**Aua.** Laudáte Dóminum.

**Psalmus 148.**

**L**AUDATE Dóminum de cœlis : \* laudáte eum in excélsis.

Laudáte eum omnes Angeli ejus ; \* laudáte eum omnes virtútes ejus.

Laudáte eum sol et luna : \*  
\* laudáte eum omnes stellæ ,  
et lumen.

Laudáte eum cœli cœlórum : \* et aquæ omnes, quæ  
super cœlos sunt , laudent  
nomen Dómini.

Quia ipse dixit , et facta  
sunt : \* ipse mandávit , et  
creáta sunt.

Státuit ea in ætérnum , et  
in sæculum sæculi : \* præ-  
céptum pósuit , et non præ-  
teríbit.

Laudáte Dóminum de ter-  
ra : \* dracones , et omnes  
abyssi.

Ignis , grando , nix , glácies ,  
spíritus procellarum : \* quæ  
fáciunt verbum ejus.

Montes , et omnes colles :  
\* ligna fructífera , et omnes  
cedri.

Béstiæ , et univérsa péco-  
ra : \* serpéntes et volúcres  
pennátæ :

Reges terræ , et omnes pó-  
puli : \* príncipes et omnes  
júdices terræ.

Júvenes et vírgines : senes  
cum junióribus laudent  
nomen Dómini : \* quia ex-  
altátum est nomen ejus  
solius.

Conféssio ejus super cœ-  
lum et terram : \* et exaltávit  
cornu pópuli sui.

Hymnus ómnibus sanctis  
ejus : \* fíliis Israel , pópulo  
appropinquánti sibi.

**Hic non dicitur Glória  
Patri.**

**Psalmus 149.**

**C**ANTATE Dómino cánti-  
cum novum : \* laus ejus  
in ecclésia Sanctórum.

Lætétur Israel in eo , qui  
fecit eum : \* et filii Sion  
exúltent in rege suo.

Laudent nomen ejus in  
choro : \* in tympano et psal-  
tério psallant ei.

Quia beneplácitum est Dó-  
mino in pópulo suo : \* et  
exaltábit mansuétos in sa-  
lútem.

Exultábunt sancti in gló-  
ria , \* lætabúntur in cubili-  
bus suis.

Exaltatiónes Dei in gút-  
ture eórum : \* et gládii  
ancípites in mánibus eó-  
rum :

Ad faciéndam vindíctam in  
natió nibus : \* increpationes  
in pópulis.

Ad alligándos reges eórum  
in compédibus : \* et nó-  
biles eórum in mánicis fér-  
reis.

Ut fácient in eis judí-  
cium conscriptum : \* gló-  
ria hæc est ómnibus sanctis  
ejus.

**Hic non dicitur Glória  
Patri.**

## Psalmus 150.

**L**AUDATE Dóminum in sanctis ejus : \* laudáte eum in firmaménto virtútis ejus. laudáte eum in virtútibus ejus : \* laudáte eum secundum multitudínem magnitúdinis ejus.

laudáte eum in sono tubæ : \* laudáte eum in psalterio , et cithara.

laudáte eum in tympano , et choro : \* laudáte eum in chordis , et órgano.

laudáte eum in cymbalis benesonántibus : laudáte eum in cymbalis jubilatiónis : \* omnis spíritus laudet Dóminum.

Glória Patri , et Filio.

Añá. Laudáte Dóminum de cœlis.

Capitulum sequens dicitur in feriali Offic. ab Octava Pentecostes usque ad Adventum.

Capitulum. Rom. 13. d

**N**OX præcëssit, dies autem appropinquávit : abjiciámus ergo ópera tenebrárum, et induámur arma lucis : sicut in die honéste ambulémus.

Hymnus.

**S**PLENDOR patrénæ glóriæ ,  
De luce lucem próferens,  
Lux lucis, et fons lúminis,  
Diem dies illúminans :  
Verúsque sol illábere ,  
Micans nitóre pérpeti :  
Jubárque sancti Spíritus  
Infúnde nostris sénsibus.

Votis vocémus et Patrem ,  
Patrem poténtis grátiae ,  
Patrem perénis glóriæ ,  
Culpam reléget lúbricam.

Confirmet actus strénuos :  
Dentes retúndat Invidi :  
Causas secúndet ásperos :  
Agénda recte dirígat.

Mentem gubérnet et regat :  
Sit pura nobis cástitas :  
Fides calóre férveat :  
Fraudis venéna nésciat.

Christúsque nobis sit cibus ,

Potúsque noster sit fides :

Læti bibámus sóbriam

Profusióne Spíritus.

Lætus dies hic tránseat :

Pudor sit ut dilúculum :

Fides velut merídiēs :

Crepúsculum mens nésciat.

Auróra lucem próvehit :

Cum luce nobis pródeat

In Patre totus Filius ,

Et totus in Verbo Pater.

Deo Patri sit glória ,

Ejúsque soli Filio ,

Cum Spíritu Paráclito,

Nunc et per omne sæculum.

Amen.

Per Annum , ŷ. Repléti sumus mane misericórdia tua. R̃. Exultávimus , et delectáti sumus.

Ad Benedictus , Añá. Benedictus Dóminus Deus Israel.

In Fériis Quatuor Temp. et Vigil. quæ jejunantur . post Añam ad Benedictus . et in Vesperis ad Magnificat, dicuntur sequentes Pre-

ces flexis genibus : alius  
temporibus non dicuntur.

**K**YRIE, eléison. **C**hriste,  
eléison. **K**yrie, eléison.  
**P**ater noster, totum dicitur  
clara voce **Ÿ**. Et ne nos in-  
ducas in tentationem. **Ŕ**. Sed  
libera nos a malo. **Ÿ**. Ego  
dixi, Dómine, miserere mei.  
**Ŕ**. Sana animam meam, quia  
peccávi tibi. **Ÿ**. Convértere,  
Dómine, úsquequo. **Ŕ**. Et de-  
precábilis esto super ser-  
vos tuos. **Ÿ**. Fiat miseri-  
córdia tua, Dómine, super  
nos. **Ŕ**. Quemádmódu spe-  
rávimus in te. **Ÿ**. Sacerdó-  
tes tui induántur justítiam.  
**Ŕ**. Et sancti tui exúltent. **Ÿ**.  
Dómine, salvum fac Regem.  
**Ŕ**. Et exáudi nos in die, qua  
invocáverimus te. **Ÿ**. Sal-  
vum fac pópulum tuum, Dó-  
mine, et bénedic hereditáti  
tuæ. **Ŕ**. Et rege eos, et ex-  
tolle illos usque in ætér-  
num. **Ÿ**. Meménto congreg-  
ationis tuæ. **Ŕ**. Quam pos-  
sedisti ab initio. **Ÿ**. Fiat  
pax in virtute tua. **Ŕ**. Et  
abundántia in túrribus tuis.  
**Ÿ**. Orémus pro fidélibus de-  
fúntis. **Ŕ**. Réquiem ætér-  
nam dona eis, Dómine, et lux  
perpétua luceat eis. **Ÿ**. Re-  
quiescant in pace. **Ŕ**. Amen.  
**Ÿ**. Pro frátribus nostris ab-  
séntibus. **Ŕ**. Salvos fac ser-  
vos tuos, Deus meus, spe-  
rantes in te. **Ÿ**. Pro afflictis  
et captívis. **Ŕ**. Libera eos,  
Deus Israel, ex ómnibus tri-

bulationibus suis. **Ÿ**. Mitte  
eis, Dómine, auxílium de  
sancto. **Ŕ**. Et de Sion tuére  
eos. **Ÿ**. Dómine, exáudi ora-  
tionem meam. **Ŕ**. Et clamor  
meus ad te véniat.

Deinde dicitur

Psalmus 129.

**D**E profúndis clamávi ad  
te, Dómine : \* Dómine,  
exáudi vocem meam.

**F**iant aures tuæ intendén-  
tes, \* in vocem deprecatió-  
nis meæ.

**S**i iniquitátes observáve-  
ris, Dómine : \* Dómine, quis  
sustinébit?

**Q**uia apud te propitiatio  
est : \* et propter legem  
tuam sustinui te, Dómine.

**S**ustinuit ánima mea in  
verbo ejus : \* sperávit áni-  
ma mea in Dómino.

**A** custódia matutína usque  
ad noctem : \* speret Israel  
in Dómino.

**Q**uia apud Dóminum mi-  
sericórdia : \* et copiósa  
apud eum redemptio.

**E**t ipse rédimet Israel, \*  
ex ómnibus iniquitatibus  
ejus.

Glória Patri, et Fílio.

Finito Psalmo, dicitur **Ÿ**.

Dómine Deus virtútum,  
convérte nos. **Ŕ**. Et osténde

fáciem tuam, et salvi éri-  
mus. **Ÿ**. Exúrge, Christe,

ádjua nos. **Ŕ**. Et libera  
nos propter nomen tuum.

**Ÿ**. Dómine, exáudi oratió-  
nem meam. **Ŕ**. Et clamor

meus ad te véniat. **V.** Dóminus vobíscum. **R.** Et cum spírítu tuo.

Deinde dicitur Oratio propria. Et quando in feriali Officio fiunt Commem. communes de S. Maria, de Apostolis, et de Pace, ante eas tam in Laud. quam in Vesperis fit sequens Commemoratio de Cruce. **Añã.** Per signum Crucis de inimicis nostris libera nos, Deus noster. **V.** Omnis terra adóret te, et psallat tibi. **R.** Psalmum dicat nómini tuo, Dómine.

**Orémus. Oratio.**

**P**ERPETUA nos, quæsumus Dómine, pace custódi: quos per lignum sanctæ Crucis redímere dignátus es.

Quæ Commem. de Cruce fit etiam, quando non dicuntur Preces in feriali tantum Officio.

**FERIA TERTIA.**

**Ad Matutinum.**

**Invitat. J**ubilémus Deo\* Salutári nostro. **Ps.** Veníte, exultémus. **ut supra. 2.**

**Hymnus.**

**C**ONSORS patérni lúminis,  
**L**ux ipse lucis, et dies,  
Noctem canéndo rúmpimus,

Assiste postulántibus.

**A**ufer tenébras méntium,

Fuga catérvas dæmonum,

Expélle somnoléntiam,

Ne pigritántes óbruat.

**AUTUMN.**

**Sic, Christe, nobis ómnibus**

**Indúlgeas credéntibus,**

**Ut prosit exorántibus,**

**Quod præcinéntes psállimus.**

**Præsta, Pater piíssime,**

**Patríque compar Unice,**

**Cum Spírítu Paráclito,**

**Regnans per omne sæculum.**

**Amen.**

**Añã.** Ut non delinquam.

**Psalmus 38.**

**D**IXI: Custódiam vias meas: \* ut non delinquam in lingua mea.

**P**ósui ori meo custódiam, \* cum consisteret peccátor advérsus me.

**O**bmútui, et humiliátus sum, et sílui a bonis: \* et dolor meus renovátus est.

**C**oncáluit cor meum intra me: \* et in meditatióne mea exardéscet ignis.

**L**ocútus sum in lingua mea: \* Notum fac mihi, Dómine, finem meum:

**E**t númerum diérum meórum quis est: \* ut sciam quid desit mihi.

**E**cce mensurábiles posuísti dies meos: \* et substantia mea tamquam nihilum ante te.

**V**erúmtamen univérsa vānitas, \* omnis homo vivens.

**V**erúmtamen in imágine pertránsit homo: \* sed et frustra conturbátur.

**T**hesaurizat : \* et ignorat  
cui congregabit ea.

**E**t nunc quæ est expecta-  
tio mea ? nonne Dóminus ? \*  
et substantia mea apud te est.

**A**b ómnibus iniquitatibus  
meis érue me : \* oppró-  
brium insipienti dedisti  
me.

**O**bmútui , et non apérui  
os meum , quóniam tu fe-  
cisti : \* ámove a me plagas  
tuas.

**A** fortitúdine manns tuæ  
ego deféci in increpationi-  
bus : \* propter iniquitatem  
corripuisti hóminem.

**E**t tabescere fecisti sicut  
araneam ánimam ejus : \*  
verúm tamen vane contur-  
bátur omnis homo.

**E**xáudi orationem meam ,  
Dómine , et deprecationem  
meam : \* áuribus pécipe  
lágrimas meas.

**N**e síleas : quóniam ád-  
vena ego sum apud te , et  
peregrínus , \* sicut omnes  
patres mei.

**R**emítte mihi , ut refríge-  
rer priúsqvam ábeam , \* et  
ámplius non ero.

### Psalmus 39.

**E**XPECTANS expectávi Dó-  
minum , \* et inténdit  
mihi.

**E**t exáudívit preces meas :  
\* et edúxit me de lacu mi-  
sériæ , et de luto fácies.

**E**t státuit super petram  
pedes meos : \* et diréxit  
gressus meos.

**E**t immisit in os meum  
cánticum novum , \* carmen  
Deo nostro.

**V**idébunt multi , et timé-  
bunt : \* et sperábunt in  
Dómino.

**B**eatús vir , cujus est no-  
men Dómini spes ejus : \*  
et non respéxit in vanitates  
et insánias falsas.

**M**ulta fecisti tu , Dómine ,  
Deus meus , mirábilia tua : \*  
et cogitationibus tuis non  
est qui similis sit tibi.

**A**nnuntiávi , et locútus  
sum : \* multiplicáti sunt  
super númerum.

**S**acrificium et oblationem  
noluisti : \* aures autem per-  
fecisti mihi.

**H**olocáustum et pro pec-  
cáto non postulásti : \* tunc  
dixi : Ecce vénio.

**I**n cápite libri scriptum  
est de me , ut fácerem vo-  
luntátem tuam : \* Deus  
meus volúi , et legem tuam  
in médio cordis mei.

**A**nnuntiávi justítiam tuam  
in ecclésia magna , \* ecce  
lábia mea non prohibébo :  
Dómine , tu scisti.

**J**ustítiam tuam non abs-  
cón-di in corde meo : \* ve-  
ritátem tuam , et salutáre  
tuum dixi.

**N**on abscondi misericór-  
diam tuam et veritátem  
tuam \* a concílio multo.

**T**u autem , Dómine , ne  
longe fácias miseratiónes  
tuas a me : \* misericórdia

tua et veritas tua semper suscepérunt me.

Quóniam circumdederunt me mala, quorum non est número : \* comprehendérunt me iniquitates meae, et non pótui ut vidérem.

Multiplicatae sunt super capillos capitis mei : \* et cor meum dereliquit me.

Compláceat tibi, Dómine, ut éruas me : \* Dómine, ad adiuvándum me respice.

Confundántur et revereántur simul, qui quærunt ánimam meam, \* ut auferant eam.

Convertántur retrórsum, et revereántur \* qui volunt mihi mala.

Ferant conféstim confusiónem suam, \* qui dicunt mihi : Euge, euge.

Exúltent et læténtur super te omnes quæréntes te : \* et dicant semper : Magnificétur Dóminus : qui diligunt salutáre tuum.

Ego autem mendicus sum, et pauper : \* Dóminus sollicitus est mei.

Adjutor meus, et protector meus tu es : \* Deus meus ne tardáveris.

Añá. Ut non delinquam in lingua mea.

Añá. Sana.

Psalmus 40.

**B**EATUS qui intélligit super egénium et páuperem : \* in die mala liberábit eum Dóminus.

Dóminus consérvet eum, et vivíficet eum, et beátum fáciat eum in terra : \* et non tradat eum in ánimam inimicórum ejus.

Dóminus opem ferat illi super lectum dolóris ejus : \* univérsam stratum ejus versásti in infirmitate ejus.

Ego dixi : Dómine, miserére mei : \* sana ánimam meam, quia peccávi tibi. Inimíci mei dixerunt mala mihi : \* Quando moriétur, et peribit nomen ejus?

Et si ingrediebátur ut vidéret, vana loquebátur, \* cor ejus congregávit iniquitatem sibi.

Egrediebátur foras, \* et loquebátur in idípsum.

Advérsam me susurrábant omnes inimíci mei : \* advérsam me cogitábant mala mihi.

Verbum iníquum constituérunt advérsam me : \* Numquid qui dormit, non adjiciet ut resúrgat?

Etenim homo pacis meae, in quo sperávi : \* qui edébat panes meos, magnificávit super me supplantatió-nem.

Tu autem, Dómine, miserére mei, et resúscita me : \* et retribuam eis.

In hoc cognóvi, quóniam voluísti me : \* quóniam non gaudébit inimícus meus super me.

Me autem propter inno-



céntiam suscepisti : \* et confirmásti me in conspéctu tuo in ætérnum.

**B**enedíctus Dóminus Deus Israel a sæculo, et usque in sæculum : \* fiat, fiat.

**Psalmus 41.**

**Q**UEMADMODUM desiderat cervus ad fontes aquárum : \* ita desiderat ánima mea ad te Deus.

**S**itívit ánima mea ad Deum fortem vivum : \* quando véniam, et apparebo ante fáciem Dei?

**F**uérent mihi lácrymæ meæ panes die ac nocte : \* dum dicitur mihi quotidie : Ubi est Deus tuus?

**H**æc recordátus sum, et effúdi in me ánimam meam : \* quóniam transíbo in locum tabernáculi admirábilis, usque ad domum Dei.

**I**n voce exultatiónis, et confessiόνis : \* sonus epulántis.

**Q**uare tristis es ánima mea? \* et quare contúrbas me?

**S**pera in Deo, quóniam adhuc confitébor illi : \* salutare vultus mei, et Deus meus.

**A**d meípsum ánima mea conturbáta est : \* propterea memor ero tui de terra Jordánis, et Hermóniim a monte módico.

**A**bysus abyssum invocet, \* in voce cataractárum tuárum.

**O**mnia excélsa tua, et fluctus tui \* super me transiérunt.

**I**n die mandávit Dóminus misericórdiam suam : \* et nocte cánticum ejus.

**A**pus me orátio Deo vitæ meæ, \* dicam Deo : Suscéptor meus es.

**Q**uare oblitus es mei? \* et quare contristátus incédo, dum affligit me inimicus?

**D**um confringúntur ossa mea, \* exprobravérunt mihi qui trébulant me inimici mei :

**D**um dicunt mihi per singulos dies : Ubi est Deus tuus? \* quare tristis es ánima mea, et quare contúrbas me?

**S**pera in Deo, quóniam adhuc confitébor illi : \* salutare vultus mei, et Deus meus.

**Anu.** Sana, Dómine, ánimam meam : quia peccávi tibi.

**Aña.** Eructávit.

**Psalmus 43.**

**D**EUS áuribus nostris aúdivimus, \* patres nostri annuntiavérunt nobis,

**O**pus, quod operátus es in diébus eórum, \* et in diébus antíquis.

**M**anus tua gentes dispéridit, et plantásti eos : \* afflixisti pópulos, et expulísti eos :

**N**ec enim in gládio suo possederunt terram, \* et



brachium eorum non salvavit eos :

Sed dextera tua , et brachium tuum , et illuminatio vultus tui : \* quoniam complacuisti in eis.

Tu es ipse Rex meus et Deus meus : \* qui mandas salutes Jacob.

In te inimicos nostros ventilabimus cornu , \* et in nomine tuo spernemus insurgentes in nobis.

Non enim in arcu meo sperabo : \* et gladius meus non salvabit me.

Salvast enim nos de affligentibus nos : \* et odientes nos confudisti.

In Deo laudabimur tota die : \* et in nomine tuo confitebimur in saeculum.

Nunc autem repulisti et confudisti nos : \* et non egrediéris Deus in virtutibus nostris.

Avertisti nos retrorsum post inimicos nostros : \* et qui oderunt nos, diripiébant sibi.

Dedisti nos tamquam oves escarum : \* et in Gentibus dispersisti nos.

Vendidisti populum tuum sine pretio : \* et non fuit multitudo in commutationibus eorum.

Posuisti nos opprobrium vicinis nostris , \* subsannationem et derisum his, qui sunt in circuitu nostro.

Posuisti nos in similitu-

dinem Gentibus : \* commotionem capitis in populis.

Tota die verecundia mea contra me est , \* et confusio faciei meae cooperuit me.

A voce exprobrantis , et obloquentis : \* a facie inimici , et persequentis.

Haec omnia venerunt super nos , nec obliti sumus te : \* et inique non egimus in testamento tuo.

Et non recessit retro cor nostrum : \* et declinasti semitas nostras a via tua :

Quoniam humiliasti nos in loco afflictionis , \* et cooperuit nos umbra mortis.

Si obliti sumus nomen Dei nostri , \* et si expandimus manus nostras ad deum alienum :

Nonne Deus requireret ista ? \* ipse enim novit abscondita cordis.

Quoniam propter te mortificamur tota die : \* aestimati sumus sicut oves occisionis.

Exurge , quare obdormis , Domine ? \* exurge , et ne repellas in finem.

Quare faciem tuam avertis : \* oblivisceris inopiae nostrae , et tribulationis nostrae ?

Quoniam humiliata est in pulvere anima nostra : \* conglutinatus est in terra venter noster.

Exurge , Domine , adjuva nos ; \* et redime nos propter nomen tuum.

## Psalmus 44.

**ER**UCTAVIT cor meum verbum bonum : \* dico ego opera mea Regi.

Lingua mea calamus scribæ, \* velociter scribentis.

Speciosus forma præ filiis hominum, diffusa est gratia in labiis tuis : \* propterea benedixit te Deus in æternum.

Accingere gladio tuo super femur tuum, \* potentissime.

Spécie tua et pulchritudine tua \* intende, prospere procéde, et regna.

Propter veritatem, et mansuetudinem, et justitiam : \* et deducet te mirabiliter dextera tua.

Sagittæ tuæ acutæ, populi sub te cadent : \* in corda inimicorum regis.

Sedes tua, Deus, in sæculum sæculi : \* virga directionis virga regni tui.

Dilexisti justitiam, et odisti iniquitatem : \* propterea unxit te Deus, Deus tuus, oleo lætitiæ præ consortibus tuis.

Myrrha, et gutta, et cásia a vestimentis tuis, a domibus eburneis : \* ex quibus delectaverunt te filiæ regum in honore tuo.

Astitit regína a dextris tuis in vestitu deaurato : \* circumdata varietate.

Audi, filia, et vide, et inclina aurem tuam : \* et obli-

viscere populum tuum, et domum patris tui.

Et concupiscet Rex decorem tuum : \* quóniam ipse est Dóminus Deus tuus, et adorabunt eum.

Et filiæ Tyri in munéribus \* vultum tuum deprecabuntur : omnes divites plebis.

Omnis glória ejus filiæ Regis ab intus, \* in fimbriis aureis circumamicta varietatibus.

Adducéntur Regi virgines post eam : \* proximæ ejus afferéntur tibi.

Afferéntur in lætítia et exultatione : \* adducéntur in templum Regis.

Pro patribus tuis nati sunt tibi filii : \* constitues eos principes super omnem terram.

Mémores erunt nóminis tui : \* in omni generatione et generationem.

Propterea populi confitebuntur tibi in æternum : \* et in sæculum sæculi.

**Añs.** Eructavit cor meum verbum bonum.

**Añs.** Adjutor.

## Psalmus 45.

**D**EUS noster refúgium, et virtus : \* adjutor in tribulationibus, quæ invenérunt nos nimis.

Propterea non timébitur, dum turbabitur terra : \* et transferéntur montes in cor maris.

**S**onuérunt , et turbátæ sunt aquæ eórum : \* conturbátæ sunt montes in fortitudine ejus.

**F**luminis Impetus lætíficat civitatem Dei : \* sanctificávit tabernáculum suum Altíssimus.

**D**eus in médio ejus , non commovébitur : \* adjuvábít eam Deus mane dilúculo.

**C**onturbátæ sunt Gentes , et inclináta sunt regna : \* dedit vocem suam , mota est terra.

**D**óminus virtútum nobiscum : \* suscéptor noster Deus Jacob.

**V**enite , et vidéte ópera Dómini , quæ pósuit prodígia super terram : \* áuferens bella usque ad finem terræ.

**A**rcum cónteret , et confrínget arma : \* et scuta combúret igni.

**V**acáte , et vidéte quóniam ego sum Deus : \* exaltábor in Géntibus , et exaltábor in terra.

**D**óminus virtútum nobiscum : \* suscéptor noster Deus Jacob.

**Psalmus 46.**

**O**MNES gentes , pláudite má-nibus : \* jubiláte Deo in voce exultatiónis.

**Q**uóniam Dóminus excélsus , terríbilis : \* Rex magnus super omnem terram.

**S**ubjécit pópulos nobis : \* et Gentes sub pédibus nostris.

**E**légit nobis hereditatem suam , \* spéciem Jacob , quam diléxit.

**A**scéndit Deus in júbilo : \* et Dóminus in voce tubæ.

**P**sállite Deo nostro , psállite : \* psállite Regi nostro , psállite.

**Q**uóniam Rex omnis terræ Deus : \* psállite sapién-ter.

**R**egnábit Deus super Gentes : \* Deus sedet super sedem sanctam suam.

**P**ríncipes populórum congregáti sunt cum Deo Abraham : \* quóniam dii fortes terræ veheménter eleváti sunt.

**Aññ.** Adjútor in tribulati-ónibus.

**Aññ.** Magnus Dóminus.

**Psalmus 47.**

**M**AGNUS Dóminus , et laudábilis nimis : \* in civitáte Dei nostri , in monte sancto ejus.

**F**undáture exultatióne universæ terræ mons Sion , \* látera Aquilónis , civitas Regis magni.

**D**eus in dómibus ejus cognoscétur , \* cum suscépiet eam.

**Q**uóniam ecce reges terræ congregáti sunt : \* convenérunt in unum.

**I**psi vidéntes sic admiráti sunt , conturbáti sunt , commóti sunt : \* tremor apprehéndit eos.

Ibi dolóres ut parturién-  
tis, \* in spírítu vehe-  
ménti cónteres naves Thar-  
sis.

Sicut audívimus, sic ví-  
dimus in civitáte Dómini  
virtútum, in civitáte Dei  
nostri : \* Deus fundávit eam  
in ætérnum.

Suscépinus Deus miseri-  
córdiam tuam, \* in médio  
templi tui.

Secúndum nomen tuum  
Deus, sic et laus tua in fi-  
nes terræ : \* justítia plena  
est dextera tua.

Lætétur mons Sion, et  
exúltent filiæ Judæ, \* pro-  
pter júdicia tua, Dómine.

Circúmdate Sion, et com-  
plectímmini eam : \* narráte  
in túrribus ejus.

Pónite corda vestra in  
virtúte ejus : \* et distribúite  
domos ejus : ut enarrétis in  
progénie áltera.

Quóniam hic est Deus,  
Deus noster in ætérnum, et  
in sæculum sæculi : \* ipse  
reget nos in sæcula.

#### Psalmus 48.

AUDITE hæc omnes gen-  
tes : \* áuribus percípíte  
omnes, qui habitátis or-  
bem.

Quique terrígenæ, et filii  
hóminum : \* simul in unum  
dives et pauper.

Os meum loquétur sa-  
piéntiam : \* et meditatio  
cordis mei prudéntiam.

Inclinábo in parábolam

aurem meam : \* apériam  
in psaltério propositiónem  
meam.

Cur timébo in die mala ? \*  
iniquitas calcánei mei cir-  
cúmdabit me :

Qui confidunt in virtúte  
sua : \* et in multítudine  
divitiárum suárum glorián-  
tur.

Frater non rédimít, rédi-  
met homo : \* non dabit Deo  
placatióem suam.

Et prétium redemptiós  
ánimæ suæ : \* et laborábit  
in ætérnum, et vivet adhuc  
in finem.

Non vidébit intéritum,  
cum viderít sapiéntes mo-  
riéntes : \* simul insípiens,  
et stultus peribunt.

Et relínquent aliénis di-  
vítias suas : \* et sepúlchra  
eórum domus illórum in  
ætérnum.

Tabernácula eórum in pro-  
génie, et progénie : \* voca-  
vérunt nómina sua in terris  
suis.

Et homo, cum in honóre  
esset, non intelléxit : \*  
comparátus est juméntis in-  
sipiéntibus, et similis fa-  
ctus est illis.

Hæc via illórum scándala-  
lum ipsis : \* et póstea in  
ore suo complacébunt.

Sicut oves in inférno pó-  
siti sunt : \* mors depáscet  
eos.

Et dominabúntur eórum  
justi in matutíno : \* et au-

xilium eorum veterascet in inférno a glória eorum.

Verúntamen Deus rédimet ánimam meam de manu inferi, \* cum accéperit me.

Ne timúeris cum dives factus fúerit homo : \* et cum multiplicáta fúerit glória domus ejus.

Quóniam cum interierit , non sumet ómnia : \* neque descéndet cum eo glória ejus.

Quia ánima ejus in vita ipsíus benedicétur : \* confitébitur tibi cum benefeceris ei.

Introíbit usque in progénies patrum suórum : \* et usque in ætérnum non vidébit lumen.

Homo , cum in honóre esset, non intelléxit : \* comparátus est juméntis insipientibus, et símilis factus est illis.

**Añs.** Magnus Dóminus , et laudábilis nimis.

**Añs.** Deus deórum.

**Psalmus 49.**

**D**EUS deórum Dóminus locútus est : \* et vocávit terram.

A solis ortu usque ad occásum : \* ex Sion spécies decóris ejus.

Deus manifesté véniet : \* Deus noster et non silébit.

Ignis in conspéctu ejus exardéscet : \* et in circúitu ejus tempésta válda.

Advocábit cœlum desúrsum : \* et terram discérnere pópulum suum.

Congregáte illi sanctos ejus : \* qui órdinant testaméntum ejus super sacrificia.

Et annuntiábunt cœli justítiam ejus : \* quóniam Deus judex est.

Audi pópulus meus , et loquar : Israel, et testificabor tibi : \* Deus Deus tuus ego sum.

Non in sacrificiis tuis arguam te : \* holocáusta autem tua in conspéctu meo sunt semper.

Non accípíam de domo tua vítulos : \* neque de grégibus tuis hircos.

Quóniam meæ sunt omnes feræ silvárum, \* juménta in móntibus et boves.

Cognóvi ómnia volatília cœli : \* et pulchritúdo agri mecum est.

Si esuriero , non dicam tibi : \* meus est enim orbis terræ, et plenitúdo ejus.

Numquid manducábo carnes taurórum? \* aut sanguinem hircórum potábo?

Immola Deo sacrificium laudis : \* et redde Altíssimo vota tua.

Et ínvoca me in die tribulatiónis : \* éruam te , et honorificabis me.

Peccatóri autem dixit Deus : \* Quare tu enárras justítias meas, et assúmís

testamentum meum per os tuum?

**T**u vero odisti disciplinam : \* et projecisti sermones meos retrorsum.

**S**i videbas furem , currebas cum eo : \* et cum adulteris portionem tuam ponebas.

**O**s tuum abundavit malitia : \* et lingua tua concinnabat dolos.

**S**edens adversus fratrem tuum loquebaris , et adversus filium matris tuæ ponebas scandalum : \* hæc fecisti , et taciui.

**E**xistimasti inique quod ero tui similis : \* arguam te , et statutam contra faciem tuam.

**I**ntelligite hæc qui obliviscimini Deum : \* nequando rapiat , et non sit qui eripiat.

**S**acrificium laudis honorificabit me : \* et illic iter , quo ostendam illi salutare Dei.

### Psalmus 51.

**Q**uid gloriaris in malitia , \* qui potens es in iniquitate?

**T**ota die iniquitatem cogitavit lingua tua : \* sicut novacula acuta fecisti dolum.

**D**ilexisti malitiam super benignitatem : \* iniquitatem magis , quam loqui æquitatem.

**D**ilexisti omnia verba

præcipitationis , \* lingua dolosa.

**P**ropterea Deus destruet te in finem : \* evellat te , et emigrabit te de tabernaculo tuo : et radicem tuam de terra viventium.

**V**idebunt iusti , et timebunt , et super eum ridebunt , et dicent : \* Ecce homo , qui non posuit Deum adiutorem suum.

**S**ed speravit in multitudine divitiarum suarum : \* et prævaluit in vanitate sua.

**E**go autem , sicut oliva fructifera in domo Dei , \* speravi in misericordia Dei in æternum : et in sæculum sæculi.

**C**onfitebor tibi in sæculum quia fecisti : \* et expectabo nomen tuum , quoniam bonum est in conspectu sanctorum tuorum.

**Ana.** Deus deorum Dominus locutus est.

**Per Altarium , v.** Immola Deo sacrificium laudis. **R.** Et redde Altissimo vota tua.

**Pro uno Martyre , v.** Posuisti , Domine , super caput ejus. **R.** Coronam de lapide pretioso.

**Pro pluribus Mart. , v.** Exultent iusti in conspectu Dei. **R.** Et delectentur in lætitia.

**Pro Confessore Pontifice. v.** Eligat eum Dominus



sacerdotem sibi. **R.** Ad sacrificandum ei hostiam laudis.

**Pro Confessore non Pontifice, V.** Os iusti meditabitur sapientiam. **R.** Et lingua ejus loquetur iudicium.

**Pro una Sancta, V.** Adjuvabit eam Deus vultu suo. **R.** Deus in medio ejus, non commovebitur.

### AD LAUDES,

**Añs.** Dele, Domine, iniquitatem meam. **Ps.** Miserere. 59.

**Añs.** Salutare.

### Psalmus 42.

**J**UDICA me, Deus, et discerne causam meam de gente non sancta, \* ab homine iniquo et doloso erue me.

**Q**uia tu es, Deus, fortitudo mea : \* quare me reputasti ? et quare tristis incedo, dum affligit me inimicus ?

**E**mitte lucem tuam et veritatem tuam : \* ipsa me deduxerunt, et adduxerunt in montem sanctum tuum, et in tabernacula tua.

**E**t introibo ad altare Dei : \* ad Deum, qui lætificat juventutem meam.

**C**onfitebor tibi in cithara Deus, Deus meus : \* quare tristis es anima mea ? et quare conturbas me ?

**S**pera in Deo, quoniam adhuc confitebor illi : \* sa-

lutare vultus mei, et Deus meus.

**Añs.** Salutare vultus mei, et Deus meus.

**Añs.** Ad te de luce vigilo, Deus. **Psalmus** Deus Deus meus, ut 60.

**Añs.** Cunctis diebus.

### Canticum Ezechiae.

#### Is. 38. b

**E**GO dixi : In dimidio dierum meorum \* vadam ad portas inferi.

**Q**uæsi residuum annorum meorum, \* dixi : Non videbo Dominum Deum in terra viventium.

**N**on aspiciam hominem ultra, \* et habitorem quietis.

**G**eneratio mea ablata est, et convoluta est a me, \* quasi tabernaculum pastorum :

**P**ræcisa est velut a texente, vita mea : dum adhuc ordiner, succidit me : \* de mane usque ad vesperam finies me.

**S**perabam usque ad mane, \* quasi leo sic contrivit omnia ossa mea :

**D**e mane usque ad vesperam finies me : \* sicut pulvis hirundinis sic clamabo, meditabor ut columba.

**A**tenuati sunt oculi mei, \* suspicientes in excelsum.

**D**omine, vim patior, responde pro me. \* Quid dicam, aut quid respondebit mihi, cum ipse fecerit ?



Recogitābo tibi omnes annos meos \* in amaritūdine animæ meæ.

Dómine, si sic vivitur, et in talibus vita spíritus mei, corripies me, et vivificabis me. \* Ecce in pace amaritúdo mea amaríssima :

Tu autem erulisti animam meam ut non perfret, \* projecisti post tergum tuum omnia peccata mea.

Quia non inférnus confitébitur tibi, neque mors laudábit te : \* non expectábunt qui descéndunt in lacum veritatem tuam.

Vivens vivens ipse confitébitur tibi, sicut et ego hodie : \* pater filiis notam faciet veritatem tuam.

Dómine, salvum me fac, \* et psalmos nostros cantábitur cunctis diébus vitæ nostræ in domo Dómini.

**Añs.** Cunctis diébus vitæ nostræ salvos nos fac, Dñe.

**Añs.** Omnes Angeli ejus, laudáte Dóminum de cœlis.

**Psalm.** Laudáte Dóminum de cœlis. 62.

**Capitulum.** Rom. 13. d

**N**OX præcëssit, dies autem appropinquávit : abiciámus ergo ópera tenebrarum, et induámur arma lucis : sicut in die honéste ambulémus.

**Hymnus.**

**A**LES diéi nuntius

Lucem propinquam præcinit :

Nos excitātor méntium  
Jam Christus ad vitam  
vocat.

Auférte, clamat, léctulos,  
Ægro sopóre désides :  
Castique, recti, ac sóbrii  
Vigilate, jam sum próxi-  
mus.

Jesum ciámus vóci-  
bus, Flentes, precántes, sóbrii :  
Inténta supplicatio  
Dormire cor mundum vetat.  
Tu, Christe, somnum dis-  
cute :

Tu rumpe noctis víncula :  
Tu solve peccátum vetus,  
Novúmque lumen ingere.

Deo Patri sit glória,  
Ejúsque soli Filio,  
Cum Spíritu Paráclito,  
Nunc, et per omne sæculum.  
Amen.

†. Repléti sumus mane  
misericórdia tua. R. Exul-  
távimus, et delectáti su-  
mus.

**Ad Benedictus.** **Añs.**  
Eréxit nobis Dóminus cor-  
nu salutis in domo David  
púeri sui.

**Preces.** quando dicuntur.  
habentur 64.

**FERIA QUARTA.**

**Ad Matutinum.**

**Invitat.** In manu tua, Dó-  
mine, \* Omnes fines terræ. **Ps.**  
Veníte, exultémus. 2.

**Hymnus.**

**R**ERUM Creátor óptime,  
Rectórque noster áspice:  
Nos a quiéte nóxia  
Mersos sopóre libera.

Te, sancte Christe, poscimus :

agnosce culpis omnibus :

Ad confitendum surgimus,

Morasque noctis rumpimus.

Mentes manusque tollimus,

Propheta sicut noctibus

Nobis gerendum praecepit,

Paulusque gestis censuit.

Vides malum, quod fecimus,

mus,

Occulta nostra pandimus :

Preces gementes fundimus,

Dimitte quod peccavimus.

Præsta, Pater piissime,

Patrique compar Unice,

Cum Spiritu Paráclito

Regnans per omne sæculum.

Amen.

Ant. Avértit Dóminus.

### Psalmus 52.

**D**IXIT insipiens in corde suo : \* Non est Deus.

Corrupti sunt, et abomi-

nabiles facti sunt in iniqui-

tatibus : \* non est qui fá-

ciat bonum.

Deus de cælo prospexit

super filios hóminum : \* ut

videat si est intélligens, aut

requírens Deum.

Omnes declinavérunt, si-

mul inútiles facti sunt : \*

non est qui fáciat bonum,

non est usque ad unum.

Nonne scient omnes qui

operántur iniquitatem, \*

qui dévorant plebem meam

sicut cibum panis ?

Deum non invocavérunt :

\* illic trepidavérunt timóre, ubi non erat timor.

Quóniam Deus dissipávit

ossa eórum qui homínibus

placent : \* confúsi sunt,

quóniam Deus sprevit eos.

Quis dabit ex Sion salu-

táre Israel ? \* cum convér-

terit Deus captivitátem ple-

bis suæ, exultábit Jacob,

et lætábitur Israel.

### Psalmus 54.

**E**XAUDI, Deus, oratióem

meam, et ne despéxeris

deprecatióem meam : \* in-

ténde mihi, et exáudi me.

Contristátus sum in ex-

ercitatióne mea : \* et con-

turbátus sum a voce inimíci,

et a tribulatióne peccatóris.

Quóniam declinavérunt in

me iniquitátes : \* et in

ira molésti erant mihi.

Cor meum conturbátum

est in me : \* et formído

mortis cécidit super me.

Timor et tremor venérunt

super me : \* et contexérunt

me ténebræ.

Et dixi : Quis dabit mihi

pennas sicut colúmbæ, \*

et volábo, et requiéscam ?

Ecece elongávi fúgiens : \*

et mansi in solitúdine.

Expectábam eum, qui sal-

vum me fecit \* a pusillani-

mitáte spíritus et tempe-

státe.

Præcipita, Dómine, divide

linguas eórum : \* quóniam

vidi iniquitatem, et contra-

dictionem in civitáte.

Die ac nocte circumdabit eam super muros ejus infirmitas : \* et labor in medio ejus , et injustitia.

Et non defecit de plateis ejus \* usura, et dolus.

Quoniam si inimicus meus maledixisset mihi , \* sustinuissem utique.

Et si is, qui oderat me , super me magna locutus fuisset : \* abscondissem me forsitan ab eo.

Tu vero homo unanimes , \* dux meus , et notus meus :

Qui simul mecum dulces capiebas cibos : \* in domo Dei ambulavimus cum consensu.

Veniat mors super illos : \* et descendant in infernum viventes :

Quoniam nequitiae in habitaculis eorum , \* in medio eorum.

Ego autem ad Deum clamavi : \* et Dominus salvabit me.

Vespere, et mane, et meridie narrabo et annuntiabo : \* et exaudiet vocem meam.

Redimet in pace animam meam ab his qui appropinquant mihi : \* quoniam inter multos erant mecum.

Exaudiet Deus , et humiliabit illos,\* qui est ante saecula.

Non enim est illis commutatio , et non timuerunt

Deum : \* extendit manum suam in retribuendo.

Contaminaverunt testamentum ejus , divisi sunt ab ira vultus ejus , \* et appropinquavit cor illius.

Molliti sunt sermones ejus super oleum : \* et ipsi sunt jacula.

Jacta super Dominum curam tuam , et ipse te eritriet : \* non dabit in aeternum fluctuationem justo.

Tu vero, Deus , deduces eos , \* in puteum interitus.

Viri sanguinum et dolosi non dimidiabunt dies suos : \* ego autem sperabo in te , Domine.

**Añā.** Avertit Dominus captivitatem plebis suae.

**Añā.** Quoniam.

**Psalmus 55.**

**M**ISERERE mei, Deus, quoniam conculeavit me homo : \* tota die impugnans tribulavit me.

Conculeaverunt me inimici mei tota die : \* quoniam multi bellantes adversum me.

Ab altitudine diei timebo : \* ego vero in te sperabo.

In Deo laudabo sermones meos, in Deo speravi : \* non timebo quid faciat mihi caro.

Tota die verba mea execrabantur : \* adversum me omnes cogitationes eorum in malum.

Inhabitabunt et abscondent :

\* ipsi calcaneum meum observabunt.

Sicut sustinuerunt animam meam, pro nihilo salvos facies illos : \* in ira populos confringes.

Deus, vitam meam annuntiavi tibi : \* posuisti lacrymas meas in conspectu tuo.

Sicut et in promissione tua : \* tunc convertentur inimici mei retrorsum :

In quacumque die invocavero te : \* ecce cognovi quoniam Deus meus es.

In Deo laudabo verbum, in Domino laudabo sermonem : \* in Deo speravi, non timebo quid faciat mihi homo.

In me sunt, Deus, vota tua, \* quae reddam, laudationes tibi.

Quoniam eripuisti animam meam de morte, et pedes meos de lapsu : \* ut placeam coram Deo in lumine viventium.

#### Psalmus 56.

MISERERE mei, Deus, miserere mei : \* quoniam in te confidit anima mea.

Et in umbra alarum tuarum sperabo, \* donec trans-eat iniquitas.

Clamabo ad Deum altissimum : \* Deum qui benefecit mihi.

Misit de caelo, et liberavit me : \* dedit in opprobrium conculcantes me.

Misit Deus misericordiam suam, et veritatem suam, \* et eripuit animam meam de medio catulorum leonum : dormivi conturbatus.

Filii hominum dentes eorum arma et sagittae : \* et lingua eorum gladius acutus.

Exaltare super caelos Deus : \* et in omnem terram gloria tua.

Laqueum paraverunt pedibus meis : \* et incurvaverunt animam meam.

Foderunt ante faciem meam foveam : \* et incidérunt in eam.

Paratum cor meum, Deus, paratum cor meum : \* cantabo, et psalmum dicam.

Exurge gloria mea, exurge psalterium et cithara : \* exurgam diluculo.

Confitebor tibi in populis, Domine : \* et psalmum dicam tibi in gentibus :

Quoniam magnificata est usque ad caelos misericordia tua, \* et usque ad nubes veritas tua.

Exaltare super caelos, Deus : \* et super omnem terram gloria tua.

Aññ. Quoniam in te confidit anima mea.

Aññ. Iusta iudicáte.

#### Psalmus 57.

SI vere utique iustitiam loquimini : \* recta iudicáte filii hominum.

Et enim in corde iniquita-

tes operámini : \* in terra  
injustitias manus vestræ  
concernant.

**A**lienati sunt peccatores  
a vulva, erraverunt ab útero : \* locuti sunt falsa.

**F**uror illis secundum similitudinem serpentis : \* sicut aspidis surdæ, et obturantis aures suas.

**Q**uæ non exaudiet vocem incantantium : \* et venefici incantantis sapienter.

**D**eus conteret dentes eorum in ore ipsorum : \* molas leonum confringet Dominus.

**A**d nihilum devenient tamquam aqua decurrens : \* intendit arcum suum donec infirméntur.

**S**icut cera, quæ fluit, auferéntur : \* supercécidit ignis, et non viderunt solem.

**P**riusquam intelligerent spinæ vestræ rhamnum : \* sicut vivéntes, sic in ira absorbet eos.

**L**ætabitur justus cum viderit vindictam : \* manus suas lavabit in sanguine peccatoris.

**E**t dicet homo : Si utique est fructus justo : \* utique est Deus iudicans eos in terra.

### **Psalmus 38.**

**E**RIPE me de inimicis meis, Deus meus : \* et ab insurgéntibus in me libera me.

**E**ripe me de operántibus

iniquitatem : \* et de viris sanguinum salva me.

**Q**uia ecce cepérunt animam meam : \* irruérunt in me fortes.

**N**eque iniquitas mea, neque peccátum meum, Dómine : \* sine iniquitate currí, et diréxi.

**E**xurge in occúrsu meum, et vide : \* et tu, Dómine Deus virtutum, Deus Israel.

**I**nténde ad visitándas omnes gentes ; \* non misereáris ómnibus, qui operántur iniquitatem.

**C**onverténtur ad vespéram : et famem patiéntur ut canes, \* et circuibunt civitatem.

**E**cce loquéntur in ore suo, et gladius in lábiis eorum : \* quóniam quis audívit?

**E**t tu, Dómine, deridébis eos : \* ad nihilum dedúces omnes gentes.

**F**ortitudinem meam ad te custódiam, quia Deus suscepitor meus es : \* Deus meus, misericórdia ejus præveniet me.

**D**eus osténdet mihi super inimicos meos, ne occidas eos : \* nequándo oblivi-scántur pópuli mei.

**D**ispérge illos in virtute tua : \* et depóne eos protectór meus, Dómine.

**D**elictum oris eorum, sermónem labiórum ipsórum : \* et comprehendántur in supérbia sua.

Et de execratione et mendacio annuntiabuntur in consummatione : \* in ira consummationis , et non erunt.

Et scient quia Deus dominabitur Jacob , \* et finium terræ.

Convertentur ad vespeream , et famem patientur ut canes : \* et circuibunt civitatem.

Ipsi dispergentur ad manducandum : \* si vero non fuerint saturati , et murmurabunt.

Ego autem cantabo fortitudinem tuam : \* et exultabo mane misericordiam tuam.

Quia factus es susceptor meus \* et refugium meum , in die tribulationis meæ.

Adjutor meus tibi psallam , quia Deus susceptor meus es : \* Deus meus , misericordia mea.

**Ana.** Justa judicate , filii hominum.

**Ana.** Da nobis.

### Psalmus 59.

**D**EUS , repulisti nos , et destruxisti nos : \* iratus es , et misertus es nobis.

Commovisti terram , et conturbasti eam : \* sana contritiones ejus , quia commota est.

Ostendisti populo tuo dura : \* potasti nos vino compunctionis.

Dedisti metuéntibus te

significationem : \* ut fugiant a facie arcus.

**U**t liberentur dilecti tui : \* salvum fac dextera tua , et exaudi me.

**D**eus locutus est in sancto suo : \* Lætabor , et partabor Sichimam : et convallē tabernaculorum metibor.

**M**eus est Galaad , et meus est Manasses : \* et Ephraim fortitudo capitis mei.

**J**uda rex meus : \* Moab olla spei meæ.

**I**n Idumæam extendam calcamentum meum : \* mihi alienigenæ subditi sunt.

**Q**uis deducet me in civitatem munitam ? \* quis deducet me usque in Idumæam ?

**N**onne tu , Deus , qui repulisti nos : \* et non egrediēris , Deus , in virtutibus nostris ?

**D**a nobis auxilium de tribulatione : \* quia vana salus hominis.

**I**n Deo faciemus virtutem : \* et ipse ad nihilum deducet tribulantes nos.

### Psalmus 60.

**E**XAUDI , Deus , deprecationem meam : \* intēde orationi meæ.

**A** finibus terræ ad te clamavi : \* dum anxiaretur cor meum , in petra exaltasti me.

**D**eduxisti me , quia factus es spes mea : \* turris fortitudinis a facie inimici.

**I**nhabitabo in tabernaculo tuo in sæcula : \* pròtegar in



velaménto alárum tuárum.

Quóniam tu, Deus meus, exaudísti oratióem meam : \* dedísti hereditátem timentibus nomen tuum.

Dies super dies regis adjicies : \* annos ejus usque in diem generatióis et generatióis.

Pérmanet in ætérnum in conspéctu Dei : \* misericórdiam et veritátem ejus quis requíret?

Sic psalmum dicam nómini tuo in sæculum sæculi : \* ut reddam vota mea de die in diem.

**Añs.** Da nobis, Dómine, auxílium de tribulatióne.

**Añs.** Nonne Deo.

#### Psalmus 61.

**N**ONNE Deo subjécta erit ánima mea? \* ab ipso enim salutáre meum.

Nam et ipse Deus meus, et salutáris meus : \* suscéptor meus, non movébor ámplius.

Quóusque irrúitis in hóminem? \* interficitis universi vos : tamquam parieti inclináto et macériæ depúlsæ.

Verúmtamen prétium meum cogitavérunt repéllere, cucúrri in siti : \* ore suo benedicébant, et corde suo maledicébant.

Verúmtamen Deo subjécta esto ánima mea : \* quóniam ab ipso paciéntia mea.

Quia ipse Deus meus, et salvátor meus : \* adjutor meus non emigrábo.

In Deo salutáre meum, et glória mea : \* Deus auxílii mei, et spes mea in Deo est.

Speráte in eo omnis congregatio pópuli, effúndite coram illo corda vestra : \* Deus adjutor noster in ætérnum.

Verúmtamen vani filii hóminum, mendáces filii hóminum in statéris : \* ut decípiant ipsi de vanitáte in idípsum.

Nolíte speráre in iniquitáte, et rapínas nolíte concupíscere : \* divitiæ si áfluant, nolíte cor appónere.

Semel locútus est Deus, duo hæc audívi, quia potestas Dei est, et tibi, Dómine, misericórdia : \* quia tu reddes unicuique juxta ópera sua.

#### Psalmus 63.

**E**XAUDI, Deus, oratióem meam cum déprecor : \* a timóre inimíci éripe ánimam meam.

Protexisti me a convéntu malignántium : \* a multitudine operántium iniquitátem.

Quia exacuérunt ut gládium linguas suas : \* intendérunt arcum rem amáram, ut sagittent in occúltis immaculátum.

Súbito sagittábunt eum, et non timébunt : \* firma-



verunt sibi sermonem nequam.

**N**arraverunt ut absconderent laqueos : \* dixerunt : Quis videbit eos ?

**S**crutati sunt iniquitates : \* defecerunt scrutantes scrutatio.

**A**ccedet homo ad cor altum : \* et exaltabitur Deus.

**S**agittae parvulorum factae sunt plagae eorum : \* et infirmatae sunt contra eos linguae eorum.

**C**onturbati sunt omnes qui videbant eos : \* et timuit omnis homo.

**E**t annuntiaverunt opera Dei : \* et facta ejus intellexerunt.

**L**aetabitur justus in Domino, et sperabit in eo, \* et laudabuntur omnes recti corde.

**Aññ.** Nonne Deo subiecta erit anima mea ?

**Aññ.** Benedicite.

### Psalmus 65.

**J**ubilare Deo omnis terra, psalmum dicite nomini ejus : \* date gloriam laudi ejus.

**D**icite Deo : quam terribilia sunt opera tua, Domine ! \* in multitudine virtutis tuae mentientur tibi inimici tui.

**O**mnis terra adoret te, et psallat tibi : \* psalmum dicat nomini tuo.

**V**enite, et videte opera Dei : \* terribilis in consiliis super filios hominum.

**Q**ui convertit mare in aridam, in flumine pertransibunt pede : \* ibi laetabimur in ipso.

**Q**ui dominatur in virtute sua in aeternum, oculi ejus super gentes respiciunt : \* qui exasperant, non exaltentur in semetipsis.

**B**enedicite Gentes Deum nostrum : \* et audiam facite vocem laudis ejus.

**Q**ui posuit animam meam ad vitam : \* et non dedit in commotionem pedes meos.

**Q**uoniam probasti nos Deus : \* igne nos examinasti, sicut examinatur argentum.

**I**nduxisti nos in laqueum, posuisti tribulationes in dorso nostro : \* imposuisti homines super capita nostra.

**T**ransivimus per ignem et aquam : \* et eduxisti nos in refrigerium.

**I**ntroibo in domum tuam in holocaustis : \* reddam tibi vota mea, quae distinxerunt labia mea.

**E**t locutum est os meum, \* in tribulatione mea.

**H**olocausta medullata offeram tibi cum incenso arictum : \* offeram tibi boves cum hircis.

**V**enite, audite, et narrabo, omnes qui timetis Deum, \* quanta fecit animae meae.

**A**d ipsum ore meo clamavi, \* et exaltavi sub lingua mea.

**I**niquitatem si aspexi in

corde meo, \* non exáudiet  
Dóminus.

**P**ropterea exaudivit Deus,  
\* et attendit voci deprecá-  
tiónis meæ.

**B**enedictus Deus, \* qui non  
amóvit oratióem meam, et  
misericórdiam suam a me.

**Psalmus 67.**

**E**xurgat Deus, et dissi-  
péntur inimici ejus, \*  
et fúgiant qui odérunt eum,  
a fácie ejus.

**S**icut déficit fumus, de-  
ficiant : \* sicut fluit cera a  
fácie ignis, sic péreant pec-  
catóres a fácie Dei.

**E**t justí epuléntur, et  
exúltent in conspéctu Dei :  
\* et delecténtur in læti-  
tia.

**C**antáte Deo, psalmum dí-  
cite nómini ejus : \* iter fáci-  
te ei, qui ascéndit super oc-  
cásium : Dóminus nomen  
illi.

**E**xultáte in conspéctu  
ejus : \* turbabúntur a fácie  
ejus, patris orphanórum, et  
júdicis viduárum :

**D**eus in loco sancto suo :  
\* Deus, qui inhabitáre facit  
uníus moris in domo.

**Q**ui edúcit vinctos in for-  
titudine, \* similiter eos, qui  
exásperant, qui hábitant in  
sepúlchris.

**D**eus, cum egrederéris in  
conspectu pópuli tui, \* cum  
pertransires in desérto :

**T**erra mota est, etenim  
cœli distillavérunt a fácie

Dei Sinai, \* a fácie Dei  
Israel.

**P**lúviam voluntáriam se-  
gregábis Deus hereditáti  
tuæ : \* et infirmáta est, tu  
vero perfecisti eam.

**A**nimália tua habitábunt  
in ea : \* parásti in dulcé-  
dine tua páuperi, Deus.

**D**óminus dabit verbum  
evangelizántibus, \* virtúte  
multa.

**R**ex virtútum dilécti dilé-  
cti : \* et speciéi domus dí-  
videre spólia.

**S**i dormiátis inter médios  
cleros, pennæ columbæ  
deargentátæ, \* et poste-  
rióra dorsi ejus in pallóre  
auri.

**D**um discérnit cœléstis re-  
ges super eam, nive deal-  
babúntur in Selmon : \*  
mons Dei, mons pinguis.

**M**ons coagulátus, mons pin-  
guis : \* utquid suspicámini  
montes coagulátos?

**M**ons, in quo benepláci-  
tum est Deo habitáre in  
co : \* etenim Dóminus ha-  
bitábit in finem.

**C**urrus Dei decem milli-  
bus múltiplex, millia læ-  
tántium : \* Dóminus in eis  
in Sina in sancto.

**A**scendisti in altum, ce-  
písti captivitátem : \* acce-  
písti dona in homínibus :

**E**tenim non credéntes, \*  
inhabitáre Dóminum Deum.

**B**enedictus Dóminus die  
quotídie : \* prósperum iter

faciet nobis Deus salutarium nostrorum.

Deus noster, Deus salvos faciendi : \* et Domini Domini exitus mortis.

Verumtamen Deus confringet capita inimicorum suorum : \* verticem capilli perambulantium in delictis suis.

Dixit Dominus : Ex Basan convertam, \* convertam in profundum maris,

Ut intingatur pes tuus in sanguine : \* lingua canum tuorum ex inimicis ab ipso.

Viderunt ingressus tuos, Deus, \* ingressus Dei mei, Regis mei qui est in sancto.

Prævenérunt principes conjuncti psallentibus, \* in medio juvenularum tympanistriarum.

In ecclesiis benedicite Deo Domino, \* de fontibus Israel.

Tibi Benjamin adolescensculus, \* in mentis excessu.

Principes Juda, duces eorum : \* principes Zabulon, principes Nephthali.

Manda, Deus, virtuti tue : \* confirma hoc Deus, quod operatus es in nobis.

A templo tuo in Jerusalem, \* tibi offerent reges munera.

Increpa feras arundinis, congregatio taurorum in

vaccis populorum : \* ut excludant eos, qui probati sunt argento.

Missa gentes, quæ bella volunt : venient legati ex Ægypto : \* Æthiopia præveniet manus ejus Deo.

Regna terræ, cantate Deo : \* psallite Domino :

Psallite Deo, qui ascendit super cælum cæli, \* ad Orientem.

Ecce dabit voci suæ vocem virtutis, date gloriam Deo super Israel, \* magnificentia ejus, et virtus ejus in nubibus.

Mirabilis Deus in sanctis suis, Deus Israel ipse dabit virtutem, et fortitudinem plebi suæ, \* benedictus Deus.

Añã. Benedicite, gentes, Deum nostrum.

Per Annum, ŷ. Deus vitam meam annuntiavi tibi.

R. Posuisti lacrymas meas in conspectu tuo.

Pro uno Mart., ŷ. Magna est gloria ejus in salutari tuo. R. Gloriam et magnum decorem impones super eum.

Pro pluribus Martyribus, ŷ. Justi autem in perpetuum vivent. R. Et apud Dominum est merces eorum.

Pro Conf. Pont., ŷ. Tu es sacerdos in æternum.

R. Secundum ordinem Melchisedech.

**Pro Conf. non Pont., ŷ.**  
Lex Dei ejus in corde ipsius.  
**R̃.** Et non supplantabuntur  
gressus ejus.

**Pro una Sancta, ŷ.** Elé-  
git eam Deus, et præclégit  
eam. **R̃.** In tabernáculo suo  
habitare facit eam.

#### AD LAUDES,

**Añs.** Amplius lava me,  
Dómine, ab injustitia mea.  
**Ps.** Miserere. 59.

**Añs.** Te decet.

#### Psalmus 64.

**T**E decet hymnus, Deus,  
in Sion : \* et tibi reddé-  
tur votum in Jerúsalem.

**Exáudi** orationem meam :  
\* ad te omnis caro véniet.

**Verba** iniquórum præva-  
luérunt super nos : \* et  
impietátibus nostris tu pro-  
pitiaberis.

**Beátus**, quem elegisti, et  
assumpsisti : \* inhabitabit  
in átriis tuis.

**Replébimur** in bonis do-  
mus tuæ : \* sanctum est  
templum tuum, mirábile in  
æquitáte.

**Exáudi** nos, Deus salutáris  
noster, \* spes ómnium fi-  
nium terræ, et in mari  
longe.

**Præparans** montes in vir-  
tute tua, accinctus potén-  
tia : \* qui contúrbas pro-  
fúndum maris, sonum flú-  
etuum ejus.

**Turbabúntur** Gentes, et  
timébunt qui hábitant tér-  
minos a signis tuis : \*

éxitus matutíni et vésperæ  
delectábis.

**Visitásti** terram, et ine-  
briásti eam : \* multipli-  
cásti locupletare eam.

**Flumen** Dei replétum est  
aquis, parásti cibum illó-  
rum : \* quóniam ita est  
præparatio ejus.

**Rivos** ejus inébria, mul-  
tiplica genimina ejus : \*  
in stillicidiis ejus lætábitur  
gérmans.

**Benedices** coronæ anni be-  
nignitátis tuæ : \* et cam-  
pi tui replebúntur uber-  
tate.

**Pinguéscent** speciósas de-  
sérti : \* et exultatione col-  
les accingéntur.

**Indúti** sunt arietes óvium,  
et valles abundábunt fru-  
mento : \* clamábunt, éte-  
nim hymnum dicent.

**Añs.** Te decet hymnus,  
Deus, in Sion.

**Añs.** Lábia mea laudá-  
bunt te in vita mea, Deus  
meus. **Ps.** Deus, Deus  
meus, \* ad te. 60.

**Añs.** Dóminus judicábit.

**Cant. Annæ.** 1. **Reg.** 2.

**E**XULTAVIT cor meum in  
Dómino, \* et exaltatum  
est cornu meum in Deo  
meo :

**Dilatatum** est os meum  
super inimicos meos : \*  
quia lætata sum in salutári  
tuo.

**Non** est sanctus, ut est  
Dóminus ; neque enim est

alius extra te, \* et non est fortis sicut Deus noster.

**N**olite multiplicare loqui sublimia, \* gloriantes :

**R**ecédant vétera de ore vestro : quia Deus scientiarum Dominus est, \* et ipsi præparantur cogitationes.

**A**rcus fortium superatus est, \* et infirmi accincti sunt robore.

**R**epléti prius, pro pánibus se locaverunt : \* et famélici saturati sunt.

**D**onec stérilis péperit plurimos : \* et quæ multos habebat filios, infirmata est.

**D**ominus mortificat et vivificat, \* deducit ad inferos et reducit.

**D**ominus páuperem facit, et ditat, \* humiliat, et subleuat.

**S**uscitat de pulvere egenum, \* et de stercore elevat páuperem :

**U**t sédeat cum principibus, \* et sólum glóriæ téneat.

**D**omini enim sunt cárdines terræ, \* et pósuit super eos orbem.

**P**edes sanctórum suórum servabit, et ímpii in tenebris conticescent : \* quia non in fortitudine sua roborabitur vir.

**D**ominum formidábunt adversárii ejus : \* et super ipsos in cœlis tonábit :

**D**ominus judicábit fines terræ, et dabit impérium

regi suo, \* et sublimábit cornu Christi sui.

**Añs.** Dóminus judicábit fines terræ.

**Añs.** Cœli cœlórum laudáte Deum. **Ps.** Laudáte Dóminum de cœlis, **ut** 62.

**Capitulum.** Rom. 13. d

**N**ox præcessit, dies autem appropinquávit : abjiciamus ergo ópera tenebrarum, et induamur arma lucis : sicut in die honeste ambulémus.

**Hymnus.**

**N**ox, et tenébær, et núbila,

Confúsa mundi, et túrbida :  
Lux intrat : albescit polus :  
Christus venit : discédite.

Calígo terræ scínditur  
Percússa solis spículo,  
Rebúsque jam color redit,  
Vultu niténtis síderis.

**T**e, Christe, solum nóvimus :

Te mente pura, et simplici,  
Flendo et canéndo, quæsumus,

Inténde nostris sénsibus.

**S**unt multa fucis illita,  
Quæ luce purgéntur tua :  
Tu vera lux cœléstium  
Vultu seréno illúmina.

**D**eo Patri sit glória,  
Ejúsque soli Fílio,  
Cum Spíritu Paráclito,  
Nunc, et per omne sæculum. Amen.

**ŷ.** Repléti sumus mane misericórdia tua. **ñ.** Exultávimus, et delectáti sumus.

**Ad Benedictus, Añs.** De manu ómnium qui odérunt nos, libera nos, Dómine.

**Preces, quando dicuntur, habentur 64.**

### FERIA QUINTA.

#### Ad Matutinum.

**Invitat.** Dóminum, qui fecit nos, \* Veníte adorémus.

**Ps.** Veníte, exultémus. 2.

#### Hymnus.

**N**ox atra rerum cótegit  
Terræ colóres ómnium :

Nos confiténtes póscimus

Te, juste iudex córdium :

Ut áuferas piácula,

Sordésque mentis ábluas :

Donésque, Christe, grátiam,

Ut arceántur crímina.

Mens ecce torpet ímpia,

Quam culpa mordet nóxia ;

Obscúra gestit tóllere,

Et te, Redémptor, quærere.

Repélle tu caliginem

Intrínsecus quam máxime ;

Ut in beáto gáudeat

Se collocári lúmine.

Præsta, Pater piíssime,

Patrique compar Unice,

Cum Spíritu Paráclito

Regnans per omne sæculum. Amen.

**Añs.** Dómine Deus.

#### Psalmus 68.

**S**ALVUM me fac, Deus, \*  
quóniam intravérunt  
aquæ usque ad ánimam  
meam.

Infixus sum in limo pro-  
fundi : \* et non est sub-  
stántia.

Veni in altitúdinem ma-

ris : \* et tempéstat demér-  
sit me.

Laborávi clamans, raucæ  
factæ sunt fauces meæ : \*  
defecérunt óculi mei, dum  
spero in Deum meum.

Multiplicáti sunt super  
capíllos cápitis mei, \* qui  
odérunt me gratis.

Confortáti sunt qui per-  
secúti sunt me inimíci mei  
injúste : \* quæ non rápui,  
tunc exolvébam.

Deus tu scis insipiéntiam  
meam : \* et delicta mea a  
te non sunt abscondita.

Non erubéscant in me,  
qui expéctant te, Dómine, \*  
Dómine virtútum.

Non confundántur super  
me, \* qui quærunt te,  
Deus Israel.

Quóniam propter te sus-  
tínui oppróbrium : \* opé-  
ruit confúsió faciém meam.

Extráneus factus sum frá-  
tribus meis, \* et peregrínus  
filiis matris meæ.

Quóniam zelus domus tuæ  
comédit me : \* et oppróbria  
exprobrántium tibi cecidé-  
runt super me.

Et opéruí in jejúnio áni-  
mam meam : \* et factum est  
in oppróbrium mihi.

Et pósui vestiméntum meum  
cilícium : \* et factus sum  
illis in parábolam.

Advérsus me loquebántur  
qui sedébant in porta : \* et  
in me psallébant qui bibé-  
bant vinum.



**E**go vero orationem meam ad te, Domine : \* tempus beneplaciti Deus.

**I**n multitudine misericordiae tuae exaudi me , \* in veritate salutis tuae :

**E**ripe me de luto , ut non infigar : \* libera me ab iis , qui oderunt me , et de profundis aquarum.

**N**on me demergat tempestas aquae , neque absorbeat me profundum : \* neque urgeat super me puteus os suum.

**E**xaudi me, Domine , quoniam benigna est misericordia tua : \* secundum multitudinem miserationum tuarum respice in me.

**E**t ne avertas faciem tuam a puero tuo : \* quoniam tribulor , velociter exaudi me.

**I**ntende animae meae , et libera eam : \* propter inimicos meos eripe me.

**T**u scis improprium meum , et confusionem meam , \* et reverentiam meam.

**I**n conspectu tuo sunt omnes qui tribulant me : \* improprium expectavit cor meum , et miseriam.

**E**t sustinui qui simul contristaretur , et non fuit : \* et qui consolaretur , et non inveni.

**E**t dederunt in escam meam fel : \* et in siti mea potaverunt me aceto.

**F**iat mensa eorum coram

ipsis in laqueum : \* et in retributiones , et in scandalum.

**O**bscurentur oculi eorum ne videant : \* et dorsum eorum semper incurva.

**E**ffunde super eos iram tuam : \* et furor irae tuae comprehendat eos.

**F**iat habitatio eorum deserta : \* et in tabernaculis eorum non sit qui inhabitet.

**Q**uoniam quem tu percussisti persecuti sunt : \* et super dolorem vulnerum meorum addiderunt.

**A**ppone iniquitatem super iniquitatem eorum : \* et non intrent in justitiam tuam.

**D**eleantur de libro viventium : \* et cum justis non scribantur.

**E**go sum pauper et dolens : \* salus tua , Deus , suscepit me.

**L**audabo nomen Dei cum cantico : \* et magnificabo eum in laude :

**E**t placebit Deo super vitulum novellum : \* cornua producentem et ungulas.

**V**ideant pauperes , et lætentur : \* quærite Deum , et vivet anima vestra :

**Q**uoniam exaudivit pauperes Dominus : \* et vinctos suos non despexit.

**L**audent illum cœli et terra , \* mare , et omnia reptilia in eis.

**Q**uoniam Deus salvam fa-



ciet Sion : \* et ædificabuntur civitates Juda.

Et inhabitabunt ibi , \* et hereditate acquirant eam.

Et semen servorum ejus possidebit eam : \* et qui diligunt nomen ejus , habitabunt in ea.

**Psalmus 69.**

**D**EUS, in adiutorium meum intende : \* Domine , ad adjuvandum me festina.

Confundantur , et revereantur : \* qui quaerunt animam meam :

Avertantur retrorsum , et erubescant , \* qui volunt mihi mala.

Avertantur statim erubescentes : \* qui dicunt mihi : Euge , euge.

Exultent et lætentur in te omnes qui quaerunt te , \* et dicant semper : Magnificetur Dominus : qui diligunt salutare tuum.

Ego vero egenus , et pauper sum : \* Deus adjuva me.

Adjutor meus , et liberator meus es tu : \* Domine , ne moreris.

**Añs.** Domine Deus , in adiutorium meum intende.

**Añs.** Esto mihi.

**Psalmus 70.**

**I**N te, Domine, speravi, non confundar in æternum : \* in justitia tua libera me , et eripe me.

Inclina ad me aurem tuam , \* et salva me.

Esto mihi in Deum protectorem , et in locum munitum : \* ut salvum me facias.

Quoniam firmamentum meum , \* et refugium meum es tu.

Deus meus , eripe me de manu peccatoris , \* et de manu contra legem agentis et iniqui :

Quoniam tu es patientia mea , Domine : \* Domine , spes mea a juventute mea.

In te confirmatus sum ex utero : \* de ventre matris meae tu es protector meus.

In te cantatio mea semper : \* tamquam prodigium factus sum multis : et tu adiutor fortis.

Repleatur os meum laude , ut cantem gloriam tuam : \* tota die magnitudinem tuam.

Ne proicias me in tempore senectutis : \* cum defecerit virtus mea , ne derelinquas me.

Quia dixerunt inimici mei mihi : \* et qui custodiebant animam meam , consilium fecerunt in unum.

Dicentes : Deus dereliquit eum , persequimini , et comprehendite eum : \* quia non est qui eripiat.

Deus , ne elongeris a me : \* Deus meus , in auxilium meum respice.

Confundantur , et deficiant detrahentes animae meae : \* operiantur confu-

sione, et pudore qui quæ-  
runt mala mihi.

**E**go autem semper spe-  
rabo : \* et adjiciam super  
omnem laudem tuam.

**O**s meum annuntiabit ju-  
stítiam tuam : \* tota die  
salutare tuum.

**Q**uoniam non cognóvi lit-  
teratúram, introibo in po-  
téntias Dómini : \* Dómine,  
memorabor justítiæ tuæ so-  
lus.

**D**eus docuisti me a juven-  
tute mea : \* et usque nunc  
pronuntiabo mirabilia tua.

**E**t usque in senectam et  
sénium : \* Deus ne dere-  
linquas me.

**D**onec annúntiem bráchium  
tuum \* generatióni omni,  
quæ ventúra est.

**P**oténtiam tuam, et justí-  
tiam tuam Deus usque in  
altíssima, quæ fecisti ma-  
gnália : \* Deus quis similis  
tibi?

**Q**uantas ostendisti mihi tri-  
bulatiónes multas, et ma-  
las : et convérsus vivificasti  
me : \* et de abyssis terræ  
íterum reduxísti me :

**M**ultiplicásti magnificéntiam  
tuam : \* et convérsus con-  
solátus es me.

**N**am et ego confitébor tibi  
in vasis psalmi veritatem  
tuam : \* Deus, psallam tibi  
in cithara, sanctus Israel.

**E**xultábunt lábia mea cum  
cantávero tibi : \* et ánima  
mea, quam redemísti.

**S**ed et lingua mea tota die  
meditábitur justítiam tuam:  
\* cum confúsi et revériti  
fúerint qui quærunť mala  
mihi.

### Psalmus 71.

**D**EUS judícium tuum regi  
da : \* et justítiam tuam  
filio regis :

**J**udicáre pópulum tuum in  
justítia, \* et páuperes tuos  
in judício.

**S**uscípiant montes pacem  
pópulo : \* et colles justí-  
tiam.

**J**udicábit páuperes pópuli,  
et salvos fáciet filios páu-  
perum : \* et humiliábit ca-  
lumniatórem.

**E**t permanébit cum sole,  
et ante lunam, \* in genera-  
tione et generatiónem.

**D**escéndet sicut plúvia in  
vellus : \* et sicut stillicidia  
stillántia super terram.

**O**riétur in diébus ejus ju-  
stítia, et abundántia pacis :  
\* donec auferátur luna.

**E**t dominábitur a mari us-  
que ad mare : \* et a flúmi-  
ne usque ad términos orbis  
terrárum.

**C**oram illo prócident Æthío-  
pes : \* et inimíci ejus ter-  
ram lingent.

**R**eges Tharsis, et ínsulæ  
múnera ófferent : \* reges  
Arabum, et Saba dona ad-  
dúcent.

**E**t adorábunt eum omnes  
reges terræ : \* omnes gen-  
tes sérvient ei :

Quia liberábit páuperem a poténite : \* et páuperem cui non erat adjutor.

Parcet páuperi et inopi : \* et ánimas páuperum salvas faciet.

Ex usúris et iniquitate rédimet ánimas eórum : \* et honorábile nomen eórum coram illo.

Et vivet, et dábitur ei de auro Arábiæ, et adorábunt de ipso semper : \* tota die benedicent ei.

Et erit firmaméntum in terra in summis móntium, superextollétur super Líbanum fructus ejus : \* et florébunt de civitate sicut fœnum terræ.

Sit nomen ejus benedictum in sæcula : \* ante solem pérmanet nomen ejus.

Et benedicéntur in ipso omnes tribus terræ : \* omnes gentes magnificábunt eum.

Benedictus Dóminus Deus Israel, \* qui facit mirabilia solus :

Et benedictum nomen majestátis ejus in ætérnum : \* et replébitur majestáte ejus omnis terra : fiat, fiat.

**Añá.** Esto mihi, Dómine, in Deum protectórem.

**Añá.** Liberásti virgam.

**Psalmus 72.**

**Q**UAM bonus Israel Deus \* his, qui recto sunt corde !

Mei autem pene moti sunt

pedes : \* pene effúsi sunt gressus mei.

Quia zelávi super iníquos, \* pacem peccatórum videns.

Quia non est respéctus mortis eórum ; \* et firmaméntum in plaga eórum.

In labóre hóminum non sunt, \* et cum homínibus non flagellabúntur :

Ideo ténuít eos supérbia, \* opérti sunt iniquitate et impietate sua.

Pródiit quasi ex ádipe iniquitas eórum : \* transiérunt in afféctum cordis.

Cogitavérunt, et locúti sunt nequitiam : \* iniquitatem in excélsis locúti sunt.

Posuérunt in cœlum os suum : \* et lingua eórum transívit in terra.

Ideo convertétur pópulus meus hic : \* et dies pleni invenientur in eis.

Et dixerunt : Quómodo scit Deus, \* et si est sciéntia in excélsis ?

Ece ipsi peccatóres, et abundantes in sæculo, \* obtinuérunt divítias.

Et dixi : Ergo sine causa justificávi cor meum, \* et lavi inter innocéntes manus meas :

Et fui flagellátus tota die, \* et castigatio mea in matutinis.

Si dicébam : Narrábo sic : \* ecce natióem filiórum tuórum reprobávi.

Existimábam ut cognó-

scerem hoc, \* labor est ante me :

**D**onec intrem in Sanctuárium Dei : \* et intélligam in novissimis eórum.

**V**erúmtamen propter dolos posuisti eis : \* deiecisti eos dum allevaréntur.

**Q**uómodo facti sunt in desolatióne, súbito defecerunt : \* periérunt propter iniquitátem suam.

**V**elut sónnium surgéntium, Dómine, \* in civitáte tua imáginem ipsórum ad nihilum rédiges.

**Q**uia inflammátum est cor meum, et renes mei commutáti sunt : \* et ego ad nihilum redáctus sum, et nescívi.

**U**t juméntum factus sum apud te : \* et ego semper tecum.

**T**enuisti manum dexteram meam : et in voluntáte tua deduxisti me, \* et cum glória suscepisti me.

**Q**uid enim mihi est in cœlo ? \* et a te quid vólui super terram ?

**D**efécit caro mea, et cor meum : \* Deus cordis mei, et pars mea, Deus, in ætérnum.

**Q**uia ecce, qui elóngant se a te, peribunt : \* perdidisti omnes, qui fornicántur abs te.

**M**ihi autem adhærere Deo bonum est : \* pónere in Dómino Deo spem meam :

**U**t annúntiem omnes prædicationes tuas, \* in portis filiæ Sion.

**Psalmus 73.**

**U**t quid, Deus, repulisti in finem : \* irátus est furor tuus super oves páscae tuæ ?

**M**emor esto congregatiónis tuæ, \* quam possedisti ab initio.

**R**edemisti virgam hereditátis tuæ : \* mons Sion, in quo habitasti in eo.

**L**eva manus tuas in superbias eórum in finem : \* quanta malignátus est inimícus in sancto !

**E**t gloriáti sunt qui odérunt te : \* in médio solemnitétis tuæ.

**P**osuérunt signa sua, signa : \* et non cognovérunt sicut in éxitu super summum.

**Q**uasi in silva lignórum secúribus excidérunt jánuas ejus in idípsum : \* in secúri, et áscia dejecérunt eam.

**I**ncendérunt igni Sanctuárium tuum : \* in terra polluerunt tabernáculum nóminis tui.

**D**ixerunt in corde suo cognátio eórum simul : \* quiescere faciámus omnes dies festos Dei a terra.

**S**igna nostra non vídimus, jam non est Prophéta : \* et nos non cognóscet ámplius.

**U**squequo, Deus, improp-

rabit inimicus : \* irritat adversarius nomen tuum in finem?

**Ut** quid avértis manum tuam, et dexteram tuam, \* de médio sinu tuo in finem?

**Deus** autem Rex noster ante sæcula : \* operátus est salutem in médio terræ.

**Tu** confirmásti in virtúte tua mare : \* contribulásti cápita draconum in aquis.

**Tu** confregisti cápita draconis : \* dedisti eum escam pópulis Æthiopum.

**Tu** dirupisti fontes, et torréntes : \* tu siccásti flúvios Ethan.

**Tuus** est dies, et tua est nox : \* tu fabricátus es auróram et solem.

**Tu** fecisti omnes términos terræ, \* æstátem et ver tu plasmásti ea.

**Memor** esto hujus, inimicus improperávit Dómino : \* et pópulus insípiciens incitávit nomen tuum.

**Ne** tradas béstiis ánimas confiténtes tibi, \* et ánimas páuperum tuórum ne obliviscáris in finem.

**Réspice** in testaméntum tuum : \* quia repléti sunt, qui obscuráti sunt, terræ dómibus iniquitátum.

**Ne** avertátur hūmilis factus confúsus : \* pauper et inops laudábunt nomen tuum.

**Exúrgè**, Deus, júdica causam

tuam : \* memor esto impropériórum tuórum, córum quæ ab insipiente sunt tota die.

**Ne** obliviscáris voces inimicórum tuórum : \* superbia córum, qui te odérunt, ascéndit semper.

**Añs.** Liberásti virgam hereditátis tuæ.

**Añs.** Et invocábimus.

**Psalmus 74.**

**C**ONFITEBIMUR tibi, Deus, \* confitébimur, et invocábimus nomen tuum.

**Narrá**bimus mirabilia tua : \* cum accépero tempus, ego justítias judicábo.

**Liquefá**cta est terra, et omnes qui hábitant in ea : \* ego confirmávi columnas ejus.

**Dixi** iníquis : Nolite inique ágere : \* et delinquéntibus : Nolite exaltáre cornu.

**Nolite** extóllere in altum cornu vestrum : \* nolite loqui advérsus Deum iniquitátem.

**Quia** neque ab Oriénte, neque ab Occidénte, neque a desértis móntibus : \* quóniam Deus judex est.

**Hunc** humiliat, et hunc exáltat : \* quia calix in manu Dómini vini meri plenus misto.

**Et** inclinávit ex hoc in hoc : verúmtamen fæx ejus non est exinaníta : \* bibent omnes peccatóres terræ.

**E**go autem annuntiábo in sæculum : \* cantábo Deo Jacob.

**E**t ómnia córnua peccatórum confringam : \* et exaltabúntur córnua iusti.

**Psalmus 75.**

**N**OTUS in Iudæa, Deus : \*  
In Israel magnum nomen ejus.

**E**t factus est in pace locus ejus : \* et habitatio ejus in Sion.

**I**bi confrégit poténtias arcuum, \* scutum, gládium et bellum.

**I**llúminans tu mirabiliter a móntibus ætérnis : \* turbáti sunt omnes insipientes corde.

**D**ormiérunt somnum suum : \* et nihil invenérunt omnes viri divitiárum in mánibus suis.

**A**b increpatióne tua, Deus Jacob, \* dormitavérunt qui ascendérunt equos.

**T**u terribilis es, et quis resistet tibi ? \* ex tunc ira tua.

**D**e cœlo auditum fecísti iudícium : \* terra trémuit et quíevit,

**C**um exúrgeret in iudícium Deus, \* ut salvos fáceret omnes mansuétos terræ.

**Q**uóniam cogitatio hóminis confitébitur tibi : \* et reliquię cogitátionis diem festum agent tibi.

**V**ovéte, et réddite Dómino

Deo vestro : \* omnes qui in circúitu ejus affértis múnera.

**T**erribili et ei qui aufert spíritum princípum, \* terribili apud reges terræ.

**Añs.** Et invocábimus nomen tuum, Dómine.

**Añs.** Tu es Deus.

**Psalmus 76.**

**V**OCE mea ad Dóminum clamávi : \* voce mea ad Deum, et inténdit mihi.

**I**n die tribulátionis meæ Deum exquisívi, mánibus meis nocte contra eum : \* et non sum decéptus.

**R**énuit consolári ánima mea, \* memór fui Dei, et delectátus sum, et exercitátus sum, et defécit spíritus meus.

**A**nticipavérunt vigílias óculi mei : \* turbátus sum, et non sum locútus.

**C**ogitávi dies antiquos : \* et annos ætérnos in mente hábui.

**E**t meditátus sum nocte cum corde meo, \* et exercitábar, et scopébam spíritum meum.

**N**umquid in ætérnum proíciat Deus : \* aut non apónet ut complacítior sit adhuc ?

**A**ut in finem misericórdiam suam abscíndet, \* a generatíone in generatíonem ?

**A**ut obliviscétur miseréri Deus ? \* aut continébit



in ira sua misericórdias suas ?

**E**t dixi, Nunc cœpi : \* hæc mutatio dexteræ Excelsi.

**M**emor fui óperum Dómini : \* quia memor ero ab initio mirabilium tuorum.

**E**t meditabor in ómnibus opéribus tuis : \* et in adinventiónibus tuis exercébor.

**D**eus in sancto via tua : quis Deus magnus sicut Deus noster ? \* tu es Deus qui facis mirabilia.

**N**otam fecisti in pópulis virtutem tuam : \* redemisti in bráchio tuo pópulum tuum, filios Jacob, et Joseph.

**V**idérunt te aquæ, Deus, vidérunt te aquæ : \* et timuérunt, et turbatæ sunt abyssi.

**M**ultitúdo sónitus aquarum : \* vocem dedérunt nubes.

**E**tenim sagittæ tuæ trans-eunt : \* vox tonitruï tui in rota.

**I**lluxérunt coruscationes tuæ orbi terræ : \* commóta est et contrémuit terra.

**I**n mari via tua, et semitæ tuæ in aquis multis : \* et vestigia tua non cognoscéntur.

**D**eduxisti sicut oves pópulum tuum, \* in manu Moysi et Aaron.

# **Psalms 77.**

**A**TTENDITE, pópule meus, legem meam : \* inclinate aurem vestram in verba oris mei.

**A**périam in parábolis os meum : \* loquar propositiones ab initio.

**Q**uanta audivimus, et cognóvimus ea : \* et patres nostri narravérunt nobis.

**N**on sunt occultata a filiis eórum, \* in generatióne áltera.

**N**arrantes laudes Dómini, et virtutes ejus, \* et mirabilia ejus quæ fecit.

**E**t suscitávit testimónium in Jacob : \* et legem pósuit in Israel.

**Q**uanta mandávit pátribus nostris nota fácere ea filiis suis : \* ut cognóscat generatio áltera.

**F**ilii qui nascéntur, et exúrgent, \* et narrábunt filiis suis :

**U**t ponant in Deo spem suam, et non obliviscántur óperum Deï : \* et mandata ejus exquirant.

**N**e fiant sicut patres eórum : \* generatio prava et exasperans :

**G**eneratio, quæ non diréxit cor suum : \* et non est créditus cum Deo spíritus ejus.

**F**ilii Ephrem intendéntes et mitténtes arcum : \* convérsi sunt in die belli.

**N**on custodiérunt testa-



méntum Dei : \* et in lege  
ejus noluerunt ambulare.

**Et** obliti sunt benefactorum  
ejus , \* et mirabilium ejus ,  
quæ ostendit eis.

**Coram** patribus eorum fecit  
mirabilia in terra Ægypti ,  
\* in campo Tancos :

**Interrupit** mare, et perduxit  
eos : \* et statuit aquas qua-  
si in utre.

**Et** deduxit eos in nube  
diei : \* et tota nocte in il-  
luminatiōe ignis.

**Interrupit** petram in eremo :  
\* et adaquavit eos velut in  
abyssu multa.

**Et** eduxit aquam de petra :  
\* et deduxit tamquam flú-  
mina aquas.

**Et** apposuerunt adhuc pec-  
care ei : \* in iram exci-  
taverunt Excelsum in ina-  
quoso.

**Et** tentaverunt Deum in  
córdibus suis : \* ut péte-  
rent escas animabus suis.

**Et** male locuti sunt de Deo :  
\* dixerunt : Numquid pó-  
terit Deus parare mensam  
in deserto?

**Quóniam** percussit petram,  
et fluxerunt aquæ , \* et  
torréntes inundaverunt.

**Numquid** et panem póterit  
dare , \* aut parare mensam  
pópulo suo?

**Ideo** audivit Dóminus , et  
distulit : \* et ignis accensus  
est in Jacob, et ira ascendit  
in Israel.

**Quia** non crediderunt in

Deo , \* nec speraverunt in  
salutári ejus :

**Et** mandavit núbibus dé-  
super , \* et januas cœli apé-  
ruit.

**Et** pluit illis manna ad man-  
ducandum , \* et panem cœli  
dedit eis.

**Panem** Angelórum mandu-  
cavit homo : \* cibária misit  
eis in abundantia.

**Transtulit** Austrum de cœlo :  
\* et induxit in virtute sua  
Africum.

**Et** pluit super eos sicut  
púlverem carnes : \* et sicut  
arénam maris volatilia pen-  
nata.

**Et** ceciderunt in médio ca-  
strórum eorum : \* circa ta-  
bernacula eorum.

**Et** manducaverunt et satu-  
rati sunt nimis , et desidé-  
rium eorum attulit eis : \*  
non sunt fraudati a desidé-  
rio suo.

**Adhuc** escæ eorum erant in  
ore ipsórum : \* et ira Dei  
ascendit super eos.

**Et** occidit pingues eorum ,  
\* et eléctos Israel impedi-  
vit.

**In** ómnibus his peccaverunt  
adhuc ; \* et non credidé-  
runt in mirabilibus ejus.

**Et** defecerunt in vanitate  
dies eorum : \* et anni eó-  
rum cum festinatiōe.

**Cum** occideret eos, quæré-  
bant eum : \* et revertébân-  
tur, et dilúculo veniebant  
ad eum.

Et rememorati sunt quia Deus adiutor est eorum : \* et Deus excelsus redemptor eorum est.

Et dilexerunt eum in ore suo, \* et lingua sua mentiti sunt ei.

Cor autem eorum non erat rectum cum eo : \* nec fideles habiti sunt in testamento ejus.

Ipsae autem sunt misericordes, et propitius fiet peccatis eorum ; \* et non disperdet eos.

Et abundavit ut averteret iram suam : \* et non accendit omnem iram suam :

Et recordatus est quia caro sunt : \* spiritus vadens, et non rediens.

Quoties exacerbaverunt eum in deserto, \* in iram concitaverunt eum in iniquo?

Et conversi sunt, et tentaverunt Deum : \* et sanctum Israel exacerbaverunt.

Non sunt recordati manus ejus, \* die qua redemit eos de manu tribulantis.

Sicut posuit in Aegypto signa sua ; \* et prodigia sua in campo Thaneos.

Et convertit in sanguinem flumina eorum, \* et imbres eorum, ne biberent.

Misit in eos cœnomyiam, et comedit eos : \* et ranam, et disperdidit eos.

Et dedit ærugini fructus

eorum : \* et labores eorum locustæ.

Et occidit in grandine vineas eorum : \* et moros eorum in pruina.

Et tradidit grandini iumenta eorum : \* et possessionem eorum igni.

Misit in eos iram indignationis suæ : \* indignationem, et iram, et tribulationem, immissiones per angelos malos.

Viam fecit semitæ iræ suæ, non pepercit a morte animabus eorum : \* et iumenta eorum in morte conclusit.

Et percussit omne primogenitum in terra Aegypti : \* primitias omnis laboris eorum in tabernaculis Cham.

Et abstulit sicut oves populum suum : \* et perduxit eos tamquam gregem in deserto.

Et deduxit eos in spe, et non timuerunt : \* et inimicos eorum operuit mare.

Et induxit eos in montem sanctificationis suæ, \* montem, quem acquisivit dextera ejus.

Et eiecit a facie eorum gentes : \* et sorte divisit eis terram in funiculo distributionis.

Et habitare fecit in tabernaculis eorum \* tribus Israel.

Et tentaverunt, et exacerbaverunt Deum excelsi-

sum : \* et testimónia ejus non custodiérunt.

Et avertérunt se , et non servavérunt pactum : \* quemádmódum patres eórum convérsi sunt in arcum pravum.

In iram concitavérunt eum in cóllibus suis : \* et in sculptilibus suis ad æmulationem eum provocavérunt.

Audívit Deus , et sprexit : \* et ad níhilum redégit valde Israel.

Et répulit tabernáculum Silo : \* tabernáculum suum , ubi habitávit in hominibus.

Et trádidit in captivitatem virtutem eórum : \* et pulchritudinem eórum in manus inimíci.

Et conclusit in gládio pópulum suum : \* et hereditatem suam sprexit.

Júvenes eórum comédit ignis : \* et vírgines eórum non sunt lamentatæ.

Sacerdótes eórum in gládio cecidérunt : \* et víduæ eórum non plorábantur.

Et excitátus est tamquam dórmienti Dóminus , \* tamquam potens crapulátus a vino.

Et percússit inimícos suos in posterióra : \* opprobrium sempitérnum dedit illis.

Et répulit tabernáculum Joseph : \* et tribum Ephraim non elégit.

Sed elégit tribum Juda , \* montem Sion quem diléxit.

Et ædificávit sicut unicórnum sanetificium suum in terra , \* quam fundávit in sæcula.

Et elégit David servum suum , et sústulit eum de grégibus óvium : \* de post foetántes accépit eum.

Páscere Jacob servum suum : \* et Israel hereditatem suam :

Et pavit eos in innocéntia cordis sui : \* et in intellectibus mánuum suárum dedúxit eos.

**Añá.** Tu es Deus , qui facis mirabilia.

**Añá.** Propítius esto.

**Psalmus 78.**

**D**EUS venérunt gentes in hereditatem tuam , polluérent templum sanctum tuum : \* posuérent Jerúsalem in pomórum custodiam.

Posuérent morticina servórum tuórum , escas volatilibus cœli : \* carnes sanctorum tuórum béstijs terræ.

Effudérunt ságuinem eórum tamquam aquam in circúitu Jerúsalem : \* et non erat qui sepeliret.

Facti sumus opprobrium vicinis nostris : \* subsanatio et illúsió his , qui in circúitu nostro sunt.

Esquequo , Dómine , ira-

sceris in finem : \* accendetur velut ignis zelus tuus ?

**E**ffunde iram tuam in gentes, quæ te non novérunt : \* et in regna, quæ nomen tuum non invocavérunt.

**Q**uia comedérunt Jacob : \* et locum ejus desolavérunt.

**N**e memineris iniquitatum nostrarum antiquarum, cito anticipent nos misericordiæ tuæ : \* quia pauperes facti sumus nimis.

**A**djuva nos, Deus salutaris noster : et propter gloriam nominis tui, Domine, libera nos : \* et propitius esto peccatis nostris, propter nomen tuum :

**N**e forte dicant in gentibus : Ubi est Deus eorum ? \* et innotescat in nationibus coram oculis nostris.

**U**ltio sanguinis servorum tuorum, qui effusus est : \* introeat in conspectu tuo gemitus compeditorum.

**S**ecundum magnitudinem brachii tui, \* posside filios mortificatorum.

**E**t redde vicinis nostris septuplum in sinu eorum : \* improperium ipsorum, quod exprobravérunt tibi, Domine.

**N**os autem populus tuus, et oves pascuæ tuæ, \* confitebimur tibi in sæculum.

**I**n generationem et gene-

rationem \* annuntiabimus laudem tuam.

**Psalmus 79.**

**Q**ui regis Israel, intende : \* qui deducis velut ovem Joseph.

**Q**ui sedes super Chérubim, \* manifestare coram Ephraim, Benjamin, et Manasse.

**E**xcita potentiam tuam, et veni, \* ut salvos facias nos.

**D**eus, converte nos : \* et ostende faciem tuam, et salvi erimus.

**D**omine Deus virtutum, \* quo usque irasceris super orationem servi tui ?

**G**ibabis nos pane lacrymarum : \* et potum dabis nobis in lacrymis in mensura ?

**P**osuisti nos in contradictionem vicinis nostris : \* et inimici nostri subsannavérunt nos.

**D**eus virtutum, converte nos : \* et ostende faciem tuam, et salvi erimus.

**V**ineam de Ægypto transulisti : \* ejecisti gentes, et plantasti eam.

**D**ux itineris fuisti in conspectu ejus : \* plantasti radices ejus, et implévit terram.

**O**peruit montes umbra ejus : \* et arbusta ejus cedros Dei.

**E**xténdit palmites suos usque ad mare : \* et us-

que ad flumen propágines ejus.

**Ut** quid destruxisti maceriam ejus : \* et vindémiant eam omnes, qui prætergrediuntur viam?

**Exterminávit** eam aper de silva : \* et singuláris ferus depástus est eam.

**Deus** virtútum, convértere : \* réspice de cœlo, et vide, et visita vineam istam.

**Et** pérfice eam, quam plantávit dextera tua . \* et super filium hóminis, quem confirmásti tibi.

**Incénsa** igni, et suffóssa \* ab increpatione vultus tui peribunt.

**Fiat** manus tua super virum dexterae tuae : \* et super filium hóminis, quem confirmásti tibi.

**Et** non discédimus a te, vivificábis nos : \* et nomen tuum invocábimus.

**Dómine** Deus virtútum, convérte nos : \* et osténde faciém tuam, et salvi érimus.

**Añña.** Propítius esto peccátiis nostris, Dómine.

**Per Annum, ŷ.** Gaudébunt lábia mea, cum cantávero tibi. **R̃.** Et ánima mea, quam redemisti.

**Pro uno Mart., ŷ.** Glória et honóre coronásti eum, Dómine. **R̃.** Et constituisti eum super ópera mánuum tuárum.

**Pro pluribus Martyribus, ŷ.** Lætámini in Dómino et exultáte justi. **R̃.** Et gloriámini omnes recti corde.

**Pro Conf. Pont., et non Pont., ŷ.** Amávit eum Dóminus, et ornávit eum. **R̃.** Stulam glóriæ induit eum.

**Pro una Sancta, ŷ.** Spécie tua, et pulchritúdine tua. **R̃.** Inténde, próspere procéde, et regna.

AD LAUDES,

**Añña.** Tibi soli peccávi, Dómine, miserére mei. **Ps.** Miserére mei. 59.

**Añña.** Dómine.

**Psalmus 89**

**D**OMINE, refúgium factus es nobis : \* a generatione in generationem.

**Priúsqvam** montes fierent, aut formarétur terra, et orbis : \* a sæculo et usque in sæculum tu es, Deus.

**Ne** avértas hóminem in humilitátem : \* et dixisti : Convertimini, filii hóminum.

**Quóniam** mille anni ante óculos tuos, \* tamquam dies hestérna, quæ præteríit ;

**Et** custódia in nocte, \* quæ pro nihilo habéntur, eórum anni erunt.

**Mane** sicut herba tráns-eat, mane flóreat, et tráns-eat : \* vésperé décidat, inúduret, et aréscat.

Quia defécimus in ira tua,  
\* et in furóre tuo turbáti  
sumus.

Posuisti iniquitátes nostras  
in conspéctu tuo : \* sæcu-  
lum nostrum in illumina-  
tione vultus tui.

Quóniam omnes dies no-  
stri defecerunt : \* et in ira  
tua defécimus.

Anni nostri sicut aranea  
meditabúntur : \* dies an-  
nórum nostrórum in ipsis ,  
septuaginta anni.

Si autem in potentátibus,  
octoginta anni : \* et ám-  
plius eórum, labor et dol-  
lor.

Quóniam supervénit man-  
suetúdo : \* et corripiémur.

Quis novit potestátem iræ  
tuæ, \* et præ timóre tuo  
iram tuam dinumeráre?

Déxteram tuam sic notam  
fac, \* et eruditós corde in  
sapiéntia.

Convértere , Dómine , ús-  
quequo ? \* et deprecábilis  
estó super servos tuos.

Repléti sumus mane mi-  
sericórdia tua : \* et exul-  
távimus , et delectáti su-  
mus ómnibus diébus no-  
stris.

Lætáti sumus pro diébus,  
quibus nos humiliásti : \*  
annis, quibus vídimus ma-  
la.

Réspice in servos tuos ,  
et in ópera tua : \* et dirige  
filios eórum.

Et sit splendor Dómini

Dei nostri super nos, et  
ópera mánuum nostrárum  
dirige super nos : \* et opus  
mánuum nostrárum dirige.

**Añá.** Dómine, refúgium fa-  
ctus es nobis.

**Añá.** In matutinis meditá-  
bor in te. **Psalm.** Deus,  
Deus meus. 60.

**Añá.** Cantémus.

**Cant. Moysi. Exodi 13.**

**C**ANTEMUS Dómino : glo-  
riose enim magnificá-  
tus est, \* equum et ascen-  
sórem dejecit in mare.

Fortitúdo mea, et laus  
mea Dóminus, \* et factus  
est mihi in salutem :

Iste Deus meus, et glori-  
ficábo eum : \* Deus patris  
mei, et exaltábo eum.

Dóminus quasi vir pu-  
gnátor, omnípotens nomen  
ejus. \* Currus Pharaónis et  
exércitum ejus projecit in  
mare :

Elécti principes ejus sub-  
mersi sunt in mari Rubro.  
\* Abyssi operuérunt eos,  
descendérunt in profundum  
quasi lapis.

Déxtera tua, Dómine, ma-  
gnificáta est in fortitúdine :  
déxtera tua, Dómine, per-  
cússit inimicum. \* Et in  
multitúdine glóriæ tuæ de-  
posuisti adversários tuos :

Misisti iram tuam, quæ  
devorávit eos sicut stipu-  
lam. \* Et in spíritu furóris  
tui congregatæ sunt aquæ :

Stetit unda fluens, \* con-



gregatæ sunt abyssi in médio mari.

**D**ixit inimicus : Persequar et comprehendam , \* dividam spolia , implébitur anima mea.

**E**vaginabo gladium meum , \* interficiet eos manus mea.

**F**lavit spiritus tuus , et operuit eos mare : \* submersi sunt quasi plumbum in aquis veheméntibus.

**Q**uis similis tui in fortibus , Dómine ? \* quis similis tui , magníficus in sanctitate , terríbilis atque laudábilis , faciens mirabilia ?

**E**xtendisti manum tuam , et devorávit eos terra . \* Dux fuísti in misericórdia tua pópulo quem redemísti :

**E**t portásti eum in fortitudine tua , \* ad habitaculum sanctum tuum.

**A**scendérunt pópuli , et irátí sunt : \* dolóres obtinuerunt habitatores Philistiim.

**T**unc conturbáti sunt príncipes Edom , robústos Moab obtinuit tremor : \* obri-guerunt omnes habitatores Chánaan.

**I**rruat super eos formído et pavor , \* in magnitudine bráchii tui :

**F**iant immóbiles quasi lapidis , donec pertránseat pópulus tuus , Dómine , \* donec pertránseat pópulus tuus iste , quem possedísti.

**I**ntroduces eos , et plantabis in monte hereditátis tuæ , \* firmissimo habitaculo tuo , quod operátus es , Dómine :

**S**anctuárium tuum , Dómine , quod firmavérunt manus tuæ , \* Dóminus regnabit in ætérnum , et ultra.

**I**ngressus est enim eques Phárao cum curríbus et equítibus ejus in mare : \* et redúxit super eos Dóminus aquas maris.

**F**ilii autem Israel ambulavérunt per siccum \* in médio ejus.

**Ana.** Cantémus Dómino glorióse.

**Ana.** In sanctis ejus laudáte Deum. **Ps.** Laudáte Dóminum de cœlis. 62.

**Capitulum.** Rom. 13. d

**N**OX præcéssit , dies autem appropinquávit : abjiciámus ergo ópera tenebrarum , et induámur arma lucis : sicut in die honéste ambulémus.

**Hymnus.**

**L**UX ecce surgit áurea :  
**P**allens facéssat cæcitas ,

Quæ nosmet in præceps diu  
Erróre traxit dévio.

**H**æc lux serénium cónferat ,  
Purósque nos præstet sibi :  
Nihil loquámur súbdolum ,  
Volvámus obscúrum nihil.

**S**ic tota decúrrat dies ,  
Ne lingua mendax , ne manus ,



Oculive peccent lubrici ,  
Ne noxa corpus inquinet.

Speculátor adstat désuper,  
Qui nos diébus ómnibus  
Actusque nostros próspectit  
A luce prima in vésperum.

Deo Patri sit glória ,  
Ejusque soli Filio ,  
Cum Spíritu Paráclito ,  
Nunc, et per omne sæcu-  
lum. Amen.

¶ Repléti sumus mane mi-  
sericórdia tua. ¶. Exul-  
távimus, et delectáti su-  
mus.

Ad Benedictus, Añá. In  
sanctitáte serviámus Dómi-  
no, et liberábit nos ab ini-  
micis nostris.

Preces, quando dicendæ  
sunt, habentur 64.

FERIA SEXTA.

Ad Matutinum.

Invitat. Adorémus Dómi-  
num, \* Quóniam ipse fecit  
nos. Ps. Veníte, exultémus. 2.

Hymnus.

TU, Trinitátis Unitas,  
Orbem poténter quæ re-  
gis,

Atténde laudis cánticum,  
Quod excubántes psállí-  
mus.

Nam léctulo consúrgimus  
Noctis quiéto témpore,  
Ut flagitémus ómnium  
A te medélam vúlnerum.  
Quo fraude quidquid dæmo-  
num

In nóctibus deliquimus,  
Abstérget illud cœlitus  
Tuæ potéstas glóriæ.

Ne corpus adstet sórdi-  
dum,

Nec torpor instet córdium,  
Nec criminis contágio  
Tepésecat ardor spíritus.

Ob hoc, Redémptor, quæ-  
sumus,

Reple tuo nos lúmine,  
Per quod diérum circulis  
Nullis ruámus áetibus.

Præsta, Pater piíssime,  
Patrique compar Unice,  
Cum Spíritu Paráclito  
Regnans per omne sæcu-  
lum. Amen.

Añá. Exultáte.

Psalmus 80.

EXULTATE Deo adjutóri  
nostro : \* jubiláte Deo  
Jacob.

Súmíte psalmum, et date  
tympanum : \* psaltérium  
jucúndum cum cithara.

Buccínate in Neoméniá tu-  
ba, \* in insígni die sole-  
mnitátis vestræ :

Quia præcéptum in Israel  
est : \* et judícium Deo Ja-  
cob.

Testimónium in Joseph pó-  
suit illud, cum exíret de  
terra Ægypti : \* linguam,  
quam non nóverat, audívit.

Dívertit ab onéribus dor-  
sum ejus : \* manus ejus in  
cópino serviérunt.

In tribulatióne invocásti me,  
et liberávi te : \* exaúdivi  
te in abscondito tempestá-  
tis : probávi te apud aquam  
contradictiόνis.

Audi pópulus meus, et

contestabor te : \* Israel si audieris me , non erit in te deus recens , neque adorabis deum aliénium.

**Ego** enim sum Dóminus Deus tuus , qui eduxi te de terra Ægypti : \* dilata os tuum , et implébo illud.

**Et** non audívit pópulus meus vocem meam : \* et Israel non inténdit mihi.

**Et** dimísi eos secúndum desidéria cordis eórum , \* ibunt in adinventiónibus suis.

**Si** pópulus meus audísset me : \* Israel si in viis meis ambuláset :

**Pro** nihilo fórsitan inimícos eórum humiliássem : \* et super tribulántes eos misíssem manum meam.

**Inimíci** Dómini mentíti sunt ei : \* et erit tempus eórum in sæcula.

**Et** cibávit eos ex ádipe fruménti : \* et de petra , melle saturávit eos.

#### Psalmus 81.

**D**EUS stetit in synagóga deórum : \* in médio autem deos dijúdicat.

**Usquequo** judicátis iniquitatem : \* et fácies peccatórum súmitis ?

**Judicáte** egéno , et pupillo : \* húmilem , et páuperem justificáte.

**Eripite** páuperem : \* et egénium de manu peccatóris liberáte.

**Nesciérunt** , neque intel-

lexérunt , in ténebris ámbulant : \* movebúntur ómnia fundaménta terræ.

**Ego** dixi : Dii estis , \* et filii Excélsi omnes.

**Vos** autem sicut hómines moriémini : \* et sicut unus de princípibus cadétis.

**Surge** , Deus , júdica terram : \* quóniam tu hereditábis in ómnibus géntibus.

**Aññ.** Exultáte Deo adjutóri nostro.

**Aññ.** Tu solus.

#### Psalmus 82.

**D**EUS , quis similis erit tibi ? \* ne táceas , neque compescáris , Deus :

**Quóniam** ecce inimíci tui sonuérent : \* et qui odérunt te , extulérunt caput.

**Super** pópulum tuum malignavérunt consílium : \* et cogitavérunt advérsus sanctos tuos.

**Dixerunt** : Veníte , et disperdámus eos de gente : \* et non memorétur nomen Israel ultra.

**Quóniam** cogitavérunt unánimiter , \* simul advérsus te testaméntum disposuérunt , tabernácula Idu-mæórum et Ismahelítæ :

**Moab** , et Agaréni , Gebal , et Ammon , et Amalec : \* alienígenæ cum habitántibus Tyrum.

**Etenim** Assur venit cum illis : \* facti sunt in adjutórium filiis Lot.

**Fac** illis sicut Mádian , et

Sísaræ : \* sicut Jabin in  
torrénte Cisson.

**D**isperiérunt in Endor : \*  
facti sunt ut stercus terræ.

**P**one principes eórum sicut  
Oreb, et Zeb ; \* et Zébee,  
et Sálmana :

**O**mnes principes eórum, \*  
qui dixerunt : Hereditáte  
possideámus Sanctuárium  
Dei.

**D**eus meus pone illos ut  
rotam : \* et sicut stipulam  
ante faciém venti.

**S**icut ignis, qui combúrit  
silvam : \* et sicut flamma  
combúrens montes :

**I**ta persequéris illos in tem-  
pestáte tua : \* et in ira  
tua turbábis eos.

**I**mple fácies eórum igno-  
minia : \* et quærent nomen  
tuum, Dómine.

**E**rubéscant, et conturbén-  
tur in sæculum sæculi : \*  
et confundántur, et péreant.

**E**t cognóscant quia nomen  
tibi Dóminus : \* tu solus  
Altíssimus in omni terra.

### Psalmus 83.

**Q**UAM dilécta tabernacula  
tua, Dómine virtutum! \*  
concupíscit, et déficit áni-  
ma mea in átria Dómini.

**C**or meum, et caro mea \*  
exultavérunt in Deum vi-  
vum.

**E**tenim passer invénit sibi  
domum : \* et turtur nidum  
sibi, ubi ponat pullos  
suos.

**A**ltária tua, Dómine virtú-

tum : \* Rex meus, et Deus  
meus.

**B**eáti, qui hábitant in  
domo tua, Dómine : \* in  
sæcula sæculórum laudá-  
bunt te.

**B**eátus vir, cujus est au-  
xilium abs te : \* ascensió-  
nes in corde suo dispósuit,  
in valle lacrymárum, in  
loco quem pósuit.

**E**tenim benedictiónem da-  
bit legislátor, ibunt de vir-  
tute in virtutem : \* vidébi-  
tur Deus deórum in Sion.

**D**ómine Deus virtutum,  
exáudi oratióem meam : \*  
áuribus pércipe, Deus Jacob.

**P**rotéctor noster áspice,  
Deus : \* et respice in faciém  
Christi tui.

**Q**uia mélior est dies una  
in átriis tuis \* super millia.

**E**légi abjéctus esse in domo  
Dei mei : \* magis quam  
habitáre in tabernáculis pec-  
catorum.

**Q**uia misericórdiam, et  
veritatem diligit Deus : \*  
grátiam, et glóriam dabit  
Dóminus.

**N**on privábit bonis eos, qui  
ámbulant in innocéntia : \*  
Dómine virtutum, beátus  
homo, qui sperat in te.

**Añs.** Tu solus Altíssimus  
super omnem terram.

**Añs.** Benedixísti.

### Psalmus 84.

**B**ENEDIXISTI, Dómine, ter-  
ram tuam : \* avertísti  
captivitátem Jacob.

## Psalms 85.

Remisisti iniquitatem plebis tuæ : \* operuisti omnia peccata eorum.

Mitigasti omnem iram tuam : \* avertisti ab ira indignationis tuæ.

Converte nos, Deus salutaris noster : \* et averte iram tuam a nobis.

Numquid in æternum irasceris nobis? \* aut extendes iram tuam a generatione in generationem?

Deus, tu conversus vivificabis nos : \* et plebs tua lætabitur in te.

Ostende nobis, Domine, misericordiam tuam : \* et salutare tuum da nobis.

Audiam quid loquatur in me Dominus Deus : \* quoniam loquetur pacem in plebem suam.

Et super sanctos suos, \* et in eos, qui convertuntur ad cor.

Verumtamen prope timentes eum salutare ipsius : \* ut inhabitet gloria in terra nostra.

Misericordia, et veritas obviaverunt sibi : \* justitia, et pax osculatæ sunt.

Veritas de terra orta est : \* et justitia de cælo prospexit.

Etenim Dominus dabit benignitatem : \* et terra nostra dabit fructum suum.

Justitia ante eum ambulabit : \* et ponet in via gressus suos.

**I**NCLINA, Domine, aurem tuam et exaudi me : \* quoniam inops, et pauper sum ego.

Custodi animam meam, quoniam sanctus sum : \* salvum fac servum tuum, Deus meus, sperantem in te.

Miserere mei, Domine, quoniam ad te clamavi tota die : \* lætifica animam servi tui, quoniam ad te, Domine, animam meam levavi.

Quoniam tu, Domine, suavis, et mitis : \* et multæ misericordiæ omnibus invocantibus te,

Auribus percipe, Domine, orationem meam : \* et intendente voci deprecationis meæ.

In die tribulationis meæ clamavi ad te : \* quia exaudisti me.

Non est similis tui in diis, Domine : \* et non est secundum opera tua.

Omnes gentes quascumque fecisti, venient, et adorabunt coram te, Domine : \* et glorificabunt nomen tuum.

Quoniam magnus es tu, et faciens mirabilia : \* tu es Deus solus.

Deduc me, Domine, in via tua et ingrediar in veritate tua : \* lætetur cor meum ut timeat nomen tuum.

Confitebor tibi, Domine Deus meus, in toto corde

meo, \* et glorificábo nomen tuum in ætérnum.

Quia misericórdia tua magna est super me : \* et eruísti ánimam meam ex inférno inferióri.

Deus , iniqui insurrexérunt super me, et synagóga poténtium quæsiérunt ánimam meam , \* et non proposuérunt te in conspéctu suo.

Et tu, Dómine Deus , miserátor et miséricors, \* pátiens, et multæ misericórdiæ, et verax.

Réspice in me, et miscrere mei , \* da impérium tuum púero tuo : et salvum fac filium ancillæ tuæ.

Fac mecum signum in bonum , ut videant qui odérunt me , et confundántur : \* quóniam tu, Dómine, adjuvísti me , et consolátus es me.

**Añá.** Benedixísti , Dómine , terram tuam.

**Añá.** Fundaménta ejus.

**Psalmus 86.**

**F**UNDAMENTA ejus in montibus sanctis : \* diligit Dóminus portas Sion super ómnia tabernácula Jacob.

Gloríosa dicta sunt de te , \* civitas Dei.

Memor ero Rahab, et Baby-lónis \* sciéntium me.

Ece alienigenæ , et Tyrus , et pópulus Æthiopum , \* hi fuérunt illic.

Numquid Sion dicet : Ho-

mo , et homo natus est in ea , \* et ipse fundávit eam Altíssimus?

Dóminus narrábit in scriptúris populórum , et príncipum : \* horum qui fuérunt in ea.

Sicut lætántium ómnium \* habitátio est in te.

**Psalmus 87.**

**D**OMINE Deus salutis meæ : \* in die clamávi , et nocte coram te.

Intret in conspéctu tuo orátio mea : \* inclína aurem tuam ad precem meam.

Quia repléta est malis ánimá mea : \* et vita mea inférno appropinquávit.

Æstimátus sum cum descendéntibus in lacum : \* factus sum sicut homo sine adjutório , inter mórtuos liber.

Sicut vulneráti dormiéntes in sepúlchris , quorum non es memor ámplius : \* et ipsi de manu tua repúlsi sunt.

Posuérunt me in lacu inferióri : \* in tenebrósis , et in umbra mortis.

Super me confirmátus est furor tuus , \* et omnes fluctus tuos induxísti super me.

Longe fecísti notos meos a me : \* posuérunt me abominatióem sibi.

Tráditus sum , et non egrediébar : \* óculi mei languérunt præ inópia.

**Clamavi** ad te, Dómine, tota die : \* **expandi** ad te manus meas.

**Numquid** mórtuis fácies mirabilia : \* aut médici suscitábunt et confitebúntur tibi ?

**Numquid** narrábit áliquis in sepúlchro misericórdiam tuam, \* et veritátem tuam in perditione ?

**Numquid** cognoscéntur in ténebris mirabilia tua : \* et justítia tua in terra obliuionis ?

**Et ego** ad te, Dómine, clamávi : \* et mane orátio mea prævéniat te.

**Ut** quid, Dómine, repéllis orationem meam : \* avértis faciém tuam a me ?

**Pauper** sum ego, et in labóribus a juventute mea : \* exaltátus autem, humiliátus sum et conturbátus.

**In** me transiérunt iræ tuæ : \* et terróres tui conturbavérunt me.

**Circumdedérunt** me sicut aqua tota die : \* circumdedérunt me simul.

**Elongásti** a me amicum, et próximum : \* et notos meos a miséria.

**Añá.** Fundaménta ejus in móntibus sanctis.

**Añá.** Benedictus.

**Psalmus 88.**

**MISERICORDIAS** Dómini \* in ætérnum cantábo.

**In** generatióem et gene-

rationem \* annuntiábo veritátem tuam in ore meo.

**Quóniam** dixísti : In ætérnum misericórdia ædificábitur in cœlis : \* præparábitur véritas tua in eis.

**Dispósui** testaméntum electis meis, jurávi David servo meo : \* usque in ætérnum præparábo semen tuum.

**Et** ædificábo in generatióem, et generatióem \* sedem tuam :

**Confitebúntur** cœli mirabilia tua, Dómine : \* etenim veritátem tuam in ecclésia sanctórum.

**Quóniam** quis in núbibus æquábitur Dómino : \* similis erit Deo in filiis Dei ?

**Deus**, qui glori ficá tur in consílio sanctórum : \* magnus et terríbilis super omnes, qui in circúitu ejus sunt.

**Dómine** Deus virtútum, quis similis tibi ? \* potens es, Dómine, et véritas tua in circúitu tuo.

**Tu** domináris potestáti maris : \* motum autem flúctuum ejus tu mítigas.

**Tu** humiliásti sicut vulnerátum, supérbum : \* in bráchio virtútis tuæ dispersísti inimícos tuos.

**Tui** sunt cœli, et tua est terra, orbem terræ et plenitúdinem ejus tu fundásti : \* Aquilónem, et mare tu creásti.



**T**habor et Hermon in nómine tuo exultábunt : \* tuū bráchium cum poténtia.

**F**irmétur manus tua , et exaltétur délixtera tua : \* jústítia et júdicium præparátio sedis tuæ.

**M**isericórdia et véritas præcédent fáciem tuam : \* beátus pópulus , qui scit jubilationem.

**D**ómine , in lúmine vultus tui ambulábunt , et in nómine tuo exultábunt tota die : \* et in jústítia tua exaltabúntur.

**Q**uóniam glória virtútis eórum tu es : \* et in beneplácito tuo exaltábitur cornu nostrum.

**Q**uia Dómini est assúptio nostra : \* et sancti Israel Regis nostri.

**T**unc locútus es in visióne sanctis tuis , et dixísti : \* Pósui adjutórium in potén-te : et exaltávi eléctum de plebe mea.

**I**nveni David servum meum : \* óleo sancto meo unxi eum.

**M**anus enim mea auxiliábitur ei : \* et bráchium meum confortábit eum.

**N**ihil proficiet inimícus in eo , \* et filius iniquitátis non appónet nocére ei.

**E**t concídám a fácie ipsíus inimícos ejus ; \* et odiéntes eum in fugam convértám.

**E**t véritas mea , et misericórdia mea cum ipso : \*

et in nómine meo exaltábitur cornu ejus.

**E**t ponam in mari manum ejus : \* et in flumínibus délixteram ejus.

**I**pse invocábit me : Pater meus es tu : \* Deus meus , et suscéptor salutis meæ.

**E**t ego primogénitum ponam illum \* excélsam prærégibus terræ.

**I**n ætérnum servábo illi misericórdiam meam : \* et testaméntum meum fidéle ipsi.

**E**t ponam in sæculum sæculi semen ejus : \* et thronum ejus sicut dies cæli.

**S**i autem dereliquerint filii ejus legem meam : \* et in júdiis meis non ambuláverint :

**S**i jústítias meas profanáverint : \* et mandáta mea non custodierint :

**V**isitábo in virga iniquitátes eórum : \* et in verbéribus peccáta eórum.

**M**isericórdiam autem meam non dispérgam ab eo : \* neque nocébo in veritáte mea :

**N**eque profanábo testaméntum meum : \* et quæ procédunt de lábiis meis , non fáciám irrita.

**S**emel jurávi in sancto meo , si David méntiar : \* semen ejus in ætérnum manébit.



**E**t thronus ejus sicut sol in conspectu meo : \* et sicut luna perfecta in ætérnum : et testis in cœlo fidelis.

**T**u vero repulisti et despexisti : \* distulisti Christum tuum.

**E**vertisti testaméntum servi tui : \* profanasti in terra sanctuárium ejus.

**D**estruxisti omnes sepes ejus : \* posuisti firmaméntum ejus formídinem.

**D**iripuérunt eum omnes transeúntes viam : \* factus est oppróbrium vicínis suis.

**E**xaltasti dexteram depri méntium eum : \* lætificasti omnes inimicos ejus.

**A**vertisti adjutórium glá-dii ejus : \* et non es auxiliátus ei in bello.

**D**estruxisti eum ab emundatióne : \* et sedem ejus in terram collisisti.

**M**inorasti dies témporis ejus : \* perfudisti eum confusióne.

**U**squequo, Dómine, avértis in finem : \* exardéscet sicut ignis ira tua?

**M**emoráre quæ mea substantia ; \* numquid enim vane constituisti omnes filios hóminum ?

**Q**uis est homo, qui vivet, et non vidébit mortem : \* éruct ánimam suam de manu inferi?

**T**ibi sunt misericórdiæ tuæ antiquæ, Dómine, \* sic-

ut jurásti David in veritate tua ?

**M**emor esto, Dómine, oppróbrii servórum tuórum : \* (quod contínui in sinu meo, multárum géntium.

**Q**uod exprobravérunt inimíci tui, Dómine, \* quod exprobravérunt commutatiónem Christi tui.

**B**enedictus Dóminus in ætérnum : \* fiat, fiat.

### Psalmus 93.

**D**EUS ultiónum Dóminus : \* Deus ultiónum libere egit.

**E**xaltáre qui júdicas terram : \* redde retributiónem supérbis.

**U**squequo peccatóres, Dómine : \* usquequo peccatóres gloriabúntur :

**E**ffabúntur, et loquéntur iniquitatem : \* loquéntur omnes, qui operántur injustitiam ?

**P**ópulum tuum, Dómine, humiliavérunt : \* et hereditatem tuam vexavérunt.

**V**iduam, et ádvenam interfecérunt : \* et pupillos occidérunt.

**E**t dixerunt : Non vidébit Dóminus, \* nec intélliget Deus Jacob.

**I**ntelligite insipientes in populo : \* et stulti aliquándo sápite.

**Q**ui plantávit aurem, non áudiet ? \* aut qui finxit óculum, non consíderat ?

**Q**ui córripit gentes, non

arguet : \* qui docet hominem scientiam ?

**D**ominus scit cogitationes hominum \* quoniam vanæ sunt.

**B**eatus homo, quem tu erudieris, Domine : \* et de lege tua docueris eum.

**U**t mitiges ei a diebus malis : \* donec fodiatur peccatori fovea.

**Q**uia non repellet Dominus plebem suam : \* et hereditatem suam non derelinquet :

**Q**uoadusque justitia convertatur in iudicium : \* et qui iuxta illam omnes qui recto sunt corde.

**Q**uis consurget mihi adversus malignantes ? \* aut quis stabit mecum adversus operantes iniquitatem ?

**N**isi quia Dominus adjuvit me : \* paulo minus habitasset in inferno anima mea.

**S**i dicebam : Motus est pes meus : \* misericordia tua, Domine, adjuvabat me.

**S**ecundum multitudinem dolorum meorum in corde meo : \* consolationes tuæ lætificaverunt animam meam.

**N**umquid adhæret tibi sedes iniquitatis : \* qui fingis laborem in præcepto ?

**C**aptabunt in animam iusti : \* et sanguinem innocentem condemnabunt.

**E**t factus est mihi Dominus in refugium : \* et Deus

meus in adiutorium spei meæ.

**E**t reddet illis iniquitatem ipsorum : et in malitia eorum disperdet eos : \* disperdet illos Dominus Deus noster .

**Añ**a. Benedictus Dominus in ætérnum.

**Añ**a. Cantáte.

**Psalmus 95.**

**C**ANTATE Dómino cánticum novum : \* cantáte Dómino, omnis terra.

**C**antáte Dómino, et benedicite nómini ejus : \* annuntiáte de die in diem salutare ejus.

**A**nnuntiáte inter gentes glóriam ejus, \* in ómnibus pópulis mirabilia ejus.

**Q**uoniam magnus Dominus et laudábilis nimis : \* terribilis est super omnes deos.

**Q**uoniam omnes dii gentium dæmónia : \* Dominus autem cælos fecit.

**C**onfessio, et pulchritudo in conspéctu ejus : \* sanctimónia, et magnificentia in sanctificatione ejus.

**A**fférte Dómino, pátriæ gentium, afférte Dómino glóriam et honórem : \* afférte Dómino glóriam nómini ejus.

**N**óllite hóstias, et introíte in átria ejus : \* adoráte Dóminum in átrio sancto ejus.

Commoveatur a facie ejus  
universa terra : \* dicite in  
Gentibus quia Dominus re-  
gnavit.

Et enim corréxit orbem ter-  
ræ , qui non commovébitur : \*  
judicabit pópulos in  
æquitáte.

Læténtur cœli , et exúltet  
terra , commoveatur mare ,  
et plenitúdo ejus : \* gaudé-  
bunt campi , et ómnia , quæ  
in eis sunt.

Nunc exultábunt ómnia li-  
gua silvárum a facie Dó-  
mini , quia venit : \* quón-  
iam venit judicare ter-  
ram.

Judicabit orbem terræ in  
æquitáte , \* et pópulos in  
veritáte sua.

### Psalmus 96.

**D**OMINUS regnavit , exúltet  
terra : \* læténtur insu-  
læ multæ.

Nubes , et caligo in cir-  
cúitu ejus : \* justítia , et  
judicium corréctio sedis  
ejus.

Ignis ante ipsum præcédet ,  
\* et inflammábit in circúitu  
inimícos ejus.

Illuxérunt fúlgura ejus orbi  
terræ : \* vidit , et commó-  
ta est terra.

Montes sicut cera fluxérunt  
a facie Dómini : \* a facie  
Dómini omnis terra.

Annuntiavérunt cœli ju-  
stítiam ejus : \* et vidé-  
runt omnes pópuli glóriam  
ejus.

Confundántur omnes qui  
adórant sculptília : \* et qui  
gloriántur in simulácris  
suis.

Adoráte eum , omnes An-  
geli ejus : \* audivit , et læ-  
táta est Sion.

Et exultavérunt filiæ Ju-  
dæ , \* propter judícia tua ,  
Dómine :

Quóniam tu Dominus al-  
tíssimus super omnem ter-  
ram , \* nimis exaltátus es  
super omnes deos.

Qui diligitis Dóminum , odí-  
te malum : \* custódit Dó-  
minus ánimas sanctórum  
suórum , de manu pecca-  
tóris liberábit eos.

Lux orta est justo , \* et  
rectis corde lætítia.

Lætámini justí in Dómino :  
\* et confitémini memóriæ  
sanctificatiónis ejus.

**Añá.** Cantáte Dómino , et  
benedícite nómini ejus.

**Per Annum. V.** Intret  
orátio mea in conspéctu  
tuo , Dómine. **R̃.** Inclína  
aurem tuam ad precem  
meam.

**Pro uno Martyre, Y.** Po-  
suísti , Dómine , super caput  
ejus. **R̃.** Coronam de lápide  
pretióso.

**Pro plur. Mart. , Y.** Ex-  
últent justí in conspéctu  
Dei. **R̃.** Et delecténtur in  
lætítia.

**Pro Confessore Pontifice.**  
**V.** Elégit cum Dóminus  
sacerdotem sibi. **R̃.** Ad

sacrificandum ei hostiam laudis.

*Pro Conf. non Pont., ŷ.*

Os iusti meditabitur sapientiam. *R.* Et lingua ejus loquetur iudicium.

*Pro una Sancta, ŷ.* Adjuvabit eam Deus vultu suo. *R.* Deus in medio ejus, non commovebitur.

AD LAUDES,

*Añs.* Spiritu principali confirma cor meum, Deus. *Ps.* Miserere mei. 59.

*Añs.* In veritate.

*Psalmus 142.*

**D**OMINE, exaudi orationem meam, auribus percipe obsecrationem meam in veritate tua : \* exaudi me in tua justitia.

Et non intres in iudicium cum servo tuo : \* quia non justificabitur in conspectu tuo omnis vivens.

Quia persecutus est inimicus animam meam : \* humiliavit in terra vitam meam.

Collocavit me in obscuris sicut mortuos sæculi : \* et anxietus est super me spiritus meus, in me turbatum est cor meum.

Memor fui dierum antiquorum, meditatus sum in omnibus operibus tuis : \* in factis manuum tuarum meditabar.

Expandi manus meas ad te : \* anima mea sicut terra sine aqua tibi.

Velociter exaudi me, Domine : \* defecit spiritus meus.

Non avertas faciem tuam a me : \* et similis ero descendentibus in lacum.

Audiam fac mihi mane misericordiam tuam : \* quia in te speravi.

Notam fac mihi viam, in qua ambulem : \* quia ad te levavi animam meam.

Eripe me de inimicis meis, Domine, ad te confugi : \* doce me facere voluntatem tuam, quia Deus meus es tu.

Spiritus tuus bonus deducet me in terram rectam : \* propter nomen tuum, Domine, vivificabis me in æquitate tua.

Educes de tribulatione animam meam : \* et in misericordia tua disperdes inimicos meos.

Et perdes omnes, qui tribulant animam meam : \* quoniam ego servus tuus sum.

*Añs.* In veritate tua exaudi me, Domine.

*Añs.* Illumina, Domine, vultum tuum super nos. *Ps.* Deus Deus meus. 60.

*Añs.* Domine.

*Canticum Habacuc.*

*Cap. 3.*

**D**OMINE, audivi auditionem tuam, \* et timui.

Domine, opus tuum, \* in medio annorum vivifica illud.

In médio annórum notum  
fácies : \* cum irátus fúeris,  
misericórdiæ recordábe-  
ris.

Deus ab Austro véniet , \*  
et sanctus de monte Pha-  
ran :

Opéruiť cœlos glória ejus :  
\* et laudis ejus plena est  
terra.

Splendor ejus ut lux erit :  
\* cónua in mánibus ejus.

Ibi abscondita est fortitú-  
do ejus : \* ante faciẽm ejus  
ibit mors.

Et egrediẽtur diábolus ante  
pedes ejus : \* Stetit, et men-  
sus est terram.

Aspéxit, et dissólvit Gentes:  
\* et contríti sunt montes  
sæculi.

Incurváti sunt colles mun-  
di , \* ab itinéribus æterni-  
tátis ejus.

Pro iniquitáte vidi tentó-  
ria Æthiopiæ , \* turbabún-  
tur pelles terræ Málian.

Numquid in fluminibus irá-  
tus es , Dómine ? \* aut in  
fluminibus furor tuus , vel  
in mari indignátio tua ?

Qui ascẽdes super equos  
tuos : \* et quadrigæ tuæ  
salvátio.

Súscitans suscitábis arcum  
tuum : \* juraménta tribu-  
bus quæ locútus es :

Flúvios scindes terræ :  
vidérunt te , et doluérunt  
montes : \* gurges aquárum  
transiit.

Pedit abyssus vocem suam :

\* altitúdo manus suas le-  
vávít.

Sol et luna steterunt in  
habitáculo suo , \* in luce  
sagittárum tuárum , ibunt  
in splendóre fulgurántis ha-  
stæ tuæ.

In frémitu conculcábis ter-  
ram : \* in furóre obstupe-  
fácies gentes.

Egréssus es in salutem pó-  
puli tui : \* in salutem cum  
Christo tuo :

Percussisti caput de domo  
impíi : \* denudásti funda-  
méntum ejus usque ad col-  
lum.

Maledixisti sceptris ejus ,  
cápiti bellatórum ejus , \*  
veniéntibus ut turbo ad dis-  
pergéndum me.

Exultátio eórum \* sicut  
ejus , qui dévorat páuperem  
in abscondito.

Viam fecísti in mari equis  
tuis , \* in luto aquárum  
multárum.

Audívi , et conturbátus est  
venter meus : \* a voce con-  
tremuérunt lábia mea.

Ingrediátur putrédo in ós-  
sibus meis , \* et subter me  
scáteat.

Ut requiẽscam in die tri-  
bulatiónis : \* ut ascẽdam  
ad pópulum accinctum no-  
strum.

Ficus enim non florébit :  
\* et non erit germen in ví-  
neis.

Mentiẽtur opus olivæ : \*  
et arva non áfferent cibum.

Abscindétur de ovili pecus :  
\* et non erit arméntum in  
præsépibus.

Ego autem in Dómino gau-  
débo : \* et exultábo in Deo  
Jesu meo.

Deus Dóminus fortitúdo  
mea : \* et ponet pedes meos  
quasi cervórum.

Et super excélsa mea de-  
ducet me victor \* in psal-  
mis canéntem.

*Añá.* Dómine , audívi audí-  
tum tuum , et tímui.

*Añá.* In tympano et choro ,  
in chordis et órgano laudá-  
te Deum. *Ps.* Laudáte Dó-  
minum de cœlis. 62.

*Capit. Rom. 13. d*

**N**OX præcëssit , dies au-  
tem appropinquávit :  
abjiciámus ergo ópera tene-  
brárum , et induámur arma  
lucis : sicut in die honéste  
ambulémus.

*Hymnus.*

**Æ**TERNA cœli glória ,  
Beáta spes mortá-  
lium ,

Summi Tonántis Unice ,  
Castæque proles Vírginis.

**D**a dexteram surgéntibus ,  
Exúrgat et mens sóbria ,  
Flagrans et in laudem Dei  
Grates repéndat débítas.

**O**rtus refúlget lúcipher ,  
Præítque solem núntius ,  
Cadunt tenébræ nóctium :  
Lux sancta nos illúminet.

**M**anénsque nostris sénsi-  
bus ,

Noctem repéllat sæculi.

Omniqúe fine témporis  
Purgáta servet péctora.

*Quæsita jam primum Fides*  
In corde radices agat ;  
Secúnda spes congáudeat ,  
Qua major exstat Cháritas.

*Deo Patri sit glória ,*  
Ejúsque soli Filio ,  
Cum Spíritu Paráclito .  
Nunc , et per omne sæcu-  
lum. Amen.

*v.* Repléti sumus mane  
misericórdia tua. *ñ.* Exul-  
távimus , et delectáti su-  
mus.

*Ad Benedictus , Añá.*

Per viscera misericórdiæ Dei  
nostri visitávit nos Oriens  
ex alto.

*Preces , quando dicendæ  
sunt , habentur 64.*

**SABBATO.**

*Ad Matutinum.*

*Invitat.* Dóminum Deum no-  
strum , \* Veníte adorémus.  
*Ps.* Veníte , exultémus. 2.

*Hymnus.*

**S**UMMÆ Parens cleméntiæ ,  
Mundi regis qui máchi-  
nam ,

Unius et substántiæ ,  
Trínusque persónis Deus :  
Nostros pius cum cánti-  
cis

Fletus benigne súscepe ,  
Ut corde puro sórdium  
Te perfruámur lárgius.

**L**umbos , jecúrque mórbi-  
dum

Flammis adúre cóngruis ,  
Accínti ut artus éxcubent ,  
Luxu remóto péssimo.



Quicumque ut horas nó-  
etium,

Nunc concinendo rumpi-  
mus,

Ditemur omnes áffatim

Donis beátæ pátriæ.

Præsta, Pater piissime,

Patrique compar Unice,

Cum Spíritu Paráclito

Regnans per omne sæcu-  
lum. Amen.

**Añña.** Quia mirabilia.

**Psalmus 97.**

**C**ANTATE Dómino canticum  
novum : \* quia mirabi-  
lia fecit.

Salvavit sibi dextera ejus,  
\* et bráchium sanctum  
ejus.

Notum fecit Dóminus sa-  
lutare suum : \* in conspé-  
ctu géntium revelavit justí-  
tiam suam.

Recordatus est misericór-  
diæ suæ, \* et veritátis suæ  
dómuí Israel.

Viderunt omnes términi  
terræ \* salutare Dei no-  
stri.

Jubiláte Deo, omnis terra :  
\* cantáte, et exultáte, et  
psállite.

Psállite Dómino in cíthara,  
in cíthara et voce psal-  
mi : \* in tubis ductilibus,  
et voce tubæ córnæ.

Jubiláte in conspéctu Re-  
gis Dómini : \* moveátur  
mare, et plenitúdo ejus :  
orbis terrárum, et qui há-  
bitant in eo.

Flúmina plaudent manu,

simul montes exultábunt a  
conspéctu Dómini : \* quó-  
niam venit judicare ter-  
ram.

Judicábit orbem terrárum  
in justítia, \* et pópulos in  
æquitáte.

**Psalmus 98.**

**D**OMINUS regnavit, irascán-  
tur pópuli : \* qui sedet  
super Chérubim, moveátur  
terra.

Dóminus in Sion magnus,  
\* et excélsus super omnes  
pópulos.

Confiteántur nómini tuo  
magno : quóniam terribile,  
et sanctum est : \* et honor  
regis judicium diligit.

Tu parásti directiónes : \*  
judicium et justítiam in Ja-  
cob tu fecísti.

Exaltáte Dóminum Deum  
nostrum, et adoráte sca-  
béllum pedum ejus : \* quó-  
niam sanctum est.

Moyses, et Aaron in sa-  
cerdótibus ejus : \* et Sá-  
muel inter eos, qui invo-  
cant nomen ejus.

Invocábant Dóminum, et  
ipse exaudiébat eos : \* in  
columna nubis loquebátur  
ad eos.

Custodiébant testimónia  
ejus : \* et præcéptum quod  
dedit illis.

Dómine Deus noster, tu  
exaudiébas eos : \* Deus tu  
propitius fuísti eis, et ul-  
ciscens in omnes adinven-  
tiónes eórum.



Exaltáte Dóminum Deum nostrum , et adoráte in monte sancto ejus : \* quóniam sanctus Dóminus Deus noster.

**Añā.** Quia mirabília fecit Dóminus.

**Sequens Añā , et Psalm.**

**Jubiláte, hic prætermittitur, quando dicitur in Laudibus ut in Sabbatis, in quibus fit Officium de S. Maria : et ejus loco dicitur Añā, et Ps. Bonum est confitéri Dómino , ut infra.**

**Añā. Jubiláte.**

**Psalmus 99.**

**J**UBILATE Deo omnis terra : \* servite Dómino in lætítia.

Introíte in conspéctu ejus : \* in exultatióne.

Scitóte quóniam Dóminus ipse ést Deus : \* ipse fecit nos, et non ipsi nos.

Pópulus ejus , et oves páscuæ ejus : \* introíte portas ejus in confessióne átria ejus in hymnis : confitémini illi.

Laudáte nomen ejus , quóniam suávis est Dóminus, in ætérnum misericórdia ejus, \* et usque in generatióem et generatióem véritas ejus.

**Vel Psalmus 91.**

**B**ONUM est confitéri Dómino : \* et psállere nómini tuo , Altíssime.

**Ad annuntiándum mane misericórdiam tuam : \* et**

veritátem tuam per noctem.

In decachórdo, psaltério : \* cum cántico , in cithara. Quia delectásti me , Dómine , in factúra tua : \* et in opéribus mánuum tuárum exultábo.

Quam magnificáta sunt ópera tua , Dómine ! \* nimis profúndæ factæ sunt cogitatióes tuæ :

Vir insípiens non cognóscet : \* et stultus non intéliget hæc.

Cum exórti fúerint peccatóres sicut fœnum : \* et apparúerint omnes, qui operántur iniquitátem :

Ut intéreant in sæculum sæculi : \* tu autem Altíssimus in ætérnum , Dómine.

Quóniam ecce inimíci tui, Dómine , quóniam ecce inimíci tui períbunt : \* et dispergéntur omnes , qui operántur iniquitátem.

Et exaltábitur sicut unicórnis cornu meum : \* et senéctus mea in misericórdia úberi.

Et despéxit óculus meus inimícos meos : \* et in insurgéntibus in me malignántibus áudiet auris mea.

Justus ut palma florébit : \* sicut cedrus Líbani multiplicábitur.

Plantáti in domo Dómini , \* in átriis domus Dei nostri florébunt.

Adhuc multiplicabuntur in senecta úberi : \* et bene patientes erunt, ut annuntient.

Quóniam rectus Dóminus Deus noster, \* et non est iniquitas in eo.

**Psalmus 100.**

**M**ISERICORDIAM et iudicium \* cantábo tibi, Dómine.

Psallam, et intélligam in via immaculáta, \* quando vénies ad me.

Perambulábam in innocéntia cordis mei, \* in médio domus meæ.

Non proponébam ante óculos meos rem injústam : \* faciéntes prævaricatiónes odivi.

Non adhæsit mihi cor prævum : \* declinántem a me malignum non cognoscébam.

Detrahéntem secréto próximo suo, \* hunc persequébar.

Supérbo óculo, et insatiábili corde, \* cum hoc non edébam.

Oculi mei ad fidéles terræ ut sédeant mecum : \* ambulans in via immaculáta, hic mihi ministrábat.

Non habitábit in médio domus meæ qui facit supérbiam : \* qui lóquitur iníqua, non diréxit in conspéctu oculórum meórum.

In matutino interficiébam omnes peccatóres terræ : \*

ut dispérderem de civitáte Dómini omnes operántes iniquitátem.

**Añá.** Jubiláte Deo omnis terra.

**Vel Añá.** Bonum est confitéri Dómino.

**Añá.** Clamor meus.

**Psalmus 101.**

**D**OMINE, exáudi oratióem meam : \* et clamor meus ad te véniat.

Non avértas fáciem tuam a me : \* in quacúmque die tribulor, inclína ad me aurem tuam.

In quacúmque die invocávero te, \* velóriter exáudi me.

Quia defecérunt sicut fumus dies mei : \* et ossa mea sicut crémium aruerunt.

Percússus sum ut fœnum, et áruit cor meum : \* quia oblitus sum comédere panem meum.

**A** voce gémitus mei \* adhæsit os meum carni meæ.

Símilis factus sum pelli-cáno solitúdinis : \* factus sum sicut nyctícorax in domicilio.

Vigilávi, \* et factus sum sicut passer solitárius in tecto.

Tota die exprobrábant mihi inimíci mei : \* et qui laudábant me advérsus me jurábant.

Quia cinerem tamquam panem manducábam, \* et

potum meum cum fletu miscebam.

**A** facie iræ et indignationis tuæ : \* quia elevans alisisti me.

**D**ies mei sicut umbra declinaverunt : \* et ego sicut fœnum arui.

**Tu** autem, Dómine, in ætérnum pérmanes : \* et memoriále tuum in generationem et generationem.

**Tu** exúrgens miseréberis Sion : \* quia tempus miseréndi ejus, quia venit tempus.

**Q**uóniam placuerunt servis tuis lápidés ejus : \* et terræ ejus miserebúntur.

**Et** timébunt Gentes nomen tuum, Dómine, \* et omnes reges terræ glóriam tuam.

**Q**uia ædificávit Dóminus Sion : \* et vidébitur in glória sua.

**R**espéxit in orationem humilium : \* et non sprexit precem eórum.

**S**cribántur hæc in generatione áltera : \* et pópulus, qui creábitur, laudábit Dóminum.

**Q**uia prospéxit de excélsó sancto suo : \* Dóminus de cœlo in terram aspéxit :

**U**t audíret gémitus compeditórum : \* ut sólveret filios interemptórum ;

**U**t annúntient in Sion nomen Dómini : \* et laudem ejus in Jerúsalem.

**I**n conveniéndo pópulos in unum \* et reges ut sérviant Dómino.

**R**espóndit ei in via virtútis suæ : \* Paucitatem diérum meórum núntia mihi.

**N**e révocés me in dimídio diérum meórum : \* in generationem et generationem anni tui.

**I**nítio tu, Dómine, terram fundásti : \* et ópera mánuum tuárum sunt cœli.

**I**psi peribunt, tu autem pérmanes : \* et omnes sicut vestiméntum veteráscent.

**E**t sicut opertórium mutábis eos, et mutabúntur : \* tu autem idem ipse es, et anni tui non deficient.

**F**ílii servórum tuórum habitábunt : \* et semen eórum in sæculum dirigétur.

### Psalmus 102.

**B**ENEDIC, ánima mea, Dómino : \* et ómnia, quæ intra me sunt, nómini sancto ejus.

**B**enedic, ánima mea, Dómino : \* et noli oblivisci omnes retributiónes ejus.

**Q**ui propitiátur ómnibus iniquitatibus tuis : \* qui sanat omnes infirmitates tuas.

**Q**ui rédimit de intéritu vitam tuam : \* qui coronat te in misericórdia et misericóratióibus.

**Q**ui replet in bonis desiderium tuum : \* renová-

bitur ut áquilæ juvéntus tua.

**F**aciens misericórdias Dóminus : \* et júdicium ómnibus injúriam patiéntibus.

**N**otas fecit vias suas Moysi, \* filiis Israel voluntátes suas.

**M**iserátor, et miséricors Dóminus ; \* longánimis, et multum miséricors.

**N**on in perpétuum irascétur : \* neque in ætérnum comminábitur.

**N**on secúndum peccáta nostra fecit nobis : \* neque secúndum iniquitátes nostras retríbuit nobis.

**Q**uóniam secúndum altitúdinem cœli a terra : \* corroborávit misericórdiam suam super timéntes se.

**Q**uántum distat ortus ab occidénte ; \* longe fecit a nobis iniquitátes nostras.

**Q**uómodo miserétur pater filiórum, misértus est Dóminus timéntibus se : \* quóniam ipse cognóvit figméntum nostrum.

**R**ecordátus est quóniam pulvis sumus : \* homo, sicut fœnum dies ejus, tamquam flos agri sic efflorébit.

**Q**uóniam spíritus pertransibit in illo, et non subsistet : \* et non cognóscet ámplius locum suum.

**M**isericórdia autem Dómini ab ætérno, \* et usque in ætérnum super timéntes eum.

**E**t justítia illius in filios filiórum, \* his qui servant testaméntum ejus :

**E**t mémores sunt mandatórum ipsius, \* ad faciéndum ea.

**D**óminus in cœlo parávit sedem suam : \* et regnum ipsius ómnibus dominábitur.

**B**enedícite Dómino, omnes Angeli ejus : \* poténtes virtúte, faciéntes verbum illius, ad audiéndam vocem sermónum ejus.

**B**enedícite, Dómino, omnes virtútes ejus : \* ministri ejus, qui faciúnt voluntátem ejus.

**B**enedícite Dómino, ómnia ópera ejus : \* in omni loco dominationis ejus, benedic, ánima mea, Dómino.

**Añá.** Clamor meus ad te véniat, Deus.

**Añá.** Bénedic.

### Psalmus 103.

**B**ENEDIC, ánima mea, Dómino : \* Dómine Deus meus, magnificátus es veheménter.

**C**onfessióem, et decórem induísti : \* amíctus lúmine sicut vestiménto :

**E**xténdens cœlum sicut pellem : \* qui tegis aquis superióra ejus.

**Q**ui ponis nubem ascénsu tuum : \* qui ámbulas super pennas ventórum.

**Q**ui facis ángelos tuos spíritus : \* et ministros tuos, ignem uréntem.

Qui fundásti terram super stabilitátem suam : \* non inclinábitur in sæculum sæculi.

Abyssus, sicut vestiméntum, amíctus ejus : \* super montes stabunt aquæ.

Ab inerepatióne tua fugient : \* a voce tonítrui tui formidábunt.

Ascéndunt montes, et descendunt campi \* in locum quem fundásti eis.

Términum posuísti, quem non transgrediéntur : \* neque converténtur operíre terram.

Qui emíttis fontes in convállibus : \* inter médium móntium pertransíbunt aquæ.

Potábunt omnes béstiae agri : \* expectábunt ónagri in siti sua.

Super ea vólucres cœli habitábunt : \* de médio petrárum dabunt voces.

Rigans montes de superioribus suis : \* de fructu óperum tuórum satiábitur terra.

Prodúcens fœnum juméntis, \* et herbam servitúti hóminum :

Et edúcas panem de terra : \* et vinum lætíficet cor hóminis :

Ut exhílares fáciem in óleo : \* et panis cor hóminis confirmet.

Saturabúntur ligna campi, et cedri Líbani, quas

plantávit : \* illic pásseres nidificábunt.

Heródii domus dux est eórum : \* montes excelsi cervis : petra refúgium herináciis.

Fecit lunam in témpora : \* sol cognóvit occásu suum.

Posuísti ténebras, et facta est nox : \* in ipsa pertransíbunt omnes béstiae silvæ.

Cátuli leónum rugiéntes, ut rápíant, \* et quærant a Deo escam sibi.

Ortus est sol, et congregáti sunt : \* et in cubílibus suis collocabúntur.

Exíbit homo ad opus suum : \* et ad operatióne suam usque ad vésperum.

Quam magnificáta sunt ópera tua, Dómine ! \* ómnia in sapiéntia fecísti : impléta est terra possessióne tua.

Hoc mare magnum, et spatiósum mánibus : \* illic reptília, quorum non est númerus.

Animália pusilla cum magnis : \* illic naves pertransíbunt.

Draco iste, quem formásti ad illudéndum ei : \* ómnia a te expéctant, ut des illis escam in témpore.

Dante te illis, colligent : \* aperiénte te manum tuam, ómnia implebúntur bonitáte.

Averténte autem te fáciem, turbabúntur : \* áu-

feres spiritum eorum, et deficient, et in pulverem suum revertentur.

**E**mittes spiritum tuum, et creabuntur: \* et renovabis faciem terræ.

**S**it glória Dómini in sæculum: \* lætabitur Dóminus in opéribus suis:

**Q**ui respicit terram, et facit eam trémere: \* qui tangit montes, et fúmigant.

**C**antábo Dómino in vita mea: \* psallam Deo meo quámdiu sum.

**J**ucúndum sit ei elóquium meum: \* ego vero delectabor in Dómino.

**D**eficiant peccatóres a terra, et iníqui ita ut non sint: \* bédedic, ánima mea, Dómino.

#### **Psalmus 104.**

**C**ONFITEMINI Dómino, et invocáte nomen ejus: \* annuntiáte inter Gentes ópera ejus.

**C**antáte ei, et psállite ei: \* narráte ómnia mirabilia ejus.

**L**audámini in nómine sancto ejus: \* lætétur cor quæréntium Dóminum.

**Q**uærite Dóminum, et confirmámini: \* quærite faciem ejus semper.

**N**ementóte mirabilium ejus, quæ fecit: \* prodigia ejus, et judícia oris ejus.

**S**emen Abraham, servi ejus: \* filii Jacob elécti ejus.

**I**pse Dóminus Deus no-

ster: \* in univérſa terra judícia ejus.

**M**emor fuit in sæculum testaménti sui: \* verbi, quod mandávit in mille generatiónes:

**Q**uod dispósuit ad Abraham: \* et juraménti sui ad Isaac:

**E**t státuit illud Jacob in præcéptum: \* et Israel in testaméntum ætérnum:

**D**icens: Tibi dabo terram Chánaan, \* funiculum hereditátis vestræ.

**C**um essent número brevi, \* paucissimi et incolæ ejus:

**E**t pertransiérunt de gente in gentem, \* et de regno ad pópulum álterum.

**N**on reliquit hóminem nocére eis: \* et corripuit pro eis reges.

**N**olite tángere christos meos: \* et in prophétis meis nolite malignári.

**E**t vocávit famem super terram: \* et omne firmaméntum panis contrivit.

**M**isit ante eos virum: \* in servum venúmdatus est Joseph.

**H**umiliavérunt in compédibus pedes ejus, ferrum pertransiit ánimam ejus, \* donec veníret verbum ejus.

**E**lóquium Dómini inflam-mávit eum: \* misit rex, et solvit eum; princeps pópulorum, et dimisit eum.

**C**onstituit eum dóminum



domus suæ : \* et principem omnis possessionis suæ :

Ut erudiret principes ejus sicut semetipsum : \* et senes ejus prudentiam doceret.

Et intravit Israel in Ægyptum : \* et Jacob accola fuit in terra Cham.

Et auxit populum suum : vehementer : \* et firmavit eum super inimicos ejus.

Convérтит cor eorum ut odirent populum ejus : \* et dolum facerent in servos ejus.

Misit Moysen servum suum : \* Aaron quem elegit ipsum.

Posuit in eis verba signorum suorum, \* et prodigiorum in terra Cham.

Misit ténebras, et obscuravit : \* et non exacerbavit sermones suos.

Convérтит aquas eorum in sanguinem : \* et occidit pisces eorum.

Edidit terra eorum ranas \* in penetrabilibus regum ipsorum.

Dixit, et venit cœnomyia : \* et cinifes in omnibus finibus eorum.

Posuit pluvias eorum grandinem : \* ignem comburentem in terra ipsorum.

Et percussit vineas eorum, et ficulneas eorum : \* et contrivit lignum finium eorum.

Dixit, et venit locusta,

et bruchus, \* ejus non erat numerus :

Et comedit omne fœnum in terra eorum : \* et comedit omnem fructum terræ eorum.

Et percussit omne primogénitum in terra eorum : \* primitias omnis labóris eorum.

Et eduxit eos cum argento et auro : \* et non erat in tribubus eorum infirmus.

Lætata est Ægyptus in protectione eorum : \* quia incubuit timor eorum super eos.

Expandit nubem in protectionem eorum, \* et ignem ut luceret eis per noctem.

Petiérunt, et venit coturnix : \* et pane cœli saturavit eos.

Dirupit petram, et fluxerunt aquæ : \* abiérunt in sicco flumina.

Quóniam memor fuit verbi sancti sui, \* quod habuit ad Abraham puerum suum.

Et eduxit populum suum in exultatione, \* et electos suos in lætitia.

Et dedit illis regiones Géntium : \* et labores populorum possederunt :

Ut custodiant justificationes ejus, \* et legem ejus requirant.

**Añã.** Benedic, ánima mea, Dómino.

**Añã.** Visita nos.



## Psalmus 103.

**C**ONFITEMINI Dómino quóniam bonus : \* quóniam in sæculum misericórdia ejus.

Quis loquétur poténtias Dómini, \* audítas fáciet omnes laudes ejus ?

Beáti, qui custódiunt júdiceium, \* et faciunt justitiam in omni témpore.

Meménto nostri, Dómine, in beneplácito pópuli tui : \* vísitá nos in salutári tuo.

Ad vidéndum in bonitáte electórum tuórum, ad lætándum in lætítia gentis tuæ : \* ut laudéris cum hereditáte tua.

Peccávimus cum pátribus nostris : \* injúste égimus, iniquitátem fécimus.

Patres nostri in Ægypto non intellexérunt mirábilia tua : \* non fuérunt mémoires multitudínis misericórdiæ tuæ.

Et irritavérunt ascendéntes in mare, \* mare Rubrum.

Et salvávit eos propter nomen suum : \* ut notam fáceret poténtiam suam.

Et incrépuit mare Rubrum, et exsiccatum est : \* et dedúxit eos in abyssis sicut in desérto.

Et salvávit eos de manu odiéntium : \* et redémit eos de manu inimíci.

Et opéruit aqua tribulántes eos : \* unus ex eis non remánsit.

Et credidérunt verbis ejus : \* et laudavérunt laudem ejus.

Cito fecérunt, oblíti sunt óperum ejus : \* et non sustinuerunt consílium ejus.

Et concupiérunt concupiscéntiã in desérto : \* et tentavérunt Deum in inaquóso.

Et dedit eis petitióem ipsórum : \* et misit saturitátem in ánimas eórum.

Et irritavérunt Moysen in castris : \* Aaron sanctum Dómini.

Apértá est terra, et deglutívit Dathan : \* et opéruit super congregatióem Abíron.

Et exársit ignis in synagóga eórum : \* flamma combússit peccatóres.

Et fecérunt vítulum in Horeb : \* et adoravérunt scúlptile.

Et mutavérunt glóriam suam \* in similitúdinem vítuli comedéntis fœnum.

Oblíti sunt Deum, qui salvávit eos, \* qui fecit magnália in Ægypto, mirábilia in terra Cham : terribília in mari Rubro.

Et dixit ut dispérderet eos : \* si non Moyses eléctus ejus stetísset in confractiône in conspéctu ejus :

Ut avérteret iram ejus, ne dispérderet eos : \* et pro nihilo habuérunt terram desiderábilem :

Non credidérunt verbo ejus,

et murmuravérunt in tabernaculis suis : \* non exaudiérunt vocem Dómini.

**E**t elevávit manum suam super eos ; \* ut prostérneret eos in deserto :

**E**t ut dejiceret semen eórum in nationibus : \* et dispergeret eos in regionibus.

**E**t initiáti sunt Beélphegor : \* et comederunt sacrificia mortuórum.

**E**t irritavérunt eum in adinventiónibus suis : \* et multiplicata est in eis ruína.

**E**t stetit Phinees , et placávit : \* et cessávit quasi satio.

**E**t reputátum est ei in iustitiam , \* in generatióem et generatióem usque in sempiternum.

**E**t irritavérunt eum ad aquas contradiciónis : \* et vexátus est Moyses propter eos : quia exacerbavérunt spíritum ejus.

**E**t distinxit in lábiis suis : \* non disperdidérunt Gentes , quas dixit Dóminus illis.

**E**t commísti sunt inter Gentes , et didicérunt ópera eórum : et serviérunt sculptilibus eórum : \* et factum est illis in scándalum.

**E**t immolavérunt filios suos , \* et filias suas dæmóniis.

**E**t effuderunt sánguinem innocentem : \* sánguinem filiórum suórum et filiárum suárum , quas sacri-

ficavérunt sculptilibus Chánaan.

**E**t infécta est terra in sanguinibus , et contaminata est in opéribus eórum : \* et fornicáti sunt in adinventiónibus suis.

**E**t irátus est furóre Dóminus in pópulum suum : \* et abominátus est hereditatem suam.

**E**t trádidit eos in manus Géntium , \* et domináti sunt eórum qui odérunt eos.

**E**t tribulavérunt eos inimici eórum , et humiliáti sunt sub mánibus eórum : \* sæpe liberávit eos.

**I**psi autem exacerbavérunt eum in consilio suo : \* et humiliáti sunt in iniquitatibus suis.

**E**t vidit eum tribularéntur : \* et audívit oratióem eórum.

**E**t memor fuit testaménti sui : \* et pœnituit eum secundum multitudinem misericórdiæ suæ.

**E**t dedit eos in misericórdias \* in conspéctu ómnium qui céperant eos.

**S**alvos nos fac , Dómine Deus noster : \* et cóngrega nos de nationibus.

**U**t confiteámur nómini sancto tuo : \* et gloriémur in laude tua.

**B**enedictus Dóminus Deus Israel a sæculo et usque in sæculum : \* et dicet omnis pópulus : Fiat , fiat.

## Psalmus 106.

**C**ONFITEMINI Dómino quóniam bonus : \* quóniam in sæculū misericórdia ejus.

**D**icant qui redempti sunt a Dómino, quos redemit de manu inimici ; \* et de regionibus congregavit eos :

**A** solis ortu, et occásu : \* ab Aquilóne, et mari.

**E**rravérunt in solitúdine in inaquóso : \* viam civitátis habitáculi non invenérunt.

**E**suriéntes, et sitiéntes : \* ánima eórum in ipsis defecit.

**E**t clamavérunt ad Dóminum cum tribularéntur : \* et de necessitatibus eórum eripuit eos.

**E**t deduxit eos in viam rectam : \* ut irent in civitatem habitatiónis.

**C**onfiteántur Dómino misericórdia ejus : \* et mirabilia ejus filiis hóminum.

**Q**uia satiávit ánimam inánem : \* et ánimam esuriéntem satiávit bonis.

**S**edéntes in ténebris, et umbra mortis : \* vinctos in mendicitáte, et ferro.

**Q**uia exacerbavérunt elóquia Dei : \* et consílium Altissimi irritavérunt.

**E**t humiliátum est in laboribus cor eórum : \* infirmáti sunt, nec fuit qui adjuvaret.

**E**t clamavérunt ad Dóminum cum tribularéntur : \*

et de necessitatibus eórum liberávit eos.

**E**t eduxit eos de ténebris et umbra mortis : \* et vincula eórum dirupit.

**C**onfiteántur Dómino misericórdia ejus : \* et mirabilia ejus filiis hóminum.

**Q**uia contrívit portas æreas : \* et vectes férreos confrégit.

**S**uscépit eos de via iniquitátis eórum : \* propter injustitias enim suas humiliáti sunt.

**O**mnem escam abomináta est ánima eórum : \* et appropinquavérunt usque ad portas mortis.

**E**t clamavérunt ad Dóminum cum tribularéntur : \* et de necessitatibus eórum liberávit eos.

**M**isit verbum suum, et sanávit eos : \* et eripuit eos de interitió nibus eórum.

**C**onfiteántur Dómino misericórdia ejus : \* et mirabilia ejus filiis hóminum.

**E**t sacrificent sacrificium laudis : \* et annúntient ópera ejus in exultatióne.

**Q**ui descéndunt mare in navibus, \* faciéntes operatió nem in aquis multis.

**I**psi vidérunt ópera Dómini, \* et mirabilia ejus in profundo.

**D**ixit, et stetit spíritus procellæ : \* et exaltáti sunt fluctus ejus.

**A**scéndunt usque ad cœ-

los, et descendunt usque ad abyssos : \* ánima eórum in malis tabescébat.

**U**rbáti sunt, et moti sunt sicut ébrius : \* et omnis sapiéntia eórum devoráta est.

**E**t clamavérunt ad Dóminum cum tribularéntur : \* et de necessitatibus eórum edúxit eos.

**E**t státuit procellam ejus in auram : \* et siluérunť fluctus ejus.

**E**t lætáti sunt quia siluérunť : \* et dedúxit eos in portum voluntátis eórum.

**C**onfiteántur Dómino misericórdiæ ejus : \* et mirabilia ejus filiis hóminum.

**E**t exáltent eum in ecclésia plebis : \* et in cáthedra seniórum laudent eum.

**P**ósuit flúmina in désertum, \* et éxitus aquárum in sitim.

**T**erram fructíferam in salúginem, \* a malitia inhabitántium in ea.

**P**ósuit désertum in stagna aquárum : \* et terram sine aqua in éxitus aquárum.

**E**t collocávit illic esuriéntes : \* et constituérunt civitátem habitatiónis.

**E**t seminavérunt agros, et plantavérunt vineas : \* et fecérunt fructum natiuitátis.

**E**t benedixit eis, et multiplicáti sunt nimis : \* et

juménta eórum non minorávit.

**E**t pauci facti sunt : \* et vexáti sunt a tribulatióne malórum, et dolóre.

**E**ffusa est contéptio super príncipes : \* et erráre fecit eos in invio, et non in via.

**E**t adjúvit páuperem de inópia : \* et pósuit sicut oves familias.

**V**idébunt recti, et lætabúntur : \* et omnis iniquitas oppilábit os suum.

**Q**uis sapiens, et custódiethæc, \* et intélliget misericórdias Dómini ?

**Ana.** Visita nos, Dómine, in salutári tuo.

**Ana.** Confitébor Dómino.

**Psalms 107.**

**P**ARATUM cor meum, Deus, parátum cor meum : \* cantábo, et psallam in glória mea.

**E**xúrge glória mea, exúrge psaltérium, et cíthara : \* exúrgam dilúculo.

**C**onfitébor tibi in pópulis, Dómine : \* et psallam tibi in natió nibus.

**Q**uia magna est super cœlos misericórdia tua : \* et usque ad nubes véritas tua.

**E**xaltáre super cœlos, Deus, et super omnem terram glória tua : \* ut liberéntur dilecti tui.

**S**alvum fac dextera tua, et exáudi me : \* Deus locútus est in sancto suo.

**Exultábo**, et dividam Sichimam; \* et convállem tabernaculórum dimétiar.

**Meus est** Gálaad, et meus est Manásses: \* et Ephraim suscéptio cápitis mei.

**Juda rex meus**: \* Moab lebes spei meæ.

**In Idumæam** exténdam calceaméntum meum: \* mihi alienígenæ amíci facti sunt.

**Quis dedúcet me** in civitátem munitam? \* quis dedúcet me usque in Idumæam?

**Nonne tu Deus**, qui repulististi nos, \* et non exhibis Deus in virtútibus nostris?

**Da nobis auxilium** de tribulatióne: \* quia vana salus hóminis.

**In Deo faciémus virtútem**: \* et ipse ad nihilum dedúcet inimicos nostros.

**Psalmus 108.**

**DEUS** laudem meam ne tacúeris: \* quia os peccatóris, et os dolósi super me apértum est.

**Locúti sunt** advérsus me lingua dolósa, et sermónibus ódii circumdedérunt me: \* et expugnavérunt me gratis.

**Pro eo ut me diligerent**, detrahébant mihi: \* ego autem orábam.

**Et posuérunt** advérsus me mala pro bonis: \* et ódium pro dilectiône mea.

**Constitue** super eum peccatórem: \* et diábolus stet a dextris ejus.

**Cum judicáture**, éxeat condemnátus: \* et orátio ejus fiat in peccátum.

**Fiant dies ejus pauci**, \* et episcopátum ejus accípiat alter.

**Fiant filii ejus órphani**, \* et uxor ejus vídua.

**Nutántes transferántur** filii ejus, et mendicent: \* et ejiciántur de habitatió nibus suis.

**Scrutétur** fœnerátor omnem substántiam ejus: \* et dirípiant aliéni labóres ejus.

**Non sit illi adjútor**: \* nec sit qui misereátur pupillis ejus.

**Fiant nati ejus in intéri-tum**: \* in generatióne una deleátur nomen ejus.

**In memóriam rédeat** iniquitas patrum ejus in conspéctu Dómini: \* et peccátum matris ejus non deleátur.

**Fiant contra Dóminum** semper, et dispéreat de terra memória eórum: \* pro eo quod non est recordátus fácere misericórdiam.

**Et persecúsus est** hóminem inopem, et mendicum, \* et compúctum corde mortificáre.

**Et diléxit maledictiõem**, et véniet ei: \* et nóluit benedictiõem, et elongábitur ab eo.

**Et induit maledictiõem** sicut vestiméntum, \* et intrávit sicut aqua in interiõ-

ra ejus , et sicut óleum in óssibus ejus.

**F**iat ei sicut vestiméntum , quo operitur : \* et sicut zona , qua semper præcín-gitur.

**H**oc opus eórum , qui détra-hunt mihi apud Dóminum : \* et qui loquúntur mala ad-versus ánimam meam.

**E**t tu , Dómine , Dómine , fac mecum propter nomen tuum : \* quia suávis est mi-sericórdia tua.

**L**ibera me , quia egénus et pauper ego sum : \* et cor meum conturbátum est in-tra me.

**S**icut umbra cum declínat , ablátus sum : \* et excús-sus sum sicut locústæ.

**G**énua mea infirmáta sunt a jejúnio : \* et caro mea im-mutáta est propter óleum.

**E**t ego factus sum oppró-brium illis : \* vidérunt me , et movérunt cápita sua.

**A**djuva me , Dómine Deus meus : \* salvum me fac secúndum misericórdiam tuam.

**E**t sciant quia manus tua hæc : \* et tu , Dómine , fecisti eam.

**M**aledicent illi , et tu be-nedices : \* qui insúrgunt in me , confundántur : servus autem tuus lætábitur.

**I**nduántur , qui détrahunt mihi , pudóre : \* et ope-riántur sicut diplóide con-fusióne sua.

**C**onfitébor Dómino nimis in ore meo : \* et in médio multórum laudábo eum.

**Q**uia ástitit a dextris páu-peris , \* ut salvam fáceret a persecuéntibus ánimam meam.

**Añã.** Confitébor Dómino ni-mis in ore meo.

**Per Annum , ŷ.** Dómine , exáudi oratióem meam. **Ŕ.** Et clamor meus ad te vé-niat.

**Pro beata Maria , ŷ.** Dif-fúsa est grátia in lábiis tuis. **Ŕ.** Proptérea benedí-xit te Deus in ætérnum.

#### AD LAUDES ,

**Añã.** Benígne fac in bona voluntáte tua , Dómine. **Ps.** Misericóre mei , Deus. 59.

**Añã.** Bonum.

#### Psalmus 91.

**B**ONUM est confitéri Dómi-no : \* et psállere nómini tuo , Altíssime.

**A**d annuntiándum mane mi-sericórdiam tuam : \* et ve-ritátem tuam per noctem.

**I**n decachórdo , psaltério : \* cum cántico , in cítbara.

**Q**uia delectásti me , Dómi-ne , in factúra tua : \* et in opéribus mánuum tuárum exultábo.

**Q**uam magnificáta sunt ópe-ra tua , Dómine ! \* nimis profúndæ factæ sunt cogita-tiões tuæ.

**V**ir insípiens non cognó-scet : \* et stultus non in-télliget hæc.



Cum exórti fuerint peccatores sicut fœnum : \* et apparuerint omnes , qui operantur iniquitatem :

Ut intéreant in sæculum sæculi : \* tu autem Altissimus in ætérnum , Dómine.

Quóniam ecce inimici tui , Dómine , quóniam ecce inimici tui peribunt : \* et dispergéntur omnes , qui operantur iniquitatem.

Et exaltábitur sicut unicórnis cornu meum : \* et senéctus mea in misericórdia úberi.

Et despéxit óculus meus inimicos meos : \* et in insurgéntibus in me malignántibus áudiet auris mea.

Justus ut palma florébit : \* sicut cedrus Líbani multiplicábitur.

Plantáti in domo Dómini , \* in átriis domus Dei nostri florébunt.

Adhuc multiplicabúntur in senécta úberi : \* et bene patiéntes erunt , ut annúntient :

Quóniam rectus Dóminus Deus noster : \* et non est iníquitas in eo.

**Añã.** Bonum est confitéri Dómino.

**Añã.** Méтуant Dóminum omnes fines terræ. **Psalm.**

Deus Deus meus. 60.

**Añã.** Date magnítudinem.

**Cant. Moysi. Deut. 32.**

**A**UDITE, cœli, quæ loquor , \* áudiat terra verba oris mei.

Concréscat ut plúvia doctrína mea , \* fluat ut ros elóquium meum.

Quasi imber super herbam , et quasi stillæ super grámina. \* Quia nomen Dómini invocábo :

Date magnificéntiam Deo nostro : \* Dei perfécta sunt ópera , et omnes viæ ejus judícia :

Deus fidélis , et absque ulla iniquitáte , justus et rectus.

\* Peccavérunt ei , et non filii ejus in sórdibus :

Generátio prava atque perversa. \* Hæccine reddis Dómino , pópole stulte et insípiens ?

Numquid non ipse est pater tuus , \* qui possédit te , et fecit , et creávit te ?

Meménto diérum antiquórum , \* cógita generatiónes singulas :

Intérroga patrem tuum , et annuntiábit tibi : \* majóres tuos , et dicent tibi.

Quando dividébat Altissimus gentes : \* quando separábat filios Adam.

Constituit términos populórum \* juxta númerum filiórum Israel.

Pars autem Dómini , populus ejus : \* Jacob funiculus hæreditátis ejus.

Invénit eum in terra déserta , \* in loco horróris , et vastæ solitúdinis :

Circumdúxit eum , et dócuit : \* et custodívit quasi pupillam óculi sui.



Sicut áquila pròvocans ad volandum pullos suos, \* et super eos volitans,

Expándit alas suas, et assumpsit eum, \* atque portávit in humeris suis.

Dóminus solus dux ejus fuit : \* et non erat cum eo deus aliénus.

Constituit eum super excelsam terram : \* ut comederet fructus agrórum,

Ut súgeret mel de petra, \* oleúmque de saxo durissimo :

Butyrum de arménto, et lac de óvibus \* cum ádipe agnórum, et arietum filiórurum Basan :

Et hircos cum medúlla tritici, \* et sánguinem uvæ bíberet meracíssimum.

Incrassátus est diléctus, et recalcitrávit : \* incrassátus, impinguátus, dilatátus.

Dereliquit Deum factórem suum, \* et recéssit a Deo salutári suo.

Provocavérunt eum in diis aliénis, \* et in abominatiónibus ad iracúndiam concitavérunt.

Immolavérunt dæmóniis et non Deo, \* diis, quos ignorábant :

Novi recentésque venérunt, \* quos non coluérunt patres eórum.

Deum, qui te genuit, dereliquisti, \* et oblítus es Dómini creatóris tui.

Vidit Dóminus, et ad ira-

cúndiam concitátus est : \* quia provocavérunt eum filii sui et filiæ.

Et ait : Abscóndam faciém meam ab eis, \* et considerábo novíssima eórum :

Generátio enim perversa est, \* et infidéles filii.

Ipsi me provocavérunt in eo qui non erat deus, \* et irritavérunt in vanitatibus suis :

Et ego provocábo eos in eo, qui non est pópulus, \* et in gente stulta irritábo illos.

Ignis succénsus est in furóre meo, \* et ardébit usque ad inférni novíssima :

Devorábitque terram cum gérmine suo, \* et mónitium fundaménta combúret.

Congregábo super eos mala, \* et sagittas meas complébo in eis.

Consuméntur fame, \* et devorábunt eos aves morsu amarissimo :

Dentes bestiárum immitam in eos, \* cum furóre trahéntium super terram, atque serpéntium.

Foris vastábit eos gládus, et intus pavor, \* júvenem simul ac virginem, lacténtem cum hómine sene.

Dixi, Ubinam sunt? \* cessáre faciám ex homínibus memóriam eórum.

Sed propter iram inimicórum distuli : \* ne forte superbirent hostes eórum :

Et dicerent : Manus nostra

excelsa, et non Dóminus, \* fecit hæc ómnia.

Gens absque consilio est, et sine prudéntia. \* Utinam sáperent, et intelligerent, ac novíssima providérent ! Quómodo persecuátur unus mille, \* et duo fugent decem millia ?

Nonne ídeo, quia Deus suos véndidit eos, \* et Dóminus conclusit illos ?

Non enim est Deus noster ut dii eórum : \* et inimíci nostri sunt júdices.

De vinea Sodomórum, vinea eórum, \* et de suburbánis Gomórrhæ :

Uva eórum uva fellis, \* et botri amaríssimi.

Fel draconum vinum eórum, \* et venénium áspidum insanábile.

Nonne hæc cóndita sunt apud me, \* et signáta in thesáuris meis ?

Mea est ultio, et ego retribuam in témpore, \* ut labátur pes eórum :

Juxta est dies perditionis, \* et adesse festinant témpora.

Judicábit Dóminus pópulum suum, \* et in servis suis miserébitur :

Vidébit quod infirmáta sit manus, \* et clausi quoque defecerunt, residuíque consumpti sunt.

Et dicet : Ubi sunt dii eórum, \* in quibus habébant fidúciam ?

De quorum víctimis com-

edébant ádipes, \* et bibébant vinum libáminum :

Surgant, et opituléntur vobis, \* et in necessitáte vos prótegent.

Vidéte quod ego sim solus, \* et non sit álius deus præter me :

Ego occidam, et ego vivere faciám : percútiám, et ego sanábo, \* et non est qui de manu mea possit erüere.

Levábo ad cœlum manum meam, et dicam : \* Vivo ego in ætérnum.

Si acúero ut fulgur gládium meum, \* et arripúerit júdiciu manus mea :

Reddam ultiónem hóstibus meis, \* et his, qui odérunt me, retribuam.

Inebriábo sagíttas meas sánguine, \* et gládus meus devorábit carnes,

De cruóre occisórum, \* et de captivitáte, nudáti inimicórum cápitis.

Laudáte, gentes, pópulum ejus, \* quia sánguinem servórum suórum ulciscétur :

Et vindictam retribuet in hostes eórum, \* et propítius erit terræ pópuli sui.

**Añs.** Date magnitudinem Deo nostro.

**Añs.** In cymbalis benesonántibus laudáte Deum. **Psal-mus.** Laudáte Dóminu de cœlis. 62.

**Capitulum.** Rom. 13. d

**N**ox præcéssit, dies autem appropinquávit : abji-

ciamus ergo ópera tenebrarum, et induamur arma lucis : sicut in die honeste ambulamus.

### Hymnus.

**A**URORA jam spargit pos-  
lum,

Terris dies illabitur :

Lucis resultat spiculum :

Discédât omne lubricum.

Phantasma noctis exulet :

Mentis reatus corruat :

Quidquid tenebris horridum

Nox attulit culpæ, cadat :

**U**t mane, quod nos ultimum

Hic deprecamur cernui ;

Cum luce nobis effluat,

Hoc dum canore concrepat.

**D**eo Patri sit glória,

Ejusque soli Filio,

Cum Spíritu Paráclito,

Nunc et per omne sæculum,

Amen.

**V.** Repléti sumus mane misericórdia tua. **R.** Exultavimus, et delectati sumus.

### Ad Benedictus. Aña.

Illuminare, Dómine, his, qui in tenebris sedent : et dirige pedes nostros in viam pacis, Deus Israel.

**P**reces, quando dicendæ sunt, habentur 64.

### DOMINICA

### Ad Vesperas.

**P**ater noster. **A**ve María.

**V.** Deus in adiutorium, ut supra. 48.

**Aña.** Dixit Dóminus.

### Psalmus 109.

**D**IXIT Dóminus Dño meo :  
\* Sede a dextris meis ;

**I**oncc ponam inimicos tuos,  
\* scabellum pedum tuorum.

**V**irgam virtutis tuæ emittet Dóminus ex Sion : \*  
dominare in medio inimicorum tuorum.

**T**ecum principium in die virtutis tuæ in splendoribus sanctorum : \* ex útero ante luciferum genui te.

**J**uravit Dóminus, et non poenitebit eum : \* Tu es sacerdos in ætérnum secundum ordinem Melchisedech.

**D**óminus a dextris tuis, \* confrégit in die iræ suæ reges.

**J**udicabit in nationibus, implébit ruinas : \* conquassabit capita in terra multorum.

**D**e torrente in via bibet : \* propterea exaltavit caput.

**Aña.** Dixit Dóminus Dómino meo : Sede a dextris meis.

**Aña.** Fidélia.

### Psalmus 110.

**C**ONFITEBOR tibi, Dómine, in toto corde meo : \* in consilio justorum, et congregatione.

**M**agna ópera Dómini : \* exquisita in omnes voluntates ejus.

**C**onfessio et magnificéntia opus ejus : \* et justitia ejus manet in sæculum sæculi.

**M**emóriam fecit mirabilium suorum misericors et misericrator Dóminus : \* escam dedit timéntibus se.

**M**emor erit in sæculum testamenti sui : \* virtutem

óperum suórum annuntiábit  
pópulo suo :

**U**t det illis hereditátem gén-  
tium : \* ópera mánuum ejus  
véritas , et judícium.

**F**idélia ómnia mandáta ejus:  
confirmáta in sæculum sæ-  
culi , \* facta in veritáte et  
æquitáte.

**R**edemptiõnem misit pópulo  
suo : \* mandávit in ætérnum  
testaméntum suum.

**S**anctum , et terribile no-  
men ejus : \* initium sapién-  
tiæ timor Dómini.

**I**ntelléctus bonus ómnibus  
faciéntibus eum : \* laudá-  
tio ejus manet in sæculum  
sæculi.

**Añs.** Fidélia ómnia mandáta  
ejus , confirmáta in sæcu-  
lum sæculi.

**Añs.** In mandátis.

**Psalmus 111.**

**B**EATUS vir , qui timet Dó-  
minum : \* in mandátis  
ejus volet nimis.

**P**otens in terra erit semen  
ejus : \* generátio rectórum  
benedicétur.

**G**loria , et divítiæ in domo  
ejus , \* et justítia ejus ma-  
net in sæculum sæculi.

**E**xórtum est in ténebris lu-  
men rectis : \* miséricors ,  
et miserátor , et justus.

**J**ucúndus homo qui mise-  
rétur et cómmodat , dispó-  
net sermónes suos in judi-  
cio : \* quia in ætérnum non  
commovébitur.

**I**n memória ætérna erit ju-

stus : \* ab auditiõne mala  
non timébit.

**P**arátum cor ejus speráre in  
Dómino , confirmátum est  
cor ejus : \* non commovébi-  
tur donec despiciat inimicos  
suos.

**D**ispérsit , dedit paupéri-  
bus : justítia ejus manet in  
sæculum sæculi , \* cornu  
ejus exaltábitur in glória.

**P**eccátor vidébit , et irascé-  
tur , déntibus suis fremet et  
tabéscet : \* desidérium pec-  
cátórum peribit.

**Añs.** In mandátis ejus cupit  
nimis.

**Añs.** Sit nomen Dómini.

**Psalmus 112.**

**L**AUDATE, púeri, Dóminum :  
\* laudáte nomen Dó-  
mini.

**S**it nomen Dómini benedí-  
ctum , \* ex hoc nunc , et us-  
què in sæculum.

**A** solis ortu usque ad oc-  
cásum , \* laudábile nomen  
Dómini.

**E**xcélsus super omnes gen-  
tes Dóminus , \* et super cœ-  
los glória ejus.

**Q**uis sicut Dóminus Deus  
noster , qui in altis hábitat ,  
\* et humilia réspicit in cœlo  
et in terra ?

**S**úscitans a terra inopem ,  
\* et de stércore érigen-  
s páuperem.

**U**t cóllocet eum cum prin-  
cípibus , \* cum princípibus  
pópuli sui.

**Q**ui habitáre facit stérilem

in domo, \* matrem fili-  
orum lætāntem.

**Añā.** Sit nomen Dómini be-  
nedictum in sæcula.

**Añā.** Nos qui vivimus.

**Psalmus 113.**

**I**N éxitu Israel de Ægypto,  
\* domus Jacob de pópulo  
bárbaro.

Facta est Judæa sanctificatio  
ejus, \* Israel potestas ejus.

Mare vidit, et fugit : \* Jordá-  
nis convérsus est retrórsus.

Montes exultavérunt ut arie-  
tes : \* et colles sicut agni  
óvium.

Quid est tibi mare, quod fu-  
gisti : \* et tu Jordánis, quia  
convérsus es retrórsus ?

Montes exultástis sicut arie-  
tes, \* et colles sicut agni  
óvium.

A fácie Dómini mota est  
terra, \* a fácie Dei Jacob.

Qui convértit petram in sta-  
gna aquárum, \* et rupem  
in fontes aquárum.

Non nobis, Dñe, non nobis :  
\* sed nómini tuo da glóriam.

Super misericórdia tua, et  
veritate tua : \* nequándo  
dicant gentes : Ubi est Deus  
eórum ?

Deus autem noster in cœlo :  
\* ómnia quæcúmque vóluit,  
fecit.

Simulácra géntium argén-  
tum, et aurum, \* ópera  
mánuum hóminum.

Os habent, et non loquén-  
tur : \* óculos habent, et non  
vidébunt.

Aures habent, et non au-  
dient : \* nares habent, et  
non odorábunt.

Manus habent, et non pal-  
pábunt : pedes habent, et  
non ambulábunt : \* non cla-  
mábunt in gútture suo.

Símiles illis fiant qui fá-  
ciunt ea : \* et omnes qui  
confidunt in eis.

Domus Israel sperávit in  
Dómino : \* adjutor eórum  
et protéctor eórum est.

Domus Aaron sperávit in  
Dómino : \* adjutor eórum  
et protéctor eórum est.

Qui timent Dóminum, spe-  
ravérunt in Dño : \* adjutor  
eórum et protéctor eórū est.

Dóminus memor fuit nostri :  
\* et benedixit nobis.

Benedixit dómui Israel, \*  
benedixit dómui Aaron.

Benedixit ómnibus, qui ti-  
ment Dóminum, \* pusillis  
cum majóribus.

Adjiciat Dóminus super vos :  
\* super vos, et super filios  
vestros.

Benedicti vos a Dómino : \*  
qui fecit cœlum, et terram.  
Cœlum cœli Dómino : \* ter-  
ram autem dedit filiis hó-  
minum.

Non mórtui laudábunt te, Dó-  
mine : \* neque omnes, qui  
descéndunt in inférnum.

Sed nos qui vivimus, bene-  
dicimus Dómino, \* ex hoc  
nunc et usque in sæculum.

**Añā.** Nos qui vivimus, be-  
nedícimus Dómino.

## Capitulum. 2. Cor. 1.

**B**ENEDICTUS Deus, et Pater Dómini nostri Jesu Christi, Pater misericordiárum, et Deus totius consolatiónis, qui consolátur nos in omni tribulatióne nostra.

## Hymnus.

**L**UCIS Creátor óptime,  
Lucem diérum próferens,  
Primórdiis lucis novæ,  
Mundi parans originem.

Qui mane junctum vésperi  
Diem vocári præcipis,  
Illábitur tetrum chaos,  
Audi preces cum flétibus.

Ne mens graváta crimine,  
Vitæ sit exul múnere,  
Dum nil perénne cógitat,  
Seséque culpis illigat.

Cœléste pulset óstium:  
Vitále tollat præmium:  
Vitémus omne nóxium:  
Purgémus omne péssimum.

Præsta, Pater piíssime,  
Patrique compar Unice,  
Cum Spíritu Paráclito  
Regnans per omne sæculum. Amen.

Ÿ. Dirigátur, Dómine, orátio mea. **R.** Sicut incénsum in conspéctu tuo.

Prædictus Hymnus cum suo Ÿ. die. a Dñica iiij. post Pentecosten usque ad Adventum. Capit. vero prædictum dicitur in eisdem Dñicis post Pentecosten. Dicitur etiam in feriali Officio ab Oct. Pentecostes usque ad Adventum. Similiter et Ÿ. Añæ autem cum Ps.

semper dicuntur ut supra, quando fit Officium de Dominica.

## Canticum B. M. V.

## Lucæ 1. c

**M**AGNIFICAT \* ánima mea Dóminum:

Et exultávit spíritus meus \* in Deo salutári meo.

Quia respéxit humilitátem ancillæ suæ: \* ecce enim ex hoc beátam me dicent omnes generatiónes.

Quia fecit mihi magna qui potens est: \* et sanctum nomen ejus.

Et misericórdia ejus a progénie in progénies \* timéntibus eum.

Fecit poténtiam in bráchio suo: \* dispérsit supérbos mente cordis sui.

Depósuit poténtes de sede, \* et exaltávit húmiles.

Esuriéntes implévit bonis: \* et divites dimísit inánes.

Suscépit Israel púerum suum, \* recordátus misericórdiæ suæ.

Sicut locútus est ad patres nostros, \* Abraham, et sémini ejus in sæcula.

Glória Patri, et Filio.

Deinde dicitur Añæ et Oratio propria.

## FERIA SECUNDA.

## Ad Vesperas.

Añæ. Inclínávit.

## Psalmus 114.

**D**ILEXI, quóniam exáudiet Dóminus \* vocem oratiónis meæ.



Quia inclinavit aurem suam mihi : \* et in diebus meis invocabo.

Circumdedérunt me dolóres mortis : \* et perícula inférni invenérunt me.

Tribulationem et dolórem invéni : \* et nomen Dómini invocávi.

O Dómine, libera ánimam meam, \* miséricors Dóminus, et justus, et Deus noster miserétur.

Gustódiens párvulos Dóminus : \* humiliátus sum, et liberávit me.

Convértere ánima mea in réquiem tuam : \* quia Dóminus benefécit tibi.

Quia erípuit ánimam meam de morte, \* óculos meos a lácrymis, pedes meos a lapsu.

Placébo Dómino \* in regiône vivórum.

**Añs.** Inclínávit Dóminus aurem suam mihi.

**Añs.** Crédidi.

**Psalmus 115.**

**C**REDIDI, propter quod locútus sum : \* ego autem humiliátus sum nimis.

Ego dixi in excéssu meo : \* Omnis homo mendax.

Quid retribuam Dómino : \* pro ómnibus, quæ retribuit mihi?

Cálicē salutáris accípiam, \* et nomen Dómini invocábo.

Vota mea Dómino reddam coram omni pópulo ejus : \* pretiósa in conspéctu Dómini mors sanctórum ejus.

O Dómine, quia ego servus tuus : \* ego servus tuus et filius ancillæ tuæ.

Dirupísti vincula mea : \* tibi sacrificábo hóstiam laudis, et nomen Dómini invocábo.

Vota mea Dómino reddam in conspéctu omnis pópuli ejus : \* in átriis domus Dñi, in médio tui Jerúsalem.

**Añs.** Crédidi propter quod locútus sum.

**Añs.** Laudáte.

**Psalmus 116.**

**L**AUDATE Dóminum, omnes gentes : \* laudáte eum, omnes pópuli.

Quóniam confirmáta est super nos misericórdia ejus : \* et véritas Dómini manet in ætérnum.

**Añs.** Laudáte Dóminum, omnes gentes.

**Añs.** Clamávi.

**Canticum Graduum.**

**Psalmus 119.**

**A**D Dóminum cum tribulárer clamávi : \* et exaudivit me.

Dómine, libera ánimam meam a lábiis iníquis, \* et a lingua dolósa.

Quid detur tibi, aut quid apponátur tibi, \* ad linguam dolósam?

Sagittæ poténtis acútæ : \* cum carbónibus desolatóriis.

Heu mihi, quia incolátus meus prolongátus est : habitávi cum habitántibus Cedar : \* multum incola fuit ánima mea.



Cum his, qui odérunt pacem, eram pacíficus : \* cum loquébar illis, impugnábant me gratis.

**Añs.** Clamávi, et exaudivit me.

**Añs.** Unde véniet.

**Psalmus 120.**

**L**EVAVI óculos meos in montes, \* unde véniet auxilium mihi.

Auxilium meum a Dómino, \* qui fecit cœlum et terram.

Non det in commotiônem pedem tuum : \* neque dormitet qui custódit te.

Ecce non dormitábit, neque dormiet, \* qui custódit Israel.

Dóminus custódit te, Dóminus protéctio tua \* super manum dexteram tuam.

Per diem sol non uret te, \* neque luna per noctem.

Dóminus custódit te ab omni malo : \* custódiat animam tuam Dóminus.

Dóminus custódiat introítu tuum, et éxitu tuum \* ex hoc nunc, et usque in sæculum.

**Añs.** Unde véniet auxilium mihi.

**Capitulum. 2. Cor. 4.**

**B**ENEDICTUS Deus, et Pater Dómini nostri Jesu Christi, Pater misericordiárum, et Deus totius consolatiónis, qui consolátur nos in omni tribulatióne nostra.

**Hymnus.**

**I**MMENSE cœli Cónditor,  
Qui mixta ne confunderent,

Aquæ fluénta dívidens,

Cœlum dedisti límitem :

Firmans locum cœlestibus,

Simúlque terræ rivulis :

Ut unda flammás témpéret,

Terræ solum ne dissipent.

Infúnde nunc, piíssime,

Donum perénis grátiae :

Fraudis novæ ne cásibus

Nos error átterat vetus.

Lucem Fides adáugeat :

Sic lúminis jubar ferat :

Hæc vana cuncta próterat :

Hanc falsa nulla cómpri-

mant.

Præsta, Pater piíssime,

Patríque compar Unice,

Cum Spíritu Paráclito

Regnans per omne sæcu-

lum. Amen.

✠. Dirigátur, Dómine, orá-

tio mea. **ñ.** Sicut incénsus

in conspéctu tuo.

**Ad Magnificat, Añs.**

Magnificat ánima mea Dó-

minum, quia respéxit Deus

humilitátem meam.

**In Feriis Quatuor Temp. et Vigiliarum quæ jejunantur, post Añam ad Magnificat dicuntur seq. Preces flexis genibus, si dicendæ sint.**

**K**YRIE, eléison. **C**hriste,

eléison. **K**yrie, eléison.

Pater noster, **totum dici-**

**tur clara voce.** ✠. Et ne nos

indúcas in tentatióem. **ñ.**

Sed libera nos a malo. ✠.

Ego dixi, Dómine, mise-

rére mei. **ñ.** Sana animam

meam, quia peccávi tibi. ✠.

Convértere, Dómine, úsque-

quo. **R.** Et deprecabilis esto super servos tuos. **V.** Fiat misericórdia tua, Dómine, super nos. **R.** Quemádmódum sperávimus in te. **V.** Sacerdótes tui induántur iustítiam. **R.** Et sancti tui exúltent. **V.** Dómine, salvum fac Regem. **R.** Et exáudi nos in die, qua invocáverimus te. **V.** Salvum fac pópulum tuum, Dómine, et bénedic hæreditáti tuæ. **R.** Et rege eos, et extólle illos usque in ætérnum. **V.** Meménto congregatiónis tuæ. **R.** Quam possedisti ab inítio. **V.** Fiat pax in virtute tua. **R.** Et abundantia in túrribus tuis. **V.** Orémus pro fidélibus defúctis. **R.** Réquiem ætérnam dona eis, Dómine, et lux perpétua luceat eis. **V.** Requiéscant in pace. **R.** Amen. **V.** Pro fratribus nostris abséntibus. **R.** Salvos fac servos tuos, Deus meus, sperántes in te. **V.** Pro afflictis et captívis. **R.** Libera eos, Deus Israel, ex ómnibus tribulatióibus suis. **V.** Mitte eis, Dómine, auxílium de sancto. **R.** Et de Sion tuére eos. **V.** Dómine, exáudi oratióem meam. **R.** Et clamor meus ad te véniat. **Deinde dicitur:**

**Psalmus 50.**

**M**ISERERE mei, Deus, \* secúndum magnam misericórdiam tuam.

**E**t secúndum multitudinem

miseratiónum tuárum, \* dele iniquitátem meam.

**A**mplius lava me ab iniquitáte mea : \* et a peccáto meo munda me.

**Q**uóniam iniquitátem meam ego cognósco : \* et peccátum meum contra me est semper.

**T**ibi soli peccávi, et malum coram te feci : \* ut iustificéris in sermónibus tuis, et véneas cum iudicáris.

**E**cce enim in iniquitatibus concéptus sum : \* et in peccátis concépit me mater mea.

**E**cce enim veritátem dilexisti : \* incérta et occulta sapiéntiæ tuæ manifestásti mihi.

**A**spérges me hyssópo, et mundábor : \* lavábis me, et super nivem dealbábor.

**A**uditui meo dabis gáudium et lætítiam : \* et exultábunt ossa humiliáta.

**A**vérte fáciem tuam a peccátis meis, \* et omnes iniquitátes meas dele.

**C**or mundum crea in me Deus : \* et spíritum rectum innova in viscéribus meis.

**N**e projicias me a fácie tua : \* et spíritum sanctum tuum ne áuferas a me.

**R**edde mihi lætítiam salutaris tui : \* et spíritu principáli confírma me.

**D**océbo iníquos vias tuas : \* et impíi ad te converténtur.

**L**ibera me de sanguínibus Deus, Deus salutis meæ : \* et exultábit lingua mea iustítiam tuam.

**D**ómine, lábia mea apéries :  
\* et os meum annuntiábit  
laudem tuam.

**Q**uóniam si voluísseſ sacri-  
ficium, dedissem útique :  
\* holocáustis non delectá-  
beris.

**S**acrificium Deo spíritus  
contribulátus : \* cor contrí-  
tum, et humiliátum, Deus,  
non despícies.

**B**enigne fac, Dómine, in bo-  
na voluntáte tua Sion : \* ut  
ædificéntur muri Jerúsalem.

**T**unc acceptábis sacrificium  
justitiæ, oblatiões, et ho-  
locáusta : \* tunc impónent  
super altáre tuum vítulos.

**G**lória Patri, et Filio.

**F**inito **Psalmo**, dicitur  
**Ů**. Dómine Deus virtútum,  
convérte nos. **Ŕ**. Et osténde  
fáciē tuam, et salvi érimus.  
**Ů**. Exúrge, Christe, ádjuva  
nos. **Ŕ**. Et libera nos propter  
nomen tuum. **Ů**. Dómine, ex-  
áudi oratióem meam. **Ŕ**. Et  
clamor meus ad te véniat.  
**Ů**. Dóminus vobíscum. **Ŕ**. Et  
cum spíritu tuo.

**O**ratio, quando propria  
non assignatur, dicitur de  
Dñica præc., ut habetur in  
Proprio de Temp.

**A**ñæ cum Psalmis sem-  
per dicuntur ad Vesp. in  
Officio feriali, ut hic in  
Psalt. Hymni vero ab Octa-  
va Pentecostes usque ad  
Adventum. Añæ autem ad  
Magnificat, eodem tem-  
pore.

## FERIA TERTIA.

## Ad Vesperas.

**A**ñæ. In domum Dómini.

**Psalmus 121.**

**L**ÆTATUS sum in his, quæ  
dicta sunt mihi : \* In do-  
mum Dómini ibimus.

**S**tantes erant pedes nostri,  
\* in átriis tuis Jerúsalem.

**J**erúsalem, quæ ædificátur  
ut civitas : \* cujus partici-  
pátio ejus in idipsum.

**I**lluc enim ascendérunt tri-  
bus, tribus Dómini : \* testi-  
mónium Israel ad confitén-  
dum nómini Dómini.

**Q**uia illic sedérunt sedes in  
judicio, \* sedes super do-  
mum David.

**R**ogáte quæ ad pacem sunt  
Jerúsalem : \* et abundántia  
diligéntibus te.

**F**iat pax in virtúte tua : \* et  
abundántia in túrribus tuis.

**P**ropter fratres meos, et  
próximos meos, \* loquébar  
pacem de te.

**P**ropter domum Dómini Dei  
nostri, \* quæsivi bona tibi.

**A**ñæ. In domum Dómini læ-  
tántes ibimus.

**A**ñæ. Qui hábitas.

**Psalmus 122.**

**A**d te levávi ócu'os meos,  
\* qui hábitas in cœlis.

**E**cce sicut óculi servórum,  
\* in mánibus dominórum  
suórum.

**S**icut óculi ancillæ in máni-  
bus dómínæ suæ : \* ita óculi  
nostri ad Dñm Deum nostrū,  
donec misereátur nostri.

Miserere nostri, Dñe, miserere nostri, \* quia multum replēti sumus despectiōne : Quia multum replēta est anima nostra : \* opprobrium abundantibus, et despēctio superbis.

**Añā.** Qui hābitas in cœlis, miserere nobis.

**Añā.** Adjutōrium.

**Psalmus 123.**

**N**ISI quia Dóminus erat in nobis, dicat nunc Israel : \* nisi quia Dóminus erat in nobis.

Cum exúrgerent hómines in nos, \* forte vivos deglutissent nos :

Cum irascerétur furor eórum in nos, \* fórsitan aqua absorbuisset nos.

Torréntem pertransiuit ánima nostra : \* fórsitan pertransisset ánima nostra aquam intolerábilem.

Benedictus Dóminus, \* qui non dedit nos in captiōnem dēntibus eórum.

Ánima nostra sicut passer erēpta est \* de láqueo venántium.

Láqueus contritus est, \* et nos liberáti sumus.

Adjutōrium nostrum in nómine Dómini, \* qui fecit cœlum et terram.

**Añā.** Adjutōrium nostrum in nómine Dómini.

**Añā.** Bénefac.

**Psalmus 124.**

**Q**UI confidunt in Dómino, sicut mons Sion : \*

non commovēbitur in ætérnum, qui hābitat in Jerúsalem.

Montes in circúitu ejus, \* et Dóminus in circúitu pópuli sui, ex hoc nunc, et usque in sæculum.

Quia non relínquet Dóminus virgam peccatórum super sortem justórum : \* ut non exténdant justi ad iniquitatem manus suas.

Bénefac, Dómine, bonis, \* et rectis corde.

Declinántes autem in obligatiōnes, addúcet Dóminus cum operántibus iniquitatem : \* pax super Israel.

**Añā.** Bénefac, Dómine, bonis et rectis corde.

**Añā.** Facti sumus.

**Psalmus 125.**

**I**N converténdo Dóminus captivitatem Sion : \* facti sumus sicut consoláti.

Tunc replétum est gáudio os nostrum : \* et lingua nostra exultatiōne.

Tunc dicent inter gentes : \* Magnificávit Dóminus fácere cum eis.

Magnificávit Dóminus fácere nobiscum : \* facti sumus lætántes.

Convérte, Dómine, captivitatem nostram, \* sicut torrens in Austro.

Qui sémant in lácrymis, \* in exultatiōne metent.

Eúntes ibant et flebant, \* mitténtes sémina sua.

Veniéntes autem vénient

cum exultatione, \* portantes manipulos suos.

**Añā.** Facti sumus sicut consolati.

**Capitulum.** 2. Cor. 1.

**B**ENEDICTUS Deus, et Pater Dómini nostri Jesu Christi, Pater misericordiarum, et Deus totius consolationis, qui consolatur nos in omni tribulatione nostra.

**Hymnus.**

**T**ELLURIS alme Cónditor,  
Mundi solum qui separans,

Pulsis aquæ moléstis,  
Terram dedisti immóbilem.

Ut germen aptum próferens,  
Fulvis decóra flóribus,  
Fœcúnda fructu sisteret,  
Pastúmque gratū rédderet.

Mentis perústæ vúlnera  
Munda viróre grátiae;  
Ut facta fletu díluat,  
Motúsque pravos átterat.

Iussis tuis obtémperet :  
Nullis malis appróximet :  
Bonis repléri gáudeat,  
Et mortis ictum nésciat.

Præsta, Pater piíssime,  
Patrique compar Unice,  
Cum Spíritu Paráclito  
Regnans per omne sæculum. Amen.

ŕ. Dirigátur, Dómine, orátio mea. **ñ.** Sicut incénsum in conspéctu tuo.

**Ad Magnificat.** **Añā.**

Exúltet spíritus meus in Deo salutári meo.

**Preces, si dicendæ sint, habentur** 139.

**FERIA QUARTA.**

**Ad Vesperas.**

**Añā.** Non confundétur.

**Psalmus** 126.

**N**ISI Dóminus ædificáverit domum, \* in vanum laboravérunt qui ædificant eam.

**N**isi Dóminus custodierit civitatem, \* frustra vigilat qui custódit eam.

**V**anum est vobis ante lucem súrgere : \* súrgite postquam sedéritis, qui manducátis panem dolóris.

**C**um déderit diléctis suis somnum : \* ecce heréditas Dómini, filii : merces, fructus ventris.

**S**icut sagittæ in manu poténtis : \* ita filii excussórum.

**B**eátus vir qui implévit desidérium suum ex ipsis : \* non confundétur cum loquétur inimícis suis in porta.

**Añā.** Non confundétur cum loquétur inimícis suis in porta.

**Añā.** Beáti.

**Psalmus** 127.

**B**EATI omnes, qui timent Dóminum, \* qui ámbulant in viis ejus.

**L**abóres mánuum tuárum quia manducábis : \* beátus es, et bene tibi erit.

**U**xor tua sicut vitis abúndans, \* in latéribus domus tuæ.

**F**ilii tui sicut novéllæ olivárum, \* in circúitu mensæ tuæ.

**E**cce sic benedicétur homo,  
\* qui timet Dóminum.

**B**enedicat tibi Dóminus ex  
Sion : \* et videas bona Je-  
rúsalem ómnibus diébus vi-  
tæ tuæ.

**E**t videas filios filiórum tuó-  
rum, \* pacem super Israel.

**Añā.** Beáti omnes, qui ti-  
ment Dóminum.

**Añā.** Sæpe.

**Psalmus 128.**

**S**ÆPE expugnávérunt me a  
juventúte mea, \* dicat  
nunc Israel.

**S**æpe expugnávérunt me a  
juventúte mea : \* étenim  
non potuérunt mihi.

**S**upra dorsum meum fa-  
bricávérunt peccatóres : \*  
prolongávérunt iniquitátem  
suam.

**D**óminus justus concídit cer-  
vices peccatórum : \* con-  
fundántur, et convertántur  
retrórsum omnes, qui odé-  
runt Sion.

**F**iant sicut fœnum tectó-  
rum, \* quod priúsqvam  
evellátur, exáruit :

**D**e quo non implévit ma-  
num suam qui metit, \* et  
sinum suum qui manipulos  
cólligit :

**E**t non dixerunt qui præ-  
teribant : Benedictio Dó-  
mini super vos : \* bene-  
diximus vobis in nómine  
Dómini.

**Añā.** Sæpe expugnávérunt  
me a juventúte mea.

**Añā.** De profúndis.

**Psalmus 129.**

**D**E profúndis clamávi ad  
te, Dómine : \* Dómine,  
exáudi vocem meam.

**F**iant aures tuæ intendén-  
tes, \* in vocem deprecatió-  
nis meæ.

**S**i iniquitátes observáveris,  
Dómine ! \* Dómine, quis  
sustinébit ?

**Q**uia apud te propitiatio  
est ! \* et propter legem  
tuam sustinui te, Dómine.

**S**ustinuit ánima mea in ver-  
bo ejus : \* sperávit ánima  
mea in Dómino.

**A** custódia matutína usque  
ad noctem : \* speret Israel  
in Dómino.

**Q**uia apud Dóminum mi-  
sericórdia : \* et copiósa  
apud eum redemptio.

**E**t ipse rédimet Israel, \* ex  
ómnibus iniquitátibus ejus.

**Añā.** De profúndis clamávi  
ad te, Dómine.

**Añā.** Speret.

**Psalmus 130.**

**D**OMINE, non est exaltátum  
cor meum ! \* neque  
eláti sunt óculi mei.

**N**eque ambulávi in magnis :  
\* neque in mirabilibus su-  
per me.

**S**i non humíliter sentiébam :  
\* sed exaltávi animā meam :

**S**icut ablactátus est super  
matre sua, \* ita retribútio  
in ánima mea.

**S**peret Israel in Dño \* ex hoc  
nunc, et usque in sæculum.

**Añā.** Speret Israel in Dño.



## Capitulum. 2. Cor. 1.

**B**ENEDICTUS Deus, et Pater  
Dómini nostri Jesu Chri-  
sti, Pater misericordiárum,  
et Deus totíus consolatió-  
nis, qui consolátur nos in  
omni tribulatióne nostra.

## Hymnus.

**C**OELESTI Deus sanctíssime,  
Qui lúcidas mundi pla-  
gas

Candóre pingis ígneo,  
Augens decóro lúmine.

Quarto die qui flámmeam  
Dum solis accéndis rotam,  
Lunæ ministras órduem,  
Vagósque cursus síderum.

Ut nóctibus, vel lúmini  
Diremptiósni térmínum,  
Primórdiis et ménsium  
Signum dares notíssimum.

Expélle noctem córdium:  
Abstérge sordes méntium:  
Resólve culpæ vínculum:  
Evérte moles críminum.

Præsta, Pater piíssime,  
Patrique compar Unice,  
Cum Spírítu Paráclito  
Regnans per omne sæcu-  
lum. Amen.

**V.** Dirigátur, Dómine, orá-  
tio mea. **R.** Sicut incénsum  
in conspéctu tuo.

## Ad Magnificat, Añna.

Respéxit Dóminus humilitá-  
tem meam, et fecit in me  
magna, qui potens est.

Preces, si dicendæ sint,  
habentur 439.

## FERIA QUINTA.

## Ad Vesperas.

Añna. Et omnis.

## Psalmus 131.

**M**EMENTO, Dómine, David,  
\* et omnis mansuetúdi-  
nis ejus:

Sicut jurávit Dómino, \* vo-  
tum vovit Deo Jacob.

Si introíero in tabernácu-  
lum domus meæ, \* si ascén-  
dero in lectum strati mei:

Si dédero somnum óculis  
meis, \* et pálpebris meis  
dormitatióne,

Et réquiem tempóribus meis:  
donec invéniam locum Dó-  
mino, \* tabernáculum Deo  
Jacob.

Ecce audívimus eam in E-  
phrata: \* invénimus eam  
in campis silvæ.

Introíbimus in tabernácu-  
lum ejus: \* adorábimus in  
loco, ubi stetérunt pedes ejus.

Surge, Dómine, in réquiem  
tuam, \* tu et arca sanctifi-  
catiósni tuæ.

Sacerdótes tui induántur  
justítiam! \* et sancti tui  
exúltent.

Propter David servum tuum,  
\* non avértas fáciem Chri-  
sti tui.

Jurávit Dóminus David ve-  
ritátem, et non frustrábitur  
eam: \* De fructu ventris tui  
ponam super sedem tuam.

Si custodierint filii tui te-  
staméntum meum, \* et te-  
stimónia mea hæc, quæ  
docébo eos:

Et filii eórum usque in sæ-  
culum, \* sedébunt super se-  
dem tuam.



Quóniam elégit Dóminus Sion : \* elégit eam in habitationem sibi.

Hæc réquies mea in sæculum sæculi : \* hic habitábo, quóniam elégi eam.

Víduam ejus benedicens benedicam : \* páuperes ejus saturábo pánibus.

Sacerdótes ejus induam salutári : \* et sancti ejus exultatióne exultábunt.

Illuc producam cornu David, \* parávi lucérnam Christo meo.

Inimicos ejus induam confusione : \* super ipsum autem efflorébit sanctificatio mea.

*Añã.* Et omnis mansuetudinis ejus.

*Añã.* Ecce.

**Psalmus 132.**

**E**CCE quam bonum, et quam jucúndum \* habitáre fratres in unum !

Sicut unguéntum in cápite, \* quod descéndit in barbam, barbam Aaron.

Quod descéndit in oram vestiménti ejus : \* sicut ros Hermon, qui descéndit in montem Sion.

Quóniam illic mandávit Dóminus benedictionem, \* et vitam usque in sæculum.

*Añã.* Ecce quam bonum, et quam jucúndum habitáre fratres in unum !

*Añã.* Omnia.

**Psalmus 134.**

**L**AUDATE nomen Dómini, \* Laudaté, servi, Dóminum.

Qui statis in domo Dómini, \* in átriis domus Dei nostri.

Laudáte Dóminum, quia bonus Dóminus : \* psállite nómini ejus, quóniam suáve.

Quóniam Jacob elégit sibi Dóminus, \* Israel in possessionem sibi.

Quia ego cognóvi quod magnus est Dóminus, \* et Deus noster præ ómnibus diis.

Omnia quaecúmque vóluit, Dóminus fecit in cœlo, et in terra, \* in mari, et in ómnibus abyssis.

Educens nubes ab extrémó terræ : \* fúlgura in plúviam fecit.

Qui producit ventos de thesáuris suis : \* qui percussit primogénita Ægypti ab hómine usque ad pecus.

Et misit signa, et prodigia in médio tui, Ægypte : \* in Pharaónem, et in omnes servos ejus.

Qui percussit gentes multas : \* et occídit reges fortes.

Selon regem Amorrhæorum, et Og regem Basan, \* et ómnia regna Chánaan.

Et dedit terram eórum hereditatem, \* hereditatem Israel pópulo suo.

Dómine, nomen tuum in ætérnum : \* Dómine, memoriále tuum in generationem et generationem.

Quia judicábit Dóminus pópulum suum : \* et in servis suis deprecábitur.

**S**imulácula Géntium argéntum, et aurum, \* ópera mánuum hóminum.

**O**s habent, et non loquéntur: \* óculos habent, et non vidébunt.

**A**ures habent, et non audient: \* neque enim est spíritus in ore ipsórum.

**S**ímiles illis fiant qui faciunt ea: \* et omnes, qui confidunt in eis.

**D**omus Israel, benedicite Dómino: \* domus Aaron, benedicite Dómino.

**D**omus Levi, benedicite Dómino: \* qui timétis Dóminum, benedicite Dómino.

**B**enedictus Dóminus ex Sion: \* qui hábitat in Jerúsalem.

**Añs.** Omnia quaecúmque vóluit, Dóminus fecit.

**Añs.** Quóniam in ætérnum.

**Psalmus 135.**

**C**ONFITEMINI Dómino quóniam bonus; \* quóniam in ætérnum misericórdia ejus.

**C**onfitémini Deo deórum: \* quóniam in ætérnum misericórdia ejus.

**C**onfitémini Dómino dominórum: \* quóniam in ætérnum misericórdia ejus.

**Q**ui facit mirabilia magna solus: \* quóniam in ætérnum misericórdia ejus.

**Q**ui fecit cœlos in intellectu: \* quóniam in ætérnum misericórdia ejus.

**Q**ui firmávit terram super

aquas: \* quóniam in ætérnum misericórdia ejus.

**Q**ui fecit luminária magna: \* quóniam in ætérnum misericórdia ejus.

**S**olem in potestátem diéi: \* quóniam in ætérnum misericórdia ejus.

**L**unam, et stellas in potestátem noctis: \* quóniam in ætérnum misericórdia ejus.

**Q**ui percússit Ægyptum cum primogénitis eórum: \* quóniam in ætérnum misericórdia ejus.

**Q**ui edúxit Israel de médio eórum: \* quóniam in ætérnum misericórdia ejus.

**I**n manu poténti, et bráchio excélso: \* quóniam in ætérnum misericórdia ejus.

**Q**ui divisit mare Rubrum in divisiónes: \* quóniam in ætérnum misericórdia ejus.

**E**t edúxit Israel per médium ejus: \* quóniam in ætérnum misericórdia ejus.

**E**t excússit Pharaónem, et virtútem ejus in mari Rubro: \* quóniam in ætérnum misericórdia ejus.

**Q**ui tradúxit pópulum suum per désertum: \* quóniam in ætérnum misericórdia ejus.

**Q**ui percússit reges magnos: \* quóniam in ætérnum misericórdia ejus.

**E**t occídit reges fortes: \* quóniam in ætérnum misericórdia ejus.

**S**ehon regem Amorrhæó-

rum : \* quóniam in ætérnum misericórdia ejus.

**Et** Og regem Basan : \* quóniam in ætérnum misericórdia ejus.

**Et** dedit terram córum hereditátem : \* quóniam in ætérnum misericórdia ejus.

**Hereditátem** Israel servo suo : \* quóniam in ætérnum misericórdia ejus.

**Quia** in humilitáte nostra memor fuit nostri : \* quóniam in ætérnum misericórdia ejus.

**Et** redémit nos ab inimícis nostris : \* quóniam in ætérnum misericórdia ejus.

**Qui** dat escam omni carni : \* quóniam in ætérnum misericórdia ejus.

**Confitémini** Deo cœli : \* quóniam in ætérnum misericórdia ejus.

**Confitémini** Dómino dominórum : \* quóniam in ætérnum misericórdia ejus.

**Aña.** Quóniam in ætérnum misericórdia ejus.

**Aña.** Hymnum cantáte.

### Psalmus 136.

**SUPER** flúmina Babylónis ,  
illic sédimus et flévimus :

\* cum recordarémur Sion :

**In** salicibus in médio ejus , \*  
suspendimus órgana nostra.

**Quia** illic interrogavérunt  
nos , qui captívos duxérunt  
nos , \* verba cantiónum.

**Et** qui abduxérunt nos : \*  
Hymnum cantáte nobis de  
cánticis Sion.

**Quómmodo** cantábimus cánticum  
Dómini \* in terra  
aliéna ?

**Si** oblitus fúero tui Jerúsalem : \*  
oblivióni detur déxtera mea.

**Adhæreat** lingua mea fáucibus  
meis , \* si non memínero  
tui :

**Si** non proposúero Jerúsalem ,  
\* in princípio lætitiæ  
meæ.

**Memor** esto, Dómine, filiórurum  
Edom , \* in die Jerúsalem :

**Qui** dicunt : Exinaníte , exinaníte  
\* usque ad fundaméntum in ea.

**Fília** Babylónis mísera : \*  
beátus , qui retríbuet tibi  
retributióem tuam , quam  
retribuísti nobis.

**Peátus** , qui tenébit , \* et  
allidet párvulos tuos ad petram.

**Aña.** Hymnum cantáte nobis  
de cánticis Sion.

### Capitulum. 2. Cor. 1.

**BENEDICTUS** Deus, et Pater  
Dómini nostri Jesu Christi ,  
Pater misericordiárum,  
et Deus totíus consolatiónis,  
qui consolátur nos in  
omni tribulatióne nostra.

### Hymnus.

**MAGNÆ** Deus poténtiæ ,  
Qui fértili natos aqua  
Partim relinquis gúrgiti ,  
Partim levas in áera.

**Demersa** lymphis imprimens ,  
Subvécta cœlis érigens :

Ut stirpe ab una pródita  
Díversa répleant loca.

Largíre cunctis sérvulis ,  
Quos mundat unda sánguini-  
nis ,

Nescíre lapsus criminum ,  
Nec ferre mortis tædium.

Ut culpa nullum déprimat !

Nullum éfferat jactántia :

Elísa mens ne cóncidat :

Eláta mens ne córruat.

Præsta , Pater piíssime ,

Patrique compar Unice ,

Cum Spíritu Paráclito

Regnans per omne sæcu-  
lum. Amen.

Ÿ. Dirigátur, Dómine, orá-  
tio mea. R̃. Sicut incénsum  
in conspéctu tuo.

**Ad Magnificat, Aña.**

Fac, Deus, poténtiam in  
bráchio tuo : dispérde su-  
pérbos, et exálta húmiles.

**Preces, si dicendæ sint,**  
**habentur 139.**

**FERIA SEXTA.**

**Ad Vesperas.**

**Aña.** In conspéctu.

**Psalmus 137.**

**C**ONFITEBOR tibi, Dómine, in  
toto corde meo : \* quón-  
iam audísti verba oris mei.

In conspéctu Angelórum  
psallam tibi : \* adorábo ad  
templum sanctum tuum , et  
confitébor nómini tuo.

Super misericórdia tua , et  
veritate tua : \* quóniam  
magnificásti super omne ,  
nomen sanctum tuum.

In quacúmque die invo-  
cávero te , exáudi me : \*

multiplicábis in ánima mea  
virtútem.

Confiteántur tibi , Dómine,  
omnes reges terræ : \* quia  
audiérunt ómnia verba oris  
tui.

Et cantent in viis Dómini :  
\* quóniam magna est glória  
Dómini.

Quóniam excélsus Dóminus,  
et humília réspicit : \* et  
alta a longe cognóscit.

Si ambulávero in médio tri-  
bulatiónis , vivificábis me :  
\* et super iram inimicórum  
meórum extendísti manum  
tuam , et salvum me fecit  
délixtera tua.

Dóminus retribuet pro me :  
Dómine, misericórdia tua in  
sæculum : \* ópera mánuum  
tuárum ne despicias.

**Aña.** In conspéctu Angeló-  
rum psallam tibi, Deus meus.

**Aña.** Dómine.

**Psalmus 138.**

**D**OMINE, probásti me, et  
cognovísti me : \* tu cog-  
novisti sessiόνem meam , et  
resurrectiόνem meam.

Intellexísti cogitatiónes me-  
as de longe : \* sémitam  
meam , et funiculum meum  
investigásti.

Et omnes vias meas præ-  
vidísti : \* quia non est ser-  
mo in lingua mea.

Ecce, Dómine, tu cognoví-  
sti ómnia , novíssima , et  
antíqua : \* tu formásti me,  
et posuísti super me manum  
tuam.

**M**irabilis facta est sciéntia tua ex me : \* confortáta est, et non pótero ad eam.

**Q**uo ibo a spiritu tuo ? \* et quo a fácie tua fúgiam ?

**S**i ascéndero in cœlum, tu illic es ; \* si descéndero in inférnum, ades.

**S**i sumpsero pennas meas dilúculo, \* et habitávero in extrémis maris :

**E**tenim illuc manus tua dedúcet me : \* et tenébit me dextera tua.

**E**t dixi : Fórsitan ténebræ conculcábunt me : \* et nox illuminátio mea in deliciis meis.

**Q**uia ténebræ non obscurábuntur a te, et nox sicut dies illuminábitur : \* sicut ténebræ ejus, ita et lumen ejus.

**Q**uia tu possedisti renes meos : \* suscepisti me de útero matris meæ.

**C**onfitébor tibi quia terribiliter magnificátus es : \* mirabilia ópera tua, et ánima mea cognóscit nimis.

**N**on est occultátum os meum a te, quod fecisti in occulto : \* et substántia mea in inferiórius terræ.

**I**mparféctū meum vidérunt óculi tui, et in libro tuo omnes scribéntur : \* dies formabúntur, et nemo in eis.

**M**ihi autem nimis honorificáti sunt amici tui, Deus : \* nimis confortátus est princípatus córum.

**D**inumerábo eos, et super arénam multiplicabúntur : \* exsurrexi, et adhuc sum tecum.

**S**i occideris Deus peccátóres : \* viri sánguinem declináte a me :

**Q**uia dicitis in cogitatíone : \* Accipient in vanitáte civitates tuas.

**N**onne qui odérunt te, Dómine, óderam : \* et super inimícos tuos tabescébam ?

**P**erfécto ódio óderam illos : \* et inimíci facti sunt mihi.

**P**roba me, Deus, et scito cor meum : \* intérroga me, et cognósce sémitas meas.

**E**t vide, si via iniquitátis in me est : \* et deduc me in via æténa.

**Aññ.** Dómine, probásti me, et cognovísti me.

**Aññ.** A viro iníquo.

### Psalmus 139.

**E**RIPE me, Dómine, ab hómine malo : \* a viro iníquo éripe me.

**Q**ui cogitavérunt iniquitátes in corde : \* tota die constituébant prælia.

**A**cuérunt linguas suas sicut serpéntis : \* venénium áspidum sub lábiis eórum.

**C**ustódi me, Dómine, de manu peccátóris : \* et ab homínibus iníquis éripe me.

**Q**ui cogitavérunt supplantáre gressus meos : \* abscondérunt supérbi láqueum mihi :

**E**t funes extendérunt in

lâqueum : \* juxta iter scâ-  
dalum posuerunt mihi.

**D**ixi Dómino : Deus meus  
es tu : \* exáudi, Dómine, vo-  
cem deprecationis meæ.

**D**ómine, Dómine, virtus sa-  
lútis meæ : \* obumbrásti  
super caput meum in die  
belli :

**N**e tradas me, Dómine, a  
desidério meo peccatóri : \*  
cogitavérunt contra me, ne  
derelinquas me, ne forte  
exalténtur.

**C**aput circúitus eórum, \* la-  
bor labiórum ipsórum opé-  
riet eos.

**C**adent super eos carbónes,  
in ignem dejicies eos : \* in  
misériis non subsistent.

**V**ir linguósus non dirigétur  
in terra : \* virum injú-  
stum mala cápiunt in iu-  
térítu.

**C**ognóvi quia fáciat Dómi-  
nus judícium inopis : \* et  
vindíctam páuperum.

**V**erúmtamen justí confi-  
tebúntur nómini tuo : \* et  
habitábunt recti cum vultu  
tuo.

**Añã.** A viro iníquo libera  
me, Dómine.

**Añã.** Dómine.

**Psalmus 140.**

**D**OMINE, clamávi ad te, ex-  
áudi me : \* inténde voci  
meæ, cum clamávero ad te.

**D**irigátur orátio mea sicut  
incénsus in conspéctu tuo :  
\* elevátio mánuum meárum  
sacrificiú vespertínus.

**P**one, Dómine, custódiam  
ori meo : \* et óstium cir-  
cumstántiæ lábiis meis.

**N**on declínes cor meum in  
verba malitiæ, \* ad excu-  
sándas excusatiónes in pec-  
cátis.

**C**um homínibus operánti-  
bus iniquitátem : \* et non  
communicábo cum eléctis  
eórum.

**C**orripiet me justus in mise-  
ricórdia, et increpábit me :  
\* óleum autem peccatóris  
non impinguet caput meum.

**Q**uóniam adhuc et orátio  
mea in beneplácitis eórum :  
\* absórpti sunt juncti pe-  
træ júdices eórum.

**A**udient verba mea quó-  
niam potuérunt : \* sicut  
crassitúdo terræ erúpta est  
super terram.

**D**issipáta sunt ossa nostra  
secus inférnum : \* quia ad  
te, Dómine, Dómine, óculi  
mei : in te sperávi, non au-  
feras ánimam meam.

**C**ustódi me a lâqueo, quem  
statuérunt mihi : \* et a  
scándalis operántium ini-  
quitátem.

**C**adent in retiáculo ejus pec-  
catóres . \* singuláríter sum  
ego donec tránseam.

**Añã.** Dómine, clamávi ad te,  
exáudi me.

**Añã.** Pórtio mea.

**Psalmus 141.**

**V**OCE mea ad Dóminum  
clamávi \* voce mea ad  
Dóminum deprecátus sum :



Effúndo in conspéctu ejus  
oratióem meam, \* et  
tribulatióem meam ante  
ipsum pronúntio.

In deficiéndo ex me spi-  
ritum meum, \* et tu cogno-  
visti sémitas meas.

In via hac, qua ambulá-  
bam, \* abscondérunt lá-  
queum mihi.

Considerábam ad dexteram  
et vidébam : \* et non erat  
qui cognósceret me.

Périit fuga a me, \* et non  
est qui requírat ánimam  
meam.

Clamávi ad te, Dómine, \*  
dixi : Tu es spes mea, pórtio  
mea in terra vivéntium.

Inténde ad deprecatióem  
meam : \* quia humiliátus  
sum nimis.

Libera me a persecuénti-  
bus me : \* quia confortáti  
sunt super me.

Educ de custódia ánimam  
meam ad confiténdum nó-  
mini tuo : \* me expéctant  
justi, donec retribuas mihi.

**Añã.** Pórtio mea, Dómine,  
sit in terra vivéntium.

**Capit.** Benedictus. 148.

**Hymnus.**

**H**OMINIS supérne Cón-  
di- tor,

Qui cuncta solus ór-  
dinans,

Humum jubes producere

Reptántis et feræ genus :

**Et** magna rerum córpora,

Dictu jubéntis vívida,

Per témporum certas vices

Obtemperáre sérvulis.

Repélle quod, cupídinis  
Ciénte vi, nos ímpetit,  
Aut móribus se súggerit,  
Aut áctibus se intérserit.

**Da** gaudiórum præmia :

**Da** gratiárum múnera :

Dissólve litis víncula :

Adstrínge pacis fœdera.

**Præsta,** Pater piíssime

Pátrique compar Unice,

Cum Spíritu Paráclito

Regnans per omne sæcu-  
lum. Amen.

**Y.** Dirigátur, Dómine, ora-  
tio mea. **R.** Sicut incén-  
sum in conspéctu tuo.

**Ad Magnificat. Añã.**

Depósuit poténtes, sanctos  
persequéntes : et exaltávit  
húmiles, Christum confi-  
téntes.

**Preces, quando dicendæ  
sunt, habentur supra. 139.**

**SABBATO**

**Ad Vesperas.**

**Añã.** Benedictus.

**Psalmus 143.**

**B**ENEDICTUS Dóminus Deus  
meus, qui docet manus  
meas ad prælium, \* et dígi-  
tos meos ad bellum.

**Misericórdia** mea, et refú-  
gium meum : \* suscep-  
tor meus, et liberátor meus :

**Protéctor** meus, et in ipso  
sperávi : \* qui subdit pópu-  
lum meum sub me.

**Dómine,** quid est homo,  
quia innotuísti ei? \* aut  
filius hómínis, quia réputas  
eum?

**Homo** vanitáti símilis fa-

ctus est : \* dies ejus sicut umbra prætereunt.

**D**omine, inclina cœlos tuos, et descende : \* tange montes, et fumigabunt.

**F**ulgura coruscationem, et dissipabis eos : \* emitte sagittas tuas, et conturbabis eos :

**E**mitte manum tuam de alto, eripe me, et libera me de aquis multis : \* de manu filiorum alienorum.

**Q**uorum os locutum est vanitatem : \* et dextera eorum, dextera iniquitatis.

**D**eus canticum novum cantabo tibi : \* in psalterio decachôrdo psallam tibi.

**Q**ui das salutem rêgibus : \* qui redemisti David servum tuum, de gladio maligno eripe me.

**E**t erue me de manu filiorum alienorum, quorum os locutum est vanitatem : \* et dextera eorum, dextera iniquitatis :

**Q**uorum filii, sicut novellæ plantationes \* in juventute sua.

**F**iliæ eorum compositæ : \* circumornatæ ut similitudo templi.

**P**romptuaria eorum plena, \* eructantia ex hoc in illud.

**O**ves eorum foetôsæ, abundantes in egressibus suis : \* boves eorum crassæ :

**N**on est ruina maceriæ, neque transitus : \* neque clamor in platéis eorum.

**B**eatum dixerunt populum, cui hæc sunt : \* beatus populus, cujus Dóminus Deus ejus.

**A**ña. Benedictus Dóminus Deus meus.

**A**ña. Per singulos dies.

**Psalmus 144.**

**E**XALTABO te, Deus meus Rex : \* et benedicam nómini tuo in sæculum, et in sæculum sæculi.

**P**er singulos dies benedicam tibi : \* et laudabo nomen tuum in sæculum, et in sæculum sæculi.

**M**agnus Dóminus et laudabilis nimis : \* et magnitudinis ejus non est finis.

**G**eneratio et generatio laudabit ópera tua : \* et potentiam tuam pronuntiabunt.

**M**agnificéntiam glóriæ sanctitatis tuæ loquéntur : \* et mirabilia tua narrabunt.

**E**t virtutem terribilium tuorum dicent : \* et magnitudinem tuam narrabunt.

**M**emóriam abundantiae suavitatis tuæ eructabunt : \* et justitia tua exultabunt.

**M**iserátor et miséricors Dóminus : \* pátiens, et multum miséricors.

**S**uavis Dóminus univérsis : \* et miserationes ejus super ómnia ópera ejus.

**C**onfiteántur tibi, Dómine, ómnia ópera tua : \* et sancti tui benedicant tibi.

**G**loriam regni tui dicent :

\* et poténtiam tuam loquén-  
tur.

**U**t notam fácient filiis hó-  
minum poténtiam tuam :  
\* et glóriam magnificéntiæ  
regni tui.

**R**egnum tuum , regnum  
ómnium sæculórum : \* et do-  
minátio tua in omni gene-  
ratióne et generatióne.

**F**idélis Dóminus in ómnibus  
verbis suis : \* et sanctus  
in ómnibus opéribus suis.

**A**lleuat Dóminus omnes ,  
qui córruunt : \* et érigit  
omnes elisos.

**O**culi ómnium in te spe-  
rant , Dómine : \* et tu das  
escam illórum in témpore  
opportúno.

**A**peris tu manum tuam : \*  
et imples omne ánimál be-  
nedictióne.

**I**ustus Dóminus in ómnibus  
viis suis : \* et sanctus in  
ómnibus opéribus suis.

**P**rope est Dóminus ómni-  
bus invocántibus eum : \*  
ómnibus invocántibus eum  
in veritáte.

**V**oluntátem timéntium se  
fáciat : \* et deprecatióne  
eórum exáudiet : et salvos  
fáciat eos.

**C**ustódit Dóminus omnes  
diligéntes se : \* et omnes  
peccatóres dispérdet.

**L**audatióne Dómini lo-  
quétur os meum : \* et be-  
nedicat omnis caro nómini  
sancto ejus in sæculum , et  
in sæculum sæculi.

**Añá.** Per singulos dies be-  
nedicam te , Dómine.

**Añá.** Laudábo.

**Psalmus 145.**

**L**AUDA, ánima mea, Dómi-  
num , laudábo Dóminum  
in vita mea : \* psallam Deo  
meo quámdiu fuero.

**N**olite confidere in prin-  
cípibus : \* in filiis hómi-  
num , in quibus non est  
salus.

**E**xibit spíritus ejus , et re-  
vertétur in terram suam :  
\* in illa die peribunt omnes  
cogitatióes eórum.

**B**eátus , ejus Deus Jacob  
adjutor ejus , spes ejus in  
Dómino Deo ipsius : \* qui  
fecit cœlum et terram ,  
mare, et ómnia, quæ in eis  
sunt.

**Q**ui custódit veritátem in  
sæculum , facit judícium in-  
júriam patiéntibus : \* dat  
escam esuriéntibus.

**D**óminus solvit compedi-  
tos : \* Dóminus illúminat  
cæcos.

**D**óminus érigit elisos , \*  
Dóminus diligit justos.

**D**óminus custódit ádvenas ,  
pupillum , et víduam susci-  
piet : \* et vias peccatórum  
dispérdet.

**R**egnábit Dóminus in sæ-  
cula Deus tuus Sion , \* in  
generatióne et generatió-  
nem.

**Añá.** Laudábo Deum meum  
in vita mea.

**Añá.** Deo nostro.

## Psalmus 146.

**L**AUDATE Dóminum quóniam bonus est psalmus : \* Deo nostro sit jucúnda , decóraque laudátio.

**E**dificans Jerúsalem Dóminus : \* dispersiónes Israëlís congregábit.

**Q**ui sanat contrítos corde : \* et álligat contritiónes córum.

**Q**ui númerat multitudínem stellárum : \* et ómnibus eis nómina vocat.

**M**agnus Dóminus noster , et magna virtus ejus : \* et sapiéntiæ ejus non est númerus.

**S**uscipiens mansuétos Dóminus : \* humilians autem peccatóres usque ad terram.

**P**ræcínite Dómino in confessióne : \* psállite Deo nostro in cithara.

**Q**ui óperit cælum núbibus : \* et parat terræ plúviam.

**Q**ui producit in móntibus fœnum : \* et herbam servitúti hóminum.

**Q**ui dat juméntis escam ipsórum : \* et pullis corvórum invocántibus eum.

**N**on in fortitúdine equi voluntátem habébit : \* nec in tibiis viri beneplácitum erit ei.

**B**eneplácitum est Dómino super tíméntes eum : \* et in eis , qui sperant super misericórdia ejus.

**Añs.** Deo nostro jucúnda sit laudátio.

**Añs.** Lauda.

## Psalmus 147.

**L**AUDA, Jerúsalem, Dóminus : \* lauda Deum tuum Sion.

**Q**uóniam confortávit seras portárum tuárum : \* benedíxit filiis tuis in te.

**Q**ui pósuit fines tuos pacem : \* et ádipe fruménti sátiat te.

**Q**ui emittit clóquium suum terræ : \* velóceiter currit sermo ejus.

**Q**ui dat nivem sicut lanam : \* nébulam sicut cínere spargit.

**M**ittit crystállum suam sicut buccéllas : \* ante fáciem frígoris ejus quis sustinébit ?

**E**mittet verbum suum , et liquefáciat ea : \* flabit spíritus ejus , et fluent aquæ.

**Q**ui annúntiat verbum suum Jacob : \* justítias et judícia sua Israel.

**N**on fecit táliter omni nátióni : \* et judícia sua non manifestávit eis.

**Añs.** Lauda , Jerúsalem , Dóminum.

## Capitulum.

*Rom. 11. d*

**O** altitúdo divitiárum sapiéntiæ , et sciéntiæ Dei : quam incomprehensibília sunt judícia ejus , et investigábiles viæ ejus !

## Hymnus.

**J**AM sol recedit igneus :  
 Tu lux perennis, Unitas,  
 Nostris, beata Trinitas,  
 Infunde lumen cordibus.  
 Te mane laudum carmine,  
 Te deprecamur vespere :  
 Digneris, ut te supplices  
 Laudemus inter Cœlites.  
 Patri, simulque Filio,  
 Tibique, sancte Spiritus,  
 Sicut fuit, sit jugiter  
 Sæclum per omne gloria.  
 Amen.

**V.** Vespertina oratio ascen-  
 dat ad te, Domine. **R.** Et  
 descendat super nos miseri-  
 cordia tua.

**Capit.** O altitudo, dicitur  
 in Vesperis Sabbati, ab Oct.  
 Pentecostes usque ad Adven-  
 tum cum Hymno et versu  
 sequenti. **Añã** ad Magnificat  
 dicitur prout assignatur in-  
 fra in Proprio de Tempore.  
 Post Añam dicitur Oratio  
 propria.

Deinde fiunt sequentes  
 Commemorationes commu-  
 nes, seu Suffragia Sancto-  
 rum, quæ dicuntur etiam ad  
 Laudes.

## COMMEMORATIO

## DE CRUCE

In feriali tantum Officio.

**Ad Vesp. et Laud. Añã.**  
 Per signum Crucis de inimí-  
 cis nostris libera nos, Deus  
 noster. **V.** Omnis terra adó-  
 ret te, et psallat tibi. **R.**  
 Psalmum dicat nómini tuo,  
 Domine.

## Oremus. Oratio.

**P**ERPETUA nos, quæsumus  
 Dómine, pace custódi :  
 quos per lignum sanctæ  
 Crucis redímere digná-  
 tus es.

## COMMEMORATIONES

## COMMUNES,

## SIVE SUFFRAGIA SANCTORUM.

**De sancta Maria, quando  
 non dicitur ejus Officium  
 parvum.**

**Ad Vesperas, et Laudes.**

**Añã.** Sancta Mariá, succúr-  
 re miseris, juva pusilláni-  
 mes, réfove flébiles, ora pro  
 pópulo, intéveni pro clero,  
 intercède pro devóto femí-  
 neo sexu : sentiant omnes  
 tuum juvámén, quicúm-  
 que celebrant tuam sanctam  
 commemoratiónem. **V.** Ora  
 pro nobis, sancta Dei Gé-  
 nitrix. **R.** Ut digni efficiá-  
 mur promissiõibus Chri-  
 sti.

## Oremus. Oratio.

**C**ONCEDE nos fámulos  
 tuos, quæsumus Dómine  
 Deus, perpétua mentis et  
 córporis sanitáte gaudére :  
 et gloriósa beátæ Mariæ  
 semper Vírginis interces-  
 sióne, a præsénti liberári  
 tristítia, et æténa pérfrui  
 lætítia.

**De Apostolis.**

**Ad Vesperas, Añã.** Pe-  
 trus Apóstolus, et Paulus  
 Doctor Géntium, ipsi nos  
 docuérunt legem tuam, Dó-  
 mine. **V.** Constitues eos prin-

cipes super omnem terram.  
*R.* Mémores erunt nóminis  
 tui, Dómine.

*Ad Laudes, Añá.* Gloriósi  
 príncipes terræ quómodo in  
 vita sua dilexérunt se, ita et  
 in morte non sunt separáti.

*V.* In omnem terram exí-  
 vit sonus eórum. *R.* Et in  
 fines orbis terræ verba eó-  
 rum.

*Orémus. Oratio.*

**D**EUS, cujus dextera beá-  
 tum Petrum, ambulán-  
 tem in flúctibus, ne merge-  
 rétur, eréxit : et coapóstol-  
 um ejus Paulum tértio nau-  
 fragántem de profundo pé-  
 lagi liberávit : exáudi nos  
 propítius, et concéde ; ut  
 ambórum méritis, æter-  
 nitátis glóriam consequá-  
 mur.

*De Patrono, vel Titulari  
 Ecclesiæ fit Commemoratio  
 consueta ante vel post Com-  
 memoraciones prædictas,  
 pro dignitate illius, et ultimo  
 loco de Pace.*

*Ad Vesp., et Laud. Añá.*  
 Da pacem, Dómine, in diébus  
 nostris, quia non est álius  
 qui pugnet pro nobis, nisi  
 tu Deus noster. *V.* Fiat  
 pax in virtúte tua. *R.* Et  
 abundántia in túrribus  
 tuis.

*Orémus. Oratio.*

**D**EUS, a quo sancta desi-  
 déría, recta consília,  
 et justa sunt ópera : da ser-  
 vis tuis illam, quam mun-

dus dare non potest pacem :  
 ut et corda nostra mandá-  
 tis tuis dédita, et hóstium  
 subláta formídine, témpo-  
 ra sint tua protectióne tran-  
 quilla. Per Dóminum. *R.*  
 Amen.

*V.* Dóminus vobíscum. *R.*  
 Et cum spíritu tuo. *V.* Be-  
 nedicámus Dómino. *R.* Deo  
 grátias. *V.* Fidélium áni-  
 mæ per misericórdiam Dei  
 requiéscant in pace. *R.*  
 Amen.

*Deinde dicitur secreto Pa-  
 ter noster.*

*Sic terminatur Offic. ubi  
 alia non sequatur Hora, ut  
 dicitur in Rubr. de Orat.  
 Dñica.*

*Dictæ Commemoratio-  
 nes, seu Suffragia, dicuntur  
 ab Octava Pentecostes us-  
 que ad Adventum, exceptis  
 Duplicibus, et infra Octa-  
 vas.*

*Quando dicitur Officium  
 B. M. non fit alia comme-  
 moratio de ea.*

**AD COMPLETORIUM.**

*Lector incipit V.* Jube,  
 domne, benedicere. *Bened.*  
 Noctem quiétam, et finem  
 perféctum concédát nobis  
 Dóminus omnipotens. *R.*  
 Amen.

*Lectio brevis.*

*1. Pet. 5.*

**F**RATRES, Sóbrii estóte et  
 vigiláte : quia adversá-  
 rius vester diábolus tam-  
 quam leo rúgiens circuit,



quærens quem dévoret : cui resistite fortes in fide. Tu autem , Dómine , miserére nobis. **R.** Deo grátias.

**V.** Adjutórium nostrum in nómine Dómini. **R.** [Qui fecit cælum et terram. **P**ater noster , **dicitur totum secreto.** Deinde Hebdomadarius facit Confessionem.

**C**ONFITEOR Deo omnipó-  
ténti, beátæ Mariæ sem-  
per Virgini, beáto Michaéli  
Archángelo , beáto Joánni  
Baptistæ, sanctis Apóstolis  
Petro et Paulo, ómnibus  
Sanctis, et vobis, fratres :  
quia peccávi nímis cogita-  
tióne, verbo, et ópere : mea  
culpa, mea culpa, mea má-  
xima culpa. Ideo precor beá-  
tam Mariam semper Virgi-  
nem , beátum Michaélem  
Archángelum, beátum Joán-  
nem Baptistam , sanctos  
Apóstolos Petrum et Pau-  
lum, omnes Sanctos, et vos,  
fratres, oráre pro me ad  
Dóminum Deum nostrum.

**Chorus respondet :**

**M**ISEREATUR tui omnípo-  
tens Deus, et dimíssis  
peccátis tuis, perdúcat te ad  
vitam ætérnam. **R.** Amen.

Deinde repetit Conf. et  
ubi dicitur vobis, fratres, et  
vos, fratres, dicatur tibi, pa-  
ter, et te, pater.

**Facta Confess. a Choro.**

**Hebdomadarius dicit :**

**M**ISEREATUR vestri omní-  
potens Deus, et dimís-

sis peccátis vestris , perdú-  
cat vos ad vitam ætérnam.  
**R.** Amen.

**I**NDULGENTIAM , absoluti-  
onem, et remissionem pec-  
catorum nostrórum tríbuat  
nobis omnípotens et miséri-  
cors Dóminus. **R.** Amen.

Et facta Absolut. , dicitur **V.**

**C**ONVERTE nos Deus salu-  
táris noster. **R.** Et avérte  
iram tuam a nobis.

**V.** Deus in adjutórium  
meum inténde. **R.** Dómine,  
ad adjuvándum me festína.  
**G**loria Patri. Sicut erat.

**Añá.** Miserére.

**Psalmus 4.**

**C**UM invocárem, exaudivit  
me Deus justitiæ meæ : \*  
in tribulatióne dilatásti mihi.  
Miserére mei, \* et exáudi  
orationem meam.

Filii hóminum úsquequo  
gravi corde ? \* ut quid dilí-  
gitis vanitátem, et quæritis  
mendácium ?

Et scitóte quóniam mirificá-  
vit Dóminus sanctum suum :  
\* Dóminus exáudiet me ,  
cum clamávero ad eum.

Iraseímini, et nolíte pec-  
cáre : \* quæ dicitis in cór-  
dibus vestris, in cubilibus  
vestris compungímini.

Sacrificáte sacrificium ju-  
stitiæ, et speráte in Dómi-  
no, \* Multi dicunt : Quis  
osténdit nobis bona ?

Signátum est super nos lu-  
men vultus tui, Dómine : \*  
dedisti lætitiá in corde meo.

**A** fructu fruménti , vini et ólei sui : \* multiplicáti sunt.

**I**n pace in idípsum \* dórmiám , et requiéscam.

**Q**uóniam tu , Dómine , singularíter in spe \* constituísti me.

**Psalmus 30.**

**I**n te , Dómine , sperávi , non confúndar in ætérnum : \* in justitia tua libera me.

**I**nelína ad me aurem tuam , \* accélera ut éruas me.

**E**sto mihi in Deum protectórem , et in domum refúgii , \* ut salvum me fácias.

**Q**uóniam fortitúdo mea et refúgium meum es tu : \* et propter nomen tuum dedúces me , et enútries me.

**E**dúces me de láqueo hoc , quem abscondérunt mihi : \* quóniam tu es protéctor meus.

**I**n manus tuas comméndo spíritum meum : \* redemísti me , Dómine , Deus veritátis.

**Psalmus 90.**

**Q**ui hábitat in adjutório Altissimi , \* in protectióne Dei cœli commorábitur.

**D**icet Dómino : Suscéptor meus es tu , et refúgium meum : \* Deus meus sperábo in eum.

**Q**uóniam ipse liberávit me de láqueo venántium , \* et a verbo áspero.

**S**cápulis suis obumbrábit

tibi : \* et sub pennis ejus sperábis.

**S**cuto circúmdabit te véritas ejus : \* non timébis a timóre noctúrno.

**A** sagitta volánte in die , a negótio perambulánte in ténebris , \* ab incúrsu , et dæmónio meridiáno.

**C**adent a látere tuo mille , et decem millia a dextris tuis : \* ad te autem non appropinquábit.

**V**erúmtamen óculis tuis considerábis : \* et retributióne peccatórum vidébis.

**Q**uóniam tu es , Dómine , spes mea : \* altissimum posuísti refúgium tuum.

**N**on accédet ad te malum : \* et flagéllum non appropinquábit tabernáculo tuo.

**Q**uóniam Angelis suis mandávit de te : \* ut custódiant te in ómnibus viis tuis.

**I**n mánibus portábunt te : \* ne forte offéndas ad lápidem pedem tuum.

**S**uper áspidem et basilíscum ambulábis : \* et conculcábis leónem et dracónem.

**Q**uóniam in me sperávit , liberábo eum : \* prótegam eum , quóniam cognóvit nomen meum.

**C**lamábit ad me , et ego exáudiam eum : \* cum ipso sum in tribulatióne : erípiam eum , et glorificábo eum.

**L**ongitúdine diérum replébo eum : \* et osténdam illi salutáre meum.

## Psalmus 133.

**E**CCE nunc benedicite Dóminum, \* omnes servi Dómini.

Qui statis in domo Dómini, \* in átriis Domus Dei nostri.

In nóctibus extóllite manus vestras in sancta, \* et benedicite Dóminum.

Benedícat te Dóminus ex Sion, \* qui fecit cælum et terram.

**Añá.** Miserére mihi, Dómine, et exáudi oratióem meam.

## Hymnus.

**T**E lucis ante términum,  
Rerum Creatór, póscimus,  
Ut pro tua cleméntia  
Sis præsul, et custódia.

Procul récédant sómnia,  
Et nóctium phantásmatá;  
Hostémque nostrum cómp-  
prime,

Ne polluéantur córpora.

Præsta, Pater piíssime,  
Patrique compar Unice,  
Cum Spíritu Paráclito,  
Regnans per omne sæcu-  
lum. Amen.

## Capitulum. Jerem. 14. b

**T**U autem in nobis es, Dómine, et nomen sanctum tuum invocátum est super nos : ne derelínquas nos, Dómine Deus noster.

**R.** Deó grátias.

**R. br.** In manus tuas, Dómine, \* Comméndo spíritum meum. In. **V.** Redemísti nos, Dómine, Deus

veritátis. Comméndo spíritum. Glória Patri. In. **V.** Custódi nos, Dómine, ut pupillam óculi. **R.** Sub umbra alárum tuárum prótege nos.

**Añá.** Salva nos.

## Canticum Simeonis.

## Lucæ 2. c

**N**UNC dimíttis servum tuum, Dómine, \* secúndum verbum tuum in pace :

Quia vidérunt óculi mei \* salutáre tuum.

Quod parásti \* ante fáciem ómnium populórum ;

Lumen ad revelatióem Géntium, \* et glóriam plebis tuæ Israel.

Glória Patri, et Filio.

**Añá.** Salva nos, Dómine, vigilántes, custódi nos dormiéntes : ut vigilémus cum Christo, et requiescámus in pace.

Sequentes Preces semper dicuntur, præterquam in Officio Duplici, et infra Octavas : quæ in feriali Officio, et in Quat. Temp. quando dictæ sunt Preces in Vesp. dicuntur flexis genibus.

**K**YRIE, eléison. Christe, eléison. **Kyrie, eléison.** Pater noster, **secreto. V.** Et ne nos indúcas in tentatióem. **R.** Sed libera nos a malo. **Credo in Deum, secreto. V.** Carnis resurrectiόem. **R.** Vitam ætérnam. Amen. **V.** Benedictus es,

Dómine, Deus patrum nostrórum. *R.* Et laudábilis, et gloriósus in sæcula. *V.* Benedicámus Patrem, et Fílium, cum sancto Spíritu.

*R.* Laudémus, et superexaltémus eum in sæcula. *V.* Benedictus es, Dómine, in firmaménto cœli. *R.* Et laudábilis, et gloriósus, et superexaltátus in sæcula. *V.* Benedicat et custódiat nos omnipotens et miséricors Dóminus. *R.* Amen. *V.* Dignáre, Dómine, nocte ista.

*R.* Sine peccáto nos custodire. *V.* Miserére nostri, Dómine. *R.* Miserére nostri. *V.* Fiat misericórdia tua, Dómine, super nos. *R.* Quemádmódum sperávimus in te. *V.* Dómine, exáudi oratióem meam. *R.* Et clamor meus ad te véniat. *V.* Dóminus vobiscum. *R.* Et cum spíritu tuo.

*Orémus. Oratio.*

**V**ISITA, quæsumus Dómine, habitationem istam, et omnes insídias inimíci ab ea longe repélle: Angeli tui sancti hábitent in ea, qui nos in pace custódiant: et benedictio tua sit super nos semper. Per Dóminum nostrum Jesum Christum.

*V.* Dóminus vobiscum. *R.* Et cum spíritu tuo. *V.* Benedicámus Dómino. *R.* Deo grátias.

*Benedictio.* Benedicat et custódiat nos omnipotens et miséricors Dóminus, Pater

et Fílius, et Spíritus sanctus. *R.* Amen.

*Et non dicitur Fidélium animæ, sed immediate dicitur sequens Añã.*

*A primis Vesperis Festi SS. Trinitatis usque ad Nonam Sábbatì ante Adventum, Añã.*

**S**ALVE Regina, Mater misericórdiæ, vita, dulcédo, et spes nostra, salve. Ad te clamámus éxules filii Hevæ. Ad te suspirámus geméntes et flentes in hac lacrymárum valle. Eja ergo, advocáta nostra, illos tuos misericórdes óculos ad nos convérte. Et Jesum, benedictum fructum ventris tui, nobis post hoc exílium osténde. O clemens, o pia, o dulcis Virgo María.

*V.* Ora pro nobis, sancta Dei Génitrix. *R.* Ut digni efficiámur promissiõibus Christi.

*Orémus. Oratio.*

**O**MNIPOTENS sempitérne Deus, qui gloriós e Virginis Matris Mariæ corpus et animam, ut dignum Filii tui habitáculum éffici mererétur, Spíritu sancto cooperánte, præparásti: da, ut cujus commemoratióne lætámur, ejus pia intercessiõe, ab instántibus malis, et a morte perpétua liberémur. Per eúndem Christum Dóminum nostrum. *R.* Amen.

ŷ Divinum auxilium máneat semper nobiscum. *R.* Amen.

*Deinde dicitur secreto*

Pater noster, qui es in cœlis, sanctificétur nomen tuum : advéniat regnum tuum : fiat volúntas tua, sicut in cœlo, et in terra. Panem nostrum quotidiánum da nobis hódie, et dímittle nobis débíta nostra, sicut et nos dimittimus debitoribus nostris : et ne nos indúcas in tentatióem : sed libera nos a malo. Am.

Ave María, grátia plena : Dóminus tecum : benedícta tu in muliéribus, et benedíctus fructus ventris tui Jesus. Sancta María, Mater Dei, ora pro nobis peccatoribus, nunc et in hora mortis nostræ. Amen.

Credo in Deum Patrem omnipoténtem, Creatórem cœli et terræ. Et in Jesum Christum Filium ejus únicum, Dóminum nostrum ; qui concéptus est de Spíritu sancto, natus ex María Virgine : passus sub Póntio Piláto, crucifíxus, mórtuus, et sepúltus ; descéndit ad inferos, tértia die resurréxit a mórtuis ; ascéndit ad cœlos, sedet ad dexteram Dei Patris omnipoténtis : inde ventúrus est judicáre vivos et mórtuos. Credo in Spíritum sanctum, sanctam Ecclésiám cathólicam, Sanctórum commu-

nióem, remissióem peccatórum, carnis resurrectiόnem, vitam ætérnam. Am.

*Sic dicitur Completorium per annum.*

Si post Completorium immediate sequatur Matutinum, tunc bis dicatur Pater noster, Ave María, et Credo, quia Completorium, quod est finis Officii, sic terminari debet : et ante Matutinum iterum repetitur pro principio Officii sequentis diei.

Añā prædicta dicitur etiam in fine Laud., quando discedendum est a Choro : sed si immediate post Matutinum subsequatur Prima, vel alia Hora, dicitur in fine ultimæ Horæ, ita ut dicatur semper quando, terminata aliqua Hora, discedendum est a Choro : et tunc post ŷ. Fidélium animæ, et Pater noster, secreto, dicitur ŷ. Dóminus det nobis suam pacem. *R.* Et vitam ætérnam. Amen.

*Deinde prædicta Antiphona, et in fine : Divinum auxilium máneat semper nobiscum. R. Amen.*

Extra Chorum autem dicuntur in fine Laudum, si tunc terminandum sit Officium ; alioquin in fine ultimæ Horæ. Post alias vero Horas : quando terminatur Officium, dicitur tantum Pater noster. secreto

## PROPRIUM

# DE TEMPORE.

---

### SABBATO

PROXIMO KALENDIS SEPT.

*Ad Magnificat. Añã.*

Cum audisset Job \* nuntiôrum verba, sustinuit patienter, et ait : Si bona suscepimus de manu Dómini, mala autem quare non sustineamus ? In ómnibus his non peccávit Job lábiis suis, neque stultum áliquíd contra Deum locútus est.

DOM. I. SEPTEMBRIS.

*In primo Nocturno.*

*Incipit liber Job.*

*Lectio j. Cap. 1.*

**V**IR erat in terra Hus, nómine Job, et erat vir ille simplex et rectus, ac timens Deum, et recédens a malo. Natique sunt ei septem filii, et tres filiæ. Et fuit posséssio ejus septem millia óvium, et tria millia camelórum, quingénta quoque juga boum, et quingéntæ ásinæ, ac familia multa nimis : eratque vir ille magnus inter omnes Orientales.

**R.** Si bona suscepimus de manu Dei, mala autem quare non sustineamus ? \*

Dóminus dedit, Dóminus abstulit : sicut Dómino plácuít, ita factum est : sit nomen Dómini benedictum.

**V.** Nudus egréssus sum de útero matris meæ, et nudus revértar illuc. Dóminus.

*Lectio ij.*

**E**T ibant filii ejus, et faciébant convívium per domos, unusquisque in die suo. Et mitténtes vocábant tres soróres suas ut coméderent et biberent cum eis. Cumque in orbem transissent dies convívii, mittebat ad eos Job, et sanctificábat illos, consurgénsque dilúculo offerébat holocáusta pro singulis. Dicébat enim : Ne forte peccáverint filii mei, et benedixerint Deo in córdibus suis. Sic faciébat Job cunctis diébus.

**R.** Antequam cómedam, supíro, et tamquám inundántes aquæ, sic rugítus meus ; quia timor quem timébam, evenit mihi : et quod verébar, áccidit : nonne dissimulávi ? nonne sílui ? nonne quiévi ?

\* Et venit super me indi-



gnatio. **Y** Ecce non est auxilium mihi in me, et necessarij quoque mei recesserunt a me. Et.

*Lectio iij.*

**Q**UADAM autem die cum venissent filii Dei ut assisterent coram Domino, affuit inter eos etiam Satan. Cui dixit Dominus : Unde venis ? Qui respondens, ait : Circuivi terram, et perambulavi eam. Dixitque Dominus ad eum : Numquid considerasti servum meum Job, quod non sit ei similis in terra, homo simplex et rectus, ac timens Deum, et recedens a malo ? Cui respondens Satan, ait : Numquid Job frustra timet Deum ? nonne tu vallasti eum, ac domum ejus universamque substantiam per circuitum, operibus manuum ejus benedixisti, et possessio ejus crevit in terra ? Sed extende paululum manum tuam, et tange cuncta quæ possidet, nisi in faciem benedixerit tibi.

**R.** Quare detraxistis sermonibus veritatis : ad increpandum verba componitis, et subvertere nitimini amicum vestrum ? \* Verumtamen quæ cogitastis, explete. **V.** Quod justum est, judicate ; et non inveniatis in lingua mea iniquitatem. Verumtamen. **Gloria Patri.** Verumtamen.

*In secundo Nocturno.*

Ex libro Moraliū sancti Gregorii Papæ.

*Lectio iv. Lib. 2. Cap. 1.*

**S**CRIPURA sacra mentis speculum opponitur, ut interna nostra facies in ipsa videatur. Ibi etenim fœda, ibi pulchra nostra cognoscimus : ibi sentimus quantum proficimus, ibi a profectu quam longe distamus. Narrat autem gesta Sanctorum, et ad imitationem corda provocat infirmorum : dumque illorum victicia facta commemorat, contra vitiorum praelia debilia nostra confirmat : fitque verbis illius, ut eo mens minus inter certamina trepidet, quo ante se positos tot virorum fortium triumphos videt.

**R.** Induta est caro mea putredine, et sordibus pulveris cutis mea aruit, et contracta est : \* Meménto mei, Domine, quoniam ventus est vita mea. **V.** Dies mei velocius transierunt, quam a texente tela succiditur, et consumpti sunt absque ulla spe. Meménto.

*Lectio v.*

**N**ONNUMQUAM vero non solum nobis eorum virtutes asserit, sed etiam casus innotescit ; ut et in victoria fortium, quod imitando arripere, et rursum videá-

mus in lapsibus quid debeamus timere. Ecce enim Job describitur tentatione auctus, sed David tentatione prostratus; ut et majorum virtus spem nostram foveat, et majorum casus ad cautelam nos humilitatis accingat: quatenus dum illa gaudentes sublevant, ista metuentes premant: et audientis animus illinc spei fiducia, hinc humilitate timoris eruditus, nec temeritate superbiat, quia formidine premitur; nec pressus timore desperet, quia ad spei fiduciam virtutis exemplo roboratur.

**R.** Paucitas dierum meorum finiatur brevi: dimitte me, Domine, ut plangam paululum dolorem meum, \* Antequam vadam ad terram tenebrosam, et opertam mortis caligine. **V.** Manus tuæ, Domine, fecerunt me, et plasmaverunt me totum in circuitu, et sic repente precipitas me? Antequam.

### Lectio **vj.**

*Lib. 1. Moral. cap. 1.*

**V**IR erat in terra Hus, nomine Job. Idcirco sanctus vir ubi habitaverit, dicitur, ut ejus meritum virtutis exprimatur. Hus namque quis nesciat, quod sit in terra Gentilium? Gentilitas autem eo obligata vitiis extitit, quo cognitionem sui Conditoris ignoravit. Dicatur itaque ubi habitaverit:

ut hoc ejus laudibus proficiat, quod bonus inter malos fuit. Neque enim valde laudabile est, bonum esse cum bonis, sed bonum esse cum malis. Sicut enim gravioris culpæ est, inter bonos bonum non esse: ita immensi est præconii, bonum etiam inter malos extitisse.

**R.** Non abscondas me, Domine, a facie tua: manum tuam longe fac a me: \* Et formido tua non me terreat.

**V.** Corrripe me, Domine, in misericordia, non in furore tuo, ne forte ad nihilum redigas me. Et. *Gloria Patri.* Et.

**R. **vij.**** Quis mihi tribuat, ut in inferno protegas me, et abscondas me, donec pertranseat furor tuus, Domine, nisi tu, qui solus es Deus; \* Et constituas mihi tempus, in quo recorderis mei?

**V.** Numquid sicut dies hominis, dies tui, ut quæras iniquitatem meam; cum sit nemo, qui de manu tua possit erui? Et.

**R. **vij.**** Deo Séraphim clamabant alter ad alterum: \* Sanctus, sanctus, sanctus Dominus Deus Sabaoth: \* Plena est omnis terra gloria ejus. **¶** Tres sunt qui testimonium dant in coelo: Pater, Verbum, et Spiritus sanctus; et hi tres unum sunt. Sanctus. *Gloria Patri.* Plena.

Infra Hebdom., Feria iv.  
post ij. et iij. Lect. dicitur  
ij. et iij. Resp. Feriæ ij. seq.

## FERIA SECUNDA.

De libro Job.

Lectio j. Cap. 1. c

**C**UM autem quadam die filii et filiæ ejus comederent et biberent vinum in domo fratris sui primogéniti, nuntius venit ad Job, qui diceret: Boves arábant, et ásinæ pascebántur juxta eos, et irruérunt Sabæi, tulerúntque ómnia, et púeros percussérunt gládio, et evási ego solus ut nuntiárem tibi. Cumque adhuc ille loqueretur, venit alter, et dixit: Ignis Dei cécidit e cœlo, et tactas oves puerósque consumpsit, et effúgi ego solus ut nuntiárem tibi.

**R.** Versa est in luctum cíthara mea, et órganum meum in vocem fléntium: \* Parce mihi, Dómine: nihil enim sunt dies mei. ♠. Cutis mea denigráta est super me, et ossa mea aruérunt. Parce.

Lectio ij

**S**ED et illo adhuc loquente, venit álius, et dixit: Chaldæi fecérunt tres turmas, et invasérunt camélos, et tulérunt eos, necnon et púeros percussérunt gládio, et ego fugi solus ut nuntiárem tibi. Adhuc loquebátur ille, et ecce álius intrávit, et dixit: Filiis tuis et filiabus vescéntibus et bibénti-

bus vinum in domo fratris sui primogéniti, repénite ventus véhémens irruit a regione desérti, et concússit quátuor ángulos domus, quæ córruens opprèssit liberos tuos, et mórtui sunt, et effúgi ego solus ut nuntiárem tibi.

**R.** Utinam appenderéntur peccáta mea, quibus iram mérui: \* Et calámitas, quam pátiar, in statéra! ♠. Quasi aréna maris hæc grávior apparéret: unde et verba mea dolóre sunt plena. Et.

Lectio iij.

**T**UNC surréxit Job, et scidit vestiménta sua, et tonso cápite córruens in terram, adorávit, et dixit: Nudus egréssus sum de útero matris meæ, et nudus revértar illuc. Dóminus dedit, Dóminus ábstulit: sicut Dómino plácuít, ita factum est: sit nomen Dómini benedictum. In ómnibus his non peccávit Job lábiis suis, neque stultum quid contra Deum locútus est.

**R.** Quare detraxístis. 164.

Responsoria hujus ij. Feriæ dicuntur etiam in secunda Feria Hebdom. seq.

## FERIA TERTIA.

De libro Job.

Lectio j. Cap. 2.

**F**ACTUM est autem, cum quadam die venissent filii Dei, et starent coram Dómino, venisset quoque Satan

inter eos , et staret in conspectu ejus, ut diceret Dominus ad Satan : Unde venis ? Qui respondens ait : Circumvi terram , et perambulavi eam. Et dixit Dominus ad Satan : Numquid considerasti servum meum Job, quod non sit ei similis in terra , vir simplex et rectus, ac timens Deum , et recedens a malo, et adhuc retinens innocentiam ? Tu autem commovisti me adversus eum , ut affligerem eum frustra. Cui respondens Satan, ait : Pelle pro pelle, et cuncta quæ habet homo, dabit pro anima sua : alióquin mitte manum tuam, et tange os ejus et carnem , et tunc videbis quod in faciem benedicat tibi.

¶. Induta est. 164.

Lectio ij.

**D**IXIT ergo Dominus ad Satan : Ecce in manu tua est , verúmtamen animam illius serva. Egressus igitur Satan a facie Domini, percussit Job úlcere pessimo , a planta pedis usque ad vérticem ejus : quí testa saniem radébat , sedens in sterquilinio. Dixit autem illi uxor sua : Adhuc tu permanes in simplicitate tua ? benedic Deo , et mórere. Qui ait ad illam : Quasi una de stultis mulieribus locuta es. Si bona suscepimus de manu Dei , mala quare non suscipiamus ! In

ómnibus his non peccavit Job lábiis suis.

¶. Paucitas. 165.

Lectio iij.

**I**GITUR audiéntes tres amici Job omne malum quod accidisset ei , venérunt singuli de loco suo , Eliphaz Themanites, et Baldad Suhítes , et Sophar Naamathítes. Condíxerant enim , ut páriter veniéntes visitarent eum, et consolaréntur. Cumque elevássent procul óculos suos , non cognovérunt eum : et exclamántes ploravérunt , scissisque vestibus sparsérunt pulverem super caput suum in cœlum. Et sedérunt cum eo in terra septem diébus et septem nóctibus , et nemo loquebátur ei verbum : videbant enim dolórem esse veheméntem.

¶. Non abscondas. 165.

FERIA QUARTA.

De libro Job.

Lectio j. Cap. 3.

**P**OST hæc apérui Job os suum, et maledíxit diéi suo, et locútus est : Péreat dies in qua natus sum, et nox in qua dictum est : Conceptus est homo. Dies ille vertátur in ténebras, non requírat eum Deus désuper, et non illustrétur lumine. Obscúrent eum ténebræ, et umbra mortis, occupet eum caligo, et involvátur amaritúdine.

¶. Quis mihi. 165.

## Lectio ij.

**N**OCTEM illam tenebrósus turbo possideat, non computétur in diébus anni, nec numerétur in ménsibus. Sit nox illa solitária, nec laude digna. Maledicant ei qui maledicunt diéi, qui paráti sunt suscitáre Leviathan. Obtenebréntur stellæ caligine ejus : expéctet lucem, et non vídeat, nec ortum surgéntis auróræ : quia non conclúsit óstia ventris qui portávit me, nec ábstulit mala ab óculis meis.

¶. Utinam. 166.

## Lectio iij.

**Q**UARE non in vulva mór-  
tuus sum, egréssus ex  
útero non statim périi ?  
Quare excéptus génibus ? cur  
lactátus ubéribus ? Nunc  
enim dórmienti silérem, et  
somno meo requiéscerem  
cum régibus et consúlibus  
terræ, qui ædificant sibi so-  
litúdes : aut cum princí-  
pibus, qui póssident aurum,  
et replent domos suas ar-  
génto : aut sicut abortívum  
abscónditum non subsiste-  
rem, vel qui concépti non  
vidérunt lucem.

¶. Quare detraxístis. 164.

## FERIA QUINTA.

De libro Job.

## Lectio j. Cap. 4.

**R**ESPONDENS autem Eli-  
phaz Themanites, dixit:  
Si cœpérimus loqui tibi,  
fórsitan moléste accépies,

sed concéptum sermónem te-  
nere quis póterit ? Ecce do-  
cuísti multos, et manus las-  
sas roborásti : vacillátes  
confirmavérunt sermónes  
tui, et génua treméntia con-  
fortásti : nunc autem venit  
super te plaga, et defecísti:  
tétigit te, et conturbátus  
es. Ubi est timor tuus, for-  
titúdo tua, paciéntia tua, et  
perféctio viárum tuárum ?

¶. Si bona. 163.

## Lectio ij.

**R**ECORDARE, óbsecro te,  
quis unquam innocens  
périit ? aut quando recti de-  
léti sunt ? quin pótius vidi  
eos qui operántur iniquitá-  
tem, et séminant dolóres,  
et metunt eos, flante Deo  
periísse, et spíritu iræ ejus  
esse consúptos. Rugítus  
leónis, et vox leænæ, et  
dentes catulórum leónum  
contríti sunt. Tigris périit,  
eo quod non habéret præ-  
dam : et cātuli leónis dissi-  
pāti sunt.

¶. Antequam. 163.

## Lectio iij.

**P**ORRO ad me dictum est  
verbum abscónditum, et  
quasi furtíve suscepit auris  
mea venas susúrri ejus. In  
horróre visionis noctúrnæ,  
quando solet sopor occupáre  
hómínes, pavor ténuít me,  
et tremor, et ómnia ossa  
mea pertérrita sunt ; et cum  
spíritus me præsénte transi-  
ret, inhorruérunt pili carnis



meæ. Stetit quidam, ejus non agnoscebam vultum, imago coram oculis meis, et vocem quasi auræ lenis audivi. Numquid homo, Dei comparatione justificabitur, aut factore suo purior erit vir? Ecce qui serviunt ei, non sunt stabiles, et in angelis suis reperit pravitatem.

¶ Quare detraxistis. 164.

FERIA SEXTA.

De libro Job.

Lectio j. Cap. 6.

**R**ESPONDENS autem Job, dixit: Utinam appenderentur peccata mea, quibus iram merui: et calamitas, quam patior, in statéra! Quasi aréna maris hæc gravior appareret: unde et verba mea dolore sunt plena: quia sagittæ Domini in me sunt, quarum indignatio ebibit spiritum meum, et terrores Domini militant contra me.

¶ Induta est. 164.

Lectio ij.

**N**UMQUID rugiet onager cum habuerit herbam? aut mugiet bos cum ante præsepe plenum steterit? Aut poterit comedi insulsum, quod non est sale conditum? aut potest aliquis gustare, quod gustatum affert mortem? Quæ prius nolèbat tangere anima mea, nunc præ angustia cibi mei sunt.

¶ Pàucitas dierum. 165.

Lectio iij.

**Q**UIS det ut veniat petitió mea: et quod expecto, tribuat mihi Deus? Et qui cœpit, ipse me conterat: solvat manum suam, et succidat me? Et hæc mihi sit consolatio, ut affligens me dolore, non parcat, nec contradicam sermonibus Sancti. Quæ est enim fortitudo mea, ut sustineam? aut quis finis meus, ut patienter agam? Nec fortitudo lapidum fortitudo mea, nec caro mea ænea est. Ecce non est auxilium mihi in me, et necessarij quoque mei recesserunt a me.

¶ Non abscondas. 165.

SABBATO.

De libro Job.

Lectio j. Cap. 7.

**M**ILITIA est vita hominis super terram: et sicut dies mercenarii, dies ejus. Sicut cervus desiderat umbram, et sicut mercenarius præstolatur finem operis sui: sic et ego habui menses vacuos, et noctes laboriosas enumeravi mihi. Si dormiero, dicam: Quando consurgam? et rursum expectabo vesperam, et replebor doloribus usque ad tenebras.

¶ Quis mihi. 165.

Lectio ij.

**I**NDUTA est caro mea putredine et sordibus pulveris: cutis mea aruit, et



contrácta est. Dies mei velócius transiérunt quam a texénte tela succéditur, et consúpti sunt absque ulla spe. Meménto quia ventus est vita mea, et non revertétur óculus meus ut vídeat bona. Nec aspíciat me visus hóminis : óculi tui in me, et non subsístam.

*R.* Utinam. 166.

*Lectio iij.*

**S**ICUT consúmitur nubes et pertransit : sic qui descéndit ad inferos, non ascéndet. Nec revertétur ultra in domum suam, neque cognóscet eam ámplius locus ejus. Quaprópter et ego non parcam ori meo, loquar in tribulatióne spíritus mei : confabulábor cum amaritudiné ánimæ meæ. Numquid mare ego sum, aut cetus, quia circumdedísti me cárcere?

*R.* Quare detraxístis. 171.

*Ad Magnificat. Añia.*

In ómnibus his \* non peccávit Job lábiis suis, neque stultum áliquíd contra Deum locútus est.

DOM. II. SEPTEMBRIS.

*In primo Nocturno.*

De libro Job.

*Lectio j. Cap. 9.*

**E**T respóndens Job, ait : Vere scio quod ita sit, et quod non justificétur homo compósitus Deo. Si volúerit conténdere cum eo, non póterit ei respondére

unum pro mille. Sápiens corde est, et fortis róbre : quis réstitit ei, et pacem hábuit? Qui tránstulit montes, et nesciérunt hi quos subvértit in furóre suo.

*R.* Si bona suscepimus de manu Dei, mala autem quare non sustineámus? \* Dóminus dedit, Dóminus ábstulit : sicut Dómino plácuit, ita factum est : sit nomen Dómini benedíctum.

*V.* Nudus egréssus sum de útero matris meæ, et nudus revértar illuc. Dóminus.

*Lectio ij.*

**Q**UI cómmovet terram de loco suo, et columináe ejus concutiúntur. Qui præcipit soli, et non órítur : et stellas claudit quasi sub signáculo. Qui exténdit cælos solus, et gráditur super fluctus maris. Qui facit Arctúrum, et Oríona, et Hyadas, et interióra Austri. Qui facit magna, et incomprehensibilia, et mirabilia, quorum non est númerus.

*R.* Antequam cómedam, suspiro, et tamquam inundantes aquæ, sic rugitus meus : quia timor quem timébam, evénit mihi : et quod verébar, áccidit : nonne dissimulávi? nonne silui? nonne quiévi? \* Et venit super me indignatio. *V.* Ecce non est auxiliú mihi in me, et necessarij quoque mei recessérunt a me. Et.

## Lectio iij.

**S**I vénerit ad me, non vidébo eum : si abierit, non intélligam. Si repénite intéroget, quis respondébit ei ? vel quis dicere potest : Cur ita facis ? Deus, cujus iræ nemo résistere potest, et sub quo curvántur qui portant orbem. Quantus ergo sum ego, ut respóndeam ei, et loquar verbis meis cum eo ? Qui étiam si habúero quíppiam justum, non respondébo, sed meum júdicem deprecábor. Et cum invocántem exaudierit me, non credo quod audierit vocem meam. In túrbine enim cónteret me, et multiplicábit vúlnera mea étiam sine causa.

**ñ.** Quare detraxístis sermónibus veritátis : ad increpándum verba compónitis, et subvértere nitímmini amicum vestrum ? \* Verúm tamen quæ cogitástis, expléte.

**ñ.** Quod justum est, judicáte, et non inveniétis in lingua mea iniquitatem. Verúm tamen. *Gloria Patri.* Verúm tamen.

## In secundo Nocturno.

Ex libro Morálium sancti Gregórii Papæ.

## Lectio iv. L. 9. c. 2.

**V**ERE scio quod ita sit, et quod non justificábitur homo compósitus Deo. Homo quippe Deo non compósitus justítiam pércipit, compósitus amíttit : quia quisquis se

auctóri bonórum cómparat, bono se, quod accéperat, privat. Qui enim accépta bona sibi árrogat, suis contra Deum donis pugnat. Unde ergo despéctus erígatur, dignum est ut eréctus inde destruátur. Sanctus autem vir, quia omne virtútis nostræ méritum, esse vítiúm conspícit, si ab intérno árbitro distrícte judicétur, recte subjúngit : Si volúerit conténdere cum eo, non póterit respondére ei unum pro mille.

**ñ.** Indúta est caro mea putrédine et sórdibus púlveris : cutis mea áruit, et contrácta est : \* Meménto mei, Dómine, quóniam ventus est vita mea. **ñ.** Dies mei velócius transiérunt, quam a texénte tela succídatur, et consúpti sunt absque ulla spe. Meménto.

## Lectio v.

**I**N Scriptúra sancta millenárius númerus pro universitáte solet intélligi. Hinc etenim Psalmísta ait : Verbi quod mandávit in mille generatiónes : cum profécto constet, quod ab ipso mundi exórdio usque ad Redemptóris advéntum per Evangelístam non ámplius quam septuagínta et septem propágines numeréntur. Quid ergo in millenário númeró, nisi ad proferéndam novam sóbolem perfécta univérsitas præ-

sestæ generatiõnis exprimitur? Hinc et per Joannem dicitur: Et regnabunt cum eo mille annis: quia videlicet regnum sanctæ Ecclesiæ universitatis perfectiõne solidatur.

**R.** Páucitas diérum meórum finiétur brevi: dimítte me, Dómine, ut plangam páululum dolórem meum, \* Antequam vadam ad terram tenebrósam, et opértam mortis caligine. **V.** Manus tuæ, Dómine, fecérunt me, et plasmavérunt me totum in circúitu, et sic repénite præcípitas me? Antequam.

*Lectio vj.*

**Q**UIA vero monas decies multiplicata in denarium ducitur, denarius per semetipsum ductus in centenarium dilatatur: qui rursus per denarium ductus, in millenarium tenditur: cum ab uno incipimus, ut ad millenarium veniamus, quid hoc loco unius appellatiõne, nisi bene vivendi initium: quid millenarii numeri amplitudine, nisi ejusdem bonæ vitæ perfectio designatur? Cum Deo autem contendere, est non ei tribuere, sed sibi glóriam suæ virtutis arrogare. Sed sanctus vir conspiciat, quia et qui summa jam dona percépit, si de accéptis extóllitur, cuncta quæ accéperat, amittit.

**R.** Non abscondas me, Dó-

mine, a fácie tua: manum tuam longe fac a me: \* Et formído tua non me térreat. **V.** Córripe me, Dómine, in misericórdia, non in furóre tuo, ne forte ad níhilum rédigas me. Et. *Glória Patri.* Et.

**R. vij.** Quis mihi tribuat ut in inférno prótegas me, et abscondas me, donec pertranseat furor tuus, Dómine? nisi tu, qui solus es Deus, \* Et constituas mihi tempus, in quo recordéris mei? **V.** Numquid sicut dies hominis, dies tui, ut quæras iniquitatem meam; cum sit nemo, qui de manu tua possit erüere? Et.

**R. viij.** Duo Séraphim clamabant alter ad alterum: \* Sanctus, sanctus, sanctus, Dóminus Deus Sábaoth: \* Plena est omnis terra glória ejus. **V.** Tres sunt qui testimoniũ dant in cœlo: Pater Verbum, et Spiritus sanctus; et hi tres unum sunt. Sanctus. *Glória Patri.* Plena.

**FERIA SECUNDA.**

De libro Job.

*Lectio j. Cap. 27.*

**A**DIDIT quoque Job, assumens parabolam suam, et dixit: Vivit Deus, qui abstulit iudiciũ meum, et Omnipotens, qui ad amaritudinem adduxit animam meam. Quia donec superest hálitus in me, et spiritus Dei in náribus meis, non lo-

quéntur lábia mea iniquitátem, nec lingua mea meditábitur mendácium. Absit a me ut justos vos esse júdicem : donec deficiam , non recédam ab innocentia mea.

**R.** Versa est. 166.

**Lectio ij.**

**J**USTIFICATIONEM meam , quam cœpi tenére , non déseram : neque enim reprehéndit me cor meum in omni vita mea. Sit ut impius inimicus meus : et adversarius meus , quasi iniquus. Quæ est enim spes hypócritæ , si aváre rápiat , et non liberet Deus ánimam ejus? Numquid Deus áudiet clamórem ejus , cum vénerit super eum angústia? Aut póterit in Omnipoténte delectári , et invocáre Deum omni témpore?

**R.** Utinam. 166.

**Lectio iij.**

**D**OCEBO vos per manum Dei quæ Omnipotens hábeat, nec abscóndam. Ecce , vos omnes nostis : et quid sine causa vana loquimini? Hæc est pars hóminis ímpii apud Deum , et heréditas violentórum , quam ab Omnipoténte suscipient. Si multiplicátí fúerint filii ejus , in gládio erunt, et nepótes ejus non saturabúntur pane. Qui réliqui fúerint ex eo , sepe-liéntur in intéritu, et víduæ illius non plorábunt.

**R.** Quare detraxistis. 171.

**FERIA TERTIA.**

De libro Job.

**Lectio j. Cap. 28. b**

**S**APIENTIA ubi invenitur? Et quis est locus intelligéntiæ? Nescit homo prétium ejus , nec invenitur in terra suáviter vivéntium. Abyssus dicit : Non est in me : et mare lóquitur : Non est mecum. Non dábitur aurum obrízum pro ea , nec appendétur argéntum in commutatióne ejus. Non conferétur tinctis Indiæ colóribus , nec lápidi sardónicho pretiosíssimo , vel sapphiro.

**R.** Indúta est. 171.

**Lectio ij.**

**N**ON adæquábitur ei aurum vel vitrum , nec commutabúntur pro ea vasa auri. Excélsa et eminéntia non memorabúntur comparatióne ejus ; tráhitur autem sapiéntia de occúltis. Non adæquábitur ei topázus de Æthiópia , nec tinctúræ mundíssimæ componétur. Unde ergo sapiéntia venit? et quis est locus intelligéntiæ? Abscóndita est ab óculis ómnium vivéntium , vólucres quoque cœli latet. Perditio et mors dixerunt : Auribus nostris audivimus famam ejus.

**R.** Páucitas diérum. 172.

**Lectio iij.**

**D**EUS intélligit viam ejus , et ipse novit locum illius. Ipse enim fines mundi

intuétur : et ómnia , quæ sub cœlo sunt , rēspicit. Qui fecit ventis pondus , et aquas appēdit in mēsurā. Quando ponēbat plūviis legem , et viam procēllis sonāntibus : tunc vidit illam , et enarrāvit , et pręparāvit , et investigāvit. Et dixit hómīni : Ecce timor Dómini , ipsa est sapiētia : et recēdere a malo , intelligētia.

*R.* Non abscondas. 172.

### FERIA QUARTA.

De libro Job.

*Lectio j. Cap. 31.*

**P**EPIGI fœdus cum óculis meis , ut ne cogitarem quidem de virgine. Quam enim partem habéret in me Deus désuper , et hereditatem Omnipotens de excelsis? Numquid non perditio est iniquo , et alienatio operantibus injustitiam? Nonne ipse considerat vias meas , et cunctos gressus meos dinúmerat? Si ambulāvi in vanitate , et festināvit in dolo pes meus : appēdat me in statéra justa , et sciat Deus simplicitatem meam.

*R.* Quis mihi. 172.

*Lectio ij.*

**S**i declināvit gressus meus de via , et si secutum est óculos meos cor meum , et si mánibus meis adhæsit macula : seram , et álius cōmēdat : et progénies mea eradicétur. Si decēptum est cor meum super muliere , et si

ad óstium amíci mei insidiatus sum : scortum altérior sit uxor mea , et super illam incurvéntur álii. Hoc enim nefas est , et iniquitas máxima. Ignis est usque ad perditionem dévorans , et ómnia eradicans genimina. *R.* Utinam. 166.

*Lectio iij.*

**S**i contempsí subire iudicium cum servo meo , et ancilla mea , cum disceptarent advérsū me. Quid enim faciā , cum surrexerit ad iudicandum Deus? et cum quæsierit , quid respondébo illi? Numquid non in útero fecit me , qui et illum operatus est : et formāvit me in vulva unus? Si negāvi , quod volébant , paupéribus , et óculos viduæ expectāre feci : si comédi buccellam meam solus , et non comēdit pupillus ex ea : quia ab infántia mea crevit mecum miseratio : et de útero matris meæ egressa est mecum.

*R.* Quare detraxistis. 171.

### FERIA QUINTA.

De libro Job.

*Lectio j. Cap. 38.*

**R**ESPONDENS autem Dóminus Job de túrbine , dixit : Quis est iste invólvens senténtias sermónibus imperitis? Accinge sicut vir lumbos tuos : interrogábo te , et respónde mihi. Ubi eras quando ponēbam fundaménta terræ? indica mihi , si



habes intelligentiam. Quis posuit mensuras ejus, si nosti? vel quis tetendit super eam lineam? Super quo bases illius solidatae sunt? aut quis demisit lapidem angularem ejus, cum me laudarent simul astra matutina, et jubilarent omnes filii Dei?

*R.* Si bona. 170.

*Lectio ij.*

**Q**UIS conclusit ostiis mare, quando erumpébat quasi de vulva procedens? Cum ponerem nubem vestimentum ejus, et caligine illud quasi pannis infantiae obvolverem? Circumdedit illud terminis meis, et posui vectem, et ostia; et dixi: Usque huc vénies, et non procédes amplius, et hic confringes tuméntes fluctus tuos. Numquid post ortum tuum praecepisti dilúculo, et ostendisti auroræ locum suum? Et tenuisti concutiens extrema terræ, et excussisti impios ex ea?

*R.* Antequam 170.

*Lectio iij.*

**R**ESTITUETUR ut lutum signaculum, et stabit sicut vestimentum: auferetur ab impiis lux sua, et brachium excelsum confringetur. Numquid ingressus es profunda maris, et in novissimis abys- si deambulasti? Numquid apértæ sunt tibi portæ mortis, et ostia tenebrósa vidisti? Numquid considerasti

latitudinem terræ? Indica mihi, si nosti omnia, in qua via lux hábitet, et tenebrarum quis locus sit: ut ducas unumquódque ad terminos suos, et intélligas sémitas domus ejus.

*R.* Quare detraxistis. 171.

FERIA SEXTA.

De libro Job.

*Lectio j. Cap. 40.*

**R**ESPONDENS autem Dóminus Job de turbine, dixit: Accinge sicut vir lumbos tuos: interrogábo te, et indica mihi. Numquid irritum fácies judícium meum: et condemnábis me, ut tu justificéris? Et si habes brachium sicut Deus, et si voce simili tonas? Circúmda tibi decórem, et in sublíme erigere, et esto gloriósus, et speciósus indúere véstibus.

*R.* Induta est. 171.

*Lectio ij.*

**D**ISPERGE supérbos in furóre tuo, et respiciens omnem arrogántem humilia. Réspice cunctos supérbos, et confunde eos, et cóntere impios in loco suo. Abscónde eos in pulvere simul, et fácies eórum demerge in fóveam: et ego confitébor quod salváre te possit dextera tua. Ecce Béhemoth, quem feci tecum, fœnum quasi bos cómedet: fortitúdo ejus in lumbis ejus, et virtus illius in umbilico ventris ejus.

*R.* Páucitas. 172.



*Lectio iij. Cap. 42.*

**R**ESPONDENS autem Job Dómino, dixit : Scio quia ómnia potes, et nulla te latet cogitatio. Quis est iste, qui celat consilium absque sciéntia? Ideo insipiénter locútus sum, et quæ ultra modum excéderent sciéntiam meam. Audi, et ego loquar : interrogábo te, et respónde mihi. Auditú auris audivi te, nunc autem óculus meus videt te. Idcirco ipse me reprehéndo, et ago pœniténtiam in favilla et cinere.

**R.** Non abscondas. 172.

**SABBATO.**

De libro Job.

*Lectio j. Cap. 42. b*

**P**OSTQUAM autem locútus est Dóminus verba hæc ad Job, dixit ad Eliphaz Themanítem : Irátus est furor meus in te, et in duos amícos tuos, quóniam non estis locúti coram me rectum, sicut servus meus Job. Súmite ergo vobis septem tauros, et septem arietes, et ite ad servum meum Job, et offérte holocáustum pro vobis : Job autem servus meus orábit pro vobis : faciém ejus suscépiam ut non vobis imputétur stultítia : neque enim locúti estis ad me recta, sicut servus meus Job.

**R.** Quis mihi. 172.

*Lectio ij.*

**A**BIERUNT ergo Eliphaz Themanítes, et Baldad

Suhítes, et Sophar Naamathítes, et fecérunt sicut locútus fúerat Dóminus ad eos, et suscepit Dóminus faciém Job. Dóminus quoque convérsus est ad pœniténtiam Job, cum oráret ille pro amícis suis. Et áddidit Dóminus ómnia quæcúmque fúerant Job, duplicia. Vénérunt autem ad eum omnes fratres sui, et univérsæ soróres suæ, et cuncti qui nóverant eum prius, et comederunt cum eo panem in domo ejus : et movérunt super eum caput, et consoláti sunt eum super omni malo quod intúlerat Dóminus super eum : et dedérunt ei unusquisque ovem unam, et ináurem áuream unam.

**R.** Utinam. 166.

*Lectio iij.*

**D**OMINUS autem benedixit novíssimis Job magis quam princípío ejus. Et facta sunt ei quatuórdecim millia óvium, et sex millia camelórum, et mille juga boum, et mille ásinæ. Et fuérunt ei septem filii, et tres filiæ. Et vocávit nomen unius Diem, et nomen secúndæ Cássiam, et nomen tértiæ Cornustíbi. Non sunt autem invéntæ mulieres speciósæ sicut filiæ Job in univérsa terra : deditque eis pater suus hereditátem inter fratres eárum. Vixit autem Job post hæc, centum

quadraginta annis, et vidit filios suos, et filios filiôrum suôrum, usque ad quartam generatiônem, et môrtuus est senex, et plenus diêrum.

**R.** Quare detraxistis. 171.

**Ad Magnificat, Ant.**

Ne reminiscâris, \* Dômine, delicta mea, vel paréntum meôrum : neque vindictam sumas de peccâtis meis.

**DOM. III. SEPTEMBRIS.**

**In primo Nocturno.**

**Incipit liber Tobiaë.**

**Lectio j. Cap. 1.**

**T**OBIA ex tribu et civitate Néphthali (quæ est in superiôribus Galilææ supra Naâsson, post viam quæ ducit ad Occidentem, in sinistro habens civitatem Sephet) cum captus esset in diébus Salmánasar regis Assyriôrum, in captivitate tamen pôsitus, viam veritatis non deservit : ita ut ômnia, quæ habere pôterat, quotidie conceptivis fratribus, qui erant ex ejus genere, imperitiret. Cumque esset júnior ômnibus in tribu Néphthali, nihil tamen puerile gessit in ôpere.

**R.** Peto, Dômine, ut de vinculo impropérii hujus absolvas me, aut certe désuper terram erípias me : \* Ne reminiscâris delicta mea, vel paréntum meôrum, neque vindictam sumas de peccâtis meis : quia éruis sustinéntes te, Dômine. **V.** Om-

nia enim judicia tua justa sunt, et omnes viæ tuæ misericórdia et véritas : et nunc, Dômine, meménto mei. Ne.

**Lectio ij.**

**D**ENIQUE cum irent omnes ad vitulos áureos, quos Jeróboam fécerat rex Israel, hic solus fugiébat consórtia ômnium, sed pergébat in Jerúsalem ad templum Dômini, et ibi adorábat Dôminum Deum Israel, ômnia primitiva sua et décimas suas fidéliter ôfferens, ita ut in tértio anno prosélytis et ádvenis ministráret omnem decimatiônem. Hæc et his similia secúndum legem Dei puérulus observábat. Cum vero factus esset vir, accépit uxórem Annam de tribu sua, genuitque ex ea filium, nomen suum impónens ei, quem ab infántia timére Deum dócuit, et abstinére ab omni peccáto.

**R.** Omni témpore bédic Deum, et peto ab eo ut vias tuas dirígat : \* Et in omni témpore consília tua in ipso permáneant. **V.** Inquire ut fácias quæ plácita sunt illi in veritate, et in tota virtute tua. Et.

**Lectio iij.**

**I**GITUR cum per captivitatem devenisset cum uxóre sua, et filio in civitatem Niniven cum omni tribu sua (cum omnes éderent ex cibis Gentilium), iste cu-

stodivit animam suam, et nunquam contaminatus est in escis eorum. Et quoniam memor fuit Domini in toto corde suo, dedit illi Deus gratiam in conspectu Salmánasar regis, et dedit illi potestatem quocúmque vellet ire, habens libertatem quaecúmque facere voluisset. Pergébat ergo ad omnes qui erant in captivitate, et mó-nita salutis dabat eis.

**R.** Memor esto, fili, quoniam páuperem vitam gérimus : \* Habébis multa bona, si timúeris Deum. **V.** In mente habéto eum, et cave nequándo prætermittas præcepta ejus. Habébis. **Gloria Patri. Habébis.**

*In secundo Nocturno.*

Sermo S. Leónis Papæ.

*Lectio iv.*

*Serm. 9. de jejun. vij. mens.*

**S**CIO quidem, dilectissimi, plúrimos vestrum ita in iis quæ ad observántiam christiánæ fidei pértinent esse devótos, ut nostris cohortatióibus non indigeant admonéri. Quod enim dudum et traditio decrevit, et consuetúdo firmávit, nec eruditio ignórat, nec pietas prætermittat. Sed quia sacerdotális officii est erga omnes Ecclesiæ filios curam habére commúnem, in id quod et rúdibus prosit, et doctis, quos simul dilígimus, páriter incitámus :

ut jejúnium, quod nobis séptimi mensis recúrsus indicit, fide álacri per castigatióem ánimi, et corpóris celebrémus.

**R.** Sufficiébat nobis páupertas nostra, ut divítiæ computaréntur : nunquam fuisset pecúnia ipsa, pro qua misisti filium nostrum, \* Báculum senectútis nostræ. **V.** Heu me, fili mi, ut quid te misimus peregrinári, lumen oculórum nostrórum? Báculum.

*Lectio v.*

**I**DEO enim ipsa continétiæ observántia quátuor est assignáta tempóribus, ut in idipsum totíus anni redeúnte decúrsu, cognoscerémus nos indesinénter purificatióibus indigére : semperque esse niténdum, dum hujus vitæ varietáte jactámur, ut peccátum, quod fragilitáte carnis et cupiditátum pollutióne contráhitur, jejúniis atque eleemósynis deleátur. Esuriámus páululum, dilectissimi, et aliquántulum, quod juvándis possit prodésse paupéribus, nostræ consuetúdini subtrahámus.

**R.** Benedicite Deum cœli, et coram ómnibus vivéntibus confitémini ei : \* Quia fecit vobiscum misericórdiam suam. **V.** Ipsum benedicite, et cantáte illi : et enarráte ómnia mirabilia ejus. Quia.

Lectio vj.

**D**ELECTETUR consciéntia benignórum frúctibus largitátis : et gáudia tríbuens , quo es lætificándus accípies. Diléctio próximi , diléctio Dei est , qui plenitudinem legis et Prophetárum in hac géminæ charitátis unitáte constituit : ut nemo ambigeret Deo se offerre , quod hómini contulisset , dicénte Dómino Salvatóre , cum de aléndis juvandisque paupéribus loquerétur : Quod uni eórum fecistis , mihi fecistis. Quarta igitur et sexta Féria jejúnemus : Sábbato vero apud beátum Petrum Apóstolum vigílias celebrémus : cujus nos méritis et orationibus crédimus adjuvándos , ut misericórdi Deo jejúnio nostro , et devotíone placeámus.

**R.** Tempus est ut revér-  
tar ad eum , qui misit me :  
\* Vos autem benedicite  
Deum , et enarráte ómnia  
mirabilia ejus. **V.** Confité-  
mini ei coram ómnibus vi-  
véntibus , quia fecit vobis-  
cum misericórdiam suam.  
Vos. Glória Patri. Vos.

**R.** vij. Tribulatiónes ci-  
vitátum audívimus , quas  
passæ sunt , et defécimus :  
timor et hebetúdo mentis  
cécidit super nos , et super  
liberos nostros : ipsi mon-  
tes nolunt recípere fugam

nostram : \* Dómine , mise-  
rere. **V.** Peccávimus cum  
pátribus nostris , injúste  
égimus , iniquitátem fécim-  
us. Dómine.

**R.** vij. Duo Séraphim cla-  
mábant alter ad álterum :  
\* Sanctus , sanctus , san-  
ctus Dóminus Deus Sá-  
baoth : \* Plena est omnis  
terra glória ejus. **V.** Tres  
sunt qui testimónium dant  
in cœlo , Pater , Verbum ,  
et Spíritus sanctus : et hi  
tres unum sunt. Sanctus.  
Glória Patri. Plena.

Infra Hebdomadam Feria  
iv. et Sabbato post ij. et  
ijj. Lectiones dic. ij. et iij.  
**R.** j. Noct. Dñicæ.

FERIA SECUNDA.

De libro Tobíæ.

Lectio j. Cap. 2.

**P**OST hæc vero , cum esset  
dies festus Dómini , et  
factum esset prándium bo-  
num in domo Tobíæ , dixit  
filio suo : Vade , et adduc  
álíquos de tribu nostra ti-  
méntes Deum , ut epuléntur  
nobiscum. Cumque abiis-  
set , revérsus nuntiávit ei ,  
unum ex filiis Israel jugu-  
látum jacére in platéa. Sta-  
tímque exiliens de accúbitu  
suo , relinquens prándium ,  
jejúnus pervénit ad corpus :  
tollénsque illud portávit ad  
dum sol occubuisset , caute  
sepeliret eum.

**R.** Peto, Dómine. 177.

## Leectio ij.

**A**RGUEBANT autem cum omnes próximos ejus, dicentes : Jam hujus rei causa interfici jussus es, et vix effugisti mortis imperium, et iterum sepeliris mortuos? Sed Tobias plus timens Deum quam regem, rapiébat corpora occisorum, et occultábat in domo sua, et médiis noctibus sepeliébat ea. Cántigit autem, ut quadam die fatigátus a sepultura véniens in domum suam, jactáset se juxta parietem, et obdormisset, et ex nido hirúndinum dormienti illi cálida stercora inciderent super óculos ejus, fierétque cæcus. Hanc autem tentationem ideo permisit Dóminus evenire illi, ut pósteris darétur exéplum patientiæ ejus, sicut et sancti Job.

iv. Omni. 177.

## Leectio iij.

**N**AM cum ab infántia sua semper Deum timúerit, et mandáta ejus custodierit, non est contristátus contra Deum quod plaga cæcitátis evénerit ei, sed immóbilis in Dei timóre permánsit, agens grátias Deo ómnibus diébus vitæ suæ. Nam sicut beáto Job insultábant reges, ita isti paréntes et cognáti ejus irridébant vitam ejus, dicentes : Ubi est spes tua, pro qua eleemósynas et se-

pultúras faciébas? Tobias vero increpábat eos, dicens: Nolíte ita loqui : quóniam filii sanctórum sumus, et vitam illam expectámus, quam Deus datúrus est his, qui fidem suam nunquam mutant ab eo.

ii. Memor esto. 178.

## FERIA TERTIA.

De libro Tobíæ.

## Leectio j. Cap. 2. d et 3.

**A**NNA vero uxor ejus ibat ad opus textrinum quotidie, et de labóre mánuum suárum victum, quem cónsequi póterat, deferébat. Unde factum est, ut hædum caprarum accípiens detulisset domi : ejus cum vocem balántis vir ejus audisset, dixit : Vidéte, ne forte furtívus sit, réddite eum dóminis suis, quia non licet nobis aut édere ex furto áliquíd, aut contingere.

ii. Sufficiébat. 178.

## Leectio ij.

**A**D hæc uxor ejus iráta respóndit : Manifeste vana facta est spes tua, et eleemósynæ tuæ modo apparuerunt. Atque his et áliis hujuscémodi verbis exprobrábat ei. Tunc Tobias ingémuit, et cœpit oráre cum lácrymis, dicens : Justus es, Dómine, et ómnia júdicia tua justa sunt : et omnes viæ tuæ misericórdia, et véritas, et júdiciú. Et nunc Dómine memor esto mei,



et ne vindictam sumas de peccatis meis, ne reminiscaris delicta mea, vel paréntum meórum.

**R.** Benedicite. 178.

**Lectio iij.**

**Q**UONIAM non obedívimus præcéptis tuis, ideo trá-diti sumus in direptionem, et captivitatem, et mortem, et in fábulam, et in impérium ómnibus natióibus, in quibus dispersisti nos. Et nunc, Dómine, magna judícia tua, quia non égimus secúndum præcépta tua, et non ambulávimus sincériter coram te. Et nunc, Dómine, secúndum voluntatem tuam fac mecum, et præcipe in pace récipi spíritum meum : expedit enim mihi mori magis, quam vivere.

**R.** Tempus est. 179.

**FERIA QUARTA**

**QUATUOR TEMP. SEPTEMBRIS.**

**Lectio sancti Evangélii**  
secúndum Marcum.

**Lectio j. Cap. 9. c**

**I**n illo témpore : Respón-dens unus de turba, dixit ad Jesum : Magister, áttuli filium meum ad te habén-tem spíritum mutum. Et réliqua.

Homilia venerábilis Bedæ  
Presbyteri.

**L. 3. c. 38. in Marci 9.**

**D**ÆMONIACUM hunc, quem descéndens de monte Dóminus sanávit, Marcus quidem surdum mutúmque,

Matthæus vero lunáticum fuisse commémorat. Significat autem eos, de quibus scriptum est : Stultus ut luna mutátur. Qui nunquam in eódem statu permanéntes, nunc ad hæc, nunc ad illa vítia mutáti, crescunt atque decréscunt. Qui muti sunt, non confiténdó fidem : surdi, nec ipsum aliquátenus veritátis audiéndó sermónem. Spumant autem, cum stultitia tabéscunt. Stultórum namque et languéntium, atque hébetum est spumas salivárum ex ore dimítttere. Strident déntibus, cum iracúndiæ furóre flamméscunt : aréscunt, cum ótio torpénte languéscunt, et nulla virtútis indústria confortáti enérviter vivunt.

**R.** Tribulationes. 179.

**Lectio ij.**

**Q**UOD autem ait : Et dixi discipulis tuis ut ejicerent illum, et non potuerunt ; laténter Apóstolos accúsat, cum impossibilitas curándi, intérdum non ad imbecillitatem curántium, sed ad eórum qui curándi sunt, fidem referátur, dicénte Dómino : Fiat tibi secúndum fidem tuam. Qui respóndens eis, dixit : O generatio incrédula, quámdiu apud vos ero ? quámdiu vos pátiar ? Non quod tædio superátus sit, mansuétus ac mitis, qui non apérui sicut



agnus coram tondente os suum, nec in verba furoris erupit : sed quod in similitudinem medici, si ægrôtum videat contra sua præcepta se gerere, dicat : Usquequo accédam ad domum tuam ? quoúsque artis meæ perdam industriam, me aliud jubente, et te aliud perpetrante ?

**R.** Omni témpore. 177.

**Lectio iij.**

**E**T dixit illis : Hoc genus in nullo potest exire, nisi in oratione et jejúnio. Dum docet Apóstolos, quómodo dæmon nequissimus debeat expelli, omnes instituit ad vitam : ut scilicet novérimus, gravíssima quæque vel immundorum spirituum, vel hominum tentamenta, jejúniis et orationibus esse superanda : iram quoque Dómini, cum in ultiónem nostrorum scélerum fuerit accénsa, hoc remedio singulári posse placári. Jejúnium autem generále est, non solum ab escis, sed et a cunctis illécebris abstinére carnalibus, immo ab ómnibus vitiórum continére se passionibus. Sic et oratio generális non in verbis solum est, quibus divínam cleméntiam invocámus, verum étiam in ómnibus, quæ in obséquium nostri Conditóris fidei devotiónem gérimus.

**R.** Memor esto. 178.

**Ad Benedictus, Anna**

Hoc genus \* dæmoniórum in nullo potest exire, nisi in oratione et jejúnio.

**Deinde Preces. 64.**

**Oratio.**

**M**ISERICORDIÆ tuæ remédiis, quæsumus Dómine, fragilitas nostra subsistat : ut quæ sua conditione attérritur, tua cleméntia reparétur. Per Dóminum.

**Et dicitur per Horas diei tantum.**

**Ad Vesp., si sit de Feria, dicuntur Preces FERIALES. 139. cum Orat. Dñicæ præc.**

**FERIA QUINTA.**

**De libro Tobíæ.**

**Lectio j. Cap. 12.**

**V**OCAVIT ad se Tobías filium suum, dixitque ei : Quid póssumus dare viro isti sancto, qui venit tecum ? Respóndens Tobías, dixit patri suo : Pater, quam mercedem dábimus ei ? aut quid dignum póterit esse beneficiis ejus ? Me duxit et redúxit sanum, pecúniam a Gabélo ipse recépít, uxórem ipse me habére fecit, et dæmónium ab ea ipse compéscuit, gáudium paréntibus ejus fecit, me ipsum a devoratione piscis erípuit, te quoque vidére fecit lumen cœli, et bonis ómnibus per eum repléti sumus. Quid illi ad hæc potérimus dignum dare ? Sed peto te, pater mi, ut roges eum, si forte digna-

bitur medietatem de omnibus quæ allata sunt, sibi assumere.

**R.** Peto, Dómine. 177.

**Lectio ij.**

**E**T vocantes eum, pater scilicet et filius, tulérunt eum in partem: et rogare cœperunt, ut dignaretur dimidiam partem omnium, quæ attulerant, acceptam habere. Tunc dixit eis occulte: Benedicite Deum cœli, et coram omnibus viventibus confitemini ei, quia fecit vobiscum misericordiam suam. Etenim sacramentum regis abscondere bonum est: ópera autem Dei revelare et confiteri honorificum est. Bona est oratio cum jejúnio, et eleemósyna, magis quam thesauros auri recondere: quóniam eleemósyna a morte liberat, et ipsa est quæ purgat peccata, et facit invenire misericordiam et vitam æternam. Qui autem faciunt peccatum et iniquitatem, hostes sunt animæ suæ.

**R.** Omni tempore. 177.

**Lectio iij.**

**M**ANIFESTO ergo vobis veritatem, et non abscondam a vobis occultum sermonem. Quando orabas cum lacrymis, et sepeliébas mortuos, et derelinquébas prandium tuum, et mortuos abscondébas per diem in domo tua, et nocte sepeliébas eos, ego obtuli orationem tuam

Dómino. Et quia acceptus eras Deo, necesse fuit ut tentatio probaret te. Et nunc misit me Dóminus ut curarem te, et Saram uxorem filii tui a dæmónio liberarem. Ego enim sum Ráphael Angelus, unus ex septem, qui astamus ante Dóminum. Cumque hæc audissent, turbati sunt, et treméntes ceciderunt super terram in faciem suam. Dixitque eis Angelus: Pax vobis, nolite timere.

**R.** Memor esto. 178.

**FERIA SEXTA**

**QUATUOR TEMP. SEPTEMBRIS.**

**Lectio sancti Evangélii**  
secundum Lucam.

**Lectio j. Cap. 7. f**

**I**N illo tempore: Rogabat Jesum quidam de Pharisæis ut manducaret cum illo. Et ingressus domum Pharisæi, discubuit. Et reliqua.

Homilia S. Gregórii Papæ.  
*Hom. 33. in Ev. post init.*

**Q**UEM Pharisæus de falsa justitia præsumens, nisi Judæicum pópulum: quem peccatrix mulier ad vestigia Dómini veniens et plorans, nisi conversam Gentilitatem designat? Quæ cum alabastro venit, unguentum fudit, retro secus pedes Dómini stetit, lacrymis pedes rigavit, capillis tersit, eosdémque quos infundébat et tergébat, pedes osculári non

désiit. Nos ergo, nos illa mulier expréssit, si toto corde ad Dóminum post peccáta redeámus, si ejus pœniténtiæ luctus initémur. Quid namque unguénto, nisi bonæ odor opiniónis exprimitur? Unde et Paulus dicit : Christi bonus odor sumus Deo in omni loco.

**R.** Sufficiébat. 178.

*Lectio ij.*

**S**i ergo recta ópera ágimus, quibus opiniónis bonæ odóre Ecclesiám respergámus, quid in Dómini corpore, nisi unguéntum fúndimus? Sed secus pedes Jesu mulier stetit; contra pedes enim Dómini stétimus, cum in peccátis pósito ejus itinéribus retinebámur. Sed si ad veram pœniténtiam post peccáta convértimur, jam retro secus pedes stamus : quia ejus vestigia séquimur, quem impugnabámus. Lácrymis mulier pedes ejus rigat: quod nos quoque veráciter ágimus, si quibúslibet últimis membris Dómini per compassiόνis afféctum inclinámur, si sanctis ejus in tribulatione compátimur, si eórum tristítiam, nostram putámus.

**R.** Benedicite. 178.

*Lectio iij.*

**C**APILLIS ergo pedes Dómini térgimus, quando sanctis ejus, quibus ex charitáte compátimur, étiam ex

his quæ nobis supérfluunt, miserémur : quátenus sic mens per compassiόνem dóleat, ut étiam larga manus afféctum dolóris osténdat. Rigat namque lácrymis Redemptóris pedes, sed capillis suis non tergit, qui utcúmque proximórum dolóri compátitur, sed tamen eis ex his, quæ sibi supérfluunt, non miserétur. Plorat, et non tergit, qui verba quidem dolóris tribuit : sed non ministrando quæ desunt, vim dolóris minime abscíndit. Osculátur mulier pedes quos tergit : quod nos quoque plene ágimus, si studiósè dilígimus, quos ex largitáte continémus : ne gravis nobis sit necéssitas próximi : ne ipsa nobis ejus indigéntia, quæ sustentátur, fiat onerósa : et cum manus necessária tribuit, ánimus a dilectiône torpéseat.

**R.** Tempus est. 179.

*Ad Benedictus, Añá.*

Mulier\* quæ erat in civitate peccátrix, stans retro secus pedes Dómini, lácrymis cœpit rigáre pedes ejus, et capillis cápitis sui tergébat, et deosculabátur pedes ejus, et unguénto ungébat.

*Deinde Preces. 64.*

*Oratio.*

**P**RÆSTA, quæsumus omnipotens Deus : ut observationes sacras ánnua devotiône recoléntes, et corpore

tibi placeamus, et mente.  
Per Dóminum.

**Et dicitur per Horas diei tantum.**

**In Vesperis, nisi fiat de Festo ix. Lect. dicuntur Preces feriales. 139. et Oratio Dominicæ præteritæ.**

### SABBATO

QUATUOR TEMP. SEPTEMBRIS.

**Lectio sancti Evangélii secundum Lucam.**

**Lectio j. Cap. 13.**

**I**N illo témpore : Dicébat Jesus turbis hanc similitudinem : Arbórem ficí habébat quidam plantátam in vinea sua, et venit quærens fructum in illa, et non invénit. Et réliqua.

Homilia S. Gregórii Papæ.

*Hom. 31. in Evang.*

**D**OMINUS ac Redemptor noster per Evangélium suum aliquándo verbis, aliquándo rebus lóquitur : aliquándo áliud verbis, atque áliud rebus : aliquándo autem hoc verbis, quod rebus. Duas étenim res ex Evangélio, fratres, audístis : ficúlneam infructuósam, et mulierem curvam : et utríque rei est pietas impénsa. Illud autem dixit per similitudinem : istud egit per exhibitióem. Sed hoc significat ficúlnea infructuósa, quod múlter inclináta : et hoc ficúlnea reserváta, quod múlter erécta.

**ii. Tribulatióes. 179.**

### Lectio ij.

**Q**UID arbor ficí, nisi humanam natúram designat? Quid múlter inclináta, nisi eámdem natúram significádo denúnciat? Quæ et bene plantáta est sicut ficus, et bene creáta sicut múlter; sed in culpam própria sponte lapsa, neque fructum servat operatióis, neque statum rectitudinis. Ad peccátum quippe ex voluntáte córruens, quia fructum obediéntiæ ferre nóluit, statum rectitudinis amisit. Quæ ad Dei similitudinem cóndita, dum in sua dignitáte non pérstitit, quod plantáta vel creáta fuerat, serváre contémpsit. Tértio dóminus vineæ ad ficúlneam venit, quia natúram géneris humani ante legem, sub lege, sub grátia expectádo, admonédo, visitádo requisivit.

**R. Omni témpore. 177.**

### Lectio iij.

**V**ENIT ante legem, quia per naturálem intelléctum quid unusquisque exémplo sui, quáliter erga próximum ágere debuisset, innóuit. Venit in lege, quia præcipiédo dócuit : Venit post legem per grátiam, quia pietátis suæ præsentiam exhibédo monstrávit. Sed tamen in tribus annis fructum se non invenisse conquéritur : quia quorúmdam præ-

vórum mentes nec inspiráta lex naturális córrigit, nec præcépta erúdiunt, nec incarnatiónis ejus mirácula convértunt. Quid vero per cultórem víneæ, nisi præpositórum ordo exprimitur? Qui dum præsunt Ecclésiæ, nimirum domínice víneæ curam gerunt.

*R.* Memor esto. 178.

*Ad Benedictus, Añá.*

Illumináre, Dómine, \* iis qui in ténebris sedent, et dirige pedes nostros in viam pacis, Deus Israel.

*Deinde dicuntur Preces ut in Psalterio. 64.*

*Oratio.*

**O**MNIPOTENS sempitérne Deus, qui per continéntiam salutárem corpóribus medéris et méntibus: majestátem tuam súpplices exorámus; ut pia jejunántium deprecatione placátus, et præsentia nobis subsidia tríbuas, et futúra. Per Dñm.

*Et dicitur per Horas diei tantum.*

*Ad Magnificat. Añá.*

Adónai Dómine, \* Deus magne et mirábilis, qui dedisti salutem in manu féminæ, exáudi preces servórum tuórum.

DOM. IV. SEPTEMBRIS.

*In primo Nocturno.*

*Incipit liber Judith.*

*LECTIO j. Cap. 1. et 2.*

**A**RPHAXAD itaque rex Medórum subjugáverat

multas gentes império suo, et ipse ædificávit civitátem potentíssimam, quam appellávit Ecbátanis, ex lapidibus quadrátis et sectis; fecit muros ejus in latitúdinem cubitórum septuaginta, et in altitúdinem cubitórum triginta: turres vero ejus pósuit in altitúdinem cubitórum centum. Per quadrum vero eárum latus utrúmque vicenórum pedum spátio tendebátur, posuitque portas ejus in altitúdinem turríum: et gloriabátur quasi potens in poténtia exércitus sui, et in glória quadrigárum suárum.

*R.* Adónai Dómine, Deus magne et mirábilis, qui dedisti salutem in manu féminæ: \* Exáudi preces servórum tuórum. *V.* Benedictus es, Dómine, qui non derelínquis præsuméntes de te, et de sua virtute gloriántes humílias. Exáudi.

*Lectio ij*

**A**NNO igitur duodécimo regni sui, Nabuchodónosor rex Assyriórum, qui regnábat in Nínive civitate magna, pugnávit contra Arpháxad, et obtínuit eum in campo magno, qui appellátur Ragau, circa Euphráten, et Tigrin, et Jádason, in campo Erioch regis Elícórum. Tunc exaltátum est regnum Nabuchodónosor, et cor ejus elevátum est: et



misit ad omnes, qui habitabant in Cilicia, et Damasco, et Libano, et ad gentes quæ sunt in Carmelo, et Cedar, et inhabitantes Galilæam in campo magno Esdreton, et ad omnes qui erant in Samaria, et trans flumen Jordānem usque ad Jerúsalem, et omnem terram Jesse, quousque perveniatur ad terminos Æthiopiæ.

**R.** Tribulationes civitatum audivimus, quas passæ sunt, et defecimus: timor et hebetudo mentis cecidit super nos, et super liberos nostros: ipsi montes nolunt recipere fugam nostram: \* Domine, miserere. **V.** Peccavimus cum patribus nostris, injuste egimus, iniquitatem fecimus. Domine.

### Lectio iij.

**A**d hos omnes misit nuntios Nabuchodonosor rex Assyriorum: qui omnes uno animo contradixerunt, et remisérunt eos vacuos, et sine honore abjecerunt. Tunc indignatus Nabuchodonosor rex adversus omnem terram illam, juravit per thronum et regnum suum, quod defenderet se de omnibus regionibus his. Anno tertio-decimo Nabuchodonosor regis, vigesima et secunda die mensis primi, factum est verbum in domo Nabuchodonosor regis Assyriorum ut defenderet se. Voca-

vitque omnes majores natu, omnesque duces, et bellatores suos, et habuit eum eis mysterium consilii sui: dixitque cogitationem suam in eo esse, ut omnem terram suo subjugaret imperio.

**R.** Benedicat te Dominus in virtute sua, qui per te ad nihilum redégit inimicos nostros: \* Ut non deficiat laus tua de ore hominum.

**V.** Benedictus Dominus, qui creavit cælum et terram: quia hodie nomen tuum ita magnificavit. Ut. Glória Patri. Ut.

### In secundo Nocturno.

Ex libro S. Ambrósii Episcopi de Elia et jejúnio.

### Lectio iv. Cap. 9.

**P**OTENTES vinum prohibentur bibere, ne, cum biberint, obliviscantur sapientiam. Denique bibebant vinum in ebrietate potentes, qui Holoférni principi militiæ regis Assyriorum se tradere gestiabant: sed non bibebat femina Judith, jejúnans omnibus diebus viduitatis suæ, præter festorum dierum solemnitates. His armis munita processit, et omnem Assyriorum circumvenit exercitum. Sobrii vigore consilii abstulit Holoférnis caput, servavit pudicitiam, victoriam reportavit.

**R.** Nos alium Deum nescimus præter Dominum, in



quo speramus : \* Qui non despicit nos , nec amovet salutem suam a genere nostro. *℟.* Indulgentiam ipsius fuis lacrymis postulamus , et humiliemus illi animas nostras. Qui.

*Lectio v.*

**H**ÆC enim succineta jejûnio in castris prætendebat aliénis : ille vino sepultus jacebat , ut ietum vulneris sentire non posset. Itaque unius mulieris jejûnium innúmeros stravit exercitus Assyriorum. Esther quoque pulchrior facta est jejûnio : Dóminus enim grátiam sóbriæ mentis augébat. Omne genus suum , id est , totum pópulum Judæorum , a persecutiónis acerbitate liberávit , ita ut regem sibi faceret esse subjéctum.

*℞.* Dominátor Dómine cœlorum et terræ , creátor aquarum , Rex univérsæ creaturæ , \* Exáudi orationem servórum tuórum. *℣.* Tu , Dómine , cui humilium semper et mansuetórum placuit deprecatio. Exáudi.

*Lectio vj.*

**I**TAQUE illa , quæ triduo jejunávit continuo , et corpus suum aqua lavit , plus placuit , et vindictam rétulit : Aman autem , dum se regáli jactat convivio , inter ipsa vina pœnam suæ ebrietatis exólvit. Est ergo jejûnium reconciliatiónis sacri-

ficium , virtútis incrementum , quod fecit étiam féminas fortióres augmento grátiae. Jejûnium nescit fœneratórem , non sortem fœnoris novit : non rédolet usúras mensa jejunántium : étiam ipsis jejûnium conviviis dat grátiam. Dulcióres post famem épulæ fiunt , quæ assiduitate fastidio sunt , et diutúrna continuatióne viléscunt. Condimentum cibi jejûnium est. Quanto avidior appeténtia , tanto esca jucúndior.

*℞.* Dómine Deus , qui cónteris bella ab initio , eleva bráchium tuum super Gentes , quæ cógitant servis tuis mala : \* Et dextera tua glorificétur in nobis. *℣.* Alíde virtutem eórum in virtute tua ; cadat robur eórum in iracúndia tua. Et. Glória Patri. Et.

*℞. vij.* Confórta me , Rex , sanctorum principátum tenens : \* Et da sermónem rectum et bene sonántem in os meum. *℣.* Dómine Rex univérsæ potestátis , converte consílium eórum super eos. Et da.

*℞. viij.* Duo Séraphim clamábant alter ad álterum : \* Sanctus , sanctus , sanctus Dóminus Deus Sábaoth : \* Plena est omnis terra glória ejus. *℣.* Tres sunt qui testimoniúm dant in cœlo : Pater , Verbum , et Spíritus sanctus ;

et hi tres unum sunt. Sanctus. Glória Patri. Plena.

**Feria iv. hujus Hebd. post**  
ij. et iij. Lect. dicitur ij. et  
iij. R. j. Noct. Dñicæ.

## FERIA SECUNDA.

De libro Judith.

**Lectio j. Cap. 4.**

**F**ILII Israel, qui habitabant in terra Juda, timuerunt valde a facie Holoférnis. Tremor et horror invásit sensus eórum, ne hoc faceret Jerúsalem et templo Dómini, quod fécerat céteris civitatibus et templis eárum. Et miserunt in omnem Samariam per circúitum usque Jéricho, et præoccupavérunt omnes vértices móntium : et muris circumdedérunt vicos suos, et congregavérunt fruménta in præparatióem pugnæ.

R. Adónai Dómine. 186.

**Lectio ij.**

**S**ACERDOS étiam Eliachim scripsit ad univérso qui erant contra Esdreton, quæ est contra faciém campi magni juxta Dóthain, et univérso, per quos viæ tránsitus esse póterat, ut obtinérent ascénsus móntium, per quos via esse póterat ad Jerúsalem, et illic custodírent, ubi angústum iter esse póterat inter montes. Et fecérunt filii Israel secúndum quod constitúerat eis sacérdos Dómini Eliachim. Et clamávit omnis

pópulus ad Dóminum instántia magna, et humiliavérunt ánimas suas in jejúniis et oratióibus, ipsi et mulieres eórum.

R. Tribulatióes. 187.

**Lectio iij.**

**E**T induérunt se sacerdotes ciliciis, et infántes prostravérunt contra faciém templi Dómini, et altáre Dómini operuvérunt cilicio : et clamavérunt ad Dóminum Deum Israel unanimiter, ne daréntur in prædam infántes eórum, et uxóres eórum in divisióem, et civitates eórum in exterminium, et sancta eórum in pollutióem, et flerent opprobrium Géntibus. Tunc Eliachim, sacérdos Dómini magnus, circúvit omnem Israel, allocutúsque est eos, dicens : Scitóte quóniam exáudiet Dóminus preces vestras, si manéntes permanséritis in jejúniis et oratióibus in conspéctu Dómini.

R. Benedícat te. 187.

## FERIA TERTIA.

De libro Judith.

**Lectio j. Cap. 8.**

**E**T factum est, cum audísset hæc verba Judith vídua, quæ erat filia Merári, filii Idox, filii Joseph, filii Ozlæ, filii Elái, filii Jamnor, filii Gédeon, filii Ráphaim, filii Achitob, filii Melchíæ, filii Enan, filii Na-

thanæ, filii Saláthiel, filii Simeon, filii Ruben : et vir ejus fuit Manásses, qui mórtuus est in diébus messis hordeæcæ: instábat enim super alligántes manípulos in campo, et venit æstus super caput ejus, et mórtuus est in Bethúlia civitáte sua, et sepúltus est illic cum pátribus suis. Erat autem Judith relicta ejus vídua jam annis tribus, et ménsibus sex.

**R.** Nos álium. 187.

**Lectio ij.**

**E**T in superióribus domus suæ fecit sibi secrétum cubículum, in quo cum puéllis suis clausa morabátur : et habens super lumbos suos cilícium, jejunábat ómnibus diébus vitæ suæ, præter sábbata, et neomé-nias, et festa domus Israel. Erat autem elegánti aspéctu nimis, cui vir suus reliquerat divítias multas, et famíliam copiósam, ac possessionés arméntis boum et grégibus óvium plenas. Et erat hæc in ómnibus famosíssima, quóniam timébat Dóminum valde, nec erat qui loquerétur de illa verbum malum.

**R.** Dominátor. 188.

**Lectio iij.**

**H**ÆC itaque cum audisset, quóniam Ozías promississet quod transácto quinto die tráderet civitátem, misit ad presbyteros Chabri et

Charmi. Et venérunt ad illam, et dixit illis : Quod est hoc verbum, in quo consénsit Ozías, ut tradat civitátem Assyriis, si intra quinque dies non vénerit vobis adjutórium ? Et qui estis vos, qui tentátis Dóminum?

**R.** Dómine Deus. 188.

**FERIA QUARTA.**

De libro Judith.

**Lectio j. Cap. 10.**

**F**ACTUM est autem, cum cessáisset clamáre ad Dóminum, surréxit de loco, in quo jacúerat prostráta ad Dóminum. Vocavítque abram suam, et descéndens in domum suam, abstulit a se cilícium, et éxuit se vestiméntis viduitátis suæ, et lavit corpus suum, et unxit se myro óptimo, et discriminávit crinem cápitis sui, et impósuit mitram super caput suum, et induit se vestiméntis jucunditátis suæ, induítque sandália pédibus suis, assumpsítque dextraliola, et lilia, et in-áures, et ánnulos, et ómnibus ornaméntis suis ornávit se. Cui étiam Dóminus cón-tulit splendórem.

**R.** Confórta. 188.

**Lectio ij.**

**F**ACTUM est autem, cum descénderet montem, circa ortum diéi, occurrérunt ei exploratóres Assyriórum, et tenuérunt eam, dicéntes : Unde venis? aut

quo vadis? Quæ respóndit: Filia sum Hebræórum, ideo ego fugi a fácie eórum, quóniam futúrum agnóvi, quod dentur vobis in deprædatiónem, pro eo quod contemnéntes vos, noluerunt ultro trádere seípsos, ut invenírent misericórdiam in conspéctu vestro.

Ŕ. Tribulatiónes. 187.

Lectio iij.

**D**UXERUNTQUE illam ad tabernáculum Holoférnis, annuntiántes eam. Cumque intráset ante fáciem ejus, statim captus est in suis óculis Holoférnes. Dixerúntque ad eum satéllites ejus: Quis conténnat pópulum Hebræórum, qui tam decóras mulieres habent, ut non pro his mérito pugnáre contra eos debeámus? Videns itaque Judith Holoférnem sedéntem in conopéo, quod erat ex púrpura, et auro, et smarágdo, et lapídibus pretiósus intéxtum: et cum in fáciem ejus intendisset, adorávit eum, prostérnens se super terram.

Ŕ. Benedicat te, 187.

FERIA QUINTA.

Si hæc fuerit ultima Hebdomada Septembris, hæc nocte ponitur liber Esther cum sua historia, ut infra in Dñica v. hujus mensis.

193 et legitur de eo etiam duobus seq. diebus. Quod si hoc triduo non occurrat Fe-

ria, in qua possint poni Resp., eo anno omittuntur.

Si vero non fuerit ultima Hebdomada, leguntur sequentes Lectiones.

De libro Judith.

Lectio j. Cap. 12. c

**E**T factum est, in quarto die Holoférnes fecit cœnam servis suis, et dixit ad Vágao eunúchum suum: Vade, et suáde Hebræam illam ut sponte conséntiat habitáre mecum. Fœdum est enim apud Assyrios, si fémína irrideat virum, agéndó ut immúnis ab eo tráns-eat. Tunc introívit Vágao ad Judith, et dixit: Non vereátur bona puélla introíre ad dómimum meum, ut honorificétur ante fáciem ejus, ut mandúcet cum eo, et bibat vinum in jucunditáte. Cui Judith respóndit: Quæ ego sum, ut contradícam dómimo meo?

Ŕ. Adónai. 186.

Lectio ij. Cap. 13.

**U**T autem sero factum est, festinavérunt servi illius ad hospítia sua, et conclúsit Vágao óstia cubiculi, et ábiit, erant autem omnes fatigáti a vino: erátque Judith sola in cubículo. Porro Holoférnes jacébat in lecto, nímia ebrietáte sopítus. Dixítque Judith puél-læ suæ, ut staret foris ante cubículum, et observáret. Stetítque Judith ante le-

ctum, orans cum lácrymis, et labiórum motu in siléntio, dicens : Confirma me, Dómine Deus Israel, et respice in hac hora ad ópera mánuum meárum, ut, sicut promisisti, Jerúsalem civitátem tuam érigas, et hoc quod credens per te posse fieri cogitávi, perficiam.

*R.* Tribulationes. 187.

*Lectio iij.*

**E**T cum hæc dixisset, accessit ad columnam quæ erat ad caput léctuli ejus, et pugiónem ejus, qui in ea ligátus pendébat, exólvit. Cumque evaginásset illum, apprehéndit comam cápitis ejus, et ait : Confirma me Dómine Deus in hac hora. Et percússit bis in cervicem ejus, et abscidit caput ejus: et abstulit conopéum ejus a columnis, et evólvit corpus ejus truncum. Et post pusillum exívit, et trádedit caput Holoférnis ancillæ suæ, et jussit ut mitteret illud in peram suam.

*R.* Benedicat te. 187.

**FERIA SEXTA.**

De libro Judith.

*Lectio j. Cap. 15.*

**C**UMQUE omnis exércitus audisset, fugit mens et consilium ab eis, et solo tremóre et metu agitatí, fugæ præsidium sumunt, ita ut nullus lequerétur cum próximo suo, sed inclináte cá-

pite, relletis ómnibus, evadere festinábant Hebræos, quos armátos super se venire audiébant, fugiéntes per vias campórum et sémitas cóllium. Vidéntes itaque filii Israel fugiéntes, secúti sunt illos. Descenderúntque clangéntes tubis, et ululántes post ipsos.

*R.* Nos álium. 187.

*Lectio ij.*

**M**ISIT itaque Ozías nuntios per omnes civitátes et regiónes Israel. Omnis itaque régio, omnisque urbs, eléctam juventútem armátam misit post eos, et persecúti sunt eos in ore gládií, quousque pervenirent ad extremitátem finium suórum. Réliqui autem qui erant in Bethúlia, ingrési sunt castra Assyriórum, et prædam, quam fugiéntes Assyrii reliquerant, abstulérunt, et onustáti sunt valde.

*R.* Dominátor. 188.

*Lectio iij.*

**J**OACHIM autem summus Póntifex de Jerúsalem venit in Bethúliam cum univérsis presbyteris suis, ut vidéret Judith. Quæ cum exisset ad illum, benedixerunt eam omnes una voce, dicéntes: Tu glória Jerúsalem, tu lætítia Israel, tu honorificéntia pópuli nostri. quia fecisti viriliter, et confortátum est cor tuum,

eo quod castitatem amaveris, et post virum tuum alterum nescieris : ideo et manus Domini confortavit te, et ideo eris benedicta in ætérnum. Et dixit omnis pópulus : Fiat, fiat.

℞. Dómine Deus. 188.

SABBATO.

De libro Judith.

*Lectio j. Cap. 16. c*

**E**T factum est post hæc, omnis pópulus post victóriam venit in Jerúsalem adorare Dóminum : et mox ut purificati sunt, obtulerunt omnes holocáusta, et vota, et repromissiones suas. Porro Judith univérsa vasa bélica Holoférnis, quæ dedit illi pópulus, et conopéum, quod ipsa sustulerat de cubili ipsius, obtulit in anathéma obliviónis.

℞. Confórta me. 188.

*Lectio ij.*

**E**RAT autem pópulus jucúndus secúndum faciém sanctórum, et per tres menses gáudium hujus victoriæ celebrátum est cum Judith. Post dies autem illos unusquisque rédiit in domum suam, et Judith magna facta est in Bethúlia, et præclárior erat univérse terræ Israel. Erat étiam virtúti cástitas adjúcta, ita ut non cognósceret virum ómnibus diébus vitæ suæ, ex quo defúnctus est Manásses vir ejus. Erat au-

tem diébus festis procédens cum magna glória.

℞. Tribulationes. 187.

*Lectio iij.*

**M**ANSIT autem in domo viri sui annos centum quinque, et dimisit abram suam liberam, et defúncta est, ac sepulta cum viro suo in Bethúlia. Luxitque illam omnis pópulus diébus septem. In omni autem spátio vitæ ejus non fuit qui perturbáret Israel, et post mortem ejus annis multis. Dies autem victoriæ hujus festivitátis, ab Hebræis in número sanctórum diérum accipitur, et cólitur a Judæis ex illo témpore usque in præséntem diem.

℞. Benedicat te. 187.

SABBATO

ANTE DOM. V. SEPTEMBRIS.

*Ad Magnificat, Añã.*

Dómine rex \*omnípotens, in ditióne tua cuncta sunt pósita, et non est qui possit tuæ resistere voluntáti.

DOM. V. SEPTEMBRIS.

*In primo Nocturno.*

Incipit liber Esther.

*Lectio j. Cap 1.*

**I**N diébus Assuéri, qui regnavit ab India usque Æthiópiam super centum viginti septem provincias : quando sedit in sólio regni sui, Susan civitas regni ejus exórdium fuit. Tértio igitur anno impérii sui fecit grande convívium cun-



etis principibus et pueris suis, fortissimis Persarum, et Medorum Inclytis, et praefectis provinciarum coram se, ut ostenderet divitias gloriæ regni sui, ac magnitudinem, atque jactantiam potèntiæ suæ, multo tēpore, centum videlicet et octoginta diēbus.

**R.** Dómine mi, Rex omnípotens, in ditióne tuā cuncta sunt pósita, et non est qui possit resistere voluntati tuæ : \* Libera nos propter nomen tuum. **V.** Exáudi oratióem nostram, et converté luctum nostrum in gáudium. Libera.

*Lectio ij.*

**C**UMQUE impleréntur dies convivii, invitávit omnem pópulum, qui invéntus est in Susan, a máximo usque ad mínimum : et jussit septem diēbus convivium præparári in vestibulo horti, et nēmoris, quod régio cultu et manu cónsitum erat. Et pendébant ex omni parte tentória aërii colóris, et carbásini ac hyacínthini, sustentáta fūnibus byssinis, atque purpúreis, qui ebúrneis círculis insérta erant, et colúmnis marmóreis fulciebantur. Léctuli quoque áurei et argétei, super paviméntum smarágdino et pário stratum lápide, dispósi erant : quod mira varietáte pictúra decorábat.

**R.** Confórta me Rex, sanctorum principátum tenens : \* Et da sermónem rectum et bene sonántem in os meum.

**V.** Dómine Rex univérsæ potestátis : converté consiliū eórum super eos. Et.

*Lectio iij.*

**B**IBEBANT autem qui invitati erant, áureis poculis, et áliis atque áliis vasis cibi inferebantur. Vinum quoque, ut magnificéntia régia dignum erat, abúndans et præcípuum ponebátur. Nec erat qui noléntes cógeret ad bibéndum, sed sicut rex statúerat, præpónens mensis singulos de principibus suis, ut sumeret unusquisque quod vellet. Vasthi quoque regína fecit convivium feminárum in palátio, ubi rex Assuérus manére consuéverat.

**R.** Spem in álium nunquam hábui, prætérquam in te Deus Israel : \* Qui irásceris, et propítius eris : et ómnia peccáta hóminum in tribulatióne dimittis. **V.** Dómine Deus créator cœli et terræ, respice ad humilitátem nostram Qui. Glória Patri. Qui.

*In secundo Nocturno.*

Ex libro Officiórum sancti Ambrósii Episcopi.

*Lectio iv. L. 3. c. 15.*

**Q**UID Esther regína? nonne ut pópulum suum periculo erúeret (quod erat decórum atque honéstum) morti

se obtulit, nec immittis regis  
trepidavit furorem? Ipse  
quoque rex Persarum ferox  
atque tumido corde, tamen  
decorum judicavit, indici  
insidiarum quæ sibi paratæ  
forent, gratiam repræsen-  
tare, populumque liberum a  
servitute eripere, erüere ne-  
ci, nec parcere neci ejus,  
qui tam indecora suasisset.  
Denique quem secundum a  
se, ac præcipuum inter om-  
nes amicos haberet, cruci  
tradidit, quod dehonestatum  
se ejus fraudulenti consi-  
liis animadvertisset.

**R.** Meménto mei, Dómine  
Deus, in bonum : \* Et ne  
deleas miseratiónes meas,  
quas feci in domo Dei mei,  
et in cæremóniis ejus. **V.**  
Recordáre mei, Dómine  
Deus meus, Et.

**Lectio v. Cap. 16.**

**E**A enim amicitia probá-  
bilis, quæ honestatem  
tuétur, præferenda sane  
opibus, honoribus, potestá-  
tibus : honestati vero præ-  
ferri non solet, sed honestá-  
tem sequi. Qualis fuit Jóna-  
thæ, qui pro pietate nec offén-  
sam patris, nec salutis pe-  
rículum refugiébat. Qualis  
fuit Achímelech, qui pro ho-  
spitalis gratiæ officiis necem  
pótius sibi, quam proditió-  
nem fugiéntis amici subeün-  
dam arbitrabatur. Nihil igitur  
præferendum honestati:  
quæ tamen ne amicitia

stúdio prætereatur, étiam  
hoc Scriptúra admonet.

**R.** Tribulatiónes civitatum  
audivimus, quas passæ  
sunt, et defécimus : timor  
et hebetúdo mentis cécidit  
super nos, et super líberos  
nostros, ipsi montes nolunt  
recipere fugam nostram : \*  
Dómine, miserére. **V.** Pec-  
cávimus cum pátribus no-  
stris, injúste égimus, ini-  
quitátem fécimus. Dómine.

**Lectio vj.**

**S**UNT enim pleræque phi-  
losophórum quæstiónes:  
Utrum amici causa quis-  
quam contra pátriam sentí-  
re, necne, débeat, ut amí-  
co obédiat : Utrum opórteat  
ut fidem déserat, dum in-  
dúlget atque inténdit amíci  
commoditátibus. Et Scri-  
ptúra quidem ait : Clava,  
et gládus, et sagítta ferrá-  
ta : sic homo est testimó-  
nium dans falsum advérsus  
amicum suum. Sed consi-  
dera quid ástruat. Non te-  
stimónium reprehéndit di-  
ctum in amicum, sed fal-  
sum testimónium. Quid enim  
si Dei causa, quid si pátriæ  
cogátur áliquis dicere te-  
stimónium? Numquid præ-  
ponderare debet amicitia  
religióni, præponderare  
charitati vítium?

**R.** Benedícat te Dóminus in  
virtute sua, qui per te ad ni-  
hilum redégit inimícos no-  
stros : \* Ut non defleat laus

tua de ore hominum. **V.** Benedictus Dñus, qui creávit cœlum et terram: quia hódie nomen tuum ita magnificávit. Ut. **Gloria Patri.** Ut. **R.** vij. Nos álium Deum nescimus præter Dóminum, in quo sperámus: \* Qui non despícit nos, nec ámovet salutem suam a gènere nostro. **V.** Indulgéntiam ipsíus fuis lácrymis postulémus, et humiliémus illi ánimas nostras. Qui non.

**R.** viij. Duo Séraphim clamábant alter ad álterum: \* Sanctus, sanctus, sanctus Dóminus Deus Sábaoth: \* Plena est omnis terra glória ejus. **V.** Tres sunt qui testimoniúm dant in cœlo: Pater, Verbum, et Spiritus sanctus; et hi tres unum sunt. Sanctus. **Gloria Patri.** Plena.

**Feria iv. hujus Hebdom. post ij. et iij. Lect. dicitur ij. et iij. R. j. Noct. hujus Dñicæ.**

## FERIA SECUNDA.

De libro Esther.

**Lectio j. Cap. 2.**

**E**RAT vir Judæus in Susan civitáte, vocábulo Mardocheus, filius Jair, filii Sémei, filii Cis, de stirpe Jémini, qui translátus fúerat de Jerúsalem eo témpore, quo Jechoníam regem Juda Nabuchodónosor rex Babylonis transtúlerat, qui fuit nutritíus filiæ fratris sui Edissæ, quæ áltero nómine vocabátur Esther: et utrúm-

que paréntem amiserat: pulchra nimis, et decóra fácie. Mortuísque patre ejus ac matre, Mardocheus sibi eam adoptávit in filiam.

**R.** Dómine mi Rex. 194.

**Lectio ij.**

**C**UMQUE percrebúisset regis impérium, et juxta mandátum illíus multæ pulchræ vírgines adduceréntur Susan, et Egéo traderéntur eunúcho; Esther quoque inter céteras puéllas ei trádita est, ut servarétur in número feminárum. Quæ plácuit ei, et invénit grátiam in conspéctu illíus. Et præcépit eunúcho, ut acceleráret mundum muliebrem, et tráderet ei partes suas, et septem puéllas speciosíssimas de domo regis, et tam ipsam quam pedissequas ejus ornáret atque excóleret. Quæ nóluit indicáre ei pópulum et pátriam suam: Mardocheus enim præcéperat ei, ut de hac re omníno reticéret: qui deambulábat quotidie ante vestibulum domus, in qua eléctæ vírgines servabántur, curam agens salutis Esther.

**R.** Confórta me. 194.

**Lectio iij.**

**E**VOLUTO autem témpore per órđinem, instábat dies quo Esther filia Abihail fratris Mardochei, quam sibi adoptáverat in filiam, debéret intráre ad regem.

Quæ non quæsit mulierem cultum, sed quæcumque voluit Egæus eunuchus custos virginum, hæc ei ad ornatum dedit. Erat enim formosa valde, et incredibili pulchritudine, omnium oculis gratiosa et amabilis videbatur. Ducta est itaque ad cubiculum regis Assuëri mense decimo, qui vocatur Tebeth, septimo anno regni ejus. Et adamavit eam rex plus quam omnes mulieres, habuitque gratiam et misericordiam coram eo super omnes mulieres, et posuit diadema regni in capite ejus, fecitque eam regnare in loco Vasthi.

**R.** Spem in alium. 194.

**FERIA TERTIA.**

De libro Esther.

**Lectio j. Cap. 3.**

**P**OST hæc rex Assuërus exaltavit Aman filium Amadathi, qui erat de stirpe Agag: et posuit solium ejus super omnes principes, quos habebat. Cunctique servi regis, qui in foribus palatii versabantur, flectebant genua, et adorabant Aman: sic enim præceperat eis Imperator. Solus Mardocheus non flectebat genu, neque adorabat eum. Cui dixerunt pueri regis, qui ad fores palatii præsidebant: Cur præter cæteros non obsequas mandatum regis?

**R.** Meménto mei. 195.

**Lectio ij.**

**C**UMQUE hoc crebrius dicerent, et ille nollet audire, nuntiaverunt Aman, scire cupientes utrum perseveraret in sententia: dixerat enim eis se esse Judæum. Quod cum audisset Aman, et experimento probasset quod Mardocheus non flecteret sibi genu, nec se adoraret, iratus est valde, et pro nihilo duxit in unum Mardocheum mittere manus suas.

**R.** Tribulationes. 195.

**Lectio iij.**

**A**UDIERAT enim quod esset gentis Judææ, magisque voluit omnem Judæorum, qui erant in regno Assuëri, perdere nationem. Mense primo (cujus vocabulum est Nisan) anno duodecimo regni Assuëri, missa est sors in urnam, quæ hebræice dicitur phur, coram Aman, quo die et quo mense gens Judæorum deberet interfici: et exivit mensis duodecimus, qui vocatur Adar.

**R.** Benedicat. 195.

**FERIA QUARTA.**

De libro Esther.

**Lectio j. Cap. 4.**

**Q**UÆ cum audisset Mardocheus, scidit vestimenta sua, et indutus est sacco, spargens cinerem capiti: et in platea mediæ civitatis voce magna clamabat, ostendens amaritudinem ani-

mi sui, et hoc ejulatu usque ad fores palatii gradiens. Non enim erat licitum indutum sacco aulam regis intrare. In omnibus quoque provinciis, oppidis, ac locis, ad quæ crudèle regis dogma pervenerat, planctus ingens erat apud Judæos, jejuniū, ululatus, et fletus, sacco et cinere multis pro strato utentibus. Ingressæ autem sunt puellæ Esther et eunuchi, nuntiaveruntque ei. Quod audiens consternata est: et vestem misit, ut ablato sacco, induerent eum: quam accipere noluit. Accitoque Athach eunuchō, quem rex ministrum ei dederat, præcepit ei ut iret ad Mardocheum, et disceret ab eo cur hoc faceret.

℞. Nos alium. 196.

*Lectio ij.*

**E**GRESSUSQUE Athach, ivit ad Mardocheum stantem in platea civitatis ante ostium palatii; qui indicavit ei omnia, quæ acciderant, quomodo Aman promississet, ut in thesauros regis pro Judæorum nece inferret argentum. Exemplar quoque edicti, quod pendebat in Susan, dedit ei, ut reginæ ostenderet, et moneret eam, ut intraret ad regem, et deprecaretur eum pro populo suo. Reversus Athach, nuntiavit Esther omnia, quæ Mar-

dochæus dixerat. Quæ respondit ei, et jussit ut diceret Mardocheo: Omnes servi regis, et cunctæ, quæ sub ditione ejus sunt, norunt provinciæ, quod sive vir, sive mulier, non vocatus, intèrius atrium regis intraverit, absque ulla cunctatione statim interficiatur: nisi forte rex auream virgam ad eum tetenderit pro signo clementiæ, atque ita possit vivere. Ego igitur quomodo ad regem intrare poterō, quæ triginta jam diebus non sum vocata ad eum?

℞. Confórta me. 194.

*Lectio iij*

**Q**UOD cum audisset Mardocheus, rursum mandavit Esther, dicens: Ne putes quod animam tuam tantum liberes, quia in domo regis es præ cunctis Judæis: si enim nunc silueris, per aliam occasionem liberabuntur Judæi: et tu, et domus patris tui, peribitis. Et quis novit, utrum idcirco ad regnum veneris, ut in tali tempore parareris? Rursusque Esther hæc Mardocheo verba mandavit: Vade et congrega omnes Judæos, quos in Susan repereris, et orate pro me. Non comedatis, et non bibatis tribus diebus, et tribus noctibus; et ego cum ancillis meis similiter jejunabo, et tunc ingrediar ad

regem, contra legem faciens, non vocata, tradensque me morti et periculo. Ivit itaque Mardocheus, et fecit omnia quae ei Esther praecerat.

¶ Spem in alium. 194.

FERIA QUINTA.

De libro Esther.

Lectio j. Cap. 5.

**D**IE autem tertio induta est Esther regalibus vestimentis, et stetit in atrio domus regiae, quod erat interiorius, contra basilicam regis: at ille sedebat super solium suum in consistorio palatii contra ostium domus. Cumque vidisset Esther reginam stantem, placuit oculis ejus, et extendit contra eam virgam auream, quam tenebat manu. Quae accedens, osculata est summitatem virgae ejus. Dixitque ad eam rex: Quid vis Esther regina? quae est petitio tua? etiam si dimidiam partem regni petieris, dabitur tibi. At illa respondit: Si regi placet, obsecro ut venias ad me hodie, et Aman tecum, ad convivium quod paravi. Statimque rex. Vocate, inquit, cito Aman, ut Esther obediat voluntati.

¶ Domine mi. 194.

Lectio ij.

**E**GRESSUS est itaque illo die Aman laetus et alacer. Cumque vidisset Mardocheum sedentem ante fo-

res palatii, et non solum non assurrexisse sibi, sed nec motum quidem de loco sessionis suae, indignatus est valde: et dissimulata ira, reversus in domum suam, convocavit ad se amicos suos, et Zares uxorem suam: et exposuit illis magnitudinem divitiarum suarum, filiorumque turbam, et quanta eum gloria super omnes principes et servos suos rex elevasset. Et post haec ait: Regina quoque Esther nullum alium vocavit ad convivium cum rege, praeter me: apud quam etiam cras cum rege pransurus sum. Et cum haec omnia habeam, nihil me habere puto, quamdiu videro Mardocheum Judaeum sedentem ante fores regias.

¶ Conforta me. 194.

Lectio iij.

**R**ESPONDERUNTQUE ei Zares uxor ejus, et ceteri amici: Jube parari excelsam trabem, habentem altitudinis quinquaginta cubitos, et dic mane regi ut appendatur super eam Mardocheus, et sic ibis cum rege laetus ad convivium. Placuit ei consilium, et jussit excelsam parari crucem.

¶ Spem in alium. 194.

FERIA SEXTA.

De libro Esther.

Lectio j. Cap. 6.

**N**OCTEM illam duxit rex in somnem, jussitque sibi



affèrri histórias et annáles priórum témporum. Quæ cum illo præsénte legeréntur, ventum est ad illum locum ubi scriptum erat quómodo nuntiásset Mardochæus insídias Bágathan et Thares eunuchórum, regem Assuérum juguláre cupiéntium. Quod cum audisset rex, ait : Quid pro hac fide honóris ac præmii Mardochæus consecútus est? Dixerunt ei servi illíus ac ministri: Nihil omnino mercédís accépit. Statímque rex : Quis est, inquit, in átrio? Aman quippe intérius átriũ domus régiæ intráverat, ut suggéret regi, et jubéret Mardochæum affligi patíbulo quod ei fúerat præparátum. Respondérunt púeri: Aman stat in átrio. Dixítque rex : Ingrediátur.

Ŕ. Meménto mei. 193.

Lectio ij.

**C**UMQUE esset ingressus, ait illi : Quid debet fieri viro, quem rex honoráre desíderat? Cógitans autem in corde suo Aman, et reputans quod nullum álium rex, nisi se, vellet honoráre, respóndit: Homo, quem rex honoráre cupit, debet indui véstibus régiis, et impóni super equum, qui de sella regis est, et accípereregíum diadéma super caput suum, et primus de régiis principibus ac tyránnis téneat

equum ejus, et per platéam civitátis incédens clamet, et dicat : Sic honorábitur, quemcúmque volúerit rex honoráre.

Ŕ. Tribulatiónes. 193.

Lectio iij.

**D**IXITQUE ei rex : Festina, et sumpta stola et equo, fac, ut locútus es, Mardochæo Judæo, qui sedet ante fores palátii. Cave, ne quidquam de his, quæ locútus es, prætermittas. Tulit itaque Aman stolam et equum, indutúmque Mardochæum in platéa civitátis, et impósitum equo præcedébat, atque clamábat : Hoc honóre condignus est, quemcúmque rex volúerit honoráre. Reversúsque est Mardochæus ad jánuam palátii : et Aman festinávit ire in domum suam, lugens et opérto cápite : narrávitque Zares uxóri suæ, et amíci ómnia quæ eveníssent sibi.

Ŕ. Benedicat. 193.

SABBATO.

De libro Esther.

Lectio j. Cap. 7.

**I**NTRAVIT itaque rex et Aman, ut biberent cum regína. Dixítque ei rex étiam secúnda die postquam vino incalúerat : Quæ est petítio tua Esther ut detur tibi? et quid vis fieri? Etiam si dimídiam partem regni mei petieris, impetrábis. Ad quem illa respóndit : Si in-

veni grátiam in óculis tuis, o rex, et si tibi placet, dona mihi ánimam meam pro qua rogo, et pópulum meum pro quo óbsecro. Trádicti enim sumus ego et pópulus meus, ut conterámur, jugulémur, et pereámus. Atque útinam in servos et fámulas venderémur, esset tolerábile malum, et gemens tacérem : nunc autem hostis noster est, cujus crudélitas redúndat in regem.

℞. Nos álium Deum. 196.

*Lectio ij.*

**R**ESPONDEN-QUE rex As-suérus, ait : Quis est iste, et cujus poténtiæ, ut hæc áudeat fácere? Dixitque Esther : Hostis et inimicus noster péssimus iste est Aman. Quod ille áudiens, illico obstúpuit, vultum regis ac reginæ ferre non sústinens. Rex autem irátus surréxit, et de loco convívii intrávit in hortum arbóribus cónsitum. Aman quoque surréxit ut rogáret Esther reginam pro ánima sua ; intelléxit enim a rege sibi parátum malum.

℞. Confórta. 194.

*Lectio iij.*

**Q**UI cum revérsus esset de horto nemóribus cónsisto, et intrásset convívii locum, réperit Aman super léctulum corruisse, in quo jacébat Esther, et ait : Etiam reginam vult opprimere,

me præsénte, in domo mea. Necdum verbum de ore regis exierat, et statim operuérunt faciém ejus. Dixitque Harbóna, unus de eunúchis, qui stabant in ministério regis : En lignum, quod paráverat Mardochoéo, qui locútus est pro rege, stat in domo Aman, habens altitúdinis quinquaginta cúbitos. Cui dixit rex : Appéndite eum in eo. Suspénsus est itaque Aman in patíbulo quod paráverat Mardochoéo : et regis ira quiévit.

℞. Spem in álium. 194.

**SABBATO**

ANTE DOM. I. OCTOBRIS.

*Ad Magnificat, Añña.*

Adapériat Dóminus \* cor vestrum in lege sua, et in præcéptis suis, et fáciat pacem Dóminus Deus noster.

DOM. I. OCTOBRIS.

*In primo Nocturno.*

Incipit liber primus

Machabæórum.

*Lectio j. Cap. 1.*

**E**T factum est, postquam percússit Alexánder Philippi Mácedo, qui primus regnávit in Græcia, egrésus de terra Cethim, Dariúm regem Persárum et Medórum : constituit prælia multa, et obtínuit ómnium munitiónes, et interfécit reges terræ. Et pertránsiit usque ad fines terræ : et accépit spólia multitudinis Géntium:

et siluit terra in conspectu ejus. Et congregavit virtutem, et exercitum fortem nimis : et exaltatum est, et elevatum cor ejus : et obtinuit regiones gentium, et tyrannos : et facti sunt illi in tributum. Et post hæc decidit in lectum, et cognovit quia moreretur. Et vocavit pueros suos nobiles, qui secum erant nutriti a juventute : et divisit illis regnum suum cum adhuc viveret.

**¶** Adapériat Dóminus cor vestrum in lege sua, et in præceptis suis, et faciat pacem in diébus vestris : \* Concédât vobis salutem, et rédinat vos a malis. **¶** Exáudiat Dóminus orationes vestras et reconciliétur vobis, nec vos déserat in tempore malo. Concédât.

*Lectio ij.*

**E**T regnavit Alexánder annis duódecim, et mortuus est. Et obtinuérunt pueri ejus regnum, unusquisque in loco suo : et imposuérunt omnes sibi diadémata post mortem ejus, et filii eorum post eos annis multis, et multiplicata sunt mala in terra. Et éxiit ex eis radix peccatrix, Antíochus illústris, filius Antíochi regis, qui fúerat Romæ obses : et regnavit in anno centésimo trigésimo séptimo regni Græcorum.

**¶** Exáudiat Dóminus ora

tionés vestras, et reconciliétur vobis, nec vos déserat in tempore malo. Dóminus Deus noster. **¶** Det vobis cor ómnibus, ut colátis eum, et faciátis ejus voluntatem. Dóminus.

*Lectio ij.*

**I**N diébus illis exiérunt ex Israel filii iníqui, et suaserunt multis, dicétes : Eámus, et disponámus testaméntum cum gentibus, quæ circa nos sunt : quia ex quo recéssimus ab eis, invenérunt nos multa mala. Et bonus visus est sermo in óculis eorum. Et destinavérunt áliqui de pópulo, et abiérunt ad regem : et dedit illis potestatem ut fácerent justítiam Géntium. Et ædificavérunt gymnásium in Jerosólymis secúndum leges Natiónum. Et fecérunt sibi præpútia, et recessérunt a testaménto sancto, et juncti sunt Natió nibus, et venúndati sunt ut fácerent malum.

**¶** Congregáti sunt inimíci nostri, et gloriántur in virtúte sua : cóntere fortitúdinem illórum, Dómine, et dispérge illos : \* Ut cognóscant, quia non est álius qui pugnet pro nobis, nisi tu, Deus noster. **¶** Dispérge illos in virtúte tua, et destrue eos, protéctor noster, Dómine. Ut. **G**lória Patri. Ut.

## In secundo Nocturno.

Ex libro Officiórum sancti  
Ambrósii Episcopi.

## Lectio iv. L. 1. c. 40.

**F**ORTASSE áliquos béllica  
defixos glória tenet, ut  
putent solam esse præliárem  
fortitudinem, et ideo me ad  
ista deflexisse, quia illa no-  
stris déforet. Quam fortis  
Jesus Nave, ut uno prælio  
quinque reges captos stérne-  
ret cum pópulis suis? De-  
inde cum advérsus Gabao-  
nitas urgéret prælium, et  
vererétur ne nox impedi-  
ret victóriam, magnitudine  
mentis et fidei clamávit :  
Stet sol : et stetit, donec  
victória consummarétur.  
Gédeon in trecéntis viris de  
ingénti pópulo et acérbo  
hoste revéxit triúmphum.  
Jónathas adoléscentem virtú-  
tem magnam fecit in præ-  
lio.

**¶** Impetum inimicórum  
ne timuéritis : mémores  
estóte, quómodo salvi facti  
sunt patres nostri : \* Et  
nunc clamémus in cælum,  
et miserébitur nostri Deus  
noster. **¶** Mementóte mira-  
bílíum ejus, quæ fecit Pha-  
raóni, et exercítui ejus in  
mari Rubro. Et.

## Lectio v.

**Q**UID de Machabæis lo-  
quar? Sed prius de pó-  
pulo dicam patrum : qui  
cum essent paráti ad repu-  
gnándum pro templo Dei,

et pro legitimis suis, dolo  
hóstium die laccessíti sáb-  
bati, maluérent vulnéribus  
offérre nuda córpora, quam  
repugnáre, ne violárent  
sabbatum. Itaque omnes  
læti se obtulérunt morti.  
Sed Machabæi considerán-  
tes quod hoc exémplo gens  
omnis posset perire, sábba-  
to étiam, cum ipsi in bel-  
lum provocaréntur, ulti  
sunt innocéntium necem fra-  
trum suórum. Unde póstea  
stimulátus rex Antíochus,  
cum bellum accénderet per  
duces suos Lysiam, Nicá-  
norem, Górgiam, ita cum  
Orientálibus suis et Assyriis  
attritus est cópiis, ut qua-  
draginta et octo millia in  
médio campi a tribus mílli-  
bus prosterneréntur.

**¶** Congregátæ sunt gen-  
tes in multitudíne, ut dími-  
cent contra nos, et ignorá-  
mus quid ágere debeámus :

\* Dómine Deus, ad te sunt  
óculi nostri, ne pereámus.

**¶** Tu scis quæ cógitant in  
nos : quómodo potérimus  
subsistere ante faciém illó-  
rum, nisi tu adjuves nos?  
Dómine.

## Lectio vj.

**V**IRTUTEM ducis Judæ Ma-  
chabæi de uno ejus mí-  
lite consideráte. Namque  
Eleázarus, cum superemi-  
néntem céteris elephántem  
lorica vestítum régia advér-  
teret, arbitrátus quod in eo

esset rex, cursu cōncito in médium legiónis se prorúpit : et abjécto clypeo, utrâque manu interficiébat, donec perveniret ad béstiam, atque intrávit sub eam, et subjécto gládio interémit eam. Itaque cadens béstia oppréssit Eleázaram, atque ita mórtuus est. Quanta igitur virtus ánimí ! primo ut mortem non timéret : deinde, ut circumfusus legiónibus inimicórum, in confértos raperétur hostes, médium penetráret agmen, et contémpta morte ferócior, abjécto clypeo, utrâque manu vulnerátæ molem béstiae subiret ac sustinéret, post infra ipsam succéderet, quo plenióri feríret ictu ; cujus ruína inclúsus, magis quam oppréssus, suo est sepúltus triúmpho.

**R.** Tua est poténtia, tuum regnum, Dómine : tu es super omnes gentes : \* Da pacem, Dómine, in diébus nostris. **V.** Créator ómnium Deus, terríbilis et fortis, justus et miséricors. Da. Glória Patri. Da.

**R. vij.** Refúlsit sol in clypeos áureos, et resplenduerunt montes ab eis : \* Et fortitúdo géntium dissipáta est. **V.** Erat enim exercitus magnus valde, et fortis : et appropriávit Judas, et exercitus ejus in prælio. Et.

**R. viij.** Duo Séraphim cla-

mábant alter ad álterum : \* Sanctus, sanctus, sanctus Dóminus Deus Sábaoth : \* Plena est omnis terra glória ejus. **V.** Tres sunt qui testimoniúm dant in cælo : Pater, Verbum, et Spíritus sanctus ; et hi tres unum sunt. Sanctus. Glória Patri. Plena.

**Infra Hebd. FERIA IV. et Sabbato post ij. et iij. Lect. dicitur ij. et iij. R. sequentis Feriæ ij. RR. hujus Dñicæ dicuntur in seq. Dñicis usque ad Dñicam j. Nov.**

#### FERIA SECUNDA.

De libro primo Machabæorum.

**Lectio j. Cap. 4. c**

**E**T parátum est regnum in conspéctu Antíochi, et cœpit regnâre in Terra Ægypti, ut regnâret super duo regna. Et intrávit in Ægyptum in multitudine gravi, in cúrribus, et elephántis, et equítibus, et copiôsa návium multitudine : et constituit bellum advérsus Ptolemæum regem Ægypti, et véritus est Ptolemæus a fácie ejus, et fugit, et ceciderunt vulneráti multi. Et comprehéndit civitâtes munitas in terra Ægypti ; et accépit spólia Terræ Ægypti. **R.** Dixit Judas Simóni fratri suo : Elige tibi viros : et vade, libera fratres tuos in Galilæam : ego autem, et Jónathas frater tuus, ibimus in Galaaditim : \* Sicut fue-

rit voluntas in cœlo, sic fiat.  
**Y.** Accingimini, filii potentes, et estote parati: quoniam melius est nobis mori in bello, quam videre mala gentis nostræ, et sanctórum. Sicut.

**Lectio ij.**

**E**T convértit Antiochus, postquam percússit Ægyptum in centésimo et quadragésimo tértio anno: et ascéndit ad Israel, et ascéndit Jerosólymam in multitúdine gravi. Et intrávit in sanctificatióne cum supérbia, et accépit altáre áureum, et candelábrum luminis, et univérsa vasa ejus, et mensam propositionis; et libatória, et phialas, et mortarióla áurea, et velum, et corónas, et ornámentum áureum, quod in fácie templi erat: et comínuit ómnia.

**R.** Ornavérunt fáciem templi corónis áureis, et dedicavérunt altáre Dómino: \* Et facta est lætítia magna in pópulo. **Y.** In hymnis et confessiönibus benedicébant Dóminum. Et.

**Lectio iij.**

**E**T accépit argéntum, et aurum, et vasa concupiscibilia: et accépit thesauros occúltos, quos invénit: et sublátis ómnibus ábiit in terram suam. Et fecit cædem hóminum, et locútus est in supérbia ma-

gna. Et factus est planctus magnus in Israel, et in omni loco eórum: et ingemuérunt príncipes et senióres: vírgines et júvenes infirmáti sunt, et speciósitas mulierum immutáta est. Omnis marítus sumpsit lamentum: et quæ sedébant in thoro maritáli, lugébant: et commóta est terra super habitántes in ea, et univérsa domus Jacob induit confusióne.

**R.** In hymnis et confessiönibus benedicébant Dóminum: \* Qui magna fecit in Israel, et victóriam dedit illis Dóminus omnípotens. **Y.** Ornavérunt fáciem templi corónis áureis, et dedicavérunt altáre Dómino. Qui. Glória Patri. Qui.

**R.R.** hujus ij. Feriæ repetuntur in aliis ij. Feriis usque ad Dominicam j. Novembris.

**FERIA TERTIA.**

De libro j. Machabæórum.

**Lectio j. Cap. 2.**

**I**N diébus illis surréxit Mathathías filius Joánnis, filii Simeónis, sacérdos ex filiis Jóarib ab Jerúsalem, et consédit in monte Modin: et habébat filios quinque, Joánnem, qui cognominabátur Gaddis: et Simónem, qui cognominabátur Thasi: et Judam, qui vocabátur Machabæus: et Eleázaram, qui cognominabátur Aba-



ron : et Jonathan , qui cognominabatur Apphus. Hi vidérunt mala quæ fiebant in pópulo Juda , et in Jerúsalem.

**¶** Hic est fratrum amátor , et pópuli Israel : **†** Hic est qui multum orat pro pópulo , et univérſa sancta civitatē Jerúsalem. **¶** Vir iste in pópulo suo mitíſſimus apparuit. Hic.

**Lectio ij.**

**E**T dixit Mathathías : Væ mihi , ut quid natus sum vidēre contritiōnem pópuli mei , et contritiōnem civitatis sanctæ , et sedēre illic , cum datur in mánibus inimicórum ? Sancta in manu extraneórum facta sunt : templum ejus sicut homo ignóbilis. Vasa glóriæ ejus captiva abdúcta sunt : trucidáti sunt senes ejus in platéis , et júvenes ejus ceciderunt in gládio inimicórum. Quæ gens non hereditávit regnum ejus , et non obtinuit spólia ejus ?

**¶** Tu , Dómine universórum , qui nullam habes indigéntiam , voluísti templum tuum fieri in nobis : **†** Consérva domum istam immaculátam in ætérnum , Dómine. **¶** Tu elegísti , Dómine , domum istam ad invocándum nomen tuum in ea , ut esset domus oratiónis et obsecratiónis pópulo tuo. Consérva.

**Lectio iij.**

**E**T scidit vestiménta sua Mathathías , et filii ejus , et operuérunt se ciliciis , et planxérunt valde. Et venérunt illuc qui missi erant a rege Antíocho , ut cógerent eos qui confúgerent in civitatē Modin , immoláre , et accéndere thura , et a lege Dei discédere. Et multi de pópulo Israel consentiētes accessérunt ad eos : sed Mathathías , et filii ejus constánter stetérunt.

**¶** Aperi óculos tuos , Dómine , et vide afflictiónem nostram : circumdedérunt nos Gentes ad puniéndum nos : **†** Sed tu , Dómine , extēde bráchium tuum , et libera ánimas nostras. **¶** Afflige opprimētes nos , et contuméliam faciētes in supérbiam , et custódi partem tuam. Sed. Glória Patri. Sed.

**¶¶. hujus iij. Feriæ repetuntur in aliis iij. Feriis usque ad Dom. j. Novemb.**

**FERIA QUARTA.**

De libro j. Machabæórum.

**Lectio j. Cap. 2. b**

**E**T respóndit Mathathías , et dixit magna voce : Et si omnes gentes regi Antíocho obédiunt , ut discédant unusquisque a servitute legis patrum suórum , et conséntiat mandátis ejus : ego , et filii mei , et fratres mei , obediémus legi patrum nostrórum. Propi-

tius sit nobis Deus : non est nobis útile relinquere legem et justítias Dei : non audiémus verba regis Antiochi, nec sacrificábimus transgrediéntes legis nostræ mandáta, ut eámus áltera via.

**R.** Refúlsit sol in clypeos áureos, et resplenduérunt montes ab eis : \* Et fortitúdo géntium dissipáta est. **V.** Erat enim exércitus magnus valde, et fortis : et appropriávit Judas, et exércitus ejus in prælio. Et.

#### Lectio ij.

**E**T ut cessávit loqui verba hæc, accéssit quidam Judæus in ómnium óculis sacrificáre idólis, super aram in civitáte Modin, secúndum jussum regis : et vidit Mathathías, et dóluit, et contremuérunt renes ejus, et accénsus est furor ejus secúndum judícium legis, et insíliens trucidávit eum super aram : sed et virum, quem rex Antiochus míserat, qui cogébat immoláre, occídit in ipso témpore, et aram destrúxit, et zelátus est legem, sicut fecit Phinees Zamri filio Salómi.

**R.** Ornavérunt faciém templi corónis áureis, et dedicavérunt altáre Dómino : \* Et facta est lætítia magna in pópulo. **V.** In hymnis et confessiónibus benedicébant Dóminum. Et.

#### Lectio lij.

**E**T exclamávit Mathathías voce magna in civitáte, dicens : Omnis qui zelum habet legis státuens testaméntum, éxeat post me. Et fugit ipse, et filii ejus in montes, et reliquérunt quæcúmque habébant in civitáte. Tunc descendérunt multi quæréntes judícium, et justítiam, in desértum : et sedérunt ibi ipsi, et filii eórum, et mulieres eórum, et pécora eórum : quóniã inundavérunt super eos mala.

**R.** In hymnis et confessiónibus benedicébant Dóminum : \* Qui magna fecit in Israel, et victóriam dedit illis Dóminus omnípotens.

**V.** Ornavérunt faciém templi corónis áureis, et dedicavérunt altáre Dómino. Qui. Glória Patri. Qui.

#### FERIA QUINTA.

De libro j. Machabæórum.

#### Lectio j. Cap. 2. f

**E**T appropinquavérunt dies Mathathíæ moriéndi, et dixit filiis suis : Nunc confortáta est supérbia, et castigátio, et tempus eversiónis, et ira indignatiónis. Nunc ergo, o filii, æmulátore estóte legis, et date ánimas vestras pro testaménto patrum vestrórum, et mentóte óperum patrum, quæ fecérunt in generatióibus suis : et accipiétis glóriam magnam, et nomen

æternum. Abraham nonne in tentatione inventus est fidelis, et reputatum est ei ad justitiam? Joseph in tempore angustiae suae custodivit mandatum, et factus est dominus Ægypti Phinees pater noster, zelando zelum Dei, accepit testamentum sacerdotii æterni.

℞. Adapériat. 202.

*Lectio ij.*

**J**ESUS, dum implévit verbum, factus est dux in Israel. Caleb, dum testificatur in Ecclesia, accepit hereditatem, David in sua misericordia consecutus est sedem regni in sæcula. Elías, dum zelat zelum legis, receptus est in cœlum. Ananías, et Azarias, et Misael credentes, liberati sunt de flamma. Dániel in sua simplicitate liberatus est de ore leonum. Et ita cogitate per generationem, et generationem: quia omnes, qui sperant in eum, non infirmantur. Et a verbis viri peccatoris ne timueritis: quia glória ejus stercus et vermis est: hodie extollitur, et cras non inveniétur: quia conversus est in terram suam, et cogitatio ejus périit.

℞. Exáudiat. 202.

*Lectio iij.*

**V**os ergo, filii, confortamini, et viriliter ágite in lege: quia in ipsa gloriósi éritis. Et ecce Simon frater

vester, scio quod vir consilii est: ipsum audíte semper, et ipse erit vobis pater. Et Judas Machabæus fortis viribus a juventute sua, sit vobis princeps militiæ, et ipse aget bellum pópuli. Et adducétis ad vos omnes factóres legis: et vindicáte vindictam pópuli vestri. Retribúite retributió-nem: Géntibus, et inténdite in præcéptum legis. Et benedíxit eos, et appósitus est ad patres suos.

℞. Congregáti. 202.

*FERIA SEXTA.*

De libro j. Machabæórum.

*Lectio j.*

*Cap. 2. g et 3.*

**D**EFUNCTUS est Mathathías anno centésimo et quadragésimo sexto: et sepultus est a filiis suis in sepulchris patrum suórum in Modin, et planxérunt eum omnis Israel planctu magno. Et surréxit Judas qui vocabátur Machabæus, filius ejus pro eo: et adjuvábant eum omnes fratres ejus, et univérsti qui se conjúnxerant patri ejus, et præliabántur prælium Israel cum lætítia. Et dilatávit glóriam pópulo suo. Et persecúsus est iníquos, perscrútans eos: et qui conturbábant pópulum suum, eos succéndit flammis: et repúlsi sunt inimíci ejus præ timóre ejus, et omnes

operarii iniquitatis conturbati sunt : et directa est salus in manu ejus.

¶ Impetum. 203.

*Lectio ij.*

**E**T exacerbabat reges multos, et lætificabat Jacob in operibus suis, et in sæculum memoria ejus in benedictione. Et perambulavit civitates Juda, et perdidit impios ex eis, et avertit iram ab Israel. Et nominatus est usque ad novissimum terræ, et congregavit pereuntes. Et congregavit Apollonius Gentes et a Samaria virtutem multam et magnam, ad bellandum contra Israel. Et cognovit Judas, et exiit obviam illi : et percussit, et occidit illum, et ceciderunt vulnerati multi, et reliqui fugerunt. Et accepit spolia eorum : et gladium Apollonii abstulit Judas, et erat pugnans in eo omnibus diebus.

¶ Congregatæ. 203.

*Lectio iij.*

**E**T cecidit timor Judæ, ac fratrum ejus, et formido super omnes gentes in circuitu eorum. Et pervenit ad regem nomen ejus, et de præliis Judæ narrabant omnes gentes. Ut audivit autem rex Antiochus sermones istos, iratus est animo : et emisit, et congregavit exercitum universi regni sui, castra fortia valde : et aperuit ærarium suum, et dedit

stipendia exercitui in annum : et mandavit illis ut essent parati ad omnia.

¶ Tua est. 204.

SABBATO.

De libro j. Machabæorum.

*Lectio j. Cap. 3. f*

**E**T vidit Judas, et fratres ejus, quia multiplicata sunt mala, et exercitus applicabant ad fines eorum : et cognoverunt verba regis, quæ mandavit populo facere in interitum, et consummationem : et dixerunt unusquisque ad proximum suum : Erigamus dejectionem populi nostri, et pugnemus pro populo nostro, et sanctis nostris. Et congregatus est conventus ut essent parati in prælium, et ut orarent, et peterent misericordiam et miserationes. Et Jerusaleem non habitabatur, sed erat sicut desertum : non erat qui ingrederetur et egrederetur de natis ejus : et sanctum conculcabatur, et filii alienigenarum erant in arce, ibi erat habitatio Gentium : et ablata est voluptas a Jacob, et defecit ibi tibia et cithara.

¶ Refulsit sol. 204.

*Lectio ij.*

**E**T congregati sunt, et venerunt in Maspha contra Jerusaleem : quia locus orationis erat in Maspha ante in Israel. Et jejunaverunt illa die, et induerunt se ci-

liciis, et cinerem imposuerunt capiti suo, et disciderunt vestimenta sua: et expandērunt libros legis, de quibus scrutabāntur Gentes similitudinem simulacrōrum suōrum: et attulērunt ornāmēta sacerdotālia, et primitias, et décimas: et suscitavērunt Nazarēos, qui implēverant dies: et clamavērunt voce magna in cœlum, dicētes: Quid faciēmus istis, et quo eos ducēmus? et sancta tua conculcata sunt, et contaminata sunt, et sacerdōtes tui facti sunt in luctum, et in humilitatē. Et ecce Natiōes convenērunt advērsus nos ut nos dispēdant: tu scis quæ cōgitant in nos. Quōmodo poterimus subsistere ante faciē cōrum, nisi tu Deus adjuves nos?

℞. Ornavērunt. 205.

*Lectio iij.*

**E**T tubis exclamavērunt voce magna. Et post hæc constituit Judas duces pōpuli, tribūnos, et centuriones, et pentacontārchos, et decuriones. Et dixit his qui ædificābant domos, et sponsābant uxōres, et plantābant vineas, et formidolōsis, ut redīrent unusquisque in domum suam secūndum legem. Et movērunt castra, et collocavērunt ad Austrum Emmaum. Et ait Judas: Accingimini, et estōte

filii potētes, et estōte parāti in mane, ut pugnētis advērsus Natiōes has, quæ convenērunt advērsus nos, dispēdere nos, et sancta nostra: quōniam mēlius est nos mori in bello, quam vidēre mala gentis nostræ, et sanctōrum. Sicut autem fuerit volūtas in cœlo, sic fiat. ℞. In hymnis. 205.

*Ad Magnificat, Añā.*

Refulsit sol \* in clypeos aureos, et resplenduerunt montes ab eis, et fortitudo gēntium dissipata est.

DOM. II. OCTOBRIS.

*In primo Nocturno.*

De libro j. Machabæorum.

*Lectio j. Cap. 4. e*

**D**IXIT autem Judas, et fratres ejus: Ecce contriti sunt inimici nostri: ascendamus nunc mundare sancta, et renovare. Et congregatus est omnis exercitus, et ascenderunt in montem Sion. Et viderunt sanctificationem desertam, et altare profanatum, et portas exustas, et in atriis virgulta nata sicut in saltu, vel in montibus, et pastophoria diruta. Et sciderunt vestimenta sua, et planxerunt planctu magno, et imposuerunt cinerem super caput suum. Et ceciderunt in faciem super terram, et exclamaverunt tubis signorum, et clamaverunt in cœlum.

**R.** Adapériat Dóminus cor vestrum in lege sua , et in præcéptis suis , et fáciat pacem in diébus vestris : \* Concédát vobis salútem , et rédimat vos a malis. **V.** Exáudiat Dóminus oratiónes vestras , et reconciliétur vobis , nec vos déserat in témpore malo. Concédát.

**Lectio ij.**

**T**UNC ordinávit Judas viros , ut pugnarent advérsus eos qui erant in arce , donec emundarent sancta. Et elégit sacerdótes sine mácula , voluntátem habéntes in lege Dei : et munda vérunt sancta , et tulérunt lápidés contaminatiónis in locum immúndum. Et cogitávit de altári holocaustórum , quod profanátum erat , quid de eo fáceret. Et incidit illis consílium bonum ut destrúerent illud : ne forte illis esset in oppróbrium , quia contaminavérunt illud gentes , et demolíti sunt illud. Et reposuérunt lápidés in monte domus in loco apto , quoadúsque veníret prophéta , et respondéret de eis.

**R.** Exáudiat Dóminus oratiónes vestras , et reconciliétur vobis , nec vos déserat in témpore malo \* Dóminus Deus noster. **V.** Det vobis cor ómnibus , ut colátis eum , et faciátis ejus voluntátem. Dóminus.

**Lectio iij.**

**E**T accepérunt lápidés integros secúndum legem ; et ædificavérunt altáre novum secúndum illud quod fuit prius : et ædificavérunt sancta , et quæ intra domum erant intrínsecus : et ædem et átria sanctificavérunt. Et fecérunt vasa sancta nova , et intulérunt candelábrum , et altáre incensórum , et mensam in templum. Et incénsus posuérunt super altáre , et ascendérunt lucernas , quæ super candelábrum erant , et lucébant in templo. Et posuérunt super mensam panes , et appendérunt vela , et consummavérunt ómnia ópera , quæ fécerant.

**R.** Congregáti sunt inimíci nostri , et gloriántur in virtúte sua : cóntere fortitúdinem illórum , Dómine , et dispérge illos : \* Ut cognóscant , quia non est álius qui pugnet pro nobis , nisi tu Deus noster. **V.** Dispérge illos in virtúte tua , et destrue eos , protéctor noster Dómine. Ut. **G**lória Patri. Ut.

**In secundo Nocturno.**

Ex libro sancti Augustíni  
Epíscopi de Civitáte Dei.

**Lectio iv. L. 18. c. 48.**

**P**OSTEAQUAM gens Judæa cœpit non habére Prophétas , procul dúbio detérior facta est , eo scílicet témpore , quo se sperábat , instau-



rato templo, post captivitatem, quæ fuit in Babylonia, futuram esse meliorem. Sic quippe intelligebat populus ille carnalis, quod prænuntiatum est per Aggæum Prophétam, dicentem : Magna erit glória domus istius novissimæ plus quam primæ. Quod de novo Testamento dictum esse, paulo superius demonstravit, ubi ait aperte Christum promittens : Et movébo omnes gentes : et véniet desideratus cunctis gentibus.

¶ Impetum inimicorum ne timuéritis : mémoires estóte quomodo salvi facti sunt patres nostri : \* Et nunc clamémus in cælum, et miserébitur nostri Deus noster. ¶ Mementóte mirabilium ejus, quæ fecit Pharaóni, et exercítui ejus in mari Rubro. Et.

#### Lectio v.

**T**ALIBUS enim eléctis Gentium, domus Dei ædificatur per Testamentum novum lapídis vivis, longe gloriósior, quam templum illud fuit, quod a rege Salomone constructum est, et post captivitatem instauratum. Propter hoc ergo nec Prophétas ex illo témpore hábuit illa gens : sed multis cládibus afflícta est ab alienigenis régibus, ipsisque Románis, ne hanc Aggæi prophetiam in illa instaura-

tione templi opinaretur implétam. Non multo enim post, adveniénte Alexándro, subjugata est : quando etsi nulla facta est vastatio, quoniam non sunt ausi ei resistere, et ideo placatum facillime súbditi recepérunt : non erat tamen glória tanta domus illius, quanta fuit in suorum regum libera potestate.

¶ Congregatæ sunt Gentes in multitudíne, ut dimicent contra nos, et ignorámus quid ágere debeámus :

\* Dómine Deus, ad te sunt óculi nostri, ne pereámus.

¶ Tu scis quæ cógitant in nos : quomodo poterimus subsistere ante faciém illórum, nisi tu ádjuves nos ? Dómine.

#### Lectio vj.

**D**EINDE Ptolemæus Lagi filius, post Alexándri mortem, captivos inde in Ægyptum transtulit : quos ejus succéssor Ptolemæus Philadélphus benevolentissime inde dimisit : perquem factum est, ut Septuaginta intérpretum Scriptúras haberémus. Deinde contriti sunt bellis, quæ in Machabæorum libris explicántur. Post hæc capti a rege Alexandriæ Ptolemæo, qui est appellátus Epíphanes : inde ab Antíocho rege Syriæ multis et gravíssimis malis ad idóla colénda compúlsit :

templumque ipsum repletum sacrilegis superstitionibus Géntium : quod tamen dux eorum strenuissimus Judas, qui étiam Machabæus dictus est, Antiochi dúcibus pulsus, ab omni illa idololatriæ contaminatióne mundávit.

**R.** Tua est poténtia, tuum regnum, Dómine : tu es super omnes Gentes : \* Da pacem, Dómine, in diébus nostris. **V.** Créator ómnium Deus, terríbilis et fortis, justus et miséricors. Da. Glória Patri. Da.

**R. vij.** Refúlsit sol in clypeos áureos, et resplenduerunt montes ab eis : \* Et fortitúdo Géntium dissipáta est. **V.** Erat enim exércitus magnus valde, et fortis : et appropriávit Judas, et exércitus ejus in prælio. Et.

**R. viij.** Duo Séraphim clamábant alter ad álterum : \* Sanctus, sanctus, sanctus Dóminus Deus Sábaoth : \* Plena est omnis terra glória ejus. **V.** Tres sunt qui testimoniúm dant in cælo : Pater, Verbum, et Spíritus sanctus ; et hi tres unum sunt. Sanctus. Glória Patri. Plena.

#### FERIA SECUNDA.

De libro j. Machabæórum.

#### Lectio j. Cap. 4. f

**A**NTE matutinum surrexerunt quinta et vigésima die mensis noni (hic est mensis Casleu) centésimi

quadragésimi octávi anni : et obtulérunt sacrificium secundum legem super altáre holocaustórum novum, quod fecérunt, secundum tempus et secundum diem, in qua contaminavérunt illud Gentes, in ipsa renovátum est in cánticis, et citharis, et cinyris, et in cymbalis. Et cécidit omnis pópulus in fáciem, et adoravérunt, et benedixérunt in cælum eum qui prosperávit eis.

**R.** Dixit Judas. 204.

#### Lectio ij.

**E**T fecérunt dedicatiónem altáris diébus octo, et obtulérunt holocáusta cum lætítia, et sacrificium salutáris et laudis. Et ornavérunt fáciem templi coronis áureis, et scútulis : et dedicavérunt portas, et pastophória, et imposuérunt eis jánuas. Et facta est lætítia in pópulo magna valde, et advérsus est opprobrium Géntium. Et stáruit Judas, et fratres ejus, et univérsa ecclésia Israel, ut agátur dies dedicatiónis altáris in tempóribus suis ab anno in annum per dies octo, a quinta et vigésima die mensis Casleu, cum lætítia et gaudio.

**R.** Ornavérunt. 205.

#### Lectio iij.

**E**T ædificavérunt in tempore illo montem Sion, et per circúitum muros al-

tos. et turres firmas, ne-  
quādo venirent Gentes, et  
conculcarent eum sicut an-  
tea fecerunt. Et collocavit  
illic exercitum, ut servā-  
rent eam, et munivit eum  
ad custodiendam Bethsū-  
ram, ut haberet pópulus  
munitionem contra faciē  
Idumææ.

℞. In hymnis. 205.

FERIA TERTIA.

De libro j. Machabæorum.

Lectio j. Cap. 5.

**E**T factum est, ut audiē-  
runt Gentes in circūitu,  
quia ædificatum est altāre  
et sanctuārium sicut prius,  
irātæ sunt valde: et cogi-  
tābant tollere genus Jacob,  
qui erant inter eos, et cœ-  
pērunt occidere de pópulo,  
et pērsequi. Et debellābat  
Judas filios Esau in Idu-  
mæa, et eos, qui erant in  
Acrabathāne, quia circum-  
sedēbant Israelitas, et per-  
cussit eos plaga magna. Et  
recordātus est malitiam fi-  
liōrum Bean, qui erant pó-  
pulo in láqueum, et in  
scādalum, insidiāntes ei  
in via. Et conclusi sunt ab  
eo in túrribus: et applicuit  
ad eos, et anathematizāvit  
eos, et incēndit turres eó-  
rum igni, cum ómnibus qui  
in eis erant.

℞. Hic est fratrum. 206.

Lectio ij.

**E**T transiit ad filios Am-  
mon, et invēnit manum

fortem, et pópulum copiō-  
sum, et Timótheum ducem  
ipsórum: et commisit cum  
eis prælia multa, et con-  
triti sunt in conspéctu eó-  
rum, et percussit eos: et  
cepit Gazer civitatem, et  
filias ejus, et revērsus est  
in Judæam. Et congregatæ  
sunt Gentes, quæ sunt in  
Gálaad advērsus Israelitas,  
qui erant in finibus eórum,  
ut tollerent eos: et fugé-  
runt in Dátheman muni-  
tionem.

℞. Tu, Dómine. 206.

Lectio iij.

**E**T misērunt litteras ad  
Judam et fratres ejus,  
dicētes: Congregatæ sunt  
advērsus nos Gentes per  
circūitum, ut nos auferant:  
et parant venīre, et occu-  
pare munionem, in quam  
confūgimus: et Timótheus  
est dux exercitus eórum.  
Nunc ergo veni, et éripe nos  
de mánibus eórum, quia  
cécidit multitúdo de nobis.  
Et omnes fratres nostri, qui  
erant in locis Tubin, inter-  
fécti sunt: et captivas du-  
xerunt uxóres eórum, et na-  
tos, et spólia, et peremērunt  
illic fere mille viros.

℞. Aperi óculos. 206.

FERIA QUARTA.

De libro j. Machabæorum.

Lectio j. Cap. 5. f

**I**N diēbus, quibus erat Ju-  
das, et Jónathas in terra  
Gálaad, et Simon frater ejus

in Galilæa contra faciē Ptolemáidis, audivit Joséphus Zachariæ filius, et Azariás princeps virtútis, res bene gestas, et prælia quæ facta sunt, et dixit: Faciāmus et ipsi nobis nomen, et eāmus pugnāre advērsus Gentes, quæ in circūitu nostro sunt. Et præcepit his, qui erant in exercitu suo, et abiērunt Jāmniā.

℞. Refulsit sol. 207.

Lectio ij.

**E**T exiit Górgias de civitate, et viri ejus obviam illis in pugnam. Et fugati sunt Joséphus et Azariás usque in fines Judææ: et ceciderunt illo die de populo Israel ad duo millia viri, et facta est fuga magna in populo: quia non audierunt Judam, et fratres ejus, existimantes fortiter se facturos. Ipsi autem non erant de semine virorum illorum, per quos salus facta est in Israel.

℞. Ornavērunt. 207.

Lectio iij.

**E**T viri Juda magnificati sunt valde in conspectu omnis Israel, et Géntium ómnium, ubi audiebatur nomen eórum. Et convenērunt ad eos fausta acclamantes. Et exiit Judas, et fratres ejus, et expugnabant filios Esau in terra, quæ ad Austrum est, et percussit Chebron et filias

ejus: et muros ejus et turres succendit igni in circūitu. Et movit castra ut iret in terram alienigenarum, et perambulabat Samariam. In die illa ceciderunt sacerdotes in bello, dum volunt fortiter facere, dum sine consilio exeunt in prælium.

℞. In hymnis. 207.

FERIA QUINTA.

De libro j. Machabæorum.

Lectio j. Cap. 6.

**E**T rex Antiochus perambulabat superiores regiones, et audivit esse civitatem Elymáidem in Péri-side nobilissimam, et copiosam in argēto et auro, templumque in ea locuples valde: et illic velamina aurea, et lorice, et scuta, quæ reliquit Alexāder Philippi rex Mácedo, qui regnavit primus in Græcia. Et venit, et quærebat capere civitatem, et deprædari eam: et non potuit, quoniam innotuit sermo his qui erant in civitate: et insurrexerunt in prælium, et fugit inde, et abiit cum tristitia magna, et revērsus est in Babylóniam. Et venit qui nuntiāretei in Péri-side, quia fugata sunt castra, quæ erant in terra Juda: et quia abiit Lysias cum virtute forti in primis, et fugatus est a facie Judæorum.

℞. Adapériat. 211.

## Lectio ij.

**E**T invaluerunt armis, et viribus, et spoliis multis, quæ cepérunt de castris, quæ exciderunt: et quia diruerunt abominatiōnem, quam ædificáverat super altáre quod erat in Jerúsalem, et sanctificatiōnem, sicut prius, circumdederunt muris excelsis, sed et Bethsúram civitatem suam. Et factum est, ut audivit rex sermōnes istos, expávit, et commótus est valde: et decídit in lectum, et incidit in languórem præ tristítia, quia non factum est ei sicut cogitábat. Et erat illic per dies multos: quia renováta est in eo tristítia magna, et arbitrátus est se mori.

ix. Exáudiat Dñus. 211.

## Lectio iij.

**E**T vocávit omnes amícos suos, et dixit illis: Recéssit somnus ab óculis meis, et cóncidi, et córrui corde præ sollicitúdine: et dixi in corde meo: In quantam tribulatiōnem devéni, et in quos fluctus tristitiæ, in qua nunc sum, qui jucúndus eram, et diléctus in potestáte mea! Nunc vero reminiscor malórum, quæ feci in Jerúsalem. unde et abstuli ómnia spólia áurea et argétea, quæ erant in ea, et misi auférre habitántes Judæam sine causa. Cog-

nóvi ergo quia proplérea invenérunt me mala ista: et ecce péreo tristítia magna in terra aliéna.

ix. Congregáti 211.

## FERIA SEXTA.

De libro j. Machabæórum.

## Lectio j. Cap. 7.

**A**NNO centésimo quinquagésimo primo éxiit Demétrius Seléuci filius ab urbe Roma, et ascéndit cum paucis viris in civitatem marítimam. et regnávit illic. Et sedit Demétrius super sedem regni sui: et venérunt ad eum viri iníqui, et impíi ex Israel: et Alcimus dux eórum, qui volébat fieri sacérdos. Et accusavérunt pópulum apud regem, dicéntes: Pérdidit Judas, et fratres ejus, omnes amícos tuos, et nos dispérsit de terra nostra. Nunc ergo mitte virum, cui credis, ut eat, et vídeat exterminium omne quod fecit nobis, et regiónibus regis: et púniat omnes amícos ejus, et adjutóres eórum.

ix. Impetum. 212.

## Lectio ij.

**E**T elégit rex ex amícis suis Bácschidem, qui dominabátur trans flumen magnum in regno, et fidélem regi: et misit eum ut vidéret exterminium quod fecit Judas: sed et Alcimum impium constituit in sacerdotium, et mandávit

ei facere ultionem in filios Israel. Et surrexerunt, et venerunt cum exercitu magno in terram Juda: et miserunt nuntios, et locuti sunt ad Judam, et ad fratres ejus, verbis pacificis in dolo. Et non intenderunt sermonibus eorum: viderunt enim quia venerunt cum exercitu magno.

¶ Congregatæ. 212.

*Lectio iij.*

**E**T convenerunt ad Alcimum et Baccchidem congregatio Scribarum requirere quæ justa sunt: et primi, Assidæi qui erant in filiis Israel, et exquirebant ab eis pacem. Dixerunt enim: Homo sacerdos de semine Aaron venit, non decipiet nos. Et locutus est cum eis verba pacifica: et juravit illis, dicens: Non inferemus vobis malum, neque amicis vestris. Et crediderunt ei: et comprehendit ex eis sexaginta viros, et occidit eos in una die, secundum verbum quod scriptum est: Carnes sanctorum tuorum, et sanguinem ipsorum effuderunt in circuitu Jerusalem, et non erat qui sepeliret.

¶ Tua est. 213.

SABBATO.

De libro j. Machabæorum.

*Lectio j. Cap. 8.*

**E**T audivit Judas nomen Romanorum, quia sunt

potentes viribus, et acquiescunt ad omnia quæ postulantur ab eis: et quicumque accesserunt ad eos, statuerunt cum eis amicitias, et quia sunt potentes viribus. Et audierunt prælia eorum, et virtutes bonas, quas fecerunt in Galatia, quia obtinuerunt eos, et duxerunt sub tributum: et quanta fecerunt in regione Hispaniæ, et quod in potestatem redegerunt metalla argenti et auri, quæ illic sunt, et possederunt omnem locum consilio suo, et patientia: locaque quæ longe erant valde ab eis, et reges qui supervenerant eis ab extremis terræ, contriverunt, et percussērunt eos plaga magna: ceteri autem dant eis tributum omnibus annis.

¶ Refulsit sol. 213.

*Lectio ij.*

**E**T elegit Judas Eupolem filium Joannis, filii Jacob, et Jasonem, filium Eleazari, et misit eos Romam constituere cum illis amicitiam, et societatem: et ut auferrent ab eis jugum Græcorum, quia viderunt quod in servitutem præmerent regnum Israel. Et abiērunt Romam viam multam valde, et introierunt eñriam, et dixerunt: Judas Machabæus, et fratres ejus, et populus Ju-



dæorum misérunt nos ad vos statúere vobiscum societátem et pacem, et conscribere nos sócios et amícos vestros. Et plácuít sermo in conspéctu eórum. Et hoc rescriptum est, quod rescripsérunt in tábulis æreis, et misérunt in Jerúsalem, ut esset apud eos ibi memoriale pacis, et societátis.

℞. Ornavérunt. 207.

*Lectio iij.*

**B**ENE sit Románis, et genti Judæorum, in mari et in terra in ætérnum : gladiusque et hostis procul sit ab eis. Quod si institerit bellum Románis prius, aut ómnibus sóciis eórum in omni dominatione eórum : auxílium feret gens Judæorum, prout tempus dictáverit, corde pleno : et præliántibus non dabunt, neque subministrábunt tríticum, arma, pecúniám, naves, sicut plácuít Románis : et custódiént mandáta eórum, nihil ab eis accipiéntes. Simíliter autem et si genti Judæorum prius accíderit bellum, adjuvábunt Románi ex ánimo, prout eis tempus permíserit.

℞. In hymnis. 207.

*Ad Magnificat, Añá.*

Lugébat autem \* Judam Israel planctu magno, et dicébat : Quómodo cecidisti potens in prælio, qui salvum faciébas pópulum Dómini !

DOM. III. OCTOBRIS.

*In primo Nocturno.*

De libro j. Machabæorum.

*Lectio j. Cap. 9.*

**I**NTEREA ut audivit Demétrius quia cecidit Nicánor et exércitus ejus in prælio, appósuit Bäckhidem et Alcimum rursum mittere in Judæam, et dextrum cornu cum illis. Et abiérunt viam quæ ducit in Gálgala, et castra posuérunt in Másaloth, quæ est in Arbéllis : et occupavérunt eam, et peremérunt ánimas hóminum multas. In mense primo anni centésimi et quinquagésimi secúndi applicuérunt exércitum ad Jerúsalem : et surrexérunt, et abiérunt in Béream viginti millia virórum, et duo millia équitum. Et Judas posúerat castra in Láisa, et tria millia viri élécti cum eo : et vidérunt multitudinem exércitus quia multi sunt, et timuérunt valde : et multi subtraxérunt se de castris, et non remansérunt ex eis nisi octingénti viri.

℞. Adapériat Dóminus cor vestrum in lege sua, et in præcéptis suis, et fáciat pacem in diébus vestris : \* Concédát vobis salútem, et rédimat vos a malis. ⁊ Exáudiat Dóminus oratiónes vestras, et reconciliétur vobis, nec vos déserat in tēpore malo. Concédát.

## Lectio ij.

**E**T vidit Judas quod deflúxit exércitus suus, et bellum perurgébat eum, et confráctus est corde : quia non habébat tempus congregándi eos, et dissolútus est. Et dixit his qui residui erant : Surgámus, et eámus ad adversários nostros, si potérimus pugnáre advérsus eos. Et avertébant eum, dicéntes : Non potérimus, sed liberémus ánimas nostras modo, et revertámur ad fratres nostros, et tunc pugnábimus advérsus eos : nos autem pauci sumus. Et ait Judas : Absit istam rem fácere ut fugiámus ab eis : et si appropriávit tempus nostrum, moriámur in virtúte propter fratres nostros, et non inferámus crimen glóriæ nostræ. Et movit exércitus de castris, et steterunt illis óbviā : et divisi sunt équites in duas partes, et fundibulárii, et sagittárii præibant exércitum, et primi certáminis omnes poténtes.

**R.** Exáudiat Dóminus oratiónes vestras, et reconciliétur vobis, nec vos déserat in témpore malo \* Dóminus Deus noster. **V.** Det vobis cor ómnibus, ut colátis eum, et faciátis ejus voluntátem. Dóminus.

## Lectio iij.

**B**ACCHIDES autem erat in dextero cornu, et proxi-

mávit légio ex duábus partibus, et clamábant tubis : exclamavérunt autem et hi, qui erant ex parte Judæ, étiam ipsi, et commóta est terra a voce exercituum : et commissum est prælium a mane usque ad vésperam. Et vidit Judas, quod firmior est pars exércitus Bâcchidis in dextris, et convenérunt cum ipso omnes constántes corde : et contríta est dextera pars ab eis, et persecútus est eos usque ad montem Azóti. Et qui in sinistro cornu erant, vidérunt quod contrítum est dexterum cornu, et secúti sunt post Judam, et eos qui cum ipso erant, a tergo : et ingravátum est prælium, et cecidérunt vulneráti multi ex his, et ex illis. Et Judas cecidit, et céteri fugérunt. Et Jónathas et Simon tulérunt Judam fratrem suum, et sepeliérunt eum in sepúlchro patrum suórum in civitáte Modin. Et flevérunt cum omnis pópulus Israël planetu magno.

**R.** Congregáti sunt inimici nostri, et gloriántur in virtúte sua : cóntere fortitúdinem illórum, Dómine, et dispérge illos : \* Ut cognóscant quia non est álius qui pugnet pro nobis, nisi tu, Deus noster. **y.** Dispérge illos in virtúte tua, et destrue eos protéctor noster, Dómine. Ut. **G**lória Patri. Ut.

## In secundo Nocturno

Ex libro Officiorum sancti  
Ambrósii Episcopi.

## Lectio iv. L. 1. c. 14.

**Q**UIA fortitudo non solum  
secundis rebus, sed  
etiam adversis probatur,  
spectemus Judæ Machabæi  
exitum. Is enim post victum  
Nicánorem, regis Demétrii  
ducem, securior adversus  
viginti millia exercitus re-  
gis, cum octingentis viris  
bellum adorsus, volentibus  
his cedere, ne multitudine  
opprimerentur, gloriosam  
magis mortem, quam tur-  
pem fugam suavit. Ne cri-  
men, inquit, nostræ relin-  
quamus gloriæ. Ita commis-  
so prælio, cum a primo ortu  
diēi in vespēram dimicaretur,  
dextrum cornu, in quo  
validissimam manum adver-  
tit hostium, aggressus, fa-  
cile avērtit. Sed dum fugien-  
tes sequitur, a tergo vulnere  
locum præbuit: itaque glo-  
riosiorem triumphis mortem  
invenit.

**¶** Impetum inimicorum ne  
timueritis: memores estote,  
quomodo salvi facti sunt pa-  
tres nostri: \* Et nunc clamē-  
mus in cælum, et miserēbi-  
tur nostri Deus noster. **¶**  
Mementote mirabilium ejus,  
quæ fecit Pharaóni, et exer-  
citus ejus in mari Rubro. Et.

## Lectio v.

**Q**UID Jónathan fratrem  
ejus attēxam, qui cum

parva manu adversus exer-  
citus regios pugnans, de-  
sertus a suis, et cum duobus  
tantum relictus, reparavit  
bellum, avērtit hostem,  
fugitantes suos ad societatem  
revocavit triumphi? Ha-  
bes fortitudinem bellicam,  
in qua non mediocris honē-  
sti ac decōri forma est, quod  
mortem servituti præferat,  
ac turpitudini. Quid autem  
de martyrum dicam passio-  
nibus? Et ne longius evagē-  
mur, non minorem de su-  
pérbo rege Antiocho Ma-  
chabæi pueri revexerunt  
triumphum, quam parēntes  
proprii: siquidem illi armati,  
isti sine armis vicērunt.

**¶** Congregatæ sunt gentes  
in multitudine, ut dimi-  
cent contra nos, et ignorā-  
mus quid agere debeāmus:  
\* Dómine Deus, ad te sunt  
oculi nostri, ne pereāmus. **¶**  
Tu scis quæ cōgitant in nos:  
quomodo poterimus subsi-  
stere ante faciē illórum,  
nisi tu adjuves nos? Dó-  
mine.

## Lectio vj.

**S**TETIT invicta septem pue-  
rōrum cohors, régiis  
cincta legiónibus: defecē-  
runt supplicia, cessērunt  
tortōres, non defecērunt  
martyres. Alius corium cā-  
pitis exutus, spēcīem mu-  
tāverat, virtutem auxerat.  
Alius linguam jussus ampu-  
tādam prōmere, respōndit:

Non solos Dóminus audit loquéntes, qui audiébat Moysen tacéntem. Plus audit táctas cogitatiónes suórum, quam voces ómnium. Linguæ flagéllum times, flagéllum sánguini non times? Habet et sanguis vocem suam, qua clamat ad Deum, sicut clamávit in Abel.

**℟.** Tua est poténtia, tuum regnum, Dómine : tu es super omnes gentes : \* Da pacem, Dómine, in diébus nostris. **℣.** Créator ómnium Deus, terribilis et fortis, justus et miséricors. Da. Glória Patri. Da.

**℟. v.ij.** Refúlsit sol in clypeos áureos, et resplenduerunt montes ab eis : \* Et fortitúdo géntium dissipáta est. **℣.** Erat enim exércitus magnus valde, et fortis : et appropriávit Judas, et exércitus ejus in prælio. Et.

**℟. v.ij.** Duo Séraphim clamábant alter ad álterum : \* Sanctus, sanctus, sanctus Dóminus Deus Sábaoth : \* Plena est omnis terra glória ejus. **℣.** Tres sunt qui testimoniúm dant in cœlo: Pater, Verbum, et Spíritus sanctus; et hi tres unum sunt. Sanctus. Glória Patri. Plena.

## FERIA SECUNDA.

De libro j. Machabæórum.

### Lectio j. Cap. 9. c

**E**t congregáti sunt omnes amici Judæ, et dixerunt

Jónathæ : Ex quo frater tuus Judas defunctus est, vir similis ei non est, qui éxeat contra inimicos nostros, Bécchidem et eos, qui inimici sunt gentis nostræ. Nunc itaque te hódie elégitus esse pro eo nobis in principem, et ducem ad belándum bellum nostrum. Et suscepit Jónathas témpore illo principátum, et surréxit loco Judæ fratris sui. Et cognóvit Bécchides, et quærébat eum occidere.

**℟.** Dixit Judas. 204.

### Lectio ij.

**E**t cognóvit Jónathas, et Simon frater ejus, et omnes, qui cum eo erant : et fugérunt in désertum Thécuæ, et consedérunt ad aquam lacus Asphar. Et cognóvit Bécchides, et die sabbatórum venit ipse, et omnis exércitus ejus trans Jordánem. Et Jónathas misit fratrem suum ducem pópuli, et rogávit Nabuthæos amicos suos, ut commodárent illis apparátum suum, qui erat copiósus. Et exiérunt filii Jambri ex Mádaba, et comprehendérunt Joánnem, et ómnia quæ habébat, et abiérunt habéntes ea.

**℟.** Ornavérunt. 205.

### Lectio iij.

**P**ost hæc verba, renuntiátum est Jónathæ, et Simóni fratri ejus, quia filii Jambri faciunt núptias ma-

gnas, et ducunt sponsam ex Mádaba, filiam unius de magnis principibus Chánaan, cum ambitione magna. Et recordáti sunt sanguinis Joánnis fratris sui: et ascendérunt, et abscondérunt se sub teguménto montis. Et elevavérunt oculos suos, et vidérunt: et ecce tumultus, et apparatus multus: et sponsus processit, et amici ejus, et fratres ejus, óbviám illis cum tympanis et músicis, et armis multis. Et surrexérunt ad eos ex insidiis, et occidérunt eos, et cecidérunt vulneráti multi, et residui fugérunt in montes, et accepérunt ómnia spólia eórum.

℞. In hymnis. 205.

FERIA TERTIA.

De libro j. Machabæórum.

Lectio j. Cap. 12.

**E**T vidit Jónathas quia tempus eum juvat, et elégit viros, et misit eos Romam, statúere et renováre cum eis amicitiam: et ad Spartiátas, et ad ália loca misit epístolas secúndum eámdem formam. Et abiérunt Romam, et intravérunt cúriam, et dixerunt: Jónathas summus sacérdos, et gens Judæórum misérunt nos, ut renovarémus amicitiam et societátem secúndum prístinum. Et dedérunt illis epístolas ad ipsos per loca,

ut dedúcerent eos in terram Juda cum pace.

℞. Hic est fratrum. 206.

Lectio ij.

**E**T hoc est exéplum epistolárum, quas scripsit Jónathas Spartiátis: Jónathas summus sacérdos, et senióres gentis, et sacerdótes, et réliquos pópulos Judæórum, Spartiátis fratribus salutem. Jam pridem missæ erant epístolæ ad Oníam summum sacerdotem, ab Arío qui regnábat apud vos, quóniam estis fratres nostri, sicut rescriptum cóntinet, quod subjéctum est. Et suscepit Onias virum, qui missus fúerat, cum honóre: et accepit epístolas, in quibus significabátur de societáte, et amicitia.

℞. Tu, Dómine. 206.

Lectio iij.

**N**OS, cum nullo horum indigerémus, habéntes solatio sanctos libros, qui sunt in mánibus nostris, malúimus mittere ad vos renováre fraternitátem, et amicitiam, ne forte aliéni efficiámur a vobis: multa enim témpora transiérunt, ex quo misistis ad nos. Nos ergo in omni témpore sine intermissione in diébus solémnibus, et céteris quibus opórtet, mémores sumus vestri in sacrificiis quæ offérimus, et in observatióibus, sicut

fas est, et decet meminisse fratrum.

℞. Aperi oculos. 206.

FERIA QUARTA.

De libro j. Machabæorum.

Lectio j. Cap. 12. f

**E**T cum cogitasset Tryphon regnare Asiæ, et assumere diadema, et extendere manum in Antiochum regem : timens ne forte non permetteret eum Jónathas, sed pugnaret adversus eum, quærebat comprehendere eum, et occidere. Et exurgens abiit in Bethsan. Et exivit Jónathas obviam illi cum quadraginta millibus virorum electorum in prælium, et venit Bethsan. Et vidit Tryphon quia venit Jónathas cum exercitu multo ut extenderet in eum manus, timuit. Et excepit eum cum honore, et commendavit eum omnibus amicis suis, et dedit ei munera : et præcepit exercitibus suis ut obedirent ei, sicut sibi.

℞. Refulsit sol. 207.

Lectio ij.

**E**T dixit Jónathæ : Ut quid vexasti universum populum, cum bellum nobis non sit ? Et nunc remitte eos in domos suas : elige autem tibi viros paucos, qui tecum sint, et veni mecum Ptolemæidam, et tradam eam tibi, et reliqua præsidia, et exercitum, et universos præpositos negotii, et

conversus abibo : propterea enim veni. Et credidit ei, et fecit sicut dixit : et dimisit exercitum, et abiérunt in terram Juda. Retinuit autem secum tria millia virorum : ex quibus remisit in Galilæam duo millia, mille autem venérunt cum eo.

℞. Ornavérunt. 207.

Lectio iij.

**U**T autem intravit Ptolemæidam Jónathas, clausérunt portas civitatis Ptolemæenses, et comprehendérunt eum, et omnes qui cum eo intráverant, gladio interfecérunt. Et misit Tryphon exercitum, et equites in Galilæam, et in campum magnum, ut pérderent omnes socios Jónathæ. At illi cum cognovissent quia comprehensus est Jónathas, et périit, et omnes qui cum eo erant, hortati sunt semetipsos, et exiérunt parati in prælium. Et vidéntes hi, qui insecuti fuerant, quia pro ánima res est illis, reversi sunt : illi autem venérunt omnes cum pace in terram Juda. Et planxérunt Jónathan, et eos qui cum ipso fuerant, valde.

℞. In hymnis. 207.

FERIA QUINTA.

De libro j. Machabæorum.

Lectio j. Cap. 13.

**E**T audivit Simon quod congregavit Tryphon exercitum copiosum, ut veni-



ret in terram Juda, et attē-  
reret eam. Videns quia in  
tremōre pópulus est, et in  
timōre, ascēdit Jerúsalem,  
et congregávit pópulum : et  
adhórtans, dixit : Vos scitis  
quanta ego, et fratres mei,  
et domus patris mei, fé-  
cimur pro légibus, et pro  
sanctis, prælia, et angú-  
stias quales vidimus : horum  
grátia periérunt fratres mei  
omnes propter Israel, et  
relictus sum ego solus. Et  
nunc non mihi contingat  
párcere ánimæ meæ in omni  
tēmpore tribulatiónis : non  
enim mélior sum frátribus  
meis. Vindicábo itaque gen-  
tem meam, et sancta, natos  
quoque nostros, et uxóres :  
quia congregátæ sunt uni-  
vérsæ gentes contérere nos  
inimicitíæ grátia.

¶ Adapériat. 218.

*Lectio ij.*

**E**T accénsus est spíritus  
pópuli simul ut audívit  
sermōnes istos : et respon-  
dérunt voce magna, dicētes :  
Tu es dux noster loco Judæ,  
et Jónathæ fratris tui : pu-  
gna prælium nostrum : et  
omnia, quæcúmque dixeris  
nobis, faciémus. Et cōgre-  
gans omnes viros bellató-  
res, accelerávit consummáre  
univérsos muros Jerúsa-  
lem, et munívit eam in gyro.  
Et misit Jónathan filium  
Absalómi, et cum eo exérci-  
tum novum, in Joppen ; et

ejéctis his qui erant in ea,  
remánsit illic ipse. Et movit  
Tryphon a Ptolemáida cum  
exércitu multo, ut veníret  
in terram Juda, et Jónathas  
cum eo in custódia. Simon  
autém applicuit in Addus  
contra faciē campi.

¶ Exáudiat. 219.

*Lectio iij.*

**E**T ut cognóvit Tryphon  
quia surréxit Simon loco  
fratris sui Jónathæ : et quia  
commissúrus esset cum eo  
prælium, misit ad eum le-  
gátos, dicens : Pro argénto,  
quod debébat frater tuus  
Jónathas in ratióne regis,  
propter negótia quæ hábuit,  
detinúimus eum. Et nunc  
mitte argénti talénta cen-  
tum, et duos filios ejus ób-  
sides, ut non dimissus fu-  
giat a nobis, et remittémus  
eum. Et cognóvit Simon  
quia cum dolo loquerétur  
secum : jussit tamen dari  
argéntum, et púeros : ne  
inimicitiam magnam sūme-  
ret ad pópulum Israel, di-  
cētem : Quia non misit ei  
argéntum, et púeros, pro-  
ptérea périit. Et misit púe-  
ros, et centum talénta : et  
mentítus est, et non di-  
misit Jónathan.

¶ Congregáti. 219.

FERIA SEXTA.

De libro j. Machabæórum.

*Lectio j. C. 14. b*

**E**T auditum est Romæ quia  
defunctus esset Jóna-

thas, et usque in Spartiā-  
tas; et contristāti sunt val-  
de. Ut audiērunt autem quod  
Simon frater ejus factus es-  
set summus sacerdos loco  
ejus, et ipse obtinēret om-  
nem regiōnem, et civitātes  
in ea: scripsērunt ad eum  
in tábulis æreis, ut reno-  
vārent amicitias et societā-  
tem, quam fécerant cum Ju-  
da, et cum Jónatha frátribus  
ejus. Et lectæ sunt in con-  
spéctu ecclésiæ in Jerúsale-  
m. Et hoc exéplum epi-  
stolárum, quas Spartiātæ  
misērunt.

*R.* Impetum. 220.

*Lectio ij.*

**S**PARTIANORUM principes,  
et civitātes, Simóni Sa-  
cerdóti magno, et senióri-  
bus, et sacerdotibus, et ré-  
liquo pópulo Judæórum,  
frátribus, salutem. Legāti,  
qui missi sunt ad pópulum  
nostrum nuntiavérunt nobis  
de vestra glória, et honóre,  
ac lætítia: et gavísi sumus  
in intróitu eórum. Et scrí-  
psimus quæ ab eis erant  
dicta in concíliis pópuli sic:  
Numénius Antíochi, et An-  
típater Jásonis filius, legāti  
Judæórum, venérunt ad nos,  
renovātes nobiscum ami-  
citiā pristinā. Et plácu-  
it pópulo excípere viros glo-  
riose, et pónere exéplum  
sermónum eórum in segre-  
gátis pópuli libris, ut sit ad  
memóriam pópulo Spartia-

AUTUMNALIS.

tárum. Exéplum autem  
horum scrípsimus Simóni  
magno sacerdoti.

*R.* Congregatæ. 220.

*Lectio iij.*

**P**OST hæc autem misit Si-  
mon Numénium Romam  
habéntem clypeum áureum  
magnum, pondo mnarum  
mille, ad statuéndam cum  
eis societātem. Cum autem  
audisset pópulus Romānus  
sermōnes istos, dixerunt:  
Quam gratiárum actiōnem  
reddémus Simóni, et filiis  
ejus? Restituit enim ipse  
fratres suos, et expugnāvit  
inimicos Israel ab eis: et  
statuérunt ei libertātem, et  
descripsērunt in tábulis æ-  
reis, et posuérunt in titulis  
in monte Sion.

*R.* Tua est. 221.

SABBATO.

De libro j. Machabæórum.

*Lectio j. Cap. 16. c*

**S**IMON autem, perámbulans  
civitātes, quæ erant in  
regiōne Judææ, et sollicitú-  
dinem gerens eárum, de-  
scéndit in Jéricho ipse, et  
Mathathias filius ejus, et  
Judas, anno centésimo se-  
ptuagésimo séptimo, mense  
undécimo: hic est mensis  
Sabath. Et suscepit eos fi-  
lius Abóbi in munitiuncu-  
lam, quæ vocátur Doch, cum  
dolo, quam ædificāvit: et fe-  
cit eis convívium magnum,  
et abscóndit illic viros. Et  
cum inebriátus esset Simon,

et filii ejus, surrēxit Ptolemæus cum suis, et sumpsērunt arma sua, et intravērunt in convīvium, et occidērunt eum, et duos filios ejus, et quosdam púeros ejus. Et fecit deceptionem magnam in Israel, et réddidit mala pro bonis.

*R.* Refúlsit. 221.

*Lectio ij.*

**E**T scripsit hæc Ptolemæus, et misit regi ut mitteret ei exércitum in auxilium, et tráderet ei regionem, et civitátes eórum, et tribúta. Et misit álios in Gázaram tóllere Joánnem: et tribúnis misit epístolas, ut venírent ad se, et daret eis argéntum, et auram, et dona. Et álios misit occupáre Jerúsalem, et montem templi. Et præcúrrens quidam, nuntiávit Joánni in Gázara, quia périit pater ejus, et fratres ejus, et quia misit te quoque intérfici.

*R.* Ornavérunt. 207.

*Lectio iij.*

**U**T audivit autem, vehementer expávit: et comprehendit viros, qui vénerant pérdere eum, et occidit eos: cognóvit enim quia quærébant eum pérdere. Et cétera sermónum Joánnis, et bellórum ejus, et bonárum virtútum, quibus fórtiter gessit, et ædificií murórum quos extrúxit, et rerum gestárum ejus: ecce hæc

scripta sunt in libro diérum sacerdótii ejus, ex quo factus est princeps sacerdotum post patrem suum.

*R.* In hymnis. 207.

*Ad Magnificat, Añ.*

Exáudiat Dóminus \* oratiónes vestras, et reconciliétur vobis: nec vos déserat in témpore malo Dóminus Deus noster.

DOM. IV. OCTOBRIS.

*In primo Nocturno.*

Incipit liber secúndus Machabæórum.

*Lectio j. Cap. 1.*

**F**RATRIBUS, qui sunt per Ægyptum, Judæis, salutem dicunt fratres, qui sunt in Jerosólymis, Judæi, et qui in regione Judææ, et pacem bonam. Benefáciat vobis Deus, et memínerit testaménti sui, quod locútus est ad Abraham, et Isaac, et Jacob, servórum suórum fidélium: et det vobis cor ómnibus, ut colátis eum, et faciátis ejus voluntátem, corde magno, et ánimo volénti. Adapériat cor vestrum in lege sua, et in præcéptis suis, et faciát pacem. Exáudiat oratiónes vestras, et reconciliétur vobis, nec vos déserat in témpore malo. Et nunc hic sumus orántes pro vobis.

*R.* Adapériat Dóminus cor vestrum in lege sua, et in præcéptis suis, et faciát pacem in diébus vestris: \*

Concédat vobis salutem, et redimat vos a malis. *Ÿ.* Exaudiat Dominus orationes vestras, et reconcilietur vobis, nec vos deserat in tempore malo. Concédat vobis.

*Lectio ij.*

**F**ACTURI igitur quinta et vigésima die mensis Casleu purificationem templi, necessarium dúximus significare vobis: ut et vos quoque agátis diem scenopégiae, et diem ignis qui datus est quando Nehemías, ædificato templo et altári, obtulit sacrificia. Nam cum in Pérsidem duceréntur patres nostri, sacerdotes, qui tunc cultores Dei erant, acceptum ignem de altári occulte absconderunt in valle, ubi erat puteus altus et siccus, et in eo contutáti sunt eum, ita ut omnibus ignótus esset locus.

*R.* Exaudiat Dominus orationes vestras, et reconcilietur vobis, nec vos deserat in tempore malo. *\** Dominus Deus noster. *Ÿ.* Det vobis cor omnibus, ut colátis cum, et faciátis ejus voluntatem. Dominus.

*Lectio iij.*

**C**UM autem præterissent anni multi, et placuit Deo ut mitterétur Nehemías a rege Pérsidis: nepotes sacerdotum illorum, qui absconderant, misit ad requiréndum ignem: et sicut nar-

raverunt nobis, non invenerunt ignem: sed aquam crassam. Et jussit eos haurire, et afferre sibi, et sacrificia, quæ impósita erant, jussit sacerdos Nehemías aspérge ipsa aqua, et ligna, et quæ erant superpósita. Utque hoc factum est, et tempus affuit, quo sol refúlsit, qui prius erat innúbilo: accensus est ignis magnus, ita ut omnes miraréntur.

*R.* Congregáti sunt inimici nostri, et gloriántur in virtute sua: cóntere fortitudinem illorum, Domine, et disperge illos: *\** Ut cognoscant, quia non est álius qui pugnet pro nobis, nisi tu, Deus noster. *Ÿ.* Disperge illos in virtute tua, et destrue eos, protector noster, Domine. Ut. *Gloria Patri.* Ut.

*In secundo Nocturno.*

Ex Tractátu sancti Joánnis Chrysóstomi super Psalm. quadragésimum tértium.

*Lectio iv.*

**D**EUS, áuribus nostris audivimus, patres nostri annuntiaverunt nobis opus, quod operátus es in diébus eorum. Hunc Psalmum dicit quidem Prophéta, dicit autem non ex persóna própria, sed ex persóna Machabæorum, narrans et prædicens quæ futura erant illo tempore. Tales enim sunt Prophætæ: omnia témpora percúrrunt, præsentia, præterita,

futura. Quinam sint autem hi Machabæi, quidque passi sint, et quid fecerint, necessarium est primum dicere, ut sint apertiôra quæ in argumento dicuntur. Ii enim, cum invasisset Judæam Antiochus, qui dictus est Epiphanes, et omnia devastasset, et multos qui tunc erant, a patriis institutis resilire coegisset, permanserunt illæsi ab illis tentationibus.

**R.** Impetum inimicorum ne timueritis : memores estote, quomodo salvi facti sunt patres nostri : \* Et nunc clamemus in cælum, et miserébitur nostri Deus noster. **Y.** Mementôte mirabilium ejus, quæ fecit Pharaóni, et exercitui ejus in mari Rubro. Et.

#### Lectio v.

**E**T quando grave quidem bellum ingruébat, nec quidquam possent facere quod prodesset, se abscondébant : nam hoc quoque fecerunt Apóstoli. Non enim semper apparéntes in média irruébant pericula, sed nonnunquam et fugiéntes, et laténtes secedébant. Postquam autem parum respirarunt, tamquam generosi quidam catuli ex antris exiliéntes, et e latebris emergéntes statuérunt non se amplius solos servare, sed étiam álios quoscúmque possent : et civitatem et omnem

regiónem obeúntes, collegérunt quotquot invenérunt adhuc sanos et integros : et multos étiam qui laborábant et corrúpti erant, in statum pristinum redegérunt, eis persuadéntes redire ad legem pátriam.

**R.** Congregatæ sunt Gentes in multitudine, ut dimicent contra nos, et ignorámus quid ágere debeámus : \*

Dómine Deus, ad te sunt óculi nostri, ne pereámus.

**V.** Tu seis quæ cógitant in nos ; quomodo poterimus subsistere ante faciém illórum, nisi tu adjuves nos ? Dómine.

#### Lectio vi.

**D**EUM enim dicébant esse benignum et clementem, nec unquam adimere salutem, quæ proficiscitur ex pœniténtia. Hæc autem dicéntes, habuérunt deléctum fortissimórum virórum. Non enim pro uxóribus, liberis, et ancillis, patriæque eversione et captivitate, sed pro lege et pátria república pugnábant. Eórum autem dux erat Deus. Cum ergo áciem dirigerent, et suas ánimas prodigerent, fundébant adversários, non armis fidéntes, sed loco omnis armaturæ, pugnae causam sufficere ducéntes. Ad bellum autem eúntes non tragédias excitábant, non pæána canébant, sicut non-

núlli faciunt : non adsciverunt tibícines , ut sit in aliis castris : sed Dei superne auxílium invocábant , ut adésset , opem ferret , et manum præbéret , propter quem bellum gerébant , pro cuius glória decertábant.

**R.** Tua est poténtia , tuum regnum , Dómine : tu es super omnes Gentes : \* Da pacem , Dómine , in diébus nostris. **V.** Creatór ómnium , Deus , terribilis et fortis , justus et miséricors. Da. Glória Patri. Da.

**R. vij.** Refúlsit sol in clypeos áureos , et resplenduerunt montes ab eis : \* Et fortitúdo Géntium dissipáta est. **V.** Erat enim exércitus magnus valde , et fortis : et appropriávit Judas , et exércitus ejus in prælio. Et.

**R. viij.** Duo Séraphim clamábant alter ad álterum : \* Sanctus , sanctus , sanctus Dóminus Deus Sábaoth : \* Plena est omnis terra glória ejus. **V.** Tres sunt qui testimoniúm dant in cælo : Pater , Verbum , et Spíritus sanctus ; et hi tres unum sunt. Sanctus. Glória Patri. Plena.

## FERIA SECUNDA.

De libro ij. Machabæórum.

### Lectio j. Cap. 2.

**I**NVENITUR autem in descriptionibus Jeremiæ Prophætæ , quod jussit eos ignem accíperé qui transmi-

grábant : ut significátum est , et ut mandávit transmigrátis. Et dedit illis legem , ne oblivisceréntur præcepta Dómini , et ut non exerrarent méntibus , vidéntes simulácula áurea , et argénteá , et ornáménta eórum. Et ália hujúsmodi dicens , hortabátur ne legem amovérént a corde suo.

**R.** Dixit Judas. 204.

### Lectio ij.

**E**RAT autem in ipsa scriptúra , quómodo tabernáculum et arcam jussit Prophéta , divino respónso ad se facto , comitári secum , úsquequo éxiit in montem , in quo Moyses ascéndit , et vidit Dei hereditátem. Et véniens ibi Jeremías , invénit locum spelúncæ , et tabernáculum , et arcam , et altáre incénsi intulit illuc , et óstium obstrúxit. Et accessérunt quidam simul , qui sequebántur , ut notárent sibi locum : et non potuérunt inveníre.

**R.** Ornavérunt. 205.

### Lectio iij.

**U**T autem cognóvit Jeremías , culpans illos , dixit : Quod ignótus erit locus , donec cóngreget Deus congregatió nem pópuli , et propítius fiat : et tunc Dóminus osténdet hæc , et apparábit majéstas Dómini , et nubes erit sicut et Moysi manifestabátur , et sicut



cum Sálomon pétiit ut locus sanctificarétur magno Deo, manifestábat hæc. Magnífice etenim sapiéntiam tractábat : et ut sapiéntiam habens, óbtulit sacrificium dedicatiónis, et consummatiónis templi.

℞. In hymnis. 205.

### FERIA TERTIA.

De libro ij. Machabæórum.

#### Lectio j. Cap. 3.

**I**GITUR cum sancta civitas habitaretur in omni pace, leges étiam adhuc óptime custodiréntur, propter Oníæ pontificis pietátem, et ánimos ódio habéntes mala, fiébat ut et ipsi reges et principes locum summo honóre dignum dúcerent, et templum máximis munéribus illustrárent : ita ut Seléucus Asiæ rex de redítibussuis præstáret omnes sumptus ad ministérium sacrificiórum pertinéntes. Simon autem de tribu Bénjamin præpósitus templi constitútus, contendébat, obsisténte sibi príncipe sacerdotum, iníquum áliquíd in civitate molíri.

℞. Hic est fratrum. 206.

#### Lectio ij.

**S**ED cum vincere Oníam non posset, venit ad Apollónium Tharsææ filium, qui eo témpore erat dux Cœlesyriæ, et Phœnicis, et nuntiávit ei, pecúniis innumerabilibus plenum esse

ærárium Jerosólymis, et commúnes cópias imménsas esse, quæ non pértinent ad ratiónem sacrificiórum : esse autem possibile sub potestáte regis cádere univérsa. Cumque retulísset ad regem Apollónius de pecúniis quæ delátæ erant, ille accítum Heliodórum, qui erat super negótia ejus, misit cum mandátis, ut prædictam pecúniam transportáret. Statimque Heliodórus iter est aggréssus, spécie quidem quasi per Cœlesyriam, et Phœnicen civitates esset peragratúrurus, re vera autem regis propósitum perfectúrurus.

℞. Tu, Dómine. 206.

#### Lectio iij.

**S**ED cum venísset Jerosólymam, et benigne a summo sacerdote in civitate esset excéptus, narrávit de dato indício pecuniárum : et, cujus rei grátia adéssset, apérui : interrogábat autem, si vere hæc ita essent. Tunc summus sacerdos osténdit depósita esse hæc et victuália viduárum, et pupillórum : quædam vero esse Hircáni Tobíæ, viri valde eminéntis, in his quæ detúlerat Impius Simon : univérsa autem argénti talénta esse quadringénta, et auri ducénta. Décipi vero eos qui credidissent loco et templo, quod per uni-

vérsum mundum honorá-  
tur, pro sui veneratióne et  
sanctitaté omnino impossi-  
bile esse.

¶ *Aperi oculos. 206.*

**FERIA QUARTA.**

*De libro ij. Machabæorum.*

*Lectio j. Cap. 3. d*

**H**ELIODORUS autem, quod  
decréverat, perficiébat  
códem loco ipse cum satel-  
litibus circa ærarium præ-  
sens. Sed spiritus omnipo-  
téntis Dei magnam fecit suæ  
ostensiónis evidéntiam, ita  
ut omnes, qui ausi fúerant  
parére ei, ruéntes Dei vir-  
tuté, in dissolutiõem et  
formidinem converteréntur.  
Appáruit enim illis quidam  
equus terribilem habens  
sessórem, óptimis operi-  
méntis adornátus : isque  
cum ímpetu Heliodóro prió-  
res calces elisit. Qui autem  
ei sedébat, videbátur arma  
habére áurea.

¶ *Refúlsit sol. 207.*

*Lectio ij.*

**LII** étiam apparuérunt  
duo. júvenes virtuté de-  
córi, óptimi glória, spe-  
ciosíque amictu : qui cir-  
cumstetérunt eum, et ex  
utrâque parte flagellábant,  
sine intermissiõe multis  
plagis verberántes. Súbito  
autem Heliodórus cóncidit  
in terram, eúmque multa  
caligine circumfúsum ra-  
puérunt, atque in sella  
gestatória pósitum ejecé-

runt. Et is, qui cum multis  
cursóribus et satellítibus  
prædictum ingræssus est  
ærarium, portabátur, nullo  
sibi auxílium ferénte, ma-  
nifesta Dei cógnita virtúte.  
Et ille quidem per divínam  
virtútem jacébat mutus,  
atque omni spe et salúte  
privátus.

¶ *Ornavérunt. 207.*

*Lectio iij.*

**C**ONSIDERANS autem sum-  
mus sacérdos, ne forte  
rex suspicarétur malítiam  
áliquam ex Judæis circa  
Heliodórum consummátam,  
óbtulit pro salúte viri hó-  
stiam salutárem. Cumque  
summus sacérdos exoráret,  
íidem júvenes eisdem vésti-  
bus amicti, astántes Helio-  
dóro, dixerunt : Oníæ sa-  
cerdóti grátias age : nam  
propter eum Dóminus tibi  
vitam donávit. Tu autem a  
Deo flagellátus, núntia  
ómnibus magnália Dei et  
potestátem. Et his dictis,  
non comparuérunt.

¶ *In hymnis. 207.*

**FERIA QUINTA.**

*Si hæc Hebdomada fuerit  
ultima Octob., in tribusseq.  
diebus leguntur Lectiones  
Dñicæ v. et Feriæ ij. et iij.  
ejusdem Hebdomadæ : qui  
si fuerint impediti, eo an-  
no omittantur illæ Lectio-  
nes quæ his diebus legi  
non possunt. Si vero in se-  
quenti Hebdomada hæc Le-*

etiones in suis Feriis legi non possint, ponantur in sequentibus Feriis ejusdem Hebdomadæ juxta ordinem historiae, et martyrii Machabæorum.

De libro ij. Machabæorum.

*Lectio j. Cap. 4.*

**S**IMON autem prædictus pecuniarum et patriæ delator, male loquebatur de Onia, tamquam ipse Heliodorum instigasset ad hæc, et ipse fuisset incensor malorum: provisorumque civitatis, ac defensorem gentis suæ, et æmulatorem legis Dei, audébat insidiatorem regni dicere. Sed cum inimiciæ in tantum procederent, ut etiam per quosdam Simonis necessarios homicidia fierent: considerans Onias periculum contentiõnis et Apollonium insanire, utpote ducem Cœlesyriæ, et Phœnicis, ad augendam malitiam Simonis, ad regem se contulit, non ut civium accusator, sed communem utilitatem apud semetipsum universæ multitudinis considerans.

¶ Adapériat. 226.

*Lectio ij.*

**V**IDEBAT enim sine regali providentia impossibile esse pacem rebus dari, nec Simonem posse cessare a stultitia sua. Sed post Seleuci vitæ excéssum, cum suscepisset regnum Antio-

chus, qui Nóbilis appellabatur, ambiébat Jason frater Oniæ summum sacerdotium: ádito rege, promittens ei argénti talénta trecénta sexaginta, et ex redditibus aliis talénta octoginta; super hæc promittebat et alia centum quinquaginta, si potestati ejus concederetur gymnásium et ephebiám sibi constituere, et eos, qui in Jerosólymis erant, Antiochénos scribere. ¶ Exáudiat. 227.

*Lectio ij.*

**Q**UOD cum rex annuisset, et obtinuisset principatum, statim ad gentilem ritum contribules suos transférre cœpit. Et amotis his, quæ humanitatis causa Judæis a régibus fuerant constituta, per Joánnem patrem Eupólemi, qui apud Romános de amicitia et societate functus est legitiõne legitima, civium jura destituens, prava instituta sanciebat.

¶ Congregati. 227.

FERIA SEXTA.

De libro ij. Machabæorum.

*Lectio j. Cap. 5.*

**E**ODEM témpore Antiochus secundam profectiõnem paravit in Ægyptum. Contigit autem per universam Jerosolymórum civitatem vidéri diébus quadraginta per æra équites discurréntes, aurátas stolas habéntes, et

hastis, quasi cohórtēs, armátos, et cursus equórum per órdenes digéstos, et congressiónes fieri cóminus, et scutórum motus, et galeatórum multitudinem gládiis distríctis, et telórum jactus, et aureórum armórum splendórem, omnisque géneris loricárum. Quaprópter omnes rogábant in bonum monstra convértil.

Ṛ. Impetum. 228.

*Lectio ij.*

**S**ED cum falsus rumor exísset, tamquam vita excessísset Antíochus, assúmptis Jason non minus mille viris, repénite aggréssus est civitátem: et civibus ad murum convolántibus, ad últimum apprehénsa civitate, Meneláus fugit in arcem: Jason vero non parcébat in cæde civibus suis, nec cogitábat, prosperitátem advérsus cognátos malum esse máximum, árbitrans hóstium et non civium se trophæa captúrum. Et principátum quidem non obtínuit, finem vero insidiárum suárum confusióem accépit, et prófugus iterum ábiit in Ammaniten.

Ṛ. Congregátæ. 228.

*Lectio iij.*

**A**D últimum, in exítium A sui conclúsus ab Aréta Arabum tyránno, fúgiens de civitáte in civitátem, ómnibus odiósus, ut réfuga le-

gum et execrábilis, ut pátriæ et civium hostis, in Ægyptum extrúsus est: et qui multos de pátria sua expúlerat, péregre périit, Lacedæmonas proféctus, quasi pro cognatióne ibi refúgium habitúrus: et qui insepúltos multos abjécerat, ipse et illamentátus et insepúltus abjicitur, sepultúra neque peregrína usus, neque pátrio sepúlchro partícipans.

Ṛ. Tua est. 229.

**SABBATO.**

De libro ij. Machabæórum.

*Lectio j. Cap. 6.*

**S**ED non post multum témporis misit rex Antíochus senem quemdam Antiochénum, qui compélleret Judæos, ut se transférrent a pátriis et Dei légibus: contamináre étiam quod in Jerosólymis erat templum, et cognomináre Jovis Olympii: et in Garízim, prout erant hi, qui locum inhabitábant, Jovis hospitális. Péssima autem et univérssis gravis erat malórum incúrsio: nam templum luxúria, et comesationibus Géntium erat plenum, et seortántium cum meretricibus, sacratisque ædibus mulieres se ultro ingerébant, intro feréntes ea, quæ non licébat.

Ṛ. Refúlsit sol. 207.

*Lectio ij.*

**A**LTARE étiam plenum erat illicitis, quæ légibus

prohibebántur. Neque autem sabbata custodiebántur, neque dies solémnes pátri servabántur, nec simpliciter Judæum se esse quisquam confitebátur. Ducebántur autem cum amára necessitáte in die natális regis ad sacrificia : et, cum Liberi sacra celebraréntur, cogeabantur hédera coronáti Libero circuire. Decrétum autem éxiit in próximas Gentilium civitátes, suggeréntibus Ptolemæis, ut pari modo et ipsi advérsus Judæos ágerent ut sacrificarent: eos autem, qui nollent transire ad institúta Géntium, interficerent: erat ergo vidére misériam.

Ornavérunt. 207.

*Lectio II.*

**D**UÆ enim mulieres delátæ sunt natos suos circumcidisse : quas, infántibus ad úbera suspénsis, cum públice per civitátem circumduxissent, per muros præcipitavérunt. Alii vero ad próximas coeúntes spelúncas, et laténter sabbati diem celebrántes, cum indicáti essent Philíppo, flammis succénsi sunt, eo quod verebántur propter religióem et observántiam, manu síbimet auxílium ferre. Obsecro autem eos, qui hunc librum lectúri sunt, ne abhorréscant propter advérsos casus, sed réputent ea, quæ accidérunt, non ad intéritum, sed ad

correptiόνem esse géneris nostri.

*II.* In hymnis. 207.

SABBATO

ANTE DOM. V. OCTOBRIS,

*nlsl sit dimittenda, quia hæc proximior sit Kalendis Novembris.*

*Ad Magnificat. Aññ.*

Tua est \*poténtia, tuum regnum, Dómine, tu es super omnes gentes : da pacem, Dómine, in diébus nostris.

DOM. V. OCTOBRIS.

*In primo Nocturno*

De libro ij. Machabæórum.

*Lectio j. Cap. 6. d*

**I**GITUR Elcázarus unus de primóribus Scribárum, vir ætáte provéctus, et vultu decórus, apérto ore hians compellebátur carnem porcínam manducáre. At ille gloriosissimam mortem magis quam odibilem vitam compléctens, voluntárie præibat ad supplicium. Intuens autem, quemádmódum oportéret accédere, patiénter sústinens, destinávit non admíttre ilícita propter vitæ amórem. Hi autem qui astábant, iniqua miseratione commóti, propter antiquam viri amicítiam, tolléntes eum secréto rogábant afférri carnes, quibus vesci ei licébat, ut simularétur manducásse, sicut rex imperáverat, de sacrificii cárnibus : ut, hoc facto, a morte liberarétur, et propter véterem viri ami-



citiam, hanc in eo faciébant humanitatem.

**R.** Adapériat Dóminus cor vestrum in lege sua, et in præcéptis suis: et faciat pacem in diébus vestris: **•** Concédatur vobis salutem, et rédimat vos a malis. **•** Exáudiat Dóminus oratiónes vestras, et reconciliétur vobis, nec vos déserat in témpore malo. Concédatur.

### Lectio ij.

**A**t ille cogitare cœpit ætatis ac senectutis suæ eminentiam dignam, et ingénitæ nobilitatis canctiem, atque a púero óptimæ conversatiónis actus: et secundum sanctæ et a Deo cónditæ legis constituta, respondit cito, dicens, præmitti se velle in inférnum. Non enim ætati nostræ dignum est, inquit, fingere, ut multi adolescentium, arbitrantes Eleázarum nonaginta annorum transisse ad vitam alienigenarum: et ipsi propter meam simulatióem, et propter módicum corruptibilis vitæ tempus decipiántur; et per hoc máculam, atque execratióem meæ senectuti conquíram. Nam etsi in præsenti témpore suppliciis hóminum erípiar, sed manum Omnipoténtis nec vivus, nec defunctus effúgiam. Quámobrem fórtiter vita excedendo, senectute quidem dignus apparébo; adolescentibus

autem exémplum forte relínquam, si prompto ánimo, ac fórtiter pro gravíssimis ac sanctíssimis légibus honésta morte perfúngar. His dictis, conféstim ad supplicium trahébatur.

**R.** Exáudiat Dóminus oratiónes vestras, et reconciliétur vobis, nec vos déserat in témpore malo **•** Dóminus Deus noster. **•** Det vobis cor ómnibus, ut colátis eum, et faciátis ejus voluntatem. Dóminus.

### Lectio iij. Cap. 7.

**C**ONTIGIT autem et septem fratres, una cum matre suâ apprehénsos, compélli a rege édere contra fas carnes porcínas, flagris et táureis cruciátos. Unus autem ex illis, qui erat primus, sic ait: Quid quæris, et quid vis discere a nobis? paráti sumus mori, magis quam pátrias Dei leges prævaricári. Irátus itaque rex jussit sartágines et ollas æneas succéendi: quibus statim succénsis, jussit ei qui prior fúerat locútus, amputári linguam: et cute cápitis abstrácta, summas quoque manus et pedes ei præscíndi, céteris ejus frátribus et matre inspiciéntibus. Et, cum jam per ómnia inútilis factus esset, jussit ignem admovéri, et adhuc spirántem torréri in sartágine: in qua cum diu cruciarétur,



ceteri una cum matre invicem se hortabantur mori fortiter.

**R.** Congregati sunt inimici nostri, et gloriantur in virtute sua: contere fortitudinem illorum, Domine, et disperge illos: \* Ut cognoscant, quia non est alius qui pugnet pro nobis, nisi tu, Deus noster. **V.** Disperge illos in virtute tua, et destrue eos, protector noster, Domine. Ut. **Gloria Patri.** Ut.

**In secundo Nocturno.**

Sermo sancti Gregorii Nazianzeni.

**Lectio iv.**

*Orat. 20. de Machabæis.*

**E**LEAZARUS primitiæ eorum, qui hic ante Christum sunt passi, quemadmodum post Christum Stéphanus. Is vir et sacerdos et senex, canus capillis, canus et prudentia, prius quidem pro populo sacrificabat et orabat: nunc autem semetipsum hostiam obtulit Deo perfectissimam ad totius populi expiationem, faustum certaminis initium, ad quod loquens pariter ac tacens cohortabatur. Obtulit autem et filios septem suæ fructus disciplinæ, hostiam viventem, sanctam, beneplacitam Deo, omni legali sacrificio splendidiorem et puriorem: quæ sunt enim filiorum, ad patrem referri, æquissimum ac justissimum est.

**R.** Impetum inimicorum ne tinueritis: memores estote quomodo salvi facti sunt patres nostri: \* Et nunc clamemus in cælum, et miseretur nostri Deus noster. **V.** Mementote mirabilem ejus, quæ fecit Pharaoni, et exercitui ejus in mari Rubro. Et.

**Lectio v.**

**I**BI tum generosi et magnanimi pueri, generosæ matris nobilis proles, gloriosi veritatis propugnatores, Antiochi temporibus excelsiores, veri Mosaicæ legis discipuli, paternorum rituum observantissimi, númerus apud Hebræos laudabilis, et propter septenariæ quietis mystérium venerabilis, unum spirantes, unum spectantes, unum illud ad vitam iter agnoscētes, ut mortem Dei causa susciperent: non minus animis fratres quam corpóribus, inter se mutuæ mortis æmuli: o rem admirandam! tormenta quasi thesauros præripiētes, pro magistra lege pericula subeūtes, quæ non magis illata formidabant, quam relicta requirēbant, unum illud vériti, ne tyrannus a pœnis desisteret, ne quis ipsorum sine coronæ præmio discēderet, ne inviti fratres alii ab alio sejungerentur, et ne, in eo discrimine cruciátibus erépti, mala victória superarent.

**R.** Congregatæ sunt gentes in multitudine, ut dimicent contra nos, et ignoramus quid agere debeamus : \* **D**omine Deus, ad te sunt oculi nostri, ne pereamus. **S.** Tu scis quæ cogitant in nos, quomodo poterimus subsistere ante faciem illorum, nisi tu adjuves nos? **D**omine.

*Lectio vj.*

**E**RAT ibi fortis et generosa mater, puerorum simul ac Dei amans, cujus materna viscera supra naturæ consuetudinem dilaniabantur. Non enim filiorum, qui in tormentis erant, miserebatur, sed timore angebatur, ne non ea susciperent : neque magis eos, qui e vita migraverant, desiderabat, quam precabatur, ut reliqui cum illis conjungerentur : de quibus filiis, magis quam de mortuis, erat sollicita. Horum enim dubium erat certamen, at illorum securus vitæ exitus : atque illos quidem jam Deo adjunxerat : de his vero, quomodo eos Deus susciperet, laborabat. O virilem animum in corpore muliebri ! o admirabile magni animi incrementum !

**R.** Tua est potentia, tuum regnum, Domine : tu es super omnes gentes : \* Da pacem, Domine, in diebus nostris. **S.** Creator omnium

Deus, terribilis et fortis, justus et misericors. Da. **G**loria Patri. Da.

**R.** vij. Refulsit sol in clypeos aureos, et resplenderunt montes ab eis : \* Et fortitudo gentium dissipata est. **S.** Erat enim exercitus magnus valde, et fortis : et appropriavit Judas, et exercitus ejus in prælio. Et.

**R.** viij. Duo Séraphim clamabant alter ad alterum : \* Sanctus, sanctus, sanctus Dominus Deus Sábaoth : \* Plena est omnis terra gloria ejus. **S.** Tres sunt qui testimonium dant in cælo : Pater, Verbum, et Spiritus sanctus ; et hi tres unum sunt. Sanctus. **G**loria Patri. Plena.

**FERIA SECUNDA.**

De libro ij. Machabæorum.

*Lectio j. Cap. 7. b*

**M**ORTUO itaque illo primo, hoc modo, sequentem deducebant ad illudendum : et, cute capitis ejus cum capillis abstracta, interrogabant, si manducaret prius quam toto corpore per membra singula puniretur. At ille, respondens patria voce, dixit : Non faciam. Propter quod et iste, sequenti loco, primi tormenta suscepit : et in ultimo spiritu constitutus, sic ait : Tu quidem, scelestissime, in præsentī vita nos perdis : sed Rex mundi defunctos nos pro suis légibus in æternæ vitæ

resurrectione suscitabit. Post hunc tertius illuditur, et linguam postulatus cito protulit, et manus constanter extendit : et cum fiducia ait : E caelo ista posideo, sed propter Dei leges nunc haec ipsa despicio, quoniam ab ipso me ea recepturum spero : ita ut rex, et qui cum ipso erant, mirarentur adolescentis animum, quod tamquam nihil duceret cruciatus.

**R.** Dixit Judas. 204.

*Lectio ij.*

**E**T hoc ita defuncto, quartum vexabant similiter torquentes. Et, cum jam esset ad mortem, sic ait : Potius est ab hominibus morti datos spem expectare a Deo, iterum ab ipso resuscitandos : tibi enim resurrectio ad vitam non erit. Et cum admovissent quintum, vexabant eum. At ille respiciens in eum, dixit : Potestatem inter homines habens, cum sis corruptibilis, facis quod vis : noli autem putare genus nostrum a Deo esse derelictum. Tu autem patienter sustine, et videbis magnam potestatem ipsius, qualiter te et semen tuum torquet. Post hunc ducabant sextum, et is, mori incipiens, sic ait : Noli frustra errare : nos enim propter nosmetipsos haec patimur, peccantes in Deum nostrum,

et digna admiratione facta sunt in nobis : tu autem ne existimes tibi impune futurum, quod contra Deum pugnare tentaveris.

**R.** Ornauerunt. 205.

*Lectio iij.*

**S**UPRA modum autem mater mirabilis, et bonorum memoria digna, quae pereuntes septem filios sub unius diei tempore conspiciens, bono animo ferebat, propter spem quam in Deum habebat : singulos illorum hortabatur voce patria fortiter, repleta sapientia : et femineae cogitationi masculinum animum inserens, dixit ad eos : Nescio qualiter in utero meo apparuistis : neque enim ego spiritum et animam donavi vobis et vitam, et singulorum membra non ego ipsa compégi : sed enim mundi Creator, qui formavit hominis nativitatem, quique omnium invenit originem, et spiritum vobis iterum cum misericordia reddet et vitam, sicut nunc vosmetipsos despicitis propter leges ejus.

**R.** In hymnis. 205.

**FERIA TERTIA.**

De libro ij. Machabaeorum.

*Lectio j. Cap. 7. e*

**A**NTIOCHUS autem contemni se arbitratus, simul et exprobrantis voce despecta, cum adhuc adolescens superesset, non solum

verbis hortabatur, sed et cum juramento affirmabat, se divitem et beatum facturum, et translatum a patriis legibus amicum habiturum, et res necessarias ei praebiturum. Sed ad haec cum adolescens nequaquam inclinaretur, vocavit rex matrem, et suadebat ei ut adulescenti fieret in salutem. Cum autem multis eam verbis esset hortatus, promisit suasuram se filio suo. Itaque inclinata ad illum, irridens crudellem tyrannum, ait patria voce: Fili mi, miserere mei, quae te in utero novem mensibus portavi, et lac triennio dedi, et alui, et in aetatem istam perduxi.

**R.** Hic est. 206.

*Lectio ij.*

**P**ETO, nate, ut aspicias ad coelum et terram, et ad omnia, quae in eis sunt: et intelligas, quia ex nihilo fecit illa Deus, et hominum genus: ita fiet, ut non timeas carnificem istum; sed dignus fratribus tuis effectus particeps, suscipe mortem, ut in illa miseratione cum fratribus tuis te recipiam. Cum haec illa adhuc diceret, ait adolescens: Quem sustinetis? non obedio praeccepto regis, sed praeccepto legis, quae data est nobis per Moysen. Tu vero, qui inventor omnis malitiae factus es in Hebraeos, non effugies ma-

num Dei. Nos enim pro peccatis nostris haec patimur. Et si nobis propter increpationem et correptionem Dominus Deus noster modicum iratus est: sed iterum reconciliabitur servis suis.

**R.** Tu, Domine. 206.

*Lectio iij.*

**T**U autem, o sceleste, et omnium hominum flagitiosissime, noli frustra extolli vanis spebus in servos ejus inflammatus. Nondum enim omnipotentis Dei, et omnia insipientis, judicium effugisti. Nam, fratres mei, modico nunc dolore sustentato, sub testamento aeternae vitae effecti sunt: tu vero judicio Dei justas superbiae tuae poenas exolves. Ego autem, sicut et fratres mei, animam et corpus meum tradido pro patriis legibus: invocans Deum maturius genti nostrae propitium fieri, teque cum tormentis et verberebus confiteri quod ipse est Deus solus. In me vero et in fratribus meis desinet Omnipotentis ira, quae super omne genus nostrum juste superducta est. Tunc rex accensus ira, in hunc super omnes crudelius desavit, indigne ferens se derisum. Et hic itaque mundus obiit, per omnia in Domino confidens. Novissime autem post filios et mater consumpta est.

**R.** Aperi. 206.

## FERIA QUARTA.

De libro ij. Machabæorum.

*Lectio j. Cap. 8. c*

**C**ONSTITUIT autem Nicānor, ut regi tributum, quod Romānis erat dandum, duo millia talentorum, de captivitate Judæorum suppleret : statimque ad maritimas civitates misit, convocans ad coemptionem Judæicorum mancipiorum, promittens se nonaginta mancipia talento distracturum, non respiciens ad vindictam, quæ cum ab Omnipotente esset consecutura. Judas autem ubi cōperit, indicavit his qui secum erant Judæis, Nicānoris adventum. Ex quibus quidam formidantes, et non credentes Dei justitiæ, in fugam vertebantur : alii vero si quid eis supererat vendebant, simulque Dōminum deprecabantur, ut eriperet eos ab impio Nicānore. *R.* Refulsit sol. 207.

*Lectio ij.*

**C**ONVOCATIS autem Machabæus septem millibus, qui cum ipso erant, rogabat ne hostibus reconciliarentur, neque metuerent inique venientium adversum se hostium multitudinem, sed fortiter contenderent, ante oculos habentes contumeliam, quæ loco sancto ab his injuste esset illata, itēque et ludibrio habitæ civitatis injuriam, adhuc etiam vē-

terum instituta convulsa. Nam illi quidem armis confidunt, ait, simul et audacia : nos autem in omnipotente Dōmino, qui potest et venientes adversum nos, et universum mundum uno nutu delere, confidimus. Admonuit autem eos et de auxiliis Dei, quæ facta sunt erga parentes : et quod sub Sennacherib centum octoginta quinque millia perierunt.

*R.* Ornaverunt. 207.*Lectio iij.*

**H**IS verbis constantes effecti sunt, et pro legibus, et patria mori parati. Constituit itaque fratres suos duces utrique ordini, Simōnem, et Josēphum, et Jōnathan, subjēctis unicuique millenis et quingentenis. Ad hoc etiam ab Esdra lecto illis sancto libro, et dato signo adiutorii Dei, in prima acie ipse dux commisit cum Nicānore. Et facto sibi adiutore Omnipotente, interfecerunt super novem millia hominum : majorem autem partem exercitus Nicānoris vulneribus debilem factam fugere compulerunt. Pecuniis vero eorum, qui ad emptionem ipsorum venerant, sublatis, ipsos usquequaque persecuti sunt : sed reversi sunt hora conclusi : nam erat ante sabbatum : quam ob causam non perseveraverunt



insequentes. Arma autem ipsorum, et spolia congregantes, sabbatum agebant: benedicentes Dominum, qui liberavit eos in isto die, misericordiae initium stillans in eos. Post sabbatum vero debilibus, et orphanis, et viduis divisérunt spolia: et residua ipsi cum suis habuere.

In hymnis. 207.

FERIA QUINTA.

De libro ij. Machabæorum.

Lectio j. Cap. 9.

EODEM tempore Antiochus inhoneste revertebatur de Perside. Intraverat enim in eam, quæ dicitur Persépolis, et tentavit expoliare templum, et civitatem opprimere; sed multitudine ad arma concurrēte, in fugam versi sunt: et ita contigit, ut Antiochus post fugam turpiter rediret. Et cum venisset circa Ecbatanam, recognovit quæ erga Nicanorem, et Timotheum gesta sunt. Elatus autem in ira, arbitrabatur se injuriam illorum, qui se fugaverant, posse in Judæos retorquere: ideoque jussit agitari currum suum, sine intermissione agens iter, cælesti eum judicio perurgente, eo quod ita superbe locutus est se venturum Jerosolymam, et congriem sepulchri Judæorum eam facturum.

Adapcriat. 235.

AUTUMNALIS.

Lectio ij.

SED qui universa conspicit Dñs Deus Israel, percussit eum insanabili et invisibili plaga. Ut enim finivit hunc ipsum sermonem, apprehendit eum dolor dirus viscerum, et amara internorum tormenta: et quidem satis juste, quippe qui multis et novis cruciatibus aliorum torserat viscera, licet ille nullo modo a sua malitia cessaret. Super hoc autem superbia replētus, ignem spirans animo in Judæos, et præcipiens accelerari negotium, contigit illum impetu euntem de curru cadere, et gravi corporis collisione membra vexari. Exaudiat. 235.

Lectio iij.

ISQUE, qui sibi videbatur etiam fluctibus maris imperare, supra humanum modum superbia replētus, et montium altitudines in statera appendere, nunc humiliatus ad terram in gestatorio portabatur, manifestam Dei virtutem in semetipso contestans: ita ut de corpore impii vermes scaturirent, ac vivētis in doloribus carnes ejus effluerent, odore etiam illius et foetore exercitus gravaretur. Et qui paulo ante sidera cæli contingere se arbitrabatur, eum nemo poterat propter intolerantiam foetoris portare. Congregati. 236.



## FERIA SEXTA.

De libro ij. Machabæorum.

*Lectio j. Cap. 10.*

**M**ACHABÆUS autem, et qui cum eo erant, Dómino se protegente, templum quidem, et civitatem recepit: aras autem, quas alienigenæ per platæas extruxerant, itémque delúbra demolitus est. Et purgato templo, aliud altare fecerunt: et de ignitis lapidibus igne concepto, sacrificia obtulerunt post biennium, et incensum, et lucernas, et panes propositionis posuerunt. Quibus gestis, rogabant Dóminum prostrati in terram, ne amplius talibus malis inciderent: sed et, si quando peccassent, ut ab ipso miltius corriperentur, et non barbaris ac blasphemis hominibus traderentur. Qua die autem templum ab alienigenis pollutum fuerat, contigit eadem die purificationem fieri, vigésima quinta mensis, qui fuit Casleu.

*R.* Impetum. 236.*Lectio ij.*

**A**T Timótheus, qui prius a Judæis fuerat superatus, convocato exercitu peregrinæ multitudinis, et congregato equitatu Asiáno, advénit quasi armis Judæam capturus. Machabæus autem, et qui cum ipso erant, appropinquante illo, depre-

cabantur Dóminum, caput terra aspergéntes, lumbosque ciliciis præcincti, ad altaris crepidinem provoluti, ut sibi propitius, inimicis autem eorum esset inimicus, et adversariis adversaretur, sicut lex dicit. Et ita post orationem, sumptis armis, longius de civitate procedentes, et proximi hostibus effecti, resederunt.

*R.* Congregatæ. 237.*Lectio iij.*

**P**RIMO autem solis ortu utrique commiserunt: isti quidem victoriæ et prosperitatis sponsorem cum virtute Dóminum habentes: illi autem ducem belli animum habebant. Sed, cum vehemens pugna esset, apparuerunt adversariis de cælo viri quinque in equis, frenis aureis decóri, ductum Judæis præstantes: ex quibus duo Machabæum médium habentes, armis suis circumséptum incolumem conservabant: in adversarios autem tela et fulmina jaciebant,, ex quo et cæcitate confusi, et repléti perturbatione cadébant. Interfecti sunt autem viginti millia quingenti, et equites sexcènti. Timótheus vero confúgit in Gázaram præsidium munitum, cui præerat Chæréas.

*R.* Tua est. 237.

## SABBATO.

De libro ij. Machabæorum.

## Lectio j. Cap. 45.

**M**ACHABÆUS autem semper confidébat cum omni spe auxilium sibi a Deo affuturum. Et hortabatur suos ne formidarent ad adventum Nationum, sed in mente haberent adiutoria sibi facta de cælo, et nunc sperarent ab Omnipotente sibi affuturam victoriam. Et allocutus eos de Lege et Prophétis, admonens etiam certamina quæ fécerant prius, promptiores constituit eos: et ita animis eorum erectis, simul ostendebat Géntium fallaciam, et juramentorum prævaricationem. Singulos autem illorum armavit, non clypei et hastæ munitiône, sed sermonibus optimis et exhortationibus, expósito digno fide sómnio, per quod universos lætificavit.

R. Refulsit sol. 207.

## Lectio ij.

**E**RAT autem hujuscemodi visus: Oníam, qui fuerat summus sacérdos, virum bonum et benígnum, verecúndum visu, modéstum móribus, et elóquio decórum, et qui a púero in virtutibus exercitatus sit, manus protendentem, oráre pro omni pópulo Judæórum. Post hoc apparuisse et álium virum, ætáte et glória mirabilem, et magni decóris ha-

bitúdine circa illum. Respondentem vero Oníam dixisse: Hic est fratrum amátor, et pópuli Israel: hic est qui multum orat pro pópulo, et univérsa sancta civitáte, Jeremías Prophéta Dei. Extendisse autem Jeremíam dextram: et dedisse Judæ gládium áureum, dicentem: Accipe sanctum gládium munus a Deo, in quo deicies adversários pópuli mei Israel.

R. Ornavérunt. 207.

## Lectio ij.

**E**XHORTATI itaque Judæ sermonibus bonis valde, de quibus extólli posset impetus, et ánimi júvenum confortári, statuérunt dimicáre et conflagere fórtiter, ut virtus de negótiis judicáret, eo quod civitas sancta et templum periclitaréntur. Erat enim pro uxóribus, et filiis, itémque pro frátribus, et cognátis, minor sollicitúdo: máximus vero et primus pro sanctitáte timor erat templi. Sed et eos, qui in civitáte erant, non mínima sollicitúdo habebat pro his qui congressúri erant.

R. In hymnis. 207.

## SABBATO

ANTE DOM. I. NOVEMBRIS.

## Ad Magnificat, Añna.

Vidi Dóminum \* sedentem super sóliũ excélsu, et plena erat omnis terra majestá-

te ejus : et ea quæ sub ipso erant, replébant templum.

DOM. I. NOVEMBRIS.

In primo Nocturno.

Incipit liber Ezechiélis  
Prophétæ.

Lectio j. Cap. 1.

**E**T factum est in trigésimo anno, in quarto, in quinta mensis, cum essem in médio captivórum juxta flúvium Chobar, apérti sunt cœli, et vidi visiones Dei. In quinta mensis, ipse est annus quintus transmigratiónis regis Jóachin, factum est verbum Dómini ad Ezechiélem filium Buzi sacerdotem in terra Chaldæórum, secus flumen Chobar : et facta est super eum ibi manus Dómini. Et vidi, et ecce ventus túrbis veniébat ab Aquilóne, et nubes magna, et ignis invólvens, et splendor in circúitu ejus : et de médio ejus quasi spécies eléctri, id est, de médio ignis.

**V**idi Dóminum sedéntem super sólum excélsum et elevátum : et plena erat omnis terra majestáte ejus : Et ea quæ sub ipso erant, replébant templum. Séraphim stabant super illud : sex alæ uni, et sex alæ álteri. Et.

Lectio ij.

**E**T in médio ejus similitúdo quátuor animálum : et hic aspéctus eórum, si-

militúdo hóminis in eis. Quátuor fácies uni, et quátuor pennæ uni. Pedes eórum pedes recti, et planta pedis eórum quasi planta pedis vítuli, et scintillæ quasi aspéctus æris candéntis. Et manus hóminis sub pennis eórum in quátuor pártibus : et fácies et pennas per quátuor partes habébant. Junctæque erant pennæ eórum altérius ad álterum. Non revertébantur cum incéderent : sed unumquódque anté faciém suam gradiebátur.

**A**spice, Dómine, de sede sancta tua, et cógita de nobis : inclína, Deus meus, aurem tuam, et audi : Aperi óculos tuos, et vide tribulatióem nostram. Qui regis Israel, inténde, qui dedúcis velut ovem Joseph. Aperi óculos.

Lectio iij.

**S**IMILITUDO autem vultus eórum, fácies hóminis, et fácies leónis a dextris ipsórum quátuor : fácies autem bovis a sinistris ipsórum quátuor, et fácies áquilæ désuper ipsórum quátuor. Fácies eórum, et pennæ eórum exténtæ désuper : duæ pennæ singulórum jungebántur, et duæ tegébant córpora eórum : et unumquódque eórum coram faciē sua ambulábat : ubi erat ímpetus spíritus, illuc gra-

diebántur, nec revertébántur cum ambulárent.

**R.** Aspice, Dómine, quia facta est desoláta civitas plena divitiis, sedet in tristitia dómína géntium :

Non est qui consolétur eam, nisi tu Deus noster. **V.** Plorans plorávit in nocte, et lácrymæ ejus in maxillis ejus. Non. **Gloria Patri. Non.**

**In secundo Nocturno.**

De Expositiône sancti Grégorii Papæ in Ezechiélem Prophétam.

**Lectio iv. L. 1. Hom. 2.**

**U**SUS prophéticæ locutiónis est, ut prius personam, tempus, locúmque describat, et póstmodum dicere mystéria prophetiæ incipiat : quátenus ad veritatem solidius ostendéndam, ante históriæ radicem figat, et post fructus spíritus per signa et allegorías próferat. Ezéchiél itaque ætátis suæ tempus indicat, dicens : Et factum est in trigésimo anno, in quarto mense, in quinta mensis. Locum quoque denúntians adjúngit : Cum essem in médio captivórum juxta flumen Chobar, apérti sunt cæli, et vidi visiones Dei. Tempus étiam insinuat, subdens : in quinta mensis : ipse est annus quintus transmigratiónis regis Jóachin. Qui ut bene personam indicet, étiam genus narrat, cum súbdi-

tar : Et factum est verbum Dómini ad Ezechiélem filium Buzi, sacerdotem.

**R.** Super muros tuos, Jerúsalem, constitui custódes :

\* Tota die et nocte non tacébunt laudáre nomen Dómini. **V.** Prædicábunt pópulis fortitúdinem meam, et annuntiábunt géntibus glóriam meam. Tota.

**Lectio v.**

**S**ED prima quæstio nobis óratur, cur is qui nihil adhuc dixerat, ita exórsus est, dicens : Et factum est in trigésimo anno. Et, namque sermo conjunctiōnis est : et scimus, quia non conjungitur sermo subsequens, nisi sermōni præcedenti. Qui igitur nihil dixerat, cur dicit, Et factum est : cum non sit sermo, cui hoc quod incipit, subjungat? Qua in re intuendum est, quia sicut nos corporalia, sic Prophætæ sensu spiritalia aspiciunt : eisque et illa sunt præsentia, quæ nostræ ignorantiae absentiā videntur. Unde fit, ut in mente Prophetarum ita conjuncta sint exterioribus interiora, quatenus simul utraque videant : simulque in eis fiat et intus verbum quod audiunt, et foris quod dicunt.

**R.** Muro tuo inexpugnabili circumcinge nos, Dómine, et armis tuæ poténtiæ protége nos semper : \* Libera,

Dómine Deus Israel, clamantes ad te. *Ÿ.* Erue nos in mirabilibus tuis, et da glóriam nómini tuo. Libera.

*Lectio vj.*

**P**ATET igitur causa, cur, qui nihil dixerat, inchoavit, dicens : Et factum est in trigésimo anno : quia hoc verbum, quod foris protulit, illi verbo, quod intus audierat, conjunxit. Continúavit ergo verba quæ protulit, visióni intimæ, et idcirco incipit, dicens : Et factum est. Subjunxit enim hoc quod extérius loqui inchoat : ac si et illud foris sit, quod intus vidit. Hoc autem quod dicitur, quia in trigésimo anno spiritum prophetiæ accéperit, indicat aliquid nobis considerandum : videlicet quia juxta ratiónis usum, doctrinæ sermo non suppetit, nisi in ætate perfécta. Unde et ipse Dóminus anno duodécimo ætatis suæ in médio Doctórum in templo sedens, non docens, sed intérogans vóluit inveniri.

*II.* Sustinúimus pacem, et non venit: quæsívimus bona, et ecce turbatio : cognóvimus, Dómine, peccáta nostra:

\* Non in perpétuum obliviscáris nos. *Ÿ.* Peccávimus, impie géssimus, iniquitatem fécimus, Dómine, in omnem justítiam tuam. Non. Glória Patri. Non.

*R. vij.* Laudábilis pópulus, \* Quem Dóminus exercítuum benedixit, dicens : Opus mánuum meárum tu es, heréditas mea Israel.

*Ÿ.* Beáta gens, cujus est Dóminus Deus, pópulus eléctus in hereditatem. Quem.

*R. vij.* Duo Séraphim clamábant alter ad álterum :

\* Sanctus, sanctus, sanctus Dóminus Deus Sábaoth :

\* Plena est omnis terra glória ejus. *Ÿ.* Tres sunt qui testimoniúm dant in cælo: Pater,

Verbum, et Spiritus sanctus; et hi tres unum sunt. Sanctus.

Glória Patri. Plena.

*Infra Hebd., Feria iv. dicuntur RR. ibi assignata : in Sabbato autem dicitur primum R. Laudábilis, secundum et tertium Feriæ ij. seq. R. hujus Dñicæ die. in aliis Dñicis usque ad Adv.*

#### FERIA SECUNDA.

De Ezechiële Prophéta.

*Lectio j. Cap. 2.*

**E**T audivi loquentem ad me, et dicentem : Filii hóminis, mitto ego te ad filios Israel, ad gentes apostatríces, quæ recessérunt a me : ipsi et patres eórum prævaricati sunt pactum meum usque ad diem hanc. Et filii dura fácie, et indomábili corde sunt, ad quos ego mitto te : et dices ad eos : Hæc dicit Dóminus Deus : Si forte vel ipsi audiant, et si forte quiéscant,



quóniam domus exásperans est : et scient quia Prophéta fúerit in médio eórum.

*R.* Redémit pópulum suum, et liberávit eum : et vénient, et exultábunt in monte Sion : et gaudébunt de bonis Dómini super fruménto, vino, et óleo : \* Et ultra non esúrient. *V.* Eritque ánima eórum quasi hortus irriguus. Et.

*Lectio ij.*

**T**U ergo, fili hóminis, ne timeas eos, neque sermónes eórum métuas : quóniam incréduli et subversóres sunt tecum, et cum scorpiónibus hábitas. Verba eórum ne timeas, et vultus eórum ne formídes, quia domus exásperans est. Loqueris ergo verba mea ad eos, si forte áudiant, et quiéscant : quóniam irritatóres sunt.

*R.* Angústiae mihi sunt úndique, et quid éligam ignóro.

\* Mélius est mihi incidere in manus hóminum, quam derelinquere legem Dei mei.

*V.* Si enim hoc égero, mors mihi est : si autem non égero, non effúgiam manus vestras. Mélius.

*Lectio iij.*

**T**U autem, fili hóminis, audi quaecúmque loquor ad te, et noli esse exásperans, sicut domus exasperátrix est : áperi os tuum, et cómede quaecúmque ego

do tibi. Et vidi, et ecce manus missa ad me, in qua erat involútus liber : et expándit illum coram me, qui erat scriptus intus et foris : et scriptæ erant in eo lamentatiónes, et carmen, et væ.

*R.* Misit Dóminus Angelum suum, et conclúsit oraleónum : \* Et non contamináverunt : quia coram eo injustitia invénta non est in me. *V.* Misit Deus misericórdiam suam, et veritatem suam : ánimam meam erípuit de médio catulórum leónum. Et non. Glória Patri. Et non.

*Resp. hujus ij. Feriæ repetuntur in aliis ij. Feriis usque ad Adventum.*

FERIA TERTIA.

De Ezechiéle Prophéta.

*Lectio j. Cap. 3.*

**E**T dixit ad me : Fili hóminis, quodcúmque invéneris cómede : cómede volúmen istud, et vadens lóquere ad filios Israel. Et apéruí os meum, et cibávit me volúmine illo : et dixit ad me : Fili hóminis, venter tuus cómedet, et víscera tua complebúntur volúmine isto, quod ego do tibi. Et comédi illud : et factum est in ore meo sicut mel dulce. Et dixit ad me : Fili hóminis, vade ad domum Israel, et loqueris verba mea ad eos.



**R** A facie furoris tui, Deus, conturbata est omnis terra :

Sed miserere, Domine, et ne facias consummationem.

**R** Domine Dominus noster, quam admirabile est nomen tuum ! Sed miserere.

*Lectio II.*

**N**ON enim ad populum profundi sermonis et ignotae linguae tu mitteris, ad domum Israel : neque ad populos multos profundi sermonis, et ignotae linguae, quorum non possis audire sermones : et si ad illos mittereris, ipsi audirent te. Domus autem Israel nolunt audire te : quia nolunt audire me. Omnis quippe domus Israel attrita fronte est, et duro corde. Ecce dedi faciem tuam valentiorum faciebibus eorum, et frontem tuam duriorem frontibus eorum. Ut adamantem, et ut silicem dedi faciem tuam : ne timeas eos, neque metuas a facie eorum : quia domus exasperans est.

**R** Civitatem istam tu circumda, Domine : et Angeli tui custodiant muros ejus. **R** Exaudi, Domine, populum tuum cum misericordia. **R** Avertatur furor tuus, Domine, a populo tuo, et a civitate sancta tua. Exaudi.

*Lectio III.*

**E**T dixit ad me : Fili hominis, omnes sermones

meos, quos ego loquor ad te, assume in corde tuo, et auribus tuis audi : Et vade, ingredi ad transmigrationem, ad filios populi tui, et loqueris ad eos, et dices eis : Haec dicit Dominus Deus : Si forte audiant, et quiescant. Et assumpsit me spiritus, et audiivi post me vocem commotionis magnae : Benedicta gloria Domini de loco suo ; et vocem alarum animalium percutientium alteram ad alteram, et vocem rotarum sequentium animalia, et vocem commotionis magnae.

**R**. Genti peccatrici, populo pleno peccato miserere, Domine Deus. **R** Esto placabilis super nequitiam populi tui. Domine. Gloria Patri. Domine.

*Ant. hujus IIJ. Feriae reputantur in aliis tertiis Feriis usque ad Adventum.*

FERIA QUARTA.

De Ezechiele Propheta.

*Lectio I. Cap. 7.*

**E**T factus est sermo Domini ad me, dicens : Et tu, fili hominis, haec dicit Dominus Deus terrae Israel : Finis venit, venit finis super quatuor plagas terrae. Nunc finis super te, et imittam furorem meum in te : et iudicabo te juxta vias tuas : et ponam contra te omnes abominationes tuas. Et non parceat oculus meus

super te, et non miserébor: sed vias tuas ponam super te, et abominatiónes tuæ in médio tui erunt: et sciétis quia ego Dóminus.

**R.** Indicábo tibi, homo, quid sit bonum: aut quid Dóminus requírat a te: **†** Fácere iudicium et justitiam, et sollicitum ambuláre cum Deo tuo. **†** Spéra in Dómino, et fac bonitatem, et inhábita terram. Fácere.

*Lectio ij.*

**H**ÆC dicit Dóminus Deus: Affliccio una, affliccio ecce venit. Finis venit, venit finis, evigilávit advérsus te: ecce venit. Venit contritio super te, qui hábitas in terra: venit tempus; prope est dies occisiónis, et. non glóriæ móntium. Nunc de propínquo effúndam iram meam super te, et complébo furórem meum in te: et iudicábo te juxta vias tuas, et impónam tibi ómnia scélera tua. Et non parcet óculus meus, nec miserébor, sed vias tuas impónam tibi, et abominatiónes tuæ in médio tui erunt: et sciétis quia ego sum Dóminus percútiens.

**R.** Angústiae mihi sunt undique, et quid éligam ignóro. **†** Mélius est mihi incidere in manus hóminū, quam derelínquere legem Dei mei. **†** Si enim hoc égero, mors mihi est: si

autem non égero, non effúgiam manus vestras. Mélius.

*Lectio iij.*

**E**CCE dies, ecce venit: egréssa est contritio, flóruit virga, germinávit supérbia: iníquitas surréxit in virga impietátis: non ex eis, et non ex pópulo, neque ex sónitu eórum: et non erit réquies in eis. Venit tempus, appropinquávit dies: qui emit, non lætétur: et qui vendit, non lúgeat: quia ira super omnem pópulum ejus. Quia qui vendit, ad id quod véndidit, non revertétur, et adhuc in vivéntibus vita eórum.

**R.** Misit Dóminus Angelum suum, et conclúsit ora leónum: **†** Et non contamináverunt: quia coram eo injustitia invénta non est in me. **†** Misit Deus misericórdiam suam et veritatem suam: ánimam meam eripuit de médio catulórum leónum. Et. *Gloria Patri. Et.*

**R. hujus iv. Feriæ repetuntur in aliis iv. Feriis usque ad Advent.**

**FERIA QUINTA.**

De Ezechiéle Prophéta.

*Lectio j. Cap. 13.*

**E**T factus est sermo Dómini ad me, dicens: Fili hóminis, vaticináre ad prophétas Israel, qui prophétant: et dices prophetántibus de corde suo: Audíte verbum Dómini: Hæc dicit

Dóminus Deus: Vae prophétis insipiéntibus, qui sequúntur spíritum suum, et nihil vident. Quasi vulpes in desértis, prophétæ tui Israel erant. Non ascendístis ex advérso, neque opposuístis murum pro domo Israel, ut starétis in prælio in die Dómini. Vident vana, et divinant mendácium, dicétes: Ait Dóminus: cum Dóminus non miserit eos: et perseveravérunt confirmáre sermónem.

ŕ. Vidi Dóminum. 244.

Lectio ij.

**N**UMQUID non visiónem cassam vidístis, et divinationém mendacem locúti estis? et dicitis, Ait Dóminus; cum ego non sim locútus. Proptérea hæc dicit Dóminus Deus: Quia locúti estis vana, et vidístis mendácium: ideo ecce ego ad vos, dicit Dóminus Deus: Et erit manus mea super prophétas, qui vident vana, et divinant mendácium: in consilio pópuli mei non erunt, et in scriptúra domus Israel non scribéntur, nec in terram Israel ingrediéntur: et sciétis quia ego Dóminus Deus. Eo quod decéperint pópulum meum, dicétes: Pax, et non est pax: et ipse ædificábat parietem, illi autem liniébant eum luto absque páleis.

ŕ. Aspice, Dómine de. 244.

Lectio iij.

**D**IC ad eos, qui liniunt absque temperaturá, quod casurus sit: erit enim imber inúndans, et dabo lápidés prægrándes désuper irruéntes, et ventum procéllæ dissipántem. Siquidem ecce cécidit páries: numquid non dicétur vobis: Ubi est litúra, quam linístis? Proptérea hæc dicit Dóminus Deus: Et erúmpere fáciam spíritum tempestátum in indignatióne mea, et imber inúndans in furóre meo erit: et lápidés grandes in ira in consumptioném. Et destruiam parietem, quem linístis absque temperaménto.

ŕ. Aspice, Dñe, quia. 245.

FERIA SEXTA.

De Ezechiële Prophéta.

Lectio j. Cap. 15.

**E**T factus est sermo Dómini ad me, dicens: Fili hóminis quid fiet de ligno vitis, ex ómnibus lignis némorum, quæ sunt inter ligna silvárum? Numquid tollétur de ea lignum, ut fiat opus, aut fabricábitur de ea paxillus, ut depéndeat in eo quodcúmque vas? Ecce igni datum est in escam: utrámque partem ejus consumpsit ignis, et medietas ejus redácta est in favillam: numquid útile erit ad opus? Etiam cum esset íntegrum, non erat aptum ad opus: quanto magis cum illud ignis

devoráverit, et combússe-  
rit, nihil ex eo fiet óperis?  
**R.** Super muros. 245.

**Lectio ij.**

**P**ROPTEREA hæc dicit Dó-  
minus Deus : Quómodo  
lignum vitis inter ligna sil-  
várurum, quod dedi igni ad  
devorándum, sic tradam ha-  
bitatóres Jerúsalem. Et po-  
nam faciém meam in eos :  
de igne egrediéntur, et ignis  
consúmet eos : et sciétis quia  
ego Dóminus, cum posúero  
faciém meam in eos, et dé-  
dero terram inviam et deso-  
látam : eo quod prævarica-  
tóres extiterint, dicit Dó-  
minus Deus.

**R.** Muro tuo. 245.

**Lectio iij. Cap. 16.**

**E**T factus est sermo Dó-  
mini ad me, dicens : Fili  
hóminis, notas fac Jerúsa-  
lem abominatiónes suas, et  
dices : Hæc dicit Dóminus  
Deus Jerúsalem : Radix tua,  
et generatio tua de terra  
Chánaan : pater tuus Amor-  
rhæus, et mater tua Cethæa.  
Et quando nata es in die  
ortus tui, non est præcisus  
umbilicus tuus, et aqua non  
es lota in salutem, nec sale  
salita, nec involuta pannis.  
Non pepéreit super te óculus  
ut fáceret tibi unum de his,  
misértus tui : sed projécta  
es super faciém terræ in ab-  
jectiône ánimæ tuæ, in die  
qua nata es.

**R.** Sustinúimus. 246.

**SABBATO.**

De Ezechiéle Prophéta.

**Lectio j. Cap. 19.**

**E**T tu assúme planctum su-  
per príncipes Israel, et  
dices : Quare mater tua læ-  
na inter leónes cubávit, in  
medio leunculórum enutrívit  
cátulos suos? Et edúxit  
unum de leúnculis suis, et  
leo factus est : et didicit cá-  
pere prædam, hominémque  
comédere. Et audiérunt de  
eo gentes, et non absque  
vulnéribus suis cepérunt  
eum : et adduxérunt eum in  
caténis in Terram Ægypti.  
Quæ eum vidisset quóniam  
infirmáta est, et périit expe-  
ctatio ejus : tulit unum de  
leúnculis suis, leónem con-  
stituit eum. Qui incedébat  
inter leónes, et factus est  
leo : et didicit prædam cá-  
pere, et hómines devoráre :  
didicit víduas fácere, et  
civitates eórum in desértum  
addúcere : et desolata est  
terra, et plenitúdo ejus, a  
voce rugitus illius.

**R.** Laudábilis. 246.

**Lectio ij.**

**E**T convenérunt advérsus  
eum gentes úndique de  
provinciis, et expandérunt  
super eum rete suum, in vul-  
néribus eárum captus est.  
Et misérunt eum in cèveam,  
in caténis adduxérunt eum  
ad regem Babylónis : misc-  
rúntque eum in cárcerem,  
ne audirétur vox ejus ultra

super montes Israël. Mater tua quasi vinea in sanguine tuo super aquam plantata est : fructus ejus, et frondes ejus creverunt ex aquis multis. Et factæ sunt ei virgæ solidæ in sceptrâ dominantium, et exaltata est statûra ejus inter frondes : et vidit altitudinem suam in multitudine palmitum suorum.

*R. Angustiæ. 247.*

*Lectio ij.*

**E**T evulsa est in ira, in terramque projecta, et ventus urens siccavit fructum ejus : marcuérunt, et arefactæ sunt virgæ roboris ejus : ignis comedit eam. Et nunc transplantata est in desertum, in terra invia, et sitiénti. Et egressus est ignis de virga ramorum ejus qui fructum ejus comedit : et non fuit in ea virga fortis, sceptrum dominantium. Planctus est, et erit in planctum. *R. Misit. 247.*

### SABBATO

ANTE DOM. II. NOVEMBRIS.

*Ad Magnificat, Añâ.*

Aspice, Dómine, \* quia facta est desolata civitas plena divitiis, sedet in tristitia dómina gentium : non est qui consolétur eam, nisi tu, Deus noster.

*Si November habeat quinque Dñicas, tunc in ij. Dñica leguntur sequentes Lect. de Ezechiele : si vero habuerit tantum quatuor, Dñica ij.*

*legetur liber Danielis positus in ij. Dñica, et Sabbato ad Magnificat dicetur Añâ. Mu- ro tuo. 259. et seq. ij. Dñicis legentur Prophetæ minores.*

DOM. II. NOVEMBRIS.

*In primo Nocturno.*

De Ezechiële Prophéta.

*Lectio j. Cap. 21.*

**E**T factus est sermo Dómini ad me, dicens : Fili hóminis, pone faciém tuam ad Jerúsalem, et stilla ad sanctuária, et prophéta contra humum Israel. Et díces terræ Israel : Hæc dicit Dóminus Deus : Ecce ego ad te, et ejiciam gládium meum de vagina sua, et occidam in te justum et ímpium. Pro eo autem quod occidi in te justum et ímpium, idcirco egrediétur gládus meus de vagina sua ad omnem carnem ab Austro usque ad Aquilónem : ut sciat omnis caro quia ego Dóminus eduxi gládium meum de vagina sua irrevocábilem.

*R. Vidi Dñum sedéntem super sólum excélsus et elevátum : et plena erat omnis terra majestáte ejus : Et ea quæ sub ipso erant, replébant templum. S. Séraphim stabant super illud : sex alæ uni, et sex alæ álteri. Et.*

*Lectio ij.*

**E**T tu, fili hóminis, ingemisce in contritióne lumbórum, et in amaritudínibus ingemisce coram eis. Cum-



que dixerint ad te . Quare tu gemis? dices : Pro auditu : quia venit, et tabescet omne cor, et dissolvéntur univérsæ manus, et infirmábitur omnis spíritus, et per cuncta génua fluent aquæ : ecce venit , et fiet , ait Dóminus Deus. Et factus est sermo Dómini ad me, dicens: Fili hóminis , prophéta , et dices : Hæc dicit Dóminus Deus : Lóquere : Gladius , gladius exacútus est , et limátus. Ut cædat víctimas , exacútus est : ut spléndeat , limátus est : qui moves sceptrum filii mei, succidísti omne lignum. Et dedi eum ad levigándum , ut teneátur manu : iste exacútus est gladius, et iste limátus est , ut sit in manu interficiéntis.

¶ Aspice, Dómine, de sede sancta tua, et cógita de nobis: inclína, Deus meus, aurem tuam, et audi : \* Aperi óculos tuos , et vide tribulatió-nem nostram. † Qui regis Israel, inténde, qui dedúcis velut ovem Joseph. Aperi.

### Lectio iij.

**C**LAMA, et úlulá, fili hóminis, quia hic factus est in pópulo meo, hic in cunctis dúcibus Israel qui fúgerant: gládio trádití sunt cum pópulo meo, ideírcó plaude super femur, quia probátus est : et hoc , cum sceptrum subvérterit, et non erit, dicit Dóminus Deus. Tu ergo, fili

hóminis, prophéta , et pécute manu ad manum, et duplicétur gladius , ac triplicétur gladius interfectórum: hic est gladius occisiónis magnæ, qui obstupéscere eos facit , et corde tabéscere, et multiplicat ruinas.

¶ Aspice, Dómine , quia facta est desoláta civitas plena divítiis , sedet in tristitia dómína géntium : \* Non est qui consolétur eam, nisi tu, Deus noster. † Plorans plorávit in nocte , et lácrymæ ejus in maxíllis ejus. Non. Gloria Patri. Non.

### In secundo Nocturno

De Expositione sancti Hierónymi Presbyteri in Ezechielem Prophétam.

### Lectio iv.

Lib. 7. in Ezech. cap. 21.

**Q**UIA supra dixerat : Ipsi dicunt ad me : Numquid non per parábulas lóquitur iste ? et apértam pópulus flagitábat senténtiam : ideírcó id quod Dóminus per metáphoram , sive parábolam, et , ut álíi vertére, provérbium , est locútus, nunc manifestíus lóquitur : saltus Nageb, et Daron, et Theman esse Jerúsalem et templum illíus, sancta sanctórum , et omnem terram Judææ : flammámque quæ combustúra sit saltum , intélligi gládium devorántem , qui edúctus sit de vagína sua, ut interficiat justum et im-



pium. Hoc est enim lignum viride, et lignum aridum. Unde et Dominus : Si in ligno, ait, viridi tanta faciunt, in sicco quid facient ?

**R.** Super muros tuos Jerúsalem constitui custódes : \* Tota die et nocte non tacébunt laudáre nomen Dómini. **V.** Prædicábunt pópulis fortitudinem meam, et annuntiábunt géntibus glóriam meam. Tota.

**Lectio v.**

**P**IMUM dixerat : Vaticináre, vel stilla ad Austrum, Africum, et Meridiem, et ad saltum Meridiánum. Quod quia videbátur obscurum, et dicta Prophætæ pópulus nesciébant, secúndo pónitur manifestius, saltum Meridiánum esse Jerúsalem : et omnes infructuósas árbores, ad quarum radices securis pósita sit, intélligi habitatóres ejus, gladiúmque interpretári pro incéndio. Tértio jubétur Prophætæ, ut tacéntibus illis, nec interrogántibus cur ista vaticinátus sit, faciat per quæ interrogétur, et respóndeat quæ Dominus locútus est.

**R.** Muro tuo inexpugnábili circumcínge nos. Dómine, et armis tuæ poténtiæ prótege nos semper : \* Líbera, Dómine Deus Israel, clamántes ad te. **V.** Erue nos in mirabilibus tuis, et da glóriam nómini tuo. Líbera.

**Lectio vj.**

**I**NGEMISCE, inquit, ejuláre non levi voce, nec dolóre moderáto, sed in contritióne lumbórum, ut gémitus tuus ex imis viscéribus et amaritudine ánimí proferátur. Et hoc facies coram eis, ut cum te interrogáverint, cur tanto gémitu conteráris, et quid tibi mali accíderit, ut sic ingemíscas; tu eis meo sermóne respónd eas : Idcirco plango, et dolórem cordis mei dissimuláre non váleo, quia audíus, qui semper meis áuribus insonúerat, ópere complétur, et venit, imminens vidélicet Babylónii furéntis exércitus : qui cum vénerit, et valláverit Jerúsalem, tunc tabéscet omne cor, et dissolvéntur univérsæ manus : ut occupánte pavóre mentes hóminum, nullus áudeat repugnáre.

**R.** Sustinúimus pacem, et non venit : quæsívimus bona, et ecce turbátio : cognóvimus, Dómine, peccáta nostra : \* Non in perpétuum obliviscáris nos. **V.** Peccávimus, impie géssimus, iniquitátem fécimus, Dómine, in omnem justítiam tuam. Non. Glória Patri. Non.

**R. vij.** Laudábilis pópulus, \* Quem Dominus exércituum benedixit, dicens : Opus mánuum meárum tu es, heréditas mea Israel. **V.** Beáta gens, cujus est

Dóminus Deus, pópulus eléctus in hereditátem. Quem. **R. viij.** Duo Séraphim clamábant alter ad álterum : \* Sanctus, sanctus, sanctus, Dóminus Deus Sábaoth : \* Plena est omnis terra glória ejus. **Y.** Tres sunt qui testimoniúm dant in cœlo: Pater, Verbum et Spíritus sanctus; et hi tres unum sunt. Sanctus. **Gloria Patri. Plena.**

## FERIA SECUNDA.

De Ezechiële Prophéta.

**Lectio j. Cap. 33.**

**E**T factum est verbum Dómini ad me, dicens : Fili hóminis lóquere ad filios pópuli tui, et dices ad eos : Terra cum indúxero super eam gládium, et túlerit pópulus terræ virum unum de novíssimis suis, et constitúerit eum super se speculatórem : et ille viderit gládium veniéntem super terram, et cecinerit búccina, et annuntiáverit pópulo : áudiens autem, quisquis ille est, sónitum búccinæ, et non se observáverit, venerítque gládus, et túlerit eum : sanguis ipsíus super caput ejus erit. Sonum búccinæ audívit, et non se observávit, sanguis ejus in ipso erit : si autem se custodierit, ánimam suam salvábit. **R. Redémit. 247.**

**Lectio ij.**

**Q**UOD si speculátor viderit gládium veniéntem, et

non insonúerit búccina, et pópulus se non custodierit, venerítque gládus, et túlerit de eis ánimam : ille quidem in iniquitáte sua captus est, sánguinem autem ejus de manu speculatóris requíram. Et tu, fili hóminis, speculatórem dedi te dómui Israel : áudiens ergo ex ore meo sermónem, annuntiábis eis ex me. Si, me dicénte ad ímpium : Impie, morte moriérís, non fúeris locútus ut se custódiat ímpius a via sua : ipse ímpius in iniquitáte sua moriétur, sánguinem autem ejus de manu tua requíram. **R. Angústia. 247.**

**Lectio iij.**

**S**I autem, annuntiánte te ad ímpium ut a viis suis convertátur, non fúerit convérsus a via sua : ipse in iniquitáte sua moriétur : porro tu ánimam tuam liberásti. Tu ergo, fili hóminis, dic ad domum Israel : Sic locúti estis, dicétes : iniquitátes nostræ, et peccáta nostra super nos sunt, et in ipsis nos tabéscimus : quómodo ergo vívere poterimus? Dic ad eos : Vivo ego, dicit Dóminus Deus : nolo mortem ímpii, sed ut convertátur ímpius a via sua, et vivat. Convertimini, convertimini a viis vestris péssimis : et quare moriémmini domus Israel?

**R. Misit Dóminus. 247.**

## FERIA TERTIA.

De Ezechiële Prophéta.

*Lectio j. Cap. 34.*

**E**T factum est verbum Dómini ad me, dicens : Fili hóminis, prophéta de pastóribus Israel : prophéta, et dices pastóribus : Hæc dicit Dóminus Deus : Væ pastóribus Israel, qui pascébant semetipsos : nonne greges a pastóribus pascúntur? Lac comedebátis, et lanis operiebámini, et quod crasum erat occidebátis : gregem autem meum non pascébátis. Quod infirmum fuit non consolidástis, et quod ægrótum non sanástis, quod confráctum est non alligástis, et quod abjéctum est non reduxístis, et quod perierat non quæsístis : sed cum austeritate imperabátis eis, et cum poténtia.

¶ A fácie furóris. 248.

*Lectio ij.*

**E**T dispérsæ sunt oves meæ, eo quod non esset pastor : et factæ sunt in devoratióem ómnium bestiárum agri, et dispérsæ sunt. Erravérunt greges mei in cunctis móntibus, et in univérso colle excélso : et super omnem fáciem terræ dispérsi sunt greges mei, et non erat qui requíreret : non erat, inquam, qui requíreret. Proptérea, pastóres, audite verbum Dómini : Vivo ego, dicit Dóminus Deus,

quia pro eo quod facti sunt greges mei in rapinam, et oves meæ in devoratióem ómnium bestiárum agri, eo quod non esset pastor : neque enim quæsiérunt pastóres mei gregem meum, sed pascébant pastóres semetipsos, et greges meos non pascébant : proptérea, pastóres, audite verbum Dómini.

¶ Civitátem. 248.

*Lectio iij.*

**H**ÆC dicit Dóminus Deus : Ecce ego ipse super pastóres requíram gregem meum de manu eórum, et cessáre fáciam eos ut ultra non pascant gregem, nec pascant ámplius pastóres semetipsos : et liberábo gregem meum de ore eórum, et non erit ultra eis in escam. Quia hæc dicit Dóminus Deus : Ecce ego ipse requíram oves meas, et visitábo eas. Sicut visitat pastor gregem suum, in die quando fúerit in médio óvium suárum dissipatárum : sic visitábo oves meas, et liberábo eas de ómnibus locis, in quibus dispérsæ fúerant in die nubis et caliginis.

¶ Genti peccatríci. 248.

## FERIA QUARTA.

De Ezechiële Prophéta.

*Lectio j. Cap. 40.*

**I**N vigésimo quinto anno transmigratióis nostræ, in exórdio anni, décima

mensis, quartodécimo anno postquam percussa est civitas : in ipsa hac die facta est super me manus Dómini, et adduxit me illuc. In visionibus Dei adduxit me in terram Israel, et dimisit me super montem excelsum nimis : super quem erat quasi ædificium civitatis vergentis ad Austrum. Et introduxit me illuc. *R.* Indicábo. 249.

*Lectio ij.*

**E**T ecce vir, cujus erat species quasi species æris, et funiculus lineus de manu ejus, et calamus mensuræ in manu ejus : stabat autem in porta. Et locutus est ad me idem vir : Fili hominis, vide oculis tuis, et auribus tuis audi, et pone cor tuum in omnia, quæ ego ostendam tibi : quia ut ostendantur tibi adductus es huc : annuntia omnia, quæ tu vides, domui Israel.

*R.* Angustiae. 249.

*Lectio iij.*

**E**T ecce murus forinsecus in circuitu domus undique, et in manu viri calamus mensuræ sex cubitorum, et palmo : et mensus est latitudinem ædificii calamo uno, altitudinem quoque calamo uno. Et venit ad portam, quæ respiciebat viam Orientalem, et ascendit per gradus ejus : et mensus est limen portæ calamo uno latitudinem, id

est, limen unum calamo uno in latitudine.

*R.* Misit Dóminus. 249.

**FERIA QUINTA.**

De Ezechiële Prophéta.

*Lectio j. Cap. 41.*

**E**T introduxit me in templum, et mensus est frontes, sex cubitos latitudinis hinc, et sex cubitos latitudinis inde, latitudinem tabernaculi. Et latitudo portæ, decem cubitorum erat : et latera portæ, quinque cubitis hinc, et quinque cubitis inde : et mensus est longitudinem ejus quadraginta cubitorum, et latitudinem viginti cubitorum. Et introgressus intrinsecus mensus est in fronte portæ duos cubitos ; et portam, sex cubitorum : et latitudinem portæ, septem cubitorum.

*R.* Vidi Dóminum. 232.

*Lectio ij.*

**E**T mensus est longitudinem ejus viginti cubitorum, et latitudinem ejus viginti cubitorum, ante faciem templi : et dixit ad me : Hoc est sanctum sanctorum. Et mensus est parietem domus sex cubitorum : et latitudinem lateris quatuor cubitorum undique per circuitum domus. Latera autem, latus ad latus, bis triginta tria : et erant eminentia, quæ ingrederentur per parietem domus, in lateribus per circuitum, ut continerent

rent , et non attingerent parietem templi.

*R.* Aspice, Dñe, de. 253.

*Lectio iij.*

**E**T platéa erat in rotundum , ascendens sursum per cóchleam , et in cœnāculum templi deferébat per gyrum : idcirco látius erat templum in superióribus : et sic de inferióribus ascendebátur ad superióra in médium. Et vidi in domo altitudinem per circúitum , fundata látera ad mensúram cálami sex cubitórum spátio : et latitudinem per parietem láteris forinsecus quinque cubitórum ; et erat intérior domus in latéribus domus.

*R.* Aspice, Dñe, quia. 253.

**FERIA SEXTA.**

*De Ezechiële Prophéta.*

*Lectio j. Cap. 43.*

**E**T duxit me ad portam quæ respiciébat ad viam Orientálem. Et ecce glória Dei Israel ingrediebátur per viam Orientálem : et vox erat ei quasi vox aquárum multárum, et terra splendébat a maiestáte ejus. Et vidi visiõnem , secúndum spéciem quam víderam, quando venit ut dispérderet civitátem : et spécies secúndum aspéctum , quem víderam juxta flúvium Chobar : et cécidi super fáciem meam. Et majestas Dómini ingrèssa est templum per viam por-

tæ, quæ respiciébat ad Oriéntem. Et elevávit me spiritus, et introdúxit me in átrium intérius : et ecce repléta erat glória Dómini domus.

*R.* Super muros. 254.

*Lectio ij.*

**E**T audívi loquéntem ad me de domo , et vir qui stabat juxta me , dixit ad me : Fili hóminis , locus sólii mei , et locus vestigiórum pedum meórum : ubi hábito in médio filiórum Israel in ætérnum : et non pólluent ultra domus Israel nomen sanctum meum ; ipsi et reges eórum , in fornicatió nibus suis , et in ruinis regum suórum , et in excélsis. Qui fabricáti sunt limen suum juxta limen meum , et postes suos juxta postes meos : et murus erat inter me et eos : et pollué runt nomen sanctum meum in abomina tió nibus, quas fecérunt : propter quod consúmpsi eos in ira mea.

*R.* Muro tuo. 254.

*Lectio iij.*

**N**UNC ergo repéllant procul fornicatió nem suam , et ruínas regum suórum a me : et habitábo in médio eórum semper. Tu autem , fili hóminis, osténde dómui Israel templum , et confundántur ab iniquitatibus suis, et metiántur fábricam : et erubéscant ex ómnibus quæ fecérunt. Figúram domus , et



fábrica ejus éxitus, et intróitus, et omnem descriptiönem ejus, et univérſa præcépta ejus, cunctúmque órđinem ejus, et omnes leges ejus osténde eis, et scribes in óculis eórum : ut custódiánt omnes descriptiões ejus, et præcépta illius, et fáciánt ea.

**R.** Sustinúimus. 254.

### SABBATO.

De Ezechiële Prophéta.

**Lectio j.** Cap. 47.

**E**T convértit me ad portam domus, et ecce aquæ egrediebántur subter limen domus ad Oriéntem : fácies enim domus respiciébat ad Oriéntem : aquæ autem descendébant in latus templi dextrum ad Merídiem altáris. Et edúxit me per viam portæ Aquilónis, et convértit me ad viam foras portam exteriórem, viam quæ respiciébat ad Oriéntem : et ecce aquæ redundántes a látere dextro.

**R.** Laudábilis. 254.

**Lectio ij.**

**C**UM egrederétur vir ad Oriéntem, qui habébat funículum in manu sua, et mensus est mille cúbitos : et tradúxit me per aquam usque ad talos. Rursúmque mensus est mille, et tradúxit me per aquam usque ad gēna : et mensus est mille, et tradúxit me per aquam usque ad renes. Et mensus

est mille, torréntem, quem non pótui pertransire : quoniam intumúerant aquæ profúndi torréntis, qui non potest transvadári.

**R.** Angústia. 247.

**Lectio iij.**

**E**T dixit ad me : Certe vidiſti, fili hóminis. Et edúxit me, et convértit ad ripam torréntis. Cumqueme convertíssem, ecce in ripa torréntis ligna multa nimis ex utrâque parte. Et ait ad me : Aquæ istæ, quæ egrediúntur ad túmulos sábuli Orientális, et descendunt ad plana desérti, intrábunt mare, et exhibunt, et sanabúntur aquæ. Et omnis ánima vivens, quæ serpit, quocúmque vénerit torrens, vivet : et erunt pisces multi satis postquam vénerint illuc aquæ istæ, et sanabúntur : et vivent ómnia ad quæ vénerit torrens.

**R.** Misit Dóminus. 247.

### SABBATO

ANTE DOMIN. III. NOVEMBR.

**Ad Magnificat. Añña.**

Muro tuo \* inexpugnábili circumcinge nos, Dómine, et armis tuæ poténtiæ prótege nos semper.

DOM. III. NOVEMBRIS.

**In primo Nocturno.**

Incipit liber Daniélis Prophétæ.

**Lectio j.** Cap. 1.

**A**NNO tértio regni Jóakim regis Juda, venit Nabu-



chodónosor rex Babylónis in Jerúsalem, et obsédit eam, et trádidit Dóminus in manu ejus Jóakim regem Juda, et partem vasórum domus Dei : et asportávit ea in terram Sénnaar in domum dei sui, et vasa intulit in domum Thesáuri dei sui. Et ait rex Asphenez præpósito eunuchórum, ut introduceret de filiis Israel, et de sémine régio et tyrannórum púeros, in quibus nulla esset mácula, decóros forma, et eruditos omni sapientia, cautos sciéntia, et doctos disciplina, et qui possent stare in palátio regis, ut docéret eos litteras, et linguam Chaldæórum.

**R.** Vidi Dóminum sedéntem super sólum excélsus et elevátum : et plena erat omnis terra majestáte ejus :  
 \* Et ea quæ sub ipso erant, replébant templum. **Y.** Séraphim stabant super illud : sex alæ uni, et sex alæ alteri. Et ea.

### Lectio ij.

**E**T constituit eis rex annónam per singulos dies de cibis suis, et de vino unde bibébat ipse, ut enutríti tribus annis, póstea starent in conspéctu regis. Fuérunt ergo inter eos de filiis Juda, Dániel, Ananías, Misaél, et Azarias. Et impósuit eis præpósitus eunuchórum nómina : Daniéli, Baltássar :

Ananiæ, Sidrach; Misaéli, Misach; et Azariæ, Abdénago. Propósuit autem Dániel in corde suo, ne polluerétur de mensa regis, neque de vino potus ejus : et rogávit eunuchórum præpósitum ne contaminarétur. Dedit autem Deus Daniéli grátiam et misericórdiam in conspéctu principis eunuchórum.

**R.** Aspice, Dómine, de sede sancta tua, et cógita de nobis : inclína, Deus meus, aurem tuam, et audi :  
 \* Aperi óculos tuos, et vide tribulationem nostram. **V.** Qui regis Israel, inténde, qui dedúcis velut ovem Joseph. Aperi.

### Lectio iij.

**E**T ait princeps eunuchórum ad Daniélem : Tímeo ego dóminum meum regem, qui constituit vobis cibum et potum : qui si viderit vultus vestros macilentiores præ céteris adolescentibus coævis vestris, condemnábitis caput meum regi. Et dixit Dániel ad Málasar, quem constitúerat princeps eunuchórum super Daniélem, Ananiám, Misaélem, et Azariám : Tentá nos, óbsecro, servos tuos diébus decem, et dentur nobis legúmina ad vescéndum, et aqua ad bibéndum : et contempláre vultus nostros, et vultus puerórum qui vescúntur cibo régio : et sicut videris, fácies cum servis

tuis. Qui, audito sermone huiusmodi, tentavit eos diebus decem. Post dies autem decem, apparuerunt vultus eorum meliores et corpulentiores præ omnibus pueris, qui vescebantur cibo regio.

**R.** Aspice, Domine, quia facta est desolata civitas plena divitiis : sedet in tristitia domina Gentium. \* Non est qui consolatur eam, nisi tu Deus noster. **V.** Plorans ploravit in nocte, et lacrymæ ejus in maxillis ejus. Non. **Gloria Patri.** Non.

**In secundo Nocturno.**

Ex libro sancti Athanasii Episcopi ad virgines.

**Lectio iv.**

**Lib. 2. de Virg. post init.**

**S**I accédant aliqui, et dicant tibi : Ne frequenter jejunes, ne imbecillior fias : ne credas illis, neque auscultes : per istos enim inimicus hæc suggerit. Reminiscere ejus quod scriptum est, quod cum tres pueri, et Dániel, et alii adolescentuli, captivi ducti essent a Nabuchodonosor rege Babylónis, jussumque esset ut de ipsius mensa régia comederent, et de vino biberent ; Dániel et tres pueri illi noluerunt polui ex mensa regis, sed dixerunt eunúcho, qui eos curandos susceperat : Da nobis de seminibus terræ, et vescemur. Quibus ait eunúchus : Timeo ego regem,

qui constituit vobis cibum et potum, ne forte facies vestræ appareant regi squalidiore præ ceteris pueris, qui régia mensa aluntur, et puniat me.

**R.** Super muros tuos Jerúsalem constitui custodes :

\* Tota die et nocte non tacebunt laudare nomen Domini. **V.** Prædicabunt populis fortitudinem meam, et annuntiabunt Gentibus gloriam meam. Tota.

**Lectio v.**

**C**UI dixerunt illi : Tenta servos tuos dies decem, et da nobis de seminibus. Et dedit eis legumina ad vescendum, et aquam ad bibendum : et introduxit eos in conspectu regis, et visæ sunt facies ipsorum speciosiores præter ceteros pueros, qui régiae mensæ cibus nutriebantur. Vidésne quid faciat jejunium ? Morbos sanat, distillationes corporis exsiccat, dæmones fugat, pravas cogitationes expellit, mentem clariorem reddit, cor mundum efficit, corpus sanctificat, denique ad thronum Dei hominem sistit. Et ne putes hæc témere dici, habes hujus rei testimonium in Evangeliis a Salvatore prolatum. Cum enim quævisissent discipuli, quonam modo immundi spiritus ejicerentur, respondit Dominus : Hoc genus non ejici-

tur, nisi in oratione et jejúnio.

**R.** Muro tuo inexpugnabili circumclunge nos, Dómine, et armis tuæ poténtiæ prótege nos semper : \* Líbera, Dómine Deus Israel, clamantes ad te. **V.** Erue nos in mirabilibus tuis, et da glóriam nómini tuo. Líbera.

### Lectio vj.

**Q**UISQUIS igitur ab immundo spiritu vexatur, si hoc animadvertat, et hoc phármaco utatur jejúnio, inquam, statim spíritus malus opprèssus abscédet, vim jejúnii métuens. Valde enim dæmones oblectantur crápula, et ebrietate, et corporis commodis. Magna vis in jejúnio, et magna præclára fiunt per illud : alióquin unde hómines tam mirífica præstarent, et signa per eos fierent, et sanitatem infirmis per ipsos largirétur Deus, nisi plane ob exercitationes spirituáles, et humilitatem ánimí, et conversatióem bonam? Jejúnium enim Angelórum cibus est : et qui eo útitur, órdinis angélici censendus est.

**R.** Sustinúimus pacem, et non venit : quæsivimus bona, et ecce turbatio : cognóvimus, Dómine, peccata nostra : \* Non in perpétuum obliviscáris nos. **V.**

Peccávimus, impie géssimus, iniquitatem fécimus, Dómine, in omnem justitiam tuam. Non. Glória Patri. Non.

**R.** vij. Laudábilis pópulus, \* Quem Dóminus exercítuum benedíxit, dicens : Opus mánuum micárum tu es, heréditas mea Israel. **V.** Beáta gens, cujus est Dóminus Deus, pópulus eléctus in hæreditatem. Quem.

**R.** viij. Duo Séraphim clamábant alter ad álterum : \* Sanctus, sanctus, sanctus, Dóminus Deus Sábaoth : \* Plena est omnis terra glória ejus. **V.** Tres sunt qui testimoniúm dant in cælo : Pater, Verbum, et Spíritus sanctus ; et hi tres unum sunt. Sanctus. Glória Patri. Plena.

### FERIA SECUNDA.

De Daniéle Prophéta.

### Lectio j. Cap. 2. e

**T**U rex vidébas, et ecce quasi státua una grandis : státua illa magna, et statúra sublímis stabat contra te : et intúitus ejus erat terribilis. Hujus státuæ caput ex auro óptimo erat, pectus autem et bráchia de argénto, porro venter, et fémora ex ære. Tíbiæ autem férreæ, pedum quædam pars erat férrea, quædam autem fictilis. Vidébas ita, donec abscissus est lapis de monte sine mánibus : et percússit státuam in pedi-

bus ejus férreis et fictilibus, et comminuit eos. Tunc contrita sunt pariter ferrum, testa, æs, argentum, et aurum, et redacta quasi in favillam æstivæ aræ, quæ rapta sunt vento: nullusque locus inventus est eis: lapis autem, qui percusserat statuam, factus est mons magnus, et implévit universam terram.

¶ Redémit. 247.

*Lectio ij.*

**H**OC est sômnium: interpretationem quoque ejus dicemus coram te, rex. Tu rex regum es: et Deus cœli regnum, et fortitudinem, et impérium, et glóriam dedit tibi: et omnia in quibus habitant filii hominum, et béstiae agri: volucres quoque cœli dedit in manu tua, et sub ditione tua universa constituit: tu es ergo caput aureum. Et post te consurget regnum aliud minus te argenteum: et regnum tertium aliud æreum, quod imperabit universæ terræ. Et regnum quartum erit velut ferrum. Quomodo ferrum comminuit, et domat omnia, sic comminuet, et conteret omnia hæc.

¶ Angustiae. 247.

*Lectio iij.*

**P**ORRO quia vidisti pedum et digitorum partem testæ figuli, et partem fér-

ream: regnum divisum erit, quod tamen de plantario ferri oriétur, secundum quod vidisti ferrum mistum testæ ex luto. Et digitos pedum ex parte férreos, et ex parte fictiles: ex parte regnum erit sólidum, et ex parte contritum. Quod autem vidisti ferrum mistum testæ ex luto, commiscebuntur quidem humano semine, sed non adhærebunt sibi, sicuti ferrum misceri non potest testæ. In diébus autem regnorum illorum, suscitabit Deus cœli regnum, quod in ætérnum non dissipabitur, et regnum ejus alteri populo non tradétur: comminuet autem, et consummet universa regna hæc: et ipsum stabit in ætérnum.

¶ Misit Dóminus. 247.

**FERIA TERTIA.**

De Daniéle Prophéta.

*Lectio j. Cap. 3. b*

**P**RONUNTIANSQUE Nabuchodonosor rex, ait eis: Vérene Sidrach, Misach, et Abdénago, deos meos non colitis, et statuam auream, quam constitui: non adoratis? Nunc ergo si estis parati, quacúmque hora audieritis sônitus tubæ, fistulæ, citharæ, sambucæ, et psalterii, et symphonïæ, omnisque géneris musicorum, prostérnite vos, et adoráte statuam, quam feci: quod si non adoraveri-

tis, eadē hora mittēmini in fornācem ignis ardētis : et quis est Deus, qui eripiet vos de manu mea?

℞. A facie. 248.

*Lectio ij.*

**R**ESPONDENTES Sidrach, Misach, et Abdénago, dixerunt regi Nabuchodónosor : Non opórtet nos de hac re respondere tibi. Ecce enim Deus noster, quem cōlimus, potest eripere nos de camīno ignis ardētis, et de mánibus tuis, o rex, liberāre. Quod si noluerit, notum sit tibi, rex, quia deos tuos non cōlimus, et státuam áuream, quam erexisti, non adorāmus. Tunc Nabuchodónosor replētus est furóre : et aspēctus faciēi illius immutātus est super Sidrach, Misach, et Abdénago, et prācepit ut succenderētur fornax séptuplum quam succēdi consuēverat.

℞. Civitātem. 248.

*Lectio iij.*

**E**T confestim viri illi vineti, cum braccis suis, et tiāris, et calceamētis, et vėstibus, missi sunt in mēdium fornācis ignis ardētis, nam jússio regis urgēbat : fornax autem succēnsa erat nimis. Porro viros illos, qui miserant Sidrach, Misach, et Abdénago, interfecit flamma ignis. Viri autem hi tres, id est, Sidrach, Misach, et Abdénago, ceci-

dērunt in mēdio camīno ignis ardētis, colligāti. Et ambulābant in mēdio flammę laudāntes Deum, et benedicētes Dómino.

℞. Genti peccatrici. 248.

FERIA QUARTA.

- De Daniēle Prophēta.

*Lectio j Cap. 4. c*

**R**ESPONDIT Baltassar, et dixit : Dómine mi, sómnium his qui te odērunt, et interpretatio ejus hóstibus tuis sit. Arborem quam vidisti sublimem atque robústam, cujus altitúdo pertingit ad cōelum, et aspēctus illius in omnem terram : et rami ejus pulchérrimi, et fructus ejus nimius, et esca ómnium in ea, subter eam habitāntes bėstię agri, et in ramis ejus commorāntes aves cōeli : Tu es rex, qui magnificātus es, et invaluisti : et magnitúdo tua crevit, et pervēnit usque ad cōelum, et potestas tua in términos univėrsę terrę.

℞. Indicābo tibi 249.

*Lectio ij.*

**Q**UOD autem vidit rex vıgilem et sanctum descendere de cōelo, et dicere : Succıdite arborem, et dissipāte illam, áttamen germen radıcum ejus in terra dimittite, et vinciātur ferro et ære in herbis foris, et rore cōeli conspergātur, et cum feris sit pábulum ejus, donec septem tēpora mutén-



tur super eum : Hæc est interpretatio sententiæ Altissimi, quæ pervénit super dñm meum regem : Ejicient te ab hominibus, et cum bestiis ferisque erit habitatio tua, et fœnum ut bos comedes, et rore cœli infunderis. *R.* Angustia. 249.

*Lectio iij.*

**S**EPTEM quoque tempora mutabuntur super te, donec scias quod dominetur Excelsus super regnum hœminum, et cuicumque voluerit, det illud. Quod autem præcepit ut relinqueretur germen radicum ejus, id est arboris : regnum tuum tibi manebit, postquam cognoveris potestatem esse cœlestem. Quamobrem rex consilium meum placeat tibi, et peccata tua eleemosynis redime, et iniquitates tuas misericordiis pauperum : forsitan ignoscet delictis tuis. Omnia hæc venerunt super Nabuchodonosor regem.

*R.* Misit Dominus. 240.

**FERIA QUINTA.**

De Danièle Propheta.

*Lectio j. Cap. 5.*

**B**ALTASSAR rex fecit grande convivium optimatibus suis mille : et unusquisque secundum suam bibebat ætatem. Præcepit ergo jam temulentus, ut afferréntur vasa aurea et argentea, quæ asportaverat Nabuchodonosor pater ejus

de templo, quod fuit in Jerusaleme, ut biberent in eis rex et optimates ejus, uxoresque ejus, et concubinae. Tunc allata sunt vasa aurea, et argentea, quæ asportaverat de templo, quod fuerat in Jerusaleme : et biberunt in eis rex, et optimates ejus, uxores et concubinae illius. Bibebant vinum, et laudabant deos suos aureos, et argenteos, æreos, ferreos, ligneosque et lapideos. In eadem hora apparuerunt digiti, quasi manus hominis scribentis contra candelabrum in superficie parietis aulae regiae : et rex aspicebat articulos manus scribentis. Tunc facies regis commutata est, et cogitationes ejus conturbabant eum.

*R.* Vidi Dominum. 260.

*Lectio ij.*

**I**GITUR introductus est Daniël coram rege. Ad quem præfatus rex ait : Tu es Daniël de filiis captivitatis Judæ, quem adduxit pater meus rex de Judæa? Audivi de te, quoniam spiritum deorum habetas : et scientia intelligentiæque ac sapientia ampliôres inventæ sunt in te. Et nunc introgressi sunt in conspectu meo sapientes magi, ut scripturam hanc légerent, et interpretationem ejus indicarent mihi : et nequiverunt



sensum hujus sermonis edicere. Porro ego audivi de te, quod possis obscura interpretari, et ligata dissolvere: si ergo vales scripturam legere, et interpretationem ejus indicare mihi, purpura vestiëris, et torquem auream circa collum tuum habebis, et tertius in regno meo princeps eris. Ad quæ respondens Daniel, ait coram rege: Munera tua sint tibi, et dona domus tuæ alteri da: scripturam autem legam tibi, rex, et interpretationem ejus ostendam tibi.

℞. Aspice, Dñe, de. 260.

*Lectio iij.*

**H**ÆC est autem scriptura, quæ digesta est: Mane, Thecel, Phares. Et hæc est interpretatio sermonis. Mane: numeravit Deus regnum tuum, et complèvit illud. Thecel: appensus es in statéra, et inventus es minus habens. Phares: divisum est regnum tuum, et datum est Medis, et Persis. Tunc jubente rege indutus est Daniel purpura, et circumdata est torques aurea collo ejus: et prædicatum est de eo quod haberet potestatem tertius in regno suo. Eadem nocte interfectus est Baltassar rex Chaldæus. Et Darius Medus succëssit in regnum annos natus sexaginta duos.

℞. Aspice, Dñe, quia. 261.

**FERIA SEXTA.**

De Daniële Prophéta.

*Lectio j. Cap. 6. c*

**V**IRI ergo illi curiosius inquirentes, invenerunt Daniëlem orantem et obsecrantem Deum suum. Et accedentes locuti sunt regi super edicto: Rex, numquid non constituisti, ut omnis homo, qui rogaret quemquam de diis et hominibus, usque ad dies triginta, nisi te, rex, mitteretur in lacum leonum? Ad quos respondens rex, ait: Verus est sermo, juxta decretum Medorum atque Persarum, quod prævaricari non licet. Tunc respondentes dixerunt coram rege: Daniel de filiis captivitatis Juda, non curavit de lege tua, et de edicto quod constituisti: sed tribus temporibus per diem orat obsecratione sua. Quod verbum cum audisset rex, satis contristatus est: et pro Daniële posuit cor ut liberaret eum, et usque ad occasum solis laborabat ut erueret illum. Viri autem illi intelligentes regem, dixerunt ei: Scito rex, quia lex Medorum atque Persarum est, ut omne decretum, quod constitueret rex, non liceat immutari.

℞. Super muros. 261.

*Lectio ij.*

**T**UNC rex præcepit; et adduxerunt Daniëlem, et

misérunt eum in lacum leónum. Dixitque rex Daniéli : Deus tuus, quem colis semper, ipse liberábit te. Allátusque est lapis unus, et pòsitus est super os laci : quem obsignávit rex ánnulo suo, et ánnulo optimátum suórum, ne quid fieret contra Daniélem. Et ábiit rex in domum suam, et dormívit incoenátus, cibique non sunt alláti coram eo, insuper et somnus recéssit ab eo. Tunc rex primo dilúculo consurgens, festínus ad lacum leónum perréxit : appropinquánsque láculi, Daniélem voce lacrymábili inclamávit, et affátus est eum : Dániel serve Dei vivéntis, Deus tuus, cui tu servis semper, putásne váluit te liberáre a leónibus?

℟. Muro tuo. 262.

Lectio iij.

**E**T Dániel regi respóndens, ait : Rex in ætérnum vivit : Deus meus misit Angelum suum, et conclúsit orá leónum, et non nocuerunt mihi : quia coram eo justítia invénta est in me : sed et coram te, rex, delictum non feci. Tunc vehementer rex gávissus est super eo, et Daniélem præcépit edúci de lacu : eductusque est Dániel de lacu, et nulla læsio invénta est in eo, quia crédidit Deo suo. Jubente autem rege, addúcti sunt

viri illi, qui accusáverant Daniélem : et in lacum leónum missi sunt, ipsi, et filii, et uxóres eórum : et non pervenérunt usque ad paviméntum laci, donec arriperent eos leones, et ómnia ossa eórum comminuérunt.

℟. Sustinúimus. 262.

SABBATO.

De Daniéle Prophéta.

Lectio j. Cap. 9.

**I**N anno primo Darii filii Assuéri de sémine Medórum, qui imperávit super regnum Chaldæórum : anno uno regni ejus, ego Dániel intelléxi in libris númerum annórum, de quo factus est sermo Dómini ad Jeremíam Prophétam, ut compleréntur desolatiónis Jerúsalem septuaginta anni. Et pòsui faciém meam ad Dóminum Deum meum rogáre et deprecári in jejúniis, sacco et cinere. Et orávi Dóminum Deum meum, et conféssus sum, et dixi : Obsecro, Dómine, Deus magne et terribilis, custódiens pactum et misericórdiam diligéntibus te, et custodiéntibus mandáta tua. Peccávimus, iniquitátem fécimus, impie égimus, et recéssimus, et declinávimus a mandátis tuis, ac judiciis.

℟. Laudábilis. 262.

Lectio ij.

**A**DHUC me loquente in oratione, ecce vir Gábriel,

quem videram in visione a principio, cito volans tetigit me in tempore sacrificii vespertini. Et docuit me, et locutus est mihi, dixitque: Daniel, nunc egressus sum ut docerem te, et intelligeres. Ab exordio precum tuarum egressus est sermo: ego autem veni ut indicarem tibi, quia vir desideriorum es: tu ergo animadvertes sermonem, et intellige visionem. Septuaginta hebdomades abbreviatæ sunt super populum tuum, et super urbem sanctam tuam, ut consummetur prævaticatio, et finem accipiat peccatum, et deleatur iniquitas, et adducatur justitia sempiterna, et impleatur visio, et prophetia, et ungatur Sanctus sanctorum.

¶ Angustiae. 247.

*Lectio iij.*

**S**CITO ergo, et animadvertes: Ab exitu sermonis, ut iterum ædificetur Jerusalelem, usque ad Christum ducem, hebdomades septem, et hebdomades sexaginta duæ erunt: et rursum ædificabitur platea, et muri in angustia temporum. Et post hebdomades sexaginta duas occidetur Christus; et non erit ejus populus, qui eum negaturus est. Et civitatem et sanctuarium dissipabit populus cum duce venturo: et finis

ejus vastitas, et post finem belli statuta desolatio. Confirmabit autem pactum multis hebdomada una: et in dimidio hebdomadis deficiet hostia et sacrificium: et erit in templo abominatio desolationis: et usque ad consummationem et finem perseverabit desolatio.

¶ Misit Dominus. 247.

*Ad Magnificat, Aha.*

Qui cælorum\* continet thronum, et abyssos intueris, Domine Rex regum, montes ponderas, terram palmo concludis: exaudi nos, Domine, in gemitibus nostris.

DOM. IV. NOVEMBRIS.

*In primo Nocturno.*

Incipit liber Osée Prophetæ.

*Lectio j. Cap. 1.*

**V**ERBUM Domini, quod factum est ad Osée filium Béeri, in diebus Oziae, Joathan, Achaz, Ezechiae, regum Juda, et in diebus Jeroboam, filii Joas regis Israel. Principium loquendi Domino in Osée: et dixit Dominus ad Osée: Vade, sume tibi uxorem fornicationum, et fac tibi filios fornicationum: quia fornicans fornicabitur terra a Domino. Et abiit, et accepit Gomer filiam Debélaim: et concepit, et peperit ei filium. ¶ Vidi Dominum sedentem super solium excelsum et elevatum: et plena erat omnis terra maiestate ejus:

\* Et ea quæ sub ipso erant, replébant templum. *ŷ.* Séraphim stabant super illud : sex alæ uni, et sex alæ alteri. Et.

*Lectio ij.*

**E**T dixit Dóminus ad eum : Voca nomen ejus Jézrahel : quóniam adhuc módicum, et visitábo sánguinem Jézrahel super domum Jehu, et quiescere fáciám regnum domus Israel. Et in illa die cónteram arcum Israel in valle Jézrahel. Et concépit adhuc, et péperit filiam. Et dixit ei : Voca nomen ejus, Absque misericórdia : quia non addam ultra miseréri dómui Israel, sed obliuione obliuiscar eórum. Et dómui Juda miserébor, et salvábo eos in Dómino Deo suo : et non salvábo eos in arcu, et gládio, et in bello, et in equis, et in equítibus.

*R.* Aspice, Dómine, de sede sancta tua, et cógita de nobis : inclína Deus meus aurem tuam, et audi : \* Aperi óculos tuos, et vidi tribulatió-nem nostram. *ŷ.* Qui regis Israel, inténde, qui dedúcis velut ovem Joseph. Aperi.

*Lectio iij.*

**E**T ablactávit eam, quæ erat absque misericórdia. Et concépit, et péperit filium. Et dixit : Voca nomen ejus, Non pópulus meus : quia vos non pópulus meus : et ego non ero

vester. Et erit númerus filiórum Israel quasi aréna maris, quæ sine mensúra est, et non numerábitur. Et erit in loco ubi dicétur eis : Non pópulus meus vos : dicétur eis : Filii Dei vivéntis. Et congregabúntur filii Juda, et filii Israel páriter : et ponent sibimet caput unú, et ascéndent de terra : quia magnus dies Jézrahel.

*R.* Aspice, Dómine, quia facta est desoláta civitas plena divítiis, sedet in tristitia dómína géntium : \* Non est qui consolétur eam, nisi tu Deus noster. *ŷ.* Plorans plorávit in nocte, et lácrymæ ejus in maxillis ejus. Non. Glória Patri. Non.

*In secundo Nocturno.*

Ex libro sancti Augustíni  
Episcopi de Civitáte Dei.

*Lectio iv. L. 18. c. 28.*

**O**SEE Prophéta, quanto profúndius quidem lóquitur, tanto operósius penetrátur. Sed áliquid inde suméndum est, et hic ex nostra promissióne ponéndum. Et erit, inquit, in loco quo dictum est eis, Non pópulus meus vos, vocabúntur et ipsi filii Dei vivi. Hoc testimónium prophéticum de vocatióne pópuli Géntium, qui prius non pertinébat ad Deum, étiam Apóstoli intellexérunt.

*R.* Super muros tuos Jerúsalem constitui custódes :

\* Tota die et nocte non tacébunt laudare nomen Dómini. *v.* Prædicábunt pópulis fortitudinem meam, et annuntiábunt géntibus glóriam meam. Tota die.

*Lectio v.*

**E**T quia ipse quoque pópulus Géntium spiritaliter est in filiis Abrahæ, ac per hoc recte dicitur Israel, propterea séquitur, et dicit: Et congregabúntur filii Juda, et filii Israel in idípsum: et ponent sibimet principátum unum, et ascéndent a terra. Hoc si adhuc vellimus expónere, elóquii prophétici obtundétur sapor. Recolátur tamen lapis ille anguláris, et duo illi parietes, unus ex Judæis, alter ex Géntibus: ille nómine filiórum Juda, iste nómine filiórum Israel: eidem uni principátui suo in idípsum inniténtes, et ascendéntes agnoscántur in terra.

*R.* Muro tuo inexpugnábili circumcínge nos, Dómine, et armis tuæ poténtiæ prótege nos semper: \* Libera, Dómine Deus Israel, clamántes ad te. *v.* Erue nos in mirábilibus tuis, et da glóriam nómini tuo. Libera.

*Lectio vj.*

**I**STOS autem carnáles Israelitas, qui nunc nolunt credere in Christum, póstea creditúros, id est, filios eórum (nam útique isti in

suum locum moriéndo transibunt) idem Prophéta testátur, dicens: Quóniam diébus multis sedébunt filii Israel sine rege, sine principe, sine sacrificio, sine altári, sine sacerdotio, sine manifestatióibus. Quis non vídeat, nunc sic esse Judæos?

*R.* Sustinuimus pacem, et non venit: quæsiuimus bona, et ecce turbatio: cognovimus, Dómine, peccáta nostra: \* Non in perpétuum obliviscáris nos. *v.* Peccavimus, ímpie gessimus, iniquitatem fécimus, Dómine, in omnem justítiam tuam. Non. *G* lória Patri. Non.

*R. vij.* Laudábilis pópulus, \* Quem Dóminus exercítuum benedixit, dicens: Opus mánuum meárum tu es, heréditas mea, Israel. *v.* Beáta gens, cujus est Dóminus Deus, pópulus eléctus in hereditatem. Quem.

*R. viij.* Duo Séraphim clamábant alter ad álterum: \* Sanctus, sanctus, sanctus Dóminus Deus Sábaoth: \* Plena est omnis terra glória ejus. *v.* Tres sunt qui testimoniúm dant in cœlo: Pater, Verbum, et Spíritus sanctus; et hi tres unum sunt. Sanctus. *G* lória Patri. Plena.

*FERIA SECUNDA.*

De Osée Prophéta.

*Lectio j. Cap. 4.*

**A**UDITE verbum Dómini, filii Israel, quia iudícium



Dómino cum habitatóribus terræ : non est enim véritas, et non est misericórdia, et non est sciéntia Dei in terra. Maledíctum, et mendácium, et homicídium, et furtum, et adultérium inundavérunt, et sanguis sánguinem téti- git. Propter hoc lugébit ter- ra, et infirmábitur omnis qui hábitat in ea, in béstia agri, et in vólucres cœli : sed et pisces maris congrega- buntur. **R.** Redémit. 247.

**Lectio ij.**

**V**ERUMTAMEN unusquisque non júdicet : et non ar- guátur vir : pópulus enim tuus, sicut hi qui contradi- cunt sacerdóti. Et córrues hódie, et córruet étiam prophéta tecum : nocte tacére feci matrem tuam. Conticuit pópulus meus, eo quod non habúerit sciéntiam : quia tu sciéntiam repulisti, repél- lam te, ne sacerdótio fungá- ris mihi : et oblíta es legis Dei tui, obliviscar filiórum tuórum et ego.

**R.** Angústia. 247.

**Lectio iij.**

**S**ECUNDUM multitudinem eórum sic peccavérunt mihi : glóriam eórum in ignominiam commutábo. Peccáta pópuli mei cóme- dent, et ad iniquitátem eó- rum sublevábunt ánimas eórum. Et erit sicut pópulus, sic sacérdos : et visitá- bo super eum vias ejus, et

cogitatiónes ejus reddam ei. Et cómedent, et non satu- rabuntur : fornicáti sunt, et non cessavérunt : quóniam Dóminum dereliquerunt in non custodiéndo.

**R.** Misit Dóminus. 247.

**FERIA TERTIA.**

Incipit Joel Prophéta.

**Lectio j. Cap. 1.**

**V**ERBUM Dómini quod fa- ctum est ad Joel filium Phátuel. Audíte hoc senes, et áuribus percípите omnes habitátóres terræ : si factum est istud in diébus vestris, aut in diébus patrum vestró- rum? Super hoc filiis vestris narráte, et filii vestri filiis suis, et filii eórum genera- tióni álteræ. Resíduum erú- cæ comédit locústa, et resi- duum locústæ comédit bru- chus, et resíduum bruchi comédit rubígo.

**R.** A fácie. 248.

**Lectio ij.**

**E**XPERGISCIMINI ébrii, et flete, et ululáte omnes, qui bíbitis vinum in dulcé- dine : quóniam périit ab ore vestro. Gens enim ascéndit super terram meam, fortis et innumerábilis : dentes ejus ut dentes leónis : et moláres ejus ut cátuli leó- nis. Pósuit vineam meam in desértum, et ficum meam decorticávit : nudans spo- liávit eam, et projécit : albi facti sunt rami ejus.

**R.** Civitátem. 248.



## Lectio iij.

**P**LANGE quasi virgo accincta sacco super virum pubertatis suæ. Périit sacrificium et libatio de domo Dómini : luxérunt sacerdótes ministri Dómini. Depopuláta est régio, luxit humus : quóniam devastátum est triticum, confúsum est vinum, elánguit óleum. Confúsi sunt agricolæ, ululavérunt vinítóres super fruménto et hórdeo, quia périit messis agri.

¶. Genti peccatrici. 248.

FERIA QUARTA.

De Joéle Prophéta.

Lectio j. Cap. 3.

**I**N diébus illis, et in tēpore illo, cum convértero captivitátem Juda et Jerúsalem : Congregábo omnes gentes, et dedúcam eas in vallem Jósaphat : et disceptábo cum eis ibi super pópulo meo, et hereditáte mea Israel, quos dispersérunt in natió nibus, et terram meam divisérunt. Et super pópulum meum misérunt sortem : et posuérunt púerum in prostíbulo, et puéllam vendidérunt pro vino ut biberent.

¶. Indicábo. 249.

Lectio ij.

**V**ERUM quid mihi et vobis Tyrus et Sidon, et omnis términus Palæstinórum? numquid ultiónem vos reddétis mihi? et si ulciscimini vos contra me, cito velóci ter reddam vicissitudinem

vobis super caput vestrum. Argéntum enim meum et aurum tulistis : et desiderabilia mea et pulchérissima intulistis in delúbra vestra. Et filios Juda, et filios Jerúsalem vendidistis filiis Græcórum : ut longe facerétis eos de finibus suis. Ecce ego suscitábo eos de loco, In quo vendidistis eos : et convértam retributió nem vestram in caput vestrum.

¶. Angústiae. 249.

Lectio iij.

**E**T vendam filios vestros, et filias vestras in má nibus filiórum Juda, et vendábunt eos Sabæis genti longinquæ, quia Dóminus locútus est. Clamáte hoc in géntibus, sanctificáte bellum, suscitáte robústos : accédant, ascéndant omnes viri bellatóres. Concíдите arátra vestra in gládios, et ligónes vestros in lánceas. Infirmus dicat : Quia fortis ego sum. Erúmpite, et veníte omnes gentes de circúitu, et congregámini : ibi occumbere fáciat Dñus robústos tuos. Consúrgant, et ascéndant gentes in vallem Jósaphat : quia ibi sedébo ut júdicem omnes gentes in circúitu.

¶. Misit Dóminus. 249.

FERIA QUINTA.

Incipit Amos Prophéta.

Lectio j. Cap. 1.

**V**ERBA Amos, qui fuit in pastóribus de Thécue :

quæ vidit super Israel in diébus Ozîæ regis Juda, et in diébus Jeróboam filii Joas regis Israel, ante duos annos terræmótus. Et dixit : Dóminus de Sion rúgiet, et de Jerúsalem dabit vocem suam : et luxérunt speciósas pastórum, et exsiccátus est vertex Carméli.

ŕ. Vidi Dóminum. 268.

*Lectio ij.*

**H**ÆC dicit Dóminus : Super tribus sceléribus Damásci, et super quátuor non convértam eum, eo quod tritúraverint in plaustreis férreis Gálaad. Et mittam ignem in domum Azael : et devorábit domos Bénadad. Et cónteram vectem Damásci : et dispérdam habitatórem de campo idóli, et tenéntem sceptrum de domo voluptátis : et transférretur pópulus Syriæ Cyrénen, dicit Dóminus.

ŕ. Aspice, Dñe, de. 269.

*Lectio iij.*

**H**ÆC dicit Dóminus : Super tribus sceléribus Gazæ, et super quátuor non convértam eum : eo quod transtúlerint captivitátem perféctam, ut conclúderent eam in Idumæa. Et mittam ignem in murum Gazæ, et devorábit ædes ejus. Et dispérdam habitatórem de Azóto, et tenéntem sceptrum de Ascalóne : et convértam manum meam super Accaron, et

peribunt réliqui Philisthinórum, dicit Dóminus Deus.

ŕ. Aspice, Dñe, quia. 269.

**FERIA SEXTA.**

Incipit Abdías Prophéta.

*Lectio j. Cap. 1.*

**V**ISIO Abdíæ. Hæc dicit Dóminus Deus ad Edom : Audítum audívimus a Dómino, et legátum ad Gentes misit : Súrgite, et consurgámus advérsus eum in prælium. Ecce párvulum dedi te in Géntibus : contemptíbilis tu es valde. Supérbia cordis tui éxtulit te, habitántem in scissúris petrárum, exaltántem sólum tuum : qui dicis in corde tuo . Quis détrahet me in terram ? Si exaltátus fúeris ut áquila, et si inter sídera posúeris nidum tuum : inde détraham te, dicit Dñs.

ŕ. Super muros. 269.

*Lectio ij.*

**S**i fures introissent ad te, si latrónes per noctem, quómodo conticuisses? nonne furáti essent sufficiéntia sibi? si vindemiatóres introissent ad te, numquid saltem racémum reliquissent tibi? quómodo scrutáti sunt Esau, investigavérunt abscondita ejus? Usque ad términum emisérunt te : omnes viri fœderis tui illusérunt tibi, invaluérunt advérsus te viri pacis tuæ : qui cómedunt tecum, ponent insídias subter te : non est prudéntia in eo. ŕ. Muro tuo. 270.

## Lectio iij.

**N**UMQUID non in die illa, dicit Dóminus, perdam sapiéntes de Idumæa, et prudentiam de monte Esau? et timébunt fortes tui a Merídie, ut intéreat vir de monte Esau. Propter interfectiōnem, et propter iniquitatem in fratrem tuum Jacob, opériet te confusio, et peribis in ætérnum. In die cum stares advérsus eum, quando capiébant aliéni exércitum ejus, et extránei ingrediebántur portas ejus, et super Jerúsalem mittébant sortem : tu quoque eras quasi unus ex eis.

℞. Sustinúimus. 270.

## SABBATO.

Incipit Jonas Prophéta.

## Lectio j. Cap. 1.

**E**T factum est verbum Dómini ad Jonam filium Amáthi, dicens : Surge, et vade in Níniven civitatem grandem, et prædica in ea : quia ascéndit malitia ejus coram me. Et surréxit Jonas, ut fúgeret in Tharsis a fácie Dómini, et descendit in Joppen, et invénit navem eúntem in Tharsis : et dedit naulam ejus, et descendit in eam, ut iret cum eis in Tharsis a fácie Dómini. Dóminus autem misit ventum magnum in mare : et facta est tempésta magna in mari, et navis periclitabátur cónteri.

℞. Laudábilis. 246.

## Lectio ij.

**E**T timuérunt nautæ, et clamavérunt viri ad deum suum : et misérunt vasa, quæ erant in navi, in mare, ut alleviarétur ab eis : et Jonas descendit ad interióra navis, et dormiébat sopóre gravi. Et accéssit ad eum gubernátor, et dixit ei : Quid tu sopóre deprímeris? surge, invoca Deum tuum, si forte recógitet Deus de nobis, et non pereámus. Et dixit vir ad collégam suum : Veníte, et mittámus sortes, et sciámus quare hoc malum sit nobis. Et misérunt sortes : et cécidit sors super Jonam.

℞. Angústia. 247.

## Lectio iij.

**E**T dixerunt ad eum : Indica nobis cujus causa malum istud sit nobis : quod est opus tuum? quæ terra tua, et quo vadis? vel ex quo pópulo es tu? Et dixit ad eos : Hebræus ego sum, et Dóminum Deum cœli ego timeo, qui fecit mare et áridam. Et timuérunt viri timóre magno, et dixerunt ad eum : Quid hoc fecisti? (Cognovérunt enim viri quod a fácie Dómini fúgeret, quia indicáverat eis.) Et dixerunt ad eum : Quid faciémus tibi, et cessábit mare a nobis? quia mare ibat, et intumescébat. Et dixit ad eos : Tólite me, et miltite in mare, et cessábit mare a vobis :

scio enim ego quóniam propter me tempestas hæc grandis venit super vos.

**R.** Misit Dóminus. 247.

### SABBATO

ANTE DOM. V. NOVEMBRIS.

**Ad Magnificat, Aña.**

Super muros \* tuos Jerúsalem constitui custódes : tota die et nocte non tacébunt laudáre nomen Dómini.

DOM. V. NOVEMBRIS.

**In primo Nocturno.**

Incipit Michæas Prophéta.

**Lectio j. Cap. 4.**

**V**ERBUM Dómini, quod factum est ad Michæam Morasthíten, in diébus Jóathan, Achaz, et Ezechíæ, regum Juda : quod vidit super Samariám, et Jerúsalem. Audite, pópuli omnes, et atténdat terra et plenitúdo ejus : et sit Dóminus Deus vobis in testem, Dóminus de templo sancto suo. Quia ecce Dóminus egrediétur de loco suo : et descéndet, et calcábit super excélsa terræ.

**R.** Vidi Dñum sedéntem super sólum excélsum et elevátum : et plena erat omnis terra majestáte ejus : \* Et ea quæ sub ipso erant replébant templum. **Y.** Séraphim stabant super illud : sex alæ uni, et sex alæ álteri. Et.

**Lectio ij.**

**E**T consuméntur montes subtus eum : et valles scindéntur sicut cera a fácie ignis, et sicut aquæ, quæ de-

cúrrunt in præceps. In scélere Jacob omne istud, et in peccátis domus Israel. Quod scelus Jacob ? nonne Samaría ? et quæ excélsa Judæ ? nonne Jerúsalem ? et ponam Samariám quasi acérvum lápidum in agro cum plantátur vinea : et détraham in vallem lápidés ejus, et fundaménta ejus revelábo.

**R.** Aspice, Dómine, de sede sancta tua, et cógita de nobis : inclína, Deus meus, aurem tuam, et audi : \* Aperi óculos tuos, et vide tribulatióem nostram. **V.** Qui regis Israel, inténde, qui dedúcis velut ovem Joseph. Aperi.

**Lectio iij.**

**E**T ómnia sculptilia ejus concidéntur, et omnes mercédes ejus comburéntur igne, et ómnia idóla ejus ponam in perditionem : quia de mercédibus meretricis congregáta sunt, et usque ad mercédem meretricis reverténtur. Super hoc plantam, et ululábo : vadam spoliátus, et nudus : fáciam plantum velut draconum, et luctum quasi struthionum. Quia desperáta est plaga ejus, quia venit usque ad Judam, tétigit portam pópuli mei usque ad Jerúsalem.

**R.** Aspice, Dómine, quia facta est desoláta civitas plena divítiis, sedet in tristitia dómina Géntium. \* Non est qui consolétur eam, nisi tu



Deus noster. **✠** Plorans ploravit in nocte, et lacrymæ ejus in maxillis ejus. Non. Gloria Patri. Non.

**In secundo Nocturno.**

De Sermône S. Basilii Magni in Ps. trigésimum tertium.

**Lectio iv.**

**C**UM te appetitus invaserit peccandi, velim cogites horribile illud et intolerabile Christi tribunal, in quo præsidébit iudex in alto et excélsio throno : astábit autem omnis creatúra, ad gloriósum illius conspéctum contremiscens. Adducéndi étiam nos sumus singuli, eórum quæ in vita gessérimus, ratiónem redditúri. Mox illis qui multa mala in vita perpetrárint, terríbles quidam et defórmes assistant ángeli, igneos vultus præ se feréntes, atque ignem spirántes, ea re propósi et voluntátis acerbitátem ostendéntes, nocti vultu similes, propter mœrórem et ódium in humánum genus.

**R.** Super muros tuos Jerúsalem constitui custódes : **✠** Tota die et nocte non tacébunt laudáre nomen Dómini. **✠** Prædicábunt pópulis fortitúdinem meam, et annuntiábunt Géntibus glóriam meam. Tota.

**Lectio v.**

**A**d hæc cogites profúndum báraithrum, inextricábiles ténebras, ignem caréntem

splendóre, uréndi quidem vim habéntem, sed privátum lúmine; deínde vérmium genus venénium inmíttens, et carnē vorans, inexplébíliter edens, neque unquam saturitátem séntiens, intolerábiles dolóres corrosióne ipsa infígens. Postrémo, quod suppliciórum ómnium gravíssimum est, oppróbrium illud et confusióne sempitérnam. Hæc time, et hoc timóre corréptus, ánimam a peccatórum concupiscéntia tamquam freno quodam réprime.

**R.** Muro tuo inexpugnábili circumcinge nos, Dómine, et armis tuæ poténtiæ prótege nos semper : **✠** Libera, Dómine Deus Israel, clamántes ad te. **✠** Erue nos in mirabilibus tuis, et da glóriam nómini tuo. Libera.

**Lectio vj.**

**H**UNC timórem Dómini se doctúrum Prophéta promísit : docére autem non simpliciter promísit, sed eos, qui eum audire volúerint : non eos, qui lóngius prolápsi sunt, sed qui salútem appeténtes accúrrunt : non aliénos a promissió nibus, sed ex baptísmate filiórum adoptiόνis, verbo ipsi conciliátos atque conjúctos. Proptérca, Veníte, inquit, hoc est, per bona ópera accédite ad me, fílii, quippe qui per regeneratió nem filii lucis éffici digni facti estis :

audite qui aures cordis habétis apértas; timórem Dómini docébo vos: illum scilicet, quem paulo ante oratione nostra descripsimus.

**R.** Sustinuimus pacem, et non venit: quæsivimus bona, et ecce turbatio: cognovimus, Dómine, peccata nostra: \* Non in perpétuum obliviscáris nos. **V.** Peccavimus, impie géssimus, iniquitatem fécimus, Dómine, in omnem justitiam tuam. Non. **G**lória Patri. Non.

**R. vij.** Laudábilis pópulus, \* Quem Dóminus exercítuum benedixit, dicens: Opus mánuum meárum tu es, heréditas mea Israel. **V.** Beáta gens cujus est Dóminus Deus, pópulus eléctus in hereditatem. Quem.

**R. viij.** Duo Séraphim clamábant alter ad álterum: \* Sanctus, sanctus, sanctus Dóminus Deus Sábaoth: \* Plena est omnis terra glória ejus. **V.** Tres sunt qui testimoniúm dant in cælo: Pater, Verbum, et Spíritus sanctus; et hi tres unum sunt. Sanctus. **G**lória Patri. Plena.

## FERIA SECUNDA.

Incipit Nahum Prophéta.

**Lectio j. Cap. 1.**

**O**NUS Ninive: Liber visionis Nahum Eleesæi. Deus æmulátor, et ulciscens Dóminus: ulciscens Dóminus, et habens furórem: ulciscens Dóminus in hostes

suos, et iráscens ipse inimicis suis. Dóminus pátiens, et magnus fortitúdine, et mundans non fáciét innocentem. Dóminus in tempestáte, et túrbine viæ ejus, et nébulæ pulvis pedum ejus. Increpans mare, et exsiccans illud: et ómnia flúmina ad desértum dedúcens. **R.** Redémit pópulum. 247.

**Lectio ij.**

**I**NFIRMATUS est Basan, et Carmélus: et flos Libani elánguit. Montes commóti sunt ab eo, et colles desoláti sunt: et contrémuit terra a fácie ejus, et orbis, et omnes habitántes in eo. Ante fáciem indignationis ejus quis stabit? et quis resistet in ira furóris ejus? Indignatio ejus effúsa est ut ignis: et petráe dissolutæ sunt ab eo. **R.** Angústia mihi. 247.

**Lectio iij.**

**B**ONUS Dóminus et confórtans in die tribulationis: et sciens sperántes in se. Et in dilúvio prætereúnte, consummationem fáciét loci ejus: et inimicos ejus persequéntur ténebræ. Quid cogitátis contra Dóminum? consummationem ipse fáciét: non consúrget duplex tribulatio. Quia sicut spinæ se invicem complectúntur, sic convívium eórum páriter potántium: consumméntur quasi stipula ariditate plena. **R.** Misit Dóminus. 247.



## FERIA TERTIA.

Incipit Hábacuc Prophéta.

*Lectio j. Cap. 1.*

**O**NUS, quod vidit Hábacuc Prophéta. Usquequo, Dómine, clamábo, et non exáudies? vociferábor ad te vim pátiens, et non salvábis? Quare ostendísti mihi iniquitatem et labórem, vidére prædam et injustitiam contra me? et factum est iudicium, et contradictio poténtior. Propter hoc laceráta est lex, et non pervénit usque ad finem iudicium: quia impius prævalet advérsus justum, proptérea egréditur iudicium perversum.

*R.* A fácie. 248.*Lectio ij.*

**A**SPICITE in géntibus, et vidéte: admirámini, et obstupéscite: quia opus factum est in diébus vestris, quod nemo credet cum narrábitur. Quia ecce ego suscitábo Chaldæos, gentem amáram, et velócem, ambulántem super latitudinem terræ, ut possídeat tabernácula non sua. Horribilis, et terribilis est: ex semetipsa iudicium, et onus ejus egre-diétur.

*R.* Civitátem. 248.*Lectio iij.*

**L**EVIORES pardis eíui ejus; et velocióres lupis vespertinis, et diffundéntur équites ejus: équites namque ejus de longe vénient,

volábunt quasi áquila festinans ad comedéndum. Omnes ad prædam vénient, fácies eórum ventus urens: et congregábit quasi arénam. captivitátem. Et ipse de ré-gibus triumphábit, et tyránni ridiculi ejus erunt: ipse super omnem munitiónem ridébit, et comportábit ággerem: et cápiet eam.

*R.* Genti peccatrici. 248.

## FERIA QUARTA.

Incipit Sophonías Prophéta.

*Lectio j. Cap. 1.*

**V**ERBUM Dómini quod factum est ad Sophoníam filium Chusi, filii Godoliæ, filii Amaríæ, filii Ezeziæ, in diébus Josiæ filii Amon regis Judæ. Cóngregans congregábo ómnia a fácie terræ, dicit Dóminus: cóngregans hóminem et pecus, cóngregans volatilia cœli, et pisces maris: et ruínæ impiórum erunt: et dispérdam hómines a fácie terræ, dicit Dóminus.

*R.* Indicábo. 249.*Lectio ij.*

**E**T exténdam manū meam super Judam, et super omnes habitántes Jerúsalem: et dispérdam de loco hoc reliquias Baal, et nómína ædituórum cum sacerdotibus: et eos qui adórant super tecta militiam cœli, et adórant, et jurant in Dómino, et jurant in Melchom. Et qui avertúntur de post

tergum Dómini, et qui non quæsiérunt Dóminum, nec investigavérunt eum.

℞. Angústiae mihi. 249.

*Lectio iij.*

**S**ILETE a fácie Dómini Dei: quia juxta est dies Dómini, quia præparávit Dóminus hóstiám, sanctificávit vocátos suos. Et erit: in die hóstiæ Dómini, visitábo super príncipes, et super filios regis, et super omnes qui indúti sunt veste peregrína, et visitábo super omnem, qui arrogánter ingréditur super limen in die illa: qui complent domum Dómini Dei sui iniquitáte et dolo.

℞. Misit Dóminus. 249.

**FERIA QUINTA.**

Incipit Aggæus Prophéta.

*Lectio j. Cap. 1.*

**I**N anno secúndo Darii regis, in mense sexto, in die una mensis, factum est verbum Dómini in manu Aggæi Prophætæ, ad Zoróbabel filium Saláthiel, ducem Juda, et ad Jesum, filium Jósedec, sacerdotem magnum, dicens: Hæc ait Dóminus exercituum, dicens: Pópulus iste dicit: Nondum venit tempus domus Dómini ædificándæ.

℞. Vidi Dóminum. 275.

*Lectio ij.*

**E**T factum est verbum Dómini in manu Aggæi Prophætæ, dicens: Numquid tempus vobis est ut habitétis in dómibus laqueátis,

et domus ista desérta? Et nunc hæc dicit Dóminus exercituum: Pónite corda vestra super vias vestras. Seminástis multum, et intulistis parum: comedístis, et non estis satiáti: bibistis, et non estis inebriáti: operuístis vos, et non estis calefacti: et qui mercédes congregávit, misit eas in sácculum pertúsus.

℞. Aspice, Dñe, de. 275.

*Lectio iij.*

**H**ÆC dicit Dóminus exercituum: Pónite corda vestra super vias vestras: ascéndite in montem, portáte ligna, et ædificáte domum: et acceptábilis mihi erit, et glorificábor, dicit Dóminus. Respexistis ad ámplius, et ecce factum est minus: et intulistis in domum, et exsufflávi illud: quam ob causam, dicit Dóminus exercituum? quia domus mea desérta est, et vos festinátis unusquisque in domum suam. Propter hoc super vos prohibiti sunt cœli ne darent rorem, et terra prohibita est ne daret germen suum.

℞. Aspice, Dñe, quia. 275.

**FERIA SEXTA.**

Incipit Zachariás Prophéta.

*Lectio j. Cap. 1.*

**I**N mense octávo, in anno secúndo Darii regis, factum est verbum Dómini ad Zachariám, filium Bara-

chiæ, filii Addo, Prophétam, dicens: Irátus est Dóminus super patres vestros iracúndia. Et dices ad eos: Hæc dicit Dóminus exercítuum: Convertímini ad me, ait Dóminus exercítuum: et convérta ad vos, dicit Dóminus exercítuum.

*R.* Super muros. 276.

*Lectio ij.*

**N**E sitis sicut patres vestri, ad quos clamábant Prophétæ prióres, dicéntes: Hæc dicit Dóminus exercítuum: Convertímini de viis vestris malis, et de cogitátióibus vestris péssimis: et non audiérunt, neque attendérunt ad me, dicit Dóminus. Patres vestri ubi sunt? et Prophétæ numquid in sempitérnum vivent?

*R.* Muro tuo. 276.

*Lectio iij.*

**V**ERUMTAMEN verba mea, et légítima mea, quæ mandávi servis meis Prophétis, numquid non comprehendérunt patres vestros et convérsi sunt, et dixerunt: Sicut cogitávit Dóminus exercítuum fácere nobis secúndum vias nostras, et secúndum adinventiões nostras, fecit nobis?

*R.* Sustinuimus. 277.

SABBATO.

Incipit Malachías Prophéta.

*Lectio j. Cap. 1.*

**O**NUS verbi Dómini ad Israel in manu Mala-

chiæ. Diléxi vos, dicit Dóminus, et dixístis: In quo dilexísti nos? Nonne frater erat Esau Jacob, dicit Dóminus, et diléxi Jacob. Esau autem ódio hábui? et pósui montes ejus in solitudinem, et hereditátem ejus in dracones desérti. Quod si dixerit Idumæa: Destrúcti sumus, sed reverténtes ædificábimus quæ destrúcta sunt: Hæc dicit Dóminus exercítuum: Isti ædificábunt, et ego déstruam: et vocabúntur términi ímpietátis, et pópulus cui irátus est Dóminus usque in ætérnum.

*R.* Laudábilis. 277.

*Lectio ij.*

**E**T óculi vestri vidébunt: et vos dicétis: Magnificétur Dóminus súper términum Israel. Filius honórat patrem, et servus dóminum suum: si ergo Pater ego sum, ubi est honor meus? et si Dóminus ego sum, ubi est timor meus? dicit Dóminus exercítuum. Ad vos, o sacerdótes, qui despícitis nomen meum, et dixístis: In quo despéximus nomen tuum? Offértis super altáre meum panem pollútum, et dicítis: In quo pollúimus te? In eo quod dicítis: Mensa Dómini despécta est.

*R.* Angústia. 247.

*Lectio iij.*

**S**i offerátis cæcum ad immolándum, nonne ma-

lum est? et si offerátis claudum, et lánguidum, nonne malum est? offer illud duci tuo, si placúerit ei, aut si suscepérit faciém tuam, dicit Dóminus exercítuum. Et nunc deprecámini vultum Dei ut misereátur vestri (de manu enim vestra factum est hoc) si quómodo suscipiat faciés vestras, dicit Dóminus exercítuum. Quis est in vobis, qui claudat óstia, et incéndat altáre meum grátuito? non est mihi volúntas in vobis, dicit Dóminus exercítuum: et munus non suscipiam de manu vestra. Ab ortu enim solis usque ad occásum, magnum est nomen meum in Géntibus, et in omni loco sacrificátur, et offértur nómini meo oblátio munda: quia magnum est nomen meum in Géntibus, dicit Dóminus exercítuum.

✠ Misit Dóminus. 247.

### SABBATO

ANTE DOMINIC. I. ADVENTUS.

*Ad Vesperas, Añæ cum Psalmis de Psalterio. 452.*

*Capitulum. Rom. 13. d*

**F**RATRES, Hora est jam nos de somno súrgere. Nunc enim própior est nostra salus, quam cum credidimus. *ñ.* Deo grátias.

*Hymnus.*

**C**REATOR alme síderum,  
Æténa lux credéntium,  
Jesu, Redémptor ómnium,

Inténde votis súpplícum.

Qui dæmonis ne fráudibus  
Períret orbis, ímpetu  
Amóris actus, lánguidi  
Mundi. medéla factus es.

Commúne qui mundi nefas  
Ut expiáres, ad Crucem  
E Vírginis sacrário  
Intácta prodís víctima.

Cujus potéstas glóriæ,  
Noménque cum primū sonat,  
Et Cœlites, et inferi  
Treménte curvántur genu.

**T**e deprecámur últimæ  
Magnum diéi Júdicem:  
Armis supérnæ grátiae  
Defénde nos ab hóstibus.

Virtus, honor, laus, glória  
Deo Patri, cum Filio,  
Sancto simul Paráclito,  
In-sæculórum sæcula. *Am.*

**V** Roráte cœli désuper,  
et nubes pluant justum. *R.*  
Aperiátur terra, et gérmi-  
net Salvatórem.

*Ad Magnificat, Añæ*

Ecce nomen Dómini \* venit  
de longínquo, et cláritas  
ejus replet orbem terrárum.

*Oratio.*

**E**XCITA, quæsumus Dómi-  
ne, poténtiam tuam, et  
veni: ut ab imminéntibus  
peccatórum nostrórum perí-  
culis, te mereámur prote-  
génte éripi, te liberántes sal-  
vári. Qui vivis.

*Commemor., seu Suffra-  
gia Sanctorum, non fiunt  
per totum Adventum, etiam  
in Officio de Sanctis, nec de  
Cruce in feriali Officio.*



## HOMILIÆ ET ORATIONES

# IN DOMINICIS

PER ORDINEM DISPOSITÆ AB UNDECIMA POST PENTECOSTEN  
USQUE AD ADVENTUM.

### DOMINICA XI. PENT.

#### Oratio.

**O**MNIPOTENS sempitérne Deus, qui abundantia pietátis tuæ et mérita supplicum excédis et vota: effunde super nos misericórdiam tuam; ut dimittas quæ consciéntia métuit, et adjicias quod orátio non præsumit. Per Dóminum.

*Lectio sancti Evangélij  
secúndum Marcum.*

*Lectio vij. Cap. 7. d*

**I**N illo témpore: Exiens Jesus de finibus Tyri, venit per Sidónem ad mare Galilææ, inter médios fines Decapóleos. Et réliqua.

Homilia S. Gregórii Papæ.  
*Hom. 10. l. 1. in Ez. ante med.*

**Q**UID est, quod Creátor ómnium Deus, cum surdum et mutum sanare voluisset, in aures illius suos dígitos misit, et éxpuens linguam ejus tétigit? Quid per dígitos Redemptóris, nisi dona sancti Spíritus designántur? Unde cum in álio loco eje-

cisset dæmónium, dixit: Si in dígito Dei ejicio dæmónia, profecto pervénit in vos regnum Dei. Qua de re per Evangelístam álium dixisse describitur: Si ego in Spíritu Dei ejicio dæmones, igitur pervénit in vos regnum Dei. Ex quo utróque loco colligitur, quia dígitus Spíritus vocátur. Dígitos ergo in aurículas mittere, est per dona Spíritus sancti mentem sardi ad obediéndum aperíre.

*Lectio viij.*

**Q**UID est vero, quod éxpuens linguam ejus tétigit? Salíva nobis est ex ore Redemptóris accépta sapiéntia in elóquio divíno. Salíva quippe ex cápite défluit in ore. Ea ergo sapiéntia, quæ ipse est, dum lingua nostra tángitur, mox ad prædicationis verba formátur. Qui suspiciens in cælum, ingémuit: non quod ipse necessárium gémitum habéret, qui dabat quod postulábat: sed nos ad eum gémere, qui

cœlo præsidet, dōcuit : ut et aures nostræ per donum Sp̃ritus sancti aperiri, et lingua per salivam oris, id est, per sciētiā divīnæ locutiōnis, solvi dēbeat ad verba prædicationis.

*Lectio ix.*

**C**UI mox, Ephphetha, id est, adaperire, dicitur; et statim apértæ sunt aures ejus, et solútum est vinculum linguæ ejus. Qua in re notándum est, quia propter clausas aures dictum est, adaperire. Sed cui aures cordis ad obediéndum apértæ fuerint, ex subsequēti procul dubio étiam linguæ ejus vinculum solvitur : ut bona quæ ipse fécerit, étiam faciēda áliis loquatur. Ubi bene ádditur : Et loquebátur recte. Ille enim recte lóquitur, qui prius obediendo fécerit quæ loquēdo ádmonet esse faciēda.

*Te Deum laudámus. 17.*

*Ad Benedictus, Añā.*

Cum transisset Dóminus \* fines Tyri, surdos fecit audire, et mutos loqui.

*Ad Magnificat, Añā.*

Bene ómnia fecit, \* et surdos fecit audire, et mutos loqui.

**DOMINICA XII. PENT.**

*Oratio.*

**O**MNIPOTENS et miséricors Deus, de cujus mūnere venit, ut tibi a fidélibus tuis digne et laudabiliter serviá-

tur : tribue, quæsumus, nobis ; ut ad promissiōnes tuas sine offensiōe currámus. Per Dóminum.

*Léctio sancti Evangélii secundum Lucam.*

*Lectio vij. Cap. 10. d*

**I**N illo témpore : Dixit Jesus discipulis suis : Beáti óculi, qui vident quæ vos vidétis. Dico enim vobis, quod multi Prophétæ et reges voluerunt vidére quæ vos vidétis, et non vidérunt. Et reliqua.

*Homilia ven. Bedæ Presb. Lib. 3. c. 43. in Luc. 10.*

**N**ON óculi Scribárum et Phariseórum, qui corpus tantum Dómini vidére, sed illi beáti óculi, qui ejus possunt cognóscere sacraménta, de quibus dicitur : Et revelásti ea párvulis. Beáti óculi parvulórum, quibus et se et Patrem Filius reveláre dignátur. Abraham exultávit ut vidéret diem Christi : et vidit, et gávissus est. Isaías quoque, et Michæas, et multi álii Prophétæ vidérunt glóriam Dómini : qui et proptérea Vidētes sunt appelláti : sed hi omnes a longe aspiciētes et salutántes, per spéculum et in ænigmate vidérunt.

*Lectio vij.*

**A**POSTOLI autem in præsentiarum habéntes Dóminum, convescentésque ei, et quæcúmque voluissent in-



terrogando discéntes , nequáquam per Angelos , aut várias visiónum spécies opus habébant docéri. Quos vero Lucas multos Prophétas et reges dicit, Matthæus apértius Prophétas et justos apéllat. Ipsi sunt enim reges magni : quia tentatiónum suárum mótibus non consentiéndò succumbere , sed regéndo præesse novérunt.

*Lectio ix.*

**E**T ecce quidam Legisperítus surréxit , tentans eum , et dicens : Magister , quid faciéndò vitam ætérnam possidébo ? Legisperítus , qui de vita ætérna Dóminum tentans intérogat , occasiõem , ut reor , tentándi de ipsis Dómini sermónibus sumpsit , ubi ait : Gaudéte autem quod nómina vestra scripta sunt in cœlis. Sed ipsa sua tentatióne declárat , quam vera sit illa Dómini conféssio , qua Patri lóquitur : Quod abscondísti hæc a sapiéntibus , et prudéntibus , et revelásti ea párvulis.

*Te Deum laudámus. 17.*

*Ad Benedictus, Añá.*

Magister , \* quid faciéndò vitam ætérnam possidébo ? At ille dixit ad eum : In lege quid scriptum est ? Quómodo legis ? Díliges Dóminum Deum tuum ex toto corde tuo , allelúia.

*Ad Magnificat. Añá.*

Homo quidam \* descendébat ab Jerúsalem in Jéricho , et incidit in latrónes , qui étiam despoliavérunt eum , et , plagis impósitis , abiérunt , semivivo relicto.

**DOMINICA XIII. PENT.**

*Oratio.*

**O**MNIPOTENS sempitérne Deus , da nobis fidei , spei , et charitátis augméntum : et ut mereámur ásequi quod promittis , fac nos amáre quod præcipis. Per Dóminum.

*Lectio sancti Evangélíi secúndum Lucam.*

*Lectio vij. Cap. 17. c*

**I**N illo témpore : Dum iret Jesus in Jerúsalem , transibat per médiám Samariam et Galilæam. Et cum ingrederétur quoddam castéllum , occurrérunt ei decem viri leprósi. Et réliqua.

*Homília S. Augustíni Episc.*

*L. 2. quæst. Ev. c. 40.*

**D**E decem leprósis , quos Dóminus ita mundávit , cum ait : Ite , osténdite vos sacerdotibus : quæri potest , cur eos ad sacerdótes miserit , ut , cum irent , munda réntur. Nullum enim eórum quibus hæc corporália benefícia præstitit , invenitur misisse ad sacerdótes , nisi leprósos. Nam et illum a lepra mundáverat , cui dixit : Vade , osténde te sacerdotibus , et offer pro te sacrificiũ ,

quod præcepit Moyses, in testimonium illis. Quærendum igitur est, quid ipsa lepra significet: non enim sanati, sed mundati dicuntur, qui ea caruerunt. Colôris quippe vitium est, non valetudinis, aut integritatis sensuum atque membrorum.

### Lectio viij.

**L**EPROSI ergo non absurde intelligi possunt, qui scientiam veræ fidei non habentes, varias doctrinas protituntur erroris. Non enim abscondunt imperitiâ suam, sed pro summa peritiâ prouiderunt in lucem, et iactantia sermonis ostentant. Nulla porro falsa doctrina est, quæ non aliqua vera intermisceat. Vera ergo falsis inordinatè permixta, in una disputatione vel narratione hominis, tamquam in unius corporis colôre apparentia, significant lepram, tamquam veris falsisque colôrum fucis humana corpora variantem atque inaculantem.

### Lectio ix.

**H**i autem tam vitandi sunt Ecclesiæ, ut, si fieri potest, longius remoti, magno clamore Christum interpellent: sicut isti decem steterunt a longe, et leuauerunt vocem, dicentes: Jesu præceptor, miserere nostri. Nam et quod præceptorem vocant, (quo nomine nescio utrum quisquam Dô-

minum interpellauerit pro medicina corporali) satis putato significare, lepram falsam esse doctrinam, quam bonus præceptor abstergit.

Te Deum laudamus. 17.

### Ad Benedictus. Añã.

Cum transiret Jesus \* quoddam castellum, occurrerunt ei decem viri leprosi: qui steterunt a longe, et leuauerunt vocem, dicentes: Jesu præceptor, miserere nostri.

### Ad Magnificat. Añã.

Unus autem \* ex illis, ut vidit quod mundatus est, regressus est cum magna voce magnificans Deum, alleluia.

### DOMINICA XIV. PENT.

#### Oratio.

**C**USTODI, Dômine, quæsumus, Ecclesiâ tuam propitiatione perpétua: et, quia sine te labitur humana mortalitas, tuis semper auxiliis et abstrahatur a noxiis, et ad salutaria dirigatur. Per Dôminum.

Lectio sancti Evangélii secundum Matthæum.

### Lectio viij. Cap. 6. c

**I**N illo tempore: Dixit Jesus discipulis suis: Nemo potest duobus dōminis servire. Et reliqua.

Homilia S. Augustini Episc. Lib. 2. de Serm. Domini in monte, cap. 14.

**N**EMO potest duobus dōminis servire. Ad hanc

ipsam intentionem referendum est quod consequenter exponit, dicens: Aut enim unum odio habebit, et alterum diligit: aut alterum patietur, et alterum contemnet. Quæ verba diligenter consideranda sunt: nam, qui sint duo domini, deinceps ostendit, cum dicit: Non potestis Deo servire et mammonæ. Mammona apud Hebræos divitiæ appellari dicuntur. Congruit et Punicum nomen: nam lucrum Pünice mammon dicitur.

### Lectio viij.

**S**ED qui servit mammonæ, illi utique servit qui rebus istis terrénis mérito suæ perversitatis præpositus, magistratus hujus sæculi a Domino dicitur. Aut enim unum odio habebit homo, et alterum diligit, id est, Deum: aut alterum patietur, et alterum contemnet. Patiétur enim durum et perniciosum dominum, quisquis servit mammonæ: sua enim cupiditate implicatus, subditur diabolo, et non eum diligit. Quis enim est qui diligat diabolum? sed tamen patitur.

### Lectio ix.

**I**DEO, inquit, dico vobis, non habere sollicitudinem animæ vestræ quid edatis: neque corpori vestro quid induatis: ne forte, quamvis jam superflua non quæran-

tur, propter ipsa necessaria cor duplicetur, et ad ipsa conquirenda, nostra detorqueatur intentio, cum aliquid quasi misericórditer operamur: id est, ut cum consülere alicui vidéri volumus, nostrum emolumentum ibi potius, quam illius utilitatem attendamus; et ideo nobis non videamur peccare, quia non superflua, sed necessaria sunt, quæ consequi volumus.

**T**e Deum laudamus. 17.

### Ad Benedictus, Añã.

Nolite solliciti esse, \* dicentes: Quid manducabimus, aut quid bibemus? scit enim Pater vester, quid vobis necesse sit, allelúia.

### Ad Magnificat, Añã.

Quærite primum \* regnum Dei, et justitiam ejus, et hæc omnia adjiciéntur vobis, allelúia.

### DOMINICA XV. PENT.

#### Oratio.

**E**CCELSIAM tuam, Dómine, miseratio continuata mundet et múniat: et quia sine te non potest salva consistere, tuo semper múnere gubernétur. Per Dóminum.

**L**ectio sancti Evangélíi secundum Lucam.

### Lectio vij. Cap. 7. b

**I**N illo tempore: Ibat Jesus in civitatem, quæ vocatur Naim: et ibant cum eo discipuli ejus, et turba copiosa. Et reliqua.

Homilia S. Augustini Episc.  
Serm. 41. de verbis Domini.

**D**E júvene illo resuscitato  
gavisa est mater vídua :  
de homínibus in spíritu quo-  
tidie suscitátis gaudet mater  
Ecclesiá. Ille quidem mórtu-  
us erat corpore : illi au-  
tem mente. Illíus mors visí-  
bilis visibíliter plangebátur :  
illórum mors invisibílis nec  
quærebátur, nec videbátur.  
Quæsivit ille, qui nóverat  
mórtuos. Ille solus nóverat  
mórtuos, qui póterat fácere  
vivos. Nisi enim ad mórtuos  
suscitándos venísset, Apóstol-  
us non díceret : Surge qui  
dormis, et exúrge a mórtuis,  
et illuminábit te Christus.

### Lectio viij.

**T**RES autem mórtuos inve-  
nímus a Dómino resus-  
citátos visibíliter, míllia  
invisibíliter. Quot autem  
mórtuos visibíliter suscitá-  
verit, quis novit? Non enim  
ómnia quæ fecit scripta sunt.  
Joánnes hoc dixit : Multa  
ália fecit Jesus, quæ si scri-  
pta essent, árbítror totum  
mundum non posse libros  
cápere. Multi ergo sunt álii  
sine dúbio suscitáti, sed  
non tres frustra commemo-  
ráti. Dóminus enim noster  
Jesus Christus ea quæ faci-  
bat corporáliter, étiam spi-  
ritáliter volébat intélligi.  
Neque enim tantum mirá-  
cula propter mirácula fá-  
ciébat, sed ut illa quæ

faciébat, mira essent vi-  
déntibus, vera essent intel-  
ligéntibus.

### Lectio ix.

**Q**UEMADMODUM qui videt  
litteras in códice óptime  
scripto, et non novit légere,  
laudat quidem antiquárii  
manum, admirans ápicum  
pulchritúdinem : sed quid  
sibi velint, quid índicent illi  
ápices, nescit ; et est óculis  
laudátor, mente non cógni-  
tor. Álius autem et laudat ar-  
tificium, et capit intelléctum :  
ille útique, qui non solum vi-  
dére, quod commúne est óm-  
nibus potest, sed étiam lége-  
re : quod, qui non dídicit,  
non potest. Ita qui vidérunt  
Christi mirácula, et non in-  
tellexérunt quid sibi vellent,  
et quid intelligéntibus quo-  
dámmodo innúerent, miráti  
sunt tantum, quia facta sunt :  
álii vero et facta miráti, et  
intellécta assecúti. Tales  
nos in schola Christi esse  
debémus. Te Deum. 17.

### Ad Benedictus, Añá.

Ibat Jesus \* in civitátem  
quæ vocátur Naim : et ecce  
defúctus efferebátur filius  
únicus matris suæ.

### Ad Magnificat. Añá.

Prophéta magnus \* surréxit  
in nobis, et quia Deus visi-  
távit plebem suam.

### DOMINICA XVI. PENT.

### Oratio.

**T**UA nos, quæsumus, Dó-  
mine, grátia semper et

præveniât, et sequatur : ac bonis opéribus jûgiter præstet esse inténtos. Per Dñum.

**Lectio sancti Evangélii**  
secundum Lucam.

**Lectio vij. Cap. 14.**

**I**N illo témpore : Cum intráret Jesus in domum cujúsdam Principis Pharisæórum sabbato , manducáre panem, et ipsi observábant eum. Et ecce homo quidam hydrópicus erat ante illum. Et réliqua.

Homilia S. Ambrósii Episc.

*Lib. 7. in Lucæ cap. 14.*

**C**URATUR hydrópicus , in quo fluxus carnis exuberans ánimæ gravábat officia, spíritus extingúebat ardórem. Deinde docétur humilitas , dum in illo convívio nuptiáli appeténtia loci superióri arcétur : cleménter tamen , ut persuásio humanitátis asperitátem coercitiónis exclúderet, rátio proficeret ad persuasiónis efféctum , et corréctio emendáret afféctum. Huic quasi próximo limine humanitas copuláture : quæ ita Domínicæ sententiæ definitiône distinguitur, si in páuperes et débiles conferáture : nam hospitálem esse remuneratúris , efféctus avaritiæ est.

**Lectio viij.**

**P**OSTREMO jam quasi eméritæ militiæ viro contemnendarum stipéndium præscribitur facultátum :

quod neque ille, qui stúdiis inténtus inferióribus possessiones sibi terrénas coémit , regnum cœli possit adipisci , cum Dóminus dicat : Vende ómnia tua , et séquere me : nec ille , qui emit boves , cum Eliséus occiderit, et pópulo diviserit quos habébat : et ille , qui duxit uxórem , cógitet quæ mundi sunt , non quæ Dei. Non quod conjúgium reprehendáture, sed quia ad majórem honórem vocétur intégritas : quóniam múlter innúpta et vídua cógitat quæ sunt Dómini , ut sit sancta córpore et spíritu.

**Lectio ix.**

**S**ED ut in grátiam , ut supra cum viduis, ita nunc étiam cum conjúgibus revertámur , non refúgimus opiñiónem , quam sequúntur plerique, ut tria génera hóminum a consórtio magnæ illius cœnæ æstimémus exclúdi : Gentílium , Judæórum , Hæreticórum. Et ideo Apóstolus avaritiám dicit esse fugiéndam : ne impediti more gentili , iniquitate , malitia , impudicitia , avaritia , ad regnum Christi pervenire nequeámus. Omnis enim immúndus , aut avárus , quod est idolórum sérvitus , non habet hereditátem in regno Christi et Dei.

**Ite Deum laudámus. 17.**



**Ad Benedictus, Añã.**

Cum intrâret Jesus \* in domum cujûsdam principis Pharisæorum sabbato, manducare panem : ecce homo quidam hydrôpicus erat ante illum : ipse vero apprehensum sanavit eum ac dimisit.

**Ad Magnificat, Añã.**

Cum vocatus fueris \* ad nuptias, recumbe in novissimo loco: ut dicat tibi qui te invitavit : Amice, ascende superius: et erit tibi glória coram simul discumbentibus, allelu.

DOMINICA XVII. PENT.

**Oratio.**

**D**A, quæsumus Dómine, pópulo tuo diabólica vitare contágia : et te solum Deum pura mente sectári. Per Dóminum.

**L**ectio sancti Evangélíi secúndum Matthæum.

**Lectio vij. Cap. 22. d**

**I**n illo témpore : Accesserunt ad Jesum Pharisæi : et interrogávit eum unus ex eis legis doctor, tentans eum: Magister, quod est mandátum magnum in lege? Et reliqua.

Homília sancti Joánnis Chrysóstomi.

Homília 72. in Matth.

**S**ADDUCÆIS confúsus. Pharisæi rursus aggrediúntur: cumque quiéscere oportéret, decertare voluerunt, et legis perítiam profitentem præmittunt, non discere, sed tentare cupientes : ac ita intérogant, Quodnam pri-

mum mandátum in lege sit. Nam cum primum illud sit, Diliges Dóminum Deum tuum : putantes causas sibi allatúrum ad mandátum hoc corrigéndum, áliquid addéndo, quóniam Deum se faciébat, hoc modo intérogant. Quid igitur Christus? Ut osténdat idcirco ad hæc eos devenisse, quia nulla in eis esset cháritas, sed invidiæ livóre tabescerent: Diliges, inquit, Dóminum Deum tuum : hoc primum et magnum mandátum est. Secúndum autem símile huic: Diliges próximum tuum sicut teipsum.

**Lectio viij.**

**Q**UAMOBREM símile est huic? quóniam hoc illud indúcit, et ab illo rursus munitur. Quicúmque enim male agit, ódio habet lucem, et non venit ad lucem. Et rursus: Dixit insípiens in corde suo: Non est Deus. Deinde séquitur: Corrupti sunt, et abominábiles facti sunt in stúdiis suis. Et iterum: Radix ómnium malórum avarítia est: quam quidam appeténtes, erravérunt a fide Et, Qui diligit me, mandata mea servábit: quorum caput et radix est, Diliges Dñum Deum tuum, et próximum tuum sicut teipsum.

**Lectio ix.**

**S**i ergo diligere Deum, diligere próximum est:



(nam si diligis me, o Petre, inquit, pasce oves meas) si etiam dilectio proximi facit ut mandata custodias: merito ait in his totam legem et Prophétas pendere. Et quemadmodum in superioribus, cum de resurrectione interrogaretur, plus docuit quam tentantes petebant: sic in hoc loco de primo interrogatus mandato, secundum etiam non valde quam primum inferius sponte attulit: secundum enim est primo simile. Ita occulte insinuavit, odio illos ad querendum incitari. Caritas enim, inquit, non æmulatur.

*Te Deum laudamus. 17.*

*Ad Benedictus, Añã.*

Magister, quod est mandatum magnum in lege? Ait illi Jesus: Diliges Dominum Deum tuum ex toto corde tuo, alleluia.

*Ad Magnificat, Añã.*

Quid vobis videtur \* de Christo? cujus filius est? Dicunt ei omnes: David. Dicit eis Jesus: Quomodo David in spiritu vocat eum Dominum; dicens: Dixit Dominus Domino meo, Sede a dextris meis?

DOMINICA XVIII. PENT.

*Oratio.*

**D**IRIGAT corda nostra, quaesumus Domine, tuæ miserationis operatio: quia tibi sine te placere non possumus. Per Dominum.

*Lectio sancti Evangelii secundum Matthæum.*

*Lectio vij. Cap. 9.*

**I**N illo tempore: Ascendens Jesus in naviculam, transfretavit, et venit in civitatem suam. Et reliqua.

Homilia S. Petri Chrysologi.

*Serm. 50.*

**C**HRISTM in humanis actibus divina gessisse mysteria, et in rebus visibilibus invisibilia exercuisse negotia, lectio hodierna monstravit. Ascendit, inquit, in naviculam, et transfretavit, et venit in civitatem suam. Nonne ipse est, qui, fugatis fluctibus, maris profunda nudavit, ut Israeliticus populus inter stupentes undas sicco vestigio, velut montium concava, pertransiret? Nonne hic est, qui Petri pedibus marinos vortices inclinavit, ut iter liquidum humanis gressibus solidum præberet obséquium?

*Lectio viij.*

**E**T quid est, quod ipse sibi sic maris denegat servitutem, ut brevissimi lacus transitum sub mercede nautica transfretaret? Ascendit, inquit, in naviculam, et transfretavit. Et quid mirum, fratres? Christus venit suscipere infirmitates nostras, et suas nobis conferre virtutes: humana querere, præstare divina: accipere injurias, reddere

dignitates : ferre tædia ,  
referre sanitates : quia mé-  
dicus qui non fert infirmi-  
tates , curare nescit , et qui  
non fuerit cum infirmo in-  
firmatus , infirmo non po-  
test conferre sanitatem.

*Lectio ix.*

**C**HRISTUS ergo , si in suis  
mansisset virtutibus ,  
commune cum hominibus  
nihil haberet : et nisi implés-  
set carnis ordinem , carnis  
in illo esset otiosa susceptio.  
Ascendit , inquit , in naví-  
culam , et transfretavit , et  
venit in civitatem suam.  
Creátor rerum , orbis Dó-  
minus , posteaquam se pro-  
pter nos nostra angustavit  
in carne , cepit habere hu-  
manam patriam , cepit ci-  
vitatis judaicæ esse civis ,  
parentes habere cepit pa-  
rentum omnium ipse pa-  
rens : ut invitaret amor ,  
attraheret charitas , vinciret  
affectio , suaderet humani-  
tas , quos fugarat dominatio ,  
metus disperserat , fecerat  
vis potestatis extorres.

*Te Deum laudamus. 17.*

*Ad Benedictus , Añã.*

Dixit Dóminus \* paralytico:  
Confide , fili , remittuntur  
tibi peccata tua.

*Ad Magnificat , Añã.*

Tulit ergo \* paralyticus le-  
ctum suum , in quo jacébat ,  
magnificans Deum : et omnis  
plebs , ut vidit , dedit laudem  
Deo.

**DOMINICA XIX. PENT.**

*Oratio.*

**O**MNIPOTENS et miséricors  
Deus , universa nobis  
adversántia propitiátus ex-  
clúde : ut mente et corpore  
pariter expediti , quæ tua  
sunt liberis mentibus exe-  
quámur. Per Dóminum.

*Lectio sancti Evangélii  
secundum Matthæum.*

*Lectio vij. Cap. 22.*

**I**N illo tempore : Loquebá-  
tur Jesus princípibus sa-  
cerdótum et Pharisæis in  
parabolis , dicens : Símile  
factum est regnum cœlórur  
hómini regi , qui fecit nú-  
ptias filio suo. Et reliqua.  
Homilia S. Gregórii Papæ.

*Homilia 38. in Evang.*

**S**ÆPE jam me dixisse mé-  
mini , quod plerúmque in  
sancto Evangélio regnū cœ-  
lórur præsens Ecclesiã no-  
minátur : congregatio quip-  
pe justórum , regnum cœló-  
rum dicitur. Quia enim per  
Prophétam Dóminus dicit :  
Cœlum mihi sedes est : et  
Sálonon ait : Anima justí se-  
des sapiéntiæ : Paulus étiam  
dicit Christum Dei virtútem ,  
et Dei sapiéntiam : líquido  
colligere debémus , quia si  
Deus sapiéntia , ánima au-  
tem justí sedes sapiéntiæ :  
dum cœlum dicitur sedes Dei ,  
cœlum ergo est ánima justí.  
Hinc per Psalmístam de san-  
ctis prædicatóribus dicitur :  
Cœli enarrant glóriam Dei.

## Lectio viij.

**R**EGNUM ergo cœlôrum est Ecclésiâ justôrum : quia dum eôrum corda in terra nil âmbiunt , per hoc quod ad supérna suspirant , jam in eis Dóminus quasi in cœléstibus regnat. Dicâtur ergo : Símile est regnum cœlôrum hómini regi , qui fecit nûptias filio suo. Jam intélligit cháritas vestra , quis est iste Rex Regis filii pater : ille nímírum , cui Psalmista ait : Deus , iudicium tuum Regi da , et iustitiam tuam filio Regis. Qui fecit nûptias filio suo. Tunc enim Deus Pater Deo Filio suo nûptias fecit , quando hunc in útero Virgínis humanæ natúræ conjúxit , quando Deum ante sæcula fieri vóluit hóminem in fine sæculórum.

## Lectio ix.

**S**ED quia ex duâbus persónis fieri solet ista nuptiâlis conjunctio , absit hoc ab intelléctibus nostris , ut persónam Dei et hóminis Redemptóris nostri Jesu Christi ex duâbus persónis credâmus unitam. Ex duâbus quippe atque in duâbus hunc natúris existere dicimus : sed ex duâbus persónis compósitum credi , ut nefas , vitâmus. Apértius ergo atque secûrius dici potest , quia in hoc Pater Regi Filio nûptias fecit , quo ei per Incarnatió-

nis mystérium sanctam Ecclésiâ sociâvit. Uterus autem Genitrícis virgínis hujus Sponsi thálamus fuit. Unde et Psalmista dicit : In sole pósuit tabernáculû suû , et ipse tamquam sponsus procédens de thálamo suo. **Te Deum laudâmus. 47.**

## Ad Benedictus , Aña.

Dícite invitátis : \* Ecce prándium meum parâvi , veníte ad nûptias , allelúia.

## Ad Magnificat , Aña.

Intrâvit autem Rex , \* ut vidéret discumbéntes : et vidit ibi hóminem non vestítum veste nuptiáli , et ait illi : Amíce , quómodo huc intrásti , non habens vestem nuptiâlem ?

## DOMINICA XX. PENT.

## Oratio

**L**ARGIRE , quæsumus Dñe , fídelibus tuis indulgéntiam placátus et pacem : ut páriter ab ómnibus mundéntur offénsis , et secúra tibi mente desérvant. Per Dóminum.

Lectio sancti Evangélíi secúndum Joánnem.

## Lectio viij. Cap. 4. f

**I**N illo témpore : Erat quidam régulus , cujus filius infirmabâtur Caphárnaum. Et réliqua.

Homília S. Gregórii Papæ.

## Homília 28. in Evang.

**L**ECTIO sancti Evangélíi , quam modo , fratres , audístis , expositióne non indi-

get : sed ne hanc tace prae-  
terisse videamur, exhortan-  
do potius, quam exponendo  
in ea aliquid loquamur. Hoc  
autem nobis solummodo de  
expositione video esse requi-  
rendum, cur is, qui ad sa-  
lutem filio petendam vene-  
rat, audivit : Nisi signa et  
prodigia videritis, non cre-  
ditis. Qui enim salutem fi-  
lio quaerebat, procul dubio  
credebat : neque enim ab eo  
quaereret salutem, quem non  
crederet Salvatorem. Quare  
ergo dicitur : Nisi signa et  
prodigia videritis, non cre-  
ditis : qui ante credidit,  
quam signa videret ?

*Lectio viij.*

**S**ED mementote quid petiit,  
et aperte cognoscetis,  
quia in fide dubitavit. Popu-  
scit namque ut descenderet  
et sanaret filium ejus. Cor-  
poralem ergo praesentiam  
Domini quaerebat, qui per  
spiritum nusquam deerat.  
Minus itaque in illum cre-  
didit, quem non putavit  
posse salutem dare, nisi  
praesens esset et corpore. Si  
enim perfecte credidisset,  
procul dubio sciret, quia non  
esset locus ubi non esset  
Deus.

*Lectio ix.*

**E**X magna ergo parte diffi-  
sus est, qui virtutem non  
dedit majestati, sed praesen-  
tiae corporali. Salutem ita-  
que filio petiit, et tamen in

fide dubitavit : quia eum ad  
quem venerat, et potentem  
ad curandum credidit, et  
tamen morienti filio esse  
absentem putavit. Sed Do-  
minus, qui rogatur ut va-  
dat, quia non desit ubi in-  
vitatur, indicat, solo jussu  
salutem reddidit, qui vo-  
luntate omnia creavit.

*Te Deum laudamus 17.*

*Ad Benedictus, Añā.*

Erat quidam regulus, \* cu-  
jus filius infirmabatur Ca-  
pharnaum : hic cum audisset  
quod Jesus veniret in Gali-  
laeam; rogabat eum, ut sa-  
naret filium ejus.

*Ad Magnificat, Añā.*

Cognovit autem pater, \*  
quia illa hora erat, in qua  
dixit Jesus : Filius tuus vi-  
vit : et credidit ipse, et  
domus ejus tota.

DOMINICA XXI. PENT.

*Oratio.*

**F**AMILIAM tuam, quaesumus  
Domine, continua pie-  
tate custodi : ut a cunctis  
adversitatibus, te protegente  
sit libera, et in bonis acti-  
bus tuo nomini sit devota.  
Per Dominum.

*Lectio sancti Evangelii  
secundum Matthaeum.*

*Lectio vij. Cap. 48. c*

**I**N illo tempore : Dixit Jesus  
discipulis suis parabola  
hanc : Assimilatum est re-  
gnum coelorum homini regi,  
qui voluit rationem ponere  
cum servis suis. Et reliqua.

Homilia sancti Hieronymi  
Presbyteri.

L. 3. Com. in c. 18. Matth.

**F**AMILIARE est Syris, et máxime Palæstinis, ad omnem sermónem suum paráblas júngere; ut quod per simplex præcéptum tenéri ab auditóribus non potest, per similitúdinem exémplaque teneátur. Præcépit itaque Dóminus Petro sub comparatióne regis et dómni, et servi, qui débitor decem millium talentórum a dómno rogans véniam impetráverat, ut ipse quoque dimittat consérvis suis minóra peccántibus. Si enim ille rex et dóminus servo debitóri decem míllia talentórum tam fáciie dimisit, quanto magis servi consérvis suis debent minóra dimittere?

Lectio viij.

**Q**UOD ut manifestius fiat, dicámus sub exémplo. Si quis nostrum commiserit adultérium, homicídium, sacrilégium, majóra crimina decem míllium talentórum rogántibus dimittúntur, si et ipsi dimittant minóra peccántibus. Sin autem ob factam contuméliam simus implacábiles, et propter amárum verbum pérpetes habeámus discórdias: nonne nobis vidémur recte redigéendi in cárcerem, et sub exémplo óperis nostri hoc ágere, ut majórum nobis

delictórum vénia non relaxétur?

Lectio ix

**S**IC et Pater meus cœléstis faciet vobis, si non remiséritis unusquisque fratri suo de córdibus vestris. Formidolosa senténtia, si juxta nostram mentem senténtia Dei fléctitur, atque mutátur: si parva frátribus non dimittimus, magna nobis, a Deo non dimitténtur. Et quia potest unusquisque dicere: Nihil hábeo contra eum, ipse novit, habet Deum júdicem: non mihi curæ est quid velit ágere, ego ignóvi ei: confirmat senténtiam suam, et omnem simulatiónem fictæ pacis evértit, dicens: Si non remiséritis unusquisque fratri suo de córdibus vestris. Te Deum laudámus. 17.

Ad Benedictus, Añz.

Dixit autem \* dóminus servo: Redde quod debes. Prócidens autem servus ille, rogábat eum, dicens: Patiéntiam habe in me, et ómnia reddam tibi.

Ad Magnificat, Añz.

Serve nequam, \* omne débítum dimisi tibi, quóniam rogásti me: nonne ergo opórtuit et te miseréri consérvi tui, sicut et ego tui misértus sum? allelúia.

DOMINICA XXII. PENT.

Oratio.

**D**EUS, refugium nostrum et virtus: adésto piis Ec-

elésiæ tuæ précibus, auctor ipse pietátis, et præsta; ut, quod fidéliter pétimus, effícaciter consequámur. Per.

*Lectio sancti Evangelíi secundum Matthæum.*

*Lectio vij. Cap. 23. b*

**I**N illo témpore : Abeúntes Pharisei consílium iniérunt, ut cáperent Jesum in sermóne. Et réliqua.

Homília S. Hilárii Episcopi.  
*In Com. in Matth. cap. 23.*

**F**REQUENTER Pharisei comovéntur, et occasiõem insimulándieum habére ex prætéritis non possunt. Cádere enim vltium in gesta ejus et dicta non póterat : sed de malitiæ afféctu, in omnem se inquisitionem reperiúndæ accusatiónis exténdunt. Namque a sæculi vítiis, atque a superstitionibus humanárum religionum, univérso ad spem regni coeléstis vocábat. Igitur an violáret sæculi potestátem, de propósitæ interrogatiónis conditióne perténtant : an vidélicet reddi tribútum Cæsari oportéret.

*Lectio viij.*

**Q**UI intérna cognitiónum secréta cognóscens (Deus enim nihil eórum quæ intra hóminem sunt absconsa, non speculáture) afférri sibi denárium jussit, et quæsiuit ejus et inscriptio esset et forma. Pharisei respondérunt : Cæsaris eam esse.

Quibus ait : Cæsari redhibénda esse quæ Cæsaris sunt : Deo autem reddénda esse, quæ Dei sunt. O plenam miráculi responsiõem et perféctam dicti coeléstis absolutiõem ! Ita ómnia inter contéptum sæculi, et contuméliam lædéndi Cæsaris temperávit, ut curis ómnibus et officiis humanis devótas Deo mentes absolveret, cum Cæsari quæ ejus essent, reddénda decérnit.

*Lectio ix.*

**S**I enim nihil ejus penes nos reséderit, conditióne reddéndi ei quæ sua sunt, non tenébimur. Porro autem si rebus illius incubámus, si jure potestátis ejus útimur, et nos tamquam mercenários aliéni patrimonii procuratióni subjicimus; extra querélam injuriæ est Cæsari redhibéri quod Cæsaris est, Deo autem quæ ejus sunt própria, réddere nos oportére, corpus, ánimam, voluntátem. Abeo enim hæc profécta atque aucta retinémus : proinde condígnum est, ut ei se totum reddant, cui debére se récolunt et originem et proféctum.

*Te Deum laudámus. 17.*

*Ad Benedictus. Añs.*

Magíster, \* scimus quia verax es, et viam Dei in veritate doces, allelúia.

*Ad Magnificat. Añs.*

Réddite ergo \* quæ sunt



Cæsaris, Cæsari : et quæ sunt Dei, Deo, allelûia.

Si sequens Dñica fuerit ultima post Pont., ejus loco ponitur xxiv. ut infra. 301. et Offic. hujus Dñicæ ponitur in Sabbato præc., non impedito Festo ix. Lectio-  
num, alioquin Feria vj. vel alia similiter non impedita.

### DOMINICA XXIII. PENT.

#### Oratio.

**A**BSOLVE, quæsumus Dómine, tuórum delicta populórum : ut a peccatórum nexibus, quæ pro nostra fragilitate contráximus, tua benignitate liberémur. Per Dóminum.

Lectio sancti Evangélíi secúndum Matthæum.

Lectio vij. Cap. 9. c

**I**N illo témpore : Loquente Jesu ad turbas, ecce princeps unus accéssit, et adorabat eum, dicens : Dómine, filia mea modo defúncta est. Et réliqua.

Homilia S. Hierónymi Presb.

L. 1. Com. in c. 9. Matth.

**O**CTAVUM signum est, in quo princeps suscitári póstulat filiam suam, nolens de mystério veræ circumcisiónis exclúdi : sed subintrat mûlier sânguine fluens, et octávo sanátur loco : ut princípis filia de hoc exclúsa número, véniat ad nonum, juxta illud quod in Psalmis dicitur : Æthiópia præveniet manus ejus Deo; et : Cum in-

tráverit plenitúdo Géntium, tunc omnis Israel salvus fiet.

#### Lectio viij

**E**T ecce mûlier, quæ sânguinis fluxum patiebátur duódecim annis, accéssit retro, et tétigit fimbriam vestiménti ejus. In Evangélio secúndum Lucam scribitur, quod princípis filia duódecim annos habéret aetátis. Nota ergo, quod eo témpore hæc mûlier, id est, Géntium pópulus, cœperit ægotâre, quo genus Judæórum crediderat. Nisi enim ex comparatióne virtútum, vítium non osténditur.

#### Lectio ix.

**H**ÆC autem mûlier sânguine fluens, non in domo, non in urbe accédit ad Dñum, quia juxta legem úrbibus excludébatur, sed in itinere, ambulante Dómino; ut dum pergit ad áliam, ália curarétur. Unde dicunt et Apóstoli : Vobis quidem oportébat prædicári verbum Dei : sed quóniam vos judicástis indignos salúte, transgredimur ad Gentes.

Te Deum laudámus. 17.

Ad Benedictus. Añs.

Dicébat enim \* intra se : Si tetigero fimbriam vestiménti ejus tantum, salva ero.

Ad Magnificat. Añs.

At Jesus convérsus, \* et videns eam, dixit : Confide, filia, fides tua te salvam fecit, allelûia.

Dñicæ post Pent. non possunt esse pauciores viginti tribus, neque plures viginti octo. Cum autem fuerint plures viginti quatuor, tunc post xxij. Dom. resumuntur quæ eo anno superfuerunt post Epiph., quoad Orat., Homiliam, et Añas ad Bened. et Magnificat, hoc ordine.

Si Dñicæ post Pent. fuerint xxv., Dñica xxiv. post Pent. erit quæ est vj. post Epiph.

Si fuerint xxvj., Dominica xxiv. erit quæ est v. post Epiph., et xxv. quæ est vj.

Si fuerint xxvij., Dñica xxiv. erit quæ est iv. post Epiph., xxv. erit v. et xxvj. erit vj.

Si fuerint xxviii., Dñica xxiv. erit quæ est iij. post Epiph., xxv. erit iv., et xxvj. erit v., et xxvij. erit vj. et ult. loco semper ponitur quæ seq. hic in ordine xxiv. 301.

### DOMINICA III.

QUÆ SUPERFUIT POST EPIPH.

#### Oratio.

**O**MNIPOTENS sempitærne Deus, infirmitatem nostram propitius respice : atque ad protegendum nos dexteram tuæ majestatis extendende. Per Dñinum.

Lectio sancti Evangelii secundum Matthæum.

Lectio vij. Cap. 8.

**I**N illo tempore : Cum descendisset Jesus de monte, secutæ sunt eum turbæ mul-

tæ : et ecce leprósus veniens, adorabat eum. Et reliqua. Homilia S. Hierónymi Presb. Lib. 1. Com. in c. 8. Matth.

**D**E monte Dómino descendente, occurrunt turbæ, quia ad altióra ascendere non valuerunt. Et primus ei occurrat leprósus : necdum enim poterat cum lepra tam multiplicem in monte Salvatoris audire sermonem. Et notandum, quod hic primus specialiter curatus sit : secundo, puer Centurionis : tertio, socrus Petri febriens in Capharnaum : quarto loco, qui oblati sunt ei a dæmónio vexati : quorum spiritus verbo ejiciebat, quando et omnes male habentes curavit.

#### Lectio viij.

**E**T ecce leprósus veniens adorabat eum, dicens. Recte post prædicationem atque doctrinam, signi offertur occasio, ut per virtutem miraculi, præteritus apud audientes sermo firmetur. Dómine, si vis, potes me mundare. Qui voluntatem rogat, de virtute non dubitat. Et extendens Jesus manum, tetigit eum, dicens: Volo, mundare. Extendente manum Dómino, statim lepra fugit. Simulque considera, quam humilis et sine jactantia responsio. Ille dixérat, Si vis : Dóminus respondit, Volo. Ille præmiserat, Potes me mundare :

Dóminus jungit, et dicit, Mundáre. Non ergo, ut plerique Latinórum putant, jungéndum est, et legéndum, Volo mundáre : sed separátim, ut primum dicat, Volo, deinde imperet, Mundáre.

**Lectio ix.**

**E**T ait illi Jesus : Vide, némini dixeris. Et revéra quid erat necesse ut sermóne jactáret, quod corpore præferébat ? Sed vade, osténde te sacerdoti. Várias ob causas mittit eum ad sacerdotem : primum propter humilitátem, ut sacerdotibus deférre honórem videátur. Erat enim lege præcéptum, ut, qui mundáti fúerant a lepra, offérrent múnera sacerdotibus. Deínde ut mundátum vidéntes leprósum, aut créderent Salvatóri, aut non créderent : si créderent, salvaréntur : si non créderent, inexcusábiles forent. Et simul, ne, quod in eo sæpíssime criminabántur, legem viderétur infríngere. Te Deum laudámus. 17.

**Ad Benedictus, Añs.**

Cum descendísset \* Jesus de monte, ecce leprósus véniens adorábat eum, dicens : Dómine, si vis, potes me mundáre : et exténdens manum, tétigit eum, dicens : Volo, mundáre.

**Ad Magnificat, Añs.**

Dómine, si vis, \* potes me

mundáre ; et ait Jesus : Volo, mundáre.

**DOMINICA IV.**

QUÆ SUPERFUIT POST EPIPH.

**Oratio.**

**D**EUS, qui nos in tantis periculis constitutos, pro humana scis fragilitate non posse subsistere : da nobis salutem mentis et corporis ; ut ea, quæ pro peccatis nostris patimur, te adjuvante, vincamus. Per Dñum.

**Lectio sancti Evangelii  
secundum Matthæum.**

**Lectio vii. Cap. 8. c**

**I**N illo tempore : Ascendente Jesu in naviculam, secuti sunt eum discipuli ejus : et ecce motus magnus factus est in mari, ita ut navicula operirétur fluctibus, ipse vero dormiébat. Et reliqua. Homilia S. Hierónymi Presb. L. 1. Com. in c. 8. Matth.

**Q**UINTUM signum fecit, quando ascendens navem de Capharnaum, ventis imperavit et mari. Sextum, quando in regione Gerasenorum dedit potestatem dæmonibus in porcos. Séptimum, quando ingrédiens civitatem suam, paralyticum secundum curavit in lectulo. Primus enim paralyticus est puer Centuriónis.

**Lectio viij.**

**I**PSE vero dormiébat ; et accesserunt ad eum, et suscitaverunt eum, dicentes : Dómine, salva nos. Hujus si-

gui typum in Jona légimus, quando, céteris periclitántibus, ipse secúrus est, et dormit, et suscitátur: et império ac sacraménto passió- nis suæ liberat suscitántes. Tunc surgens imperávit ven- tis et mari. Ex hoc loco intel- ligimus, quod omnes creatú- ræ sésentiant Creatórem. Quas enim increpávit, et quibus imperávit, sésentiant imperán- tem: non errore hæreticó- rum, qui ómnia putant ani- mántia, sed majestáte Con- ditóris, quæ apud nos insen- sibília, illi sensibília sunt.

*Lectio ix.*

**P**ORRO hómines miráti sunt, dicéntes: Qualis est hic, quia venti et mare obédiunt ei? Non discipuli, sed nautæ, et céteri qui in navi erant, mirabántur. Sin autem quis contentióse vo- lúerit, eos, qui mirabántur fuisse discipulos, respondé- bimus, recte hómines appel- látos, qui necdum nóverant poténtiam Salvatóris.

Te Deúm laudámus. 17.

*Ad Benedictus, Añá.*

Ascendénte Jesu\* in navicu- lam, ecce motus magnus factus est in mari: et susci- tavérunt eum discipuli ejus, dicéntes: Dómine, salva nos, perlmus.

*Ad Magnificat, Añá.*

Dómine, \*salva nos, perí- mus: Impera, et fac, Deus, tranquillitátem.

**DOMINICA V.**

QUÆ SUPERFUIT POST EPIPH.

*Oratio.*

**F**AMILIAM tuam, quæsu- mus Dómine, continua pietáte custódi: ut quæ in sola spe grátiae cœléstis in- nítitur, tua semper prote- ctióne muniátur. Per Dñm.

*Lectio sancti Evangélii  
secúndum Matthæum.*

*Lectio vij. Cap. 13. c*

**I**N illo témpore: Dixit Je- sus turbis parábolam hanc: Símile factum est re- gnum cœlórum hómini, qui seminávit bonum semen in agro suo. Et réliqua.

Homilia S. Augustíni Episc.  
*L. qu. Ev. in Matt. c. 2. t. 4.*

**C**UM negligéntius ágerent præpósiti Ecclésiæ, aut cum dormitiónem mortis ac- cíperent Apóstoli, venit diá- bolus, et superseminávit eos, quos malos filios Dóminus interpretátur. Sed quæritur utrum hæretici sint, an ma- le vivéntes Cathólici. Pos- sunt enim dici filii mali étiam hæretici, quia ex eó- dem Evangélii sémine, et Christi nómine procreáti, pravis opinióibus ad falsa dógmata convertúntur.

*Lectio viij.*

**S**ED quod dicit eos in mé- dio trítici seminátos; quasi vidéntur illi significá- ri, qui unius communiónis sunt. Verúmtamen quóniam Dóminus agrum ipsum, non

Ecclesiā, sed hunc mundum interpretātus est : bene intelliguntur hærēti, quia non societate unius Ecclesiæ, vel unius fidei, sed societate solius nominis christiani in hoc mundo permiscētur bonis. At illi, qui in eadem fide mali sunt, pālea pōtius quam zizānia reputantur, quia pālea etiā fundamentum ipsum habet cum frumento, radicēque communem.

### Lectio ix.

**I**n illa plane sagēna, qua concluduntur et maliet boni pisces, non absurde mali Catholici intelliguntur. Aliud est enim mare, quod magis mundum istum significat: aliud sagēna, quæ unius fidei, vel unius Ecclesiæ communionē videtur ostendere. Inter hærēticos, et malos Catholicos hoc interest, quod hærēti falsa credunt: illi autem vera credentes, non vivunt ita ut credunt. **Te Deum laudamus. 17.**

### Ad Benedictus, Añā.

Dómine, \* nonne bonum semen seminasti in agro tuo? unde ergo habet zizānia? Et ait illis : Hoc fecit inimicus homo.

### Ad Magnificat, Añā.

Colligite \* primum zizānia, et alligāte ea in fasciculos ad comburēdum : triticum autem congregāte in hórreum meum, dicit Dóminus.

## DOMINICA VI.

QUE SUPERFUIT POST EPIPH.

### Oratio.

**P**RÆSTA, quæsumus omnipotens Deus : ut semper rationabilia meditantes, quæ tibi sunt placita, et dictis exequāmur, et factis. Per Dñm.

**Lectio sancti Evangelii secundum Matthæum.**

### Lectio vij. Cap. 13. d

**I**n illo tempore : Dixit Jesus turbis parabolam hanc : Simile est regnum cœlorum grano sinapis, quod accipiens homo seminavit in agro suo. Et reliqua.

Homilia S. Hierónymi Presb. L. 2. Com. in c. 13. Matth.

**R**EGNUM cœlorum prædicatione Evangelii est, et notitia Scripturarum, quæ ducit ad vitam, et de qua dicitur ad Judæos : Auferetur a vobis regnum Dei, et dabitur genti facienti fructus ejus. Simile est ergo hujuscemodi regnum grano sinapis, quod accipiens homo seminavit in agro suo. Homo qui seminat in agro suo a plerisque Salvator intelligitur, quod in animis credentium seminet: ab aliis ipse homo seminans in agro suo, hoc est in semetipso, et in corde suo.

### Lectio viij.

**Q**uis est iste qui seminat, nisi sensus noster, et animus, qui suscipiens granum prædicationis, et fovens sementem, humore

fidei facit in agro sui pectoris pullulâre? Prædicatio Evangelii minima est omnibus disciplinis. Ad primam quippe doctrinam, fidem non habet veritatis, hominē Deum, Christum mortuum, et scandalū crucis prædicans. Confer hujuscemodi doctrinam dogmatibus philosophorum, et libris eorum, et splendori eloquentiæ, et compositioni sermonum: et vidēbis quanto minor sit ceteris seminibus semētis Evangelii.

#### Lectio ix.

**S**ED illa cum creverint, nihil mordax, nihil vividum, nihil vitale demonstrant: sed totum flaccidum marcidumque et molitum ebullit in olera et in herbas, quæ cito arêscunt et cōruunt. Hæc autem prædicatio, quæ parva videbatur in principio, cum vel in anima credētis, vel in toto mundo sata fuerit, non exurgit in olera, sed crescit in arborem: ita ut volucres cœli (quas vel animas credentium, vel fortitudines, Dei servitio mancipatas, sentire debemus) veniant et habitent in ramis ejus. Ramos puto evangelicæ arboris, quæ de grano sinapis creverit, dogmatum esse diversitates, in quibus supradictarum volucrum unaquæque requiescit.

**T**e Deum laudamus. 17.

#### Ad Benedictus, Añā.

Simile est \* regnum cœlorū grano sinapis, quod minimum est omnibus seminibus: cum autem creverit, majus est omnibus olēribus.

#### Ad Magnificat, Añā.

Simile est regnum \* cœlorū fermento, quod acceptum mulier abscondit in farinæ satis tribus, donec fermentatum est totum.

DOM. XXIV. ULT. POST P.

#### Oratio.

**E**XCITA, quæsumus Dōmine, tuorum fideliū voluntates: ut divini operis fructum propēsius exequētes, pietatis tuæ remēdia majōra percipiant. Per Dōminum.

Lectio sancti Evangelii secundum Matthæum.

#### Lectio vij. Cap. 24. b

**I**N illo tēpore: Dixit Jesus discipulis suis: Cum vidēritis abominationem desolationis, quæ dicta est a Daniēle Prophēta, stantem in loco sancto: qui legit, intēlligat. Et reliqua.

Homilia S. Hierōnymi Presb. L. 4. Com. in c. 24. Matth.

**Q**UANDO ad intelligētiā provocāmur, mysticum monstratur esse quod dictum est. Lēgimus autem in Daniēle hoc modo: Et in dimidio hebdomadis auferētur sacrificium et libamina: et in templo abominatio desolationum erit, usque ad consummationem tēporis,



et consummatio dabitur super solitudinem. De hoc et Apostolus loquitur, quod homo iniquitatis, et adversarius elevandus sit contra omne quod dicitur Deus, et colitur: ita ut audeat stare in templo Dei, et ostendere quod ipse sit Deus: cujus adventus secundum operationem satanae destruat eos, et ad Dei solitudinem redigat qui se susceperint.

**R.** Laudabilis populus, \* Quem Dominus exercituum benedixit, dicens: Opus manuum mearum tu es, hereditas mea Israel. **V.** Beata gens cujus est Dominus Deus, populus electus in hereditatem. Quem.

#### Lectio viij.

**P**OTEST autem simpliciter aut de Antichristo accipi, aut de imagine Caesaris, quam Pilatus posuit in templo, aut de Adriani equestri statua, quae in ipso sancto sanctorum loco usque in praesentem diem stetit. Abominatio quoque secundum veterem scripturam idolum nuncupatur; et ideo additur desolationis, quod in desolato templo atque destructo idolum positum sit.

**R.** Duo Seraphim clamabant alter ad alterum: \* Sanctus, sanctus, sanctus Dominus Deus Sabaoth: \* Plena est omnis terra gloria ejus. **V.** Tres sunt qui testimonium

dant in caelo: Pater, Verbum, et Spiritus sanctus; et hi tres unum sunt. Sanctus. Gloria Patri. Plena.

#### Lectio ix.

**A**BOMINATIO desolationis intelligi potest et omne dogma perversum: quod cum viderimus stare in loco sancto, hoc est, in Ecclesia, et se ostendere Deum, debemus fugere de Iudaea ad montes, hoc est, dimissa occidente littera, et iudaea pravitae, appropinquare montibus aeternis, de quibus illuminat mirabiliter Deus; et esse in tecto, et in domate, quo non possint ignita diaboli iacula pervenire, nec descendere et tollere aliquid de domo conversationis pristinae, nec quaerere quae retrorsum sunt: sed magis serere in agro spiritualium scripturarum, ut fructus capiamus ex eo: nec tollere alteram tunicam, quam Apostoli habere prohibentur. Te Deum. 17.

#### Ad Benedictus, Añã.

Cum videritis \* abominationem desolationis, quae dicta est a Daniele Propheta, stantem in loco sancto: qui legit, intelligat.

#### Ad Magnificat, Añã.

Amen dico vobis, \* quia non praeteribit generatio haec, donec omnia fiant: caelum et terra transibunt, verba autem mea non transibunt, dicit Dominus.

# PROPRIUM

## SANCTORUM.

---

DIE XXIX. AUGUSTI.

In Decollatione S. Joannis Baptistæ.

Duplex majus.

Ad Vesp., Añæ de Laud. Psalmi de Dñica. 134. et loco ult. Ps. Laudate Dñum, omnes gentes. 138.

Capit., Hymnus et ŷ. de Communi unius Mart. xxij.

Ad Magnificat, Aña.

Misso Heródes spiculátore, præcépit amputári caput Joánnis in cárcere : quo audito, discipuli ejus venérunt, et tulérunt corpus ejus, et posuérunt illud in monuménto.

Oratio.

SANCTI Joánnis Baptistæ, S Præcursóris et Mártiris tui, quæsumus Dómine, veneránda festívitás salutáris auxilií nobis præstet efféctum. Qui vivis.

Deinde sit com. S. Augustini, Aña. O Doctor. ŷ. Justum dedúxit.

Oratio.

ADESTO supplicatiónibus nostris, omnípotens Deus : et quibus fidúciam sperándæ pietátis indúlges

intercedénte beáto Augustino, Confessóre tuo atque Pontífice, consuétæ misericórdiæ tribue benignus efféctum. Per Dñum.

Postea S. Sabinæ, Mart. Aña. Símile est. ŷ. Spécie.

Oratio.

DEUS, qui inter cétera poténtiæ tuæ miracula étiam in sexu frágili victóriam martyrii contulisti : concéde propítius ; ut qui beátæ Sabinæ, Mártiris tuæ, natalítia cólimus, per ejus ad te exémpła gradiámur. Per Dñum.

Ad Matut., omnia de Com. unius Mart. xxij. præter seq.

In primo Nocturno.

Incipit Jeremías Prophéta.

Lectio j. Cap. 1.

VERBA Jeremíæ filii Helcíæ, de sacerdotibus, qui fuérunt in Ánathoth in terra Bénjamin. Quod factum est verbum Dñi ad eum in diébus Josíæ filii Amon regis Juda, in tertiodécimo anno regni ejus. Et factum est in diébus Jóakim filii Josíæ regis Juda, usque ad consum-

mationem undécimi anni Sedeciae filii Josiae regis Juda, usque ad transmigratiōnem Jerúsalem in mense quinto. Et factum est verbum Dómini ad me, dicens: Priusquam te formarem in útero, novi te: et ántequam exires de vulva, sanctificavi te: et Prophétam in Géntibus dedi te.

**R.** Misit Heródes rex manus, ac tenuit Joánnem, et vinxit eum in cárcere, quia metuébat eum propter Herodiádem, \* Quam túlerat fratri suo Philippo uxórem. **V.** Arguébat Heródem Joánnēs propter Herodiádem. Quam.

**Lectio ij.**

**E**T dixi, A a a, Dómine Deus: ecce nescio loqui, quia puer ego sum. Et dixit Dóminus ad me: Noli dicere: Puer sum, quóniam ad ómnia, quæ mittam te, ibis: et univérſa quæcúmque mandávero tibi, loqueris. Ne timeas a fácie eórum: quia tecum ego sum ut éruam te, dicit Dóminus. Et misit Dóminus manum suam, et tétigit os meum: et dixit Dóminus ad me: Ecce dedi verba mea in ore tuo: ecce constitui te hódie super Gentes, et super regna, ut evéllas, et déstruas, et dispérdas, et dissipes, et ædífices, et plantes.

**R.** Joánnēs Baptista arguébat Heródem, \* Propter

Herodiádem, quam túlerat fratri suo vivénti uxórem. **V.** Misso Heródes spiculátore, præcépit amputári caput Joánnis in cárcere. Propter.

**Lectio iij.**

**T**U ergo accínge lumbos tuos, et surge, et lóquere ad eos ómnia quæ ego præcípio tibi. Ne formídes a fácie eórum: nec enim timére te fáciam vultum eórum. Ego quippe dedi te hódie in civitátem munitam, et in columnam férream, et in murum æreum, super omnem terram, régibus Juda, principibus ejus, et sacerdotibus, et pópulo terræ. Et bellábunt advérsus te, et non prævalébunt: quia ego tecum sum, ait Dóminus, ut liberem te.

**R.** Puéllæ saltánti imperávit mater: \* Nihil áliud petas, nisi caput Joánnis.

\* Et contristátus est rex propter jusjurándum, et propter simul discumbéntes. **V.** Ait puélla matri suæ: Quid petam? At illa ait. Nihil. **Gloria Patri.** Et.

**In secundo Nocturno.**

Ex libro sancti Ambrósii  
Epíscopi de virginibus.

**Lectio iv. L. 3. post. init.**

**Q**UONIAM beáti Joánnis Baptistæ non strictim prætereúnda est recordátio, interest, ut quis, et a quibus, et quam ob causam, quo modo, et quo témpore sit

occisus, advértere debeamus. Ab adulteris justus occiditur, et a reis in júdicem capitális scéleris pœna convertitur. Deínde præmium salutaríeis mors est Prophétæ. Postrémo (quod étiam omnes bárbari horrere consueverunt) inter épulas atque convivia consummándæ crudelitátis profértur edictum : et a convivio ad cárcerem, de cárcere ad convivium ferális flagítii circumfértur obséquium. Quanta in uno facinore sunt crimina !

**¶.** Justus germinábit sicut lílium : \* Et florébit in ætérnum ante Dóminum. **¶.** Plantátus in domo Dómini, in átriis domus Dei nostri. Et florébit.

#### Lectio v.

**Q**UIS non, cum e convivio ad cárcerem cursári vidéret, putáret Prophétam jussu esse dimítti? Quis, inquam, cum audisset natalem esse Heródis, solémne convivium, puéllæ optiõnem eligéndi quod vellet datam, missum ad Joánnem ob solutiõnem non arbitrarétur? Quid crudelitáti cum deliciis? quid cum funéribus voluptáti! Rápitur ad pœnam Prophéta conviváli témpore, conviváli præcepto, quo non cúperet vel absólví : perimitur gládio, caput ejus affértur in disco. Hoc crudelitáti férculum

debebátur, quo insatiáta épulis féritas vescerétur.

**¶.** Iste cognóvit justítiam, et vidit mirabilia magna, et exorávit Altíssimum : \* Et invéntus est in número sanctórum. **¶.** Iste est qui contémpsit vitam mundi, et pervénit ad cœléstia regna. Et invéntus.

#### Lectio vj.

**I**NTUERE, rex acerbíssime, tuo spectácula digna convivio. Pórrige dexteram, ne quid sævitíæ tuæ desit, ut inter dígitos tuos rivi défluant sacri cruóris. Et quóniam non exsaturári épulis fames, non restíngui póculis pótuit inauditæ sævitíæ sitis : bibe sánguinem scaturiéntibus adhuc venis exsécí capítis profluéntem. Cerne óculos in ipsa morte scéleris tui testes, aversátes conspéctum deliciárum. Claudúntur lúmina non tam mortis necessitáte, quam horróre luxúriæ. Os áureum illud exsángine, cujus senténtiam ferre non póteras, conticéscit, et adhuc timétur.

**¶.** Honéstum fecit illum Dóminus, et custodívit eum ab inimícis, et a seductóribus tutávit illum : \* Et dedit illi claritátem ætérnam. **¶.** Descendítque cum illo in foveam : et in vínculis non derelíquit eum. Et. Glória Patri. Et.

## In tertio Nocturno.

Lectio sancti Evangélíi  
secúndum Marcum.

Lectio vij. Cap. 6. c

**I**N illo témpore : Misit Heródes, ac tenuit Joánnem, et vinxit eum in cárcere, propter Herodiadem uxórem Philíppi fratris sui, quia dúxerat eam. Et réliqua.

Homília sancti Augustíni  
Epíscopi.

Serm. 10. in novis Serm.

**C**UM sanctum Evangélium legerétur, crudéle spectáculum ante óculos nostros constitútum est : caput sancti Joánnis in disco, ferális missus crudelitátis propter ódium veritátis. Puélla saltat, et sævit mater : et inter lascívias et delicias convívantium témere jurátur, et impie, quod jurátur, implétur. Factum est Joánni, quod ipse prædíxerat. De Dómino enim Jesu Christo díxerat : Illum opórtet créscere, me autem mínui. Iste mínutus est in cápite, ille crevit in cruce. Odium péperit veritas. Non pótuít æquo ánimo tolerári, quod homo Dei sanctus monébat : qui útique salutem eórum quærébat, quos sic monébat. Respondérunt illi mala pro bonis.

**ij.** Desidérium ánimæ ejus tribuisti ei, Dómine, \* Et voluntáte labiórurn ejus non fraudásti eum. **ñ.** Quóniam prævenisti eum in benedi-

ctiónibus dulcedínis : posuisti in cápite ejus coronam de lápide pretiósó. Et.

Lectio viij.

**Q**UID enim ille diceret, nisi quo plenus erat? Et quid illi respondérunt, nisi quo pleni erant? Ille triticum seminávit, sed spinas invénit. Dicébat regi : Non licet tibi habére uxórem fratris tui. ¶ Vincébat enim regem libído : tenébat apud se prohibítam uxórem fratris sui. Sed eum tamen sic libébat, ut non sævíret. Honorábat eum, a quo verum audiébat : sed múlíer detestábilis ódium concipiébat, quod aliquándo dato témpore páreret. Quando autem parturiébat, péperit filiam, filiam saltántem.

**R.** Stola jucunditátis induit eum Dóminus : \* Et coronam pulchritúdinis posuit super caput ejus. **ñ.** Cibávit illum Dóminus pane vitæ et intelléctus : et aqua sapiéntiæ salutáris potávit illum. Et. Glória Patri. Et.

Pro S. Sabina Martyre.

Lectio ix.

**S**ABINA múlíer Romána, Valentíni viri claríssimi uxor, a Seráphia vírgine christiánæ fídei præcéptis institúta, post sanctæ vírginis martyrium colléctas ejus reliquias piis exéquiis sepelívit. Quæ propter eam causam paulo post, Hadriáno

Imperatōre , comprehēsa ,  
Elpídio júdici sūstitur. Cui  
is : Tune illa Sabīna , et  
génere et matrimōnio nobi-  
lissima ? At illa , Sum , in-  
quit : sed Dómino meo Jesu  
Christo grátias ago , qui me ,  
intercessióne Seráphiæ fá-  
mulæ suæ , e dæmonum po-  
testáte liberávit. Quam varíe  
tentátam , ut propósitum  
mutáret , cum a fidei con-  
stántia movére non posset ,  
Præfécus , pronuntiáta sen-  
téntia quod deos contémne-  
ret , cápitis damnávit. Ejus  
corpus a Christiánis in eò-  
dem sepúlchro cōditum  
est , in quo ipsa magistrā  
fidei suæ Seráphiam po-  
súerat. **Te Deum.** 47.

**AD LAUDES ,**

**et per Horas , Añæ.**

1. Heródes enim ténuit , et  
ligávit Joánnem , et pósuit  
in cárcerem propter Hero-  
diadem. **Ps.** Dóminus re-  
gnávit , **cum reliq.** 18.

2. Dómine mi rex , da mi-  
hi in disco caput Joánnis  
Baptistæ.

3. Puéllæ saltánti impe-  
rávit mater : Nihil áliud pe-  
tas , nisi caput Joánnis.

4. Arguébat Heródem Joán-  
nes propter Herodiadem ,  
quam túlerat fratri suo Phi-  
lippo uxórem.

5. Da mihi in disco caput  
Joánnis Baptistæ : et con-  
tristátus est rex propter  
jusjurándum.

**Cap. et Hymnus de Commu-  
nius Mart.** xxxij.

**Ÿ.** Justus ut palma floré-  
bit. **Ŕ.** Sicut cedrus Líbani  
multiplicábitur.

**Ad Benedictus , Añæ.**

Misso Heródes spiculatóre ,  
præcépit amputári caput  
Joánnis in cárcere : quo au-  
díto , discípuli ejus vené-  
runt , et tulérunt corpus  
ejus , et posuérunt illud in  
monuménto.

**Oratio.**

**S**ANCTI Joánnis Baptistæ ,  
Præcursóris et Mátyris  
tui , quæsumus Dómine ,  
veneránda festívitās salutá-  
ris auxilii nobis præstet ef-  
fécum. Qui vivis.

**Pro commem. S. Sabinae.**

**Añæ.** Date ei. **Ÿ.** Diffúsa.

**Oratio.** Deus , qui. 303.

**Ad Horas , Añæ de Laud.**

**Capit. et ŔŔ.** br. de Comm.  
unius Mart. xxxij.

**In ij. Vesp. Añæ de Laud.**  
**Psalmi de Dñica.** 134. et  
loco ultimi , **Psalm.** Crédi-  
di. 138.

**Capit. et Hymn. de Comm.**  
**unius Mart.** xxij.

**Ÿ.** Justus ut palma floré-  
bit. **Ŕ.** Sicut cedrus Líbani  
multiplicábitur.

**Ad Magnificat , Añæ.**

Misit rex incrédulus miní-  
stros detestábiles , et ampu-  
tári jussit caput Joánnis  
Baptistæ.

**Deinde fit commem. seq.**  
**et SS. Martyrum , ut infra.**



## DIE XXX. AUGUSTI.

In Festo S. Rosæ a S.

Mariæ, Virg. Limanæ.

Duplex.

Omnia de Comm. Virg.

xcij. præter sequentia.

Oratio.

**B**ONORUM omnium largitor omnipotens Deus, qui beatam Rosam, cœlestis gratiæ rore præventam, virginitatis et patientiæ decore Indis florêscere voluisti: da nobis famulis tuis; ut in odorem suavitatis ejus currentes, Christi bonus odor effici mereamur. Qui tecum vivit et regnat.

Deinde SS. Felicis et Adal-  
ti Martyrum. Añâ. Istorum  
est. 7. Lætâmini.

Oratio.

**M**AJESTATEM tuam, Dô-  
mine, supplices exo-  
ramus: ut, sicut nos jû-  
giter Sanctorum tuorum  
commemoratione lætificas,  
ita semper supplicatione  
defendas. Per Dôminum.

In j. Nocturno Lectiones  
de Scriptura occurrente.

In secundo Nocturno.

Lectio iv.

**P**RIMUS Américæ Meridio-  
nalis flos sanctitatis vir-  
go Rosa, christiânis parên-  
tibus Limæ progénita, mox  
ab incunâbulis clâruit fu-  
turæ sanctimoniæ indiciis:  
nam vultus infântis mira-  
biliter in rosæ effigiem  
transfigurâtus, huic nómîni

occasionem dedit: cui post-  
ea Virgo Delpara cogno-  
men adjécit, jubens vocari  
deinceps Rosam a sancta  
Mariâ. Quinquennis votum  
perpétuæ virginitatis emi-  
sit. Adultior, ne a parénti-  
bus ad nuptias cogeretur,  
clam sîbimet venustissimam  
câpitis cæsariem præscidit.  
Jeiuniis supra humanum  
modum addicta, integras  
Quadragesimas transégit  
pane abstinens, ac diétim  
solis quinque grânulîs mali  
citrini victitans. **A.** Propter.

Lectio v.

**H**ABITU Tértii Ordinis san-  
cti Dominici assumpto,  
pristinâs vitæ austeritâtes  
duplicâvit: oblôngo asper-  
rimoque cilicio sparsim mi-  
núsculas acus innéxuit: sub  
velo corónam densis aculeis  
introrsus obarmâtam inter-  
diu noctûque gestâvit. San-  
ctæ Catharinæ Senénsis ár-  
dua premens vestigia, ca-  
têna férrea, tríplici nexu  
circumdûcta, lumbos cinxit.  
Lectulum sibi e truncis  
nodosis compósuit, horûm-  
que vâcuas commissûras  
fragmînibus testârum im-  
plévit. Cêllulam sibi angu-  
stissimam struxit in ex-  
trêmo horti ângulo, ubi  
cœlestium contemplationi  
dêdita, crebris disciplînis,  
inédia, vigiliis corpûscu-  
lum extenuans, at spiritu  
vegetâta, larvas dæmonum,

frequénti certamine victrix ,  
impávide protrivit , ac su-  
perávit. *R̃.* Dilexisti.

*Lectio vj.*

**A**GRITUDINUM torméntis ,  
domesticórum insúlti-  
bus , linguárum mórsibus  
dire agitáta , nondum satis  
pro mérito se affligi quere-  
bátur. Per quíndecim annos  
ad plúsculas horas desola-  
tióné spirítus , et ariditáte  
misérime contabéscens ,  
forti ánimo tulit agónes  
omni morte amarióres.  
Exínde cœpit supérnis abun-  
dâre deliciis , illustrâri vi-  
sionibus , colliquéscere se-  
ráphicis ardóribus. Angelo  
tutelâri , sanctæ Catharinæ  
Senénsi , Virgini Deiparæ  
inter assíduas apparitiónes  
mire familiâris , a Christo  
has voces audire méruit :  
Rosa cordis mei , tu mihi  
sponsa esto. Dénique Sponsi  
hujus paradíso feliciter in-  
véc tam , plurimisque ante  
et post óbítum miráculis  
corúscam , Clemens Décí-  
mus Póntifex Máximus san-  
ctârum Virgínium catálogo  
ritu solémni adscripsit.

*R̃.* Afferéntur Regi.

In iij. Noct. Homilia in  
Evang. , Simile erit.... de-  
cem virgínibus. civ.

Pro SS. Martyribus Felice  
et Adaucto. *Lectio ix.*

**F**ELIX , Diocletiano et Ma-  
ximiano Imperatóribus ,  
prepter suscéptam Christi

religiónem comprehénsus ,  
in Serápidis templum addú-  
ctus ést. Cui sacrificâre cum  
juberétur , os simulâcri cón-  
spuit. Quo facto , statim  
ærea státua còrruit. Quod  
cum iterum ac tértio in æde  
Mercúrii Dianæque factum  
esset , impietátis et mágicæ  
artis accusátus , equúleo tor-  
quétur. Mox ad secúndum  
ab Urbe lápidem via Ostién-  
si dúcitur , ut secûri feriré-  
tur. Cui inter viam oblátus  
quidam Christiánus , cum  
Felicem agnóscens ad mar-  
tyrium duci vidéret : Ego  
quoque , clara voce inquit ,  
eâdem qua iste , lege vivo :  
ego eúmdem Jesum Chri-  
stum colo. Itaque Felicem  
osculátus , cum eo secûri  
percútitur , tértio Kaléndas  
Septémbris. Cujus nomen  
cum ignótum esset Christiá-  
nis , is Adáucti nómine no-  
bilitátus est , quod sancto  
Mártýri Felici adáuctus sit  
ad corónam.

Te Deum laudâmus. 17.

In Laud. fit commem. SS.  
Felicis, etc. *Añs.* Vestri ca-  
pilli. *Ÿ.* Exultábunt. *Oratio.*  
Majestátem. 308.

In ij. Vesperis fit a Capi-  
tulo de seq. , com. præc.  
DIE XXXI. AUGUSTI.

In Festo S. Raymundi  
Nonnati , Conf.

Duplex.

Omnia de Comm. Conf.  
non Pont. lxxiij. præter seq.

In Hymn. Iste Confessor,  
mutatur tertius versus.

Oratio.

**D**EUS, qui in liberandis  
fidélibus tuis ab impió-  
rum captivité, beátum  
Raymúndum Confessórem  
tuum miráblem effecísti:  
ejus nobis intercessióne con-  
céde; ut a peccatórum vín-  
culis absolúti, quæ tibi  
sunt plácita liberis ménti-  
bus exequámur. Per Dñm.

Et fit com. S. Rosæ, Virg.

Añã. Veni Sponsa. 7. Diffú-  
sa. Oratio. Bonórum. 308.

In j. Nocturno Lectiones  
de Scriptura occurrente.

In secundo Nocturno.

Lectio iv.

**R**AYMUNDUS, Nonnátus  
cognométo dictus, quia  
præter commúnem natúræ  
legem e mórtuæ matris dis-  
secto látere in lucem edú-  
ctus fuit, Portélli in Cata-  
láunia piis et nobilibus  
paréntibus ortus, ab ipsa  
infántia futúræ sanctitátis  
indícia dedit. Nam puerilia  
oblectaménta, mundique il-  
lécebras réspuens, ita pietáti  
óperam dabat, ut omnes in  
púero adúltam virtútem ad-  
miraréntur. Crescénte vero  
ætáte, litterárum stúdiis in-  
cúbuit: sed mox, jubénte  
patre, vitam ruri agens,  
sacéllum sancti Nicolái, in  
Portélli finibus situm, cre-  
bro adibat, ut sacram Dei-  
paræ imáginem, quæ in eo

summa fidélium veneratione  
étiam nunc cólitur, visitá-  
ret. Ibi effúsus in preces,  
ipsam Dei Paréntem, ut se  
in filium adoptáre viámque  
salútis, ac sciéntiam San-  
ctórum edocére dignarétur,  
enixe deprecabátur.

ñ. Honéstum fecit.

Lectio v.

**N**EC defuit votis ejus beni-  
gníssima Virgo. Ab ipsa  
enim intelléxit, gratíssimum  
sibi fore, si religióne, sub  
título de Mercéde, seu de  
Misericórdia Redemptiónis  
Captivórum, ea suggerénte  
nuper fundátam, ingrederétur.  
Qua monitióne percé-  
pta, Barcinónem statim pro-  
féctus, illud tam præcellén-  
tis erga próximum charitátis  
Institútum ampléxus est.  
Regulári igitur militiæ ad-  
scriptus, virginitátem, quam  
pridem beátæ Vírgini conse-  
cráverat, perpétuo cóluit,  
ceterisque virtútibus enítuit,  
charitáte præsertim erga  
Christiános, qui sub pote-  
státe paganórum míseram  
in captivité vitam degé-  
bant. Hos ut redímeret, in  
Africam missus, cum jam  
multos a servitúte liberás-  
set, ne consúpta pecúnia,  
áliis item in próximo abne-  
gándæ fidei discrimine con-  
stitútis decésset, seípsum pí-  
gnori dedit: sed cum arden-  
tíssimo salútis animárum  
desidério succénsus, plures

Mahometános suis conciónibus ad Christum convérteret, in arctam custódiam a bárbaris conjéctus, variisque suppliciis cruciátus, mox lábiis perforátis, et sera férrea clausis, crudéle martyrium diu sustinuit.

Ŕ. Amávit eum.

*Lectio vj.*

**O**ŕ hęc et ália fórtiter gesta, sanctitátis ejus fama longe latéque diffúsa est. Qua permótus Gregórius Nonus, in amplíssimum sanctę Románę Ecclésię Cardinálium collégium Raymúndum adscrípsit: sed vir Dei in ea dignitáte ab omni pompa abhórrens, religiósę humilitátis tenacíssimus semper fuit. Romam vero pergens, statim ac Cardónam pervénit, extrémó morbo conféctus, Ecclesiásticis Sacraméntis muníri summis précibus postulávit. Cumque morbus ingravésceret, et sacerdos diútius tardáret, Angelórum ministério, sub spécie Religiosórum sui Ordinis apparéntium, salutári Viático reféctus fuit. Quo sumpto, et grátiis Deo peráctis, migrávit ad Dóminum, Domínica última Augústi, anno millésimo ducentésimo quadragésimo. Mórtui corpus, cum circa locum sepultúrę conténtio orta esset, arcę inclúsum, et mulę cęcæ impósitum, ad sacél-

lum sancti Nicolái Dei nutu delátum fuit, ut ibi tumularetur, ubi prima jécerat sanctióriis vitę fundaménta. Illic constrúcto sui Ordinis cœnóbio, a conflúentibus voti causa ex univérsa Cataláunia fidélibus pópulis honorátur, váriis miráculis et signis gloriósus.

Ŕ. Iste homo.

In iij. Noct. Homilia in Evangelium, Sint lumbi. lxxij.

In ij. Vesp. com. S. Ægidii, et SS. duodecim Fratrum Mart.

FESTA SEPTEMBRIS.

Prima die non impedita dicitur Officium Defunct.

DIE I. SEPTEMBRIS.

S. Ægidii, Abbatis.

Añã. Similábo. Ŕ. Amávit.

*Oratio.*

**I**NTERCESSIO nos, quæsumus Dómine, beáti Ægidii Abbátis comméndet: ut, quod nostris méritis non valémus, ejus patrocínio assequámur. Per Dóminum.

Deinde fit com. SS. duodecim Fratrum, Mart. Añã. Istórum. Ŕ. Lætámini.

*Oratio.*

**F**RATERNA nos, Dómine, Mártýrum tuórum corónalætíficet; quæ et fidei nostrę præbeat increménta virtútum, et multiplici nos suffrágio consolétur. Per Dóminum.

## Lectio iij.

**E**GIIDIUS Atheniënsis, régiae stirpis, a prima ætate divinis litteris et charitatis officiis ita deditus fuit, ut nihil præterea curare videretur. Itaque paréntibus mórtuis, totum patrimoniúm in páuperes erogavit: quin étiam tunicam exuit, ut ægrótum egéntem tégeret; qua ille indútus statim conváluit. Sed multis deinceps clárior miráculis, timens sui nóminis celebritátem, Arelátem ad beátum Cæsárium conténdit: a quo post biénnum discédens, secéssit in erémum: ubi diútius herbárum radícibus, et cervæ lacte, quæ statis ad eum horis veniébat, admirabili sanctitáte vixit. Quæ cerva, insequéntibus quodam die cánibus regis, cum in antrum Ægídií refugisset, Gálliae regem impulit, ut ab eo summis précibus péteret, ut in loco spelúncæ monastérium exstrui pateretur. Cujus administratió-nem, flagitánte rege, invítus suscepit: eóque múnere aliquot annis prudénter pié-que gesto, migrávit in cœlum.

Te Deum laudámus. 17.

In Laudibus fit com. SS. duodecim Fratrum Mart. . Ana. Vestri. y. Exultábunt.

Oratio. Fratérna nos. 311.

## DIE II. SEPTEMBRIS.

In Festo S. Stephani, Hungariæ Regis, Conf Semiduplex.

Omnia de Comm. Conf non Pont. lxxij. præter seq.

In Hymno, Iste Confessor, mutatur tertius versus

Oratio.

**C**ONCEDE, quæsumus Ecclésiæ tuæ, omnipotens Deus: ut beátum Stéphanum, Confessórem tuum, quem regnántem in terris propagatórem hábuit, propugnatórem habére mereá-tur gloriósum in cœlis. Per Dóminum.

In j. Nocturno Lectiones de Scriptura occurrente.

In secundo Nocturno

Lectio iv.

**S**TEPHANUS in Hungáriam Christi fidem, et régium nomen invéxit. Régia coróna a Románo Pontífice impetráta, ejúsque jussu in Regem inúctus, regnum Sedi Apostólicæ obtulit. Vária pietátis domicilia Romæ, Jerosólymis, Constantinópoli, in Hungária Archiepiscopátum Strigoniénsem, Episcopátus decem, admirábili religióne, et munificéntia fundávit. Par in páuperes amor, et liberálitás, quos véluti Christum ipsum compléctens, néminem a se móeréntem, ac vácuum unquam dimísit: quin ad eórum inópíam sublevándam, amplis-

simis facultatibus erogatis, domesticam quoque supellilem eximia benignitate frequenter distribuit : suis insuper manibus lavare pauperum pedes, noctu solus et ignotus nosocomia frequentare, decumbentibus inservire, ac cetera charitatis officia exhibere consuevit : quarum virtutum merito illius dextera, resoluta cetero corpore, incorrupta permansit.

¶ Honestum fecit.

#### Lectio v.

**O**RANDI studio noctes pene totas ducebat insomnes, atque in coelestium rerum contemplatione defixus, interdum extra sensus raptus, sublimis in aera ferri visus fuit. Perduellium conspirationes, ac validorum hostium impetus, miro prorsus modo, non semel orationis praesidio evitavit. Susceptum ex Ghisella Bavaria, sancti Henrici Imperatoris sorore, quam sibi matrimonio junxerat, Emericum filium, tanta morum disciplina, talique pietate enutrivit, quantum ejus postea sanctitas declaravit. Regni vero negotia ita disposuit, ut, accitis undique prudentissimis ac sanctissimis viris, nihil unquam sine illorum consilio moliretur. Humillimus interrim precibus in cinere et cilicio Deum deprecans, ut

universum Hungariae regnum, antequam e vita migraret, Catholicum videre mereretur. Vere propter ingens dilatandae fidei studium, illius gentis Apostolus nuncupatus, facta a Romano Pontifice ipsi posterisque Regibus praeferendae Crucis potestate.

¶ Amavit eum.

#### Lectio vj.

**D**EI Genitricem, quam ardentissime venerabatur, amplissimo in ejus honorem constructo templo, Hungariae Patronam instituit : ab eadem vicissim Virgine receptus in coelum ipso suae Assumptionis die, quem Hungari, e sancti Regis instituto, Magnae Dominae diem appellant. Sacrum ejus corpus suavissimo fragrans odore, liquore coelesti scatens, inter multa et varia miracula, Romani Pontificis jussu, nobiliorem in locum translatum est, atque honorificentius conditum. Ejus autem Festum Innocentius Undecimus Pontifex Maximus, quarto Nonas Septembris, ob insignem victoriam ab exercitu Leopoldi Primi Romanorum electi Imperatoris, et Hungariae Regis, eadem die in Budae expugnatione, ope divina, e Turcis reportatam, celebrandum instituit.

¶ Iste homo.



*In tertio Nocturno.*

*Lectio sancti Evangélíi  
secúndum Lucam.*

*Lectio vij. Cap. 19. b*

**I**N illo témpore : Dixit Je-  
sus discipulis suis pará-  
bolam hanc : Homo quidam  
nóbilis ábiit in regiónem lon-  
ginquam accipere sibi re-  
gnum, et revérti. Etréliqua.  
Homília S. Ambrósii Episc.

*Lib. 8. in Lucam.*

**B**ONUS ordo, ut vocatúrus  
gentes, et Judæos jus-  
súrus intérfici, qui noluér-  
unt regnáre supra se Chri-  
stum, hanc præmíttetet  
comparatióem, ne dicerétur :  
Nihil déderat pópulo  
Judæórum, unde póterat  
mélior fieri; ut quid ab eo,  
qui nihil recepit, exígitur?  
Non mediócris ista est mna,  
quam supra mülter evangé-  
lica, quia non invénit, lu-  
cérnam accéndit, lúmine  
quærit admóto, gratulátur  
invéntam.

**R.** Iste est qui ante Deum  
magnas virtútes operátus  
est, et de omni corde suo  
laudávit Dóminum : \* Ipse  
intercédat pro peccátis óm-  
nium populórum. **Y.** Ecce  
homo sine queréla, verus  
Dei cultor, ábstinens se ab  
omni ópere malo, et pérma-  
nens in innocéntia sua.  
Ipse.

*Lectio viij.*

**D**ENIQUE ex una decem  
mnas álius fecit, álius

quinque. Fortásse iste morá-  
lia habet, quia quinque sunt  
córporis sensus : ille duplí-  
cia, id est, mystica legis,  
et morália probitátis. Unde  
et Matthæus quinque talén-  
ta, et duo talénta pósuit.  
In quinque taléntis, ut sint  
morália; in duóbus utrúm-  
que, mysticum atque mo-  
rále. Ita quod número infé-  
rius, re ubérius.

**R.** Sint lumbi vestri præ-  
cincti, et lucérnæ ardéntes  
in mánibus vestris : \* Et  
vos símiles homínibus expe-  
ctántibus dóminum suum  
quando revertátur a núptiis.

**Y.** Vigiláte ergo, quia nesci-  
tis qua hora Dóminus ve-  
ster ventúrus sit. Et vos  
símiles. Glória Patri. Et vos  
símiles.

*Lectio ix.*

**E**T hic póssumus decem  
mnas, decem verba in-  
telligere, id est, legis do-  
ctrínam : quinque autem  
mnas, magistéria disciplí-  
næ. Sed legisperítum in  
ómnibus volo esse perfé-  
ctum. Non enim in sermóne,  
sed in virtúte est regnum  
Dei. Bene autem quia de  
Judæis dicit, duo soli mul-  
tiplicátam pecúniám défe-  
runt : non útique æris, sed  
dispensatiónis usúris. Alia  
est enim pecúniæ foene-  
bris, ália doctrínæ cœléstis  
usúra.

**T**e Deum laudámus. 17.

**DIE V. SEPTEMBRIS.**

**In Festo S. Laurentii Justiniani, Episcopi et Conf. Semiduplex.**

**Omnia de Comm. Conf. Pont. liij. præter sequentia.**

**In Hymn. Iste Confessor, mutatur tertius versus.**

**Oratio.**

**D**A, quæsumus omnipotens Deus : ut beāti Laurentii, Confessoris tui atque Pontificis, veneranda sollemnitas et devotiōnem nobis augeat, et salutē. Per Dñm.

**In j. Nocturno Lectiones de Scriptura occurrente.**

**In secundo Nocturno.**

**Lectio iv.**

**L**AURENTIUS ex illūstri Justinianórum familia Venetiis natus, eximiam vel puer morum gravitatem præ se tulit. Exácta inter pietatis officia adolescētia, ad castum Verbi et animæ connūbium a divína Sapiētia invitatus, de religiósæ vitæ instituto capessēdo deliberāre cœpit. Novæ itaque militiæ clam prolūdē, præter alias cōporis afflictatiōnes, super nudos cubābat asseres, sedēnsque velut arbiter hinc inter sæculi blandimēta, paratāsque a matre nūptias, illinc claustrales inter austeritates, oculis in Christi patientis crucem convērsis: Tu, inquit, es, Dómine, spes mea, ibi posuisti certissimum refu-

gium tuum : ad Canonicórum sancti Geórgii in Alga Congregatiōnem convolāvit: ubi novis excogitatis cruciātibus, ácrius in seípsum, véluti in hostem infensissimum, instaurans bellum, nullam ádeo sibi oblectatiōnem indulgēbat, ut ne in domésticum unquam hortum, nec in patérnam quidem domum (nisi cum moriēti matri extréma pietatis officia siccis óculis persólvit) exinde intrāverit. Par erat obediētiæ, mansuetúdinis, ac præcípue humilitatis stúdiū, cum abjectíssima quæque cœnóbii múnia sibi ultro desūmeret, celebérissima per urbis loca non tam victum quam ludibria emendicāret, illatāsque contumélias ac calūmnias, inmótus ac silens perférret, assíduæ præsertim oratiōnis subsidio, quæ sæpe per mentis excéssum rapiebātur in Deum : tantoque cor ejus æstuābat ardore, ut nutāntes étiam sodales ad perseverántiam, ac Jesu Christi amórem inflammāret. **Ŕ.** Inveni David.

**Lectio v.**

**A**B Eugénio Quarto pátriæ Episcopus designātus, quem magna contentiōne honórem detrectāverat, majóri gessit cum laude. Nam consuéta vivēdi ratiōe nihil ádmodum immutata pau-

pertatem, quam semper coluerat, in mensa, supellicali, ac lecto, perpétuo retinuit. Modicam domi alébat familiam, quod grandem álteram sibi esse diceret, páuperes Christi significans. Quacúmque adirétur hora, præsto ómnibus erat, patérna omnes charitáte allevábat, non rénuens vel ære se aliéno graváre, illórum ne inópiæ deéssent. Rogátus qua spe id fáceret: Dómini mei, qui pro me dissólvere fácte póterit, respondébat. Spem autem non confúndere divína providéntia submissis inopináto subsidiis júgiter declarábat. Plura Virginum monastéria constrúxit, quas étiam ad perfectiórís vitæ ratiónem sua vigilántia compósuit. Matrónis a sæculi pompis, et ornátus vanitáte revocándis, ecclesiásticæ disciplinæ, ac móribus reformándis maximópere stúduit; dignus sane qui ab eódem Eugénio glória, et decus Præsulum coram Cardinálibus vocarétur, et qui a Nicoláo Quinto ejus successóre, transláto e Gradénsi civitaté título, primus Venetiárum Patriárcha renuntiarétur.

R. Pósuí adjutórium.

Lectio vj.

**L**ACRYMARUM dono insignitus, omnipoténti Deo placatiónis hóstiám quotidie

offerébat. Quod cum aliquándo nocte Dóminicæ Nativitátis perágeret, Christum Jesum sub pulchérri in-fántis spécie vidére proméruit: tantúmque in eo erat commissi gregis præsidium, ut cœlitus aliquándo accéptum fúerit, Pontificis sui intercessiône ac méritis stetit Rempúblicam. Prophe-tiæ spíritu afflátus, plura humanæ cognitióni prorsus impérvia prædixit; morbos ac dæmones suis précibus sæpe fugávit; libros étiam, cœléstem doctrinam, ac pietátem spirántes, grammáticæ pene rudis, conscripsit. Dénique cum lethálem incidisset in morbum, et com-modiorem doméstici lectum seni atque ægro pararent, aversátusejúsmodi delicias, tamquam a duríssima moriéntis Dómini sui cruce plus nímio abhorréntes, consuétio in strámine se jussit depóni, et finem vitæ suæ adventáre prænóscens, sublátis in cœlum óculis, Vénio, inquit, ad te, o bone Jesu; ac die octáva Januárii obdormivit in Dómino. Pretiósam ejus mortem testáti sunt angélici concéntus, a Carthusiáns quibúsdam mónachis audíti, et sacrum cadáver per duos ultra menses inhumátum, suávi fragrans odóre, et rubescénte fácie, íntegrum atque incorruptum, ac nova

post mortem patrata miracula : quibus permotus Alexander Octavus Pontifex Maximus, cum Sanctorum numero adscripsit. Innocentius vero Duodecimus quintam Septembris diem, qua vir sanctus ad Pontificiam primo Cathedram fuerat evectus, celebrando illius festo assignavit.

**R.** Iste est qui.

**In iij. Noct. Homilia in Evang. Homo peregre. lxij. DIE VIII SEPTEMBRIS. In Nativit. B. Mariæ Virg.**

**Duplex ij. classis.**

**Ad Vesp. Añæ de Laud. Ps. ut in Festis B. M. cxliv.**

**Capitulum. Eccli 24. b**

**A**B initio, et ante sæcula creata sum, et usque ad futurum sæculum non desinam, et in habitatione sancta coram ipso ministravi.

**Hymn. Ave maris. cxlvj. Y.** Nativitas est hodie sanctæ Mariæ Virginis. **R.** Cujus vita inelyta cunctas illustrat Ecclesias.

**Ad Magnificat. Añæ.**

Gloriosæ Virginis Mariæ ortum dignissimum recolamus, quæ et genitricis dignitatem obtinuit, et virginalem pudicitiam non amisit.

**Oratio.**

**F**AMULIS tuis, quæsumus Dómine, cœlestis gratiæ munus impertire : ut, quibus beatæ Virginis partus extitit salutis exordium, Na-

tivitatis ejus votiva sollemnitas pacis tribuat incrementum. Per Dóminum.

**In fine Hymnorum dicitur per totam Octavam :**

**Jesu, tibi sit glória, Qui natus es de Virgine.**

**Ad Matutinum, Invitat. Nativitatem Virginis Mariæ celebrémus : \* Christum ejus Filium adorémus Dóminum. Ps. Venite. 2.**

**Hymnus, Añæ, Ps. et Y. ut in Festis B. M. cxlvj.**

**In primo Nocturno.**

**Incipiunt Cántica Canticorū.**

**Lectio j. Cap. 1.**

**O**SCULETUR me osculo oris sui : quia meliora sunt úbera tua vino, fragrantia unguentis óptimis. Oleum effusum nomen tuum : ideo adolescentulæ dilexerunt te. Trahe me : post te currémus in odorem unguentorum tuorum. Introduxit me Rex in cellaria sua : exultabimus, et lætabimur in te, memores úberum tuorum super vinum : recti diligunt te. Nigra sum, sed formosa, filiæ Jerúsalem, sicut tabernacula Cedar, sicut pelles Salomónis.

**R.** Hódie nata est beata Virgo Maria ex progénie David :

\* Per quam salus mundi credentibus apparuit, cujus vita gloriosa lucem dedit sæculo. **Y.** Nativitatem beatæ Mariæ Virginis cum gaudio celebrémus. Per.

## Lectio ij.

**N**OLITE me considerare quod fusca sim, quia decoloravit me sol: filii matris meae pugnaverunt contra me, posuerunt me custodem in vineis: vineam meam non custodivi. Indica mihi, quem diligit anima mea, ubi pascas, ubi cubes in meridie, ne vagari incipiam post greges sodalium tuorum. Si ignoras te, o pulcherrima inter mulieres, egrédere, et abi post vestigia gregum, et pasce haedos tuos juxta tabernacula pastorum. Equitatu meo in curribus Pharaonis assimilavi te, amica mea. Pulchrae sunt genae tuae sicut turturis: collum tuum sicut monilia.

**R.** Beatissimae Virginis Mariae Nativitatem devotissime celebramus: \* Ut ipsa pro nobis intercedat ad Dominum Jesum Christum. **V.** Cum jucunditate Nativitatem beatae Mariae Virginis devotissime celebramus. Ut.

## Lectio iij.

**M**URENULAS aureas faciemus tibi, vermiculatas argento. Dum esset Rex in accubitu suo, nardus mea dedit odorem suum. Fasciculus myrrhae dilectus meus mihi, inter ubera mea commorabitur. Botrus Cypri dilectus meus mihi, in vineis Engaddi. Ecce tu pulchra

es, amica mea, ecce tu pulchra es, oculi tui columbarum. Ecce tu pulcher es, dilecte mi, et decorus. Lectulus noster floridus: tigna domorum nostrarum cedrina, laquearia nostra cyprissina.

**R.** Gloriosae Virginis Mariae ortum dignissimum recolamus, \* Cujus Dominus humilitatem respexit, quae, Angelo nuntiante, concepit Salvatorem mundi. **V.** Beatissimae Virginis Mariae Nativitatem devotissime celebramus. Cujus. **Gloria Patri. Cujus.**

## In secundo Nocturno.

Sermo sancti Augustini  
Episcopi.

## Lectio iv.

*Serm. 18. de Sanctis, qui est  
2. de Annunt. Dominica.*

**A**DEST nobis, dilectissimi, optatus dies beatæ ac venerabilis semper Virginis Mariæ: ideo cum summa exultatione gaudeat terra nostra, tantæ Virginis illustrata natali. Hæc est enim flos campi, de qua ortum est pretiosum lilium convallium, per cujus partum mutatur natura protoplastorum, delétur et culpa. Præcisum est in ea illud Hevæ infelicitatis elógium, quo dicitur: In dolore paries filios tuos, quia ista in lætitia Dominum péperit.

**R.** Nativitas gloriósæ Virgini-  
nis Mariæ ex sémine Abra-  
hæ, ortæ de tribu Juda,  
clara ex stirpe David, \*  
Cujus vita inelyta cunctas  
illustrat Ecclésiās. **V.** Hódie  
nata est beáta Virgo Mariá  
ex progénie David. Cujus.

**Lectio v.**

**H** EVA enim luxit, ista  
exultávit : Heva lácry-  
mas, Mariá gáudium in ven-  
tre portávit : quia illa pec-  
catórem, ista édedit inno-  
céntem. Mater géneris nostri  
pœnam intulit mundo, Gé-  
nitrix Dómini nostri salú-  
tem intulit mundo. Auc-  
trix peccáti Heva, auc-  
trix mériti Mariá. Heva occidéndo ób-  
fuit, Mariá vivificándo pró-  
fuit. Illa percússit, ista sa-  
návit. Pro inobediéntia  
enim obediéntia commutá-  
tur, fides pro perfidia com-  
pensátur.

**R.** Cum jucunditáte Nati-  
vitátem beátæ Mariæ cele-  
brémus : \* Ut ipsa pro no-  
bis intercédât ad Dóminum  
Jesum Christum. **V.** Corde  
et ánimo Christo canámus  
glóriam in hac sacra so-  
lemnitáte præcélsæ Geni-  
tricis Dei Mariæ. Ut ipsa.

**Lectio vj.**

**P** LAUDAT nunc órganis Ma-  
ría, et inter velóces ar-  
tículos tympana puérperæ  
cóncrepent. Cónceinant læ-  
tantes chori, et alternánti-  
bus módulis dulcisona cár-

mina misceántur. Audíte  
ígitur quemádmódum tym-  
panístria nostra cantáverit.  
Ait enim : Magnificat ánima  
mea Dóminum : et exultávit  
spíritus meus in Deo salu-  
tári meo. Quia respéxit hu-  
militátem ancillæ suæ : ecce  
enim ex hoc beátam me di-  
cent omnes generatiónes.  
Quia fecit mihi magna qui  
potens est. Causam ígitur  
invalescéntis erráti mirá-  
culum novi partus evicit,  
et Hevæ planctum Mariæ  
cantus exclúsit.

**R.** Nativitas tua, Dei Gén-  
itrix Virgo, gáudium annun-  
tiávit univérso mundo : \* Ex  
te enim ortus est sol justí-  
tiæ, Christus Deus noster : \*  
Qui solvens maledictiόνem,  
dedit benedictiόνem : et con-  
fúndens mortem, donávit no-  
bis vitam sempitérnam. **V.**  
Benedicta tu in muliéribus,  
et benedictus fructus ventris  
tui. Ex. Glória Patri. Qui.

**In tertio Nocturno.**

**L.**ectio sancti Evangélíi  
secúndum Matthæum.

**Lectio vij. Cap. 1.**

**L** IBER generatiónis Jesu  
Christi filii David, filii  
Abraham. Abraham genuit  
Isaac. Isaac autem genuit  
Jacob. Et reliqua.

Homília sancti Hierónymi  
Presbyteri.

*Lib. 1. Comm. in Matth.*

**I** N Isaíá légimus : Genera-  
tióem ejus quis enarrá-



bit? Non ergo putémus Evangelistam Prophétæ esse contrárium, ut, quod ille impossibile dixit effátu, hic narráre incípiat : quia ibi de generatióne divinitátis, hic de incarnatióne est dictum. A carnálibus autem cœpit, ut per hóminem, Deum díscere incipiámus. Filii David, filii Abraham. Ordo præpósterus, sed necessário commutátus. Si enim primum posuísset Abraham, et póstea David, rursus ei repeténdus fúerat Abraham, ut generatiónis séries texerétur.

**R.** Beátam meditent omnes generatiónes : \* Quia fecit mihi Dóminus magna qui potens est, et sanctum nomen ejus. †. Et misericórdia ejus a progénie in progénies timéntibus eum. Quia. **Bened.** Cujus festum cólimus, ipsa Virgo virginum.

### Lectio viij.

**I**DEO autem céteris prætermíssis, horum filium nuncupávit, quia ad hos tantum facta est de Christo repromissio. Ad Abraham : In sémine, inquit, tuo benedicéntur omnes gentes, quod est Christus. Ad David : De fructu ventris tui ponam super sedem tuam. Judas autem genuit Phares et Zaram de Thamar. †. Notándum, in genealogía Salvatóris nullam sanctárum as-

súmi mulierum, sed eas, quas Scriptúra reprehéndit : ut qui propter peccatóres vénerat, de peccatóribus nascens, ómnium peccáta deléret. Unde et in consequéntibus Ruth Moabitis pónitur, et Bethsabée uxor Uriæ.

**R.** Felix namque es, sacra Virgo María, et omni laude digníssima : \* Quia ex te ortus est sol justitiæ, \* Christus Deus noster. †. Ora pro pópulo, intérvieni pro clero, intercède pro devóto femineo sexu : sentiant omnes tuum juvâmen, quicúmque célebrant tuam sanctam Nativitátem. Quia. Glória Patri. Christus.

**Pro S. Adriano Martyre.**

### Lectio ix.

**A**DRIANUS, jussu Maximiani Imperatóris, apud Nicomédiâ persequens Christiános, cum sæpius eórum in fidei confessióne et tormentórum perpessióne constantiam demirátus esset, veheménter ea re commótus, ad Christum sese convértit. Quámobrem cum áliis viginti tribus Christiánis conjéctus est in cárcerem : ubi eum visitans Natália uxor, quæ et ipsa ántea in Christum crediderat, ad martyrium incéndit. Itaque e custódia edúctus, tándiu flagéllis cæsus est, donec intestína difflúerent. Postrémo fractis crúribus, máni-

bus pedibúsq; præcisis,  
una cum multis aliis mar-  
tyrii certámen feliciter ab-  
solvit.

Te Deum laudámus. 17.

AD LAUDES,

et per Horas, *Añæ.*

1. Nativitas gloriósæ \* Vir-  
ginis Mariæ, ex sémíne  
Abrahæ, ortæ de tribu Juda,  
clara ex stirpe David. *Ps.*  
*Dóminus regnávít, cum*  
*reliq. 18.*

2. Nativitas est hódie san-  
ctæ Mariæ Virginis, cujus  
vita ínclýta cunctas illústrat  
Ecclésiás.

3. Regáli ex progénie \*  
María exórta refúlgét : cu-  
jus précibus nos adjuvári  
mente et spiritu devotíssi-  
me póscimus.

4. Corde et ánimo \* Christo  
canámus glóriam, in hac  
sacra solemnitáte præcélsæ  
Genitricis Dei Mariæ.

5. Cum jucunditáte \* Nati-  
vitátem beátæ Mariæ cele-  
brémus, ut ipsa pro nobis  
intercédat ad Dóminum Je-  
sum Christum.

*Capitulum. Eccli 24. b*

**A**B initio, et ante sæcula  
creáta sum, et usque ad  
futúrum sæculum non dési-  
nam, et in habitatióne san-  
cta coram ipso ministrávi.

*Hymnus.*

**O** gloriósa vírginum,  
Sublímis inter sídera,  
Qui te creávit, párvulum  
Lacténte nutris úbere.

AUTUMNALIS.

Quod Heva tristis ábstulit,  
Tu reddis almo gérmíne :  
Intrent ut astra flébiles,  
Cœli reclúdis cárdines.

Tu Regis alti jánuá,  
Et aula lucis fúlgida :  
Vitam datam per Vírginem  
Gentes redémp-tæ pláudite.  
Jesu, tibi sit glória,  
Qui natus es de Vírgine,  
Cum Patre, et almo Spírítu,  
In sempitérna sæcula.

Amen.

*ŷ.* Nativitas est hódie san-  
ctæ Mariæ Virginis. *R.* Cu-  
jus vita ínclýta cunctas  
illústrat Ecclésiás.

*Ad Benedictus, Añæ.*

Nativitátem hodiérnam \*  
perpétuæ Virginis Genitrí-  
cis Dei Mariæ solémniter  
celebrémus, qua celsitúdo  
throni procéssit, allelúia.

*Oratio.*

**F**AMULIS tuis, quæsumus  
Dómine, cœléstis grátiae  
munus impertíre : ut, qui-  
bus beátæ Virginis partus  
éxstitit salútis exórdium,  
Nativitátis ejus votíva so-  
lémnitas, pacis tríbuat ín-  
creméntum. Per Dóminum.

*Deinde fit com, S. Adriani  
Mart., hoc loco tantum. Añæ.*

Qui odit. *ŷ.* Justus.

*Oratio.*

**P**RÆSTA, quæsumus omní-  
potens Deus : ut, qui beáti  
Adriáni Mártýris tui natalí-  
tia cólimus, intercessióne  
ejus, in tui nóminis amóre  
roborémur. Per Dóminum.

Ad Primam in R̃. br. Ṽ.  
Qui natus es de Maria Vir-  
gine. Et dicitur per tot.  
Oct. etiam in Festis.

Ad Tertiam, Añā.

Nativitas est hodie.

Capit. Ab initio, supra.

R̃. br. Spécie tua, \* Et  
pulchritudine tua. Spécie.

Ṽ. Inténde, prospere pro-  
céde, et regna. Et. Glória  
Patri. Spécie. Ṽ. Adjuvabit  
eam Deus vultu suo. R̃.  
Deus in médio ejus, non  
commovébitur.

Ad Sextam, Añā.

Regáli ex progénie.

Capitulum. Eccli. 24. b

**E**T sic in Sion firmata sum,  
et in civitate sanctificata  
similiter requievi, et in Je-  
rusalem potestas mea. Et  
radicavi in populo honorifi-  
cato, et in parte Dei mei he-  
reditas illius, et in plenitu-  
dine sanctorum detentio mea.

R̃. br. Adjuvabit eam \*

Deus vultu suo. Adjuvabit.

Ṽ. Deus in médio ejus, non

commovébitur. Deus. Gló-  
ria Patri. Adjuvabit. Ṽ.

Elégit eam Deus, et præe-  
légit eam. R̃. In taberná-  
culo suo habitare facit eam.

Ad Nonam, Añā.

Cum jucunditate.

Capitulum. Eccli. 24. b

**I**N platéis, sicut cinnamó-  
mum, et balsamum aro-  
matizans odorem dedi: qua-  
si myrrha electa dedi suavi-  
tatem odoris.

R̃. br. Elégit eam Deus, \*

Et præelégit eam. Elégit.

Ṽ. In tabernáculo suo habi-  
tare facit eam. Et. Glória  
Patri. Elégit. Ṽ. Diffusa est  
gratia in labiis tuis. R̃.  
Propterea benedixit te Deus  
in ætérnum.

In ij. Vesp. Añæ et Capit.

de Laud. Psalmi ut in Festis

B. Mariæ. cxliv.

Hymn. Ave maris. cxlvj.

Ṽ. Nativitas est hodie sanctæ

Mariæ Virginis. R̃. Cujus

vita incluta cunctas illú-  
strat Ecclesiās.

Ad Magnificat, Añā.

Nativitas tua, \* Dei Génitrix

Virgo, gáudium annuntiávit

univérso mundo: ex te enim

ortus est sol justitiæ, Chri-  
stus Deus noster: qui sol-  
vens maledictionem, dedit  
benedictionem, et confun-  
dens mortem, donávit no-  
bis vitam sempitérnam.

Et sit com. S. Gorgonii,

Mart., Añā. Iste Sanctus.

Ṽ. Glória.

Oratio.

**S**ANCTUS tuus, Dómine,

Gorgónius sua nos inter-  
cessióne lætificet: et pia  
fáciat solemnitate gaudere.  
Per Dóminum.

DOMINICA

INFRA OCT. NATIVIT. B. M. V.

Officium de SS. Nominis

B. M. V.

Duplex majus.

¶ Si dies immediate se-

quens post Festum Nativ. sit

**Dñica, Vesp. dicuntur integræ de Nativ. sine com. Festi Nominis : si autem Festum Nominis incidat in diē Oct. Nativit. faciendum est Officium de Nomine B. Mariæ absque commem. Oct. Omnia ut in Festis B. M. cxliv. præter seq.**

**Ad Magnificat. Aññ.**

Sancta Mariá, succurre miseris, juva pusillánimes, réfove flébiles, ora pro pópulo, intérvieni pro clero, intercède pro devóto femíneo sexu : séntiant omnes tuum juvámen, quicúmque célebrant tui sancti Nóminis commemoratiónem.

**Oratio.**

**C**ONCEDE, quæsumus omnípotens Deus : ut fídeles tui, qui sub sanctíssimæ Virginis Mariæ Nómine et protectióne lætántur, ejus pia intercessióne, a cunctis malis liberéntur in terris, et ad gáudia ætérna pervenire mereántur in cœlis. Per Dóminum.

**Deinde fit com. Dñicæ.**

**In j. Nocturno Lectiones,**

**Ego sapiéntia. cxlix.**

**In secundo Nocturno.**

**Sermo S. Bernárdi Abbátis.**

**Lectio iv.**

**Ex Hom. 2. super Missus.**

**E**T nomen, inquit, Virgínis Mariá. Loquámur pauca et super hoc nómine, quod interpretátum maris stella dicitur, et Matri vír-

gini valde conveniénter aptátur. Ipsa namque aptíssime sideri comparátur ; quia sicut sine sui corruptióne sidus suum emíttit rádium, sic absque sui læsióne Virgo parturivit Fílium. Nec sideri rádium suam mínuit claritátem, nec Virgini Fílius suam integritátem. Ipsa est igitur nóbilis illa stella ex Jacob orta, cujus rádium univérsum orbem illúminat : cujus splendor et præfulget in supérnis, et inferos pénetrat, terras étiam perlústrans, et calefaciens magis mentes, quam corpóra, fovet virtútes, excoquit vitia. Ipsa, inquam, est præclára, et exímia stella super hoc mare magnum et spatiósum necessáριο subleváta, micans méritis, illústrans exémpilis.

**R.** Sicut cedrus exaltáta sum in Líbano, et sicut cypréssus in monte Sion : quasi myrrhá elécta \* Dedi suavitátem odóris. **V.** Et sicut cinnamómum et bálsamum aromatizans. Dedi.

**Lectio v.**

**O** quisquis te intélligis in hujus sæculi proflúvio magis inter procéllas et tempestátes fluctuáre, quam per terram ambuláre, ne avértas óculos a fulgóre hujus sideris, si non vis óbrui procéllis. Si insúrgant venti tentatiónum, si incúrras scópu-

los tribulatiónum , réspice stellam , voca Mariám . Si jactáris supérbiæ uadis , si ambitiónis , si detractiónis , si æmulatiónis , réspice stellam , voca Mariám . Si iracúndia , aut avaritia , aut carnis illécebra navículam concússerit mentis , réspice ad Mariám . Si criminum immanitáte turbátus , consciéntiæ fœditáte confúsus , judicii horróre pertérritus , báráthro incípias absorbéri tristítiæ , desperatiónis abyssó , cógita Mariám .

℟. Quæ est ista , quæ processit sicut sol , et formósa tamquam Jerúsalem ? \* Vidérunt eam filiæ Sion , et beátam dixerunt , et Reginæ laudavérunt eam . ℣. Et sicut dies verni circúmdabant eam flores rosárum , et lília convállium . Vidérunt .

### Lectio vj.

**I**N periculis , in angústiis , in rebus dubiis Mariám cógita , Mariám invoca . Non recédât ab ore , non recédât a corde : et , ut impetres ejus oratiónis suffrágium , non déseras conversatiónis exéplum . Ipsam sequens non dévias , ipsam rogans non despéras , ipsam cógitans non erras , ipsa tenénte non córruis , ipsa protegénte non métuis , ipsa duce non fatigáris , ipsa propítia pervednis : et sic in temetípso experíris , quam mérito dictum

sit : Et nomen Vírginis Mariæ . Quod quidem venerábile Nomen , jam pridem in quibúsdam christiáni orbis pártibus speciáli ritu cultum , Innocéntius Undécimus Románus Póntifex , ob insígnem victóriam sub ejúsdem Vírginis Mariæ præsidio de immaníssimo Turcárum tyránno , cervícibus pópuli christiáni insultánte , Viénnæ in Austria partam , et in perénne tanti beneficii monuméntum , in Ecclésia universáli singulis annis Dominica infra Octávam Nativitátis beátæ Vírginis Mariæ celebrári præcépit .

℟. Ornátam monilibus filiam Jerúsalem Dóminus concupívit : \* Et vidéntes eam filiæ Sion , beatíssimam prædicavérunt , dicéntes : \* Unguéntum effúsum nomen tuum . ℣. Astitit Regina a dextris tuis in vestítu deauráto , circúmdata varietáte . Et . Glória Patri . Unguéntum .

### In tertio Nocturno.

Lectio sancti Evangélíi  
secúndum Lucam.

### Lectio vij. Cap. 1. c

**I**N illo témpore : Missus est Angelus Gábriel a Deo in civitátem Galilææ , cui nomen Názareth , ad Vírginem desponsátam viro , cui nomen erat Joseph , de domo David , et nomen Vírginis Mariæ . Et réliqua .



Homilla sancti Petri  
Chrysólogi.

*Serm. 142. de Annunt.*

**A**UDISTIS hódie, fratres  
charíssimi, Angelum  
cum muliere de hóminis re-  
paratióne tractántem. Audí-  
stis agi, ut homo cúrsibus  
eísdem, quibus dilápsus  
fúerat ad mortem, redíret  
ad vitam. Agit, agit cum Ma-  
ría Angelus de salúte: quia  
cum Heva ángelus égerat  
de ruína. Audístis Ange-  
lum de carnis nostræ limo  
templum divínæ majestátis  
arte ineffábili construéntem.  
Audistis in terris Deum, in  
cœlis hóminem sacramén-  
to incomprehensibili collo-  
cári. Audistis inaudita ratió-  
ne in uno córpore Deum ho-  
minémque miscéri. Audístis  
frágilem nostræ carnis natú-  
ram ad portándam totam  
Deitátis glóriam, angélica  
exhortatióne roborári.

**℟.** Felix namque es, sacra  
Virgo María, et omni laude  
digníssima: \* Quia ex te  
ortus est sol justitiæ, Chri-  
stus Deus noster. **℣.** Ora pro  
pópulo, intérvieni pro clero,  
interecede pro devóto femí-  
neo sexu: séntiant omnes  
tuum juvámen, quicúmque  
celebrant tui sancti Nóminis  
commemoriatióem. Quia.

*Lectio viij.*

**D**ENIQUE, ne tanto pón-  
deri cœléstis fábricae in Ma-  
ría subtilis nostri córporis

aréna succumberet, et in  
Virgine totíus géneris hu-  
máni portatúra fructum, vir-  
ga ténuis frangerétur, fuga-  
túra metum vox Angeli mox  
præcéssit, dicens: Ne tí-  
meas, María. Ante causam dí-  
gnitas Vírginis annuntiátur  
ex nómine: nam María he-  
bræo sermóne, latíne Dómi-  
na nuncupátur. Vocat ergo  
Angelus Dóminam, ut Dómi-  
natóris Genitricem trepidá-  
tio déserat servitútis, quam  
nasci et vocári Dóminam ip-  
sa sui gérminis fecit et impe-  
trávit auctoritas. Ne tímeas,  
María, invenisti enim grá-  
tiam. Verum est, quia qui  
invénit grátiám, nescit tí-  
mére: invenisti grátiám.  
**℟.** Beátam me dicent omnes  
generatióes: \* Quia fecit  
mihi Dóminus magna qui  
potens est, et sanctum nomen  
ejus. **℣.** Et misericórdia  
ejus a progénie in progénies  
timéntibus eum. Quia. Gló-  
ria Patri. Quia.

*Lectio ix. de Homilia Do-  
minicæ occurr.*

Si autem idem Offic. juxta  
Rubricas Brev. Rom. transfe-  
rendum sit, Lectio ix. sum-  
mo anno, ex Officio B. M. V.  
in Sabbato mense Sept. clix.

In Laud. et in ij. Vesp.  
fit commem. Dñicæ.

**DIE IX. SEPTEMBRIS.**

ij. infra Oct. Nativit. B. M.

In j. Nocturno Lectiones  
de Scriptura occurrente.



## In secundo Nocturno.

De Sermóne S. Augustíni  
Episcopi.

## Lectio iv.

## Serm 18. de SS. in med.

**E**XULTAT María, et matrem se læta miratur, et de Spíritu sancto se peperisse gaudet; nec quia péperit innupta, terrétur: sed quia genuerit, cum exultatione miratur. O fémina super féminas beaedicta, quæ virum omnino non novit, et virum suo útero circumdedit! Circumdat virum María, Angelo fidem dando, quia Heva pédidit virum, serpénti consentiéndo. O felix obediéntia, o insígnis grátia! quæ dum fidem humiliter dedit, cœli in se opíficem corporávit! Hinc promérui glóriam, quam ipsa póstmódum hausit. Ecce, ait, ex hoc beátam me dicent omnes generatiónes.

¶ Nativitas gloriósæ Virginis Mariæ ex sémine Abrahæ, ortæ de tribu Juda, clara ex stirpe David, \* Cujus vita inclyta cunctas illústrat Ecclésiās. † Hódie nata est beáta Virgo María ex progénie David. Cujus.

## Lectio v.

**O** beáta María, quis tibi digne váleat jura gratiarum, ac laudum præcónia repéndere, quæ singulári tuo assénsu mundo succurrísti pérdito? Quas tibi laudes

fragilitas húmáni géneris persólvat, quæ solo tuo com-mércio recuperándi áditum invénit? Accipe itaque quas-cúmque exíles, quascúmque méritis tuis impares gratiarum actiões: et cum suscepis vota, culpas nostras orándo excúsa. Admítte nostras preces intra sacrárium exauditiónis, et repórta nobis antidotum reconciliatiónis.

¶ Cum jucunditáte Nativitatem beátæ Mariæ celebrémus: \* Ut ipsa pro nobis intercédât ad Dóminum Jesum Christum. † Corde et ánimo Christo canámus glóriam in hac sacra solemnitáte præcélsæ Genitrícis Dei Mariæ. Ut.

## Lectio vj.

**S**IT per te excusábile, quod per te ingérimus: fiat impetrábile, quod fida mente póscimus. Accipe quod offérimus, redóna quod rogámus, excúsa quod timémus: quia tu es spes única peccatórum. Per te sperá-mus véniam delictórum, et in te, beatíssima nostrórum est expectatió præmiórum. Sancta María, succúrre míseris, juva pusillánimes, réfove flébiles, ora pro pópulo, intérvieni pro clero, intercède pro devóto femíneo sexu: sentiant omnes tuum juvámén, quicúmque célebrant tuam sanctam Nativitatem.

**R.** Nativitas tua, Dei Génitrix Virgo, gáudium annuntiávit univérso mundo :

\* Ex te enim ortus est sol justitiæ, Christus Deus noster : \* Qui solvens maledictiónem, dedit benedictiónem, et confúndens mortem, donávit nobis vitam sempitérnam. **V.** Benedicta tu in muliéribus, et benedictus fructus ventris tui. Ex. Glória Patri. Qui.

*In tertio Nocturno.*

**L**ectio sancti Evangélii secúndum Matthæum.

*Lectio vij. Cap. 1.*

**L**IBER generatiónis Jesu Christi filii David, filii Abraham. Abraham génuit Isaac. Isaac autem génuit Jacob. Et réliqua.

De Homilia S. Hierónymi Presbyteri.

*Lib. 1. Com. in Matth.*

**J**ACOB autem génuit Joseph. Hunc locum objécit nobis Juliánus Augústus de dissonántia Evangelistárū, cur Evangelista Matthæus Joseph dixerit filium Jacob, et Lucas eum filium appellárit Heli : non intélligens consuetúdinem Scripturárum, quod alter secúndum natúram, alter secúndum legem ei pater sit. Scimus enim hoc per Moysen, Deo jubén-te, præcéptum, ut si frater, aut propínquus absque liberis mórtuus fúerit, álius accípiat uxórem ad

suscitándum semen fratris, vel propínqui sui. Joseph virum Mariæ. Cum virum audieris, suspicio tibi non súb-  
beat nuptiárum : sed recordáre consuetúdinis Scripturárum, quod sponsi viri, et sponsæ vocéntur uxóres.

**R.** Beátam me dicent omnes generatiónes : \* Quia fecit mihi Dóminus magna qui potens est, et sanctum nomen ejus. **V.** Et misericórdia ejus a progénie in progénies timéntibus eum. Quia.

*Lectio viij.*

**E**T a transmigratióne Babilónis usque ad Christum generatiónes quatuórdecim. Númera a Jechonía usque ad Joseph, et invénies generatiónes trédecim. Quartadécima ergo generatio in ipsum Christum reputábitur. Christi autem generatio sicerat. Quærat diligens lector, et dicat : Cum Joseph non sit pater Dómini Salvatóris, quid pértinet ad Dóminum generatiónis ordo dedúctus usque ad Joseph? Cui respondébimus primum, non esse consuetúdinis Scripturárum, ut mulierum in generatió nibus ordo texátur : deínde, ex una tribu fuisse Joseph et Mariam, unde ex lege eam accipere cogebátur ut propínquam : et quod simul censéntur in Bétlehem, ut de una videlicet stirpe generáti.

**ñ.** Felix namque es, sacra Virgo María, et omni laude dignissima : \* Quia ex te ortus est sol justitiæ, \* Christus Deus noster. † Ora pro pópulo, intérvieni pro clero, intercède pro devóto femíneo sexu : séntiant omnes tuum juvámen, quicúmque célebrant tuam sanctam Nativitátem. Quia. **Glória Patri. Christus.**

**Pro S. Gorgonio, Mart.**

**Lectio ix.**

**G**ORGONIUS, Nicomediæ natus, Diocletiáni Imperatóris cubiculárius, Dorótheo colléga suo adjutore, reliquos omnes cubiculi ministros ad Christi fidem perduxit. Utérque autem cum vidisset quodam die mártirem coram Diocletiáno acerbissime cruciári, ejus exémplo martyrii amóre incénsus est. Itaque ambórum hæc vox erúpít : Quid est, Imperátor, quod hujus condemnáta senténtia, quæ nobis cum eo commúnis est, unum illum punis? Istius nostra étiam est fides, idem propósitum. Eos igitur vinctos Imperátor flagéllis concídi jubet, ita ut toto corpore cutis dirumperétur, et in plagas acétum infúndi sale permixtum : mox revinctis in craticula súbjici imperat vim candéntium carbónum. Denique várie torti, suspéndio necáti sunt. Ac sancti Gor-

gónii corpus aliquándo Romam portátum, inter duas lauros via Latína sepúltum, póstea a Gregório Quarto Summo Pontífice in Basílicam Principis Apostolórum translátum est.

**Te Deum laudámus. 17.**

**In Laud. fit com. S. Gorgonii, Mart., Aña.** Qui odit. **ñ.** Justus. **Oratio. Sanctus. 322.**

**Vesperæ de S. Nicolao, com. Oct. Nativ. B. M.**

**DIE X. SEPTEMBRIS.**

**In Festo S. Nicolai de Tolentino, Conf. Duplex.**

**Omnia de Communi Conf. non Pont. lxxij. præter seq.**

**Oratio.**

**A**DESTO, Dómine, supplicatióibus nostris, quas in beáti Nicolái Confessóris tui solemnitate deférimus : ut, qui nostræ justitiæ fidúciám non habémus, ejus, qui tibi plácuít, précibus adjuvémur. Per Dóminum.

**Deinde fit commem. Oct. Nativitatis B. Mariæ, ut in ij. Vesperis Festi. 322.**

**In j. Nocturno Lectiones de Scriptura occurrente.**

**In secundo Nocturno.**

**Lectio iv.**

**N**ICOLAUS, Tolentinas a diutúrno illius civitátis domicilio appellátus, in ópido sancti Angeli in Picéno est natus piis paréntibus : qui liberórum desidério Bárium voti causa profécti ibi-

que a sancto Nicoláo de futura prole confirmáti, quem suscepérunt filium, de illius nómine appellárunt. Is ab infántia multárum virtútum, sed abstinéntiæ in primis spécimen dedit. Nam anno vix séptimo, beátum ipsum Nicoláum imitátus, complúres hebdomadæ dies jejúnare cœpit, eámque póstea consuetúdinem retínuit, solo pane et aqua conténtus.

¶. Honéstum fecit.

*Lectio v.*

**A**DULTA ætáte jam clericáli militiæ adscriptus, et Canónicus factus, cum quodam die concionatórem Ordinis Eremitárum sancti Augustíni, de mundi contéptu dicéntem audísset, eo sermóne inflammátus, statim eúmdem Ordinem est ingræssus. In quo tam exactam religiósæ vitæ ratió-nem coluit, ut áspero vestitu, verbéribus, et férrea caténa corpus domans, atque a carne, et omni fere obsónio abstínens, charitáte, humilitáte, patiéntia, ceterisque virtútibus, áliis prælucéret.

¶. Amávit eum.

*Lectio vj.*

**O**RANDI assíduum stúdi-um, quamvis sátanæ insídiis várie vexátus, et flagéllis intérdum cæsus, non intermíttebat. Denum sex ante óbitum ménsibus singulis nóctibus angélicum concén-

tum audívit : cujus suavitáte, cum jam paradísi gáudia prægustáret, crebro illud Apóstoli repetébat : Cúpio dissólvi, et esse cum Christo. Dénique óbitus sui diem frátribus prædixit, qui fuit quarto Idus Septémbris. Miráculis multis étiam post mortem eláruit; quibus rite et órdine cógnotis, ab Eugénio Papa Quarto in Sanctórum número est relátus.

¶. Iste homo perfécit.

In iij. Noct. Homilia in Evang. Nolite timére, de Comm. ij. loco. lxxxviij.

In Laud. fit com. Oct. Nativ. B. Mariæ, ut 321.

In ij. Vesp. fit commém. Oct. Nativ. B. M. 322.

Postea SS. Proti, et Hyacinthi, Mart. Añs. Istórum est. ¶. Lætámini.

*Oratio.*

**B**EATORUM Mártýrum tuórum Proti et Hyacinthi nos, Dómine, fóveat pretiósá conféssio : et pia júgiter intercéssio tueátur. Per Dóminum.

DIE XI. SEPTEMBRIS.

iv. infra Oct. Nativ.

B. Mariæ.

In j. Nocturno Lectiones de Scriptura occurrente.

In secundo Nocturno.

Sermo S. Bernárdi Abbátis.

*Lectio iv.*

Serm. in cap. 12. Apoc.

**N**OVUM fecit Dóminus super terram, ut múlter cir-

cūmdaret virum, nec aliū  
quam Christum, de quo dicitur:  
Ecce vir, Oriens nomen  
ejus. Novum quoque fecit in  
cœlo, ut mulier sole appareret  
amicta. Dénique et coronavit  
eum, et vicissim ab eo méruit  
coronari. Egredimini, filiæ Sion,  
et videte regem Sølomónem in  
diadémate, quo coronavit  
eum mater sua. Verum hoc  
alias. Interim sane ingredimini  
magis, et videte Reginam in  
diadémate, quo coronavit eam  
Filius suus. In cápite, inquit,  
ejus coróna stellárum duódecim.

¶ Nativitas gloriósæ Virgini  
Mariæ ex sémine Abrahæ,  
ortæ de tribu Juda, clara ex  
stirpe David, \* Cujus vita inelyta  
cunctas illústrat Ecclésias. † Hódie  
nata est beáta Virgo María ex  
progénie David. Cujus.

*Lectio v.*

**D**IGNUM plane stellis coronari  
caput, quod et ipsis longe  
clárius micans, ornet eas  
pótius, quam ornétur ab eis.  
Quidni corónent sídera,  
quam sol vestit? Sicut dies  
vernī circūmdabant eam flores  
rosárum et lília convál-  
lium. Nimirum læva sponsi  
sub cápite ejus, et jam dextera  
illius amplexátur eam. Quis  
illas æstimet gemmas? quis  
stellas nóminet, quibus Mariæ  
régium diadéma compactum  
est?

¶ Cum jucunditáte Nativitatem  
beátæ Mariæ celebrémus : \* Ut ipsa  
pro nobis intercédat ad Dóminum  
Jesum Christum. † Corde et ánimo  
Christo canámus glóriam in hac  
sacra solemnitate præcélsæ Genitricis  
Dei Mariæ. Ut.

*Lectio vj.*

**Q**UID ergo sidereum micat  
in generatióne Mariæ? Plane  
quod ex régibus orta, quod ex  
sémine Abrahæ, quod generósa  
ex stirpe David. Si id parum  
vidétur, adde, quod generatióni  
illi ob singuláre privilégiū sanctitatis  
divínitus nóscitur esse concessa :  
quod longe ante eisdem pátribus  
cœlitus repromissa, quod mysticis  
præfiguráta miráculis, quod  
oráculis prænuntiáta prophéticis.  
Hanc enim sacerdotális virga,  
dum sine radice flóruit : hanc  
Gedeónis vellus, dum in médio  
siccæ áræe máduit : hanc in  
Ezechiélis visióne Orientális  
porta, quæ nulli unquam  
pátuit, præsignábat.

¶ Nativitas tua, Dei Génitrix  
Virgo, gáudium annuntiávit  
univérso mundo : \* Ex te enim  
ortus est sol justitiæ, Christus  
Deus noster : \* Qui solvens  
maledictiōem, dedit benedictiōem,  
et confúndens mortem, donávit  
nobis vitam sempitérnam. †  
Benedicta tu in



mulieribus, et benedictus fructus ventris tui. Ex te. Glória Patri. Qui.

*In tertio Nocturno.*

*Lectio sancti Evangélii secundum Matthæum.*

*Lectio vij. Cap. 1.*

**L**IBER generatiónis Jesu Christi filii David, filii Abraham. Abraham genuit Isaac. Isaac autem genuit Jacob. Et reliqua.

Homília S. Hilárii Episcopi.

*Com. in Matth. c. 1.*

**G**RESSUS quem Matthæus in ordine régiae successiōnis ediderat, et quem Lucas per sacerdotálem ordinem dinúmerat, utérque agnationem in Dómino utriúsque tribus significat, et rectæ generatiōnis gradum ponit: quia sacerdotális et régiae tribus societas, per David ex conjúgio ínita, jam a Saláthiel in Zoróbabel confirmáture ex genere. Atque ita, dum Matthæus patrénam originem, quæ ex Juda proficiscebátur, recénsset; Lucas vero accéptum per Nathan ex tribu Levi genus édocet, suis utérque pártibus Dómino nostro Jesu Christo, qui est ætérnus et Rex et Sacérdos, étiam in carnáli ortu utriúsque géneris glóriam probavérunt.

**¶** Beátam me dicent omnes generatiōnes: \* Quia fecit mihi Dóminus magna qui potens est, et sanctum no-

men ejus. **¶** Et misericórdia ejus a progénie in progénies timéntibus eum. Quia.

*Lectio viij.*

**Q**UOD vero Joseph pótius quam Mariæ nativitas recensétur, nihil refert: éadem enim est totius tribus atque una cognátio. Exémplum autem étiam Matthæus et Lucas dedérunt, patres invicem appellántes, non tam género, quam gente: quia ab una tribu cœpta, sub unius successiōnis et originis família continétur. Cum enim filius David atque Abrahæ sit ostendéndus, ita Matthæus cœpit; Liber generatiōnis Jesu Christi filii David, filii Abraham.

**¶** Felix namque es, sacra Virgo María, et omni laude digníssima: \* Quia ex te ortus est sol justítiæ, \* Christus Deus noster. **¶** Ora pro pópulo, intérveni pro clero, intercède pro devóto femíneo sexu: séntiant omnes tuum juvámen quicúmque célebrant tuam sanctam Nativitátem. Quia. Glória Patri. Christus.

*Pro SS. Martyribus.*

*Lectio ix.*

**P**ROTUS et Hyacínthus fratres, beátæ Eugéniae virginis eunúchi, una cum illa ab Héleno Episcopo baptizáti, ac stúdiis dediti divínarum litterárum, aliquámdiu in Ægypto in monasté-



rio mira humilitate et vitæ sanctitate vixerunt. Sed postea sanctam Virginem Eugéniam Romam prosecuti, Galliëno Imperatore, in Urbe propter christianæ fidei professionem comprehensi sunt. A quibus cum nullo modo impetrari posset, ut christianam religionem deserentes, deos colerent, acerbis verbis cæsi, securi feriuntur tertio Idus Septembris.

Te Deum laudamus. 17.

In Laud. fit com. SS. Proti et Hyacinthi, Aña. Vestri capilli. Exultabunt. Oratio. Beatorum, ut 335.

DIE XII. SEPTEMBRIS.

v. infra Oct. Nativ. B. Mariæ.

In j. Nocturno Lectiones de Scriptura occurrente.

In ij. Nocturno Lectiones, Dei Filius, ut in Festis B. M. clj. cum R. R. ut in Nativitate B. M. 319.

In tertio Nocturno.

Lectio sancti Evangelii secundum Matthæum.

Lectio vij. Cap. 1.

**L**IBER generationis Jesu Christi filii David, filii Abraham. Abraham genuit Isaac. Isaac autem genuit Jacob. Et reliqua.

De Homilia S. Hilarii Episc.

Com. in Matth. c. 1.

**N**ON refert quis in originis numero atque ordine collocetur, dummodo universorum familia coepta esse

intelligatur ab uno. Itaque cum ejusdem tribus sit Joseph et Maria, dum profectus esse ex Abraham genere Joseph ostenditur, profecta quoque docetur et Maria. Hæc enim in lege ratio servata est, ut si mortuus sine filiis familiæ princeps esset, defuncti uxorem posterior frater ejusdem cognationis acciperet, susceptosque filios in familiam ejus, qui mortuus esset, referret: maneretque ita in primogenitis successione ordo, cum patris eorum, qui post se nati essent, aut nomine haberentur, aut genere.

¶ Beátam me dicent omnes generationes: \* Quia fecit mihi Dominus magna qui potens est, et sanctum nomen ejus. †. Et misericordia ejus a progénie in progénies timéntibus eum. Quia.

Lectio vij.

**S**EQUENS illud est, ut, quia diximus secundum rerum fidem generationis istius ordinem nec numero sibi, nec successione constare, hujus quoque rei ratio afferatur. Non enim levis causa est, ut aliud in narratione sit, aliud fuerit in gestis: et aliud referatur in summa, aliud vero teneatur in numero. Namque ab Abraham usque ad David quatuordecim generationes numeratae sunt: et a David usque ad

transmigrationem Babylónis in quibúsdam libris decem et septem deprehenduntur. Sed in hoc non mendacii, aut negligentiae vitium est. Tres enim generationes prætéritae sunt. Nam Joras genuit Ochoziam, Ochozias vero genuit Joam, Joas deinde Amasiam, Amasias autem Oziam : et in Matthæo Joras Oziam genuisse scribitur, cum quartus ab eo sit. Hoc ita, quia ex gentili femina Joras Ochoziam genuit, ex Achab scilicet, qui Jézabel habuit uxorem.

**R.** Felix namque es, sacra Virgo María, et omni laude dignissima : \* Quia ex te ortus est sol justitiae, \* Christus Deus noster. **V.** Ora pro pópulo, intérvieni pro clero, intercède pro devoto femineo sexu : sentiant omnes tuum juvamen, quicumque celebrant tuam sanctam Nativitatem. Quia. **Gloria Patri. Christus.**

#### Lectio ix.

**D**ENIQUE per Prophétam non nisi quarta generatione in throno régio Israël quemquam de domo Achab esse sessurum dicitur. Purgata igitur labe familiae gentilis, tribus, quæ præteritis jam regulis, in quarto generationum consequentium ordine numeratur, et usque ad Mariam generationes quatuordecim

esse scribuntur, cum in numero decem et septem reperiuntur, nullus error esse poterit scientibus non eam solum esse Domino nostro Jesu Christo originem, quæ coepit ex María : sed in procreatione corporea, natiuitatis æternæ significantiam comprehendendi.

**Te Deum laudamus. 17.**

**DIE XIII. SEPTEMBRIS.**  
**vj. infra Oct. Nativ. B. M.**

**In j. Nocturno Lectiones de Scriptura occurrente.**

**In secundo Nocturno.**

Ex libro S. Epiphánii Episcopi adversus hæreses.

**Lectio iv. L. 31. hæc. 78.**

**B**EATA Mater Dei María per Hevam significatur, quæ per ænigma accepit, ut mater viventium vocetur. Illa etenim mater viventium vocata est, etiam postquam audivit : Terra es, et in terram revertéris, post transgressionem. Et mirum est, quod post transgressionem hoc magnum cognomen habuit. Et quod quidem pertinet ad rem sensibilem, ab illa Heva omnis hominum generatio deducta est in terra : hic autem vere a María hæc vita mundo genita est, ut viventem gigneret, et fieret María mater viventium. Per ænigma igitur María mater viventium appellata est.

**R.** Nativitas gloriósæ Virgi-

nis Mariæ ex semine Abrahamæ, ortæ de tribu Juda, clara ex stirpe David, Cujus vita inelyta cunctas illustrat Ecclesias. *Ÿ*. Hódie nata est beáta Virgo María ex progénie David. Cujus.

*Lectio v.*

**H**EVÆ datum est operíre corpus sensibile propter nuditatem sensibilem : Mariæ vero datum est a Deo, ut páreret nobis Agnum et ovem, et ex glória ipsius Agni et ovis fieret nobis velut a vellere in sapiéntia per virtutem ipsius indumentum incorruptibilitátis. Heva étiam mortis causa facta est hominibus : per ipsam enim mors ingressa est in mundum : María vero causa vitæ, per quam génita est nobis vita, et per hanc Filius Dei advénit in mundum : et ubi abundávit peccátum, ibi superabundávit et grátia : et unde illáta est mors, illinc procéssit et vita, ut vita pro morte fieret : et qui per mulierem nobis vita factus est, mortem ex muliere indúctam exclúderet. Et quóniam illic Heva, cum adhuc esset virgo, per inobediéntia transgressa est, e contrário per Virginem obediéntia gratiæ facta est, annuntiáto advéntu in carne de cœlo, et vita ætérna.

*R.* Cum jucunditáte Nativitatem beátæ Mariæ ce-

lebrémus : \* Ut ipsa pro nobis intercédât ad Dóminum Jesum Christum. *Ÿ* Corde et ánimo Christo canámus glóriam in hac sacra solemnitate præcélsæ Genitricis Dei Mariæ. Ut.

*Lectio vj.*

**D**E Mariá accípitur (líceat mihi hoc dicere) quod scriptum est de Ecclesia: Relinquet homo patrem suum et matrem suam, et adhærébit uxóri suæ: et erunt duo in carne una. Sanctus autem Apóstolus dicit: Mystérium hoc magnum est, ego autem dico in Christo et Ecclesia. Et vide Scripturarum accurátam dicéndi proprietatem, quod de Adam quidem dixit, formávit: de Heva vero, non formátam esse, sed ædificátam. Accépit enim, inquit, unam de costis ejus, et ædificávit ipsi in uxórem. Quo osténdat, Dóminum quidem de Mariá efformásse sibi ipsi corpus, ab ipsa vero costa ædificátam esse Ecclesiam, in eo quod punctum et apértum est ipsius latus, et mystéria ságuinis et aquæ, prætia redemptionis facta sunt.

*R.* Nativitas tua, Dei Genitrix Virgo, gáudium annuntiávit univérso mundo :

\* Ex te enim ortus est sol justitiæ, Christus Deus noster : \* Qui solvens maledictiónem, dedit benedicti-

nem: et confundens mortem, donavit nobis vitam sempiternam. *ŷ.* Benedicta tu in mulieribus, et benedictus fructus ventris tui. Ex te. Glória Patri. Qui.

*In tertio Nocturno.*

*Lectio sancti Evangelii secundum Matthæum.*

*Lectio vij. Cap. 1.*

**L**IBER generationis Jesu Christi filii David, filii Abraham. Abraham genuit Isaac. Isaac autem genuit Jacob. Et reliqua.

Homilia sancti Augustini Episcopi.

*L. 2. de consensu Ev. c. 1.*

**M**ATTHÆUS Evangelista sic orsus est: Liber generationis Jesu Christi filii David, filii Abraham. Quo exordio suo satis ostendit, generationem Christi secundum carnem se suscepisse narrandam. Secundum hanc enim Christus filius hominis est: quod etiam se ipse sæpissime appellat, commendans nobis quid misericorditer dignatus sit esse pro nobis. Nam illa supérna, et ætérna generatio, secundum quam Filius Dei unigénitus est ante omnem creaturam, quia ómnia per ipsum facta sunt, ita ineffabilis est, ut de illa dictum a Prophéta intelligatur: Generationem ejus quis enarrabit?

*ŷ.* Beátam me dicent omnes generationes: \* Quia fecit

mihi Dóminus magna qui potens est, et sanctum nomen ejus. *ŷ.* Et misericórdia ejus a progénie in progénies timéntibus eum. Quia.

*Lectio viij.*

**E**XEQUITUR ergo humanam generationem Christi Matthæus, ab Abraham generatóres commémorans, quos perdúcit ad Joseph virum Mariæ, de qua natus est Jesus. Neque enim fas erat, ut ob hoc cum a conjúgio Mariæ separándum putáret, quod non ex ejus concúbitu, sed virgo péperit Christum. Hoc enim exémplo magnífice insinuatur fidélibus conjugátis, étiam serváta pari consensu continéntia, posse permanére vocarique conjúgium, non permixto córporis sexu, sed custodito mentis afféctu; præsertim quia nasci eis étiam filius pótuít sine ullo compléxu carnáli, qui propter solos gignéndos filios adhibéndus est.

*Ŕ.* Felix namque es, sacra Virgo María, et omni laude digníssima: \* Quia ex te ortus est sol justitiæ, \* Christus Deus noster. *ŷ.* Ora pro pópulo, intérvieni pro clero, intercède pro devóto femíneo sexu: sentiant omnes tuum juvámén, quicúmque célebrant tuam sanctam Nativitátem. Quia. Glória Patri. Christus.

## Lectio ix. Cap. 2.

**C**UM autem evidenter dicat Apóstolus Paulus, ex semine David secundum carnem Christum : ipsam quoque Mariam de stirpe David aliquam consanguinitatem duxisse, dubitare utique non debemus. Cujus feminae quoniam nec sacerdotale genus tacetur, insinuante Luca, quod cognata ejus esset Elisabeth, quam dicit de filiabus Aaron : firmissime tenendum est carnem Christi ex utroque genere propagatam, et regum scilicet, et sacerdotum, in quibus personis apud illum populum Hebræorum etiam mystica unctio figurabatur, id est, Chrisma, unde Christi nomen elucet, tanto ante etiam ista evidentissima significatione prænuntiatum. Te Deum laudamus. 17.

Vesp. de seq. cum com.  
Octavæ Nativ. B. Mariæ.

DIE XIV. SEPTEMBRIS.

In Festo Exaltationis  
sanctæ Crucis.

Duplex majus.

Ad Vesp. Añæ de Laud.

Psalmi de Dñica. 134. et loco ult., Ps. Laudate Dñm, omnes Gentes. 138.

Capitulum. Philip. 2.

**F**RATRES, Hoc enim sentite in vobis, quod et in Christo Jesu : qui cum in forma Dei esset, non rapinam arbitratus est esse se

æqualem Deo : sed semetipsum exinanivit, formam servi accipiens, in similitudinem hominum factus, et habitu inventus ut homo.

Hymnus.

**V**EXILLA Regis pròdeunt,  
Fulget Crucis mysterium,

Qua vita mortem pertulit,  
Et morte vitam protulit.

Quæ vulnerata lanceæ  
Mucrone diro, criminum  
Ut nos lavaret sordibus,  
Manavit unda et sanguine.  
Impléta sunt quæ concinit  
David fideli carmine,  
Dicendo nationibus :  
Regnavit a ligno Deus.

Arbor decora et fulgida,  
Ornata Regis purpura,  
Electa digno stipite  
Tam sancta membra tangere.

Beata, cujus brachiis  
Præteritum pependit sæculi,  
Statéra facta corporis,  
Tulitque prædam tartari.

O Crux, ave, spes unica,  
In hac triumphi gloria  
Piis adauge gratiam,  
Reisque dele crimina.

Te, fons salutis Trinitas,  
Collaudet omnis spiritus :  
Quibus Crucis victoriam  
Largiris, adde præmium.

Amen.

Ÿ. Hoc signum Crucis erit  
in cælo. R. Cum Dominus  
ad judicandum venerit.

Ad Magnificat, Añæ.

O Crux, splendidior cunctis



astris, mundo célebris, hominibus multum amabilis, sanctior universis: quæ sola fuisti digna portare talentum mundi: dulce lignum, dulces clavos, dulcia ferens pondera: salva præsentem catervam in tuis hodie laudibus congregatam.

**Oratio.**

**D**EUS, qui nos hodierna die Exaltationis sanctæ Crucis annua solemnitate lætificas: præsta, quæsumus; ut cujus mysterium in terra cognovimus, ejus redemptionis præmia in cælo mereamur. Per eundem Dominum.

**Com. Oct. Nativit. Aña.** Nativitas tua, Dei Génitrix Virgo, gaudium annuntiavit universo mundo: ex te enim ortus est sol justitiæ, Christus Deus noster: qui solvens maledictionem, dedit benedictionem, et confundens mortem, donavit nobis vitam sempiternam. **V.** Nativitas est hodie sanctæ Mariæ Virginis. **R.** Cujus vita inelyta cunctas illustrat Ecclésiās.

**Oratio.**

**F**AMULIS tuis, quæsumus Domine, coelæstis gratiæ munus impertire: ut, quibus beatæ Virginis partus exstitit salutis exordium, Nativitatis ejus votiva solemnitas, pacis tribuat incrementum. Per Dominum.

AUTUMNALIS.

**Ad Matutinum, Invitat.** Christum Regem pro nobis in Cruce exaltatum, \* Venite, adorémus. **Ps.** Venite, exultémus. 2.

**Hymnus.**

**P**ANGE, lingua, gloriósi Láuream certáminis, Et super Crucis trophæo Dic triúmphum nóbilem: Quáliter Redémptor orbis Immolátus vicerit.

**D**e Paréntis protoplásti Fraude Factor cóndolens, Quando pomi noxiális In necem morsu ruit: Ipse lignum tunc notávit, Damna ligni ut sólveret.

**H**oc opus nostræ salutis Ordo depopóscerat; Multifórmis proditoris Ars ut artem fálleret, Et medélam ferret inde, Hostis unde læserat.

**Q**uando venit ergo sacri, Plenitúdo témporis, Missus est ab arce Patris Natus, orbis Cónditor: Atque ventre virgináli Carne amictus pródiit.

**V**agit infans inter arcta Cónditus præsépia: Membra pannis involúta Virgo Mater álligat:

Et Dei manus pedésque Stricta cingit fáscia.

**S**empitérna sit beátæ Trinitáti glória,

Æqua Patri, Filióque, Par decus Paráclito:

Unius Trinique nomen

Laudet univérstas. Amen.



*In primo Nocturno.*

**Añā.** Nobile lignum exaltatur, Christi fides rutilat, dum Crux ab omnibus veneratur. *Psalmi de Communi unius Martyris. xxij.*

**Añā.** Sancta Crux extollitur a cunctis regibus, virga regia erigitur, in qua Salvator triumphavit.

**Añā.** O Crux venerabilis, quæ salutem attulisti miseris, quibus te effera præconiis, quoniam vitam nobis coelitem præparasti?

✠. Hoc signum Crucis erit in cælo. ✠. Cum Dominus ad judicandum venerit.

De libro Numerorum.

*Lectio j. Cap. 21.*

**CUM** audisset Chananæus rex Arad, qui habitabat ad Meridiem, venisse scilicet Israel per exploratorum viam, pugnavit contra illum, et victor existens, duxit ex eo prædam. At Israel voto se Domino obligans ait : Si tradideris populum istum in manu mea, delebo urbes ejus. Exaudivitque Dominus preces Israel, et tradidit Chananæum, quem ille interfecit, subversis urbibus ejus : et vocavit nomen loci illius Horma, id est, anathéma.

✠. Gloriosum diem sacra veneratur Ecclesia, dum triumphale exaltatur lignum : \* In quo Redemptor noster mortis vincula rum-

pens, callidum aspidem superavit. ✠. In liguo pendens nostræ salutis semitam Verbum Patris invenit. In quo.

*Lectio ij.*

**P**ROFECTI sunt autem et de monte Hor, per viam quæ ducit ad mare Rubrum, ut circumfrent terram Edom. Et tædere cœpit populum itineris ac laboris : locutusque contra Deum et Moysen, ait : Cur eduxisti nos de Ægypto, ut moreremur in solitudine ? Deest panis, non sunt aquæ : anima nostra jam nauseat super cibo isto levissimo. Quamobrem misit Dominus in populum ignitos serpentes.

✠. Crux fidelis, inter omnes arbor una nobilis : nulla silva talem profert, fronde, flore, germine : \* Dulce lignum, dulces clavos, dulce pondus sustinuit. ✠. Super omnia ligna cedrorum tu sola excelsior. Dulce.

*Lectio iij.*

**A**D quorum plagas et mortes plurimorum, venerunt ad Moysen, atque dixerunt : Peccavimus, quia locuti sumus contra Dominum et te : ora ut tollat a nobis serpentes. Oravitque Moyses pro populo, et locutus est Dominus ad eum : Fac serpentem æneum, et pone eum pro signo : qui percussus aspexerit eum,

vivet. Fecit ergo Moyses serpentem æneum, et posuit eum pro signo : quem cum percussi aspicerent, sanabantur.

**R.** Hæc est arbor dignissima, in paradisi medio situata : \* In qua salutis auctor propria morte mortem omnium superavit. **V.** Crux præcellenti decore fulgida, quam Heraclius Imperator concupiscienti animo recuperavit. In. **G**loria Patri. In.

**In secundo Nocturno.**

**Añ.** O Crucis victoria, et admirabile signum, in cœlesti curia fac nos captare triumphum. **Ps.** Cum invocarem. xxvj.

**Añ.** Funestæ mortis damnatur supplicium, dum Christus in cruce nostra destruxit vincula criminum.

**Ps.** In Dómino confido. xxix.

**Añ.** Rex exaltatur in æthera, cum nobile trophæum Crucis ab universis Christicolis adoratur per sæcula.

**Ps.** Dómine, in virtute. xxx.

**V.** Adoramus te, Christe, et benedicimus tibi. **R.** Quia per Crucem tuam redemisti mundum.

**Lectio iv.**

**C**HOSROAS Persarum rex, extremis Phocæ impérii temporibus, Ægypto et Africa occupata ac Jerosólyma capta, multisque ibi cæsis Christianorum millibus,

Christi Dómini Crucem, quam Hélena in monte Calvária collocarat, in Persidem abstulit. Itaque Heraclius, qui Phocæ successerat, multis belli incómodis et calamitatibus affectus, pacem petebat, quam a Chósroa, victoriis insolente, ne iniquis quidem conditionibus impetrare poterat. Quare in summo discrimine se assiduus jejuniis et orationibus exercebat, opem a Deo vehementer implorabat : cujus mōitu, exercitu comparato, signa cum hoste contulit, ac tres duces Chósroæ cum tribus exercitibus superavit.

**R.** Nos autem gloriari oportet in Cruce Dómini nostri Jesu Christi, in quo est salus, vita, et resurrectio nostra : \* Per quem salvati et liberati sumus. **V.** Tuam Crucem adoramus, Dómine, et recolimus tuam gloriósan passionem. Per.

**Lectio v.**

**Q**UIBUS cládibus fractus Chósroas, in fuga, qua trajicere Tigrim parabat, Medarsem filiúm socium regni designat. Sed eam contuméliam cum Síroes, Chósroæ major natus filius, ferret atrociter, patri simul et fratri necem machinatur : quam paulo post utrique ex fuga retrácto attulit, regnūque ab Heraclio impetravit, qui-

búsdam accéptis conditió-  
bus, quarum ea prima fuit,  
ut Crucem Christi Dómini  
restitúeret. Ergo Crux, qua-  
tuórdecim annis postquam  
vénerat in potestátem Per-  
sárum, recépta est : quam  
rédiens Jerosólymam, Hera-  
clius solénni celebritáte suis  
húmeris rétulit in eum mon-  
tem, quo eam Salvátor tú-  
lerat.

**R.** Dum sacrum pignus  
cœlitus exaltátur, Christi  
fides roborátur : \* Adsunt  
prodigia divína in virga  
Moysi prímítás figuráta. **V.**  
Ad Crucis contáctum re-  
súrgunt mórtui, et Dei ma-  
gnália reserántur. Adsunt.

### Lectio vj.

**Q**UOD factum illustri mirá-  
culo commendátum est.  
Nam Heraclíus, ut erat auro  
et gemmis ornátus, insistere  
coáctus est in porta, quæ ad  
Calváriae montem ducébat.  
Quo enim magis prógredi  
conabátur, eo magis retinéri  
videbátur. Cumque ea re et  
ipse Heraclíus, et réliqui  
omnes obstupéscerent, Za-  
charías Jerosolymórum An-  
tístes, Vide, inquit, Impe-  
rátor, ne isto triumpháli  
ornátu, in Cruce ferénda  
parum Jesu Christi pauper-  
tátem et humilitátem imi-  
tére. Tum Heraclíus, ab-  
jécto amplíssimo vestitu,  
detractisque cálceis, ac  
plebéio amictu indútus, ré-

liquum viæ fáciie confécit,  
et in eódem Calváriae loco  
Crucem státuit, unde fúerat  
a Persis asportáta. Itaque  
Exaltatiónis sanctæ Crucis  
solémnitas, quæ hac die  
quotánnis celebrabátur, il-  
lústrior habéri cœpit ob  
ejus rei memóriam, quod  
ibídem fúerit repósita ab  
Heraclíio, ubi Salvatóri pri-  
mum fúerat constitúta.

**R.** Hoc signum Crucis erit  
in cœlo, cum Dóminus ad  
judicándum vénerit : \* Tunc  
manifestáta erunt abscondi-  
ta cordis nostri. **V.** Cum  
séderit Fílius hóminis in se-  
de majestátis suæ, et cœperit  
judicáre sæculum per ignem.  
Tunc. **G** lória Patri. Tunc.

### In tertio Nocturno.

**Añá.** Adorámus te, Christe,  
et benedicimus tibi, quia  
per Crucem tuam redemísti  
mundum. **Psalmi ut in  
iij. Nocturno de Comm. Vir-  
ginum. ciiij.**

**Añá.** Per lignum servi fa-  
cti sumus, et per sanctam  
Crucem liberáti sumus :  
fructus árboris sedúxit nos,  
Fílius Dei redémit nos, al-  
lelúia.

**Añá.** Salvátor mundi, salva  
nos, qui per Crucem et sán-  
guinem tuum redemísti nos,  
auxiliáre nobis, te depre-  
cámur, Deus noster.

**V.** Omnis terra adóret te, et  
psallat tibi. **R.** Psalmum  
dicat nómini tuo, Dómine.

Lectio sancti Evangelii  
secundum Joannem.

Lectio vij. Cap. 12. c

**I**n illo tempore : Dixit Jesus turbis Judæorum : Nunc judicium est mundi ; nunc princeps hujus mundi ejicietur foras. Et reliqua.

Homilia S. Leonis Papæ.

Serm. 8. de Passione Dom.

**E**xaltato , dilectissimi , per Crucem Christo , non illa tantum species aspectui mentis occurrat, quæ fuit in oculis impiorum, quibus per Moysen dictum est: Et erit pendens vita tua ante oculos tuos, et timebis die ac nocte , et non credes vitæ tuæ. Isti enim nihil in crucifixo Domino præter facinus suum cogitare poterunt, habentes timorem, non quo fides vera justificatur, sed quo conscientia iniqua torquetur. Noster vero intellectus, quem spiritus veritatis illuminat, gloriam Crucis cælo terraque radiantem puro ac libero corde suscipiat, et interiorem aciem videat, quale sit quod Dominus, cum de passionis suæ loqueretur instantia, dixit : Nunc judicium mundi est, nunc princeps hujus mundi ejicietur foras. Et ego si exaltatus fuero a terra, omnia traham ad meipsum.

**R.** Dulce lignum , dulces clavos, dulce pondus sustinuit : \* Quæ sola digna fuit

portare pretium hujus sæculi. **V.** Hoc signum Crucis erit in cælo , cum Dominus ad judicandum venerit. Quæ. **Bened.** Divinum auxilium.

Lectio viij.

**O** admirabilis potentia Crucis, o ineffabilis gloria passionis, in qua et tribunal Domini , et judicium mundi , et potestas est crucifixi ! Traxisti enim , Domine, omnia ad te , et cum expandisses tota die manus tuas ad populum non credentem , et contradicentem tibi, confitendæ majestatis tuæ sensum totus mundus accepit. Traxisti , Domine , omnia ad te , cum in execrationem judæici sceleris , unam protulerunt omnia elementa sententiam , cum, obscuratis luminaribus cæli , et converso in noctem die , terra quoque motibus quateretur insolitis , universaque creatura impiorum usui se negaret. Traxisti , Domine , omnia ad te , quoniam , scisso templi velo , Sancta sanctorum ab indignis pontificibus recesserunt. ut figura in veritatem, prophetia in manifestationem, et Lex in Evangelium verteretur.

**R.** Sicut Moyses exaltavit serpentem in deserto, ita exaltari oportet Filium hominis : \* Ut omnis qui credit in ipsum, non pereat ,

sed habeat vitam æternam.

Ÿ. Non misit Deus Filium suum in mundum, ut iudicet mundum, sed ut salvetur mundus per ipsum. Ut omnis. Glória Patri. Ut omnis.

Lectio ix.

**T**RAXISTI, Dómine, ómnia ad te, ut quod in uno Judææ templo obumbrátis significatióibus tegebátur, pleno apertóque sacraménto universárū ubique natiónum devótió celebráret. Nunc etenim et ordo clárior Levitárum, et dignitas ámplior seniórū, et sacrátior est únctio Sacerdótum : quia Crux tua ómnium fons benedictiónem, ómnium est causa gratiárum : per quam credéntibus datur virtus de infirmitáte, glória de opprobrio vita de morte. Nunc étiam carnálium sacrificiórū varietáte cessánte, omnes différentias hostiárum una cörperis et ságuinis tui implet oblátio : quóniam tu es verus Agnus Dei, qui tollis peccáta mundi : et ita in te univérsa pérficis mystéria, ut sicut unum est pro omni víctima sacrificium, ita unum de omni gente sit regnum.

Te Deum laudámus. 17.

AD LAUDES,

et per Horas, Añæ.

1. O magnum pietátis opus! mors mórtua tunc est, in ligno quando mórtua víta

fuit. Ps. Dóminus regnávít. cum reliq. 48.

2. Salva nos, Christe Salvátor, per virtútem Crucis, qui salvásti Petrum in mari, miserére nobis.

3. Ecce Crucem Dómini, fúgite partes advérsæ, vicit leo de tribu Juda, radix David, alleluia.

4. Nos autem gloriári opórtet in Cruce Dómini nostri Jesu Christi.

5. Per signum Crucis de inimícis nostris libera nos, Deus noster.

Capit. Philip. 2.

**F**RATRES, Hoc enim sentite in vobis, quod et in Christo Jesu : qui cum in forma Dei esset, non rapinam arbitrátus est esse se æquálem Deo : sed semetípsam exinánívit, formam servi accépiens, in similitúdinem hóminum factus, et hábitu invéntus ut homo.

Hymnus.

**L**USTRA sex qui jam perégit,  
Tempus implens cörperis,  
Sponte libera Redemptor  
Passióni déditus,  
Agnus in Crucis levátur  
Immolándus stípíte.

Felle potus ecce languet;  
Spina, clavi, lancea  
Mite corpus perforárunť,  
Unda manat, et cruor :  
Terra, pontus, astra, mundus  
Quo lavántur flúmine!

**C**ruX fidélis, inter omnes  
Arbor una nóbilis :  
Silva talem nulla profert  
Fronde, flore, gérmine :  
Dulce ferrum, dulce li-  
gnum ,

Dulce pondus sústinent.

**F**lecte ramos, arbor alta,  
Tensa laxa viscera ,  
Et rigor lentéscat ille,  
Quem dedit nativitas :  
Et supérni membra Regis  
Tende miti stípíte.

**S**ola digna tu fuísti  
Ferre mundi víctimam ,  
Atque portum præparáre  
Arca mundo náufrago,  
Quam sacer cruor perúnxít,  
Fusus Agni corpore.

**S**empitérna sit beátæ  
Trinitáti glória ,  
Æqua Patri , Filióque,  
Par decus Paráclito :  
Unius Trinique nomen  
Laudet univérſitas. Amen.

**Ÿ.** Adorámus te , Christe ,  
et benedicimus tibi. **Ŕ.** Quia  
per Crucem tuam redemísti  
mundum.

**Ad Benedictus, Añã.**

Super ómnia ligna cedrórum  
tu sola excélsior, in qua vi-  
ta mundi pepéndit, in qua  
Christus triumphávit, et  
mors mortem superávit in  
ætérnum.

**Oratio.**

**D**EUS, qui nos hodiérna die  
Exaltatiónis sanctæ Cru-  
cis ánnua solemnitate lætifi-  
cas : præsta , quæsumus; ut  
eius mystérium in terra

cognóvimus, ejus redempti-  
onis præmia in cœlo mereá-  
mur. Per eúmdem Dóminum.

**Postea fit com. Octavæ  
Nativ. B. Mariæ. Añã.** Na-  
tivitátem hodiérnam perpé-  
tuæ Virginis Genitrícis Dei  
Mariæ solémniter celebré-  
mus, qua celsitúdo throni  
procéssit, allelúia.

**Ÿ.** Nativitas est hódie san-  
ctæ Mariæ Virginis. **Ŕ.** Cujus  
vita inclyta cunctas illústrat  
Ecclésiãs.

**Oratio.**

**F**AMULIS tuis, quæsumus  
Dómine, cœléstis grátia  
munus impertíre : ut , qui-  
bus beátæ Virginis partus  
éxtitit salutis exórdium, Na-  
tivitátis ejus votiva solénni-  
tas, pacis tribuat incre-  
méntum. Per Dóminum.

**Ad Tertiam, Añã.**

Salva nos.

**Capit. Fratres, Hoc. 342.**

**Ŕ. br.** Hoc signum Crucis  
\* Erit in cœlo. Hoc. **Ÿ.** Cum  
Dóminus ad judicándum vé-  
nerit. Erit. Glória Patri.  
Hoc. **Ÿ.** Adorámus te, Chri-  
ste, et benedicimus tibi. **Ŕ.**  
Quia per Crucem tuam re-  
demísti mundum.

**Ad Sextam, Añã.**

Ecce Crucem Dómini.

**Capit. Galat. 6. d**

**M**IHI autem absit gloriári,  
nisi in cruce Dómini  
nostri Jesu Christi : per  
quem mihi mundus cruci-  
fixus est, et ego mundo.



**R.** br. Adoramus te, Christe,  
 " Et benedicimus tibi. Ado-  
 ramus te. **V.** Quia per Cru-  
 cem tuam redemisti mundū.  
 Et. Glória Patri. Adoramus.

**V.** Omnis terra adoret te,  
 et psallat tibi. **R.** Psalmum  
 dicat nómini tuo, Dómine.

**Ad Nonam, Añña.**

Per signum Crucis.

**Capit. Philip. 2.**

**I** HUMILIAVIT semetípsum,  
 factus obédiens usque ad  
 mortem, mortem autem cru-  
 cis. Propter quod et Deus  
 exaltávit illum, et donávit  
 illi nomen, quod est super  
 omne nomen.

**R.** br. Omnis terra adó-  
 ret te, " Et psallat tibi.  
 Omnis. **V.** Psalmum dicat  
 nómini tuo, Dómine. Et.  
 Glória Patri. Omnis. **V.** Hoc  
 signum Crucis erit in cœlo.  
**R.** Cum Dóminus ad judi-  
 cándum vénerit.

**In ij. Vesp. omnia dicun-  
 tur ut in primis. 336.**

**V.** Hoc signum Crucis erit  
 in cœlo. **R.** Cum Dóminus  
 ad judicándum vénerit.

**Ad Magnificat, Añña.**

O Crux benedicta, quæ sola  
 fuisti digna portáre Regem  
 cœlórum, et Dñum, alleluia.

**Deinde sit com. diei Oct.**

**Nativ. B. Mariæ, Añña.** Glo-  
 riósæ Virginis Mariæ ortum  
 digníssimum recolámus,  
 quæ et Genitrícis dignitá-  
 tem obtínuit, et virginálem  
 pudicitiam non amísit.

**V.** Nativitas. Oratio. Fámu-  
 lis, ut supra. 343.

**Postea S. Nicomedis, Mart.**

**Añña.** Iste Sanctus. **V.** Glória.  
**Oratio**

**A** DESTO, Dómine, pópulo  
 tuo : ut beáti Nicomé-  
 dis Mártiris tui mérita præ-  
 clára suscépiens, ad im-  
 petrándam misericórdiam  
 tuam semper ejus patroci-  
 niis adjuvétur. Per Dómi-  
 num nostrum.

**DIE XV. SEPTEMBRIS.**

**In Octava Nativitatis B. M.**

**Duplex.**

**In primo Nocturno.**

De Cánticis Canticórum.

**Lectio j. Cap. 8. b**

**Q**UÆ est ista, quæ ascéndit  
 de desérto, deliciis áf-  
 fluens, inníxa super dilé-  
 ctum suum? Sub árbore  
 malo suscitávi te : ibi cor-  
 rúpta est mater tua, ibi  
 violáta est génitrix tua.  
 Pone me ut signáculum su-  
 per cor tuum, ut signáculum  
 super bráchium tuum; quia  
 fortis est ut mors diléctio,  
 dura sicut inférnus æmulá-  
 tio : lámpades ejus, lámpa-  
 des ignis atque flammárum.  
**R.** Hódie nata est beáta  
 Virgo María ex progénio  
 David : " Per quam salus  
 mundi credéntibus appá-  
 ruit, cujus vita gloriósa  
 lucem dedit sæculo. **V.** Na-  
 tivitátem beátæ Mariæ Vir-  
 ginis cum gáudio celebré-  
 mus. Per quam.

## Lectio ij.

**A**QUÆ multæ non potuerunt extinguerere charitatem, nec flumina obruent illam : si dederit homo omnem substantiam domus suæ pro dilectione, quasi nihil despiciet eam. Soror nostra parva, et ubera non habet : quid faciemus sorori nostræ in die, quando alloquenda est ? Si murus est, ædificemus super eum propugnacula argentea : si ostium est, compingamus illud tabulis cedrinis.

**R.** Beatissimæ Virginis Mariæ Nativitatem devotissime celebramus : \* Ut ipsa pro nobis intercedat ad Dominum Jesum Christum. **V.** Cum jucunditate Nativitatem beatæ Mariæ Virginis devotissime celebramus. Ut.

## Lectio iij.

**E**GO murus, et ubera mea sicut turris : ex quo factum coram eo, quasi pacem repériens. Vineam fuit pacifico in ea, quæ habet populos : tradidit eam custodibus, vir affert pro fructu ejus mille argenteos. Vineam meam coram me est. Mille tui pacifici, et ducénti his, qui custodiunt fructus ejus. Quæ habitas in hortis, amici auscúltant : fac me audire vocem tuam. Fuge, dilecte mi, et assimilare capræ, hinnuloque cervorum super montes aromatatum.

**R.** Gloriosæ Virginis Mariæ ortum dignissimum recolamus, \* Cujus Dominus humilitatem respexit, quæ Angelo nuntiante concépit Salvatorem mundi. **V.** Beatissimæ Virginis Mariæ Nativitatem devotissime celebramus. Cujus. **Gloria Patri.** Cujus.

## In secundo Nocturno.

Sermo S. Cyrilli Episcopi Alexandrini.

## Lectio iv.

*Hom. contra Nestorium.*

**H**ILAREM video cœtum Sanctorum ómnium, qui convenérunt promptis ánimis, a sancta et Dei Matre Maria semper Virgine convocati. Laus et glória sit tibi, sancta Trinitas, quæ omnes nos ad hanc celebritatem convocasti. Sit étiam tibi, sancta Dei Mater, laus. Tu enim es pretiosa margarita orbis terrarum : tu lampas inextinguibilis, corona virginitatis, sceptrum orthodoxæ fidei, templum indissolubile, continens eum qui nusquam contineri potest ; Mater et Virgo, per quam benedictus qui venit in nómine Domini, in sanctis Evangéliis nominatur.

**R.** Nativitas gloriosæ Virginis Mariæ ex semine Abrahamæ, ortæ de tribu Juda, clara ex stirpe David, \* Cujus vita inclýta cunctas

illústrat Ecclésiās. *Ÿ*. Hodie nata est beāta Virgo Maria ex progénie David. Cujus.

*Lectio v.*

**P**ER te Trínitas sanctificá-  
tur, per te Crux pretiósa celebrá-  
tur, et adorá-  
tur in toto orbe terrárum. Per te exúltat cœlum, lætántur Angeli et Archángeli, fugántur dæmones, et homo ipse ad cœlum revocá-  
tur. Per te omnis creatúra, idólórum errore deténta, convér-  
sa est ad agnitió-  
nem veritátis, et fidéles hómines ad sanctum Baptisma pervenérunt, atque in toto orbe terrárum constrúctæ sunt Ecclésiæ.

*R.* Cum jucunditáte Nativitatem beátæ Mariæ celebrémus : \* Ut ipsa pro nobis intercéd-  
at ad Dóminum Jesum Christum. *Ÿ*. Corde et ánimo Christo canámus glóriam in hac sacra solemnitate præcélsæ Genitrícis Dei Mariæ. Ut.

*Lectio vj.*

**T**E adjutricæ, Gentes véniunt ad pœniténtiam. Quid plura? Per te unigénitus Dei Fílius, vera illa lux, effúlsit sedéntibus in ténebris et umbra mortis. Per te Prophétæ prænuntiá-  
runt, per te Apóstoli salutem Gén-  
tibus prædicá-  
runt. Quisnam póterit tuárum laudum præcónia explicá-  
re Mariá Mater et Virgo? Hanc, fratres dilectíssimi, celebrémus,

ejus Fílium Ecclésiæ Sponsum immaculátum adorán-  
tes : cui honor et glória in sæcula sæculórum. Amen.

*R.* Nativitas tua, Dei Génitrix Virgo, gáudium annuntiávit univérso mundo : \* Ex te enim ortus est sol justitiæ, Christus Deus noster : \* Qui solvens maledicti-  
onem, dedit benedicti-  
onem : et confúndens mortem, donávit nobis vitam sempitérnam. *Ÿ*. Benedicta tu in muliéribus, et benedictus fructus ventris tui. Ex te. Glória Patri. Qui.

*In tertio Nocturno.*

Lectio sancti Evangélíi secúndum Matthæum.

*Lectio vij. Cap. 1.*

**L**IBER generatió-  
nis Jesu Christi filii David, filii Abraham. Abraham genuit Isaac. Isaac autem genuit Jacob. Et réliqua.

Homília sancti Joánnis Chrysóstomi.

*Hom. 2. in Matth, post init.*

**A**UDITU quidem mirá-  
bile est, quod ineffábilis Deus, et qui nec sermónibus explicári potest, nec cogitati-  
onibus comprehé-  
ndi, Patrique per ómnia cœquális, per Virginis ad nos venit úterum, et fieri ex muliere dignátus est, et habere progenitóres David et Abraham : et quid dico, David et Abraham? étiam illas,

quod magis stupéndum est, féminas, quas paulo ante memorávi. Hæc igitur áudiens, mente consúrge, nihilque húmîle suspicéris, sed pótius propter hoc ipsum máxime miráre, quia cum verus et diléctus Fílius sit sempitérni Dei, étiam Filius David esse dignátus est, modo ut te filium fáceret Dei : servum patrem habére dignátus est, ut tibi servo patrem fáceret ipsum Deum.

ñ. Beátam meditent omnes generatiónes : \* Quia fecit mihi Dóminus magna qui potens est, et sanctum nomen ejus. ŷ. Et misericórdia ejus a progénie in progénies timéntibus eum. Quia.

#### Lectio viij.

**V**IDES ab ipso statim principio, quam læta sint hæc núntia. Quod si ámbigis de his quæ ad tuum spectant honórem, ab iis quæ illius sunt, étiam tua disce crédere. Quantum enim cónsequi potest humana rãtio, multo est difficilius Deum hóminem fieri, quam hóminem Dei filium consecrãri. Cum ergo audieris, quia Fílius Dei filius sit et David et Abrahæ : dubitãre jam désine, quod et tu, qui filius es Adæ, futúrus sis filius Dei. Non enim semetípsum ita humiliasset, nisi nos esset exaltatúrus. Natus est enim secúndum carnem, ut tu

nascere spirítu : natus est ex muliere, ut tu desíneres fílius esse mulieris.

ñ. Felix namque es, sacra Virgo María, et omni laude digníssima : \* Quia ex te ortus est sol justítiæ, \* Christus Deus noster. ŷ. Ora pro pópulo, intérvieni pro clero, intercède pro devóto femineo sexu : séntiant omnes tuum juvãmen, quicúmque célebrant tuam sanctam Nativitãtem. Quia. Glória Patri. Christus.

#### Pro S. Nicomede, Martyre. Lectio ix.

**N**ICOMEDES Présbyter, persequente Christiãnos Domitiãno Imperatøre, quod corpus Feliculæ Virginis propter confessiõnem christiãnæ fidei a Flacco Cómite interféctæ sepelisset, comprehénderi jussus est : ductusque ad státuas deórum, cum eis sacrificãre velle (quod fácere jubebátur) constãter negavisset, propterea quod sacrificium uni Deo vero, qui regnat in cœlis, deberétur; plumbãtis cæsus, in eo martyrio ánimam Deo réddidit. Cujus corpus cum idem Comes in profluéntem Tiberim prójici imperasset, Justus Nicomédís cléricus diligénter conquisitum, ad muros Urbis via Nomentãna honorífice in sepúlchro cóndidit. Te Deum laudãmus. 47.

In Laud. fit com. S. Nico-  
medis, Aña. Qui odit. *Ÿ.*  
Justus. Orat. Adesto. 344.

In ij. Vesperis fit com.  
SS. Cornelii et Cypriani, et  
aliorum, ut infra. 354.

DOM. III. SEPTEMBRIS.  
Festum Septem Dolorum  
B. V. Mariæ.

Duplex majus.

Si hodie occurrat Octava  
Nativ. B. M. aut Festum S.  
Matthæi, tunc Festum Do-  
lorum transfertur in primam  
ex sequent. Dñicis non im-  
peditam Officio j. vel ij. cl.  
Decr. 18. Sept. 1814.

Ad Vesp. Anæ de Laud. Ps.  
ut in Festus B. M. cxliv.

Capitulum. Thren. 2.

**C**ui comparábo te, vel cui  
assimilábo te, filia Jeru-  
salem? cui exæquábo te, et  
consolábor te, Virgo filia  
Sion? Magna est velut ma-  
re contritio tua.

Hymnus.

**O** quot undis lacrymárum,  
Quo dolore vólvitur,  
Luctuósa de cruénto  
Dum revúlsum stípitem,  
Cernit ulnis incubántem  
Virgo Mater Filium!

*Os* suáve, mite pectus,  
Et latus dulcissimum,  
Dexterámque vulnerátam,  
Et sinístram sáuciam,  
Et rubras cruóre plantas,  
Ægra tingit lácrymis.

Centiésque, milliésque  
Stringit arctis néxibus  
Pectus illud, et lacértos,

Illa figit vúlnera,  
Sicque tota colliquéscit  
In dolóris ósculis.  
*E*ja Mater, obsecrámus  
Per tuas has lácrymas,  
Filiisque triste funus,  
Vulnerúmque púrpuram,  
Hunc tui cordis dolórem  
Conde nostris córdibus.

*E*sto Patri, Filióque,  
Et coævo Flámini,  
Esto summæ Trinitáti  
Sempitérna glória,  
Et perénis laus, honórque  
Hoc et omni sæculo. Amen.  
*Ÿ.* Regina Mártýrum, ora  
pro nobis. *Ÿ.* Quæ juxta  
crucem Jesu constitisti.

Ad Magnificat, Aña.

Nolite me consideráre, quod  
fusca sim, quia decolorávit  
me sol. Filii matris meæ  
pugnávérunt contra me.

Oratio.

**D**EUS, in cujus passióne,  
secúndum Simeónis pro-  
phetiam, dulcissimam áni-  
mam gloriósæ Virginis et  
Matris Mariæ dolóris glá-  
dius pertransivit: concéde  
propitius; ut, qui Dolóres  
ejus venerádo recólimus,  
passiónis tuæ efféctum felí-  
cem consequámur. Qui vivis.

Deinde fit com. Dñicæ.

Ad Complet. et per Ho-  
ras, in fine Hymn. dicitur:  
Jesu, tibi sit glória,  
Qui passus es pro sérvulis.

Ad Matutinum, Invitat.

**S**TEMUS juxta Crucem cum  
María Matre Jesu, \* Cu-

jus animam doloris gladius  
pertransiuit. **Ps.** Venite, ex-  
ultemus. 2.

**Hymnus.**

**J**AM toto súbitus vesper  
eat polo,  
Et sol attónitum præcipitet  
diem,

Dum sævæ récolo ludibrium  
necis,

Divinámque catástrophen.

**S**pectátrix áderas supplicio,  
Parens,

Malis uda, gerens cor ada-  
mántinum,

Natus funérea péndulus in  
Cruce

Altos cum gémitus dabat.

**P**endens ante óculos Natus,  
atróciбус

Sectus verbéribus, Natus  
hiántibus

Fossus vulnéribus, quot  
penetrántibus

Te confixit acúleis!

**I**eu! sputa, álapæ, vér-  
bera, vulnèra,

Clavi, fel, áloc, spóngia,  
lancea,

Sitis, spina, cruor, quam  
vária pium

Cor pressére tyránni-  
de!

**C**unctis intérea stat gene-  
rósior

Virgo Martyribus: prodígio  
novo

In tantis móriens non mó-  
reris, Parens,

Diris fixa dolóribus.

**S**it summæ Triadi glória,  
laus, honor,

A qua suppliciter, sollicita  
prece,

Posco virgínei róboris æmu-  
las

Vires rebus in áspèris.

Amen.

**In primo Nocturno.**

**Añá.** Multiplicáti sunt qui  
tribulant me, multi insúr-  
gunt advérsus me. **Ps.** Dó-  
mine, quid multiplicáti. 4.

**Añá.** Paravérunt sagittas  
suas in pháretra, ut sagit-  
tent in obscúro rectos corde.

**Ps.** In Dómino confido. 8.

**Añá.** Defécit in dolóre vita  
mea, et anni mei in gemíti-  
bus. **Ps.** In te, Dómine,  
sperávi. 50.

**ŷ.** Regina Mártyrum, ora  
pro nobis. **R.** Quæ juxta  
Crucem Jesu constitísti.

De Jeremia Prophéta.

**Lectio j. Thren. 4.**

**P**LORANS plorávit in nocte,  
et lácrymæ ejus in ma-  
xillis ejus: non est qui con-  
solétur eam ex ómnibus cha-  
ris ejus: omnes amici ejus  
sprevérunt eam, et facti sunt  
ei inimici, Vide, Dómine,  
quóniam tribulor, contur-  
bátus est venter meus,  
subvérsus est cor meum in  
memetípsa, quóniam ama-  
ritúdine plena sum. Foris  
intérficit gladius, et domi  
mors símilis est. Audiérunt  
quia ingemisco ego, et non  
est qui consolétur me.

**R.** Simeon vir justus et ti-  
morátus dixit ad Mariam:



\* Tuam ipsius animam pertransibit gladius. ¶ Ne vocetis me pulchram, sed amarain, quia amaritudine valde replévit me Omnipotens. Tuam.

**Lectio ij. Thren. 2. d**

**C**ui comparábo te, vel cui assimilábo te, filia Jerúsalem? cui exæquábo te, et consolábor te, virgo filia Sion? magna est enim velut mare contritio tua: quis medébitur tui? Plausérunt super te mánibus omnes transeúntes per viam: sibilavérunt, et movérunt caput suum super filiam Jerúsalem: Hæccine est urbs, dicéntes, perfécti decóris, gáudium univérsæ terræ? Aperuérunt super te os suum omnes inimíci tui: sibilavérunt, et fremuérunt dentibus, et dixerunt: Devorábimus.

¶ Surge, et áccipe puerum et matrem ejus, et fuge in Ægyptum \* Et esto tibi, usque dum dicam tibi. ¶ Vocávi filium meum ex Ægypto, ut véniat salus in Israel. Et.

**Lectio iij.**

**F**ECIT Dóminus quæ cogitávit, complévit sermónem suum, quem præcéperat a diébus antíquis: destrúxit, et non pepércit, et lætificávit super te inimicum, et exaltávit cornu hóstium tuórum. Clamávit

cor eórum ad Dóminum super muros filiaë Sion: Deduc quasi torréntem lácrymas per diem, et noctem: non des réquiem tibi, neque táceat pupilla óculi tui.

¶ Fili, quid fecísti nobis sic? \* Ego et pater tuus \* Doléntes quærebámus te. ¶ Quid est, quod me quærebátis? In his, quæ Patris mei sunt, opórtet me esse. Ego. Glória Patri. Doléntes.

**In secundo Nocturno.**

**Añs.** Factum est cor meum tamquam cera liquéscens in médio ventris mei. **Ps.** Deus, Deus meus, réspice. 33.

**Añs.** Deus, vitam meam annuntiávi tibi: posuísti lácrymas meas in conspéctu tuo. **Ps.** Miserére mei, Deus, quóniam. 78.

**Añs.** Fuérunt mihi lácrymæ meæ panes die, ac nocte. **Ps.** Quemádmódum. 68.

¶ Fascículus myrrhæ dilectus meus mihi. ¶ Inter úbera mea commorábitur. Sermo S. Bernárdi Abbátis.

**Lectio iv. Serm. de 12. Stel.**

**M**ARTYRIUM Virgínis tam in Simeónis prophetia, quam in ipsa Dominicæ passiónis história commendáitur. Pósitus est hic (ait sanctus senex de púero Jesu) in signum, cui contradicétur: et tuam ipsius animam (ad Mariám autem dicébat) pertransibit gladius. Vere tuam, o beáta

Mater, animam pertransi-  
vit : alióquin non nisi eam  
pertransiens , carnem Filii  
tui penetráret. Et quidem  
posteaquam emísit spíritum  
tuus ille Jesus, ipsius plane  
non áttigit ánimam crudélis  
lancea, quæ ipsius apérui-  
tatus, sed tuam útique áni-  
mam pertransívit : ipsius  
nimírum ánimam jam ibi non  
erat, sed tua plane inde ne-  
quibat avélli.

¶. Jesum bajulátem sibi  
crucem \* Sequebátur turba  
mulierum, quæ plangébant,  
et lamentabántur eum. ¶.  
Filiæ Jerúsalem, super vos  
ipsas flete, et super filios  
vestros. Sequebátur.

### Lectio v

**T**UAM ergo pertransívit  
ánimam vis dolóris, ut  
plusquam Mártirem non  
immérito prædicémus, in  
qua nimírum corpóreæ sen-  
sum passiónis excésserit  
compassiόnis afféctus. An  
non tibi plusquam gládus  
fuit sermo ille revéra per-  
transiens ánimam, et per-  
tingens usque ad divisiόnem  
animæ, ac spíritus : Múlier,  
ecce Filius tuus ? O com-  
mutatiόnem ! Joánnes tibi  
pro Jesu tráditur, servus  
pro Dómino, discipulus pro  
Magistro, filius Zebedæi pro  
Filio Dei, homo purus pro  
Deo vero. Quómodo non  
tuam affectuosíssimam áni-  
mam pertransíret hæc au-

ditio, quando et nostra, li-  
cet sáxea, licet férrea pécto-  
ra, sola recordátio scindit ?  
¶. Postquam venérunt in  
locum, qui dicitur Calváriæ,  
ibi crucifixerunteum : \* Sta-  
bat autem juxta crucem Je-  
su Mater ejus. ¶. Tunc beá-  
tam illius ánimam dolóris  
gládus pertransívit. Stabat.

### Lectio vj.

**N**ON mirémini, fratres,  
quod Mariá martyr in  
ánima fuisse dicátur. Miré-  
tur qui non memínerit se  
audivisse Paulum inter má-  
xima Géntium crimina me-  
morántem, quod sine affe-  
ctiόne fuissent. Longe id  
fuit a Mariæ viscéribus,  
longe sit a sérvulis ejus.  
Sed forte quis dicat : Num-  
quid non eum præscíerat  
moritúrum ? Et indubitán-  
ter. Numquid non sperábat  
continuo resurrectúrum ?  
Et fidéliter. Super hæc dó-  
luit crucifixum ? Et vehe-  
ménter. Alióquin quisnam  
tu, frater, aut unde tibi  
hæc sapiéntia, ut miréris  
plus Mariám compatiéntem,  
quam Mariæ Filium patién-  
tem ? Ille enim mori córpore  
póuit, ista cómmori corde  
non póuit ? Fecit illud chá-  
ritas, qua majórem nemo  
hábuít : fecit et hoc chári-  
tas, cui post illam símilis  
áltera non fuit.

¶. Joseph ab Arimathæa  
\* Pétiit corpus Jesu, quod

de cruce depositum \* Suo  
compléxu Mater excépit. **¶**  
Dolens Sunamitis sinu et  
génibus suis sustinuit mór-  
tuum Filium. Pétit. **G**loria  
Patri. Suo.

**In tertio Nocturno.**

**Añs.** Intendérunt arcum,  
rem amáram, ut sagittent  
in occúltis immaculátum.

**Ps.** **E**xáudi, Deus... cum  
déprecor. 82.

**Añs.** Anima mea turbáta  
est valde : sed tu, Dómine,  
úsquequo ? **Ps.** **D**ómine, ne  
in furóre tuo. 5.

**Añs.** Deus adjutor in tri-  
bulatióibus, quæ invené-  
runt nos nimis. **Ps.** **D**eus  
noster refúgium. 70.

**¶** Per te salutem hauriá-  
mus, Virgo María. **R.** Ex  
vulnéribus Christi.

**L**ectio sancti Evangélii  
secúndum Joánnem.

**Lectio vij. Cap. 19. c**

**I**n illo témpore : Stabant  
juxta crucem Jesu mater  
ejus, et soror matris ejus,  
María Cléophæ, et María  
Magdaléne. Et réliqua.

Homilia sancti Ambrósii  
Episcopi.

*De Institut. Virgin. cap. 7.*

**S**TABAT juxta crucem Ma-  
ter, et, fugiéntibus viris,  
stabat intrépida. Vidéte  
utrum pudórem mutáre po-  
túerit Mater Jesu, quæ áni-  
mum non mutávit. Spectábat  
piis óculis Filii vúlnera, per  
quæ scíēbat ómnibus futú-

ram redemptiōnem. Spe-  
ctábat non degéneri Mater  
spectáculo, quæ non metúe-  
rat peremptōrem. Pendēbat  
in cruce Filius, Mater se  
persecutóribus offerēbat.

**R.** Quis tibi sensus fuit,  
o Mater dolorum, \* Dum  
Joseph síndone Filium tuum  
invólvit, et pósuit eum in  
monumén to ? **¶** Considerá-  
te, et vidéte, si est dolor  
sicut dolor meus. Dum.

**Lectio viij.**

*Ex Ep. 25. ad Eccl. Vercell.*

**M**ARIA Mater Dómini ante  
Crucem Filii stabat.  
Nullus me hoc dócuit, nisi  
sanctus Joánnes Evangeli-  
sta. Mundum álii concússum  
in passiōe Dómini conscri-  
psérunt, cœlum ténebris  
obductum, refugisse solem,  
in paradísium latrónem, sed  
post piam confessiōnem, re-  
céptum Joánnes dócuit quod  
álii non docuérunt, quemád-  
modum in cruce pósitus  
Matrem appelláverit. Pluris  
putátur quod victor suppli-  
ciórum pietátis officia Matri  
exhibēbat quam quod re-  
gnum cœléste donábat. Nam  
si religiósus est, quod la-  
tróni donátur vénia, multo  
uberiórís pietátis est, quod  
a Filio Mater tanto afféctu  
honorátur.

**R.** In toto corde tuo gé-  
mitus Matris tuæ ne obli-  
viscáris, \* Ut perficiátur  
propitiatio, et benedictio.

**Ÿ.** Ave princeps generosa ,  
Martyrumque prima rosa ,  
Virginumque liliū. Ut.  
**G**loria Patri. Ut.

**Lectio ix. de Homilia Do-**  
**minicæ occurrentis.**

**AD LAUDES ,**

**et per Horas , Añæ.**

**1.** Quo abiit dilectus tuus ,  
o pulcherrima mulierum ?  
quo declinavit dilectus tuus ,  
et quæremus eum tecum ?

**Ps.** Dominus regnavit , **eum**  
**relinquis.** 48.

**2.** Recedite a me , amare  
flebo ; nolite incumbere , ut  
consolèmini me.

**3.** Non est ei species , neque  
decor , et vidimus eum , et  
non erat aspectus.

**4.** A planta pedis usque ad  
vérticem capitis non est in  
eo sanitas.

**5.** Fulcite me floribus , sti-  
pate me malis , quia amore  
languéo.

**Capitulum. Thr en. 2.**

**C**ui comparabo te ? vel cui  
assimilabo te , filia Jeru-  
salem ? cui exæquabo te , et  
consolabor te , virgo filia  
Sion ? Magna est velut mare  
contritio tua.

**Hymnus.**

**S**ummæ Deus cleméntiæ ,  
Septem Dolores Virginis  
Plagasque Jesu Filii  
Fac rite nos revolvere.

**N**obis salutem cónferant  
Deiparæ tot lacrymæ ,  
Quibus lavare sufficis  
Totius orbis crimina.

**AUTUMNALIS.**

**S**it quinque Jesu vûlnerum  
Amara contemplatio ,  
Sint et Dolores Virginis  
Æterna cunctis gaudia.

**J**esu , tibi sit glória ,  
Qui passus es pro sérvulis ,  
Cum Patre , et almo Spíritu ,  
In sempiterna sæcula. Am.

**Ÿ.** Maria Virgo , per virtû-  
tem tot dolorum. **R.** Fac nos  
gaudere in regno cœlorum.

**Ad Benedictus , Añæ.**

**V**enite , ascendamus ad  
montem Domini , et videte ,  
si est dolor sicut dolor  
meus.

**Oratio.**

**D**EUS , in cujus passióne  
secundum Simeónis pro-  
phetiam , dulcissimam ani-  
mam gloriôsæ Virginis et  
Matris Mariæ doloris glâ-  
dius pertransivit : concède  
propitius ; ut , qui Dolores  
ejus venerando recólimus ,  
passiónis tuæ effectum feli-  
cem consequámur. Qui vivis.

**Et sit com. Dominicæ.**

**Ad Primam , in R. br. Ÿ.**

Qui passus es propter no-  
stram salutem.

**Ad Tertiam , Añæ.**

Recedite a me.

**Capit. Cui comparabo.**

**R. br.** O vos omnes , \* Qui  
transitis per viam. O vos.

**Ÿ.** Attendite , et videte , si  
est dolor sicut dolor meus.

**Qui.** Gloria Patri. O vos. **Ÿ.**  
Defecerunt præ lacrymis  
oculi mei. **R.** Conturbata  
sunt omnia viscera mea.

Ad Sextam, Añā.

Non est ei species.

Capitulum. Thren. 1.

**P**LORANS ploravit in nocte,  
et lacrymæ ejus in maxillis ejus : non est qui consoletur eam ex omnibus charis ejus.

**R̃. br.** Defecerunt \* Præ lacrymis oculi mei. Defecerunt. **Ÿ.** Conturbata sunt omnia viscera mea. Præ. Glória Patri. Defecerunt. **Ÿ.** Fasciculus myrrhæ dilectus meus mihi. **R̃.** Inter úbera mea commorabitur.

Ad Nonam, Añā.

Fulcite me floribus.

Capitulum. Thren. 2.

**D**EDUC quasi torrentem lacrymas per diem, et noctem : non des requiem tibi, neque taceat pupilla oculi tui.

**R̃. br.** Fasciculus myrrhæ \* Diléctus meus mihi. Fasciculus. **Ÿ.** Inter úbera mea commorabitur. Diléctus. Glória Patri. Fasciculus. **Ÿ.** Anima mea liquefacta est. **R̃.** Ut diléctus locutus est.

In ij. Vesp. omnia ut in primis. 348.

**Ÿ.** Regina Mártýrum, ora pro nobis. **R̃.** Quæ juxta crucem Jesu constitisti.

Ad Magnificat, Añā.

Opprëssit me dolor, et facies mea intumuit a fletu, et palpebræ meæ caligaverunt.

Et sit com. Dominicæ.

DIE XVI. SEPTEMBRIS.

In Festo SS. Mártýrum  
Cornelii et Cypriani.

Semiduplex.

Añā. Istórum. **Ÿ.** Lætámini.

Oratio.

**B**EATORUM Mártýrum, patrítérque Pontíficum Cornelii et Cypriani nos, quæsumus Dómine, festa tueantur : et eórum commendet oratio veneranda. Per Dñm.

Postea SS. Euphemie, Lucie et Geminiani, Mart.

In Vesp., Añā. Gaudent in cœlis. **Ÿ.** Exultabunt, ex ij. Vesp. de Comuni.

In Laudibus vero, Añā. Istórum est. **Ÿ.** Lætámini, ex j. Vesperis.

Oratio.

**P**RÆSTA, Dómine, précibus nostris cum exultatione provéntum : ut sanctorum Mártýrum Euphemie, Lucie, et Geminiani, quorum diem passionis annua devotione recolimus, étiam fidei constantiam subsequámur. Per Dóminum.

Si Festum SS. Cornelii et Cypriani venerit in Dñica, transfertur in proximam diem Festo ix. Lect. non impeditam : com. autem SS. Euphemie, Lucie et Geminiani fit in j. Vesp. et Laud. Dñicæ, cum ix. Lectione ipsorum, et Añæ et **ŸŸ.** non variantur.

In j. Nocturno Lectiones de Scriptura occurrente.



Si autem venerit in Quatuor Temp. leguntur Lect., Fratres, Debitores, de Comm. xlj. et Lectio ix. de Hom. Feriæ occurrentis, cum ejus com. ad Laudes tantum.

In secundo Nocturno.

Lectio iv.

**C**ORNELIUS Románus, Gallo et Volusiáno Imperatoribus, Pontificátum gerens, cum Lucína fémina sanctíssima, córpora Apostolorum Petri et Pauli e catacumbis in opportuniorem locum transtulit, ac Pauli corpus Lucína in suo prædio, via Ostiensi, prope eum locum, ubi fúerat gládio percússus, collocávit : Cornélius Principis Apostolorum corpus non longe inde, ubi crucifixus fúerat, repósuit. Quod cum ad Imperatóres delátum esset, et Pontífice auctóre multos fieri Christiános, mittitur is in exilium ad Centum cellas : ubi eum sanctus Cypriánus Epíscopus Carthaginiénsis per litteras est consolátus.

**R.** Sancti tui, Dómine, mirábile consecúti sunt iter, serviéntes præcéptis tuis, ut inveniréntur illæsi in aquis válidis : \* Terra apparuit árida : et in mari Rubro via sine impediménto. **V.** Quóniam percússit petram, et fluxérunt aquæ, et torrentes inundavérunt. Terra,

Lectio v.

**H**OC autem christiánæ charitátis officium cum frequens alter álteri persólveret, deteriórem in partem id accipiéntes Imperatóres, accersítum Romam Cornélium, tamquam de majestáte reum, plumbátis cædi, raptúmque ad Martis simulacrum ei sacrificáre jubent. Quam impietátem cum ille detestarétur, ei caput abscissum est, décimo octávo Kaléndas Octóbris. Cujus corpus beáta Lucína, cléricis adjutóribus, humávit in arenária prædii sui prope cœmetérium Callisti. Vixit in Pontificátu annos circiter duos.

**R.** Vérbera carníficum non timuérunt Sancti Dei, moriéntes pro Christi nómine :

\* Ut herédes fierent in domo Dómini. **V.** Tradidérunt córpora sua propter Deum ad supplicia. Ut herédes.

Ex libro sancti Hierónymi Presbyteri de Scriptóribus ecclesiásticis.

Lectio vj.

**C**YPRIANUS Afer primum glorióse Rhetóricam dócuit : exinde, suadénte presbytero Cæcílio, a quo et cognoménum sortítus est, Christiánus factus, omnem substantiam suam paupéribus erogávit. Ac post non multum témporis eléctus in presbyterum, étiam Epíscopo-



pus Carthaginiensis constitutus est. Hujus ingenii superfluum est indicem texere, cum sole clariora sint ejus opera. Passus est sub Valeriano et Galliëno Principibus, persecutiõe octava, eodem die quo Romæ Cornélius, sed non eodem anno.

**R.** Tamquam aurum in fornace probavit electos Dominus, et quasi holocausti hostiam accepit illos: et in tempore erit respectus illorum: \* Quoniam donum et pax est electis Dei. **V.** Qui confidunt in illum, intelligent veritatem: et fideles in dilectione acquiescent illi. Quoniam. Gloria Patri. Quoniam.

**Iulij. Noct. Hom. in Evang.**  
Cum audieritis. xlvij.

**Pro SS. MM. Euphemia.**  
Lucia, et Geminiano.

**Lectio ix.**

**EUPHEMIA**, Lúcia, et Geminianus, in persecutiõe Diocletiani, non eodem loco, sed eodem die, martyrio coronati sunt. Euphemia virgo apud Chalcedonem, Prisco procõsule, varia tormentorum genera, virgarum, equulei, rotarum, ignis constanter passa, deum bestiis objecta, una ex iis morsum sancto corpori infigente, ceteris pedes ejus lambentibus, immaculatum spiritum Deo reddidit. Lucia, vidua Romana, a filio

Eutrõpio, quod Christum multos annos coluisset accusata, in ollam pice ac plumbo ferventem demittitur: unde incolumis evadens, cum ferro plumboque onerata per Urbem duceretur, Geminianum, nobilem virum, constantia fidei et martyrii ad Christum convertit: quem etiam cum multis aliis ad fidem perductis, varie tortum, gloriosi martyrii abscisso capite socium habuit. Quorum corpora Máxima, mulier christiana, honorifice sepelivit.

**Te Deum laudamus. 17.**

**Vesp. de seq., com. præc.**

**DIE XVII. SEPTEMBRIS.**

**In Festo Impressionis SS.**

**Stigmatum in corpore S. Francisci.**

**Duplex**

**Omnia de Comm. Conf. non Pont. lxxvij præter seq.**

**In Hymno, Iste Confessor, dic.** Hac die lætus meruit beata Vulnera Christi.

**In utrisque Vesperis V.** Signasti, Dómine, servum tuum Franciscum. **R.** Signis redemptionis nostræ.

**Oratio.**

**D**OMINE Jesu Christe, qui, frigescente mundo, ad inflammandum corda nostra tui amoris igne, in carne beatissimi Francisci passionis tuæ sacra Stigmata renovasti: concede propitius; ut, ejus méritis et précibus,

crucem júgiter ferámus, et dignós fructus pœniténtiæ faciámus. Qui vivis.

Deinde fit com. præc.

*Ant. Gaudet. V. Exultábunt. Oratio. Beatorum. 354.*

*In primo Nocturno.*

De Epístola beáti Pauli

Apóstoli ad Gálatas.

*Lectio j. Cap. 5. et 6.*

**S**I spiritu vivimus, spiritu et ambulémus. Non efficiámur inánis glóriæ cúpidi, invicem provocánte, invicem invidénte. Fratres, et si præoccupátus fúerit homo in áliquo delicto, vos, qui spirituáles estis, hujusmodi instrúite in spiritu lenitátis, considerans teípsum, ne et tu tentéris. Alter altérius ónera portáte, et sic adimplébitis legem Christi. Nam si quis existimat se áliquid esse, cum nihil sit, ipse se sedúcit. Opus autem suum probet unusquisque, et sic in semetipsotantum glóriam habébit, et non in áltero. Unusquisque enim onus suum portábit. Commúnicet autem is, qui catechizátur verbo, ei qui se catechizat, in ómnibus bonis.

**R.** Euge, serve bone et fidélis, quia in pauca fuísti fidélis, supra multa te constítuam : \* Intra in gáudium Dómini tui. **V.** Dómine, quinque talénta tradidísti mihi, ecce ália quinque superlucrátus sum. Intra.

*Lectio ij.*

**N**OLITE erráre : Deus non irridétur. Quæ enim semináverit homo, hæc et metet. Quóniam qui séminat in carne sua, de carne et metet corruptiónem : qui autem séminat in spíritu, de spíritu metet vitam ætérnam. Bonum autem faciénte, non deficiámus : témpore enim suo metémus, non deficientes. Ergo dum tempus habémus, operémur bonum ad omnes, máxime autem ad domésticos fidei. Vidéte quálibus lítteris scripsi vobis mea manu. Quicúmque enim volunt placére in carne, hi cogunt vos circumcidi, tantum ut crucis Christi persecutióne non patiántur. Neque enim qui circumcéduntur, legem custódiunt : sed volunt vos circumcidi, ut in carne vestra gloriéntur.

**R.** Justus germinábit sicut lílium : \* Et florébit in ætérnum ante Dóminum. **V.** Plantátus in domo Dómini, in átriis domus Dei nostri. Et florébit.

*Lectio iij.*

**M**ihi autem absit gloriári, nisi in cruce Dómini nostri Jesu Christi : per quem mihi mundus crucifixus est, et ego mundo. In Christo enim Jesu neque circumcisio áliquid valet, neque præpútium, sed nova

creatúra. Et quicumque hanc regulam secuti fuerint, pax super illos, et misericórdia, et super Israel Dei. De cetero nemo mihi molestus sit : ego enim stigmata Dómini Jesu in corpore meo porto. Grátia Dómini nostri Jesu Christi, cum spíritu vestro, fratres. Amen.

¶ Iste cognóvit justítiam, et vidit mirabilia magna, et exorávit Altíssimum : \* Et invéntus est in número sanctórum. † Iste est qui contémpsit vitam mundi, et pervénit ad cœléstia regna. Et. Glória Patri. Et.

In secundo Nocturno.

Lectio iv.

D. Bonav. in Leg. S.  
Francisci c. 43.

**F**IDELIS revéra fámulus et minister Christi Franciscus, biénio ántequam spíritum rédderet cœlo, cum in loco excélso seórsum, qui mons Alvérniæ dicitur, quadragenarium, ad honórem Archángeli Michaélis, jejúnium inchoáset, supérnæ contemplationis dulcédine abundantius sólito superfusus, ac cœléstium desideriórum ardentióri flamma succensus, supernárum cœpit immissiónum cumulátius dona sentire. Dum igitur séráphicis desideriórum ardóribus sursum agerétur in Deum, et afféctus compassiva teneritúdine in eum

transformarétur, cui ex charitáte nímia crucifigi complácuít : quodam mane circa festum Exaltatióis sanctæ Crucis, in látere montis orans, vidit quasi spéciem unius Séráphim, sex alas tam fúlgidas quam ignitas habéntem, de cœlórum sublimitáte descéndere ; qui volátu celérrimo ad áeris locum viro Dei propínquum pervéniens, non solum alátus, sed et crucifixus apparuit : manus quidem et pedes habens exténsos, et cruci affixos : alas vero sic miro modo hinc inde dispósitas, ut duas supra caput erigeret, duas ad volándum exténderet, duabus vero reliquis totum corpus circumplecténdo veláret. Hoc videns, veheménter obstúpuit, mixtúmque dolóri gáudium mens ejus incúrrit, dum et in gratióso ejus aspéctu sibi tam mirabíliter quam familiáriter apparéntis excessivam quamdam concipiébat lætítiam, et dirá conspéctu crucis affixio ipsius ánimam compassivi dolóris gládio pertransívit.

¶ Honéstum fecit.

Lectio v.

**I**NTELLEXIT quidem, illo docente intérius, qui et apparébat extérius, quod licet passionis infirmitas cum immortalitáte spíritus séráphici nullátenuis conveniret,

ideo tamen hujusmodi visio suis fuerat præséntata conspéctibus, ut amicus ipse Christi prænósceret, se non per martyrium carnis, sed per incrédium mentis totum in Christi Jesu crucifixi expréssam similitudinem transformándum. Disparens itaque visio, post arcánium ac familiáre collóquium, mentem ipsius seráphico intérius inflammávit ardóre: carnem vero Crucifixo confórmi extérius insignívit effigie; tamquam si ad ignis liquefactívam virtútem præambulam sigillatíva quædam esset impréssio subsecúta. Statim namque in mánibus et pédibus ejus apparére cœpérunt signa clavórum, ipsórum capítibus in inférióri parte mánuum et superióri pedum apparéntibus, et eórum acuminibus existéntibus ex advérso. Dextrum quoque latus quasi láncea transfixum rubra cicatrice obdúctum erat: quod sæpe sánguinem sacrum effúdens, túnica et femorália respergébat.

*R.* Amávit eum.

*Lectio vj.*

**P**OSTQUAM igitur novus homo Franciscus novo et stupéndo miraculo cláruit, cum singulári privilégio, retroáctis sæculis non concéso, insignitus apparuit, sacris videlicet Stigmatibus

decorátus, descéndit de monte secum ferens Crucifixi effigiem, non in tábulis lapídeis, vel ligneis, manu figurátam artificis, sed in cárneis membris descríptam dígitó Dei vivi. Quóniam sacraméntum Regis Seráphicus vir abscondere bonum esse óptime norat, secréti regális cóncius, signácula illa sacra pro víribus occultábat. Verum, quia Dei est ad glóriam suam magna reveláre, quæ facit. Dóminus ipse, qui signácula illa secréte imprésserat, miracula quædam apérte per ipsa monstrávit, ut illórum occúlta et mira vis stigmatum, manifestá patéret claritáte signórum. Porro rem admirábilem, ac tantópere testátam, atque in pontificiis diplomátibus præcipuis láudibus et favóribus exaltátam, Benedictus Papa Undécimus anniversária solemnitáte celebrári voluit: quam póstea Paulus Quintus Póntifex Máximus, ut corda fidélium in Christi crucifixi accenderéntur amórem, ad univérsam Ecclésiám propagávit.

*R.* Iste homo.

*In iij. Noct. Homilia in Evang. Si quis vult, de Comm. unius Mart. xxxv.*

*R. vij.* Iste est qui ante Deum magnas virtútes ope-

rátus est, et de omni corde suo laudávit Dñum. \* Ipse intercédát pro peccátis ómnium populórum. *ŷ* Ecce homo sine queréla, verus Dei cultor, ábstinens se ab omni ópere malo, et pérmanens in innocéntia sua. Ipse.

*R. viij.* Mihi absit gloriári, nisi in Cruce Dómini nostri Jesu Christi: \* Per quem mihi mundus crucifíxus est, et ego mundo. *ŷ*. Ego enim Stigmata Dómini Jesu in córpore meo porto. Per. *Gloria Patri.* Per.

*Ad Laudes, in Hymno.*  
Jesu, coróna, célsior, loco  
tertií *versus dicitur seq.*

Anni revérso témpore,  
Dies refúlsit lúmine,  
Quo Sanctus hic de córpore  
Christi recépit Stigmata.

*Vesperæ a Capitulo de  
sequenti. cum. com. præc.*  
**DIE XVIII. SEPTEMBRIS.**

*In Festo S. Josephi a  
Cupertino, Conf.*

*Duplex.*

*Omnia de Communi Conf.  
non Pont. lxxiij. præter seq.*

*Ad Magnificat. Añs.*

Mórtuus sum, et vita mea  
est abscondita cum Christo  
in Deo.

*Oratio.*

**D**EUS, qui ad unigénitum  
Fílium tuum, exaltátum  
a terra, ómnia tráhere dis-  
posuisti: pérfice propítius;  
ut méritis, et exémplo será-  
phici Confessóris tui José-

phi, supra terréas omnes  
cupiditátes eleváti, ad eum  
perveníre mereámur. Qui  
tecum vivit.

*Et lit com. SS. Stigmat.*  
*Añs.* Hic vir. *ŷ*. Signásti,  
*et Oratio. Dómine.* 336.

*In primo Nocturno.*

De Epístola ij. beáti Pauli  
Apóstoli ad Corinthios.

*Lectio j. Cap. 4. b*

**D**EUS, qui dixit de téne-  
bris lucem splendéscere,  
ipse illúxit in córdibus no-  
stris, ad illuminatióem  
sciéntiæ claritátis Dei, in  
fácie Christi Jesu. Habémus  
autem thesáurum istum in  
vasis fictilibus: ut sublimi-  
tas sit virtútis Dei, et non  
ex nobis. In ómnibus tribu-  
latióem pátimur, sed non  
angustiámur, aporiámur,  
sed non destitúimur: pers-  
cutiémur, sed non  
derelinquimur: deijcimur,  
sed non perimur: semper  
mortificatióem Jesu in cór-  
pore nostro circumferétes,  
ut et vita Jesu manifestétur  
in corpóribus nostris. Sem-  
per enim nos, qui vivimus,  
in mortem trádimur propter  
Jesum: ut et vita Jesu ma-  
nifestétur in carne nostra  
mortáli.

*ŷ*. Euge, serve bone et fi-  
délis, quia in pauca fuísti  
fidélis, supra multa te con-  
stitúam: \* Intra in gáu-  
dium Dómini tui. *ŷ*. Dómi-  
ne, quinque talénta tradidí-



sti mihi, ecce alia quinque superlucratus sum. Intra.

*Lectio ij. Cap. 5.*

**S**CIMUS enim, quoniam si terréstris domus nostra hujus habitatiónis dissolvá-tur, quod ædificatióem ex Deo habémus, domum non manufactam, ætérnam in cœlis. Nam et in hoc ingemiscimus, habitatióem nostram, quæ de cœlo est, superindui cupiéntes : si tamen vestíti, non nudi inveniamur. Nam et qui sumus in hoc tabernáculo, ingemiscimus graváti : eo quod nolumus expoliári, sed supervestíri, ut absorbeátur quod mortále est, a vita. Qui autem efficit nos in hoc ipsum, Deus, qui dedit nobis pignus spíritus. Audéntes ígitur semper, sciéntes quoniam dum sumus in corpore, peregrinámur a Dómino : (per fidem enim ambulámus, et non per spéciem) audémus autem, et bonam voluntátem habémus magis peregrinári a corpore, et præséntes esse ad Dóminum.

**R.** Justus germinábit sicut lilium : \* Et florébit in ætérnum ante Dóminum.  
**V.** Plantátus in domo Dómini, in átriis domus Dei nostri. Et.

*Lectio iij. Cap. 12.*

**S** gloriári opórtet (non expedit quidem :) véniam autem ad visiões et revela-

tiões Dómini. Scio hóminem in Christo ante annos quatuórdecim, (sive in corpore néscio, sive extra corpus néscio, Deus scit) raptum hujusmodi usque ad tértium cœlum. Et scio hujusmodi hóminem, (sive in corpore, sive extra corpus, néscio, Deus scit) quoniam raptus est in Paradisum : et audi-vit arcána verba, quæ non licet hómini loqui. Pro hujusmodi gloriábor : pro me autem nihil gloriábor nisi in infirmitátibus meis. Nam, et si volúero gloriári, non ero insípiens : veritátem enim dicam : parco autem, ne quis me existimet supra id quod videt in me, aut aliquid audit ex me. Et ne magnitúdo revelatiónum extóllat me, datus est mihi stímulus carnis meæ ángelus sátanæ, qui me colaphízet. Propter quod ter Dóminum rogávi, ut discéderet a me : et dixit mihi : Súfficit tibi grátia mea : nam virtus in infirmitáte perficitur. Libénter ígitur gloriábor in infirmitátibus meis, ut inhábitet in me virtus Christi.

**R.** Iste cognóvit justítiam, et vidit mirabilia magna, et exorávit Altíssimum : \* Et invéntus est in número sanctórum. **V.** Iste est qui contémpsit vitam mundi, et pervénit ad cœléstia regna. Et. Glória Patri. Et.



## In secundo Nocturno.

## Lectio iv.

**J**OSEPHUS a Cupertino, ópido in Salentinis dióecesis Neritonénsis, anno reparatæ salutis millésimo sexcentésimo tértio, piis ibidem paréntibus ortus, Deique amóre prævéntus, puerítiam atque adolescéntiam summa cum simplicitáte morúmque innocéntia transégit. A diutúrno molestóque morbo patientíssime toleráto Deiparæ Virgínis ope liberátus, se totum pietátis opéribus, ac excoléndis virtútibus dedit: utque Deo ad majóra vocánti se intímus conjúngeret, Ordini Seráphico nomen dare constituit. Post vários événtus voti tandem compos factus, apud Minóres Conventuáles in cœnóbio Cryptulæ, inter láicos primum ob litterárum imperítiam, deínde inter cléricos divína dispositióne connumerátus est. Sacerdótio post solémnia vota initiátus, perféctius sibi vitæ institútum propósuit. Quámobrem mundánis quibuscúmque afféctibus, terrenisque rebus pene ad vitam necessariis illico a se abdicátis, ciliciis, flagéllis, caténis, omni demum asperitátum, ac pœnarum génere corpus afflixit: spíritum vero sanctæ oratiónis altissimæque contemplatiónis assiduitáte dúlciter enu-

trivit. Hinc factum est, ut cháritas Dei, quæ jam erat in ejus corde a prima ætáte diffúsa, miro planéque singulari modo in dies coruscáverit.

¶ Honéstum fecit.

## Lectio v.

**E**LUXIT præcípue ardentíssima ejus cháritas in extásibus ad Deum suavíssimis, stupendisque ráptibus, quibus frequénter afficiebátur. Mirum autem, quod alienáto a sénsibus ánimo, statim ab éxtasi eum revocábat sola obediéntia. Hanc quippe virtútem exímio stúdio prosequébatur, dicere sólitus, se ab ea véluti cæcum circumdúci, et mori pótius velle, quam non obedire. Paupertátem vero Seráphici Patriárchæ ita æmulátus est, ut morti próximus Præláto suo assérere vere potúerit, se nihil habére, quod more Religiosórum resignáret. Itaque mundo sibi que mórtuus, vitam Jesu manifestábat in carne sua, quæ dum in aliquibus ex turpitudine obscœnum flagítium sentiébat, prodigiósum de se efflábat odorem, indicium nitidíssimæ illius puritátis, quam, immúndo spíritu vehementíssimis tentatió nibus frustra obnubiláre diu conánte, servávit illæsam, tum arcta sénsuum custódia, tum jugi córporis

maceratione, tum denique speciali protectione purissimæ Virginis Mariæ, quam Matrem suam appellare consuevit, ac veluti Matrem dulcissimam intimo cordis affectu venerabatur, eamque ab aliis venerari exoptabat, ut cum ejusdem patrocinio, sicut ipse aiébat, omnia bona consequerentur.

R. Amavit eum.

*Lectio vj.*

**H**ÆC beati Joséphi sollicitudo a sua erga próximos charitate prodibat: tanto enim animarum zelo exardébat, ut omnium salutem modis omnibus instantissime procuraret. Exténdens pariter charitatem suam in proximum sive pauperem, sive infirmum, sive quacúmque alia tribulatione vexatum, quantum in ipso erat, illum recreabat. Nec aliéni erant ab ejus charitate, qui objurgationibus, probris, omnisque generis injuriis ipsum appéterent: nam eadem patientia, mansuetudine, vultusque hilaritate talia excipiebat, quæ tot inter ac tantas vicissitudines resplénduit, dum vel moderatorum Ordinis, vel sacræ Inquisitionis jussu hac illac errare, versarique coactus est. Quamquam vero populi non solum, sed viri Principes eximiam ejus sanctitatem, et supérna cha-

rismata: admiraréntur, ea nihilóminus erat humilitate, ut magnum se peccatorem reputans, Deum enixe deprecaretur, ut sua ab eo illustria dona removeret; homines vero exoraret, ut in eum locum mortuum ejus corpus injicerent, ubi memoria sui esset prorsus oblitterata. At Deus, qui ponit humiles in sublimé, quique servum suum, dum viveret, cœlesti sapientia, prophetia, cordium perscrutatione, curationum gratia, ceterisque donis cumulatissime exornaverat, ejus quoque mortem iis quibus ipse antea prædixerat, loco ac tempore, anno ætatis suæ sexagésimo primo, Auximi in Picéno pretiosam reddidit, sepulchrúmque gloriósum. Illum denique étiam post obitum miraculis coruscantem Benedictus Quartusdecimus Beatórum, Clemens Tertiusdecimus Sanctórum fastis adscripsit. Ejus autem Officium, et Missam Clemens Quartusdecimus ejusdem Ordinis ad universam Ecclesiám exténdit.

R. Iste homo.

*In tertio Nocturno.*

*Lectio sancti Evangelii secundum Matthæum.*

*Lectio xij. Cap. 22.*

**I**N illo tempore: Loquebatur Jesus principibus sacerdotum, et Pharisæis in

parábolis, dicens : Símile factum est regnum cœlórum hómini regi, qui fecit núptias filio suo. Et réliqua. Homília S. Gregórii Papæ.

*Lib. 2. Homiliar.*

*Homil. 38.*

**Q**UIA jam, largiēte Dómino, nuptiárum domum, id est, sanctam Ecclésiám, intrástis, solérter, fratres, aspícite, ne áliquíd de mentis vestræ hábitu rex ingrédians reprehéndat. Cum magno enim cordis timóre pensándum est, quod prótinus súbditur : Intrávit autem rex, ut vidéret discumbéntes, et vidit ibi hóminem non vestitum veste nuptiáli. Quid, fratres charíssimi, exprimi per nuptiálem vestem putámus? Si enim vestem nuptiálem baptisma, vel fidem dicimus, quis sine baptismo et fide has núptias intrávit? Eo enim ipso foris est, qui necdum crédidit. Quid ergo debémus intelligere per nuptiálem vestem, nisi charitátem? Intrat enim ad núptias, sed cum nuptiáli veste non intrat, qui in sancta Ecclésia assístens fidem habet, sed charitátem non habet. Recte enim charitas nuptiális vestis vocátur, quia hanc in se Cónditor noster hábuit, dum ad sociándæ sibi Ecclésiæ núptias venit.

**I.** Iste est qui ante Deum

magnas virtútes operátus est, et de omni corde suo laudávit Dóminum : \* Ipse intercédát pro peccátis ómnium populórum. **Y.** Ecce homo sine queréla, verus Dei cultor, ábstinens se ab omni ópere malo, et pérmanens in innocéntia sua. Ipse.

*Lectio vij.*

**S**OLA quippe dilectióne Dei actum est, ut ejus Unigénitus mentes sibi electórum hóminum uníret. Unde et Joánnes dicit : Sic enim diléxit Deus mundum, ut Filium suum unigénitum daret pro nobis. Qui ergo per charitátem venit ad hómines, eámdem charitátem innótuít vestem esse nuptiálem. Omnis ergo vestrum, qui in Ecclésia pósitus Deo crédidit, jam ad núptias intrávit : sed cum nuptiáli veste non venit, si charitátis grátiam non custódit. Et certe, fratres, si quis ad carnáles núptias esset invitátus, vestem mutáret, congáudére se sponso et sponsæ ex ipso sui hábitus decóre osténderet, inter gaudéntes, et festa celebrántes despéctis véstibus apparére erubésceret. Nos ad Dei núptias venímus, et cordis vestem mutáre dissimulámus Congáudent Angeli, cum ad cœlum assumúntur elécti. Qua ergo

mente hæc spirituália festa conspícinus, qui nuptiálem vestem, id est, charitátem, quæ sola nos speciósos éxhibet, non habémus?

**R.** Sint lumbi vestri præcincti, et lucérnæ ardéntes in mánibus vestris : \* Et vos símiles homínibus expectántibus dóminum suum, quando revertátur a nuptiis.

**Y.** Vigiláte ergo, quia nescitis qua hora Dóminus vester ventúrus sit. Et. Glória Patri. Et.

### Lectio ix.

**S**CIENDUM vero est, quia sicut in duóbus lignis, superiore vidélicet, et inferiore, vestis téxitur : ita in duóbus præcéptis charitas habétur, in dilectióne scilicet Dei, et próximi. Scriptum quippe est : Diliges Dóminum Deum tuum ex toto corde tuo, et ex tota ánima tua, et ex tota virtúte tua, et próximum tuum sicut teípsum. Qua in re notándum est, quia in dilectióne próximi mensúra amoris pónitur, cum dicitur : Diliges próximum tuum sicut teípsum. Dei autem diléctio nulla mensúra constringitur, cum dicitur : Diliges Dóminum Deum tuum ex toto corde tuo, ex tota ánima tua, ex tota virtúte tua. Non enim jubétur quisque quantum diligit, sed ex quanto, cum

díctur : Ex toto ; quia ille veráciter Deum diligit, qui sibi de se nihil relínquit. Duo ergo necesse est ut charitátis præcépta custódiat, quisquis habére in nuptiis vestem nuptiálem curat.

**Te Deum laudámus. 17.**

**Ad Benedictus, Añá.**

Osténdit mihi Dñs flúvium aquæ vivæ, spléndidum tamquam crystállum, procedéntem de sede Dei, et Agni.

**Vesperæ a Capit. de seq., cum com. præc.**

### DIE XIX. SEPTEMBRIS.

**In Festo SS. Martyrum Januarii, Episc. et Soc.**

**Duplex.**

**Omnia de Comm. plur.**

**Mart. xxxviij. præter seq.**

**Oratio.**

**D**EUS, qui nos ánnua sanctorum Mátyrum tuorum Januárii et Sociórum ejus solemnitáte lætíficas : concéde propítius ; ut quorum gaudémus méritis, accendámur exémpis. Per Dóminum.

**Et fit com. S. Josephi a Cupertino, Añá.** Existimo ómnia detriméntum esse propter eminentem sciéntiam Jesu Christi Dómini mei.

**Y. Justum. Oratio.** Deus, qui ad unigénitum. 360.

**In j. Nocturno Lectiones de Scriptura occurrente.**

**In Quatuor Temp., Lect., Fratres, Debitóres, de Comm.**

xlj. et Lectio ix. de Homilia Ferie occurr., cum ejus com. ad Laud. tantum.

In secundo Nocturno.

Lectio iv.

**J**ANUARIUS, Benevénti Episcopus, Diocletiano et Maximiano in Christianos sæviéntibus, ad Timótheum Campaniæ Præsidentem ob christiánæ fidei professiõnem Nolam perdúctur. Ibi ejus constántia várie tentata, in ardéntem fornacem conjéctus, ita illæsus evásit, ut ne vestiméntum, aut capillum quidem flamma violáverit. Hinc Præses accensus iracúndia, Mártiris corpus imperat usque eo distrahi, quoad nervórum compáges artuúmque solvantur. Festus intérea ejus Diáconus, et Desidérius Lector comprehénsi, vinctique una cum Episcopo ante rhedam Præsidis Putéolos pertrahúntur, et in eúndem cárcerem in quo Sósius Misenas, et Próculus Puteolánus Diáconus, Eútyches et Acútius láici ad béstias damnáti detinebántur, simul conjiciúntur.

¶ Sancti tui.

Lectio v.

**P**OSTERO die omnes in amphitheatro feris obiecti sunt: quæ naturalis oblité feritátis, ad Januárii pedes seprostravére. Id Timótheus mágicis cantiónibus trí-

buens, cum senténtiam capitis in Christi Mártires pronuntiáset, óculis repénte captus, oránte mox beáto Januário, lumen recepit: quo miraculo hóminum millia fere quinque Christi fidem suscepérunt. Verum ingrátus judex nihilo placátior factus beneficio, sed conversiõne tantæ multitudinis actus in rábiem, véritus máxime Principum decréta, sanctum Episcopum cum sóciis gládio pércuti jussit.

¶ Vérbera carníficem.

Lectio vj.

**H**ORUM córpora finitimæ urbes pro suo quæque stúdio certum sibi patrónum ex iis apud Deum adoptandi, sepe liénda curárun. Januárii corpus Neapolitáni divíno admónitu extulére: quod primo Benevéntum, inde ad monastérium Montis Virginis, postrémo Neapolim translátum, et in majóri Ecclesiá conditum multis miraculis cláruit. Sed illud in primis memorándum, quod erumpéntes olim e monte Vesúvio flammárum globos, nec vicinis modo, sed longínquis étiam regiónibus vastitátis metum afferéntes, extínxit. Præclarum illud quoque, quod ejus sanguis, qui in ampulla vítrea concrétus asservátur, cum in conspéctu



capitis ejusdem Mártyris pónitur, admirándum in modum colliquefieri, et ebullire, perinde atque recens effusus, ad hæc usque témpora cérnitur.

**R.** Tamquam aurum.

**In tertio Nocturno.**

**Lectio sancti Evangélíi secúndum Matthæum.**

**Lectio vij. Cap. 24.**

**I**n illo témpore : Sedénte Jesu super montem Olivéti, accessérunt ad eum discipuli secréto, dicéntes : Dic nobis, quando hæc erunt? Et réliqua.

Homilla sancti Hilárii  
Episcopi.

**Comm. in Matth. cap. 25.**

**D**ISCIPULI Dóminum intérogant quando hæc fierent, quodve signum et adventus sui et consummationis sæculi nóscerent. Et quia tria hæc in unum quæsita sunt, distinctis et témporis et intelligéntiæ significatiónibus separántur. Respondétur igitur primum de civitátis occásu, et confirmántur veritáte doctrinæ, ne quis fallax ignorántibus posset obrépere. Ventúri enim erant étiam eórum témpore, qui se Christum essent nuncupáturi. Ut igitur fides pestífero mendácio détrahi posset, admonítio præcéssit.

**R.** Propter testaméntum Dómini, et leges patérnas,

Sancti Dei perstitérunt in amóre fraternitátis : \* Quia unus fuit semper spíritus in eis, et una fides. **Y.** Ecce quam bonum et quam jucúndum habitáre fratres in unum! Quia.

**Lectio viij.**

**C**ONFIRMAT igitur eos ad tolerántiam passiónum, fugæ, verberatiónis, intéritus, et públici in eos ódii propter nomen ejus. Atque his quidem vexatiónibus multi turbabúntur, et tantis insurgéntibus malis scandalizabúntur, et usque in mútuum ódium excitabúntur. Et falsi prophétæ erunt (ut Nicoláus unus ex septem Diacónibus fuit) multósque ementita veritáte pervértent : et abundánte nequítia, cháritas refrigéscet.

**R.** Sancti mei, qui in carne pósito, certámen habuístis, \* Mercédem labóris ego reddam vobis. **V.** Veníte, benedícti Patris mei, percípíte regnum. Mercédem. **Gloria Patri. Mercédem.**

**Lectio ix.**

**S**ED usque in finem perseverántibus salus reserváta est : ac tum per omnes orbis partes viris apostólicis dispérsis, Evangélíi véritas prædicábitur. Et cum univérsis fúerit cognitio sacraménti cœléstis invécta, tum Jerúsalem occásus et finis incúmbet : ut prædi-



cationis fidem et infidelium poena, et metus civitatis erutae consequatur. Hæc igitur in eam, ut fuerant prædicta, perfecta sunt: et lapidatis, fugatis, peremptis Apóstolis, fame, bello, captivitate consumpta est. Ac tum fuit digna non esse, cum, ejectis prædicatoribus Christi, indignam Dei prædicatione se præbuit.

**Te Deum laudamus. 17.**

**Vesp. a Capit. de seq. cum com. præcedentis.**

**DIE XX. SEPTEMBRIS.**

**In Festo SS. Eustachii et Sociorum, Martyrum.**

**Duplex.**

**Omnia de Comm. plur.**

**Mart. xxxviij. præter seq.**

**Oratio.**

**D**EUS, qui nos concedis sanctórum Mátyrum tuórum Eustáchii et Sociórum ejus natalitia cólere: da nobis in æténa beatitúdine de eórum societate gaudere. Per Dóminum.

**Pro com. SS. Januarii et Soc., Añs. Gaudent in cœlis. ſ. Exultábunt. Orat.**

**Deus, qui nos. 363.**

**Si hoc Festum venerit in Quatuor Temp., Lectiones j. Noct., Fratres, Debitóres, de Comm. xlj. Lectio ix. legitur de Homilia Feriæ occurr. cum ejus com. in Laud. tantum: et de Vigilia nihil fit nisi in Missa.**

**Si non venerit in Quatuor Temp., Lectiones j. Noct. de Scriptura occurr. Lectio ix. erit de Vigilia, ut infra, et com. de Laudibus.**

**In secundo Nocturno.**

**Lectio iv.**

**E**USTACHIUS, qui et Plácidus, genere, ópibus, et militári glória inter Romános insígnis, sub Trajáno Imperatóre magístri militum titulum méruit: cum vero sese aliquándo in venatione exercéret, ac fugientem miræ magnitúdinis cervum insequerétur, vidit repente inter consistentis feræ cónua excélsam atque fulgentem Christi Dómini e cruce pendéntis imáginem; cujus voce ad immortalis vitæ prædam invitátus, una cum uxóre Theopista, ac duóbus párvulis fíliis Agapito et Theopisto, christiánæ militiæ nomen dedit.

**ſ. Sancti tui.**

**Lectio v.**

**M**ox ad visiónis pristinæ locum, sicut ei Dóminus præcéperat, regréssus, illum prænuntiántem audiuit, quanta sibi deinceps pro ejus glória perferénda essent. Quocírca incredibiles calamitátes mira patientia perpéssus, brevi in summam egestátem redáctus est. Cumque clam se subducere cogerétur, in itinere cónjugem primum,

deinde etiam liberos sibi miserabiliter ereptos ingemit. Tantis obvolutus ærumnis, in regione longinqua villicum agens, longo tempore delituit; donec cœlesti voce recreatus, ac nova occasione a Trajano conquisitus, iterum bello præficitur.

**R.** Vërbera carnificum.

**Lectio vj.**

**I**LLA in expeditione, liberis simul cum uxore insperato receptis, victor Urbem ingenti omnium gratulatione ingreditur. Sed paulo post inanibus diis pro parta victoria sacrificare jussus, constantissime renuit. Cumque variis artibus ad Christi fidem ejurandam frustratentaretur, una cum uxore et liberis leonibus objicitur. Horum mansuetudine concitatus Imperator, æneum in taurum subiectis flammis candentem eos immitti jubet, ubi divinis in laudibus consummato martyrio, duodecimo Kalendas Octobris ad sempiternam felicitatem convolarunt. Quorum illæsa corpora religiose a fidelibus sepulta, postmodum ad Ecclesiam, eorum nomine erectam, honorifice translata sunt.

**R.** Tamquam aurum.

**In iij. Noct. Homilia in Evang. Descendens Jesus, de Comm. ij. loco. lj.**

**Pro Vigilia S. Matthæi. Bened.** Perevangélica dicta. **Lectio sancti Evangelii secundum Lucam.**

**Lectio ix. Cap. 5.**

**I**n illo tempore: Vidit Jesus publicanum nomine Levi, sedentem ad telonium, et ait illi: Séquere me. Et reliqua.

**Homilia sancti Ambrósii Episcopi.**

**Lib. 5. Com. in Lucæ c. 5.**

**M**YSTICA est hæc vocatio publicani, quem sequi jubet non corporis gressu, sed mentis affectu. Itaque ille prius avára de mercèdibus, dura de laboribus periculisque nautarum emolumenta convertens, verbo vocatus, propria derelinquit, qui rapièbat alièna: ac vile illud sedile destituens, toto post Dòminum vestigio mentis incedit: convivii quoque magni exhibet apparatus. Qui enim domicilio Christum recipit intèrno, máximis delectationibus exuberantium páscitur voluptatum. **Te Deum. 17.**

**In Laud. fit com. Vig. Ana et V. de Feria occurr.**

**Oratio.**

**D**A, quæsumus omnipotens Deus: ut beati Matthæi, Apóstoli tui et Evangelistæ, quam prævenimus, veneranda solèmnitas et devotionem nobis áugeat et salutem. **Per Dòminum.**

**Vesp. de seq., com. præc.**

**DIE XXI. SEPTEMBRIS.**  
**In Festo S. Matthæi, Apost.**  
**et Evangelistæ.**

**Duplex ij. classis.**

**Omnia de Comm. Apost.**  
**ij. præter seq.**

**Oratio.**

**B**EATI Apóstoli et Evange-  
 listæ Matthæi, Dómine ,  
 précibus adjuvémur : ut  
 quod possibilitas nostra non  
 óbtinet, ejus nobis interces-  
 siónē donétur. Per Dñum.

**Deinde fit com. SS. Eusta-**  
**chii et Soc. Mart. Aña. Gau-**  
**dent. ŷ. Exultábunt. Oratio.**  
**Deus, qui nos. 368.**

**In j. Noct. leguntur Lect.**  
**de Ezechiele Propheta, posi-**  
**tæ in Comm. Evang. xix.**

**In secundo Nocturno.**

**Lectio iv.**

**M**ATTHÆUS, qui et Levi,  
 Apóstolus et Evange-  
 lista, Caphárnai cum ad  
 telónium sedéret, a Christo  
 vocátus, statim secútus est  
 ipsum : quem étiam cum ré-  
 liquis discipulis convívio  
 excépit. Post Christi resur-  
 rectionem, ántequam in pro-  
 vinciam proficiscerétur, quæ  
 ei ad prædicándum obtíge-  
 rat, primus in Judæa, pro-  
 pter eos qui ex circumcisió-  
 ne crediderant, Evangélium  
 Jesu Christi hebráice scri-  
 psit. Mox in Æthiópiam pro-  
 fectus, Evangélium prædicá-  
 vit, ac prædicationem mul-  
 tis miráculis confirmávit.

**Ŕ. Vidi conjúctos viros**

habéntes spléndidas vestes,  
 et Angelus Dómini locútus  
 est ad me, dicens : \* Isti  
 sunt viri sancti, facti amíci  
 Dei. ŷ. Vidi Angelum Dei  
 fortem, volántem per mé-  
 dium cœlum, voce magna  
 clamántem, et dicéntem. Isti.

**Lectio v.**

**I**LLO igitur in primis mirá-  
 culo, quo regis filiam a  
 mórtuis excitávit, regem pa-  
 trem, et uxórem ejus, cum  
 univérsa provincia ad Chri-  
 sti fidem convértit. Rege  
 mórtuo, Hírtacus, ejus suc-  
 cessor, cum Iphigéniam,  
 régiam filiam, vellet sibi  
 dari in matrimónium, Mat-  
 thæum, cujus ópera illa  
 virginitátem Deo vóverat,  
 et in sancto propósito per-  
 severábat, ad altáre my-  
 stérium celebrántem jussit  
 occidi. Qui undécimo Ka-  
 léndas Octóbris munus apo-  
 stólicum martyrii glória cu-  
 mulávit. Cujus corpus Salér-  
 num translátum, ac pós-  
 modum in Ecclésia ejus  
 nómine dedicáta, Gregório  
 Séptimo Summo Pontífice,  
 cónditum, ibidem magno  
 hóminum concúrsu ac pie-  
 táte cólitur.

**Ŕ. Beáti estis cum male-**  
 dixerint vobis hómines, et  
 persecúti vos fúerint, et di-  
 xerint omne malum advér-  
 sum vos, mentiéntes, pro-  
 pter me : \* Gaudéte et ex-  
 ultáte, quóniam merces

vestra copiosa est in cœlis.  
 ¶ Cum vos oderint homines,  
 et cum separaverint vos, et  
 exprobraverint, et ejecerint  
 nomen vestrum tamquam  
 malum propter Filium ho-  
 minis. Gaudete.

De Expositione sancti Gre-  
 gorii Papæ super Ezechié-  
 lem Prophétam.

*Lectio vij. Hom. 3. l. 1.*

**S**ANCTA quatuor animalia,  
 quæ prophetiæ spiritu  
 futura prævidentur, subtili  
 narratione describuntur,  
 cum dicitur: Quatuor faciès  
 uni, et quatuor pennæ uni.  
 Quid per facièm, nisi noti-  
 tia: et quid per pennas,  
 nisi volatus exprimitur? Per  
 facièm quippe unusquisque  
 cognoscitur: per pennas  
 vero in altum avium corpo-  
 ra sublevantur. Faciès ita-  
 que ad fidem pertinet, pen-  
 na ad contemplationem. Per  
 fidem namque ab omnipo-  
 tenti Deo cognoscimur, sic-  
 ut ipse de suis óvibus dicit:  
 Ego sum pastor bonus, et  
 cognosco oves meas, et cog-  
 noscunt me meæ. Qui rur-  
 sus ait: Ego scio quos elé-  
 gerim. Per contemplationem  
 vero, qua super nosmet-  
 ipsos tollimur, quasi in aëra  
 levamur.

¶ Isti sunt triumpható-  
 res, et amici Dei, qui con-  
 temnentes jussa principum,  
 meruerunt præmia æterna:  
 \* Modo coronantur, et acci-

piunt palmam. ¶ Isti sunt  
 qui venerunt ex magna tri-  
 bulatione, et laverunt stolas  
 suas in sanguine Agni. Mo-  
 do coronantur. Glória Patri.  
 Modo coronantur.

*In tertio Nocturno.*

*Lectio sancti Evangelii  
 secundum Matthæum.*

*Lectio vij. Cap. 9.*

**I**N illo tempore: Vidit Je-  
 sus hominem sedentem in  
 telonio, Matthæum nomine.  
 Et ait illi: Séquere me. Et  
 reliqua.

Homilia S. Hierónymi  
 Presbyteri.

*Lib. 1. Com. in Matth. c. 9.*

**C**ETERI Evangelistæ, pro-  
 pter verecundiam et ho-  
 norem Matthæi, noluérunt  
 eum nomine appellare vul-  
 gato, sed dixerunt, Levi:  
 duplici quippe vocabulo fuit.  
 Ipse autem Matthæus (se-  
 cundum illud quod dicitur a  
 Salomone: Justus accusator  
 est sui in principio sermó-  
 nis: et in alio loco: Dic tu  
 peccata tua, ut justificeris)  
 Matthæum se et publicanum  
 nominat, ut ostendat legén-  
 tibus, nullum debere salú-  
 tem desperare, si ad melióra  
 conversus sit, cum ipse de  
 publicano in Apóstolum sit  
 repente mutatus.

¶ Isti sunt qui viventes  
 in carne, plantaverunt Ec-  
 clésiám sanguine suo: \*  
 Cálicem Dómini bibérunt, et  
 amici Dei facti sunt. ¶ In

omnem terram exiit sonus eorum, et in fines orbis terræ verba eorum. Cálicem.

### Lectio viij.

**A**RGUIT in hoc loco Porphyrius, et Juliánus Augústus, vel imperitiam histórici mentiéntis, vel stultitiam eorum, qui statim secuti sint Salvátorem, quasi irrationabiliter quémlibet vocántem hóminem sint secuti : cum tantæ virtutes, tantaque signa præcesserint, quæ Apóstolos, antequam créderent, vidisse non dúbium est. Certe fulgor ipse, et majestas divinitatis occúltæ, quæ étiam in humana fácie relucébat, ex primo ad se vidéntes tráhère póterat aspéctu. Si enim in magnéte lápide et súccinis hæc esse vis dicitur, ut ánnulos et stipulam et festúcas sibi cópulent : quanto magis Dóminus ómnium creaturárum ad se tráhère póterat quos vocábat ?

**¶** Isti sunt viri sancti, quos elégit Dóminus in charitáte non ficta, et dedit illis glóriam sempitérná : \* Quorum doctrína fulget Ecclésia, ut sole luna. **¶** Sancti per fidem vicérunt regna, operáti sunt justítiam. Quorum. **Gloria Patri. Quorum.**

### Lectio ix.

**E**T factum est, discumbéntes eo in domo, ecce mul-

ti publicáni et peccatóres veniéntes discumbébant cum Jesu. Vidébant publicánum a peccátis ad melióra convérsus, locum invenísse pœniténtiæ, et ob id étiam ipsi non despérant salutem. Neque vero in prístinis vítiis permanéntes véniunt ad Jesum, ut Pharisæi et Scribæ múrmurant ; sed pœniténtiam agéntes, ut sequens Dómini sermo significat, dicens : Misericórdiam volo, et non sacrificium : non enim veni vocáre justos, sed peccatóres. Ibat autem Dóminus ad convivia peccatórum, ut occasiõnem habéret docéndi, et spirituáles invitatóribus suis præbéret cibos.

**le Deum laudámus. 17.**

**In ij. Vesp. fit com. seq. et SS. Mart. ut infra.**

**DIE XXII. SEPTEMBRIS.**

**In Festo S. Thomæ de Villanova, Episc. et Conf.**

**Duplex.**

**Ad Magnificat in utrisque Vesp. Añá.** Dispérsit, dedit paupéribus : justítia ejus manet in sæculum sæculi.

**¶. Amávit.**

**Oratio.**

**D**EUS, qui beátum Thomam Pontíficem insignis in páuperes misericórdiæ virtúte decorásti : quæsumus ; ut ejus intercessiõne, in omnes qui te deprecántur, divítias misericórdiæ tuæ benignus effúndas. Per Dñum.



Deinde fit com. SS. Mauriti et Soc. Mart. Añā. Istórum est. *ŷ. Lætámini.*

*Oratio.*

**A**NNUE, quæsumus omnipotens Deus : ut sanctorum Mátyrum tuorum Maurítii, et Sociórum ejus, nos lætíficet festíva solémnitas : ut quorum suffrágiis nítimur, eórum natalítiis gloriémur. Per Dóminum.

*Ad Matutinum in Hymno, iste Conféssor, mutatur tertius versus.*

*In j. Nocturno Lectiones de Scriptura occurrente.*

*In Quatuor Temp., Lect. Fidélis sermo. lvj.*

*In secundo Nocturno.*

*Lectio iv.*

**T**HOMAS in óppido Fontispláni Toletánæ diocéseos in Hispánia natus, anno Dómini millésimo quadringentésimo octogésimo octávo, ab óptimis paréntibus, ineunte vita, pietátem et singulárem in páuperes misericórdiam accépit ; cujus adhuc puer complúra dedit exémpa, sed illud in primis nóbile, quod, ut nudos operíret, própriis véstibus non semel se ipsum éxuit. Exácta puerítia, Complúto, quo missus fúerat, ut álumnus in collégio majóri sancti Ildephónsi litteris óperam daret, patris óbitu revocatús, univérsam here-

ditátem egénis virgínibus aléndis dicávit : eodémque statim revérsus est, et sacræ Theologíæ cursu confécto, ádeo doctrína excélluit, ut in eádem Universitáte eáthedram ascéndere jussus, philosóphicas theologicásque quæstiónes mirabiliter explanáverit : interim assídus précibus sciéntiam Sanctorum, et rectam vitæ morúmque normam a Dómino vehementíssime póstrans. Quare divíno instinctu Eremitárum sancti Augustini ampléxus est Institutum.

*R. Invéni David.*

*Lectio v.*

**R**ELIGIONEM professus, ómnibus religiósi hómínis virtútibus et ornaméntis excélluit, humilitáte, paciéntia, continéntia, sed ardentíssima charitáte summe conspicuus : inter vários et assídus labóres oratióni rerúmque divinárum meditatióni invicto spírítu semper inténtus. Prædicándi onus, útpote sanctimónia et doctrína præstans, subire jussus, cœlésti aspiránte grátia, innumerábiles e vitiórum cœno in viam salutis eduxit. Regéndis deinde fratribus admótus, prudéntiam, æquitátem, et mansuetúdinem pari sedulitáte ac severitáte conjúnxit, ádeo ut priscam sui Ordinis disci-



plinam multis in locis vel firmáverit, vel restitúerit.

¶ Pósuí adjutórium.

*Lectio vj.*

**G**RANATENSIS Archiepísco-  
pus designátus, mira  
humilitáte et constántia in-  
signe munus rejécit. Verum  
non multo post Valentinam  
Ecclésiám, Superiórú aucto-  
ritáte coáctus, gubernán-  
dam suscepit, quam annis  
ferme úndecim ita rexit, ut  
sanctissimi et vigilantissimi  
pastóris partes expléverit.  
Céterum consuéta vivéndi  
ratione nihil ádmodum im-  
mutáta, inexplébili charitati  
multo magis indúlsit, cum  
amplos Ecclésiæ rédditus in  
egénos dispérsit, ne léctulo  
quidem sibi relicto : nam  
eum, in quo decumbébat,  
cum in cœlum evocarétur,  
ab eódem commodátum há-  
buit, cui paulo ante eleemó-  
synæ loco donáverat. Obdor-  
mivit in Dómino sexto Idus  
Septémbris, annos natus  
octo et sexagínta. Servi sui  
sanctitátem adhuc vivéntis,  
et exínde post mortem, mi-  
râculis Deus testátam vó-  
luit, præsertim cum hór-  
reum, fruménto paupéribus  
distribúto, pénitus vácuum,  
repénite plenum invéntum  
est, et cum ad ejus sepúl-  
chrum puer mórtuus reví-  
xit. Quibus aliisque non  
paucis fulgéntem signis,  
Alexánder Séptimus Pónti-

fex Máximus Sanctórum nú-  
mero adscrípsit, atque ejus  
memóriam quartodécimo  
Kaléndas Octóbris celebrári  
mandávit.

¶ Iste est qui ante.

*In iij. Noct. Homilia in  
Evang. Homo peregri, de  
Comm. lxij.*

*Pro SS. Mauritio, et Soc.*

*Lectio ix.*

**C**UM Maximianus Imperá-  
tor, ducto in Gálliam  
exércitu, in finibus Sedunó-  
rum sacrificii causa consti-  
tisset, Thebæórum légio, ne  
se impiórum sacrórum socie-  
táte contamináret, a réliquis  
cópíis discéssit. Quare Impe-  
rátor misit ad eos milites,  
qui suo nómine nuntiárent,  
ut, si salvi esse vellent, in  
castra ad sacrificia redírent.  
Qui se christiána religióne  
impediri respondérunt. Quo-  
rum respónsum ille indignis-  
sime ferens, majóri iracúndia,  
quam ántea, exársit. Itaque im-  
missa parte exér-  
citus in Thebæos, décimum  
quemque eórum primum oc-  
cidi jussit : quod martyrium  
sua sponte, maximeque hor-  
tatóre Mauritio, ferre ma-  
luérunt, quam imperáta fá-  
cere nefárii Imperatóris : ac  
deínde réliquos omnes, con-  
stantissime Christum præ-  
dicántes, décimo Kaléndas  
Octóbris, ab univérso exér-  
citu trucidári imperat.

*Te Deum laudamus. 47.*

In Laudibus ad Benedi-  
ctus, Añā. Eleemósynas il-  
lius enarrábit omnis Ec-  
clésia sanctórum.

Et sit com. SS. Mauritii,  
et Soc. Mart. Añā. Vestri  
capilli. Ÿ. Exultábunt. Ora-  
tio. Annue. 373.

In ij. Vesp. ad Magnifi-  
cat, Añā. Dispérsit, dedit  
paupéribus; justitia ejus  
manet in sæculum sæculi.

Et sit commem. seq. et  
S. Theclæ, Virg. et Mart.

DIE XXIII. SEPTEMBRIS.  
In Festo S. Lini, Papæ et  
Mart. Semidupl.

Omnia de Communi unius  
Mart. xxiij. præter seq.

Oratio.

**D**EUS, qui nos beáti Lini,  
Mártiris tui atque Pon-  
tíficis, ánnua solemnitáte  
lætificas: concéde propítius;  
ut cujus natalítia cólimus,  
de ejúsdem étiam protectió-  
ne gaudeámus. Per Dñum.

Deinde S. Theclæ, Virg.  
et Mart., Añā. Veni Sponsa.  
Ÿ. Spécie tua.

Oratio.

**D**A, quæsumus omnípo-  
tens Deus; ut, qui beátæ  
Theclæ, Virginis et Máty-  
ris tuæ, natalítia cólimus,  
et ánnua solemnitáte lété-  
mur, et tantæ fidei proficiá-  
mus exémplo. Per Dñum.

In j. Nocturno Lectiones  
de Scriptura occurrente.

In Quatuor Temp., Lect.,  
A Miléto, de Comm. xxiv.

In secundo Nocturno.

Lectio iv.

**L**INUS Póntifex, Volatérris  
in Etrúria natus, primus  
post Petrum gubernávit Ec-  
clésiā. Cujus tanta fides et  
sánctitas fuit, ut non solum  
dæmones ejíceret, sed étiam  
mórtuos revocáret ad vitam.  
Scripsit res gestas beáti Pe-  
tri, et ea máxime, quæ ab  
illo acta sunt contra Simó-  
nem magum. Sancívit, ne  
qua múlter, nisi veláto cá-  
pite, in Ecclesiā introíret.  
Huic Pontífici caput ampu-  
tátum est ob constántiam  
christiánæ fidei, jussu Sa-  
turnini impii et ingrátissimi  
Consuláris, cujus filiam a  
dæmonum vexatióne liberá-  
verat. Sepúltus est in Vati-  
cáno prope sepúlchrum Prin-  
cipis Apostolórum, nono  
Kaléndas Octóbris. Sedit  
annos úndecim, menses  
duos, dies viginti tres, creá-  
tis bis mense Decémbri Epi-  
scopis quindecim, Presby-  
teris decem et octo.

R. Honéstum fecit.

De Expositiōe S. Ambrósii  
Episc. in Psalmum centé-  
simum décimum octávum.

Lectio v. Serm. 21.

**P**RINCIPES persecúti sunt  
me gratis: et a verbis  
tuis trepidávit cor meum.  
Bene hoc martyr dicit, quod  
injúste persecutiónum tor-  
ménta sustineat, qui nihil  
rapúerit, nullum violéntus

opprésserit, nullus sánguinem fúderit, nullus toram putáverit esse violándum : qui nihil légibus débeat, et gravióra latrónum sustinére cogátur supplicia : qui loquátur juste, et non audiátur : qui loquátur plena salutis, et impugnétur : ut possit dicere : Cum loquébar illis, impugnábant me gratis. Gratis igitur persecutióne pátitur, qui impugnátur sine crimine : impugnátur ut nóxius, cum sit in tali confessiόne laudábilis : impugnátur quasi venéficus, qui in nómine Dómini gloriátur, cum píteas virtútum ómnium fundaméntum sit.

**¶** Desidérium.

**Lectio vj.**

**V**ERE frustra impugnátur, qui apud ímpios et infidos impietátis arcéssitur, cum fidei sit magister. Verum qui gratis impugnátur, fortis debet esse et constans. Quómodo ergo subtexnit : Et a verbis tuis trepidávit cor meum ? Trepidáre infirmitátis est, timóris atque formidinis. Sed est étiam infirmitas ad salutem, est étiam timor sanctorum. Timéte Dóminum omnes sancti ejus : et, Beátus vir, qui timet Dóminum. Qua ratiόne beátus ? Quia in mandátis ejus cupit nimis. **¶** Stola jucunditátis.

**In iij. Noct. Homilia in Evang. Si quis venit, de Comm. xxx.**

**Pro S. Thecla, Virg. Mari Lectio ix.**

**T**HECLA virgo, ex illústribus paréntibus Icónii nata, a Paulo Apóstolo fidei præcéptis instituta, miris sanctorum Patrum laudibus celebrátur. Quæ décimum octávum annum agens, Thámiride sponso relicto, cum eam paréntes, quod Christiána esset, accusássent, in ardéntem rogum, qui, nisi Christo renuntiáret, ei parátus erat, prius signo crucis armata, seipsam injécit. Sed igne plúvia, quæ repénite exórta est, extincto, Antiochiám venit : ubi feris objécta, et tauris in diversa incitátis alligata, mox conjécta in fossam plenam serpéntibus, ex ómnibus Jesu Christi grátia liberátur. Cujus ardóre fidei, et vitæ sanctitáte multi ad Christum convérsi sunt. Iterum in pátriam rédiens, in montem sola secéssit : deinde multis virtútibus et miráculis insignis, nonagenária migrávit ad Dóminum, ac Seleuciæ sepulta est.

**Te Deum laudámus. 17.**

**In Laud. fit com. S. Theclæ, Añna. Símile est. ¶ Diffusa. Oratio. Da, quæsumus 373.**

**Vesp. de seq., com. præc.**

DIE XXIV. SEPTEMBR.

In Festo B. V. Mariæ de  
Mercede.

Duplex majus.

Omnia ut in Festis B. M.

cxliv. præter seq.

Oratio.

**D**EUS, qui per gloriosissimam Filii tui Matrem ad liberandos Christi fideles a potestate Paganorum, nova Ecclesiam tuam prole amplificare dignatus es : præsta, quæsumus ; ut quam pie veneramur tanti operis Institutricem, ejus pariter meritis et intercessionem, a peccatis omnibus, et captivitate dæmonis liberemur. Per eundem Dominum.

Pro commemor. S. Lini.

Añ. Qui vult. Ÿ. Justus.

Oratio. Deus, qui nos. 375.

In j. Nocturno Lectiones,

Ego sapientia. cxlix.

In secundo Nocturno.

Lectio iv.

**Q**uo tempore major feliciorque Hispaniarum pars diro Saracenorum opprimebatur jugo, innumerique fideles sub immâni servitute, máximo cum periculo christianæ fidei abjurandæ, amittendæque salutis æternæ, infeliciter detinebantur, beatissima cœlorum Regina, tot tantisque benigniter occurrens malis, nimiam charitatem suam in iis redimendis ostendit. Nam

sancto Petro Nolasco, pietate et opibus florénti, qui sanctis vacans meditationibus, jûgiter ánimo recogitabat, qua ratione tot Christianorum ærûmnis sub Maurorum captivitate degentium succurri posset, ipsamet beatissima Virgo serena fronte se conspiciendam dedit, et acceptissimum sibi, ac unigénito suo Filio fore dixit, si suum in honorem institueretur Ordo Religiosorum, quibus cura incumberet captivos e Turcarum tyrannide liberandi. Qua cœlesti visione vir Dei recreatus, mirum est quo charitatis ardore flagrare cœperit, hoc unum servans in corde suo, ut ipse, ac instituenda ab eo Religio maximam illam charitatem sêdulo exercerent, ut quisque animam suam poneret pro amicis et proximis suis. **R.** Sicut cedrus exaltata sum in Libano, et sicut cyprêssus in monte Sion : quasi myrrha elêcta, \* Dedi suavitatem odoris. **V.** Et sicut cinnamómum et balsamum aromatizans. Dedi.

Lectio v.

**E**A ipsa nocte eadem Virgo sanctissima beato Raymunde de Pénnafort, et Jacobo Arragóniæ regi apparuit, idípsum de Religiosis instituendis admonens, suadensque ut opem pro con-

structione tanti operis ferrent Petrus autem statim ad Raymúndi pedes, qui ipsi erat a sacris confessionibus, advolans, ei rem omnem aperuit, quem etiam coelitus instructum reperit, ejusque directioni se humillime subjecit. At superveniens Jacóbus rex, quam et ipse accéperat a beatissima Virgine revelationem, exequi stáuit. Unde collatis inter se consiliis, et consentientibus animis, in honorem ejusdem Virginis Matris Ordinem instituire aggressi sunt, sub invocatione sanctæ Mariæ de Mercede Redemptionis Captivorum.

**R.** Quæ est ista, quæ processit sicut sol, et formosa tamquam Jerúsalem? \* Vidérunt eam filiæ Sion, et beatam dixerunt, et Reginae laudaverunt eam. **R.** Et sicut dies verni circumdabant eam flores rosarum, et lilia convallium. Vidérunt.

**Lectio vj.**

**D**IE igitur décima Augústi, anno Dómini millésimo ducentésimo décimo octávo, rex idem Jacóbus eam institutionem, jam pridem ab iisdem sanctis viris conceptam, exequi stáuit, sodalibus quarto voto adstrictis manendi in pignus sub paganorum potestate, si pro Christianorum liberatione

opus fuerit. Quibus rex ipse arma sua régia in pectore deferre concessit, et a Gregorio Nono illud tam præcelléntis erga proximum charitátis Institutum, et Religionem confirmari curavit. Sed et ipse Deus per Virginem Matrem incrementum dedit, ut talis institutio celérius ac felicius totum per orbem divulgaretur, sanctisque viris floruerit charitate ac pietate insignibus, qui eleemôsynas a Christi fidelibus collectas in pretium redemptionis suorum proximorum expenderent, seque ipsos interdum darent in redemptionem multorum. Ut autem tanti beneficii, et institutionis debitæ Deo et Virgini Matri referantur gratiæ, Sedes Apostólica hanc peculiarem Festivitatem celebrari, et Officium recitari indulsit, cum alia fere innúmera eidem Ordini privilégia pariter contulisset.

**R.** Ornátam monilibus filiam Jerúsalem Dóminus concupivit: \* Et videntes eam filiæ Sion, beatissimam prædicaverunt, dicentes: \* Unguentum effusum nomen tuum. **V.** Astitit Regina a dextris tuis in vestitu deaurato, circumdata varietate. Et. **Gloria Patri. Unguentum.**



In iij. Noct. Homilia in  
Evang. Loquente Jesu. clv.

DIE XXVI. SEPTEMBR.

SS. Cypriani et Justinæ,  
Martyrum.

Oratio.

**B**EATORUM Martyrum Cypriani et Justinæ nos, Domine, foveant continuata præsidia: quia non desinis propitius intueri, quos talibus auxiliis concesseris adjuvâri. Per Dominum.

Lectio ij.

**C**YPRIANUS primum magus, postea martyr, cum Justinam christianam virginem, quam juvenis quidam ardenter amabat, cantionibus ac beneficiis ad ejus libidinis assensum allicere conaretur, dæmonem consuluit, quam id re consequi posset. Cui dæmon respondit, nullam illi artem processuram adversus eos qui vere Christum colebant. Quo responso commotus Cyprianus, vehementer dolere cepit vitæ superioris institutum. Itaque, relictis magicis artibus, se totum ad Christi Domini fidem convertit.

Lectio iij.

**Q**UAM ob causam una cum virgine Justina comprehensus est, et ambo colaphis flagellisq; cæsi sunt: mox in carcerem conjecti, si forte sententiam commutarent. Verum inde postea

emissi, cum in christiana religione constantissimi reperirentur, in sartaginem plenam ferventis picis, adipis, et ceræ, injecti sunt. Demum Nicomedie securi feriuntur. Quorum projecta corpora, cum sex dies inhumata jacuissent, noctu quidam nautæ clam ea in navem imposita Romam portaverunt: ac primum in prædio Ruffinæ nobilis femine sepulta sunt: postea translata in Urbem, in Basilica Constantiniâna condita sunt prope Baptistrium.

Te Deum laudamus. 17.

DIE XXVII. SEPTEMBR.

In Festo SS. Martyrum  
Cosmæ et Damiani.

Semiduplex.

Omnia de Comm. plur.

Mart. xxxviij. præter seq.

Oratio.

**P**RÆSTA, quæsumus omnipotens Deus: ut, qui sanctorum Martyrum tuorum Cosmæ et Damiani natalitia colimus, a cunctis malis imminetibus, eorum intercessionibus, liberemur. Per Dominum.

In j. Nocturno Lectiones  
de Scriptura occurrente.

In secundo Nocturno.

Lectio iv.

**C**OSMAS et Damiânus fratres Arabes, in Aegæa urbe nati, nobiles medici Imperatoribus Diocletiano et Maximiano, non magis



medicinæ sciëntia, quam Christi virtute, morbis étiam insanabilibus medebántur. Quorum religiõnem cum Lysias Præfæctus cognovisset, adduci eos ad se jubet: ac de vivendi instituto, et de fidei professione interrogatus, cum se et Christiános esse, et christiánam fidem esse ad salutem necessariam, libere prædicarent, deos venerári imperat; et si id recúsent, minátur cruciátus, et necem acerbissimam.

**R.** Sancti tui.

**Lectio v.**

**V**ERUM, ut se frustra hæc illis propõnere intélligit: Colligáte, inquit, manus et pedes istórum, eosque exquisitis torquéte suppliciis. Quibus jussa exequéntibus, nihilóminus Cosmas et Damiánus in senténtia persistébant. Quare, ut erant vineti, in profúndum mare jaciúntur: unde cum salvi ac solúti essent egressi, mágicis ártibus Præfæctus factum assignans, in cárcerem tradit, ac postriðie eductos, in ardéntem rogam injici jubet: ubi cum ab ipsis flamma refúgeret, várie et crudéliter tortos secúri pércuti vóluit. Itaque in Jesu Christi confessiõe martyrii palmam accepérunt.

**R.** Vërbera carnificum.

**Lectio vj.** Quotiescúmque, de Comm. xliij. cum **R.** vj. Tamquam aurum.

**In iij. Nocturno Homilia in Evang.** Descéndens Jesus, de Comm. ij. loco. lj. **R.** viij. Hæc est vera. xlvij.

**Vesperæ a Capit. de seq., com. præc.**

**DIE XXVIII. SEPTEMB.**

**In Festo S. Wenceslai.**

**Ducis et Martyris.**

**Semiduplex.**

**Omnia de Comm. unius Mart. xxij. præter seq.**

**Oratio.**

**D**EUS, qui beátum Wencesláu per martyrii palmam a terréno principátu ad cœléstem glóriam transtulisti: ejus précibus nos ab omni adversitate custodi, et ejúdem tribue gaudere consórtio. Per Dóminum.

**In j. Nocturno Lectiones de Scriptura occurrente.**

**In secundo Nocturno.**

**Lectio iv.**

**W**ENCESLAUS, Bohémiae Dux, Wratisláo patre christiáno, Drahomíra matre gentili natus, ab ávia Ludmilla fémina sanctissima pie educátus, omni virtutum génere insignis, summo stúdio virginitátem per omnem vitam servávit illibatam. Mater per nefáriam Ludmillæ necem regni administrationem assecúta, impie cum junióre filio Bolesláo vivens, concitávit in

se Prócerum indignatióem: quare tyránnici et impii regiminis pertæsi, utriusque excusso jugo, Wencesláum in urbe Pragénsi regem salutárant.

¶ Honéstum fecit.

*Lectio v.*

**I**LLI regnum pietáte magis quam império regens, orphanis, viduis, egénis tanta charitáte subvénit, ut propriis húmeris aliquándo ligna indigéntibus noctu comportárit, paupéribus humándis frequénter adfúerit, captívos liberárit, carcéribus deténtos nocte intempestá visitárit, pecúniis et consílio sáepíssime consolátus. Miti ánimo Princeps veheménter dolébat, quém-piam, etsi reum, morti adjudicári. Summa religióne sacerdótes venerátus, suis manibus tríticum serébat, et vinum exprimébat, quibus in Missæ Sacrificio uteréntur. Nocte nudis pédibus super nivem et gláciem circuibat Ecclésiás, sanguinea et terram calefaciéntia post se relinquens vestigia.

¶ Desidérium.

*Lectio vj.*

**A**NGELOS hábuit sui corpóris custódes: cum enim ad singuláre certámen advérsus Radisláum, ducem Curiménsensem, eo fine accéderet, ut suórum salúti prospiceret, visi sunt Angeli

arma ministrásse, et dixísse adversário: Ne férias. Perterritus hostis, venerabúndus prócidens, véniam exorávit. Cum in Germániam proféctus esset, Imperátor, conspéctis duóbus Angelis, áurea cruce ad se accedéntem ornántibus, e sólio prosiliens bráchiis excépit, régiis insígnibus decorávit, eíque sancti Viti bráchium donávit. Nihilóminus impius frater, matre hortánte, convívio excéptum, et póstea in Ecclésia orántem, parátæ sibi mortis præscium, adhíbitis scéleris comítibus, interfécit. Sanguis, per parietes aspérsus, adhuc conspícitur, et, Deo víndice, matrem inhumánam terra absórbit: interfectóres váriis modis misere periérunt.

¶ Stola jucunditátis.

*In iij. Noct. Hom. in Evang. Si quis vult, ij. loco. xxxv.*

*Vesperæ de S. Michaelis sine com. S. Wenceslai.*

**DIE XXIX. SEPTEMBR.**

*In Dedicacione S. Michaelis Archangeli.*

*Duplex ij. classis.*

*Ad Vesp. Añæ de Laud.*

*Psal. de Dñica 134. et loco ult., Ps. laudáte Dóminum, omnes gentes. 138.*

*Capitulum. Apoc. 1.*

**S**IGNIFICAVIT Deus quæ ópórtet fieri cito, loquens per Angelum suum servo

suo Joánni, qui testimónium perhibuit verbo Dei, et testimónium Jesu Christi, quacúmque vidit.

**Hymnus.**

**T**E, splendor et virtus Patris,

Te, vita, Jesu, córdium,  
Ab ore qui pendent tuo,  
Laudámus inter Angelos.

Tibi mille densa millium  
Ducum coróna militat :

Sed éxplicat Victor Crucem  
Mícheal salútis signifer.

Draconis hic dirum caput  
In ima pellit tártara,

Ducémque cum rebéllibus  
Coelésti ab arce fúlminat.

Contra ducem supérbiæ  
Sequámur hunc nos Prínci-  
pem,

Ut detur ex Agni throno  
Nobis coróna glóriæ.

Patri, simulque Filio,  
Tibique, sancte Spíritus,

Sicut fuit, sit júgiter  
Sæclum per omne glória.

Amen.

Ÿ. Stetit Angelus juxta aram  
templi. R̃. Habens thuribu-  
lum áureum in manu sua.

**Ad Magnificat, Añs.**

Dum sacrum mystérium cér-  
neret Joánnes, Archángelus  
Mícheal tuba cécinít : Ignó-  
sce, Dómine Deus noster, qui  
áperis librum, et solvis  
signácula ejus, allelúia.

**Oratio.**

**D**EUS, qui miro ór-  
dine, Angelórum ministéria  
hominúmque dispénsas :

concéde propítius ; ut a  
quibus tibi ministrántibus  
in cœlo semper assístitur,  
ab his in terra vita nostra  
muniátur. Per Dóminum.

**Ad Matutinum, Invitat.**  
Regem Archangelórum Dó-  
minum, \* Veníte, adorémus.  
Ps. Veníte, exultémus. 2.

**Hym. Te, splendor, sup.**  
**In primo Nocturno.**

**Añs.** Concússum est ma-  
re, et contrémuit terra, ubi  
Archángelus Michael de-  
scendébat de cœlo. **Psal. ut**  
**in Festo SS. Aug. Cust. 395.**

**Añs.** Laudémus Dóminum,  
quem laudant Angeli, quem  
Chérubim et Séraphim,  
Sanctus, Sanctus, Sanctus,  
proclámant.

**Añs.** Ascéndit fumus aró-  
matum in conspéctu Dómini  
de manu Angeli.

Ÿ. Stetit Angelus juxta aram  
templi. R̃. Habens thuribu-  
lum áureum in manu sua.

Ex Daniéle Prophéta.

**Lectio j. Cap. 7.**

**A**SPICIEBAM donec throni  
pósi sunt, et antiquus  
diérum sedit : vestiméntum  
ejus cándidum quasi nix,  
et capílli cápitis ejus quasi  
lana munda : thronus ejus  
flammæ ignis : rotæ ejus  
ignis accénsus. Flúvius  
igneus rapidúsque egredie-  
bátur a fácie ejus. Millia  
millium ministrábant ei, et  
décies millies centéna mil-  
lia assístébant ei : júdicium

sedit, et libri apérti sunt. Aspiciébam propter vocem sermónum grándium, quos cornu illud loquebátur : et vidi quóniam interfécta esset béstia, et periisset corpus ejus, et tráditum esset ad comburéndum igni.

¶ Factum est siléntium in cælo, dum committeret bellum draco cum Michaële Archángelo : \* Audíta est vox míllia míllium dicéntium : Salus, honor, et virtus omnipoténti Deo. ¶ Míllia míllium ministrábant ei, et décies centéna míllia assistébant ei. Audita.

*Lectio ij. Cap. 10.*

**D**IE autem vigésima et quarta mensis primi eram juxta flúvium magnum, qui est Tigris. Et levávi óculos meos, et vidi : et ecce vir unus vestitus lineis, et renes ejus accincti auro obrízo : et corpus ejus quasi chrysólithus, et fácies ejus velut spécies fúlgoris, et óculi ejus ut lampas ardens : et bráchia ejus, et quæ deórsum sunt usque ad pedes, quasi spécies æris candéntis : et vox sermónum ejus ut vox multitudinis. Vidi autem ego Dániel solus visiónem : porro viri qui erant mecum, non vidérunt, sed terror nímius irrui super eos, et fugérunt in absconditum. Ego autem relíctus solus vidi visiónem

grandem hanc : et non remánsit in me fortitúdo, sed et spécies mea immutáta est in me, et emárcui, nec habui quidquam vírium.

¶ Stetit Angelus juxta aram templi, habens thuríbulum áureum in manu sua : et data sunt ei incénsa multa : \* Et ascéndit fumus arómatum de manu Angeli in conspéctu Dómini. ¶ In conspéctu Angelórum psallam tibi : adorábo ad templum sanctum tuum, et confitébor nómini tuo, Dómine. Et.

*Lectio iij.*

**E**T audívi vocem sermónum ejus : et áudiens jacébam consternátus super fáciem meam, et vultus meus hærébat terræ. Et ecce manus tétigit me, et eréxit me super génua mea, et super artículos mánuum meárum. Et dixit ad me : Dániel vir desideriórum, intéllige verba quæ ego loquor ad te, et sta in gradu tuo : nunc enim sum missus ad te. Cumque dixisset mihi sermónem istum, steti tremens. Et ait ad me : Noli metúere Dániel : quia ex die primo, quo posuisti cor tuum ad intelligéndum, ut te affligeres in conspéctu Dei tui, exaudita sunt verba tua : et ego veni propter sermónes tuos. Princeps autem regni Persárum réstitit mihi vigínti et uno diébus : et ecce Michael, unus

de principibus primis, venit in adiutorium meum, et ego remansi ibi iuxta regem Persarum. Veni autem ut docerem te quæ ventura sunt populo tuo in novissimis diebus, quoniam adhuc visio in dies.

¶ In conspectu Angelorum psallam tibi, et adorabo ad templum sanctum tuum, \* Et confitebor nomini tuo, Domine. ¶ Super misericordia tua, et veritate tua, quoniam magnificasti super nos nomen sanctum tuum. Et. Gloria Patri. Et.

In secundo Nocturno.

Añā. Michael Archangele, veni in adiutorium populo Dei.

Añā. Michael præpositus paradisi, quem honorificant Angelorum cives.

Añā. Gloriosus apparuisti in conspectu Domini, propterea decorem induit te Dominus.

¶ Ascendit fumus aromaticum in conspectu Domini.

¶ De manu Angeli.

Sermo S. Gregorii Papæ.

Lectio iv.

Ex Hom. 34. in Evang.

NOVEM Angelorum ordines dicimus, quia videlicet esse, testante sacro eloquio, scimus, Angelos, Archangelos, Virtutes, Potestates, Principatus, Dominationes, Thronos, Cherubim, atque Seraphim. Esse namque Angelos, et Archangelos pene

omnes sacri eloquii paginae testantur: Cherubim vero atque Seraphim sæpe, ut notum est, libri Prophetarum loquuntur. Quatuor quoque ordinum nomina Paulus Apostolus ad Ephesios enumerat, dicens: Supra omnem Principatum, et Potestatem, et Virtutem, et Dominationem. Qui rursus ad Colossenses scribens, ait: Sive Throni, sive Potestates, sive Principatus, sive Dominationes. Dum ergo illis quatuor, quæ ad Ephesios dixit, conjunguntur Throni, quinque sunt ordines: quibus dum Angeli et Archangeli, Cherubim atque Seraphim adjuncta sunt, procul dubio novem esse Angelorum ordines inveniuntur.

¶ Hic est Michael Archangelus, princeps militiæ Angelorum: \* Cujus honor præstat beneficia populorum, et oratio perducit ad regna cælorum. ¶ Archangelus Michael præpositus paradisi, quem honorificant Angelorum cives. Cujus.

Lectio v.

SCIENDUM vero, quod Angelorum vocabulum nomen est officii, non naturæ. Nam sancti illi cælestis patriæ spiritus, semper quidem sunt spiritus, sed semper vocari Angeli nequâquam possunt: quia tunc solum



sunt Angeli, cum per eos aliqua nuntiātur. Unde et per Psalmistam dicitur: Qui facit Angelos suos spiritus. Ac si patēter dicat: Qui eos, quos semper habet spiritus, etiam, cum voluerit, Angelos facit. Hi autem qui minima nūntiant, Angeli: qui vero summa annūntiant, Archangeli vocantur. Hinc est enim quod ad Mariam Virginem non quilibet Angelus, sed Gábriel Archangelus mittitur. Ad hoc quippe ministérium, summum Angelum venire dignum fuerat, qui summum omnium nuntiabat. Qui idcirco etiam privatis nominibus censentur, ut signetur per vocabula, etiam in operatione quid valeant. Michael namque, Quis ut Deus? Gábriel autem, Fortitudo Dei: Ráphael vero dicitur Medicina Dei.

*R.* Venit Michael Archangelus cum multitūdine Angelorum, cui tradidit Deus animas sanctorum, \* Ut perducatur eas in paradisum exultationis. *V.* Emitte, Domine, Spiritum sanctum tuum de cœlis, Spiritum sapientiæ et intelléctus. Ut.

### Lectio vj.

**E**T quóties miræ virtutis aliquid agitur, Michael mitti perhibetur: ut ex ipso actu et nómine detur intelliigi, quia nullus potest facere, quod facere præva-

let Deus. Unde et ille antiquus hostis, qui Deo esse per superbiam similis concupivit, dicens: In cœlum conscendam, super astra cœli exaltábo sólium meum, similis ero Altíssimo: dum in fine mundi in sua virtute relinquetur extrémó supplicio perimendus, cum Michaële Archangelo præliaturus esse perhibetur, sicut per Joannem dicitur: Factum est prælium cum Michaële Archangelo. Ad Mariam quoque Gábriel mittitur, qui Dei Fortitudo nominatur. Illum quippe nuntiare veniebat, qui ad debellandas aéreas potestates humilis apparere dignatus est. Ráphael quoque interpretatur, ut diximus, Medicina Dei: quia videlicet dum Tobíæ oculos quasi per officium curationis tetigit, cæcitatis ejus ténebras tersit.

*R.* In témpore illo consurget Michael, qui stat pro filiis vestris: \* Et veniet tempus quale non fuit, ex quo gentes esse cœperunt, usque ad illud. *V.* In témpore illo salvabitur pópulus tuus omnis, qui inventus fuerit scriptus in libro vitæ. Et. Glória Patri. Et.

### In tertio Nocturno.

*Ant.* Angelus Archangelus Michael, Dei nūntius pro animabus justis, allelúia, allelúia.



**Ana.** Data sunt ei incensa multa, ut adolérret ea ante altáre áureum, quod est ante óculos Dómini.

**Ana.** Multa magnália de Michaéle Archángelo, qui fortis in prælio fecit victóriam.

**v.** In conspéctu Angelórum psallam tibi, Deus meus.

**R.** Adorábo ad templum sanctam tuum, et confitébor nómini tuo.

**-Lectio sancti Evangélíi secúndum Matthæum.**

**Lectio vij. Cap. 18.**

**I**n illo témpore: Accessérunt discipuli ad Jesum, dicéntes: Quis, putas, major est in regno cœlórum? Et réliqua.

Homíllia sancti Hierónymi Presbyteri.

**L. 3. Com. in c. 18. Matth.**

**P**ost invéntum statérem, post tribúta réddita, quid sibi vult Apostolórum repentina interrogátio, Quis, putas, major est in regno cœlórum? Quia víderant pro Petro et Dómino idem tribútum réddítum, ex æqualitáte prétií arbitrátí sunt. Petrum ómnibus Apóstolis esse prælátum, qui in redditióne tribúti Dómino fúerat comparátus, ideo intérogant quis major sit in regno cœlórum. Vidénsque Jesus cogitatiónes eórum, et causas erróris intélligens, vult desidérium glóriæ hu-

militátis contentiône sanáre.

**ñ.** In conspéctu Géntium nolíte timére: vos enim in córdibus vestris adoráte et timéte Dóminum: Angelus enim ejus vobíscum est. **v.** Stetit Angelus juxta aram templi, habens thuríbulum áureum in manu sua. Angelus. **Bened.** Quorum festum cólimus.

**Lectio viij.**

**S**i autem manus tua, vel pes tuus scandalizat te, abscinde eum, et prójice abs te. Necesse est quidem venire scándala: væ tamen ei est hómini, qui, quod necesse est ut fiat in mundo, vitio suo facit ut per se fiat. Igitur omnis truncátur afféctus, et univérsa propínquitas amputátur, ne per occasiódinem pietátis unusquisque credéntium scándalis páteat. Si, inquit, ita est quis tibi conjúctus, ut manus, pes, óculus, et est útilis atque sollicitus, et acútus ad perspiciéndum, scándalum autem tibi facit, et propter dissonántiam morum te pértrahit in gehénam: mélius est ut et propínquitáte ejus, et emoluméntis carnálibus cárceas: ne, dum vis lucrifácere cognátos et necessários, causam hábeas ruinárum. **R.** Michael Archángelus venit in adjutórium pópulo

Dei, \* Stetit in auxilium  
pro animabus justis. *Y.*  
Stetit Angelus juxta aram  
templi, habens thuribulum  
aureum in manu sua. Ste-  
tit. *Gloria Patri. Stetit.*

*Lectio ix.*

**D**ICO vobis, quia Angeli  
eorum in caelis semper  
vident faciem Patris mei.  
Supra dixerat, per manum,  
et pedem, et oculum omnes  
propinquitates, et necessi-  
tudines, quae scandalum  
facere poterant, amputan-  
das; austeritatem itaque  
sententiae subiecto praecipto  
temperat, dicens: Videte ne  
contemnatis unum ex pusil-  
lis istis. Sic, inquit, praecipio  
severitatem, ut commisceri  
clementiam doceam: quia  
Angeli eorum in caelis vident  
semper faciem Patris. Magna  
dignitas animarum, ut una-  
quaeque habeat ab ortu na-  
tivitatis in custodiam sui  
Angelum delegatum. Unde  
legimus in Apocalypsi Joän-  
nis: Angelo Ephesi, et re-  
liquarum Ecclesiarum scri-  
be haec. Apostolus quoque  
praecipit velari capita in Ec-  
clesiis feminarum propter  
Angelos.

*Te Deum laudamus. 17.*

*AD LAUDES,*

*et per Horas, Antæ.*

*1.* Stetit Angelus juxta aram  
templi, habens thuribulum  
aureum in manu sua. *Ps.* Dó-  
minus regnavit, *um rel* 18.

*2.* Dum praeliarétur Michael  
Archangelus cum dracone,  
audita est vox dicentium:  
Salus Deo nostro, allelúia.

*3.* Archángele Michael con-  
stitui te principem super om-  
nes ánimas suscipiendas.

*4.* Angeli Dómini, Dómi-  
num benedicite in aéter-  
num.

*5.* Angeli, Archángeli, Thro-  
ni, et Dominationes, Prin-  
cipatus, et Potestates, Vir-  
tutes coelorum, laudate Dó-  
minum de caelis, allelúia.

*Capitulum. Apoc. 1.*

**S**IGNIFICAVIT Deus quae  
oportet fieri cito, loquens  
per Angelum suum servo  
suo Joänni, qui testimó-  
nium perhibuit verbo Dei,  
et testimónium Jesu Chri-  
sti, quaecúmque vidit.

*Hymnus.*

**C**HRISTE, sanctórum decus  
Angelórum,  
Gentis humanæ Sator et  
Redemptor,  
Coelitum nobis tribuas beá-  
tas

Scándere sedes.

Angelus pacis Michael in  
aedes

Coelitus nostras véniat, se-  
renæ

Auctor ut pacis lacrymósa  
in orcum

Bella reléget.

Angelus fortis Gábríel, ut  
hostes

Pellat antiquos, et amica  
coelo,

Quæ triumphator stáuit per orbem,

Templa revisat.

Angelus nostræ médius salutis

Adsit e cœlo Ráphael, ut omnes

Sanet ægrótos, dubiósque vitæ

Dirigat actus.

Virgo Dux pacis, Genitrixque lucis,

Et sacer nobis chorus Angelórum

Semper assístat, simul et micántis

Régia cœli.

Præstet hoc nobis Déitas beáta

Patris, ac Nati, paritérque sancti

Spiritus, cujus résonat per omnem

Glória mundum. Amen.

Stetit Angelus juxta aram templi. *R.* Habens thuribulum áureum in manu sua.

*Ad Benedictus. Añã.*

Factum est siléntium in cœlo, dum draco committeret bellum: et Michael pugnávit cum eo, et fecit victóriam, allelúia.

*Oratio.*

**D**EUS, qui miro órdine Angelórum ministéria hominúmque dispénsas: concéde propítius; ut a quibus tibi ministrántibus in cœlo semper assístitur, ab his in terra vita nostra muníatur. Per Dóminum.

*Ad Tertiam, Añã*

Dum præliarétur.

*Capit. Significávit. 387.*

*R. br.* Stetit Angelus

Juxta aram templi. Stetit.

*V.* Habens thuribulum áureum in manu sua Juxta.

Glória Patri. Stetit. *V.* Ascéndit fumus arómatum in conspéctu Dómini. *R.* De manu Angeli.

*Ad Sextam. Añã.*

Archángele Michael.

*Capitulum. Apoc. 5. c*

**A**UDIVI vocem Angelórum multórum in circúitu throni, et animálium, et seniórum: et erat númerus eórum millia millium, voce magna dicéntium: Salus Deo nostro.

*R. br.* Ascéndit fumus arómatum\* In conspéctu Dómini. Ascéndit. *V.* De manu Angeli. In. Glória Patri. Ascéndit. *V.* In conspéctu Angelórum psallam tibi, Deus meus. *R.* Adorábo ad templum sanctum tuum, et confitébor nómini tuo.

*Ad Nonam, Añã*

Angeli, Archángeli.

*Capitulum. Apoc. 12. b*

**F**ACTUM est prælium magnum in cœlo, Michael, et Angeli ejus præliabántur cum dracóne, et draco pugnabat, et ángeli ejus: et non prævaluérunt, neque locus invéntus est eórum ámplius in cœlo.

*R. br.* In conspéctu Angeló-

rum \* Psallam tibi, Deus meus. In. **✠** Adorábo ad templum sanctum tuum, et confitébor nómini tuo. Psallam. Glória Patri. In. **✠** Adoráte Deum. **✠** Omnes Angeli ejus.

In **ij. Vesp. Añæ et Cap. de Laud. Psalmi de Dñica** 134. et loco ult. Ps. Confitébor... quóniam. 149.

**Hymn. Te splendor. 382.**  
**✠** In conspéctu Angelórum psallam tibi, Deus meus. **✠** Adorábo ad templum sanctum tuum, et confitébor nómini tuo.

**Ad Magnificat. Aña.**  
Princeps gloriosissime, Michael Archángele, esto memor nostri : hic, et ubique semper precáre pro nobis Fílium Dei, alleluia.

**Deinde fit com. seq.**  
**DIE XXX. SEPTEMBRIS.**  
**In Festo S. Hieronymi, Presb**  
**Conf. et Eccl. Doct.**  
**Duplex.**

**Omnia de Communi Conf.**  
**non Pont. lxxij. præter seq.**  
**Ad Magnificat in utrisque**  
**Vesp., Aña.** O Doctor óptime, Ecclesiæ sanctæ lumen, beáte Hierónyme, divínæ legis amátor, deprecáre pro nobis Fílium Dei. **✠** Amávit.

**Oratio.**  
**D**EUS, qui Ecclesiæ tuæ in exponéndis sacris Scriptúris beátum Hierónymum, Confessórem tuum, Doctórem máximum provi-

dere dignátus es : præsta, quæsumus ; ut, ejus suffragántibus méritis, quod ore simul et ópere dócuit, te adjuvánte, exercére valeámus. Per Dóminum.

**In j. Nocturno Lectiones.**  
Sapiéntiam, de Communi Doct. lxxij.

**In secundo Nocturno.**  
**Lectio iv.**

**H**IERONYMUS, Eusépii filius, Stridóne in Dalmátia, Constantio Imperatóre, natus, Romæ adlescens est baptizátus, et in liberálibus disciplinis a Donato, et aliis viris doctíssimis eruditus. Tum discéndi stúdio Gálliam peragravit : ubi pios aliquot et in divínis lítteris eruditos viros cóluit, multósque sacros libros sua manu descripsit. Mox se in Græciam cónferens, philosophía et eloquéntia instrúctus, summórum Theologórum consuetúdine flóruit : in primis vero Gregório Nazianzéno Constantinópoli óperam dedit : quo doctóre se sacras lítteras didicisse profitétur. Tum religiónis causa visit Christi Dómini incunábula, totámque lustrávit Palæstinam : quam peregrinaciónem, adhibitis Hebræórum eruditíssimis, ad sacræ Scriptúræ intelligéntiam sibi multum profuísse testátur. **✠** Honéstum fecit.

## Lectio v.

**D**EINDE secéssit in vastam Syriæ solitudinem : ubi quadriennium in lectione divinorum librorum cœlestisque beatitudinis contemplatione consumpsit, assidua se abstinéntia, vi lacrymarum, et corporis afflictatione discrucians. Præbyter a Paulino Episcopo Antiochiæ factus, Romam de controversiis quorundam Episcoporum cum Paulino et Epiphânio ad Damsum Pontificem profectus, ejus ecclesiasticis epistolis scribendis adjutor fuit. Verum cum pristinae solitudinis desiderio teneretur, in Palæstinam reversus Béthlehem ad Christi Domini Præsepe, in monasterio, quod a Paula Romána extructum erat, cœlestem quamdam vitæ rationem instituit : et quamquam varie morbis doloribusque tentaretur, tamen corporis incommoda piis laboribus, et perpétua lectione ac scriptione superabat.

¶. Amavit eum.

## Lectio vj.

**T**AMQUAM ad oraculum ex omnibus orbis terræ partibus ad ipsum divinæ Scripturæ quæstiones explicandæ referebantur. Illum Damsus Pontifex, illum sanctus Augustinus de locis Scripturæ difficillimis sæpe consu-

luit, propter ejus singularem doctrinam, et linguæ non solum latinæ et græcæ, sed hebræicæ étiam et chaldæicæ intelligentiam et quod omnes pene scriptores, ejusdem Augustini testimonio, légerat. Hæreticos acerrimis scriptis exagitavit : piærum et Catholicorum patrocinium semper suscepit. Vetus testamentum ex hebræo convertit : novum jussu Damsi græcæ fidei reddidit ; magna étiam ex parte explicavit. Multa præterea latine reddidit scripta doctorum virorum : et ipse aliis proprii ingenii monuméntis christianam disciplinā illustravit. Qui ad summam senectutem perveniens, sanctitate et doctrina illústris, Honório Imperatore, migravit in cœlum. Cujus corpus ad Béthlehem sepúltum, póstea Romam in Basilicam sanctæ Mariæ ad Præsepe translátum est. ¶. Iste homo.

## In tertio Nocturno

Lectio sancti Evangélii secundum Matthæum.

## Lectio vij. Cap. 5. b

**I**N illo tēpore : Dixit Jesus discipulis suis : Vos estis sal terræ. Quod si sal evanúerit, in quo saliétur ? Et reliqua.

Homilia S. Hierónymi Presb. L. 1. Com. in c. 5. Matth.

**S**AL appellántur Apóstoli et Doctóres : quia per

illos univérsum hóminum  
conditur genus. Quod si sal  
evanúerit, in quo saliétur?  
Si doctor erráverit, a quo  
álio doctóre emendábitur?  
Ad nihilum valet ultra, nisi  
ut mittátur foras, et con-  
culcétur ab homínibus.  
Exémplum de agricultúra  
sumptum est. Sal étenim  
sicut in cibórum condimen-  
tum, et ad siccándas car-  
nes necessárium est, ita  
álium usum non habet.  
Certe légimus in Scriptúris,  
urbes quasdam ira victórum  
sale seminátas, ut nullum  
in ipsis germen orirétur.

¶ Iste est qui ante Deum  
magnas virtútes operátus  
est, et de omni corde suo  
laudávit Dóminum: \* Ipse  
intercédat pro peccátis óm-  
nium populórum. ¶ Ecce  
homo sine queréla, verus  
Dei cultor, ábstinens se ab  
omni ópere malo, et pérma-  
nens in innocéntia sua. Ipse.

### Lectio viij.

**C**AVEANT ergo doctóres et  
Epíscopi, et vídeant po-  
téntes poténter torménta  
sustinére, nihílque esse  
remédii, sed majórum rui-  
nam ad tártarum dúcere.  
Vos estis lux mundi. Non  
potest civitas abscóndi su-  
pra montem pósita: neque  
accéndunt lucérnam, et po-  
nunt eam sub módio, sed  
super candelábrum. ut lú-  
ceat ómnibus, qui in domo

sunt. Docet fidúciam prædi-  
cándi, ne Apóstoli abscon-  
dántur ob metum, et sint  
similes lucérnæ sub módio,  
sed tota libertátese prodant:  
ut quod audiérunt in cubi-  
culis, prædicent in tectis.  
¶ In médio Ecclésiæ apé-  
ruit os ejus, \* Et implévit  
eum Dóminus spiritu sa-  
piéntiæ et intelléctus. ¶  
Jucunditatem et exultatió-  
nem thesaurizávit super  
eum. Et. Glória Patri. Et.

### Lectio ix

**N**OLITE putáre quóniam  
veni sólvere legem, aut  
Prophétas: non veni sól-  
vere, sed adimplére. Sive  
quod de se per álios pro-  
phetáta compléverit, sive  
quod ea quæ ante propter  
infirmítatem audiéntium rú-  
dia et imperfécata fúerant,  
sua prædicatióne complé-  
verit, iram tollens, et vi-  
cem taliónis exclúdens, et  
occúltam in mente concu-  
piscéntiam damnans. Donec  
tránseat cælum et terra.  
Promittúntur nobis cæli  
novi, et terra nova, quæ  
factúrus est Dóminus Deus.  
Si ergo nova creánda sunt  
consequénter vétera transi-  
túra.

Te Deum laudámus. 17.

In ij. *Vesperis fit com-  
S. Remigii.*

FESTA OCTOBRIS.

Prima die non impedita  
dicetur Officium Defunct.



## DOMINICA I. OCTOBRIS.

In Solemnit. SS. Rosarii

B. V. Mariæ.

Duplex majus

Omnia ut in Festis B. M.

cxliv. præter seq.

In fine Añæ ad Magnificat et R̃. vij. ad Matut. loco Festivitatẽ, dicitur Solemnitatem.

Oratio

**D**EUS, cujus Unigénitus, per vitam, mortem, et resurrectionem suam, nobis salutis æternæ præmia comparavit: concède quæsumus; ut hæc mystéria sanctissimo beatæ Mariæ Virginis Rosario recolentes, et imitemur quod continent, et quod promittunt assequamur. Per eundem Dóminum.

Et fit com. Dominicæ.

In j. Nocturno Lectiones

Ego sapientia. cxlix.

In secundo Nocturno.

Lectio iv.

**C**UM Albigensium hæresis per Tolosatum regionem impie grassaretur, atque altius in dies radices ageret, sanctus Dominicus, qui nuper Prædicatorum Ordinis fundamenta jecerat, ad eam convellendam totus incubuit. Id ut præstaret validius, auxilium beatæ Virginis, cujus dignitas illis erroribus impudentissime impetebatur, cuique datum est cunctas hæreses interficere in universo mun-

do, enixis precibus imploravit: a qua (ut memoriæ pròditum est) cum mōitus esset, ut Rosarium pópulis prædicaret, velut singulære advērsus hæreses ac vitia præsidium; mirum est, quanto mentis fervore, et quam felici succēssu injunctum sibi munus sit executus. Est autem Rosarium certa precandi fórmula, qua quindecim Angelicarum salutationum decades, oratione Dominica interjecta, distinguimus, et ad earum singulas tótidem nostræ reparationis mystéria pia meditatione recolimus. Ex eo ergo tempore pius hic orandi modus mirabiliter per sanctum Dominicum promulgari, augerique cœpit; quem ejusdem institutorem auctoremque fuisse, Summi Pontifices apostolicis litteris passim affirmarunt.

**R̃.** Sicut cedrus exaltata sum in Libano, et sicut cyprēssus in monte Sion: quasi myrrha electa, \* Dedi suavitatem odoris. **Ṽ.** Et sicut cinnamomum et balsamum aromatizans. Dedi.

Lectio v.

**I**NNUMERABILES porro fructus ex hac tam salutari institutione in christianam rempublicam dimanarunt: inter quos victória illa mérito numeratur, quam sanctissimus Pontifex Pius

Quintus, et ab eo inflammáti christiáni príncipes apud Echinadas insulas de Turcárum tyránno potentíssimo reportáru[n]t. Nam, cum illa ipsa die ea victória reláta sit, qua die sanctíssimi Rosárii sodalitátes per univérsum orbem consuétas supplicatiónes perágerent, statutásque preces de more fúnderent, iis précibus haud immérito refértur accépta. Quod quidem cum étiam Gregórius Tertius décimus testátus esset, ut pro tam singulári beneficio beátæ Virgini sub appellatióne Rosárii perénnes grátia ubique terrárum haberéntur, in Ecclésiis ómnibus, in quibus altáre Rosárii foret, prima quaque Octóbris Domínica Officiu[m] ritu dúplici majóri perpétuo celebrándum indixit: aliique Pontífices Rosárium recitántibus, ejusdémque Rosárii sodalitátibus Indulgéntias pene innúmeras concessére.

**¶** Quæ est ista, quæ processit sicut sol, et formósa tamquam Jerúsalem? **¶** Vidérunt eam filiæ Sion, et beátam dixerunt, et Reginæ laudavérunt eam. **¶** Et sicut dies verni circúmdabant eam flores rosárum, et lília convállium. Vidérunt.

*Leche vj*

**¶** SUPER vero Clemens Undécimus ánimó reputans

insignem páriter victóriam anno millésimo septingentésimo décimo sexto in Hungáriæ regno a Cárolo Sexto, in Imperatórem Romanórum elécto, de innúmeris Turcárum cópiis relátam, eo die contigisse, quo festum Dedicationis sanctæ Mariæ ad Nives celebrarétur, atque eódem ferme témpore, quo sanctíssimi Rosárii confrátres públicam solemnémque supplicatióne[m] in Alma Urbe, ingénti pópuli concúrsu, magnáque religióne peragéntes, férvidas ad Deum preces pro Turcárum depressiône fúnderent, ac poténtem opem Deiparæ Virginis in auxílium Christianórum humíliter implorárent: eam ob rem, victóriam illam, necnon liberátam paulo post eorúmdem Turcárum obsidióne Corcyrénsē insulam, ejusdē beátæ Virginis patrocínio pie cénsuit adscribendam. Quámobrem, ut hujus quoque tam insignis beneficii perénis semper et memória exstáret et grátia, sanctíssimi Rosárii festum eádē die, eodémque ritu celebrándum, ad Ecclésiā univérsam exténdit. Hæc autem ómnia Benedictus Décimus tértius in Breviário Románo novíssimē appóni jussit. Sanctíssimam ergo Dei Genitricē cultu hoc eídem gratíssimó júgiter ve-

nerémur, ut quæ tóties Christi fidélibus, Rosárii précibus exoráta, terrénos hostes profligáre dedit, ac pérdere, inférnos páriter superáre concédát.

¶ Ornátā monílibus filiam Jerúsalem Dóminus concupívit: \* Et vidéntes eam filíæ Sion beatíssimam prædicavérunt, dicéntes: \* Unguén-  
tum effúsum nomen tuum. ♣ Astitit Regina a dextris tuis, in vestítu deauráto, circum-  
data varietáte. Et. Glória Patri. Unguén-  
tum.

In ij. Noct. Homilia in  
Evang. Loquente Jesu. clv.

Lectio ix. de Hom. Dñicæ.  
et de ea fit com. in Laud.  
et in ij. Vesp.

## DIE I. OCTOBRIS.

In Festo S. Remigii, Episc.  
et Confessoris.

Semiduplex ad libitum vel  
simplex de præcepto.

Si occurrat in Dñica, vel  
in die infra Oct., pro ix.  
Lect. dicatur Remígius, ut  
infra cum com. ejusdem  
in Laud. Añæ. Sacerdos. ♣.  
Amávit eum.

Oratio.

**D**A, quæsumus omnipotens  
Deus: ut beáti Remígi, Confessóris tui atque Pontí-  
ficis, veneránda solémnitas  
et devotióem nobis áugeat,  
et salútem. Per Dóminum.

Ad Matutinum in Hymno.  
Iste Conféssor, mutatur ter-  
tius versus.

In j. Nocturno Lectiones  
de Scriptura occurrente.

In secundo Nocturno.

Lectio iv.

**R**EMIGIUS, Episcopus Rhe-  
ménsis, floruit Clodo-  
véo rege Francórum, quem  
étiam baptizávit, et primus  
ómnium doctrína et mirá-  
culis Francos ad Christi  
Dómini fidem perdúxit. Ejus  
oratióne mórtua puélla re-  
vixit. Multos interpretátus  
est divínæ Scripturæ libros.  
Amplius septuaginta annos  
summa cum laude Rhemén-  
sem Ecclésiám administrá-  
vit. Cujus vitæ et mortis  
sanctitátem multa, quæ con-  
secúta sunt, mirácula com-  
probárun-  
t.

¶ Inveni David.

Lectio v. Ad sancti. vj.  
Quidquid, de Communi. lix.  
cum Rññ. v. et vj. ibid.

In ij. Noct. Homilia in  
Evang. Homo péregre. lxij.

Vesp. de sequenti, cum  
com. S. Remigii Episc., si  
fiat de eo Semiduplex.

## DIE II. OCTOBRIS.

In Festo SS. Angelorum  
Custodum. Duplex.

Ad Vesp. Añæ de Laud.  
Psalmi de Dñica. 134. et  
loco ult. Ps. Laudáte Dó-  
minum, omnes gentes. 138.

Capitulum Exodi 23. d

**E**CCE ego mittam Ange-  
lum meum, qui præcédát  
te, et custódiat in via, et  
introdúcat in locum quem

aravi. Obsérva eum, et  
audi vocem ejus.

**Hymnus.**

**C**USTODES hóminum psál-  
limus Angelos,  
atúræ frágili quos Pater  
addidit  
celéstis cómites, insidián-  
tibus

Ne succumberet hósti-  
bus.

**N**am quod corrúerit pró-  
ditor ángelus,  
concéssis mérito pulsus  
honóribus,  
rdens invídia péllere ní-  
titur

Quos cœlo Deus ad-  
vocat.

**H**uc Custos igitur pèrvigil  
advola,  
értens pátria de tibi cré-  
dita

am morbos ánimi, quam  
requiescere

Quidquid non sinit in-  
colas.

**S**anctæ sit Triadi laus pia  
júgiter,

ujus perpétuo Númine má-  
china

riplex hæc régitur, ejus  
in ómnia

Regnat glória sæcula.  
Amen.

In conspéctu Angelórum  
sallam tibi, Deus meus.

Adorábo ad templum  
anctum tuum, et confité-  
or nómini tuo.

**Ad Magnificat. Añña**  
omnes sunt administratórii

spíritus, in ministérium  
missi propter eos, qui he-  
reditatem cápiunt salútis.

**Oratio.**

**D**EUS, qui ineffábili provi-  
déntia sanctos Angelos  
tuos ad nostram custódi-  
am mittere dignáris : largíre  
supplicibus tuis ; et eórum  
semper protectióne defé-  
ndi, et æténa societáte gaudére.  
Per Dóminum.

**Pro com. S. Remigu**

**Añña.** Amávit. †. Justum.

**Orat.** Da, quæsumus. 394.

**Ad Matutinum. Invitat**  
Regem Angelórum Dómi-  
num, \* Venite, adorémus.

**Ps.** Veníte. 2.

**Hymn.** Custódes, *supra*

*In primo Nocturno.*

**Añña.** Dóminus \* Deus cœli  
et terræ, ipse mittet Angé-  
lum suum coram te.

**Psalmus 8**

**D**OMINE Dóminus noster,  
\* quam admirábile est  
nomen tuum in univér-  
sa terra !

Quóniam eleváta est ma-  
gnificéntia tua \* super cœ-  
los.

Ex ore infántium et lactén-  
tium perfecísti laudem pro-  
pter inimicos tuos, \* ut  
déstruas inimícum et ultó-  
rem.

Quóniam vidébo cœlos tuos,  
ópera digitórum tuórum : \*  
lunam et stellas, quæ tu  
fundásti.

Quid est homo, quod me-

mor es ejus, \* aut filius hominis, quoniam visitas eum? **V**inuisti eum paulo minus ab Angelis, gloria et honore coronasti eum : \* et constituisti eum super opera manuum tuarum.

**O**mnia subiecisti sub pedibus ejus, \* oves et boves universas, insuper et pecora campi.

**V**olucres cœli, et pisces maris, \* qui perambulant semitas maris.

**D**omine Dominus noster \* quam admirabile est nomen tuum in universa terra!

**Añã.** Dominus Deus cœli et terræ, ipse mittet Angelum suum coram te.

**Añã.** Deus meus \* misit Angelum suum, et conclusit ora leonum, et non nocuerunt mihi.

#### Psalmus 10

**I**n Domino confido : quomodo dicitis animæ meæ : \* Transmiga in montem sicut passer ?

**Q**uoniam ecce peccatores intendérunt arcum : paravérunt sagittas suas in pharetra, \* ut sagittent in obscuro rectos corde.

**Q**uoniam quæ perfecisti, destruxérunt : \* justus autem quid fecit ?

**D**ominus in templo sancto suo, \* Dominus in cœlo sedes ejus :

**O**culi ejus in pauperem respiciunt : \* palpebræ ejus

interrogant filios hominum.

**D**ominus interrogat justum et impium : \* qui autem diligit iniquitatem, odit animam suam.

**F**luet super peccatores laqueos : \* ignis, et sulphur, et spiritus procellarum, pars calicis eorum.

**Q**uoniam justus Dominus, et justitias dilexit : \* æquitatem vidit vultus ejus.

**Añã.** Deus meus misit Angelum suum, et conclusit ora leonum, et non nocuerunt mihi.

**Añã.** Bene ambulétis, \* et Dominus sit in itinere vestro, et Angelus ejus commitétur vobiscum.

#### Psalmus 14

**D**omine, quis habitabit in tabernaculo tuo : \* aut quis requiescet in monte sancto tuo ?

**Q**ui ingreditur sine macula, \* et operatur justitiam :

**Q**ui loquitur veritatem in corde suo, \* qui non egit dolum in lingua sua :

**N**ec fecit proximo suo malum, \* et opprobrium non accepit adversus proximos suos.

**A**d nihilum deductus est in conspectu ejus malignus : \* timéntes autem Dominum glorificat :

**Q**ui jurat proximo suo, et non decipit, \* qui pecuniam suam non dedit ad usuram,





istum, dicens : Absque muro habitabitur Jerúsalem præ multitudine hóminum et jumentórum in médio ejus. Et ego ero ei, ait Dóminus, murus ignis in circúitu : et in glória ero in médio ejus.

**R.** In conspéctu Géntium nolite timére : vos enim in córdibus vestris adoráte, et timéte Dóminum : \* Angelus enim ejus vobíscum est.

**V.** Stetit Angelus juxta aram templi, habens thuribulum áureum in manu sua. Angelus. Glória Patri. Angelus.

**In secundo Nocturno.**

**Ana.** Cum essem vobíscum, \* per voluntátem Dei eram : ipsum benedicite, et cantáte ei.

**Psalmus 48.**

**C**OELE enarrant glóriam Dei, \* et ópera mánuum ejus annúntiat firmaméntum.

**D**ies diéi erúctat verbum, \* et nox nocti indicat sciéntiam.

**N**on sunt loquélæ neque sermónes, \* quorum non audiántur voces eórum.

**I**n omnem terram exívit sonus eórum : \* et in fines orbis terræ verba eórum.

**I**n sole pósuit tabernáculum suum : \* et ipse tamquam sponsus procedens de thálamo suo :

**E**xultávit ut gigas ad curréndam viam, \* a summo cælo egréssio ejus :

**E**t occûrsus ejus usque ad summum ejus : \* nec est qui se abscondat a calóre ejus.

**L**ex Dómini immaculáta convértens ánimas, \* testimoniúm Dómini fidéle, sapiéntiam præstans párvulis. Justitiæ Dómini rectæ, lætificántes corda : \* præceptum Dómini lúcidum illúminans óculos.

**I**nimor Dómini sanctus, permanens in sæculum sæculi : \* judícia Dómini vera, justificáta in semetípse.

**D**esiderabilia super aurum et lápidem pretiósium multum : \* et dulcióra super mel et favum.

**E**tenim servus tuus custódit ea, \* in custodiéndis illis retribútio multa.

**D**elicta quis intélligit? ab occúltis meis munda me : \* et ab aliénis parce servo tuo.

**S**i mei non fúerint domináti, tunc immaculátus ero : \* et emundabor a delicto máximo.

**E**t erunt ut compláceant elóquia oris mei : \* et meditátio cordis mei in conspéctu tuo semper.

**D**ómine adjútor meus, \* et redémptor meus.

**Ana.** Cum essem vobíscum, per voluntátem Dei eram : ipsum benedicite, et cantáte ei.

**Ani.** Tollens se Angelus Dómini, \* qui præcedébat castra Israel, ábiit post eos.

## Psalmus 23.

**D**OMINI est terra et plenitudo ejus : \* orbis terrarum, et universi qui habitant in eo.

**Q**uia ipse super maria fundavit eum : \* et super flumina præparavit eum.

**Q**uis ascendet in montem Domini ? \* aut quis stabit in loco sancto ejus ?

**I**nnocens manibus et mundo corde, \* qui non accepit in vano animam suam, nec curavit in dolo proximo suo.

**N**unc accipiet benedictionem a Domino : \* et misericordiam a Deo salutari suo.

**H**æc est generatio querentium eum, \* querentium faciem Dei Jacob.

**E**xtollite portas, principes, vestras, et elevamini, portæ æternales : \* et introibit Rex gloriæ.

**Q**uis est iste Rex gloriæ ? \* Dominus fortis et potens, Dominus potens in prælio.

**E**xtollite portas, principes, vestras, et elevamini, portæ æternales : \* et introibit Rex gloriæ.

**Q**uis est iste Rex gloriæ ? \* Dominus virtutum ipse est Rex gloriæ.

**Q**uia. Tollens se Angelus Domini, qui præcedebat castris Israel, abiit post eos.

**Q**uia. Immittet Angelus Domini \* in circuitu timendum eum, et eripiet eos.

## Psalmus 33.

**B**ENEDICAM Dominum in omni tempore : \* semper laus ejus in ore meo. In Domino laudabitur anima mea : \* audiant mansueti, et lætentur.

**M**agnificate Dominum mecum : \* et exaltemus nomen ejus in idipsum.

**E**xquisivi Dominum, et exaudivit me : \* et ex omnibus tribulationibus meis eripuit me.

**A**ccedite ad eum, et illuminamini : \* et facies vestrae non confundentur.

**I**ste pauper clamavit, et Dominus exaudivit eum : \* et de omnibus tribulationibus ejus salvavit eum.

**I**mmittet Angelus Domini in circuitu timendum eum : \* et eripiet eos.

**G**ustate, et videte quoniam suavis est Dominus : \* beatus vir, qui sperat in eo.

**T**imete Dominum, omnes sancti ejus : \* quoniam non est inopia timentibus eum.

**D**ivites eguerunt et esuriérunt : \* inquirentes autem Dominum non minuuntur omni bono.

**V**enite, filii, audite me : \* timorem Domini docebo vos.

**Q**uis est homo qui vult vitam : \* diligit dies videre bonos ?

**P**rohibe linguam tuam a malo : \* et labia tua ne loquantur dolum.

**D**iverte a malo, et fac bonum : \* inquire pacem, et perséquare eam.

**O**culi Dómini super justos : \* et aures ejus in preces eórum.

**V**ultus autem Dómini super faciéntes mala : \* ut perdat de terra memóriam eórum.

**C**lamavérunt justí, et Dóminus exaudivit eos : \* et ex ómnibus tribulatióibus eórum liberávit eos.

**I**uxta est Dóminus iis, qui tribuláto sunt corde : \* et húmiles spíritu salvábit.

**M**ultæ tribulatióes justórum : \* et de ómnibus his liberábit eos Dóminus.

**C**ustódit Dóminus ómnia ossa eórum : \* unum ex his non conterétur.

**M**ors peccatórum péssima, \* et qui odérunt justum, delinquent.

**R**édimet Dóminus ánimas servórum suórum : \* et non delinquent omnes qui sperant in eo.

**A**ñā. Immittet Angelus Dómini in circúitu timéntium eum, et erípiet eos.

**Ÿ.** Ascéndit fumus arómatum in conspéctu Dómini.

**R.** De manu Angeli.

Sermo S. Bernárdi Abbátis.

**Lectio iv. In Ps. 90.**

**A**NGELIS suis mandávit de te. Mira dignátio, et vere magna diléctio charitátis ! Quis enim ? quibus ? de quo ? quid mandávit ? Stu-

dióse considerémus, fratres, diligénter commendémus memóriæ hoc tam grande mandátum. Quis enim mandávit ? cujus sunt Angeli ? cujus mandátis obtémperant ? cujus obédiunt voluntáti ? Nempe Angelis suis mandávit de te, ut custódiant te in ómnibus viis tuis. Nec cunctántur, quin étiam in mánibus tollant te. Summa ergo majéstas mandávit Angelis, et Angelis suis mandávit. Illis útique sublimibus, tam beátis, quam próximis sibi cohæréntibus, et vere domésticis mandávit de te. Tu quis es ? Quid est homo, quod memor es ejus ? aut filius hóminis, quóniam réputas eum ? Quasi vero non sit homo putrédo et filius hóminis vermis. Sed quid, putas, mandávit de te ? ut custódiant te.

**R.** Vivit ipse Dóminus. Quóniam custodívit me Angelus ejus, et hinc eúntem, et ibi commorántem, et inde huc reverténtem. **Ÿ.** Et non permisit me Dóminus ancíllam suam coinquinári. Quóniam.

**Lectio v.**

**Q**UANTUM tibi debet hoc verbum inférre reveréntiam, afférre devotióem, conférre fidúciam ! Reveréntiam pro præsentia, devotióem pro benevoléntia,

duciam pro custódia. Caute ambula, ut videlicet cui ad- sunt Angeli, sicut eis man- látum est, in ómnibus viis. In quovis diversório, in quovis ángulo, Angelo tuo reveréntiam habe. Tu ne timeas illo præsente, quod vidente me non auderes. An præséntem esse dúbitas, quem non vides? Quid si audires? quid si tangeres? quid si olfáceres? Vide quia non solo visu rerum prae- éntia comprobétur.

¶ Angelus Dómini descén- dit cum Azaría et sóciis ejus in fornácem, et excússit flammam ignis de fornáce:

Et non tétigit eos omníno ignis, neque contristávit.

Benedíctus Deus eórum, qui misit Angelum suum, et creavit servos suos, qui redidérunt in eum. Et.

### Lectio vj.

In ipso itaque, fratres, af- fectuóse diligámus Ange- los ejus, tamquam futúros aliquándo cohærédes no- stros, interim vero actóres et tutóres a Patre, pósito, et præpósito nobis. Quid sub tantis custódis timeá- mus? nec superári, nec se- duci, minus autem sedúcere possunt qui custódiunt nos in ómnibus viis nostris. Fi- deles sunt, prudéntes sunt, poténtes sunt; quid trepi- ámus? Tantum sequámur illos, adhæreámus eis, et in

protectióne Dei cœli commo- rémur. Quóties ergo gra- vissima cernitur urgere tentátio, et tribulátio vé- hemens imminére, invoca custódem tuum, ductórem tuum, adjutórem tuum, in opportunitátibus, in tribu- latione: incláma eum, et dic: Dómine, salva nos, perimus.

¶ In omni tribulatióne eó- rum non est tribulátus, \* Et Angelus faciēi ejus salvávit eos. ¶ In dilectiōne sua, et indulgētia sua ipse redē- mit eos, et portávit eos, et elevávit eos cunctis diēbus sæculi. Et. Glória Patri. Et.

### In tertio Nocturno.

Ant. Misit Dóminus \* An- gelum suum, qui percússit omnem virum robústum, et bellatórem, et principem exercitus regis Assyriórum.

### Psalmus 95.

CANTATE Dómino cánticum novum: \* cantáte Dómi- no omnis terra.

Cantáte Dómino, et bene- dicite nómini ejus: \* an- nuntiáte de die in diem salutare ejus.

Annuntiáte inter gentes gló- riam ejus, \* in ómnibus pópulis mirabilia ejus.

Quóniam magnus Dóminus, et laudábilis nimis: \* terri- bilis est super omnes deos.

Quóniam omnes dii Gén- tium dæmónia: \* Dóminus autem cœlos fecit.

Confessio et pulchritúdo in

conspéctu ejus : \* sanctimónia et magnificéntia in sanctificatióne ejus.

**A**fférte Dómino, pátriæ gentium, afférte Dño glóriam et honórem : \* afférte Dómino glóriam nómini ejus. Tóllite hóstias, et introíte in átria ejus : \* adoráte Dóminum in átrio sancto ejus.

**C**ommoveátur a fácie ejus univérsa terra : \* dicite in gentibus quia Dóminus regnávít.

**E**tenim corréxit orbem terræ qui non commovébitur : \* judicábit pópulos in æquitáte.

**L**æténtur cœli, et exúltet terra, commoveátur mare, et plenitúdo ejus : gaudébunt campi, et ómnia quæ in eis sunt.

**T**unc exultábunt ómnia ligna silvárum a fácie Dómini, quia venit : \* quóniam venit judicáre terram.

**J**udicábit orbem terræ in æquitáte, \* et pópulos in veritáte sua.

**Añs.** Misit Dóminus Angelum suum, qui percússit omnem virum robústum, et bellatórem, et príncipem exercitus regis Assyriórum.

**Añs.** Adoráte \* Dóminum, omnes Angeli ejus : audívit, et lætáta est Sion.

**Psalmus 96.**

**D**ÓMINUS regnávít, exúltet terra : \* læténtur insulæ multæ.

**N**ubes, et caligo in circúitu ejus : \* justítia, et júdicium corréctio sedis ejus.

**I**gnis ante ipsum præcédet, \* et inflammábit in circuitu inimicos ejus.

**I**lluxérunt fúlgura ejus orbi terræ : \* vidit, et commóta est terra.

**M**ontes sicut cera fluxérunt a fácie Dómini : \* a fácie Dómini omnis terra.

**A**nnuntiavérunt cœli justítiam ejus : \* et vidérunt omnes pópuli glóriam ejus.

**C**onfundántur omnes qui adorant sculptília : \* et qui gloriántur in simulácris suis.

**A**doráte eum, omnes Angeli ejus : \* audívit, et lætáta est Sion.

**E**t exultavérunt filiæ Judæ, \* propter júdicia tua Dómine : **Q**uóniam tu Dóminus altíssimus super omnem terram : \* nimis exáltátus es super omnes deos.

**Q**ui diligitis Dóminum, odíte malum : \* custódit Dóminus ánimas sanctórum suórum, de manu peccatóris liberábit eos.

**L**ux orta est justo, \* et rectis corde lætítia.

**L**ætámini, justí, in Dómino : \* et confitémini memóriæ sanctificatiónis ejus.

**Añs.** Adoráte Dóminum, omnes Angeli ejus : audívit, et lætáta est Sion.

**Añs.** Benedicite Dómino, \*

omnes Angeli ejus, potentes virtute, facientes verbum illius, ad audiendam vocem sermonum ejus.

**Psalmus 102**

**B**ENEDIC, anima mea, Dómino : \* et omnia quæ intra me sunt, nómini sancto ejus.

**B**enedic, anima mea, Dómino : \* et noli oblivisci omnes retributiões ejus.

**Q**ui propitiatur omnibus iniquitatibus tuis : \* qui sanat omnes infirmitates tuas.

**Q**ui redimit de intéritu vitam tuam : \* qui coronat te in misericórdia et miserationibus.

**Q**ui replet in bonis desiderium tuum : \* renovabitur ut áquilæ juvéntus tua.

**F**aciens misericórdias Dóminus, \* et judicium omnibus injúriam patiéntibus.

**N**otas fecit vias suas Moysi, \* filiis Israel voluntates suas.

**M**iserátor, et miséricors Dóminus : \* longánimis, et multum miséricors

**N**on in perpétuum irascetur : \* neque in ætérnum comminabitur.

**N**on secúndum peccáta nostra fecit nobis : \* neque secúndum iniquitates nostras retribuit nobis.

**Q**uóniam secúndum altitudinem cœli a terra : \* corroborávit misericórdiam suam super timéntes se.

**Q**uántum distat ortus ab occidente : \* longe fecit a nobis iniquitates nostras.

**Q**uómodo miseretur pater filiórum, misértus est Dóminus timéntibus se : \* quóniam ipse cognóvit figmentum nostrum.

**R**ecordátus est quóniam pulvis sumus : \* homo sicut fœnum dies ejus, tamquam flos agri sic efflorébit.

**Q**uóniam spíritus pertransibit in illo, et non subsistet : \* et non cognóscet ámplius locum suum.

**M**isericórdia autem Dñi ab ætérno, \* et usque in ætérnum super timéntes eum.

**E**t justitia illius in filios filiórum, \* his qui servant testaméntum ejus :

**E**t mémores sunt mandatorum ipsius, \* ad faciéndum ea.

**D**óminus in cœlo parávit sedem suam : \* et regnum ipsius omnibus dominabitur.

**B**enedicite Dómino, omnes Angeli ejus : \* potentes virtute, facientes verbum illius, ad audiendam vocem sermonum ejus.

**B**enedicite Dómino, omnes virtutes ejus : \* ministri ejus, qui faciitis voluntatem ejus.

**B**enedicite Dómino, omnia ópera ejus : \* in omni loco dominationis ejus, benedic, anima mea, Dómino.

**Aññ** Benedicite Dómino,



omnes Angeli ejus, potentes virtute, facientes verbum illius, ad audiendam vocem sermonum ejus.

¶ In conspectu Angelorum psallam tibi, Deus meus.

¶ Adorabo ad templum sanctum tuum, et confitebor nomini tuo.

Lectio sancti Evangelii secundum Matthæum.

Lectio vij. Cap. 18.

**I**n illo tempore: Accesserunt discipuli ad Jesum, dicentes: Quis, putas, major est in regno cœlorum? Et reliqua.

Homilia S. Hilarii Episcopi.

Com. in Matth. cap. 18.

**N**ONNISI revêrsos in naturam puerorum introire regnum cœlorum Dominus docet: id est, per simplicitatem puerilem vitia corporum nostrorum animæque revocanda. Pueros autem, credentes omnes per audientiam fidem nuncupavit. Hi enim patrem sequuntur, matrem amant, proximo velle malum nesciunt, curam opum negligunt; non insolêscunt, non odêrunt, non mentiuntur, dictis credunt, et quod audiunt, verum habent. Revertendum igitur est ad simplicitatem infântium: quia in ea collocati, speciem humilitatis dominicæ circumferemus.

¶ Machabæus, et qui eum eo erant, cognoverunt

expugnari præsidia: \* Cum fletu et lacrymis rogabant Dominum, et omnis turba simul, ut bonum Angelum mitteret ad salutem Israel.

¶ Cum pariter prompto animo procederent Jerosolymis, apparuit præcedens eos eques in veste candida. Cum. **Bened.** Quorum festum colimus.

Lectio viij.

**V**Æ huic mundo ab scandalis. Humilitas passionis scandalum mundo est. In hoc enim maxime ignorantia detinetur humana, quod sub deformitate crucis a ternæ gloriæ Dominum nolit accipere. Et quid mundo tam periculôsum, quam non recepisse Christum? Ideo vero necesse esse, ait, venire scandala: quia ad sacramentum reddendæ nobis æternitatis, omnis in eo passionis humilitas esset explenda.

¶ Tu, Domine, qui misisti Angelum tuum sub Ezechia rege Juda, et interfecisti de castris Sennacherib centum octoginta quinque millia: \* Et nunc, Dominator cœlorum, mitte Angelum tuum bonum ante nos, in timore et tremore magnitudinis brachii tui.

¶ Ut metuant qui cum blasphemia veniunt adversus sanctum populum tuum. Et. gloria Patri. Et.

Leectio ix.

**V**IDETE ne contemnatis  
unum de pusillis istis  
qui credunt in me. Aptissi-  
mum vinculum mútui amó-  
ris impósuit, ad eos præci-  
pue, qui vere in Dómino cre-  
didissent. Pusillórum enim  
Angeli quotidie Deum vi-  
dent : quia Filius hóminis  
venit salváre quæ pérdita  
sunt. Ergo et Filius hóminis  
salvat, et Deum Angeli vi-  
dent, et Angeli pusillórum  
præsunt fidélium oratióni-  
bus. Præesse Angelos abso-  
lúta auctóritas est. Salvató-  
rum igitur per Christum  
oratiónes Angeli quotidie  
Deo ófferunt. Ergo pericu-  
lóse ille contémnitur, cujus  
desidéria ac postulatiónes  
ad ætérnum et invisibilem  
Deum ambitióso Angelórum  
famulátu ac ministério per-  
vehúntur.

**T**e Deum laudámus. 17.

AD LAUDES ,

et per Horas . *Ant.*

1. Angelis suis \* Deus man-  
davit de te , ut custódiant  
te in ómnibus viis tuis.

*Ps.* Dóminus regnávit, *cum*  
*reliq.* 18.

2. Laudémus Dóminum ,  
\* quem laudant Angeli ,  
quem Chérubim et Séra-  
phim , Sanctus , Sanctus ,  
Sanctus, proclámant.

3. Angeli eórum \* semper  
vident faciem Patris mei  
qui est in cœlis.

4. Benedíctus Deus , \* qui  
misit Angelum suum , et  
éruiť servos suos , qui cre-  
didérunt in eum.

5. Laudáte Deum , \* omnes  
Angeli ejus , laudáte eum ,  
omnes Virtútes ejus.

*Capitulum. Exodi 23. d*

**E**CCE ego mittam Angelum  
meum, qui præcédat te,  
et custódiat in via, et in-  
troductat in locum quem pa-  
rávi. Obsérva eum, et audi  
vocem ejus.

*Hymnus.*

**E**TERNE Rector síderum ,  
Qui quidquid est po-  
téntia

Magna creásti , nec regis  
Minóre providéntia.

**A**déstó supplicántium  
Tibi reórum cœtui ,  
Lucisque sub crepúsculum  
Lucem novam da méntibus.

**F**uúsque nobis Angelus ,  
Eléctus ad custódiám ,  
Hic adsit , a contágio  
Ut críminum nos prótegat.

**N**obis draconis æmuli  
Versútias extérminet :

Ne rete frauduléntiæ  
Incáuta nectat pectora.

**M**etum repéllat hóstium  
Nostris procul de finibus :  
Pacem procúret civium ,  
Fugétque pestiléntiam.

**D**eo Patri sit glória ,  
Qui, quos redémit Filius ,  
Et sanctus unxit Spiritus ,  
Per Angelos custódiat.

Amen.

**V** In conspéctu Angeló-

rum psallam tibi, Deus meus. **R.** Adorábo ad templum sanctum tuum, et confitébor nómini tuo.

**Ad Benedictus, Añã**

Revérsus est \* Angelus, qui loquebátur in me, et suscitávit me, quasi virum qui suscitátur a somno suo.

**Oratio.**

**D**EUS, qui ineffábili providéntia sanctos Angelos tuos ad nostram custódiã mittere dignáris: largíre supplicibus tuis; et eórum semper protectióne deféndi, et ætérna societáte gaudére. Per Dóminum.

**Ad Tertiã, Añã**

Laudémus Dóminum.

**Capit.** Ecce ego, supra.

**R.** **br** Stetit Angelus \* Juxta aram templi. Stetit. **v** Habens thuribulum aureum in manu sua. Juxta. **G**lória Patri. Stetit. **y** Ascéndit fumus arómatum in conspéctu Dómini. **R.** De manu Angeli.

**Ad Sextã, Añã.**

Angeli eórum.

**Capitulum.** *Exodi 23. d*

**N**EC contemnéndum putes: quia non dimíttet cum peccáveris, et est nomen meum in illo.

**R.** **br** Ascéndit fumus arómatum \* In conspéctu Dómini. Ascéndit. **v** De manu Angeli. In. **G**lória Patri. Ascéndit. **y** In conspéctu Angelórum psallam tibi, Deus

meus. **R.** Adorábo ad templum sanctum tuum, et confitébor nómini tuo.

**Ad Nonã, Añã**

Laudáte Deum.

**Capitulum.** *Exodi 23. e*

**Q**UOD si audieris vocem ejus, et féceris ómnia quæ loquor, inimícus ero inimícis tuis, et affligam affligéntes te. Præcedétque te Angelus meus.

**R.** **br** In conspéctu Angelórum \* Psallam tibi, Deus meus. In. **y** Adorábo ad templum sanctum tuum, et confitébor nómini tuo. Psallam. **G**lória Patri. In. **v** Adoráte Deum. **R.** Omnes Angeli ejus.

In ij. **Vesp. Añã et Capitulum** de Laud. Psalmi de Dñica 134. et loco ult. Ps. Confitébor tibi... quóniam. 149.

**Hymnus.** Custódes. 395.

**y** In conspéctu Angelórum psallam tibi, Deus meus. **R.** Adorábo ad templum sanctum tuum, et confitébor nómini tuo.

**Ad Magnificat, Añã.**

Sancti Angeli, \* Custódes nostri, deféndite nos in prælio, ut non pereámus in treméndo judicio.

**DIE IV. OCTOBRIS.**

In Festo S. Francisci, Conf-Duplex.

**Omnia de Comm. Conf.** non Pont. lxxij. præter seq  
**Oratio.**

**D**EUS, qui Ecclesiã tuam beáti Francísei méritis

Coetu novæ prolis amplificas:  
tribue nobis, ex ejus imita-  
tione, terræna despiciere, et  
cœlestium donorum semper  
participatiōe gaudere. Per  
Dōminum.

In j. Noct. Lect. Justus  
i morte, de Comm. lxxvj.  
In secundo Nocturno.

#### Lectio iv.

FRANCISCUS, Assisii in  
Umbria natus, patris ex-  
emplum secutus, a prima  
etate mercatūram fecit. Qui  
quodam die pāuperem, pro  
Christi amore flagitantem  
pecūniam, cum præter con-  
suetudinem repulisset, re-  
pente eo facto commotus,  
large ei misericordiam im-  
pertivit: et ex eo die Deo  
promisit, se nemini unquam  
poscēti eleemōsynam nega-  
tūrum. Cum vero post in-  
gravem morbum incidisset,  
ex eo aliquādo confirmatus,  
cœpit ardētius cōlere offi-  
cia charitatis. Qua in exer-  
citatiōe tantum profecit,  
ut evangēlicæ perfectiōnis  
cūpidus, quidquid haberet,  
paupēribus largirētur. Quod  
ferens iniquius pater, eum  
ad Assisinatē Episcopum  
duxit, ut coram illo bonis  
cēderet patēnis: qui, rejē-  
ctis etiā vēstibus, patri  
concessit omnia, illud sub-  
jūgens, sibi in pōsterum  
majōrem facultatem fore di-  
cēdi: Pater noster, qui es  
in cœlis. **R.** Honēstum.

#### Lectio v.

CUM autem illud ex Evan-  
gēlio audisset: Nolite  
possidēre aurum, neque  
argētum, neque pecūniam  
in zonis vestris, non peram  
in via, neque duas tūnicas,  
neque calceamēta; sibi eam  
régulam servādam propo-  
suit. Itaque, detractis cal-  
ceis, et una contētus tū-  
nica, cum duodecim sōcios  
adhibuisset, Ordinem Mi-  
nōrum instituit. Quare Ro-  
mam venit anno salutis mil-  
lésimo ducentésimo nono,  
ut sui Ordinis régula ab  
Apostolica Sede confirma-  
rētur. Quem cum accedē-  
tem ad se Summus Pōnti-  
fex Innocētius Tértius  
rejecisset, quod in somnis  
pōstea sibi ille, quem re-  
pūlerat, collabentem La-  
teranēsem Basilicam suis  
hūmeris sustinēre visus  
esset, conquisitum accer-  
siri jussit, benignēque  
accipiens, omnem ejus in-  
stitutōrum ratiōnem con-  
firmāvit. Franciscus igitur,  
dimissis in omnes orbis ter-  
ræ partes frātribus ad præ-  
dicandum Christi Evangē-  
lium, ipse cūpiens sibi  
aliquam dari martyrii occa-  
siōem, navigāvit in Sy-  
riam: ubi a rege Soldāno  
liberalissime tractātus, cum  
nihil proficeret, rediit in  
Itāliam.

**R.** Amāvit eum.

## Lectio vj.

**M**ULTIS igitur extructis  
suae familiæ domiciliis,  
se in solitudinem montis Al-  
véni contulit; ubi quadra-  
ginta dierum propter hono-  
rem sancti Michaélis Arch-  
ángeli jejúnio inchoato,  
festo die Exaltationis sanctæ  
Crucis, ei Séraphim, Cru-  
cifixi effigiem inter alas  
continens, apparuit: qui  
ejus et manibus, et pedibus,  
et lateri vestigia clavórum  
impressit: quæ sanctus  
Bonaventúra, cum Alexán-  
dri Quarti Summi Pontificis  
prædicationi interesset, nar-  
râsse Pontificem a se visa  
esse, litteris commendavit.  
His insignibus summi in  
eum Christi amoris, máxi-  
mam habebat ómnium ad-  
mirationem. Ac biénnio  
post graviter ægrótans, de-  
ferri voluit in Ecclésiám  
sanctæ Mariæ Angelórum:  
ut, ubi gratiæ spíritum a  
Deo accéperat. ibi spíritum  
vitæ rédderet. Eo in loco fra-  
tres ad paupertatem, ac pa-  
tientiam, et sanctæ Románæ  
Ecclésiæ fidem servándam  
cohortátus, Psalmum illum  
pronútians: Voce mea ad  
Dóminum clamávi, in eo  
versículo, Me expéctant ju-  
sti, donec retribuas mihi,  
efflavit ánimam, quarto No-  
nas Octóbris. Quem mirá-  
culis clarum Gregórius No-  
nus Póntifex Máximus in

Sanctórum número ad-  
scripsit.

**Á.** Iste homo.

In ij. Noct. Homilia 12  
Eváng. Confíteor tibi, Pater,  
de Comm. Abbat. ij. loco, xc.

In ij. Vesp. commém.  
SS. Placidi et Soc. Mart.

## DIE V. OCTOBRIS.

SS. Placidi, et Soc. Mart.

**Áññ.** Istórum est. **Ÿ.** Læ-  
támmini.

## Oratio.

**D**EUS, qui nos concédis  
sanctórum Mátyrum  
tuórum Plácidi, et Sociórum  
ejus natalitia cólere: da  
nobis in ætérna beatitúdine  
de eórum societate gaudere.  
Per Dóminum.

## Lectio iij.

**P**LACIDUS Romæ, Tertúlló  
patre in primis nóbili  
natus, puer Deo oblátus, et  
sancto Benedícto tráditus,  
tantum ejus disciplina et  
monásticæ vitæ institútis  
profécit, ut inter præcípuos  
ilius discipulos numerétur.  
Ab eo in Siciliám missus,  
monastérium et ecclésiám  
in honórem sancti Joánnis  
Baptistæ prope Messánæ  
portum constrúxit, ubi cum  
mónachis admirábili san-  
ctitáte vixit. Ejus viséndi  
causa cum eo venissent Eu-  
tychius, et Victorínus, il-  
lius fratres, et Flávia Virgo  
soror, eódem témpore illuc  
appulit immánis quidam pi-  
ráta, Manúcha nómine,

qui, capto monasterio, cum Placidum et ceteros nullo modo adducere potuisset ut Christum negarent, ipsum fratrésque illius ac sorórem crudéliter necári iussit. Cum quibus étiam Donátus, Firmátus Diáconus, Faustus, aliique triginta mónachi, martyrii agónem feliciter consummáru[n]t tértio Nonas Octóbris, anno salutis quingentésimo trigésimo nono. Te Deum laudámus. 47.

## DIE VI. OCTOBRIS.

In Festo S. Brunonis, Conf.

Duplex.

Omnia de Comm. Conf. Pont. lxxij. præter sequentia.

Oratio.

SANCTI Brunónis, Confessoris tui, quæsumus Dómine, intercessiónibus adjuvémur : ut, qui majestátem tuam grávitèr delinquendo offéndimus, ejus méritis et orécibus, nostrórum delictórum véniam consequámur. Per Dóminum.

In j. Nocturno Lectiones de Scriptura occurrente.

In secundo Nocturno.

Lectio iv.

BRUNO, Carthusiánæ Religiónis institutor, Colóniæ Agrippinæ natus est. Ab ipsis incunábulis espécimen futuræ sanctitátis præferens morum gravitate, querília illius ætátis, divína favénte grátia, declínans,

ádeo excélluit, ut jam inde monachórum pater, vitæque anachoréticæ futurus instaurátor agnoscerétur. A paréntibus, génere ac virtúte claris, Lutétiam Parisiórum missus, tantum ibi in philosophiæ ac theologiæ stúdiis profécit, ut doctóris ac magístri munus in utrâque facultáte sit adéptus : nec multo post, ob egrégias ipsíus virtútes, Ecclesiæ Rheménsis Canonicátu potítus.

R. Honéstum fecit.

Lectio v.

ELAPSI aliquot annis, cum sex aliis familiáribus mundo renúntians, sanctum Hugónem Episcopum Gratianopolitánum ádiit. Qui, causa eórum advéntus cognita, eosdémque intélligens esse, quos eádem nocte, véluti septem stellas ad suos pedes corruéntes, in somnis viderat, montes suæ diœcésis aspérrimos, quos Carthusiános appéllant, illis concéssit. Illuc Bruno cum sóciis, ipso Hugóne comitánte, secédens, cum per aliquot annos eremiticam vitam egisset, ab Urbáno Secúndo, qui ejúsdem Brunónis discipulus fúerat, Romam accersitur. Ejus consiliis ac doctrina Póntifex, in tot illis Ecclesiæ calamitátibus, per aliquot annos usus est, donec Bru-



no, recusato Rhegiénsi Archiepiscopátu, discedéndi facultátem obtinuit.

℞. Amávit eum.

*Lectio vj.*

**I**GITER solitudinis amore erémum quamdam apud Squillácum in Calábriæ finibus pétiit. Quo in loco cum ipsum orántem Rogérius, comes Calábriæ, inter venándum, latrántibus ad illius spelúncam cáníbus, reperisset, sanctitáte viri permótus, illum ac sócios fovére, et cólere impénse cœpit. Nec liberalitas sine præmio fuit. Cum enim idem Rogérius Cápua ob-sidéret, eúmque Sérgius, quidam excubiárum magister, pródere statuisset, Bruno adhuc in dicta erémovivens, in somnis illi ómnia apériens, ab imminénti periculo Cómitem liberávit. Tandem virtútibus ac méritis plenus, nec sanctitáteminus quam doctrínæ famaclarus, obdormívit in Dómino, sepultúsque est in monastério sancti Stéphaní, ab ipso Rogério constrúcto, ubi háctenus honorífice cólitur.

℞. Iste homo.

In iij. Nocturno Homilia in Evangelium. Sint lumbi. lxxxij.

In ij. Vesp. fit com. seq. et SS. Sergii. Bacchi, etc. Martyrum.

DIE VII. OCTOBRIS.

S. Marci, Papæ et Cont. Añã. Sacérdos. ŷ. Amávit. Oratio.

**E**XAUDI, Dómine, preces nostras: et, interveniéntete beáto Marco, Confessóre tuo atque Pontífice, indulgéntiam nobis tribue placátus et pacem. Per Dóminum.

Et fit com. SS. MM. Sergii, Bacchi, Marcelli, et Apuleii, Añã. Istórum. ŷ. Lætámini.

*Oratio.*

**S**ANCTORUM Mártýrum tuórum nos, Dómine, Sérghii, Bacchi, Marcélli, et Apuléii, beáta mérita prosequántur, et tuo semper fácient amore fervéntes. Per Dóminum.

*Lectio iij.*

**M**ARCUS RománuS, Constantino Magno Imperatóre Póntifex, instituit, ut Epíscopus Ostiénsis, a quo RománuS Póntifex consecrátur, pállio uterétur. Duas Romæ Basílicas ædificávit, {áalteram in Urbe, áalteram via Ardeatína: quas Constantínus auctas magnis munéribus exornávit. Vixit in Pontificátu menses octo, sepultúsque est in cœmetério Balbínæ.

Te Deum laudámus. 17.

In Laudibus fit com. SS. MM. Sergii, etc. Añã Vestri capilli. ŷ. Exultábunt. Oratio. Sanctórum, ut supra

## DIE VIII. OCTOBRIS.

Festo S. Birgittæ Viduæ.

Duplex.

Omnia de Comm. San-  
arum nec Virg. nec Mart.

j. præter seq.

Oratio.

OMINE Deus noster, qui  
beatæ Birgittæ per Fi-  
um tuum unigénitum se-  
éta coeléstia revelásti :  
sius pia intercessióne da  
bis fámulis tuis, in revo-  
tióne sempitérnæ glóriæ  
æ gaudére lætántes. Per  
undem Dóminum.

In j. Nocturno Lectiones  
Scriptura occurrente.

In secundo Nocturno.

Lectio iv.

BIRGITTA in Suécia illústri-  
bus et piis paréntibus  
cta, sanctissime vixit. Cum  
llhuc in útero gestarétur,  
naufrágio propter eam  
ater erépta est. Decénis  
ost auditum de passióne  
ómini sermónem, sequénti  
octe Jesum in cruce re-  
énti ságuine perfúsum  
idit, et de eádem passióne  
ecum loquéntem. Quo ex  
émpore in ejúsdem medi-  
atióne ita afficiebátur, ut  
e ea sine lácrymis cogitare  
einceps nunquam posset.  
Propter veritátem.

Lectio

ILFONI Nericiæ Princípi  
in matrimónium tradi-  
a, virum ipsam ad pietátis  
fficia, tum óptimis exém-

plis, tum efficaëibus verbis  
adhortáta est. In filiórum  
educatióne piíssima, pau-  
péribus, et máxime infir-  
mis, domo ad id múnieris  
dicáta, inserviébat quam  
diligentíssime, illórum pe-  
des sólita laváre, et oscu-  
lári. Cum autem una cum  
viro suo redíret Compostél-  
la, ubi sancti Jacóbi Apó-  
stoli sepúlchrum visitáve-  
rant, et Atrébati Ulfo  
gráviter ægotáret, sanctus  
Dionysius Birgittæ noctu  
appáruit, et de maríti sa-  
lúte, aliisque de rebus quæ  
futúræ erant, præmónuit.  
Dilexísti justítiam.

Lectio vj.

VIRO Cisterciénsi mónacho  
facto, et paulo post  
defúncto, Birgitta, audíta  
Christi voce in somnis, ar-  
ctiorem vitæ formam est ag-  
gréssa. Cui deínde arcána  
multa fuérunt divinitus re-  
veláta. Monastérium Vasta-  
nése sub régula sancti Sal-  
vatóris, ab ipso Dómino  
accépta, instituit. Romam  
Dei jussu venit, ubi plú-  
rimos ad amórem divínium  
veheménter accéndit. Inde  
Jerosólymam pétiit, et íte-  
rum Romam. Qua ex pere-  
grinatióne cum in febrim  
incidísset, grávis per an-  
num íntegrum afflictáta  
morbis, cumuláta méritis,  
prænuntiáto mortis die,  
migrávit in cælum. Corpus

ejus ad Vastanénse monastérium translátum est : et miráculis illústrem Bonifácus Nonus in Sanctórum númerum rétulit.

*R.* Fallax grátia.

*In iij. Noct. Homilia in Evang.* Simile est regnum cœlórum thesaúro. cxv.

*In ij. Vesp. fit com. seq.*

**DIE IX. OCTOBRIS.**

*In Festo SS. MM. Dionysii Rustici, et Eleutherii.*

*Semiduplex.*

*Ana.* Istórum. *Ÿ.* Lætámini.

*Oratio.*

**D**E S, qui hodiérna die beátum Dionysium, Mártyrem tuum atque Pontificem, virtúte constántiæ in passióne roborásti, quique illi, ad prædicándum Géntibus glóriam tuam, Rústicum et Eleuthérium sociáre dignátus es : tribue nobis, quæsumus, eórum imitatióne, pro amóre tuo próspera mundi despícere, et nulla ejus advérsa formidáre. Per Dóminum.

*In j. Nocturno Lectiones de Scriptura occurrente.*

*In secundo Nocturno.*

*LECTIO IV.*

**D**IONYSIUS Atheniénsis, unus ex Areopagitis judicibus, vir fuit omni doctrinæ génere instrúctus. Qui cum adhuc in gentilitátis erróre versarétur, eo die quo Christus Dóminus cruci affixus est, solem præter

natúrâ defecísse animadvértens, exclamássé tráditur : Aut Deus natúræ pátitur, aut mundi máchina dissólvitur. Sed cum Paulus Apóstolus véniens Athénas, et in Areopágum ductus, ratióne reddidisset ejus doctrinæ quam prædicábat, affirmans Christum Dóminum resurrexisse, et mórtuos omnes in vitam redituros esse : cum álii multi, tum ipse Dionysius in Christum crédidit.

*R.* Sancti tui.

*LECTIO V.*

**I**TAQUE et baptizátus est ab Apóstolo, et Atheniénsium Ecclésiæ præféctus. Qui cum póstea Romam venísset, a Cleménte Pontifice missus est in Gálliam prædicándi Evangélii causa. Quem Lutétiam usque Parisiórum Rústicus Présbyter et Eleuthérius Diáconus prosecúti sunt : ubi a Fescénio Præfécto, quod multos ad christiánam religióne convertisset, ipse cum sóciis virgis cæsus est : cumque in prædicatióne christiánæ fidei constantíssime perseveráret, in craticulam subjécto igne injicitur, multisque prætérea suppliciis una cum sóciis cruciátur.

*R.* Vérbera carnificum.

*LECTIO VI.*

**S**ED ea tormentórum génera ómnibus forti ac

fénti ánimo perferéntibus,  
 onysius annum agens su-  
 a centésimum, cum réli-  
 is secûri percûtitur sépti-  
 o Idus Octóbris. De quo  
 ud memóriæ próditum est  
 scilssum suum caput sus-  
 isse, et progréssum ad  
 o millia pássuum in má-  
 pus gestásse. Libros scri-  
 it admirábiles, ac plane  
 léstes, de divinis nomi-  
 bus, de cœlésti et eccle-  
 stica hierarchia, de my-  
 ca theologia, et álios  
 osdam.

Tamquam aurum.

In iij. Nocturno Homilia  
 Evang. Atténdite, de  
 mm. plur. Mart. iij.  
 co. lij.

In ij. Vesp. a Capit. de  
 l., com. præced.

DIE X. OCTOBRIS.

Festo S. Francisci Borgiæ.  
 Confessoris.

Semiduplex.

Omnia de Communi Conf.  
 n Pont. lxxij. præter seq.  
 In Hymn. Iste Confessor,  
 utatur tertius versus.

Oratio.

OMINE Jesu Christe, ve-  
 ræ humilitatis, et exem-  
 ur, et præmium: quæsu-  
 us; ut, sicut beátum Fran-  
 cum in terréni honóris  
 ntémptu imitatórem tui  
 riosum effecísti, ita nos  
 sdem imitationis et gló-  
 e tribuas esse consórtes.  
 i vivis.

Pro com. SS. Dionysii.  
 etc. Mart. Aña. Gaudent in  
 cœlis. *Exultábunt. Oratio.*  
 Deus, qui hodiérna. 412.

In j. Nocturno Lectiones  
 de Scriptura occurrente.

In secundo Nocturno.

Lectio iv.

**F**RANCISCUS Gándiæ dux  
 quartus, Joánne Bórgia,  
 et Joánna Arragónia Ferdi-  
 nándi Cathólici nepte gén-  
 tus, post puerilem ætátem  
 inter domésticos mira inno-  
 céntia et pietáte transáctam  
 in aula primum Cároli Quinti  
 Cæsaris, mox in Cataláu-  
 niæ administratióne admi-  
 rabílior fuit christiánæ vir-  
 tútis, et vitæ austeriórís  
 exémpis. Ad Granaténse  
 sepúlchrum Isabéllam Im-  
 peratricem cum detulisset,  
 in ejus vultu fœde commu-  
 tató, mortálium ómnium  
 caducitátem rélegens, voto  
 se adstrínxit, rebus ómni-  
 bus, cum primum licéret,  
 abjéctis, regum Regi únice  
 inserviéndi. Inde tantum  
 virtútis increméntum fecit,  
 ut inter negotiórum turbas  
 religiósæ perfectiónis si-  
 millimam imáginem réfe-  
 rens, miráculum principum  
 appellarétur.

R. Honéstum fecit.

Lectio v.

**M**ORTUA Eleonóra de Ca-  
 stro cónjuge, ingrèssus  
 est Societátem Jesu, ut in  
 ea latéret secúrius, et præ-

clúderet dignitatibus áditum, interpósita voti religione : dignus, quem et viri principes complures in amplectendo severiori instituto fuerint secuti : et Cárolus Quintus ipse in abdicando império hortatórem sibi, aut ducem exstitisse non diffiteretur. In eo arctiôris vitæ studio Franciscus jejuniis, caténis férreis, aspérismo cilicio, cruéntis longisque verberationibus, somno brevissimo corpus ad extrémam usque máciem redégit : nullis prætérea parcens laboribus ad sui victóriam, et ad salutem animarum. Tot itaque instructus virtutibus, a sancto Ignatio primum Generalis commissarius in Hispániis, nec multo post Præpositus Generalis tertius a Societate univérsa, licet invítus, eligitur. Quo in múnere princípibus, ac Summis Pontificibus prudentia, ac morum sanctitate apprime charus, præter complura vel cóndita, vel aucta ubique domicilia, sócios in regnum Polóniæ, in Insulas Océani, et Mexicánam, et Peruánam provincias invéxit : missis quoque in alias regiones apostólicis viris, qui prædicatione, sudoribus, sanguine, fidem Cathólicam Románam propagarunt.

Amavit eum.

### Lectio vj.

DE se ita demísse sentiēbat, ut peccatoris nomen sibi proprium faceret : Románam purpuram a Summis Pontificibus sæpius oblátam, invicta humilitatis constantia recusávit. Verre sordes, emendicare victum ostiatim, ægris ministrare in nosocomiis, mundi ac sui contéptor, in deliciis hábuit. Singulis diébus multas continenter horas, frequenter octo, quandóque decem dabat cœlestium contemplationi. Cénties quotidie de genu Deum adorábat. Nunquam a sacrificando abstínuit : prodebátque sese divínus, quo æstuábat, ardor, ejus vultu sacram Hóstiam offeréntis, aut concionántis interdum radiante. Sanctissimum Christi Corpus in Eucharistia latens, ubi asservarétur, instinctu cœlesti sentiēbat. Cardináli Alexandrino ad conjungendos contra Turcam christianos principes, legáto comes ádditus a beáto Pio Quinto, árduum iter, fractis jam pene viribus, suscepit ex obediéntia ; in qua et vitæ cursum Romæ, ut optárat, feliciter consummávit, anno ætátis suæ sexagésimo secúndo, salutis vero millésimo quingentésimo septuagésimo secúndo. A sancta Terésia, quæ ejus utebá-

ur consiliis, vir sanctus, a Gregório Décimo tértio fíléis adminíster appellátus ; lemum a Cleménte Décimo, plúribus magnisque clarus miráculis , in Sanctórum númerum est adscríptus.

¶. Iste homo.

In iij. Noct. Homilia in Ev. .  
Ecce nos reliquimus , de  
Comm. Abb. j. loco. lxxxix.

DIE XIII. OCTOBRIS.  
In Festo S. Eduardi, Regis  
Confessoris.  
Semiduplex.

Omnia de Comm. Conf.  
non Pont. lxxij. præter seq.

In Hymn. Iste Conféssor,  
mutatur tertius versus.

Oratio.

DEUS, qui beátum regem  
Eduárdum, Confessórem  
uum, æternitátis glória co-  
ronásti : fac nos, quæsumus,  
ta eum venerári in terris,  
ut cum eo regnâre possimus  
in cœlis. Per Dóminum.

In j. Nocturno Lectiones  
de Scriptura occurrente.

In secundo Nocturno.

Lectio iv.

EDUARDUS , cognomento  
E Conféssor, nepos sancti  
Eduárdi Regis et Mártiris,  
Anglo-Sáxonum regum últi-  
mus (quem futúrum regem  
Brithuáldo viro sanctíssimo  
in mentis excéssu Dóminus  
demonstrávit) decénis a  
Danis Angliam vastántibus  
quæsitus ad necem, exulâre  
cogitur apud avúnculum

Normánniæ ducem ; ubi in  
médiis vitiórum illécebris  
talem se exhibuit integritate  
vitæ morúmque innocéntia,  
ut ómnibus admiratióni es-  
set. Eluxit in eo vel tum mi-  
ra píetas in Deum, ac res  
divinas, fuitque ingénio mi-  
tissimo, atque ab omni do-  
minándi cupiditate aliéno.  
Cujus ea vox fertur, Malle  
se regno carére, quod sine  
cæde, et ságuine obtinéri  
non possit.

¶. Honéstum fecit.

Lectio v.

EXTINCTIS mox tyránnis,  
qui frátribus suis vitam  
et regnum eripúerant, revo-  
cátur in pátriam : ubi sum-  
mis ómnium votis et gratu-  
latiône regno potitus, ad  
hostílium irárum delénda  
vestigia totum se convértit,  
a sacris exórsus ac Divórum  
templis : quorum ália a fun-  
daméntis eréxit, ália refécit,  
auxítque redditibus ac privi-  
légiis ; in eam curam potissi-  
mum inténtus, ut refluoresce-  
ret collápsa religio. Ab aulæ  
procéribus compúlsum ad  
núptias, constans esse assér-  
tio scriptórum, cum virgine  
sponsa virginitatem in ma-  
trimónio servásse. Tantus in  
eo fuit in Christum amor  
et fides, ut illum aliquándo  
inter Missárum solénnia vi-  
dère merúerit blando vultu,  
et divína luce fulgéntem. Ob  
profúsam charitatem, orpha-



nórum et egenórum pater passim dicebátur : nunquam lætior, quam cum régios thesauros exhausisset in páuperes.

*R.* Amávit eum.

*Lectio vj.*

**P**ROPHETIÆ dono illústris, de Angliæ futúro statu multa cœlitis prævidit : et illud in primis memorábile, quod Sweyni Danórum regis in mare demérsi mortem, dum Angliam invadéndi ánimo classem conscénderet, eódem quo accidit momento, divinitus intelléxit. Joánnem Evangelistam mirífice cóluit, nihil cuiquam, quod ejus nómine peterétur, negáre sólitus. Cui olim sub lácera veste suo nómine stipem rogánti, cum nummi deéssent, detráctum ex digito ánnulum porréxit, quem Divus non ita multo post Eduádo remisit, una cum núntio secutúre mortis. Quare Rex, indictis pro se precibus, ipso ab Evangelista prædicto die piíssime obiit, Nonis videlicet Januárii, anno salutis millésimo sexagésimo sexto. Quem sequénti sæculo Alexánder Papa Tértius miráculis clarum Sanctórum fastis adscripsit. Ad ejus memóriam Innocéntius Undécimus Officio público per univérsam Ecclesiám eo die celebrári præcépit quo annis ab óbitu

sex et triginta translátum ejus corpus incorruptum, et suávem spirans odórem, repértum est.

*R.* Iste homo.

In iij. Nocturno *Homilia* in Evang. Sint lumbi, de Comm. lxxxij.

*Vesp. de seq., com. præ*

**DIE XIV. OCTOBRIS.**

In Festo S. Callisti I, Papæ et Mátyris.

*Duplex.*

*Omnia de Comuni unius Mart. xxij. præter seq.*

*Oratio.*

**D**EUS, qui nos cónspicis ex nostra infirmitáte deflcere : ad amórem tuum nos misericórditer per Sanctórum tuórum exémpa restáura. Per Dóminum.

*Deinde fit com. S. Eduardi, Aña. Hir vir. V. Justum. Oratio. Deus, qui. 415.*

In j. Nocturno, *Lectio de Scriptura occurrente.*

*In secundo Nocturno.*

*Lectio iv.*

**C**ALLISTUS Románu præfuit Ecclesiæ, Antonino Heliogábalo Imperátore. Constituit quátuor anni témpora, quibus jejúnium, ex apostólica traditióne acceptum, ab ómnibus servaretur. Ædificávit Basilicam sanctæ Mariæ trans Tiberim, et in via Appia vetus cœmetérium ampliávit, in quo multi sancti sacerdotes et Mátyres sepúlti sunt :

unde ab eo Callisti cœmet-  
erium appellatur.

**R.** Honéstum fecit.

**Lectio v.**

**E**USDEM pietátis fuit, quod  
beáti Calepódii, presby-  
teri et mártiris, corpus ja-  
ctátum in Tiberim conquíri  
diligénter curávit, et in-  
véntum honorífice sepelívit.  
Palmátium consulári, Sim-  
plicium senatória dignitate  
illústres, Felicem, ac Blan-  
dam, qui deinde omnes mar-  
tyrium subiére, cum baptís-  
mo lustrásset, missus est in  
cárcerem, ubi Privátum mi-  
item ulcéribus plenum ad-  
mirábiliter sanitáti restitú-  
tum Christo adjúnxit : pro  
quo idem, recens adhuc a  
vite suscépta, plumbátis us-  
que ad mortem cæsus occu-  
puit.

**R.** Desidérium animæ.

**Lectio vj.**

**S**EDIT Callistus annos quin-  
que, mensem unum, dies  
duódecim. Ordinatióibus  
quinque, mense Decémbri,  
creávit presbyteros séxde-  
cim, Diáconos quátuor, Epí-  
scopos octo. Post longam fa-  
nem crebrásque verberatió-  
nes præceps jactus in pú-  
ecum, atque ita martyrio  
coronátus sub Alexándro Im-  
peratóre, illátus est in cœ-  
metérium Calepódii via Au-  
élia, tértio ab Urbe lápide,  
vridie Idus Octóbris. Ejus  
hóstmódum corpus in Basí-

AUTUMNALIS.

licam sanctæ Mariæ trans  
Tiberim, ab ipso ædificá-  
tam, delátum, sub ara ma-  
jóri, máxima veneratióne  
cólitur.

**R.** Stola jucunditátis.

**In iij. Noct. Homilia in  
Evang. Nihil est opértum,  
de Comm. unius Mart. iij.  
loco xxxvj.**

**Vesp. a Capitulo de seq.  
com. præc.**

**DIE XV. OCTOBRIS.**

**In Festo S. Teresiae, Virg.  
Duplex.**

**Omnia de Comm. Virg.  
xcij. præter seq.**

**In utrisque Vesperis. et  
Laudibus.**

**Hymnus.**

**R**EGIS supérni nūntia  
Domum patérnam dese-  
ris,  
Terris, Terésa, bárbaris  
Christum datúra, aut sán-  
guinem.

**Sed te manet suávior  
Mors, pœna poscit dúlcior  
Divini amóris cúspide  
In vulnus ieta cóncides.**

**O charitátis victima!  
Tu corda nostra cóncrema,  
Tibique gentes créditas  
Avérni ab igne libera.**

**Sit laus Patri cum Filio,  
Et Spíritu Paráclito,  
Tibique, sancta Trinitas,  
Nunc, et per omne sæculum.**

**Amen.**

**Oratio.**

**E**XAUDI nos, Deus salutá-  
ris noster : ut, sicut de

beatæ Teresiæ, Virginis tuæ festivitâte gaudemus, ita cœlestis ejus doctrinæ pábulo nutriámur, et piæ devotiõnis erudiámur afféctu. Per Dóminum.

**Pro com. S. Callisti, Aña.**  
Qui vult. **Ÿ. Justus. Oratio.**  
Deus, qui. 416.

**Ad Matutinum, Hymnus.**

**H**ÆC est dies qua, cándidæ  
Instar colúmbæ, Cœli-  
tum

Ad sacra templa spiritus  
Se tránstulit Teresiæ.

Sponsique voces áudiit :

Veni, soror, de vértice  
Carméli ad Agni núptias :  
Veni ad corónam glóriæ.

Te, Sponse Jesu, Virginum  
Beáti adórent Ordines,  
Et nuptiáli cántico

Laudent per omne sæculum.

Amen.

**In j. Nocturno Lectiones**  
**de Scriptura occurrente.**

**In secundo Nocturno.**

**Lectio iv.**

**T**ERESIA virgo nata est  
Abulæ in Hispânia, pa-  
réntibus tum génere, tum  
pietâte præclâris. Ab iis di-  
vini timóris lacte educâta,  
admirándum futuræ sancti-  
tâtis in tenérrima adhuc  
ætate spécimen dedit. Nam  
cum sanctórum Mártyrum  
acta perlégeret, ádeo in ejus  
meditatióne sancti Spíritus  
ignis exársit, ut domo au-  
fúgiens, in Africam traji-  
ceret, ubi vitam pro glória

Jesu Christi et animárum  
salúte profúnderet. A pá-  
truo revocatâ, ardens mar-  
tyrii desidérium eleemósy-  
nis, aliisque piis opéribus  
compensávit, jûgibus lá-  
cymis deplórans, óptimam  
sibi sortem fuisse præré-  
ptam. Mórtua matre, cum  
a beatíssima Virgine péte-  
ret, ut se matrem esse  
monstráret, pii voti com-  
pos effécta est, semper  
perinde ac filia patrocínio  
Delparæ pérfruens. Vigési-  
mum ætátis annum agens,  
ad moniâles sanctæ Mariæ  
de Monte Carmélo se cóntu-  
lit : ibi per duodeviginti  
annos gravissimis morbis et  
váriis tentatióibus vexâta  
constantíssime mérui in  
castris christiánæ pœnitén-  
tiæ, nullo refécta pábulo  
cœlestium eárum consola-  
tiónum, quibus solet étiam  
in terris sanctitas abun-  
dáre.

**Ů. Propter veritatem.**

**Lectio v.**

**A**NGELICIS ditâta virtúti-  
bus, non modo pró-  
priam, sed públicam étiam  
salútem sollicita charitâte  
curávit. Quare severiorem  
vétérum Carmelitárum ré-  
gulam, Deo afflânte, et Pio  
Quarto approbânte, primum  
mulieribus, deinde viris ob-  
servándam propósuit. Effló-  
ruit in eo consílio omnípo-  
tens miseréntis Dómini be-

nedictio : nam duo supra triginta monasteria inops virgo potuit ædificare, omnibus humanis destituta auxiliis, quinimmo adversantibus plerumque sæculi Principibus. Infidelium et hæreticorum tenebras perpetuis deflebat lacrymis, atque ad placandam divinæ ulionis iram voluntarios proprii corporis cruciatus Deo pro eorum salute dicabat. Tanto autem divini amoris incendio cor ejus conflagravit, ut merito viderit Angelum ignito jáculo sibi præcordia transverberantem, et audierit Christum data lèxtera dicentem sibi : Deinceps ut vera sponsa meum zelabis honorem. Eo consiliante, maxime arduum votum emisit, efficiendi semper quidquid perfectius esse intelligeret. Multa cœlestis sapientiæ documenta conscripsit, quibus fidelium mentes ad supernæ patriæ desiderium maxime excitantur.

¶ Dilexisti justitiam.

### Lectio vj.

UM autem assidua ederet exempla virtutum, tam anxio castigandi corporis desiderio æstuabat, ut, quamvis secus suaderent morbi, quibus afflictabatur, corpus ciliciis, catenis, urticarum manipulis, aliisque asperri-  
mis flagellis sæpe cruciaret,

et aliquando inter spinas volutaret, sic Deum alloqui solita : Dómine, aut pati, aut mori : se semper miserrima morte pereuntem existimans, quamdiu a cœlesti æternæ vitæ fonte abesset. Prophetiæ dono excelluit, eamque divinis charismatibus tam liberaliter locupletabat Dóminus, ut sæpius exclamans peteret, beneficiis in se divinis modum imponi, nec tam céleri oblivione culpæ suarum memoriam aboleri. Intolerabili igitur divini amoris incendio potius, quam vi morbi, Albæ cum decumberet, prænuntiato suæ mortis die, Ecclesiasticis Sacramentis munito, alumnos ad pacem, charitatem, et regularem observantiam adhortata, sub columbæ specie purissimam animam Deo reddidit, annos nata sexaginta septem, anno millésimo quingentésimo octogésimo secundo, Idibus Octobris, juxta Kalendarium Romani emendationem. Ei morienti adesse visus est inter angelorum agmina Christus Jesus : et arbor arida cellæ próxima statim effloruit. Ejus corpus usque ad hanc diem incorruptum, odorato liquore circumfúsus, pia veneratione colitur. Miraculis claruit ante et post obitum eamque Gregorius Décimus

quintus in Sanctarum numerum retulit.

*R. Afferentur Regi.*

*In iij. Nocturno Hom. in Evang. Simile erit regnum cælorum decem virginibus. civ.*

*Ad Laudes, Hymnus ut in primis Vesperis.*

**DIE XVII. OCTOBRIIS.**

*In Festo S. Hedwigis, Viduæ. Semiduplex.*

*Omnia de Comm. nec Virg. nec Mart. exj. præter seq.*

*Oratio.*

**D**EUS, qui beatam Hedwigem a sæculi pompa ad humilem tuæ crucis sequelam toto corde transire docuisti : concede ; ut, ejus meritis et exemplo, discamus perituras mundi calcare delicias, et in amplèxu tuæ crucis omnia nobis adversantia superare. Qui vivis.

*In j. Nocturno Lectiones de Scriptura occurrente.*

*In secundo Nocturno.*

*Lectio iv.*

**H**EDWIGIS regiis clara natalibus, innocentia tamen vitæ longe clarior, sanctæ Elisabethæ filiæ regis Hungariæ matertera, Bertholdi, et Agnætis Moraviæ marchionum filia, animi ab ineunte ætate moderationem protulit. Adhuc enim puellula puerilibus abstinuit, et duodennis Henrico Poloniæ duci a parentibus nuptui tradita, thalami fide

sancte servata, prolem inde susceptam in Dei timore erudit. Ut autem commodius Deo vacaret, ex pari voto, et consensu unânimi ad separationem tori virum induxit. Quo defuncto, ipsa in monasterio Trebnicensi, Deo, quem assiduis precibus exoraverat, inspirante, Cisterciensem devota sumpsit habitum, in eoque contemplationi intenta, divinis Officiis, et Missarum solenniis a solis ortu ad meridiem usque assidua assistens, antiquum humani generis hostem fortis contempsit.

*R. Propter veritatem.*

*Lectio v.*

**S**ÆCULI autem commercia, nisi divina, vel animarum salutem attingerent, audire, vel loqui non sustinuit. Prudentia in agendis sic emicuit, ut neque excëssus esset in modo, nec error in ordine, comis alióquin, et mansueta in pròximum. Grandem autem de se triumphum jejuniis, et vigiliis, vestiumque asperitate austera carnem macerans, reportavit : hinc sublimioribus florens virtutibus christianis, consiliorum gravitate, animique candore, et quiete, in eximium religiosæ pietatis evasit exemplar : omnibus se ultro subicere, atque viliora præ cæteris monia-

libus alacriter múnia subire, paupéribus étiam flexo genu ministráre, leprosórum pedes ablúere, et osculári ipsi familiáre erat, neque illórum úlcera sánie manántia sui victrix abhórruit.

**R.** Dilexisti justítiam.

*Lectio vj.*

**M**IRA fuit ejus patiéntia animíque constántia: præcípue vero in morte Henríci ducis Silésiae, sui, quem matérne diligébat, filii in bello a Tártaris cæsi eníuit: pótius enim grátias Deo, quam filio lácrymas réddidit. Miraculórum dénique glória percrebuit: púerum enim demersum, et molendini rotis allisum, et prorsus attrítum, invocáta, vitæ restítuit, alíaque præstitit, ut rite iis Clemens Quartus probátis, Sanctórum número eam adscripserit, ejúsque festum in Polónia, ubi præcípua veneratióne uti Patróna cólitur, die décima quinta Octóbris celebrári concésserat; quod deínde ut décima séptima in tota Ecclésia fieret, Innocéntius Undécimus ampliávit.

**U.** Fallax grátia.

*In iij. Noct. Homilia in Evang. S*ímile est regnum ccelórum thesauro. cxv.

*Vesperæ de S. Luca, sine Comm. S. Hedwigis.*

**DIE XVIII. OCTOBRIS.**

*In Festo S. Lucæ, Evang.*

*Duplex ij. Classis.*

*Omnia de Comm. Apost. ij. præter sequentia.*

*Oratio.*

**I**NTERVENIAT pro nobis, quæsumus Dómine, sanctus tuus Lucas Evangelísta: qui crucis mortificatióne júgiter in suo corpore, pro tui nóminis honóre, portávit. Per Dóminum.

*In j. Noct. Lect. Ezechielis Prophetæ, positæ in Comm. Evang. xix.*

*In secundo Nocturno.*

Ex libro sancti Hierónymi Presbyteri de Scriptóribus ecclesiásticis.

*Lectio iv.*

**L**UCAS médicus Antiochén-sis, ut ejus scripta indicant, græci sermónis non ignárus, fuit sectátor Apóstoli Pauli, et omnis peregrinatiónis ejus comes. Scripsit Evangélium, de quo idem Paulus: Misimus, inquit, cum illo fratrem, cujus laus est in Evangélio per omnes Ecclésias. Et ad Colossénses: Salútat vos Lucas, médicus charíssimus. Et ad Timótheum: Lucas est mecum solus. Aliud quoque édedit volúmen egrégium, quod título, Acta Apostolórum, prænotátur: cujus história usque ad biénnum Romæ commorántis Pauli pervénit, id est,



usque ad quartum Nerónis annum. Ex quo intelligimus, in eadem Urbe librum esse compósitum.

¶ Vidi conjunctos.

*Lectio v.*

**I**GITUR períodos Pauli et Theclæ, et totam baptizati Leónis fábulam, inter apócrifas scriptúras computámus. Quale enim est, ut individuus comes Apóstoli, inter céteras ejus res hoc solum ignoráverit? Sed et Tertullianus, vicinus eorum téporum, refert presbyterum quemdam in Asia amatorem Apóstoli Pauli, convictum a Joanne, quod auctor esset libri, et confesum se hoc Pauli amore fecisse, et ob id loco excidisse. Quidam suspicantur, quotiescúmque in Epístolis suis Paulus dicit, Juxta Evangélium meum, de Lucæ significare volumine.

¶ Beati estis cum maledixerint vobis hómines, et persecúti vos fuerint, et dixerint omne malum adversum vos, mentientes, propter me: \*Gaudéte et exultáte, quóniam merces vestra copiósa est in cœlis. †. Cum vos óderint hómines, et cum separáverint vos, et exprobráverint, et ejecerint nomen vestrum tamquam malum propter Filium hóminis. Gaudéte.

*Lectio vj.*

**L**UCAM autem non solum ab Apóstolo Paulo didicisse Evangélium, qui cum Dómino in carne non fuerat, sed a céteris Apóstolis: quod ipse quoque in principio sui volúminis declárat, dicens: Sicut tradiderunt nobis, qui a principio ipsi viderunt, et ministri fuerunt sermónis. Igitur Evangélium, sicut audierat, scripsit: Acta vero Apostolorum, sicut viderat ipse, compósuit. Vixit octoginta et quatuor annos, uxorem non habens: sepultus est Constantinópoli, ad quam urbem, vigésimo Constantíni anno, ossa ejus cum reliquiis Andréæ Apóstoli translata sunt de Acháia.

¶ Isti sunt triumphatores et amici Dei, qui contemnentes jussa principum, meruerunt præmia æterna: \* Modo coronantur, et accipiunt palmam. †. Isti sunt qui venerunt ex magna tribulatione, et laverunt stolas suas in sanguine Agni. Modo. Glória Patri. Modo.

In iij. Noct. Homilla in Evang. Designavit Dóminus, de Comm. Evang. xx.

In ij. Vesp. fit commemoratio S. Petri de Alcantara.

DIE XIX. OCTOBRIS.

In Festo S. Petri de Alcantara, Confessoris.

Duplex.

Ant. Similabo. †. Amavit.

In Hymno, Iste Confessor,  
mutatur tertius versus.

Oratio.

**D**EUS, qui beatum Petrum, Confessorem tuum, admirabilis poenitentiae, et altissimae contemplationis munere illustrare dignatus es: da nobis, quaesumus; ut, ejus suffragantibus meritis, carne mortificati, facilius coelestia capiamus. Per Dominum.

In j. Nocturno Lectiones  
de Scriptura occurrente.

In secundo Nocturno.

Lectio iv.

**P**ETRUS Alcantarae in Hispania nobilibus parentibus natus, a teneris annis futurae sanctitatis indicia praebuit. Decimo sexto aetatis anno Ordinem Minorum ingressus, se omnium virtutum exemplar exhibuit. Tum munus concionatoris ex obedientia exercens, innumeros a vitiis ad veram poenitentiam traduxit. Primævum sancti Francisci Institutum exactissime reparare cupiens; ope divina fretus, et apostolica munitus auctoritate, angustissimum et pauperrium coenobium juxta Pedrosam fundavit: quod vitae genus asperissimum ibi feliciter coeptum, per diversas Hispaniae provincias usque ad Indias mirifice propagatum fuit. Sanctae

Terésiae, cujus probaverat spiritum, in promovenda Carmelitarum reformatione adiutor fuit. Ipsa autem a Deo edocta, quod Petri nomine nihil quisquam peteret, quin protinus exaudiretur, ejus precibus se commendare, et ipsum adhuc viventem Sanctum appellare consuevit.

¶ Honestum fecit.

Lectio v.

**P**RINCIPUM obséquia, qui ipsum velut oraculum consulébant, summa humilitate declinans, Carolo Quinto Imperatori a confessionibus esse recusavit. Paupertatis rigidissimus custos, una tunica, qua nulla deterior esset, contentus erat. Puritatem ita coluit, ut a fratre, in extremo morbo sibi inserviente, nec leviter quidem tangi passus sit. Corpus suum perpétuis vigiliis, jejuniis, flagellis, frigore, nuditate, atque omni genere asperitatum in servitutem redégit, cum quo pactum inierat, ne ullam in hoc saeculo ei requiem praebéret. Caritas Dei et proximi in ejus corde diffusa tantum quandoque excitabat incendium, ut e cellae angustis in apertum campum prosillire, aerisque refrigerio conceptum ardorem temperare cogeretur.

¶ Amavit eum.

## Lectio vj.

**G**RATIA contemplationis admirabilis in eo fuit; qua cum assidue spiritus reficeretur, interdum accidit, ut ab omni cibo et potu pluribus diebus abstinuerit. In æra frequenter sublatus, miro fulgore coruscare visus est. Rápidos fluvios sicco pede trajecit. Fratres in extréma penúria, cœlitus delata alimonia, cibavit. Báculus ab ipso terræ defixus, mox in viridem ficulneam excrevit. Cum noctu iter ágeret, densa nive cadente, dirutam domum sine tecto ingressus est, eique nix in æere pendula pro tecto fuit, ne illius còpia suffocarétur. Domino prophetiæ ac discretiõnis spirituum imbutum fuisse sancta Terésia testatur. Dénique annum agens sexagésimum tertium, hora qua prædixerat, migravit ad Dóminum, mirábili visione, Sanctorúmque præsentia confortátus. Quem eódem moménto in cœlum ferri beata Terésia procul distans vidit; cui póstea appárens dixit: O felix pœniténtia, quæ tantam mihi promérui glóriam! Post mortem vero plurimis miráculis cláruit, et a Clemente Nono Sanctórum número adscriptus est.

☞ Iste homo.

In liij. Noct. Hom. in Ev  
Nolite timere, ij. locolxxxviii.  
Vesp. a Capit. de seq  
com. præc.

## DIE XX. OCTOBRIS.

In Festo S. Joannis Cantii.  
Confessoris.

## Duplex.

Omnia de Communi Conf  
non Pont. lxxiiij. præter seq.

## In j. Vesperis, Hymnus.

**G**ENTIS Polonæ glória,  
Clerique splendor nobilis,

Decus Lycæi, et patriæ  
Pater Joannes inclyte.

Legem supérni Núminis  
Doces magister, et facis;  
Nil scire prodest: sédulo  
Legem nitámur exequi.

Apostolorum límina  
Pedes viátor visitas:  
Ad pátriam, ad quam téndimus,

Gressus viámque dirige.

Urbem petis Jerúsalem;  
Signata sacro sânguine  
Christi colis vestigia,  
Rigásque fuis flétibus.

Acérba Christi vúlnera,  
Hæréte nostris córdibus,  
Ut cogitémus cónsequi  
Redemptiõnis prétium.

Te prona mundi máchina,  
Clemens, adóret, Trínitas,  
Et nos novi per grátiam  
Novum canámus canticum.

Amen.

## Oratio.

**D**A, quæsumus, omnipotens Deus, ut, sancti Joannis Confessoris exem-

plo, in sciéntia Sanctórum proficiéntes, atque áliis misericórdiam exhibéntes, ejus méritis indulgéntiam apud te consequámur. Per Dóminum.

*Et fit com. S. Petri. Añs.*  
Hic vir. *Ÿ. Justum. Oratio.*  
Deus, qui beátum. 423.

*Ad Matutinum, Hymnus.*

**C**ORPUS domas jejúniis,  
Cædis cruénto vérbere,  
Ut castra pœniténtium  
Miles sequáris innocens.

Sequámur et nos sédulo  
Gressus paréntis óptimi,  
Sequámur, ut licéntiam  
Carnis refrænet spíritus.

**R**igente bruma, próvidum  
Præbes amictum páuperi,  
Sitim famémque egéntium  
Esca potúque súblevas.

**O** qui negásti némini  
Opem rogánti, pátrium  
Regnum tuére, póstulant  
Cives Polóni, et éxteri.  
**S**it laus Patri, sit Filio,  
Tibique, sancte Spiritus,  
Preces Joánnis impetrent  
Beáta nobis gáudia. Amen.

*In j. Nocturno Lectiones  
de Scriptura occurrente.*

*In secundo Nocturno.*

*Lectio iv.*

**J**OANNES in óppido Kenty  
Cracoviénsis diœcésis, a  
quo Cántii cognómen duxit,  
Stanisláo et Anna piis et  
honéstis paréntibus natus,  
morum suavitate, innocén-  
tia, gravitate ab ipsa infántia  
spem fecit máximæ virtútis.

In Universitaté Cracoviénsi  
philosophiæ, ac theologiæ  
primum auditor, tum per  
omnes Academiæ gradus  
ascendéndo Proféssor ac  
Doctor, sacra, quam annis  
multis trádedit, doctrína  
mentes audiéntium non il-  
lustrábat modo, sed et ad  
omnem pietátem inflammá-  
bat, simul docens scilicet et  
fáciens. Sacérdos factus, ni-  
hil de litterárum stúdio re-  
mittens, stúdiium auxit chri-  
stiánæ perfectiónis. Utque  
passim offéndi Deum máxi-  
me dolébat, sic eum sibi et  
pópulo placáre, obláto quo-  
tidie, non sine multis lá-  
cymis, incruénto Sacrificio,  
satagébat. Ilkusiénsem pa-  
róchiam annis áliquot egré-  
gie administrávit; sed ani-  
márum perículo commótus  
póstea dimísit, ac postulán-  
te Academiá, ad pristinum  
docéndi officium rédiit.

**R.** Honéstum fecit.

*Lectio v.*

**Q**UIDQUID témporis ab stú-  
dio supérerat, partim sa-  
lúti proximórum, sacris præ-  
sértim conciónibus, curán-  
dæ, partim oratióni dabat,  
in qua cœléstibus quandóque  
visiónibus et collóquiis di-  
gnátus fertur. Christi vero  
Passiône sic afficiebátur, ut  
in ea contemplánda totas  
intérdum noctes dúceret in-  
sómnes, ejúsque causa mé-  
lius recoléndæ Hierosóly-

mam peregrinatus sit : ubi et martyrii desiderio flagrans, Turcis ipsis Christum crucifixum prædicare non dubitavit. Quater etiam ad Apostolorum limina pedes, atque viaria onustus sarcina Romam venit, tum ut Sedem Apostolicam, cui maxime addictus fuit, honoraret, tum ut sui (sic enim agebat) purgatorii poenas, exposita illic quotidie peccatorum venia, redimeret. Quo in itinere a latronibus olim spoliatus, et numquid haberet præterea interrogatus, quum negasset, aureos deinde aliquot suo insutos pallio recordatus, fugientibus hos etiam clamans obtulit latronibus : qui viri sancti candorem simul et largitatem admirati, etiam ablatos ultro reddidere. Alienæ famæ ne quis detraxeretur, descriptis beati Augustini exemplo in pariete versiculis, se atque alios perpetuo voluit admónitos. Famélicos de suo etiam obsonio satiabat; nudos autem non emptis modo, sed detractis quoque sibi vestibus et calceis operiebat, demisso ipse interim usque ad terram pallio, ne domum nudipes redire videretur.

¶ Amavit eum.

Lectio vj

**B**REVIS illi somnus, atque humi; vestis, quæ nu-

ditatem, cibus, qui mortem duntaxat arceret. Virginalem pudicitiam, velut lilium inter spinas, aspero cilicio, flagellis, atque jejuniis custodivit. Quin et per annos ante obitum triginta circiter et quinque ab esu carniū perpetuo abstinuit. Tandem dierum juxta ac meritū plenus, quum vicinæ, quam præsensit, morti se diu diligentérque præparasset, ne qua re amplius teneretur, si quid domi supererat, id omnino pauperibus distribuit. Tum Ecclesiæ Sacramentis rite munitus, dissolvi jam cupiens, et esse cum Christo, pridie Nativitatis ejus in cælum evolavit, miraculis ante et post mortem clarus. Mortuus ad proximam Academiæ Ecclesiæ sanctæ Annæ delatus est, ibique honorificè sepultus. Auctaque indies populi veneratione ac frequentia, inter primarios Poloniæ ac Lithuaniæ Patronos religiosissime colitur. Novisque coruscans miraculis, a Clemente Décimo tertio Pontifice Máximo, décimo septimo Kalendas Augusti, anno millésimo septingentésimo sexagésimo septimo, solénni ritu Sanctorum fastis adscriptus est.

¶ Iste homo.

In iij Noct. Homilia in Evang. Sint lumbi. lxxxij.



Ad Laudes, Hymnus, Gentis Polónæ. 424.

In ij. Vesp. Hymnus.

**T**E deprecante, cōporum Lues recedit, improbi Morbi fugantur, pristina Rédeunt salutis mūnera.

Phthisi, febrigue et ulcere Diram redactos ad necem, Sacratas morti victimas Ejus rapis e faucibus.

Te deprecante, tūmido Merces abactæ flumine, Tractæ Dei potētia Sursum fluunt retrógradæ.

Quum tanta possis, sēdibus Cœli locatus, pōscimus, Respōde votis supplicum, Et invocatus sūbveni.

O una semper Trinitas ! O trina semper Unitas ! Da, supplicante Cāntio, Ætérna nobis præmia. Am.

Et fit commemor. seq., et SS. Ursulæ et Sociarum, Virg. et Mart., ut infra.  
DIE XXI. OCTOBRIS.

S. Hilarionis, Abbatis. Añs. Similabo. ꝑ. Amavit.

Oratio.

**I**NTERCESSIO nos, quæsumus Dōmine, beāti Hilarionis Abbatis commēdet : ut quod nostris mēritis non valēmus, ejus patrocīnio assequāmur. Per Dōminum.

Pro com. SS. Ursulæ et Soc. in Vesp. et Laud., Añs. Prudentes virgines, aptate vestras lāmpades : ecce Sponsus venit, exite obviam ei. ꝑ. Adducētur Regi vir-

gines post eam. ꝑ. Prōximæ ejus afferēntur tibi.

Oratio.

**D**A nobis, quæsumus Dōmine Deus noster, sanctarum Virginum et Martyrum tuarum Ursulæ, et Sociarum ejus, palmis incessabili devotiōne venerari : ut, quas digna mente non pōssumus celebrāre, humilibus saltem frequentēmus obséquiiis. Per Dōminum.

Lectio ij.

**H**ILARION ortus Tábathæ in Palæstina, ex parēntibus infidēlibus, Alexandriam missus studiōrum causa, ibi morum et ingēnii laude flōruit : ac Jesu Christi suscepta religiōe, in fide et charitatē mirabiliter profecit. Frequens enim erat in Ecclēsia, assiduus in jejūnio et oratiōe : omnes voluptatum illēcebras, et terrenarum rerum cupiditates contemnēbat. Cum autem Antōnii nomen in Ægypto celeberrimum esset, ejus vidēdi stūdio in solitudinem contēdit : apud quem duobus mēnsibus omnem ejus vitæ ratiōnem didicit. Domum revērsus, mōrtuis parēntibus, facultates suas paupēribus dilargitus est : necdum quintumdecimum annum egrēssus, rediit in solitudinem, ubi, exstructa exigua casa, quæ vix ipsum cāperet, humi cubābat. Nec



vero saccum, quo semel amictus est, unquam aut lavit, aut mutavit, cum supervacaneum esse diceret, munditias in cilicio quærere.

*Lectio ij.*

**I**N sanctarum litterarum lectione et meditatione multus erat. Paucas ficus, et succum herbarum ad victum adhibebat, nec illis ante solis occasum vescebatur. Continencia et humilitate fuit incredibili. Quibus aliisque virtutibus varias horribilesque tentationes diaboli superavit, et innumerabiles daemones in multis orbis terrae partibus ex hominum corporibus ejecit. Qui octogésimum annum agens, multis aedificatis monasteriis, et clarus miraculis, in morbum incidit: cujus vi cum extremo pene spiritu conflictaretur, dicebat: Egrédere, quid times? egrédere anima mea, quid dubitas? septuaginta prope annis servisti Christo, et mortem times? Quibus in verbis spiritum exhalavit. *Te Deum. 17.*

**DIE XXV. OCTOBRIS.**

*SS. MM. Chrysanthii et Dariae.*

*Oratio.*

**B**EATORUM Martyrum tuorum, Domine, Chrysanthii et Dariae, quaesumus, adsit nobis oratio: ut, quos veneramur obsequio, eorum pium jugiter experiamur auxilium. Per Dominum.

*Lectio ij.*

**C**HRYSANTHUS et Daría conjuges, nobili genere nati, fide etiam clarióres, quam Daría, mariti ópera, cum baptismo suscepérat, Romæ innumerabilem hóminum multitudinem, hæc mulierum, ille virórum, ad Christum convertérunt. Quare Celerinus Præfæctus comprehénsos trádedit Cláudio tribúno, qui jussit a militibus Chrysánthum vinctum cruciátibus torqueri: sed vincula ómnia resoluta sunt: mox cómpedes, in quos conjéctus fúerat, confrácti.

*Lectio iij.*

**D**EINDE bovis corio inclúsum in ardentissimo sole constituunt: tum pédibus ac manibus caténa constrictis, in obscurum cárcerem detrúdunt, ubi, solútis caténis, claríssima lux locum illustrávit. Daría vero in lupánar compúlso, leónis tutelá, dum in oratione defixa est, a contumélia divinitus defénsa est. Dénique in arenáriam, quæ est via Salária, utérque ductus, effóssa terra, lapídibus óbruti parem martyrii corónam adépti sunt.

*Te Deum laudámus. 17.*

**DIE XXVI. OCTOBRIS.**

*S. Evaristi, Papæ et Mart.*

*Oratio.*

**I**NFIRMITATEM nostram respice, omnipotens Deus:

et quia pondus propriæ actiōnis gravat, beāti Evaristi, Mártiris tui atque Pontificis, intercēssio gloriōsa nos próteget. Per Dóminum.

*Lectio iij.*

**E**VARISTUS Græcus ex Judæo patre, Trajáno Imperatóre, Pontificátum gessit. Qui Ecclesiárum títulos urbis Romæ Presbyteris divisit, et ordinávit, ut septem Diáconi Episcopum custodirent, dum evangélicæ prædicationis officio fungerétur. Idem constituit ex traditione apostólica, ut matrimónium públice celebrétur, et Sacerdótis benedictio adhibeátur. Præfuit Ecclesiæ annos novem, menses tres: Presbyteris decem et septem, Diáconis duóbus, Episcopis quíndecim, quater mense Decémbri ordinátis. Martyrio coronátus, prope sepúlchrum Principis Apostolorum in Vaticáno sepúltus est, séptimo Kaléndas Novémbris.

*Te Deum laudámus. 47.*

**DIE XXVII. OCTOBRIS.**

**In Vigilia SS. Apostolorum  
Simonis et Judæ**

*Lectio sancti Evangélii  
secúndum Joánnem.*

*Lectio j. Cap. 15.*

**I**n illo témpore: Dixit Jesus discíplis suis: Ego sum vitis vera: et Pater meus agricola est. Et reliqua.

Homilia S. Augustini  
Episcopi.

*Tract. 80. in Joannem.*

**I**STE locus evangélicus, fratres, ubi se dicit Dóminus vitem, et discípos suos pálmities, secúndum hoc dicit, quod est caput Ecclesiæ, nosque membra ejus, mediátor Dei et hóminum, homo Christus Jesus. Unius quippe natúræ sunt vitis et pálmities. Propter quod cum esset Deus, cujus natúræ non sumus, factus est homo, ut in illo esset vitis humana nátura, cujus et nos hómines pálmities esse possémus.

*RR. ut in Feria occurr.*

*Lectio ij.*

**Q**UID ergo est, Ego sum vitis vera? Numquid ut ádderet, vera, hoc ad eam vitem rétulit, unde ista similitúdo transláta est? Sic enim dicitur vitis per similitúdinem, non per proprietátem: quemádmódum dicitur ovis, agnus, leo, petra, lapis anguláris, et cétera hujúsmodi, quæ magis ipsa sunt vera, ex quibus ducúntur istæ similitúdines, non proprietátes. Sed cum dicit: Ego sum vitis vera: ab illa se útique discérnit, cui dicitur: Quómodo convérta es in amaritúdinem, vitis aliéna? Nam quo pacto est vitis vera, quæ expectáta est ut fáceret uvam, fecit autem spinas?

*Lectio iij.*

**E**GO sum, inquit, vitis vera : et Pater meus agricola est. Numquid unum sunt agricola et vitis? Secundum hoc ergo vitis Christus, secundum quod ait : Pater major me est. Secundum autem id quod ait : Ego et Pater unum sumus, et ipse agricola est : nec talis, quales sunt qui extrinsecus operando exhibent ministerium : sed talis, ut det etiam intrinsecus incrementum. Nam neque qui plantat, est aliquid, neque qui rigat : sed qui incrementum dat, Deus. Sed utique Deus est Christus, quia Deus erat Verbum : unde ipse et Pater unum sunt : et, si Verbum caro factum est, quod non erat, manet quod erat.

*In Laud. dicuntur Preces  
feriales flexis genibus, ut 64.*

*Oratio.*

**C**ONCEDE, quæsumus omnipotens Deus : ut sicut Apostolorum tuorum Simonis et Judæ gloriôsa natalitia prævenimus, sic ad tua beneficia promerenda, majestatem tuam pro nobis ipsi præveniant. Per Dñm.

*DIE XXVIII. OCTOBRIS.  
In Festo SS. Apostolorum  
Simonis et Judæ.*

*Duplex ij. classis.*

*Omnia de Comm. Apost.*

*ij. præter Orationem et  
Lectiones.*

*Oratio.*

**D**EUS, qui nos per beatos Apostolos tuos Simónem et Judam, ad agnitionem tui nómínis venire tribuisti : da nobis eórum glóriam sempitérnam et proficiendo celebrare, et celebrando proficere. Per Dñm.

*In primo Nocturno.*

*Incipit Epístola cathólica  
beáti Judæ Apóstoli.*

*Lectio j.*

**J**UDAS Jesu Christi servus, frater autem Jacóbi, his qui sunt in Deo Patre dilectis, et Christo Jesu conservátis, et vocátis. Misericórdia vobis, et pax, et cháritas adimpleatur. Chárrissimi, omnem sollicitudinem faciens scribendi vobis de communi vestra salute, necesse hábui scribere vobis : deprecans supercertári semel traditæ Sanctis fidei. Subintroiérunt enim quidam hómines (qui olim præscripti sunt in hoc judicium) impii, Dei nostri grátiam transferéntes in luxúriam, et solum Dominatórem et Dñm nostrum Jesum Christum negántes.

*ij.* Ecce ego mitto vos sicut oves in médio lupórum, dicit Dñus : *†* Estóte ergo prudentes sicut serpéntes, et simplices sicut colúmbæ. *‡* Dum lucem habétis, créдите in lucem, ut filii lucis sitis. Estóte.

## Lectio ij.

**C**OMMONERE autem vos volo, sciéntes semel ómnia, quóniam Jesus pópulum de terra Ægypti salvans, secúndo eos, qui non credidérunt, pérdidit : ángelos vero, qui non servavérunt suum principátum, sed dereliquérunt suum domicílium, in judícium magni diéi, vñculis ætérnis sub caligine reservávit. Sicut Sódoma, et Gomórrha, et finítimæ civitátes símili modo exfornicátæ, et abeúntes post carnem álteram, factæ sunt exémplum, ignis ætérni poenam sustinéntes. Simíliter et hi carnem quidem máculant, dominatió-nem autem spernunt, majestátém autem blasphémant.

**R.** Tóllite jugum meum super vos, dicit Dóminus, et discite a me, quia mitis sum, et húmilis corde :

**\*** Jugum enim meum suáve est, et onus meum leve. **v.** Et inveniétis réquiem animábus vestris. Jugum.

## Lectio iij.

**C**UM Michael Archángelus cum diábolo disputans altercarétur de Moysi corpore, non est ausus judícium inférre blasphemíæ : sed dixit : Imperet tibi Dóminus. Hi autem, quæcúmque quidem ignórant, blasphémant : quæcúmque autem naturaliter, tamquam muta

animália, norunt, in his corrumpúntur. Væ illis, quia in via Cain abiérunt, et erróre Bálaam mercéde effúsi sunt, et in contradictióne Core periérunt. Hi sunt in épulis suis máculæ, convivántes sine timóre, semetípsos pascéntes, nubes sine aqua, quæ a ventis circumferúntur, árbores autumnáles, infructuósæ, bis mórtuæ, eradicátæ, fluctus feri maris, despumántes suas confusiónes, sidera errántia : quibus procélla tenebrárum serváta est in ætérnum.

**R.** Dum stetéritis ante reges et præsides, nolite cogitare quómodo, aut quid loquámini : **\*** Dábitur enim vobis in illa hora, quid loquámini. **v.** Non enim vos estis qui loquimini : sed Spíritus Patris vestri, qui lóquitur in vobis. Dábitur. Glória Patri. Dábitur.

## In secundo Nocturno.

## Lectio iv.

**S**IMON Chananæus, qui et Zelótes, et Thaddeus, qui et Judas Jacóbi appellátur in Evangélio, unius ex Cathólicis Epístolis scriptor, hic Mesopotámiam, ille Ægyptum evangélica prædicatióne peragrávit. Póstea in Pérsidem conveniéntes, cum innumerábiles filios Jesu Christo peperissent, fidémque in vastíssi-

mis illis regiónibus et efferátis géntibus disseminássent; doctrína et miraculis, ac dénique glorióso martyrio, simul sanctíssimum Jesu Christi nomen illustráruunt.

**R.** Vidi conjúctos viros habéntes spléndidas vestes, et Angelus Dómini locútus est ad me, dicens: \* Isti sunt viri sancti, facti amíci Dei. **V.** Vidi Angelum Dei fortem, volántem per médium cœlum, voce magna clamántem et dicéntem. Isti sunt. Sermo S. Gregórii Papæ.

**Lectio v.**

*Hom. 30. in Evang. post medium.*

**S**CRIPtum est: Spíritus Dómini ornávit cœlos. Ornamenta enim cœlórú sunt virtútes prædicántium. Quæ videlicet ornamenta Paulus enúmerat, dicens: Alii datur per Spíritum sermo sapiéntiæ, álii sermo sciéntiæ secúndum eúmdem Spíritum, álii fides in eódem Spíritu, álii grátia sanitátum in uno Spíritu, álii operátio virtútum, álii prophetia, álii discretio spirituum, álii génera linguárum, álii interpretátio sermónum. Hæc autem omnia operátur unus, atque idem Spíritus, dividens singulis prout vult.

**R.** Beátí estis cum maledixerint vobis hómines, et

persecúti vos fúerint, et dixerint omne malum advérsus vos, mentiéntes, propter me. \* Gaudéte et exultáte, quóniam merces vestra copiósa est in cœlis.

**V.** Cum vos óderint hómines, et cum separáverint vos, et exprobráverint, et ejécerint nomen vestrum tamquam malum propter Filium hóminis. Gaudéte.

**Lectio vj.**

**Q**UOT ergo sunt bona prædicántium, tot sunt ornamenta cœlórú. Hinc rursus scriptum est: Verbo Dómini cœli firmáti sunt. Verbum enim Dómini Filius est Patris. Sed eósdem cœlos, videlicet sanctos Apóstolos, ut tota simul sancta Trínitas ostendátur operáta, repénite de sancti Spíritus divinitáte adjúngitur: Et Spíritu oris ejus omnis virtus eórum. Cœlórú ergo virtus de Spíritu sumpta est: quia mundi hujus potestátibus contraíre non præsumerent, nisi eos sancti Spíritus fortitúdo solidáset. Quales namque doctóres sanctæ Ecclésiæ ante advéntum hujus Spíritus fúerint, scimus: et post advéntum illius, cujus fortitudinis facti sint, conspícimus.

**R.** Isti sunt triumphatóres et amíci Dei, qui contemnéntes jussa princípum,



meruerunt præmia æterna :  
 \* Modo coronantur, et acci-  
 piunt palmam. **V.** Isti  
 sunt qui venerunt ex magna  
 tribulatione, et laverunt sto-  
 las suas in sanguine Agni.  
 Modo. **Gloria Patri.** Modo.

**In tertio Nocturno.**

**Lectio** sancti Evangelii  
 secundum Joannem.

**Lectio vij. Cap. 15. c**

**I**n illo tempore : Dixit Jesus  
 discipulis suis : Hæc man-  
 do vobis, ut diligatis invi-  
 cem. Si mundus vos odit,  
 scitote quia me priorem vo-  
 bis odio habuit. Et reliqua.

Homilia sancti Augustini  
 Episcopi.

**Tract. 87. in Joannem.**

**I**n lectione evangelica, quæ  
 hanc antecedit, dixerat  
 Dominus : Non vos me ele-  
 gistis : sed ego elégi vos, et  
 posui vos, ut eatis, et  
 fructum afferatis, et fructus  
 vester maneat : ut quod-  
 cunque petieritis Patrem  
 in nomine meo, det vobis.  
 Hic autem dicit : Hæc man-  
 do vobis, ut diligatis invi-  
 cem. Ac per hoc intelligere  
 debemus, hunc esse fru-  
 ctum nostrum, de quo ait :  
 Ego vos elégi, ut eatis, et  
 fructum afferatis, et fructus  
 vester maneat : et quod ad-  
 iunxit, Ut quodcumque pe-  
 tieritis Patrem in nomine  
 meo, det vobis. Tunc utique  
 dabit nobis, si diligamus  
 invicem : cum et hoc ipsum

ipse dederit nobis, qui nos  
 elégit non habentes fru-  
 ctum, quia non eum nos  
 elegeramus, et posuit nos  
 ut fructum afferamus, hoc  
 est, invicem diligamus.

**R.** Isti sunt qui viventes  
 in carne, plantaverunt Ec-  
 clésiam sanguine suo : \*  
 Cálicem Domini biberunt,  
 et amici Dei facti sunt. **V.**

In omnem terram exivit so-  
 nus eorum, et in fines orbis  
 terræ verba eorum. Cálicem.

**Lectio viij.**

**C**HARITAS ergo est fructus  
 noster, quam définit Apó-  
 stolus, de corde puro, et  
 consciéntia bona, et fide  
 non ficta. Hac diligimus in-  
 vicem, hac diligimus Deum,  
 neque enim vera dilectione  
 diligeremus invicem, nisi  
 diligentes Deum. Diligit  
 enim unusquisque próxi-  
 mum suum tamquam seipsum,  
 si diligit Deum : nam  
 si non diligit Deum, non  
 diligit seipsum. In his enim  
 duobus præceptis charitá-  
 tis, tota lex pendet, et  
 Prophætæ. Hic est fructus  
 noster. De fructu itaque no-  
 bis mandans : Hæc mando,  
 inquit, vobis, ut diligatis  
 invicem. Unde et Apóstolus  
 Paulus, cum contra ópera  
 carnis commendare fru-  
 ctum spíritus, vellet, a cá-  
 pite hoc posuit : Fructus,  
 inquit, spíritus, charitas  
 est : ac deinde cetera, tam-



quam ex isto cápite exórta, et religáta contéxuit, quæ sunt, gáudium, pax, longánimitas, benígnitas, bó-  
nitas, fides, mansuetúdo, continéntia, cástitas.

**R.** Isti sunt viri sancti, quos elégit Dóminus in charitáte non ficta, et dedit illis glóriam sempitérnam:

\* Quorum doctrína fulget Ecclesiá, ut sole luna. **V.** Sancti per fidem vicérunt regna, operáti sunt justitiam. Quorum. Glória Patri. Quorum.

### Lectio ix.

**Q**UIS autem bene gaudet, qui bonum non diligit unde gaudet? Quis pacem veram, nisi cum illo potest habére, quem veráriter diligit? Quis est longánimis in bono ópere perseveránte manéndo, nisi férveat diligéndo? Quis est benígnus, nisi diligit, cui opituláitur? Quis bonus, nisi diligéndo efficiáitur? Quis salúbriter fidélis, nisi ea fide, quæ per dilectiónem operáitur? Quis utiliter mansuétus, cui non diléctio moderétur?

Quis ab eo contémnet unde turpáitur, nisi diligit unde honestáitur? Mérito itaque magister bonus dilectiónem sic sæpe comméndat, tamquam sola præcipiéndá sit, sine qua non possunt prodésse cétera bona, et quæ non potest habéri sine céteris bonis, quibus homo efficitur bonus.

Te Deum laudámus. 47.

### DIE XXXI. OCTOBRIS.

#### In Vigilia Omnium Sanctorum.

Tres Lectiones leguntur de Hom. in Evang. Descéndens Jesus, de Comm. plur. Mart. ij. loco. lj. R̃R̃. de Feria occurrente.

In Laudibus dicuntur Preces feriales. 64.

#### Oratio.

**D**OMINE Deus noster, multiplica super nos grátiam tuam, et quorum prævenimus gloriósa solémnia, tribue súbsequi in sancta professione lætítiam. Per Dóminum.

### FESTA NOVEMBRIS.

Prima die non impedita dicitur Officium Defunct.

DIE I. NOVEMBRIS.

IN FESTO

OMNIUM SANCTORUM.

DUPLEX PRIMÆ CLASSIS.

Ad Vesp. Añæ de Laud.  
Psalmi de Dñica. 434. et  
loco ult., Ps. Laudáte Dó-  
minum, omnes gentes. 138.

Capitulum. Apoc. 7.

**E**CCE ego Joáñnes vidi ál-  
terum Angelum ascen-  
déntem ab ortu solis, habén-  
tem signum Dei vivi : et cla-  
mávit voce magna quátuor  
Angelis, quibus datum est  
nocére terræ et mari, di-  
cens : Nolite nocére terræ  
et mari, neque arbóribus,  
quoadúsque signémus ser-  
vos Dei nostri in fróntibus  
eórum.

Hymnus.

**P**LACARE, Chríste, sérvu-  
lis,  
Quibus Patris cleméntiam  
Tuæ ad Tribúnal grátiae  
Patróna Virgo póstulat.  
Et vos beáta per novem  
Distincta gyros Agmina,  
Antíqua cum præséntibus,  
Futúra damna péllite.

Apóstoli cum Vátibus,  
Apud sevérum Júdicem  
Veris reórum flétibus  
Expóscite indulgéntiam.  
Vos purpuráti Mártýres,  
Vos candidáti præmio  
Confessiónis, éxules  
Vocáte nos in pátriam.  
Choréa casta Vírginum,  
Et quos crémus incolas  
Transmísit astris, Cœlitum  
Locáte nos in sédibus.  
Auférte gentem pérfidam  
Credéntium de finibus;  
Ut unus omnes únicum  
Ovíle nos Pastor regat.  
Deo Patri sit glória,  
Natóque Patris único,  
Sancto simul Paráclito,  
In sempitérna sæcula. Am.  
v. Lætámini in Dómino, et  
exultáte, justi. R. Et gloriá-  
mini, omnes recti corde.

Ad Magnificat. Añæ

Angeli, Archángeli, Throni,  
et Dominationes, Principá-  
tus, et Potestátes, Virtútes

cælórum, Chérubim atque Séraphim, Patriarchæ et Prophætæ, sancti Legis Doctóres, Apóstoli, omnes Christi Mártýres, sancti Confessóres, Vírgines Dómini, Anachorætæ, Sanctique omnes, intercédite pro nobis.

*Oratio.*

**O**MNIPOTENS sempitérne Deus, qui nos ómnium Sanctorum tuórum mérita sub una tribuísti celebritáte venerári: quæsumus; ut desiderátam nobis tuæ propitiatiónis abundántiam, multiplicátis intercessóribus, largiáris. Per Dóminum.

*Ad Matutinum, Invitat.*

**R**EGEM regum Dóminum veníte adorémus: \* Quia ipse est coróna Sanctorum ómnium. *Ps. Veníte. 2.*

*Hymnus. Placáre. 435.*

*In primo Nocturno.*

*Añs.* Novit Dóminus \* viam justórum, qui in lege ejus meditantur die ac nocte.

*Psalmus I.*

**B**EATUS vir, qui non ábiit in consilio impiórum, et in via peccatórum non stetit: \* et in cáthedra pestiléntiæ non sedit.

sed in lege Dómini voluntas ejus, \* et in lege ejus meditábitur die ac nocte.

Et erit tamquam lignum, quod plantátum est secus decúrsus aquárum, \* quod fructum suum dabit in témpore suo:

Et fólium ejus non défluet: \* et ómnia quæcúmque fáciat prosperabúntur.

Non sic ímpii, non sic: \* sed tamquam pulvis, quem prójicit ventus a fácie terræ. Ideo non resúrgerent ímpii in judicio: \* neque peccatóres in concílio justórum.

Quóniam novit Dóminus viam justórum, \* et iter impiórum peribit.

*Añs.* Novit Dóminus viam justórum, qui in lege ejus meditantur die ac nocte.

*Añs.* Mirificávit Dóminus Sanctos suos, \* et exaudivit eos clamántes ad se.

*Psalmus I.*

**C**UM invocárem, exaudivit me Deus justitiæ meæ: \* in tribulatióne dilatásti mihi.

Miserére mei, \* et exáudi oratióem meam.

Filii hóminum úsquequo gravi corde? \* ut quid diligitis vanitátem, et quæritis mendácium?

Et scitóte quóniam mirificávit Dóminus sanctum suum: \* Dóminus exáudiet me, cum clamávero ad eum.

Trascímini, et nolite peccáre: \* quæ dicitis in córdibus vestris, in cubilibus vestris compungimini.

Sacrificáte sacrificium justitiæ, et speráte in Dómino. \* Multi dicunt: Quis osténdit nobis bona?

Signátum est super nos

lumen vultus tui , Dómine :  
\* dedísti lætítiam in corde  
meo.

**A** fructu fruménti , vini et  
ólei sui : \* multiplicáti sunt.  
In pace in idípsum \* dór-  
miam , et requiéscam.

**Q**uóniam tu , Dómine , sin-  
gularíter in spe \* constituí-  
sti me.

**Añña.** Mirificávit Dóminus  
Sanctos suos : et exaudivit  
eos clamántes ad se.

**Añña** Admirábile \* est no-  
men tuum , Dómine , quia  
glória et honóre coronásti  
Sanctos tuos , et constituísti  
eos super ópera mánuum  
tuárum.

**Psalmus 8.**

**D**OMINE Dóminus noster , \*  
quam admirábile est no-  
men tuum in univérsa terra !

**Q**uóniam eleváta est ma-  
gnificéntia tua \* super cœlos.

**E**x ore infántium et lactén-  
tium perfecísti laudem pro-  
pter inimicos tuos , \* ut dé-  
struas inimicum et ultórem.

**Q**uóniam vidébo cœlos tuos ,  
ópera digitórum tuórum :  
\* lunam et stellas , quæ tu  
fundásti.

**Q**uid est homo , quod memor  
es ejus ? \* aut fílius hómi-  
nis , quóniam vísitas eum ?

**M**inuísti eum paulo minus  
ab Angelis , glória et honó-  
re coronásti eum : \* et con-  
stitulstí eum super ópera  
mánuum tuárum.

**O**mnia subjecísti sub pédi-

bus ejus , \* oves et boves  
univérsas : Insuper et pé-  
cora campi.

**V**ólucres cœli , et pisces  
maris , \* qui perámbulant  
sémitas maris.

**D**ómine Dóminus noster , \*  
quam admirábile est nomen  
tuum in univérsa terra !

**Añña.** Admirábile est nomen  
tuum , Dómine , quia glória  
et honóre coronásti Sanctos  
tuos , et constituísti eos su-  
per ópera mánuum tuárum.

**†.** Lætámini in Dómino , et  
exultáte , justí. **¶.** Et gloriá-  
mini , omnes recti corde.

Ex libro Apoca'ypsis beáti  
Joánnis Apóstoli.

**Lectio j. Cap. 4.**

**E**T ecce sedes pósita erat  
in cœlo , et supra sedem  
sedens. Et qui sedébat , si-  
milis erat aspéctui lápidis  
jáspidis et sárdinis : et iris  
erat in circúitu sedis , sí-  
milis visióni smarágdinæ.  
Et in circúitu sedis , sedi-  
lia vigínti quátuor : et su-  
per thronos vigínti quátuor  
seniôres sedéntes , circum-  
amícti vestiméntis albis , et  
in capítibus eórum coronæ  
áureæ : et de throno proce-  
débant fúlgura , et voces , et  
tonítrua : et septem lámpa-  
des ardéntes ante thronum ,  
qui sunt septem spíritus  
Dei. Et in conspéctu sedis  
tamquam mare vítreum sí-  
mile crystállo : et in médio  
sedis , et in circúitu se-

dis, quattuor animalia plena oculis ante et retro. Et animal primum simile leoni, et secundum animal simile vitulo, et tertium animal habens faciem quasi hominis, et quartum animal simile aquilae volanti. Et quattuor animalia, singula eorum habebant alas senas: et in circuitu, et intus plena sunt oculis: et requiem non habebant die ac nocte, dicentia: Sanctus, sanctus, sanctus, Dominus Deus omnipotens, qui erat, et qui est, et qui venturus est.

*R.* Vidi Dominum sedentem super solium excelsum et elevatum: et plena erat omnis terra maiestate ejus, \* Et ea quae sub ipso erant, replabant templum. *V.* Seraphim stabant super illud: sex alae uni, et sex alae alteri. Et.

*Lectio ij. Cap. 5.*

**E**T vidi in dextera sedentis supra thronum, librum scriptum intus et foris, signatum sigillis septem. Et vidi Angelum fortem praedicantem voce magna: Quis est dignus aperire librum, et solvere signacula ejus? Et nemo poterat, neque in caelo, neque in terra, neque subtus terram aperire librum, neque respicere illum. Et ego flebam multum, quoniam nemo dignus inventus est aperire

librum, nec videre eum. Et unus de senioribus dixit mihi, Ne flevris: ecce vicit leo de tribu Juda, radix David aperire librum, et solvere septem signacula ejus. Et vidi: et ecce in medio throni et quattuor animalium, et in medio seniorum, Agnum stantem tamquam occisum, habentem cornua septem, et oculos septem: qui sunt septem spiritus Dei, missi in omnem terram. Et venit, et accepit de dextera sedentis in throno librum. Et cum aperuisset librum, quattuor animalia, et viginti quattuor seniores ceciderunt coram Agno, habentes singuli citharas, et phialas aureas plenas odoremorum, quae sunt orationes Sanctorum.

*R.* Beata es, Virgo Maria, Dei Genitrix, quae credidisti Domino: perfecta sunt in te quae dicta sunt tibi: ecce exaltata es super choros Angelorum: \* Intcede pro nobis ad Dñm Deum nostrum. *V.* Ave Maria, gratia plena; Dominus tecum. Intcede.

*Lectio iij.*

**E**T cantabant canticum novum, dicentes: Dignus es, Domine, accipere librum, et aperire signacula ejus: quoniam occisus es, et redemisti nos Deo in sanguine tuo ex omni tribu, et lingua, et populo, et natione:

et fecisti nos Deo nostro regnum, et sacerdotes : et regnabimus super terram. Et vidi, et audiui vocem Angelorum multorum in circuitu throni, et animalium, et seniorum : et erat numerus eorum millia millium, dicentium voce magna : Dignus est Agnus qui occisus est, accipere virtutem et divinitatem, et sapientiam, et fortitudinem, et honorem, et gloriam, et benedictionem. Et omnem creaturam, quæ in cælo est, et super terram, et sub terra, et quæ sunt in mari, et quæ in eo : omnes audiui, dicentes : Sedenti in throno, et Agno, benedictio, et honor, et gloria, et potestas in sæcula sæculorum. Et quatuor animalia dicebant : Amen. Et viginti quatuor seniores ceciderunt in facies suas : et adoraverunt viventem in sæcula sæculorum.

**R.** In conspectu Angelorum psallam tibi : \* Et adorabo ad templum sanctum tuum, et confitebor nomini tuo, Domine. **V.** Super misericordia tua, et veritate tua, quoniam magnificasti super nos nomen sanctum tuum. Et gloria Patri. Et.

*In secundo Nocturno.*

**Añã.** Dñe, qui operati sunt \* justitiam, habitabunt in tabernaculo tuo, et requiescent in monte sancto tuo.

**Psalmus 14.**

**D**OMINE, quis habitabit in tabernaculo tuo : \* aut quis requiescet in monte sancto tuo ?

**Q**ui ingreditur sine macula, \* et operatur justitiam : **Q**ui loquitur veritatem in corde suo, \* qui non egit dolum in lingua sua :

**N**ec fecit proximo suo malum, \* et opprobrium non accepit adversus proximos suos.

**A**d nihilum deductus est in conspectu ejus malignus : \* timentes autem Dominum glorificat.

**Q**ui jurat proximo suo, et non decipit, \* qui pecuniam suam non dedit ad usuram, et munera super innocentem non accepit :

**Q**ui facit hæc, \* non movetur in æternum.

**Añã.** Domine, qui operati sunt justitiam, habitabunt in tabernaculo tuo, et requiescent in monte sancto tuo.

**Añã.** Hæc est \* generatio querentium Dominum, querentium faciem Dei Jacob.

**Psalmus 23.**

**D**OMINI est terra, et plentudo ejus : \* orbis terrarum, et universi, qui habitant in eo.

**Q**uia ipse super maria fundavit eum : \* et super flumina præparavit eum.

**Q**uis ascendet in montem



Dómini? \* aut quis stabit in loco sancto ejus?

Innocens mánibus et mundo corde, \* qui non accépit in vano ánimam suam, nec jurávit in dolo próximo suo.

Hic accípiet benedictiónem a Dómino : \* et misericórdiam a Deo salutári suo.

Hæc est generátio quæréntium eum , \* quæréntium faciém Dei Jacob.

Attóllite portas, príncipes, vestras, et elevámini, portæ æternáles : \* et introíbit rex glóriæ.

Quis est iste rex glóriæ? \* Dóminus fortis et potens, Dóminus potens in prælio.

Attóllite portas, príncipes, vestras, et elevámini, portæ æternáles : \* et introíbit rex glóriæ.

Quis est iste rex glóriæ? \* Dóminus virtútum ipse est rex glóriæ.

**Añá.** Hæc est generátio quæréntium Dóminum, quæréntium faciém Dei Jacob.

**Añá.** Lætámini \* in Dómino, et exultáte, justí, et gloriámini omnes recti corde.

### Psalmus 31.

**B**EATI quorum remíssæ sunt iniquitátes : \* et quorum tecta sunt peccáta.

Beátus vir, cui non impútávit Dóminus peccátum, \* nec est in spíritu ejus dolus.

Quóniam tácuí, inveteráverunt ossa mea, \* dum clamárem tota die.

Quóniam die ac nocte graváta est super me manus tua:

\* convérsus sum in ærúmna mea, dum configitur spina.

Delictum meum cógnitum tibi feci : \* et injustítiam meam non abscóndi.

Dixi : Confitébor advérsus me injustítiam meam Dómino : \* et tu remisisti impietátem peccáti mei.

Pro hac orábit ad te omnis sanctus, \* in témpore opportúno.

Verúmtamen in dilúvio aquárum multárum, \* ad eum non approximábunt.

Tu es refúgium meum a tribulatióne quæ circúmdedit me : \* exultátió mea, érue me a circumdántibus me.

Intelléctum tibi dabo, et instruam te in via hac, qua gradiéris : \* firmábo super te óculos meos.

Nolite fieri sicut equus et mulus, \* quibus non est intelléctus.

In camo et fræno maxíllas eórum constringe, \* qui non appróximant ad te.

Multa flagélla peccatóris, \* sperántem autem in Dómino misericórdia circúmdabit.

Lætámini in Dómino, et exultáte, justí, \* et gloriámini, omnes recti corde.

**Añá.** Lætámini in Dómino, et exultáte, justí, et gloriámini, omnes recti corde.

Exúltent justí in conspé-

ctu Dei. *R.* Et delectentur  
in lætitia.

Sermo venerabilis Bedæ  
Presbyteri.

*Lectio iv.*

*Sermone 18. de Sanctis.*

**H**ODIE, dilectissimi, omnium Sanctorum sub una solemnitatis lætitia celebramus festivitatem, quorum societate cælum exultat, quorum patrociniis terra lætatur, triumphis Ecclesia sancta coronatur, quorum confessio quanto in passione fortior, tanto est clarior in honore : quia dum crevit pugna, crevit et pugnantium gloria, et martyrii triumphus multiplici passionum genere adornatur, perque graviora tormenta, graviora fuere et præmia, dum Catholica Mater Ecclesia, quæ per totum orbem longe lateque diffusa est, in ipso capite suo Christo Jesu edocta est contumelias, cruces et mortem non timere, magis magisque roborata, non resistendo, sed perferendo universis, quos agmine incluto carcer poenalis inclusit, pari et simili calore virtutis ad gerendum certamen gloriam triumphalem inspiravit.

*R.* Præcursor Domini venit, de quo ipse testatur :

\* Nullus major inter natos mulierum Joanne Baptista.

*S.* Ille est Propheta, et

plus quam Propheta, de quo Salvator ait. Nullus.

*Lectio v.*

**O** vere beata Mater Ecclesia, quam sic honor divinæ dignationis illuminat, quam vincantium gloriosus Martyrum sanguis exornat, quam inviolatæ confessionis candida induit virginitas ! Floribus ejus nec rosæ, nec lilia desunt. Certent nunc, charissimi, singuli, ut ad utrosque honores amplissimam accipiant dignitatem, coronas, vel de virginitate candidas, vel de passione purpureas. In cœlestibus castris pax et acies habent flores suos, quibus milites Christi coronantur.

*R.* Isti sunt qui viventes in carne, plantaverunt Ecclesiam sanguine suo : \* Calicem Domini biberunt, et amici Dei facti sunt. *S.* In omnem terram exivit sonus eorum, et in fines orbis terræ verba eorum. Calicem.

*Lectio vj.*

**D**EI enim ineffabilis et immensa bonitas etiam hoc providit, ut laborum quidem tempus et agonis non extenderet, nec longum faceret, aut æternum, sed breve, et, ut ita dicam, momentaneum : ut in hac brevi et exigua vita agones essent et labores, in illa vero, quæ æterna est, coronæ et præmia meritorum : ut labores quidem

cito finiréntur, meritórum vero præmia sine fine durarent : ut post hujus mundi ténebras visúri essent candidissimam lucem, et acceptúri majórem passiónum eunctárum acerbitátibus beatitudinem, testánte hoc idem Apóstolo, ubi ait : Non sunt condígnæ passiones hujus témporis ad superventúram glóriam, quæ revelábitur in nobis.

*R.* Sancti mei, qui in carne pòsiti, certámen habuístis, \* Mercédem labóris ego reddam vobis. *V.* Veníte, benedicti Patris mei, percípите regnum. Mercédem. *Gloria Patri. Mercédem.*

*In tertio Nocturno.*

*Añs.* Timéte Dóminum, \* omnes Sancti ejus, quóniam nihil deest timéntibus eum : ecce óculi Dómini super justos, et aures ejus ad preces eórum.

*Psalmus 33.*

**B**ENEDICAM Dóminum in omni témpore : \* semper laus ejus in ore meo.

In Dómino laudábitur ánima mea : \* áudiant mansuétí, et læténtur.

Magnificáte Dóminum mecum : \* et exaltémus nomen ejus in idípsum.

Exquisívi Dóminum, et exaudivit me : \* et ex ómnibus tribulatióibus meis erípuit me.

Accédite ad eum, et illumi-

námini : \* et fácies vestræ non confundéntur.

Iste pauper clamávit, et Dóminus exaudivit eum : \* et de ómnibus tribulatióibus ejus salvávit eum.

Immíttet Angelus Dómini in circúitu timéntium eum : \* et erípiet eos.

Gustáte, et vidéte quóniam suávis est Dóminus : \* beátus vir, qui sperat in eo.

Timéte Dóminum omnes sancti ejus : \* quóniam non est inópia timéntibus eum.

Dívites eguérunt, et esuriérunt : \* inquirentes autem Dóminum non minuéntur omni bono.

Veníte, filii, audíte me : \* timórem Dómini docébo vos.

Quis est homo qui vult vitá : \* diligit dies vidére bonos ?

Próhibe linguam tuam a malo : \* et lábia tua ne loquantur dolum.

Divérite a malo, et fac bonum : \* inquire pacem, et perséquare eam.

Óculi Dómini super justos : \* et aures ejus in preces eórum.

Vultus autem Dómini super faciéntes mala : \* ut perdat de terra memóriam eórum.

Clamavérunt justí, et Dóminus exaudivit eos : \* et ex ómnibus tribulatióibus eórum liberávit eos.

Iuxta est Dóminus iis qui tribuláto sunt corde : \* et húmiles spíritu salvábit.

**M**ultæ tribulatiões justórum : \* et de ómnibus his liberábit eos Dóminus.

**C**ustódit Dóminus ómnia ossa eórum : \* unum ex his non conterétur.

**M**ors peccatórum péssima : \* et qui odérunt justum delinquent.

**R**édimet Dóminus ánimas servórum suórum : \* et non delinquent omnes, qui sperant in eo.

**Añã.** Timéte Dñum , omnes Sancti ejus , quóniam nihil deest timéntibus eum : ecce óculi Dómini super justos, et aures ejus ad preces eórum.

**Añã.** Dómine , \* spes Sanctórum , et turris fortitudinis eórum, dedisti hereditatem timéntibus nomen tuum , et habitábunt in tabernáculo tuo in sæcula.

**Psalmus 60.**

**E**XAUDI, Deus , deprecatió-  
nem meam : \* inténde oratióni meæ.

**A** finibus terræ ad te clamávi : \* dum anxiarétur cor meum, in petra exaltásti me.

**R**eduxísti me , quia factus es spes mea : \* turris fortitudinis a fácie inimíci.

**I**nhabitábo in tabernáculo tuo in sæcula ; \* prótegar in velaménto alárum tuárum.

**Q**uóniam tu Deus meus exaudísti oratió-  
nem meam : \* dedísti hereditatem timéntibus nomen tuum.

**D**ies super dies regis ad-  
jicies : \* annos ejus usque in diem generatiónis et generatiónis.

**P**érmanet in ætérnum in conspéctu Dei : \* misericórdiam et veritatem ejus quis requireret ?

**S**ic psalmum dicam nómini tuo in sæculum sæculi : \* ut reddam vota mea de die in diem.

**Añã.** Dómine , spes Sanctórum , et turris fortitudinis eórum, dedisti hereditatem timéntibus nomen tuum , et habitábunt in tabernáculo tuo in sæcula.

**Añã.** Qui dilígitis Dóminum, \* lætámini in Dómino, et confitémini memóriæ sanctitátis ejus.

**Psalmus 96.**

**D**OMINUS regnávít, exúltet terra : \* læténtur ínsulæ multæ.

**N**ubes , et calígo in circúitu ejus : \* justítia, et júdicium corréctio sedis ejus.

**I**gnis ante ipsum præcédet , \* et inflammábit in circúitu inimícos ejus.

**I**lluxérunt fúlgura ejus orbi terræ : \* vidit , et commóta est terra.

**M**ontes sicut cera fluxérunt a fácie Dómini : \* a fácie Dómini omnis terra.

**A**nnuntiavérunt cœli justítiam ejus : \* et vidérunt omnes pópuli glóriam ejus.

**C**onfundántur omnes qui

adórant sculptilia : \* et qui gloriántur in simulácris suis.

**A**doráte eum, omnes Angeli ejus : \* audivit, et lætáta est Sion.

**E**t exultavérunt filiæ Judæ,\* propter judícia tua, Dómine.

**Q**uóniam tu Dóminus altíssimus super omnem terram : \* nimis exaltátus es super omnes deos.

**Q**ui dilígitis Dóminum, odite malum : \* custódit Dóminus ánimas sanctórum suórum, de manu peccatóris liberábit eos.

**L**ux orta est justo, \* et re-ctis corde lætitia.

**L**ætámini, justí, in Dómino : \* et confitémini memóriæ sanctificatiónis ejus.

**Añsa.** Qui dilígitis Dóminum, lætámini in Dómino, et confitémini memóriæ sanctitátis ejus.

**V.** Justí autem in perpétuum vivent. **R.** Et apud Dóminum est merces eórum.

**L**ectio sancti Evangélij secundum Matthæum.

**Lectio viij. Cap. 5.**

**I**n illo témpore : Videns Jesus turbas, ascéndit in montem, et cum sedisset, accessérunt ad eum discipuli ejus. Et réliqua.

Homilia S. Augustíni Episc.  
*Lib. 1. de Sermone Domini in monte, sub initium.*

**S**i quæritur quid significet mons, bene intelligitur

significáre majóra præcépta justítiæ, quia minóra erant quæ Judæis data sunt. Unus tamen Deus per sanctos Prophétas et fámulos suos, secundum ordinatíssimam distributióem témporum, dedit minóra præcépta pópulo, quem adhuc timóre alligári oportébat : et per Filium suum majóra pópulo, quem charitáte jam liberári convénerat. Cum autem minóra minóribus, majóra majóribus dantur, ab eo dantur, qui solus novit congruéntem suis téporibus géneri humano exhibére medicinam.

**R.** Sint lumbi vestri præcincti, et lucérnæ ardéntes in mânibus vestris : \* Et vos símiles homínibus expectántibus dóminum suum, quando revertátur a nuptiis. **V.** Vigiláte ergo, quia nescitis qua hora Dóminus vester ventúrus sit. Et.

**Lectiō viij.**

**N**ec mirum est, quod dantur præcépta majóra propter regnum cœlórumb, et minóra data sunt propter regnum terrénumb, ab eódem uno Deo, qui fecit cœlum et terram. De hac ergo justítia, quæ major est, per Prophétam dicitur : Justítia tua sicut montes Dei. Et hoc bene significat, quod ab uno magistro, solo docéndis tantis rebus idóneo, docétur in

monte. Sedens autem docet, quod p rtinet ad dignitatem magist rii. Et acc dunt ad eum disc puli ejus, ut audi ndis illius verbis hi essent  tiam c rpore vicini res, qui pr c ptis adimpl ndis  tiam  nimo propinqu bant. Et ap riens os suum doc bat eos, dicens. *Ista circumlocutio, qua scribitur. Et ap riens os suum, fort ssis ipsa mora commendat aliqu nto longiorum fut rum esse sermonem. Nisi forte non vacet, quod nunc eum dictum est aperuisse os suum, quod ipse in lege v teri aperire sol ret ora Prophet rum.*

* . M dia nocte clamor factus est : \* Ecce Sponsus venit, exite  bviam ei.  . Prudentes v rgines, apt te vestras l mpades. Ecce. Gl ria Patri. Ecce.*

#### *Lectio 1x.*

**Q**UID ergo dicit ? Be ti p uperes sp ritu : quoniam ips rum est regnum c el rum. L gimus scriptum de appetiti ne rerum temporalium : Omnia v nitas, et pr s mptio sp ritus. Pr s mptio autem sp ritus, aud ciam et sup rbiam significat. Vulgo  tiam magnos sp ritus sup rbi hab re dic ntur : et recte, quandoquidem sp ritus  tiam ventus voc tur. Unde scriptum est : Ignis, grando,

nix, gl cies, sp ritus procell rum. Quis vero n sciat, sup rbos infl tos dici, tamquam vento dist ntos ? Unde est  tiam illud Ap stoli : Sci ntia inflat, ch ritas vero  dificat. Quapropter recte hic intellig ntur p uperes sp ritu, h miles et tim ntes Deum, id est, non hab ntes infl ntem sp ritum.

*Te Deum laud mus. 17.*

#### *AD LAUDES,*

*et per Horas. Ant .*

*1. Vidi turbam magnam, \* quam dinumer re nemo p terat, ex  mnibus g ntibus, stantes ante thronum.*

*Ps. D minus regn vit, cum reliq. 18.*

*2. Et omnes Angeli \* stabant in circ itu throni, et ceciderunt in consp ctu throni in facies suas, et ador verunt Deum.*

*3. Redemisti nos, \* D mine Deus, in s ngvine tuo ex omni tribu, et lingua, et p pulo, et n ti ne : et fecisti nos Deo nostro regnum.*

*4. Benedicite D minum, \* omnes el cti ejus,  gite dies l titi e, et confit mini illi.*

*5. Hymnus  mnibus Sanctis ejus, \* f liis Israel, p pulo appropinqu nti sibi : gl ria h ec est  mnibus Sanctis ejus.*

#### *Capitulum. Apoc. 7.*

**E**CCE ego Jo nnes vidi  lterum Angelum ascend ntem ab ortu solis, ha-



bentem signum Dei vivi : et clamavit voce magna quatuor Angelis, quibus datum est nocere terrae et mari, dicens : Nolite nocere terrae et mari, neque arboribus, quoadusque signemus servos Dei nostri in frontibus eorum.

### Hymnus.

**S**ALUTIS aeternae Dator,  
Jesu, redemptis subveni :

Virgo parens clementiae,  
Dona salutem servulis.

Vos Angelorum millia,  
Patrumque coetus, agmina  
Canora Vatum, vos reis  
Precamini indulgentiam.

Baptista Christi praevis,  
Summique caeli Claviger,  
Cum ceteris Apostolis  
Nexus resolvant criminum.

Cohors triumphans Martyrum,

Almus Sacerdotum chorus,  
Et virginalis castitas  
Nostris reatus abluant.

Quicumque in alta siderum  
Regnatis aula Principes,  
Favete votis supplicum,  
Qui dona caeli flagitant.

Virtus, honor, laus, gloria  
Deo Patri, cum Filio,  
Sancto simul Paraclito,  
In saeculorum saecula. Am.

Exultabunt Sancti in gloria. **R.** Laetabuntur in cubilibus suis.

### Ad Benedictum. Ana.

Te gloriosus \* Apostolorum chorus, te Prophetarum lau-

dabilis numerus, te Martyrum candidatus laudat exercitus, te omnes Sancti et electi voce confitentur unanimes, beata Trinitas, unus Deus.

### Oratio.

**O**MNIPOTENS sempiternae Deus, qui nos omnium Sanctorum tuorum merita sub una tribuisti celebritate venerari : quaesumus ; ut desideratam nobis tuae propitiationis abundantiam, multiplicatis intercessoribus, largiaris. Per Dñm.

### Ad Tertiam. Añs.

Et omnes Angeli.

### Capit. Ecce ego. 445.

**R.** br. Laetamini in Domino, \* Et exultate, justi. Laetamini. **V.** Et gloriamini, omnes recti corde. Et. Gloria Patri. Laetamini. **V.** Exultent justi in conspectu Dei. **R.** Et delectentur in laetitia.

### Ad Sextam. Añs.

Redemisti nos.

### Capit. Apoc. 7. c

**P**OST haec vidi turbam magnam, quam dinumerare nemo poterat, ex omnibus gentibus, et tribubus, et populis, et linguis: stantes ante thronum Dei, in conspectu Agni, amicti stolis albis, et palmæ in manibus eorum.

**R.** br. Exultent justi \* In conspectu Dei. Exultent. **V.** Et delectentur in laetitia. In. Gloria Patri. Exultent. **V.** Justi autem in perpetuum

vivent. *R.* Et apud Dóminum et merces eórum.

*Ad Nonam. Añæ.*

Hymnus ómnibus Sanctis ejus.

*Capit. Apoc. 7. c*

**B**ENEDICTIO, et cláritas, et sapiéntia, et gratiárum actio, honor, virtus, et fortitúdo Deo nostro, in sæcula sæculórum. Amen.

*R.* br. Justi autem + In perpétuum vivent. *Justi. V.* Et apud Dóminum est merces eórum. In. *Glória Patri. Justi. V.* Exultábunt Sancti in glória. *R.* Lætabúntur in cubilibus suis.

In ij. Vesp. Añæ et Capit. de Laud. Psalmi de Dñica, 134. et loco ult. Ps. Crédidi. 138.

Hymnus. Placáre. 435.

*V.* Exultábunt Sancti in glória. *R.* Lætabúntur in cubilibus suis.

*Ad Magnificat, Añæ.*

O quam gloriósum est \* regnum, in quo cum Christo gaudent omnes Sancti! amici stolis albis, sequúntur Agnum quocúmque ierit.

*Dicto Benedicámus Dómino, dicuntur Vesperæ Defunct., Incipiendo ab Añæ. Placébo Dómino, quæ integra dicitur ante et post Psalmum, similiter et aliæ Añæ, ad modum Duplicis. Ps. Diléxi, et reliqua omnia ut in Vesp. Defunct. infra clxvj. excepto Ps. Lauda*

ánima mea, qui post Pater noster, non dicitur; sed dicitur tantum Oratio. Fidélium Deus, cum suis Versiculis, ut ibidem notatur.

Si prima dies post Festum omnium Sanctorum fuerit Dñica, sit Officium de ea. ut in Rubricis generalibus. et Officium Defunct. transfertur in seq. Feriam ij. ita ut post Vesperas Dñicæ dicantur Vesp. Defunct. Matutinum vero post Laudes Feriæ ij. quæ erit tertia dies infra Octavam.

**DIE II. NOVEMBRIS.**

Secunda die infra Octavam Omnium Sanctorum.

In j. Nocturno Lectiones de Scriptura occurrente.

In secundo Nocturno.

De Sermóne venerábilis Bedæ Presbyteri.

*Lectio iv.*

*Serm. 18. de S. Sanctis.*

**Q**UAM laxo sinu de prælio reverténtes civitas cœlestis éxcipit, de hoste prostráto trophæa feréntibus occúrrit! Cum triumphántibus viris et féminæ véniunt, quæ cum sæculo sexum quoque vicérunt, et gemináta glória militiæ, vírgines cum púeris téneros annos virtútibus transeúntes: sed et cétera fidélium turba aulæ perpétuæ régiam intrábit, qui sinceritátem fidei inconcússis præceptórum cœlestium disci-

plinis unita pace observaverunt. **R.** Præcûrsor.

*Lectio v.*

**E**RGÓ ágite nunc, fratres, aggrediámur iter vitæ, revertámur ad civitátem cœléstem, in qua scripti sumus, et cives decreti. Non sumus hóspites, sed cives sanctórum, et doméstici Dei, étiam illius herédes, coherédes autem Christi. Hujus nobis urbis jánuas apériet fortitúdo : et fidúcia latum præbébit ingrèssum. Considerémus ergo inclytam urbis illius felicitátem, in quantum consideráre possibile est : ut enim vere est, comprehendere nullus sermo súfficit.

**R.** Isti sunt.

*Lectio vj.*

**D**ICITUR de ea in quodam loco sic, Quod aufúgiel ibi dolor, et tristítia, et gémitus. Quid hac vita beátius, ubi non est paupertátis metus, non ægritudinis imbecillitas? Nemo lædétur, irascétur nemo : nemo invidet, cupiditas nulla exardéscit : nullum ibi desidérium honóris pulsat, aut potestátis ambítio. Nullus ibi diáboli metus, insidiæ dæmonum nullæ, terror gehénne procul : mors neque córporis neque ánimæ erit, sed immortalitátis múnere vita jucúnda.

**R.** Sancti mei.

*In tertio Nocturno.*

**L**ectio sancti Evangélii secúndum Matthæum.

*Lectio vij. Cap. 5.*

**I**N illo témpore : Videns Jesus turbas, ascéndit in montem, et cum sedisset, accessérunt ad eum discipuli ejus. Et réliqua.

De Homiliá S. Augustíni Episcopi.

*Ex lib. 1. de Serm. Domini in monte, cap 1. et 2.*

**N**EC aliúnde omníno incípere opórtuit beatitudinem, quam a paupertáte spíritus, síquidem perventúra est ad summam sapiéntiam. Inítium autem sapiéntiæ timor Dómini : quóniam et e contráριο, inítium omnis peccáti supérbia scribitur. Supérbi autem appetunt, et diligunt regna terrárum. Beáti mites, quóniam ipsi hereditáte possidébunt terram. Illam credo terram, de qua in Psalmo dicitur : Spes mea es tu, pórtio mea in terra vivéntium. Significat enim quamdam soliditátem, et stabilitátem hereditátis perpétuæ, ubi ánima per bonum afféctum, tamquam loco suo requiéscit, sicut corpus in terra : et inde cibo suo álitur, sicut corpus ex terra : ipsa est réquies, et vita sanctórum. Mites autem sunt, qui cedunt improbitátibus, et non resistunt malo, sed vincunt in bono malum. **R.** Sint lumbi.

## Lectio viij.

**B**EATI lugéntes : quóniam ipsi consolabúntur. Luctus est tristitia de amissióne charórum : convérsi autem ad Deum, ea quæ in hoc mundo chara amplectebántur, amittunt. Non enim gaudent his rebus, quibus ante gaudébant : et donec fiat in illis amor æternórum, non-núlla mœstitia sauciántur. Consolabúntur ergo Spiritu sancto, qui máxime propterea Paráclitus nominátur, id est, consolátor ; ut temporalia amitténtes, æterna lætitia perfruántur.

**R.** Média nocte.

## Lectio ix.

**B**EATI, qui esúriunt, et sitiunt justítiam : quóniam ipsi saturabúntur. Jam istos amatóres dicit veri et inconcússi boni. Illo ergo cibo saturabúntur, de quo ipse Dóminus dicit : Meus cibus est, ut fáciam voluntatem Patris mei, quod est justítia : et illa aqua, de qua quisquis biberit, ut idem dicit, fiet in eo fons aquæ salientis in vitam æternam. Beati misericórdes, quóniam ipsórum miserébitur Deus. Beatos esse dicit, qui subveniunt miseris : quod eis ita repénditur, ut de miséria liberéntur. Te Deum. 17.

Post Laudes diei, dicto Benedicámus Dómino, absolute incipit Matutinum De-

AUTUMNALIS.

funet. ab Invitat., cum Ps. Veníte, et tribus Nocturnis. in quibus duplicantur Añæ. Dicitur ix. **R.** Líbera me, Dómine, de morte æterna. Ad Laudes similiter duplicantur Añæ : et in fine Laud. non dicitur Ps. De profundis, sed dicto Pater noster, dicuntur Preces, et Oratio, Fidélium Deus ómnium tantum, ut supra in Vesperis.

## DIE III. NOVEMBRIS.

Tertia die infra Octavam omnium Sanctorum.

In j. Nocturno Lectiones de Scriptura occurrente.

In secundo Nocturno.

De Sermóne venerábilis Bedæ Presbyteri.

## Lectio iv.

Ex Serm. 18. de Sanctis.

**N**ULLA erit tunc usquam discórdia, sed cuncta cónsona, cuncta conveniéntia : quia ómnium erit Sanctorum una concórdia, pax cuncta et lætitia cóninet. Tranquilla sunt ómnia et quiéta, jugis splendor, non iste qui nunc est, sed tanto clárior quanto felicior, quia civitas. ut légitur, illa non egébit lúmine solis, sed Dóminus omnípotens illuminábit eam, et lucérna ejus est Agnus. Ibi Sancti fulgébunt ut stellæ in perpétuas æternitátes, et sicut splendor firmaménti, qui erúdiunt multos.

**R.** Præcúrsor Dómini.

## Lectio v.

**Q**UAPROPTER nox ibi nulla, nullæ tenebræ, concursus nubium nullus, nec frigoris aut ardoris asperitas ulla : sed talis quædam erit rerum temperies, qualem nec oculus vidit, nec auris audivit, nec in cor hominis ascendit, nisi illorum, qui ea perfrui digni inveniuntur, quorum nomina scripta sunt in libro vitæ, qui et laverunt stolas suas in sanguine Agni, et sunt ante sedem Dei, serviuntque ei die ac nocte. Non est senectus ibi, nec senectutis miseria, dum omnes occurrunt in virum perfectum, in mensuram ætatis plenitudinis Christi.

**R.** Isti sunt.

## Lectio vj.

**V**ERUM super hæc omnia est, consociari Angelorum et Archangelorum cœtibus : Thronis etiam et Dominationibus, Principatibus, et Potestatibus, omniumque cœlestium supernarum Virtutum contuberniis perfrui, et intueri agmina Sanctorum splendidius sideribus micantia, Patriarcharum fide fulgentia, Prophetarum spe lætantia, Apostolorum in duodecim tribubus Israel orbem judicantia ; Martyrum purpureis victoriæ coronis lucantia, Virginum quoque choros

candentia serta gestantes inspicere.

**R.** Sancti mei.

## In tertio Nocturno.

Lectio sancti Evangelii secundum Matthæum.

## Lectio vij. Cap. 5.

**I**N illo tempore : Videns Jesus turbas, ascendit in montem, et cum sedisset, accesserunt ad eum discipuli ejus. Et reliqua.

De Homilia S. Augustini Episcopi.

*Lib. 1. de Sermone Domini in monte, cap. 2. et 3.*

**B**EATI mundo corde, quoniam ipsi Deum videbunt. Quam ergo stulti sunt, qui Deum istis exterioribus oculis quaerunt, cum corde videatur, sicut alibi scriptum est : Et in simplicitate cordis quaerite illum. Hoc est enim mundum cor, quod est simplex cor. Et quemadmodum lumen hoc videri non potest nisi oculis mundis : ita nec Deus videtur, nisi mundum sit illud, quo videri potest. Beati pacifici, quoniam ipsi filii Dei vocabuntur. In pace perfectio est, ubi nihil repugnat : et ideo filii Dei pacifici, quoniam nihil in his resistit Deo, et utique filii similitudinem patris habere debent.

**R.** Sint lumbi.

## Lectio viij.

**P**ACIFICI autem in semetipsis sunt qui omnes ani-

mi sui motus componéntes , et subjiéntes ratióni , id est , menti et spiritui , carnalésque concupiscéntias habéntes edómitas , fiunt regnum Dei. In quo ita sunt ordináta ómnia , ut id , quod est in hómine præcipuum et excéllens , hoc ímperet , céteris non reluctántibus , quæ sunt nobis bestiísque comúnia : atque idípsum quod excéllit in hómine , id est , mens et ratió , subjiáciatur potióri , quod est ipsa Véritas , unigénitus Fílius Dei. Neque enim imperáre inferióribus potest , nisi superiori se ipse subjiáciat. Et hæc est pax quæ datur in terra homínibus bonæ voluntátis ; hæc vita consummáti perfectique sapiéntis.

*R.* Média nocte.

### Lectio ix.

**D**E hujúsmodi regno pacatíssimo et ordinatíssimo missus est foras princeps hujus sæculi , qui pervérsis inordinatísque domináture. Hac pace intrínsecus constituta atque firmáta , quascúmque persecutiónes ille , qui foras missus est , forínsecus concitáverit , auget glóriam , quæ secúndum Deum est ; non áliquíd in illo ædificio labefáctans , sed deficiéntibus máchinis suis innotéscere fáciens , quanta firmitas intus extrúcta sit. Ideo séquitur : Beáti , qui persecu-

tióne patiúntur propter justítiam , quóniam ipsórum est regnum cœlórum.

*Ite Deum laudámus. 17.*

*Vesperæ de S. Carolo cum com. Oct., et SS. Vitalis et Agricolæ, Mart.*

### DIE IV. NOVEMBRIS.

*In Festo S. Caroli, Episcopi et Confessoris.*

*Duplex.*

*Omnia de Comm. Conf. Pont. liij. præter seq.*

*Oratio.*

**E**CCELESIAM tuam , Dómine , sancti Cároli , Confessoris tui atque Pontificis , continúa protectiõe custódi : ut , sicut illum pastorális sollicitúdo gloriósum réddidit , ita nos ejus intercessiõ in tuo semper fáciat amóre fervéntes. Per Dóminum.

*Deinde fit com. Oct. , ut in ij. Vesp. Festi. 447.*

*Postea SS. MM. Vitalis et Agricolæ, Aña. Istórum est. y. Lætámini.*

*Oratio.*

**P**RÆSTA , quæsumus omnipotens Deus : ut , qui sanctorum Mártýrum tuorum Vitális et Agricolæ solémnia cólimus , eórum apud te intercessiõibus adjuvémur. Per Dóminum.

*In j. Nocturno Lectiones de Scriptura occurrente.*

*In secundo Nocturno.*

*Lectio iv.*

**C**AROLUS Medióláni nobili Borromæórum familia



natus, quanta futurus esset sanctitate conspicuus, divina lux super parientis matris cubiculum noctu coruscans praesignavit. A pueritia clericali militiae adscriptus, Abbatia postmodum insignitus, patrem admonuit, ne redditus in rem familiarem converterentur: quorum ipse nactus administrationem, quidquid supererat, expendebat in pauperes. Adolescens liberalibus disciplinis Papiae operam dedit. Castitatem adeo coluit, ut impudicas etiam mulieres, ad labefactandam ejus pudicitiam pluries immisas, invicta constantia fugaverit. Vigésimum tertium aetatis annum agens, a Pio Quarto, ejus avunculo, in sacrum Cardinalium collegium cooptatus, insigni pietatis ac virtutum omnium splendore praeluxit. Mox ab eodem Mediolanensis Archiepiscopus creatus, in eo plurimam operam adhibuit, ut juxta sacrosanctum Tridentinum Concilium, quod ejus potissimum sollicitudine jamtum fuerat absolutum, Ecclesiam sibi commissam componeret: atque ut depravatos plebis suae mores reformaret, praeter iteratam saepius Synodorum celebrationem, seipsum eximiae sanctitatis praebuit exemplar. In profligandis haereticis e

partibus Rhætorum et Helvetiorum, quorum plurimos ad christianam fidem convertit, maxime laboravit.

¶. Inveni David.

Lectio v.

**H**UJUS viri charitas praecipue enituit, cum, Urinano Principatu vendito, pretium universum ad quadraginta aureorum millia, una die in pauperes erogavit. Nec minore pietate, viginti millia, quae sibi fuerant legata, distribuit. Ecclesiasticos proventus, quibus ab avunculo copiose fuerat cumulatus, dimisit, nonnullis retentis, quibus ad proprios usus, et egenorum necessitates utebatur. Quo tempore pestis Mediolani grassabatur, domesticam suppellectilem, ne relicto sibi lectulo, in eosdem alendos contulit, super nuda in posterum tabula decumbens: eoque morbo laborantes sedulo invisens, paterno reficiebat affectu, et Ecclesiae Sacramenta propriis ipse manibus administrans, mirum in modum solabatur: humillimis interim precibus reconciliator accedens, publica supplicatione indicta, fune sibi ad collum alligato, nudis pedibus etiam offendiculo cruentatis, crucem bajulans, semetipsum pro peccatis populi hostiam offerens, divinam indignatio-

nem avértere satagébat. Ecclesiásticae libertátis fuit acérrimus propugnátor. Disciplinæ vero restituendæ sollicitus, a seditiósibus, dum oratióni insisteret, torménti bélicii laxáta rota, ígneo glóbulo percússus, divína virtúte servátur illæsus.

ŕ. Pôsui adjutórium.

*Lectio vj.*

**A**BSTINENTIA fuit admirábili : jejunábat sæpíssimè, pane tantum et aqua, solis quandóque lupinis contentus. Noctúrnis vigiliis, aspérrimo cilicio, assíduis flagéllis corpus domábat. Humilitátis ac mansuetudinis studiosíssimus fuit. Oratiónem, ac verbi Dei prædicatióem, gravíssimis licet curis occupátus, nunquam intermisit. Multas Ecclesiás, monastéria, collégia ædificávit. Plura scripsit, ad Episcopórum præsértim instructióem utilíssima : cujus étiam ópera Parochórum Catechismus pródiit. Demum in solitudinem Varálli montis, ubi sculptis imaginibus Domínicæ passiónis mystéria ad vivum repræsentántur, secéssit : ibique diébus áliquot voluntária castigatióne ásperam, sed Christi dolórum meditatióibus suávem vitam ducens, in febrim incidit. Mediolánum revérsus, ingravescénte morbo, cinere

ac cilicio coopértus, et oculis in Crucifixi imáginem defixis, migrávit in cœlum, ætátis anno quadragésimo séptimo, Dómini vero millésimo quingentésimo octogésimo quarto, tértio Nonas Novémbris. Quem miráculis clarum Paulus Quintus Póntifex Máximus in Sanctórum númerum rétulit.

ŕ. Iste est qui.

*In iij. Noct. Homilia in Evang. Homo péregre. Ixij. Pro SS. MM. Vitale, etc.*

*Lectio ix.*

**V**ITALIS, et Agrícola ejus dóminus, in persecutióne Diocletiáni et Maximiani, Bonóniæ ob Jesu Christi prædicatióem comprehénsi sunt : cumque Vitális, quo magis précibus et minis tentarétur, ut senténtiam mutáret, eo magis se Christi cultórem ac servum profiterétur, vário tormentórum génere cruciátus, constánter ómnia pérferens, in oratióne spíritum Deo reddidit. Agrícola vero, cum ejus supplicium dilátum esset, si forte torméntis servi permótus, Christo vellet renuntiáre, ejus exémplo magis confirmátus est. Itaque cruci affíxus, Vitáli servo consors et sócius fuit nóbilis martyrii. Eórum cörpera ad Judæórum sepúlchra cum essent humáta, a sancto Ambrósio invénta,

in sacrum celebrémque locum translata sunt.

*Te Deum laudamus. 17.*

*In Laud. com. Oct. ut 446.*

*Postea SS. Vitalis, etc.*

*Mart. Aña. Vestri capilli.*

*V. Exultent justi in conspectu Dei. R. Et delectentur in lætitia.*

*Oratio. Præsta. 451.*

*In ij. Vesp. com. Oct. 447.*

**DIE V. NOVEMBRIS.**

*Quinta die infra Octavam omnium Sanctorum.*

*In j. Nocturno Lectiones de Scriptura occurrente.*

*In secundo Nocturno.*

*De Sermone venerabilis Bedæ Presbyteri.*

*Lectio iv.*

*Ex Serm. 18. de SS.*

**A**D hanc igitur operum salutarium deléctet nos pervenire palmam. Libenter ac prompte certemus omnes in agone justitiæ, Deo et Christo spectante, curramus: et qui sæculo et mundo majores esse jam cœpimus, cursum nostrum nulla sæculi cupiditate tardemus. Si expeditos, si céleres in operis agone curretentes, dies nos ultimus invenerit, nusquam Dominus méritis nostris déerit remunerator.

*R. Præcursor Domini.*

*Lectio v.*

**Q**UI coronam in persecutione purpuream pro passionem donabit, ipse in pace vincéntibus pro justitiæ mé-

ritis dabit et candidum. Nam nec Abraham, nec Isaac, nec Jacob occisi sunt, et tamen fidei et justitiæ méritis honorati inter Patriarchas primi esse meruerunt: ad quorum congregatur convivium quisquis fidelis et justus et laudabilis invenitur. Mémoires esse debemus, voluntatem non nostram, sed Dei facere debere: quia qui fécerit ejus voluntatem, manet in ætérnum, quomodo et ille manet in ætérnum. *R. Isti sunt.*

*Lectio vj.*

**Q**UAPROPTER, charíssimi, mente íntegra, fide firma, virtute robusta, charitate perfécta, parati ad omnem voluntatem Dei simus, conservantes fortiter dominica mandata, in simplicitate innocéntiam, in charitate concórdiam, modéstiam in humilitate, diligéntiam in administratióne, vigilántiam in adjuvándis laborántibus, misericórdiam in fovéndis paupéribus, in defendénda veritate constantiam, in disciplinæ severitate censuram, ne áliquid ad exemplum bonorum factorum desit in nobis. Hæc sunt enim vestigia, quæ nobis sancti quique reverténtes in pátriam reliquerunt, ut illórum sémitis inhæréntes, sequerémur et gaudia.

*R. Sancti mei.*

## In tertio Nocturno.

Lectio sancti Evangélíi  
secúndum Matthæum.

## Lectio vij. Cap. 5.

**I**n illo témpore : Videns Jesus turbas , ascéndit in montem , et cum sedisset , accessérunt ad eum discipuli ejus. Et réliqua.

De Homilia S. Augustíni  
Episcopi.

L. 1. de Serm. D. in monte.

**I**TAQUE in hoc tértio gradu, in quo sciéntia est, lugétur amissio summi boni, quia inhærétur extrémis. In quarto autem gradu labor est : ubi veheménter incúmbitur, ut sese ánimus avéllat ab eis, quibus pestífera dulcédine innexus est. Hic ergo esurítur et sititur justítia, et multum necessária est fortitúdo : quia non relínquitur sine dolóre, quod cum delectatióne retinétur. Quinto autem gradu perseverántibus in labóre datur evadéndi consílium : quia nisi quisque adjuvétur a superióre, nullo modo sibi est idóneus, ut sese tantis miseriárum implicaméntis expédíat. Est autem justum consílium, ut qui se a potentióri adjuvári vult, ádjuset et infirmiórem, in quo est ipse poténtior. Itaque beáti misericórdes : quia ipsórum miserébitur Deus.

**R.** Sint lumbi.

## Lectio viij.

**S**EXTO gradu est cordis mundítia de bona consciéntia bonórum óperum, valens ad contemplándum summum illud bonum, quod solo puro et seréno intelléctu cerni potest. Postrémo est séptima ipsa sapiéntia, id est, contemplátio veritátis, pacíficans totum hóminem, et suscípiens similitúdinem Dei : quæ ita conclúditur : Beáti pacífici, quóniam ipsi filii Dei vocabúntur. Octáva tamquam ad caput redit, quia consummátum perfectúmque ósténdit, et probat. Itaque in prima, et in octáva nominátum est regnum cœlórum : Beáti páuperes spírítu, quóniam ipsórum est regnum cœlórum : et, Beáti qui persecutiónem patiúntur propter justítiam, quóniam ipsórum est regnum cœlórum.

**R.** Média nocte.

## Lectio ix.

**C**UM jam dicitur : Quis nos separábit a charitaté Christi? Tribulátio, an angústia, an persecútió, an fames, an núditas, an perículum, an gládus? Septem sunt ergo quæ perficiunt : nam octáva clarificat, et quod perféctum est, démonstrat, ut per hos gradus perficiántur et céteri, tamquam a cápite rursum exórdiens.

Videtur ergo mihi etiam septiformis operatio Spiritus sancti, de qua Isaias loquitur, his gradibus sententiisque congruere. Sed interest ordinis : nam ibi enumeratio ab excellentioribus cepit, hic vero ab inferioribus. Ibi namque incipit a sapientia Dei, et desinit ad timorem Dei : sed initium sapientiae timor Domini est.

*De Deum laudamus. 17.*

**DIE VI. NOVEMBRIS.**

*Sexta die infra Octavam omnium Sanctorum.*

*In j. Nocturno Lectiones de Scriptura occurrente.*

*In secundo Nocturno.*

*Sermo S. Bernardi Abbatis.*

*Lectio iv.*

*Sermo 2. de Festo OO. SS.*

**Q**UIA Sanctorum omnium festivam hodie, dilectissimi, omnique dignissimam devotione memoriam celebramus, operae pretium puto, de communi eorum felicitate, in qua beata jam requie perfruuntur, et futura, quam praestolantur, consummatione, adjuvante Spiritu sancto, sermonem facere charitati vestrae. Fidelis quippe sermo, et omni acceptione dignus : ut, quos solenni veneratione prosequimur, etiam simili conversatione sequamur : quos beatissimos praedicamus, ad eorum beatitudinem tota aviditate curramus : quorum

delectamur praconiis, sublevemur eorum patrocinis.

*R. Praecursor Domini.*

*Lectio v.*

*Serm. 5. de eod. Festo.*

**A**D quid ergo Sanctis laus nostra ? ad quid glorificatio nostra ? ad quid nostra haec ipsa sollemnitas ? Quo eis terrenos honores, quos, juxta veracem Filii promissionem, honorificat Pater coelestis ? Quo eis praconia nostra ? Pleni sunt. Prorsus ita est, dilectissimi : bonorum nostrorum Sancti non egent, nec quidquam eis nostra devotione praestatur. Plane, quod eorum memoriam veneramus, nostra interest, non ipsorum. Vultis scire quantum interest nostra ? Ego in me (fateor) ex hac recordatione sentio desiderium vehemens inflammari, et desiderium triplex. *R. Isti sunt.*

*Lectio vj.*

**V**ULGO dicitur : Quod non videt oculus, cor non dolet. Oculus meus, memoria mea : et cogitare de Sanctis, quodammodo eos videre est. Sic nempe portio nostra in terra viventium, nec modica sane portio, si tamen, ut decet, memoriam affectio comitetur : sic, inquam, conversatio nostra in caelis est. Verumtamen non sic nostra, sicut illorum. Ipsorum enim substantia ibi est,



nostra autem desidéria: ipsi per præséntiam, nos per memóriam ibi sumus.

℞. Sancti mei.

In tertio Nocturno.

Lectio sancti Evangélíi; secúndum Matthæum.

Lectio vij. Cap. 5.

**I**N illo témpore: Videns Jesus turbas, ascéndit in montem, et cum sedisset, accessérunt ad eum discipuli ejus. Et réliqua.

De Homília S. Augustíni Epíscopi.

L. 1. de S. Dñi in monte, c. 4.

**Q**UAPROPTER, si gradátim tamquam ascendéntes numerémus, primus ibi est timor Dei, secúnda píetas, tértia sciéntia, quarta fortitúdo, quintum consílium, sextus intelléctus, séptima sapiéntia. Timor Dei congruit humílibus, de quibus hic dicitur: beáti páuperes spírítu, quóniam ipsórum est regnum cœlórum: id est, non infláti, non supérbi, de quibus Apóstolus dicit: Noli altum sápere, sed time, id est, noli extólli. Píetas congruit mítibus. Qui enim pie quærit, honórat sanctam Scriptúram, et non reprehéndit quod nondum intélligít, et proptérea non resistit, quod est mitem esse. Unde hic dicitur: Beáti mites, quóniam ipsi hereditáte possidébunt terram.

℞. Sint lumbi.

Lectio viij.

**S**CIENTIA congruit lugéntibus, qui jam cognovérunt in Scriptúris, quibus malis vincti teneántur, quæ tamquam bona et utilia ignorántes appetiérunt; de quibus hic dicitur: Beáti qui lugent nunc. Fortitúdo congruit esuriéntibus, et sitiéntibus. Labórant enim desiderántes gáudium de veris bonis, et amórem a terrenis et corporálibus avértere cupiéntes; de quibus hic dicitur: Beáti qui esuriunt, et sitiunt justítiam. Consílium congruit misericórdibus: hoc enim unum remédium est de tantis malis evadéndi, ut dimittámus, sicut nobis dimítti vólumus, et adjuvémus, in quo pössumus, álios, sicut et nos, in quo non pössumus, cúpimus adjuvári; de quibus hic dicitur: Beáti misericórdes, quóniam ipsórum miserébitur Deus.

℞. Média nocte.

Lectio ix.

**I**NTELLECTUS congruit mundis corde, tamquam purgáto óculo, quo cerni possit, quod corpóreus óculus non vidit, nec auris audívit, nec in cor hóminis ascéndit; de quibus hic dicitur: Beáti mundo corde: quóniam ipsi Deum vidébunt. Sapiéntia congruit pacíficis, in quibus jam ordináta sunt ómnia,



nullusque motus adversus rationem rebellis est, sed cuncta obtemperant spiritui hominis, cum et ipse obtemperet Deo; de quibus hic dicitur: Beati pacifici. Unum autem præmium, quod est regnum cælorum, pro his gradibus varie nominatum est.

*I*e Deum laudamus. 17.

**DIE VII. NOVEMBRIS.**

*Septima die infra Octavam omnium Sanctorum.*

*In j. Nocturno Lectiones de Scriptura occurrente.*

*In secundo Nocturno.*

Sermo sancti Joannis

Chrysostomi.

*Lectio iv.*

*Serm. de Mart. quod aut imitandi, etc. t. 3.*

**Q**UI Sanctorum merita religioſa charitate miratur, quique justorum glorias frequenti laude colloquitur, eorum mores sanctos atque justitiam imitetur: quoniam quem delectat Sancti alicujus meritum, delectare debet par circa cultum Dei obsequium. Quare aut imitari debet, si laudat; aut laudare non debet, si imitari detractat: ut qui alium laudat, laudabilem se reddat, et qui Sanctorum merita admiratur, mirabilis ipse vite sanctitate reddatur. Nam si propterea justos fidelesque diligimus, quod in ipsis justitiam fidemque suspici-

mus, possumus nos quoque esse quod sunt, si faciamus ipsi quod faciunt.

*Præcursor Domini.*

*Lectio v.*

**N**EQVE enim difficile nobis est, quod ab ipsis geritur, imitari, cum sine precedenti exemplo ab antiquis talia gesta conspiciamus: ut non ipsi aliorum æmuli redderentur, sed æmulandæ virtutis seipsos nobis præberent exemplum: ut dum nos ex ipsis, et ex nobis alii proficiunt, sic Christus in suis semper servis in Ecclesia sancta laudetur. Unde ab origine mundi innocens Abel occiditur, Enoch Deo placens transfertur, justus Noe invenitur, Abraham fidelis probatur, Moyses mansuetus dignoscitur, Jesus castus, David lenis, Elias acceptus, Daniel sanctus, tres pueri victores redduntur.

*Isti sunt.*

*Lectio vj.*

**A**POSTOLI discipuli Christi, credentium magistri habentur: e quibus eruditi Confessores fortissimi pugnant, Martyres perfecti triumphant, et christiani semper exercitus diabolum Deo armati debellant. In istis semper pares virtutes, dissimiles pugnae, gloriosae victoriae. Unde tu, Christiane, delicatus es miles, si putas te posse sine pugna

vincere, sine certamine triumphare. Exere vires, fortiter dimica, atrociter in prælio isto concerta. Considera pactum, conditionem attende, militiam nosce : pactum, quod spopondisti, conditionem, qua accessisti, militiam, cui nomen dedisti.

℟. Sancti mei.

In tertio Nocturno.

Lectio sancti Evangelii secundum Matthæum.

Lectio vij. Cap. 5.

In illo tempore : Videns Jesus turbas, ascendit in montem, et cum sedisset, accesserunt ad eum discipuli ejus. Et reliqua.

De Homilia S. Augustini Episcopi.

L. 1. de S. Dñi in monte, c. 4.

In primo gradu, sicut oportebat, positum est regnum cælorum, quod est perfectæ summæque sapientiæ animæ rationalis. Sic itaque dictum est : Beati pauperes spiritu, quoniam ipsorum est regnum cælorum, tamquam diceretur : Initium sapientiæ timor Domini. Mitibus hereditas data est, tamquam testamentum patris cum pietate quarerentibus. Beati mites quoniam ipsi hereditate possidebunt terram. Lugentibus consolatio, tamquam scientibus quid amiserint, et quibus mersi sunt. Beati qui lugent nunc,

quoniam ipsi consolabuntur. Esurientibus et sitiéntibus saturitas, tamquam refectio laborantibus, fortiterque certantibus ad salutem. Beati qui esuriunt et sitiunt justitiam, quoniam ipsi saturabuntur.

℟. Sint lumbi.

Lectio viij.

MISERICORDIBUS misericordia, tamquam vero et optimo consilio utentibus, ut hoc eis exhibeatur a potentiore quod invalidioribus ipsi exhibent. Beati misericordes, quoniam ipsorum miseretur Deus. Mundis corde facultas est videndi Deum, tamquam purum oculum ad intelligenda æterna gerentibus. Beati mundo corde, quoniam ipsi Deum videbunt. Pacificis Dei similitudo est, tamquam perfecte sapientibus, formatisque ad imaginem Dei per regenerationem renovati hominis. Beati pacifici, quoniam ipsi filii Dei vocabuntur. Et ista quidem in hac vita possunt compleri, sicut completa esse in Apostolis credimus. Nam illa omnimoda et in angelicam formam mutatio, quæ post hanc vitam promittitur, nullis verbis exponi potest.

℟. Média nocte.

Lectio ix.

BEATI ergo, qui persecutionem patiuntur pro-

pter justitiam, quóniam ipsórum est regnum cœlórum. Hæc octáva senténtia, quæ ad caput redit, perfectúmque hóminem declárat, significátur fortásse et circumcisióne octáva die in véteri testaménto, et Dómini resurrectione post sábbatum, qui est útique octávus, idémq; primus dies; et celebratióne octavárum feriárum, quas in regeneratióne novi hóminis celebrámus, et número ipso Pentecóstes : nam septenário número sépties multiplicáto, quo fiunt quadraginta novem, quasi octávus ádditur, ut quinquaginta compleántur. Et tamquam redeátur ad caput, quo die missus est Spíritus sanctus, eo in regnum cœlórum dúcimur, et hereditátem accipimus, et consolámur, et páscimur, et misericórdiam conséquimur, et mundámur, et pacificámur. Atque ita perfécti, omnes extrinsecus illátas moléstias pro veritate et justitia sustinémus. Te Deum laudámus. 17.

Ad Vesp. Duplex, et omnia dicuntur sicut in j. Vesp. Festi. 435. cum com. SS. Mart. Quatuor Coronatorum. Añs. Istórum est. ŷ. Exultábunt, ex Laud.

#### Oratio.

**P**RÆSTA, quæsumus omnipotens Deus : ut, qui gloriósos Mártýres fortes in

sua confessióne cognóvimus, pios apud te in nostra intercessióne sentiámus. Per Dóminum.

#### DIE VIII. NOVEMBRIS.

In Octava OO. Sanctorum.

#### Duplex.

In j. Nocturno Lectiones de Scriptura occurrente.

#### In secundo Nocturno.

Ex libro S. Cypriáni Episcopi et Mártýris, de mortalitate.

#### Lectio iv. In fine.

**C**ONSIDERANDUM est, fratres dilectíssimi, et idéntidem cogitándum, renuntiásse nos mundo, et tamquam hóspites et peregrinos hic ínterim dégere. Amplectámur diem, qui assignat singulos domicílio suo, qui nos isthinc eréptos, et láqueis sæculáribus exsolútos, paradiso restituit, et regno cœlésti. Quis non péregre constitútus properáret in pátriam régredi? Quis non ad suos navigáre festínans, ventum prósperum cupídus optáret, ut velóciter charos licéret amplécti?

R. Præcúrsor Dómini venit, de quo ipse testátur : \* Nullus major inter natos mulierum Joánnē Baptista. †. Hic est Prophéta, et plus quam Prophéta, de quo Salvátor ait. Nullus.

#### Lectio v.

**P**ATRIAM nostram paradísus computámus, pa-

réntes Patriarchas habere jam cœpimus : quid non properamus et currimus, ut patriam nostram videre, ut paréntes salutare possimus? Magnus illic nos charorum númerus expéctat, paréntum, fratrum, filiòrum frequens nos et copiòsa turba desiderat, jam de sua immortalitáte secùra, et adhuc de nostra salutè sollicita. Ad horum conspéctum et compléxum venire, quanta et illis et nobis in commúne lætítia est ! Qualis illic cœlestium regnòrum volúptas sine timóre moriéndi, et cum æternitáte vivéndi ! quam summa et perpétua felicitas !

**R.** Isti sunt qui vivéntes in carne, plantavérunt Ecclésiám sânguine suo : \* Cálicem Dòmini bibérunt, et amíci Dei facti sunt. **V.** In omnem terram exivit sonus eòrum, et in fines orbis terræ verba eòrum. Cálicem.

**Lectio vj.**

**I**LLIC Apostolorum gloriòsus chorus, illic Prophetarum exultantiũ númerus, illic Mártyrum innumerabilis pópulus ob certáminis et passiónis victóriam coronátus. Triumphántes illic Virgines, quæ concupiscéntiam carnis et còrporis continéntiæ róbore subegérunt. Remuneráti misericòrdes, qui aliméntis et largitióibus

páuperum, justitiæ ópera fecérunt, qui domínica præcépta servántes, ad cœlestes thesauros terréna patrimonía transtulérunt. Ad hos, fratres dilectíssimi, ávida cupiditáte properémus, et cum his cito esse, ut cito ad Christum venire contingat, optémus.

**R.** Sancti mei, qui in carne pòsiti, certámen habuístis, \* Mercédem labóris ego reddam vobis. **V.** Veníte, benedícti Patris mei, percípíte regnum. Mercédem. Glória Patri. Mercédem.

**In tertio Nocturno.**

**Lectio sancti Evangélii secundum Matthæum.**

**Lectio vij. Cap. 5.**

**I**N illo témpore : Videns Jesus turbas, ascéndit in montem, et cum sedisset, accessérunt ad eum discipuli ejus. Et réliqua.

Homilia sancti Augustíni Episcopi.

**Lib. 1. de Serm. Domini in monte, cap. 5.**

**B**EATI éritis, inquit, cum vobis maledícent, et persequéntur vos, et dicent omne malum advérsus vos, mentiéntes, propter me : gaudéte, et exultáte, quóniam merces vestra multa est in cœlis. Animadvértat quisquis delicias hujus sæculi, et facultates rerum temporálium quærit in nómine christiáno, intrinsecus

esse beatitudinem nostram, sicut de ánima ecclesiástica ore prophético dicitur: Omnis glória ejus filiæ Regis ab intus. Nam extrínsecus maledicta, et persecutiónes, et detractiões promittúntur: de quibus tamen magna merces est in cœlis, quæ sentitur in corde patientium, eórum qui jam possunt dicere: Gloriámur in tribulatióibus, sciéntes quod tribulatio patientiam operátur, patientia autem probatióem, probatio vero spem, spes autem non confundit: quia cháritas Dei diffusa est in córdibus nostris per Spíritum sanctum, qui datus est nobis.

**R.** Sint lumbi vestri præcincti, et lucernæ ardéntes in mânibus vestris: \* Et vos símiles homínibus expectántibus dñm suum, quando revertátur a nuptiis.

**V.** Vigiláte ergo, quia nescitis qua hora Dñus vester ventúrus sit. Et.

#### Lectio viij:

**N**ON enim ista pèrpeti fructuosum est, sed ista pro Christi nómine non solum æquo ánimo, sed étiam cum exultatióne toleráre. Non multi hærétiци nómine christiáno ánimas decipiéntes, multa tália patiúntur: sed ideo excludúntur ab ista mercéde, quia non dictum est tantum: Beáti qui per-

secutióem patiúntur; sed ádditum est: Propter justitiam. Ubi autem sana fides non est, non potest esse justitia: quia justus ex fide vivit. Neque schismátici áliquid sibi ex ista mercéde promittant: quia similiter, ubi cháritas non est, non potest esse justitia. Diléctio enim próximi malum non operátur: quam si habérent, non dilaniárent corpus Christi, quod est Ecclésia.

**R.** Média nocte clamor factus est: \* Ecce sponsus venit, exíte óbviám ei. **V.** Prudentes vírgines, aptáte vestras lámpades. Ecce. Glória Patri. Ecce.

#### Pro SS. Quatuor Coronatis. Lectio ix.

**S**EVERUS, Severiánus, Carpóphorus, et Victorinus fratres, in persecutióne Diocletiáni deórum cultum libere detestántes, plumbátis cæsi, in verbéribus vitam pro Christi nómine profuderunt. Quorum cörpera cánibus objécta, cum ab illis intácta diu fuissent, sublata a Christiánis, via Lavicána, tértio ab Urbe lápide, in arenária sepeliúntur prope sepúlchrum sanctorum Mártirum Cláudii, Nicóstrati, Symphoriáni, Castórii, et Simplicii, qui, eódem Imperatóre, passi erant, quod, cum essent summi sculptóres, nullo modo addúci po-



tuerant, ut idolórum stá-  
tuas fácerent : et ad solis  
simulácrum ducti ut illud  
veneraréntur , nunquam  
commissúros se dixerunt,ut  
adorárent ópera mánuum  
hóminum. Quámobrem in  
eárcerem conjécti, cum ibi  
multos dies in eódem pro-  
pósito perstitissent, primum  
scorpiónibus cæsi, deinde  
vivi plúmbeis lóculis inclú-  
si, in flumen dejiciúntur.  
Exstat in Urbe Ecclésia sub  
nómine sanctórum Quátuor  
Coronatórum, quorum diu  
ignóta nómina, divínitus  
póstea patefácta sunt : ubi  
non solum illórum quátuor,  
sed étiam horum quinque  
Mártýrum córpora honori-  
fice sepúlta sunt, et eórum  
festivitas sexto Idus Novém-  
bris celebrátur.

Deum laudámus. 17.

In Laud. pro com. SS.  
MM. Quatuor Coronat. Añã.  
Vestri. ŷ. Lætámini. ex j.  
Vesp. Oratio. Præsta. 460.

In ij. Vesp. fit a Cap. de  
seq. cum com. Octavæ. et  
S. Theodori. Mart.

DIE IX. NOVEMBRIS.

Dedicat. Basilicæ Salvatoris.  
Duplex.

Omnia ut in Comm. Dedic.  
Eccl. cxix. præter Lect.

Et fit com. Oct. omnium  
Sanctorum ut in ij. Vesp.  
Festi. 447.

Deinde S. Theodori. Mart.  
Añã. Iste Sanctus. ŷ. Glória.

## Oratio.

**D**EUS, qui nos beáti Theo-  
dóri, Mártýris tui, con-  
fessione gloriósa circúmdas  
et prótegis : præsta nobis ex  
ejus imitatione proficere, et  
oratione fulciri. Per Dñum.

## In primo Nocturno.

De libro Apocalypsis beáti  
Joánnis Apóstoli.

## Lectio j. Cap. 21. c

**E**T venit unus de septem  
Angelis habéntibus phía-  
las plenas septem plagis  
novíssimis, et locútus est  
mecum, dicens : Veni et  
osténdam tibi sponsam,  
uxórem Agni. Et sústulit me  
in spiritu in montem ma-  
gnum et altum, et osténdit  
mihi civitátem sanctam Je-  
rúsalem descendéntem de  
cælo a Deo, habéntem cla-  
ritátem Dei : et lumen ejus  
símile lápidi pretióso tam-  
quam lápidi jáspidis, sicut  
crystállum.

Ŕ. In dedicatióne templi de-  
cantábat pópulus laudem,  
\* Et in ore eórum dulcis re-  
sonábat sonus. ŷ. Fundáta  
est domus Dómini supra vér-  
ticem móntium, et vénient  
ad eam omnes gentes. Et.

## Lectio ij.

**E**T habébat murum ma-  
gnum et altum, habén-  
tem portas duódecim : et in  
portis Angelos duódecim, et  
nómina inscripta, quæ sunt  
nómina duódecim tribuum  
filiórum Israel. Ab Oriénte



portæ tres, et ab Aquilone portæ tres, et ab Austro portæ tres, et ab Occásu portæ tres. Et murus civitátis habens fundaménta duódecim, et in ipsis duódecim nómina duódecim Apostolorum Agni. Et qui loquebátur mecum, habébat mensúram arundíneam áureã, ut metirétur civitátem, et portas ejus, et murum.

**ñ.** Fundata est domus Dómini supra vérticem món-tium, et exaltata est super omnes colles: \* Et vénient ad eam omnes gentes, et dicent: Glória tibi, Dómine.

**ŷ.** Veniéntes autem vénient cum exultatióne, portántes manípulos suos. Et vénient.

**Lectio iij.**

**E**T civitas in quadropó-sita est, et longitúdo ejus tanta est quanta et latitúdo: et mensus est civitátem de arúndine áurea per stádia duódecim millia: et longitúdo, et altitúdo, et latitúdo ejus æquália sunt. Et mensus est murum ejus centum quadraginta quátuor cubitórum, mensúra hóminis, quæ est Angeli. Et erat structúra muri ejus ex lápide jáspide; ipsa vero civitas, aurū mundum símile vitro mundo.

**ñ.** Bénedic, Dómine, domum istam, quam ædificávi nómini tuo. Veniéntium in loco isto. \* Exáudi preces in excélsó sólio glóriæ

tuæ. **ŷ.** Dómine, si convér-sus fúerit pópulus tuus, et oráverit ad sanctuárium tuum. Exáudi preces in excélsó. Glória Patri. Exáudi preces in excélsó.

**In secundo Nocturno.**

**Lectio iv.**

**R**ITUS, quos in consecrândis Ecclésiis et altáribus Romána servat Ecclésia, beátus Silvéster Papa primus instituit. Nam etsi jam ab Apostolorum témpore loca fuérunt Deo dicata, quæ a quibúsdam Oratória, ab áliis Ecclésiæ dicebántur, ubi colléctæ fiébant per unam sábbati, et christíanus pópulus oráre, Dei verbum audire, et Eucharistíam súmere sólitus erat: non tamen illa ádeo solémni ritu consecrabántur, nec in eis adhuc in titulum eréctum erat altáre, quod chrismate delibútum, Dómini nostri Jesu Christi, qui altáre, hóstia, et sacérdos noster est, figúram exprimeret.

**ñ.** Orántibus in loco isto, \* Dimítte peccáta pópuli tui, Deus, et osténde eis viam bonam per quam ámbulent, et da glóriam in loco isto.

**ŷ.** Qui regis Israel, inténde, qui dedúcis velut ovem Joseph, qui sedes super Chérubim. Dimitte.

**Lectio v.**

**S**ED ubi Constantínus Imperátor per Baptismi Sa-

craméntum sanitatem salutemque consecutus est, tum primum lege ab eo lata concessum est toto orbe terrarum, Christiani ut Ecclesiæ ædificarent : quos ille non solum edicto, sed etiam exemplo ad sacram ædificationem est cohortatus. Nam et in suo Lateranensi palatio Ecclesiam Salvatori dedicavit, et ei continenter Basilicam nomine sancti Joannis Baptistæ condidit, eo loco, quo ipse baptizatus a sancto Silvestro, a lepra mandatus est : quam idem Pontifex consecravit quinto Idus Novembris : cujus consecrationis memoria celebratur hodierno die, quo primum Romæ publice Ecclesia consecrata est, et imago Salvatoris in pariete depicta populo Romano apparuit.

**R.** O quam metuendus est locus iste! \* Vere non est hic aliud nisi domus Dei, et porta cæli. **V.** Hæc est domus Domini firmiter ædificata, bene fundata est supra firmam petram. Vere.

**Lectio vj.**

**Q**UOD si beatus Silvester postea in consecratione altaris Principis Apostolorum decrevit, ut deinceps nisi ex lapide altaria non ædificarentur, tamen Basilicæ Lateranensis altare fuit e ligno erectum : quod mirum non est. Nam cum a

sancto Petro usque ad Silvestrum, propter persecutiones, Pontifices certo loco consistere non possent, quocumque eos necessitas compulisset, sive in cryptas, sive in cœmetéria, sive in ædes piorum, super illo altari ligneo ad arcæ similitudinem concavo, Sacra faciebant. Quo altari sanctus Silvester, reddita Ecclesiæ pace, honoris causa Principis Apostolorum, qui in illo sacrificasse dicitur, et reliquorum Pontificum, qui usque ad id tempus ad mysteria conficienda eo usi fuerant, in Lateranensi prima Ecclesia collocato, sancivit, ne quisquam in eo præter Romanum Pontificem, Missam deinceps celebraret. Eandem Ecclesiam incendiis, vastationibus, terræ insuper motibus disjectam eversamque, ac sedula Summorum Pontificum cura reparatam, nova postmodum molitione restitutam, Benedictus Decimus tertius Pontifex Maximus, Ordinis Prædicatorum, die vigesima octava Aprilis anni millésimi septingentésimi vigésimi sexti, ritu solenni consecravit, ejusque celebritatis memoriam hac die recolendam statuit.

**R.** Mane surgens Jacob erigebat lapidem in titulum, fundens oleum desuper, vo-

tum vovit Dómino : \* Vere locus iste sanctus est , et ego nesciébam. *ŷ.* Cumque evigilasset Jacob de somno, ait. Vere. Glória Patri. Vere.

In iij. Nocturno Homilia in Evangelium Ingréssus Jesus , de Communi Dedicat. Eccl. cxxviiij.

Pro S. Theodoro Mart.

Lectio ix.

**T**HEODORUS, miles christiánus, Maximiano Imperatóre, quod idolórum fanum incendisset comprehensus, cum a Præféccto legiónis pœna ei remitteretur, si pœnitens facti christiánam fidem execraretur, constanter in fidei confessione perseverans, missus est in cárcerem : ubi úngulis excarnificátus, dum costæ nudarentur, lætus canebat : Benedícam Dóminum in omni témpore. Quare in ardéntem rogum injéctus, in oratione et divinis láudibus ánimam Christo réddidit quinto Idus Novémbris. Cujus corpus Eusébia matróna sindone involútum sepelivit in suo prædio.

Te Deum laudámus. 17.

In Laudibus fit commem. S. Theodori, Mart. Aña. Qui odit. *ŷ.* Justus. Oratio. Deus, qui nos beáti. 463.

In Vesperis commemoratio sequentis et SS. Martyrum, ut infra.

DIE X. NOVEMBRIS.

In Festo S. Andreæ Avellini, Confessoris.

Semiduplex.

Aña. Similábo. *ŷ.* Amávit.

Oratio.

**D**EUS, qui in corde beáti Andréæ, Confessoris tui, per árduum quotidie in virtutibus proficiéndi votum, admirábiles ad te ascensionés disposuísti : concéde nobis, ipsíus méritis et intercessióne, ita ejúsdem grátiae partícipes fieri ; ut perfectióra semper exequéntes, ad glóriæ tuæ fastigium feliciter perducámur. Per Dóminum.

Deinde SS. MM. Tryphónis, etc. Aña. Istórum est. *ŷ.* Lætámini.

Oratio.

**F**AC nos, quæsumus Dómine, sanctórum Mátyrum tuórum Tryphónis, Respícií, et Nymphæ semper festa sectári : quorum suffrágiis, protectionis tuæ dona sentiámus. Per Dóminum.

In j. Nocturno Lectiones de Scriptura occurrente.

In secundo Nocturno.

Lectio iv.

**A**NDREAS Avellinus, dictus Ántea Lancellóttus, apud Castrum novum Lucániæ pagum natus, inter ipsa infántiæ primórdia futúrá sanctitátis non obscura præbuit indicia. Adoléscens ad litteras addiscéndas patérna e

domo egréssus, lúbricam illius ætátis sémitam inter bonárum ártium stúdia ita perégit, ut sapiéntiæ iní-  
tium, quod est timor Dómini, ob óculos potíssimum habére nunquam prætermiserit. Cum egrégia proinde forma exímium castitátis stúdi-  
um conjúnxit, quo impudicas sæpe mulierum insídias elúsit, intérdum étiam apértam vim propulsávit. Clericali militiæ jam pridem adscriptus, Neápolim se cón-  
tulit, ut legálibus disciplinis vacáret; ibique jurisprudentiæ láuream adéptus, atque intérea ad sacerdotálem dignitatem evéctus, causárum patrocínia in foro  
duntáxat ecclesiástico, proque privátis quibúsdam personis, juxta sacrórum Cán-  
onum sanctiões, ágere cœpit. Verum cum aliquándo inter causam agéndam leve  
ei mendácium excidisset, mox vero fortúita sacrárum Scripturárum lectiõe in illa  
verba incidisset: Os quod mentitur occídít ánimam; tanto ejus culpæ dolóre ac  
pœniténtia corréptus est, ut statim ab ejúsmodi vitæ institútó sibi recedéndum esse  
dúxerit. Itaque abdicátis forénsibus curis, se totum divíno cultui sacrisque mini-  
stériis mancipávit. Cumque ecclesiasticæ virtútis exémp-  
lis eminéret, sanctimoniá-

lium regímini a tunc exístente Archiepíscopo Neapolitano præféc-  
tus fuit. Quo in múnere cum pravórum hóminum ódia subiisset, primo  
quidem intentátæ sibi necis perículum declinávit, mox vero per sicárium tribus in  
fácie accéptis vulnéribus, injúriæ atrocitatem æquo áni-  
mo pértulit. Tunc perfecti-  
oris vitæ desidério flagrans, ut inter Cléricos Reguláres adscriberétur suppliciter po-  
stulávit, votíque compos factus, ob ingéntem quo æstuábat Crucis amórem, ut  
sibi Andréæ nomen impone-  
rétur, précibus impetrávit.

**R.** Honéstum fecit.

#### Lectio v.

**A**CTIORIS itaque vitæ cur-  
riculum álacri stúdio ingressus, in eas máxime virtútis exercitatiões incú-  
buit, ad quas sese árduis étiam emissis votis obstrínxit: áltero scilicet suæ ip-  
sius voluntáti júgiter obsisténdi, áltero vero in via christiánæ perfecti-  
onis semper ultérius progrediéndi. Reguláris disciplinæ cultor assiduus, et in ea promo-  
vénda, cum áliis præesset, studiosíssimus fuit. Quidquid ab institúti sui officii  
et régulæ præscripto supérerat témporis, orationi et animárum salúti tribuébat.  
In confessiõibus excipiéndis mira ejus píetas et pru-

déntia enítuit; vicos et óp-  
pida Neápoli finítima evan-  
gélícis ministériis magno  
cum animárum lucro fre-  
quens lustrábat. Quam ar-  
déntem erga próximos sancti  
viri charitátem signis étiam  
Dóminus illustrávit. Cum  
enim intempésta nocte ab  
audíta ægri confessióne do-  
mum redíret, ac plúviæ  
ventorúmque vis prælucén-  
tem facem extinxísset, non  
solum ipse cum sóciis inter  
effusíssimos imbres nihil  
madefáctus est, verum étiam,  
inusitáto splendóre e suo  
córpoze mirabiliter emicán-  
te, sóciis inter densíssimas  
ténembras iter monstrávit.  
Abstinéntia, et patiéntia,  
necnon abjectióne atque ódio  
sui summópere præstitit.  
Necem fratris filio illátam  
imperturbáto ánimo tulit,  
ac suos ab omni ulciscéndi  
cupiditate compéscuit, imo  
étiam pro interfectóribus  
opem, et misericórdiam jú-  
dicum implorávit.

¶. Amávit eum.

### Lectio vj.

**P**LURIBUS in locis Clericó-  
rum regulárium Ordí-  
nem propagávit, eorúmque  
domicília Medioláni, et Pla-  
céntiæ instituit. Illíus ópe-  
ram sanctus Cárolus Borro-  
mæus, et Paulus de Arétio  
cléricus reguláris, Cardiná-  
les, quibus erat acceptíssi-  
mus, in pastorális múnere

curis adhibuérunt. Desparam  
Virginem singulári amóre  
et cultu prosequébatur. An-  
gelórum collóquio pérfrui  
mérui, quos, cum divínas  
laudes persólveret, e regióne  
concinéntes se audisse testá-  
tus est. Dénique post heróica  
virtútum exémpla, prophe-  
tiæ quoque dono illústris,  
quo et secréta córdium, et  
abséntia, et futura prospé-  
xit, annis gravis, et labóri-  
bus fractus, ad aram cele-  
bratúrus, in verbis illis  
tértio repetítis: Introibo  
ad altáre Dei, repentinó  
apoplexiæ morbo corréptus  
est; mox Sacraméntis rite  
múnitus, placidíssime inter  
suos ánimam efflávít. Ejus  
corpus Neápoli in Ecclesiá  
sancti Pauli ad hæc usque  
témpora eo frequentíssimo  
pópuli concúrsu cólitur, quo  
fuit elátum. Illum dénique  
insígnibus in vita et post  
mortem miráculis clarum  
Clemens Undécimus Pónti-  
fex Máximus solémni ritu  
Sanctórum catálogo adscrí-  
psit.

¶. Iste homo.

In iij. Noct. Homilia in  
Evang. Sint lumbi. lxxxij.  
Pro SS. MM. Tryphone, etc.

### Lectio ix.

**T**RYPHON, Décio Impera-  
tore, cum Jesu Christi  
fidem prædicans, omnes ad  
ejus cultum perdúcere cona-  
rétur, a Décii satellítibus



comprehensus, primum equuleo torquetur, et ungulis férreis excarnificatur: deinde sublimibus pédibus candentibus clavis confixus, fustibus ceditur, et admotis facibus ardentibus aduritur. Quæ cum omnia fortiter ferentem vidisset Respicius tribunus, ad Christi Domini fidem conversus, statim se Christianum esse palam professus est. Qui varie cruciatus, una cum Tryphone rapitur ad Jovis simulacrum: quæ statura, Tryphone orante, concidit. Quare plumbatis crudelissime contusi, nobilissimum martyrium consecuti sunt, quarto Idus Novembris. Eodem die virgo quædam, cui nomen Nympha, cum Jesum Christum verum esse Deum clara voce testaretur, martyrii palmam ad virginitatis coronam adjunxit.

**Te Deum laudamus. 17.**

**In Laud. tit. com. SS. MM. Tryphonis, etc. Añ. Vestri capilli. V. Exultabunt. Oratio. Fac nos. 466.**

**Vesp. de seq., cum com. præc. et S. Mennæ, ut infra.**

**DIE XI. NOVEMBRIS.**

**In Festo S. Martini, Episc. et Confessoris.**

**Duplex.**

**Ad Vesp., Añ. de Laud., Psalmi de Dñica. 134. et loco ult., Ps. Laudate Dominum, omnes gentes. 138.**

**Capit. Hymnus et V. de Comm. Conf. Pont. liij.**

**Ad Magnificat, Añ.**

O beatum virum, cujus anima paradysum possidet: unde exultant Angeli, lætantur Archangeli, chorus Sanctorum proclamat, turba Virginum invitat! Mane nobiscum in æternum.

**Oratio.**

**D**EUS, qui conspicias, quia ex nulla nostra virtute subsistimus: concede propitius; ut, intercessionem beati Martini, Confessoris tui atque Pontificis, contra omnia adversa muniamur. Per Dominum.

**Deinde tit. com. S. Andreæ Avellini, Añ. Hic vir. V. Justum. Oratio. Deus, qui in corde. 466.**

**Postea S. Mennæ, Mart. Añ. iste Sanctus. V. Glória.**

**Oratio.**

**P**RÆSTA, quæsumus omnipotens Deus; ut, qui beati Mennæ, Martyris tui, natalitia colimus, intercessionem ejus, in tui nominis amore roborémur. Per Dominum.

**Ad Matutinum; Invitat. Laudemus Deum nostrum \* in confessione beati Martini. Ps. Venite. 2.**

**Hymn. Iste Confessor. liij.**

**In primo Nocturno.**

**Añ. Martinus adhuc catechumenus hac me veste contexit. Psalmi de Comm. unius Mart. xxij.**



**Añā.** Sanctæ Trinitatis fidem Martinus confessus est, et Baptismi gratiam percipit.

**Añā.** Ego signo crucis non clypeo protectus, aut galea, hostium cuneos penetrabo securus.

**Ÿ.** Amavit eum Dominus, et ornavit eum. **Ŕ.** Stulam gloriæ induit eum.

**Lectiones.** Fideles sermo, de Communi. lvj.

**Ŕ. j.** Hic est Martinus, electus Dei Pontifex, cui Dominus post Apostolos tantam gratiam conferre dignatus est, \* Ut in virtute Trinitatis Deificæ mereretur fieri trium mortuorum suscitator magnificus. **Ÿ.** Sanctæ Trinitatis fidem Martinus confessus est. Ut.

**Ŕ. ij.** Domine, si adhuc populo tuo sum necessarius, non recuso subire propter eos laborem: \* Fiat voluntas tua. **Ÿ.** Oculis ac manibus in cælum semper intentus, invictum ab oratione spiritum non relaxabat. Fiat.

**Ŕ. iij.** O beatum virum Martinum Antistitem, \* Qui nec mori timuit, nec vivere recusavit! **Ÿ.** Domine, si adhuc populo tuo sum necessarius, non recuso laborem: fiat voluntas tua. Qui. Glória Patri. Qui.

**In secundo Nocturno.**

**Añā.** Confido in Domino,

quod filia mea precibus tuis reddenda sit sanitati.

**Añā.** Tetradius, cognita Dei virtute, ad baptismi gratiam pervenit.

**Añā.** O ineffabilem virum, per quem nobis tanta miracula coruscant!

**Ÿ.** Eligit eum Dominus sacerdotem sibi. **Ŕ.** Ad sacrificandum ei hostiam laudis.

**Lectio iv.**

**M**ARTINUS, Sabariæ in Pannónia natus, cum decimum attigisset annum, invitis parentibus, ad Ecclesiam confugiens, in catechumenorum numerum adscribi voluit. Quindecim annos natus in militiam profectus, primum in Constantii, deinde Juliáni exercitu militavit. Qui cum nihil haberet præter arma, et vestimentum quo tegebatur, Ambiani, pauperi ac nudo ab eo petenti, ut Christi nomine sibi eleemosynam tribueret, partem chlamydis dedit. Cui sequenti nocte Christus dimidiata illa veste indutus apparuit, hanc mittens vocem: Martinus catechumenus hac me veste contexit.

**Ŕ.** Oculis ac manibus in cælum semper intentus. \* Invictum ab oratione spiritum non relaxabat. **Ÿ.** Dum Sacramenta offerret beatus Martinus, globus igneus apparuit super caput ejus. Invictum.

## Lectio v.

**D**ECIM et octo annos cum habéret, baptizátus est. Quare relicta militári vita, ad Hilárium Pictaviénsem Episcopum se cóntulit, a quo in Acolythórum númerum redáctus est. Post factus Episcopus Turonénsis, monastérium ædificávit, ubi cum octogínta mónachis sanctíssime aliquándiu vixit. Qui cum póstea ad Candacénsem vicum suæ diocesis in gravem febrim incidisset, assídua Deum oratione precabátur, ut se ex illo mortáli cárcere liberáret. Quem audiéntes discipuli, sicrogábant: Cur nos, pater, déseris? cui nos míseros derelinquis? Quorum voce commótus Martinus, ita Deum orábat: Dómine, si adhuc pópulo tuo sum necessarius, non recúso labórem.

**R.** Beátus Martinus óbítum suum longe ante præscívit, dixítque frátribus, \* Dissolutiónem sui córporis imminére, quia judicábat se jam resólví. **V.** Viribus córporis cœpit repénite destítui, convocatisque discipulis dixit. Dissolutiónem.

## Lectio vj.

**S**ED cum eum in illa vehementi febre supínus orántem vidérent discipuli, suppliciter ab eo petiérunt, ut, convérso córpore, tan-

tisper, dum remitteret morbi vis, pronus conquiesceret. Quibus Martinus: Sinite me, inquit, cœlum pótius, quam terram aspicere, ut suo jam itinere itúrus ad Dóminum spíritus dirigátur. Instánte jam morte, viso humáni generis hoste: Quid, inquit, astas, cruénta béstia? nihil in me funéste repéries. Ea in voce, unum et octogínta annos natus, ánimam Deo reddidit: quam Angelórum chorus excépit, eósque divinas canéntes laudes multi, in primisque sanctus Severinus Coloniénsis Episcopus, audiérunt.

**R.** Dixérunt discipuli ad beátum Martinum: Cur nos, pater, déseris, aut cui nos desolátos relínquis? **V.** Invádent enim gregem tuum lupi rapáces. **V.** Scimus quidem desideráre te Christum, sed salva sunt tibi tua præmia, nostri pótius miserére, quos déseris. Invádent. Glória Patri. Invádent.

## In tertio Nocturno.

**Añs.** Dóminus Jesus Christus non purpurátus, aut diadémate reniténtem se ventúrum esse prædixit.

**Añs.** Sacérdos Dei Martine, apérti sunt tibi cœli, et regnum Patris mei.

**Añs.** Sacérdos Dei Martine, pastor egrégie, ora pro nobis Deum.

**V.** Tu es sacérdos in ætér-

num. *ŕ.* Secundum ordinem Melchisedech.

*Lectio sancti Evangelii secundum Lucam.*

*Lectio vij. Cap. 11. e*

**I**n illo tempore : Dixit Jesus discipulis suis : Nemo lucernam accendit, et in abscondito ponit, neque sub módio : sed supra candelabrum, ut qui ingrediuntur, lumen videant. Et reliqua. Homilia S. Ambrósii Episc. *Lib. 7. Comment. in Lucæ c. 11. post initium.*

**Q**uia in superioribus Ecclesiam Synagogæ prætulit, hortatur nos, ut fidem potius nostram ad Ecclesiam transferamus. Lucerna enim fides est, juxta quod scriptum est : Lucerna pedibus meis verbum tuum, Domine. Verbum enim Dei fides nostra est : verbum Dei lux est. Lucerna est fides. Erat lux vera, quæ illuminat omnem hominem venientem in hunc mundum. Lucerna autem lucere non potest, nisi aliunde lumen accéperit.

*ŕ.* O beatum virum in cujus transitu Sanctorum canit numerus, Angelorum exultat chorus, \* Omniumque cœlestium Virtutum occurrunt psallentium exercitus. *ŕ.* Ecclesia virtute roboratur, sacerdotes Dei revelatione glorificantur, quem Michael assumpsit cum Angelis. Omniumque.

*Lectio viij.*

**H**æc est lucerna, quæ accenditur, virtus scilicet nostræ mentis et sensus, ut drachma illa possit, quæ perierat, reperiri. Nemo ergo fidem sub lege constituat. Lex enim intra mensuram est, ultra mensuram grátia : lex obumbrat, grátia clarificat. Et ideo nemo fidem suam intra mensuram legis inclúdat, sed ad Ecclesiam cónferat, in qua septiformis Spiritus relúcet grátia, quæ princeps ille sacerdotum fulgóre supérnæ divinitátis illuminat, ne eam legis umbra restinguat. Dénique lucerna illa, quam matutinis vespertinisque temporibus, ritu véteri, Judæorum princeps sacerdotum solébat accendere, velut sub módio sita legis evánuit : et civitas illa Jerúsalem, quæ in terris est, quæ occidit Prophétas, quasi in conválle fletus pósita delitescit : illa autem Jerúsalem, quæ in cœlo est, in qua militat fides nostra, in illo altissimo omnium locata monte, hoc est Christo, non potest ténebris et ruinis hujus mundi abscondi, sed fulgens candóre solis æterni, luce nos grátia spiritalis illuminat.

*ŕ.* Martinus Abrahæ sinu lætus excipitur : Martinus, hic pauper et módicus, \* Cœlum dives ingreditur,

ymnis cœlestibus honorâ-  
ur. *ÿ. Martinus Episcopus*  
nigravit a sæculo, vivit in  
Christo gemma sacerdotum.  
Cœlum. *Glória Patri. Cœlum.*

*Pro S. Menna, Martyre.*

*Lectio ix.*

**M**ENNAS Ægyptius, chri-  
stiânus miles, in per-  
secutiône Diocletiani et Ma-  
ximiâni Imperatorum, cum  
penitentiæ causa in solitū-  
linem secessisset, natâli die  
Imperatorū, quo pópulus cé-  
ebri spectâculo tenebâtur,  
in theâtrum prosiliens, libe-  
ra voce Gentilium supersti-  
tiônem insectabâtur. Quàm-  
obrem comprehensus, et  
Pyrrho Præsidente, in Metrô-  
poli Cottiensium Phrygiæ  
infectus, loris crudèlitér cæ-  
ditur: deinde equuleo tor-  
tus, lampadibus ardéntibus  
ad corpus admotis, plagis-  
que cilicio confrictis, tum  
per tribulos et virgas fér-  
reas manibus ac pedibus  
colligatis tractus, plumbatis  
etiam contusus, demum glâ-  
dio interficitur, in igném-  
que conjicitur. Corpus inde  
Christiânis eréptum se-  
pultum est, ac póstea Con-  
stantinópolis translátum.  
*Te Deum laudamus. 17.*

*AD LAUDES,*

*et per Horas, Añæ.*

*1. Dixérunt discipuli \* ad*  
beátum Martinum: Cur nos  
pater, déseris, aut cui nos  
desolátos relínquis? Invá-

dent enim gregem tuum lupi  
rapaces. *Ps. Dóminus re-*  
gnávit, *cum reliquis. 18.*

*2. Dómine, \* si adhuc pó-*  
pulo tuo sum necessárius,  
non recúso labórem, fiat vo-  
lúntas tua.

*8. O virum ineffabilem, \**  
nec labóre victum, nec morte  
vincéndum, qui nec mori tí-  
muit, nec vívere recusávit!

*1. Oculis ac mânibus in*  
cœlum semper inténtus in-  
victum ab oratiône spíritum  
non relaxábat, allelúia.

*3. Martinus Abrahæ sinu \**  
lætus excípitur: Martinus,  
hic pauper et módicus, cœ-  
lum dives ingreditur, hy-  
mnis cœlestibus honorâtur.

*Capit., Hymn. et ÿ. de*  
*Comm. Conf. Pent.*

*Ad Benedictus, Añæ.*

O beátum virum, cujus áni-  
ma paradísium póssidet:  
unde exúltant Angeli, læ-  
tántur Archángeli, chorus  
Sanctorum proclámat, tur-  
ba Vírginum invitat! Mane  
nobíscum in ætérnum.

*Oratio.*

**D**EUS, qui cónspicis, quia  
Dex nulla nostra virtúte  
subsistimus: concéde propí-  
tius; ut, intercessiône beáti  
Martini, Confessóris tui at-  
que Pontíficis, contra ómnia  
adversa muniámur. Per Dó-  
minum.

*Et fit com. S. Mennæ*  
*Mart., Añæ. Qui odit. ÿ. Ju-*  
stus. *Oratio. Præsta. 469.*

Ad Horas Añæ de Laud.  
Capit. et R̃. br. de Comm.  
Conf. Pont. lxiv.

In ij. Vesp. Añæ de Laud.  
Ps. de Dñica. 134. et loco  
ult., Ps. Meménto. 145.

Capitulum et Hymnus de  
Comm. Conf. Pont. liij.

Ÿ. Justum deduxit Dómi-  
nus per vias rectas. R̃. Et  
osténdit illi regnum Dei.

Ad Magnificat, Aña.

O beátum Pontíficem, qui  
totis viscéribus diligébat  
Christum Regem, et non  
formidábat impérii princi-  
pátum! o sanctíssima ánima,  
quam etsi gládus persecu-  
tóriis non ábstulit, palmam  
tamen martyrii non amisit!

Et fit com. sequentis.

DIE XII. NOVEMBRIS.

In Festo S. Martini, Papæ  
et Mart.

Semiduplex.

Aña. Iste Sanctus. Ÿ. Glória.

Oratio.

**D**EUS, qui nos beáti Mar-  
tini, Mátyris tui atque  
Pontificis, ánnua solemni-  
táte lætíficas : concéde propi-  
tius; ut ejus natalitia  
cólimus, de ejusdem étiam  
protectióne gaudeámus. Per  
Dóminum.

In j. Nocturno Lectiones  
de Scriptura occurrente.

In secundo Nocturno.

Lectio iv.

**M**ARTINUS, Tudérti in  
Umbria natus, initio  
Pontificátus et litteris et

legatióibus missis óperam  
dedit, ut Paulum Constan-  
tinopolítanum Patriárcham  
a nefária hæresi ad Cathóli-  
cæ fidei veritátem revocá-  
ret. Qui, Constánte Impe-  
ratóre hærético fretus, eo  
améntiæ progréssus fúerat,  
ut Sedis Apostólicæ Legá-  
tos várie in insulas relegá-  
rit. Quo ejus scélere com-  
mótus Póntifex, coácto  
Romæ Concílio centum quin-  
que Episcopórum, eum  
condemnávit.

R̃. Honéstum fecit.

Lectio v.

**Q**UÆ causa fuit Constánti  
mitténdi in Itáliam  
Olympium Exárchum, ut  
Martínium Pontíficem inter-  
ficiéndum, aut ad se perdu-  
céndū curáret. Igitur Olym-  
pius Romam véniens, lictóri  
mandat ut Pontíficem, dum  
in Basilica sanctæ Mariæ ad  
Præsépe Missárum solémnia  
celebráret, occideret. Quod  
ubi lictor aggréditur, cæcus  
repente factus est.

R̃. Desidérium animæ.

Lectio vj.

**C**ONSTANTI autem Impera-  
tóri ex eo témpore multæ  
calamitátes incidérunt : qui-  
bus níhilo mélior factus,  
Theodórum Calliopam ad  
Urbem mittens, imperat ut  
Pontífici manus injiciat. A  
quo per fraudem captus Mar-  
tínus, et Constantinópolim  
perductus, deinde in Cher-



honésūm relegātus , ibi ob  
Cathólicam fidem ærúmnis  
conféctus , pridie Idus No-  
vémbris cessit e vita , cla-  
rus miráculis. Cujus corpus  
Romam póstea translátum ,  
in Ecclesiá cónditum est ,  
quæ sanctórum Silvéstri et  
Martíni nómine dedicáta  
erat. Præfuit Ecclesiæ annos  
sex mensem unum , dies  
viginti sex. Hábuít Ordina-  
tiónes duas mense Decém-  
bri , quibus creávit Pre-  
byteros undecim, Diáconos  
quinque , Episcopos per di-  
versá loca triginta tres.

Ŕ. Stola jucunditátis.

In iij. Nocturno Homi-  
lia in Evang., Si quis venit  
ad me, de Communi j. loco.  
xxx.

Ŕ. viij. Dómine , præveni-  
ti eum. xxxj.

In ij. Vesp. a Capit. fit de  
seq., com. præc.

DIE XIII. NOVEMBRIS.  
In Festo S. Didaci, Conf.  
Semiduplex.

Omnia de Comm. Conf.  
non Pont. lxxij. præter seq.  
Oratio.

OMNIPOTENS sempitérne  
Deus , qui dispositiõe  
mirábili infirma mundi éli-  
gis , ut fórtia quæque cón-  
fundas : concéde propítius  
humilitáti nostræ ; ut piis  
beáti Didaci Confessoris tui  
précibus ad perénnem in  
cœlis glóriam sublimári me-  
reámur. Per Dóminum.

Pro com. S. Martini, Papæ  
et Mart. Añæ. Qui vult. Ŕ.  
Justus. Orat. Deus, qui. 474.

In j. Nocturno Lectiones  
de Scriptura occurrente.

in secundo Nocturno.

Lectio iv.

DIDACUS Hispánus ex óp-  
pido sancti Nicolai de  
Portu diœcésis Hispalénsis,  
ab ineunte ætáte , pii sub  
sacerdótis disciplina san-  
ctiórís vitæ , solitária in  
Ecclesiá , tyrocínium exér-  
cuit. Deinde ut firmius Deo  
se conjúngeret, in convéntu  
de Arizáfa Fratrum Minó-  
rum (quos Observántes vo-  
cant) sancti Francisci régu-  
lam in statu laicáli professus  
est. Magna ibi alacritáte  
húmilis obediéntiæ , et re-  
guláris observántiæ jugum  
súbiens , contemplatióni  
imprimis déditus, mira Dei  
luce perfundebátur , ádeo  
ut de rebus cœléstibus ,  
litterárum expers , mirán-  
dum in modum , et plane  
divinitus loquerétur.

Ŕ. Honéstum fecit.

Lectio v.

CANARIIS in insulis , ubi  
frátribus sui Ordinis  
præfuit , multa perpéssus ,  
martyrii æstuans desidério,  
plures infidéles , verbo et  
exémpló , ad Christi fidem  
convértit. Romam véniens  
anno Jubilæi, Nicoláo Quin-  
to Pontífice, ægrotórum cu-  
ræ in convéntu Aræ cœli



destinatus, eo charitatis affectu munus hoc exercuit, ut Urbe annonæ inopia laborante, ægrôtis tamen, quorum aliquando ulcera etiam lambendo abstergébat, nihil pénitus necessarij defecerit. Eximia quoque fides, et grátia curatiónum in eo elúxit, cum lámpadis, quæ collucébat ante imáginem beatissimæ Dei Genitricis, quam summa devotióne colébat, óleo ægros inungens, signo Crucis imprésso, multorum morbos mirabiliter sanáverit.

*R.* Amávit eum.

*Lectio vj.*

**D**EMUM Complúti finem sibi vitæ adesse intélligens, lácera et obsoléta indútus túnica, conjéctis in Crucem oculis, singulári devotióne illis verbis ex sacro hymno pronuntiátis : Dulcelignum, dulces clavos, dúlcia ferens póndera, quæ fuísti digna portáre Regem cœlórum, et Dóminum, ánimam Deo redidit, pridie Idus Novembris, anno Dómini supra millésimum quadringentésimo sexagésimo tértio. Ejus corpus cum menses non paucos (ut pio confluéntium desidério fieret satis) insepúltum mansisset, quasi jam incorruptiódinem indúerit, odórem suavíssimum efflávit. Illum multis, et illústribus miráculis cla-

rum Sixtus Quintus Póntifex Máximus Sanctórum número adscripsit.

*R.* Iste homo.

*In ij. Nocturno Hom. in Evang. Nolite timére, ij. loco. lxxxviij.*

*Vesp. de seq., com. præc.*

**DIE XV. NOVEMBRIS.**

*In Festo S. Gertrudis. Virg.*

*Duplex.*

*Omnia de Comm. Virg. xcij. præter sequentia.*

*Oratio.*

**D**EUS, qui in corde beatæ Gertrúdis Virgínis jucúdam tibi mansiónē præparásti : ipsius méritis et intercessiódine, cordis nostri máculas cleménte abstérge, et ejúsdem tribue gaudére consórtio. Per Dóminum.

*In j. Nocturno Lectiones de Scriptura occurrente*

*In secundo Nocturno.*

*Lectio iv.*

**G**ERTRUDIS, Islébii in Saxónia nóbili génere nata, quinquénis in monastério Rodardénsi, Ordinis sancti Benedicti, virginitatem suam, ac seipsam Jesu Christo obtulit. Quo ex témpore a mundánis rebus prorsus aliéna, virtutique sédulo inténta, cœléstis vitæ genus instituit. Ad humaniórum litterárum notiám, rerum divinárum cognitiódinem adjúnxit. Quarum meditatióne veheméntius ad virtútem incénsa,

brevis christiānam perfectiō-  
nem adēpta est. De Christo  
jūsque vitæ mystériis sæ-  
pè numero pio cum ānimi  
sensu loquebātur: unāmque  
Dei glóriam cōgitans, ad  
illam vota sua ōmnia, et  
actiōnes referēbat. Quamvis  
autem multis exīmiis natū-  
ræ et grātiæ donis a Deo  
flecta esset, ita tamen sibi  
ipsa vilescēbat, ut inter  
præcipua divīnæ bonitatis  
mirācula hoc item memo-  
rāret, quod se indignissi-  
mam misericórditer susti-  
neret.

¶ Propter veritatem.

#### Lectio v.

**T**RIGESIMUM ætātis annum  
agens, primum Rodar-  
ensīs monastērii, ubi re-  
ligiōsam vitam est professā,  
inde Elpediāni præsēs  
lecta, quadraginta annō-  
rum spātio, ea charitāte,  
rudētia, et regulāris di-  
ciplinæ stūdio munus obi-  
it, ut cœnōbium religiōsæ  
perfectiōnis domicilium vi-  
deretur. Utrobique vero,  
sic esset ōmnium mater  
et magistra, ōmnium tamen  
inimica habēri volēbat, ac  
emissiōne pari ministram  
se exhibēbat. Quo libērius  
Deo vacāret, vigiliis, abs-  
tinentia, aliisque cruciāti-  
ous corpus afflixit, semp̄r-  
que sui similis, morum in-  
nocētiā, mansuetūdinem,  
ac patiētiā prætulit sin-

gulārem. Proximōrum sa-  
lūti omni ope stūduit, piæ-  
que curæ copiosum fructum  
rētulit. Divīni amoris vi  
frequētes patiebātur éxta-  
ses, altissimæque contem-  
platiōnis, et divīnæ uniōnis  
donum obtinuit.

¶ Dilexisti justitiam.

#### Lectio vj.

**U**T mēritum acceptissimæ  
sibi sponsæ Christus os-  
tēderet, in corde Gertrūdis  
jucundam sibi esse mansiō-  
nem testātus est. Deiparam  
Vīginem véluti matrem, et  
curatricem a Jesu acceptam  
pietāte præcipua prosequē-  
bātur, ab eāque multa accē-  
pit beneficia. Erga divinis-  
simum Eucharistiæ Sacra-  
mentum et passiōem Dōmini  
tanto amore cum grati āni-  
mi sensu afficiebātur, ut  
intērdum uberiōribus lācry-  
mis perfunderetur. Justō-  
rum ānimas piacularibus  
flammis addictas quotidiā-  
nis subsidiis et præcibus  
juvābat. Multa ad confo-  
vëndam pietātem scripsit.  
Divinārum etiā revelatiō-  
num, et prophetiæ dono  
clāruit. Dénique flagrantis-  
simo Dei amore pótius,  
quam morbo languēscens,  
anno Dōmini millésimo du-  
centésimo nonagésimo se-  
cūdo, vita decēssit. Mirā-  
culis vivens, et post mortem  
a Deo illustrāta est.

¶ Afferentur Regi.

In iij. Noct. Homilia in  
Evang. Símile erit regnum  
cœlórum decem virginibus,  
de Communi. civ.

DIE XVII. NOVEMBRIS.

In Festo S. Gregorii Thau-  
maturgi, Episc. et Conf.  
Semiduplex.

Omnia de Comm. Conf.  
Pont. liij. præter seq.

Oratio.

**D**A, quæsumus omnipotens  
Deus : ut beáti Gregó-  
rii, Confessoris tui atque  
Pontificis, veneránda solé-  
mnitas et devotióem nobis  
áugeat et salutem. Per Dó-  
minum.

In j. Nocturno Lectiones  
de Scriptura occurrente.

In secundo Nocturno.

Lectio iv.

**G**REGORIUS, Neocæsaráe  
Ponti Episcopus, sancti-  
táte, doctrínæque illústris,  
signis vero ac miraculis mul-  
to illústrior, quorum mul-  
títudine atque præstántia  
Thaumaturgus appellátus  
est, et sancti Basilli testi-  
mónio cum Moyse, Prophé-  
tis, et Apóstolis compará-  
tus, montem, qui Ecclesiæ  
ædificatióem impediébat,  
oratióne álio tránstulit. Item  
palúdem, inter fratres cau-  
sam discordiarum, exsiccá-  
vit. Lycum flúvium perni-  
cióse agros inundántem, de-  
fíxo ad ripam, quo sustenta-  
batur, báculo, qui statim  
viréntem crevit in árborem,

coércuit, ut póstea ultra eum  
términum non efflúxerit.

R. Invéni David.

Lectio v.

**S**ÆPISSIME dæmones ex ido-  
lórum simulácris, atque  
ex hóminum corpóribus ejé-  
cit : múltaque ália mirabili-  
ter effécit, quibus innume-  
rábiles hómines traxit ad  
Jesu Christi fidem, cum  
étiam prophético spíritu  
futúra prædiceret. Qui mi-  
gráturus e vita, cum quæ-  
sisset, quot in civitáte  
Neocæsariénsi réliqui essent  
infidéles, responsúmque  
esset, tantum esse septém-  
decim, Deo grátias agens,  
Tótidem, inquit, erant fidé-  
les, cum cœpi Episcopátum.  
Plura scripsit, quibus étiam,  
non solum miraculis, Dei  
Ecclesiám illustrávit.

R. Pósuí adjutórium.

Sermo S. Máximi Episcopi.

Lectio vj.

Ex Hom. 59. quæ est 2. de  
sancto Eusebio.

**B**EATI patris Gregórii mé-  
rita jam in tuto pósitá  
secúri magnificémus, qui  
gubernáculum fidei viriliter  
tenens, áncoram spei tran-  
quílla jam in statióne com-  
pósuit, et plenam cœléstibus  
divítiis et ætérnis mércibus  
navem optáto in líttore col-  
locávit : qui contra omnes  
adversários scutum timóris  
Dei támdiu infatigabiliter  
ténuit, donec ad victóriam

perveniret. Quid enim fuit totus vitæ illius cursus, nisi unus cum vigili hoste conflictus?

**R.** Iste est qui.

**In tertio Nocturno.**

**Lectio sancti Evangelii secundum Marcum.**

**Lectio vij. Cap. 11. c**

**I**n illo tempore : Respóndens Jesus discipulis suis, ait illis : Habéte fidem Dei. Amen dico vobis, quia quicumque dixerit huic monti : Tóllere, et mittere in mare, et non hæsitáverit in corde suo, sed credíderit, quia quodeúmque dixerit, fiat, fiet ei. Et réliqua.

Homilia venerabilis Bedæ Presbyteri.

**L. 3. Com. in Marci c. 11.**

**S**OLENT Gentiles, qui contra Ecclesiám maledicta scripsére, improperáre nostris, quod non habúerint plenam fidem Dei, quia nunquam montes transférre potúerint. Quibus respondéndum est, non ómnia scripta esse, quæ in Ecclesiá sunt gesta, sicut étiam de factis ipsius Christi et Dómini nostri Scriptúra testátur. Unde et hoc quoque fieri potuisset, ut mons ablátus de terra mitterétur in mare, si necessitas id fieri poposcisset. Quómodo légimus factum précibus beáti patris Gregórii Neocæsaráe Ponti Antistitis, viri méritis et virtú-

tibus eximii, ut mons in terra tantum loco céderet, quantum incolæ civitátis opus habébant.

**R.** Amávit eum Dóminus, et ornávit eum, stolam glóriæ induit eum : \* Et ad portas paradisi coronávit eum. **Y.** Induit eum Dóminus lorícam fidei, et ornávit eum. Et.

**Lectio viij.**

**C**UM enim volens ædificáre Ecclesiám in loco apto, vidéret eam angustiórem esse quam res exigébat, eo quod ex una parte rupe maris, ex ália monte próximo coarctarétur, venit nocte ad locum, et génibus flexis admónuit Dóminum promissionis suæ, ut montem lóngius juxta fidem peténtis ágeret. Et mane facto revérsus, invénit montem tantum spátii reliquisse structóribus Ecclesiæ, quantum opus habúerant. Póterat ergo hic, póterat álius quis ejúsdem mériti vir, si oportúnitas exegisset, impetráre a Dómino mérito fidei, ut étiam mons tóllerétur, et mitterétur in mare.

**R.** Sint lumbi vestri præcincti, et lucernæ ardéntes in manibus vestris : \* Et vos símiles homínibus expectántibus dóminum suum, quando revertátur a núptiis. **Y.** Vigilate ergo quia nescitis qua hora Dómi-

nus vester venturus sit. Et.  
Glória Patri. Et.

*Lectio ix.*

**V**ERUM quia montis nómine nonnunquam diabolus significatur, videlicet propter superbiam, qua se contra Deum erigit, et esse vult similis Altíssimo: mons ad præceptum eorum, qui fortes fide sunt, tollitur de terra, et in mare projicitur, cum prædicantibus verbum doctoribus sanctis, immundus spiritus ab eorum corde repellitur, qui ad vitam sunt præordinati, et in turbulentis amarisque infidelium mentibus vesaniam suæ tyrannidis exercere permittitur.

*Ite Deum laudamus. 47.*

*Vesp. de seq., cum com.*

*S. Gregorii. Añs. Amavit eum. V. Justum. Oratio. Da, quæsumus. 478.*

**DIE XVIII. NOVEMBRIS.**

*In Dedicatione Basilicarum  
SS. Apost. Petri et Pauli.*

*Duplex.*

*Omnia de Comm. Dedicationis  
Ecclesiae. cxix. præter Lectiones.*

*In primo Nocturno.*

*De libro Apocalypsis beati  
Joannis Apostoli.*

*Lectio j. Cap. 21. e*

**E**T erat structura muri ejus ex lapide jaspide: ipsa vero civitas aurum mundum simile vitro mundo. Et fundamenta muri civitatis omni

lapide pretioso ornata. Fundamentum primum, jaspis: secundum, sapphirus: tertium, chalcedonius: quartum, smaragdus: quintum, sardonius: sextum, sardius: septimum, chrysolithus: octavum, beryllus: nonum, topazius: decimum, chrysoprasus: undecimum, hyacinthus: duodecimum, amethystus.

*R.* In dedicatione templi decantabat populus laudem, \* Et in ore eorum dulcis resonabat sonus. *V.* Fundata est domus Domini supra verticem montium, et venient ad eam omnes gentes. Et.

*Lectio ij.*

**E**T duodecim portæ, duodecim margaritæ sunt, per singulas: et singulæ portæ erant ex singulis margaritis: et platea civitatis aurum mundum, tamquam vitrum perlucidum. Et templum non vidi in ea. Dominus enim Deus omnipotens templum illius est et Agnus. Et civitas non eget sole, neque luna, ut luceant in ea. Nam claritas Dei illuminavit eam, et lucerna ejus est Agnus.

*R.* Fundata est domus Domini supra verticem montium, et exaltata est super omnes colles: \* Et venient ad eam omnes gentes, et dicent: Glória tibi, Domine.



Veniéntes autem vénient  
cum exultatióne, portántes  
manípulos suos. Et.

*Lectio iij.*

**E**T ambulábunt gentes in  
lúmine ejus, et reges  
terræ áfferent glóriam suam  
et honórem in illam. Et por-  
tæ ejus non claudéntur per  
hiem : nox enim non erit  
illic. Et áfferent glóriam et  
honórem géntium in illam.  
Non intrábit in eam áliquod  
contaminátum, aut abomina-  
tióne fáciens, et mendá-  
cium, nisi qui scripti sunt  
in libro vitæ Agni.

*Bénedic, Dómine, do-  
num istam, quam ædificávi  
nómini tuo; veniéntium in  
loco isto, \* Exáudi preces  
in excélsó sólio glóriæ tuæ.*

*Dómine, si convérsus  
fuerit pópulus tuus, et orá-  
verit ad sanctuárium tuum.  
Exáudi. Glória Patri. Ex-  
audi.*

*In secundo Nocturno.*

*Lectio iv.*

**E**X locis sacris, quæ olim  
apud Christiános vene-  
ratióne habuérunt, illa ce-  
leberrima et frequentíssima  
fuerunt, in quibus cóndita  
Sanctorum córpora, vel áli-  
quod Mártirum vestígium  
aut monuméntum esset. In  
quorum número sanctorum  
locórum, in primis semper  
fuit insignis ea Vaticáni  
pars, quam sancti Petri  
Confessióne appellábant.

AUTUMNALIS.

Nam eo Christiáni ex ómni-  
bus orbis terræ pártibus,  
tamquam ad fidei petram,  
et Ecclesiæ fundaméntum  
conveniéntes, locum Prin-  
cipis Apostolorum sepúlchro  
consecrátum, summa reli-  
gióne ac pietáte venerabán-  
tur.

*R. Orántibus in loco isto,  
\* Dimitte peccáta pópuli tui,  
Deus, et osténde eis viam  
bonam per quam ámbulent,  
et da glóriam in loco isto.  
V. Qui regis Israel, inténde,  
qui dedúcis velut ovem Jo-  
seph, qui sedes super Ché-  
rubim. Dimitte.*

*Lectio v.*

**I**LLUC Constantinus Ma-  
gnus Imperátor octávo  
die post susceptum bapti-  
smum venit, depositóque  
diadémate, et humi jacens,  
vim lacrymarum profúdit :  
mox sumpto ligóne, ac bi-  
dente terram éruit, indeque  
duódecim terræ cóphinis,  
honóris causa duódecim  
Apostolorum, ablátis, ac  
loco Basilicæ Principis Apo-  
stolorum designáto, Eccle-  
siam ædificávit. Quam san-  
ctus Silvéster Papa décimo  
quarto Kaléndas Decémbris  
eo modo quo Lateranénsem  
Ecclesiám quinto Idus No-  
vémbris consecráverat, de-  
dicávit, et in ea altáre la-  
pídeum chrismate delibú-  
tum eréxit : atque ex eo  
témporte sancívit, ne deín-



ceps altaria nisi ex lapide fierent. Idem beatus Silvester Basilicam sancti Pauli Apóstoli in via Ostiensi ab eodem Constantino Imperatore magnificentissime ædificatam dedicavit. Quas Basilicas idem Imperator multis prædiis attributis locupletavit, ac munéribus amplissimis exornavit.

**R.** O quam metuendus est locus iste! \* Vere non est hic aliud, nisi domus Dei, et porta cœli. **V.** Hæc est domus Dómini firmiter ædificata, bene fundata est supra firmam petram. Vere.

**Lectio vj.**

**P**ORRO Vaticanam Basilicam vetustate jam pridem collabentem, ac propterea multorum Pontificum pietate latius, ac magnificentius a fundamentis erectam, Urbanus Octavus hac eadem recurrente die anni millésimi sexcentésimi vigésimi sexti solémni ritu consecravit. Basilicam vero Ostiensem quum dira incendiis vis anno millésimo octingentésimo vigésimo tertio penitus consumpsisset, infelissa quatuor Pontificum cura splendidius quam antea erectam, et ab interitu véluti vindicatam Pius Nonus, auspiciatissimam nactus occasionem, qua dogma de Immaculata beatæ Mariæ Virginis Conceptione nuper

ab ipso proclamatum, ingentem Cardinalium et Episcoporum numerum ex disitis etiam Catholici orbis regionibus Romam attraxerat, die décima Decémbris anni millésimi octingentésimi quinquagésimi quarti, tanta circumdatus Purpuratorum Patrum, et Antistitum coróna solémniter dedicavit, ejusque celebritatis memoriam hac die recolendam decrevit.

**R.** Mane surgens Jacob erigebat lapidem in titulum, fundens oleum desuper, votum vovit Dómino: \* Vere locus iste sanctus est, et ego nesciebam. **V.** Cumque evigilasset Jacob de somno, ait. Vere. **Gloria Patri. Vere.**

**In iij. Noct. Homilia in Evang. Ingressus Jesus, quæ habetur die iv. infra Oct. Dedicat. Eccl. cxxviiij.**

**Vesp. a Capit. de S. Elisabeth, cum com. Dedicat., et S. Pontiani, Papæ Mart.**

**DIE XIX. NOVEMBRIS. In Festo S. Elisabeth, Viduæ.**

**Duplex.**

**Omnia de Comm. nec Virg. nec Mart. cxj. præter sequentem Oratio.**

**TUORUM** corda fidélium, Deus miserator, illústra: et beatæ Elisabeth præcibus gloriósus fac nos prospera mundi despícere, et cœlesti semper consolatione gaudere. Per Dóminum.

Demde sit com. Dedic., ut  
in Comm. Dedic. Eccl. cxxx.  
Postea S. Pontiani, Papæ  
et Martyris, Añā. Iste San-  
ctus. *ŷ*. Glória.

*Oratio.*

**I**NFIRMITATEM nostram ré-  
spice, omnipotens Deus :  
et quia pondus propriæ ac-  
tiónis gravat, beáti Pontia-  
ni, Mátyris tui atque Pon-  
tificis, intercésio glorió-  
sa nos próteget. Per Dómi-  
num.

In j. Nocturno Lectiones  
de Scriptura occurrente.

In secundo Nocturno.

*Lectio iv.*

**E**LISABETH, Andréæ regis  
Hungáriæ filia, ab in-  
fántia Deum timére cœpit :  
et crescens ætáte, crevit  
etiam pietáte. Ludovico Lant-  
grávio Hássiæ et Thuringiæ  
in cónjugem copuláta, non  
minóri cura quæ Dei, quam  
quæ viri sui erant, exequé-  
bátur. Surgens enim no-  
ctúrno témpore, oratióni  
diu incumbébat : ac váriis  
misericórdiæ officiis dedi-  
ta, víduis, pupillis, ægró-  
tis, egéntibus sédulo inser-  
viébat : gravíque fame ur-  
génte, domus suæ fruménta  
liberáliter erogábat. Lepró-  
sos hospítio suscípiens,  
manus eórum et pedes oscu-  
labátur. Curándis autem et  
aléndis paupéribus insigne  
xenodóchium constrúxit.

*ŷ*. Propter veritatem.

*Lectio v.*

**D**EFUNCTO cónjuge, ut Deo  
libérius servíret, depó-  
sitis ómnibus sæculáris gló-  
riæ indumentis, vili túnica  
indúta est, atque Ordinem  
Pœniténtium sancti Francí-  
sci ingrèssa, patiéntiæ et  
humilitátis virtúte máxime  
enítuit. Nam bonis ómnibus  
exúta, a propriis ædibus  
ejécta, ab ómnibus derelicta,  
contumélias, irrisiónes, ob-  
trectatiónes invícto ánimo  
tolerávit ; ádeo ut summó-  
pere gaudéret, se tália pro  
Deo pati. Ad ínfima quæ-  
que ministéria erga páupe-  
res et ægrótos se abjiciens,  
eis necessária procurábat,  
solis oléribus et legumíni-  
bus pro suo victu conténta.

*ŷ*. Dilexisti justitiam.

*Lectio vj.*

**C**UM vero in his aliisque  
plúrimis sanctis opéri-  
bus vitam religiosissime  
transegísset, finis tandem  
suæ peregrinatiónis advénit,  
quem domésticis suis ante  
prædixit. Cumque defixis in  
cælum óculis divínæ con-  
templatióni vacáret, a Deo  
mirabiliter recreáta, et Sa-  
craméntis refécta, obdor-  
mívit in Dómino. Statímque  
plúrima ad ejus tûmulum  
mirácula patrata sunt. Qui-  
bus auditis, et rite probatis,  
Gregórius Nonus Sanctórum  
número eam adscripsit.

*ŷ*. Fallax grátia.

In iij. Noct. Homilia in  
Evang. Simile est regnum  
cœlôrum thesáuro. cxv.

Pro S. Pontiano.

Lectio ix.

**P**ONTIANUS Románus præ-  
fuit Ecclésiæ, Alexándro  
Imperátore; qui sanctum  
Pontificem propter Christiá-  
næ fidei confessiónem, in  
Sardiniam insulam cum Hip-  
pólito presbytero relegávit.  
Ubi is pro Christi fide mul-  
tis calamitatibus afflētus,  
décimo tértio Kalédas De-  
cémbris e vita migrávit.  
Ejus corpus, Fabiáno Pon-  
tífice, cum clero Romam  
delátum, in Cœmetério Cal-  
listi via Appia sepelítur. Se-  
dit annos quátuor, menses  
quátuor, dies viginti quin-  
que. Fecit Ordinatiónes  
duas mense Decémbrī, qui-  
bus creávit Presbyteros sex,  
Díaconos quinque, Episco-  
pos per diversa loca sex.

Te Deum laudámus. 17.

In Laud. fit com. S. Pon-  
tiani, Papæ et Mart. Añā.  
Qui odit. Ÿ. Justus. Oratio.  
Infirmitátem. 483.

In ij. Vesp. a Capit. de  
seq. cum. com. præc.

DIE XX. NOVEMBRIS.

In Festo S. Felicis de Valois,  
Confessoris.

Duplex.

Omnia de Comuni Conf.  
non Pont. lxxij. præter seq.

In Hymno, Iste Confessor,  
mutatur tertius versus.

Oratio.

**D**EUS, qui beatum Felicem  
Confessórem tuum ex  
erémo ad manus rediméndi  
captivos cœlitus vocáre di-  
gnátus es: præsta quæsu-  
mus; ut per grátiam tuam  
ex peccatórum nostrórum  
captivitáte, ejus interces-  
sióne, liberáti, ad cœlé-  
stem pátriam perducámur.  
Per Dóminum.

Pro com. S. Elisabeth.

Añā. Manum suam. Ÿ. Dif-  
fusa. Oratio. Tuórum. 482.

In j. Nocturno Lectiones  
de Scriptura occurrente.

In secundo Nocturno.

Lectio iv.

**F**ELIX, Hugo ántea dictus,  
ex regáli Valesiórum fa-  
mília ortus in Gállia, ab  
ineunte ætáte non lévia de-  
dit futuræ sanctitátis indi-  
cia, præsertim misericór-  
diæ erga páuperes. Nam  
adhuc infántulus manu pró-  
pria, ac si grándior esset,  
et judicii maturitáte pollé-  
ret, nummos egénis distri-  
buit. Jam grandíusculus,  
solébat ex appósitis in men-  
sa dápibus ad ipsos mítte-  
re, et ferme eo, quod sa-  
pídus erat, obsónio pau-  
pérculos púeros recreábat.  
Adoléscens non semel vésti-  
bus se spoliávit, ut inopes  
cooperíret. Ab avúnculo  
Theobáldo, Xamphánæ et  
Blésii Cómite, vitam reo  
mortis impetrávit, prædi-

ens hunc infamem, hâ-  
tenus sicarium, mox san-  
ctissimis præditum moribus  
vasurum : veridicum testi-  
moniū monstravit événtus.  
Honéstum fecit.

### Lectio v.

**P**OST exâctam laudabiliter  
adolescéntiam, cœpit ex  
cœlestis contemplationis  
tudio solitudinem cogita-  
re : prius tamen vóluit sa-  
cris initiâri, ut omnem  
regni, a cujus successiône,  
jure Legis Sâlicæ, non longe  
distâbat, spem sibi præci-  
deret. Sacerdos factus et  
prima Missa devotissime  
celebrâta, non multo post  
in erémum secéssit, ubi  
summa abstinéntia victi-  
ans, cœlestium charisma-  
rum abundantia pascebâ-  
tur. Ibi cum sancto Joanne  
de Matha Parisiensi doctô-  
re, a quo ex divîna inspi-  
ratione quæsitus et invéntus,  
per aliquot annos sanctissi-  
me vixit, donec ambo per  
Angelum a Deo admóniti,  
Romam petiérunt, speciâ-  
lem a Summo Pontifice vi-  
vendi régulam impetratûri.  
Facta igitur Innocéntio Pa-  
pæ Tértio inter Missarum  
solémnia revelatiône Reli-  
giônis et Institûti de redi-  
mendis captivis, ab ipso  
Pontifice, simul cum sócio  
candidis véstibus, bicolôri  
Cruce signâti, induitur ad  
eam formam qua Angelus

indûtus appâruit : et insu-  
per vóluit Póntifex, ut nova  
Religio juxta triplicem co-  
lôrem, quo hábitus constat,  
sanctissimæ Trinitâtis tí-  
tulo decorarétur.

**R.** Amâvit.

### Lectio vj.

**R**EGULA própria ex Sum-  
mi Pontificis Innocéntii  
confirmatiône accépta, in  
diocési Meldénsi apud lo-  
cum, qui Cervus Frigidus  
dicitur, primum Ordinis  
paulo ante a se et sócio  
extructum cœnóbiun am-  
pliâvit, ubi religiôsam ob-  
servântiam, et redemptionis  
institutum mirifice coluit,  
ac inde per alûmnos in  
âlias provinciâs diligentis-  
sime propagâvit. Illústrem  
hic a beâta Virgine Matre  
favórem accépit : dormiën-  
tibus síquidem cunctis frâ-  
tribus, et ad matutinas  
preces in pervigilio Nativ-  
itatis Deiparæ média nocte  
recitândas, Deo sic dispo-  
nente, non surgéntibus ;  
Felix de more vigilans, et  
Horas prævéniens, chorum  
ingréssus, réperit beâtam  
Virginem in médio chori  
hábitu cruce Ordinis insi-  
gnito indûtam, ac Cœlitis  
similiter indûtis sociâtam :  
quibus permixtus Felix,  
præcinente Deipara, laudes  
divinas concinuit, ritèque  
persólvit. Et quasi jam a ter-  
réstri ad cœlestem chorum

evocarétur, instantis mortis ab Angelo cèrtior factus, filios ad charitatem erga pauperes et captivos adhórtans, animam Deo réddidit, ætate ac méritis consummátus, anno post Christum natum ducentésimo duodécimo supra millésimum, sub eódem Pontífice Innocéntio Tértio. **R.** Iste homo.

**In iij. Noct. Hom. in Ev.**  
Nolite timére, **ij. loc. lxxxviij.**

**Vesp. de seq., com. præc.**  
**DIE XXI. NOVEMBRIS.**

**In Festo Præsentationis**  
**B. M. Virginis.**

**Duplex majus.**

**Omnia ut in Festis B. M.**  
**cxliv. præter seq.**

**Ad Magnificat. Aña.**

Beáta Dei Génitrix María, Virgo perpétua, templum Dómini, sacrárium Spíritus sancti, sola sine exémplo placuisti Dómino nostro Jesu Christo, allelúia.

**Oratio.**

**D**EUS, qui beátam Mariam semper Vírginem, Spíritus sancti habitáculum, hodiérna die in templo præsentári voluisti: præsta, quæsumus; ut, ejus intercessióne, in templo glóriæ tuæ præsentári mereámur. Per Dñum. In unitate ejusdem.

**Pro com. S. Felicis. Aña.**  
Hic vir. **V.** Justum. **Oratio.**  
Deus, qui beátum. 484.

**In j. Nocturno Lectiones.**  
Ego sapiéntia. cxlix.

**In secundo Nocturno**

Ex libro S. Joánnis Damascéni de Fide orthodóxa.

**Lectio iv.**

**L. 4. c. 15.**

**J**OACHIM lectíssimam illam, ac summis láudibus dignam mulierem Annam matrimónio sibi copulávit. Verum, quemádmódum pri-sca illa Anna, cum sterilitátis morbo laboráret, per oratióem ac promissióem Samuélem procreávit: eódem modo hæc étiam per obsecratióem et promissióem Dei Genitricem a Deo accépit, ut ne hic quoque cuiquam ex illústribus matrónis céderet. Itaque grátia (nam hoc sonat Annæ vocábulum) Dóminam parit (id enim Mariæ nómine significátur): vere étenim rerum ómnium conditárum Dómina facta est, cum Creatóris Mater éxstitit. In lucem autem éditur in domo probáticæ Jóachim, atque ad templum addúcitur: ac deinde in domo Dei plantáta, atque per Spíritum sagináta, instar olivæ frugíferæ, virtutum ómnium domicílium efficitur: ut quæ videlicet ab omni hujúsce vitæ et carnis concupiscéntia mentem abstraxisset, atque ita vírginem una cum corpore ánimam conservásset, ut eam decébat, quæ Deum sinu suo exceptúra erat.

**R.** Sicut cedrus exaltata  
sum in Libano, et sicut cy-  
prèsus in monte Sion :  
quasi myrrha electa, \* Dedi  
suavitatem odoris. **V.** Et  
sicut cinnamomum et bál-  
samum aromatizans. Dedi.  
Ex libro sancti Ambrósii  
Episcopi de virginibus.

**Lectio v. Lib. 2.**

**T**ALIS fuit Maria, ut ejus  
unius vita ómnium sit  
disciplina. Si igitur auctor  
non displicet, opus probé-  
nus : ut quæcúmque sibi  
ejus exóptat præmium, imi-  
tetur exéplum. Quantæ in  
una Virgine espécies virtutum  
émicant ! Secrétum verecún-  
diæ, vexillum fidei, devo-  
tiónis obséquium : virgo in-  
tra domum, comes ad mini-  
stérium, mater ad templum.  
O quantis illa virginibus  
occurreret ! quantas compléxa  
ad Dóminum trahet, dicens :  
Hæc thorum Filii mei, hæc  
hálamus nuptiales imma-  
culátos servávit pudóre !

**R.** Quæ est ista, quæ pro-  
cessit sicut sol, et formósa  
tamquam Jerúsalem ? \* Vi-  
térunt eam filiae Sion, et  
beátam dixerunt, et reginæ  
laudavérunt eam. **V.** Et sic-  
ut dies verni circúmdabant  
eam flores rosárum, et lília  
convállium. Vidérunt.

**Lectio vj.**

**Q**UID ergo éxequar cibó-  
rum parsimóniam, of-  
ficiórum redundántiam :

áalterum ultra natúrám su-  
perfuísse, áalterum pene ipsi  
natúræ defuísse ? Illic nulla  
intermissa témpora, hic con-  
geminátos jejúnio dies. Et si  
quando reficiéndi successís-  
set volúntas, cibis plerúm-  
que óbvius, qui mortem ar-  
céret, non delicias mini-  
stráret. Dormíre non prius  
cupíditas, quam necéssitas  
fuit : et tamen cum quiéscer-  
et corpus, vigiláret ánimus :  
qui frequénter in somnis aut  
lecta répetit, aut somno in-  
terrúpta continuat, aut dis-  
pósita gerit, aut gerénda  
prænúntiat.

**R.** Ornátam monílibus fi-  
liam Jerúsalem Dóminus  
concupívit : \* Et vidéntes  
eam filiae Sion, beatíssimam  
prædicavérunt, dicéntes : \*  
Unguéntum effusum nomen  
tuum. **V.** Astitit Regina a de-  
xtris tuis in vestítu deaurá-  
to, circúmdata varietáte. Et.  
**Gloria Patri. Unguéntum.**

**In iij. Noct. Homilia in  
Eváng. Loquente Jesu. clv.**

**In R. vij. loco Festivita-  
tem, die. Præsentationem.**

**In ij. Vesp. omnia ut in j.  
Et fit com. sequentis.**

**DIE XXII. NOVEMBRIS.  
In Festo S. Cæcilie, Virg.  
et Martyris.**

**Duplex.**

**Ad Vesp., si dicantur in-  
tegræ, Anæ de Laud. Psal-  
mi, Capit., Hymnus. et V.  
de Comm. Virg. xcij.**



**Añs.** Est secretum, Valeriane, quod tibi volo dicere: Angelum Dei habeo amatorem, qui nimio zelo custodit corpus meum. **ŷ.** Spécie.

**Oratio.**

**D**EUS, qui nos annua beatæ Cæciliæ, Virginis et Mátyris tuæ, solemnitate lætificas: da, ut quam venerámur officio, étiam piæ conversatiónis sequámur exémplo. Per Dóminum.

**Ad Matutinum, Invitat.**

Regem Virginum Dóminum,  
\* Veníte adorémus. **Psalm.**  
Veníte. 2.

**Hym.** Virginis Proles. xcv.

**In primo Nocturno.**

**Añs.** Cæcilia virgo Almáchium superábat, Tibúrtium et Valeriánum ad coronas vocábat. **Psalmi de Comm. Virg.** xcvj.

**Añs.** Expánsis máribus orábat ad Dóminum, ut eam eríperet de inimícis.

**Añs.** Cilício Cæcilia membra domábat, Deum gemítibus exorábat.

**ŷ.** Spécie tua et pulchritúdine tua. **R.** Inténde, prospere procéde, et regna.

**Lectiones, De virginibus, de Comm. Virg.** cxviiij.

**R.** j. Cantántibus órganis, Cæcilia virgo in corde suo soli Dómino decantábat, dicens: \* Fiat, Dómine, cor meum et corpus meum immaculátum, ut non confundar. **ŷ.** Biduánis et tri-

duánis jejúniis orans, commendábat Dómino quod timébat. Fiat.

**R.** ij. O beáta Cæcilia, quæ duos fratres convertísti, Almáchium júdicem superásti, \* Urbánum Episcopum in vultu angélico demonstrásti. **ŷ.** Quasi apis argumentósa Dómino deservísti. Urbánum.

**R.** iij. Virgo gloriósa semper Evangélium Christi gerébat in pectore, et non diébus neque nóctibus vacábat \* A collóquiis divinis et oratióne. **ŷ.** Expánsis máribus orábat ad Dóminum, et cor ejus igne cœlésti ardébat. A. Glória Patri. A.

**In secundo Nocturno.**

**Añs.** Dómine Jesu Christe, seminátor casti consilii, súscepe séminum fructus, quos in Cæcilia seminásti.

**Añs.** Beáta Cæcilia dixit ad Tibúrtium: Hódie te fáteor meum cognátum, quia amor Dei te fecit esse contemptórem idolórum.

**Añs.** Fiat, Dómine, cor meum et corpus meum immaculátū, ut non confundar.

**ŷ.** Adjuvábít eam Deus vultu suo. **R.** Deus in médio ejus non commovébitur.

**Lectio iv.**

**C**ÆCILIA, virgo Romána, nobili génere nata, a prima ætáte christiánæ fidei præcéptis institúta, virginitátem suam Deo vovit. Sed

cum pôstea contra suam voluntatem data esset in matrimonium Valeriâno, prima nuptiarum nocte hunc cum eo sermonem habuit : Ego, Valeriâne, in Angeli tutelâ sum, qui virginitatem meam custôdit : quare ne quid in me committas, quo ira Dei in te concitetur. Quibus verbis commôtus Valeriânus, illam attingere non est ausus : quin etiam addidit, se in Christum crediturum, si eum Angelum videret. Cui Cæcilia cum sine baptismo negâret id fieri posse, incensus cupiditate videndi Angelum, se baptizari velle respondit. Quare hortatu virginis ad Urbânûm Papam, qui propter persecutiônem in Mártyrum sepulchris via Appia latébat, véniens, ab eo baptizatur.

**R.** Cilicio Cæcilia membra domabat, Deum gemitibus exorabat : \* Tibúrtium et Valeriânum ad coronas vocabat. **V.** Hæc est virgo sapiens, et una de número prudentum. Tibúrtium.

#### Lectio v.

**I**NDE ad Cæciliam revêrsus, orantem, et cum ea Angelum divino splendore fulgentem invénit. Quo aspectu obstupéfactus, ut primum ex timóre confirmâtus est, Tibúrtium fratrem suum accersit : qui a Cæcilia Christi fide imbutus, et ab eodem

Urbâno baptizatus, ipse etiam ejusdem Angeli, quem frater ejus viderat, aspectu dignatus est. Utérque autem paulo post, Almâchio Præfecto, constanter martyrium subiit. Qui mox Cæciliam comprehendi imperat, ab eaque primum, ubi Tibúrtii et Valeriâni facultates sint, exquirat.

**R.** Cæciliam intra cubiculum orantem invénit, et juxta eam stantem Angelum Dómini : \* Quem videns Valeriânus, nimio terróre corréptus est. **V.** Angelus Dómini descendit de cælo, et lumen refulsit in habitaculo. Quem.

#### Lectio vj.

**C**UI cum Virgo omnia illorum pauperibus distributa esse respondisset, eo furóre concitatus est, ut eam in ipsius ædes reductam, in bálneo comburi jûsserit. Quo in loco cum diem noctemque ita fuisset, ut ne flamma quidem illam attingeret, eo immissus est carnifex, qui ter securi ictam, cum caput abscindere non potuisset, semivivam reliquit. Illa triduo post, décimo Kaléndas Decémbris, Alexândro Imperatøre, duplici virginitatis et martyrii palma decorata evolavit in cælum. Cujus corpus ab ipso Urbâno Papa in Callisti cœmetério sepultum est, in

ejus ædibus Ecclesiæ ipsius Cæciliæ nómine consecrata. Ejus et Urbáni, ac Lúcii Pontificum, Tibúrtii, Valeriáni, et Máximi corpóra, a Pascháli Primo Pontífice inde translata in Urbem, in eadem sanctæ Cæciliæ Ecclesiæ cóndita sunt.

**R.** Dómine Jesu Christe, Pastor bone, seminátor casti consilii, súscepe séminum fructus quos in Cæcilia seminasti : \* Cæcilia fámula tua quasi apis tibi argumentósa desérvit. **V.** Nam sponsum, quem quasi leónem ferócem accépit, ad te quasi agnum mansuetissimum destinávit. Cæcilia. Glória Patri. Cæcilia.

**In tertio Nocturno.**

**Añs.** Crédimus Christum Fílium Dei verum Deum esse, qui sibi talem elégit fámulam.

**Añs.** Nos sciéntes sanctum nomen ejus, omníno negáre non póssumus.

**Añs.** Tunc Valeriánus perréxit, et signo quod accéperat, invénit sanctum Urbánum.

**V.** Elégit eam Deus, et præelégit eam. **R.** In tabernáculo suo habitáre facit eam.

Lectio sancti Evangélíi secúndum Matthæum.

**Lectio vij. Cap. 23.**

**I**n illo témpore : Dixit Jesus discíplis suis parabolam hanc : Símile erit regnum cœlórum decem vir-

ginibus : quæ accipiéntes lámpades suas, exiérunt obviam sponso, et sponsæ. Et réliqua.

Homílla sancti Joánnis Chrysóstomi.

*Hom. 79. in Matth. post init.*

**Q**UAM ob causam in persóna vírginum hanc parabolam profert, nec qualemcúmque persónam sine discrimine súbjicit? Magna quædam de virginitáte disserúerat, dicens : Sunt eunúchi, qui seípsos castravérunt propter regnum cœlórum : et, Qui potest cápere, cápiat. Nec ignorábat, de virginitáte magnam esse vulgo existimatióem, quippe cum sit ea res natúra sublimis : quod inde patet, quia neque in véteri Testaménto a priscis illis sanctísque viris culta fuit, et in novo nulla legis necessitáte jubétur : non enim id imperávit, sed fidélium voluntáti permísit. Unde et Paulus ait : De vírginibus autem præcéptum Dómini non hábeo : et laudo quidem eum, qui hoc sectátur institútum, noléntem autem non cogo, neque eam rem præcéptum fácio.

**R.** Beáta Cæcilia dixit Tibúrtio : Hódie te fáteor meum esse cognátum, quia amor Dei te fecit esse \* Contemptórem idolórum. **V.** Sicut enim amor Dei mihi tuum fratrem cónjugem fe-

cit, ita te mihi cognatum fecit esse. Contemptorem.

*Lectio viij.*

**Q**UONIAM igitur et magna res erat, ac de ea apud multos magna erat existimatio: ne quis, ea perfecta, se totum perfecisse putaret, ac cetera negligeret, hanc parabola posuit, ut ostenderet virginitatem, quamvis cetera habeat, si misericordie bonis caruerit, cum fornicatoribus ejici: ac merito quidem inhumanum ac misericordia carentem cum illis collocat. Fornicator enim corporum, istae vero pecuniarum cupiditate vincuntur. Non est autem corporum et pecuniae par cupiditas: sed acrior multo, atque vehementior illa corporum est. Quanto igitur cum imbecilliore luctantur, tanto minus venia dignae sunt, si vincantur. Idcirco etiam fatuas appellavit, quoniam majori certamine superato, in faciliore totum perdidērunt.

**Ŕ.** Cæcilia me misit ad vos, ut ostendatis mihi sanctum Antistitem: \* Quia ad ipsum habeo secreta quae perferam.

**Ÿ.** Tunc Valerianus perrexit, et signo quod acceperat, invenit sanctum Urbanum. Quia. Glória Patri. Quia.

*Lectio ix.*

**L**AMPADES autem hoc loco illud ipsum virginitatis donum appellat, et sancti-

moniae puritatem: oleum vero benignitatem, eleemosynam, impensum indigentibus auxilium. Tardante autem sponso, dormitaverunt omnes, et dormierunt. Non parvum temporis rursus spatium interjectum ostendit, ut discipulos regnum ipsius mox futurum expectantes, ab ea opinione deduceret: id enim illi sperabant: quapropter crebro ab hujusmodi eos spe revocat. Ad hoc, illud quoque indicat, somnum quemdam esse mortem. Dormierunt, inquit; media autem nocte clamor factus est: vel, ut in eadem parabola persistat: vel rursus ostendit in nocte futuram esse resurrectionem. Clamorem etiam Paulus commemorat, dicens: In jussu, in voce Archangeli, in novissima tuba descendet de caelo. Te Deum laudamus. 17.

**AD LAUDES,**

*et per Horas. Ant.*

**1** Cantantibus organis, \* Cæcilia Domino decantabat, dicens: Fiat cor meum immaculatum, ut non confundar. **Ps.** Dominus regnavit, cum reliquis. 18.

**2.** Valerianus \* in cubiculo Cæciliam cum Angelo orantem invenit.

**3.** Cæcilia famula tua, \* Domine, quasi apis tibi argumentosa deservit.

**4.** Benedico te, Pater Dó-

mini mei Jesu Christi, quia per Filium tuum ignis extinctus est a latere meo.

**B.** Triduânas a Dómino \* popósci indúcias, ut domum meâ Ecclésiâ consecrârem.

**Cap.** Fratres, Qui gloriatur. **Hym.** Jesu, coróna. cvj.

**ŷ.** Diffûsa est grátia in labiistuis. **ŕ.** Propterea benedixit te Deus in ætérnum.

**Ad Benedictus, Añâ.**

Dum auróra finem daret, Cæcilia exclamâvit, dicens: Eja, milites Christi, abjicite ópera tenebrârum, et induimini arma lucis.

**Oratio.**

**D**EUS, qui nos ánnua beatæ Cæciliæ, Virginis et Mártiris tuæ, solemnitate lætificas: da, ut quam venerámur officio, étiam piæ conversatiónis sequámur exemplo. Per Dóminum.

**Ad Horas, Añæ de Laud.** ut supra. **Capitula et ŕ.ŕ.** br. de Comm. Virg. cvij.

**Ad Vesp. Añæ de Laud.** Ps. de Comm. Virg. xcij.

**A Capit.** fit de S. Clemente, cum com. S. Cæciliæ, etc. ut infra.

**DIE XXIII. NOVEMBRIS.** In Festo S. Clementis, Papæ et Mártiris.

**Duplex.**

**Ad Vesperas, si dicantur integræ, Añæ de Laudibus, Psalmi de Dñica. 134 et loco ultimi. Ps.** Laudate Dóminum, omnes gentes. 138.

**Capit., Hymn. et ŷ. de Comm. unius Mártiris. xxij.**

**Ad Magnificat. Añâ**

Orémus omnes ad Dóminum Jesum Christum, ut confessoribus suis fontis venam apériat.

**Oratio.**

**D**EUS, qui nos ánnua beati Clementis, Mártiris tui atque Pontificis, solemnitate lætificas: concède propitius; ut, cujus natalítia cólimus, virtutem quoque passiónis imitémur. Per Dóminum.

**Et fit com. S. Cæciliæ. Añâ.** Virgo gloriósa semper Evángélium Christi gerébat in pectore suo, et non diébus neque nóctibus a colloquiis divinis et oratióne cessábat. **ŷ.** Diffûsa. **Oratio.** Deus, qui nos ánnua, **supra.**

**Postea S. Felicitatis Mart. Añâ.** Simile est. **ŷ.** Spécie.

**Oratio.**

**P**RÆSTA, quæsumus omnipotens Deus: ut beatæ Felicitatis Mártiris tuæ solemnía recenséntes, méritis ipsius protegámur, et préci-bus. Per Dóminum.

**Ad Matutinum omnia usque ad Lectiones, de Comm. unius Mart. xxij.**

**In j. Nocturno Lectiones. A Miléto. xxiv.**

**ŕ. j.** Oránte sancto Clemente, apparuit ei Agnus Dei: \* De sub cujus pede fons vivus emánat; flúminis ímpetus lætificat civitatem

Dei. **Ÿ.** Vidi supra montem Agnum stantem. De sub.

**Ŕ. ij.** Omnes una voce dixerunt : Ora pro nobis, sancte Clemens, \* Ut digni efficiámur promissionibus Christi. **Ÿ.** Non meis méritis ad vos me misit Dóminus, vestris corónis participem fieri. Ut.

**Ŕ. iij.** Dedisti, Dómine, habitáculum Mártýri tuo Cleménti in mari, in modum templi marmórei, angélicis manibus præparátum : \* Iter præbens pópulo terræ, ut enárrent mirabilia tua. **Ÿ.** Dedisti, Dómine, Sanctis tuis viam in mari, et in fluminibus sémitam. Iter. Glória Patri. Iter.

*In secundo Nocturno.*

*Lectio iv.*

**CLEMENS** Románus, Faustini filius, de regione Cœlii montis, discipulus beáti Petri, ejus méminit Paulus scribens ad Philip-penses : Etiam rogo et te, germáne compar, ádjuva illas, quæ mecum laboravérunt in Evangélio, cum Cleménte, et céteris adjutóribus meis, quorum nómina sunt in libro vitæ. Hic septem Urbis regiones divisit septem Notáriis, singulas singulis attribuens, qui passiones Mártýrum, et res ab eis gestas diligentissime conquisitas, litteris mandarent. Multa scripsit et

ipse accuráte et salutáriter, quibus christiánam religió-nem illustrávit.

**Ŕ.** Honéstum fecit.

*Lectio v.*

**CUM** autem doctrína ac vi-tæ sanctitáte multos ad Christi fidem convérteret, a Trajáno Imperatóre relegátus est trans mare Pónticum in solitúdinem urbis Chersónæ, in qua duo millia Christianórum réperit, qui ab eódem Trajáno condemnátifúerant. Qui cum in eruéndis et secándis marmóribus aquæ penúria laborarent, Clemens, facta oratióne, in vicinum collem ascéndit, in cujus jugo vidit Agnum dextero pede fontem aquæ dulcis qui inde scatébat, attingéntem, ubi omnes sitim explevérunt : eóque miraculo multi infidéles ad Christi fidem convérsi, Cleméntis étiam sanctitátem venerári cœpérunt.

**Ŕ.** Desidérium animæ.

*Lectio vj.*

**QUIBUS** concitátus Trajánus, misit illuc, qui Cleméntem, alligáta ad ejus collum ánchora, in profúndum dejicerent. Quod cum factum esset, Christiánis ad littus orántibus, mare ad tria milliária recéssit, eóque illi accedéntes, ædiculam marmóream in templi formam, et intus arcam lapí-deam, ubi Mártýris corpus



cónditum erat, et juxta illud anchoram, qua mersus fuerat, invenérunt. Quo miraculo incolæ permóti, Christi fidem suscepérunt. Ejus corpus póstea Romam, Nicoláo Primo Pontífice, translátum, in Ecclésia ipsíus sancti Clementis cónditum est. Ecclésia étiau in eo ínsulæ loco, unde divínitus fons manárat, ejúsdem nómine dedicáta est. Vixit in Pontificátu annos novem, menses sex, dies sex. Fecit ordinatiónes duas mense Decémbri, quibus creávit Presbyteros decem, Diáconos duos, Episcopos per díversa loca quíndecim.

**Ŕ.** Stola jucunditátis.

In **ij. Noct. Homilia in Evang. Vigiláte, de Comm. Conf. Pont. ij. loco. lxxvj. ŔŔ. de Comm. Mart. xxxj.**

**Pro S. Felicitate, Mart.**

Sermo S. Gregórii Papæ.

**Lectio ix.**

**Ex Homilia 3. in Evang.**

**B**EATA Felícitas, cujus hódie natalítia celebrámus, septem filios sic post se tímuit vivos in carne relínquere, sicut carnáles paréntes solent metúere, ne mórtuos præmittant. In persecutiónis enim labóre deprehénsa, filiórum corda in amóre supérnæ pátriæ prædicándo roborávit, et parturívit spírítu, quos carne pepérerat, ut prædi-

catióne páreret Deo, quos carne pepérerat mundo. Numquid ergo hanc féminam mártýrem díxerim? Sed plus quam mártýrem: quæ, septem pignóribus ad regnum præmissis, tot ante se mórtuos transmísit. Ad pœnam prima venit, sed pervénit octáva.

**Te Deum laudámus. 17.**

**AD LAUDES,**

**et per Horas, Añæ.**

**1.** Oránte sancto Cleménte, \* appáruit ei Agnus Dei. **Psalm. Dóminus regnávit, cum reliquis. 18**

**2.** Non meis méritis \* ad vos me misit Dñus vestris corónis participem fieri.

**3.** Vidi supra montem \* Agnum stantem, de sub cujus pede fons vivus emánat.

**4.** De sub cujus pede fons vivus emánat; flúminis ímpetus lætíficat civitátem Dei.

**5.** Omnes gentes \* per gyrum credidérunt Christo Dómino.

**Capitulum et Hymnus de Comm. unius Mart. xxxij.**

**Ŕ.** Justus ut palma florébit.

**Ŕ.** Sicut cedrus Libani multiplicábitur.

**Ad Benedictus, Añæ.**

Cum iter ad mare cepísset, pópulus voce magna clamábat: Dómine Jesu Christe, salva illum; et Clemens cum lácrymis dicébat: Súscipe, Pater, Spírítum meum.

## Oratio.

**D**EUS, qui nos annua beáti Cleméntis, Mátyris tui atque Pontíficis, solemnitate lætíficas : concéde propítius ; ut, ejus natalítia cólimus, virtútem quoque passiónis imitémur. Per Dóminum.

Pro com. S. Felicitatis, Aña. Date. ŷ. Diffúsa. Oratio. Præsta. 492.

Ad Horas, Añæ de Laud. Capit. et Rñ. brevia de Comm. unius Mart. xxxij.

Ad Vesp. Anæ de Laud. Psalmi de Dñica. 434. et loco ult., Ps. Crédidi. 138.

A Capitulo fit de seq. cum com. præc. et S. Chrysogoni, Mart. ut infra.

DIE XXIV. NOVEMBRIS.  
In Festo S. Joannis a Cruce,  
Confessoris.

## Duplex.

Omnia de Comm. Conf. non Pont. lxxij. præter seq.

In Hymn. Iste Conféssor, mutatur tertius versus.

## Oratio.

**D**EUS, qui sanctum Joánnem Confessórem tuum perféctæ sui abnegatiónis, et Crucis amatórem exímium effecísti : concéde ; ut ejus imitatióni jùgiter inhærentes, glóriam assequámur ætérnam. Per Dóminum.

Et fit com. S. Clementis, Papæ et Martyris, Aña. Dedísti, Dómine, habitáculum Mátyri tuo Cleménti in mari, in modum templi mar-

mórei, angélicis mánibus præparátum, iter præbens pópulo terræ, ut enárrent mirabília tua. ŷ. Justus.

Oratio. Deus, qui nos.

Postea S. Chrysogoni, M. Aña. Iste Sanctus. ŷ. Glória.

## Oratio.

**A**DESTO, Dómine, supplicatióibus nostris : ut, qui ex iniquitate nostra reos nos esse cognóscimus, beáti Chrysógoni Mátyris tui intercessióne liberémur. Per Dóminum.

In j. Nocturno Lectiones de Scriptura occurrente.

In secundo Nocturno.

## Lectio iv.

**J**OANNES a Cruce Fontíberi in Hispânia piis paréntibus natus, a primis annis certo innóuit quam Deíparæ Vírgini futúrus esset accéptus : nam quinquénis in púteum lapsus, ejúsdem Deíparæ manu sublátus, incólumis evásit. Tanto autem patiéndi desidério flagrávit, ut novénis, spreto mollióri lecto, super sarméntis cubáre consuéverit. Adolésceus hospitiō páuperum ægotántium Metymnæ Campi fámulum sese addixit : quibus magno charitátis ardóre, vilíssima quæque compléctens officia, præsto áderat ; cujus exemplo excitáti céteri éadem charitátis múnera ardéntius obibant. Verum ad altióra

vocatus, beatæ Mariæ Virginis de Monte Carmelo Institutum amplexus est, ubi sacerdos ex obedientia factus, severioris disciplinæ, et arctioris vitæ cupidissimus, primitivam Ordinis Regulam ex superioris licentia ita professus est, ut ob jugem dominicæ passionis memoriam, bello in se, tamquam in infensissimum hostem, indicto, vigiliis, jejuniis, ferreis flagellis, omnique poenarum genere, brevi carnem cum vitiis et concupiscentiis suis crucifixerit: dignus plane, qui a sancta Terésia inter puriores sanctioresque animas, Ecclesiam Dei id temporis illustrantes, recenseretur.

¶. Honestum fecit

*Lectio v.*

**S**INGULARI vitæ austeritate, et omnium virtutum præsidio munitus, præ assidua rerum divinarum contemplatione, diuturnas et mirabiles éxtases frequenter patiebatur: tantoque in Deum æstuabat amore, ut, cum divinus ignis sese intro diutius continere non posset, foras erumpere ejusque vultum irradiare visus sit. Proximorum salutis summo opere intentus, tum in verbi Dei prædicatione, tum in Sacramentorum administratione fuit assiduus. Hinc tot méritis auctus,

strictiorisque disciplinæ promovendæ ardore vehementer accensus, sanctæ Terésia comites divinitus datus est, ut, quam ipsa inter sorores primævam Carmeli Ordinis observantiam instauraverat, eandem et inter fratres, Joanne adiutore, restitueret. Innúmeros itaque una cum Dei famula in divino opere promovendo perpessus labores, cœnobia, quæ ejusdem sanctæ virginis cura per totam Hispaniam erecta fuerant, nullis vitæ incômodis, et periculis territus, singula perlustravit, in quibus, aliisque quamplurimis ejus opera erectis, restauratam observantiam propagando, verbo et exemplo firmavit; ut mérito primus post sanctam Terésiam Carmelitarum Excalceatorum Ordinis professor et parens habeatur.

¶. Amavit eum.

*Lectio vj.*

**V**IRGINITATEM perpétuo coluit, impudéntesque mulieres, ejus pudicitia insidiari conantes, non modo repulit, sed étiam Christo lucrificet. In divinis explicandis arcánis æque ac sancta Terésia, Apostolicæ Sedis judicio, divinitus instructus, libros de mystica Theologia cœlesti sapientia refertos conscripsit. Semel

interrogátus a Christo quid præmii pro tot labóribus péc-  
 sceret, respóndit : Dómine,  
 pati et contémni pro te. Im-  
 pérío in dæmones, quos e  
 corpóribus sæpe fugábat,  
 discretiône spirítuum, pro-  
 phetiæ dono, miraculorum  
 glória celebratissimus, ea  
 semper fuit humilitáte, ut  
 sæpius a Dómino flagitáve-  
 rit eo loco mori, ubi ómni-  
 bus esset ignótus. Voti com-  
 pos factus, Ubédæ diro mor-  
 bo, et in crure quinque pla-  
 gis sánie manántibus, ad  
 impléndum patiéndi desidé-  
 rium, constantissime tole-  
 ráti, Ecclésiæ Sacramén-  
 tis pie sanctéque suscep-  
 tis, in Christi crucifixi ampléxu,  
 quem semper in corde, at-  
 que ore habúerat, post illa  
 verba, In manus tuas com-  
 méndo spíritum meum ; ob-  
 dormívit in Dómino, die et  
 hora a se prædictis, anno sa-  
 lútis millésimo quingentési-  
 mo nonagésimo primo, ætá-  
 tis quadragésimo nono. Mi-  
 grántem ejus ánimam splen-  
 didissimus ignis globus  
 excépit : corpus vero sua-  
 vissimum odórem spirávit,  
 quod etiámnun incorrú-  
 ptum Segóviæ honorífice  
 cólitur. Eum plúrimis ante  
 et post óbitum fulgéntem si-  
 gnis Benedictus Décimus  
 tértius Póntifex Máximus in  
 Sanctórum númerum rétu-  
 lit. **ā.** Iste homo.

AUTUMNALIS.

In iij. Noct. Homilia in  
 Evang. Sint lumbi. lxxxij.  
 Pro S. Chrysogono Mart.  
 Lectio ix.

**C**HRYSOGONUS, Diocletiáno  
 Imperatóre, Romæ inclú-  
 sus in cárcere, ibi biénnum  
 sanctæ Anastásiæ facultati-  
 bus vixit : quam étiam affli-  
 ctam propter Christum a  
 viro suo Públio, propterea-  
 que a suis oratióibus per  
 litteras auxiliúm postulán-  
 tem mútuís epístolis est  
 consolátus. Sed cum Impe-  
 rátor Romam scripsisset, ut  
 réliquis Christiánis, qui in  
 vínculis essent, interfécetis,  
 Chrysógonus Aquiléiam ad  
 se mitterétur, eo perductus  
 est. Cui Imperátor : Accer-  
 sivi, inquit, te, Chrysó-  
 gone, ut honóribus áugeam,  
 si modo indúxeris ánimum  
 deos cólere. At ille : Ego  
 eum, qui vere est Deus,  
 mente et oratióne véneror :  
 deos autem, qui nihil sunt  
 nisi dæmonum simulácula,  
 odi et éxecror. Quo respón-  
 so excandéscens Imperátor,  
 ad aquas Gradátas eum  
 secúri pércuti jubēt, octávo  
 Kaléndas Decémbris : cujus  
 corpus projéctum in mare,  
 paulo post in líttore invén-  
 tum, Zoílus présbyter in  
 suis ædibus sepelivit.

Te Deum laudámus. 47.

In Laud. fit com. S. Chry-  
 sogoni M., Añs. Qui odit. **v.**  
 Justus. Oratio. Adésto. 495.

Vesp. a Capit. de seq.  
com. præc.

**DIE XXV. NOVEMBRIS.**

In Festo S. Catharinæ,  
Virginis et Martyris.

Duplex.

Omnia de Comm. Virg. et  
Mart. xcij. præter seq.

Oratio.

**D**EUS, qui dedisti legem  
Moysi in summitate mon-  
tis Sinai, et in eodem loco  
per sanctos Angelos tuos  
corpus beatæ Catharinæ,  
Virginis et Martyris tuæ,  
mirabiliter collocasti: præ-  
sta, quæsumus; ut, ejus  
meritis et intercessiōe, ad  
montem, qui Christus est,  
pervenire valeamus. Qui te-  
cum vivit.

Pro com. S. Joannis.  
Añs. Hic vir. 7. Justum.  
Oratio. Deus, qui. 495.

In j. Nocturno Lectiones  
de Scriptura occurrente.

In secundo Nocturno.

Lectio iv.

**C**ATHARINA, nōbilis virgo  
Alexandrina, a prima  
ætate stūdia liberālium ar-  
tium cum fidei ardore con-  
jūgens, brevi ad eam san-  
ctitatis et doctrinæ perfe-  
ctiōnem pervēnit, ut decem  
et octo annos nata, eruditis-  
simum quemque superāret.  
Quæ cum Maximini jussu  
multos propter christiānæ  
religiōnis professiōem vā-  
rie tormētis cruciātos, ad  
supplicium rapi vidēret, non

dubitāter ipsum adiit Ma-  
ximinum, etque nefāriam im-  
manitatem objiciens, sapien-  
tissimis ratiōibus Christi  
fidem ad salutem necessā-  
riam esse affirmāvit.

℞. Propter veritatem.

Lectio v.

**C**UJUS prudentiam Maximi-  
nus admiratus, retinēri  
eam jubet, accersitis undi-  
que doctissimis hominibus,  
magnisque propōitis præ-  
miis, qui convictam Catha-  
rinam a Christi fide ad ido-  
lōrum cultum perduxissent.  
Quod contra accidit: nam  
plures philosophi, qui ad  
eam coarguendam convēne-  
rant, vi ac subtilitate ejus  
disputatiōnis, tanto Jesu  
Christi amore sunt incēsi,  
ut pro illo mori non dubi-  
taverint. Quāmobrem Maxi-  
minus blanditiis ac promissis  
Catharinam de sentē-  
tia deducere aggrēditur:  
verum id frustra fieri intēl-  
ligens, verbēribus affēctam  
plumbatisque contusa, dies  
undecim sine cibo ac potu  
includam tenet in carcere.

℞. Dilexisti justitiam.

Lectio vj.

**Q**uo tempore Maximini  
uxor et Porphyrius belli-  
dux, visendæ virginis causa  
carcerem ingressi, et ejus-  
dem prædicatione in Jesum  
Christum credentes, postea  
martyrio coronati sunt. In-  
terim Catharina educitur e

custódia : et rota expeditur crebris et acútis præfixa gládiis , ut vírginis corpus crudelíssime dilacerarétur. Quæ máchina brevi, Catharinæ oratióne , confrácta est : eóque miráculo multi Christi fidem suscepérunt. Ipse Maximínus in impietate et crudelitate obstinátior , Catharinam secúri percúti imperat. Quæ , fórtiter dato cápite , ad duplicátum virginitátis et martyrii præmium evolávit , séptimo Kaléndas Decémbris : cujus corpus ab Angelis in Sina Arábiæ monte mirábiliter collocátum est.

*R.* Afferéntur Regi.

*In iij. Noct. Hom. in Evang.*  
Simile erit regnum cœlórum decem virgínibus. civ.

*In ij. Vesp. fit commem.*  
*S. Petri, Episc. et Mart.*

**DIE XXVI. NOVEMBRIS.**  
*S. Petri Alexandrini, Episc. et Martyris.*

*Añã. Iste Sanctus. V. Glória.*  
*Oratio.*

**I**NFIRMITATEM nostram respice, omnipotens Deus : et quia pondus propriæ actionis gravat, beáti Petri, Mátyris tui atque Pontíficis, intercésio gloriósa nos próteget. Per Dóminum.

*Lectio iij.*

**P**ETRUS Episcopus Alexandriæ , post Theónam virum sanctíssimum, sanctitátis et doctrinæ splendóre

non solum illustrávit Ægyptum , sed toti luxit Ecclésiæ Dei. Qui in persecutióne Maximiani Galerii illam téporum acerbítatem ita pértulit, ut multi admirábilem ejus patiéntiam intuéntes , plúrimum in christiána virtúte proficerent. Is primus Arium Diáconum Alexandrinum , propter schisma Meletianum , cui favébat , a fidélium comunióne sejúnxit. Ad eum cápitis ab eódem Maximiano damnátum in cárcere cum Achillas et Alexánder presbyteri deprecátóres Arii veníssent , respóndit, noctu apparuisse sibi Jesum veste discíssa, causámque rei sciscitánti dixisse : Arius vestem meam, quæ est Ecclésiá , dilacerávit. Quibus étiam prædicens fore , ut sibi in Episcopátu succéderent, præcépit, ne unquam Arium in comuniónem reciperent , quem Deo mórtuum esse scirent. Et hanc divínam prænotiódinem veram fuisse, non diu post rei probávit événtus. Dénique duodécimo sui Episcopátus anno, sexto Kaléndas Decémbris , abscísso cápite , ad martyrii corónam evolávit. Te Deum laudámus. 17.

**DIE XXIX. NOVEMBRIS.**

*S. Saturnini Mart. Com.*

*Ad Vesperas.*

*Añã. Iste Sanctus. V. Glória.*



## Oratio.

**D**EUS, qui nos beáti Saturnini Mártiris tui concédís natalitio pérfrui : ejus nos tribue méritis adjuvári. Per Dóminum.

## IN VIGILIA

S. Andreæ Apostoli.

Officium fit de FERIA, ut dictum est in Rubricis generalibus, cum Homilia et Oratione de Vigilia, ut infra.

Si Festum S. Andreæ venerit FERIA ij., de Vigilia fit Offic. in Sabbato præced., et com. S. Saturnini in Dñica.

Lectio sancti Evangélíi secundum Joánnem.

Lectio j. Cap. 1. c

**I**N illo témpore : Stabat Joánnes, et ex discipulis ejus duo. Et respiciens Jesum ambulátem, dicit : Ecce Agnus Dei. Et réliqua.

Homilia sancti Augustíni Episcopi.

Tract. 7. in Joan. post init.

**Q**UIA talis erat Joánnes amicus sponsi, non quærébat glóriam suam, sed testimónium perhibébat veritáti. Numquid vóluit apud seremanére discipulos suos, ut non sequeréntur Dóminum? Magis ipse osténdit discipulis suis quem sequeréntur : habébant enim illum tamquam Agnum. Et ille : Quid me atténditis? Ego non sum Agnus. Ecce Agnus Dei. De quo et supérus dixerat : Ecce Agnus

Dei. Et quid nobis prodest Agnus Dei? Ecce, ait, qui tollit peccátum mundi. Secúti sunt illum, hoc audito, duo, qui erant cum Joánnem. *RR. de FERIA occurr.*

Lectio ij.

**V**IDEAMUS sequéntia. Ecce Agnus Dei. Hoc Joánnes. Et audiérunt cum duo discipuli loquéntem, et secúti sunt Jesum. Non sic illum sequebántur, quasi jam ut inhærerent illi : nam manifestum est, quando illi inhæsérunt, quia de navi eos vocávit. In his enim duóbus erat Andréas, sicut modo audístis. Andréas autem frater Petri erat. Et nóvimus in Evangélíio, quod Petrum et Andréam Dóminus de navi vocávit, dicens : Veníte post me, et fáciam vos piscatóres hóminum. Et ex illo jam inhæsérunt illi, ut non recéderent.

Lectio iij.

**M**ODO ergo quod illum sequúntur isti duo, non quasi non recessúri sequúntur, sed vidére voluérunt ubi habitáret, et fácere quod scriptum est : Limen ostiórum ejus éxerat pes tuus : surge ad illum veníre assidue, et erudíre præcéptis ejus. Osténdit eis ille ubi manéret : venérunt, et fuérunt cum illo. Quam beátum diem duxérunt, quam beátam noctem! Quis est, qui

nobis dicat, quæ audierint illi a Dómino? Ædificémus et nosmetipsi in corde nostro, et faciámus domum, quo véniat ille, et dóceat nos, et colloquátur nobis.

*Ad Laudes ut in Psalt. Et dicuntur Preces feriales flexis genibus, ut 64.*

*Oratio.*

**Q**UÆSUMUS, omnipotens Deus: ut beátus Andréas Apóstolus, cujus prævenimus festivitatem, tuum pro nobis implóret auxilium; ut a nostris reátibus absolúti, a cunctis étiam perículis cruámur. Per Dóminum.

*Deinde pro com. S. Saturnini, Aña. Qui odit. V. Justus. Oratio. Deus, qui. 500.*

*Extra Advent. com. de Cruco, cum reliquis. 156.*

**DIE XXX. NOVEMBRIS.**

*In Festo S. Andreae, Apostoli.*

*Duplex ij. classis.*

*Ad Vesp. Añæ de Laud. Psalmi de Dñica. 134. et loco ult., Ps. Laudáte Dóminum, omnes gentes. 438.*

*Capitulum. Rom. 10. b*

**F**RATRES, Corde enim créditur ad justítiam: ore autem conféssio fit ad salutem. Dicit enim Scriptúra: Omnis, qui credit in illum, non confundétur.

*Hymnus et V. de Comuni Apost.*

*Ad Magnificat, Aña.*

*Unus ex duóbus, qui secúti*

sunt Dóminum, erat Andréas, frater Simónis Petri, allelúia.

*Oratio.*

**M**AJESTATEM tuam, Dómine, suppliciter exorámus: ut, sicut Ecclésiæ tuæ beátus Andréas Apóstolus éxitit prædicátor et rector, ita apud te sit pro nobis perpétuus intercésor. Per Dóminum.

*Ad Matutinum, Invitat. Regem Apostolorum Dóminum, \* Veníte adorémus. Psalm. Veníte e. 2.*

*Hymn. Æterna Christi. iij.*

*In primo Nocturno.*

*Aña. Vidit Dóminus Petrum et Andréam, et vocávit eos. Ps. de Comm. Apost. iij.*

*Aña. Veníte post me, dicit Dóminus, fáciam vos fieri piscatóres hóminum.*

*Aña. Relictis rétibus suis, secúti sunt Dóminum Redemptórem.*

*V. In omnem terram exívit sonus eórum. R. Et in fines orbis terræ verba eórum.*

*De Epístola beáti Pauli Apostoli ad Romános.*

*LECTIO j. Cap. 10.*

**F**INIS legis, Christus ad justítiam omni credénti. Moyses enim scripsit, quóniam justítiam, quæ ex lege est, qui fécerit homo, vivet in ea. Quæ autem ex fide est justítia, sic dicit: Ne dixeris in corde tuo: Quis ascéndet in cœlum? id est,

Christum deducere. Aut quis descendet in abyssum? hoc est, Christum a mortuis revocare. Sed quid dicit Scriptura? Prope est verbum in ore tuo, et in corde tuo: hoc est verbum fidei, quod predicamus. Quia si confitearis in ore tuo Dominum Jesum, et in corde tuo credideris, quod Deus illum suscitavit a mortuis, salvus eris.

**R.** Cum perambularet Dominus juxta mare Galilææ, vidit Petrum et Andréam rétia mittentes in mare, et vocavit eos, dicens: \* Venite post me, faciam vos fieri piscatores hominum. **V.** Erant enim piscatores, et ait illis. Venite.

*Lectio ij.*

**C**ORDE enim creditur ad justitiam: ore autem confessio fit ad salutem. Dicit enim Scriptura: Omnis, qui credit in illum, non confundetur. Non enim est distinctio Judæi et Græci: nam idem Dominus omnium, dives in omnes qui invocant illum. Omnis enim quicumque invocaverit nomen Domini, salvus erit. Quomodo ergo invocabunt, in quem non crediderunt? Aut quomodo credent ei, quem non audierunt? Quomodo autem audient sine predicante? Quomodo vero predicabunt nisi mittan-

tur? sicut scriptum est: Quam speciosi pedes evangelizantium pacem, evangelizantium bona!

**R.** Mox ut vocem Domini predicantis audivit beatus Andréas, relletis rétibus, quorum usu actûque vivebat, \* Æternæ vitæ secutus est præmia largientem.

**V.** Hic est qui pro amore Christi pependit in cruce: et pro lege ejus sustinuit passionem. Æternæ.

*Lectio iij.*

**S**ED non omnes obediunt Evangelio. Isaías enim dicit: Domine, quis credidit auditui nostro? Ergo fides ex auditu, auditus autem per verbum Christi. Sed dico: Numquid non audierunt? Et quidem in omnem terram exivit sonus eorum, et in fines orbis terræ verba eorum. Sed dico: Numquid Israel non cognovit? Primus Moyses dicit: Ego ad æmulationem vos adducam in non gentem: in gentem insipientem, in iram vos mittam. Isaías autem audet, et dicit: Inventus sum a non quærentibus me: palam apparui iis, qui me non interrogabant. Ad Israel autem dicit: Tota die expandi manus meas ad populum non credentem, et contradicentem.

**R.** Doctor bonus, et amicus Dei Andréas ducitur ad crucem; quam a longe aspi-

ciens, dixit : Salve crux, \*  
 Sûscipe discipulum ejus,  
 qui pepéndit in te, magister,  
 meus Christus. *ſ.* Salve  
 crux, quæ in corpore Chri-  
 sti dedicâta es : et ex mem-  
 bris ejus tamquam margari-  
 tis ornâta. Sûscipe. *Gloria*  
 Patri. Sûscipe.

*In secundo Nocturno.*

*Añã.* Dignum sibi Dómi-  
 nus computâvit mártirem,  
 quem vocâvit Apóstolum,  
 dum esset in mari, allelúia.

*Añã.* Diléxit Andréam Dó-  
 minus in odórem suavitâtis.

*Añã.* Bîduo vivens pendé-  
 bat in cruce beátus Andréas  
 pro Christi nómine, et do-  
 cébat pópulum.

*ſ.* Constitues eos princi-  
 pes super omnem terram.

*R.* Mémoires erunt nóminis  
 tui, Dómine.

*Lectio iv.*

**A**NDREAS Apóstolus Beth-  
 saidæ natus, qui est  
 Galilææ vicus, frater Petri,  
 discipulus Joánnis Baptistæ,  
 cum eum de Christo dicén-  
 tem audisset : Ecce Agnus  
 Dei: secútus Jesum, fratrem  
 quoque suum ad eúmdem  
 perdúxit. Cum póstea una  
 cum fratre piscarétur in  
 mari Galilææ, ambo a præ-  
 tereúnte Christo Dómino  
 ante álios Apóstolos vocâti  
 illis verbis : Veníte post me,  
 fáciam vos fieri piscatóres  
 hóminum ; nullam interpo-  
 nóntes moram, et relíctis

rétibus, secúti sunt eum.  
 Post cujus passiónem et re-  
 surrecciónem Andréas, cum  
 in Scythiam Európæ, quæ  
 ei província ad Christi fidem  
 disseminándam obtígerat,  
 venisset, deínde Epírum  
 ac Thráciâ peragrâsset,  
 doctrína et miráculis innu-  
 merábiles hómines ad Chri-  
 stum convértit. Post Patras  
 Acháie proféctus, et in ea  
 urbe plúrimis ad veritâtem  
 evangélicam perdúctis, Æ-  
 géam Procónsulem, prædi-  
 cationi evangélicæ resistén-  
 tem, libérrime increpâvit,  
 quod, qui judex hóminum  
 habéri vellet, Christū Deum  
 ómnium júdicem a dæmóni-  
 bus elúsus non agnósceret.

*R.* Homo Dei ducebâtur ut  
 crucifigerent eum : pópulus  
 autem clamâbat voce magna,  
 dicens : \* Innocensejus san-  
 guis sine causa damnâtur. *ſ.*  
 Cumque dúcerent eū ut cru-  
 cifigerétur, factus est concúr-  
 sus populórum clamántium,  
 et dicéntium. Innocens.

*Lectio v.*

**T**UM Ægéas irátus, Désine,  
 inquit, Christum jactâre,  
 cui simília verba nihil pro-  
 fuérunt, quo minus a Judæis  
 crucifigerétur. Andréam vero  
 de Christo nihilóminus libe-  
 re prædicântem, quod pro  
 salúte humáni géneris se  
 crucifigéndum obtulisset,  
 ímpia oratione interpéllat,  
 ac demum hortâtur, ut sibi

cōsulens, diis velit immolare. Cui Andréas: Ego omnipotēti Deo, qui unus et verus est, immolo quotidie, non taurorum carnes, nec hircorum sāguinem, sed immaculātum Agnum in altāri: cujus carnem posteaquam omnis pōpulus credētiū manducāverit, Agnus qui sacrificātus est, integer perseverat et vivus. Quamōbrem ira accēsus Ægēas, jubet eum in cárcerem detrūdi: unde pōpulus Andréam fáciie liberāset, nisi ipse sedāset multitudinem, vehemētius rogans, ne se ad optatissimam martyrii corōnam properāntem impedirent.

**R.** O bona crux, quæ decorem et pulchritudinem de membris Dómini suscepisti, accipe me ab hominibus, et redde me Magistro meo: \* Ut per te me recípiat, qui per te me redémit. **Ÿ.** Beātus Andréas expānsis mánibus ad cœlum orábat, dicens: Salva me, bona crux. Ut.

### Lectio vj.

**I**GITUR paulo post in tribūnal prodūctum, cum Ægēas crucis extollētem mystéria, sibique suam impietātem exprobrāntem, diūtius ferre non posset, in crucem tolli, et Christi mortem imitāri jussit. Addūctus Andréas ad locum martyrii, cum crucem vidisset, longe

exclamāre cœpit: O bona crux, quæ decorem ex membris Dómini suscepisti, diu desiderāta, sollicitē amāta, sine intermissione quæsita, et aliquādo cupiēti ánimo præparāta: accipe me ab hominibus, et redde me magistro meo: ut per te me recípiat, qui per te me redémit. Itaque cruci affixus est: in qua bídium vivus pendens, et Christi fidem prædicāre nunquam intermíttens, ad eum migrávit, cujus mortis similitudinem concupierat. Quæ ómnia Presbyteri et Diáconi Acháia, qui ejus passiōem scripsérunt, se ita ut commemorāta sunt, audisse et vidisse testántur. Ejus ossa primum, Constantino Imperátore, Constantinópolis, deinde Amálphim translāta sunt. Caput, Pio Secúndo Pontífice, Romam allātum in Basílica sancti Petri collocātum est.

**R.** Expāndi manus meas tota die in cruce ad pōpulum non credētem, sed contradicētem mihi: \* Qui ámbulant vias non bonas, sed post peccāta sua. **Ÿ.** Deus ultiónum Dóminus, Deus ultiónum libere egit: exaltāre qui júdicas terrām, redde retributiōnem superbis. Qui. **G**lória Patri. Qui.

### In tertio Nocturno.

**Añā.** Non me permittas,

Dómine, famulum tuum a te separári : tempus est ut commendétur terræ corpus meum, et me ad te veníre júbeas.

**Añã.** Andræas vero rogábat pópulum, ut non impedíret passiónem ipsíus.

**Añã.** Accipe me ab homínibus, et redde me magistro meo : ut per te me recípiat, qui per te me redémit, allel.

**V.** Nimis honoráti sunt amici tui, Deus. **R.** Nimis confortátus est principátus eórum.

**Lectio sancti Evangélii**  
secúndum Matthæum.

**Lectio vii. Cap. 4. c**

**I**N illo témpore : Ambulans Jesus juxta mare Galilææ, vidit duos fratres, Simónem, qui vocátur Petrus, et Andræam fratrem ejus, mitténtes rete in mare. Et reliqua. Homília S. Gregórii Papæ.

*Homília S. in Evang.*

**A**UDISTIS, fratres charíssimi, quia ad uníus jussiónis vocem Petrus et Andræas, relictis rétibus, secúti sunt Redemptórem Nulla vero hunc fácere adhuc mirácula viderant, nihil ab eo de præmio æternæ retributiónis audierant : et tamen ad unū Dómini præcéptum, hoc quod possidére videbántur, obliti sunt. Quanta nos ejus mirácula vidémus, quot flagéllis affligimur, quantis minárum asperitátibus

deterrémur, et tamen vocántem sequi contémnimus !

**R.** Orávit sanctus Andræas, dum respíceret in cælum, et voce magna clamávit, et dixit : Tu es Deus meus, quem vidi : ne me patiáris ab ímpio júdice depóni : \* Quia virtútem sanctæ crucis agnóvi. **V.** Tu est magister meus Christus, quem diléxi, quem cognóvi, quem confessus sum : tantúmmodo in ista voce exáudi me. Quia.

**Lectio viij.**

**I**N cælo jam sedet, qui de conversiône nos ádmonet : jam iugo fidei colla Géntium súbdidit, jam mundi glóriam stravít : jam ruínis ejus crebrescéntibus, districti sui júdicii diem propinquántem denúnciat : et tamen supérba mens nostra adhuc non vult hoc sponte desérere, quod quotidie perdit invíta. Quid ergo, fratres charíssimi, quid in ejus júdicio dictúri sumus, qui ab amóre præsentis sæculi nec præcéptis fléctimur, nec verbéribus emendámur? **R.** Videns crucem Andræas exclamávit, dicens : O crux admirábilis, o crux desiderábilis, o crux quæ per totum mundum rútilas ! \* Súscepe discipulum Christi, ac per te me recípiat, qui per te móriens me redémit. **V.** O bona crux, quæ decórem et pulchritúdinem de mem-



bris Dómini suscepisti. Súscipe. *Gloria Patri. Súscipe.*

*Lectio ix.*

**S**ED fortásse aliquis tãcitis sibi cogitationibus dicat : Ad vocem dominicam utérque iste piscátor quid, aut quantum dimisit, qui pene nihil hábit? Sed hac in re, fratres charissimi, affectum debémus pótius pensare, quam censum. Multum reliquit, qui sibi nihil retinuit : multum reliquit, qui quantumlibet parum, totum deseruit. Certe nos et hábita cum amore possidémus, et ea quæ minime habémus, ex desiderio quærimus. Multum ergo Petrus et Andréas dimisit, quando utérque étiam desideria habéndi dereliquit.

*Te Deum laudámus. 17.*

**AD LAUDES,**

*et per Horas, Añæ.*

1. Salve, crux pretiósá, súscipe discipulum ejus, qui pepéndit in te Magister meus Christus. *Ps. Dóminus regnávít, cum reliquiis. 18.*

2. Beátus Andréas orábat, dicens : Dómine Rex æternæ glóriæ, súscipe me pendéntem in patíbulo.

3. Andréas Christi fámulus, dignus Dei Apóstolus, germanus Petri, et in passióne sócius.

4. Maximilla Christo amábilis, tulit corpus Apóstoli, óptimo loco cum aromátibus sepelivit.

5. Qui persequébántur justum demersísti eos, Dómine, in inférno, et in ligno crucis dux justí fuísti.

*Capitulum. Rom. 10. b*

**F**RATRES, Corde enim créditur ad justítiam : ore autem conféssio fit ad salutem. Dicit enim Scriptúra : Omnis, qui credit in illum, non confundétur.

*Hym. Exúltet, de Comm. xiiij.*

Ÿ. Annuntiavérunt ópera Dei. *R.* Et facta ejus intellexérunt.

*Ad Benedictus, Añæ.*

Concéde nobis hóminem justum, redde nobis hóminem sanctum ; ne interficias hóminem Deo charum, justum, mansuétum, et pium.

*Oratio.*

**M**AJESTATEM tuam, Dómine, suppliciter exorámus : ut, sicut Ecclésiæ tuæ beátus Andréas Apóstolus exstítit prædicátor et rector, ita apud te sit pro nobis perpétuus intercéssor. Per Dñum.

*Ad Tertiam, Añæ.*

Beátus Andréas.

*Cap. Fratres, Corde. sup. R. br.* In omnem terram \* exívit sonus eórum. *In. Ÿ.* Et in fines orbis terræ verba eórum. Exívit. *Gloria Patri. In. v.* Constitues eos principes super omnem terram.

*R.* Mémores erunt nóminis tui, Dómine.

*Ad Sextam, Añæ.*

Andréas Christi fámulus.

*Capitulum. Rom. 10. c*

**N**ON enim est distinctio Judæi et Græci : nam idem Dñus omnium, dives in omnes qui invocant illum. Omnis enim quicumque invocaverit nomen Dñi, salvus erit.

**R. br.** Constitues eos principes \* Super omnem terram. Constitues. **V.** Mémores erunt nòminis tui, Dñmine. Super. **Glória Patri.** Constitues **V.** Nimis honorati sunt amici tui, Deus. **R.** Nimis confortatus est principatus eorum.

*Ad Nonam. Añæ.*

Qui persequébantur justum.

*Capitulum. Rom. 10. c*

**I**SAIAS enim dicit : Dñmine, quis credidit auditui nostro ? Ergo fides ex auditu, auditus autem per verbum Christi. Sed dico : Numquid non audiérunt ? Et quidem in omnem terram exivit sonus eorum, et in fines orbis terræ verba eorum.

**R. br.** Nimis honorati sunt \* Amici tui, Deus. Nimis. **V.** Nimis confortatus est principatus eorum. Amici. **Glória Patri.** Nimis. **V.** Annuntiavérunt ópera Dei. **R.** Et facta ejus intellexérunt.

*Ad Vesp. Añæ de Laud. Psalmi ut in ij. Vesperis de Comm. Apost. xiv.*

*Cap. Fratres, Corde. 506.*

*Hymn. Exúltet. xij.*

**V.** Annuntiavérunt ópera

Dei. **R.** Et facta ejus intellexérunt.

*Ad Magnificat, Añæ.*

Cum pervenisset beátus Andréas ad locum, ubi crux parata erat, exclamavit et dixit : O bona crux, diu desiderata, et jam concupiscénti ánimo præparata ! securus et gaudens vénio ad te, ita et tu exúltans suscipias me discipulum ejus, qui pepéndit in te.

**FESTA DECEMBRIS.**

*Ante Adventum prima die non impedita dicitur Officium Defunctorum.*

**DIE II. DECEMBRIS.**

*In Festo S. Bibianæ, Virg. et Martyris.*

*Semiduplex.*

*Omnia de Comm. Virg. xcij. præter seq.*

*Oratio.*

**D**EUS, omnium largitor bonorum, qui in fámula tua Bibiána cum virginitatis flore martyrii, palmam conjunxisti : mentes nostras, ejus intercessióne, tibi charitate conjunge ; ut, amotis periculis, præmia consequámur ætérna. Per Dñm.

*In j. Nocturno Lectiones de Scriptura occurrente.*

*In secundo Nocturno.*

*Lectio Iv.*

**B**IBIANA virgo Romána, nóbili génere nata, christiána fide nobilior fuit. Ejus enim pater Flaviánus sub Juliáno apóstata im-

piissimo tyrânno Expræfêctus, servilibusque notis compunctus, ad aquas Taurinas deportatus, martyr occubuit. Mater Dafrôsa, et filia primū conclusæ domi, ut inedia conficerentur: mox relegata Mater extra Urbem capite plexa est. Mòrtuis autem piis paréntibus, Bibiana cum sorore sua Demétria bonis omnibus expoliatur. Aproníanus, Urbis Prætor, pecuniis inhians, sorores perséquitur: quas humana prorsus ope destitutas, Deo mirabiliter, qui dat escam esuriéntibus, enutriente, cum vivacióres vegetiorésque conspexisset, veheménter est admirátus.

℞. Propter veritatem.

**Lectio v.**

**S**UADET nihilóminus Aproníanus, ut veneréntur deos Géntium, amissas ideo opes, Imperatóris grátiam, præclaríssimas nuptias consecuturæ. Si secus fécerint, minatur cárcerès, virgas, secures. At illæ neque blanditiis, neque minis a recta fide declinantes, paratæ pótius mori, quam fœdari móribus ethnicórum, Prætoris impietatem constantissime detestántur. Quare Demétria ob óculos Bibianæ repénite córruens, obiit in Dómino: Bibiana Rufinæ mulieri vaferrimæ seducenda tráditur: quæ ab

incunábulis edócta christiánas leges, et illibátum servare virginitátis florem, se ipsa fórtior, féminae superávit insídias, et Prætoris astus delúsit.

℞. Dilexisti justitiam.

**Lectio yj.**

**N**IHIL autem proficiente Rufina, quæ, præter dolosa verba, illam quotidie verbéribus affligébat, ut de sancto propósito dimovéret, spe sua frustrátus Prætor, accénsus ira, quod in Bibiana perdidisset óperam, a lictóribus eam denudári, vinctisque manibus columinæ alligári, eamque plumbatis cædi jubet, donec efflaret animam. Cujus sacrum corpus obiectum canibus bídúo jácuit in foro Tauri, illæsum tamen, et divinitus servátum; quod deinde Joánnes Présbyter sepelivit noctu juxta sepulchrum sororis et matris ad palatium Liciniánum, ubi usque in præsens exstat. Ecclesiá Deo, sanctæ Bibianæ nómine, dicata: quam Urbanus Octávus instaurávit, sanctarum Bibianæ, Demétria, et Dafrôsæ corpóribus in ea repértis, et sub ara máxima collocátis.

℞. Afferéntur Regi.

In ij. Noct. Hom. in Evang. Simile est, de Comm. non Virginum. cxv. cum ℞℞. de Comm. Virg. cv.

# COMMUNE

## SANCTORUM.

---

IN VIGILIIS APOST.

*Officium fit de Feria, ut dictum est in Rubricis generalibus, exceptis Lectionibus, et Orat. quæ in propriis locis notantur. Ubi vero non sunt propriæ Lectiones, legitur Evangelium cum Homilia sequenti.*

*Lectio sancti Evangelii secundum Joannem.*

*Lectio j. Cap. 15. b*

**I**N illo tempore : Dixit Jesus discipulis suis : Hoc est præceptum meum, ut diligatis invicem, sicut dilexi vos. Et reliqua.

*Homilia sancti Gregorii Papæ.*

*Homilia 27. in Evang.*

**C**UM cuncta sacra eloquia dominicis plena sint præceptis, quid est, quod de dilectione, quasi de singulari mandato, Dominus dicit : Hoc est præceptum meum ut diligatis invicem : nisi quia omne mandatum de sola dilectione est : et omnia unum præceptum sunt ? quia quidquid præcipitur, in sola charitate solidatur. Ut enim multi arbo-

ris rami ex una radice procedunt : sic multæ virtutes ex una charitate generantur. Nec habet aliquid viriditatis ramus boni operis, si non manet in radice charitatis.

*Responsoria de Feria pro tempore.*

*Lectio ij.*

**P**RÆCEPTA ergo dominica et multa sunt, et unum : multa per diversitatem operis, unum in radice dilectionis. Quáliter autem ista dilectio tenenda sit, ipse insinuat, qui in plerisque Scripturæ suæ sententiis et amicos jubet diligere in se, et inimicos propter se. Ille enim veraciter charitatem habet, qui et amicum diligit in Deo, et inimicum diligit propter Deum. Nam sunt nonnulli, qui diligunt proximos, sed per affectum cognitionis et carnis : quibus tamen in hac dilectione sacra eloquia non contradicunt : sed aliud est quod sponte impenditur naturæ, aliud quod præceptis dominicis ex charitate debetur obedientiæ.

## Lectio iij.

**N**imírum et próximum diligunt, et tamen illa sublimia dilectiónis præmia non assequuntur: quia amorem suum non spiritaliter, sed carnaliter impendunt. Proinde cum Dóminus diceret: Hoc est præceptum meum, ut diligátis invicem: prótinus addidit: Sicut dilexi vos: ac si aperte dicat: Ad hoc amáte, ad quod amavi vos. Qua in re, fratres charíssimi, solérter intuendum est, quod antiquus hostis, dum mentem nostram ad rerum temporalium dilectiónem trahit, infirmiórem contra nos próximum excitat, qui ea ipsa, quæ diligimus, auferre moliatur.

## COMMUNE

## APOSTOLORUM ET EVANG.

*Ad Vesperas, Añã.* Hoc est præceptum, *cum reliq. de Laud. Ps. Dixit Dóminus, cum reliq. de Dñica. 134. et loco ult., Ps. Laudate Dóminum, omnes gentes. 138.*

*Capitulum. Ephes. 2. d*

**F**RATRES, Jam non estis hóspites, et advenæ: sed estis cives sanctórum, et doméstici Dei: superædificáti super fundaméntum Apostolorum et Prophetárum, ipso summo angulári lapide Christo Jesu. *R. Deo grátias.*

## Hymnus.

**EXULTET** orbis gaudiis:  
Cælum resúltet láudibus:

Apostolorum glóriam  
Tellus et astra concinunt.  
*Vos sæculórum Júdices,*  
Et vera mundi lúmina,  
Votis precámur córdium,  
Audite voces súpplicum.  
*Qui templa cœli cláuditis,*  
Serásque verbo sólvitis,  
Nos a reátu nóxios  
Solvi jubéte, quæsumus.  
*Præcepta quorum prótinus*  
Languor salúsque sentiunt,  
Sanáte mentes lánguidas;  
Augéte nos virtútibus.  
*Ut, cum redíbit Arbiter*  
In fine Christus sæculi,  
Nos sempitérni gáudii  
Concédat esse cómpotes.  
*Patri, simúlque Filio,*  
Tibique, sancte Spíritus,  
Sicut fuit, sit jūgiter  
Sæclum per omne glória.  
Amen.

*V. In omnem terram exívit sonus eórum. R. Et in fines orbis terræ verba eórum.*

*Ad Magnificat, Añã.*

Tradent enim vos in conciliis, et in synagógis suis flagellábunt vos, et ante reges et præsides ducémini propter me, in testimónium illis, et géntibus.

*Oratio propria.**Ad Matutinum, Invitat.*

Regem Apostolorum Dóminum, \* Veníte, adorémus.  
*Ps. Veníte, exultémus. 2.*

## Hymnus.

**A**ETERNA Christi múnera  
Apostolorum glóriam  
Palmas et hymnos débítos  
Lætis canámus méntibus.

Ecclesiárum Príncipes,  
Belli triumpháles Duces,  
Cœléstis aulæ milites,  
Et vera mundi lúmina.

Devóta Sanctórum Fides,  
Invícta Spes credéntium,  
Perfécta Christi Cháritas  
Mundi tyránnum cónterit.

In his Patérna glória,  
In his triúmphat Fílius,  
In his volúntas Spíritus,  
Cœlum replétur gáudio.

Patri, simúlque Fílio,  
Tibíque, sancte Spíritus,  
Sicut fuit, sit júgiter  
Sæclum per omne glória.

Amen.

## In primo Nocturno.

**Añã.** In omnem terram \* ex-  
ívit sonus eórum, et in fines  
orbis terræ verba eórum.

## Psalmus 18.

**C**OELI enarrant glóriam  
Dei, \* et ópera mánuum  
ejus annúntiat firmamén-  
tum.

Dies diéi erúctat verbum,  
\* et nox nocti índicat scién-  
tiam.

Non sunt loquélæ, neque  
sermónes, \* quorum non  
audiántur voces eórum.

In omnem terram exívit so-  
nus eórum: \* et in fines  
orbis terræ verba eórum.

In sole pósuit tabernácu-  
lum suum: \* et ipse tam-

quam sponsus procédens de  
thálamo suo:

Exultávit ut gigas ad cur-  
réndam viam, \* a summo  
cœlo egréssio ejus:

Et occúrsus ejus usque ad  
summum ejus: \* nec est qui  
se abscondat a calóre ejus.

Lex Dómini immaculáta,  
convértens ánimas: \* te-  
stimónium Dómini fidéle,  
sapiéntiam præstans pár-  
vulis.

Iustitiæ Dómini rectæ, læ-  
tificántes corda: \* præcé-  
ptum Dómini lúcidum, illú-  
minans óculos.

Timor Dómini sanctus, pér-  
manens in sæculum sæcu-  
li: \* judicia Dómini vera,  
justificáta in semetípsa.

Desiderabilia super aurum  
et lápidem pretiósus mul-  
tum: \* et dulcióra super  
mel et favum.

Etenim servus tuus custódit  
ea, \* in custodiéndis illis  
retribútio multa.

Delicta quis intélligit? ab  
occúltis meis munda me: \*  
et ab aliénis parce servo tuo.

Si mei non fúerint domi-  
nāti, tunc immaculátus ero:  
\* et emundábor a delicto  
máximo.

Et erunt ut compláceant  
elóquia oris mei: \* et me-  
ditátio cordis mei in con-  
spéctu tuo semper.

Dómine, adjútor meus, \* et  
redémptor meus.

**Añã.** In omnem terram ex-



ivit sonus eorum, et in fines orbis terræ verba eorum.

**Añã.** Clamaverunt \* justi, et Dominus exaudivit eos.

**Psalmus 33.**

**B**ENEDICAM Dominum in omni tempore : \* semper laus ejus in ore meo.

**I**n Domino laudabitur anima mea : \* audiant mansueti, et lætentur.

**M**agnificate Dominum mecum : \* et exaltemus nomen ejus in idipsum.

**E**xquisivi Dominum, et exaudivit me : \* et ex omnibus tribulationibus meis eripuit me.

**A**ccédite ad eum, et illuminamini : \* et facies vestræ non confundentur.

**I**ste pauper clamavit, et Dominus exaudivit eum : \* et de omnibus tribulationibus ejus salvavit eum.

**I**mmittet Angelus Domini in circuitu timéntium eum : \* et eripiet eos.

**G**ustate, et videte quóniam suavis est Dominus : \* beatus vir, qui sperat in eo.

**T**imete Dominum omnes sancti ejus : \* quóniam non est inópia timéntibus eum.

**D**ivites eguerunt et esurierunt : \* inquirentes autem Dominum non minuéntur omni bono.

**V**enite, filii, audite me : \* timorem Domini docébo vos.

**Q**uis est homo qui vult vitã : \* diligit dies vidére bonos ?

**P**rohibe linguam tuam a malo : \* et labia tua ne loquantur dolum.

**D**iverte a malo, et fac bonum : \* inquire pacem, et perséquare eam.

**O**culi Domini super justos : \* et aures ejus in preces eorum.

**V**ultus autem Domini super facientes mala : \* ut perdat de terra memóriam eorum.

**C**lamaverunt justi, et Dominus exaudivit eos : \* et ex omnibus tribulationibus eorum liberavit eos.

**J**uxta est Dominus iis, qui tribulato sunt corde : \* et humiles spiritu salvabit.

**M**ultæ tribulationes justorum : \* et de omnibus his liberabit eos Dominus.

**C**ustodit Dominus omnia ossa eorum : \* unum ex his non conteretur.

**M**ors peccatorum péssima : \* et qui odérunt justum, delinquent.

**R**édimet Dominus animas servorum suorum : \* et non delinquent omnes, qui sperant in eo.

**Añã.** Clamaverunt justi, et Dominus exaudivit eos:

**Añã.** Constitues eos principes \* super omnem terram : memores erunt nominis tui, Domine.

**Psalmus 44.**

**E**RUCTAVIT cor meum verbum bonum : \* dico ego ópera mea Regi.

Lingua mea calamus scribæ, \* velociter scribentis.

Speciosus forma præ filiis hominum, diffusa est gratia in labiis tuis : \* propterea benedixit te Deus in æternū.

Accingere gladio tuo super femur tuum, \* potentissime.

Specie tua et pulchritudine tua \* intende, prospere procede, et regna.

Propter veritatem, et mansuetudinem, et justitiam : \* et deducet te mirabiliter dextera tua.

Sagittæ tuæ acutæ, \* populi sub te cadent : \* in corda inimicorum regis.

Sedes tua, Deus, in sæculum sæculi : \* virga directionis virga regni tui.

Dilexisti justitiam, et odisti iniquitatem : \* propterea unxit te Deus, Deus tuus, oleo lætitiæ præ consortibus tuis.

Myrrha, et gutta, et casia a vestimentis tuis, a domibus eburneis : \* ex quibus delectaverunt te filiae regum in honore tuo.

Astitit regina a dextris tuis in vestitu deaurato : \* circumdata varietate.

Audi, filia, et vide, et inclina aurem tuam : \* et obliviscere populum tuum, et domum patris tui.

Et concupiscet Rex decorem tuum : \* quoniam ipse est Dominus Deus tuus, et adorabunt eum.

Et filiae Tyri in munéribus \* vultum tuum deprecabuntur : omnes divites plebis.

Omnis glória ejus filiae Regis ab intus, \* in fimbriis aureis circumamicta varietatibus.

Adducéntur Regi virgines post eam : \* proximæ ejus afferéntur tibi.

Afferéntur in lætitia et exultatione : \* adducéntur in templum Regis.

Pro patribus tuis nati sunt tibi filii : \* constitues eos principes super omnem terram.

Mémores erunt nominis tui : \* in omni generatione et generationem.

Propterea populi confitebúntur tibi in æternum : \* et in sæculum sæculi.

**Añā.** Constitues eos principes super omnem terram : mémores erunt nominis tui, Dómine. **ŷ.** In omnem terram exivit sonus eorum. **iv.** Et in fines orbis terræ verba eorum. **I**ater noster.

**Absolutio.** Exáudi, Dómine.

**ŷ.** Jube, domne. **Bened.** Benedictione perpétua.

**Lectiones de Scriptura positæ in Communi Sanctorum, leguntur quando annotantur in Proprio Sanctorum per annum, et quando contingit fieri Officium de aliquo Sancto illis diebus, in quibus in Officio Feriæ non ponuntur Lectiones de Scriptura.**

sed tantum de Homilia, et quando aliquod Festum solemniter celebratur in propria Ecclesia.

De Epístola prima beáti Pauli Apóstoli ad Corínthios.

*Lectio j. Cap. 4.*

**S**ic nos exístimet homo ut ministros Christi, et dispensatóres mysteriórum Dei. Hic jam quæritur inter dispensatóres, ut fidélis quis inveniátur. Mihi autem pro mínimo est ut a vobis júdiceer, aut ab humano die: sed neque meípsum júdico. Nihil enim mihi cóncius sum: sed non in hoc justificátus sum: qui autem júdicat me, Dóminus est. Itaque nolíte ante tempus júdicáre, quoadúsque véniat Dóminus: qui et illuminábit abscóndita tenebrárum, et manifestábit consilia córdium; et tunc laus erit unicuíque a Deo.

*ñ.* Ecce ego mitto vos sicut oves in médio lupórum, dicit Dóminus: \* Estóte ergo prudéntes sicut serpéntes, et simplices sicut colúmbæ. *ñ.* Dum lucem habétis, créдите in lucem, ut filii lucis sitis. Estóte. *Bened.* Unigénitus Dei Filius.

*Lectio ij.*

**H**æc autem, fratres, transfigurávi in me et Apóllo, propter vos: ut in nobis discátis, ne supra quam scriptum est, unus advér-

sus álterum inflétur pro álio. Quis enim te discérnit? Quid autem habes, quod non accepísti? Si autem accepísti, quid gloriáris quasi non accéperis? Jam saturáti estis, jam dívites facti estis: sine nobis regnáti: et útinam regnéti, ut et nos vobiscum regnémus. Puto enim quod Deus nos Apóstolos novíssimos osténdit, tamquam morti destinátos: quia spectáculum facti sumus mundo, et Angelis, et hominibus.

*ñ.* Tóllite jugum meum super vos, dicit Dóminus, et discite a me, quia mitis sum, et húmilis corde: \* Jugum enim meum suáve est, et onus meum leve. *ñ.* Et inveniétis réquiem animabus vestris. Jugum. *Ben.* Spíritus sancti grátia.

*Lectio iij.*

**N**os stulti propter Christum, vos autem prudéntes in Christo: nos infirmi, vos autem fortes: vos nóbiles, nos autem ignóbiles. Usque in hanc horam et esurimus, et sitimus, et nudi sumus, et colaphis cædimur, et instábiles sumus, et laboráramus operántes mánibus nostris: maledícimur, et benedícimus, persecutióne patimur, et sustinémus: blasphemámur, et obsecrámus: tamquam purgaménta hujus mundi facti sumus,

omnium peripséma usque adhuc. Non ut confundam vos, hæc scribo; sed ut filios meos charissimos moneo. Nam si decem millia pædagogorum habeatis in Christo, sed non multos patres. Nam in Christo Jesu per Evangelium ego vos genui.

**R.** Dum steteritis ante reges et præsides, nolite cogitare quomodo, aut quid loquāmini: \* Dabitur enim vobis in illa hora, quid loquāmini. **V.** Non enim vos estis qui loquimini: sed Spiritus Patris vestri, qui loquitur in vobis. Dabitur. **Gloria Patri.** Dabitur.

**In secundo Nocturno.**

**Añā.** Principes \* populorum congregati sunt cum Deo Abraham.

**Psalmus 46.**

**O**MNES gentes plaudite manibus: \* jubilate Deo in voce exultationis.

Quoniam Dominus excelsus, terribilis: \* Rex magnus super omnem terram.

Subjecit populos nobis: \* et Gentes sub pedibus nostris.

Eligit nobis hereditatem suam, \* speciem Jacob, quam dilexit.

Ascendit Deus in júbilo: \* et Dominus in voce tubæ.

Psallite Deo nostro, psallite: \* psallite Regi nostro, psallite.

Quoniam Rex omnis terræ Deus: \* psallite sapienter.

**Regnabit Deus super Gentes: \* Deus sedet super sedem sanctam suam.**

**Principes populorum congregati sunt cum Deo Abraham: \* quoniam dii fortes terræ, vehementer elevati sunt.**

**Añā.** Principes populorum congregati sunt cum Deo Abraham.

**Añā.** Dedisti \* hereditatem timéntibus nomen tuum, Dómine.

**Psalmus 60.**

**E**XAUDI, Deus, deprecaciónem meam: \* inténde orationi meæ.

**A** finibus terræ ad te clamavi: \* dum anxiarétur cor meum, in petra exaltasti me.

**Deduxisti me, quia factus esspes mea: \* turris fortitudinis a fácie inimici.**

**Inhabitábo in tabernáculo tuo in sæcula: \* prótegar in velaménto alárum tuarum.**

**Quoniam tu, Deus meus, exaudisti orationem meam: \* dedisti hereditatem timéntibus nomen tuum.**

**Dies super dies regis adjicies: \* annos ejus usque in diem generatiónis et generatiónis.**

**Pérmanet in ætérnum in conspéctu Dei: \* misericórdiam et veritatem ejus quis requíret?**

**Sic psalmum dicam nómini tuo in sæculum sæcu-**

li : \* ut reddam vota mea de die in diem.

**Añs.** Dedisti hereditatem timéntibus nomen tuum, Dómine.

**Añs.** Annuntiavérunt \* ópera Dei, et facta ejus intellexérunt.

**Psalmus 63.**

**E**XAUDI, Deus, orationem meam cum déprecor : \* a timóre inimíci éripe ánimam meam.

protexísti me a convéntu malignántium : \* a multitúdine operántium iniquitátem.

Quia exacuérunt ut gládium linguas suas : \* intendérunt arcum rem amáram, ut sagittent in occúltis immaculátum.

Súbito sagittábunt eum, et non timébunt : \* firmavérunt sibi sermónem nequam.

Narravérunt ut absconderent láqueos : \* dixerunt : Quis vidébit eos?

Scrutáti sunt iniquitátes : \* defecérunt scrutántes scrutínio.

Accédet homo ad cor altum : \* et exaltábitur Deus.

Sagittæ parvulórum factæ sunt plagæ eórum : \* et infirmatæ sunt contra eos linguæ eórum.

Conturbáti sunt omnes qui vidébant eos : \* et tímuit omnis homo.

Et annuntiavérunt ópera

Dei : \* et facta ejus intellexérunt.

Lætábitur justus in Dómino, et sperábit in eo, \* et laudabúntur omnes recti corde.

**Añs.** Annuntiavérunt ópera Dei, et facta ejus intellexérunt.

†. Constitúes eos príncipes super omnem terram.

℞. Mémores erunt nóminis tui, Dómine. **Pater noster.**

**Absolutio.** Ipsíus pietas. †. Jube domne. **Bened.** Deus Pater omnipotens.

Sermo S. Gregórii Papæ.

**Lectio iv.**

*Hom. 30. in Ev. post med.*

**S**CRIPtum est : Spíritus Dómini ornávit cœlos. Ornamenta enim cœlorum sunt virtútes prædicántium. Quæ videlicet ornamenta Paulus enúmerat, dicens : Alii datur per Spíritum sermo sapiéntiæ, álii sermo sciéntiæ secúndum eúmdem Spíritum, áliteri fides in eódem Spíritu, álii grátia sanitátum in uno Spíritu, álii operátio virtútum, álii prophetía, álii discretio spírituum, álii génera linguárum, álii interpretátio sermónum. Hæc autem ómnia operátur unus atque idem Spíritus, dívicens síngulis prout vult.

℞. Vidi conjúctos viros habéntes spléndidas vestes, et Angelus Dómini locútus



est ad me, dicens : \* Isti sunt viri sancti facti amici Dei. **Ÿ**. Vidi Angelum Dei fortem, volántem per médium cœlum, voce magna clamántem, et dicéntem. Isti. **Bened.** Christus perpétuæ.

### Lectio v.

**Q**UOT ergo sunt bona prædicántium, tot sunt ornáménta cœlórum. Hinc rursus scriptum est : Verbo Dómini cœli firmáti sunt. Verbum enim Dómini Filius est Patris. Sed eósdem cœlos, videlicet sanctos Apóstolos, ut tota simul sancta Trínitas ostendátur operáta, repén-te de sancti Spíritus divinitáte adjúngitur : Et spíritu oris ejus omnis virtus eórum. Cœlórum ergo virtus de Spíritu sumpta est : quia mundi hujus potestá-tilibus contraíre non præsumerent, nisi eos sancti Spíritus fortitúdo solidásset. Quales namque doctóres sanctæ Ecclésiæ ante advéntum hujus Spíritus fúerint, scimus : et post advéntum illius cujus fortitúdinis facti sint, conspicimus.

**R̃**. Beáti estis cum maledixerint vobis hómines, et persecúti vos fúerint, et dixerint omne malum advérsus vos, mentiéntes, propter me : \* Gaudéte et exultáte, quóniam merces vestra copiósa est in cœlis. **Ÿ**. Cum vos óde-

rint hómines, et cum separáverint vos, et exprobráverint, et ejécerint nomen vestrum tamquam malum propter Fílium hóminis. Gaudéte. **Bened.** Ignem sui amoris.

### Lectio vj.

**C**ERTE iste ipse pastor Ecclésiæ, ad cujus sacratíssimum corpus sedémus, quantæ debilitátis, quantæque formídinis ante advéntum Spíritus fúerit, ancilla ostiária requisíta dicat. Una enim mulieris voce percússus, dum mori timuit, vitam negávit. Et pensándum, quia eum comprehénsus Petrus negávit in terra, quem suspénsus latro conféssus est in cruce. Sed vir iste tantæ formídinis, qualis post advéntum Spíritus existat, audiámus. Fit convéntus magistrátus atque seniórum, cæsis denuntiátur Apóstolis, ne in nómine Jesu loqui débeant : Petrus magna auctoritáte respóndet : Obedíre oportet Deo magis quam homínibus.

**R̃**. Isti sunt triumphatóres, et amici Dei, qui contemnéntes jussa princípum, meruérunt præmia ælérna : \* Modo coronántur, et accípiunt palmam. **Ÿ** Isti sunt qui venérunt ex magna tribulatióne, et lavérunt stolas suas in ságuine Agni. Modo. **G**loria Patri. Modo.



## In tertio Nocturno.

**Añs.** Exaltabuntur \* cónua  
justi, allelúia.

## Psalmus 74.

**C**ONFITEBIMUR tibi, Deus, \*  
confitébimur, et invocá-  
bimus nomen tuum.

**N**arrábitus mirabilia tua :  
\* cum accépero tempus,  
ego justítias judicábo.

**L**iquefacta est terra, et  
omnes qui hábitant in ea :  
\* ego confirmávi columbas  
ejus.

**D**ixi iníquis : Nolite inf-  
que ágere : \* et delinquén-  
tibus: Nolite exaltáre cornu.

**N**olite extóllere in altum  
cornu vestrum : \* nolite  
loqui advérsus Deum ini-  
quitátem.

**Q**uia neque ab Oriénte,  
neque ab Occidénte, neque  
a desértis móntibus : \*  
quóniam Deus judex est.

**H**unc humiliat, et hunc exál-  
tat : \* quia calix in manu Dó-  
mini vini meri plenus misto.

**E**t inclinávit ex hoc in  
hoc : verúmtamen fæx ejus  
non est exinaníta : \* bibent  
omnes peccatóres terræ.

**E**go autem annuntiábo in sæ-  
culum : \* cantábo Deo Jacob.

**E**t ómnia cónua pecca-  
tórum confríngam : \* et  
exaltabuntur cónua justí.

**Añs.** Exaltabuntur cónua  
justi, allelúia.

**Añs.** Lux orta est justo, \*  
allelúia : rectis corde lætí-  
tia, allelúia.

## Psalmus 96.

**D**OMINUS regnávít, exáltet  
terra : \* læténtur insu-  
læ multæ.

**N**ubes, et caligo in circúi-  
tu ejus : \* justítia, et judi-  
cium corréctio sedis ejus.

**I**gnis ante ipsum præcédet,  
\* et inflammábit in circúitu  
inimicos ejus.

**I**lluxérunt fúlgura ejus orbi  
terræ : \* vidit, et commóta  
est terra.

**M**ontes sicut cera fluxérunt  
a fácie Dómini : \* a fácie  
Dómini omnis terra.

**A**nnuntiavérunt cœli justí-  
tiam ejus : \* et vidérunt  
omnes pópuli glóriam ejus.

**C**onfundántur omnes qui  
adórant sculptília : \* et qui  
gloriántur in simulácris  
suis.

**A**doráte eum, omnes Angeli  
ejus : \* audívit, et lætáta  
est Sion.

**E**t exultavérunt filiæ Judæ,  
\* propter judícia tua, Dñe.

**Q**uóniam tu Dóminus altís-  
simus super omnem terram :  
\* nimis exaltátus es super  
omnes deos.

**Q**ui diligitis Dóminum,  
odite malum : \* custódit  
Dóminus ánimas sanctórum  
suórum, de manu peccatóris  
liberábit eos.

**L**ux orta est justo, \* et re-  
ctis corde lætítia.

**L**ætámini justí in Dómino :  
\* et confitémini memóriæ  
sanctificatiónis ejus.

**Añs.** Lux orta est justo ,  
allelúia : rectis corde lætí-  
tia, allelúia.

**Añs.** Custodiébant \* testi-  
mónia ejus , et præcépta  
ejus, allelúia.

**Psalms 98.**

**D**OMINUS regnávít , ira-  
scántur pópuli : \* qui  
sedet super Chérubim , mo-  
veátur terra.

**D**óminus in Sion magnus :  
\* et excélsus super omnes  
pópulos.

**C**onfiteántur nómini tuo ma-  
gno : quóniam terribile et  
sanctum est : \* et honor  
regis júdicium díligit.

**T**u parásti directiões : \*  
júdicium et justítiam in Ja-  
cob tu fecísti.

**E**xaltáte Dóminum Deum  
nostrum , et adoráte sca-  
béllum pedum ejus : \* quón-  
iam sanctum est.

**M**oyses et Aaron in sacer-  
dótibus ejus : \* et Sámuel  
inter eos , qui invocant no-  
men ejus.

**I**nvocábant Dóminum , et  
ipse exaudiébat eos : \* in  
columna nubis loquebátur  
ad eos.

**C**ustodiébant testimónia e-  
jus , \* et præcéptum quod  
dedit illis.

**D**ómine Deus noster , tu  
exaudiébas eos : \* Deus tu  
propítius fuísti eis , et ulcé-  
scens in omnes adinventiões  
eórum.

**E**xaltáte Dóminum Deum no-

strum , et adoráte in monte  
sancto ejus : \* quóniam san-  
ctus Dóminus Deus noster.

**Añs.** Custodiébant testimó-  
nia ejus , et præcépta ejus ,  
allelúia. **v.** Nimis honoráti  
sunt amíci tui , Deus. **ñ.**  
Nimis confortátus est prin-  
cipátus eórum. **Pater no-**  
**ster.** **Absolutio.** **A** vincu-  
lis. **v.** Jube, domne. **Bened.**  
Evangélica léctio.

**L**éctio sancti Evangélii  
secúndum Matthæum.

**Lectio vij. Cap. 19. d**

**I**N illo témpore : Dixit Pe-  
trus ad Jesum : Ecce nos  
reliquimus ómnia , et se-  
cúti sumus te : quid ergo  
erit nobis? Et réliqua.

Homília S. Hierónymi  
Presbyteri.

**Lib. 3. in Matth. cap. 19.**

**G**RANDIS fidúcia ! Petrus  
piscátor erat , dives non  
fúerat , cibos manu et arte  
quærébat ; et tamen lóqui-  
tur confidénter : Reliqui-  
mus ómnia. Et quia non  
súfficit tantum relínquere ,  
jungit quod perféctam est :  
Et secúti sumus te. Féci-  
mus quod jussísti : quid  
ígitur nobis dabis præmii ?  
Jesus autem dixit illis :  
Amen dico vobis , quod vos  
qui secúti estis me , in re-  
generatiõe , cum séderit  
Filius hóminis in sede ma-  
jestátis suæ , sedébitis et  
vos super sedes duódecim ,  
judicántes duódecim tribus

Israel. Non dixit, Qui reliquistis omnia: hoc enim et Crates fecit philosophus: et multi alii divitias contempsérunt: sed, Qui secuti estis me: quod proprie Apostolorum est atque credentium.

**R.** Isti sunt qui viventes in carne, plantaverunt Ecclesiam sanguine suo: \* Calicem Domini biberunt, et amici Dei facti sunt. **V.** In omnem terram exivit sonus eorum, et in fines orbis terrae verba eorum. Calicem. **Bened.** Cujus, **vel** Quorum festum colimus.

#### Lectio viij.

**I**n regeneratione, cum sederit Filius hominis in sede maiestatis suae (quando et mortui de corruptione resurgent incorrupti) sedebitis et vos in solii iudicantium, condemnantes duodecim tribus Israel: quia vobis credentibus, illi credere noluerunt. Et omnis qui reliquerit domum, vel fratres, aut sorores, aut patrem, aut matrem, aut uxorem, aut filios, aut agros propter nomen meum, centuplum accipiet, et vitam aeternam possidebit. Locus iste cum illa sententia congruit, in qua Salvator loquitur: Non veni pacem mittere, sed gladium. Veni enim separare hominem a patre suo, et matrem

a filia, et nurum a socru: et inimici hominis domestici ejus. Qui ergo propter fidem Christi, et praedicationem Evangelii, omnes affectus contempserint, atque divitias et saeculi voluptates: isti centuplum recipient, et vitam aeternam possidebunt.

**R.** Isti sunt viri sancti, quos elegit Dominus in claritate non ficta, et dedit illis gloriam sempiternam: \* Quorum doctrina fulget Ecclesia, ut sole luna. **V.** Sancti per fidem vicerunt regna: operati sunt iustitiam. Quorum. **Gloria Patri.** Quorum. **Bened.** Ad societatem.

#### Lectio ix.

**E**x occasione hujus sententiae quidam introducunt mille annos post resurrectionem, dicentes, tunc nobis centuplum omnium rerum, quas dimisimus, et vitam aeternam esse reddendam: non intelligentes, quod, si in ceteris digna sit repromissio, in uxoribus appareat turpitudine: ut qui unam pro Domino dimiserit, centum recipiat in futuro. Sensus ergo iste est: Qui carnalia pro Salvatore dimiserit, spiritualia recipiet: quae comparatione et merito sui ita erunt, quasi si parvo numero centenarius numerus comparetur.

Deinde dicitur Hymnus.

Te Deum laudamus. 17.

AD LAUDES,  
et per Horas, Añæ.

1. Hoc est præceptum meum,  
\* ut diligatis invicem, sic-  
ut diléxi vos. **Ps.** Dóminus  
regnávit, **eum reliquis.** 18.

2. Majórem charitatem \*  
nemo habet, ut ánimam  
suam ponat quis pro amicis  
suis.

3. Vos amíci mei estis, \*  
si fecéritis quæ præcipio  
vobis, dicit Dóminus.

4. Beáti pacífici, \* beáti  
mundo corde: quóniam ipsi  
Deum vidébunt.

5. In patiéntia vestra \*  
possidébitis ánimas vestras.

**Capitulum.** *Ephes.* 2. d

**F**RATRES, Jam non estis  
hóspites, et ádvenæ:  
sed estis cives sanctórum,  
et doméstici Dei: superæ-  
dificáti super fundaméntum  
Apostolorum, et Prophetá-  
rum, ipso summo angulári  
lápide Christo Jesu. **R.** Deo  
grátias.

**Hymnus.**

**E**XULTET orbis gáudiis:  
Cælum resúltet láudi-  
bus:

Apostolorum glóriam  
Tellus et astra cóncinunt.

Vos sæculórum Júdices,  
Et vera mundi lúmina,  
Votis precámur córdium,  
Audíte voces súpplicum.  
Qui templa cœli cláuditis,  
Serásque verbo sôlvitis,

Nos a reátu nóxios

Solvi jubéte, quæsumus.

**P**ræcépta quorum prótinus  
Languor salúsque séntiunt,  
Sanáte mentes lánguidas;  
Augéte nos virtútibus.

**U**t, cum redibit Arbiter  
In fine Christus sæculi,  
Nos sempitérni gáudii  
Concédat esse cómpotes.

**P**atri, simúlque Filio,  
Tibique, sancte Spíritus,  
Sicut fuit, sit júgiter  
Sæclum per omne glória.

Amen.

**Ÿ.** Annuntiavérunt ópera  
Dei. **R.** Et facta ejus intel-  
lexérunt.

**Ad Benedictus, Añæ.**

Vos qui reliquistis \* ómnia,  
et secúti estis me, céntu-  
plum accipiétis, et vitam  
ætérnam possidébitis.

**Ad Tertiam, Añæ.**

Majórem charitatem.

**Capit.** Fratres, Jam non  
estis, **ut supra.**

**R.** br. In omnem terram \*  
Exívit sonus eórum: In  
omnem. **Ÿ.** Et in fines orbis  
terræ verba eórum. Exívit.  
**Glória Patri.** In. **Ÿ.** Consti-  
tues eos príncipes super  
omnem terram. **R.** Mémo-  
res erunt nóminis tui, Dó-  
mine.

**Ad Sextam, Añæ.**

Vos amíci mei estis.

**Capitulum.** *Act.* 5. b

**P**ER manus autem Apo-  
stolorum fiébant signa,  
et prodigia multa in plebe.

**R. br.** Constitues eos principes \* Super omnem terram. Constitues. **V.** Mémoires erunt nómínis tui, Dómine. Super. **Gloria Patri.** Constitues. **V.** Nimis honoráti sunt amíci tui, Deus. **R.** Nimis confortátus est principátus eórum.

**Ad Nonam, Aña.**

In patiéntia vestra.

**Capitulum. Act. 5. g**

**I**BANT Apóstoli gaudéntes a conspéctu concílii, quóniam digni hábiti sunt pro nómine Jesu contuméliam pati.

**R. br.** Nimis honoráti sunt \* Amíci tui, Deus. Nimis.

**V.** Nimis confortátus est principátus eórum. Amíci. **Gloria Patri.** Nimis. **V.** Annuntiavérunt ópera Dei. **R.** Et facta ejus intellexérunt.

**In secundis Vesperis.**

**Aña.** Jurávit Dóminus, \* et non pœnitébit eum : Tu es sacérdos in ætérnum

• **Psalmus 109.**

**D**IXIT Dóminus Dómino meo : \* Sede a dextris meis :

**Donec** ponam inimícos tuos, \* scabéllum pedum tuórum.

**Virgam** virtútis tuæ emíttet Dóminus ex Sion : \* domináre in médio inimicórum tuórum.

**Tecum** princípium in die virtútis tuæ in splendóribus Sanctórum : \* ex útero ante lucíferum génui te.

Jurávit Dóminus, et non pœnitébit eum : \* Tu es sacérdos in ætérnum secúndum órđinem Melchisedech. Dóminus a dextris tuis, \* confrégit in die iræ suæ reges.

Judicábit in natióibus, implébit ruínas : \* conquassábit cápita in terra multórum.

**De** torrénite in via bibet : \* proptérea exaltábit caput.

**Aña.** Jurávit Dóminus, et non pœnitébit eum : Tu es sacérdos in ætérnum.

**Aña.** Cóllocet eum \* Dóminus cum princípibus pópli sui.

**Psalmus 112.**

**L**AUDATE púeri Dóminum : \* laudáte nomen Dómini.

**Sit** nomen Dómini benedíctum, \* et hoc nunc, et usque in sæculum.

**A** solis ortu usque ad occásum, \* laudábile nomen Dómini.

**Excelsus** super omnes gentes Dóminus, \* et super cœlos glória ejus.

**Quis** sicut Dóminus Deus noster, qui in altis hábitat, \* et humília réspicit in cœlo et in terra?

**Súscitans** a terra inopem, \* et de stércore érigens páuperem :

**Ut** cóllocet eum cum princípibus, \* cum princípibus pópli sui

Qui habitare facit sterilem in domo, \* matrem filiorum lætāntem.

**Añā.** Collocet cum Dominus cum principibus populi sui.

**Añā.** Dirupisti, Domine, vincula mea : \* tibi sacrificābo hóstiam laudis.

**Psalmus 115.**

**C**REDIDI propter quod locutus sum : \* ego autem humiliatus sum nimis.

Ego dixi in excēssu meo : \* Omnis homo mendax.

Quid retribuam Dómino, \* pro ómnibus, quæ retribuit mihi?

Cálicem salutáris accípiam : \* et nomen Dómini invocābo.

Vota mea Dómino reddam coram omni pópulo ejus : \* pretiósā in conspéctu Dómini mors sanctórum ejus.

O Dómine, quia ego servus tuus : \* ego servus tuus, et filius ancillæ tuæ.

Dirupisti vincula mea : \* tibi sacrificābo hóstiam laudis, et nomen Dómini invocābo.

Vota mea Dómino reddam in conspéctu omnis pópuli ejus : \* in átriis domus Dñi, in médio tui Jerúsalem.

**Añā.** Dirupisti, Domine, vincula mea : tibi sacrificābo hóstiam laudis.

**Añā.** Eúntes ibant et flebant, \* mitténtes sémīna sua.

**Psalmus 125.**

**I**N convertēdo Dominus captivitatem Sion : \* facti sumus sicut consolati.

Tunc replétum est gáudio os nostrum : \* et lingua nostra exultatióne.

Tunc dicent inter gentes : \* Magnificávit Dóminus fácere cum eis.

Magnificávit Dóminus fácere nobiscum : \* facti sumus lætántes.

Convérte, Domine, captivitatem nostram, \* sicut torrens in Austro.

Qui séminant in lácrymis, \* in exultatióne metent.

Eúntes ibant et flebant, \* mitténtes sémīna sua.

Veniéntes autem vénient cum exultatióne, \* portántes manipulos suos.

**Añā.** Eúntes ibant et flebant, mitténtes sémīna sua.

**Añā.** Confortátus est \* principátus eórum, et honorátī sunt amíci tui, Deus.

**Psalmus 138.**

**D**OMINE, probásti me, et cognovisti me : \* tu cognovisti sessiōnem meam, et resurrectionem meam.

Intellexisti cogitatiōes meas de longe : \* sémitam meam, et funiculum meum investigásti.

Et omnes vias meas prævidisti : \* quia non est sermo in lingua mea.

Ecce Domine, tu cognovisti ómnia, novíssima et antiqua : \* tu formásti me, et posuisti super me manum tuam.

Mirábilis facta est sciéntia



tua ex me : \* confortata est, et non pótero ad eam.

Quo ibo a spiritu tuo ? \* et quo a fácie tua fúgiam ?

Si ascéndero in cœlum, tu illic es : \* si descéndero in inférnum, ades.

Si sumpsero pennas meas dilúculo, \* et habitávero in extrémis maris :

Etenim illuc manus tua deducet me : \* et tenébit me dextera tua.

Et dixi : Fórsitan ténebræ conculcábunt me : \* et nox illuminatio mea in deliciis meis.

Quia ténebræ non obscurabúntur a te, et nox sicut dies illuminábitur : \* sicut ténebræ ejus, ita et lumen ejus.

Quia tu possedisti renes meos : \* suscepisti me de útero matris meæ.

Confitébor tibi quia terribíliter magnificátus es : \* mirabilia ópera tua, et ánima mea cognóscit nimis.

Non est occultátum os meum a te, quod fecisti in occulto : \* et substántia mea in inferioribus terræ.

Imperféctum meum viderunt óculi tui, et in libro tuo omnes scribéntur : \* dies formabúntur, et nemo in eis.

Mihi autem nimis honorificáti sunt amici tui, Deus : \* nimis confortátus est principátus eórum.

Diminuerábo eos, et super arénam multiplicabúntur : \* exurréxi, et adhuc sum tecum.

Si occideris Deus peccatóres : \* viri sánguinem declínate a me :

Quia dicitis in cogitatione : \* Accipient in vanitate civitates tuas.

Nonne qui odérunt te, Dómine, óderam : \* et super inimicos tuos tabescébam ?

Perfécito ódio óderam illos : \* et inimici facti sunt mihi.

Proba me, Deus, et scito cor meum : \* intérroga me, et cognósce sémitas meas.

Et vide, si via iniquitátis in me est : \* et deduc me in via ætérna.

**Añá.** Confortátus est principátus eórum, et honoráti sunt amici tui, Deus.

**Capitulum.** *Ephes. 2. d*

**F** RATRES, Jam non estis hóspites, et advenæ : sed estis cives sanctórum, et doméstici Dei : superædificáti super fundaméntum Apostolórum, et Prophetárum, ipso summo angulári lápide Christo Jesu.

**Hymn.** Exúltet orbis. xiiij.

**V.** Annuntiavérunt ópera Dei. **R.** Et facta ejus intellexérunt.

**Ad Magnificat, Añá.**

Estóte fortes in bello, \* et pugnáte cum antiquo serpente : et accipiétis regnum ætérnum, allelúia.

## 2. ALIÆ LECTIONES PRO APOSTOLIS.

### In secundo Nocturno.

De Expositione S. Augustini  
Episcopi super Psalmum  
octogésimum sextum.

#### Lectio iv. Ante med.

**F**UNDAMENTA ejus in mōn-  
tibus sanctis : diligit Dō-  
minus portas Sion. Quare  
sunt fundamēta Apóstoli,  
et Prophētæ? Quia eórum  
auctóritas portat infirmitá-  
tem nostram. Quare sunt  
portæ? Quia per ipsos in-  
trámus ad regnum Dei.  
Prædicant enim nobis : et  
cum per ipsos intrámus, per  
Christum intrámus. Ipse est  
enim jánuā. Et cum dicún-  
tur duódecim portæ Jerúsa-  
lem, et una porta Christus,  
et duódecim portæ Christus,  
quia in duódecim portis  
Christus : et ideo duodená-  
rius númerus Apostolórum.  
Sacraméntum magnum hu-  
jus duodenárii significatio  
est númeri. Sedébitis, in-  
quit, super duódecim se-  
des, judicantes duódecim  
tribus Israel.

ñ. Vidi conjunctos. viij.

#### Lectio v.

**S**i duódecim sellæ ibi sunt,  
non est ubi sédeat ter-  
tiusdécimus Paulus Apósto-  
lus, et non erit quómodo  
júdicet : et ipse se judica-  
túrum dixit, non hómines  
tantum, sed et Angelos.  
Quos Angelos, nisi apóstá-

tas ángelos? Nescitis, in-  
quit, quia Angelos judicá-  
bimus? Respondéret ergo  
turba : Quid te jactas ju-  
dicatúrum? Ubi sedébis?  
Duódecim sedes dixit Dó-  
minus duódecim Apóstolos :  
unus cécidit Judas, in lo-  
cum ipsius sanctus Mathías  
ordinátus est : implétus est  
duodenárius númerus sé-  
dium. Primo locum inveni  
ubi sédeas, et sic te mináre  
judicatúrum. Duódecim ergo  
sedes quid sibi velint, vi-  
deámus. Sacraméntum est  
cujúsdam universitátis, quia  
per totum orbem terrárum  
futura erat Ecclésia : unde  
vocátur hoc ædificium ad  
Christi compágem.

ñ. Beáti estis. ix.

#### Lectio vj.

**E**T ideo quia úndique ve-  
nítur ad judicándum,  
duódecim sedes sunt : sicut  
quia úndique intrátur in il-  
lam civitátem, duódecim  
portæ sunt. Non solum er-  
go illi duódecim, et Apó-  
stolus Paulus, sed quotquot  
judicatúri sunt, propter si-  
gnificatióem universitátis  
ad sedes duódecim pérti-  
nent: quemádmódū quotquot  
intrábunt, ad duódecim por-  
tas pértinent. Partes enim  
mundi quátuor sunt, Oriens,  
Occidens, Aquilo, et Merí-  
dies. Istæ quátuor partes  
assidue nominántur in Scri-  
ptúris. Ab istis quátuor

ventis, sicut dicit Dominus in Evangélio, a quatuor ventis se collecturum electos suos : ab omnibus ergo istis quatuor ventis vocatur Ecclesia. Quomodo vocatur ? Undique in Trinitate vocatur. Non vocatur nisi per baptismum in nomine Patris, et Filii, et Spiritus sancti. Quatuor ergo ter ducta duodecim inveniuntur.

*ii.* Isti sunt. ix.

*In tertio Nocturno.*

*Lectio sancti Evangélíi secundum Matthæum.*

*Lectio vij. Cap. 19. d*

**I**n illo tempore : Dixit Petrus ad Jesum : Ecce nos reliquimus omnia, et secuti sumus te : quid ergo erit nobis ? Et reliqua.

Homilia venerabilis Bedæ Presbyteri.

*Hom. in natali S. Benedicti.*

**P**ERFECTUS ille est, qui abiens vendit omnia quæ habet, et dat pauperibus, ac veniens sequitur Christum : habebit enim thesaurum non deficientem in cælis. Unde bene, interrogante Petro, dixit talibus Jesus : Amen dico vobis, quod vos qui secuti estis me, in regeneratione, cum sederit Filius hominis in sede maiestatis suæ, sedebitis et vos super sedes duodecim, iudicantes duodecim tribus Israel. In hac quippe vita pro ejus nomine laborantes, in alia præ-

mium sperare docuit : id est, in regeneratione, cum videlicet in vitam immortalē fuerimus resurgendo regenerati, qui in vitam caducam mortaliter eramus geniti.

*ii.* Isti sunt qui. xij.

*Lectio viij.*

**E**T justa prorsus retributio ut qui hic pro Christo humanæ gloriæ celsitudinis neglexerunt, illic a Christo iudices glorificati singulariter cum eo assideant, qui a sequendis ejus vestigiis nulla ratione poterant avelli. Nemo autem putet, duodecim tantum Apostolos, quia pro Juda prævaricante Matthias electus est, tunc esse iudicaturos : sicut nec duodecim solæ sunt tribus Israel iudicandæ : alioquin tribus Levi, quæ tertiadécima est, injudicata recedet.

*ii.* Isti sunt viri. xij.

*Lectio ix.*

**E**T Paulus, qui tertiusdecimus est Apostolus, iudicandi sorte privabitur, cum ipse dicat : Nescitis quoniam angelos iudicabimus, quanto magis sæcularia ? Sciendum namque est, omnes, qui ad exemplum Apostolorum sua reliquerunt omnia, et secuti sunt Christum, iudices cum eo venturos, sicut etiam omne mortalium genus esse iudicandum. Quia enim duodenario sæpe numero solent in Scripturis universitas

designari, per duodecim sedes Apostolorum omnium numerositas iudicantium: et per duodecim tribus Israel universitas eorum, qui iudicandi sunt, ostenditur.

**Te Deum laudamus. 17.**

## PRO EVANGELISTIS

### LECTIONES

#### In primo Nocturno.

Incipit liber Ezechielis  
Prophetae.

#### Lectio j. Cap. 1.

**E**T factum est in trigésimo anno, in quarto, in quinta mensis, cum essem in medio captivorum iuxta fluvium Chobar, aperti sunt caeli, et vidi visiones Dei. In quinta mensis: ipse est annus quintus transmigrationis regis Joachim, factum est verbum Domini ad Ezechiélem filium Buzi sacerdotem in terra Chaldaeorum, secus flumen Chobar: et facta est super eum ibi manus Domini. Et vidi, et ecce ventus turbine veniebat ab Aquilone, et nubes magna, et ignis involvens, et splendor in circuitu ejus: et de medio ejus quasi species electri, id est, de medio ignis.

**R.** Ecce ego mitto. vj.

#### Lectio ij.

**E**T in medio ejus similitudo quatuor animalium: et hic aspectus eorum, similitudo hominis in eis. Quatuor facies uni, et quatuor pennae uni. Pedes eorum

pedes recti, et planta pedis eorum quasi planta pedis vituli, et scintillae quasi aspectus aeris candentis. Et manus hominis sub pennis eorum in quatuor partibus: et facies, et pennas per quatuor partes habebant, junctaeque erant pennae eorum alterius ad alterum. Non revertebantur cum incederent: sed unumquodque ante faciem suam gradiebatur.

**R.** Tollite jugum. vj.

#### Lectio iij.

**S**IMILITUDO autem vultus eorum: facies hominis et facies leonis a dextris ipsorum quatuor: facies autem bovis a sinistris ipsorum quatuor, et facies aquilae desuper ipsorum quatuor. Facies eorum, et pennae eorum extente desuper: duae pennae singulorum iungebantur, et duae tegebant corpora eorum: et unumquodque eorum coram facie sua ambulabat: ubi erat impetus spiritus, illuc gradiebantur, nec revertebantur eum ambularent.

**R.** Dum steteritis. vij.

#### In secundo Nocturno.

De Expositione S. Gregorii  
Papae super Ezechiélem  
Prophetam.

#### Lectio iv. Hom. 3. lib. 1.

**S**ANCTA quatuor animalia quae prophetiae spiritu futura praevidentur, subtili narratione describuntur

cum dicitur : Quattuor facies uni, et quattuor pennae uni. Quid per faciem, nisi notitia : et quid per pennas, nisi volatus exprimitur ? Per faciem quippe unusquisque cognoscitur : per pennas vero in altum avium corpora sublevantur. Facies itaque ad fidem pertinet, penna ad contemplationem. Per fidem namque ab omnipotenti Deo cognoscimur, sicut ipse de suis omnibus dicit : Ego sum pastor bonus, et cognosco oves meas, et cognoscunt me meae. Qui rursus ait : Ego scio quos elegerim. Per contemplationem vero, qua super nosmetipsos tollimur, quasi in aera levamur.

*R.* Vidi conjunctos. viij.

*Lectio v.*

**Q**UATTUOR ergo facies uni sunt : quia si requiras quid Matthaeus de incarnatione Domini sentiat : hoc nimirum sentit, quod Marcus, Lucas, et Joannes. Si queras quid Joannes sentiat : hoc procul dubio, quod Lucas, Marcus, et Matthaeus. Si queras quid Marcus ; hoc quod Matthaeus, Joannes, et Lucas. Si queras quid Lucas ; hoc quod Joannes, Matthaeus, et Marcus sentit. Quattuor ergo facies uni sunt : quia notitia fidei, qua cognoscuntur a Deo, ipsa est in uno, quae est simul in quattuor. Quid-

quid enim in uno inveneris, hoc in omnibus simul quattuor cognoscies.

*R.* Beati estis. ix.

*Lectio vi.*

**E**T quattuor pennae uni : quia Dei omnipotentis Filium Dominum nostrum Jesum Christum simul omnes concorditer praedicant ; et ad divinitatem ejus mentis oculos levantes, penna contemplationis volant Evangelistarum ergo facies ad humanitatem Domini pertinet, penna ad divinitatem : quia in eum, quem corporeum aspiciunt, quasi facies intendunt : sed dum hunc esse incircumscriptum atque incorporeum ex divinitate annuntiant, per contemplationis pennam quasi in aera levantur. Quia itaque una est fides incarnationis ejus in omnibus, et per contemplatio divinitatis ejus in singulis, recte nunc dicitur : Quattuor facies uni, et quattuor pennae uni.

*R.* Isti sunt. ix.

*In tertio Nocturno.*

*Lectio sancti Evangelii secundum Lucam.*

*Lectio viij. Cap. 10.*

**I**N illo tempore : Designavit Dominus et alios septuaginta duos : et misit illos binos ante faciem suam, in omnem civitatem, et locum, quo erat ipse venturus. Et reliqua.



Homilia S. Gregórii Papæ.

*Homilia 17. in Evang.*

**D**OMINUS et Salvátor noster, fratres charissimi, aliquándo nos sermónibus, aliquándo vero opéribus ádmonet. Ipsa etenim facta ejus, præcépta sunt: quia dum áliquíd tácitus facit, quid ágere debeámus innotéscit. Ecce enim binos in prædicatióem discipulos mittit: quia duo sunt præcépta charitátis, Dei videlicet amor, et próximi: et minus, quam inter duos, cháritas habéri non potest. Nemo enim próprie ad semetípsum habére charitátem dícitur: sed diléctio in álterum tendit, ut cháritas esse possit.

**R.** Isti sunt qui vivéntes, in carne, plantavérunt Ecclésiám sángine suo: \* Cálicem Dómini bibérunt, et amíci Dei facti sunt. **V.** In omnem terram exívit sonus eórum, et in fines orbis terræ verba eórum. Cálicem.

*Lectio viij.*

**E**CCE enim binos ad prædicándum discipulos Dóminus mittit: quátenus hoc nobis tácitus innuat, quia qui charitátem erga álterum non habet, prædicatiónis officium suscipere nullátenus debet. Bene autem dicitur, quia misit eos ante faciém suam in omnem civi-

tátem et locum, quo erat ipse ventúrus. Prædicatóres enim suos Dóminus séquitur: quia prædicatio prævenit, et tunc ad mentis nostræ habitáculum Dóminus venit, quando verba exhortatiónis præcúrrunt: atque per hoc véritas in mente suscipitur.

**R.** Isti sunt viri sancti, quos elégit Dóminus in charitáte non ficta: et dedit illis glóriam sempitérnam: \* Quorum doctrína fulget Ecclésia, ut sole luna. **V.** Sancti per fidem vicérunt regna, operáti sunt justitiam. Quorum. Glória Patri. Quorum.

*Lectio ix.*

**H**INC namque eisdem prædicatóribus Isaías dicit: Paráte viam Dómini, rectas fácite sémitas Dei nostri. Hinc filius Psalmísta ait: Iter fácite ei, qui ascéndit super occásu. Super occásu namque Dóminus ascéndit: quia unde in passióne occúbuit, inde majórem suam glóriam resurgéndo manifestávit. Super occásu videlicet ascéndit: quia mortem, quam pértulit, resurgéndo calcávit. Ei ergo, qui ascéndit super occásu, iter fácimus, cum nos ejus glóriam vestris méntibus prædicámus, ut eas et ipse post véniens, per amoris sui præséntiam illústret.

**Te Deum laudámus. 17.**



## COMMUNE

UNIUS MARTYRIS.

**Ad Vesperas, Ana.** Qui me confessus, **cum reliquis de Laudibus Ps.** Dixit Dóminus, **cum reliq. de Dñica.** 134. **et loco ultimi, Ps.** Laudate Dóminum, omnes gentes. 138.

**Capitulum. Jac. 1. b**

**B**EATUS vir, qui suffert tentationem : quóniam cum probátus fúerit, accipiet coronam vitæ quam reprobávit Deus diligentibus se.

**Hymnus.**

**D**EUS, tuórum militum  
Sors, et coróna, præmíum,

Laudes canéntes Mártiris  
Absólve nexu criminis.

**H**ic nempe mundi gáudia,  
Et blanda fraudum pábula  
Imbúta felle députans,  
Pervénit ad cœlestia.

**P**œnas cucúrrit fórtiter,  
Et sústulit viriliter,  
Fundénsque pro te sânguinem,

Ætérna dona pössidet.

**O**b hoc precátu súplici  
Te póscimus, piíssime :  
In hoc triúmpho Mártiris  
Dimitte noxam sérvulis.

**L**aus, et perénis glória  
Patri sit, atque Filio,  
Sancto simul Paráclito,  
In sempitérna sæcula. Am.

**V.** Glória et honóre coronásti eum, Dómine. **R.** Et constituísti eum super ópera mánuum tuárum.

**Ad Magnificat, Ana.**

Iste Sanctus \* pro lege Dei sui certávit usque ad mortem, et a verbis impiórum non tímuit : fundátus enim erat supra firmam petram.

**Pro Martyre et Pont.**

**Oratio.**

**I**NFIRMITATEM nostram respice, omnipotens Deus : et quia pondus propriæ actionis gravat, beáti **N.** Mártiris tui atque Pontíficis, intercessio gloriósa nos próteget. Per Dóminum.

**Alia Oratio.**

**D**EUS, qui nos beáti **N.** Mártiris tui atque Pontíficis, ánnua solemnitate lætificas : concéde propítius ; ut, ejusdem étiam protectione gaudeámus. Per Dóminum.

**Pro Martyre tantum.**

**Oratio.**

**P**RESTA, quæsumus omnipotens Deus : ut, qui beáti **N.** Mártiris tui natalitia cólimus ; intercessióne ejus in tui nóminis amore roborémur. Per Dñm.

**Alia Oratio.**

**P**RESTA, quæsumus omnipotens Deus : ut intercedente beáto **N.** Mártire tuo, et a cunctis adversitatibus liberémur in corpore, et a pravis cogitationibus mundémur in mente. Per Dóminum.

**Ad Matutinum, Invitat.**  
**R.** Regem Mártýrum Dóminum

\* Veníte, adorémus. **Ps. V**  
nite, exultémus. 2.

**Hymn. Deus, tuórum xxij.**

**In primo Nocturno.**

**Añá.** In lege Dómini \* fuit  
volúntas ejus die ac nocte.

**Psalmus 1.**

**B**EATUS vir, qui non ábiit  
in consilio impiórum, et  
in via peccatórum non ste-  
tit, \* et in cáthedra pesti-  
léntiæ non sedit :

Sed in lege Dómini volún-  
tas ejus, \* et in lege ejus  
meditábitur die ac nocte.

Et erit tamquam lignum,  
quod plantátum est secus  
decúrsus aquárum, \* quod  
fructum suum dabit in tém-  
pore suo :

Et fólium ejus non dé-  
fluet : \* et ómnia quæcúm-  
que faciet, prosperabúntur.

Non sic impii, non sic : \*  
sed tamquam pulvis, quem  
próicit ventus a fácie terræ.

Ideo non resúrgent impii  
in judicio : \* neque peccató-  
res in concílio justórum.

Quóniam novit Dóminus  
viam justórum : \* et íter im-  
piórum peribit.

**Añá.** In lege Dómini fuit  
volúntas ejus die ac nocte.

**Añá.** Prædicans \* præcé-  
ptum Dómini, constitútus  
est in monte sancto ejus.

**Psalmus 2.**

**Q**UARE fremuérunt gentes :  
\* et pópuli meditáti sunt  
inánia?

Astitérunt reges terræ, et

príncipes convenérunt in  
unum : \* advérsus Dómi-  
num, et advérsus Christum  
ejus.

Dirumpámus víncula eo-  
rum : \* et projiciámus a no-  
bis jugum ipsórum.

Qui hábitat in cœlis, irri-  
débit eos : \* et Dóminus  
subsannábit eos.

Tunc loquétur ad eos in  
ira sua : \* et in furóre suo  
conturbábit eos.

Ego autem constitútus sum  
Rex ab eo super Sion mon-  
tem sanctum ejus, \* præ-  
dicans præcéptum ejus.

Dóminus dixit ad me : \*  
Filius meus es tu, ego hódie  
génui te.

Póstula a me, et dabo tibi  
Gentes hereditátem tuam, \*  
et possessionem tuam tér-  
minos terræ.

Reges eos in virga férrea,  
\* et tamquam vas síguli con-  
frínges eos.

Et nunc reges intelligite : \*  
erudímini qui judicátis ter-  
ram.

Servíte Dómino in timóre :  
\* et exultáte ei cum tremóre.

Apprehéndite disciplínam,  
nequándo irascátur Dómi-  
nus, \* et pereátis de via justa.

Cum exárserit in brevi  
ira ejus, \* beáti omnes, qui  
confidunt in eo.

**Añá.** Prædicans præcéptum  
Dómini, constitútus est in  
monte sancto ejus.

**Añá.** Voce mea \* ad Dómi-

num clamavi : et exaudivit me de monte sancto suo.

*Psalmus 3.*

**D**OMINE, quid multiplicati sunt qui tribulant me? \* multi insurgunt adversum me.

Multi dicunt animæ meæ : \* Non est salus ipsi in Deo ejus.

Tu autem, Domine, susceptor meus es, \* glória mea, et exaltans caput meum.

Voce mea ad Dominum clamavi : \* et exaudivit me de monte sancto suo.

Ego dormivi, et soporatus sum : \* et exurrexi, quia Dominus suscepit me.

Non timebo millia populi circumdantis me : \* exurge, Domine, salvum me fac, Deus meus.

Quoniam tu percussisti omnes adversantes mihi sine causa : \* dentes peccatorum contrivisti.

Domini est salus : \* et super populum tuum benedictio tua.

*Añā.* Voce mea ad Dominum clamavi : et exaudivit me de monte sancto suo. *ŷ.* Glória et honore coronasti eum, Domine. *ñ.* Et constituisti eum super opera manuum tuarum. *Pater noster.* *Absolutio.* Exaudi, Domine. *ŷ.* Jube, domne. *Bened.* Benedictione perpétua.

*Lectiones sequentes primi*

Nocturni leguntur in Festo Mart. et Pont.

In Festo autem Mart. non Pontificis leguntur quæ inferius positæ sunt in Comuni plur. Mart. xlj.

De Actibus Apostolorum.

*Lectio j. Cap. 20.*

**A** Miléto Paulus mittens Ephesum, vocavit Majores natu Ecclesiæ. Qui cum venissent ad eum, et simul essent, dixit eis : Vos scitis? a prima die, qua ingressus sum in Asiam, qualiter vobiscum per omne tempus fuerim, serviens Domino cum omni humilitate, et lacrymis, et tentationibus, quæ mihi acciderunt ex insidiis Judæorum : quomodo nihil subtraxerim utilium, quominus annuntiarem vobis, et docerem vos publice, et per domos, testificans Judæis atque Gentilibus in Deum penitentiam, et fidem in Dominum nostrum Jesum Christum. Et nunc ecce alligatus ego spiritu, vado in Jerúsalem; quæ in ea ventura sint mihi, ignorans: nisi quod Spiritus sanctus per omnes civitates mihi protestatur, dicens : Quoniam vincula, et tribulationes Jerosólymis me manent. Sed nihil horum véreor : nec facio animam meam pretiosíorem quam me, dummodo consummem

cursum meum, et ministerium verbi, quod accépi a Dómino Jesu, testificári Evangélium grátiae Dei.

**R.** Iste Sanctus pro lege Dei sui certávit usque ad mortem, et a verbis impiórum non tímuit : \* Fundátus enim erat supra firmam petram. **V.** Iste est qui contémpsit vitam mundi, et pervénit ad coeléstia regna. Fundátus. **Bened.** Unigénitus Dei Filius.

**Lectio ij.**

**E**T nunc ecce ego scio, quia ámplius non vidébitis faciém meam vos omnes, per quos transívi prædicans regnum Dei. Quaprópter contéstor vos hodiérna die, quia mundus sum a ságuine ómnium. Non enim subterfúgi, quominus annuntiárem omne consílium Dei vobis. Atténdite vobis, et univérso gregi, in quo vos Spíritus sanctus pósuit episcopos, régere Ecclesiám Dei, quam acquisívit ságuine suo. Ego scio quóniam intrábunt post discessiónem meam lupi rapáces in vos, non parcéntes gregi. Et ex vobis ipsis exúrgent viri loquéntes perversa, ut abdúcant discipulos post se. Propter quod vigiláte, memória retinéntes, quóniam per triénnum nocte et die non cessávi, cum lácrymis

monens unumquémque vestrum.

**R.** Justus germinábit sicut lílium : \* Et florébit in ætérnum ante Dóminum. **V.** Plantátus in domo Dómini, in átriis domus Dei nostri. Et. **Bened.** Spíritus sancti grátia.

**Lectio iij.**

**E**T nunc comméndo vos Deo, et verbo grátiae ipsíus, qui potens est ædificáre, et dare hereditátem in sanctificátis ómnibus. Argéntum et aurum, aut vestem nullíus concupívi, sicut ipsi scitis : quóniam ad ea, quæ mihi opus erant, et his, qui mecum sunt, ministravérunt manus istæ. Omnia osténdi vobis, quóniam sic laborántes, opórtet suscípere infirmos, ac meminisse verbi Dómini Jesu, quóniam ipse dixit : Beátius est magis dare, quam accipere. Et cum hæc dixísset, pósitis génibus suis, orávit cum ómnibus illis. Magnus autem fletus factus est ómnium : et procumbéntes super collum Pauli, osculábantur eum, doléntes máxime in verbo, quod dixerat, quóniam ámplius faciém ejus non essent visúri. Et deducébant eum ad navem. **R.** Iste cognóvit justítiam, et vidit mirabília magna, et exorávit Altíssimum : \* Et invéntus est in número

Sanctorum. **V.** Iste est qui contempsit vitam mundi, et pervenit ad cœlestia regna. Et. **Gloria Patri.** Et.

**In secundo Nocturno.**

**Añã.** Filii hominum, \* scitote quia Dominus sanctum suum mirificavit.

**Psalmus 4.**

**C**UM invocarem, exaudivit me Deus justitiæ meæ : \* in tribulatione dilatasti mihi.

**Miserere mei,** \* et exaudi orationem meam.

**Filii hominum** usquequo gravi corde ? \* ut quid diligitis vanitatem, et queritis mendacium ?

**Et scitote** quoniam mirificavit Dominus sanctum suum : \* Dominus exaudiet me, cum clamavero ad eum.

**Trascimini,** et nolite peccare : \* quæ dicitis in cordibus vestris, in cubilibus vestris compungimini.

**Sacrificate sacrificium justitiæ,** et sperate in Domino. \* Multi dicunt : Quis ostendit nobis bona ?

**Signatum est** super nos lumen vultus tui, Domine : \* dedisti lætitiā in corde meo.

**A fructu frumenti,** vini et olei sui \* multiplicati sunt.

**In pace in idipsum** \* dormiam, et requiescam :

**Quoniam tu,** Domine, singulariter in spe \* constituisti me.

**Añã.** Filii hominum, sci-

tote quia Dominus sanctum suum mirificavit.

**Añã.** Scuto bonæ voluntatis \* tuæ coronasti eum, Dñe.

**Psalmus 5.**

**V**ERBA mea auribus percipe, Domine, \* intellige clamorem meum.

**Intende voci orationis meæ,** \* Rex meus et Deus meus.

**Quoniam ad te orabo :** \* Domine, mane exaudies vocem meam.

**Mane astabo tibi et videbo :** \* quoniam non Deus volens iniquitatem tu es.

**Neque habitabit juxta te malignus :** \* neque permanentibus injusti ante oculos tuos.

**Odisti omnes,** qui operantur iniquitatem : \* perdes omnes, qui loquuntur mendacium.

**Virum sanguinum et dolosum** abominabitur Dominus : \* ego autem in multitudine misericordiæ tuæ,

**Introibo in domum tuam :** \* adorabo ad templum sanctum tuum in timore tuo.

**Domine, deduc me in justitia tua :** \* propter inimicos meos dirige in conspectu tuo viam meam.

**Quoniam non est in ore eorum veritas :** \* cor eorum vanum est.

**Sepulchrum patens est guttur eorum :** linguis suis dolose agebant, \* judica illos Deus.



**D**écidant a cogitationibus suis, secundum multitudinem impietatum eorum expelle eos, \* quoniam irritaverunt te, Domine.

**E**t læténtur omnes, qui sperant in te, \* in ætérnum exultábunt : et habitábis in eis.

**E**t gloriabúntur in te omnes, qui diligunt nomen tuum, \* quoniam tu benedices justo.

**D**omine, ut scuto bonæ voluntátis tuæ \* coronásti nos.

**Añá.** Scuto bonæ voluntátis tuæ coronásti eum, Domine.

**Añá.** In univérſa terra \* glória et honóre coronásti eum.

**Psalmus 8.** —

**D**OMINE Dominus noster, \* quam admirábile est nomen tuum in univérſa terra!

**Q**uoniam eleváta est magnificentia tua, \* super cælos.

**E**x ore infántium, et lacténtium perfecísti laudem propter inimicos tuos, \* ut destruas inimicum et ultórem.

**Q**uoniam vidébo cælos tuos, ópera digitorum tuorum : \* lunam et stellas, quæ tu fundásti.

**Q**uid est homo, quod memor es ejus? \* aut filius hóminis, quoniam visitas eum?

**M**inuísti eum paulo minus ab Angelis, glória et honóre coronásti eum : \* et con-

stituísti eum super ópera mánuum tuárum.

**O**mnia subjecísti sub pedibus ejus, \* oves et boves univérſas : insuper et pecora campi.

**V**olucres cœli, et pisces maris, \* qui perámbulant sémitas maris.

**D**omine Dominus noster, \* quam admirábile est nomen tuum in univérſa terra!

**Añá.** In univérſa terra glória et honóre coronásti eum.

**Ÿ.** Posuísti, Domine, super caput ejus. **R̃.** Coronam de lapide pretioso. **Pater noster.**

**Absolutio.** Ipsius pietas. **Ÿ.** Jube, domne. **Bened.** Deus Pater omnipotens.

Sermo sancti Augustini  
Episcopi.

**Lectio iv.**

**Serm. 44. de Sanctis.**

**T**RIUMPHALIS beáti Mátyris **N.** dies hódie nobis anniversária celebritáte recúrrit : cujus glorificatióni sicut congáudet Ecclésia, sic ejus propónit sequénda vestigia. Si enim compátimur, et conglorificábimur. In cujus glorióso agóne duo nobis præcipue consideránda sunt : induráta videlicet tortóris sævitia, et Mátyris invicta patiéntia. Sævitia tortóris, ut eam detestémur : patiéntia Mátyris, ut eam imitémur. Audi Psalmístam advérsus malítiam increpántem : Noli æmulári



in malignántibus : quóniam tamquam fœnum velociter aréscent. Quod autem advérsus malignántes patiéntia exhibénda sit, audi Apóstolum suadéntem : Patiéntia vobis necessária est, ut reportétis promissiões.

**R.** Honéstum fecit illum Dóminus, et custodívit eum ab inimícis, et a seductóribus tutávit illum : \* Et dedit illi claritátem ætérnam. **V.** Descendítque cum illo in fôveam : et in vînculis non dereliquit eum. Et. **Bened.** Christus perpétuæ.

**Lectio v.**

**C**ORONATA itaque est beáti Mártiris patiéntia, mancipáta est ætérnis cruciátibus tortóris incorrécta malítia. Hoc atténdens in agóne suo gloriósus Christi athléta, non exhórruit cárcerem. Ad imitationem cápitis sui tolerávit probra, sustinuit irrisiões, flagélla non tímuit : et quot ante mortem pro Christo pértulit supplicia, tot ei de se óbtulit sacrificia. Quod enim propinánte Apóstolo biberat, alte retinébat : Quia non sunt condígnæ passiões hujus témporis ad futúram glóriam, quæ revelábitur in nobis ; et quia : Momentáneum hoc et leve nostræ tribulatiónis, ætérnum glóriæ pondus operátur in cœlis. Hujus promissiões amóre a

terrénis suspénsus, et prægustáta supérnæ suavitátis dulcedine ineffabíliter affectus, dicébat cum Psalmista : Quid mihi est in cœlo, et a te quid volui super terram? Deducit caro mea, et cor meum : Deus cordis mei, et pars mea Deus in ætérnum.

**R.** Desidérium animæ ejus tribuisti ei, Dómine, \* Et voluntáte labiórûm ejus non fraudásti eum. **V.** Quóniam prævenisti eum in benedictiõibus dulcedínis : posuisti in cápite ejus coronam de lapide pretiósio. Et. **Bened.** Ignem sui amóris.

**Lectio vj.**

**C**ONTEMPLABATUR enim quantum in ænigmate infirmitas humana óculum mentis in æternitate figere potest, quanta sint supérnæ civitátis gáudia : et ea enarráre non sufficiens, admirádo clamábat : Quid mihi est in cœlo? Quasi diceret : Excédit vires meas, excédit facultátem eloquéntiæ meæ, transcendit capacitátem intelligéntiæ meæ illud decus, illa glória, illa celsitúdo, qua nobis, a conturbatiõe hóminum remóti, in abscondito faciúi suæ Jesus Christus Dóminus noster reformábit corpus humilitátis nostræ, configurátam córpori claritátis suæ. Hujus perféctæ libertátis contemplatiõe nullum

vitabat periculum, nullum horrébat supplicium : et si millies posset mori, non putabat se hanc digne posse aliqua ratione promereri.

**R.** Stola jucunditatis induit eum Dominus : \* Et coronam pulchritudinis posuit super caput ejus. **V.** Cibavit illum Dominus pane vitæ et intellectus : et aqua sapientiae salutaris potavit illum. Et. Glória Patri. Et.

**In tertio Nocturno.**

**Añs.** Justus Dominus, \* et justitiam dilexit : æquitatem vidit vultus ejus.

**Psalmus 10.**

**I**N Dómino confido ; quomodo dicitis animæ meæ : \* Transmigre in montem sicut passer ?

**Q**uoniam ecce peccatores intendérunt arcum, paravérunt sagittas suas in pharetra, \* ut sagittent in obscuro rectos corde.

**Q**uoniam quæ perfecisti, destruxérunt : \* justus autem quid fecit ?

**D**ominus in templo sancto suo, \* Dominus in cælo sedes ejus :

**O**culi ejus in pauperem respiciunt : \* palpebræ ejus interrogant filios hominum.

**D**ominus interrogat justum et impium : \* qui autem diligit iniquitatem, odit animam suam.

**P**luet super peccatores lapides : \* ignis et sulphur,

et spiritus procellarum pars calicis eorum.

**Q**uoniam justus Dominus, et justitias dilexit : \* æquitatem vidit vultus ejus.

**Añs.** Justus Dominus, et justitiam dilexit : æquitatem vidit vultus ejus.

**Añs.** Habitabit \* in tabernaculo tuo : requiescet in monte sancto tuo.

**Psalmus 14**

**D**OMINE, quis habitabit in tabernaculo tuo : \* aut quis requiescet in monte sancto tuo ?

**Q**ui ingreditur sine macula, \* et operatur justitiam :

**Q**ui loquitur veritatem in corde suo, \* qui non egit dolum in lingua sua :

**N**ec fecit próximo suo malum, \* et opprobrium non accepit adversus próximos suos.

**A**d nihilum deductus est in conspectu ejus malignus : \* timéntes autem Dominum glorificat :

**Q**ui jurat próximo suo, et non decipit, \* qui pecuniam suam non dedit ad usuram, et múnera super innocentem non accepit.

**Q**ui facit hæc, \* non movébitur in ætérnum.

**Añs.** Habitabit in tabernaculo tuo : requiescet in monte sancto tuo.

**Añs.** Posuisti, Domine, \* super caput ejus coronam de lapide pretioso.

## Psalmus 20.

**D**OMINE, in virtute tua lætabitur rex : \* et super salutare tuum exultabit vehementer.

**D**esiderium cordis ejus tribuisti ei : \* et voluntate labiorum ejus non fraudasti eum.

**Q**uoniam prævenisti eum in benedictionibus dulcedinis : \* posuisti in capite ejus coronam de lapide pretioso.

**V**itam petiit a te : \* et tribuisti ei longitudinem dierum in sæculum, et in sæculum sæculi :

**M**agna est glória ejus in salutari tuo : \* glóriam et magnum decorem impones super eum.

**Q**uoniam dabis eum in benedictionem in sæculum sæculi : \* lætificabis eum in gaudio cum vultu tuo.

**Q**uoniam rex sperat in Domino : \* et in misericordia Altissimi non commovebitur.

**I**nveniatur manus tua omnibus inimicis tuis : \* dextera tua inveniat omnes, qui te odérunt.

**P**ones eos ut clibanum ignis in tempore vultus tui : \* Dominus in ira sua conturbabit eos, et devorabit eos ignis.

**F**ructum eorum de terra perdes : \* et semen eorum a filiis hominum.

**Q**uoniam declinaverunt in te mala : \* cogitaverunt con-

silia, quæ non potuerunt stabilire.

**Q**uoniam pones eos dorsum : \* in reliquiis tuis præparabis vultum eorum.

**E**xaltare, Domine, in virtute tua : \* cantabimus et psallémus virtutes tuas.

**A**na. Posuisti, Domine, super caput ejus coronam de lapide pretioso. **V.** Magna est glória ejus in salutari tuo. **R.** Glóriam et magnum decorem impones super eum.

**P**ater noster. **Absol. A** vinculis. **V.** Jube, domne.

**Bened.** Evangélica lectio.

**L**ectio sancti Evangelii secundum Lucam.

**Lectio vij. Cap. 14. f**

**I**n illo tempore : Dixit Jesus turbis : Si quis venit ad me, et non odit patrem suum, et matrem, et uxorem, et filios, et fratres, et sorores, adhuc autem et animam suam, non potest meus esse discipulus. Et reliqua.

Homilia S. Gregorii Papæ.

**Hom. 37. in Evangelia.**

**S**i considerémus, fratres charissimi, quæ et quantæ sunt quæ nobis promittuntur in cœlis, viléscent animo omnia, quæ habentur in terris. Terræna namque substantia supérnæ felicitati comparata, pondus est, non subsidium. Temporális vita æternæ vitæ comparata, mors est potius dicenda, quam vita. Ipse enim quo-

tidianus defectus corruptiōnis quid est aliud, quam quædam prolīxitas mortis? Quæ autem lingua dicere, vel quis intellēctus cāpere sūfficit, illa supērnæ civitātis quanta sint gāudia: Angelōrum choris interēsse, cum beatissimis spiritibus glōriæ Conditōris assistere, præsētem Dei vultum cernere, incircumscriptum lumen vidēre, nullo mortis metu affici, incorruptiōnis perpētuae mūnere lætari?

**R.** Corōna āurea super caput ejus, \* Expressa signo sanctitātis, glōria honōris, et opus fortitudinis. **V.** Quoniam prævenisti eum in benedictiōnibus dulcedinis, posuisti in cāpite ejus corōnam de lapide pretiōso. Expressa. **Bened.** Cujus festum cōlimus.

#### Lectio viij.

**S**ED ad hæc audita inardēscit animus, jamque illic cupit assistere, ubi se sperat sine fine gaudere. Sed ad magna præmia perveniri non potest, nisi per magnos labōres. Unde et Paulus egrēgius prædicātor dicit: Non coronābitur, nisi qui legitime certāverit. Delēctet ergo mentem magnitūdopremiōrum, sed non detēreat certāmen labōrum. Unde ad se veniētibz Veritas dicit: Si quis venit ad me, et non odit patrem suum, et ma-

trem, et uxōrem, et filios, et fratres, et sorōres, adhuc autem et animam suam, non potest meus esse discipulus.

**R.** Hic est vere Martyr, qui pro Christi nōmine sanguinem suum fudit: \* Qui minas iudicium non timuit, nec terrēnæ dignitātis glōriam quæsivit, sed ad cœlestia regna pervēnit. **V.** Justum deduxit Dōminus per vias rectas, et ostēdit illi regnum Dei. Qui. **Glōria Patri.** Qui. **Bened.** Ad societātem.

**Sequens R. dicitur ultimo loco in Festis sex SS. Martyrum, Pontificum Eusebii, Marcelli, Joannis, Sylverii, Martini, et Pontiani.**

**R.** Dōmine, prævenisti eum in benedictiōnibus dulcedinis: \* Posuisti in cāpite ejus corōnam de lapide pretiōso. **V.** Vitam pētiit a te, et tribuisti ei longitudinem dierum in sæculum sæculi. Posuisti. **Glōria Patri.** Posuisti.

#### Lectio ix.

**S**ED percontāri libet, quomodo parēntes, et carnāliter propīnquos præcipimur odisse, qui jubēmur et inimicos diligere? Et certe Veritas de uxōre dicit: Quod Deus conjūxit, homo non sēparet. Et Paulus ait: Viri, diligite uxōres vestras, sicut et Christus Ecclēsiā. Ecce discipulus uxōrem

diligendam prædicat, cum Magister dicat: Qui uxorem non odit, non potest meus esse discipulus. Numquid aliud iudex nuntiat, aliud præco clamat? An simul et odisse possumus, et diligere? Sed si vim præcepti perpéndimus, utrúmque ágere per discretiónem valémus: ut uxorem, et eos, qui nobis carnis cognatióne conjuncti sunt, et quos próximos nóvimus, diligámus; et quos adversários in via Dei patimur, odiendo et fugiendo nesciámus.

**Te Deum laudámus. 17.**

**AD LAUDES,**

**et per Horas, Anæ.**

1. Qui me conféssus fúerit, \* coram homínibus, confitébor et ego eum coram Patre meo. **Ps. Dóminus regnávít, cum reliquis. 18.**

2. Qui séquitur me, \* non ámbulat in ténebris, sed habébit lumen vitæ, dicit Dóminus.

3. Qui mihi ministrat, \* me sequátur: et ubi ego sum, illic sit et mínister meus.

4. Si quis mihi ministráverit, \* honorificábit eum Pater meus, qui est in cœlis, dicit Dóminus.

5. Volo, Pater, ut ubi ego sum, illic sit et mínister meus.

**Capitulum. Jac. 1. b**

**B**EATUS vir, qui suffert tentatióem, quóniam

cum probátus fúerit, accípiet coronam vitæ, quam repromisit Deus diligéntibus se.

**Hymnus.**

**I**NVICTE Martyr, únicum Patris secútus Filium, Victis triúmphas hóstibus, Victor fruens cœléstibus.

Tui precátus múnere Nostrum reátum dilue, Arcens mali contágium, Vitæ repéllens tædium.

Solúta sunt jam víncula Tui sacráti córporis: Nos solve vinclis sæculi, Dono supérni Núminis.

Deo Patri sit glória, Ejúsque soli Filio, Cum Spíritu Paráclito, Nunc, et per omne sæculum. Amen.

**V.** Justus ut palma florébit.

**R.** Sicut cedrus Libani multiplicábitur.

**Ad Benedictus, Anæ.**

Qui odit \* ánimam suam in hoc mundo, in vitam ætérnam custódit eam.

**Pro Martyrē et Pontifice.**

**Oratio.**

**I**NFIRMITATEM nostram respice, omnipotens Deus: et quia pondus propriæ actiōis gravat, beāti **N.** Mátyris tui atque Pontíficis, intercēssio gloriósa nos prótegat. Per Dóminum.

**Alia Oratio.**

**D**EUS, qui nos beāti **N.** Mátyris tui atque Pontíficis ánnua solemnitate læ-



tificas : concède propítius ;  
ut cujus natalítia cólimus,  
de ejúsdem étiam protectió-  
ne gaudeámus. Per Dómi-  
num.

*Pro Martyre tantum.*

*Oratio.*

**P**RÆSTA, quæsumus omni-  
potens Deus : ut qui  
beáti *N.* Mártiris tui nata-  
litia cólimus, intercessióne  
ejus in tui nóminis amóre  
roborémur. Per Dóminum.

*Alia Oratio.*

**P**RÆSTA, quæsumus omni-  
potens Deus : ut, inter-  
cedente beáto *N.* Mártire  
tuo, et a cunctis adversi-  
tátibus liberémur in córpo-  
re, et a pravis cogitacióni-  
bus mundémur in mente.  
Per Dóminum.

*Ad Tertiam. Añã.*

Qui séquitur me.

*Capitulum.* Beátus vir, ut  
supra. xxxij.

*ñ. br.* Glória et honóre \*  
Coronásti eum, Dómine. Gló-  
ria et *ñ.* Et constituísti eum  
super ópera mánuum tuá-  
rum. Coronásti. Glória Pa-  
tri. Glória et. *ñ.* Posuísti,  
Dómine, super caput ejus.  
*ñ.* Coronam de lápide pre-  
tíoso.

*Ad Sextam. Añã.*

Qui mihi ministrat.

*Capitulum.* *Eccli.* 45.

**C**IBAVIT illum pane vitæ et  
intelléctus, et aqua sa-  
piéntiæ salutáris potávit il-  
lum Dóminus Deus noster.

*ñ. br.* Posuísti, Dómine, \*  
Super caput ejus. Posuísti.  
*ñ.* Coronam de lápide pre-  
tíoso. Super. Glória Patri.  
Posuísti. *ñ.* Magna est gló-  
ria ejus in salutári tuo. *ñ.*  
Glóriam et magnum decó-  
rem impónes super eum.

*Ad Nonam. Añã.*

Volo Pater.

*Capitulum.* *Eccli.* 39.

**J**USTUS cor suum trádedit  
ad vigilándum dilúculo  
ad Dóminum, qui fecit illum,  
et in conspéctu Altíssimi  
deprecábitur.

*ñ. br.* Magna est glória  
ejus \* In salutári tuo. Ma-  
gna est. *ñ.* Glóriam et ma-  
gnum decórem impónes su-  
per eum. In. Glória Patri.  
Magna. *ñ.* Justus ut palma  
florébit. *ñ.* Sicut cedrus  
Libani multiplicábitur.

*Ad Vesperas. Añã.* Qui  
me conféssus, ut supra,  
cum reliq. de Laud. Ps. Dixit  
Dóminus, cum reliquis de  
Dñica. 134. et loco ult., Ps.  
Crédidi. 138.

*Capitulum.* Beátus vir.  
xxxij.

*Hymnus.* Deus, tuórum  
militum. xxij.

*ñ.* Justus ut palma florébit.  
*ñ.* Sicut cedrus Libani mul-  
tiplicábitur.

*Ad Magnificat. Añã.*

Qui vult venire post me, \*  
ábneget semetipsum, et tol-  
lat crucem suam, et sequá-  
tur me.



## 2. ALIÆ LECTIONES

PRO UNO MARTYRE.

## In secundo Nocturno

De Expositione S. Ambrósii  
Episcopi in Psalmum centé-  
simum décimum octávum.

## Lectio iv. Serm. 21.

**P**RINCIPES persecúti sunt  
me gratis : et a verbis  
tuis trepidávit cor meum.  
Bene hoc martyr dicit, quod  
injúste persecutiónum tor-  
ménta sustíneat, qui nihil  
rapúerit, nullum violéntus  
opprésserit, nullius sángu-  
inem fúderit, nullius torum  
putáverit esse violándum,  
qui nihil légibus débeat, et  
gravióra latrónum sustinére  
cogátur supplicia : qui lo-  
quátur justé, et non audiá-  
tur : qui loquátur plena sa-  
lútis, et impugnétur : ut pos-  
sit dicere : Cum loquébar  
illis, impugnábant me gratis.  
Gratis igitur persecutiónem  
pátitur, qui impugnátur sine  
crímine : impugnátur ut  
nóxius, cum sit in tali con-  
fessióne laudábilis : impu-  
gnátur quasi venéficus, qui  
in nómine Dómini gloriátur,  
cum píetas virtútum óm-  
nium fundaméntum sit.

II. Honéstum fecit. xxviiij.

## Lectio v.

**V**ERE frustra impugnátur,  
qui apud ímpios et in-  
fidos impietátis arcéssitur,  
eum fidei sit magíster. Ve-  
rum qui gratis impugnátur,  
fortis debet esse et constans.

Quómodo ergo subtéxuit :  
Et a verbis tuis trepidávit  
cor meum ? Trepidáre ín-  
firmitátis est, timóris atque  
formídinis. Sed est étiam  
infirmitas ad salútem, est  
étiam timor sanctórum. Ti-  
méte Dóminum, omnes san-  
cti ejus : et, Beátus vir,  
qui timet Dóminum. Qua  
ratióne beátus ? Quia in  
mandátis ejus cupit nimis.

III. Desidérium. xxviiij.

## Lectio vj.

**P**ONE ergo mártirem ín-  
ter perícula constitútum,  
cum inde immánitas bestiá-  
rum ad incutiéndum terró-  
rem ínfremat, aliúnde stri-  
dor candéntium laminárum,  
et flamma fornácis ardéntis  
exæstuet, ex parte ália pér-  
sonent tractus gráviū cate-  
nárum, hinc cárnifex cruén-  
tus assístat : pone, inquam,  
circumspectántem ómnia  
plena suppliciis, deínde co-  
gitántem mandáta divína,  
illum ignem perpétuum, il-  
lud sine fine incéndium  
perfidórum, illam pœnæ re-  
crudescéntis ærúmnæ : tre-  
pidáre corde, ne, dum præ-  
séntibus cedat, perpétuis  
se dedat exítiis : perturbári  
ánimo, dum futúri judícii  
rhomphæam illam terribilem  
quadam conspéctus spéeie  
contuétur. Nonne ad hanc  
trepidatiónem fidúciæ viri  
constántis, æquális in eúm-  
dem concúrrit efféctum con-

fidéntia cupiéntis æténa, et  
divína trepidántis ?

**R.** Stola jucunditátis. xxix.

*In tertio Nocturno.*

**L**ectio sancti Evangélíi  
secúndum Matthæum.

**Lectio vij. Cap. 16. d**

**I**n illo témpore : Dixit Je-  
sus discípulis suis : Si  
quis vult post me veníre, áb-  
neget semetípsum, et tollat  
crucem suam, et sequátur  
me. Et réliqua.

Homília S. Gregórii Papæ.

*Homília 32. in Evang.*

**Q**UIA Dóminus ac Redém-  
ptor noster novus homo  
venit in mundum, nova  
præcépta dedit mundo. Vitæ  
étenim nostræ véteri in ví-  
tiis enutritæ contrarietatem  
oppósuit novitátis suæ. Quid  
enim vetus, quid carnális  
homo nóverat, nisi sua re-  
tinére, aliéna rapere, si  
posset, concupiscere, si non  
posset? Sed cœléstis médi-  
cus singulis quibúsque ví-  
tiis obviántia ádhibet me-  
dicaménta. Nam sicut arte  
medicínæ cálida frigidis,  
frigida cálidis curántur : ita  
Dóminus noster contrária  
oppósuit medicaménta pec-  
cátis, ut lúbriéis continétiã,  
tenácibus largitatem, ira-  
cúndis mansuetúdinem, elá-  
tis præcíperet humilitatem.

**R.** Coróna áurea. xxxj.

*Lectio vijj.*

**C**ERTE cum se sequéntibus  
nova mandáta propóne-

ret, dixit : Nisi quis renun-  
tiáverit ómnibus quæ póssi-  
det, non potest meus esse di-  
scípulus. Ac si apérte dicat :  
Qui per vitam véterem alié-  
na concupiscitis, per novæ  
conversatiónis stúdiu et  
vestra largímíni. Quid vero  
in hac lectióne dicat, audiá-  
mus : Qui vult post me vení-  
re, ábneget semetípsum. Ibi  
dicitur, ut abnegémus nostra :  
hic dicitur, ut abnegémus  
nos. Et fortásse laboriósu  
non est hómini relínquere  
sua : sed valde laboriósu  
est relínquere semetípsum.  
Minus quippe est, abnegáre  
quod habet : valde autémul-  
tum est, abnegáre quod est.  
**R.** Hic est vere. xxxj.

*Lectio ix.*

**A**D se autem nobis venién-  
tibus Dóminus præcépit,  
ut renuntiémus nostris : quia  
quicúmque ad fidei agónem  
venímus, luctámen contra  
malignos spíritus súmimus.  
Nihil autem maligni spírítus  
in hoc mundo próprium  
póssident : nudi ergo cum  
nudis luctári debémus. Nam  
si vestítus quisque cum nu-  
do luctátur, cítius ad ter-  
ram dejícitur, quia habet un-  
de teneátur. Quid enim sunt  
terréna ómnia, nisi quædam  
córporis induménta ? Qui  
ergo contra diábolu ad eer-  
támen própérat, vestimén-  
ta abjiciat, ne succúmbat.  
**Te Deu** laudámus. 17.

## 3. ALIA HOMILIA.

*Lectio sancti Evangelii  
secundum Matthæum.*

*Lectio vij. Cap. 10. c*

**I**N illo tempore : Dixit Jesus discipulis suis : Nihil est opertum, quod non revelabitur : et occultum, quod non sciatur. Et reliqua.

*Homilia S. Hilarii Episcopi.  
Com. in Matt. c. 10. post med.*

**D**OMINUS diem iudicii ostendit, quæ abstrusam voluntatis nostræ conscientiam prodet : et ea, quæ nunc occulta existimantur, luce cognitionis publicæ detegit. Igitur non minas, non consilia, non potestates insectantium monet esse metuendas : quia dies iudicii nulla hæc fuisse, atque inania revelabit. Et quod dico vobis in tenebris, dicite in lumine : et quod in aure auditis, prædicæ super tecta. Non legimus Dominum solitum fuisse noctibus sermocinari, et doctrinam in tenebris tradidisse : sed quia omnis sermo ejus carnalibus tenebræ sunt, et verbum ejus infidelibus nox est.

*R. Coróna áurea. xxxj.*

*Lectio viij.*

**I**TAQUE id, quod a se dictum est, cum libertate fidei et confessionis vult esse loquendum. Idcirco quæ in tenebris dicta sunt, prædicari jussit in lumine : ut, quæ secréto áurium commissa

sunt, super tecta, id est, excélsio loquentium præcónio audiántur. Constánter enim Dei ingerénda cognítio est, et profundum doctrinæ evangélicæ secrétum in lumine prædicatiónis apostólicæ revelándum : non timéntes eos, quibus cum sit licéntia in cörpera, tamen in ánimam jus nullum est : sed timéntes pótius Deum, cui perdéndæ in gehénna et ánimæ et cörperis sit potéstas.

*R. Hic est vere. xxxj.*

*Lectio ix.*

**N**OLITE timére eos qui occidunt corpus. Nullus igitur cörperum nostrorum casus est pertimescendus, neque ullus interiméndæ carnis admittendus est dolor : quando pro naturæ suæ, atque originis conditióne resoluta, in substantiam spirituális ánimæ refundatur. Et quia doctrínis tali-bus confirmátos opórtet liberam confitendi Dei habére constántiam, étiam conditió-nem, qua tenerémur, adjécit : negatúrum se eum Patri in cœlis, qui se homínibus in terra negáset : eum porro, qui conféssus coram homínibus se fuisset, a se in cœlis confitendum : qualésque nos nóminis sui testes homínibus fuissémus, tali nos apud Deum Patrem testimónio ejus usúros. Te Deum laudamus. 17.

## 4. ALIA HOMILIA

IN FESTIS UNIUS MARTYRIS  
NON PONTIFICIS.Lectio sancti Evangélii  
secundum Matthæum.

Lectio vij. Cap. 10. d

**I**N illo tempore : Dixit Jesus  
discipulis suis : Nolite  
arbitrari , quia pacem vé-  
nerim mittere in terram :  
non veni pacem mittere ,  
sed gladium. Et reliqua.

Homilia sancti Hierónymi  
Presbyteri.

Lib. 1. in Matth. cap. 10.

**S**UPRA dixerat : Quod dico  
vobis in ténebris , dicite  
in lumine ; et quod in aure  
auditis , prædicæte super  
tectæ : nunc infert quid post  
prædicationem sequatur. Ad  
fidem Christi totus orbis  
contra se divisus est : una-  
quæque domus et infidèles  
et credentes habuit , et pro-  
pterea bellum missum est  
bonum , ut rumperetur pax  
mala. Tale quid et in Gé-  
nesi adversus rebelles hó-  
mines , qui moti fuerant de  
Oriente , et turrem extruere  
festinabant , per quam cœli  
alta penetrarent , fecisse  
scribitur Deus , ut divideret  
linguas eorum.

R. Coróna áurea. xxxj.

Lectio vij.

**V**ENI enim separare hó-  
minem adversus patrem  
suum. Hic locus prope isdem  
verbis in Michæa Prophéta  
scribitur. Et notandum, ubi-

cúmque de véteri Testaménto  
testimónium pónitur, utrum  
sensus tantum , an sermo  
conséntiat. Qui amat patrem  
aut matrem plus quam me ,  
non est me dignus. Qui ante  
præmiserat : Non veni pa-  
cem mittere , sed gladium ,  
et dividere hómines advér-  
sus patrem et matrem , nu-  
rum et socrum : ne quis pie-  
tatem religióni anteférret ,  
subjécit , dicens : Qui amat  
patrem , aut matrem plus  
quam me. Et in Cántico lé-  
gimus Canticórum : Ordiná-  
vit in me charitatem. Hic  
ordo in omni afféctu neces-  
sarius est : ama post Deum,  
patrem ; ama matrem , ama  
filios.

R. Hic est vere. xxxj.

Lectio ix.

**O**RDO pulcherrimus : ad  
prædicationem mittit ,  
docet perícula non timénda,  
afféctum subjicit religióni.  
Aurum supra túlerat , æs  
de zona excússerat : dura  
Evangelistárum conditio.  
Unde ergo sumptus , unde  
victus necessaria ? Austeri-  
tatem mandatórum spe tém-  
perat promissórum : Qui ré-  
cipit , inquiens, vos, me  
récipit : et qui me récipit ,  
récipit eum qui me misit :  
ut in suscipiendis Apóstó-  
lis unusquisque credéntium  
Christum se suscepisse ar-  
bitrétur.

Te Deum laudamus. 17.

## COMMUNE

## PLURIMORUM MARTYRUM.

Ad Vesperas, *Añs.* Omnes Sancti, cum reliq. de *Laud.* Ps. Dixit Dóminus, cum reliq. de *Dñica.* 134. et loco ultimi, Ps. Laudáte Dóminum, omnes gentes. 138.

*Capitulum.* Sap. 3.

**J**USTORUM animæ in manu Lei sunt, et non tanget illos tormentum mortis. Visi sunt óculis insipientium mori: illi autē sunt in pace.

*Hymnus.*

**S**ANCTORUM méritis Inelyta gáudia  
Pangámus, sócii, géstaque fórtia :

Gliscens fert ánimus prómere cántibus

Victórum genus óptimum.

**H**i sunt, quos fátue mundus abhórruit :

Hunc fructu vácuum, flóribus áridum

Contempsére tui nóminis ásseclæ,

Jesu, Rex bone Cœlitum.

**H**i pro te fúrias, atque minas truces

Calcárunť hómínũ, sævaque vérbera :

His cessit lácerans fórtiter úngula,

Nec carpsit penetrália.

Cædúntur gládiis more bi-déntium :

Non murmur résonat, non querimónia :

Sed corde impávido mens bene cónseia

Consérvat patiéntiam.

Quæ vox, quæ póterit lingua retéxere

Quæ tu Martyribus múnera præparas?

Rubri nam flúido sáanguine fúlgidis

Cingunt témpora láureis.

**T**e, summa o Déitas únique, póscimus,

Ut culpas ábigas, nóxia subtrahas,

Des pacem fámulis, ut tibi glóriam

Annórum in sériem cantant. Amen.

**V.** Lætámini in Dómino, et exultáte justí. **R.** Et gloriámini omnes recti corde.

*Ad Magnificat, Añs.*

Istórum est enim regnum cœlórum, \* qui contempsérunt vitam mundi, et pervenérunt ad præmia regni, et lavérunt stolas suas in sáanguine Agni.

*Pro pluribus Mart. Pont.*

*Oratio.*

**B**EATORUM Mártyrum, paritérque Pontíficũ **N.** et **N.** nos, quæsumus Dómine, festa tueántur : et eórum comméndet orátio veneránda. Per Dóminum.

*Si non fuerint Pontífices.*

*Oratio.*

**D**EUS, qui nos concédis sanetórum Mártyrum tuórum **N.** et **N.** natalítia

colere : da nobis in æterna  
beatitudine de eorum socie-  
tate gaudere. Per Dominum.

*Alia Oratio.*

**D**EUS, qui nos annua san-  
ctorum Martyrum tuorum **N.** et **N.** solemnitate  
lætificas : concède propitius ;  
ut quorum gaudemus mé-  
ritis, accendámur exémp-  
lis. Per Dominum.

*Ad Matutinum, Invitat.*  
**R**egem Martyrum Dñm, \* Ve-  
nite, adorémus. **Ps. Venite. 2.**

*Hymnus.*

**C**HRISTO profusum sangui-  
nem,  
Et Martyrum victórias,  
Dignámque cœlo láuream  
Lætis sequámur vóci-  
bus.  
**T**erróre victo sæculi,  
Pœnisque spretis córporis,  
Mortis sacræ compéndio  
Vitam beátam pòssident.  
**T**radúntur igni Mártires,  
Et bestiárum déntibus :  
Armáta sævit úngulis  
Tortóris insáni manus.  
**N**udáta pendent víscera,  
Sanguis sacrátus fúnditur :  
Sed pérmanent immóbiles  
Vitæ perén-  
nis grátia.

**T**e nunc, Redémptor, quæ-  
sumus,  
Ut Mátyrum consórtio  
Jungas precántes sérvulos  
In sempitérna sæcula. Am.

*In primo Nocturno.*

**Añ.** Secus decúrsus aquá-  
rum \* plantávit vineam ju-  
stórum, et in lege Dómini  
fuit volúntas eórum.

*Psalmus 1.*

**B**EATUS vir, qui non ábiit  
in consílio impiórum, et  
in via peccatórum non ste-  
tit, \* et in cáthedra pesti-  
léntiæ non sedit.

**S**ed in lege Dómini volún-  
tas ejus, \* et in lege ejus  
meditábitur die ac nocte.

**E**t erit tamquam lignum,  
quod plantátum est secus  
decúrsus aquárum, \* quod  
fructum suum dabit in tém-  
pore suo :

**E**t fólium ejus non défluet :  
\* et ómnia quæcúmque fá-  
ciet, prosperabúntur.

**N**on sic impii, non sic : \*  
sed tamquam pulvis, quem  
pró-  
jicit ventus a fácie terræ.

**I**deo non resúrgent impii  
in judício : \* neque pecca-  
tóres in concílio justórum.

**Q**uóniam novit Dóminus  
viam justórum : \* et iter  
impiórum peribit.

**Añ.** Secus decúrsus aquá-  
rum plantávit vineam ju-  
stórum, et in lege Dómini  
fuit volúntas eórum.

**Añ.** Tamquam aurum in  
fornáce \* probávit eléctos  
Dóminus : et quasi holo-  
causta accépit eos in ætér-  
num.

*Psalmus 2.*

**Q**UARE fremuérunt gentes,  
\* et pópuli meditáti  
sunt inánia?

**A**stitérunt reges terræ, et  
príncipes convenérunt in  
unum, \* advérsus Dómi-



num, et adversus Christum ejus.

**D**irumpamus vincula eorum : \* et projiciamus a nobis jugum ipsorum.

**Q**ui habitat in cœlis, iridebit eos : \* et Dominus subsannabit eos.

**T**unc loquétur ad eos in ira sua, \* et in furóre suo conturbabit eos.

**E**go autem constitutus sum Rex ab eo super Sion montem sanctum ejus, \* prædicans præceptum ejus.

**D**ominus dixit ad me : \* Filius meus es tu, ego hodie genui te.

**P**ostula a me, et dabo tibi gentes hereditatem tuam, \* et possessionem tuam terminos terræ.

**R**eges eos in virga fërrea, \* et tamquam vas figuli confringes eos.

**E**t nunc reges intelligite : \* erudimini qui judicatis terram.

**S**ervite Dómino in timóre : \* et exultáte ei cum tremóre.

**A**pprehéndite disciplinam, nequándo irascátur Dóminus, \* et percátis de via justa.

**C**um exárserit in brevi ira ejus, \* beáti omnes, qui confidunt in eo.

**Añá.** Tamquam aurum in fornace probávit eléctos Dóminus : et quasi holocausta accepit eos in ætérnum.

**Añá.** Si coram homínibus

\* torménta passi sunt, spes electórum est immortális in ætérnum.

### Psalmus 3.

**D**OMINE, quid multiplicati sunt qui tribulant me ? \* multi insurgunt adversum me.

**M**ulti dicunt animæ meæ : \* Non est salus ipsi in Deo ejus.

**T**u autem, Dómine, susceptor meus es, \* glória mea, et exáltans caput meum.

**V**oce mea ad Dóminum clamávi : \* et exaudivit me de monte sancto suo.

**E**go dormívi, et soporátus sum : \* et exurrexi, quia Dóminus suscepit me.

**N**on timébo míllia pópuli circumdántis me : \* exúrge, Dómine, salvum me fac Deus meus.

**Q**uóniam tu percussisti omnes adversátes mihi sine causa : \* dentes peccatórum contrivisti.

**D**ómini est salus : \* et super pópulum tuum benedictio tua.

**Añá.** Si coram homínibus torménta passi sunt, spes electórum est immortális in ætérnum. **V.** Lætámini in Dómino, et exultáte justí.

**R.** Et gloriámini omnes recti corde. **P**ater noster.

**Absolutio.** Exáudi, Dómine.

**V.** Jube, domne. **Benedictio.** Benedictióne perpétua.

De Epístola beáti Pauli

Apóstoli ad Romános.

*Lectio j. Cap. 8. c*

**F**RATRES, Debitóres sumus non carni, ut secúndum carnem vivámus. Si enim secúndum carnem vixéritis, moriémini : si autem spírítu facta carnis mortificavéritis, vivétis. Quicúmque enim spírítu Dei agúntur, ii sunt filii Dei. Non enim accepístis spírítum servitútis íterum in timóre, sed accepístis spírítum adoptiónis filiórum, in quo clamámus : Abba (Pater.) Ipse enim Spírítus testimónium reddit spírítui nostro, quod sumus filii Dei. Si autem filii, et herédes : herédes quidem Dei, coherédes autem Christi : si tamen compátimur, ut et conglorificémur. Existimo enim quod non sunt condignæ passiónes hujus témporis ad futúram glóriam, quæ revelábitur in nobis. Nam expectátio creatúræ revelatió-nem filiórum Dei expéctat.

**R.** Abstérget Deus omnem lácrymam ab óculis Sanctórum : et jam non erit ámplius neque luctus, neque clamor, sed nec ullus dolor:

**\*** Quóniam prióra transiérunt. **Y.** Non esúrient, neque sítient ámplius, neque cadet super illos sol, neque ullus æstus. Quóniam. **Bened.** Unigénitus Dei Filius.

*Lectio ij.*

**S**CIMUS autem quóniam diligéntibus Deum ómnia cooperántur in bonum, iis, qui secúndum propósitum vocáti sunt sancti. Nam quos præscívit, et prædestinávit confórmes fieri imáginis Filii sui, ut sit ipse primogénitus in multis frátribus. Quos autem prædestinávit, hos et vocávit : et quos vocávit, hos et justificávit : quos autem justificávit, illos et glorificávit. Quid ergo dicémus ad hæc? Si Deus pro nobis, quis contra nos? Qui étiam próprio Filio suo non pepércit, sed pro nobis ómnibus trádedit illum : quómodo non étiam cum illo ómnia nobis donávit? Quis accusábit advérsus eléctos Dei? Deus qui justificat, quis est qui condémnet? Christus Jesus, qui mórtuus est, immo qui et resurréxit, qui est ad dexteram Dei, qui étiam interpellat pro nobis.

**R.** Viri sancti gloriósum sánguinem fuderunt pro Dómino, amavérunt Christum in vita sua, imitáti sunt eum in morte sua : **\*** Et ideo corónas triumpháles meruérunt. **Y.** Unus spírítus, et una fides erant in eis. Et.

**Ben.** Spírítus sancti grátia.*Lectio iij.*

**Q**UIS ergo nos separábit a charitáte Christi? tri-

bulatio, an angustia, an fames, an nuditas, an periculum, an persecutio, an gladius? (Sicut scriptum est : Quia propter te mortificamur tota die : aestimati sumus sicut oves occisionis.) Sed in his omnibus superamus propter eum, qui dilexit nos. Certus sum enim, quia neque mors, neque vita, neque Angeli, neque Principatus, neque Virtutes, neque instantia, neque futura, neque fortitudo, neque altitudo, neque profundum, neque creatura alia poterit nos separare a charitate Dei, quae est in Christo Jesu Domino nostro.

*℣.* Tradiderunt corpora sua propter Deum ad supplicia : \* Et meruerunt habere coronas perpetuas. *℟.* Isti sunt qui venerunt ex magna tribulatione, et laverunt stolas suas in sanguine Agni. Et. Gloria Patri. Et.

*In secundo Nocturno.*

*Añs.* Dabo Sanctis meis \* locum nominatum in regno Patris mei, dicit Dominus.

*Psalmus 14.*

**D**OMINE, quis habitabit in tabernaculo tuo? \* aut quis requiescet in monte sancto tuo?

*Qui* ingreditur sine macula, \* et operatur justitiam :

*Qui* loquitur veritatem in corde suo, \* qui non egit dolum in lingua sua :

Nec fecit proximo suo malum, \* et opprobrium non accepit adversus proximos suos.

*Ad* nihilum deductus est in conspectu ejus malignus : \* timentes autem Dominum glorificat :

*Qui* jurat proximo suo, et non decipit : \* qui pecuniam suam non dedit ad usuram, et munera super innocentem non accepit :

*Qui* facit haec, \* non movetur in aeternum.

*Añs.* Dabo Sanctis meis locum nominatum in regno Patris mei, dicit Dominus.

*Añs.* Sanctis, qui in terra sunt ejus, \* mirificavit omnes voluntates meas inter illos.

*Psalmus 45.*

**C**ONSERVA me, Domine, quoniam speravi in te. \* Dixi Domino : Deus meus es tu, quoniam bonorum meorum non eges.

*Sanctis*, qui sunt in terra ejus, \* mirificavit omnes voluntates meas in eis.

*Multiplicatae* sunt infirmitates eorum : \* postea acceleraverunt.

*Non* congregabo conventicula eorum de sanguinibus : \* nec memor ero nominum eorum per labia mea.

*Domine* pars hereditatis meae, et calicis mei ; \* tu es qui restitues hereditatem meam mihi.

Funes ceciderunt mihi in præclâris: \* etenim hereditas mea præclâra est mihi.

Benedicam Dóminum, qui tribuit mihi intelléctum: \* insuper et usque ad noctem increpuérunt me renes mei.

Providébam Dóminum in conspéctu meo semper: \* quóniam a dextris est mihi, ne commóvear.

Propter hoc lætátum est cor meum, et exultávit lingua mea: \* insuper et caro mea requiescet in spe.

Quóniam non derelínques ánimam meam in inférno: \* nec dabis sanctum tuum vidére corruptionem.

Notas mihi fecísti vias vitæ, adimplébis me lætítia cum vultu tuo: \* delectatiónes in dextera tua usque in finem.

**Aññ.** Sanctis, qui in terra sunt ejus, mirificávit omnes voluntâtes meas inter illos.

**Aññ.** Sancti \* qui sperant in Dómino, habébunt fortitudinem: assúment pennas ut áquilæ, volábunt, et non deficient.

### Psalmus 23.

**D**OMINI est terra, et plenitúdo ejus: \* orbis terrarum, et univérsi, qui hábitant in eo.

Quia ipse super mária fundávit eum: \* et super flúmina præparávit eum.

Quis ascéndet in montem Dómini? \* aut quis stabit in loco sancto ejus?

Innocens manibus et mundo corde, \* qui non accépit in vano ánimam suam, nec jurávit in dolo próximo suo.

Hic accípiet benedictiónem a Dómino: \* et misericórdiam a Deo salutári suo.

Hæc est generátio quæréntium eum, \* quæréntium faciém Dei Jacob.

Attóllite portas, príncipes, vestras, et elevámini portæ æternâles: \* et introíbit rex glóriæ.

Quis est iste rex glóriæ, \* Dóminus fortis et potens? Dóminus potens in prælio.

Attóllite portas, príncipes, vestras, et elevámini portæ æternâles: \* et introíbit rex glóriæ.

Quis est iste rex glóriæ? \* Dóminus virtútum ipse est rex glóriæ.

**Aññ.** Sancti qui sperant in Dómino, habébunt fortitudinem: assúment pennas ut áquilæ, volábunt, et non deficient. **ŷ.** Exúltent justí in conspéctu Dei. **ŷ.** Et delecténtur in lætítia. **Pater noster.** **Absolutio.** Ipsius pletas. **ŷ.** Jube, domne. **Bened.** Deus Pater omnipotens. **Sermo S. Augustíni Episc.**

### Lectio iv.

**Serm. 47. de Sanctis.**

**Q**UOTIESCUMQUE, fratres charíssimi, sanctórum Mártyrum solémnia celebrámus, ita, ipsis intercedéntibus, expectémus a

Dómino consequi temporália benefícia, ut ipsos Mártýres imitádo, accipere mereámur ætérna. Ab ipsis enim sanctórum Mártýrum in veritáte festivitátum gáudia celebrántur, qui ipsórum Mártýrum exémpa sequúntur. Solemnitátes enim Mártýrum exhortatiónes sunt martyriórum : ut imitári non plgeat, quod celebráre deléctat.

**R.** Sancti tui, Dómine, mirábile consecúti sunt iter, serviétes præcéptis tuis, ut inveniréntur illæsi in aquis válidis : \* Terra apparuit árida, et in mari Rubro via sine impediménto. **V.** Quóniam percússit petram, et fluxérunt aquæ, et torréntes inundavérunt. Terra. **Bened.** Christus perpétuæ.

#### Lectio v.

**S**ED nos vólumus gaudére cum Sanctis, et tribulatióne mundi nólumus sustinére cum ipsis. Qui enim sanctos Mártýres, in quantum potúerit, imitári nolúerit, ad eórum beatitúdinem non póterit pervenire. Sed et Paulus Apóstolus prædicat, dicens : Si fuérimus sócii passiónum, érimus et consolatiónum. Et Dóminus in Evangélio : Si mundus vos odit, scitóte quia me priórem vobis ódio hábuit. Recúsat esse in cór-

pore, qui ódium non vult sustinére cum cápite.

**R.** Vérbera carnificum non timuérent Sancti Dei, moriéntes pro Christi nómine : \* Ut herédes fierent in domo Dómini. **V.** Tradiderunt córpora sua propter Deum ad supplicia. Ut. **Bened.** Ignem sui amóris.

#### Lectio vj.

**S**ED dicet áliquis : Et quis est, qui possit beatórum Mártýrum vestigia sequi? Huic ego respódeó, quia non solum Mártýres, sed étiam ipsum Dóminum cum ipsíus adjutório, si vólumus, póssumus imitári. Audi non me, sed ipsum Dóminum géneri humano clamántem : Discite a me, quia mitis sum, et húmilis corde. Audi et Petrum Apóstolum admonéntem : Christus passus est pro nobis, relinquens nobis exémpum, ut sequámur vestigia ejus.

**R.** Tamquam aurum in fornáce probávit eléctos Dóminus, et quasi holocáusti hóstiam accépit illos : et in témpore erit respéctus illórum : \* Quóniam donum et pax est eléctis Dei. **V.** Qui confidunt in illum, intélligent veritátem : et fidéles in dilectiône acquiescent illi. Quóniam. **G**loria Patri. Quóniam.

#### In tertio Nocturno.

**Añsa.** Justi autem \* in per-

pétuum vivent, et apud Dóminum est merces eórum.

**Psalmus 32.**

**E**XULTATE iusti in Dómino : \* rectos decet colaudatio.

**C**onfitemini Dómino in ci-thara : \* in psaltério decem chordarum psallite illi.

**C**antate ei canticum novum : \* bene psallite ei in vociferatione.

**Q**uia rectum est verbum Dómini, \* et omnia ópera ejus in fide.

**D**iligít misericórdiam et júdiciú : \* misericórdia Dómini plena est terra.

**V**erbo Dómini cœli firmati sunt : \* et spíritu oris ejus omnis virtus eórum.

**C**ongregans sicut in utre aquas maris : \* ponens in thesauris abyssos.

**T**ímeat Dóminum omnis terra : \* ab eo autem commoveántur omnes inhabitantes orbem.

**Q**uóniam ipse dixit, et facta sunt : \* ipse mandávit, et creata sunt.

**D**óminus dissipat consília géntium : \* réprobatautem cogitationes populórum, et réprobat consília principum.

**C**onsílium autem Dómini in ætérnum manet : \* cogitationes cordis ejus in generatione et generationem.

**B**eata gens, cujus est Dñs Deus ejus : \* pópulus, quem elégit in hereditatem sibi.

**D**e cœlo respéxit Dóminus : \* vidit omnes filios hóminum.

**D**e præparato habitáculo suo \* respéxit super omnes, qui habitant terram.

**Q**ui finxit sigillatim corda eórum : \* qui intélligit omnia ópera eórum.

**N**on salvátur rex per multam virtutem : \* et gigas non salvábitur in multitudine virtutis suæ.

**F**allax equus ad salutem : \* in abundantia autem virtutis suæ non salvábitur.

**E**cce óculi Dómini super metuéntes eum : \* et in eis, qui sperant super misericórdia ejus.

**U**t éruat a morte ánimas córum : \* et alat eos in fame.

**A**nima nostra sústinet Dóminum : \* quóniam adjutor et protéctor noster est.

**Q**uia in eo lætábitur cor nostrum : \* et in nómine sancto ejus sperávimus.

**F**iat misericórdia tua, Dómine, super nos : \* quemádmódum sperávimus in te.

**Añ**a. Iusti autem in perpétuum vivent, et apud Dóminum est merces eórum.

**Añ**a. Tradiderunt \* córpora sua in mortem, ne servírent idólis : ideo coronati possident palmam.

**Psalmus 33.**

**B**ENEDICAM Dóminum in omni témpore : \* semper laus ejus in ore meo.

**I**n Dómino laudábitur ani-



ma mea : \* audiant mansueti, et lætentur.

**M**agnificæte Dóminum mecum : \* et exaltémus nomen ejus in idipsum.

**E**xquisivi Dóminum, et exaudivit me : \* et ex ómnibus tribulatióibus meis eripuit me.

**A**ccédite ad eum, et illuminámini : \* et fácies vestræ non confundéntur.

**I**ste pauper clamávit, et Dóminus exaudivit eum : \* et de ómnibus tribulatióibus ejus salvávit eum.

**I**mmittet Angelus Dómini in circúitu timéntium eum : \* et eripiet eos.

**G**ustáte, et vidéte quóniam suávis est Dóminus : \* beátus vir, qui sperat in eo.

**T**iméte Dóminum omnes sancti ejus : \* quóniam non est inópia timéntibus eum.

**D**ivites eguérunt et esuriérunt : \* inquiréntes autem Dóminum non minuéntur omni bono.

**V**eníte, filii, audíte me : \* timórem Dómini docébo vos.

**Q**uis est homo qui vult vitā : \* diligit dies vidére bonos?

**P**róhibe linguam tuam a malo : \* et lábia tua ne loquántur dolum.

**D**ivérte a malo, et fac bonum : \* inquire pacem, et perséquare eam.

**O**culi Dómini super justos : \* et aures ejus in preces córum.

**V**ultus autem Dómini super faciéntes mala : \* ut perdat de terra memóriam eórum.

**C**lamavérunt justí, et Dóminus exaudivit eos : \* et ex ómnibus tribulatióibus eórum liberávit eos.

**J**uxta est Dóminus iis, qui tribuláto sunt corde : \* et húmiles spíritu salvábit.

**M**ultæ tribulatióes justórum : \* et de ómnibus his liberábit eos Dóminus.

**C**ustódit Dóminus ómnia ossa eórum : \* unum ex his non conterétur.

**M**ors peccatórum péssima : \* et qui odérunt justum, delinquent.

**R**édimet Dóminus ánimas servórum suórum : \* et non delinquent omnes qui sperant in eo.

**Añs.** Tradidérunt córpora sua in mortem, ne servírent idólis : ideo coronáti póssident palmam.

**Añs.** Ecce merces \* Sanctórum copiósa est apud Deum : ipsi vero mórtui sunt pro Christo, et vivent in ætérnum.

**Psalmus 48.**

**D**EUS noster refúgium, et virtus : \* adjútor in tribulatióibus, quæ invénérunt nos nimis.

**P**roptérea non timébimus dum turbábitur terra : \* et transferéntur montes in cor maris.

Sonuérunt et turbátæ sunt aquæ eórum : \* conturbáti sunt montes in fortitudine ejus.

Flúminis impetus lætíficat civitátem Dei : \* sanctificávit tabernáculum suum Altíssimus.

Deus in médio ejus, non commovébitur : \* adjuvábít eam Deus mane dilúculo.

Conturbátæ sunt gentes, et inclináta sunt regna : \* dedit vocem suam, mota est terra.

Dóminus virtútum nobiscum : \* suscéptor noster Deus Jacob.

Venite, et vidéte ópera Dómini, quæ pósuit prodígia super terram : \* áuferens bella usque ad finem terræ.

Arcum cónteret, et confrínget arma : \* et scuta combúret igni.

Vacáte, et vidéte quóniam ego sum Deus : \* exaltábor in géntibus, et exaltábor in terra.

Dóminus virtútum nobiscum : \* suscéptor noster Deus Jacob.

*Añs.* Ecce merces Sanctórum copiósa est apud Deum : ipsi vero mórtui sunt pro Christo, et vivent in ætérnum. *¶* Justi autem in perpétuum vivent. *ñ.* Et apud Dóminum est merces eórum.

Pater noster. *Absol.* A vinctulis. *¶* Jube, domne.

*Bened.* Evangélica lécio.

Lécio sancti Evangélii secúndum Lucam.

*Lectio vij. Cap. 21. c*

**I**N illo témpore : Dixit Jesus discípulis suis : Cum audiéritis prælia, et seditiões, nolíte terréri : opórtet primum hæc fieri, sed nondum statim finis. Et réliqua.

Homília S. Gregórii Papæ.

*Hem. 35. in Evang.*

**D**OMINUS ac Redémptor noster peritúri mundi præcurréntia mala denúntiat, ut eo minus pertúrbent veniéntia, quo fúerint præscíta. Minus enim jácula fériunt quæ prævidéntur : et nos tolerabilius mundi mala suscépimus, si contra hæc per præsciéntiæ clypéum munímur. Ecce enim dicit : Cum audiéritis prælia, et seditiões, nolíte terréri : opórtet enim primum hæc fieri, sed nondum statim finis. Pensánda sunt verba Redemptóris nostri, per quæ nos áliud intérius, áliud extérius passúros esse denúntiat. Bella quippe ad hostes pértinent, seditiões ad cives. Ut ergo nos índicet intérius exteriúsque turbári, áliud nos fatétur ab hóstibus, áliud a frátribus pérpeti.

*R.* Propter testaméntum Dómini, et leges patérnas, Sancti Dei perstitérunt in amóre fraternitátis : \* Quia

unus fuit semper spiritus in eis, et una fides. *Ÿ.* Ecce quam bonum et quam jucundum habitare fratres in unum! Quia. *Bened.* Quorum festum colimus.

*Lectio viij.*

**S**ED his malis præveniētibz, quia non statim finis sequatur, adjungit: Surget gens contra gentem, et regnum adversus regnum: et terræmōtus magni erunt per loca, et pestilentiæ, et fames, terrorésque de cœlo, et signa magna erunt. Ultima tribulatio multis tribulationibus prævenitur: et per crebra mala, quæ præveniunt, indicantur mala perpétua, quæ subsequuntur. Et ideo post bella et seditiōnes non statim finis: quia multa debent mala præcurrere, ut malum valeant sine fine nuntiāre.

*R.* Sancti mei, qui in carne pōiti, certāmen habuistis: \* Mercēdem labōris ego reddam vobis. *Ÿ.* Venite, benedicti Patris mei, percipite regnum. Mercēdem. Glória Patri. Mercēdem. *Bened.* Ad societātem.

Sequens *R.* dicitur post viij. vel ij. *Lect.* in Festo plur. Mart. fratrum.

*R.* Hæc est vera fraternitas, quæ numquam pōtuit violāri certāmine: qui effūso sāguine secūti sunt Dōminum: \* Contemnētes

aulam régiam, pervenērunt ad regna cœlestia. *Ÿ.* Ecce quam bonum et quam jucundum habitare fratres in unum! Contemnētes. Glória Patri. Contemnētes.

*Lectio ix.*

**S**ED cum tot signa perturbationis dicta sint, oportet ut eōrum consideratiōnem breviter per singula perstringāmus: quia necesse est, ut alia e cœlo, alia e terra, alia ab elemētis, alia ab hominibus patiāmur. Ait enim: Surget gens contra gentem, ecce perturbatiō hōinum: erunt terræmōtus magni per loca, ecce respēctus iræ dēsuper: erunt pestilentiæ, ecce inæqualitas cōrporum: erit fames, ecce sterilitas terræ: terrorésque de cœlo et tempestātes, ecce inæqualitas aeris. Quia ergo omnia consummāda sunt, ante consummatiōnem omnia perturbāntur: et qui in cunctis deliquimus, in cunctis ferimur: ut impleatur quod dicitur: Et pugnabit pro eo orbis terrārum contra insensātos.

Te Deum laudāmus. 17.

AD LAUDES,

et per Horas, *Ant.*

4. Omnes sancti \* quanta passi sunt tormēta, ut secūri pervenirent ad palmam martyrii! *Ps.* Dōminus regnāvit, *cum reliq.* 18.

2. Cum palma \* ad regna pervenérunt Sancti, corónas decóris meruérunt de manu Dei.

3. Córpora Sanctórum \* in pace sepúlta sunt : et vivent nómina eórum in ætérnum.

4. Mártyres Dómini, \* Dñum benedicite in ætérnum.

5. Mártyrum chorus, \* laudate Dóminum de cœlis, allelúia.

*Capitulum. Sap. 3.*

**I**USTORUM animæ in manu Dei sunt, et non tanget illos torméntum mortis. Visi sunt óculis insipiéntium mori : illi autem sunt in pace.

*Hymnus.*

**R**EX glorióse Mártyrum, Coróna confiténtium, Qui respuéntes térrea Perdúcis ad cœlestia.

Aurem benignam prótinus, luténde nostris vócbus : Trophæa sacra pångimus, Ignósce quod delíquimus.

Tu vincis inter Mártyres, Parcisque Confessóribus : Tu vince nostra crimina, Largitor indulgéntiæ.

Deo Patri sit glória, Ejúsque soli Fílio, Cum Spíritu Paráclito, Nunc, et per omne sæculum. Amen.

Ÿ. Exultábunt Sancti in glória. R̃. Lætabúntur in cubilibus suis.

*Ad Benedictus, Añs.*

Vestri capilli cápitis \* omnes numeráti sunt : nolite timé-

AUTUMN.

re : multis passéribus meliôres estis vos.

*Pro-plurib. Mart. Pont.*

*Oratio.*

**B**EATORUM Mártyrum, patritérque Pontificum *N.* et *N.* nos, quæsumus Dómine, festa tueántur : et eórum comméndet orátio veneránda. Per Dóminum.

*Si non fuerint Pontifices.*

*Oratio.*

**D**EUS, qui nos concédis sanctórum Mártyrum tuórum *N.* et *N.* natalitia cólere : da nobis in ætérna beatitúdine de eórum societáte gaudére. Per Dóminum.

*Alia Oratio.*

**D**EUS, qui nos ánnua sanctórum Mártyrum tuórum *N.* et *N.* solemnitáte lætíficas : concéde propítius ; ut, quorum gaudémus méritis, accendámur exémp-  
plis. Per Dóminum.

*Ad Tertiam, Añs.*

Cum palma.

*Capit. Justórum. supra.*

R̃. br. Lætámini in Dómino, \* Et exultáte justi. Lætámini. Ÿ. Et gloriámini omnes recti corde. Et. Glória Patri. Lætámini. Ÿ. Exúltent justi in conspéctu Dei. R̃. Et delecténtur in lætítia.

*Ad Sextam, Añs.*

Córpora Sanctórum.

*Capitulum. Sap. 10. d*

**R**EDDIDIT Deus mercédem labórum Sanctórum suórum, et deduxit illos in via

mirabili : et fuit illis in velamento diei, et in luce stellarum nocte.

*R. br.* Exultent iusti \* In conspectu Dei. Exultent. *V.* Et delectentur in lætitia. In. Glória Patri. Exultent. *V.* Iusti autem in perpétuum vivent. *R.* Et apud Dóminum est merces eórum.

Ad Nonam, Añæ.

Martyrum chorus.

Capitulum. Sap. 3.

**F**ULGEBUNT iusti, et tamquam scintillæ in arundinato discurrent. Judicabunt nationes, et dominabuntur pópulis : et regnabit Dóminus illórum in perpétuum.

*R. br.* Iusti autem \* In perpétuum vivent. Iusti. *V.* Et apud Dóminum est merces eórum. In. Glória Patri. Iusti. *V.* Exultabunt Sancti in glória. *R.* Lætabuntur in cubilibus suis.

Ad Vesperas, Añæ.

1. Isti sunt Sancti \* qui pro testamento Dei sua corpora tradiderunt, et in sanguine Agni laverunt stolas suas. *Ps.* Dixit Dóminus, cum reliquis de Dñica. 134. et loco ult. *Ps.* Crédidi. 138.

2. Sancti per fidem \* vicerunt regna, operati sunt iustitiam, adepti sunt re-promissiones.

3. Sanctorum velut \* aquilæ iuventus renovabitur : floréunt sicut lílium in civitate Dómini.

4. Abstérget Deus \* omnem lácrymam ab óculis Sanctorum, et jam non erit amplius neque luctus, neque clamor, sed nec ullus dolor: quóniam prióra transierunt.

5. In cœlestibus regnis \* Sanctorum habitatio est, et in ætérnum réquies eórum.

Capitulum et Hymnus ut in primis Vesperis. xxxviij.

*V.* Exultabunt Sancti in glória. *R.* Lætabuntur in cubilibus suis.

Ad Magnificat, Añæ.

Gaudent in cœlis \* animæ Sanctorum, qui Christi vestigia sunt secuti : et quia pro ejus amore sanguinem suum fuderunt, ideo cum Christo exultant sine fine.

2. ALIÆ LECTIONES

PRO PLURIBUS MART.

In secundo Nocturno.

Sermo sancti Joannis Chrysostomi.

Lectio iv.

Serm. 1. de Martyr. t. 3.

**N**EMO est qui nesciat, martyrum glórias ad hoc divíno consilio a Dei pópulis frequentári, ut et illis débitus honor dicétur, et nobis virtutis exempla, favénte Christo, monstréntur: ut, dum hæc ita celebrári perspicimus, cognoscámus quanta eos glória inaneat in cœlis, quorum natalitia taliter celebrántur in terris : quo possimus étiam ipsi talibus provocári exemplis,

virtute pari, devotione consimili ac fide; ut, Christo præstante, dimicare, et vincere hostem possimus: ut, parta victoria, cum iisdem Sanctis in regnis cœlestibus triumphemus.

ñ. Sancti tui, Dómine. xlv.

*Lectio v.*

**Q**UIS est enim, qui eorum volens merito copulari, nisi prius constantiam eorum teneat, sectetur fidem, imitetur virtutem passionis, eorum gloriam paribus vitæ lineamentis aut inveniat, aut exquirat? Qui etsi martyrio par esse non possit, tamen muneris tanti dignitate se quisque bonis actibus dignum præbeat. Adest enim clementissimus Deus, qui desiderantibus suis aut martyrium præbeat, aut sine martyrio cum Sanctis præmia divina retribuat.

ñ. Verbera. xlv.

*Lectio vj.*

**U**T enim infirmatur peccator adversis, ita justus tentationibus roboratur. Sic dimicarunt adversus peccatum Sancti: sic et laborando fortiores, et moriendo victores effecti sunt. Nullus athlètes sine certamine fortior dici, nullus sine victoria poterit coronari. Nemo miles sine prælio hostem subjicit: nemo sine bello imperatorem promeruit. Habes, Christiâne, competentia arma,

quibus hostem expugnes: habes fortissima tela, quibus inimicum debelles.

ñ. Tamquam. xlv.

*In tertio Nocturno.*

*Lectio sancti Evangelii secundum Lucam.*

*Lectio vij. Cap. 6. c*

**I**N illo tempore: Descendens Jesus de monte, stetit in loco campèstri, et turba discipulorum ejus, et multitudo copiosa plebis ab omni Judæa, et Jerúsalem, et marítima, et Tyri, et Sidónis. Et reliqua.

Homília sancti Ambrósii  
Epíscopi.

*Lib. 5. in Lucæ cap. 6.*

**A**DVERTE ómnia diligenter, quómodo et cum Apóstolis ascéndat, et descéndat ad turbas. Quómodo enim turba nisi in humili Christum vidéret? Non sequitur ad excelsa, non ascéndit ad sublimia. Denique ubi descéndit, invenit infirmos: in excelsis enim infirmi esse non possunt. Hinc étiam Matthæus docet, in inferiõribus debiles esse sanátos. Prius enim unusquisque sanándus est, ut paulátim virtutibus procedentibus ascendere possit ad montem. Et ideo quemque in inferiõribus sanat, hoc est, a libidine révocat, injúriam cæcitatís avértit. Ad vúlnera nostra descéndit: ut usu quodam et cõ-



pia suæ naturæ, comparticipes nos faciat esse regni cœlestis.

**IV.** Propter testamētum Dōmini, et leges patrēnas, Sancti Dei perstitērunt in amorē fraternitātis : \* Quia unus fuit semper splritus in eis, et una fides. **V.** Ecce quam bonum et quam jucundum habitāre fratres in unum ! Quia unus.

*Lectio viij.*

**B**EATI pāuperes, quia vestrum est regnum Dei. Quātuor tantum beatitudines sanctus Lucas dominicas pōsuit, octo vero sanctus Matthæus : sed in illis octo istæ quātuor sunt, et in quātuor istis illæ octo. Hic enim quātuor velut virtutes amplēxus est cardinales : ille in illis octo mysticum numerum reserāvit. Pro octāva enim multi inscribūntur Psalmi : et mandātum accipis octo illis partem dare, fortāsse benedictionibus. Sicut enim spei nostræ octāva perfēctio est, ita octāva summa virtutum est.

**R.** Sancti mei, qui in carne pōsiti, certāmen habuistis : \* Mercēdem labōris ego reddam vobis. **V.** Venite, benedicti Patris mei, percipite regnum. Mercēdem. Glōria Patri. Mercēdem.

*Lectio ix.*

**S**ED prius quæ sunt ampliora videāmus. Beāti,

inquit, pāuperes, quoniam vestrum est regnum Dei. Primam benedictionem hanc uterque Evangelista pōsuit. Ordine enim prima est, et parens quædam generatioque virtutum : quia qui contempserit sæcularia, ipse merēbitur sempiterna : nec potest quisquam meritum regni cœlestis adipisci, qui mundi cupiditate pressus, emergēdi non habet facultatem.

Te Deum laudamus. 17.

**3. ALIA HOMILIA.**

*Lectio sancti Evangelii secundum Lucam.*

*Lectio vij. Cap. 12.*

**I**N illo tempore : Dixit Jesus discipulis suis : Attendite a fermento Pharisæorum, quod est hypocrisis. Et reliqua.

Homilia venerabilis Bedæ Presbyteri.

*Lib. 4. in Lucam, cap. 52.*

**D**E hoc fermento Apóstolus præcipit : Itaque epulēmur, non in fermento veteri, neque in fermento malitiæ et nequitiae, sed in azymis sinceritatis et veritatis. Nam sicut modicum fermentum totam farinae, cui injicitur, massam corrumpit, universamque mox conspersiōnem suo sapore commaculat : sic nimirum simulatio, cujus semel animum imbuerit, tota virtutum sinceritate et veritate

fraudabit. Est ergo sensus : Atténdite, ne æmulémini simulatóres, quia véniet profécto tempus, in quo et vestra virtus ómnibus, et eórum revelétur hypócrisis.

**R.** Propter. liij.

*Lectio viij.*

**V**ERUM quod séquitur: Quóniam quæ in ténebris dixistis, in lúmine dicéntur : non solum in futúro, quando cuncta córdium abscondita proferéntur ad lucem, sed et in præsénti témpore potest congruénter accipi : quóniam quæ inter ténebras quondam pressurárum, carcerúmque umbras, vel locúti, vel passi sunt Apóstoli; nunc, clarificáta per orbem Ecclésia, lectis eórum áctibus, públice prædicántur. Ne terreámini ab his qui occidunt corpus. Si persecutóres Sanctórum, occisis corpóribus, non habent ámplius quid contra illos agant; ergo supervácuá furunt insánia, qui mórtua Mártyrum membra feris avibúsque discerpénda projéiunt, cum nequáquam omnipoténtiæ Dei, quin ea resuscitándo vivíficet, obsistere possint.

**R.** Sancti mei. liij.

*Lectio ix.*

**D**uo autem sunt génera persecutórum : unum palam sæviéntium, álterum fícte fraudulentérque blandiéntium. Contra utrúmque

nos munire, atque instituere volens Salvátor, et supra ab hypócrisi Pharisæórum atténdere, et hic a carníficum cæde præcipit non timére : quia vidélicet post mortem nec horum crudélitas, nec illórum váleat simulátio duráre. Nonne quinque pásse-res véneunt dipóndio? Si minutíssima, inquit, animália, et quæ quólibet per áera ferúntur volatília, Deus obli-vísci non potest; vos, qui ad imáginem facti estis Creatóris, non debétis terréri ab his qui occidunt corpus : quia qui irrationabília animália gubérnat, rationabília curáre non désinit.

**Te Deum laudámus. 17.**

COMMUNE

CONFESSORIS PONTIFICIS.

**Ad Vesperas, Añá.** Ecce sacérdos magnus, **cum reliq. de Laud. Ps.** Dixit Dóminus, **cum reliq. de Dñica. 134. et loco ult., Ps.** Laudáte Dñum, omnes gentes. 138.

**Capitulum. Eccli. 44. c**

**E**CCE sacérdos magnus, qui in diébus suis plácuít Deo, et invéntus est justus : et in témpore iracúndiæ factus est reconciliátio.

**Hymnus.**

**I**STE Conféssor Dómini, coléntes

Quem pie laudant pópuli per orbem,

Hac die lætus méruit beátas Scándere sedes.

Si non est dies obitus die.  
Hac die lætus méruit su-  
prémos

Laudis honóres.

Qui pius, prudens, húmilis,  
pudícus,  
Sóbriam duxit sine labe  
vitam,

Donec humános animávit  
auræ

Spiritus artus.

Cujus ob præstans méritum,  
frequénter

Ægra, quæ passim jacuere,  
membra,

Viribus morbi dómitis, sa-  
lúti

Restituúntur.

Noster hinc illi chorus ob-  
sequéntem

Cóncinit laudem, celebrés-  
que palmas ;

Ut piis ejus précibus juvé-  
mur

Omne per ævum.

Sit salus illi, decus, at-  
que virtus ;

Qui super cœli sólio corú-  
scans,

Tótius mundi sériem gu-  
bérnat,

Trinus et unus. Amen.

ŷ. Amávit eum Dóminus,  
et ornávit eum. R̃. Stolum  
glóriæ induit eum.

Ad Magnificat. Añá.

Sacérdos et Póntifex, \* et  
virtútum ópifex, pastor  
bone in pópulo, ora pro no-  
bis Dóminum.

Pro Doctoribus Añá et  
Oratio ut infra. lxviii.

Pro Confessore Pontif.

Oratio.

**D**A, quæsumus omnípo-  
tens Deus : ut beáti N.  
Confessóris tui atque Ponti-  
ficis, veneránda solémnitas  
et devotióne nobis áugeat  
et salútem. Per Dóminum.

Alia Oratio.

**E**XAUDI, quæsumus Dómi-  
ne, preces nostras,  
quas in beáti N. Confessóris  
tui atque Pontíficis, so-  
lemnitate deférimus : et qui  
tibi digne méruit famulári,  
ejus intercedéntibus méritis  
ab ómnibus nos absólve  
peccátis. Per Dóminum.

Ad Matutinum, Invitat.

Regem Confessórum Dómi-  
num, \* Veníte, adorémus.

Ps. Veníte. 2.

Hymnus. Iste Conféssor,  
ut supra. liij.

In primo Nocturno.

Añá. Beátus vir, \* qui in  
lege Dómini meditátur :  
volúntas ejus pérmanet die  
ac nocte, et ómnia quæ-  
cúmque fáciat, semper pro-  
sperabúntur.

Psalmus 1.

**B**EATUS vir, qui non ábiit  
in consílio impiórum,  
et in via peccatórum non  
stetit, \* et in cáthedra pe-  
stiléntiæ non sedit :  
Sed in lege Dómini volún-  
tas ejus, \* et in lege ejus  
meditábitur die ac nocte.

Et erit tamquam lignum,  
quod plantátum est secus

decursus aquarum, \* quod fructum suum dabit in tempore suo :

**Et** folium ejus non defluet : \* et omnia quaecumque faciet, prosperabuntur.

**Non** sic impii, non sic : \* sed tamquam pulvis, quem projicit ventus a facie terrae.

**Ideo** non resurgent impii in iudicio : \* neque peccatores in concilio justorum.

**Quoniam** novit Dominus viam justorum : \* et iter impiorum peribit.

**Añā.** Beatus vir, qui in lege Domini meditatur : voluntas ejus permanet die ac nocte, et omnia quaecumque faciet, semper prosperabuntur.

**Añā.** Beatus \* iste Sanctus, qui confisus est in Domino, praedicavit praeceptum Domini, constitutus est in monte sancto ejus.

### Psalmus 2.

**Q**UARE fremuerunt gentes, \* et populi meditati sunt inania ?

**Astitērunt** reges terrae : et principes convenērunt in unum, \* adversus Dominum, et adversus Christum ejus.

**Dirumpāmus** vincula eorum : \* et projiciāmus a nobis jugum ipsorum.

**Qui** habitat in caelis irridebit eos : \* et Dominus subsannabit eos.

**Tunc** loquetur ad eos in

ira sua, \* et in furore suo conturbabit eos.

**Ego** autem constitutus sum Rex ab eo super Sion montem sanctum ejus, \* praedicans praeceptum ejus.

**Dominus** dixit ad me : \* Filius meus es tu, ego hodie genui te.

**Postula** a me, et dabo tibi Gentes hereditatem tuam, \* et possessionem tuam terminos terrae.

**Reges** eos in virga ferrea, \* et tamquam vas figuli confringes eos.

**Et** nunc reges intelligite : \* erudimini qui iudicatis terram.

**Servite** Domino in timore : \* et exultate ei cum tremore.

**Apprehēdite** disciplinam, nequādo irascatur Dominus, \* et pereatis de via justa.

**Cum** exarserit in brevi ira ejus, \* beati omnes, qui confidunt in eo.

**Añā.** Beatus iste Sanctus, qui confisus est in Domino, praedicavit praeceptum Domini, constitutus est in monte sancto ejus.

**Añā.** Tu es gloria mea, \* tu es susceptor meus, Domine ? tu exaltans caput meum, et exaudisti me de monte sancto tuo.

### Psalmus 3.

**D**OMINE, quid multiplicati sunt qui tribulant me ? \* multi insurgunt adversum me.

**M**ulti dicunt animæ meæ :  
\* non est salus ipsi in Deo  
ejus.

**T**u autem, Dómine, suscep-  
tor meus es, \* glória mea,  
et exáltans caput meum.

**V**oce mea ad Dóminum cla-  
mávi : \* et exaudivit me de  
monte sancto suo.

**E**go dormivi, et soporátus  
sum : \* et exurréxi, quia  
Dóminus suscepit me.

**N**on timébo millia pópuli  
circumdántis me : \* exúrge,  
Dómine, salvum me fac  
Deus meus.

**Q**uóniam tu percussísti om-  
nes adversántes mihi sine  
causa : \* dentes peccatórum  
contrivísti.

**D**ómini est salus : \* et su-  
per pópulum tuum benedi-  
ctio tua.

**Aññ.** Tu es glória mea, tu  
es susceptor meus, Dómine :  
tu exáltans caput meum, et  
exaudivísti me de monte san-  
cto tuo. **ŷ.** Amávit eum Dó-  
minus, et ornávit eum. **ñ.**  
Stolam glóriæ induit eum.

**P**ater noster. **Absolutio.** **R**x-  
áudi, Dómine. **ŷ.** Jube,  
domne. **Bened.** Benedicti-  
one perpétua.

**D**e Epístola prima B. Pauli  
Apóstoli ad Timótheum.

**Lectio j. Cap. 3.**

**F**IDELIS sermo : Si quis  
Episcopátum desíderat,  
bonum opus desíderat. Opór-  
tet ergo Episcopum irrepre-  
hensibilem esse, unius uxó-

ris virum, sóbrium, pru-  
déntem, ornátum, pudicum,  
hospitálem, doctórem, non  
vinoléntum, non percussó-  
rem, sed modéstum ; non  
litigiósum, non cupidum,  
sed suæ dómui bene præ-  
pósitum, filios habéntem  
súbditos cum omni casti-  
táte. Si quis autem dómui  
suæ præesse nescit, quó-  
modo Ecclesiæ Dei diligén-  
tiam habébit? Non neóphy-  
tum : ne in supérbiam elá-  
tus, in iudícium incidat  
diáboli. Opórtet autem il-  
lum et testimónium habére  
bonum ab iis qui foris sunt,  
ut non in oppróbrium inci-  
dat, et in láqueum diáboli.

**ñ.** Euge serve bone et fidé-  
lis, quia in pauca fuísti fidé-  
lis, supra multa te consti-  
tuam : \* Intra in gáudium  
Dómini tui. **ŷ.** Dómine,  
quinque talénta tradidísti  
mihi, ecce ália quinque su-  
perlucrátus sum. Intra. **B**e-  
**ned.** Unigénitus.

**D**e Epístola ad Titum.

**Lectio ij. Cap. 4. b**

**O**PORTET enim Episcopum  
sine crimine esse, sicut  
Dei dispensatórem : non  
supérbum, non iracúndum,  
non vinoléntum, non per-  
cussórem, non turpis lucrí  
cupidum : sed hospitálem,  
benignum, sóbrium, justum,  
sanctum, continéntem, am-  
plecténtem eum, qui secún-  
dum doctrinam est, fidélem

sermónem : ut potens sit exhortári in doctrína sana , et eos , qui contradícunt , argúere. Sunt enim multi étiam inobediéntes , vaniloqui , et seductóres ; máxime qui de circumcisióne sunt , quos opórtet redárgui : qui univérsas domos subvértunt , docéntes quæ non opórtet , turpis lucrí grátia.

**R.** Ecce sacérdos magnus , qui in diébus suis plácuít Deo : \* Ideo jurejurándo fecit illum Dóminus créscere in plebem suam. **V.** Benedictiónem ómnium géntium dedit illi , et testaméntum suum confirmávit super caput ejus. Ideo. **Bened.** Spíritus sancti grátia.

### Lectio iij. Cap. 2.

**T**U autem lóquere quæ decent sanam doctrínam : Senes ut sóbrii sint , pudíci , prudéntes , sani in fide , in dilectióne , in patiéntia : Anus similiter in hábitu sancto , non criminatríces , non multo vino serviéntes , bene docéntes : ut prudéntiam dóceant adolescéntulas , ut viros suos ament , filios suos diligant , prudéntes , castas , sóbrias , domus curam habéntes , benignas , súbditas viris suis , ut non blasphemétur verbum Dei. Júvenes similiter hortáre ut sóbrii sint. In ómnibus teípsum præbe exémplum bonórum ópe-

rum , in doctrína , in integritáte , in gravitáte , verbum sanum , irreprehensíbile : ut is , qui ex advérso est , vereátur , nihil habens malum dícere de nobis.

**R.** Jurávit Dóminus , et non poenitébit eum : \* Tu es sacérdos in ætérnum secúndum órđinem Melchisedech.

**V.** Dixit Dóminus Dómino meo : Sede a dextris meis. Tu. **Glória Patri.** Tu.

### In secundo Nocturno.

**Añs.** Invocántem exaudivit \* Dóminus Sanctum suum , Dóminus exaudivit eum , et constituit eum in pace.

### Psalmus 4.

**C**UM invocárem , exaudivit me Deus justitiæ meæ : \* in tribulatióne dilatásti mihi.

**Miserére mei** , et exáudi oratióne meam.

**Filii hóminum úsquequo gravi corde ?** \* utquid diligitis vanitátem , et quæritis mendácium ?

**Et scitóte quóniam mirificávit Dóminus sanctum suum :** \* Dóminus exáudiet me , cum clamávero ad eum. **Irascimini** , et nolite peccáre : \* quæ dicitis in córdibus vestris , in cubilibus vestris compungimini.

**Sacrificáte sacrificium justitiæ** , et speráte in Dómino. \* Multi dicunt : Quis osténdit nobis bona ?

**Signátum est super nos lu-**



men vultus tui, Dómine :  
\* dedísti lætítiam in corde  
meo.

**A** fructu fruménti, vini, et  
ólei sui : \* multiplicáti sunt.

**I**n pace in idípsum \* dór-  
miam, et requiéscam :

**Q**uóniam tu, Dómine, sin-  
guláriter in spe \* constitu-  
sti me.

**Añá.** Invocántem exaudi-  
vit Dóminus sanctum suum,  
Dóminus exaudivit eum, et  
constituit eum in pace.

**Añá.** Læténtur omnes, \*  
qui sperant in te, Dómine :  
quóniam tu benedixisti ju-  
sto, scuto bonæ voluntátis  
tuæ coronásti eum.

#### **Psalmus 5.**

**V**ERBA mea áuribus perci-  
pe, Dómine, \* intéllege  
clamórem meum.

**I**nténde voci oratiónis meæ :  
\* Rex meus, et Deus meus.

**Q**uóniam ad te orábo : \*  
Dómine, mane exáudies vo-  
cem meam.

**M**ane astábo tibi, et vi-  
débo : \* quóniam non Deus  
volens iniquitátem tu es.

**N**eque habitábit juxta te ma-  
lignus : \* neque permané-  
bunt injústi ante óculos tuos.

**O**disti omnes, qui ope-  
rántur iniquitátem : \* per-  
des omnes, qui loquúntur  
mendácium.

**V**irum sánguinem et doló-  
sum abominábitur Dóminus :  
\* ego autem in multitudine  
misericórdiæ tuæ,

**I**ntroibo in domum tuam : \*  
adorábo ad templum san-  
ctum tuum in timóre tuo.

**D**ómine, deduc me in ju-  
stítia tua : \* propter inimi-  
cos meos dirige in conspé-  
ctu tuo viam meam.

**Q**uóniam non est in ore  
eórum véritas : \* cor eórum  
vanum est.

**S**epúlchrum patens est gut-  
tur eórum, linguis suis dolo-  
se agébant : \* júdica illos  
Deus.

**D**écidant a cogitatióibus  
suis, secúndum multítudi-  
nem impietátum eórum ex-  
pélle eos : \* quóniam irri-  
tavérunt te, Dómine.

**E**t læténtur omnes, qui spe-  
rant in te, \* in ætérnum exul-  
tábunt : et habitábis in  
eis.

**E**t gloriabúntur in te om-  
nes, qui diligunt nomen  
tuum, \* quóniam tu bene-  
dices justo.

**D**ómine, ut scuto bonæ vo-  
luntátis tuæ \* coronásti  
nos.

**Añá.** Læténtur omnes, qui  
sperant in te, Dómine,  
quóniam tu benedixisti ju-  
sto : scuto bonæ voluntátis  
tuæ coronásti eum.

**Añá.** Dómine Dóminus no-  
ster, \* quam admirábile est  
nomen tuum in univér-  
sa terra ! quia glória et honóre  
coronásti Sanctum tuum,  
et constituísti eum super  
ópera mánuum tuárum.

## Psalmus 8.

**D**OMINE Dóminus noster,  
\* quam admirábile est  
nomen tuum in univérſa  
terra !

Quóniam eleváta est ma-  
gnificéntia tua \* super cœ-  
los.

Ex ore infántium et lactén-  
tium perfecisti laudem pro-  
pter inimícos tuos , \* ut  
détruas inimícum et ultó-  
rem.

Quóniam vidébo cœlos tuos,  
ópera digitorum tuórum :  
\* lunam et stellas , quæ tu  
fundásti.

Quid est homo , quod me-  
mor es ejus ? \* aut filius hó-  
minis , quóniam visitaseum ?

Minuísti eum paulo minus  
ab Angelis , glória et honó-  
re coronásti eum ; \* et con-  
stituísti eum super ópera  
mánuum tuárum.

Omnia subjecísti sub pé-  
dibus ejus , \* oves et boves  
univérſas : insuper et pé-  
cora campi.

Vólucres cœli , et pisces  
maris , \* qui perámbulant  
sémitas maris.

Dómine Dóminus noster ,  
\* quam admirábile est  
nomen tuum in univérſa  
terra !

**Añſa.** Dómine Dóminus no-  
ster , quam admirábile est  
nomen tuum in univérſa  
terra ! quia glória et honóre  
coronásti Sanctum tuum , et  
constituísti eum super ópera

mánuum tuárum. **Ÿ.** Elégit  
eum Dóminus sacerdotem  
sibi. **R.** Ad sacrificándum  
ei hóstiam laudis. **Pater**  
noster. **Absolutio.** Ipsíus  
pietas. **Ÿ.** Jube , domne. **Be-**  
**ned.** Deus Pater omnipotens.  
Sermo S. Máximi Epíscopi.

## Lectio IV.

*Hom. 59., de S. Euseb. 2.*

**A**D sancti ac beatíssimi  
Patris nostri **N.** cujus  
hódie festa celebrámus ,  
laudes addidisse , áliquíd  
decerpsisse est : síquidem  
virtútum ejus grátia non  
sermónibus exponénda est ,  
sed opéribus comprobánda.  
Cum enim dicat Scriptúra :  
Glória patris est filius sá-  
piens : quantæ hujus sunt  
glóriæ , qui tantórum filió-  
rum sapiéntia , et devotió-  
ne lætátur ? In Christo enim  
Jesu per Evangélium ipse  
nos génuit.

**R.** Invéni David servum  
meum , óleo sancto meo  
unxi eum : \* Manus enim  
mea auxiliábitur ei. **V.** Ni-  
hil proficiet inimícus in eo ,  
et filius iniquitátis non  
nocébit ei. Manus. **Bened.**  
Christus perpétuæ.

## Lectio V.

**Q**UIDQUID igitur in hac  
sancta plebe potest esse  
virtútis et grátiae , de hoc  
quasi quodam fonte lucidis-  
simo , ómnium rivulórum  
púritas emanávit. Etenim  
quia castitátis pollébat vi-

góre, quia abstinéntiæ gloriabátur angústiis, quia blandiméntis erat præditus lenitátis, ómnium civium in Deum provocávit afféctum; quia Pontificis administratióne fulgébat, plures e discípulis relíquit sui sacerdotií successóres.

**R.** Pósuí adjutórium super poténtem, et exaltávi eléctum de plebe mea: \* Manus enim mea auxiliábitur ei. **V.** Invéni David servum meum, óleo sancto meo unxi eum. Manus. **Bened.** Ignem sui amóris.

**Lectio vj.**

**B**ENE et cógrue in hac die, quam nobis beáti Patris nostri **N.** ad paradísum tránsitus exultábilem reddit, præsentis Psalmi versículum decantávimus: In memória æténa erit justus. Digne enim in memóriam vértitur hóminum, qui ad gáudium tránsiit Angelórum. Dicit sermo divínus: Ne laudes hóminem in vita sua: tamquam si diceret, Lauda post vitam, magnífica post consummationem. Dúplici enim ex causa utilius est hóminum magis memóriæ laudem dare, quam vitæ; ut illo potíssimum témpore mérita sanctitátis extóllas, quando nec laudántem adulatio móveat, nec laudátum tentet elátio.

**R.** Iste est qui ante Deum magnas virtutes operátus est, et omnis terra doctrína ejus repléta est: \* Ipse intercédat pro peccátis ómnium populórum. **V.** Iste est qui contémpsit vitam mundi, et pervénit ad cœléstia regna. Ipse. **Glória Patri.** Ipse.

**In tertio Nocturno.**

**Aññ.** Dómine, iste Sanctus \* habitábit in tabernáculo tuo, operátus est justítiam, requiescet in monte sancto tuo.

**Psalmus 14.**

**D**OMINE, quis habitábit in tabernáculo tuo? \* aut quis requiescet in monte sancto tuo?

**Qui** ingréditur sine mácula, \* et operátur justítiam?

**Qui** lóquitur veritátem in corde suo, \* qui non egit dolum in lingua sua:

**Nec** fecit próximo suo malum, \* et oppróbrium non accépit advérsus próximos suos.

**Ad** nihilum dedúctus est in conspéctu ejus malignus: \* timéntes autem Dóminum gloriícat:

**qui** jurat próximo suo, et non decipit, \* qui pecúniám suam non dedit ad usúram, et múnera super innocéntem non accépit.

**qui** facit hæc, \* non móvêbitur in ætérnum.

**Aññ.** Dómine, iste San-

etus habitavit in tabernaculo tuo, operatus est justitiam, requiescet in monte sancto tuo.

**Añs.** Vitam petiit \* a te, et tribulisti ei, Domine: gloriam et magnum decorem imposuisti super eum: posuisti in capite ejus coronam de lapide pretioso.

**Psalmus 20.**

**D**OMINE, in virtute tua lætabitur rex: \* et super salutare tuum exultabit vehementer.

Desiderium cordis ejus tribulisti ei: \* et voluntate labiorum ejus non fraudasti eum.

Quoniam prævenisti eum in benedictionibus dulcedinis: \* posuisti in capite ejus coronam de lapide pretioso.

Vitam petiit a te: \* et tribulisti ei longitudinem dierum in sæculum, et in sæculum sæculi.

Magna est gloria ejus in salutari tuo: \* gloriam et magnum decorem impones super eum.

Quoniam dabis eum in benedictionem in sæculum sæculi: \* lætificabis eum in gaudio cum vultu tuo.

Quoniam rex sperat in Domino: \* et in misericordia Altissimi non commovebitur.

Inveniatur manus tua omnibus inimicis tuis: \* de-

xtera tua inveniat omnes, qui te odérunt.

Pones eos ut clibanum ignis in tempore vultus tui: \* Dominus in ira sua conturbabit eos, et devorabit eos ignis.

Fructum eorum de terra perdes: \* et semen eorum a filiis hominum.

Quoniam declinaverunt in te mala: \* cogitaverunt consilia, quæ non potuerunt stabilire.

Quoniam pones eos dorsum: \* in reliquiis tuis præparabis vultum eorum.

Exaltare, Domine, in virtute tua: \* cantabimus et psallémus virtutes tuas.

**Añs.** Vitam petiit a te, et tribulisti ei, Domine: gloriam et magnum decorem imposuisti super eum: posuisti in capite ejus coronam de lapide pretioso.

**Añs.** Hic accipiet \* benedictionem a Domino, et misericordiam a Deo salutari suo: quia hæc est generatio quærentium Dominum.

**Psalmus 23.**

**D**OMINI est terra, et plenitudo ejus: \* orbis terrarum, et universi, qui habitant in eo.

Quia ipse super maria fundavit eum: \* et super flumina præparavit eum.

Quis ascendet in montem Domini? \* aut quis stabit in loco sancto ejus?

**I**nnocens manibus, et mundo corde, \* qui non accepit in vano animam suam, nec juravit in dolo proximo suo.

**H**ic accipiet benedictionem a Domino : \* et misericordiam a Deo salutari suo.

**H**æc est generatio querentium eum, \* querentium faciem Dei Jacob.

**A**ttollite portas, principes, vestras; et elevamini portæ æternales : \* et introibit Rex gloriæ.

**Q**uis est iste Rex gloriæ? \* Dominus fortis et potens : Dominus potens in prælio.

**A**ttollite portas, principes, vestras; et elevamini portæ æternales : \* et introibit Rex gloriæ.

**Q**uis est iste Rex gloriæ? \* Dominus virtutum ipse est Rex gloriæ.

**Ana.** Hic accipiet benedictionem a Domino, et misericordiam a Deo salutari suo : quia hæc est generatio querentium Dominum. **V.**

Tu es sacerdos in æternum. **R.** Secundum ordinem Melchisedech. **Pater noster.**

**Absolutio.** A vinculis. **V.** Jube, domne. **Bened.** Evangelica lectio.

**Lectio sancti Evangelii secundum Matthæum.**

**Lectio vij. Cap. 23.**

**I**n illo tempore : Dixit Jesus discipulis suis parabolam hanc : Homo peregre

proficiscens, vocavit servos suos, et tradidit illis bona sua. Et reliqua.

**Homilia S. Gregorii Papæ.**

**Homilia 9 in Evangelia.**

**L**ECTIO sancti Evangelii, fratres charissimi, sollicite considerare nos admonet, ne nos, qui plus ceteris in hoc mundo accepisse aliquid cernimur, ab Auctore mundi gravius inde judicemur. Cum enim augentur dona, rationes etiam crescunt donorum. Tanto ergo esse humilior, atque ad serviendum Deo promptior quisque debet ex munere, quanto se obligatiorem esse conspicit in reddenda ratione. Ecce homo, qui peregre proficiscitur, servos suos vocat, eisque ad negotium talenta partitur. Post multum vero temporis positurus rationem revertitur. Bene operantes pro apportato lucro remunerat, servum vero a bono opere torpentem damnat.

**R.** Amavit eum Dominus et ornavit eum, stolam gloriæ induit eum : \* Et ad portas paradisi coronavit eum. **V.** Induit eum Dominus lorica fidei, et ornavit eum. Et. **Bened.** Cujus festum colimus.

**Lectio viij.**

**Q**UIS itaque iste homo est, qui peregre proficiscitur, nisi Redemptor noster, qui

in ea carne quam assumpserat, abiit in cœlum ! Carnis enim locus proprius terra est; quæ quasi ad peregrina ducitur, dum per Redemptorem nostrum in cœlo collocatur. Sed homo iste peregre proficiscens, servis suis bona sua tradidit, quia fidelibus suis spiritalia dona concessit. Et uni quidem quinque talenta, alii duo, alii vero commisit unum. Quinque etenim sunt corporis sensus, videlicet: visus, auditus, gustus, odoratus, et tactus. Quinque ergo talentis, donum quinque sensuum, id est, exteriorum scientia exprimitur. Duobus vero, intellectus et operatio designatur. Unius autem talenti nomine, intellectus tantummodo designatur.

**R.** Sint lumbi vestri praecincti, et lucernæ ardentes in manibus vestris: \* Et vos similes hominibus expectantibus dominum suum, quando revertatur a nuptiis. **V.** Vigilate ergo, quia nescitis qua hora Dominus vester venturus sit. Et. **Gloria Patri.** Et. **Bened.** Ad societatem.

### Lectio ix.

**S**ED is, qui quinque talenta accepserat, alia quinque lucratus est: quia sunt nonnulli, qui etsi interna ac mystica penetrare

nesciunt, pro intentione tamen supernæ patriæ docent recta quos possunt, de ipsis exterioribus, quæ acceperunt, duplum talentum portant: dumque se a carnis petulantia, et a terrenarum rerum ambitu, atque a visibilium voluptate custodiunt, ab his etiam alios admonendo compescunt. Et sunt nonnulli, qui quasi duobus talentis ditati, intellectum atque operationem percipiunt, subtilia de internis intelligunt, mira in exterioribus operantur. Cumque et intelligendo et operando aliis prædicant, quasi duplicatum de negotio lucrum reportant.

**Te Deum laudamus. 17.**

**AD LAUDES,**

**et per Horas, Añæ.**

**1.** Ecce sacerdos magnus, \* qui in diebus suis placuit Deo, et inventus est justus.

**Ps. Dominus regnavit, cum reliquis. 18.**

**2.** Non est inventus \* similis illi, qui conservaret legem Excelsi.

**3.** Ideo jurejurando \* fecit illum Dominus crescere in plebem suam.

**4.** Sacerdotes Dei, benedicite Dominum: servi Domini, hymnum dicite Deo, alleluia.

**5.** Serve bone \* et fidelis, intra in gaudium Domini tui.



*Capitulum. Eccli. 44. c*

**E**CCE sacerdos magnus,  
qui in diebus suis placuit Deo, et inventus est justus: et in tempore iracundiae factus est reconciliatio.

*Hymnus.*

**J**ESU, Redemptor omnium,  
Perpes corona Praesulum,  
In hac die clementius  
Indulgeas precantibus;  
Tui sacri qua nominis  
Confessor almus claruit:  
Hujus celebrat annua  
Devota plebs solennia.  
Qui rite mundi gaudia  
Hujus caduca respuens,  
Aeternitatis praemio  
Potitur inter Angelos.  
Hujus benignus annue  
Nobis sequi vestigia:  
Hujus precatu servulis  
Dimitte noxam criminis.  
Sit, Christe, Rex piissime,  
Tibi, Patrique gloria,  
Cum Spiritu Paraclito,  
Nunc, et per omne saeculum. Amen.

†. Justum deduxit Dominus per vias rectas. R. Et ostendit illi regnum Dei.

*Ad Benedictus, Añs.*

Euge, serve bone \* et fidelis, quia in pauca fuisti fidelis, supra multa te constituam, dicit Dominus.

*Oratio.*

**D**A, quaesumus, omnipotens Deus: ut beati N. Confessoris tui atque Pontificis, veneranda sollemnitas

et devotionem nobis augeat, et salutem. Per Dominum.

*Alia Oratio.*

**E**XAUDI, quaesumus Domine, preces nostras, quas in beati N. Confessoris tui atque Pontificis, sollemnitate deferimus; et qui tibi digne meruit famulari, ejus intercedentibus meritis, ab omnibus nos absolve peccatis. Per Dominum.

*Ad Tertiam, Añs.*

Non est inventus.

*Capit. Ecce sacerdos.*

R. br. Amavit eum Dominus,  
\* Et ornavit eum. Amavit.  
†. Stulam gloriae induit eum. Et. Gloria Patri. Amavit. †. Elégit eum Dominus sacerdotem sibi. R. Ad sacrificandum ei hostiam laudis.

*Ad Sextam, Añs.*

Ideo jurejurando.

*Capitulum. Eccli. 44. c*

**N**ON est inventus similis illi, qui conservaret legem Excelsi: ideo jurejurando fecit illum Dominus crescere in plebem suam.

R. br. Elégit eum Dominus \* Sacerdotem sibi. Elégit. †. Ad sacrificandum ei hostiam laudis. Sacerdotem. Gloria Patri. Elégit. †. Tu es sacerdos in aeternum. R. Secundum ordinem Melchisedech.

*Ad Nonam, Añs.*

Serve bone.

*Capitulum. Eccli. 45. c*

**F**UNGI sacerdotio, et habere laudem in nomine

ipsius, et offerre illi incensum dignum in odorem suavitatis.

*R.* *br.* Tu es sacerdos \* In ætérnum. Tu es. *Ÿ.* Secundum ordinem Melchisedech. In. Glória Patri. Tu. *Ÿ.* Justum deduxit Dóminus per vias rectas. *R.* Et osténdit illi regnum Dei.

*Ad Vesperas, Aña.* Ecce sacerdos, cum reliquis de Laud. Ps. Dixit Dóminus, cum reliq. de Dñica. 134. et loco ult., Ps. Meménto, Dómine, David. 143.

Capitulum et Hymnus ut supra in j. Vesp. liij.

*Ÿ.* Justum deduxit Dóminus per vias rectas. *R.* Et osténdit illi regnum Dei.

*Ad Magnificat, Aña.* Amávit eum Dóminus, \* et ornávit eum : stolam glóriæ induit eum, et ad portas paradísi coronávit eum.

Sequens Aña dicitur ad Magnificat, in ij. Vesp. pro solis Summis Pontificibus. Aña. Dum esset Summus Póntifex, \* terréna non méruit, sed ad cœléstia regna gloriósus migrávit.

Si occurrat celebrari Festum plurimorum Pontificum et Confessorum Officium fit ut supra : sed in Oratíone et Sermone, quæ ponuntur in singulari, dicantur in plurali; et in j. Nocturno legantur sequentes Lectiones de Script.

AUTUMN.

De libro Ecclesiastici.

*Lectio j. Cap. 44.*

**L**AUDEMUS viros gloriósos, et paréntes nostros in generatióne sua. Multam glóriam fecit Dóminus magnificéntia sua a sæculo. Dominántes in potestátibus suis, hómínes magni virtúte, et prudéntia sua præditi, nuntiántes in Prophétis dignitátem Prophetárum, et imperántes in præsénti pópulo, et virtúte prudéntiæ pópulis sanctíssima verba. In perítia sua requiréntes modos músicos, et narrántes cármina scripturárum.

*R.* Euge serve. lvj.

*Lectio ij.*

**H**OMINES dívites in virtúte, pulchritúdinis stúdiu habéntes : pacificántes in dómibus suis. Omnes isti in generatió nibus gentis suæ glóriam adépti sunt, et in diébus suis habéntur in láudibus. Qui de illis nati sunt, reliqué runt nomen narrándi laudes eórum : et sunt quorum non est memória : periérunt quasi qui non fúerint : et nati sunt, quasi non nati, et filii ipsórum cum ipsis.

*R.* Ecce sacerdos. lvij.

*Lectio iij.*

**S**ED illi viri misericórdiæ sunt, quorum pietátes non defué runt : cum sémíne eórum pérmanent bona, heréditas sancta nepóles eó-

E

rum, et in testaméntis stetit semen eórum : et filii eórum propter illos usque in ætérnum manent : semen eórum et glória eórum non derelinquétur. Córpora ipsórum in pace sepúlta sunt, et nomen eórum vivit in generatióne et generatióne. Sapientiam ipsórum narrent pópuli, et laudem eórum nuntiét Ecclésia.

*R.* Jurávit Dóminus. lvij.

## 2. ALIÆ LECTIONES

PRO PONT. ET CONF.

*In secundo Nocturno.*

Sermo S. Máximi Epíscopi.

*Lectio iv.*

*Ex Hom. 59. de S. Euseb. 2.*

**B**EATI Patris *N.* mérita jam in tuto pósita secúri magnificémus : qui gubernáculum fidei viriliter tenens, áncoram spei tranquilla jam in statióne compósuit, et plenam cœléstibus divitiis et ætérnis mércibus navem optáto in littore collocávit : qui contra omnes adversários scutum timóris Dei tándiu infatigabíliter ténuít, donec ad victóriam perveníret. Quid enim fuit totus vitæ illius cursus, nisi unus cum vígili hoste conflictus ? *R.* Invéni. lix.

*Lectio v.*

**Q**UANTIS hic cæcis a via veritátis errántibus, et de summa jam in profundum rupe pendéntibus, amíssum réddidit visum, et

illum, quo Christus viderétur, reparávit intúitum ? Quantórum áuribus surdis, et infidelitátis obturatióne damnátis, ad percipiéndam vocem cœléstium mandatórum, pretiósus infúdit auditum, ut vocánti Deo ad misericórdiam respondérent per obediéntiam ? Quantos intrínsecus vulnerátos, angélici oris arte et oratiónum ab infirmitáte curávit ?

*R.* Pósuí adjutórium. lx.

*Lectio vj.*

**Q**UANTOS per longam incuriam peccáti labe resolutos, et quadam lepræ contagióne perfúsos, castigatiónebus et exhortatiónebus expiádo, Deo in se operánte, mundávit ? Quantórum ánimas vivéntes in corpore jam defúctas, et delictórum mole óbrutas ac sepúlta, ad emendatióne tamquam ad lucem vocádo, Deo resuscitávit : ut Dómini sui admirándus imitátor, jam mórtuas Deo, e contrário mortíficet vitáli morte peccáto ?

*R.* Iste est qui. lx.

*In tertio Nocturno.*

*Lectio sancti Evangélii secúndum Matthæum.*

*Lectio vij. Cap. 24. d*

**I**n illo témpore : Dixit Jesus discíplis suis : Vigilate, quia nescitis qua hora Dóminus vester ventúrus sit. Et réliqua.

Homilia sancti Hilarii  
Episcopi.

*Com. in Matth. c. 26.*

**U**T ignorantiam illam diæi  
ômnibus taci, non sine  
utilis silentii ratione esse  
sciremus, vigilare nos Dô-  
minus propter adventum fu-  
ris admônuit, et orationum  
assiduitate detentos, ômnibus  
præceptorum suorum  
opëribus inhærere. Furem  
enim esse ostendit zâbulum,  
ad detrahenda ex nobis spô-  
lia pervigilem, et cõrporum  
nostrorum dõmibus insi-  
diantem; ut ea incuriosis  
nobis, et somno deditis,  
consiliõrum suorum atque  
illecebrarum jâculis perfô-  
diat. Parâtos igitur esse nos  
cõvenit: quia diæi ignorâ-  
tio intëntam sollicitudinem  
suspensæ expectatiõnis ex-  
âgitat.

**R.** Amâvit eum Dõminus et  
ornâvit eum, stolam gloriæ  
induit eum: \* Et ad portas  
paradisi coronâvit eum. **Y.**  
Induit eum Dõminus lori-  
cam fidei, et ornâvit eum.  
Et ad.

*Lectio viij. Cap. 27.*

**Q**UISNAM est fidëlis servus  
et prudens, quem con-  
stituit Dõminus super fa-  
miliam suam? Quamquam  
in commûne nos ad inde-  
fessam vigilantiæ curam ad-  
hortetur, speciâlem tamen  
põpuli principibus, id est,  
Episcopis, in expectatiõe

adventûque suo sollicitudi-  
nem mandat. Hunc enim  
servum fidëlem atque pru-  
dëntem, præpositum familiæ  
significat, cõmmoda atque  
utilitatës commissi sibi põ-  
puli curântem. Qui si dicto  
âudiens, et præceptis obé-  
diens erit, id est, si doctri-  
næ opportunitate et veritate  
infirma confirmet, disrûpta  
consolidet, depravata con-  
vertat, et verbum vitæ in  
æternitatis cibum alendæ fa-  
miliæ dispëndat, atque hæc  
agens, hisque immorans de-  
prehendatur, glóriam a Dõ-  
mino tamquam dispensâtor  
fidëlis, et villicus utilis con-  
sequetur, et super ômnia  
bona constituetur; id est,  
in Dei glória collocabitur,  
quia nihil sit ultra, quod  
mélius sit.

**R.** Sint lumbi vestri præ-  
cincti, et lucernæ ardëntes  
in mânibus vestris: \* Et  
vos similes hominibus ex-  
pectantibus dõminum suum,  
quando revertatur a nûptiis.

**Y.** Vigilâte ergo, quia ne-  
scitis qua hora Dõminus  
vester ventûrus sit. Et.  
Glória Patri. Et.

*Lectio ix.*

**Q**UOD si cõntuens longam  
Dei patiëntiam, quæ in  
profectum humanæ salutis  
extënditur, advërsus con-  
servos insolëscet, et sæculi  
malis vitiisque se tradet,  
præsëntium tantum curam

in cultu ventris exerceans : desperata die Dominus adveniet, eumque a bonis, quae spoponderat, dividet, portionemque ejus cum hypocritis in poenae aeternitate constituet : quia adventum desperaverit, quia mandatis non obtemperaverit, quia praesentibus studuerit, quia vita Gentium vixerit, quia desperatione iudicii commissam sibi familiam fame, siti, caede vexaverit.

Te Deum laudamus. 17.

PRO DOCTORIBUS.

*Ad Magnificat in utrisque Vesperis, Añs.* O Doctor optime, \* Ecclesiae sanctae lumen, beate N., divinae legis amator, deprecare pro nobis Filium Dei.

Oratio.

**D**EUS, qui populo tuo aeternae salutis beatum N. ministrum tribuisti : praesta, quaesumus ; ut, quem Doctorem vitae habuimus in terris, intercessorem habere mereamur in caelis. Per Dominum.

*Lectiones sequentes leguntur in Festis Doctorum. Officium autem in illis fit de Confessoribus Pont. vel non Pont., pro qualitate Festi.*

*In primo Nocturno.*

De libro Ecclesiastici.

*Lectio j. Cap. 39.*

**S**APIENTIAM omnium antiquorum exquiret sapiens, et in prophetis vacabit. Nar-

rationem virorum nominatorum conservabit, et in versutias parabolarum simul introibit. Occulta proverbiorum exquiret, et in absconditis parabolarum conversabitur. In medio magnatorum ministrabit, et in conspectu praesidis apparebit. In terram alienigenarum gentium pertransiet : bona enim et mala in hominibus tentabit.

*R.* Euge, serve bone et fidelis, quia in pauca fuisti fidelis, supra multa te constituam : \* Intra in gaudium Domini tui. *Y.* Domine, quinque talenta tradidisti mihi : ecce alia quinque superlucratus sum. Intra.

*Lectio ij.*

**C**OR suum tradet ad vigilandum diluculo ad Dominum, qui fecit illum, et in conspectu Altissimi deprecabitur. Aperiet os suum in oratione, et pro delictis suis deprecabitur. Si enim Dominus magnus voluerit, spiritu intelligentiae replabit illum : et ipse tamquam imbres mittet eloquia sapientiae suae, et in oratione confitebitur Domino : et ipse diriget consilium ejus, et disciplinam, et in absconditis suis consiliabitur.

*Pro Doctore Pontifice,*

*R.* Ecce sacerdos magnus, qui in diebus suis placuit Deo : \* Ideo jurejurando fecit



illum Dóminus créscere in plebem suam. *Ÿ.* Benedictionem ómnium géntium dedit illi, et testaméntum suum confirmávit super caput ejus. Ideo.

*Pro Doctore non Pont.,*  
*R.* Justus germinábit sicut lílium : \* Et florébit in ætérnum ante Dóminum. *Ÿ.* Plantátus in domo Dómini, in átriis domus Dei nostri. Et.

*Lectio iij.*

**I**PSE palam fáciét disciplinam doctrinæ suæ, et in lege testaménti Dómini gloriábitur. Collaudábunt multi sapiéntiam ejus, et usque in sæculum non delébitur. Non recédet memória ejus, et nomen ejus requirétur a generatióne in generatió-nem. Sapiéntiam ejus enarrábunt gentes, et laudem ejus enuntiábit Ecclésia.

*Pro Doctore Pontifice,*  
*R.* Jurávit Dóminus, et non pœnitébit eum : \* Tu es sacérdos in ætérnum secundum órđinem Melchisedech. *Ÿ.* Dixit Dóminus Dómino meo : Sede a dextris meis. Tu es. Glória Patri. Tu es.

*Pro Doctore non Pont.,*  
*R.* Iste cognóvit justítiam, et vidit mirabilia magna, et exorávit Altíssimum : \* Et invéntus est in número Sanctorum. *Ÿ.* Iste est qui contémpsit vitam mundi, et pervénit ad cœléstia regna. Et. Glória Patri. Et.

*In secundo Nocturno.*

Ex libro Morálium sancti Gregórii Papæ.

*Lectio iv. L. 9. c. 6.*

**Q**UI post Oríonas Hyadum nómine, nisi Doctóres sanctæ Ecclésiæ designántur? Qui subductis martyribus, eo jam témpore ad mundi notítiam venérunt, quo fides clárius elúcet : et repressa infidelitátis hieme, áltius per corda fidélium sol veritátis calet. Qui remóta tempestáte persecutiónis, explétis longis nóctibus infidelitátis, tunc sanctæ Ecclésiæ orti sunt, cum ei jam per credulitátis vernum lucídior annus aperitur.

*Pro Doctore Pontifice*

*R.* Invéni David servum meum, óleo sancto meo unxi eum : \* Manus enim mea auxiliábitur ei. *Ÿ.* Nihil proficiet inimícus in eo, et filius iniquitátis non nocébit ei. Manus.

*Pro Doctore non Pont..*

*R.* Honéstum fecit illum Dóminus, et custodívit eum ab inimícis, et a seductóribus tutávit illum : \* Et dedit illi claritátem ætérnam. *Ÿ.* Justum dedúxit Dóminus per vias rectas, et osténdit illi regnum Dei. Et.

*Lectio v.*

**N**EC immérito Doctóres sancti Hyadum nuncupatióne signántur. Græco quippe elóquio hyetos plávia



vocatur : et Hyades nomen a plúviis accepérunt : quia ortæ procul dúbio imbres ferunt. Bene ergo Hyadum appellatióne expréssi sunt, qui ad statum universális Ecclesiæ, quasi in cœli faciém dedúcti, super aréntem terram húmáni pectoris sanctæ prædicatiónis imbres fuderunt. Si enim prædicatiónis sermo plúvia non esset, Moyses mínime dixisset : Expectétur sicut plúvia elóquium meum : et nequáquam per Isaíam Véritas diceret : Mandábo núbibus meis, ne pluant super eam imbrem : atque hoc, quod paulo ante protúlimus : Quámobrem prohibítæ sunt stillæ pluviárum.

*Pro Doctore Pontifice,*

**R.** Pósui adjutórium super poténtem, et exaltávi eléctum de plebe mea : \* Manus enim mea auxiliábitur ei. **V.** Invéni David servum meum, óleo sancto meo unxi eum. Manus.

*Pro Doctore non Pont.*

**R.** Amávit eum Dóminus, et ornávit eum, stolam glóriæ induit eum . \* Et ad portas paradisi coronávit eum. **V.** Induit eum Dóminus lorícam fidei, et ornávit eum. Et.

*Lectio vj.*

**D**UM ergo Hyades cum plúviis véniunt, ad cœli

spátia altióra sol ducitur, quia apparénte Doctórum sciéntia, dum mens nostra imbre prædicatiónis infúnditur, fidei calor augétur. Et perfúsa terra ad fructum próficit, cum lumen ætheris ignéscit : quia ubérius frugem boni óperis réddimus, dum per sacræ eruditiónis flammam in corde clárius ardémus. Dumque per eos diébus singulis magis magisque sciéntia cœléstis osténditur, quasi intérni nobis lúminis vernum tempus aperítur : ut novus sol nostris méntibus rúilet, et eórum verbis nobis cóg-nitus, seipso quotidie clárior micet. Urgénte etenim mundi fine, supérna sciéntia próficit, et lárgius cum témpore excreéscit.

*Pro Doctore Pontifice,*

**R.** Iste est, qui ante Deum magnas virtútes operátus est, et omnis terra doctrína ejus repléta est : \* Ipse intercédât pro peccátis ómnium populórum. **V.** Iste est qui contémpsit vitam mundi, et pervénit ad cœléstia regna. Ipse. Glória Patri. Ipse.

*Pro Doctore non Pont.,*

**R.** Iste homo perfécit ómnia quæ locútus est ei Deus, et dixit ad eum : Ingrédere in réquiem meam : \* Quia te vidi justum coram me ex ómnibus géntibus. **V.** Iste est qui contémpsit vitam

mundi, et pervénit ad cœléstia regna. Quia. Glória Patri. Quia.

*In tertio Nocturno.*

Léctio sancti Evangélii  
secúndum Matthæum.

*Lectio vij. Cap. 5. b*

**I**N illo témpore : Dixit Jesus discíplis suis : Vos estis sal terræ. Quod si sal evanúerit, in quo saliétur? Et réliqua.

Homílla S. Augustíni Episc.  
*Lib. 1. de Sermone Domini  
in monte, c. 6. tom. 4.*

**O**STENDIT Dóminus, fá-tuos esse judicádos, qui temporálium bonórum vel cópiam sectántes, vel inópiam metuéntes, amítunt æténa, quæ nec dari possunt ab homínibus, nec auférri. Itaque si sal infatuátum fúerit, in quo saliétur? id est, si vos, per quos condiéndo sunt quodámmodo pópuli, metu persecutiónum temporálium amisérítis regna cœlórum; qui erunt hómines, per quos a vobis error auferá-tur : cum vos elégerit Deus, per quos errórem áuferat ceterórum?

*Pro Doctore Pontífice,*  
**¶** Amávit eum Dóminus, et ornávit eum, stolam glóriæ induit eum : \* Et ad portas paradisi coronávit eum. **¶** Induit eum Dóminus lorícam fidei, et ornávit eum. Et.

*Pro Doctore non Pont. ,*  
**¶** Iste est qui ante Deum magnas virtútes operátus est, et de omni corde suo laudávit Dóminum : \* Ipse intercédát pro peccátis ómnium populórum. **¶** Ecce homo sine queréla, verus Dei cultor, ábstinens se ab omni ópere malo, et pérmanens in innocéntia sua. Ipse.

*Lectio viij.*

**E**RGO ad nihilum valet sal infatuátum, nisi ut mit-tátur foras, et calcétur ab homínibus. Non itaque calcátur ab homínibus, qui pátitur persecutiónem : sed qui persecutiónem timéndo infatuátur. Calcári enim non potest, nisi inférior : sed inférior non est, qui quamvis corpore multa in terra sustíneat, corde tamen fixus in cœlo est.

**¶** In médio Ecclesiæ apéruit os ejus, \* Et implévit eum Dóminus splritu sapiéntiæ et intelléctus. **¶** Jucunditátem et exultatió-nem thesaurizávit super eum. Et. Glória Patri. Et.

*Lectio ix.*

**V**OS estis lumen mundi. Quómodo dixit supérius sal terræ, sic nunc dicit lumen mundi. Nam neque supérius ista terra accipiéndá est, quam pé-dibus corpóreis calcámus : sed hómines, qui in terra

hábitant, vel étiam peccatóres, quorum condiéndis et extinguéndis putóribus apostólicum salem Dóminus misit. Et hic mundum, non cælum et terram, sed hómines, qui sunt in mundo, vel diligunt mundum, opórtet intélligi, quibus illuminándis Apóstoli missi sunt. Non potest civitas abscóndi super montem pó-sita; id est, fundáta super insignem magnámque justitiam, quam significat étiam ipse mons in quo disputat Dóminus.

*Te Deum laudámus. 17.*

**2. ALIA HOMILIA.**

*Lectio sancti Evangélii  
secúndum Mátthæum.*

*Lectio vij. Cap. 5. b*

**I**N illo témpore : Dixit Jesus discipulis suis : Vos estis sal terræ. Quod si sal evanúerit, in quo saliétur? Et reliqua.

Homília sancti Hiláarii  
Episcopi.

*Comment. in Matth. c. 4.*

**V**os estis sal terræ : quod si sal infatuátum fúerit, ad nihilum valet id quod saliétur. Sal, ut árbitor, terræ nullum est. Quómodo ergo Apóstolos sal terræ nuncupávit? Sed proprietas est quærénda dictórum, quam et Apostolórum offí-cium, et ipsius salis natúra monstrábit. Sal est in se uno cóntinens aquæ et ignis

eleméntum, et hoc ex duó-bus est unum.

*ñ. ut supra. lxxj.*

*Lectio viij.*

**H**IC igitur in omnem usum humáni géneris effectus, incorruptiónem corpóribus, quibus fúerit aspérsus, impértit, et ad omnem sensum conditi sapóris aptíssimus est. Apóstoli autem sunt rerum cæléstium prædicatóres, et æternitátis velut satóres, immortalitátem ómnibus corpóribus, quibus eórum sermo aspérsus fúerit, conféréntes. **¶** Mérito igitur sal terræ nuncupáti sunt, per doctrinæ virtútem saliéndi modo æternitati corpóra reservántes.

*ñ. ut supra. lxxj.*

*Lectio ix.*

**S**ED natúra salis semper eádem est, nec immutári unquam potest. Verum quia conversióni homo súbjacet, et solus beátus, qui usque ad finem in ómnibus Dei opéribus permánserit : ideo eos sal terræ nuncupátos monet in tráditæ sibi potestátis virtúte persístere, ne infatuáti nihil sáliant : et ipsi, sensu accépti sapóris amísso, vivificáre corrúpta non possint ; et projécti de Ecclésiæ promptuáriis, cum his quos salierint pédibus incedéntium proterántur.

*Te Deum laudámus. 17.*

## 3. ALIA HOMILIA.

Lectio sancti Evangélii  
secundum Matthæum.

Lectio vij. Cap. 5. b

**I**N illo tempore : Dixit Je-  
sus discipulis suis : Vos  
estis sal terræ. Quod si sal  
evanuerit, in quo salietur?  
Et reliqua.

Homilla sancti Joannis

Chrysostomi.

Hom. 15. in Matth. sub med.

**A**TTENDITE quid dixerit,  
Vos estis sal terræ : per  
quod ostendit, quam ne-  
cessario ista præcipiat. Non  
enim de vestra, inquit,  
tantummodo vita, sed de  
universo orbe vobis ratio  
reddenda est. Non ad duas  
quippe urbes, aut decem,  
aut viginti, neque ad unam  
gentem vos mitto, sicut  
mittēbam Prophētas : sed  
ad omnem terram prorsus  
ac mare, totumque mun-  
dum, et hunc variis crimi-  
nibus opprēssum.

R. ut supra. lxxj.

Lectio viij.

**D**ICENDO enim, Vos estis  
sal terræ : ostendit uni-  
versam hominum infatuā-  
tam esse naturam, et pec-  
catorum vi corruptam : et  
idecirco illas ab eis virtutes  
requirit, quæ maxime ad  
multorum salutem procu-  
randam necessariæ sunt at-  
que utiles. Nam qui man-  
suētus est ac modēstus,  
et misēricors et justus,

non intra se tantummodo  
hæc recte facta concludit,  
verum in aliorum quoque  
utilitatem præclaros hos fa-  
ciet effluere fontes. Igitur  
qui corde mundo est atque  
pacificus, et persecutiōnem  
pro veritate patitur, nihi-  
lominus in commune com-  
modum vitam instituit.

R. ut supra. lxxj.

Lectio ix.

**N**E igitur putētis, inquit,  
ad levia vos ducēdos  
esse certamina, neque exi-  
guarum rerum vobis ineun-  
dam esse ratiōnem. Vos  
estis sal terræ. Quid igitur?  
Ipsine putrefacta medicati  
sunt? Nequāquam : neque  
enim fieri potest, ut ea,  
quæ jam corrupta sunt,  
salis perfricatiōe reparēn-  
tur. Non ergo hoc fecerunt,  
sed ante renovata, sibi que  
tradita, atque ab illa jam  
putredine liberata, asper-  
gebant sale, et in ea novi-  
tate conservabant, quam a  
Dōmino susceperant. Libe-  
rare quippe a putredine pec-  
catorum, Christi virtutis  
est : ut autem ad illa iterum  
non revertantur, Apostolo-  
rum curæ est ac laboris.

Te Deum laudamus. 17.

COMMUNE

CONF. NON PONT.

Ad Vesperas, Añsa. Dō-  
mine, quinque talēta, ut  
infra ad Laudes. Ps. Dixit  
Dñus, cum reliq. de Dñica.

134, et loco ult., Ps. Laudate  
Dñum, omnes gentes. 138.

*Capitulum. Eccli. 31.*

**B**EATUS vir, qui inventus  
est sine macula : et qui  
post aurum non abiit, nec  
speravit in pecunia et the-  
sauris. Quis est hic, et lau-  
dabimus eum? fecit enim  
mirabilia in vita sua.

*Hymnus.*

**I**STE Confessor Dómini,  
colentes

Quem pie laudant pópuli  
per orbem,

Hac die lætus méruit beatas  
Scandere sedes.

*Si non est dies obitus die. :*

Hac die lætus méruit su-  
premos

Laudis honores.

Qui pius, prudens, húmilis,  
pudicus,

Sóbriam duxit sine labe vi-  
tam,

Donec humános animávit  
auræ

Spíritus artus.

Cujus ob præstans méritum  
frequenter

Ægra quæ passim jacuere  
membra,

Viribus morbi dómitis, sa-  
lúti

Restituuntur.

Noster hinc illi chorus ob-  
sequentem

Cóncinit laudem, celebrés-  
que palmas;

Ut piis ejus préciis juvé-  
mur

Omne per ævum.

Sit salus illi, decus atque  
virtus,

Qui super cœli sólio corú-  
scans,

Tótius mundi sériem gu-  
bérnat,

Trinus et unus. Amen.

*v.* Amávit eum Dóminus,  
et ornávit eum. *iy.* Stola  
glóriæ induit eum.

*Ad Magnificat. Ana.*

Similábo eum \* viro sapién-  
ti, qui ædificávit domum  
suam supra petram.

*Oratio.*

**D**EUS, qui nos beáti *N.*  
Confessoris tui ánnua  
solemnitate lætíficas : con-  
céde propítius; ut ejus na-  
talitia cólimus, étiam actió-  
nes imitémur. Per Dñum.

*Alia Oratio.*

**A**DESTO, Dómine, suppli-  
cationibus nostris, quas  
in beáti *N.* Confessoris tui  
solemnitate deférimus : ut,  
qui nostræ justítiæ fidúciā  
non habémus, ejus, qui  
tibi plácuit, préciis adju-  
vémur. Per Dóminum.

*Si fuerit Abbas. Oratio.*

**I**NTERCESSIO nos, quæsu-  
mus Dómine, beáti *N.*  
Abbátis comméndet : ut,  
quod nostris méritis non  
valémus, ejus patrocínio as-  
sequámur. Per Dóminum.

*Ad Matutinum, Invitat.*  
Regem Confessorum Dómi-  
num, \* Venite, adorémus.

*Ps.* Venite, exultémus. 2.

*Hym.* Iste Confessor.

## In primo Nocturno.

**Añā.** Beātus vir, \* qui in lege Dómini meditátur : volúntas ejus pérmanet die ac nocte, et ómnia quæcúmque fáciat, semper prosperabúntur.

## Psalmus 1.

**B**EATUS vir qui non ábiit in consilio impiórum, et in via peccatórum non stetit, \* et in cáthedra pestiléntiæ non sedit :

Sed in lege Dómini volúntas ejus, \* et in lege ejus meditábitur die ac nocte.

Et erit tamquam lignum, quod plantátum est secus decúrsus aquárum, \* quod fructum suum dabit in témpore suo :

Et fólium ejus non défluat : \* et ómnia quæcúmque fáciat, prosperabúntur.

Non sic ímpii, non sic : \* sed tamquam pulvis, quem prójicit ventus a fácie terræ.

Ideo non resúrgent ímpii in iudicio : \* neque peccátóres in concílio justórum.

Quóniam novit Dóminus viam justórum : \* et iter impiórum peribit.

**Añā.** Beātus vir, qui in lege Dómini meditátur : volúntas ejus pérmanet die ac nocte, et ómnia quæcúmque fáciat, semper prosperabúntur.

**Añā.** Beātus \* iste Sanctus, qui confisus est in Dómino, prædicávit præcéptum Dó-

mini, constitútus est in monte sancto ejus.

## Psalmus 2.

**Q**UARE fremuérunt Gentes, \* et pópuli meditáti sunt inánia?

Astitérunt reges terræ, et príncipes convenérunt in unum, \* advérsus Dóminum, et advérsus Christum ejus.

Dirumpámus víncula eórum : \* et projiciámus a nobis jugum ipsórum.

Qui hábitat in cœlis, irridébit eos : \* et Dóminus subsannábit eos.

Tunc loquétur ad eos in ira sua : \* et in furóre suo conturbábit eos.

Ego autem constitútus sum Rex ab eo super Sion montem sanctum ejus, \* prædicans præcéptum ejus.

Dóminus dixit ad me : \* Fílius meus es tu, ego hódie genui te.

Póstula a me, et dabo tibi Gentes hereditátem tuam, \* et possessióem tuam términos terræ.

Reges eos in virga férrea, \* et tamquam vas figuli confrínges eos.

Et nunc reges intelligite : \* et erudímini qui iudicátis terram.

Servíte Dómino in timóre : \* et exultáte ei cum tremóre.

Apprehéndite disciplínam, nequándo irascátur Dñus, \* et pereátis de via justa.



Cum exârserit in brevi ira ejus, \* beâti omnes, qui confidunt in eo.

**Añã.** Beâtus iste Sanctus, qui confisus est in Dómino, prædicâvit præcèptum Dómini, constitútus est in monte sancto ejus.

**Añã.** Tu es glória \* mea, tu es suscèptor meus, Dómine : tu exáltans caput meum, et exaudisti me de monte sancto tuo.

### Psalmus 3.

**D**OMINE, quid multiplicâti sunt qui trîbulant me? \* multi insúrgunt advèrsum me.

**Multi dicunt ánimæ meæ :** \* Non est salus ipsi in Deo ejus.

**Tu autem, Dómine, suscèptor meus es, \* glória mea, et exáltans caput meum.**

**Voce mea ad Dóminum clamávi : \* et exaudivit me de monte sancto suo.**

**Ego dormívi, et soporátus sum : \* et exurréxi, quia Dóminus suscepit me.**

**Non timébo millia pópuli, circumdántis me, \* exúrge, Dómine, salvum me fac, Deus meus.**

**Quóniam tu percussísti omnes adversántes mihi sine causa : \* dentes peccatórum contrivisti.**

**Dómini est salus : \* et super pópulum tuum benedictio tua.**

**Añã.** Tu es glória mea, tu

es suscèptor meus, Dómine : tu exáltans caput meum, et exaudisti me de monte sancto tuo. **✠.** Amávit eum Dóminus, et ornávit eum. **ñ.** Stolum glóriæ induit eum. **Pater noster.**

**Absolutio.** Exáudi, Dómine.

**ñ.** Jube, domne. **Benedi.** Benedictione perpétua.

De libro Sapiéntiæ.

### Lectio j. Cap. 4. b et 5.

**J**USTUS si morte præoccupátus fúerit, in refrigerio erit. Senectus enim venerábilis est non diutúrna, neque annórum número computáta : cani autem sunt sensus hóminis, et ætas senectútis vita immaculáta. Placens Deo factus est diléctus, et vivens inter peccatóres translátus est. Raptus est ne malitia mutâret intelléctum ejus, aut ne fictio deciperet ánimam illius. Fascinatio enim nugacitátis obscurat bona, et inconstántia concupiscéntiæ transvértit sensum sine malitia. Consummátus in brevi explévit témpora multa : plácita enim erat Deo ánima illius : propter hoc properávit educere illum de médio iniquitátum.

**ñ.** Euge, serve bone et fidélis, quia in pauca fuísti fidélis, supra multa te constitúam : \* Intra in gáudium Dómini tui. **✠.** Dómine, quinque talénta tradidí-

sti mihi, ecce alia quinque  
superlucratus sum. Intra.  
**Ben.** Unigenitus Dei Filius.

**Lectio ij.**

**P**OPULI autem videntes, et  
non intelligentes, nec  
ponentes in praeordiis ta-  
lia: quoniam gratia Dei et  
misericordia est in sanctos  
ejus, et respectus in electos  
illius. Condemnat autem  
justus mortuus vivos im-  
pios, et iuventus celarius  
consummata longam vitam  
injusti. Videbunt enim finem  
sapientis, et non intelligent  
quid cogitaverit de illo  
Deus, et quare munierit  
illum Dominus. Videbunt  
et contemnent eum: illos  
autem Dominus iridebit. Et  
erunt post haec decedentes  
sine honore, et in contu-  
melia inter mortuos in per-  
petuum: quoniam dirumpet  
illos inflatos sine voce,  
et commovebit illos a fun-  
damentiis, et usque ad su-  
preum desolabuntur.

**R.** Justus germinabit sic-  
ut lilium, \* Et florebit in  
aeternum ante Dominum. **V.**  
Plantatus in domo Domini,  
in atriis domus Dei nostri.  
Et. **Bened.** Spiritus sancti  
gratia.

**Lectio iij.**

**E**T erunt gementes, et me-  
moria illorum peribit.  
Venient in cogitatione pec-  
catorum suorum timidi, et  
traducent illos ex adverso

iniquitates ipsorum. Tunc  
stabunt iusti in magna con-  
stantia adversus eos qui se  
angustiaverunt, et qui abs-  
tulerunt labores eorum. Vi-  
dentes turbabuntur timore  
horribili, et mirabuntur in  
subitatione insperatae salu-  
tis, dicentes intra se, poe-  
nitentiam agentes, et prae  
angustia spiritus gementes:  
Hi sunt quos habuimus ali-  
quando in derisum, et in  
similitudinem impropertii.  
Nos insensati vitam illorum  
aestimabamus insaniam, et  
finem illorum sine honore:  
ecce quomodo computati  
sunt inter filios Dei, et in-  
ter Sanctos sors illorum est.

**R.** Iste cognovit justitiam,  
et vidit mirabilia magna,  
et exoravit Altissimum: \*  
Et inventus est in numero  
Sanctorum. **V.** Iste est qui  
contempsit vitam mundi, et  
pervenit ad coelestia regna.  
Et. Gloria Patri. Et.

**In secundo Nocturno.**

**Añ.** Invocantem exaudivit \*  
Dominus Sanctum suum,  
Dominus exaudivit eum, et  
constituit eum in pace.

**Psalmus 4.**

**C**UM invocarem exaudivit  
me Deus justitiae meae:  
\* in tribulatione dilatasti  
mihi.

**Miserere mei,** \* et exaudi  
orationem meam.

**Filii hominum usquequo**  
gravi corde? \* ut quid dili-

gitis vanitatem, et quæritis mendacium?

**Et** scitote quoniam mirificavit Dominus sanctum suum : \* Dominus exaudiet me, cum clamavero ad eum.

**Trascimini** et nolite peccare : \* quæ dicitis in cordibus vestris, in cubilibus vestris compungimini.

**Sacrificate** sacrificium iustitiæ, et sperate in Domino. \* Multi dicunt : Quis ostendit nobis bona ?

**Signatum** est super nos lumen vultus tui, Domine : \* dedisti lætitiā in corde meo.

**A** fructu frumenti, vini, et olei sui, \* multiplicati sunt.

**In** pace in idipsum \* dormiam, et requiescam ;

**Quoniam** tu, Domine, singulariter in spe \* constituisti me.

**Añā.** Invocantem exaudivit Dominus Sanctum suum, Dominus exaudivit eum, et constituit eum in pace.

**Añā.** Lætentur omnes, \* qui sperant in te, Domine : quoniam tu benedixisti iusto, scuto bonæ voluntatis tuæ coronasti eum.

**Psalmus 5.**

**V**ERBA mea auribus percipe Domine, \* intellige clamorem meum.

**Intende** voci orationis meæ, \* Rex meus et Deus meus.

**Quoniam** ad te orabo : \*

**Domine**, mane exaudies vocem meam.

**Mane** astabo tibi, et videbo : \* quoniam non Deus volens iniquitatem tu es.

**Neque** habitabit juxta te malignus : \* neque permanent injusti ante oculos tuos.

**Odisti** omnes, qui operantur iniquitatem : \* perdes omnes, qui loquuntur mendacium.

**Virum** sanguinum et dolosum abominabitur Dominus : \* ego autem in multitudine misericordiæ tuæ.

**Introibo** in domum tuam : \* adorabo ad templum sanctum tuum in timore tuo.

**Domine**, deduc me in iustitia tua : \* propter inimicos meos dirige in conspectu tuo viam meam.

**Quoniam** non est in ore eorum veritas : \* cor eorum vanum est.

**Sepulchrum** patens est guttur eorum, linguis suis dolose agebant : \* iudica illos Deus.

**Décidant** a cogitationibus suis, secundum multitudinem impietatum eorum expelle eos, \* quoniam irritaverunt te, Domine.

**Et** lætentur omnes, qui sperant in te : \* in æternum exultabunt, et habitabis in eis.

**Et** gloriabuntur in te omnes, qui diligunt nomen

tuum, \* quóniam tu benedices justo.

**D**ómine, ut scuto bonæ voluntátis tuæ \* coronásti nos.

**Añ**a. Læténtur omnes, qui sperant in te, Dómine: quóniam tu benedixisti justo, scuto bonæ voluntátis tuæ coronásti eum.

**Añ**a. Dómine Dóminus noster, \* quam admirábile est nomen tuum in univérſa terra! quia glória et honóre coronásti Sanctum tuum, et constituísti eum super ópera mánuum tuárum.

**Psalmus 8.**

**D**OMINE Dóminus noster, \* quam admirábile est nomen tuum in univérſa terra!

Quóniam eleváta est magnificéntia tua \* super cœlos.

**E**x ore infántium et lacténtium perfecisti laudem propter inimícos tuos, \* ut déstruas inimicum et ultórem.

Quóniam vidébo cœlos tuos, ópera digitorum tuórum: \* lunam et stellas, quæ tu fundásti.

Quid est homo, quod memor es ejus? \* aut filius hóminis, quóniam visitas eum?

**M**inuísti eum paulo minus ab Angelis, glória et honóre coronásti eum: \* et constituísti eum super ópera mánuum tuárum.

**O**mnia subjecísti sub pédibus ejus, \* oves et boves

univérſas, insuper et pécora campi;

**V**ólucres cœli, et pisces maris, \* qui perámbulant sémitas maris.

**D**ómine Dóminus noster, \* quam admirábile est nomen tuum in univérſa terra!

**Añ**a. Dómine Dóminus noster, quam admirábile est nomen tuum in univérſa terra! quia glória et honóre coronásti Sanctum tuum, et constituísti eum super ópera mánuum tuárum. **Ÿ.**

Os justi meditábitur sapiéntiam. **R̃.** Et lingua ejus loquétur júdiciu. **P**ater noster. **Absol.** Ipsiús píetas.

**Ÿ.** Jube, domne. **Ben.** Deus Pater omnipotens.

Sermo sancti Joánnis

Chrysóstomi.

**Lectio iv.**

*In Orat. de S. Philog. T. 3.*

**B**EATI **N.** dies, cujus festivitátem celebrámus, ad ipsius recte factórum enarratióem linguam nostram evocávit: siquidem hódie Beátus iste ad tranquillam, omnisque perturbatióis expértem vitam tránsiit: cóque navigium áppulit, ubi deinceps non póterit metüere naufrágium, nec ullam ánimi perturbatióem, aut dolórem. Et quid mirum est, si locus ille purus est ab omni moléstia ánimi, cum Paulus homínibus adhuc in

hac vita degéntibus loquens, dicat : Semper gaudéte, sine intermissione oráte ?

**R.** Honéstum fecit illum Dóminus, et custodívit eum ab inimícis, et a seductóribus tutávit illum : \* Et dedit illi claritátem ætérnam.

**Y.** Justum dedúxit Dóminus per vias rectas, et osténdit illi regnum Dei. Et. **Bened.** Christus perpétuæ.

**Lectio v.**

**Q**UOD si hic, ubi morbi, ubi insectatiónes, ubi præmatúræ mortes, ubi calúnniæ, ubi invidiæ, ubi perturbatiónes, ubi iræ, ubi cupiditátes, ubi innumerábiles insídiæ, ubi quotidiánæ sollicitúdines, ubi perpétua sibi que succedéntia mala sunt, innúmeros ex omni parte dolóres afferéntia, Paulus dixit fieri posse ut semper gaudeámus, si quis páululum ex rerum mundanárum flúctibus eréxerit caput, vitámque suam recte composúerit : multo magis, postquam hinc demigravérimus, fáciie cómpotes érimus ejus boni, cum hæc ómnia sublata fúerint, advérsa valétudo, morbi, peccándi matéria, ubi non est meum ac tuum, frigidum illud verbum, et quidquid est malórum in vitam nostram invehens, innúmeraque gígnens bella.

**R.** Amávit eum Dóminus,

et ornávit eum, stolam glóriæ induit eum : \* Et ad portas paradisi coronávit eum. **Y.** Induit eum Dóminus lorícam fidei, et ornávit eum. Et. **Bened.** Ignem sui amóris.

**Lectio vj.**

**Q**UAMOBREM maximópere grátulor hujus Sancti felicitáti, quod quamquam translátus est, atque hanc, quæ apud nos est, civitátem reliquit, tamen in álteram adscríptus est civitátem, nempe Dei : et digrésus ab hac Ecclésia, ad illam pervénit, quæ est primogenitórum descriptórum in cœlis : ac, relictis hisce festis, tránsiit ad celebritátem Angelórum. Etenim quod et civitas sursum sit, et Ecclésia, et célébritas, audi Paulum dicéntem ? Accessistis ad civitátem Dei vivéntis, Jerúsalem cœlestem, et Ecclésiám primitivórum, qui conscripti sunt in cœlis, et ad multórum millium Angelórum fréquentiam.

**R.** Iste homo perfécit ómnia quæ locútus est ei Deus, et dixit ad eum : Ingrédere in réquiem meam : \* Quia te vidi justum eorám me ex ómnibus géntibus. **Y.** Iste est qui contémpsit vitam mundi, et pervénit ad cœlestia regna. Quia. **Gloria Patri.** Quia.



## In tertio Nocturno.

**Añs.** Dómine, iste Sanctus  
\* habitábit in tabernáculo  
tuo, operátus est justítiam,  
requiêscet in monte san-  
cto tuo.

## Psalmus 14.

**D**OMINE, quis habitábit in  
tabernáculo tuo? \* aut  
quis requiêscet in monte  
sancto tuo?

**Q**ui ingréditur sine mácu-  
la, \* et operátur justítiam :  
**Q**ui lôquitur veritátem in  
corde suo, \* qui non egit  
dolum in lingua sua.

**N**ec fecit próximo suo ma-  
lum, \* et oppróbrium non  
accépit advérsus próximos  
suos.

**A**d nihilum dedúctus est in  
conspéctu ejus malignus :  
\* timéntes autem Dóminum  
glorificat :

**Q**ui jurat próximo suo, et  
non décipit, \* qui pecúniám  
suam non dedit ad usúram,  
et múnera super innocéntem  
non accépit.

**Q**ui facit hæc, \* non mové-  
bitur in ætérnum.

**Añs.** Dómine, iste Sanctus  
habitábit in tabernáculo  
tuo, operátus est justítiam,  
requiêscet in monte sancto  
tuo.

**Añs.** Vitam pétiiit \* a te ,  
et tribuisti ei, Dómine :  
glóriam et magnum decó-  
rem imposuisti super eum :  
posuisti in cápite ejus co-  
rónam de lápide pretiósó.

## Psalmus 20.

**D**OMINE, in virtúte tua læ-  
tábitur rex : \* et super  
salutáre tuum exultábit ve-  
heménter.

**D**esidérium cordis ejus tri-  
buisti ei : \* et voluntáte labiô-  
rum ejus non fraudásti eum.

**Q**uóniam prævenísti eum  
in benedictiónibus dulcédi-  
nis : \* posuisti in cápite ejus  
corónam de lápide pretiósó.  
**V**itam pétiiit a te : \* et tri-  
buisti ei longitudínem diô-  
rum in sæculum, et in sæ-  
culum sæculi.

**M**agna est glória ejus in  
salutári tuo : \* glóriam et  
magnum decórem impónes  
super eum.

**Q**uóniam dabis eum in  
benedictiónem in sæculum  
sæculi : \* lætificábis eum in  
gáudio cum vultu tuo.

**Q**uóniam rex sperat in Dó-  
mino : \* et in misericórdia  
Altíssimi non commové-  
bitur.

**I**nveniátur manus tua óm-  
nibus inimicis tuis : \* dé-  
xtera tua invéniat omnes,  
qui te odérunt.

**P**ones eos ut clibanum  
ignis in témpore vultus tui :  
\* Dóminus in ira sua con-  
turbábit eos, et devorábit  
eos ignis.

**F**ructum eórum de terra  
perdes : \* et semen eórum  
a filiis hóminum.

**Q**uóniam declinavérunt in  
te mala : \* cogitavérunt



consilia, quæ non potuerunt stabilire.

**Q**uoniam pones eos dorsum : \* in reliquiis tuis præparabis vultum eorum.

**Exaltare**, Dómine, in virtute tua : \* cantabimus et psallémus virtutes tuas.

**Añs.** Vitam pétiit a te, et tribuisti ei, Dómine : glóriam et magnum decórem imposuisti super eum : posuisti in cápite ejus corónam de lapide pretioso.

**Añs.** Hic accipiet \* benedictiónem a Dómino, et misericórdiam a Deo salutári suo : quia hæc est generatio quæréntium Dñum.

**Psalmus 23.**

**D**OMINI est terra, et plenitúdo ejus : \* orbis terrarum, et univérsi qui habitant in eo.

**Q**uia ipse super mária fundávit eum : \* et super flúmina præparávit eum.

**Q**uis ascéndet in montem Dómini ? \* aut quis stabit in loco sancto ejus ?

**I**nnocens manibus et mundo corde, \* qui non accépit in vano ánimam suam, nec jurávit in dolo próximo suo.

**H**ic accipiet benedictiónem a Dómino, \* et misericórdiam a Deo salutári suo.

**H**æc est generatio quæréntium eum, \* quæréntium faciém Dei Jacob.

**A**ttóllite portas, principes, vestras, et elevámini portæ

æternáles : \* et introibit Rex glóriæ.

**Q**uis est iste Rex glóriæ ? \* Dóminus fortis et potens : Dóminus potens in prælio.

**A**ttóllite portas, principes, vestras, et elevámini portæ æternáles : \* et introibit Rex glóriæ.

**Q**uis est iste Rex glóriæ ? \* Dóminus virtutum ipse est Rex glóriæ.

**Añs.** Hic accipiet benedictiónem a Dómino, et misericórdiam a Deo salutári suo : quia hæc est generatio quæréntium Dóminum. **Ÿ.** Lex Dei ejus in corde ipsius.

**ñ.** Et non supplantabúntur gressus ejus. **Pater noster.**

**Absolutio.** A vinculis. **Ÿ.** Jube, domne. **Bened.** Evangélica léctio.

**Léctio sancti Evangélíi**  
secúndum Lucam.

**Lectio vij. Cap. 12. e**

**I**N illo témpore : Dixit Jesus discipulis suis : Sint lumbi vestri præcincti, et lucérnæ ardéntes in manibus vestris. Et reliqua.

Homília S. Gregórii Papæ.

**Homília 13. in Evang.**

**S**ANCTI Evangélíi, fratres charíssimi, apérta vobis est léctio recitata. Sed ne aliquibus ipsa ejus planities alta fortásse videátur, eam sub brevitate transcúrrimus, quátenus ejus expositio ita nesciéntibus fiat cógnita, ut tamen sciéntibus non sit

onerosa, Dominus dicit : Sint lumbi vestri præcincti. Lumbos enim præcingimus, cum carnis luxuriam per continentiam coarctamus. Sed quia minus est mala non agere, nisi etiam quisque studeat et bonis operibus insudare, proutinus additur : Et lucernæ ardentes in manibus vestris. Lucernas quippe ardentes in manibus tenemus, cum per bona opera proximis nostris lucis exempla monstramus. De quibus profecto operibus Dominus dicit : Luceat lux vestra coram hominibus, ut videant opera vestra bona, et glorificent Patrem vestrum, qui in cœlis est.

**R.** Iste est qui ante Deum magnas virtutes operatus est, et de omni corde suo laudavit Dominum : \* Ipse intercedat pro peccatis omnium populorum. **V.** Ecce homo sine querela, verus Dei cultor, abstinens se ab omni opere malo, et permanens in innocentia sua. Ipse. **Bened.** Cujus festum colimus.

#### Lectio viij.

**D**UO autem sunt, quæ jubentur, et lumbos restringere, et lucernas tenere, ut et munditia sit castitatis in corpore, et lumen veritatis in operatione. Redemptori etenim nostro

unum sine altero placere nequâquam potest : si aut is, qui bona agit, adhuc luxuriæ inquinamenta non deserit : aut is, qui castitate præeminet, necdum se per bona opera exercet. Nec castitas ergo magna est sine bono opere, nec opus bonum est aliquod sine castitate. Sed et si utrumque agitur, restat, ut quisquis ille est, spe ad supernam patriam tendat, et nequâquam se a vitiis pro mundi hujus honestate contineat.

**R.** Sint lumbi vestri præcincti, et lucernæ ardentes in manibus vestris : \* Et vos similes hominibus expectantibus dominum suum quando revertatur a nuptiis.

**V.** Vigilate ergo, quia nescitis qua hora Dominus vester venturus sit. Et. **Gloria Patri. Et. Bened.** Ad societatem.

#### Lectio ix.

**E**T vos similes hominibus expectantibus dominum suum, quando revertatur a nuptiis : ut, cum venerit, et pulsaverit, confestim aperiant ei. Venit quippe Dominus, cum ad iudicium properat : pulsat vero, cum jam per ægritudinis molestias esse mortem vicinam designat. Cui confestim aperimus, si hunc cum amore suscipimus. Aperire enim iudici pulsanti non vult,

qui exire de corpore trépídat : et vidére eum, quem contempsisse se méminit, júdicem formídat. Qui autem de sua spe et operatióne secúrus est, pulsánti conféstim áperit, quia lætus júdicem sústinet. Et cum tempus propínquæ mortis advénerit, de glória retributiónis hilaréscit.

**Te Deum laudámus. 17.**

**AD LAUDES,**

**et per Horas. Añæ.**

**1.** Dómine, \* quinque talénta tradidisti mihi : ecce ália quinque superlucrátus sum.

**Ps. Dóminus regnávít, cum reliquis. 18.**

**2.** Euge, serve bone, \* in módico fidélis, intra in gáudium Dómini tui.

**3.** Fidélis servus \* et prudens, quem constitúit Dóminus super familiam suam.

**4.** Beátus ille servus, \* quem cum vénerit dóminus ejus, et pulsáverit jánuam, invénerit vigilántem.

**5.** Serve bone \* et fidélis, intra in gáudium Dómini tui.

**Capitulum. Eccli. 31.**

**B**EATUS vir, qui invéntus est sine mácula, et qui post aurum non ábiit, nec sperávit in pecúnia et thesáuris. Quis est hic, et laudábimus eum ? fecit enim mirabilia in vita sua.

**Hymnus.**

**J**ESU, coroná celsior,  
Et véritas sublimior.

Qui confiténti sérvulo  
Reddis perénne præmium :  
**Da** supplicánti cœtui,  
Hujus rogátu, nóxii  
Remissiónem críminis,  
Rumpéndo nexum vínculi.

**Anni** revérso témpore,  
Dies refúlsit lumíne,  
Quo Sanctus hic de corpore  
Migrávit inter sídera.

**Hic** vana terræ gáudia,  
Et luculénta prædia,  
Pollúta sorde députans,  
Ovans tenet cœléstia.

**Te**, Christe, Rex píssimæ,  
Hic confiténdó júgiter,  
Calcávit artes dæmonum,  
Sævúmque avérni príncipem.

**Virtúte** clarus et fide,  
Confessióne sédulus,  
Jejúna membra déferens  
Dapes supérnas óbtinet.

**Proinde** te, píssime,  
Precámur omnes súplices,

Nobis ut hujus grátia  
Pœnas remittas débítas.

**Patri** perénnis glória,  
Natóque Patris único,  
Sanctóque sit Paráclito,  
Per omne semper sæculum.

**Amen.**

**V.** Justum dedúxit Dóminus per vias rectas. **R.** Et osténdit illi regnum Dei.

**Ad Benedictus. Añæ.**

Euge, serve bone, \* et fidélis,  
quia in pauca fulsti  
fidélis, supra multa te constituam,  
intra in gáudium Dómini tui.

## Oratio.

**D**EUS, qui nos beáti **N.** Confessóris tui ánnua solemnitáte lætíficas : concéde propítius ; ut ejus natalítia cólimus, étiam actió- nes imitémur. Per Dñm.

## Alia Oratio.

**A**DESTO, Dómine, suppli- cationíbus nostris, quas in beáti **N.** Confessóris tui solemnitáte deférimus : ut qui nostræ justítiæ fidúciám non habémus, ejus qui tibi plácuít, préeibus adjuvé- mur. Per Dóminum.

## Si fuerit Abbas. Oratio.

**I**NTERCESSIO nos, quæsu- mus Dómine, beáti **N.** Abbátis comméndet : ut quod nostris méritis non valémus, ejus patrocínio as- sequámur. Per Dóminum.

## Ad Tertiam, Añã.

Euge, serve bone.

**Capit.** Beátus vir. lxxxiv.  
**R.** br. Amávit eum Dómi- nus, \* Et ornávit eum. Amá- vit. **Y.** Stólam glóriæ induit eum. Et. **G**lória Patri. Amá- vit. **Y.** Os justí meditábitur sapiéntiam. **R.** Et lingua ejus loquétur judícium.

## Ad Sextam, Añã.

Fidélis servus.

## Capitulum. Eccli. 39.

**J**USTUS cor suum trádidit ad vigilándum dilúculo ad Dóminum, qui fecit il- lum, et in conspéctu Altís- simi deprecábitur.

**R.** br. Os justí \* Meditá-

bitur sapiéntiam. Os ju- sti. **Y.** Et lingua ejus lo- quétur judícium. Meditábi- tur. **G**lória Patri. Os. **Y.** Lex Dei ejus in corde ipsíus. **R.** Et non supplantabúntur gressus ejus.

## Ad Nonam, Añã.

Serve bone.

## Capitulum. Sap. 10. b

**J**USTUM dedúxit Dóminus per vias rectas, et ostén- dit illi regnum Dei, et de- dit illi sciéntiam sanctórum: honestávit illum in labóri- bus, et complévit labóres illius.

**R.** br. Lex Dei ejus \* In corde ipsíus. Lex. **Y.** Et non supplantabúntur gres- sus ejus. In. **G**lória Patri. Lex. **Y.** Justum dedúxit Dó- minus per vias rectas. **R.** Et osténdit illi regnum Dei.

**Ad Vesp., Añã.** Dómine, quín que talénta, cum reliq. de Laud. Psalmi, Capit. et Hymn. ut in j. Vesp. lxxiiij.

**Y.** Justum dedúxit Dómi- nus per vias rectas. **R.** Et osténdit illi regnum Dei.

## Ad Magnificat, Añã.

Hic vir despíciens mundum, \* et terréna triúmphans, divítias cœlo cóndidit ore, manu.

Si occurrat celebrari Fe- stum plur. Conf. non Pont. Offic. fit ut supra : sed in Orat., et Serm., quæ ha- bentur in singulari, dican- tur in plurali.

## 2. ALIÆ LECTIONES

PRO CONF. NON PONT.

In primo Nocturno.

De libro Ecclesiastici.

Lectio j. Cap. 31.

**B**EATUS vir, qui inventus est sine macula : et qui post aurum non abiit, nec speravit in pecunia et thesauris. Quis est hic, et laudabimus eum? fecit enim mirabilia in vita sua. Qui probatus est in illo, et perfectus est, erit illi gloria æterna : qui potuit transgredi, et non est transgressus : facere mala, et non fecit : ideo stabilita sunt bona illius in Domino, et eleemosynas illius enarrabit omnis Ecclesia sanctorum.

**R.** Euge, serve bone et fidelis, quia in pauca fuisti fidelis, supra multa te constituam : \* Intra in gaudium Domini tui. **V.** Domine, quinque talenta tradidisti mihi, ecce alia quinque superlucratus sum. Intra.

Lectio ij.

Cap. 32. c et 33.

**Q**UI timet Dominum, excipiet doctrinam ejus : et qui vigilaverint ad illum, invenient benedictionem. Qui quaerit legem, replabitur ab ea : et qui insidiosè agit, scandalizabitur in ea. Qui timent Dominum, invenient judicium justum, et justitias quasi lumen accendant. Qui credit Deo, atten-

dit mandatis : et qui confidit in illo, non minorabitur. Timenti Dominum non occurrerent mala, sed in tentatione Deus illum conservabit, et liberabit a malis. Sapiens non odit mandata et justitias, et non illidetur quasi in procella navis. Homo sensatus credit legi Dei, et lex illi fidelis.

**R.** Justus germinabit sicut lilium : \* Et florebit in æternum ante Dominum. **V.** Plantatus in domo Domini, in atriiis domus Dei nostri. Et florebit.

Lectio iij. Cap. 34. b

**S**PIRITUS timentium Deum quaeritur, et in respectu illius benedicetur. Spes enim illorum in salvantem illos, et oculi Dei in diligentes se. Qui timet Dominum, nihil trepidabit, et non pavebit : quoniam ipse est spes ejus. Timentis Dominum beata est anima ejus. Ad quem respicit, et quis est fortitudo ejus? Oculi Domini super timentes eum, protector potentiae, firmamentum virtutis, tegimen ardoris, et umbraculum meridiani, deprecatio offensionis, et adiutorium casus, exaltans animam, et illuminans oculos, dans sanitatem, et vitam, et benedictionem.

**R.** Iste cognovit justitiam, et vidit mirabilia magna,



et exoravit Altissimum : \*  
Et inventus est in numero  
sanctorum. *ŷ.* Iste est qui  
contempsit vitam mundi, et  
pervenit ad cœlestia regna.  
Et. Glória Patri. Et.

*In secundo Nocturno.*

Ex libro Morálíum sancti  
Gregórii Papæ.

*Lectio iv.*

*Lib. 10. c. 16. in c. 12. Job.*

**D**ERIDETUR justí simplici-  
tas. Hujus mundi sapién-  
tia est, cor machinatióni-  
bus tégere, sensum verbis  
velare; quæ falsa sunt, ve-  
ra osténdere; quæ vera  
sunt, falsa demonstrare.  
Hæc nimirum prudéntia usu  
a juvenibus scitur, hæc a  
pueris pretio discitur: hanc  
qui sciunt, ceteros despi-  
ciendo superbiunt: hanc  
qui nesciunt, subiecti et  
timidi in aliis mirantur:  
quia ab eis hæc eadem du-  
plicítatis iniquitas nómine  
palliata diligitur, dum men-  
tis perversitas urbánitas vo-  
catur. Hæc sibi obsequén-  
tibus præcipit honórum cúl-  
mina quærere, adépta tem-  
porális glóriæ vanitate gau-  
dere, irrogata ab aliis mala  
multiplicius reddere: cum  
vires suppetunt, nullis re-  
sisténtibus cedere: cum  
virtútis possibilitas deest,  
quidquid explere per mali-  
tiam non valent, hoc in pa-  
cífica bonitate simulare.

*R.* Honéstum fecit illum

Dóminus, et custodivit eum  
ab inimicis, et a seductóri-  
bus tutavit illum, \* Et de-  
dit illi claritatem ætérnam.  
*ŷ.* Justum deduxit Dóminus  
per vias rectas, et osténdit  
illi regnum Dei. Et.

*Lectio v.*

**A**T contra, sapiéntia ju-  
stórum est, nil per  
ostensiónem fingere, sen-  
sum verbis aperire, vera  
ut sunt diligere, falsa de-  
vitare, bona gratis exhi-  
bére, mala libéntius tole-  
rare, quam facere; nullam  
injuriæ ultiónem quærere,  
pro veritate contuméliam  
lucrum putare. Sed hæc  
justórum simplicitas deri-  
détur: quia ab hujus mun-  
di sapiéntibus, puritátis  
virtus fatúitas créditur.  
Omne enim quod innocén-  
ter ágitur, ab eis procul  
dúbio stultum putatur: et  
quidquid in ópere veritas  
approbat, carnáli sapién-  
tiæ fatuum sonat. Quid  
namque stúlius videtur  
mundo, quam mentem ver-  
bis osténdere, nil cállida  
machinatióne simulare, nul-  
las injuriis contumélias red-  
dere, pro maledicéntibus  
orare, paupertatem quæ-  
rere, posséssa relínquere,  
rapiénti non resistere, per-  
cutiénti álteram maxillam  
præbére?

*R.* Amavit cum Dóminus, et  
ornavit eum, stolam glóriæ



induit eum, \* Et ad portas paradisi coronavit eum. *Ÿ.* Induit eum Dóminus lorícam fidei, et ornávit eum. Et.

*Lectio vij. Cap. 17. post init.*

**L**AMPAS contémpita apud cogitationes dívitum. Sæpe contingit, ut eléctus quisque, qui ad ætérnam felicitátem dúcitur, continua hic adversitaté depri-mátur: non hunc rerum abundántia fúlciat, non dignitatú glória honorábi-lem osténdat, nulla ei obsequéntium frequéntia súppetat, nulla hunc humánis óculis véstium pompa compónat: a cunctis vero despiciábilis cérnitur, et hujus mundi grátia indignus æstimátur: sed tamen ante occúlti júdicis óculos virtútibus émicat, vitæ méritis corúscat: honorári méuit, déspici non réfugit: corpus continéntia áfficit, sola in ánimo dilectione pinguéscit: mentem semper ad patiéntiam præparat: et eréctus pro justitia, de percéptis contuméliis exúltat: afflic-tis ex corde compátitur, de bonórum prosperitatibus quasi de própriis lætátur, sacri verbi pábula in mente sollicitus rúminat, et inquisítus quódlíbet éloqui dupliciter ignórat.

*Ŗ.* Iste homo perfécit ómnia quæ locútus est ei Deus, et dixit ad eum:

Ingrédere in réquiem meam:

\* Quia te vidi justum coram me ex ómnibus géntibus.

*Ÿ.* Iste est qui contémpsit vitam mundi, et pervénit ad coeléstia regna. Quia Glória Patri. Quia.

*In tertio Nocturno.*

*Léctio sancti Evangélii secúndum Lucam.*

*Lectio vij. Cap. 12. d*

**I**N illo témpore: Dixit Jesus discipulis suis: Nolite timére pusillus grex, quia complácuit Patri vestro dare vobis regnum. Et réliqua.

Homilia venerábilis Bedæ Presbyteri.

*Lib. 4. c. 54. in Luc. 12.*

**P**USILLUM gregem electórum, vel ob comparatió-nem majóris númeri repro-bórum, vel pótius ob humili-tátis devotió-nem nóminat: quia vidélicet Ecclésiám suam quantálibet numerosi-táte jam dilatátam, tamen usque ad finem mundi humilitáte vult créscere, et ad promíssum regnum humili-táte pervenire. Ideóque ejus labóres blande consolátus, quam regnum Dei tantum quærere præcipit, eidem regnum a Patre dandum complácita benignitaté pro-míttit.

*Ŗ.* Iste est qui ante Deum magnas virtútes operátus est, et de omni corde suo laudávit Dóminum: \* Ipse

intercedat pro peccatis ómnium populórum. **Ÿ.** Ecce homo sine queréla, verus Dei cultor, ábstinens se ab omni ópere malo, et pérmanens in innocéntia sua. Ipse.

### Lectio viij.

**V**ENDITE quæ possidétiſ, et date eleemóſynam. Nolite, inquit, timére, ne propter regnum Dei militántibus, hujus vitæ neceſſária desint : quin étiam posséſſa propter eleemóſynam véndite. Quod tunc digne fit, quando quis ſemel pro Dómino ſuis ómnibus ſpretis, nihilóminus poſt hæc labóre mánuum, unde et victum tranſigere, et eleemóſynam dare queat, operátur. Unde gloriátur Apóstolus, dicens: Argéntum, et aurum, aut veſtem nullius concupívi : ipſi ſcitiſ, quóniam ad ea quæ mihi opus erant, et hiſ qui mecum ſunt, miniſtravérunt manus iſtæ. Omnia oſténdi vobiſ, quóniam ſic laborántes opórtet ſuſcípere infirmoſ.

**R̃.** Sint lumbi veſtri præcincti, et lucérnæ ardéntes in mániſ veſtriſ : \* Et voſ ſímileſ hominibúſ expectántibúſ dóminum ſuum quando revertátur a núptiis. **Ÿ.** Vigiláte ergo, quia neſciſ qua hora Dóminus veſter ventúruſ ſit. Et. Glória Patri. Et.

### Lectio ix.

**F**ACITE vobiſ ſácculoſ, qui non veteráſcunt : eleemóſynas vidélicet operándo, quarum merces in ætérnum máneat. Ubi non hoc præcéptum eſſe putándum eſt, ut nil pecúniæ reſervétur a ſanctiſ, vel ſuiſ ſcilicet, vel páuperum úſibúſ ſuggeréndæ : cum et ipſe Dóminus, cui miniſtrábant Angeli, tamen ad informándam Eccléſiam ſuam, lóculoſ habuiſſe legátur, et a fidélibúſ oblata conſerváſ, et ſuórum neceſſitátibúſ aliſque indigéntibúſ tribuénſ; ſed ne Deo propter iſta ſerviátur, et ob inópiæ timórem juſtiſia deſerátur.

**Te** Deum laudámus. 17.

**PRO ABBATIBUS.**

**In tertio Nocturno.**

Lectio ſancti Evangélii ſecúndum Matthæum.

Lectio vij. Cap. 19. d

**I**N illo témpore : Dixit Petruſ ad Jeſum : Ecce noſ reliquimus ómnia, et ſecúti ſumúſ te : quid ergo erit nobiſ? Et réliqua.

Homilia ſancti Hierónymi Preſbyteri.

Lib. 3. in Matth. Cap. 19.

**G**RANDIS fidúcia ! Petruſ piſcátor erat, dives non fúerat, cibos manu et arte quærébat : et tamen lóquitur confidénter : Reliquimus ómnia. Et quia non ſúfficit tantum relinquere, jungit

quod perfectum est : Et secuti sumus te. Fecimus quod jussisti : quid igitur nobis dabis præmii ? Jesus autem dixit illis : Amen dico vobis : quod vos qui secuti estis me , in regeneratione , cum sederit Filius hominis in sede majestatis suæ : sedebitis et vos super sedes duodecim , judicantes duodecim tribus Israel. Non dixit : Qui reliquistis omnia : hoc enim et Crates fecit philosophus , et multi alii divitias contempsérunt : sed , Qui secuti estis me : quod proprie Apostolorum est , atque credentium.

ix. Iste est qui ante. lxxxviiij.

#### Lectio viij.

**I**N regeneratione , cum sederit Filius hominis in sede majestatis suæ (quando et mortui de corruptione resurgent incorrupti) , sedebitis et vos in solis judicantium , condemnantes duodecim tribus Israel : quia vobis credentibus , illi credere noluerunt. Et omnis qui reliquerit domum , vel fratres , aut sorores , aut patrem , aut matrem , aut uxorem , aut filios , aut agros propter nomen meum , centuplum accipiet , et vitam æternam possidebit. Locus iste cum illa sententia congruit , in qua Salvator loquitur : Non veni pacem mittere , sed gladium. Veni enim sepa-

rare hominem a patre suo , et matrem a filia , et nurum a socru : et inimici hominis domestici ejus. Qui ergo propter fidem Christi , et prædicationem Evangelii , omnes affectus contempserint , atque divitias et sæculi voluptates , isti centuplum recipient , et vitam æternam possidebunt.

ix. Sint lumbi. lxxxix.

#### Lectio ix.

**E**X occasione hujus sententiæ quidam introducunt mille annos post resurrectionem , dicentes , tunc nobis centuplum omnium rerum , quas dimisimus , et vitam æternam esse reddendam : non intelligentes quod , si in ceteris digna sit re promissio , in uxoribus appareat turpitudine : ut qui unam pro Dño dimiserit , centum recipiat in futuro. Sensus ergo iste est : Qui carnalia pro Salvatore dimiserit , spiritalia recipiet : quæ comparatione et merito sui ita erunt , quasi si parvo numero centenarius numerus comparatur.

Te Deum laudamus. 17.

#### 2. ALIA HOMILIA.

Lectio sancti Evangelii secundum Matthæum.

#### Lectio vij.

Cap. 11. d

**I**N illo tempore : Respondens Jesus dixit : Confiteor tibi , Pater , Domine

cœli et terræ, quia abscondisti hæc a sapiéntibus, et prudentibus, et revelasti ea párvulis. Et reliqua.

Homilia sancti Augustini  
Episcopi.

Serm. 10. de Verb. Domini.

**V**ENITE ad me omnes qui laborátis. Quare enim omnes laborámus, nisi quia sumus hómines mortáles, frágles infirmi, lútea vasa portántes, quæ faciunt invicem angústias? Sed si angustiantur vasa carnis, dilatén-tur spátia charitátis. Quid ergo dicit: Veníte ad me omnes, qui laborátis, nisi ut non laborétis? Dénique promissio ejus in promptu est, quóniam laborántes vocávit. Quærent forte, qua mercéde vocáti sunt. Et ego vos, inquit, reficiam. Tól-lite jugum meum super vos, et discite a me, non mundum fabricáre, non cuncta visibília et invisibília creáre, non in ipso mundo mirabília fácere, et mórtuos suscitáre; sed, Quóniam mitis sum, et húmilis corde.

ŕ. Iste est qui ante. lxxxviiij.

Lectio viij.

**M**AGNUS esse vis? a mínimo incipe. Cógitas magnam fábricam constrúere celsitudinis? de fundaménto prius cógita humilitátis. Et quantam quisque vult, et dispónit superimpónere molem ædificií, quanto erit

majus ædificium, tanto áltius fodit fundaméntum. Et fábricaquidem cum constrúitur, in supérna consúrgit: qui autem fodit fundaméntum, ad ima deprimitur. Ergo et fábrica ante celsitudinem humiliáitur, et fastigium post humiliatió-nem erigitur.

ŕ. Sint lumbi. lxxxix.

Lectio ix.

**Q**UOD est fastigium construéndæ fábricæ, quam molímur? quo perventúrum est cacúmen ædificií? Cito dico, Usque ad conspéctum Dei. Vidétis quam excélsus est, quanta res est conspí-cere Deum. Qui desiderat, et quod dico, et quod audit, intélligit. Promíttitur nobis conspéctus Dei, veri Dei, summi Dei. Hoc enim bonum est, Vidéntem vidére. Nam qui colunt falsos deos, fá-cile illos vident: sed eos vident, qui óculos habent, et non vident. Nobis autem promíttitur visio Dei vivéntis et vidéntis.

Te Deum laudámus. 17.

3. ALIA HOMILIA.

Lectio sancti Evangélii  
secúndum Matthæum.

Lectio vij.

Cap. 19. d

**I**n illo témpore: Dixit Petrus ad Jesum: Ecce nos reliquimus ómnia, et secúti sumus te: quid ergo erit nobis? Et reliqua.

De Homilia venerabilis

Bedæ Presbyteri.

In Natali S. Bened.

**D**uo sunt ordines electorum in iudicio futuri: unus iudicantium cum Domino, de quibus hoc loco memorat, qui reliquerunt omnia, et secuti sunt illum; alius iudicandorum a Domino, qui non quidem omnia sua pariter reliquerunt, sed de his tamen, quæ habebant, quotidianas dare eleemosynas Christipaupéribus curabant: unde et audituri sunt in iudicio: Venite, benedicti Patris mei, possidete præparatum vobis regnum a constitutione mundi. Esurivi enim, et dedistis mihi manducare: sitivi, et dedistis mihi bibere.

*R.* Iste est qui. lxxxviii.

*Lectio viij.*

**S**ED et reproborum duos ibi futuros ordines, Domino narrante, comperimus: unum eorum, qui fidei christianæ mystériis initiati, opera fidei exercere contemnunt, quibus in iudicio testatur: Discédite a me, maledicti, in ignem ætérnum, qui præparatus est diabolo, et angelis ejus: esurivi enim, et non dedistis mihi manducare. Alterum eorum, qui fidem et mystéria Christi vel numquam suscepere, vel susceptam per apostasiam deseruere: de quibus dicit: Qui

autem non credit, jam iudicatus est: quia non credit in nómine unigéniti Filii Dei.

*R.* Sint lumbi. lxxxix.

*Lectio ix.*

**V**ERUM his cum timóre et pavóre debito paulisper commemorátis, ad lætissima pótius Dómini et Salvatóris nostri promissa convertámus auditum. Videámus quæ tantæ grátia pietátis, non æternæ tantummodo vitæ præmia suis sequácibus, sed et præsentis múnera pollicétur exímia. Et omnis, inquit, qui reliquerit domum, vel fratres, aut soróres, aut patrem, aut matrem, aut uxórem, aut filios, aut agros, propter nomen meum, centuplum accipiet, et vitam æternā possidébit. Qui enim terrénis affectibus sive possessionibus pro Christi discipulatu renuntiáverit, quo plus in ejus amórem profecerit, eo plures invéniet, qui se intérno suscipere affectu, et suis gaudeant sustentare substántiis.

*Te Deum laudamus. 17.*

**COMMUNE**

**VIRGINUM.**

*Ad Vesperas.*

*Añs.* Hæc est virgo sapiens \* et una de número prudentū.

*Psalms 109.*

**D**IXIT Dóminus Dómino meo: \* Sede a dextris meis.



**D**onec ponam inimicos tuos,  
\* scabellum pedum tuorum.

**V**irgam virtutis tuæ emittet  
Dóminus ex Sion : \*  
domināre in médio inimicórum  
tuorum.

**T**ecum principium in die  
virtutis tuæ in splendóribus  
sanctorum : \* ex útero  
ante luciferum genui te.

**J**uravit Dóminus, et non pœnitēbit eum : \* Tu es sacerdos  
in ætérnum secúndum  
órdinem Melchisedech.

**D**óminus a dextris tuis , \*  
confrégit in die iræ suæ  
reges.

**J**udicabit in natióibus ,  
implébit ruínas : \* conquassábit  
cápita in terra multórum.

**D**e torrénite in via bibet : \*  
propterea exaltábit caput.

**Añā.** Hæc est virgo sápiens  
et una de número prudentū.

**Añā.** Hæc est virgo sápiens ,  
\* quam Dóminus vigilāntem  
invénit.

### Psalmus 112.

**L**AUDATE púeri Dóminum :  
\* laudáte nomen Dñi.

**S**it nomen Dómini benedictum ,  
\* ex hoc nunc , et usque in  
sæculum.

**A** solis ortu usque ad occásum ,  
\* laudábile nomen Dómini.

**E**xcélsus super omnes gentes  
Dóminus , \* et super cœlos  
glória ejus.

**Q**uis sicut Dóminus Deus  
noster , qui in altis hábitat ,

\* et humilia respicit in cœlo  
et in terra ?

**S**úscitans a terra inopem ,  
\* et de stercore érigens  
páuperem :

**U**t còllocet eum cum principibus ,  
\* cum principibus pópuli sui.

**Q**ui habitāre facit stérilem  
in domo , \* matrem filiórum  
lætāntem.

**Añā.** Hæc est virgo sápiens,  
quam Dóminus vigilāntem  
invénit.

**Añā.** Hæc est quæ nescivit  
\* torum in delicto : habébit  
fructum in respectiône  
animárum sanctárum.

### Psalmus 121.

**L**ÆTATUS sum in hīs , quæ  
dicta sunt mihi : \* In  
domum Dómini ibimus.

**S**tantes erant pedes nostri ,  
\* in átriis tuis Jerúsalem.

**J**erúsalem quæ ædificátur  
ut civitas : \*cujus participáti  
o ejus in idípsum.

**I**lluc enim ascenderunt tribus ,  
tribus Dómini , \* testimónium  
Israel ad confiténdum nómini Dómini.

**Q**uia illic sederunt sedes in  
iudicio , \* sedes super domum  
David.

**R**ogáte quæ ad pacem sunt  
Jerúsalem : \* et abundantia  
diligéntibus te.

**F**iat pax in virtúte tua : \* et  
abundántia in túrribus tuis.

**P**ropter fratres meos , et  
próximos meos , \* loquébar  
pacem de te :



Propter domum Dómini Dei nostri, \* quæsiui bona tibi.

**Añs.** Hæc est quæ nescivit torum in delicto : habebit fructum in respectiōne animarum sanctarum.

**Añs.** Veni, elécta mea, \* et ponam in te thronum meum, allelúia.

**Psalmus 126.**

**N**isi Dóminus ædificaverit domum, \* in vanum laboraverunt qui ædificant eam.

**N**isi Dóminus custodierit civitatem, \* frustra vigilat qui custodit eam.

**V**anum est vobis ante lucem surgere : \* surgite postquam sederitis, qui manducatis panem doloris.

**C**um dederit dilectis suis somnum : \* ecce hereditas Dómini filii : merces, fructus ventris.

**S**icut sagittæ in manu potentis : \* ita filii excusorum.

**B**eátus vir qui implevit desiderium suum ex ipsis : \* non confundetur cum loquétur inimicis suis in porta.

**Añs.** Veni, elécta mea, et ponam in te thronum meum, allelúia.

**Añs.** Ista est speciosa \* inter filias Jerúsalem.

**Psalmus 147.**

**L**AUDA Jerúsalem Dóminum : \* lauda Deum tuum Sion.

Quóniam confortavit seras portarum tuarum : \* benedixit filiis tuis in te.

**Q**ui posuit fines tuos pacem : \* et adipem frumenti satiat te.

**Q**ui emittit elóquium suum terræ : \* volóriter currit sermo ejus.

**Q**ui dat nivem sicut lanam : \* nébulam sicut cinerem spargit.

**M**ittit crystallum suum sicut buccéllas : \* ante faciem frigoris ejus qui sustinebit ?

**E**mittet verbum suum, et liquefaciet ea : \* flabit spiritus ejus, et fluent aquæ.

**Q**ui annúntiat verbum suum Jacob : \* justitias et judicia sua Israel.

**N**on fecit taliter omni nationi : \* et judicia sua non manifestavit eis.

**Añs.** Ista est speciosa inter filias Jerúsalem.

**Capitulum. 2. Cor. 10. d**

**F**RATRES, Qui gloriatur, **I**n Dómino gloriétur. Non enim qui seipsum commendat, ille probatus est ; sed quem Deus commendat.

**Hymnus.**

**J**ESU, coróna Virginum,  
Quem Mater illa concipit,  
Quæ sola Virgo parturit,  
Hæc vota clemens accipe.  
Qui pergis inter lilia  
Septus choréis Virginum,  
Sponsus decórus glória,  
Sponsisque reddens præmia.

Quocúmque tendis, Virgines  
Sequuntur, atque láudibus  
Post te canéntes cúrsitant,  
Hymnòsque dulces pèrsonant.

Te deprecámur súpplīces,  
Nostris ut addas sènsibus,  
Nescire prorsus ómnia  
Corruptiònis vùlnera.

Virtus, honor, laus, glória  
Deo Patri, cum Filio,  
Sancto simul Paráclito,  
In sæculórum sæcula. Amen.

Ÿ. Spécie tua, et pulchritudine tua. R. Inténde, pròspere procéde, et regna.

**Ad Magnificat. Añã.**

Veni, sponsa Christi, \*accipe  
corónam, quam tibi Dóminus  
præparávit in ætérnum.

**Oratio.**

**D**EUS, qui inter cétera poténtiæ tuæ mirácula  
étiam in sexu frágili victóriam  
martyrii contulisti :  
concéde propitius ; ut , qui  
beátæ N. Virgīnis et Mártiris  
tuæ natalítia còlimus , per  
ejus ad te exémp̃la gradiámur.  
Per Dóminum.

**Alia Oratio.**

**I**NDULGENTIAM nobis, quæsumus  
Dómine , beáta N. Virgo et Martyr implóret ;  
quæ tibi grata semper éxstitit  
et mérito castitátis , et  
tuæ professiòne virtútis. Per  
Dóminum.

**Pro Virgine non Mart.**

**Oratio.**

**E**XAUDI nos , Deus salutáris  
noster ; ut sicut de

beátæ N. Virgīnis tuæ festivitáte  
gaudémus , ita piæ  
devotiònis erudiámur afféctu.  
Per Dóminum.

**Si fuerint plures, in utrisque Vesp. ad Magnificat, et in Laud. ad Benedictus.**  
**Añã.** Prudéntes Virgīnes , \*  
aptáte vestras lámpades :  
ecce Sponsus venit, exíte  
óbviám ei. Ÿ. Adducéntur  
Regi virgīnes post eam. R.  
Próximæ ejus afferéntur tibi.

**Oratio.**

**D**A nobis , quæsumus Dómine  
Deus noster, sanctárum  
Virginum et Mátyrum  
tuárum N. et N. palmas  
incessábili devotiòne venerári :  
ut, quas digna mente  
non pòssumus celebráre, humilibus  
saltem frequentémus obséquiiis.  
Per Dñum.

**Ad Matutinum, Invitat.**

Regem Virginum Dóminum.

\* Veníte, adorémus. Ps.

Veníte, exultémus. 2.

**Hymnus.**

**V**IRGINIS Proles, Opifèx-  
que Matris ,  
Virgo quem gessit, peperit-  
que Virgo ;  
Virgīnis partos cánimus decóra

Morte triúmphos.

Hæc enim palmæ dúplicis  
beáta

Sorte , dum gestit frágilem  
domáre

Córp̃oris sexum , dómuit  
cruéntum

Cæde tyránnum.

Unde nec mortem , nec  
amīca mortis

Mille pœnarum gênera ex-  
pavescens ,

Sanguine effuso mœruit se-  
renum

Scândere cœlum.

Hujus orātu , Deus alme ,  
nobis

Débitas pœnas scélerum re-  
mítte ,

Ut tibi puro resonémus al-  
mum

Péctore carmen.

Sit decus Patri , genitæque  
Proli ,

Et tibi , compar utriúsque  
virtus

Spiritus semper, Deus unus  
omni

Témporis ævo. Amen.

*Si Sancta fuerit Virgo  
tantum , et non Martyr , di-  
citur Hymnus ut sequitur.*

**V**IRGINIS Proles , Opifex-  
que Matris ,

Virgo quem gessit , peperit-  
que Virgo ;

Virginis festum cānimus  
beátæ ,

Accipe votum.

Hujus orātu , Deus alme ,  
nobis

Débitas pœnas scélerum re-  
mítte ,

Ut tibi puro resonémus al-  
mum

Péctore carmen.

Sit decus Patri , genitæque  
Proli ,

Et tibi , compar utriúsque  
virtus

Spiritus semper, Deus unus  
omni

Témporis ævo. Amen.

*In primo Nocturno.*

*Añã.* O quam pulchra \* est  
casta generatio cum cla-  
ritate !

*Psalmus 8.*

**D**OMINE Dóminus noster ,  
\* quam admirabile est  
nomen tuum in univér-  
sa terra !

Quóniam eleváta est ma-  
gnificéntia tua \* super cœlos.

Ex ore infántium et la-  
cténtium perfecisti laudem  
propter inimícos tuos , \* ut  
déstruas inimícum et ultó-  
rem.

Quóniam vidébo cœlos tuos ,  
ópera digitórum tuórum :  
\* lunam et stellas , quæ tu  
fundásti.

Quid est homo , quod me-  
mor es ejus ? \* aut filius hó-  
minis , quóniam vísitas eum ?

Minuísti eum paulo minus  
ab Angelis , glória et honóre  
coronásti eum : \* et consti-  
tuísti eum super ópera  
mánuum tuárum.

Omnia subjecísti sub pé-  
dibus ejus , \* oves et boves  
univérsas : insuper et péco-  
ra campi ;

Vólucres cœli , et pisces  
maris , \* qui perámbulant  
sémitas maris.

Dómine Dóminus noster ,  
\* quam admirabile est no-  
men tuum in univér-  
sa terra !

*Añã.* O quam pulchra est

casta generatio cum claritate !

**Pro Virgine, Añã.** Ante torum \* hujus virginis frequentate nobis dulcia cantica drámatís.

**Pro non Virgine, Añã.** Læva ejus \* sub capite meo, et dextera illius amplexabitur me.

**Psalmus 18.**

**C**OELESTI enarrant glóriam Dei, \* et ópera mánuum ejus annúntiat firmaméntum.

Dies diéi erúctat verbum, \* et nox nocti indicat sciéntiam.

Non sunt loquelæ, neque sermónes, \* quorum non audiántur voces eórum.

In omnem terram exívit sonus eórum : \* et in fines orbis terræ verba eórum.

In sole pósuit tabernáculum suum : \* et ipse tamquam sponsus procedens de thálamo suo.

Exultávit ut gigas ad curréndam viam, \* a summo cælo egréssio ejus :

Et occúrsus ejus usque ad summum ejus : \* nec est qui se abscondat a calore ejus.

Lex Dómini immaculata convértens ánimas : \* testimónium Dómini fidéle, sapiéntiam præstans párvulis.

Justitiæ Dómini rectæ, lætificántes corda : \* præcéptum Dómini lúcidum, illuminans óculos.

Timor Dómini sanctus permanens in sæculum sæculi : \* judícia Dómini vera, justificata in semetipsa.

Desiderabilia super aurum et lápidem pretiósus multum : \* et dulcióra super mel et favum.

Etenim servus tuus custódit ea, \* in custodiéndis illis retribútio multa.

Delicta quis intélligit? ab occultis meis munda me : \* et ab aliénis parce servo tuo.

Si mei non fúerint domináti, tunc immaculátus ero : \* et emundábor a delicto máximo.

Et erunt ut compláceant elóquia oris mei : \* et meditatio cordis mei in conspéctu tuo semper.

Dómine adjútor meus, \* et redémptor meus.

**Pro Virgine, Añã.** Ante torum hujus virginis frequentate nobis dulcia cantica drámatís.

**Pro non Virg., Añã.** Læva ejus sub capite meo, et dextera illius amplexabitur me.

**Añã.** Revértere, \* revértere, Sulamítis : revértere, revértere, ut intueámur te.

**Psalmus 23.**

**D**ÓMINI est terra, et plenitúdo ejus : \* orbis terrarum, et univérsti qui habitant in eo.

Quia ipse super mária fundávit eum : \* et super flúmina præparávit eum.

Quis ascendet in montem  
Dómini? \* aut quis stabit  
in loco sancto ejus?

Innocens manibus et mun-  
do corde, \* qui non accepit  
in vano animam suam, nec  
juravit in dolo próximo suo.

Hic accipiet benedictionem  
a Dómino : \* et misericór-  
diam a Deo salutári suo.

Hæc est generatio quæren-  
tium eum, \* quærentium  
faciem Dei Jacob.

Attollite portas, principes,  
vestras, et elevámini portæ  
æternáles : \* et introibit  
Rex glóriæ.

Quis est iste Rex glóriæ ?  
\* Dóminus fortis et potens :  
Dóminus potens in prælio.

Attollite portas, principes,  
vestras, et elevámini por-  
tæ æternáles : \* et introibit  
Rex glóriæ.

Quis est iste Rex glóriæ ? \*  
Dóminus virtutum ipse est  
Rex glóriæ.

Añs. Revértere, revértere,  
Sulamítis : revértere, re-  
vértere, ut intueámur te.

Ÿ. Spécie tua et pulchritú-  
dine tua. R̃. Inténde, pró-  
spere procéde, et regna.

Pater noster. Absol. Exáu-  
di. Ÿ. Jube, domne. Bened.  
Benedictione perpétua.

De Epístola prima B. Pauli  
Apóstoli ad Corínthios.

Lectio j. Cap. 7 e

DE virginibus præcéptum  
Dómini non hábeo : con-  
siliu autem do, tamquam

misericórdiam consecutus a  
Dómino, ut sim fidélis.  
Existimo ergo hoc bonum  
esse propter instántem ne-  
cessitátem, quóniam bonum  
est hómini sic esse. Alligá-  
tus es uxóri? noli quærere  
solutionem. Solutus es ab  
uxóre? Noli quærere uxó-  
rem. Si autem accéperis  
uxórem, non peccásti. Et  
si núpserit virgo, non pec-  
cávit. Tribulationem tamen  
carnis habébunt hujusmodi.  
Ego autem vobis parco. Hoc  
itaque dico, fratres : Tem-  
pus breve est : réliquum est,  
ut et qui habent uxóres,  
tamquam non habéntes sint :  
et qui flent, tamquam non  
flentes : et qui gaudent,  
tamquam non gaudentes : et  
qui emunt, tamquam non  
possidentes : et qui utúntur  
hoc mundo, tamquam non  
utántur : præterit enim fi-  
gúra hujus mundi.

Pro Martyre, R̃. Veni,  
sponsa Christi, áccipe co-  
ronam, quam tibi Dóminus  
præparávit in ætérnum :  
pro cujus amóre sánguinem  
tuum fudisti : \* Et cum  
Angelis in paradisu introísti.  
Ÿ. Veni, elécta mea,  
et ponam in te thronum  
meum, quia concupívit Rex  
spéciem tuam. Et.

Pro non Mart. R̃. Veni,  
elécta mea, et ponam in te  
thronum meum : \* Quia  
concupívit Rex spéciem

tuam. **V.** Spécie tua et pulchritudine tua inténde, prospere procéde, et regna. Quia. **Bened.** Unigénitus Dei Fílius.

**Lectio ij.**

**V**OLO autem vos sine sollicitudine esse. Qui sine uxóre est, sollicitus est quæ Dómini sunt, quómodo placeat Deo. Qui autem cum uxóre est, sollicitus est quæ sunt mundi, quómodo placeat uxóri, et divísus est. Et mûlier innúpta, et virgo cógitat quæ Dómini sunt; ut sit sancta corpore, et spíritu. Quæ autem nupta est, cógitat quæ sunt mundi, quómodo placeat viro. Porro hoc ad utilitatem vestram dico: non ut láqueum vobis injiciam, sed ad id, quod honestum est, et quod facultatem præbeat sine impediménto Dóminum obsecrándi.

**ij.** Diffusa est grátia in lábiis tuis: \* Propterea benedíxit te Deus in ætérnum. **V.** Spécie tua et pulchritudine tua inténde, prospere procéde, et regna. Propterea. **Bened.** Spíritus sancti grátia.

**Lectio iij.**

**S**I quis autem turpem se vidéri exístimat super virgine sua, quod sit superadúlta, et ita opórtet fieri: quod vult fáciat: non pec-

cat, si nubat. Nam qui stáruit in corde suo firmus, non habens necessitatem, potestatem autem habens suæ voluntátis, et hoc judicávit in corde suo, servare virginem suam, bene facit. Igitur et qui matrimónio jungit virginem suam, bene facit: et qui non jungit, mélius facit. Mûlier alligáta est legi quanto tēpore vir ejus vivit. Quod si dormierit vir ejus, liberáta est: cui vult nubat: tantum in Dómino. Beátior autem erit si sic permanserit, secundum meum consílium: puto autem quod et ego Spíritum Dei hábeam.

**ij.** Spécie tua et pulchritudine tua, \* Inténde, prospere procéde. et regna. **V.** Diffusa est grátia in lábiis tuis, propterea benedíxit te Deus in ætérnum. Inténde. Glória Patri. Inténde.

**In secundo Nocturno.**

**Añs.** Spécie tua \* et pulchritudine tua inténde, prospere procéde, et regna.

**Psalmus 44.**

**E**RUCAVIT cor meum verbum bonum: \* dico ego ópera mea Regi.

Lingua mea calamus scribæ, \* velóciter scribéntis.

Speciósus forma præ filiis hóminum, diffusa est grátia in lábiis tuis: \* propterea benedíxit te Deus in ætérnum.



**A**ccingere gládio tuo super femur tuum \* potentissime. **S**pécie tua et pulchritudine tua \* inténde, prospere procéde, et regna.

**P**ropter veritatem, et mansuetudinem, et justitiam : \* et deducet te mirabiliter dextera tua.

**S**agittæ tuæ acutæ, pópuli sub te cadent, \* in corda inimicórum regis.

**S**edes tua Deus in sæculum sæculi : \* virga directiónis virga regni tui.

**D**ilexisti justitiam, et odisti iniquitatem : \* propterea unxit te Deus, Deus tuus oleo lætitiæ præ consórtibus tuis.

**M**yrrrha, et gutta, et cásia a vestiméntis tuis a dómibus ebúrneis : \* ex quibus delectavérunt te filiæ regum in honóre tuo.

**A**stitit regína a dextris tuis in vestitu deauráto : \* circumdata varietáte.

**A**udi, fília, et vide, et inclína aurem tuam : \* et oblivíscere pópulum tuum, et domum patris tui.

**E**t concupíscet Rex decorem tuum : \* quóniam ipse est Dóminus Deus tuus, et adorábunt eum.

**E**t filiæ Tyri in munéribus \* vultum tuum deprecabúntur : ómnes dívites plebis.

**O**mnis glória ejus filiæ Regis ab intus, \* in fim-

briis áureis circumamicta varietátibus.

**A**dducéntur Regi vírgines post eam : \* próximæ ejus afferéntur tibi.

**A**fferéntur in lætitia et exultatióne : \* adducéntur in templum Regis.

**P**ro pátribus tuis nati sunt tibi filii : \* constitues eos principes super omnem terram.

**M**émores erunt nóminis tui \* in omni generatióne et generatióne.

**P**ropterea pópuli confitebúntur tibi in ætérnum : \* et in sæculum sæculi.

**Añ**a. Spécie tua et pulchritudine tua inténde, prospere procéde, et regna.

**Añ**a. Adjuvabit eam \* Deus vultu suo : Deus in médio ejus, non commovébitur.

#### Psalmus 45.

**D**EUS noster refúgium, et virtus : \* adjutor in tribulatió nibus, quæ invenérunt nos nimis.

**P**ropterea non timébimus dum turbábitur terra : \* et transferéntur montes in eor maris.

**S**onuérunt, et turbatæ sunt aquæ eórum : \* conturbáti sunt montes in fortitudine ejus.

**F**lúminis ímpetus lætificat civitatem Dei : \* sanctificávit tabernáculum suum Altíssimus.

**D**eus in médio ejus, non commovébitur : \* adjuvabit eam Deus mane dilúculo.

**C**onturbátæ sunt gentes, et inclináta sunt regna : \* dedit vocem suam, mota est terra.

**D**óminus virtútum nobiscum : \* suscéptor noster Deus Jacob.

**V**enite, et vidéte ópera Dómini, quæ pósuit prodigia super terram : \* áuferens bella usque ad finem terræ.

**A**rcum cóteret, et confrínget arma : \* et scuta combúret igni.

**V**acáte, et vidéte quóniam ego sum Deus : \* exaltabor in géntibus, et exaltabor in terra.

**D**óminus virtútum nobiscum : \* suscéptor noster Deus Jacob.

**Añs.** Adjuvabit eam Deus vultu suo : Deus in médio ejus, non commovébitur.

**Añs.** Aquæ multæ \* non potuérunt extingueré charitátem.

**Psalmus 47.**

**M**AGNUS Dóminus, et laudábilis nimis : \* in civitáte Dei nostri, in monte sancto ejus.

**F**undátur exultatióne universæ terræ mons Sion, \* látera Aquilónis, civitas Regis magni.

**D**eus in dómibus ejus cognoscétur, \* cum suscépiet eam.

**Q**uóniam ecce reges terræ congregáti sunt : \* convenerunt in unum.

**I**psi vidéntes sic admiráti sunt, conturbáti sunt, commóti sunt : \* tremor apprehéndit eos.

**I**bi dolóres ut parturiéntis, \* in spíritu veheménti cónterens naves Tharsis.

**S**icut audívimus, sic vidimus in civitáte Dómini virtútum, in civitáte Dei nostri : \* Deus fundávit eam in ætérnum.

**S**uscépimus Deus misericórdiam tuam, \* in médio templi tui.

**S**ecúndum nomen tuum Deus, sic et laus tua in fines terræ : \* justítia plena est délixera tua.

**L**ætétur mons Sion, et exúltent filiæ Judæ, \* propter judícia tua, Dómine.

**C**ircúmdate Sion, et complectímini eam : \* narráte in túrribus ejus.

**P**ónite corda vestra in virtúte ejus : \* et distribúite domos ejus, ut enarrétis in progénie áltera.

**Q**uóniam hic est Deus, Deus noster in ætérnum, et in sæculum sæculi : \* ipse reget nos in sæcula.

**Añs.** Aquæ multæ non potuérunt extingueré charitátem. **V.** Adjuvabit eam Deus vultu suo. **A.** Deus in médio ejus, non commovébitur. **Pater noster.** **Ab**

**solutio.** Ipsius pietas. **v.**  
Jube, domne. **Bened.** Deus  
Pater omnipotens.

Sermo S. Ambrósii Episc.

**Lectio iv.**

*L. 1. de Virg. circa initium.*

**Q**UONIAM hódie natális est  
Virginis, invitat nunc  
integritátis amor, ut áli-  
quid de virginitáte dicá-  
mus : ne véluti tránsitu  
quodam præstricta videátur,  
quæ principális est virtus.  
Non enim ídeo laudábilis  
virginitas, quia in marty-  
ribus reperitur : sed quia  
ipsa mártýres fáciat. Quis  
autem humano eam possit  
ingénio comprehendere,  
quam nec natúra suis in-  
clúsit légibus ? aut quis  
naturáli voce complécti,  
quod supra usum naturæ  
sit ? E cœlo accersívit quod  
imitarétur in terris. Nec  
immérito vivéndi sibi usum  
quæsívit e cœlo, quæ spon-  
sum sibi invénit in cœlo.

**R.** Propter veritátem, et  
mansuetúdinem, et justí-  
tiam : \* Et dedúcet te mi-  
rabíliter délixtera tua. **v.**  
Spécie tua, et pulchritúdine  
tua, inténde, prósperè pro-  
céde, et regna. Et. **Bened.**  
Christus perpétuæ.

**Lectio v.**

**H**ÆC nubes, áera, Ange-  
los, sideráque transgré-  
diens, Verbum Dei in ipso  
sinu Patris invénit, et toto  
hausit pectore. Nam quis

tantum, cum invénerit, re-  
linquat boni ? Unguéntum  
enim exinanítum est nomen  
tuum : proptérea adolescén-  
tulæ dilexérunt te, et attra-  
xérunt te. Postrémo, non  
meum est illud, quóniam  
quæ non nubunt, neque  
nubéntur, erunt sicut An-  
geli Dei in cœlo. Nemo  
ergo mirétur, si Angelis  
comparéntur, quæ Angeló-  
rum Dómino copulántur.

**R.** Dilexísti justítiam, et  
odísti iniquitátem : \* Pro-  
ptérea unxit te Deus, Deus  
tuus óleo lætitiæ. **v.** Propter  
veritátem, et mansuetúdi-  
nem, et justítiam. Proptér-  
ea. **Ben.** Ignem sui amoris.

**Lectio vj.**

**Q**UIS igitur neget hanc vi-  
tam fluxisse de cœlo,  
quam non fácte invenimus  
in terris, nisi postquam  
Deus in hæc terréni corpó-  
ris membra descéndit ? Tunc  
in útero Virgo concépit, et  
Verbum caro factum est, ut  
caro fieret Deus. Dicet áli-  
quis : Sed étiam Elías nul-  
lius corpórei cóitus fuisse  
permíxtus cupiditátibus in-  
venitur. Ideo ergo curru ra-  
ptus ad cœlum, ídeo cum  
Dómino appáret in glória,  
ídeo Domínici ventúrus est  
præcúrsor advéntus.

**R.** Afferéntur Regi vírgines  
post eam, próximæ ejus \*  
Afferéntur tibi in lætítia et  
exultatióne. **v.** Spécie tua

et pulchritudine tua intén-  
de, prospere procéde, et  
regna. Afferéntur. Glória  
Patri. Afferéntur.

*In tertio Nocturno.*

**Añá.** Nigra sum, \* sed for-  
môsa, filiæ Jerúsalem : ideo  
diléxit me Rex, et introdú-  
xit me in cubiculum suum.

*Psalmus 95.*

**C**ANTATE Dómino canticum  
novum : \* cantáte Dó-  
mino omnis terra.

**C**antáte Dómino, et benedi-  
cite nómini ejus : \* annun-  
tiáte de die in diem salutáre  
ejus.

**A**nnuntiáte inter Gentes gló-  
riam ejus, \* in ómnibus pó-  
pulis mirabilia ejus.

**Q**uóniam magnus Dóminus,  
et laudábilis nimis : \* terri-  
bilis est super omnes deos.

**Q**uóniam omnes dii Gén-  
tium dæmónia : \* Dóminus  
autem coelos fecit.

**C**onfessio et pulchritúdo in  
conspéctu ejus : \* sancti-  
mónia et magnificéntia in  
sanctificatióne ejus.

**A**fférte Dómino pátriæ Gén-  
tium, afférte Dño glóriam  
et honórem : \* afférte Dó-  
mino glóriam nómini ejus.

**T**óllite hóstias, et introíte  
in átria ejus : \* adoráte Dó-  
minum in átrio sancto ejus.

**C**ommoveátur a fácie ejus  
univérsa terra : \* dícite in  
géntibus quia Dóminus re-  
gnávit.

**E**tenim corréxit orbem ter-

ræ, qui non commovébi-  
tur : \* judicábit pópulos in  
æquitáte.

**L**æténtur cœli, et exúltet  
terra, commoveátur mare,  
et plenitúdo ejus : \* gaudé-  
bunt campi, et ómnia quæ  
in eis sunt.

**T**unc exultábunt ómnia li-  
gna silvárum a fácie Dómi-  
ni, quia venit : \* quóniam  
venit judicáre terram.

**J**udicábit orbem terræ in  
æquitáte, \* et pópulos in  
veritáte sua.

**Añá.** Nigra sum, sed for-  
môsa, filiæ Jerúsalem : ideo  
diléxit me Rex, et introdú-  
xit me in cubiculum suum.

**Añá.** Trahe me post te, \*  
in odórem currémus unguen-  
tórum tuórum : óleum effu-  
sum nomen tuum.

*Psalmus 96.*

**D**OMINUS regnávít, exúl-  
tet terra : \* læténtur in-  
sulæ multæ.

**N**ubes, et caligo in circúi-  
tu ejus : \* justitia, et judi-  
cium corréctio sedis ejus.

**I**gnis ante ipsum præcedet,  
\* et inflammábit in circúi-  
tu inimicos ejus.

**I**lluxérunt fulgura ejus orbi  
terræ : \* vidit, et commóta  
est terra.

**M**ontes sicut cera fluxérunt  
a fácie Dómini : \* a fácie  
Dómini omnis terra.

**A**nnuntiavérunt cœli justí-  
tiam ejus : \* et vidérunt  
omnes pópuli glóriam ejus.

Confundantur omnes, qui adorant sculptilia : \* et qui gloriantur in simulacris suis.

Adorate eum, omnes Angeli ejus : \* audivit, et lætata est Sion.

Et exultaverunt filię Judæ, \* propter judicia tua, Domine.

Quoniam tu Dominus altissimus super omnem terram : \* nimis exaltatus es super omnes deos.

Qui diligitis Dominum, odite malum : \* custodit Dominus animas sanctorum suorum, de manu peccatoris liberabit eos.

Lux orta est justo, \* et rectis corde lætitia.

Lætamini, justi, in Domino : \* et confitemini memoriæ sanctificationis ejus.

**Añs.** Trahe me post te, in odorem curremus unguentorum tuorum : oleum effusum nomen tuum.

**Añs.** Veni, sponsa Christi, \* accipe coronam, quam tibi Dominus præparavit in ætænum.

#### Psalmus 97.

**C**ANTATE Domino canticum novum : \* quia mirabilia fecit.

Salvavit sibi dextera ejus, \* et brachium sanctum ejus.

Notum fecit Dominus salutare suum : \* in conspectu Gentium revelavit justitiam suam.

Recordatus est misericordiæ suæ, \* et veritatis suæ domui Israel.

Viderunt omnes termini terræ : \* salutare Dei nostri.

Jubilate Deo, omnis terra : \* cantate, et exultate, et psallite.

Psallite Domino in cithara, in cithara et voce psalmi : \* in tubis ductilibus, et voce tubæ corneæ.

Jubilate in conspectu Regis Domini : \* moveatur mare, et plenitudo ejus : orbis terrarum, et qui habitant in eo.

Flumina plaudent manu, simul montes exultabunt a conspectu Domini : \* quoniam venit judicare terram. Judicabit orbem terrarum in justitia, \* et populos in æquitate.

**Añs.** Veni, sponsa Christi, accipe coronam, quam tibi Dominus præparavit in ætænum. **V.** Elégit eam Deus, et præelégit eam. **R.** In tabernaculo suo habitare facit eam. **Pater noster.** **Absolutio.**

A vinculis. **V.** Jube domne.

**Bened.** Evangélica lécitio.

Lécitio sancti Evangélii secundum Matthæum.

**Lectio vij. Cap. 25.**

**I**N illo tempore : Dixit Jesus discipulis suis parabolam hanc : Simile erit regnum cælorum decem virginibus : quæ accipientes

lâmpades suas, exiérunt obviam sponso et sponsæ. Et reliqua.

Homilia S. Gregórii Papæ.

*Hom. 12. in Evang.*

**S**ÆPE vos, fratres charissimi, admóneo prava ópera fûgere, mundi hujus inquinaménta devitâre: sed hodiérna sancti Evangélii lectiône compéllor dicere, ut et bona quæ ágitis, cum magna cautéla teneátis: ne per hoc, quod a vobis rectum géritur, favor aut grátia humána requirátur: ne appetitus laudis subrépat, et quod foris osténditur, intus a mercéde vacuétur. Ecce enim Redemptóris voce decem vírgines, et omnes dicúntur vírgines, et tamen intra beatitúdinis jánuam non omnes sunt recéptæ: quia earum quædam, dum de virginitáte sua glóriam foris éxpetunt, in vasis suis óleum habére noluérunt.

**R.** Hæc est virgo sápiens, quam Dóminus vigilántem invénit, quæ, accéptis lâmpádibus, sumpsit secum óleum: \* Et veniénte Dómino, introivit cum eo ad nûptias. **V.** Média nocte clamor factus est: Ecce sponsus venit, exíte obviam ei. Et. **Bened.** Cujus, **vel** Quarum festum cólimus.

**Lectio viij.**

**S**ED prius quæréndum nobis est, quid sit regnum

cœlórûm, aut cur decem vírginibus comparétur, quæ étiam vírgines prudéntes et fátuæ dicántur. Dum enim cœlórûm regnum constat, quia reprobórûm nullus ingréditur, étiam fátuis víginibus cur símile esse perhibétur? Sed sciéndum nobis est, quod sæpe in sacro elóquio regnum cœlórûm præsentis témporis Ecclésia dicitur. De quo álío in loco Dóminus dicit: Mittet Filius hóminis Angelos suos, et còlligent de regno ejus ómnia scándala. Neque enim in illo regno beatitúdinis, in quo pax summa est, inveníri scándala póterunt, quæ colligántur.

**R.** Média nocte clamor factus est: \* Ecce sponsus venit, exíte obviam ei. **V.** Prudéntes vírgines, aptáte vestras lâmpades. Ecce. **Glória Patri.** Ecce. **Bened.** Ad societátem.

**Lectio ix.**

**I**N quinque autem córporis sénsibus unusquisque subsistit. Geminátus autem quinquárius denárium pèrficit. Et quia ex utróque sexu fidélium multitúdo colligitur, sancta Ecclésia decem víginibus símilis esse denuntiátur. In qua, quia mali cum bonis, et réprobi cum eléctis admixti sunt, recte símilis víginibus prudéntibus et fátuis esse perhibétur.



Sunt namque plerique continentes, qui ab appetitu se exteriori custodiunt, et spe ad interiora rapiuntur, carnem macerant, et toto desiderio ad supernam patriam anhelant, æterna præmia expetunt, pro laboribus suis recipere laudes humanas nolum. Hi nimirum gloriam suam non in ore hominum ponunt, sed intra conscientiam contegunt. Et sunt plerique, qui corpus per abstinentiam affligunt, sed de ipsa sua abstinencia humanos favores expetunt.

Te Deum laudamus. 18.

AD LAUDES,

et per Horas, Antæ.

1. Hæc est virgo sapiens, \* et una de numero prudentum. Ps. Dominus regnavit, cum reliq. 18.

2. Hæc est virgo sapiens, \* quam Dominus vigilantem invenit.

3. Hæc est quæ nescivit \* torum in delicto : habebit fructum in respectiõne animarum sanctarum.

4. Veni, electa mea, et ponam in te thronum meum, alleluia.

5. Ista est speciosa \* inter filias Jerusalem.

Capitulum. 2. Cor. 10.

**F**RATRES, Qui gloriatur, in Domino glorietur. Non enim qui seipsum commendat, ille probatus est : sed quem Deus commendat.

Hymnus.

**J**ESU, corona Virginum, Quem Mater illa concipit,

Quæ sola Virgo parturit, Hæc vota clemens accipe.

Qui pergis inter lilia, Septus choræis Virginum, Sponsus decorus gloria, Sponsisque reddens præmia.

Quocumque tendis, Virgines Sequuntur, atque laudibus Post te canentes cursitant, Hymnosque dulces personant.

Te deprecamur supplices, Nostris ut addas sensibus, Nescire prorsus omnia Corruptionis vulnera.

Virtus, honor, laus, gloria Deo Patri cum Filio, Sancto simul Paraclyto, In sæculorum sæcula. Amen.

Diffusa est gratia in labiis tuis. R. Propterea benedixit te Deus in æternum.

Ad Benedictus, Antæ.

Simile est regnum cælorum \* homini negotiatori querenti bonas margaritas : inventa una pretiosa, dedit omnia sua, et comparavit eam.

Oratio.

**D**EUS, qui inter cetera potentia tuæ miracula, etiam in sexu fragili victoriam martyrii contulisti : concede propitius ; ut qui beatæ N. Virginis et Martyris tuæ natalitia colimus,

per ejus ad te exéempla gradiámur. Per Dóminum.

**Alia Oratio.**

**I**NDULGENTIAM nobis, quæsumus Dómine, beáta N. Virgo et Martyr implóret : quæ tibi grata semper éxstitit et mérito castitátis, et tuæ professióne virtútis. Per Dóminum.

**Pro Virgine non Martyre.**

**Oratio.**

**E**XAUDI nos, Deus salutáris noster : ut sicut de beátæ N. Vírginis tuæ festivitáte gaudémus, ita piæ devotiónis erudiámur afféctu. Per Dóminum.

**Si fuerint plures, ad Benedictus dicitur Añá.** Prudentes Vírgines, \* aptáte vestras lámpades : Ecce Sponsus venit, exíte obviam ei. ♠. Adducéntur Regi vírgines post eam. R. Próximæ ejus afferéntur tibi.

**Oratio.**

**D**A nobis, quæsumus Dómine Deus noster, sanctárum Virginum et Mátyrum tuárum N. et N. palmas incessábili devotióne venerári : ut quas digna mente non póssumus celebráre, humilibus saltem frequentémus obséquiiis. Per Dñum.

**Ad Tertiam, Añá.**

Hæc est Virgo sápiens.

**Capit. Fratres, Qui. cvj.**

R. br. Spécie tua, \* Et pulchritúdine tua. Spécie tua. ♠. Inténde, prospere

procéde, et regna. Et. Glória Patri. Spécie tua. ♠. Adjuvábít eam Deus vultu suo. R. Deus in médio ejus, non commovébitur.

**Ad Sextam, Añá.**

Hæc est quæ nescívit.

**Capit. 2. Cor. 11.**

**A**EMULOR enim vos Dei æmulatione. Despóndi enim vos uni viro vírgineni castam exhibére Christo.

R. br. Adjuvábít eam \* Deus vultu suo. Adjuvábít. ♠. Deus in médio ejus, non commovébitur. Deus. Glória Patri. Adjuvábít. ♠. Elégít eam Deus, et præelégít eam. R. In tabernáculo suo habitáre facit eam.

**Ad Nonam, Añá.**

Ista est speciósa.

**Capit. Eccli. 31. b**

**D**OMINE Deus meus, exaltásti super terram habitationem meam, et pro morte defluente deprecátus sum. Invocávi Dóminum Patrem Dómini mei, ut non derelinquat me in die tribulationis meæ, et in témpore superbórum sine adjutório.

R. br. Elégít eam Deus, \* Et præelégít eam. Elégít. ♠. In tabernáculo suo habitáre facit eam. Et. Glória Patri. Elégít. ♠. Diffúsa est grátia in lábiis tuis. R. Proptérea benedíxit te Deus in ætérnum.

**Si fuerit Virgo, et non Martyr, dicitur sequens**

**Capitulum. Sap. 4.**

**O** quam pulchra est esta generatio cum claritate! Immortalis est enim memoria illius: quoniam apud Deum nota est, et apud homines.

**ñ. br. Elégit, ut supra.**

**Ad Vesp. Añæ, Psalmi. Capit. et Hymnus ut in j. Vesp. xcij.**

**ŷ. Diffusa est grátia in lábiis tuis. ñ. Propterea benedixit te Deus in ætérnum.**

**Ad Magnificat. Añæ.**

Veni, sponsa Christi, \* accipe coronam, quam tibi Dóminus præparávit in ætérnum.

## 2. ALIÆ LECTIONES

PRO VIRGINE.

**Pro Virg. et Mart., ac pro Mart. tantum, Lect. j. Noct. leguntur etiam ut infra.**

**De libro Ecclesiástici.**

**Lectio j Cap. 31.**

**C**ONFITEBOR tibi, Dómine Rex, et collaudábo te Deum salvatórem meum. Confitébor nómini tuo: quoniam adjutor et protéctor factus es mihi, et liberásti corpus meum a perditione, a láqueo linguæ iniquæ, et a lábiis operántium mendácium, et in conspéctu astántium factus es mihi adjutor. Et liberásti me secúndum multitudinem misericórdiæ nóminis tui a

rugiéntibus, præparátis ad escam, de mánibus quæréntium ánimam meam, et de portis tribulatiónum quæ circumdedérunt me: a pressúra flammæ quæ circumdedit me, et in médio ignis non sum æstuata: de altitúdine ventris inferi, et a lingua coinquinata, et a verbo mendácii, a rege iníquo, et a lingua injústa.

**ñ. Veni, sponsa Christi, accipe coronam, quam tibi Dóminus præparávit in ætérnum: pro ejus amore sánguinem tuum fudísti: \* Et cum Angelis in paradísium introísti. ŷ. Veni, élécta mea, et ponam in te thronum meum, quia concupívit Rex spéciem tuam. Et cum.**

**Lectio ij.**

**A**UDABIT usque ad mortem ánima mea Dóminum, et vita mea appropinquans erat in inférno deórsum. Circumdedérunt me úndique, et non erat qui adjuváret. Respiciens eram ad adjutórium hóminum, et non erat. Memoráta sum misericórdiæ tuæ, Dómine, et operatiónis tuæ, quæ ad sæculo sunt: quoniam éruis sustinéntes te, Dómine, et liberas eos de mánibus géntium.

**ñ. Diffusa est grátia in lábiis tuis: \* Propterea benedixit te Deus in ætérnum.**

**Ÿ.** Spécie tua et pulchritudine tua inténde, prospere procéde, et regna. Proptérea.

**Lectio iij.**

**E**XALTASTI super terram habitationem meam, et pro morte defluente deprecata sum. Invocaui Dóminum patrem Dómini mei, ut non derelinquat me in die tribulationis meæ, et in tempore superbórum sine adjutorio. Laudábo nomen tuum assidue, et collaudábo illud in confessione, et exaudita est oratio mea. Et liberásti me de perditione, et eripuísti me de tempore iniquo. Proptérea confitebor et laudem dicam tibi, et benedicam nómini Dómini.

**R.** Spécie tua et pulchritudine tua \* Inténde, prospere procéde, et regna. **Ÿ.** Diffusa est grátia in lábiis tuis, proptérea benedixit te Deus in ætérnum. Intén-de. Glórla Patri. Inténde.

**In secundo Nocturno.**

Ex libro S. Cypriáni, Episcopi et Mártiris, de disciplina et hábitu vírginum.

**Lectio iv. Cap. 2.**

**N**UNC nobis ad vírgines sermo est, quarum quo sublimior glória est, major et cura est. Flos est ille ecclesiástici gérmis, decus atque ornámentum grátiae spiritalis, læta indo-

les, laudis et honóris opus integrum atque incorruptum, Dei imágo respóndens ad sanctimóniam Dómini, illústrior pórtio gregis Christi. Gaudet perillas, atque in illis largiter floret Ecclesiæ matris gloriósa foecúnditas: quantóque plus copiósa virginitas número suo addit, tanto plus gáudium matris augéscit. Ad has lóquimur, has adhortámur affectióne pótius quam potestáte: non quod extrémis, et mínimis, et humilitátis nostræ ádmodum cónscii, áliquid ad censúram licéntiæ vindicémus: sed quod ad sollicitudinem magis cauti, plus de diaboli infestatione timeámus.

**R.** Propter veritatem, et mansuetudinem, et justitiam: \* Et dedúcet te mirabiliter dextera tua. **Ÿ.** Spécie tua et pulchritudine tua inténde, prospere procéde, et regna. Et.

**Lectio v.**

**N**EQVE inánis hæc cáutio est, et vana formído, quæ ad salutis viam cónsulit, quæ Dominica et vitália præcépta custódit, ut quæ se Christo dicáverint et a carnáli concupiscéntia recedéntes, tam carne, quam mente se Deo vóverint, cónsumment opus suum magno præmio destínatum: nec ornári jam,

aut placere cuiquam, nisi Domino suo, studeant, a quo et mercedem virginitatis expectant, dicente ipso: Non omnes capiunt verbum, sed illi quibus datum est. Sunt enim spadones, qui ex utero matris sic nati sunt: et sunt spadones, qui coacti sunt ab hominibus: et sunt spadones, qui seipsos castraverunt propter regnum coelorum.

*¶* Dilixisti iustitiam, et odisti iniquitatem: *✱* Propterea unxit te Deus, Deus tuus oleo laetitiae. *¶* Propter veritatem, et mansuetudinem, et iustitiam. Propterea.

#### *Lectio vj.*

**D**ENUO quoque per hanc Angeli vocem continentiae munus ostenditur, virginitas praedicatur. Hi sunt, qui cum mulieribus se non coinquinaverunt: virgines enim permanserunt: hi sunt qui sequuntur Agnum quocumque ierit. Neque enim tantum masculis continentiae gratiam Dominus repromittit, et feminas praeterit: sed quoniam femina viri portio est, et ex eo sumpta atque formata est, in Scripturis fere omnibus ad protoplastum Deus loquitur, quia sunt duo in carne una, et in masculino simul significatur et femina. Quod si Christum cor-

tinentia sequitur, et regno Dei virginitas destinatur: quid est illis cum terreno cultu, et cum ornamentis, quibus dum hominibus placere gestiunt, Deum offendunt?

*¶* Afferentur Regi virgines post eam, proximae ejus *✱* Afferentur tibi in laetitia et exultatione. *¶* Specie tua et pulchritudine tua intende, prospere procede, et regna. Afferentur. Gloria Patri. Afferentur.

#### *In tertio Nocturno.*

Lectio sancti Evangelii secundum Matthaeum.

#### *Lectio vij. Cap. 19.*

**I**N illo tempore: Accesserunt ad Jesum Pharisei tentantes eum, et dicentes: Si licet homini dimittere uxorem suam, quacumque ex causa? Et reliqua.

Homilia sancti Joannis Chrysostomi.

#### *Homilia 63. in Matth.*

**D**OMINUS noster, quia ad virginitatem hortari grave esse videbatur, a necessitate legis de non solvendo matrimonio, eos ad cupiditatem illius trahere studet. Deinde ut eam esse possibilem ostendat, sic inquit: Sunt eunuchi qui ex ventre matris ita nati sunt, et sunt qui ab hominibus eunuchi facti sunt, et sunt qui seipsos castraverunt propter regnum coe-

lorum. Quibus verbis latenter eos ad eligendam virginitatem inducit, dum eam virtutem esse possibilem astringit. *Ŕ.* Hæc est. cv.

### Lectio viij.

**I**D autem hoc fere modo confirmat. Cógita tecum, si aut a natúra talis esses, aut ab hominibus eam injuriam passus, quid faceres, cum et ejusmodi voluptate careres, et nullam carendo mercédem consequeréris? Grátias igitur nunc Deo agas, quod cum mercéde atque corónis idem sústines, quod illi sine corónis ac præmio tólerant: immo vero non idem, sed multo lévius, tum quia spe erigeris, et consciéntia recte facti: tum quia non ita ingéntibus concupiscéntiæ flúctibus jactáris.

*Ŕ.* Média nocte. cv.

### Lectio ix.

**C**UM ergo de illis eunúchis dixerit, qui nisi étiam ipsi mente se contineant, frustra et inutiliter tales sunt, ac de illis, qui ut regnum cœlorum consequantur, se continent, subjúnxit rursus, dicens: Qui potest cápere, cápiat: ut alacrióres efficiat eo ipso, quod grave esse opus osténdit, et ineffabili benignitate sua nóluit eam rem intra necessitatem legis conclúdere, idque dicéndo adhuc

magis possibilem esse demonstrat, ut voluntátis stúdiu plus augeátur.

Te Deum laudámus. 48.

### COMMUNE

S. MARTYRIS TANTUM, ET  
NEC VIRGINIS NEC MART.

*Ad Vesperas, Aña.* Dum esset, *cum reliq. de Laud. Ps. Dixit Dóminus, cum reliq. de Comm. Virg. xcij.*

*Pro Martyre tantum.*

*Capitulum. Eccli. 51.*

**C**ONFITEBOR tibi, Dómine Rex, et collaudábo te Deum salvatórem meum. Confitébor nómini tuo: quóniam adjutor et protéctor factus es mihi, et liberásti corpus meum a perditione.

*Pro nec Virg. nec Mart.*

*Capitulum. Prov. 31. b*

**M**ULIEREM fortem quis invéniet? procul, et de últimis finibus prétium ejus. Confidit in ea cor viri sui, et spóliis non indigébit.

### Hymnus.

**F**ORTEM virili pectore  
Laudémus omnes féminam,

Quæ sanctitátis glória

Ubique fulget inelyta.

Hæc sancto amóre sáucia,

Dum mundi amórem nóxium

Horréscit, ad cœléstia

Iter perégit árduum.

Carnem domans jejúniis,

Dulcique mentem pábulo

Oratiónis nútrens,

Cœli potitur gáudiis.



Rex Christe , virtus fortium,

Qui magna solus efficis ,  
Hujus precatu , quæsumus,  
Audi benignus supplices.

Deo Patri sit gloria,  
Ejusque soli Filio,  
Cum Spiritu Paráclito,  
Nunc , et per omne sæculum. Amen.

℟. Spécie tua et pulchritudine tua. ℞. Intende, prospere procéde, et regna.

**Ad Magnificat . Añã.**

Simile est regnum cœlorum  
\* hómini negotiatóri quærenti bonas margaritas : inventa una pretiôsa , dedit omnia sua , et comparavit eam.

**Pro una Mart. tantum.**

**Oratio.**

**D**EUS, qui inter cœtera potentie tuæ miracula etiã in sexu frágili victóriam martyrii contulisti : concède propítius ; ut qui beátæ N. Mátyris tuæ natalitia cólimus , per ejus ad te exempla gradiámur. Per Dóminum nostrum.

**Pro plur. Mart. tantum.**

**Oratio.**

**D**A nobis , quæsumus Dómine Deus noster , sanctarum Mátyrum tuarum N. et N. palmas incessabili devotiône venerári : ut quas digna mente non pòssumus celebráre, humilibus saltem frequentémus obséquiiis. Per Dóminum.

**Pro nec Virg. nec Mart.**

**Oratio.**

**E**XAUBI nos , Deus salutáris noster : ut sicut de beátæ N. festivitáte gaudémus, ita piædevotiônis erudiámur afféctu. Per Dñum.

**Ad Matutinum , Invitat.**

Laudémus Deum nostrum ,  
\* In confessiône beátæ N.  
Ps. Veníte , exultémus. 2.

**Hymnus.**

**H**UJUS orátu , Deus alme , nobis.

Débitas pœnas scélerum remitte :

Ut tibi puro resonémus album

Péctore carmen.

Sit decus Patri , genitæque Proli ,

Et tibi , compar utriúsque virtus

Spiritus semper , Deus unus, omni

Témporis ævo. Amen.

Añæ, Psalmi, et yÿ. Nocturnorum , item ℞℞. in j. et ij. Noct. dicuntur ut in Comm. Virg. xvj. excepta secunda Añã. j. Nocturni et ℞. vj., ut ibidem notatur.

Lectiones j. Nocturni pro Mart. tantum leguntur ut supra. Confitébor. cvij.

**Pro nec Virg. nec Martyre .**  
ut sequuntur :

De Parábolis Salomónis.

**Lectio j. Cap. 31. b**

**M**ULIEREM fortem quis inveniet ? procul , et de últimis finibus prætium ejus.

Confidit in ea cor viri sui, et spóliis non indigébit. Reddet ei bonum, et non malum, ómnibus diébus vitæ suæ. Quæsiuit lanam et linum, et operata est consilio mánuum suárum. Facta est quasi navis institóris, de longe portans panem suum. Et de nocte surréxit, deditque prædam domésticis suis, et cibária ancillis suis. Considerávit agrum, et emit eum: de fructu mánuum suárum plantávit vineã. Accinxit fortitudine lumbos suos, et roborávit bráchium suum.

**R.** Veni, elécta mea, et ponam in te thronum meum : \* Quia concupívit Rex spéciem tuam. **V.** Spécie tua et pulchritudine tua inténde, prospere procéde, et regna. Quia. **Bened.** Unigénitus Dei Filius.

### Lectio ij.

**G**USTAVIT, et vidit quia bona est negotiatio ejus : non extinguetur in nocte lucerna ejus. Manum suam misit ad fortia, et digiti ejus apprehenderunt fusum. Manum suam aperuit inopi, et palmas suas extendit ad pauperem. Non timebit domui suæ a frigoribus nivis : omnes enim domestici ejus vestiti sunt duplicibus. Stragulatam vestem fecit sibi : byssus et purpura indumentum ejus. Nóbilis in portis vir ejus, quando sederit cum

senatoribus terræ. Sindonem fecit, et vendidit, et cingulum tradidit Chanaanæo.

**R.** Diffusa est grátia in lábiis tuis : \* Propterea benedixit te Deus in ætérnum. **V.** Spécie tua et pulchritudine tua inténde, prospere procéde, et regna. Propterea. **Bened.** Spíritus sancti grátia.

### Lectio iij.

**F**ORTITUDO et decor indumentum ejus, et ridebit in die novíssimo. Os suum aperuit sapientiæ, et lex clementiæ in lingua ejus. Considerávit sémitas domus suæ, et panem otiosa non comedit. Surrexerunt filii ejus, et beatissimam prædicaverunt : vir ejus, et laudávit eam. Multæ filiæ congregaverunt divitias : tu supergressa es universas. Fallax grátia, et vana est pulchritudo : mulier timens Dóminum, ipsa laudábitur. Date ei de fructu mánuum suárum : et laudent eam in portis ópera ejus.

**R.** Spécie tua et pulchritudine tua \* Inténde, prospere procéde, et regna. **V.** Diffusa est grátia in lábiis tuis, propterea benedixit te Deus in ætérnum. Inténde. Glória Patri. Inténde.

### in secundo Nocturno.

Ex libro sancti Ambrósii  
Epíscopi de Víduis.

### Lectio iv. Prope fin.

**A**GRUM hunc Ecclésiæ fértilen cerno, nunc inte-

gritatis flore vernantem, nunc viduitatis gravitate pol-  
lentem, nunc etiam conjugii  
fructibus redundantem. Nam  
etsi diversi, unius tamen  
agri fructus sunt: nec tanta  
hortorum lilia, quantæ aris-  
tæ segetum, messium spi-  
cæ, compluriumque spacia  
camporum recipiendis ap-  
tantur seminibus, quam  
redditis novales fructibus  
feriantur. Bona ergo vidui-  
tas, quæ toties Apostólico  
iudicio prædicatur. Hæc  
enim magistra fidei, ma-  
gistra est castitatis.

**R.** Propter veritatem, et  
mansuetudinem, et justiti-  
am: \* Et deducet te mi-  
rabili ter dextera tua. **Y.**  
Specie tua et pulchritudine  
tua intende, prospere pro-  
cede, et regna. Et. **Bened.**  
Christus perpetuæ.

**Lectio v.**

**U**NDE et illi qui deorum  
suorum adultéria et pro-  
bra venerantur, coelibatus et  
viduitatis statuere pœnas,  
ut æmulicriminum multâ-  
rent studia virtutum, specie  
quidem qua fecunditatem  
quærent, sed studio, quo  
propositum castitatis abolé-  
rent. Nam confectis et miles  
stipendiis arma depõnit, et  
relicto officio quod gerêbat,  
ad propria veteranus rura  
dimittitur, ut et ipse exer-  
citæ laboribus vitæ requiem  
consequatur, et alios spes

futuræ quiétis subeundis fá-  
ciat opéribus promptiores.  
Agricola quoque maturior  
torquendam aliis stivam  
committit, et juvenili gra-  
vatus ópere providentiam  
curæ senilis explorat: vitem  
facilius tondere, quam pré-  
mere, ut juvenescéntem  
luxúriam réprimat, et ado-  
lescéntem lasciviam falce  
succidat: parcórum quam-  
dam pártuum castitatem  
docens etiam in vitibus ex-  
petendam.

**R.** Dilexisti justitiam, et  
odisti iniquitatem: \* Pro-  
pterea unxit te Deus, Deus  
tuus óleo lætitiæ. **Y.** Propter  
veritatem et mansuetudi-  
nem, et justitiam. Proptér-  
ea. **Ben.** Ignem sui amoris.

**Lectio vj.**

**S**IMILIS huic vidua velut  
eméritis veterána stipén-  
diis castitatis, etsi conjugii  
arma depónat, domus tamen  
totius pacem gubernat: et si  
vehendis onéribus otiósa,  
maritandis tamen junióribus  
próvida, ubi cultus utilior,  
ubi fructus uberior sit, qua-  
rum cópulam aptiorem se-  
nili gravitate dispõnit. Ita-  
que si maturióribus quam  
junióribus committitur ager,  
cur putes utiliorem nuptam  
esse quam víduam? Quod si  
persecutores fidei, persecu-  
tores fuerunt etiam viduitá-  
tis; útique fidem sequénti-  
bus viduitas non pro suppli-

cio fugiéndâ est, sed tenéndâ pro præmio.

**R.** Fallax grátia, et vana est pulchritúdo : \* Múlier timens Deum, ipsa laudábitur. **V.** Date ei de fructu mánuum suárum, et laudent eam in portis ópera ejus. Múlier. Glória Patri. Múlier.

**In tertio Nocturno.**

**L**ectio sancti Evangélíi secúndum Matthæum.

**Lectio vij. Cap. 13. f**

**I**N illo témpore : Dixit Jesus discipulis suis parabolam hanc : Simile est regnum cœlorũ thesauro abscondito in agro. Et reliqua. Homília S. Gregórii Papæ.

**Hom. 11. in Evang.**

**C**OELORUM regnum, fratres charíssimi, idcirco terrenis rebus simile dicitur, ut ex his quæ ánimus novit, surgat ad incógnita quæ non novit : quátenus exémplo visibílium se ad invisibília rápiat, et per ea, quæ usu didicit, quasi confricátus incaléscat : ut per hoc, quod scit notum diligere, discat et incógnita amáre. Ecce enim regnum cœlorum thesauro abscondito in agro comparátur : quem qui invenit homo, abscondit, et præ gáudio illius vadit, et vendit univér-sa quæ habet, et emit agrum illum.

**R.** Os suum apérui sapientiæ, et lex clementiæ in lingua ejus : considerávit

sémitas domus suæ,\* Et panem otíosa non comédit. **V.** Gustávit, et vidit quia bona est negotiátio ejus : non extinguetur in nocte lucérna ejus. Et. **Bened.** Cujus festum cólimus.

**Lectio viij.**

**Q**UA in re hoc quoque notándum est, quod invéntus thesáurus absconditur, ut servétur : quia stúdi-um cœléstis desidérii a malignis spirítibus custodire non sùfficit, qui hoc ab humánis láudibus non abscondit. In præsénti etenim vita, quasi in via sumus, qua ad pátriam pérgimus. Maligni autem spiritus iter nostrum quasi quidem latrúnculi óbsident. Deprædári ergo desiderat, qui thesáurum públicæ portat in via. Hoc autem dico, non ut próximi ópera nostra bona non vídeant, cum scriptum sit : Vídeant ópera vestra bona, et gloríficent Patrem vestrum, qui in cœlis est : sed ut per hoc, quod ágimus, laudes extérius non quæramus. Sic autem sit opus in público, quátenus inténtio máneat in occulto : ut et de bono ópere próximis præbeámus exémpulum, et tamen per intentiónem, qua Deo soli placére quærimus, semper optémus secrétum.

**R.** Regnum mundi, et omnem ornátum sæculi con-

témpsi propter amorem  
Dómini mei Jesu Christi :

\* Quem vidi, quem amávi,  
in quem crédidi, quem di-  
léxi. **¶** Eructávit cor meum  
verbum bonum : dico ego  
ópera mea Regi. Quem  
Glória Patri. Quem. **Bened.**  
Ad societátem civium.

**Lectio ix.**

**T**HESAUROS autem cœléste  
est desidérium : ager  
vero, in quo thesáurus abs-  
cônditur, disciplina stúdi  
cœléstis. Quem profecto  
agrum, vënditis ómnibus,  
cômparat, qui volúptatibus  
carnis renúntians, cuncta  
sua terréna desidéria per  
disciplinæ cœléstis custó-  
diam calcat : ut nihil jam  
quod caro blanditur, libeat;  
nihil quod carnálem vitam  
trucídat, spíritus perhorré-  
scat.

**T**e Deum laudámus. 18.

**AD LAUDES,**

**et per Horas, Añæ.**

1. Dum esset Rex \* in accú-  
bitu suo, nardus mea dedit  
odorem suavitátis. **Ps.** Dñus  
regnávit, **cum reliq.** 18.

2. In odorem \* unguen-  
tórum tuórum currimus,  
adolescéntulæ dilexérunt te  
nimis.

3. Jam hiems tránsiit, \*  
imber ábiit, et recéssit :  
surge, amíca mea, et veni.

4. Veni, elécta mea, et po-  
nam in te thronum meum,  
allelúia.

5. Ista est speciosa \* in-  
ter filias Jerúsalem.

**Pro Martyre tantum**  
**Capit.** **Eccli.** 31.

**C**ONFITEBOR tibi, Dómine  
Rex, et collaudábo te  
Deum salvatórem meum.  
Confitébor nómini tuo : quó-  
niam adjutor et protéctor fa-  
ctus es mihi, et liberásti  
corpus meum a perditíone.

**Pro nec Virg. nec Mart.**  
**Capit.** **Prov.** 31. b

**M**ULIEREM fortem quis in-  
veniet ? procul et de úl-  
timis finibus prétium ejus.  
Confidit in ea cor viri sui,  
et spóliis non indigébit.

**Hymnus.**

**F**ORTEM virili pectore  
Laudémus omnes fémi-  
nam,

Quæ sanctitátis glória  
Ubique fulget inclyta.

Hæc sancto amore saucia,  
Dum mundi amorem nó-  
xium

Horréscit, ad cœléstia  
Iter perégit árdum.

Carnem domans jejúniis,  
Dulcique mentem pábulo  
Oratiónis nútriens,  
Cœli potitur gaudiis.

Rex Christe, virtus fortium,  
Qui magna solus efficis,  
Hujus precátu, quæsumus,  
Audi benignus supplices.

Deo Patri sit glória,  
Ejúsque soli Filio,  
Cum Spíritu Paráclito,  
Nunc, et per omne sæcu-  
lum. Amen.

ŷ. Diffusa est grátia in lá-  
biis tuis. R̃. Propterea bene-  
dixit te Deus in ætérnum.

*Ad Benedictus, Añs.*

Date ei \* de fructu mánuum  
suárum, et laudent eam in  
portis ópera ejus.

*Pro una Mart. tantum.*

*Oratio.*

**D**EUS, qui inter cétera  
poténtiæ tuæ mirácula  
étiam in sexu frágili victó-  
riam martyrii contulisti :  
concede propítius ; ut, qui  
beátæ N. Mátyris tuæ na-  
talitia cólimus, per ejus ad  
te exémpla gradiámur. Per  
Dóminum.

*Pro plur. Mart. tantum.*

*Oratio.*

**D**A nobis, quæsumus Dó-  
mine Deus noster, san-  
ctárum Mátyrum tuárum  
N. et N. palmas incessábili  
devotiône venerári : ut  
quas digna mente non pòs-  
sumus celebráre, humílibus  
saltem frequentémus obsé-  
quiis. Per Dóminum.

*Pro nec Virg. nec Mart.*

*Oratio.*

**E**XAUDI nos, Deus salutá-  
ris noster : ut, sicut de  
beátæ N. festivitáte gaudé-  
mus, ita piæ devotiónis eru-  
diámur afféctu. Per Dñm.

*Ad Tertiam, Añs.*

In odórem.

*Pro Martyre tantum. Ca-  
pit. Confitébor. cxvj.*

*Pro nec Virg. nec Mart.  
Capit. Mulierem, ut cxvj.*

R̃. br. Spécie tua, \* Et  
pulchritudine tua. Spécie  
tua. ŷ. Inténde, prospere  
procéde, et regna. Et.  
Glória Patri. Spécie tua. ŷ.  
Adjuvábít eam Deus vultu  
suo. R̃. Deus in médio ejus,  
non commovébitur.

*Ad Sextam, Añs.*

Jam hiems tránsiit.

*Pro Martyre tantum.*

*Capit. Eccli. 51.*

**L**IBERASTI me secúndum  
multitúdinem miseri-  
córdiæ nóminis tui a ru-  
giéntibus, præparátis ad  
escam, de mánibus quæ-  
réntium ánimam meam, et  
de multis tribulatióibus  
quæ circumdedérunt me.

*Pro nec Virg. nec Mart.*

*Capit. Prov. 31. c*

**M**ANUM suam apéruiť in-  
opi, et palmas suas  
exténdit ad páuperem. Non  
timébit dómui suæ a frigó-  
ribus nivis.

R̃. br. Adjuvábít eam \*  
Deus vultu suo. Adjuvábít.  
ŷ. Deus in mélio ejus, non  
commovébitur. Deus. Glória  
Patri. Adjuvábít. ŷ. Elégit  
eam Deus, et præelégit  
eam. R̃. In tabernáculo suo  
habitáre facit eam.

*Ad Nonam, Añs.*

Ista est speciósa.

*Pro Martyre tantum.*

*Capit. Eccli. 51.*

**L**AUDABIT usque ad mor-  
tem ánima mea Dómi-  
num, quóniam éruis susti-



nentes te, et liberas eos de manu augústiæ, Dómine Deus noster.

*Pro nec Virg. nec Mart.*

*Capit. Prov. 31. d*

**M**ULTÆ filiæ congregaverunt divítias : tu supergréssa es univérſas. Fallax grátia, et vana est pulchritúdo : Múlier timens Dóminum ipsa laudábitur. *R. br.* Elégit eam Deus, \* Et præelégit eam. Elégit. *ŷ.* In tabernáculo suo habitáre facit eam. Et. *Gloria Patri.* Elégit. *ŷ.* Diffúsa est grátia in lábiis tuis. *R.* Proptérea benedixit te Deus in ætérnum.

*Ad Vesperas, Añæ, Psalmi, Capit. et Hymn. ut in primis Vesp. exj.*

*ŷ.* Diffúsa est grátia in lábiis tuis. *R.* Proptérea benedixit te Deus in ætérnum.

*Ad Magnificat, Añæ.*

Manum suam \* apéruit inopi, et palmas suas exténdit ad páuperem, et panem otíosa non comédit.

*Si fuerint plures non Virgines, idem fit Offic. ut exj.*

**2. ALIÆ LECTIONES**

**PRO MARTYRE TANTUM.**

*In secundo Nocturno.*

Sermo sancti Joánnis Chrysóstomi.

*Lectio iv.*

*Serm. 67. de diversis novi Testamenti locis.*

**E**GO máxime commemorationes diligo Mártyrum,

diligo et ampléctor : atque omnes quidem, sed tum præcípuè, cum mulierum certámina proponúntur. Quanto enim infirmius est vas, tanto major est grátia, tanto illústrius est trophæum, tanto insígnior est victória, non ob imbecillitátem sexus athletárum, sed quod per ea, quibus vícerat inimícus, nunc étiam vincátur.

*R. Propter. exiv.*

*Lectio v.*

**P**ER mulierem vicit, per mulierem superátus est. Hoc illíus ántea telum erat; hoc illíus nunc cædis factum est instruméntum, hoc vas apparuit insuperábile. Peccávit illa prior, et mórtua est : ista mórtua est, ne peccáret. Illa tum fútilis promissi spe infláta, Dei leges violávit : hæc vitam præsentem contémpsit, ne fidem in suum benefactórem ejuráret. Quam igitur deinceps speráre póterunt excusatióne viri, si molles sint, et ignávi? quam vero véniam, cum fórtiter ac viríliter se gerant mulieres, cum ádeo se generóse ad certámina pietátis accíngant?

*R. Dilexisti justítiam. exiv.*

*Lectio vj.*

**F**UIT illi corpus imbecillum, et obnoxíus sexus injúriæ : verúmtamen óm-

nium horum imbecillitatem  
advéniens grátia occultávit.  
Nihil enim est, nihil plane  
poténtius est eo, qui magno  
cum stúdio Dei timórem há-  
beat in mente defixum, sed  
quamvis ignes, quamvis  
ferrum, quamvis béstias,  
quamvis áliud quidvis mi-  
néntur hostes, ómnia nullo  
negótio contémnit; quod úti-  
que Beáta ista étiam fecit.

*R.* Fallax grátia. cxv.

### COMMUNE

#### DEDICATIONIS ECCLESIAE.

##### Ad Vesperas, Añã.

Domum tuam, *cum reliq. de*  
*Laud. Ps. Dixit Dóminus,*  
*cum reliq. de Dñiea. 134.*  
*et loco ult., Ps. Lauda Je-*  
*rusalem. 135.*

##### Capit. Apoc. 21.

**V**IDI civitatem sanctam  
Jerúsalem novam de-  
scendéntem de cœlo a Deo,  
parátam sicut sponsam or-  
nátam viro suo.

##### Hymnus.

**C**OELESTIS Urbs Jerúsalem,  
Beáta pacis vítio,  
Quæ celsa de vivéntibus  
Saxis ad astra tólleris,  
Sponsæque ritu cingeris  
Mille Angelórum míllibus.

**O** sorte nupta próspera;  
Dotáta Patris glória,  
Respérsa Sponsi grátia,  
Regína formosíssima,  
Christo jugáta Príncipi,  
Cœli corúsca Cívitas.

**H**ic margarítis émicant,  
Paténtque cunctis óstia:

Virtúte namque prævia  
Mortális illuc dúcitur,  
Amóre Christi pércitus  
Torménta quisquis sústinet.  
*Scalpri salúbris íctibus,*  
Et tunsióné plúrima,  
Fabri políta málleo  
Hanc saxa molem cón-  
struunt,

Aptisque juncta néxibus  
Locántur in fastígio.

*Decus Parénti débitum*

Sit usquequáque altíssimo,  
Natóque Patris único,  
Et ínelyto Paráclito,  
Cui laus, potéstas, glória

Ætérna sit per sæcula. Am.  
*Ÿ.* Hæc est domus Dómini  
firmiter ædificáta. *R.* Bene  
fundáta est supra firmam  
petram.

##### Ad Magnificat, Añã.

Sanctificávit Dóminus \* ta-  
bernáculum suum: quia  
hæc est domus Dei, in qua  
invocábitur nomen ejus, de  
quo scriptum est: Et erit  
nomen meum ibi, dicit Dó-  
minus.

In ipso die Dedicat. Ec-  
clesiæ, et per Octavam, et  
quando varianda est Oratio  
ob concursum Dedic. alte-  
rius Ecclesiæ.

##### Oratio.

**D**EUS, qui invisibíliter  
Dómnia cóntines, et ta-  
men pro salúte géneris hu-  
máni signa tuæ poténtiæ  
visibíliter osténdis: tem-  
plum hoc poténtia tuæ in-  
habitatiónis illústra, et

concede; ut omnes, qui huc deprecaturî conveniunt, ex quacumque tribulatione ad te clamaverint, consolationis tuæ beneficia consequantur. Per Dóminum.

*In Anniversario Dedicat. Ecclesiæ, et per Octavam*  
*Oratio.*

**D**EUS, qui nobis per singulos annos hujus sancti templi tui consecrationis réparas diem, et sacris semper mystériis repræsentas incólumes: exáudi preces pópuli tui, et præsta; ut quisquis hoc templum beneficia petiturus ingreditur, cuncta se impetrasse lætetur. Per Dóminum.

*Ad Matutinum. Invitat.*

Domum Dei decet sanctitudo: \* Sponsum ejus Christum adorémus in ea. *Psal.*

Veníte, exultémus. 2.

*Hymnus. Cæléstis Urbs.*  
cxix.

*In primo Nocturno.*

*Añã.* Tóllite \* portas, principes, vestras, et elevámini portæ æternáles.

*Psalmus 23.*

**D**OMINI est terra, et plenitudo ejus: \* orbis terrarum, et univérsi, qui habitant in eo.

Quia ipse super mária fundávit eum: \* et super flúmina præparávit eum.

Quis ascéndet in montem Dómini? \* aut quis stabit in loco sancto ejus?

Innocens manibus et mundo corde, \* qui non accépit in vano ánimam suam, nec jurávit in dolo próximo suo.

Hic accípiet benedictiónem a Dómino: \* et misericórdiam a Deo salutári suo.

Hæc est generatio quærentium eum, \* quærentium faciém Dei Jacob.

Attóllite portas, principes, vestras, et elevámini portæ æternáles: \* et introíbit Rex glóriæ.

Quis est iste Rex glóriæ? \* Dóminus fortis et potens, Dóminus potens in prælio:

Attóllite portas, principes, vestras, et elevámini portæ æternáles: et introíbit Rex glóriæ.

Quis est iste Rex glóriæ? \* Dóminus virtutum ipse est Rex glóriæ.

*Añã.* Tóllite portas, principes, vestras, et elevámini portæ æternáles.

*Añã.* Erit mihi \* Dóminus in Deum, et lapis iste vocábitur domus Dei.

*Psalmus 43.*

**D**EUS noster refúgium et virtus: \* adjutor in tribulationibus, quæ invenérunt nos nimis.

Propterea non timébimus dum turbábitur terra: \* et transferéntur montes in cor maris.

Sonuérunt et turbátæ sunt aquæ eórum: \* contur-

bati sunt montes in fortitudine ejus.

**F**luminis impetus lætificat civitatem Dei : \* sanctificavit tabernaculum suum Altissimus.

**D**eus in medio ejus, non commovēbitur : \* adjuvabit eam Deus mane diluculo.

**C**onturbatæ sunt gentes, et inclinata sunt regna : \* dedit vocem suam, mota est terra.

**D**ominus virtutum nobiscum : \* susceptor noster Deus Jacob.

**V**enite, et videte opera Domini, quæ posuit prodigia super terram : \* auferens bella usque ad finem terræ.

**A**rcum conteret, et confringet arma : \* et scuta combūret igni.

**V**acate, et videte quoniam ego sum Deus : \* exaltabor in gentibus, et exaltabor in terra.

**D**ominus virtutum nobiscum : \* susceptor noster Deus Jacob.

**Aññ.** Erit mihi Dominus in Deum, et lapis iste vocabitur domus Dei.

**Aññ.** **Æ**dificavit \* Moyses altare Domino Deo.

**Psalmus 47.**

**M**AGNUS Dominus, et laudabilis nimis \* in civitate Dei nostri, in monte sancto ejus.

**F**undatur exultatione universæ terræ mons Sion, \*

lâtera Aquilonis, civitas Regis magni.

**D**eus in domibus ejus cognoscetur : \* cum suscipiet eam.

**Q**uoniam ecce reges terræ congregati sunt : \* convenerunt in unum.

**I**psi videntes sic admirati sunt, conturbati sunt, commoti sunt : \* tremor apprehendit eos.

**I**bi dolores ut parturiētis, \* in spiritu vehemēti cōnterēs naves Tharsis.

**S**icut audivimus, sic vidimus in civitate Domini virtutum, in civitate Dei nostri : \* Deus fundavit eam in æternum.

**S**uscēpimus Deus misericordiam tuam, \* in medio templi tui.

**S**ecundum nomen tuum Deus, sic et laus tua in fines terræ : \* justitia plena est dextera tua.

**L**ætetur mons Sion, et exultent filiæ Judæ, \* propter judicia tua, Domine.

**C**ircūdate Sion, et complectimini eam : \* narrate in turribus ejus.

**P**onite corda vestra in virtute ejus : \* et distribuite domos ejus, ut enarrētis in progēie altera.

**Q**uoniam hic est Deus, Deus noster in æternum, et in sæculum sæculi : \* ipse reget nos in sæcula.

**Aññ.** **Æ**dificavit Moyses al-

tare Dómino Deo. *Ÿ.* Domum tuam, Dómine, decet sanctitúdo. *Ŕ.* In longitudinem diérum. *Pater noster.*

*Absolutio.* Exáudi, Dómine.

*Ÿ.* Jube, domne. *Bened.* Benedictiône perpétua.

De libro ij. Paralipómenon.

*Lectio j. Cap. 7.*

**C**UM compléssset Sálomon fundens preces, ignis descendit de cœlo, et devorávit holocáusta et víctimas : et majéstas Dómini implévit domum. Nec póterant sacerdótes ingredi templum Dómini, eo quod impléssset majéstas Dómini templum Dómini. Sed et omnes filii Israel vidébant descendéntem ignem et glóriam Dómini super domum : et corruéntes proni in terram super paviméntum stratum lápide, adoravérunt, et laudavérunt Dóminum : Quóniam bonus, quóniam in sæculum misericórdia ejus. Rex autem, et omnis pópulus immolábant víctimas coram Dómino. Mactávit igitur rex Sálomon hostias, boum viginti duo millia, arietum centum viginti millia : et dedicávit domum Dei Rex, et univér-sus pópulus.

*Ŕ.* In dedicatióne templi decantábat pópulus laudem:

\* Et in ore eórum dulcis resonábat sonus. *Ÿ.* Fundáta est domus Dómini supra

vérticem móntium, et vénient ad eam omnes gentes. Et. *Bened.* Unigénitus Dei Filius.

*Lectio ij.*

**S**ACERDOTES autem stabant in officiis suis : et Levítæ in órganis cárminum Dómini, quæ fecit David rex ad laudándum Dóminum : Quóniam in ætérnum misericórdia ejus, hymnos David canéntes per manus suas : porro sacerdótes canébant tubis ante eos, cunctúsque Israel stabat. Sanctificávit quoque Sálomon médium átrii ante templum Dómini : obtúlerat enim ibi holocáusta et ádipes pacificórum : quia altáre æneum, quod fécerat, non póterat sustinére holocáusta et sacrificia et ádipes. Fecit ergo Sálomon solemnitátem. in témpore illo septem diébus, et omnis Israel cum eo, ecclésia magna valde, ab intróitu Emath usque ad Torréntem Ægypti. Fecitque die octávo colléctam, eo quod dedicáset altáre septem diébus, et solemnitátem celebráset diébus septem.

*Ŕ.* Fundáta est domus Dómini supra vérticem móntium, et exaltáta est super omnes colles : \* Et vénient ad eam omnes gentes, et dicent : Glória tibi, Dómine. *Ÿ.* Veniéntes autem vénient

cum exultatione, portantes manipulos suos. Et. **Bened.** Spiritus sancti grátia.

**Lectio iij.**

**C**OMPLEVITQUE Sálomon domum Dómini, et domum regis, et ómnia quæ disposúerat in corde suo, ut fáceret in domo Dómini, et in domo sua, et prospératus est. Appáruit autem ei Dóminus nocte, et ait: Audívi orationem tuam, et elégi locum istum mihi in domum sacrificii. Si cláu-sero cœlum, et plúvia non flúxerit, et mandávero et præcépero locústæ, ut dé-voret terram, et misero pestiléntiam in pópulum meum: convérsus autem pópulus meus, super quos invocátum est nomen meum, deprecátus me fúerit, et exquisierit faciém meam, et égerit pœniténtiam a viis suis péssimis: et ego exáu-diam de cœlo, et propítius ero peccátis eórum, et sanábo terram eórum. Oculi quoque mei erunt apérti, et aures meæ eréctæ ad orationem ejus, qui in loco isto oráverit. Elégi enim, et sanctificávi locum istum, ut sit nomen meum ibi in sempitérnum, et permá-neant óculi mei, et cor meum ibi cunctis diébus.

**R.** Bénedic, Dómine, domum istam, quam ædificávi nómini tuo. Venién-

tium in loco isto \* Exáudi preces in excélso sólio glóriæ tuæ. **ŷ.** Dómine, si convérsus fúerit pópulus tuus, et oráverit ad sanctuárium tuum. Exáudi. Gló-ria Patri. Exáudi.

**In secundo Nocturno.**

**Añs.** Non est hic áliud, \* nisi domus Dei, et porta cœli.

**Psalmus 83.**

**Q**UAM dilécta tabernácula tua, Dómine virtútum! \* concupíscit, et déficit áni-ma mea in átria Dómini.

**Cor** meum, et caro mea \* exultavérunt in Deum vi-vum.

**Etenim** passer invénit sibi domum, \* et turtur nidum sibi, ubi ponat pullos suos.

**Altária** tua, Dómine virtú-tum: \* Rex meus, et Deus meus.

**Beáti**, qui hábitant in do-mo tua, Dómine: \* in sæcula sæculórum laudábunt te.

**Beátus** vir, cujus est auxí-lium abs te: \* ascensiónes in corde suo dispósuit, in valle lacrymárum, in loco, quem pósuit.

**Etenim** benedictionem dabit legislátor, ibunt de virtúte in virtútem: \* vidébitur Deus deórum in Sion.

**Dómine** Deus virtútum, exáudi orationem meam: \* áuribus pércipe, Deus Jacob.

**Protéctor** noster aspice Deus: \* et réspice in fá-ciem Christi tui.



Quia melior est dies una in  
atriis tuis : \* super millia.

Elégi abjectus esse in domo  
Dei mei, \* magis quam ha-  
bitare in tabernaculis pec-  
catorum.

Quia misericordiam, et  
veritatem diligit Deus : \*  
gratiam et gloriam dabit  
Dominus.

Non privabit bonis eos, qui  
ambulant in innocentia : \*  
Domine virtutum, beatus  
homo, qui sperat in te.

**Aññ.** Non est hic aliud, ni-  
si domus Dei, et porta cœli.

**Aññ.** Vidit Jacob scalam, \*  
summitas ejus cœlos tangé-  
bat, et descendentes An-  
gelos, et dixit : Vere locus  
iste sanctus est.

**Psalmus 86.**

**F**UNDAMENTA ejus in môn-  
tibus sanctis : \* diligit  
Dominus portas Sion super  
omnia tabernacula Jacob.

Gloriosa dicta sunt de te, \*  
civitas Dei.

Memor ero Ranab, et Baby-  
lonis \* scientium me.

Ecce alienigenæ, et Tyrus,  
et populus Æthiopum, \* hi  
fuerunt illic.

Numquid Sion dicet : Homo,  
et homo natus est in ea : \* et  
ipse fundavit eam Altissimus?

Dominus narrabit in scri-  
pturis populorum, et prin-  
cipum : \* horum, qui fué-  
runt in ea.

Sicut lætantium omnium \*  
habitatio est in te.

**Aññ.** Vidit Jacob scalam,  
summitas ejus cœlos tangé-  
bat, et descendentes Ange-  
los, et dixit : Vere locus  
iste sanctus est.

**Aññ.** Eréxit Jacob \* lapidem  
in titulum, fundens oleum  
desuper.

**Psalmus 87.**

**D**OMINE Deus salutis meæ,  
\* in die clamavi, et no-  
cte coram te.

Intret in conspectu tuo orá-  
tio mea : \* inclina aurem  
tuam ad precem meam :

Quia repléta est malis ani-  
ma mea : \* et vita mea  
inférno appropinquávit.

**E**stimátus sum cum de-  
scendentibus in lacum : \*  
factus sum sicut homo sine  
adjutório, inter mórtuos li-  
ber.

Sicut vulneráti dormientes  
in sepúlchris, quorum non  
es memor ámplius : \* et ipsi  
de manu tua repúlsi sunt.

Posuérent me in lacu in-  
ferióri : \* in tenebrósis, et  
in umbra mortis.

Super me confirmátus est fu-  
ror tuus : \* et omnes fluctus  
tuos induxísti super me.

Longe fecísti notos meos a  
me \* posuérent me abo-  
minatióne sibi.

Tráditus sum, et non egre-  
diébar : \* óculi mei lan-  
guérunt præ inópia.

Clamávi ad te, Dñe, tota die :  
\* expándi ad te manus meas.

**N**umquid mórtuis fácies mi-

rabília : \* aut médiei suscitábunt, et confitebúntur tibi ? Numquid narrábit áliquis in sepúlehro misericórdiam tuam, \* et veritátem tuam in perditíone ?

Numquid cognoscéntur in ténebris mirabilia tua, \* et justítia tua in terra obliuionis ?

Et ego ad te, Dómine, clamávi : \* et mane orátio mea præueniet te.

Ut quid, Dómine, repélles oratióem meam : \* avértis faciém tuam a me ?

pauper sum ego, et in labóribus a juventúte mea : \* exaltátus autem, humiliátus sum et conturbátus.

In me transiérunt iræ tuæ : \* et terróres tui conturbavérunt me.

Circumdedérunt me sicut aqua tota die : \* circumdedérunt me simul.

Elongásti a me amicum, et próximum, \* et notos meos a miséria.

**Añs.** Eréxit Jacob lápidem in titulum, fundens óleum désuper. **V.** Domus mea. **R.** Domus oratiónis vocábitur.

**Pater noster.** **Absol.** Ipsíus pietas. **V.** Jube, domne. **Bened.** Deus Pater omnipotens.

Sermo sancti Augustíni Epíscopi.

#### Lectio iv.

*Serm. 252. de Temp.*

**Q**UOTIESCUMQUE, fratres charíssimi, altáris vel

templi festivitátem cólinus, si fidéliter ac diligénter at-téndimus et sancte ac juste vivimus, quidquid in tem-plis manufactis ágitur, to-tum in nobis spiritali ædi-ficatióne complétur. Non enim mentitus est ille qui dixit : Templum enim Dei sanctum est, quod estis vos : et iterum : Nescitis, quia córpora vestra templum sunt Spíritus sancti, qui in vo-bis est ? Et ideo, fratres charíssimi, quia nullis præ-cedéntibus méritis per grá-tiam Dei meruimus fieri templum Dei, quantum pòs-sumus cum ipsíus adjutório laborémus, ne Dóminus no-ster in templo suo, hoc est, in nobis ipsis, invé-niat, quod óculos suæ majestátis offéndat.

**R.** Orántibus in loco isto, \* Dimítte peccáta pópuli tui, Deus, et osténde eis viam bonam per quam ámbulent, et da glóriam in loco isto.

**V.** Qui regis Israël, inténde, qui dedúcis velut ovem Jo-seph, qui sedes super Chérubim. Dimítte. **Benedictio.** Christus perpétuæ.

#### Lectio v.

**S**ED habitáculum cordis nostri evacuétur vitiis, et virtútibus repleátur : claudátur diabolo, et ape-riátur Christo : et ita labo-rémus, ut nobis bonórum óperum clávibus jánuam

regni coelstis aperire possimus. Sicut enim malis operibus quasi quibusdam seris ac vectibus vitae nobis janua clauditur, ita absque dubio bonis operibus aperitur. Et ideo, fratres charissimi, unusquisque consideret conscientiam suam; et quando se aliquo crimine vulneratum esse cognoverit, prius orationibus, jejuniis, vel eleemosynis studeat mundare conscientiam suam, et sic Eucharistiam praesumat accipere.

**R.** O quam metuendus est locus iste! \* Vere non est hic aliud nisi domus Dei, et porta coeli. **V.** Haec est domus Domini firmiter aedificata, bene fundata est supra firmam petram. Vere. **Bened.** Ignem sui amoris.

**Lectio vj.**

**S**i enim agnoscens reatum suum, ipse se a divino altari subtraxerit, cito ad indulgentiam divinae misericordiae perveniet. Quia sicut qui se exaltat, humiliabitur; ita e contrario, qui se humiliat, exaltabitur. Qui enim, sicut dixi, agnoscens reatum suum, ipse se humiliter ab altari Ecclesiae pro emendatione vitae removere voluerit, ab aeterno illo et coelesti convivio excommunicari penitus non timebit.

**R.** Mane surgens Jacob eri-

gebat lapidem in titulum, fundens oleum desuper, votum vovit Domino: \* Vere locus iste sanctus est, et ego nesciebam. **V.** Cumque evigilasset Jacob de somno, ait. Vere. **Gloria Patri. Vere.**

**In tertio Nocturno.**

**Añs.** Qui habitat \* in adjutorio Altissimi, in protectione Dei coeli commorabitur.

**Quando haec Añs dicitur integra, et illi non additur in fine Alleluia, tunc principium Psalmi est a secundo Versu, Dicit Domino.**

**Psalmus 90.**

**Q**ui habitat in adjutorio Altissimi, \* in protectione Dei coeli commorabitur.

**D**icet Domino: Susceptor meus es tu, et refugium meum: \* Deus meus sperabo in eum.

Quoniam ipse liberavit me de laqueo venantium, \* et a verbo aspero.

Scapulis suis obumbrabit tibi: \* et sub pennis ejus sperabis.

Sicut circumdabit te veritas ejus: \* non timebis a timore nocturno.

A sagitta volante in die, a negotio perambulante in tenebris, \* ab incursu et daemonio meridiáno.

Gadent a latere tuo mille, et decem millia a dextris tuis: \* ad te autem non appropinquabit.

Verumtamen oculis tuis

considerâbis : \* et retributi-  
tionem peccatorum vidēbis.  
**Q**uoniam tu es, Dómine,  
spes mea : \* altíssimum po-  
suisti refúgium tuum.

**N**on accēdet ad te malum :  
\* et flagellum non appro-  
pinquabit tabernáculo tuo.

**Q**uoniam Angelis suis man-  
davit de te, \* ut custódiant  
te in ómnibus viis tuis.

**I**n mánibus portábunt te :  
\* ne forte offēdas ad lápi-  
dem pedem tuum.

**S**uper áspidem et basiliscum  
ambulâbis : \* et conculeâ-  
bis leónem et draconem.

**Q**uoniam in me sperávit,  
liberábo eum : \* pròtegam  
eum, quoniam cognóvit no-  
men meum.

**C**lamábit ad me, et ego ex-  
áudiam eum : \* cum ipso sum  
in tribulatióne : erípiam  
eum, et glorificábo eum.

**L**ongitúdine diérum replē-  
bo eum : \* et ostēdam illi  
salutáre meum.

**Añā.** Qui hábitat in adjutó-  
rio Altíssimi, in protecti-  
one Dei cœli commorábitur.

**Añā.** Templum Dómini \*  
sanctum est, Dei structúra  
est, Dei ædificatio est.

**Psalmus 93.**

**C**ANTATE Dómino cánticum  
novum : \* cantáte Dó-  
mino omnis terra.

**C**antáte Dómino, et bene-  
dicite nómini ejus : \* an-  
nuntiáte de die in diem  
salutáre ejus.

**A**nnuntiáte inter gentes gló-  
riam ejus, \* in ómnibus  
pópulis mirabilia ejus.

**Q**uoniam magnus Dóminus,  
et laudábilis nimis : \* terri-  
bilis est super omnes deos.

**Q**uoniam omnes dii Gén-  
tium dæmónia : \* Dóminus  
autem cœlos fecit.

**C**onfessio et pulchritúdo in  
conspéctu ejus : \* sancti-  
mónia et magnificéntia in  
sanctificatióne ejus.

**A**fférte Dómino pátriæ gén-  
tium, afférte Dño glóriam  
et honórem : \* afférte Dó-  
mino glóriam nómini ejus.

**T**óllite hóstias, et introíte in  
átria ejus : \* adoráte Dómi-  
num in átrio sancto ejus.

**C**ommoveátur a fácie ejus  
univérſa terra : \* dicite in  
Géntibus quia Dóminus re-  
gnávit.

**E**tenim corréxit orbē terræ,  
qui non commovébitur : \* ju-  
dicábit pópulos in æquitáte.

**L**æténtur cœli, et exúltet ter-  
ra, commoveátur mare, et  
plenitúdo ejus : \* gaudé-  
bunt campi, et ómnia quæ  
in eis sunt.

**T**unc exultábunt ómnia li-  
gna silvârum a fácie Dómi-  
ni, quia venit : \* quoniam  
venit judicáre terram.

**J**udicábit orbem terræ in  
æquitáte, \* et pópulos in ve-  
ritáte sua.

**Añā.** Templum Dómini san-  
ctum est, Dei structúra est,  
Dei ædificátus est.

**A**n̄a Benedicta\*glória Dómini de loco sancto suo, allel.

*Psalms 98.*

**D**OMINUS regnāvit, irascantur pópuli : \* qui sedet super Chérubim, moveatur terra.

Dóminus in Sion magnus : \* et excelsus super omnes pópulos.

Confiteantur nómini tuo magno : quóniam terribile et sanctum est : \* et honor regis iudiciū diligit.

Tu parásti directiōnes : \* iudiciū et justitiam in Jacob tu fecisti.

Exaltáte Dóminum Deum nostrum, et adoráte scabellum pedum ejus : \* quóniam sanctum est.

Moyse et Aaron in sacerdotibus ejus : \* et Sámuel inter eos, qui invocant nomen ejus.

Invocabant Dóminum, et ipse exaudiébat eos : \* in columna nubis loquebatur ad eos.

Custodiébant testimónia ejus, \* et præceptum quod dedit illis.

Dómine Deus noster, tu exaudiébas eos : \* Deus, tu propitius fuisti eis, et ulciscens in omnes adinventiōnes eórum.

Exaltáte Dóminum Deum nostrum, et adoráte in monte sancto ejus : \* quóniam sanctus Dóminus Deus noster.

**A**n̄a. Benedicta glória Dó-

mini de loco sancto suo, allelúia. *¶* Hæc est domus Dómini firmiter ædificata.

*¶* Bene fundata est supra firmam petram. *Pater noster.* *Absolutio.* A vinculis.

*¶* Jube, domne. *Benedictio.* Evangelica lectio.

Lectio sancti Evangelii secundum Lucam.

*Lectio vij Cap. 19.*

**I**N illo tēpore : Ingressus Jesus perambulabat Jérico. Et ecce vir nómine Zachæus : et hic princeps erat publicanórum, et ipse dives. Et reliqua.

Homilia sancti Ambrósii Episcopi.

*L: 8. in Luc. prope fin.*

**Z**ACHÆUS statūra pusillus, hoc est, nulla nobilitatis ingénitæ dignitate sublimis, exiguus méritis sicut pópulus natiōnum, audito Dómini Salvatóris advētu, quem sui non recéperant, vidére cupiébat. Sed nemo facile Jesum videt : nemo potest Jesum vidére constitutus in terra. Et quia non Prophétas, non legem habebat, tamquam formæ grátiam naturalis, ascendit in sycómorum, vanitatem scilicet Judæórum vestígio suo próterens, errata quoque corrigens superiōris ætátis : et ideo Jesum in interiōris domus recépit hospitio.

*¶* Domus mea, domus oratiōnis vocábitur, dicit

Dóminus : in ea omnis qui petit, accépit: et qui quærit, invenit : \* Et pulsánti aperiétur. *ŷ.* Pétite, et accipiétis : quærite, et inveniétis. Et. *Bened.* Divinum auxili-  
lium.

*Lectio viij.*

**E**T bene ascéndit in árbo-  
rem, ut arbor bona bo-  
nos fructus fáceret : ac na-  
turáli excísus oleástro, et  
contra natúram insértus in  
bonam olivam, fructum pos-  
set legis afférre. Radix enim  
sancta, etsi rami inútiles :  
quorum infructuósam gló-  
riam plebs géntium fide re-  
surrectiónis, quasi quadam  
córporis elevatióne transcén-  
dit. Zachæus ergo in sycó-  
móro, cæcus in via : quo-  
rum álterum Dóminus mi-  
seratúrus expéctat, álterum  
mansiónis suæ claritáte no-  
bilitat, álterum sanatúrus  
intérrogat, apud álterum se  
non invitátus invitat. Scié-  
bat enim úberem hospitii  
sui esse mercédem. Sed ta-  
men, etsi nondum vocem in-  
vitántis audierat, jam ví-  
derat afféctum.

*Ŕ.* Lápides pretiósí omnes  
muri tui : \* Et turres Jerú-  
salem gemmis ædificabún-  
tur. *ŷ.* Portæ Jerúsalem ex  
sapphíro et smarágdo ædifi-  
cabúntur, et ex lápide pre-  
tíoso omnis circúitus muri  
ejus. Et. Glória Patri. Et.  
*Bened.* Ad societátem.

*Lectio ix.*

**V**ERUM ne cæcum illum  
tamquam fastidiósi páu-  
perum cito reliquísse videá-  
mur, et transísse ad divi-  
tem, expectémus eum, quia  
expectávit et Dóminus : in-  
terrogémus eum, quia in-  
terrogávit et Christus. Nos  
interrogémus, quia nesci-  
mus : ille, quia nóverat.  
Nos interrogémus, ut sciá-  
mus unde iste curátus sit :  
ille interrogávit, ut in uno  
plures discerémus, unde  
Dóminum vidére mereámur.  
Interrogávit enim, ut cre-  
derémus, néminem nisi con-  
fiténtem posse salvári.

*Te Deum laudámus. 17.*

*AD LAUDES,*

*et per Horás, Anæ.*

*1.* Domum tuam, Dómine, \*  
deceat sanctitúdo, in longitú-  
dinem diérum. *Ps.* Dóminus  
regnávit, *cum reliquis. 18.*

*2.* Domus mea, \* domus  
oratiónis vocábitur.

*3.* Hæc est domus Dómini \*  
firmiter ædificáta, bene fun-  
dáta est supra firmā petram.

*4.* Bene fundáta est domus  
Dómini supra firmā petram.

*5.* Lápides pretiósí \* omnes  
muri tui, et turres Jerúsa-  
lem geminis ædificabúntur.

*Capitulum. Apoc. 21.*

**V**IDI civitátem sanctam  
Jerúsalem novam de-  
scendéntem de cælo a Deo,  
parátam sicut sponsam or-  
nátam viro suo.



*Hymnus.*

**A**LTO ex Olympi vértice  
Summi Paréntis Filius ,  
Ceu monte deséctus lapis  
Terras in imas décidens,  
Domas supérnæ, et infimæ,  
Utrúmque junxit ángulum.

**S**ed illa sedes Cœlitum  
Semper resúltat láudibus ,  
Deúmque Trinum,et Unicum  
Jugi canóre prædicat :  
Illi canéntes júngimur  
Almæ Siónis æmuli.

**H**æc templa, Rex cœléstium,  
Imple bénigno lúmine :  
Huc o rogátus ádveni,  
Plebísque vota súscipe ,  
Et nostra corda júgiter  
Perfúnde cœli grátia.

**H**ic impetrent fidélium  
Voces precésque súpplicum  
Domus beátæ múnera ,  
Partísque donis gáudeant ;  
Donec solúti córpore  
Sedes beátas ímpleant.

**D**ecus Parénti débitum  
Sit usquequáque Altíssimo,  
Natóque Patris único,  
Et ínelyto Paráclito,  
Cui laus, potéstas, glória  
ÆtéRNA sit per sæcula. Am.

**℟.** Hæc est domus Dómini  
firmiter ædificáta. **℞.** Bene  
fundáta est supra firmam  
petram.

*Ad Benedictus, Añs.*

Zachæe , \* festínans descén-  
de , quia hódie in domo  
tua opórtet me manére : at  
ille festínans descéndit, et  
suscépit illum gaudens in  
domum suam. Hódie huic

dómuí salus a Deo facta est,  
allelúia.

*In ipso die Dedicat. Eccl.  
et per Oct. et quando va-  
rianda est Oratio ob concur-  
sum Dedicat. alterius Eccl.*

*Oratio.*

**D**EUS, qui invisibíliter óm-  
nia cóntines , et tamen  
pro salute géneris humáni  
signa tuæ poténtiæ visibíli-  
ter osténdis : templum hoc  
poténtia tuæ inhabitationis  
illústra, et concéde ; ut om-  
nes qui huc deprecáturi con-  
véniant, ex quacúmque tri-  
bulatióne ad te clamáverint,  
consolatiónis tuæ beneficia  
consequántur. Per Dñum.

*In Anniv. Dedicationis  
Ecclesiae, et per Octavam*  
*Oratio.*

**D**EUS , qui nobis per sín-  
gulós annos hujus san-  
cti templi tui consecrationis  
réparas diem, et sacris sem-  
per mystériis repræséntas  
incólumes : exáudi preces  
pópuli tui, et præsta ; ut  
quisquis hoc templum be-  
neficia petiturus ingréditur,  
cuncta se impetrásse lætétur.  
Per Dóminum.

*Ad Tertiam, Añs.*

Domus mea.

*Cap. Vidi civitatem. cxix.*

**℟. br.** Domum tuam, Dó-  
mine, \* Decet sanctitúdo.  
Domum. **℣.** In longitudinem  
diérum. Decet. Glória Patri.  
Domum. **℣.** Locus iste san-  
ctus est, in quo orat sacr-

dos. *R.* Pro delictis et peccatis populi.

*Ad Sextam, Ant.*

Hæc est domus Domini.

*Capitulum. Apoc. 21.*

**E**T audivi vocem magnam de throno, dicentem : Ecce tabernaculum Dei cum hominibus, et habitabit cum eis. Et ipsi populus ejus erunt, et ipse Deus cum eis erit eorum Deus.

*R. br.* Locus iste sanctus est, \* In quo orat sacerdos. Locus. *V.* Pro delictis et peccatis populi. In. *Gloria Patri.* Locus. *V.* Hæc est domus Domini firmiter ædificata. *R.* Bene fundata est supra firmam petram.

*Ad Nonam, Ant.*

Lápides pretiosi.

*Capitulum. Apoc. 21. b*

**E**T absterges Deus omnem lacrymam ab oculis eorum : et mors ultra non erit, neque luctus, neque clamor, neque dolor erit ultra, quia prima abiérunt. Et dixit qui sedebat in throno : Ecce nova facio omnia.

*R. br.* Hæc est domus Domini \* Firmiter ædificata. Hæc est. *V.* Bene fundata est supra firmam petram. Firmiter. *Gloria Patri.* Hæc. *V.* Bene fundata est domus Domini. *R.* Supra firmam petram.

In ij. Vesp. Antæ, Psalmsi, Capitulum, et Hymnus ut in j. Vesperis. cxix.

*V.* Domum tuam, Domine, decet sanctitudo. *R.* In longitudinem dierum.

*Ad Magnificat, Ant.*

O quam metuendus est \* locus iste ! vere non est hic aliud, nisi domus Dei, et porta cœli.

SECUNDA DIE

INFRA OCTAVAM.

In j. Nocturno Lectiones de Scriptura occurrente.

In secundo Nocturno.

Ex Tractatu S. Augustini Episcopi super Psalmos.

*Lectio iv. In Ps. 121.*

**J**ERUSALEM, quæ ædificatur ut civitas: Fratres, quando dicebat ista David, perfecta erat illa civitas, non ædificabatur. Nescio quam ergo civitatem dicit quæ modo ædificatur, ad quam currunt in fide lapides vivi, de quibus dicit Petrus : Et vos tamquam lapides vivi coedificamini in domum spiritalem, id est, templum Dei sanctum. Quid est, Lapides vivi coedificamini ? Vivis, si credis : si autem credis, efficiéris templum Dei ; quia dicit Apóstolus Paulus : Templum enim Dei sanctum est, quod estis vos.

*R.* Orántibus. cxv.

*Lectio v.*

**I**PSA ergo modo civitas ædificatur. Præciduntur de montibus lapides per manus prædicantium veritatem,

conquadrantur, ut intrent in structuram sempiternam. Adhuc multi lapides in manibus artificis sunt : non cadant de manibus artificis, ut possint perfecti coedificari in structuram templi. Est ergo ista Jerusalem, quæ edificatur ut civitas : fundamentum ipsius Christus est. Dicit Apostolus Paulus : Fundamentum aliud nemo potest ponere præter id, quod positum est, quod est Christus Jesus.

*R.* O quam. cxxvj.

*Lectio vij.*

**F**UNDAMENTUM quando ponitur in terra, desuper ædificantur parietes, et pondus parietum ad ima tendit, quia in imo positum est fundamentum. Si autem fundamentum nostrum in cælo est, ad cælum ædificemur. Corpora ædificaverunt istam structuram, quam videtis amplam surrexisse hujus Basilicæ : et quia corpora ædificaverunt, fundamentum in imo posuerunt. Quia vero spiritaliter ædificamur, fundamentum nostrum in summo positum est. Illuc ergo curramus, ibi ædificemur ; quia de ipsa Jerusalem dictum est : Stantes erant pedes nostri in atriis tuis, Jerusalem.

*R.* Mane surgens. cxxvj.

*In tertio Nocturno.*

*Lectio sancti Evangelii secundum Lucam.*

*Lectio vij. Cap. 19.*

**I**N illo tempore : Ingressus Jesus perambulabat Jericho. Et ecce vir nomine Zachæus : et hic princeps erat publicanorum, et ipse dives. Et reliqua.

*De Homilia sancti Ambrósii Episcopi.*

*Ex lib. 8. in Luc. in fine.*

**E**T confestim, inquit, vidit, et sequebatur illum, magnificans Dominum. Aliter enim non videret, nisi sequeretur Christum, nisi Dominum prædicaret, nisi sæculum præteriret. Cum divitibus quoque in gratiam revertamur. Nolumus enim offendere divites, qui volumus, si fieri potest, sanare omnes : ne in cameli comparatione præstricti, et in Zachæo citius quam oportuit, derelicti, justæ habeant commotionis offensam.

*R.* Domus mea. cxxviii.

*Lectio viij.*

**D**ISCANT divites, non in facultatibus crimen hærere, sed in iis, qui uti nesciant facultatibus. Nam divitiæ ut impedimenta improbis, ita bonis sunt adjumenta virtutis. Dives certe Zachæus, et electus a Christo : sed dimidium bonorum suorum pauperi-

bus largiéndò , reddéndò  
étiam in quádruplum, quæ  
fraude sustúlerat, (áalterum  
enim non sat est, nec  
habet grátiam liberálitas,  
si in júria perseverát, quia  
non spólia, sed dona quæ-  
rúntur) uberiórem mercé-  
dem quam conferébat accé-  
pit.

℞. Lápides pretiósí. cxxix.

Lectio ix.

**E**T bene princeps induci-  
tur publicanórum. Quis  
jam de se despéret, quan-  
do et iste, cui census ex  
fraude, ad salútem pervé-  
nit? Et ipse, inquit, dives.  
Ut scias non omnes dívites  
aváros. Quia statúra pu-  
sillus erat. Quid sibi vult,  
quod nullius altérius sta-  
túram Scriptúra, nisi hu-  
jus expréssit? Vide ne forte  
malítia pusillus, aut ad-  
huc pusillus fide. Nondum  
enim réddere promiserat:  
nondum viderat Christum:  
mérito adhuc pusillus. Joán-  
nes autem magnus, quia  
et Christum vidit, et Spí-  
ritum sicut colúmbam su-  
per Christum manéntem,  
sicut ipse ait: Vidi Spí-  
ritum descendéntem sicut  
colúmbam, et manéntem  
super eum.

Te Deum laudámus. 17.

TERTIA DIE

INFRA OCTAVAM.

In j. Nocturno Lectiones  
de Scriptura occurrente.

In secundo Nocturno.

Sermo sancti Augustini  
Episcopi.

Lectio iv.

Serm. 256. de Temp.

**C**ELEBRITAS hujus congre-  
gatiónis, dedicátio est  
domus oratiónis. Domus er-  
go nostrárum oratiónum  
ista, domus autem Dei nos  
ipsi. Si domus Dei nos ipsi,  
nos in hoc sæculo ædificá-  
mur, ut in fine sæculi dedi-  
cémur. Ædificium, immo  
ædificátio habet labórem,  
dedicátio exultatiónem.  
Quod hic fiébat, quando ista  
surgébant, hoc fit modo,  
cum congregántur credén-  
tes in Christum. Credéndò  
enim, quasi de silvis et  
móntibus ligna et lápides  
præcidúntur: cum vero ca-  
techizántur, baptizántur,  
formántur, tamquam inter  
manus fabrórum et opífi-  
cum dolántur, collineán-  
tur, complanántur. Verúm-  
tamen domum Dómini non  
fáciunt, nisi quando chari-  
táte compaginántur.

℞. Orántibus. cxxv.

Lectio v.

**L**IGNA ista et lápides si  
non sibi certo órdine  
cohærérent, si non se paci-  
fice innécterent, si non se  
invicem, cohæréndo sibi,  
quodámmodo amárent, ne-  
mo huc intráret. Dénique  
quando vides in áliqua fá-  
brica lápides et ligna bene

sibi cohærere, secûrus intras, ruïnâ non times. Volens ergo Dóminus Christus intrare, et in nobis habitare, tamquam ædificando dicebat: Mandatum novum do vobis: Ut vos invicem diligatis. Mandatum, inquit, novum do vobis. Véteres enim eratis, domum mihi nondum faciebatis, in vestra ruína jacebatis. Ergo ut eruâmini a vestræ ruïnæ vetustate, vos invicem amate.

*R.* O quam. cxxvj.

*Lectio vj.*

**C**ONSIDERET ergo châritas vestra ædificari adhuc istam domum toto, sicut prædictum est, et promissum, orbe terrarum. Cum enim ædificatur domus post captivitatem, sicut habet alius Psalmus, dicitur: Cantate Dómino canticum novum: cantate Dómino omnis terra. Quod ibi dixit, canticum novum, hoc Dóminus dixit mandatum novum. Quid enim habet canticum novum, nisi amorem novum? Cantare amantis est. Vox hujus cantoris, fervor est sancti amoris. Amemus, gratis amemus: Dóminum enim amamus, quo nihil melius invenimus: ipsum amemus propter ipsum, et nos in ipso, tamen propter ipsum.

*R.* Mane surgens. cxxvj.

*In tertio Nocturno.*

*Lectio sancti Evangélii  
secundum Lucam.*

*Lectio vij. Cap. 19.*

**I**N illo tempore: Ingressus Jesus perambulabat Jéricho. Et ecce vir nomine Zachæus: et hic princeps erat publicanorum, et ipse dives. Et reliqua.

*De Homilia S. Ambrósii  
Episcopi.*

*Ex l. 8. in Luc. prope fin.*

**Q**UÆ autem turba, nisi imperitæ confusio multitudinis, quæ verticem nequit videre sapientiæ? Ergo Zachæus quamdiu in turba est, non videt Christum: supra turbam ascendit, et vidit: hoc est, plebis jam transgressus insciam, meruit quem desiderabat, asplicere. Pulchre autem addidit: Quia illa parte erat transiturus Dóminus: vel ubi sycomorus, vel ubi crediturus: ut et mystérium servaret, et grâtiâ seminaret. Sic enim venerat, ut per Judæos transiret ad Gentes.

*R.* Domus mea. cxxvij.

*Lectio viij.*

**V**IDIT itaque Zachæum sursum. Jam enim sublimitate fidei inter fructus novorum operum, velut fecundæ altitudine arboris eminēbat. Et quoniam de typo ad moralia defleximus, inter tot credentium voluptates Dominica die re-

laxare animum, festivitatem admiscere deléctat. Zachæus in sycomoro, novum videlicet novi temporis pomum, ut in hoc quoque compleretur illud: Arbor fici produxit grossos suos.

**R.** Lápides pretiösi. cxxix.

**Lectio ix.**

**A**D hoc enim Christus advénit, ut ex lignis non poma, sed homines nascerentur. Lëgimus álibi: Cum esses sub árbore fici, vidi te. Ergo Nathánael sub árbore, hoc est, supra radicem, quia justus. Radix enim sancta. Sub árbore tamen Nathánael, quia sub lege: Zachæus supra árborem, quia supra legem. Ille Dómini occúltus defénsor, hic públicus prædicátor. Ille adhuc Christum ex lege quærébat: iste jam supra legem relinquébat sua, et Dóminum sequebátur.

**Te** Deum laudámus. 17.

**QUARTA DIE**

**INFRA OCTAVAM.**

**In j. Nocturno Lectiones de Scriptura occurrente.**

**In secundo Nocturno.**

De Sermóne sancti Augustini Episcopi.

**Lectio iv.**

**Ex Serm. 256. de Temp.**

**A**TTENDITE in Psalmo dedicationis, quem modo cantávimus ex ruína ædificiórum. Conscidisti saccum meum: hoc pértinet ad ruí-

nam. Quid ergo ad ædificium? Et accinxisti me lætítia. Vox dedicationis: Ut cantet tibi glória mea, et non compungar. Quis est, qui lóquitur? In verbis ejus agnóscite. Si expóno, obsúrum est. Ergo verba ejus dicam, continuo agnoscétis loquéntem, ut amétis alloquéntem. Quis est, qui dicere pótuit: Eruísti, Dómine, ab inferis ánimam meam?

**R.** Orántibus. cxxv.

**Lectio v.**

**C**UJUS ánima jam ab inferis éruta est, nisi de qua dictum est álio loco: Non derelinques ánimam meam in inférno? Propónitur dedicatio, et cantátur liberatio, cánticum dedicationis domus, et dicitur: Exaltábo te, Dómine, quóniam suscepísti me: et non jucundásti inimícos meos super me. Atténdite Judæos inimícos, qui se putábant occidisse Christum, vicisse tamquam inimícum, perdidisse quasi hóminem céteris símilem atque mortálem.

**R.** O quam. cxxvj.

**Lectio vj.**

**R**ESURREXIT tértia die, et ejus vox est: Exaltábo te, Dómine, quóniam suscepísti me. Atténdite Apóstolum, dicéntem: Propter quod eum exaltávit.



Et non jucundasti inimicos meos super me. Ipsi quidem in Christi morte jucundabantur, sed in ejus resurrectione, ascensione, prædicatione aliqui compungebantur. In ejus ergo prædicatione, et per Apostolorum constantiæ diffamationem aliqui compungebantur, et convertebantur: aliqui obdurabantur, et confundebantur, nulli tamen jucundabantur.

*R.* Mane surgens. cxxvj.

*In tertio Nocturno.*

*Lectio sancti Evangelii secundum Lucam.*

*Lectio vij. Cap. 19.*

**I**n illo tempore: Ingressus Jesus perambulabat Jericho. Et ecce vir nomine Zachæus: et hic princeps erat publicanorum, et ipse dives. Et reliqua.

Homilia S. Gregorii Papæ.  
*Lib. 27. Moralium, c. 27.*  
*post medium.*

**S**i veraciter sapientes esse, atque ipsam sapientiam contemplari appetimus, stultos nos humiliter cognoscamus. Relinquamus noxiam sapientiam, discamus laudabilem fatuitatem. Hinc quippe scriptum est: Stulta mundi elegit Deus, ut confundat sapientes. Hinc rursum dicitur: Si quis videtur inter vos sapiens esse in hoc sæculo, stultus fiat, ut sit sapiens. Hinc

Evangelicæ historiæ verba testantur: quia Zachæus cum videre præ turba nihil posset, sycomóri arborem ascendit, ut transeuntem Dominum cerneret. Sycomorus quippe ficus fatua dicitur.

*R.* Domus mea. cxxvij.

*Lectio viij.*

**P**USILLUS itaque Zachæus sycomorum subiit, et Dominum vidit: quia qui mundi stultitiam humiliter eligunt, ipsi Dei sapientiam subtiliter contemplantur. Pusillitatem namque nostram ad videndum Dominum turba præpedit: quia infirmitatem humanæ mentis, ne lucem veritatis intendant, curarum sæcularium tumultus premit. Sed prudenter sycomorum ascendimus, si provide eam, quæ divinitus præcipitur, stultitiam mente tenemus. Quid enim in hoc mundo stultius, quam amissa non quærere, possessa rapiéntibus relaxare, nullam pro acceptis injuriis injuriam reddere, immo adjunctis aliis patientiam præbere?

*R.* Lápides pretiosi. cxxix.

*Lectio ix.*

**Q**UASI enim sycomorum nos ascendere Dominus præcipit, cum dicit: Qui aufert quæ tua sunt, ne répetas. Et rursum: Si quis te percusserit in dé-

xteram maxillam, præbe illi et alteram. Per sycomórum Dóminus tránsiens cérnitur: quia per hanc sapiéntem stultitiam, etsi necdum, ut est sólide, jam tamen per contemplatiónis lumen Dei sapiéntia quasi in tránsitu vidétur, quam vidére né-queunt qui sibi sapiéntes esse vidéntur: quia ad conspiciéndum Dóminum, in eláta cogitatiónum suárum turba deprehénsi, adhuc sycomóri árborem non invenérunt.

Te Deum laudámus. 17.

QUINTA DIE

INFRA OCTAVAM.

In j. Nocturno Lectiones de Scriptura occurrente.

In secundo Nocturno.

De Sermóne S. Augustíni Epíscopi.

Lectio iv.

Ex Serm. 256. de Temp.

**M**ODO, quando impléntur Ecclesiæ, putámus jucundári Judæos? Ecclesiæ ædificántur, dedicántur, impléntur, quómodo illi jucundántur? Non solum non jucundántur, sed étiam confundúntur, et implétur vox exultántis: Exaltábo te, Dómine, quóniam suscepísti me: et non jucundásti inimícos meos super me. Non jucundásti super me: si mihi credant, jucundábis in me. Ne multa dicámus, ad illa, quæ cantávimus, ali-

quándo veniámus. Quómodo dicit Christus: Conscidísti saccum meum, et accinxísti me lætítia? Saccus ejus erat similitúdo carnis peccáti.

ñ. Orántibus. cxxv.

Lectio v.

**N**ON tibi viléscat, quod ait, Saccum meum: ibi erat inclúsum prétium tuum. Conscidísti saccum meum. Evásimus ad saccum istum. Conscidísti saccum meum. In passióne conscíssus est. Quómodo ergo Deo Patri dicitur: Conscidísti saccum meum? Quómodo Patri dicátur, vis audíre: Conscidísti saccum meum? Quia próprio Filio non pepércit, sed pro nobis ómnibus trádidit illum. Fecit enim per Judæos nesciéntes, unde redimeréntur sciéntes, et confunderéntur negántes. Nesciunt enim quid boni nobis operáti sunt in malo suo. Suspénsus est saccus, et quasi lætátus est impius. Consciditsaccum lancea persecútor, et fudit prétium nostrum Redémptor.

ñ. O quam. cxxvj.

Lectio vj.

**C**ANTET Christus Redémptor, gemat Judas vénditor, erubéscat Judæus emptor. Ecce Judas véndidit, Judæus emit, malum negótium egérunt, ambo damnáti sunt, seípsos perdidérunt vénditor et emptor.

Dicat ergo caput nostrum, dicat pro corpore occiso, pro corpore dedicato. Dicat, audiamus : Concidisti sacrum meum, et accinxisti me lætitia : id est, concidisti mortalitatem meam, et accinxisti me immortalitate et incorruptione. Ut cantet tibi gloria mea, et non compungar. Quid est, non compungar? Jam contra me non ferat lanceam persecutor, ut non compungar. Christus enim surgens a mortuis, jam non moritur, et mors illi ultra non dominabitur.

*R.* Mane surgens. cxlvij.

*In tertio Nocturno.*

*Lectio sancti Evangelii secundum Lucam.*

*Lectio vij. Cap. 19.*

**I**N illo tempore : Ingressus Jesus perambulabat Jericho. Et ecce vir nomine Zachæus : et hic princeps erat publicanorum, et ipse dives. Et reliqua.

Homilia venerabilis Bedæ Presbyteri.

*L. 5. c. 77. in Lucæ 19.*

**Q**UÆ impossibilia sunt apud homines, possibilia sunt apud Deum. Ecce enim camelus, deposita gibbi sarcina, per foramen acus transit, hoc est, dives et publicanus, relicto onere divitiarum, contempto censu fraudum, angustam portam, arctamque viam, quæ ad vitam ducit, ascendit.

Qui mira devotione fidei ad videndum Salvatorem, quod natura minus habuerat, ascensu supplet arboris : atque ideo juste, quamvis ipse rogare non audeat, benedictionem Dominicæ suspensionis, quam desiderabat, accepit.

*R.* Domus mea. cxlvij.

*Lectio vij.*

**M**YSTICE autem Zachæus, qui interpretatur justificatus, credentem ex gentibus populum significat. Qui quanto curis sæcularibus occupatior, tanto flagitiis deprimentibus erat factus humilior. Sed ablutus est, sed sanctificatus, sed justificatus in nomine Domini nostri Jesu Christi, et in Spiritu Dei nostri. Qui intrantem Jericho Salvatorem videre quærebat, sed præ turba non poterat : quia gratiæ fidei, quam mundo Salvator attulit, participare cupiebat : sed inolita vitiorum consuetudo, ne ad votum perveniret, obstiterat.

*R.* Lápides pretiosi. cxlix.

*Lectio ix.*

**E**ADEM namque turba noxiæ consuetudinis, quæ supra cæcum clamantem, ne lumen peteret, increpabat, etiam suspicientem publicanum, ne Jesum videat, tardat. Sed sicut cæcus turbarum voces magis ac magis clamando devicit : ita pusil-

lus necesse est turbæ nocentis obstaculum altiôra petendo transcendat, terræna relinquat, arborem crucis ascendant. Sycomôrus namque (quæ est arbor fôliis moro similis, sed altitudine præstans, unde et a Latinis celsa nuncupatur) ficus fâtua dicitur. Et eadem Domínica crux, quæ credentes alit ut ficus, ab incredulis irridetur ut fâtua.

Te Deum laudamus. 17.

### SEXTA DIE

#### INFRA OCTAVAM.

In j. Nocturno Lectiones de Scriptura occurrente.

In secundo Nocturno.

De Sermône S. Augustini

Episcopi.

Lectio iv.

Ex Serm. 236. de Temp.

**E**RGÓ, dum novam constructionem sanctæ hujus Ecclesiæ libenter attendimus, quam divîno nómîni hódie dedicamus, invenimus a nobis debéri et Deo nostro máximam laudem, et sanctitati vestræ congruum de divínæ domus ædificatione sermónem. Tunc autem sermo noster congruus erit, si in se áliquid ædificationis hábeat, quod utilitati animarum vestrarum, Deo vos intérius ædificante, proficiat. Quod hic factum corporáliter videmus in patrietibus, spiritaliter fiat in mentibus : et quod hic per-

féctum cernimus in lapidibus et lignis, hoc, ædificante grátia Dei, perficiatur in corporibus vestris.

¶ Orántibus. cxxv.

Lectio v.

**P**RINCIPALITER ergo grátias agamus Dómino Deo nostro, a quo est omne datum óptimum, et omne donum perféctum : et ejus bonitatem tota cordis alacritate laudémus, quóniam ad construendam istam domum orationis, fidélium suorum visitávit ánimum, excitávit afféctum, surrogávit auxílium, inspirávit necdum voléntibus ut vellent, adjúvit bonæ voluntátis cónatus ut fácerent : ac per hoc Deus, qui operáitur in suis et velle et perfícere pro bona voluntáte, hæc ómnia ipse cœpit, ipse perfécit.

¶ O quam. cxxvj.

Lectio vj.

**E**T quia ópera bona in conspéctu suo numquam esse permittit inánia, fidélibus suis, quibus operántibus præbuit virtutis suæ favórem, tribuet condignam pro tanta operatione mercédem. Adhuc ámplius agendæ sunt grátia Deo nostro. Hanc enim Ecclesiám, quam fecit nómîni suo cónstrui, fecit étiam sanctórum Mártyrum reliquiis ámplius honorári.

¶ Mane. cxxvj.

## In tertio Nocturno.

Lectio sancti Evangelii  
secundum Lucam.

## Lectio vij. Cap. 19.

**I**N illo tempore : Ingressus  
Jesus perambulabat Jéricho. Et ecce vir nomine  
Zachæus : et hic princeps  
erat publicanorum, et ipse  
dives. Et reliqua.

De Homilia venerabilis  
Bedæ Presbyteri.

Lib. 5. c. 77. in Lucæ 19.

**E**T cum venisset ad locum,  
suspiciens Jesus, vidit  
illum. Perambulans Jéricho  
Salvator venit ad locum, ubi  
præcurrens Zachæus sycomorum  
conscenderat : quia  
missis per mundum sui verbi  
præconibus, in quibus  
ipse nimirum et loquebatur  
et ibat, venit ad populum nationum,  
qui passionis ejus fide jam  
sublimis existens, etiam divinitatis  
ejus ardēbat agnita facie beari.  
Suspiciens vidit illum, quia per  
gratiam fidei a terrenis cupiditatibus  
elevatum, turbisque infidelibus  
præeminentem elegit. Videre enim  
Dei, eligere vel amare est.  
Unde est illud: Oculi Domini  
super justos. Nam et nos  
quæ amamus, videre; ab  
his quæ execramur, intuitum  
festinamus avertere.

¶. Domus mea. cxxviii.

## Lectio viij.

**V**IDIT ergo Jesus videntem  
se, quia elegit eligentem

se, et amavit amantem.  
Hunc sane ordinem proficiendi,  
hoc est, per fidem dominicæ  
incarnationis ad cognitionem  
divinitatis perveniendi, quasi per  
sycomorum Jesu faciem speculandi  
Doctor egregius ostendit, cum ait:  
Non enim judicavi scire me aliquid  
inter vos, nisi Christum Jesum, et  
hunc crucifixum. Itaque aliis  
exprobrans: Facti estis, inquit,  
quibus lacte opus sit, non solido cibo.  
Lac infirma temporariæ dispensationis,  
solidum cibum ardua perpetuæ  
majestatis appellans.

¶. Lápides pretiosi. cxxix.

## Lectio ix.

**E**T dixit ad eum: Zachæe,  
festinans descende, quia hodie  
in domo tua oportet me manere.  
Et festinans descendit, et excepit  
illum gaudens. Manebat aliquando  
Dominus in domo principis  
Pharisæorum, hoc est, in Judæorum  
synagoga docebat: sed quia non  
baptizatum ante prandium, sabbato  
curantem, publicanos et peccatores  
recipientem, contra avaritiam  
disputantem, et cætera digna Deo  
gerentem, lingua venenata carpēbant:  
pertæsus eorum facinora, discessit  
et aufugit, dicens: Relinquetur  
vobis domus vestra deserta.  
Hodie autem in domo pu-

silli Zachæi opórtet illum manére : hoc est, novæ lucis grátia coruscante, in húmili credéntium natiónum corde quiescere.

**Te Deum laudamus. 17.**

**SEPTIMA DIE**

**INFRA OCTAVAM.**

**In j. Nocturno Lectiones de Scriptura occurrente.**

**In secundo Nocturno.**

**Sermo sancti Joánnis**

**Chrysóstomi.**

**Lectio iv.**

**Ex Hom. 33. inc. 9. Matth.**

**C**OMMUNIS ómnium domus est Ecclésia, in quam, vobis prius ingræssis, nos intrámus, discipulórum formam retinéntes : ideóque commúnter ómnibus statim atque ingrèssi fuérimus, ut illis datam legem sequámur, pacem offérimus. Nemo ígitur socórdia tórpeat : nemo sæculáribus rebus suspénsus ánimus hábeat, cum jam ad prædicándum sacerdotés intráverint. Non enim parva huic rei imminet pœna. Equidem millies pótius malim in domum alicújus vestrum ingrèssus destítui, quam hic prædicans non audiri. Hoc mihi moléstius esset, quam illud, quandóquidem magis própria hæc est, quam illa.

**Ŕ. Orántibus. cxxv.**

**Lectio v.**

**N**AM hic magnæ illæ nostræ opes pósitæ sunt ;

hic spes nostra omnis. Quid enim hoc loco non magnum est et admirándum ? Nam hæc mensa longe pretiósior est atque jucúndior : et lucérna hæc quam illa, ut norunt qui cum fide óleo perúnti, a morbis liberáti sunt. Arca étiam hæc multo mélior, magisque necessária. Non enim vestes, sed misericórdiã inclúsam cón-tinet : quamvis pauci sint qui eam possideant. Hic et léctulus est valde illo præstántior : divinárum enim Scripturárum réquies quovis lecto suávior est.

**Ŕ. O quam. cxxvj.**

**Lectio vj.**

**E**T quidem si concórdia perfécte servarétur a nobis, nullam áliam domum præter hanc haberémus. Hoc autem quod dixi, non esse durum, testántur illa tria millia et quinque millia hóminum, quibus et domus una, et mensa una, et ánima una erat. Multitúdinis enim credéntium, inquit, unum erat cor, et ánima una. Sed quia longe ab illórum virtúte ábsumus, et per domos disjúnti sumus, saltem quando huc convenimus, id omni stúdio faciámus. Nam etsi in áliis rebus páuperes, et ínopes sumus, hoc loco saltem cum huc ad vos intrámus, cum charitáte nos suscipite : cumque



Pax vobis , dico : Et cum spíritu tuo , non voce solum , sed ánimo quoque respondéte.

**ñ.** Mane surgens. cxxvj.

*In tertio Nocturno.*

*Lectio sancti Evangélíi secundum Lucam.*

*Lectio vij. Cap. 19.*

**I**n illo témpore : Ingréssus Jesus perambulábat Jéricho. Et ecce vir nómine Zachæus : et hic princeps erat publicanórum , et ipse dives. Et réliqua.

*De Homilia venerábilis*

*Bedæ Presbyteri.*

*Paulo post prædicta.*

**E**t cum vidérent omnes , murmurábant, dicéntes, quod ad hóminem peccatórem divertisset. Manifestum est Judæos semper Géntium odisse salutem. Scriptum est enim : Sequénti vero sábbato pene univér-  
sa civitas convénit audíre verbum Dei. Vidéntes autem turbas Judæi , repléti sunt zelo, et contradicébant iis , quæ a Paulo dicebántur. Et álibi , fidéles étiam fratres advérsus Apostolórum príncipem disceptábant , dicéntes : Quare introísti ad viros præpútium habéntes, et manducásti cum illis ?

**ñ.** Domus mea. cxxviiij.

*Lectio viij.*

**S**tans autem Zachæus, dixit ad Dóminum : Ecce

dimídiū bonórum meórum, Dómine, do paupéribus : et si quid áliquem defraudávi, reddo quádruplum. Aliis calumniántibus hóminem peccatórem , ipse Zachæus stans, id est , in ea quam cœperat , fidei veritáte persistens , non solum se ex peccatóre convérsū , sed étiam inter perféctos probat esse conversátum. Dicénte enim Dómino : Si vis perféctus esse, vade, vende ómnia quæ habes , et da paupéribus : quisquis ante conversiónem innocénter vixit, ómnia convérsus potest dare paupéribus.

**ñ.** Lápides pretiósi. cxxix.

*Lectio ix.*

**A**t qui áliqua fraude sústulit , primo hæc juxta legem réddere, deínde quod sibi remánserit, debet dare paupéribus. Ac sic et ipse quia sibi nil rétinet, ómnia sua dispérgit , dat paupéribus , justítia ejus manet in sæculum sæculi. Et hæc est sápiens illa stultítia , quam de sycomóro publicánuſ quasi fructum vitæ légerat : rapta vidélicet réddere, própria relínquere, visibília contémnere , pro invisibílibus étiam mori desideráre , seípsum abnegáre, et ejus , qui necdum videátur , Dómini vestigia sequi concupiscere.

**T**e Deum laudámus. 17.

## IN OCTAVA

## DEDICATIONIS ECCLESIE.

## Duplex.

*Omnia ut in die , præter  
Lectiones ij. Nocturni.*

Ex Epístola prima sancti  
Felícis Papæ Quarti.

## Lectio iv.

*De Consec. dist. 1. c. 2.*

**T**ABERNACULUM Moysen ,  
Dómino præcipiente ,  
fecisse et sacrasse , cum  
mensa et altári ejus , et cé-  
teris vasis et utensílibus ad  
divinum cultum expléndum  
légimus : et non solum di-  
vinis précibus ea sacrasse ,  
sed étiam sancti ólei un-  
ctióne , Dómino jubénte ,  
perlinísse nóvimus. Quáliter  
autem hæc facta sint , et  
quómodo ipsa sacra non álii  
quam sacerdótes sacra un-  
ctióne delibúti , Dominóque  
eum véstibus sanctis sacrá-  
ti , et Levítæ tractábant ,  
ferébant , erigébant et de-  
ponébant ; in ipsis institutió-  
nibus , quæ , jubénte Dómi-  
no , conscriptæ sunt per  
Moysen , in lege Dómini  
reperítur.

*ñ. Orántibus. cxv.*

## Lectio v.

**Q**UALITER ergo David re-  
gum piíssimus amplifi-  
cáverit cultum Dei , et tem-  
plum Dómino ædificáre vo-  
lúerit , sed propter multum  
sánguinem quem effúderat ,  
prohibitus est , et ipse col-  
légerat expénsas : Sálomon

quoque filius ejus , idípsum  
quod ipse fácere optáverat ;  
jubénte et auxiliánte Deo ,  
perfécit , et templum cum al-  
tári , et réliqua ad divinum  
cultum peragéndum conse-  
crávit : in libro Regum lé-  
gitur : Fecit ergo Sálomon  
in témpore illo festivitátem  
célebrem , et omnis Israel  
cum eo , multitúdo magna  
ab intróitu Emath usque ad  
rivum Ægypti , coram Dó-  
mino Deo nostro septem dié-  
bus , et septem diébus , id  
est , quatuórdecim diébus ,  
et in die octáva dimísit pó-  
pulos.

*ñ. O quam. cxxvj.*

## Lectio vj

*De Consec. dist. 1. c. 17.*

**S**OLEMNITATES dedicatió-  
num Ecclesiárum et sa-  
cerdótum , per singulos  
annos solémniter sunt cele-  
brándæ , ipso Dómino ex-  
émplum dante , qui ad festum  
dedicatiónis templi , ómni-  
bus id faciéndi dans for-  
mam , cum réliquis pópulis  
eámdem festivitátem cele-  
bratúrus venit , sicut scri-  
ptum est : Facta sunt encæ-  
nia in Jerosólymis , et hiems  
erat , et ambulábat Jesus in  
templo in pórticu Salomó-  
nis. Quod autem octo dié-  
bus encænia sint celebrán-  
da , in libro Regum , perá-  
cta dedicatióne templi , re-  
periétis.

*ñ. Mane surgens. cxxvj.*

## IN FESTIS

# B. MARIÆ VIRGINIS

PER ANNUM.

---

*Ad Vesperas.*

*Añā.* Dum esset Rex \* in accúbitu suo , nardus mea dedit odórem suavitátis.

*Psalmus 109.*

**D**IXIT Dóminus Dómino meo : \* Sede a dextris meis :

Donec ponam inimicos tuos , \* scabéllum pedum tuórum.

Virgam virtútis tuæ emittet Dóminus ex Sion : \* domináre in médio inimicórum tuórum.

Tecum princípium in die virtútis tuæ in splendóribus sanctórum : \* ex útero ante luciferum genui te.

Jurávit Dóminus , et non pœnitébit eum : \* Tu es sacerdos in ætérnum secundum órđinem Melchisedech.

Dóminus a dextris tuis , \* confrégit in die iræ suæ reges.

Judicábit in natióibus , implebit ruínas : \* conquasábit cápita in terra multórum.

De torrénite in via bibet : \* proptérea exaltábit caput.

*Añā.* Dum esset Rex in accúbitu suo , nardus mea dedit odórem suavitátis.

*Añā.* Læva ejus \* sub cápite meo , et délixtera illius amplexábitur me.

*Psalmus 112.*

**L**AUDATE, púeri, Dóminum : \* laudáte nomen Dómini. Sit nomen Dómini benedíctum , \* ex hoc nunc , et usque in sæculum.

A solis ortu usque ad occásum , \* laudábile nomen Dómini.

Excélsus super omnes gentes Dóminus , \* et super cœlos glória ejus.

Quis sicut Dóminus Deus noster , qui in altis hábitat , \* et humília respicit in cœlo et in terra ?

Súscitans a terra ínopem , \* et de stércore érigens páuperem :

Ut cóllocet eum cum princípibus , \* cum princípibus pópuli sui.

Qui habitáre facit stérilem in domo , \* matrem filiórum lætántem.

**Añā.** Læva ejus sub cápite meo : et dēxtera illius amplexábitur me.

**Añā.** Nigra sum , \* sed formósa, filiæ Jerúsalem : ideo diléxit me Rex , et introdúxit me in cubículum suum.

**Psalmus 121.**

**L**ÆTATUS sum in his , quæ dicta sunt mihi : \* In domum Dómini ibimus.

**S**TANTES erant pedes nostri , \* in átriis tuis Jerúsalem.

**J**erúsalem , quæ ædificá-tur ut civitas : \* cujus participátio ejus in idípsum.

**I**lluc enim ascendérunt tribus , tribus Dómini : \* testimonium Israel ad confiténdum nómini Dómini.

**Q**uia illic sedérunt sedes in judício , \* sedes super domum David.

**R**ogáte quæ ad pacem sunt Jerúsalem : \* et abundantia diligéntibus te.

**F**iat pax in virtúte tua : \* et abundantia in túrribus tuis.

**P**ropter fratres meos , et próximos meos , \* loquébar pacem de te.

**P**ropter domum Dómini Dei nostri , \* quæsiui bona tibi.

**Añā.** Nigra sum , sed formósa, filiæ Jerúsalem : ideo diléxit me Rex , et introdúxit me in cubículum suum.

**Añā.** Jam hiems tránsiit , \* imber ábiit , et recéssit : surge , amica mea , et veni.

AUTUMNALIS.

**Psalmus 126.**

**N**ISI Dóminus ædificáverit domum , \* in vanum laboravérunt qui ædificant eam.

**N**isi Dóminus custodierit civitatem , \* frustra vigilat qui custódit eam.

**V**anum est vobis ante lucem súrgere : \* súrgite postquam sedéritis , qui manducátis panem dolóris.

**C**um déderit diléctis suis somnum : \* ecce heréditas Dómini , filii ; merces , fructus ventris.

**S**icut sagittæ in manu poténtis : \* ita filii excussórum.

**B**eátus vir qui implévit desiderium suum ex ipsis : \* non confundétur cum loquétur inimicis suis in porta.

**Añā.** Jam hiems tránsiit , imber ábiit et recéssit : surge , amica mea , et veni.

**Añā.** Speciósā facta es \* et suávis in deliciis tuis , sancta Dei Génitrix.

**Psalmus 147.**

**L**AUDA , Jerúsalem , Dóminus : \* lauda Deum tuum Sion.

**Q**uóniam confortávit seras portárum tuárum : \* benedixit filiis tuis in te.

**Q**ui pósuit fines tuos pacem : \* et ádipe fruménti satiát te.

**Q**ui emittit elóquium suum terræ : \* velóriter currit sermo ejus.

**Q**ui dat nivem sicut la-

K

nam : \* nébulam sicut cinerem spargit.

Mittit crystallum suam sicut buccellas : \* ante faciem frigoris ejus quis sustinēbit ?

Emittet verbum suum , et liquefaciet ea : \* flabit spiritus ejus , et fluent aquae.

Qui annúntiat verbum suum Jacob : \* justitias et judicia sua Israel.

Non fecit taliter omni nationi : \* et judicia sua non manifestávit eis.

**Añã.** Speciosa facta es et suavis in deliciis tuis , sancta Dei Génitrix.

**Capitulum.** Eccli. 24. b

**A** B initio , et ante sæcula creata sum , et usque ad futurum sæculum non desinam , et in habitatione sancta coram ipso ministravi.

**ñ.** Deo grátias.

**Hymnus.**

**A**VE maris stella ,  
Dei Mater alma ,  
Atque semper virgo ,  
Felix cœli porta .

Sumens illud Ave

Gabrielis ore ,

Funda nos in pace ,

Mutans Hevæ nomen .

**S**olve vincla reis ,

Profer lumen cæcis ,

Mala nostra pelle ,

Bona cuncta posce .

**M**onstra te esse matrem ,

Sumat per te preces ,

Qui pro nobis natus

Tulit esse tuus .

Virgo singulâris ,

Inter omnes mitis ,

Nos culpis solutos

Mites fac et castos .

**V**itam præsta puram ,

Iter para tutum ,

Ut vidētes Jesum ,

Semper collætémur .

**S**it laus Deo Patri ,

Summo Christo decus ,

Spirítui sancto ,

Tribus honor unus . Amen .

**ñ.** Dignare me laudare te ,

Virgo sacrata . **ñ.** Da mihi

virtutem contra hostes tuos .

**Ad Magnificat, Añã.**

Sancta María , succurre miseris , juva pusillânes , réfove flébiles , ora pro pópulo , intérvēni pro clero . intécede pro devoto femineo sexu : sentiant omnes tuum juvâmen , quicumque celebrant tuam sanctam festivitatem .

In fine hujus Añæ et **ñ. vij.** loco tuam sanctam festivitatem , **dicitur :**

In Festo B. M. V. de monte Carmelo , tuam solémnem commemorationem .

**Oratio.**

**C**ONCEDE nos famulos tuos , quæsumus Dómine Deus , perpétua mentis et cörperis sanitáte gaudere : et gloriósa beátæ Mariæ semper Vírginis intercessióne , a præsentí liberári tristítia , et ætérna pérfrui lætítia . Per Dóminum .

**Ad Complet. et Horas, in fine Hymnorum dicitur :**

Jesu, tibi sit glória,  
Qui natus es de Virgine,  
Cum Patre, et almo Spíritu,  
In sempitérna sæcula. Am.

Ad Matutinum, Invitat.  
Sancta María, Dei Génitrix  
Virgo,\* Intercéde pro nobis.  
Ps. Venite. 2.

Hymnus.

**Q**UEM terra, pontus, sí-  
dera  
Colunt, adórant, prædicant,  
Trinam regéntē máchinam  
Clastrum Mariæ bájulat.  
Qui luna, sol, et ómnia  
Deserviunt per témpora,  
Perfusa cœli grátia,  
Gestant puellæ viscera.  
Beáta Mater, múnere  
Cujus supérnus Artifex  
Mundum pugillo cóntinens,  
Ventris sub arca clausus est.  
Beáta cœli nüntio,  
Fœcúnda sancto Spíritu,  
Desiderátus géntibus  
Cujus per alvum fusus est.  
Jesu, tibi sit glória,  
Qui natus es de Virgine,  
Cum Patre, et almo Spíritu,  
In sempitérna sæcula.

Amen.

In primo Nocturno.

**Añá.** Benedícta tu \* in mu-  
liéribus, et benedíctus fru-  
ctus ventris tui.

Psalmus 8.

**D**OMINE Dóminus noster, \*  
quam admirábile est no-  
men tuum in univérsa terra!  
Quóniam eleváta est ma-  
gnificéntia tua, \* super cœ-  
los.

**E**x ore infántium et la-  
eténtium perfecisti laudem  
propter inimicos tuos, \* ut  
déstruas inimicum et ultó-  
rem.

**Q**uóniam vidébo cœlos tuos,  
ópera digitórum tuórum :  
\* lunam et stellas, quæ tu  
fundásti.

**Q**uid est homo, quod me-  
mor es ejus? \* aut filius hó-  
minis, quóniam vísitas eum?  
**M**inuísti eum paulo minus  
ab Angelis, glória et honóre  
coronásti eum : \* et con-  
stituísti eum supér ópera  
mánuum tuárum.

**O**mnia subjectisti sub pé-  
dibus ejus, \* oves et boves  
univérsas : insuper et pé-  
cora campi.

**V**ólucres cœli, et pisces  
maris, \* qui perámbulant  
sémitas maris.

**D**ómine Dóminus noster,  
\* quam admirábile est no-  
men tuum in univérsa terra!

**Añá.** Benedícta tu in mu-  
liéribus, et benedíctus fru-  
ctus ventris tui.

**Añá.** Sicut myrrha \* elé-  
cta odórem dedísti suavi-  
tátis, sancta Dei Génitrix.

Psalmus 48.

**C**OELI enarrant glóriam  
Dei, \* et ópera mánuum  
ejus annúntiat firmamén-  
tum.

**D**ies diéi erúctat verbum,  
\* et nox nocti índicat scién-  
tiam.

**N**on sunt loquélæ, neque



sermões, \* quorum non audiántur voces eórum.

In omnem terram exívit sonus eórum : \* et in fines orbis terræ verba eórum.

In sole pòsuit tabernáculum suum : \* et ipse tamquam sponsus procedens de thálamo suo :

Exultávit ut gigas ad curréndam viam , \* a summo cœlo egréssio ejus :

Et occûrsus ejus usque ad summum ejus : \* nec est qui se abscondat a calore ejus.

Lex Dómini immaculata, convértens ánimas : \* testimónium Dómini fidèle, sapiéntiam præstans párvulis.

Justitiæ Dómini rectæ, lætificántes corda : \* præcéptum Dómini lúcidum, illúminans óculos.

Tímor Dómini sanctus, pèrmanens in sæculum sæculi : \* judicia Dómini vera, justificata in semetípse.

Desiderabilia super aurum et lápidem pretiósus multum : \* et dulcióra super mel et favum.

Etenim servus tuus custódit ea , \* in custodiéndis illis retribútio multa.

Delicta quis intélligit ? ab occúltis meis munda me : \* et ab aliénis parce servo tuo.

Si mei non fúerint dominati, tunc immaculátus ero : \* et emundabor a delicto máximo.

Et erunt ut compláceant elóquia oris mei : \* et meditátio cordis mei in conspéctu tuo semper.

Dómine adjutor meus , \* et redémptor meus.

**Añs.** Sicut myrrha elécta odórem dedisti suavitátis , sancta Dei Génitrix.

**Añs.** Ante torum \* hujus Virginis frequentáte nobis dulcia cántica drámatís.

**Psalmus 23.**

**D**OMINI est terra, et plenitúdo ejus , \* orbis terrarum, et univérsti qui hábitant in eo.

Quia ipse super mária fundávit eum : \* et super flúmina præparávit eum.

Quis ascéndet in montem Dómini ? \* aut quis stabit in loco sancto ejus ?

Innocens mánibus, et mundo corde, \* qui non accépit in vano ánimam suam, nec jurávit in dolo próximo suo.

Hic accípiet benedictiónem a Dómino : \* et misericórdiam a Deo salutári suo.

Hæc est generátio quæréntium eum , \* quæréntium faciém Dei Jacob.

Attóllite portas, príncipes, vestras , et elevámini portæ æternáles : \* et introíbit Rex glóriæ.

Quis est iste Rex glóriæ ? \* Dóminus fortis et potens : Dóminus potens in prælio.

Attóllite portas, príncipes,

vestras, et elevámini portæ æternáles : \* et introibit Rex glóriæ.

Quis est iste Rex glóriæ ? \* Dóminus virtútum ipse est Rex glóriæ.

**Ant.** Ante torum hujus Virginitis frequentáte nobis dúlcia cántica drámatis.

**Y.** Spécie tua, et pulchritúdine tua. **R.** Inténde, prospere procéde, et regna.

De Parábolis Salomónis.

**Lectio j. Cap. 8. b et 9.**

**E**GO sapiéntia hábito in consílio, et eruditis intérsu cogitatióibus. Timor Dómini odit malum ; arrogántiam, et supérbiam, et viam pravam, et os bilínque detéstor. Meum est consílium et æquitas, mea est prudéntia, mea est fortitúdo. Per me reges regnant, et legum conditóres justa decérnunt. Per me príncipes imperant, et poténtes decérnunt justítiam. Ego diligéntes me diligo, et qui mane vigilant ad me, invénient me.

**R.** Sancta et immaculáta virginitas, quibus te láudibus éfferam néscio : \* Quia quem coeli cápere non póterant, tuo grémio contulisti. **V.** Benedicta tu in muliéribus, et benedictus fructus ventris tui. Quia.

**Lectio ij.**

**M**ECUM sunt divitiæ, et glória, opes supérbæ et

justítia. Mélior est enim fructus meus auro, et lápide pretiósó, et genímína mea argénto elécto. In viis justitiæ ámbulo, in médio semitárum judícii, ut ditem diligéntes me, et thesáuros eórum répleam. Dóminus possédit me in initio viárum suárum, ántequam quidquam fáceret a princípio. Ab ætérno ordináta sum, et ex antiquis ántequam terra fieret. Nondum erant abyssi, et ego jam concépta eram, necdum fontes aquárum erúperant ; necdum montes gravi mole constítierant, ante colles ego parturiébar.

**R.** Congratulámini mihi omnes qui dilígitis Dóminum, quia cum essem párvula, plácuí Altíssimo : \* Et de meis viscéribus génui Deum et hóminem. **V.** Beátam me dicent omnes generatiónes, quia ancíllam húmílem respéxit Deus. Et.

**Lectio iij.**

**B**EATUS homo qui audit me, et qui vígilat ad fores meas quotidie, et obsérvat ad postes óstii mei. Qui me invénerit, invéniet vitam, et háuriet salútem a Dómino : qui autem in me peccáverit, lædet ánimam suam. Omnes, qui me odérunt, dilígunt mortem. Sapiéntia ædificávit sibi domum, excídit columbas septem. Immolávit víctimas

suas, miscuit vinum, et propósuit mensam suam. Misit ancillas suas ut vocarent ad arcem, et ad mœnia civitátis. Si quis est pàrvulus, véniat ad me. Et insipiéntibus locúta est: Veníte, comédite panem meum, et bíbite vinum quod miscui vobis.

**R.** Beáta es, Virgo María, quæ Dóminum portásti Creatórem mundi: \* Genuísti qui te fecit, et in ætérnum pérmanes virgo.

**Ÿ.** Ave María, grátia plena: Dóminus tecum. Genuísti. Glória Patri. Genuísti.

**In secundo Nocturno.**

**Añá.** Spécie tua, \* et pulchritúdine tua inténde, prospere procéde, et regna.

**Psalmus 44.**

**E**RUCTAVIT cor meum verbum bonum: \* dico ego ópera mea Regi.

Lingua mea cálamus scribæ, \* velóriter scribéntis.

Speciósus forma præ filiis hóminum, diffúsa est grátia in lábiis tuis: \* proptérea benedixit te Deus in ætérnū.

Accingere gládio tuo super femur tuum, \* potentissime.

Spécie tua et pulchritúdine tua \* inténde, prospere procéde, et regna.

Propter veritátem, et mansuetúdinem, et justitiam: \* et dedúcet te mirábiliter dextera tua.

Sagittæ tuæ acútæ, pópuli

sub te cadent: \* in corda inimicórum regis.

Sedes tua Deus in sæculum sæculi: \* virga directionis virga regni tui.

Dilexisti justitiam, et odisti iniquitátem: \* proptérea unxit te Deus, Deus tuus óleo lætitiæ præ consórtibus tuis.

Myrrha, et gutta, et cássia a vestiméntis tuis, a dómibus ebúrneis: \* ex quibus delectavérunt te filii regum in honóre tuo.

Astitit regina a dextris tuis in vestítu deauráto: \* circumdata varietáte.

Audi, filia, et vide, et inclína aurem tuam: \* et oliviscere pópulum tuum, et domum patris tui.

Et concupíscet Rex decórem tuum: \* quóniam ipse est Dóminus Deus tuus, et adorábunt eum.

Et filiæ Tyri in munéribus \* vultum tuum deprecabúntur: omnes divites plebis.

Omnis glória ejus filiæ Regis ab intus, \* in fimbriis áureis circumamícta varietátibus.

Adducéntur Regi vírgines post eam: \* próximæ ejus afferéntur tibi.

Afferéntur in lætítia et exultatióne: \* adducéntur in templum Regis.

Pro pátribus tuis nati sunt tibi filii: \* constitues eos príncipes super omnē terrā.

Mémores erunt nóminis tui:

\* in omni generatióne et generatióne.

**Propterea** pópuli confitebuntur tibi in ætérnum : \* et in sæculum sæculi.

**Añã.** Spécie tua, et pulchritúdine tua inténde, prospere procéde, et regna.

**Añã.** Adjuvabit eam \* Deus vultu suo : Deus in médio ejus, non commovébitur.

**Psalmus 45.**

**D**EUS noster refúgium, et virtus : \* adjutor in tribulationibus, quæ invenerunt nos nimis.

**Propterea** non timébimus dum turbábitur terra : \* et transferéntur montes in cor maris.

**Sonuérunt**, et turbatæ sunt aquæ eórum : \* conturbati sunt montes in fortitúdine ejus.

**Flúminis** impetus lætificat civitátem Dei : \* sanctificavit tabernáculum suum Altíssimus.

**Deus** in médio ejus non commovébitur, \* adjuvabit eam Deus mane dilúculo.

**Conturbatæ** sunt gentes, et inclináta sunt regna : \* dedit vocem suam, mota est terra.

**Dóminus** virtútū nobiscum : \* suscepitor noster Deus Jacob.

**Venite**, et vidéte ópera Dómini, quæ pósuit prodigia super terram : \* áuferens bella usque ad finem terræ.

**Arcum** cónteret, et confrin-

get arma : \* et scuta combúret igni.

**Vacáte**, et vidéte quóniam ego sum Deus : \* exaltabor in géntibus, et exaltabor in terra.

**Dóminus** virtútum nobiscum : \* suscepitor noster Deus Jacob.

**Añã.** Adjuvabit eam Deus vultu suo : Deus in médio ejus, non commovébitur.

**Añã.** Sicut lætántium \* ómnium nostrum habitatio est in te, sancta Dei Génitrix.

**Psalmus 86.**

**F**UNDAMENTA ejus in montibus sanctis : \* diligit Dóminus portas Sion super ómnia tabernácula Jacob.

**Gloriosa** dicta sunt de te, \* civitas Dei.

**Memor** ero Rahab, et Baby-lónis \* sciéntium me.

**Ecce** alienígenæ, et Tyrus, et pópulus Æthiopum, \* hi fuérunt illic.

**Numquid** Sion dicet : Homo, et homo natus est in ea, \* et ipse fundivit eā Altíssimus ?

**Dóminus** narrábit in scriptúris populórum, et principum : \* horum, qui fuérunt in ea.

**Sicut** lætántium ómnium \* habitatio est in te.

**Añã.** Sicut lætántium ómnium nostrum habitatio est in te, sancta Dei Génitrix.

**Y.** Adjuvabit eam Deus vultu suo. **R.** Deus in médio ejus, non commovébitur.

Sermo sancti Joannis  
Chrysostomi.

*Lectio iv.*

*Apud Metaphrasten.*

**D**EI Filius non divitem  
aut locupletem aliquam  
feminam sibi matrem elé-  
git, sed beatam Virginem  
illam, cujus anima virtuti-  
bus ornata erat. Cum enim  
beata Maria supra omnem  
humanam naturam casti-  
tatem servaret, propterea  
Christum Dominum in ven-  
tre concepit. Ad hanc igitur  
sanctissimam Virginem et  
Dei Matrem accurrentes,  
ejus patrocinii utilitatem  
assequamur. Itaque quæ-  
cumque estis virgines, ad  
Matrem Domini confugite.  
Illa enim pulcherrimam,  
pretiosissimam et incorru-  
ptibilem possessionem pa-  
trrocínio suo vobis conser-  
vabit.

*¶* Sicut cedrus exaltata  
sum in Libano, et sicut cy-  
pressus in monte Sion :  
quasi myrrha electa, \* Dedi  
suavitatem odoris. *¶* Et  
sicut cinnamomum et bál-  
samum aromatizans. Dedi.

*Lectio v.*

**M**AGNUM revéra miracu-  
lum, fratres dilectissi-  
mi, fuit beata semper virgo  
Maria. Quid namque illa  
majus aut illustrius ullo  
umquam tempore inventum  
est, seu aliquando inveniri  
póterit? Hæc sola cælum ac

terram amplitudine superá-  
vit. Quidnam illa sanctius?  
Non Prophætæ, non Apó-  
stoli, non Mártires, non  
Patriarchæ, non Angeli,  
non Throni, non Domina-  
tiones, non Séraphim, non  
Chérubim : non dénique  
aliud quidpiam inter creá-  
tas res visibiles aut invisí-  
biles, majus aut excellentius  
inveniri potest. Eadem an-  
cilla Dei est et Mater : éa-  
dem virgo et génitrix.

*¶* Quæ est ista, quæ pro-  
cèssit sicut sol, et formó-  
sa tamquam Jerúsalem?

\* Vidérunt eam filiæ Sion,  
et beatam dixerunt, et Re-  
ginæ laudavérunt eam. *¶*  
Et sicut dies verni circúm-  
dabant eam flores rosárum,  
et lilia convállium. Vidérunt.

*Lectio vj.*

**H**ÆC ejus mater est, qui a  
Patre ante omne prin-  
cipium génitus fuit, quem  
Angeli et hómines agnóscunt  
Dóminum rerum ómnium.  
Visne cognóscere quanto  
Virgo hæc præstantior sit  
cœlestibus Poténtiis? Illæ  
cum timóre et tremóre as-  
sistunt, faciém velántes  
suam : hæc humanum genus  
illi offert, quem genuit. Per  
hanc et peccatórum véniam  
conséquimur. Ave igitur ma-  
ter, cælum, puélla, virgo,  
thronus, Ecclesiæ nostræ  
decus, glória et firmamén-  
tum, assidue pro nobis

precāre Jesum Filium tuum, et Dóminum nostrum : ut per te misericórdiam invenire in die judicii, et quæ repósita sunt iis, qui diligunt Deum, bona cónsequi possimus, grátia et benignitáte Dómini nostri Jesu Christi : cum quo Patri simul et sancto Spiritui glória, et honor, et impérium nunc et semper in sæcula sæculórum. Amen.

**R.** Ornátam monilibus filiam Jerúsalem Dóminus concupivit : \* Et vidéntes eam filiae Sion beatíssimam prædicavérunt, dicéntes : \* Unguentum effúsū nomen tuū.

**V.** Astitit Regina a dextris tuis in vestitu deauráto, circúmdata varietáte. Et. Glória Patri. Unguentum.

*In tertio Nocturno.*

**Añā.** Gaude, María Virgo, \* cunctas hæreses sola interemisti in univérso mundo.

**Psalmus 95**

**C**ANTATE Dómino cánticum novum : \* cantáte Dómino, omnis terra.

Cantáte Dómino, et benedicite nómini ejus : \* annuntiáte de die in diem salutare ejus.

Annuntiáte inter gentes glóriam ejus, \* in ómnibus pópulis mirabilia ejus.

Quóniam magnus Dóminus, et laudábilis nimis : \* terribilis est super omnes deos.

Quóniam omnes dii gén-

tium daemónia : \* Dóminus autem cœlos fecit.

Conféssio, et pulchritúdo in conspéctu ejus : \* sanctimónia et magnificéntia in sanctificatióne ejus.

Afférte Dómino pátriæ géntium, afférte Dómino glóriam et honórem : \* afférte Dño glóriam nómini ejus.

Tóllite hóstias, et introíte in átria ejus : \* adoráte Dóminum in átrio sancto ejus.

Commovéatur a fácie ejus univérsa terra ; \* dícite in géntibus quia Dóminus regnávit.

Etenim corréxit orbē terræ, qui non commovébitur : \* judicábit pópulos in æquitáte.

Læténtur cœli, et exúltet terra, commovéatur mare, et plenitúdo ejus : \* gaudébunt campi, et ómnia, quæ in eis sunt.

Tunc exultábunt ómnia ligna silvárum a fácie Dómini, quia venit : \* quóniam venit judicare terram.

Judicábit orbem terræ in æquitáte, \* et pópulos in veritate sua.

**Añā.** Gaude, María Virgo, cunctas hæreses sola interemisti in univérso mundo.

**Añā.** Dignáre me \* laudáre te, Virgo sacráta : da mihi virtútem contra hostes tuos.

**Psalmus 96.**

**D**OMINUS regnávit, exúltet terra : \* læténtur insulæ multæ.



**N**ubes, et caligo in circúitu ejus : \* justítia et judícium corrécio sedis ejus.

**I**gnis ante ipsum præcédet, \* et inflammábit in circúitu inimícos ejus.

**I**lluxérunt fúlgura ejus orbi terræ : \* vidit, et commóta est terra.

**M**ontes sicut cera fluxérunt a fácie Dómini : \* a fácie Dómini omnis terra.

**A**nnuntiavérunt cœli justítiam ejus : \* et vidérunt omnes pópuli glóriam ejus.

**C**onfundántur omnes qui adórant sculptília : \* et qui gloriántur in simulácris suis.

**A**doráte eum, omnes Angeli ejus : \* audívit, et lætáta est Sion.

**E**t exultavérunt filiæ Judæ, \* propter judícia tua, Dómine : Quóniam tu Dóminus altissimus super omnem terram : \* nimis exaltátus es super omnes deos.

**Q**ui diligitis Dóminum, odíte malum : \* custódit Dóminus ánimas sanctórum suórum, de manu peccatóris liberábit eos.

**L**ux orta est justo, \* et rectis corde lætítia.

**L**ætámini, justí, in Dómino : \* et confitémini memóriæ sanctificatiónis ejus.

**Añã.** Dignáre me laudáre te, Virgo sacráta : da mihi virtútem contra hostes tuos.

**Añã.** Post partum \* Virgo in-

violáta permansísti : Dei Génitrix, intercède pro nobis.

**Psalmus 97.**

**C**ANTATE Dómino cánticum novum : \* quia mirabília fecit.

**S**alvávít sibi délixtera ejus, \* et bráchium sanctum ejus.

**N**otum fecit Dóminus salutare suum : \* in conspéctu géntium revelávit justítiam suam.

**R**ecordátus est misericórdiæ suæ, \* et veritátis suæ dómui Israel.

**V**idérunt omnes términi terræ \* salutare Dei nostri.

**J**ubiláte Deo, omnis terra : \* cantáte, et exultáte, et psállite.

**P**sállite Dómino in cithara, in cithara et voce psalmi : \* in tubis ductílibus, et voce tubæ córneæ.

**J**ubiláte in conspéctu Regis Dómini : \* moveátur mare, et plenitúdo ejus : orbis terrárum, et qui hábitant in eo.

**F**lúmina plaudent manu, simul montes exultábunt a conspéctu Dómini : \* quóniam venit judicáre terram.

**J**udicábit orbem terrárum in justítia, \* et pópulos in æquitáte.

**Añã.** Post partum Virgo invioláta permansísti : Dei Génitrix, intercède pro nobis.

**Ÿ.** Elégit eam Deus, et præelégit eam. **R.** In tabernáculo suo habitáre facit eam.

Lectio sancti Evangélíi  
secúndum Lucam.

Lectio vij. Cap. 11. d

**I**N illo témpore : Loquente  
Jesu ad turbas , extóllens  
vocem quædam mûlier de  
turba, dixit illi : Beátus ven-  
ter, qui te portávit. Et ré-  
liqua.

Homilia venerábilis Bedæ  
Presbyteri.

Lib. 4. cap. 49. in Luc. 11.

**M**AGNÆ devotiõnis et fidei  
hæc mûlier osténditur,  
quæ Scribis et Pharisæis Dó-  
minum tentántibus, simul et  
blasphemántibus, tanta ejus  
incarnatiõnem præ ómnibus  
sinceritáte cognóscit, tanta  
fidúcia confitétur, ut et  
præséntium prócerum calú-  
mniã, et futurórum con-  
fúndat hæreticórum perfí-  
diam. Nam sicut tunc Judæi,  
sancti Spíritus ópera bla-  
sphemándo, verum consub-  
stantialémque Patri Dei Fí-  
lium negábant: sic hæretici  
póstea negándo, Mariã  
semper vírginem, Sancti Spí-  
ritus operánte virtúte, na-  
scitúro cum humánis mem-  
bris Unigénito Dei, carnis  
suæ matériã ministrásse,  
verum consubstantialémque  
matri fílium hóminis fatéri  
non debére dixerunt.

℞. Felix namque es, sacra  
Virgo María, et omni laude  
digníssima: \* Quia ex te  
ortus est sol justitiæ, Chri-  
stus Deus noster. ʒ. Ora pro

pópulo, intérvēni pro clero,  
intercéde pro devóto femíneo  
sexu: séntiant omnes tuum  
juvãmen, quicúmque céle-  
brant tuam sanctam Festi-  
vitátem. Quia. Bened. Cujus  
festum cólimus.

Lectio viij.

**S**ED si caro Verbi Dei se-  
cúndum carnem nascéntis  
a carne Vírginis Matris pro-  
nuntiátur extránea, sine  
causa venter qui eam por-  
táset, úbera quæ lactás-  
sent, beatificántur. Dicit  
autem Apóstolus: Quia mi-  
sit Deus Fílium suum fa-  
ctum ex muliere, factum  
sub lege. Neque audiéndi  
sunt qui legéndum putant:  
Natum ex muliere, factum  
sub lege: sed, Factum ex  
muliere, quia concéptus ex  
útero virgináli, carnem  
non de níhilo, non aliúnde,  
sed matérna traxit ex carne:  
alióquin nec vere Fílius  
hóminis dicerétur, qui ori-  
ginem non habéret ex hó-  
mine. Et nos igitur his con-  
tra Eutychem dictis, ex-  
tollámus vocem cum Ecclé-  
sia Cathólica, cujus hæc  
mûlier typum gessit, ex-  
tollámus et mentem de mé-  
dio turbárum, dicamúsque  
Salvatóri: Beátus venter  
qui te portávit, et úbera,  
quæ suxísti. Vere enim  
beáta parens, quæ, sicut  
quidam ait: Eníxa est puér-  
pera Regem, qui cœlum

terrámque tenet per sæcula.

**ŷ.** Beátam me dicent omnes generationes : \* Quia fecit mihi Dóminus magna qui potens est, et sanctum nomen ejus. **ŷ.** Et misericórdia ejus a progénie in progénies timéntibus eum. Quia. Glória Patri. Quia.

**Lectio ix.**

**Q**UINIMMO beáti qui audiunt verbum Dei, et custódiunt. Pulchre Salvátor attestatióni mulieris annuit, non eam tantúmmodo quæ Verbum Dei corporáliter generáre merúerat, sed et omnes, qui idem Verbum spiritaliter audítu fidei concipere, et boni óperis custódia vel in suo vel in proximórum corde párrere, et quasi álere studúerint, assevérans esse beátos : quia et éadem Dei Génitrix, et inde quidem beáta, quia Verbi incarnándi mínistra facta est temporális : sed inde multo beátior, quia ejúsdem semper amándi custos manébat æténa.

**Ite Deum laudámus. 17.**

**AD LAUDES,**

**et per Horas. Aññ.**

**1.** Dum esset Rex \* in acúbitu suo, nardus mea dedit odórem suavitátis.

**Psalm.** Dóminus regnávit, cum reliquis de Domínica. 18.

**2** Læva ejus \* sub cápite

meo, et dextera illius amplexábitur me.

**3.** Nigra sum, \* sed formósa, filiæ Jerúsalem : ideo diléxit me Rex, et introduxit me in cubiculum suum.

**4.** Jam hiems tránsiit, imber ábiit et recéssit : surge, amíca mea, et veni.

**8.** Speciósá facta es \* et suávis in deliciis tuis, sancta Dēi Génitrix.

**Capit. Eccli. 24. b**

**A**B infitio, et ante sæcula creáta sum, et usque ad futúrum sæculum non désinam, et in habitatióne sancta coram ipso ministrávi.

**Hymnus.**

**O** gloriósa virginum, Sublímis inter sídera, Qui te creávit, párvulum Lacténte nutris úbere.

**Q**uod Heva tristis ábstulit. Tu reddis almo gérmine : Intrent ut astra flébiles, Cœli reclúdis cárdines.

**Tu** Regis alti jánuá, Et aula lucis fúlgida : Vitam datam per Virginem Gentes redéemptæ pláudite. Jesu, tibi sit glória, Qui natus es de Virgine. Cum Patre, et almo Spíritu, In sempitérna sæcula.

Amen.

**ŷ.** Diffúsa est grátia in lábiis tuis. **Ŕ.** Proptérea benedixit te Deus in ætérnum.

**Ad Benedictus. Aññ.**

Beáta es, María, quæ credidisti : perficiéntur in te,

quæ dicta sunt tibi a Dó-  
mino, allelúia.

**Oratio.**

**C**ONCEDE nos fámulos tuos,  
quæsumus Dómine Deus,  
perpétua mentis et córporis  
sanitate gaudere: et gloriósa  
beátæ Mariæ semper Virgi-  
nis intercessióne, a præsen-  
ti liberári tristítia, et ætérna  
pérfrui lætítia. Per Dñum.

**Ad Primam, in R̃. br. Ÿ.**  
Qui natus es de María Vir-  
gine, **etiam in Festis infra**  
**Octavas B. M. V.**

**Ad Tertiam, Añā.**

Læva ejus.

**Capit. Ab initio, supra.**

**R̃. br.** Spécie tua, \* Et pul-  
chritúdinetua. Spécie. **Ÿ.** In-  
téndc, prospere procéde, et  
regna. Et. **Glória Patri.** Spé-  
cie. **Ÿ.** Adjuvábít eam Deus  
vultu suo. **R̃.** Deus in médio  
ejus, non commovébitur.

**Ad Sextam, Añā.**

Nigra sum.

**Capit. Eccli. 24. b**

**E**T sic in Sion firmáta sum,  
et in civitáte sanctificáta  
similiter requiévi, et in  
Jerúsalem potéstas mea. Et  
radicávi in pópulo honorifi-  
cáto, et in parte Dei mei heré-  
ditas illíus, et in plenitúdi-  
ne sanctórum deténtio mea.  
**R̃. br.** Adjuvábít eam \*  
Deus vultu suo. Adjuvábít.  
**Ÿ.** Deus in médio ejus non  
commovébitur. Deus. **Glória**  
**Patri.** Adjuvábít. **Ÿ.** Elégit  
eam Deus, et præelégit

eam. **R̃.** In tabernáculo suo  
habitáre facit eam.

**Ad Nonam, Añā.**

Speciósá facta es.

**Capit. Eccli. 24. b**

**I**N platéis, sicut cinnamó-  
num, et bálsamum aro-  
matizans odórem dedi: qua-  
si myrrha elécta dedi sua-  
vitátem odóris.

**R̃. br.** Elégit eam Deus, \*  
Et præelégit eam. Elégit.  
**Ÿ.** In tabernáculo suo ha-  
bitáre facit eam. Et. **Glória**  
**Patri.** Elégit. **Ÿ.** Diffúsa est  
grátia in lábiis tuis. **R̃.** Pro-  
ptérea benedíxit te Deus in  
ætérnum.

**In ij. Vesp. omnia ut in j.**  
**Ÿ.** Dignáre me laudáre te,  
Virgo sacráta. **R̃.** Da mihi  
virtútem contra hostes tuos

**Ad Magnificat, Añā.**

Beátam me dicent omnes  
generatiónes, quia ancillam  
húmilem respéxit Deus.

**OFFICIUM**

**B. Mariæ in Sabbato.**

Omnibus Sabbatis per an-  
num, præterquam in Adv.,  
Quadrág., Quatuor Temp.  
et Vigiliis, et nisi Offic. fieri  
debeat de FERIA, propter  
Officium alicujus Dñicæ in-  
fra Hebd. ponendum, ac  
nisi Festum ix. Lect. oc-  
currat, sit Officium de S.  
Maria, modo infrascripto.

In Vesp. Feriæ vj. di-  
cuntur Psalmi feriales in  
Psalt. positi, nisi fuerit Fe-  
stum ix. Lect.; quia tunc

de S. Maria fit tantum com.  
in dictis Vesp. cum Añā, y.  
et Orat. ut infra : quæ com-  
mem. omittitur, quando Fe-  
ria sexta occurrit aliud  
ejusdem B. M. Offic.

Capit. et Hymnus ut in  
Festis B. M. cxlvj.

ŷ. Diffusa est grātia in lā-  
biis tuis. R̃. Propterea be-  
nedixit te Deus in ætérnum.

Ad Magnificat, Añā.

Beāta Mater \* et intācta  
Virgo, gloriōsa Regina mun-  
di, intercēde pro nobis ad  
Dóminum.

ŷ. Dóminus vobiscum. R̃.  
Et cum spiritu tuo.

Oratio.

**C**ONCEDE nos fámulos tuos,  
quæsumus Dómine Deus,  
perpétua mentis et cörperis  
sanitāte gaudere : et glo-  
riōsa beātæ Mariæ semper  
Virginis intercessiōe, a  
præsēnti liberāri tristitia, et  
ætérna pérfrui lætitia. Per  
Dóminum.

Post Orat. fiunt commemor.  
consuetæ de Apostolis et de  
Pace, ut 156.

Si autem occurrat Festum  
Simpl., de eo fit com. ante  
ipsa Suffragia.

Completor. ut in Psalt.  
Et in fine Hymni, Te lacis  
ante términum, dicitur Jesu  
tibi sit glória, Qui natus es  
de Virgine, etiamsi in Vesp.  
facta sit tantum com. de B.  
Maria, nisi Hymni illius Fe-  
sti, quod Feria vj. celebra-

tum est, aliter concludendi  
sint, ut in Transfig. Dñi.

Ad Matutinum, Invitat.  
Ave María, grātia plena, \*  
Dñus tecum... Ps. Venite. 2.

Hymnus.

**Q**UEM terra, pontus, sí-  
dera

Colunt, adórant, prædicant,  
Trinam regéntem máchinam  
Claustrum Mariæ bájulat.

Cui luna, sol, et ómnia  
Deserviunt per témpora,  
Perfusa cœli grātia,  
Gestant puéllæ viscera.

Beāta Mater múnere  
Cujus supérnus Artifex  
Mundum pugillo cóntinens,  
Ventris sub arca clausus est.

Beāta cœli nuntio,  
Fœcúnda sancto Spíritu,  
Desiderátus Géntibus  
Cujus per alvum fusus est.  
Jesu, tibi sit glória,  
Qui natus es de Virgine,  
Cum Patre, et almo Spíritu,  
In sempitérna sæcula. Am.

Nocturnū Sab. ut in Psalt.  
116. Et in fine ŷ. Diffusa est  
grātia in lābiis tuis. R̃.  
Propterea benedixit te Deus  
in ætérnum. pater noster.

Absolutio.

**P**RECIBUS et méritis beātæ  
Mariæ semper Virginis,  
et ómnium Sanctórum, per-  
ducāt nos Dóminus ad re-  
gna cœlórum. R̃. Amen. ŷ.  
Jube domne benedicere.

Pro j. Lectione. Bened.  
Nos cum prole pia benedi-  
cat Virgo María. R̃. Amen.

Primæ duæ Lectiones de Script. libri currentis : tertia , una ex inferius positis per ordinem ut elix.

℞. j. Sancta et immaculata virginitas , quibus te laudibus éfferam néscio : \* Quia quem cœli cápere non póterant , tuo grémio contulisti. Ÿ. Benedicta tu in muliéribus , et benedictus fructus ventris tui. Quia.

Pro ij. Lectione , Bened. Ipsa Virgo víginum intercédat pro nobis ad Dóminum. ℞. Amen.

℞. ij. Felix namque es , sacra Virgo María , et omni laude digníssima : \* Quia ex te ortus est sol justitiæ , \* Christus Deus noster. Ÿ. Ora pro pópulo , intéveni pro clero , intercède pro devoto femíneo sexu : séntiant omnes tuum juvâmen , quicúmque célebrant tuam sanctam commemoratióem. Quia. Glória Patri. Christus.

Pro iij. Lectione , Bened. Per Víginem Matrem concédât nobis Dóminus salutem et pacem. ℞. Amen.

Post tertiam Lectionem dicitur Te Deum. 17.

Ad Laudes , et per Horas. omnia ut in Festis B. M. elvj. præter seq.

Ad Laudes , Ÿ. Benedicta tu in muliéribus. ℞. Et benedictus fructus ventris tui.

Ad Benedictus , Aña. Beáta Dei Génitrix María , \*

Virgo perpétua , templum Dómini , sacrárium Spíritus sancti , sola sine exémplo placuísti Dómino nostro Jesu Christo , ora pro pópulo , intéveni pro clero , intercède pro devoto femíneo sexu.

Ad Vesp. , Añæ et Psalmi feriales : Capit. et reliqua omnia , si non occurrat Festum Duplex , de Dominica. In fine commemorationes consuetæ , ut in Psalterio. 156.

Lectiones seq. dicuntur singulis mensibus in Officio B. M. in Sabbato , ordine subscripto.

MENSE SEPTEMBRI.

Ex Epístola S. Leónis Papæ ad Pulchériam Augústam.

Lectio iij.

Epist. 13. ante medium.

SACRAMENTUM reconciliatiónis nostræ ante témpora ætérna dispósitum nullæ implébant figuræ : quia nondum supervénérat Spíritus sanctus in Víginem , nec virtus Altíssimi obumbráverat ei , ut et intra intermerata viscera , ædificánte sibi Sapiéntia domum , Verbum caro fieret , et forma Dei ac forma servi in unam conveniéntem personam , Créator témporum nascerétur in témpore , et per quem facta sunt ómnia , ipse inter ómnia gignerétur. Nisi enim novus homo , factus in similitudi-



nem carnis peccati, nostram susceperet vetustatem : et consubstantialis Patri, consubstantialis esse dignaretur et matri, naturamque sibi nostram solus a peccato liber uniret, sub iugo diaboli generaliter teneretur humana captivitas.

**Te Deum laudamus. 17.**

**MENSE OCTOBRI.**

Sermo sancti Bernardi  
Abbatis.

*Lectio iij.*

*Ex Serm. in cap. 12. Apoc.  
ante medium.*

**A**MPECTAMUR Mariæ vestigia, fratres mei, et devotissima supplicatione beatis illius pedibus provolvamur. Teneamus eam, nec dimittamus, donec benedixerit nobis. Potens est enim. Nempe vellus est medium inter rorem et aream : mulier inter solem et lunam : Maria inter Christum et Ecclesiam constituta. Sed forte miraris, non tam vellus opertum rore, quam amictam sole mulierem. Magna siquidem familiaritas, sed mira omnino vicinitas solis, et mulieris. Quomodo enim in tam vehementi fervore tam fragilis natura subsistit ? Merito quidem admiraris, Moyses sancte, et curiosius desideras intuituri. Verumtamen solve calceamenta de pedibus tuis, et involucria pone car-

nalium cogitationum, si accedere concupiscis.

**Te Deum laudamus. 17.**

**MENSE NOVEMBRI.**

De Expositione S. Basilli  
Episc. in Isaiam Prophetam.

*Lectio iij.*

*In Cap. 8. post initium.*

**A**CCESSI, inquit, ad Prophetissam, et in utero accepit, et peperit filium. Quod Maria Prophetissa fuerit, ad quam proxime accessit Isaias per prænotionem spiritus, nemo contradixerit, qui sit memor verborum Mariæ, quæ prophético afflata spiritu elocuta est. Quid enim ait ? Magnificat anima mea Dominum : et exultavit spiritus meus in Deo salutari meo : quia respexit humilitatem ancillæ suæ : ecce enim ex hoc beatam me dicent omnes generationes. Quod si animum accomodaveris universis ejus verbis, non utique per dissidium negaveris eam fuisse Prophetissam, quod Domini Spiritus in eam supervenerit, et virtus Altissimi obumbraverit ei.

**Te Deum laudamus. 17.**

**MENSE DECEMBRI.**

**ANTE ADVENTUM.**

Ex libro Officiorum sancti  
Ambrosii Episcopi.

*Lectio iij.*

*Lib. 1. Cap. 18.*

**B**ONUS regendæ castitatis pudor est comes qui

primus in ipso cognitiónis ingrèssu Dómini Matrem comméndat legéntibus, et tamquam testis lócuples, dignam, quæ ad tale munus eligerétur, ástruit, quod in cubículo, quod sola, quod salutáta ab Angelo tacet, et mota est in intróitu ejus: quod ad virilis sexus spéciem peregrínam turbátur aspéctus Vírginis. Itaque quamvis esset húmilis, præ verecúndia tamen non resalutávit, nec ullum respónsum rétulit, nisi ubi de suscipiéndá Dómini generatióne cognóvit: ut qualitátem efféctus disce- ret, non ut sermónem refélleret.

**Te Deum laudámus. 48.**

## OFFICIUM PARVUM

Beatæ Mariæ Virginis non dicitur, quando fit Officium novem Lectionum, nec in Sabbatis, quando fit Officium de Sancta Maria Virgine. Quibus diebus omittitur a primis Vesperis. Cum dicitur in Choro, in Matutinis, et in Vesperis præponitur Officio diei, in aliis Horis postponitur. Prima dicitur post Benedicámus Dómino, antequam legatur Martyrologium. Extra Chorum potest dici pro temporis opportunitate.

AUTUMNALIS.

## OFFICIUM B. MARIÆ

EXTRA ADVENTUM.

**Ad Vesperas, Ave Mariá, secreto, quæ dicitur semper in principio omnium Horarum Beatæ Mariæ, quando non conjunguntur cum Officio diei, ŷ.**

**D**EUS, in adiutorium meum inténde. **R.** Dómine, ad adjuvándum me festína. Gló- ria Patri. Sicut erat. Alle- lúia.

**Añæ, Psalmi, Capitulum et Hymnus ut in Fesuis B. M. cxliv.**

**ŷ.** Diffúsa est grátia in lábiis tuis. **R.** Proptérea benedíxit te Deus in ætér- num.

**Ad Magnificat, Añæ.**

Beáta Mater, \* et intácta Virgo, gloriósa Regína mun- di, intercéde pro nobis ad Dóminum.

**Kyrie, eléison. Christe, eléison. kyrie, eléison. ŷ.** Dóminus vobíscum. **R.** Et cum spíritu tuo.

**Oratio.** Concéde nos fá- mulos. **clvij.**

Sequens commemoratio pro Sanctis fit tantum ad Vesperas et Laudes in Offi- cio S. Mariæ extra Adven- tum.

**Añæ.** Sancti Dei omnes, intercédere dignémini pro nostra, omniúmque salute. **ŷ.** Lætámini in Dómino, et exultáte, justi. **R.** Et gloriá- mini, omnes recti corde.

## Oratio.

**P**ROTEGE, Dómine, pópulum tuum, et Apostolorum tuorum Petri et Pauli, et aliorum Apostolorum patrocinio confidentem, perpétua defensione conserva.

**O**MNES Sancti tui, quæsumus Dómine, nos ubique adjuvent; ut dum eorum mérita recólimus, patrocinia sentiámus: et pacem tuam nostris concede temporibus, et ab Ecclesiá tua cunctam repelle nequitiam: iter, actus, et voluntates nostras, et omnium famulorum tuorum, in salutis tuæ prosperitate dispone: benefactoribus nostris sempiterna bona retribue: et omnibus fidelibus defunctis réquiem æternam concede. Per Dñum.

## AD COMPLETORIUM.

Ave Mariá, *ut supra.* *ŷ.*

**C**ONVERTE nos Deus salutaris noster. *R.* Et averte iram tuam a nobis. *ŷ.* Deus in adiutorium. Glória Patri. Sicut erat. Allelúia.

*Psalmi.* Sæpe expugnâverunt me. De profundis, et Dómine, non est exaltatum, *ut in Vesp.* Feriæ iv. 144.

## Hymnus.

**M**EMENTO, rerum Cónditor,  
Nostri quod olim cörperis  
Sacráta ab alvo Virginitis  
Nascendo formam sumpseris.

Mariá, Mater grátiae,  
Dulcis Parens cleméntiae,  
Tu nos ab hoste prótege,  
Et mortis hora súscipe.  
Jesu, tibi sit glória,  
Qui natus es de Virgine,  
Cum Patre, et almo Spíritu,  
In sempiterna sæcula. Am.

## Capit. Eccli. 24. c

**E**GO mater pulchræ dilectionis, et timóris, et agnitiónis, et sanctæ spei. *R.* Deo grátias.

*ŷ.* Ora pro nobis, sancta Dei Génitrix. *R.* Ut digni efficiámur promissionibus Christi.

## Ad Nunc dimittis, Aña.

Sub tuum præsidium \* confúgimus, sancta Dei Génitrix: nostras deprecationes ne despicias in necessitatibus, sed a periculis cunctis libera nos semper, Virgo gloriósa et benedicta.

*Kyrie, eléison. Christe, eléison. Kyrie, eléison. ŷ.* Dóminus vobiscum. *R.* Et cum spíritu tuo.

## Oratio.

**B**EATÆ et gloriósæ semper Virginis Mariæ, quæsumus Dómine, intercessio gloriósa nos prótegat, et ad vitam perdúcat æternam. Per Dóminum.

## AD MATUTINUM.

Ave Mariá, *ut supra.* *ŷ.*

**D**OMINE lábia mea apéries. *R.* Et os meum annuntiábit laudem tuam. *ŷ.* Deus in adiutorium. Glória Patri. Sicut erat. Allelúia.

**Invitat.** Ave Mariâ, grâtia plena : \* Dóminus tecum.  
**Ps.** Veníte. 2.

**Hymn.** Quem terra. cxlvij.

**In Noct.** Añæ et **Psalmi** dicuntur ut in **Festis B. M.** scilicet :

**Feria ij. et v. ut in j. Nocturno.** cxlvij.

**Feria iij. et vj. ut in ij. Nocturno.** cl.

**Feria iv. et Sabbato ut in iij. Nocturno.** cliij.

Ÿ. Diffûsa est grâtia in lâbiis tuis. **R̃.** Proptérca benedixit te Deus in ætérnum. **Pater noster,** **secreto.** Ÿ. Et ne nos indúcas in tentatióem. **R̃.** Sed libera nos a malo.

**Absolutio.**

**P**RECIBUS et méritis beátæ Mariæ semper Virginis, et ómnium Sanctórum, perducát nos Dóminus ad regna cœlórum. **R̃.** Amen. Ÿ. Jube, domne, benedicere. **Bened.** Nos cum prole pia benedicat Virgo Mariâ. **R̃.** Amen.

**Lectio j. Eccli. 24.**

**I**N ómnibus réquiem quæsi vi, et in hereditáte Dómini morábor. Tunc præcépit, et dixit mihi Créator ómnium ; et qui creávit me, requiévit in tabernáculo meo, et dixit mihi : In Jacob inhábita, et in Israel hereditáre, et in eléctis meis mitte radíces. Tu autem, Dómine.

**R̃.** Sancta et immaculáta

virginitas, quibus te láudibus éfferam, nésco : \* Quia quem cœli cápere non póterant, tuo grémio contulísti. Ÿ. Benedicta tu in muliéribus, et benedictus fructus ventris tui. Quia. Ÿ. Jube, domne, benedicere. **Bened.** Ipsa Virgo virginum intercédât pro nobis ad Dóminum. **R̃.** Amen.

**Lectio ij.**

**E**T sic in Sion firmáta sum, et in civitáte sanctificáta similiter requiévi, et in Jerúsalem potéstas mea. Et radicávi in pópulo honorificáto, et in parte Dei mei heréditas illius, et in plenitúdine Sanctórum deténtio mea. Tu autem, Dómine.

**R̃.** Beáta es, Virgo Mariâ, quæ Dóminum portásti Créatórem mundi : \* Genuísti qui te fecit, et in ætérnum pérmanes virgo. Ÿ. Ave Mariâ, grâtia plena, Dóminus tecum. Genuísti. Ÿ. Jube, domne, benedicere. **Bened.** Per Virginem Matrem concédât nobis Dóminus salutem et pacem. **R̃.** Amen.

**Lectio iij.**

**Q**UASI cedrus exaltáta sum in Líbano, et quasi cypréssus in monte Sion : quasi palma exaltáta sum in Cades, et quasi plantatio rosæ in Jéricho. Quasi olíva speciósâ in campis, et quasi plátanus exaltáta

sum juxta aquam in platéis. Sicut cinnamómum, et bálsamum aromatizans odórem dedi : quasi myrrha elécta dedi suavitátem odóris. Tu autem, Dómine.

**R.** Felix namque es, sacra Virgo María, et omni laude digníssima : \* Quia ex te ortus est sol justítiæ , \* Christus Deus noster. **V.** Ora pro pópulo, intérvieni pro clero , intercède pro devóto femíneo sexu : sentiant omnes tuum juvamen, quicúmque célebrant tuam sanctā commemoratióem. Quia. Glória Patri. Christus.

#### AD LAUDES.

**V.** Deus , in adiutorium. **R.** Dómine, ad adjuvandum. Glória Patri. Sicut erat. Allelúia.

#### Antiphonæ.

1. Assúpta est \* María in cœlum, gaudent Angeli, laudantes benedicunt Dóminum. **Ps.** Dóminus regnâvit, cum reliq. de **Dñica.** 48.

2. María Virgo \* assúpta est ad æthéréum thálamum, in quo Rex regum stellato sedet sólio.

3. In odórem \* unguentórum tuórum curremus, adolescentulæ dilexérunt te nimis.

4. Benedícta filia tu a Dómino : quia per te fructum vitæ comunicávimus.

5. Pulchra es, \* et decóra, filia Jerúsalem : terríbilis ut castrórum ácies ordináta.

#### Capit. Cant. 6. c

**V**IDERUNT eam filiæ Sion, et beatíssimam prædicavérunt : et reginæ laudavérunt eam. **R.** Deo grátias.

**Hymn.** O gloriósa. clvj. **V.** Benedícta tu in mulieribus. **R.** Et benedictus fructus ventris tui.

#### Ad Benedictus, Ana.

Beáta Dei Génitrix María, \* Virgo perpétua, templum Dómini, sacrárium Spíritus sancti, sola sine exémplo placuisti Dómino nostro Jesu Christo : ora pro pópulo, intérvieni pro clero, intercède pro devóto femíneo sexu.

**Kyrie,** eléison. **Christe,** eléison. **Kyrie,** eléison. **V.** Dóminus vobíscum. **R.** Et cum spíritu tuo.

#### Oratio.

**D**EUS, qui de beatæ Mariæ Virginis útero Verbum tuum, Angelo nuntiante, carnem suscipere voluisti : præsta supplicibus tuis ; ut, qui vere eam Genitricem Dei crédimus, ejus apud te intercessiõibus adjuvémur. Per eúmdem Christum Dóminum nostrum. **R.** Amen.

**Pro Sanctis, Ana.** Sancti Dei, ut **supra.** clxj.

#### AD PRIMAM.

Ave María, etc. **Y.** Deus in adiutorium.

**Hymnus.** Meménto. clxij.

**Ana.** Assúpta est.

**Psalmi de Psalterio Deus** in nómine. 24. **Benedixisti,**

Dómine. 106. Laudáte Dóminum, omnes gentes. 138.

*Añs.* Assumpta est María in cælum, gaudent Angeli, laudantes benedicunt Dóminum.

*Capitulum. Cant. 6. c*

**Q**UÆ est ista, quæ progréditur quasi auróra consurgens, pulchra ut luna, elécta ut sol, terribilis ut castrórum ácies ordináta? *R.* Deo grátias.

*V.* Dignáre me laudáre te, Virgo sacráta. *R.* Da mihi virtutem contra hostes tuos.

*Kyrie, eléison. Christe, eléison. Kyrie, eléison. V.* Dóminus vobíscum. *R.* Et cum spíritu tuo.

*Oratio*

**D**EUS, qui virginálem aulam beátæ Mariæ, in qua habitáres, eligere dignátus es: da, quæsumus; ut sua nos defensione munitos, jucundos fácias suæ interésse commemoratióni. Qui vivis.

*AD TERTIAM.*

*Ave María, etc. V.* Deus, in adjutórium.

*Hymnus. Meménto, rerum. clxij.*

*Añs.* María Virgo.

*Psalm.* Ad Dóminum cum tribulárer. 138. Levávi oculos. 139. Lætátus sum. 141.

*Añs.* María Virgo assumpta est ad æthéreum thálammum, in quo Rex regum stelláto sedet sólio.

*Capit. Eccli. 24. b*

**E**T sic in Sion firmáta sum, et in civitáte sanctificáta similiter requievi, et in Jerúsalem potéstas mea. *R.* Deo grátias.

*V.* Diffúsa est grátia in lábiis tuis. *R.* Proptérea benedixit te Deus in ætérnum.

*Kyrie, eléison. Christe, eléison. Kyrie, eléison. V.* Dóminus vobíscum. *R.* Et cum spíritu tuo.

*Oratio.*

**D**EUS, qui salutis ætérnæ, beátæ Mariæ virginitáte fœcúnda, humáno géneri præmia præstitisti: tribue, quæsumus; ut ipsam pro nobis intercédere sentiámus, per quam meruimus auctórem vitæ suscipere, Dóminum nostrum Jesum Christum Fílium tuum: Qui tecum vivit.

*AD SEXTAM.*

*Ave María, etc. V.* Deus, in adjutórium.

*Hymnus. Meménto. clxij. Añs.* In odórem.

*Psalmi.* Ad te levávi oculos. 141. Nisi quia Dóminus. 142. Qui confidunt. 142.

*Añs.* In odóre unguentórum tuórum cúrrimus, adolescentulæ dilexérunt te nimis.

*Capit. Eccli. 24. b*

**E**T radicávi in pópulo honorificáto, et in parte Dei mei heréditas illius, et in plenitúdine Sanctórum deténtio mea. *R.* Deo grátias.



▼ Benedicta tu in mulieribus. *R.* Et benedictus fructus ventris tui.

*Kyrie, eléison. Christe, eléison. Kyrie, eléison. V.* Dóminus vobiscum. *R.* Et cum spíritu tuo.

*Oratio.*

**C**ONCEDE, miséricors Deus, fragilitati nostræ præsidium : ut, qui sanctæ Dei Genitricis memoriám ágimus, intercessiónis ejus auxilio, a nostris iniquitatibus resurgámus. Per eúndem Dóminum.

**AD NONAM.**

Ave María, etc. *V.* Deus, in adjutórium.

*Hymnus. Meménto. clxij. Añs. Pulchra es.*

*Psalmi. In converténdo. 142. Nisi Dóminus. 143. Beáti omnes. 143.*

*Añs. Pulchra es et decóra, filia Jerúsalem : terríbilis ut castrórum ácies ordináta.*

*Capit. Eccli. 24. b*

**I**N platéis, sicut cinnamómun, et bálsamum aromatizans odórem dedi : quasi myrrha elécta dedi suavitátem odóris. *R.* Deo grátias. *V.* Post partum, Virgo, invioláta permansisti. *R.* Dei Génitrix, intercède pro nobis.

*Kyrie, eléison. Christe, eléison. Kyrie, eléison. V.* Dóminus vobiscum. *R.* Et cum spíritu tuo.

*Oratio.*

**F**AMULORUM tuórum, quæsumus Dómine, delictis ignósce : ut, qui tibi placere de áctibus nostris non valémus, Genitricis Filii tui, Dómini nostri intercessióne salvémur. Qui tecum vivit.

# OFFICIUM

## DEFUNCTORUM.

**D**icitur extra tempus Paschale prima cujusque mensis die, non impedita Festo ix. Lect., alioquin alia sequenti die similiter non impedita. In Adventu autem et Quadragesima, FERIA ij. cujuslibet Hebdomadæ similiter non impedita, præterquam in Majori Hebdomada. In Choro dicitur post Officium diei, id est, Vesperæ post Vesperas, et Matutinum post Laudes diei, nisi alia sit consuetudo Ecclesiarum: extra Chorum vero pro opportunitate temporis.

Ad Vesperas absolute incipitur ab Añā. Placébo Dómino.

Psalmus 114.

**D**ILEXI, quóniam exáudiet Dóminus \* vocem orationis meæ.

Quia inclinávit aurē suam mihi: \* et in diēbus meis, invocábo.

Circumdedérunt me dolóres mortis: \* et pericula inférni invenérunt me.

Tribulatióem et dolórem invéni: \* et nomen Dómini invocávi.

O Dómine, libera ánimam meam, \* miséricors Dóminus, et justus, et Deus noster miserétur.

Custódiens párvulos Dóminus: \* humiliátus sum, et liberávit me.

Convértere ánima mea in réquiem tuam: \* quia Dóminus benefécit tibi.

Quia erípuit ánimam meam de morte, \* óculos meos a lácrymis, pedes meos a lapsu. Placébo Dómino \* in regione vivórum.

In fine omnium Psalmorum dicitur:

Réquiem ætérnam \* dona eis, Dómine.

Et lux perpétua \* lúceat eis.

Añā. Placébo Dómino in regione vivórum.

Añā. Hei mihi, Dómine.

Psalmus 119.

**A**d Dóminum cum tribulárer clamávi: \* et exaudivit me.

Dómine, libera ánimam meam a lábiis iníquis, \* et a lingua dolósa.

Quid detur tibi, aut quid apponátur tibi, \* ad linguam dolósam?

Sagittæ poténtis acútæ, \*  
cum carbónibus desolató-  
riis.

Heu mihi, quia incolátus  
meus prolongátus est : ha-  
bitávi cum habitántibus  
Cedar : \* multum íncola  
fuit ánima mea.

Cum his, qui odérunt pa-  
cem, eram pacíficus : \* cum  
loquébar illis, impugnábant  
me gratis.

Réquiem ætérnam.

*Añá.* Hei mihi, Dómine,  
quia incolátus meus pro-  
longátus est.

*Añá.* Dóminus custódit te.

*Psalmus 120.*

**E**LEVAVI óculos meos in  
montes, \* unde véniet  
auxilium mihi.

Auxilium meum a Dómino,  
\* qui fecit cœlum et terram.

Non det in commotióne  
pedem tuum ? \* neque dor-  
mítet qui custódit te.

Ece non dormitábit, neque  
dormiet, \* qui custódit  
Israel.

Dóminus custódit te, Dómi-  
nus protéctio tua : \* super  
manum dexteram tuam.

Per diem sol non uret te,  
\* neque luna per noctem.

Dóminus custódit te ab omni  
malo : \* custódiat ánima  
tuam Dóminus.

Dóminus custódiat intrói-  
tum tuum, et éxitum tuum  
\* ex hoc nunc, et usque in  
sæculum.

Réquiem ætérnam.

*Añá.* Dóminus custódit te  
ab omni malo : custódiat  
ánima tuam Dóminus.

*Añá.* Si iniquitátes.

*Psalmus 129.*

**D**E profundis clamávi ad  
te, Dómine : \* Dómine,  
exáudi vocem meam.

Fiant aures tuæ intendén-  
tes, \* in vocem deprecatió-  
nis meæ.

Si iniquitátes observáveris,  
Dómine : \* Dómine, quis  
sustinébit ?

Quia apud te propitiatio  
est : \* et propter legem  
tuam sustinui te, Dómine.  
Sustinuit ánima mea in ver-  
bo ejus : \* sperávit ánima  
mea in Dómino.

A custódia matutína usque  
ad noctem : \* speret Israel  
in Dómino.

Quia apud Dóminum mise-  
ricórdia : \* et copiósa apud  
eum redémptio.

Et ipse rédimet Israel, \* ex  
ómnibus iniquitatibus ejus.

Réquiem ætérnam.

*Añá.* Si iniquitátes obser-  
váveris, Dómine, Dómine,  
quia sustinébit ?

*Añá.* Opera.

*Psalmus 137.*

**C**ONFITEBOR tibi, Dómine,  
in toto corde meo : \* quón-  
iam audísti verba oris mei.

In conspéctu Angelórum  
psallam tibi : \* adorábo ad  
templum sanctum tuum, et  
confitébor nómini tuo.

Super misericórdia tua, et

veritate tua : \* quóniam magnificásti super omne , nomen sanctum tuum.

In quacúmque die invocávero te, exáudi me : \* multiplicábis in ánima mea virtútem.

Confiteántur tibi, Dómine, omnes reges terræ : \* quia audiérunt ómnia verba oris tui.

Et cantent in viis Dómini : \* quóniam magna est glória Dómini.

Quóniam excélsus Dóminus, et humília réspicit : \* et alta a longe cognóscit.

Si ambulávero in médio tribulationis, vivificábis me : \* et super iram inimicórum meórum extendísti manum tuam, et salvum me fecit dextera tua.

Dóminus retribuet pro me : \* Dómine, misericórdia tua in sæculum : ópera mánuum tuárum ne despicias.

Réquiem ætérnam.

**Añá.** Opera mánuū tuárum, Dómine, ne despicias.

† Audívi vocem de cælo dicentem mihi. **R.** Beáti mórtui, qui in Dño moriúntur.

**Ad Magnificat, Añá.**

Omne, \* quod dat mihi Pater ad me véniet : et eum qui venit ad me, non ejiciam foras.

**Preces infrascriptæ dicuntur flexis genibus, similiter et ad Laudes.** Pater noster, secreto ; Et ne nos

indúcas in tentationem. **R.** Sed libera nos a malo.

**Sequens Ps.** Lauda ánima, in Vesp. similiter et Ps. De profundis, in fine Laudum non dicuntur in die commem. omnium Fidelium Defunct.

**Psalmus 145.**

**L**AUDA, ánima mea, Dóminus, laudábo Dóminum in vita mea : \* psallam Deo meo quámdui fuero.

Volte confidere in principibus : \* in filiis hóminum, in quibus non est salus.

Exíbit spíritus ejus, et revertétur in terram suam : \* in illa die peribunt omnes cogitationes eórum.

Beátus, ejus Deus Jacob adjutor ejus, spes ejus in Dómino Deo ipsíus : \* qui fecit cælum et terram, mare, et ómnia, quæ in eis sunt.

Qui custódit veritatem in sæculum, facit judícium injúriam patientibus : \* dat escam esuriéntibus.

Dóminus solvit compeditos : \* Dóminus illúminat cæcos.

Dóminus érigit elísos, \* Dóminus diligit justos.

Dóminus custódit ádvenas, pupillum, et víduam suscipiet : \* et vias peccatórum dispérdet.

Regnabit Dñus, in sæcula, Deus tuus Sion, \* in generationem et generationem.

In fine Psalmi. Réquiem ætérnam \* dona eis, Dómine.

Et lux perpétua \* luceat eis.

Deinde ♠. A porta inferi.

℟. Erue, Dómine, ánimas

eórum. ♠. Requiéscant in

pace. ℟. Amen. ♠. Dómine,

exáudi oratióem meam.

℟. Et clamor meus ad te

véniat. ♠. Dóminus vobís-

cum. ℟. Et cum spíritu tuo.

*Oratio.*

**D**EUS, qui inter Apostóli-  
cos, sacerdótes, fámulos  
tuos pontificáli, seu sacerdo-  
táli fecisti dignitáte vigére :  
præsta, quæsumus ; ut eó-  
rum quoque perpétuo ag-  
gregéntur consórtio.

**D**EUS, véniæ largitor, et  
humánæ salútis amátor,  
quæsumus cleméntiam tuã ;  
ut nostræ congregatiónis  
fratres, propínquos, et be-  
nefactóres, qui ex hoc  
sæculo transiérunt, beáta  
María semper Virgine in-  
tercedénte cum ómnibus  
Sanctis tuis, ad perpétuæ  
beatitúdinis consórtium per-  
venire concédas.

**F**IDELIUM Deus ómnium  
Cónditor et Redemptor,  
animábus famulórum famu-  
larúmque tuárum remissió-  
nem cunctórum tribue pec-  
catorum : ut indulgéntiam,  
quam semper optavérunt,  
piis supplicatióibus con-  
sequántur. Qui vivis et re-  
gnas in sæcula sæculórum.  
℟. Amen.

In die vero commemora-  
tionis ómnium Fidelium de-

functorum, quando dicatur  
hæc ultima tantum Oratio  
dicitur : Qui vivis et regnas  
cum Deo Patre in unitáte  
Spíritus sancti Deus, per  
omnia sæcula sæculórum.

In die depositionis Defuncti  
*Oratio.*

**A**BSOLVE, quæsumus, Dó-  
mine, ánimam fámuli  
tui ♠ ut defúnctus sæculo  
tibi vivat : et quæ per fra-  
gilitátem carnis humana  
conversatióne commísit, tu  
véniá misericordíssimæ pie-  
tátis abstérge. Per Dñm.

Si fuerit femina, dicatur  
ánimam famulæ tuæ ♠ ut  
defúncta.

In Anniversario die.

*Oratio.*

**D**EUS, indulgentiárum Dó-  
mine : da animábus  
famulórum famularúmque  
tuárum, quorum anniver-  
sarium depositiόνis diem  
commemorámus, refrigeri-  
i sedem, quiétis beatitúdi-  
nem, et lúminis claritátem.  
Per Dóminum.

Si pro uno tantum sit An-  
niversarium, dicatur in sin-  
gulari numero.

Pro uno Episcopo defuncto.

*Oratio.*

**D**EUS, qui inter Apostóli-  
cos sacerdótes fámulum  
tuum ♠ pontificáli fecisti  
dignitáte vigére : præsta,  
quæsumus ; ut eórum quo-  
que perpétuo aggregétur  
consórtio. Per Dóminum.

**Si fuerit Sacerdos**, dicatur, sacerdotali fecisti, etc.

**Pro fratribus vero, et familiaribus, vel benefactoribus, dicitur Oratio.** Deus, véniæ largitor, ut supra.

**Pro patre et matre**

**Oratio.**

**D**EUS, qui nos patrem et matrem honorare præcepisti : miserere clementer animabus patris ac matris meæ, eorúmque peccata dimitte : meque eos in æternæ claritatis gaudio fac videre. Per Dóminum.

**Si sit pro pluribus, dicatur**, animabus paréntum nostrórum, et ubi dicitur meque, dicatur nosque.

**Si pro patre tantum, dicatur**, animæ patris mei, vel nostri.

**Si pro matre tantum, dicatur**, animæ matris meæ, vel nostræ.

**Pro uno Defuncto.**

**Oratio.**

**I**NCLINA, Dómine, aurem tuam ad preces nostras, quibus misericórdiam tuam supplices deprecámur : ut animam famuli tui **N.**, quam de hoc sæculo migrare iussisti, in pacis ac lucis regione constituas, et Sanctorum tuorum júbeas esse consórtem. Per Dóminum.

**Pro una Defuncta**

**Oratio.**

**Q**UÆSUMUS, Dómine, pro tua pietáte miserere ani-

mæ famulæ tuæ **N.** : et a contágiis mortalitátis exútam, in æternæ salvatiónis partem restitue. Per Dóminum. **Ÿ.** Réquiem æternam dona eis, Dómine. **R.** Et lux perpétua luceat eis. **Ÿ.** Requiéscant in pace. **R.** Amen.

**Ad Matutinum, Invitat.**

**Regem, cui ómnia vivunt, \* Veníte, adorémus. Ps. Veníte. 2.**

**Et in fine**, Réquiem æternam dona eis, Dómine : et lux perpétua luceat eis.

**Hoc Invitat.** dicitur tantum in die com. omnium Fidelium Defunct., et in die depositionis Defuncti : quibus diebus dicuntur tres infrascripti Nocturni et Añæ duplicantur. Aliis temp. dicitur tantum unum Noct., cum Laud., hoc ordine : Feria ij. et v. primum Noct. : Feria iij. et vj. secundum Noct. : Feria iv. et Sabbato. tertium Noct.

**IN I. NOCTURNO.**

**Pro Feria ij. et v.**

**Añæ.** Dirige, \* Dómine Deus meus, in conspéctu tuo viam meam. **Ps. Verba mea. 62.**

**Añæ.** Convértere \* Dómine, et éripe animam meam : quóniam non est in morte qui memor sit tui. **Ps. Dómine, ne in furóre tuo arguas me. 4.**

**Añæ.** Nequándo \* rápiat ut leo animam meam, dum non est qui rédimat, neque qui



salvum faciat. *Ps. Dómine, Deus meus, in te sperávi. S. A porta inferi. R. Erue, Dómine, ánimas eórum. Pater noster, totum secreto.*

*Lectiones leguntur sine Absolutione, Benedictionibus, et Titulo.*

*Lectio j. Job 7. d*

**P**ARCE mihi, Dómine, nihil enim sunt dies mei. Quid est homo, quia magnificas eum? aut quid appónis erga eum cor tuam? Vísitas eum dilúculo, et súbito probas illum. Usquequo non parcis mihi, nec dimíttis me, ut glútiám salvám meam? Peccávi, quid fáciám tibi, o custos hóminum? quare posuisti me contrárium tibi, et factus sum mihimetípsi gravis? Cur non tollis peccátum meum, et quare non aufers iniquitátem meam? ecce, nunc in púlvere dórmiám : et si mane me quæsieris, non subsistám.

*Lectiones terminantur sine Tu autem, vel alia conclus.*

*R. Credo quod Redémptor meus vivit : et in novíssimo die de terra surrectúrus sum.\* Et in carne mea vidébo Deum Salvatórem meum. R. Quem visúrus sum ego ipse, et non álius, et óculi mei conspectúri sunt. Et.*

*Lectio ij. Job 10.*

**T**ÆDET ánimam meam vitæ meæ, dimíttam advérsum me elóquium meum,

loquar in amaritúdine ani-mæ meæ. Dicam Deo : Noli me condemnáre : índica mihi cur me ita júdices. Numquid bonum tibi vidétur, si calumniéris me, et ópprimas me opus mánuum tuárum, et consílium impiórum ádjuves? Numquid óculi cárnei tibi sunt : aut sicut videt homo, et tu vidébis? Numquid sicut dies hóminis dies tui, et anni tui sicut humana sunt témpora, ut quæras iniquitátem meam, et peccátum meum scrutéris? Et scias quia nihil impium fécerim, cum sit nemo qui de manu tua possit erúere.

*R. Qui Lázarum resuscitásti a monuménto fœtidum : Tu eis, Dómine, dona réquiem, et locum indulgéntiæ. R. Qui ventúrus es judicáre vivos et mórtuos, et sæculum per ignem. Tu eis, Dómine.*

*Lectio iij. Job 10. b*

**M**ANUS tuæ fecérunt me, et plasmavérunt me totum in circúitu : et sic repénite præcipitas me? Meménto, quæso, quod sicut lutum féceris me, et in púlverem redúces me. Nonne sicut lac mulsisti me, et sicut cáseum me coagulásti? Pelle etcárnibus vestísti me: óssibus et nervis compegísti me. Vitam et misericórdiam tribuísti mihi, et visitatio tua custodívit spíritum meum.

**R.** Domine, quando véneris judicáre terram: ubi me abscondam a vultu iræ tuæ?

\* Quia peccávi nimis in vita mea. **V.** Commissa mea pavésco, et ante te erubésco: dum véneris judicáre, noli me condemnáre. Quia. **Y.** Réquiem ætérnam dona eis, Dómine: et lux perpétua lúceat eis. Quia.

Postea ad Laudes, ut clxxvj. quando dicitur unum tantum Nocturnum.

## IN II. NOCTURNO.

Pro Feria iij. et vj.

**Ana.** In loco páscuæ \* ibi me collocávit. **Ps** Dóminus regit me. 34.

**Ana.** Delicta \* juventútis meæ et ignorántias meas ne memíneris, Dómine. **Ps** Ad te, Dómine, levávi. 32.

**Ana.** Credo vidére \* bona Dómini in terra vivéntium.

**Ps.** Dóminus illuminátio. 49.

**V.** Cóllocet eos Dóminus cum princípibus. **R.** Cum princípibus pópuli sui. **Pater** noster, totum secreto.

Lectio iv. Job 13. d

**R**ESPONDE mihi: Quantas hábeo iniquitátes et peccáta, scélera mea et delicta osténde mihi. Cur faciém tuam abscondis, et arbitráris me inimícum tuum? Contra fólium, quod vento rápitur, osténdis poténtiam tuam, et stipulam siccam perséqueris: Scribis enim contra me amaritúdes, et

consúmere me vis peccátis adolescéntiæ meæ. Posuísti in nervo pedem meum, et observásti omnes sémitas meas, et vestigia pedum meórum considerásti: Qui quasi putrédo consuméndus sum, et quasi vestiméntum, quod coméditur a tinea.

**R.** Meménto mei, Deus, quia ventus est vita mea, \* Nec aspiciat me visus hóminis, **Y.** De profundis clamávi ad te, Dómine, Dómine, exáudi vocem meam. Nec.

Lectio v. Job 14.

**H**OMO natus de muliere, brevi vivens témpore, replétur multis misériis. Qui quasi flos egréditur et contéritur, et fugit velut umbra, et numquam in eódem statu pérmanet. Et dignum ducis super hujuscémodi aperíre óculos tuos, et addúcere eum tecum in judícium? Quis potest fácere mundum de immúndo concéptum sémine! nonne tu qui solus es? Breves dies hóminis sunt, númerus ménsium ejus apud te est: constituísti términos ejus, qui præteríri non póterunt. Recéde páululum ab eo, ut quiéscat, donec optáta véniat, sicut mercenárii dies ejus.

**R.** Hei mihi, Dómine, quia peccávi nimis in vita mea! Quid faciám miser? ubi fúgiam, nisi ad te, Deus meus? \* Miserére mei, dum

veneris in novissimo die.  
**V.** Anima mea turbata est valde, sed tu, Domine, succurre ei. Miserere.

*Lectio vj. Job 14. c*

**Q**UIS mihi hoc tribuat, ut in inférno prótegas me, et abscondas me, donec pertranseat furor tuus, et constituas mihi tempus, in quo recordéris mei? Putásne mórtuus homo rursum vivat? cunctis diébus quibus nunc milito, expécto donec véniat immutatio mea. Vocábis me, et ego respondébo tibi: óperi mánuum tuárum pórriges dexteram. Tu quidem gressus meos dinumerásti, sed parce peccátis meis.  
**R.** Ne recordéris peccata mea, Domine, \* Dum véneris, judicáre sæculum per ignem. **Y.** Dirige, Domine Deus meus, in conspéctu tuo viam meam. Dum. **Y.** Réquiem ætérnam. Dum.

*Postea ad Laudes, ut clxxvj. quando dicitur unum tantum Nocturnum.*

IN III. NOCTURNO.

*Pro Feria iv. et Sabb.*

**Añá.** Compláceat \* tibi, Domine, ut erípias me: Domine, ad adjuvándum me respice. **Ps.** Expéctans. 66.  
**Añá.** Sana, Domine, \* ánimam meam, quia peccávi tibi. **Ps.** Beátus qui. 67.

**Añá.** Sitívit \* ánimá mea ad Deum vivum: quando véniam, et apparébo ante

faciem Dómini? **Ps.** Quem-ádmódu desiderat. 68.

**V.** Ne tradas béstiis ánimas confiténtes tibi. **R.** Et ánimas páuperum tuórum ne obliviscáris in finem. **Pater noster, totum secreto.**

*Lectio vij. Job 17.*

**S**PIRITUS meus attenuábitur, dies mei breviabúntur, et solum mihi súperest sepúlchrum. Non peccávi, et in amaritudínibus morátur óculus meus. Líbera me, Domine, et pone me juxta te, et cújúsvis manus pugnet contra me. Dies mei transiérunt, cogitatiónes meæ dissipátæ sunt, torquéntes cor meum. Noctem vertérunt in diem, et rursum post ténebras spero lucem. Si sustinúero, inférnus domus mea est, et in ténebris stravi léctulum meum. Putrédini dixi: Pater meus es; mater mea, et soror mea, vérmi-bus. Ubi est ergo nunc præstolatio mea, et patiéntiam meam quis considerat?

**R.** Peccántem me quotidie, et non me pœniténtem, timor mortis contúrbat me: \* Quia in inférno nulla est redemptio, miserere mei, Deus, et salva me. **V.** Deus in nómine tuo salvum me fac, et in virtúte tua libera me. Quia.

*Lectio viij. Job 19. c*

**P**ELLI meæ, consúptis cárnibus, adhæsit os

meum, et derelicta sunt tantummodo labia circa dentes meos. Miseremini mei, miseremini mei, saltem vos amici mei, quia manus Domini tetigit me. Quare persequimini me sicut Deus, et carnibus meis saturamini? Quis mihi tribuat ut scribantur sermones mei? quis mihi det ut exarentur in libro stylo ferreo, et plumbi lamina, vel celte sculpantur in silice! Scio enim quod Redemptor meus vivit, et in novissimo die de terra surrecturus sum: Et rursum circumdabor pelle mea, et in carne mea videbo Deum meum. Quem visurus sum ego ipse, et oculi mei conspecturi sunt, et non alius: reposta est haec spes mea in sinu meo.

**R.** Domine, secundum actum meum noli me iudicare; nihil dignum in conspectu tuo egi: ideo deprecor maiestatem tuam, \* Ut tu, Deus, deleas iniquitatem meam.

**V.** Amplius lava me, Domine, ab injustitia mea, et a delicto meo munda me. Ut.

**Lectio ix. Job 10. d**

**Q**UARE de vulva eduxisti me? qui utinam consumptus essem ne oculus me videret. Fuissem quasi non essem, de utero translatus ad tumulum: Num-

quid non paucitas dierum meorum finiatur brevi? dimitte ergo me, ut plangam paululum dolorem meum: antequam vadam et non revertar, ad terram tenebror- sam, et opertam mortis caligine: terram miseriae, et tenebrarum, ubi umbra mortis, et nullus ordo, sed sempiternus horror inhabitat.

**R.** Libera me, Domine, de viis inferni, qui portas aereas confregisti: et visitasti infernum, et dedisti eis lumen, ut viderent te: \* Qui erant in poenis tenebrarum. **V.** Clamantes et dicentes: Advenisti, Redemptor noster. Qui. **V.** Requiem aeternam. Qui.

**Sequens R.** dicitur solummodo in die Commem. omnium Defunctorum, et quandoque pro Defunctis dicuntur novem Lectiones.

**R.** Libera me, Domine, de morte aeterna, in die illa tremenda: \* Quando coeli movendi sunt et terra: \* Dum veneris iudicare saeculum per ignem. **V.** Tremens factus sum ego, et timeo, dum discussio venerit, atque ventura ira. Quando. **V.** Dies illa, dies irae, calamitatis et miseriae, dies magna et amara valde. Dum. **V.** Requiem aeternam. Libera, usque ad primum Versum.

## AD LAUDES,

Absolute incipitur.

**Añā.** Exultábunt \* Dómino ossa humiliáta. **Ps.** Miserére mei Deus. 64.

**Añā.** Exáudi, Dómine, \* oratióem meam : ad te omnis caro véniet. **Ps.** Te decet hymnus. 86.

**Añā.** Me suscepit \* dextera tua, Dómine. **Ps.** Deus Deus meus. 49.

**Añā.** A porta inferi \* érue, Dómine, ánimam meam. **Canticum.** Ego dixi. 75.

**Añā.** Omnis spíritus \* laudet Dóminum. **Ps.** Laudáte Dóminum de cœlis. 21.

**V.** Audívi vocem de cœlo dicéntem mihi : **R.** Beáti mórtui, qui in Dómino moriúntur.

Ad Benedictus, **Añā.**

Ego sum \* resurréctio et vita : qui credit in me, etiámsi mórtuus fúerit, vivet : et omnis qui vivit, et credit in me, non moriétur in ætérnum.

Deinde Pater noster. **Ps.** De profundis. clxviii. **cum Precibus, et Orationibus,** ut supra in Vesp. clxix.

## PSALMI GRADUALES

Dicuntur in Quadrag. Feria iv. cujuslibet Hebdom. non impedita aliquo Festo ix. Lect. : in Choro ante Matut. diei ; extra Chorum pro opportunitate temporis.

Primi quinque Psalmi dicuntur sine Glória Patri.

Sed in fine ultimi dicitur Réquiem ætérnam.

Incipiuntur absolute sine **Añā Psalmi.** Ad Dóminum. 438. Levávi óculos. 439. Lætátus sum. 441. Ad te levávi. 441. Nisi quia. 442. Réquiem ætérnam \* dona eis, Dómine. Et lux perpétua \* lúceat eis.

Deinde dicitur flexis genibus, Pater noster, secreto.

**Y.** Et ne nos indúcas in tentatióem. **R.** Sed libera nos a malo. **Y.** A porta inferi. **R.** Erue, Dómine, ánimas eórum. **Y.** Requiéscant in pace. **R.** Amen. **V.** Dómine, exáudi oratióem meam. **R.** Et clamor meus ad te véniat. **V.** Dóminus vobiscum. **R.** Et cum spíritu tuo.

Orémus. Oratio.

**A**BSOLVE, quæsumus, Dómine, ánimas famulórum famularúmque tuárum, et ómnium fidélium defunctorum, ab omni vínculo delictórum : ut in resurrectiósni glória inter sanctos et eléctos tuos resuscitati respírent. Per Christum Dóminum nostrum. **R.** Amen.

Post Orationem statim dicuntur alii Psalmi Graduales, qui sequuntur : et in fine cujuslibet Psalmi dicitur Glória Patri.

**Ps.** Qui confidunt. 142. In converténdo. 142. Nisi Dñus. 143. Beáti omnes. 143. Sæpe expugnáverunt. 144.

Postea dicitur flexis genibus. Kyrie, eléison. Christe, eléison. Kyrie, eléison. Pater noster, secreto. *✠*. Et ne nos inducas in tentationem. *℟*. Sed libera nos a malo. *✠*. Meménto congregationis tuæ. *℟*. Quam possedisti ab initio. *✠*. Dómine, exáudi orationem meam. *℟*. Et clamor meus ad te véniat. *✠*. Dóminus vobíscum. *℟*. Et cum spíritu tuo.

Orémus. *Oratio*.

**D**EUS, cui próprium est miseréri semper et parcere: súscipe deprecationem nostram; ut nos, et omnes fámulos tuos, quos delictórum caténa constríngit, miserátio tuæ pietátis eleménter absólvat. Per Christum Dóminum nostrum. *℟*. Amen.

Post Orat. statim die. alii Psalmi Grad., qui sequuntur, et in fine cujuslibet Psalmi dicitur Glória Patri.

Psalmi. De profundis. 144. Dómine, non est exaltatum. 144. Meménto, Dómine. 145. Ecce quam bonum. 146. Ecce nunc. 160.

Deinde dicitur flexis genibus. Kyrie, eléison. Christe, eléison. Kyrie, eléison. Pater noster, secreto. *✠*. Et ne nos inducas in tentationem. *℟*. Sed libera nos a malo. *✠*. Salvos fac servos tuos. *℟*. Deus meus, sperántes in te. *✠*. Dómine, exáudi orationem

meam. *℟*. Et clamor meus ad te véniat. *✠*. Dñs vobíscum. *℟*. Et cum spíritu tuo.

Orémus. *Oratio*.

**P**RÆTENDE, Dómine, fámulis et famulábuis tuis dexteram cœléstis auxílii: ut te toto corde perquírant, et quæ digne póstulant, consequi mereántur. Per Christum Dóminum nostrum. *℟*. Amen.

## SEPTEM PSALMI

Pœnitentiales cum Litanis dicuntur flexis genibus in omnibus sextis Feriis Quadrag., quando Officium sit de Feria. Litanie autem, omissis septem Psalmis, dicuntur in Litanis majoribus in Festo S. Marci, et in tribus diebus Rogationum.

Dicuntur autem in Quadrag. in Choro post Matut. et Laudes diei, dicto Benedicamus Dómino, extra Chorum pro opportunitate temporis.

In fine cujuslibet Psalmi dicitur Glória Patri.

Añs. Ne reminiscáris.

Psalmi. Dómine, ne in furóre. 4. Beáti quorum. 53. Dómine, ne in furóre tuo. 59. Miserére mei Deus. 61. Dómine exáudi. 119. De profundis. 144. Dómine, exáudi orationem meam. 144.

Añs. Ne reminiscáris, Dómine, delicta nostra, vel paréntum nostrórum; neque vindictam sumas de peccátis nostris.



## LITANIA.

KYRIE, eléison.

Khriste, eléison.

Kyrie, eléison.

Khriste, audi nos.

Khriste, exáudi nos.

Pater de cœlis Deus, miserere nobis.

Fili, Redemptor mundi Deus, miserere nobis.

Spiritus sancte Deus, miserere nobis.

Sancta Trinitas, unus Deus, miserere nobis.

Sancta María, ora pro nobis.

Sancta Dei Génitrix, ora.

Sancta Virgo vírginum, ora.

Sancte Michael, ora.

Sancte Gábríel, ora.

Sancte Ráphael, ora.

Omnes sancti Angeli et Archángeli, oráte.

Omnes sancti beatórum Spirituum órdenes, oráte.

Sancte Joánnes Baptista, ora.

Sancte Joseph, ora.

Omnes sancti Patriárchæ et Prophætæ, oráte.

Sancte Petre, ora.

Sancte Paule, ora.

Sancte Andréa, ora.

Sancte Jacóbe, ora.

Sancte Joánnes, ora.

Sancte Thoma, ora.

Sancte Jacóbe, ora.

Sancte Philippe, ora.

Sancte Bartholomæe, ora.

Sancte Matthæe, ora.

Sancte Simon, ora.

Sancte Thaddæe, ora.

Sancte Mathía, ora.

Sancte Barnaba, ora.

Sancte Luca, ora.

Sancte Marce, ora.

Omnes sancti Apóstoli et Evangelistæ, oráte.

Omnes sancti Discípuli Dómini, oráte.

Omnes sancti Innocéntes, oráte.

Sancte Stéphane, ora.

Sancte Lauréti, ora.

Sancte Vincénti, ora.

Sancti Fabiáne et Sebastiane, oráte.

Sancti Joánnes et Paule, oráte.

Sancti Cosma et Damiáne, oráte.

Sancti Gervási et Protási, oráte.

Omnes sancti Mártýres, oráte.

Sancte Silvéster, ora.

Sancte Gregóri, ora.

Sancte Ambrósi, ora.

Sancte Augustíne, ora.

Sancte Hierónyme, ora.

Sancte Martíne, ora.

Sancte Nicolæ, ora.

Omnes sancti Pontífices et Confessóres, oráte.

Omnes sancti Doctóres, oráte.

Sancte Antóni, ora.

Sancte Benedicte, ora.

Sancte Bernárde, ora.

Sancte Domínice, ora.

Sancte Francíscæ, ora.

Omnes sancti Sacerdótes et Levítæ, oráte.

Omnes sancti Mónachi et

Eremitæ, oráte.

Sancta Maria Magdaléna ,	ora.	Per mortem et sepultúram	tuam, libera.
Sancta Agatha ,	ora.	Per sanctam resurrectionem	tuam, libera.
Sancta Lúcia ,	ora.	Per admirabilem ascensió-	nem tuam, libera.
Sancta Agnes ,	ora.	Per advéntum Spíritus san-	cti Parácliti, libera.
Sancta Cæcília ,	ora.	In die iudicii,	libera.
Sancta Catharina ,	ora.	Peccatóres, Te rogámus ,	audi nos.
Sancta Anastásia ,	ora.	Ut nobis parcas, te rogámus.	
Omnes sanctæ Virgines et		Ut nobis indúlgeas, te rogá-	mus.
Viduæ,	oráte.	Ut ad veram pœniténtiam	nos perdúcere dignéris ,
Omnes Sancti , et Sanctæ		te rogámus.	
Dei, Intercédite pro nobis.		Ut Ecclesiám tuam sanctam	régere et conserváre di-
Propítius esto, Parce nobis,		gnéris, te rogámus.	
Dómine.		Ut domnum Apostólicum et	omnes ecclesiásticosórdi-
Propítius esto, Exáudi nos ,		nes in sancta religiône	conserváre dignéris , te
Dómine.		rogámus.	
Ab omni malo, Libera nos ,		Ut inimicos sanctæ Ecclesiæ	humiliáre dignéris, te ro-
Dómine.		gámus.	
Ab omni peccáto, libera.		Ut régibus et princípibus	Christiánis pacem et ve-
Ab ira tua, libera.		ram concórdiam donáre	dignéris, te rogámus.
Ab subitánea et improvísá		Ut cuncto pópulo christiáno	pacem et unitátem largíri
morte , libera.		dignéris, te rogámus.	
Ab insidiis diaboli, libera.		Ut nosmetipsos in tuo san-	cto servítio confortáre et
Ab ira , et ódio, et omni		conserváre dignéris , te	rogámus.
mala voluntáte, libera.		Ut mentes nostras ad cœlé-	stia desidéria érigas, te
Ab spiritu fornicatiónis,		rogámus.	
libera.			
Ab fulgure et tempestáte ,			
libera.			
Ab flagello terræ mótus libera.			
Ab peste , fame et bello ,			
libera.			
Ab morte perpétua, libera.			
Per mystérium sanctæ in-			
carnatiónis tuæ, libera.			
Per advéntum tuum, libera.			
Per nativitátem tuam,			
libera.			
Per baptismum et sanctum			
jejúnium tuum, libera.			
Per crucem et passióem			
tuam, libera.			

**U**t omnibus benefactoribus nostris sempiterna bona retribuas, te rogamus.

**U**t animas nostras, fratrum, propinquorum et benefactorum nostrorum ab aeterna damnatione eripias, te rogamus.

**U**t fructus terrae dare et conservare digneris, te rogamus.

**U**t omnibus fidelibus defunctis requiem aeternam donare digneris, te rogamus.

**U**t nos exaudire digneris, te rogamus.

**Fili Dei, te rogamus.**

**Agnus Dei, qui tollis peccata mundi, Parce nobis, Dñe.**

**Agnus Dei, qui tollis peccata mundi, Exaudi nos, Dñe.**

**Agnus Dei, qui tollis peccata mundi, Miserere nobis.**

**Christe, audi nos. Christe, exaudi nos. Kyrie, eléison.**

**Christe, eléison. Kyrie, eléison. Pater noster, secreto.**

**Ÿ. Et ne nos inducas in tentationem. Rñ. Sed libera nos a malo.**

### **Psalmus 69.**

**D**EUS, in adiutorium meum intende : \* Domine, ad adjuvandum me festina.

**Confundantur, et reve-reantur, \* qui quaerunt animam meam :**

**Avertantur retrorsum, et erubescant, \* qui volunt mihi mala :**

**Avertantur statim erube-**

**scētes, \* qui dicunt mihi : Euge, euge.**

**Exultent et lætentur in te omnes qui quaerunt te, \* et dicant semper : Magnificetur Dominus : qui diligit salutare tuum.**

**Ego vero egēnus, et pauper sum : \* Deus adjuva me.**

**Adjutor meus, et liberator meus es tu : \* Domine, ne moreris.**

**Glória Patri. Sicut erat.**

**Ÿ. Salvos fac servos tuos.**

**Rñ. Deus meus sperantes in**

**te. Ÿ. Esto nobis, Domine, turris fortitudinis. Rñ. A fá-**

**cie inimici. Ÿ. Nihil proficiat inimicus in nobis. Rñ. Et**

**filius iniquitatis non appónat nocere nobis. Ÿ. Domine,**

**non secūndum peccata nostra facias nobis. Rñ. Neque**

**secūndum iniquitates nostras retribuas nobis. Ÿ.**

**Orémus pro Pontífice nostro N. Rñ. Dominus conservet**

**eum, et vivificet eum, et beátum faciat eum in terra,**

**et non tradat eum in animam inimicorum ejus. Ÿ. Oré-**

**mus pro benefactoribus nostris. Rñ. Retribuere di-**

**gnare, Domine, omnibus nobis bona facientibus pro-**

**pter nomen tuum vitam aeternam. Amen. Ÿ. Oré-**

**mus pro fidelibus defunctis. Rñ. Requiem aeternam dona**

**eis, Domine : et lux perpétua luceat eis. Ÿ. Requié-**

**scant in pace. Rñ. Amen. Ÿ.**

Pro fratribus nostris abséntibus. **R.** Salvos fac servos tuos, Deus meus, sperántes in te. **V.** Mitte eis, Dómine, auxiliúm de sancto. **R.** Et de Sion tuére eos. **V.** Dómine, exáudi oratióem meam. **R.** Et clamor meus ad te véniat. **V.** Dóminus vobiscum. **R.** Et cum spíritu tuo.

**Orémus. Oratio.**

**D**EUS, cui próprium est miseréri semper, et párcere : súscipe deprecatióem nostram ; ut nos, et omnes fámulos tuos, quos delictórum caténa constringit, miserátio tuæ pietátis cleménter absólvat.

**E**XAUDI, quæsumus Dómine, súpplicum preces, et confiténtium tibi parce peccátis : ut páriter nobis indulgéntiam tribuas benígnus et pacem.

**I**NEFFABILEM nobis, Dómine, misericórdiam tuam cleménter osténde : ut simul nos et a peccátis ómnibus éxuas ; et a pœnis, quas pro his merémur, erípias.

**D**EUS, qui culpa offéndetis, pœniténtia placáris : preces pópuli tui supplicántis propítius réspice ; et flagélla tuæ iracúndiæ, quæ pro peccátis nostris merémur, avérte.

**O**MNIPOTENS sempitérne Deus, miserére fámulo tuo Pontífici nostro **N.** et dirige eum secúndum tuam

cleméntiam in viam salútis ætérnæ : ut te donánte tibi plácita cúpiat, et tota virtúte perficiat.

**D**EUS, a quo sancta desideria, recta consília, et justa sunt ópera : da servis tuis illam, quam mundus dare non potest, pacem ; ut et corda nostra mandátis tuis dédita, et hóstium subláta formídine, témpora sint tua protectiône tranquilla.

**U**RE igne sancti Spíritus renes nostros, et cor nostrum, Dómine : ut tibi casto corpore serviámus, et mundo corde placeámus.

**F**IDELIUM Deus ómnium Cónditor et Redémptor, animábus famulórum famularúmque tuárum remissionem cunctórum tribue peccatórum : ut indulgéntiam, quam semper optavérunt, piis supplicatióibus consequántur.

**A**CTIONES nostras, quæsumus Dómine, aspirándo præveni, et adjuvándo proséquere : ut cuncta nostra orátio et operátio a te semper incípiat, et per te cœpta finiátur.

**O**MNIPOTENS sempitérne Deus, qui vivórum domináris simul et mortuórum, omniúmque miseréris, quos tuos fide et ópere futúros esse prænúscis : te súpplices exorámus ; ut pro quibus effúndere preces de-

erévimus, quosque vel præ-  
sens sæculum adhuc in  
carne rétinet, vel futurum  
jam exutos corpore suscep-  
pit, intercedéntibus ómni-  
bus Sanctis tuis, pietátis  
tuæ cleméntia, ómnium de-  
lictórum suórum véniam  
consequántur. Per Dómi-  
num. **ſ.** Dóminus vobis-  
cum. **R.** Et cum spíritu tuo.  
**ſ.** Exáudiat nos omnipotens  
et miséricors Dóminus. **R.**  
Amen. **ſ.** Et fidélium áni-  
mæ per misericórdiam Dei  
requiéscant in pace. **R.** Am.

## ORDO

## COMMENDATIONIS ANIMÆ.

**Primum dicuntur Litanie  
breves in hunc modum.**

**K**YRIE, eléison.

**K**Christe, eléison.

**K**yríe, eléison.

Sancta María, ora pro eo.

Omnes sancti Angeli, et

Archángeli, oráte.

Sancte Abel, ora.

Omnis Chorus justórum, ora.

Sancte Abraham, ora.

Sancte Joánnes Baptísta,

ora.

Sancte Joseph, ora.

Omnes sancti Patriárchæ et

Prophétæ, oráte.

Sancte Petre, ora.

Sancte Paule, ora.

Sancte Andréa, ora.

Sancte Joánnes, ora.

Omnes sancti Apóstoli, et

Evangelistæ, oráte.

Omnes sancti Discípuli Dó-

mini, oráte.

Omnes sancti Innocéntes,  
oráte.

Sancte Stéphane, ora.

Sancte Laurénti, ora.

Omnes sancti Mártýres,

oráte.

Sancte Silvéster, ora.

Sancte Gregóri, ora.

Sancte Augustíne, ora.

Omnes sancti Pontífices et

Confessóres, oráte.

Sancte Benedicte, ora.

Sancte Francisce, ora.

Omnes sancti Mónachi et

Eremitæ, oráte.

Sancta María Magdaléna,

ora.

Sancta Lúcia, ora.

Omnes sanctæ Virgines et

Viduæ, oráte.

Omnes Sancti et Sanctæ Dei,

Intercédite pro eo.

Propítius esto, Parce ei,

Dómine.

Propítius esto, libera eum,

Dómine.

Propítius esto, libera.

Ab ira tua, libera.

A periculo mortis, libera.

A mala morte, libera.

A pœnis inférni, libera.

Ab omni malo, libera.

A potestáte diaboli, libera.

Per nativitátē tuam, libera.

Per crucem et passiōem

tuam, libera.

Per mortem et sepultúram

tuam, libera.

Per gloriósam resurrectiō-

nem tuam, libera.

Per admirábilem ascensiō-

nem tuam, libera.

Per grátiam Spíritus sancti

Parácliti, libera.

In die iudícii, libera.

Peccatóres, Te rogámus,  
audi nos.

Ut ei parcas, te rogámus,  
audi nos.

K yrie, eléison. Christe,  
eléison. K yrie, eléison.

Deinde cum in agone sui  
exitus anima anxietur, di-  
cantur sequentes Orationes.

Oratio.

**P**ROFICISCERE, ánima chri-  
stiána, de hoc mundo,  
in nómine Dei Patris omni-  
poténtis, qui te creávit : in  
nómine Jesu Christi Fílii  
Dei vivi, qui pro te passus  
est : in nómine Spíritus  
sancti, qui in te effusus  
est : in nómine Angelórum  
et Archangelórum : in nó-  
mine Thronórum et Domi-  
natiónum : in nómine Prin-  
cipátuum et Potestátum : in  
nómine Chérubim et Séra-  
phim : in nómine Patriar-  
chárum et Prophetárum :  
in nómine sanctórum Apo-  
stolórum et Evangelistá-  
rum : in nómine sanctórum  
Mártýrum et Confessórum :  
in nómine sanctórum Mo-  
nachórum et Eremitárum :  
in nómine sanctárum Vírgi-  
num, et ómnium Sanctórum  
et Sanctárum Dei : hódie sit  
in pace locus tuus, et habi-  
tatio tua in sancta Sion. Per  
eúmdem Christum Dómi-  
num nostrum. **R.** Amen.

Oratio.

**D**EUS miséricors, Deus  
clemens, Deus, qui se-  
cúndum multitudinem mi-  
seratiónum tuárum peccáta  
pœniténtium deles, et præ-  
teritórum criminum culpas  
vénia remissiónis evácuas :  
réspice propítius super hunc  
fámulum tuum **N.** et remis-  
siónem ómnium peccatórum  
suórum tota cordis confes-  
sióne poscéntem deprecátus  
exáudi. Rénova in eo, piis-  
sime Pater, quidquid ter-  
réna fragilitáte corrúptum,  
vel quidquid diabólica frau-  
de violátum est : et unitáti  
córporis Ecclésiæ mem-  
brum redemptiόνis annécte.  
Miserére, Dómine, gemí-  
tuum, miserére lacrymá-  
rum ejus : et non habéntem  
fidúciám, nisi in tua mi-  
sericórdia, ad tuæ sacra-  
méntum reconciliatiónis ad-  
mítte. Per Christum Dómi-  
num nostrum. **R.** Amen.

**C**OMMENDO te omnipoténti  
Deo, charíssime frater,  
et ei, cujus es creatúra,  
commítto : ut, cum huma-  
nitátis débitum morte in-  
terveniéntem persólveris, ad  
auctórem tuum, qui te de  
limo terræ formáverat, re-  
vertáris. Egrediénti itaque  
ánimæ tuæ de corpore  
spléndidus Angelórum cœ-  
tus occúrrat : iudex Aposto-  
lórum tibi senátus advé-  
niat : candidatórum tibi



Martyrum triumphator exercitus obviet : liliata rutilantium te Confessorum turma circumdet : jubilantium te Virginum chorus excipiat : et beatæ quietis in sinu Patriarcharum te complexus astringat : mitis atque festivus Christi Jesu tibi aspectus appareat, qui te inter assistentes sibi jūgiter interesse decernat. Ignōres omne quod horret in tenebris, quod stridet in flammis, quod cruciat in tormentis. Cedat tibi teterrimus sathanas cum satellitibus suis : in adventu tuo te comitantibus Angelis contremiscat, atque in æternæ noctis chaos immane diffugiat. Exurgat Deus, et dissipentur inimici ejus : et fugiant, qui odérunt eum, a facie ejus. Sicut deficit fumus, deficiant : sicut fluit cera a facie ignis, sic pereant peccatores a facie Dei : et justi epulentur, et exultent in conspectu Dei. Confundantur igitur et erubescant omnes tartaræ legiones, et ministri sathanæ iter tuum impedire non audeant. Liberet te a cruciātu Christus, qui pro te crucifixus est. Liberet te ab æterna morte Christus, qui pro te mori dignatus est. Constituat te Christus Filius Dei vivi intra paradisi sui semper amœna viréntia, et in-

ter oves suas te verus ille Pastor agnoscat. Ille ab omnibus peccatis tuis te absolvat, atque ad dexteram suam in electorum suorum te sorte constituat. Redemptorem tuum facie ad faciem videas et præsens semper assistens, manifestissimam beatis oculis aspicias veritatem. Constitutus igitur inter agmina Beatorum, contemplationis divinæ dulcedine potiaris in sæcula sæculorum. *R.* Amen.

*Oratio.*

**S**USCIPE, Dómine, servum tuum in locum sperandæ sibi salvationis a misericordia tua. *R.* Amen.

**L**ibera, Dómine, animam servi tui ex omnibus periculis inférni, et de láqueis poenarum, et ex omnibus tribulationibus. *R.* Amen.

**L**ibera, Dómine, animam servi tui, sicut liberasti Henoch et Eliam de communi morte mundi. *R.* Amen.

**L**ibera, Dómine, animam servi tui, sicut liberasti Noe de dilúvio. *R.* Amen.

**L**ibera, Dómine, animam servi tui, sicut liberasti Abraham de Ur Chaldæorum. *R.* Amen.

**L**ibera, Domine, animam servi tui, sicut liberasti Job de passionibus suis. *R.* Amen.

**L**ibera, Dómine, animam ser-

vi tui, sicut liberásti Isaac de hóstia et de manu patris sui Abrahæ. *R.* Amen.

*L*ibera, Dómine, ánimam servi tui, sicut liberásti Lot de Sódomis, et de flamma ignis. *R.* Amen.

*L*ibera, Dómine, ánimam servi tui, sicut liberásti Moysen de manu Pharaónis regis Ægyptiórū. *R.* Amen.

*L*ibera, Dómine, ánimam servi tui, sicut liberásti Daniélem de laculeónū. *R.* Amen.

*L*ibera, Dómine, ánimam servi tui, sicut liberásti tres púeros de camíno ignis ardéntis, et de manu regis iníqui. *R.* Amen.

*L*ibera, Dómine, ánimam servi tui, sicut liberásti Susánam de falso crimine. *R.* Am.

*L*ibera, Dómine, ánimam servi tui, sicut liberásti David de manu regis Saul et de manu Golíæ. *R.* Amen.

*L*ibera, Dómine, ánimam servi tui, sicut liberásti Petrum et Paulum de carcéribus. *R.* Amen.

*E*t sicut beatíssimam Theclam, Virginem et Mátyrem tuam, de tribus atrocissimis torméntis liberásti, sic liberáre dignéris ánimam hujus servi tui, et tecum fácias in bonis congauđere cœléstibus. *R.* Amen.

#### Oratio.

*C*OMMENDAMUS tibi, Dómine, ánimam fámuli tui *N.* precamúrque te, Dómine

Jesu Christe, Salvátormundi, ut propter quam ad terram misericórditer descendisti, Patriarchárum tuórum sínibus insinuáre non rénuas. Agnósce, Dómine, creatúram tuam, non a diis aliénis creatam, sed a te solo Deo vivo et vero : quia non est álius Deus præter te, et non est secúndum ópera tua. Lætífica, Dómine, ánimam ejus in conspéctu tuo: et ne memíneris iniquitátum ejus antiquárum, et ebrietátum, quas suscitávit furor sive fervor mali desidérii. Licet enim peccáverit, tamen Patrem, et Filium, et Spíritum sanctum non negávit, sed credidit, et zelum Dei in se hábuit, et Deum, qui fecit ómnia fidéliter adorávit.

#### Oratio.

*D*ELICTA juventútis, et ignorantias ejus, quæsumus, ne memíneris, Dómine : sed secúndum magnam misericórdiam tuam memor esto illius in glória claritátis tuæ. Aperiántur ei cœli : collæténtur illi Angeli. In regnum tuum, Dómine, servum tuum suscipe. Suscipiat eum sanctus Michael Archángelus Dei, qui militiæ cœléstis méruit principátum. Véniant illi óbviám sancti Angeli Dei, et perdúcant eum in civitátem cœléstem Jerúsalem.

Suscipiat eum beatus Petrus Apóstolus, cui a Deo claves regni cœlestis traditæ sunt. Adjuvet eum sanctus Paulus Apóstolus, qui dignus fuit esse vas electiōnis. Intercédant pro eo sanctus Joánnēs eléctus Dei Apóstolus, cui revelata sunt secréta cœlestia. Orent pro eo omnes sancti Apóstoli, quibus a Dómino data est potestas ligandi atque solvendi. Intercédant pro eo omnes Sancti et elécti Dei, qui pro Christi nómine torménta in hoc sæculo sustinuérunt, ut vinculis carnis exútus, pervenire mereátur ad glóriam regni cœlestis : præstante Dómino nostro Jesu Christo : ' Qui cum Patre et Spíritu sancto vivit et regnat in sæcula sæculórum. *R.* Amen.

*Si anxietur adhuc anima, dicuntur hi Psalmi, videlicet, Confitémini Dómino. 24. et totus Ps Beati immaculati, per Horas distributus. 25.*

Egressa autem anima, dicitur hoc *R.* Subveníte, Sancti Dei, occúrrite, Angeli Dómini ; \* Suscipiéntes animam ejus : \* Offeréntes eam in conspéctu Altíssimi. *ŷ.* Suscípíat te Christus, qui vocávit te, et in sinum Abrahæ Angeli dedúcant te. Suscipiéntes. *ŷ.* Réquiem ætérnam dona ei, Dómine : et lux perpétua lúceat ei. Offéréntes.

Deinde Kyrie, eléison. Christe, eléison. Kyrie, eléison.

Postea Pater noster, *secreto.* *ŷ.* Et ne nos indúcas in tentatiónem. *R.* Sed libera nos a malo. *ŷ.* Réquiem ætérnam dona ei, Dómine. *R.* Et lux perpétua lúceat ei. *ŷ.* A porta inferi. *R.* Erue, Dómine, ánimam ejus. *ŷ.* Requiescat in pace. *R.* Amen. *ŷ.* Dómine, exáudi oratiónem meam. *R.* Et clamor meus ad te véniat. *ŷ.* Dóminus vobíscum. *R.* Et cum spíritu tuo.

Orémus. *Oratio.*

**T**IBI, Dómine, commendamus ánimam fámuli tui *N.* ut defúnctus sæculo tibi vivat : et quæ per fragilitatem humanæ conversatiónis peccáta commisit, tu vénia misericordíssimæ pietátis abstérge. Per Christum Dñum nostrum. *R.* Am. **BENEDICTIO MENSÆ.**

Ante prandium Sacerdos benedicturus mensam, incipit: Benedícite ; et alii repetunt Benedícite. Deinde dicit *ŷ.* Oculi ómnium, et alii *prosequuntur*. In te sperant, Dómine, et tu das escam illórum in témpore opportúno. Aperis tu manum tuam, et imples omne animal benedictióne. Glória Patri. Sicut erat. Kyrie, eléison. Christe, eléison. Kyrie, eléison. Pater noster, *secreto.* *ŷ.* Et ne nos indú-

cas in tentationem. **R.** Sed libera nos a malo.

Postea Sacerdos dicit :

**Orémus.**

**B**ENEDIC, Dómine, nos, et hæc tua dona, quæ de tua largitate sumus sumpturi. Per Christum Dóminum nostrum. **R.** Amen.

Deinde Lector, Jube, domne, benedicere. **Benedictio.** Mensæ cœlestis participes faciat nos Rex æternæ gloriæ. **R.** Amen.

Post prandium aguntur gratiæ hoc modo. Dicto a Lectore, Tu autem, Dómine, miserere nobis. **R.** Deo grátias, omnes surgunt.

Sacerdos incipit **ŷ.** Confiteantur tibi, Dómine, ómnia ópera tua. **R.** Et Sancti tui benedicant tibi. **ŷ.** Glória Patri. **R.** Sicut erat.

Postea Sacerdos absolute dicit :

**A**GIMUS tibi grátias, omnipotens Deus, pro universis beneficiis tuis : qui vivis et regnas in sæcula sæculórum. **R.** Amen.

Deinde alternatim dicitur Ps. Miserere mei, Deus. 64. vel Psalmus 116.

**L**AUDATE Dóminum, omnes gentes : \* laudáte eum, omnes pópuli :

quóniam confirmáta est super nos misericórdia ejus : \* et véritas Dómini manet in ætérnum.

Glória Patri. Sicut erat.

Kyrie, eléison. **Christe** eléison. **Kyrie,** eléison. **Sacerdos dicit :** Pater noster.

**ŷ.** Et ne nos inducas in tentationem. **R.** Sed libera nos a malo. **ŷ.** Dispérsit, dedit paupéribus. **R.** Justitia ejus manet in sæculum sæculi. **ŷ.** Benedicám Dóminum in omni témpore. **R.** Semper laus ejus in ore meo. **ŷ.** In Dómino laudábitur ánima mea. **R.** Audiant mansuétí, et læténtur. **ŷ.** Magnificáte Dóminum mecum. **R.** Et exaltémus nomen ejus in idípsum. **ŷ.** Sit nomen Dómini benedictum. **R.** Ex hoc nunc et usque in sæculum.

Deinde sine **O** rémus.

**R**ETRIBUERE dignáre, Dómine, ómnibus nobis bona faciéntibus propter nomen tuum vitam ætérnam. **R.** Amen.

**ŷ.** Benedicámus Dómino. **R.** Deo grátias. **ŷ.** Fidélium animæ per misericórdiam Dei requiescant in pace. **R.** Amen. Pater noster, secreto. Quo finito, dicit Sacerdos : Deus det nobis suam pacem. **R.** Amén.

Ante cœnam Sacerdos benedicturus mensam, incipit Benedicite, et alii repetunt Benedicite.

Deinde Sacerdos incipit **ŷ.** et alii prosequuntur

**E**DENT pauperes, et saturabúntur, et laudábunt

Dóminum, qui requirunt eum : vivent corda eorum in sæculum sæculi. Glória Patri. Sicut erat. Kyrie, eléison. Christe, eléison. Kyrie, eléison. Pater noster, *secreto*. Et ne nos. Orémus. Benedic, Dómine, *ut supra in prandio*. exc. Jube, domne. Bened. Ad cœnam vitæ æternæ perducatur nos Rex æternæ glóriæ. R. Amen.

In fine cœnæ dicitur Y. Memóriam fecit mirabilium suorum miséricors et miserátor Dóminus : escam dedit timéntibus se. Glória Patri. Sicut erat.

Sacerdos dicit :

**B**ENEDICTUS Deus in donis suis, et sanctus in ómnibus opéribus suis : qui vivit et regnat in sæcula sæculórum. R. Amen.

Deinde alternatim dicitur Ps. Laudáte Dóminum, omnes gentes, et reliq. clxxxviiij.

Quando semel comeditur, omnia dicuntur ut in cœna.

Prædictus modus benedicendi mensam et agendi gratias, servatur omni tempore hujus Partis Æstivæ, ITINERARIUM.

**C**LERICUS in ipso itineris ingressu, si solus fuerit, dicat quæ seq. in singulari, si cum sociis, in plurali:

Añs. In viam pacis.

Cant. Benedictus. 23.

In fine Glória Patri.

Añs. In viam pacis et pro-

speritátis dirigat nos omnipotens et miséricors Dóminus : et Angelus Ráphael comitétur nobiscum in via, ut cum pace, salute et gaudio revertámur ad própria.

Kyrie, eléison. Christe, eléison. Kyrie, eléison. Pater noster, *secreto*. Y. Et ne nos inducas in tentatióem. R. Sed libera nos a malo. Y. Salvos fac servos tuos. R. Deus meus sperántes in te. Y. Mitte nobis, Dómine, auxiliium de sancto. R. Et de Sion tuére nos. Y. Esto nobis, Dómine, turris fortitudinis. R. A fácie inimíci. Y. Nihil proficiat inimícus in nobis. R. Et filius iniquitátis non appónat nocére nobis. Y. Benedictus Dóminus die quotidie. R. Prósperum iter fáciat nobis Deus salutárium nostrórum. Y. Vias tuas, Dómine, demónstra nobis. R. Et sémitas tuas édoce nos. Y. Utinam dirigántur viæ nostræ. R. Ad custodiédas justificatióes tuas. Y. Erunt prava in dirécta. R. Et áspera in vias planas. Y. Angelis suis Deus mandávit de te. R. Ut custódiant te in ómnibus viis tuis. Y. Dómine, exáudi oratióem meam. R. Et clamor meus ad te véniat. Y. Dóminus vobíscum. R. Et cum spíritu tuo.

Orémus. Oratio.

**D**EUS, qui filios Israel per maris médium sicco ve-

stigio ire fecisti, quique tribus Magis iter ad te stella duce pandisti: tribue nobis quæsumus iter prósperum, tempúsque tranquillum: ut Angelo tuo sancto cómite, ad eum, quo périgimus, locum, ac demum ad æternæ salutis portum pervenire feliciter valeámus.

**D**EUS, qui Abraham puerum tuum, de Ur Chaldæorum eductum, per omnes suæ peregrinationis vias illæsum custodisti: quæsumus, ut nos fámulos tuos custodire dignéris: esto nobis, Dómine, in procinctu suffrágium, in via solátium, in æstu umbráculum, in plúvia et frígore teguméntum, in lassitúdine vehículum, in adversitaté præsidium, in lúbrico báculus, in naufrágio portus: ut, te duce, quo téndimus, prósperè

perveniamus, et demum incólumes ad própria redeámus.

**A**DESTO, quæsumus Dómine, supplicatióibus nostris, et viam famulórum tuórum in salutis tuæ prosperitaté dispóne: ut inter omnes viæ et vitæ hujus varietates tuo semper protegámur auxílio.

**P**RÆSTA, quæsumus omnipotens Deus: ut familia tua per viam salutis incédât, et beáti Joánnis Præcursóris hortaménta sectándo, ad eum, quem prædixit, secúra pervéniat, Dóminum nostrum Jesum Christum Fílium tuum: Qui tecum vivit et regnat in unitate Spíritus sancti Deus, per ómnia sæcula sæculórum. *ñ* Amen.

*ñ* Procedámus in pace.  
*ñ* In nómine Dómini, Amen.





# TYPOGRAPHUS

## LECTORI.

**C**UM subsequētia Officia a Summis Pontificibus ordinata, Ecclesiam universalem non obligent, utpote in certis quibusdam Regnis et Provinciis, ex indulto eorundem recitanda, hic in fine, extra aliorum ordinem, pro majori recitantium commoditate, eadem addenda putavi.

### DOM. I. SEPTEMBRIS.

In Festo **S. Angeli Custodis.**

Dup. ij. Classis cum Oct.

Pro Germania.

Officium in Festo fit ut in Brev., die ij. Octob., cum ix. Lect. Dñicæ, cujus fit com. in utrisque Vesp. et Laud.

### FERIA SECUNDA

Infra Oct. **S. Angeli Cust.**

Officium per Octavam dicitur ut in die Festi.

In j. Noct. Lectiones de Script. occur., nimirum ex Dñica j. Septembris, quia heri non sunt lectæ.

In secundo Nocturno.

Sermo sancti Augustini  
Episcopi.

Lectio iv.

Lib. 11. de Civit. Dei, c. 31.

**S**ANCTI Angeli, ad quorum societatem et congregationem in hac peregrinatione laboriosissima suspiramus, sicut habent per-

manēdi æternitatem, ita cognoscēdi facilitatem, et requiescēdi felicitatem; sine difficultate quippe nos adjuvant, quoniam spiritalibus motibus puris et liberis non laborant.

**A.** Vivit ipse Dominus.

Lectio v.

Ibid. Cap. 33.

**N**os duas societates angelicas intelligimus, unam fruētem Deo, alteram tumentem typho. Unam, cui dicitur: Adorate eum omnes Angeli ejus: aliam, cujus princeps dicit: Hæc omnia dabo tibi, si prostratus adoraveris me. Unam sancto Dei amore flagrantem: alteram propriæ celsitudinis immundo amore fumantem. Et quoniam, sicut scriptum est, Deus superbis resistit, humilibus autem dat gratiam, illam in cœlis habitantem, istam inde dejē-

etiam, in hoc infimo aëreo  
cælo tumultuāntem.

14. Angelus.

*Lectio vj.*

**I**LLAM luminosa pietate  
tranquillam : istam tene-  
brōsis cupiditatibus turbu-  
lētam. Illam Dei nutu cle-  
mēter subveniētem, juste  
ulciscētem : istam suo  
fastu subdēdi, et nocēdi  
libidine æstuāntem. Illam,  
ut quantum vult, cōsulat  
Dei bonitatis minīstram :  
istam, ne quantum vult  
nóceat, Dei potestāte fræ-  
nātam. Illam huic illudē-  
tem, ut nolens prosit per-  
secutiōnibus suis ; hanc illi  
invidētem, cum peregrinos  
cōlligit suos.

15. In omni.

*In tertio Nocturno.*

*Lectio sancti Evangēlii  
secūndum Matthæum.*

*Lectio vij. Cap. 18.*

**I**N illo tēpore : Accessē-  
runt discipuli ad Jesum,  
dicētes : Quis, putas, ma-  
jor est in regno cœlōrum ?  
Et reliqua.

Homilia sancti Hierōnymi  
Presbyteri.

*L. 3. Com. in c. 18. Matth.*

**P**OST invēntum statērem,  
post tribūta réddita, quid  
sibi vult Apostolōrum re-  
pentīna interrogātiō, Quis,  
putas, major est in regno  
cœlōrum ? Quia viderant  
pro Petro et Dōmino idem  
tribūtum rédditum, ex

æqualitāte prétii arbitrāti  
sunt Petrum omnibus Apó-  
stolis esse prælatum, qui  
in redditiōne tribūti Dōmi-  
no fūerat comparātus ; ideo  
intérrogant : quis major sit  
in regno cœlōrum. Vidēns-  
que Jesus cogitatiōnes eò-  
rum, et causas errōris in-  
telligens, vult desidérium  
glóriæ humilitātis conten-  
tiōne sanāre.

16. Machabæus.

*Lectio vij.*

**S**I autem manus tua, vel  
pes tuus scandalizat te,  
abscinde eum, et prójice  
abs te. Necesse est quidem  
venire scāndala, vae tamen  
ei est hōmini, qui, quod  
necesse est ut fiat in mun-  
do, vitio suo facit ut per  
se fiat. Igitur omnis trun-  
catur affēctus, et universa  
propinquitas amputatur, ne  
per occasiōem pietātis  
unusquisque credētiū  
scāndalis páteat. Si, inquit,  
ita est quis tibi conjūctus,  
ut manus, pes, óculus, et  
est utilis atque sollicitus,  
et acutus ad perspiciēdum :  
scāndalum autem tibi facit,  
et propter dissonāntiam  
morum te pértrahit in ge-  
hēnnam : melius est, ut  
propinquitāte ejus, et emo-  
lumentis carnalibus cárceas :  
ne, dum vis lucrifacere cog-  
natos et necessarios, cau-  
sam hábeas ruinārum.

17. Tu Dōmine.

Lectio ix.

**D**ico enim vobis, quia Angeli eorum semper vident faciem Patris mei. Supra dixerat, per manum, et pedem, et oculum omnes propinquitates et necessitudines, quæ scandalum facere poterant, amputandas, austeritatem itaque sententiæ subiecto præcepto temperat, dicens: Videte ne contemnatis unum ex pusillis istis. Sic, inquit, præcipio severitatem, ut commisceri clementiam doceam: quia Angeli eorum in cœlis vident semper faciem Patris. Magna dignitas animarum, ut unaquæque habeat ab ortu natiuitatis in custodiam sui Angelum delegatum. Unde legimus in Apocalypsi Joannis: Angelo Ephesi, et reliquarum Ecclesiarum scribe hæc. Apóstolus quoque præcipit velari capita in Ecclesiis feminarum propter Angelos.

Te Deum laudamus. 18.

FERIA TERTIA

Infra Oct. S. Angeli Cust.

In j. Nocturno Lectiones de Scriptura occurrente.

In secundo Nocturno.

Sermo S. Bernárdi Abbátis.

Lectio iv.

In Festiv. S. Michaelis.

**H**ic est funiculus triplex, quo de excélsis cœlorum habitáculo ad consolandos, ad visitandos, ad adjuvandos

nos, attrahitur supereminens charitas Angelorum, propter Deum, propter nos, propter seipsos. Propter Deum utique, cujus tanta erga nos misericordiæ viscera ipsi quoque imitantur. Propter nos, in quibus propriam similitudinem miserantur. Propter seipsos, quorum ordines instaurantes ex nobis toto desiderio præstolantur. In ore enim parvulorum, qui lacte modo vescuntur, et nondum sólido cibo, perficienda est laus illa majestatis divinæ, cujus habentes primitias angelici spiritus, beata delectatione fruuntur: sed tanto avidius nos expectant, quanto consummationis ejus expectatione et expetitione sollicitantur.

R. Vivit ipse.

Lectio v.

**Q**UAE cum ita sint, pensate etiam, quanta nobis sollicitudine opus est, ut dignos nos exhibeamus eorum frequentia, et eo modo conversetur in conspectu Angelorum, ne forte sanctos offendamus obtutus. Vae enim nobis, si quando provocati peccatis et negligentiis nostris, indignos nos judicaverint præsentia et visitatione sua, ut jam necesse habeamus et nos plangere, et dicere cum Propheta: Amici mei, et pró-

ximi mei advérsum me appropinquavérunt, et steterunt: et qui juxta me erant, de longe steterunt, et vim faciébant, qui quærébant ánimam meam. Elongátis nimirum eis, quorum præséntia protégere nos, et propulsáre póterat inimicum.

Ŕ. Angelus Dómini.

### Lectio vj.

**Q**UOD si tam necessáriam habémus familiaritatem dignatiónis angélicæ, cavénda nobis est eórum offénsa, et in his máxime exercéndum, quibus eos nóvimus oblectári. Sunt enim plúrima, quæ eis placent, et quæ in nobis invenire deléctat, ut est sobrietas, cástitas, paupértas voluntária, crebri in cælum gémitus, et oratiónes cum lácrymis et cordis intensiône. Attamen super ómnia hæc unitatem et pacem a nobis éxigunt Angeli pacis. E contra vero nihil æque offéndit, et ad indignationem próvocat eos, quómodo dissensiones et scándala.

Ŕ. In omni.

### In tertio Nocturno.

Lectio sancti Evangélii secúndum Matthæum.

### Lectio vij. Cap. 18.

**I**N illo témpore: Accessérunt discípuli ad Jesum, dicéntes: Quis, putas, major est in regno cælórum? Et réliqua.

Homilia sancti Joánnis

Chrysóstomi

Ex var. in Mat. loc. Hom. 18.

**V**Æ mundo a scándalis.

Mundum istum, terrénium locum dicit, neque vero de cœlo et terra intelligere debémus mundum, sed mundum hic intelligámus terrénium: ideo quod dixit Dóminus: Regnum meum non est de isto mundo: si essem de mundo, amáret me mundus. Et dicitur ad Apóstolos: Vos non estis de mundo.

Ŕ. Machabæus.

### Lectio viij.

**V**Æ igitur mundo, hoc est, terréno loco, ab scándalis: necesse enim est ut véniant scándala: non quia necesse, sed quia mundo necesse ut véniant. Vidéte quod dicimus, subtile est: si necesse est ut véniant scándala, ergo absque culpa est ille, per quem venit scándalum.

Ŕ. Tu, Dómine.

### Lectio ix.

**S**ED nos dicimus, scándalum non venit nisi in terréno mundo. Vis tibi non venire scándalum? Noli esse terrénus. Proptérea dico, mundus terrénus scándalum habet, terra ista necesse est ut hábeat scándalum: noli portáre terrénium, sed cœléstem, et scándalum non habébis. Verúmtamen væ

hómini illi per quem scándalum venit.

**T**e Deum laudámus. 17.

**FERIA QUARTA.**

**Infra Oct. S. Angeli Cust.**

**In j. Nocturno Lectiones de Scriptura occurrente.**

**In secundo Nocturno.**

Sermo S. Hilárii Episcopi.

**Lectio iv. In Ps. 137.**

**I**N conspéctu Angelórum psallam tibi. Parum sibi existimat Prophéta esse, ut hominibus tantum præséntibus psallat, quia hómines corporálium tantum negotiórum officia inspiciunt : in eo enim, quod psallit, motum complácitæ operatiónis Deo osténdit. Non ergo quæ vidéntur in corpore, cerni désiderat : sed ea quæ spirituáliter natúræ spirituáles contuéntur, gérere festinat. Scit enim sub spécula Angelórum vitam omnem morésque ágere, et ubique hæc divinórum ministeriórum auxilia fidélibus cunctis assistere, ut scriptum est : Præest Angelus Dómini in circúitu timéntium eum.

**℞. Vivit ipse.**

**Lectio v.**

**L**EGEM étiam Moysi in manu mediatóris per Angelos fuisse depósitum docet Apóstolus. Nec non et Eliséus absolutissime dócuit, humánas infirmitátes Angelórum auxiliis deféndi, et in ómnibus periculis, si fi-

des máneat in nobis, adésse spirituálíum Virtútum defensiónem. Nam cum rex Syriæ cápere Geth urbem, in qua idem Prophéta Eliséus esset, paráret, et noctúrnis itinéríbus exércitum suum, qui antelucánus urbem obsidéret, destinásset, puer Eliséi, conspécta obsidióne, dixit : O dómíne, quid faciémus ? Et dixit : Noli timére, quia plures sunt nobíscum, quam cum illis. **℞. Angelus.**

**Lectio vj.**

**E**T orávit Eliséus ad Dóminum, et dixit : Adáperi, Dómíne, óculos púeri hujus, ut vídeat. Et apéruit Dóminus óculos púeri, et vidit. Et ecce mons erat plenus equis, et cúrribus in gyro Eliséi, et descendérunt ad eos. Tantus et tam nóbilis Prophéta solus contemplatióne auxiliórum spirituálíum dignus est. Sed orátio ejus ad Deum visum incorporálium étiam púero suo méruit. In horum igitur assisténtium humánis auxiliis Angelórum conspéctu psallat Prophéta, simplici-bus spirituálíum óperum contemplatióne placitúrus.

**℞. In omni.**

**In tertio Nocturno.**

**L**ectio sancti Evangélii secundum Matthæum.

**Lectio vij. Cap. 18.**

**I**N illo témpore : Accessérunt discipuli ad Jesum,

dicentes : Quis, putas, major est in regno cœlorum ? Et reliqua.

Homilia S. Bernárdi Abbátis.  
*Tom. 1. in festiv. S. Michaelis,*  
*Serm. 11.*

**A**UDISTIS, fratres, evangélicam lectionem adversus eos, qui pusillos scandalizant, satis terribiliter intonantem. Némini blanditur Véritas, néminem palpat, nullum seducit, apérte denuntians, quóniam vae hómini illi, per quem scandalum venit : expedit ei, ut suspendatur in collo ejus mola asinária : et pro suávi jugo, et levi ónere Salvatóris, gravi mole terrénæ cupiditátis húmeris ejus imposita, demergatur in profundum maris hujus magni, et spatiósi máribus, quod est sine dúbio sæculum nequam. Períre síquidem necesse est hóminem, qui charitatem non habet, étiam si tradiderit corpus suum ita ut árdeat. Et hoc dixerim, fratres, ut in ea charitate, et in unanimitate, et pace, in qua statis in Dómino, solliciti sitis perseverare, et abundare magis.

*R.* Machabæus.

*Lectio viij.*

**Q**UÆ est enim spes nostra, et gáudium nostrum, et coróna glóriæ ? nonne unitas et unanimitas vestra, in qua gáudeo vos inveniri

fraternitátis amatóres, et ante ómnia mútuam in vobismetípsum charitatem habentes, quod est vinculum perfectiónis ? In hoc enim cognóscunt omnes, étiam Angeli sancti, quod Christi estis discipuli, si dilectionem hábuéritis ad invicem. Dénique potest hinc quoque fratérnæ dilectionis utilitas magnífice commendári : numquid enim Christi grátia diligémur ab Angelis, si de mútuæ dilectionis inópia cognóverint nequáquam ejus nos esse discipulos ? Numquid diligémur ab eis propter nos ipsos, id est, spirituális natúræ similitudinem, si invenímur non diligere humánæ natúræ nostræ consórtes ? imo vero, si ex eis, quæ inter nos sunt contentiónibus carnáles nos magis quam spirituáles esse constiterit ?

*R.* Tu, Dómine.

*Lectio ix.*

**D**ENIQUE numquid Angeli diligunt nos propter se ipsos, et futúram de nobis civitátis suæ restauratió-nem, si (quod absit) unum, quo solo uníri, et coædificári eis póssumus, defúerit glútinum charitátis ? Quómodo sperábunt reædificandos de nobis perpétuos civitátis illius muros, si cognóverint, si viderint, nos non lápidés esse vivos,



qui possint invicem cohærere, sed magis pulverem, quem projicit ventus a facie terræ, quem unus verbi flatus in turbinem excitet, et suspiciōnis cuiuslibet levissima aura dispērgat? Et hæc quidem dixisse sufficiat, pro eo, quod ait Dōminus: Si quis scandalizaverit unum de pusillis istis.

**T**e Deum laudamus. 17.

**FERIA QUINTA**

**Infra Oct. S. Angeli Cust.**

**In j. Nocturno Lectiones de Scriptura occurrente.**

**In secundo Nocturno.**

Sermo sancti Augustini  
Episcopi.

**Lectio iv.**

*Lib. 9. de Civit. Dei c. 22.*

**A**NGELIS bonis omnis corporalium temporaliumque rerum sciētia vilis est, non quod earum ignari sint, sed quod illis Dei, qua sanctificantur, charitas chara est. Præ cuius non tantum incorporali, verum etiam incommutabili et ineffabili pulchritudine, cuius sancto amore inardescunt, omnia quæ infra sunt, et quod illud est, non sunt, seque ipsos intra illa contemnunt, ut ex toto, quod boni sunt, eo bono, ex quo boni sunt, perfruantur. **R.** Vivit ipse.

**Lectio v.**

*Ibid. lib. 10. cap. 7.*

**A**NGELI in cœlestibus sedibus constituti immortales

et beati, qui Creatoris sui participatione gaudent, cuius æternitate firmi, cuius veritate certi, cuius munere sancti sunt: quoniam nos mortales et miseros, ut immortales beatique simus, misericorditer diligunt, nolunt nos sibi sacrificare, sed ei, cuius et ipsi nobiscum se sacrificium esse novērunt.

**R.** Angelus Dōmini.

**Lectio vj.**

**C**UM ipsis sumus una civitas Dei, cui dicitur in Psalmo: Gloriosa dicta sunt de te, civitas Dei: cuius pars in nobis peregrinatur, pars in illis opitulatur. De illa quippe superna civitate, ubi Dei voluntas intelligibilis atque incommutabilis lex est: de illa superna quodammodo curia (geritur namque ibi cura de nobis) ad nos ministrata per Angelos sancta Scriptura descendit.

**R.** In omni.

**In tertio Nocturno.**

**L**ectio sancti Evangelii  
secundum Matthæum.

**Lectio vij. Cap. 18.**

**I**N illo tempore: Accesserunt discipuli ad Jesum, dicentes: Quis, putas, major est in regno cœlorum? Et reliqua.

Hom. S. Bernardi Abbatis.  
*Tom. I. in Festo S. Michaelis.*

**J**AM vero quem non moveat quod sequitur in

**E**vangelio : Si oculus tuus scandalizaverit te , érue eum ? Numquid enim corporalem hunc oculum monémur erüere , aut unam ex manibus istis , similiter et unum abscindere pedem ? Absit a nobis hujusmodi carnalis omnino et nimis ridiculosa cogitatio.

**R.** Machabæus.

**Lectio viij.**

**P**ORRO triplex fieri scandalum istud quotidiano nobis nosse licet experimento Intérdum enim est in nobis spiritalis intentiõnis oculus simplex , et qui gratiæ magis quam noster dicendus sit , sed scandalizat nos oculus noster , et qui vere a nobis est , dum voluntas nostra aliam minus castam importune ingerit intentiõnem ; sed habemus super hoc salubre consilium Salvatoris : Erue eum , inquit , et prójice abs te. Hoc autem fiet , si non conséntias , si abjicias , si resistas. Simili modo de manu ac pede est intelligendum.

**R.** Tu, Domine.

**Lectio ix.**

**C**UM autem bonis opéribus inténtos , ad alia ópera trahere voluntas própria conátur , manus nostra est , quæ scandalizat nos : sed abscindi debet , et prójici a nobis , ut non ei consentiámus. Sic étiam proficere in

sancta conversatiõne , et ascendere per gradus scalæ , quæ Jacob apparuit , ac juxta quod ait Psalmista , de virtute in virtutem ire desiderantes , sæpius scandalum patimur a pede quodam pusillanimitatis , et negligentiæ nostræ , qui nimium descendere magis , ac remissius ire conátur ; sed abscindi eum necesse est , ut pes gratiæ , qui stat in directo , currere possit sine offensiõne , sine scandalo , sine impedimento.

**Te Deum laudamus. 17.**

**FERIA SEXTA**

**Infra Oct. S. Angeli Cust.**

**In j. Nocturno Lectiones de Scriptura occurrente.**

**In secundo Nocturno.**

**Sermo S. Bernárdi Abbátis.**

**Lectio iv.**

**In festivit. S. Michaelis.**

**D**IGNUM est , ut glóriam Angelórum non capiéntes , tanto magis amplectámur misericórdiam , qua nimium constat nihilominus abundare domésticos Dei , cæli cives , príncipes paradísi. Testátur enim Apóstolus , qui raptus ad tertium cælum , beátæ illi cúriæ méruit interesse , atque ejus nosse secréta , quóniam omnes administratórii sunt spíritus , missi in ministérium propter eos , qui hereditatem capiunt salutis. Neque id cuiquam incredi-

biile videatur, quandoquidem ipse quoque Creator, et Rex Angelorum venit non ministrari, sed ministrare, et animam suam dare pro multis.

**R.** Vivit ipse.

**Lectio v.**

**M**INISTRANT Angeli, sed de alieno, offerentes Deo bona opera, non sua, sed nostra, et nobis ejus gratiam referentes. Unde et Scriptura dicit: Quoniam ascendit fumus aromatum in conspectu Domini de manu Angelorum: sollicitè præmisit, data ei fuisse incensa multa. Nostros enim sudores, non suos, nostras, non suas lacrymas offerunt Deo; nobis quoque ejus munera referunt, non sua. Non sic minister ille sublimior cunctis, sed humilior universis, qui semetipsum obtulit sacrificium laudis, qui Patri offerens animam suam, nobis ministrat usque hodie carnem suam.

**R.** Angelus Domini.

**Lectio vj.**

**H**UJUS itaque tanti ministri gratia, nihil mirum si dignanter nobis, imo et libenter Angeli sancti ministrent. Ipsi enim amant nos, quia nos amavit Christus. Dicitur certe vulgari proverbio: Qui me amat, amat et canem meum. Nos vero, o beati Angeli, catelli su-

mus Domini illius, quem tanto affectu diligitis. Catelli, inquam, cupientes saturari de micis, quæ cadunt de mensis dominorum nostrorum, qui estis vos. Et hæc dixerim, fratres, ut ampliorem de cetero erga beatos Angelos fiduciam habeatis, ac proinde familiarius in omni necessitate vestra illorum invocetis auxilia: sed et digne eorum præsentia conversari, et magis ac magis eorum vobis conciliare gratiam, captare benevolentiam, exorare clementiam studeatis.

**R.** In omni.

**In tertio Nocturno.**

**Lectio sancti Evangelii secundum Matthæum.**

**Lectio vij. Cap. 18.**

**I**N illo tempore: Accesserunt discipuli ad Jesum, dicentes: Quis, putas, major est in regno cælorum? Et reliqua.

Homilia sancti Joannis Chrysostomi.

*Ex Hom. 60. in Matth.*

**V**IDETE, ne contemnatis unum de parvulis istis. Parvulos non ætate, sed multorum æstimatione appellavit, pauperes, inquam, ignotos, ceterosque hujusmodi, quos multi contemnunt, qui revèra parvuli non sunt, cum Creatoris omnium amici sint, quos ipse multo magis venerabiliôres facit, dicens:

Quia Angeli eorum semper vident faciem Patris mei qui in cœlis est.

*R.* Machabæus.

*Lectio viij.*

**H**ANC manifestum est, quia omnes Sancti Angelos habeant. Apóstolus étiam ait de muliere, quóniam velámen débeat hábere in cápite propter Angelos : et Moyses, Státuit fines, inquit, Géntium secúndum númerum Angelórum Dei. Hic vero non de Angelis simplici-ter dicitur, sed de Angelis excelléntibus atque supré-  
mis. Nihil enim áliud designátur, cum faciem, dicat, Patris mei aspiciunt, quam summa fidúcia eorum, et honor præcípuus.

*R.* Tu, Dómine.

*Lectio ix.*

**V**IDES, quot quibúsque ratió-  
nibus ad modéstiam, et ad curam tenuiórum fratrum nos révocat? Infántem in médio státuit, et dixit : Efficiámini sicut párvuli : et quicúmque talem suscepérit párvulum, me suscépiet, et quicúmque hunc scandalizáverit, extrémá luet sup-  
plícia : et scandalizántes hómines, étiam si loco mánuum atque oculórum nobis essent, abscíndere jussit. Angelórum quoque auctori-  
táte, qui hos ténues fratres tutántur, ut eos venerémur impélliť. *Te Deum. 17.*

**SABBATO**

*Infra Oct. S. Angeli Cust.*

*In j. Nocturno Lectiones de Scriptura occurrente.*

*In secundo Nocturno.*

Sermo sancti Ambrósii  
Epíscopi.

*Lectio iv.*

*Serm. 1. de S. Eliseo.*

**H**OSTIUM tumultus belli-  
cósos mínime timére debémus, nec quámli-  
bet númerósam hóstium multítu-  
dinem formidáre. Quóniam, sicut ait Apóstolus, major est qui in nobis est, quam qui in mundo : hoc est, po-  
téntior est ad protegéndos fámulos suos Christus, quam diábolus ad instigándos ini-  
mícos : quamvis enim idem diábolus, cólligat sibi tur-  
bas, et crudéli eas armet insá-  
nia, tamen fáci-  
le destruúntur, quia melióri-  
bus pópulum suum Salvátor cir-  
cúmdat auxiliis. Ait enim  
Prophéta : Immíttet Ange-  
lum Dóminus in circúitu  
timéntium eum, et erípiet  
eos. Quod si Angelus Dó-  
mini timéntes eum de pe-  
rículis erípit, non potest  
timére bárbarum, qui ti-  
múerit Salvatórem.

*R.* Vivit ipse.

*Lectio v.*

*In Epist. ad Hebr. c. 1.*

**Q**UID miráris, si Fílio mi-  
nistérium éxhibent An-  
geli, cum étiam nostræ sa-  
lútis ministros eos constet

efféctos? Fílius tamen sicut Dóminus salvat: isti vero sicut servi salutí prædestinatórum desérviunt. Intel- ligite igitur, quantus ho- nor nobis exístit, ad quos sicut ad amícos, ita mini- stros Angelos suos déstinat Deus.

*R.* Angelus Dómini.

*Lectio vj. In Ps. 27.*

**Q**UÍ juxta me erant, de lon- ge stetérunt: ne mysti- cus quidem pietátis abhór- reat afféctus, ut pro Angelis dixerit, qui præténdunt timéntibus Dóminum, ut eri- piant eos de tentatiónibus, quas ferre non possunt. Quó- modo ergo longe stant, qui ad adjuméntum sunt attri- búti? sed non illi se sépa- rant, sed qui urgétur ten- tatiónibus, putat eos longe abesse, quos própius sibi adesse desiderant, et arbi- trátur dissimuláre, cum illi adjuvándi tempus nutu sui imperatóris expéctent, qui athlétam suum, quo glorió- sius vínceret, diútius cer- táre præcépit.

*R.* In omni.

*In tertio Nocturno.*

*Lectio sancti Evangélíi  
secúndum Matthæum.*

*Lectio vij. Cap. 18.*

**I**N illo témpore: Accessé- runt discipuli ad Jesum, dicétes: Quis, putas, ma- jor est in regno cælórum? Et réliqua.

*Homílla sancti Joánnis  
Chrysóstomi.*

*Ex Homílla 59.*

**C**URIOSE, inquit, scrutámi- ni vos, quis vestrum ma- jor sit, et de primátus honó- re conténditis. Ego autem, si quis humiliórem se céte- ris non effécerit, ipso in- gréssu cælésti omníno in- dignum ássero. Recte autem ante óculos monstratióne párvuli totam rem pósuit, ipso aspéctu eos convértens, ac persuádens, ut absque simulatióne áliqua humili- tatem amplectántur.

*R.* Machabæus.

*Lectio viij.*

**P**ARVULI autem non invi- dére, nec inánem expe- ctáre glóriam, nec primátus desideráre dignitatem no- vérunt; sed máxime hanc virtutem pósident, puram dico simplicitatem, et humi- litatem. Non ergo fortitúdi- ne tantum, ac prudéntia, sed humilitátis quoque virtute, et simplicitate nobis opus est: quæ si non adest, salus nostra certe cláudicat.

*R.* Tu, Dómine.

*Lectio ix.*

**P**ARVULUM autem ætáte, et quidem, mea senténtia, valde párvulum, qui ab óm- nibus esset passiónibus li- ber, in médio státuit. Illa enim ætas omni arrogántia, omni glóriæ inánis furóre, omni livóris insánia, omni



contentionis cupiditate, ceterisque hujusmodi affectibus immunis est. Cumque præcipuis muniatur virtutibus, simplicitatis scilicet ac humilitatis, de nulla istarum superbit, ita duplici philosophia ornatur.

Te Deum laudamus. 17.

DOMINICA II. SEPTEMB.

Octava S. Angeli Custodis.

Duplex.

In j. Nocturno Lectiones de Scriptura occurrente.

In secundo Nocturno.

Sermo S. Bernárdi Abbátis.

Lectio iv.

Ex Serm. 12. super Psalm.

Qui habitat.

ANGELIS suis mandavit de te. Mira dignatio, et vere magna dilectio charitatis. Quis enim? quibus? de quo? quid mandavit? studiose consideremus, fratres, diligenter commendemus memorie hoc tam grandemandatum. Quis enim mandavit? cujus sunt Angeli? cujus mandatis obtemperant? cujus obediunt voluntati? Nempe Angelis suis mandavit de te, ut custodiant te in omnibus viis tuis. Nec cunctantur, quin etiam in manibus tollant te. Summa ergo majestas mandavit Angelis, et Angelis suis mandavit. Illis utique sublimibus, tam beatis, tam proxime sibi cohærentibus, tam familiariter sibi adhæ-

rentibus, et vere domesticis Dei mandavit de te. Tu quis es? Quasi vero non sit homo putredo, et filius hominis vermis. *R.* Vivit ipse.

Lectio v.

SED quid, putas, mandavit de te? Numquid scripsit contra te amaritudines? numquid ut contra folium, quod vento rapitur, ostendant potentiam suam, et stipulam siccam persequantur? numquid ut tollant impium, ne videat gloriam Dei? Mandandum istud est, non mandatum. Itaque Angelis suis mandavit de te, ut custodiant te. Pretiosum depositum nobis commiserat, fructum crucis suæ, pretium sanguinis sui: non est contentus custodia hac tam parum tuta, tam parum utili, tam fragili, tam insufficiens. Super muros tuos Jerusalem constituit custodes, nempe etiam ipsi qui videntur muri, aut in muro ipso columnæ, his custodibus egent et maxime.

*R.* Angelus Domini.

Lectio vj.

QUANTAM tibi debet hoc verbum inferre reverentiam, afferre devotionem, conferre fiduciam! Reverentiam pro præsentia, devotionem pro benevolentia, fiduciam pro custodia. Caute ambula, ut videlicet, cui adsunt Angeli, sicut eis man-



dátum est, in ómnibus viis tuis; in quovis diversório, in quovis ángulo, Angelo tuo reveréntiam habe. Tu ne áudeas, illo præsénte, quod, vidénte me, non audéres. Céterum, etsi tam párvuli sumus, et tam magna nobis, nec modo tam magna, sed et tam periculósa via restat, quid tamen sub tantis custódibus timeámus? nec superári, nec sedúci, minus autem sedúcere possunt, qui custódiunt nos in ómnibus viis nostris. Fidéles sunt, prudéntes sunt, poténtes sunt, quid trepidámus? tantum sequámur eos, adhæreámus eis, et in protectióne Dei cœli commorémur.

**ij. In omni.**

**In iij. Noct. Lectiones vij. et viij. ut in die Festi.**

**Lectio ix. de Homilia Dominicæ, cujus fit com. in Laud. et utrisque Vesperis.**

**Si dies Octava S. Angeli Custodis inciderit in Festum Nativ. B. Mariæ Virg. fit de B. Maria cum com. diei Oct. S. Angeli Custodis.**

**DIE IV. SEPTEMBRIS.**

**In Festo S. Rosaliæ, Virg. Panormitanæ.**

**Semiduplex.**

**Pro omnibus Hisp. Regi subj.**

**Omnia de Comm. Virg. xcij. præter seq.**

**Oratio.**

**E**XAUDI nos, Deus salutáris noster: ut, sicut de

beátæ Rosáliæ Virginis tuæ festivitáte gaudémus, ita piæ devotiónis erudiámur afféctu: et, ejus intercessióne, ab iracúndiæ tuæ flagéllis misericórditer liberémur. Per Dóminum.

**In j. Nocturno Lectiones de Scriptura occurrente.**

**In secundo Nocturno.**

**Lectio iv.**

**R**OSALIA Virgo, orta Pátrónormi ex nóbili génere, suam originem trahens a Cárolo Magno, in Quisquínæ montem quadraginta círciter mille pássibus distántem sola secédens, patérnæ dómus opes, delicias ac spem majóris amplitúdinis, ob propinquitátem et benevoléntiam regum Siciliæ contémnens cum tétricæ rupis horróre et asperitaté commutávit: inque antrum, cui tunc únicus, et quidem angústus áditus e superióri loco patébat, intrépide descendit, ea mente, quam caractéribus saxo insculptis adhuc paténtibus expressit: Ego Rosália Sinibáldi Quisquínæ, et Rosárum dómini filia, amóre Dómini mei Jesu Christi, in hoc antro habitáre decrévi. Qua inscriptióne óculis obversánte, susceptæ vitæ propósitum áltius cordi infigere, ac divínæ benevoléntiæ signa ad castíssimæ mentis blandi-

ménta vicissim provocáre consuévít.

**R.** Propter veritátem.

**Lectio v.**

**I**N hac specu subterranea sibi et mundo emórtua, consepúltaque Jesu Christo, ut soli Deo viveret, diu noctúque látuit, cavens præcipue in móntibus patrérni principátus, ne forte ágnita in domum, urbémque pátriam abducerétur invita. Cállidas dæmonum insídias, quæ áspæræ vitæ tædium, et solitúdinis horrórém ánimo ingerébant, ácritèr sæviéndo in se, férrea caténa, vigiliis, et humicubatióne, forti ánimo superásse, antíquæ icónes significant. Cumque humanis destitúta præsídiis, nihil solátii aliúnde hauríret quam e cælo, Dóminus, qui consolátur, et coronat Sanctos suos, angélicis deliciis illam sæpius recreábat.

**R.** Dilexisti justitiam.

**Lectio vj.**

**C**OELESTI deínde consílio ex antro Quisquinénsi, in horridiorem spelúncam Peregrini montis, tribus fere mille pássibus procul Panórmò, Rosália se tránstulit, ut quo difficiliorem pugnam secum ipsa committeret et conspéctu domus patrénæ, eo laudabilius de contépti mundi illécebris triumpháret. Latébat ibi ad partem

lævam angústus cóncavus, quem éadem post repértas ejus reliquias, illuc venánti, cui se vidéndam præbuit, dixit esse suam cellam peregrínam, ubi multum ætátis exegísset. Hic tamquam colúmba in foráminibus petræ gemens, in cœléstium rerum contemplatióne defixa, ad perfectíssimam divíni amoris normam in solitúdine vitam tradúxit, et sanctíssime perénnibus charitátis rosis, et virginitátis líliis coronáta, depósuit prídie Nonas Septémbris. Cujus corpus, Urbáno Octávo Pontífice Máximo, divínitus anno Jubilæi, totius Sicíliæ plausu, repértum, illam a peste liberávit.

**R.** Afferéntur Regi.

In iij. Noct. Homilia in Evang. Símile erit... decem virginibus, de Comm. civ.

EADEM DIE IV. SEPT.

In Festo S. Rosæ Viterbiensis.

Virg. Duplex.

Pro Statu Eccl. et aliis locis.

Omnia de Comm. Virg. xcij. præter seq.

Oratio.

**D**EUS, qui beátam Rosam sanctárum tuárum Virginum collégio aggregáre dignátus es: tribue nobis, quæsumus; ut, ejus précibus et méritis, a culpis ómnibus expiémur, et tuæ majestátis consórtio perfruámur ætérno. Per Dóminum.

In j. Nocturno Lectiones  
de Scriptura occurrente.

In secundo Nocturno.

Lectio iv.

**R**OSA, Vitérbii piis paréntibus nata, ab ipsa infantia omni virtute enituit, facta perfectionis magistra, cum vix loqui didicisset. Mundi exósa vanitates, rudi amictu, pedum nuditate, cilicio, jejuniis, aliisque austeritatibus corpúsculum affligens, divinæ contemplationi jûgiter vacabat. Hanc vero eximiam sanctitatem insigni miraculo Deus testatam voluit: nam adhuc puélla avúnculum defunctum ad vitam revocavit. Ad virginitatem, quam perpétuo coluit, solo aspectu intuéntium ánimos excitabat. Charitatis erga páuperes studiosissima, cum aliquándo hiberno témpore subtráctum sibi panem clam illis deférret, patre imperante, ut próderet quid in grémio absconditum ferret, panis in rosas convérsus est.

℞. Propter veritatem.

Lectio v.

**C**UM séptimum explésset annum, solitudinis desidério flagrans, domus suæ angústam cellulam elégit: cui se tamquam voluntário cárceri inclúsit, et orationi, corporisque castigationi ardenter incumbens, Dei clementiam deprecabatur pro

sanctæ Ecclesiæ tranquillitate, quam Friderici Secúndi Imperatóris impietas acérime divexabat. Ex diútina autem maceratione in morbum lethálem incidit: in quo beátæ Virginis visitatione recreáta, hábitum Tértii Ordinis sancti Francisci induere jussa est. Decénis a Deo inspiráta, piis adhortationibus validisque argumentis multos hæreticos ad fidem et obediéntiam Románi Pontificis redúxit. Quade causa cum tota cognatione sua in exilium ejécta, ad vicína óppida venit, ubi Friderici mortem, et Ecclesiæ pacem prophético spiritu prædixit. Mulierem cæcam a nativitate illuminávit, et ad fidei veritatem astruendam, succénsum rogam ingressa, ac tribus horis in eo illæsa pérmanens, ejúsdam hæreticæ mulieris perviciaciam vicit, eámque cum aliis ad fidem convértit.

℞. Dilexisti justitiam.

Lectio vi.

**T**ANDEM Vitérbium summá civium gratulatione reversa, in consórtium Sanctimoniálum sanctæ Mariæ de Rosis admitti pétiit: sed illis ingressum ob puellæ inópiam denegántibus, se mórtuam in eo cœnóbio commoratúram prædixit. Mox ad prístinum domus suæ cárcerem regréssa, cum in

ea duóbus annis permansisset, morbo corrépta, et ad beátam pátriam suspírans, méritis plena migrávit ad Sponsum, décimo octávo suæ vitæ anno nondum exácto. Corpus ejus miro splendóre illustrátum, suavique odóre perfúsum, in templo sanctæ Mariæ de Pódio, effóssa humo, ac désuper ingésta, tumulátum fuit: donec post triginta circiter menses ab Alexandro Quarto, tunc Vitérbii sedénte, et in somnis ter ab ea admónito refóssum, et incorruptum repértum, pridie Nonas Septémbris ad præfátum monastérium, quod póstea sanctæ Rosæ nuncupátum est, solémniter translátum fuit: ubi usque ad hodiérnam diem integrum et flexíbile, summa totíus orbis admiratióne, asservátur, et novis semper miráculis corúscat.

**R.** Afferéntur Regi.

In iij. Noct. Homilia in Evang. S ímile erit regnum cœlórur. civ.

**DIE IX. SEPTEMBBIS.**  
**In Festo B. Petri Claver,**  
**Confessoris S. J.**  
**Duplex. Oratio.**

**D**EUS, qui miserabilia mancipia ad agnitióem tui nóminis vocáturus, beátum Petrum confessórem tuum mira in eis juvándis sui abnegatióne et exímia chari-

táte roborásti: ejus nobis intercessióne concéde; ut non quæ nostra sunt, sed quæ Jesu Christi quæréntes, próximos ópere et veritáte diligere valeámus. Per eúndem Dóminum.

**In j. Nocturno Lectiones de Scriptura occurrente.**

**In secundo Nocturno.**

**Lectio iv.**

**P**ETRUS Claver Hispánus Verdúni natus, quod óppidum est Cataláuniae non ignóbile in diocési Celsonénsi, Societáti Jesu nomen dedit adolésceus móribus innocentíssimis. Religiósæ vitæ tyrocínio sancte et ad exéplum functus, humanióribus litteris, et philosophiæ óperam datúrus, in Baleárium máximam trajécit; ubi cum beáto Alphónso Ródriguez, qui multa jam tum de Petri apostolátu, ejusque futúra in cœlis glória divinitus cognóverat, conjunctíssime vivens, ab eo sublimiórís virtútis arcána et labóres ingéntes sibi parátos edóctus est. In Hispániam revocátus, theologiæ curriculo nondum expléto, in Neogranaténse Austrális Américæ regnum, moderatórum jussu, transmissus, et sacerdotio auctus, sacrárum disciplinárur cursum in urbe Sanctæ Fidei Bogotánsi confécit. Inde Cartháginem ad oram maris Atlán-

tici missus, in illo empório rúribus et bárbaris hominibus ex Africa addúctis, et per vim de libertáte in servitútem dejéctis, se omnésque vitæ suæ ratiónes, interpósita étiam sacraménti fide, plane devóvit: quorum ipse unus multa millia salutáribus baptísmatis aquis expiávit. Vix autem dici potest quanta patiéntia et charitaté in calamitosíssimo illo hóminum génere excoléndo, et christiánis præceptiónibus et móribus imbuéndo vir apostólicus per quadragínta et eo ámplius continéntes annos desudáverit. *R.* Honéstum.

#### Lectio v.

**N**EQVE eórum ánimis solum, sed et corpóribus opitulabátur assidue. Quum naves ejúsmodi mancipiis onústæ in portum appéllerent, præsto áderat Petrus, cibum, potum, phármaca, aliaque necessária præsidia secum ferens, hominésque miséria et squalóre conféctos, ceu pater filios, peramánter compléctens, nudis vestiménta, esuriéntibus escam, ægris medicámina supeditábat. Lue pestífera, aliisque morbis inféctos, nihil de sua vita sollicitus, peculiári cura, et ope levábat, visus non raro pútrida eórum úlcera studiósius tractáre, donec nauseántis na-

túræ moléstiam pénitus superáret, dignus inde qui plúrimis a Deo charísmatum donis ditaréetur. Quamplúres a médicis desperátos súbito sanitáti restituit, multis oculórum lúmine captis visum réddidit, tres a mórtuis excitávit. Pállium, quo utebátur, quodque sæpe, álio strágulo deficiénte, ægris languéntibus quibuscúmque impónere, vel substérnere solébat, ægrotórum et péssime ulceratórum sórdibus licet inquinátum, nonnisi suavíssimum odórem efflábatur, ejusdémque contactu plures repénce ex morbis gravíssimis convaluérunt. *R.* Amávit.

#### Lectio vj.

**T**OT labóribus in mancipiórum cura exantlátis mínime fractus, céteris étiam, qui Carthágine versaréntur, civibus advenisque juvándis, hæréticis cum Ecclesiá reconciliándis, Mahuméticæ superstitióni addictis ad Christi ovile trahéndis, multam atque útilem óperam pósuit. Quod témporis superésset, contemplatióni dabatur, et fessus diúrnis labóribus, in seram noctem horas continéntes Deum precabátur, semper cum eo virtútum exercitatióne conjúnetus. Virginális integritátis custos rigidíssimus, eam puram ab omni



labe ad tûmulum usque servavit. Somni parcissimus, assëribus, injécto supra centône, indormiébat. Erga omnes comis et affabilis, in se uno exeruciando asper et sævus. Domi, forisque in honóre hábitus, nunquam éxtulit ánimum: ódia impiórum et convícia immóbili fortitúdine tolerávit, nullam ádhibens contuméliæ memóriam. Demum tot virtútum méritis, et potíssimum charitáte exímia illústris, anno millésimo sexcentésimo quinquagésimo quarto, die natáli Deiparæ Virginis Mariæ, quam a pûero semper adamáverat, ad cœléstium sedem plácido éxitu emigrávit, annum agens ætátis nonum supra sexagésimum. Post óbitum clárior elúxit sanctitas, patrátis a Deo, ejus intercessióne, illústribus miráculis; quibus rite probátis, Pius Nonus Póntifex Máximus honóres Cœlitum beatórum eidem tribuëndos decrevit.

**R.** Iste homo.

**In tertio Nocturno.**

**L**ectio sancti Evangélii secúndum Lucam.

**Lectio vij. Cap. 10.**

**I**n illo témpore: Legisperitus quidam volens justificáre seípsum, dixit ad Jesum: Et quis est meus próximus? Et reliqua.

Homília sancti Joánnis

Chrysóstomi.

**8. adv. Judæos.**

**I**MITARE Samaritánum illum qui in Evangélio tantam erga vulnerátum præstitit sollicitúdinem. Etenim illic prætériit Levíta, prætériit Pharisæus, ac neuter defléxit ad jacéntem; sed incleménter, crudelitérque relicto illo, abiérunt. Samaritánus autem, qui nulla ex parte illi conjunctus erat, non prætercúrrit; sed occurrens misértus est, instillávit óleum et vinum, impósuit ásino, duxit ad diversórium, pecúniám partim dedit, partim pollicitus est, pro ejus, qui nihil ad ipsum pertinébat, curatione. Si Samaritánus ádeo humanus, mitisque fuit erga hóminem ignótum, quam habitúri sumus nos véniam, si próprios fratres neglexérimus in malis gravióribus? Ne igitur dissimulémus, neque incleménter prætereámus: quin etiámsi álíi hoc fécerint, cave tu ne idem fácias. **R.** Iste est qui.

**Lectio viij.**

**N**EQUE enim Samaritánus ille dicébat: Ubi nunc sacerdótes, ubi nunc Pharisæi, ubi nunc Judæórum doctóres? Sed perinde ac venátum quemdam máximum nactus esset, ita lucrándi ansam arripuit. Et



tu ergo cum videris álium egéntem curatióne vel córporis vel ánimæ, ne dicas apud temetipsum : Quare ille et ille eum non curavérunt? Sed illum tu a morbo libera, nec ratiónes negligéntiæ ab illis éxigas. Si aurum jacens invénias, num dicis apud temetipsum : Quare ille aut ille non sustulérunt? et non festinas ante álios rápere? Itidem et de frátribus collápsis cógita, putatóque thesáurum te reperísse, nimirum curam illórum. ¶ Etenim si instilláveris cuípiam velut óleum doctrinam sermónis, si ligáveris eum mansuctúdine, si sanáveris tolerántia, ille te fáciat ditiórem quovis thesáuro. Qui enim separáverit pretiósus a vili, tamquam os meum erit, inquit Deus. Quid huic bono póterit æquiparári? Quod neque jejúnium, neque humicubatiónes, neque pervigilia, neque áliud quídpian potest effícere, id éfficit fratris procuráta salus.

R̃. Sint lumbi.

Lectio ix. S. Gorgonii, M.

DIE XXII. SEPTEMBRIS.

In Festo B. Mariæ de Socos, dictæ de Cervellon, Virg. Ord. B. M. de Mercede Redemptionis Captivorum.

Duplex.

Pro omnibus tam Sæcularibus, quam Regularibus

omnium Regnorum, et Provinciarum Imperatori subjectarum.

Omnia de Communi Virg. xcij. præter seq.

In j. Vesp. ad Magnificat. Añã. Flagéllis, et caténa María corpus domábat : siléntio et abstinéntia ánimum custodiébat : oratióibus incessánte instábat, docens Christi sponsas vas corruptibile in sanctificatióne et honóre possidére.

Oratio.

DEUS, qui nos cónspicis in tot periculis constitutos pro nostra fragilitate non posse subsistere : concéde propítius ; ut, intercedénte beáta María fámula tua, de præsentis vitæ fluctibus educti, ad ætérnæ salutis portum pervenire valeámus. Per Dóminum.

In j. Nocturno Lectiones de Scriptura occurrente.

In secundo Nocturno.

Lectio iv.

MARIA nóbili familia de Cervellióne Barcinóne in Hispânia nata, et a paréntibus in Dei timóre primis ab annis enutrita, virginitatem suam, cum decem et octo esset annórum, illi devóvit. Ejus vivéendi rátio erat, in públicum rárius prodíre, ægrotántibus domésticis sédulo adésse, et in nosocómio ter in hebdómadá paupéribus ministráre.

Annum trigésimum agens, defuncto patre, habitum Ordinis sanctæ Mariæ de Mercéde prima ex féminis suscipiens, sanctimoniabilibus ejusdem Ordinis ducem, et magistram, et exemplar se præbuit, ac distributo patrimonio in redemptionem captivorum, professionem in eodem Ordine una cum voto de laborando pro redimendis captivis emisit.

¶ Propter veritatem.

### Lectio v.

**M**ATRE e vivis sublata, cum aliquot honestis féminis ejusdem instituti piam sanctamque vitam perégit: solita quotidie mulierum, a suis fratribus redemptarum, ac Barcinonem adveniéntium, pedes in hospitáli domo lavare: quinquies in hebdomada sacra Eucharistia refici, terque jejunare solo pane et aqua contenta: quotidianis flagellis insuper et ferrea catena corpus suum affligens. Siléntium, quod mira observántia colébat, inánibus verbis nunquam infrégit, ac párcius indulgens somno, expetébat ab ejusmodi necessitate liberári, ut illo solo fruerétur incessanter, quo jucundántur cæli, et Angeli lætántur. Quod diurni témporis supérrat ab oratione et pietátis exer-

citiis, in páuperes juvándos impendébat: nullum officii genus prætermittens, quo afflictos consolarétur, oppressos liberáret, et vinctos edúceret de carcéribus.

¶ Dilexisti justitiam.

### Lectio vj.

**F**UTURAS maris tempestates prænuntiábat, illasque sæpe suis orationibus sedávit: visa aliquóties super undas incédere, quo Fratres captivorum redemptóres, aliósque in mari periclitántes serváret incólumes: unde ei Mariá de Subsídio, vulgo de Socos, nomen est inditum. Dénique post multa virtutum insígnia Barcinóne migrávit ad Dóminum, décimo tértio Kaléndas Octóbris, anno salutis millésimo ducentésimo nonagésimo. Ejus corpus, ex quo suavissimus odor manábat, sepúltum est in Ecclésia Fratrum Ordinis sui; quod nonagésimo post anno, Episcopo Barcinónsi, Petro Arragóniæ rege, ceterisque aulæ et civitátis Primátibus adstántibus, solémni pompa elevátum, incorruptum repértum fuit, ac decentióri loco, ubi religiósè cólitur, asservátur.

¶ Afferéntur Regi.

In iij. Noct. Homília in Evang. Símile erit regnum cælórum decem virgínibus. de Communi. civ.

**Ad Benedictus, Añs.**

Adducuntur in lætitia et exultatione Regi Domino Virgines post Mariam, ut in sanctitate, et iustitia serviant illi, et quocumque ierit, ipsum Agnum sequantur.

**In ij. Vesp. ad Magnificat, Añs.** Mare, et venti Mariæ obédiunt, angélici candoris virtute pollenti: aquæ multæ cessérunt ardori charitatis ejus.

**DIE V. OCTOBRIS.**

**In Festo S. Gallæ, Viduæ.**

**Duplex.**

**Omnia de Communi non Virg. exj. præter seq.**

**Oratio.**

**O**MNIPOTENS et miséricors Deus, qui beatam Gallam eximia in pauperes dilectionis virtute decorasti: ejus méritis et précibus concède; ut charitatis ópera exercéntes, misericórdiam tuam consequi mereámur. Per Dóminum.

**In j. Nocturno Lectiones de Scriptura occurrente.**

**In secundo Nocturno.**

Ex libro quarto Dialogórum S. Gregórii Papæ.

**Lectio iv.**

**G**OTHORUM temporibus, Galla, hujus Urbis nobilissima puella, Symmachi consulis ac patricii filia, intra adolescéntiæ témpora marito trádita, in unius anni spátio ejus est morte vi-

duata. Quam dum, fervente mundi cópia, ad iterandum thálamum et opes et ætas vocarent, elégit magis spiritalibus nuptiis copulári Deo, in quibus a luctu incipitur, sed ad gáudia ætérna pervenitur, quam carnalibus nuptiis súbjici, quæ a lætitia semper incipiunt, et ad finem cum luctu tendunt. **R.** Propter.

**Lectio v.**

**M**ox ergo ut ejus maritus defunctus est, abjecto sæculári hábitu, ad omnipotentis Dei servitium sese apud beáti Petri Apóstoli ecclósiám monastério trádidit, ibique multis annis simplicitati cordis atque orationi dedita, larga indigéntibus ópera eleemosynarum impéndit. Cumque omnipotens Deus perennem jam mercédem réddere ejus labóribus decrevisset, cancri úlcere in mamilla percússa est. Noctúrno autem témpore ante lectum ejus duo candelábra lucére consuéverant, quia videlicet amica lucis, non solum spirituales, sed étiam corporales ténebras ódio habébat. Quæ dum nocte quadam ex hac eadem jacéret infirmitate fatigata, vidit beátum Petrum Apóstolum inter útraque candelábra ante suum lectum consistentem, nec pertérrita tímuit, sed

ex amore sumens audaciam exultavit, eique dixit : Quid est, Domine mi, dimissa sunt mihi peccata mea ? Cui ille, benignissimi ut est vultus, inclinato capite, annuit dicens : Dimissa. Veni.

℞. Dilexisti justitiam.

Lectio vj.

**S**ED quia quamdam sanctimoniam feminam in eodem monasterio præ cæteris diligebat, illico Galla subjunxit : Rogo ut soror Benedicta mecum veniat. Cui ille respondit : Non, sed illa talis veniat tecum : hæc vero, quam petis, die erit trigésimo secutura. His itaque explētis, visio Apóstoli assistentis et colloquentis ei ablata est. At illa proutinus cunctæ congregationis accivit matrem, eique quid viderit, quidve audierit, indicavit. Tértio autem die cum ea, quæ jussa fuerat, sorore defuncta est ; illa vero, quam ipsa poposcerat, die est trigésimo subsequuta. Quod factum nunc usque in eodem monasterio manet memorabile ; sicque hoc a præcedentibus matribus traditum narrare illic solent subtiliter junióres, quæ nunc sunt sanctimoniales virgines, ac si illo in tempore huic tam grandi miraculo et ipsæ adfuissent. ℞. Fallax gratia.

In iij. Nocturno Homilia

in Evang. Smile est regnum cælorum thesauro. cxv.

Lectio ix. de SS. Placido et Sociis ejus, Mart., cum eorum com. in Laud.

DIE VII. OCTOBRIS.

In Festo S. Pulcheriæ, Virg.

Imperatricis.

Duplex majus.

Omnia de Comm. Virg.

xcij. præter seq.

Oratio.

**D**EUS, qui beatam Pulcheriam, Virginem tuam, singulâri castitatis prærogativa decorasti, quique illi ad defendendam Ecclesiam tuam summum fidei amorem tribuere voluisti : concede ; ut, ejus intercessiône, tibi puris mentibus inhærentes, ab omnium hostium insidiis misericorditer liberemur. Per Dóminum.


In j. Nocturno Lectiones, De virginibus. xviij.

In secundo Nocturno.

Lectio iv.

**A**LIA Pulcheria Augusta, patre, avo, fratre, atque viro, Romanorum Imperatoribus maxime nobilis, profligatis sua præsertim opera hæreticorum erroribus, et Catholico dogmate circa Incarnationis mysterium, et divinam Maternitatem constituto multo nobilior, ab ipsa pueritia tanta sapientia divinitus prædata fuit, ut ii, quibus post Arcadii patris obitum Impérii

procuratio, dum Theodósius adolésce-  
ret, ejus arbitrátu ómnia  
fácerent; essétque constans  
opinio, unius puéllulæ vir-  
tute ac sapiéntia, quæ in-  
stare atque ingrúere vide-  
bántur, perícula discússa,  
et felicitátem Império con-  
stitútam. Domi assídua di-  
sciplinæ exáctrix, eam vi-  
vendi formam indúxit, ut  
illa jam non aula Impera-  
tórurum, sed ascetérium vul-  
go dicerétur. Theodósium  
fratrem, Eudóxiam, quam  
illi matrimónio conjungén-  
dam curávit, Flaccillam,  
Arcádiam, Marínam soróres  
ita imbuébat bonis móribus,  
exercebátque ad virtútem,  
ut quibus ætáte non mul-  
tum præstábat, eórum mo-  
derátrix ac propémódum  
mater esse viderétur. Qua  
institutióne soróres quan-  
tum profécerint, vel ex hoc  
uno intéllegi potest, quod  
Pulchériam imitátæ, se  
suámque virginitátem Deo  
devovérunt: utque Augú-  
sta Virgo ea quæ decreverat  
ámplius confirmáret, omnés-  
que voluntátis suæ testes  
habéret, ex auro et pretiósiss  
lápídis sacram mensam  
in Ecclésia Constantinopoli-  
tána pro virginitáte sua,  
et fratris Império dedicá-  
vit, et in fronte ipsíus men-  
sæ hæc eádem inscripsit.

 Propter veritátem.

### Lectio v.

**P**OTIOR autem ejus in Theo-  
dósio instruendo elúxit  
cura, eúmque, ubi opus es-  
set, mira quadam dexteritá-  
te corrigébat; qui quidem  
talis est effectus, ut absolu-  
tissimum óptimi veréque  
christiáni Principis exém-  
plar fúerit, dum Pulchériæ  
consiliis est obsecútus. Post  
diutúrná cum fratre con-  
córdiam, turbis malevoló-  
rum fraude atque obrecta-  
tione in aula excitátis, tem-  
pus nacta, quo sibi jam uni,  
Deoque vacáre posset, se-  
cessit in Hebdomum, locum  
Byzántiò suburbánurum, ibi-  
que vitam agens pene moná-  
sticá, aliquándiu se conti-  
nuit. Cum vero felicitas Im-  
périi una cum ea exuláret,  
a fratre accersíta, ubi deesse  
vidit qui prælia Dómini pu-  
gnáret, Débboram imitáta,  
fide ac religióne armáta pro-  
cessit; et missis in omnem  
partem epístolis, hortándo,  
monéndo, minitándo, non  
pecúniæ, non labóribus par-  
cens, digna effecta est, quam  
Patres Concilii Chalcedo-  
nénsis una ómnium voce  
atque præcónio custódem  
fidei, pacis conciliatricem,  
expultrícem hæreticórum,  
piam, orthodóxam, novam  
Hélenam (sicut Marciánurum  
tunc Imperátorem, novum  
Constantínū) consalutárent:  
cuique sanctus Leo totius

Românæ, Ecclésiæ nómīne plúrimum gratularétur, ejúsque causa exultáre sédiceret, ac digna Deo vota persólvere, quod de Nestoríana primum impietáte, mox et nefáριο Eutychéti erroré perémpto, dúplicem illi et palmam contúlerat, et corónam. *R̃.* Dilexisti.

*Lectio vij.*

**A**TQUE hæ tantæ curárum moles, quas præsertim in Ephesino, ac Chalcedonénsi Concíliis, Romanórum Pontíficum auctoritaté convocátis, necessarió suscepérat, nihilo illam ad cétera christiánæ pietátis officia obeúnda fecére segniórem. Assidue cœléstium rerum contemplatióne, sacrórum librórum lectiÓne, córporis afflictatiÓnibus sponte susceptis se exercébat. Psalmos de nocte surgens una cum régiæ familiæ Principibus decantábat. Dei ac Sanctórum (quorum et collóquio non semel dignáta est) cultrix exímia : quæ étiam summópere semper conténdit, ut erga eórum Reliquias cultus augerétur. Deíparam in primis cóluit, cui hanc ipsam Deíparæ appellatiÓnem contra Nestorianórum blasphemias assérui : vóluit namque summa sapiéntiæ suæ dispositiÓne divína Providéntia, ut per vírginem summa

Vírginis dignitas inoffénsa pénitus servarétur ; quam étiam est imitáta servádo perpétuam in ipso conjúgio virginitátem : cujus dénique cultui amplificádo complúra templa regáli plane magnificéntia excitávit, donáriis auxit, redditibus locupletávit. In placánda divína justítia mira pietáte enítuit. Fuit erga páuperes misericórdia plane singulári, quos et matérna quadam charitaté compléxa est quoad vixit, et móriens eórum, quæ assídua effusissímaque liberálitas réliqua fécerat, scripsit herédes. Quod cautum ab ipsa testaménto fuit, diligénter curávit Marciánus, quem pari ReligiÓnis stúdio, rebúsque ómnibus Império digníssimum, ipsa evéxerat ad impérium, sibíque hanc ipsam ob causam, salva quam Deo vóverat virginitáte, cónjugem delégerat. Obiit anno quadringéntésimo quinquagésimo tértio, magno ómnium luctu, maximisque sanctórum Patrum, ceterórumque ejus ævi Scriptórum láudibus celebráta.

*R̃.* Afferéntur Regi.

*In tertio Nocturno.*

*Lectio sancti Evangélii secúndum Joánnem.*

*Lectio vij. Cap. 17.*

**I**N illo témpore : Dixit Jesus : Hæc est autem vita



ætérna, ut cognóscant te solum Deum verum, et quem misisti Jesum Christum. Et reliqua.

Homilia sancti Cyrilli

Alexandrini.

*De Fide ad Pulcheriam, et  
Sorores Reginas.*

**S**ANE vos sacras castissimasque Christi ómnium nostrum Salvatóris sponsas, religiosíssimæ ac Deo dilectissimæ Imperatrices, orbis terrarum ornaméntum, sanctissimarúmque Ecclesiarum decus, óptimo jure quisquis appelláverit; in quibus nímirum omne virtutum genus, omnisque ornátus divínæ Majestátis óculis gratus acceptusque mirífice splendet. Neque his ópibus conténtæ, omnem quoque curam omnéque stúdiúm adhibétis, quo fide recta, nullámque in partem vacillánte, excellátis. Neque Christi regnum capéssere, et ea quæ illi grata sunt, fácere, et sentíre omíttitis; partim quidem præcláris actiónibus, partim rursum cum vestras, tum Príncipum quoque vestrorum aulas virginitátis glória condecorántes, partim dénique sumptuosíssima templa Christo Dómino excitántes: nam et hoc quoque pietátis stúdiúm inter cætera ille sanctis vestris ánimis imperítus est. **R̃.** Hæc est.

### Lectio viij.

**I**GITUR ex sacris lítteris vobis vere sanctis Christi Sponsis (quamquam ad quodvis opus bonum abúnde instructæ videámini) áliquíd deprómam. Hinc étenim et Emmanuélem verum ac naturálem Deum, et Vírginem Matrem, quæ eum péperit, veram per ipsum Deíparam esse, planum fiet. Ait Christus: Hæc est vita ætérna, ut cognóscant te solum Deum verum, et quem misisti Jesum Christum. Si cum solius veríque Dei cognitióne Jesu Christi cognitiónem necessariam, consociatámque esse opórtet, et hoc ipsum ætérnam vitam concíliat, cui obscúrum esse potest Christum verum esse Deum? Verbum sane caro factum est, sed mansit ínterim Verbum.

**R̃.** Média nocte.

### Lectio ix.

**E**T ego claritatem, quam dedisti mihi, dedi eis; ut sint unum, sicut et nos unum sumus. Qualem itaque glóriam Filius a Patre accepisse se narrat, quam nobis deinde comúnem fécerit? Sane ipse ab hac quæstióne nos liberat, dum ait: Ut unum sint, sicut et nos unum sumus. Nam etsi Dei Patris Verbum, secúndum própriam hypóstasim, áliud a Patre esse dignoscátur,

naturáli tamen identitáte unum plane et idem est cum illo. At quo pacto Verbum illud, unum quoque nobiscum factum est? Ad eundem omnino modum, puta secundum essentiálem et naturálem identitátem. At cum divína natúra tanto a creatúra distet intervállo, ut secundum esséntiam cum ea coíre nequáquam váleat, ecquo, inquis, modo secundum natúrám unum ille factus est nobiscum, qui omnem omnino creatúram excéllit? Verbum factus est homo, ut quemádmódum in Deítate unum et idem est cum Patre, ita secundum natúræ humánæ habitúdinem sit unum quoque nobiscum. **Te Deum laudámus. 17.**

**DOM. II. OCTOBRIS.**

**In Festo Maternitatis B. M. V.**

**Duplex majus.**

**Ad Vesp. Añæ et Capit. de Laud. Psalmi ut in Festis B. M. cxliv.**

**Hymn. Ave maris. cxlvj.**  
**ŷ.** Benedícta tu in muliéribus. **R̃.** Et benedíctus fructus ventris tui.

**Ad Magnificat, Añæ.**  
Cum jucunditáte Maternitátem beatæ Mariæ semper Virginis celebrémus.

**Oratio ut ad Laudes.**

**Et fit com. Dñicæ occurr.**

**In fine Hymn.** Jesu, tibi sit glória, Qui natus es de Virgine.

**Ad Matutinum, Invitat.**  
**Maternitátem beatæ Mariæ Virginis celebrémus : \***  
Christum ejus Fílium adorémus Dóminum. **Ps. Venite. 2.**

**Hymnus.**

**C**OELO Redémptor prætulit  
Felicis alvum Virginis,  
Ubi futúra víctima  
Mortále corpus induit.  
**Hæc** Virgo nobis édedit  
Nostræ salútis áuspícem,  
Qui nos redémit Sanguine,  
Pænas Crucémque pértulit.  
**Spes** læta nostro e pectore  
Pellat timóres anxios :  
**Hæc** quippe nostras lácrymas,  
Precésque defert Fílio.  
**Voces** Paréntis éxcipit,  
Votisque Natus ánnuit :  
**Hanc** quisque semper diligat,  
Rebúsque in arctis invocet.  
**Sit** Trinitáti glória,  
Quæ Matris intáctum sinum  
Ditávit almo gérmine,  
Laus sit per omne sæculum.  
**Amen.**

**Anæ et Psalmi Noct. ut in Festis B. M. cxlvij.**

**In primo Nocturno.**

**ŷ.** Spécie tua et pulchritúdine tua. **R̃.** Inténde, prospere procéde, et regna.

**De libro Ecclesiástici.**

**Lectio j. Cap. 24. a**

**E**GO ex ore Altíssimi prodívi primogénita ante omnem creatúram. Ego feci in cœlis, ut orirétur lumen

indeficiens, et sicut nébula  
 texti omnem terram. Ego in  
 altissimis habitávi, et thronus  
 meus in columna nubis.  
 Gyrum cœli circuivi sola,  
 et profundum abyssi penetrávi,  
 in fluctibus maris ambulávi,  
 et in omni terra steti,  
 et in omni pópulo, et in omni  
 gente primátum habui : et ómnium  
 excellentium et humilium corda  
 virtute calcávi : et in his ómnibus  
 réquiem quæsivi, et in hæreditáte  
 Dómini morábor, **R.** Felix es,  
 sacra Virgo Maria et omni laude  
 dignissima : \* Ex qua ortus est  
 Sol justitiæ Christus Deus noster,  
 per quem salváti et redempti sumus.  
**V.** Maternitatem beátæ Mariæ  
 Virginis cum gáudio celebrémus.  
 Ex qua.

### Lectio ij.

**T**UNC præcepit et dixit mihi  
 Creátor ómnium : et qui creávit  
 me, requiévit in tabernáculo meo,  
 et dixit mihi : In Jacob inhábita,  
 et in Israel hæreditare, et in  
 eléctis meis mitte radices. Ab  
 initio et ante sæcula creáta sum,  
 et usque ad futurum sæculum non  
 désinam, et in habitatióne sancta  
 coram ipso ministrávi. Et sic in  
 Sion firmáta sum, et in civitate  
 sanctificáta similiter requiévi,  
 et in Jérusalem potéstas mea. Et  
 radicávi in pópulo honorificá-

to, et in parte Dei mei hæreditas  
 illius, et in plenitudine sanctorum  
 detentio mea. **R.** Sine tactu pudóris  
 inventa es Mater Salvatoris :  
 \* Qui cœlum terrámque regit,  
 in tua se clausit viscera factus  
 homo. **V.** Benedicta tu in mulieribus,  
 et benedictus fructus ventris tui.  
 Qui cœlum.

### Lectio iij.

**Q**UASI cedrus exaltáta sum  
 in Líbano, et quasi cypréssus in  
 monte Sion. Quasi palma exaltáta  
 sum in Cades, et quasi plantatio  
 rosæ in Jéricho. Quasi olíva  
 speciosa in campis, et quasi  
 plátanus exaltáta sum juxta  
 aquam in platéis. Sicut cinna-  
 momum et bálsamum aromatizans  
 odorem dedi : quasi myrrha  
 élécta dedi suavitatem odóris :  
 et quasi storax et gálbanus, et  
 ungula et gutta, et quasi Líbanus  
 non incisus vaporávi habitatió-  
 nem meam, et quasi bálsamum  
 non mistum odor meus. Ego quasi  
 terebínthus exténdi ramos meos,  
 et rami mei honóris et gratiæ.  
 Ego quasi vitis fructificávi  
 suavitatem odóris. **R.** Multæ  
 filiæ congregáverunt divítias,  
 tu supergréssa es univérsas : \*  
 Speciosa facta es et suávis in  
 deliciis tuis, sancta Dei Génitrix.  
**V.** Séntiant omnes tuum  
 juvamen, quicumque

célébrant tuam sanctam Maternitatem. Speciôsa. Glôria Patri. Speciôsa.

**In secundo Nocturno.**

Ÿ. Diffûsa est grátia in lâbiis tuis. R. Proptérea benedixit te Deus in ætérnum. Ex Sermône S. Leónis Papæ.

**Lectio iv.**

*Serm. 1. de Nativ. Domini.*

**V**IRGO régia Davídicæ stirpis eligitur, quæ sacro gravidanda sætu, divínam humanámque prolem prius conciperet mente, quam corpore : et ne supérni ignára consilii ad inusitatos pavéret affátus, quod in ea operándum erat a Spiritu sancto, collóquio didicit angélico, nec damnum crédidit pudóris Dei Génitrix mox futura. Cur enim de conceptionis novitate despéret, cui efficiéntia de Altissimi virtúte promíttitur? Confirmátur credéntis fides étiam præcúntis attestatióne miráculi, donáturque Elisabeth inopináta fœcúnditas, ut qui concéptum déderat stérili, datúrus non dubitarétur et Virgini. Verbum igitur Dei Deus, Filius Dei, qui in principio erat apud Deum, per quem facta sunt ómnia, et sine quo factum est nihil, propter liberándum hóminem ab ætérna morte, factus est homo.

R. Gloriôsæ Virginis Mariæ Maternitatem digníssimam

recolámus : \* Cujus Dóminus humilitátem respéxit, quæ, Angelo nuntiánte, concépit Salvatórem mundi. Ÿ. Christo canámus glóriam in hac sacra solemnitate mirábilis Genitricis Dei. Cujus.

**Lectio v.**

*Serm. 2. de Nativ. Domini.*

**I**NGREDITUR hæc infûma Jesus Christus Dóminus noster de cœli sede descéndens, et a patérna glória non recédens, novo órđine, nova nativitate generátus. Novo órđine, quia invisibilis in suis, visibilis factus est in nostris : incomprehensibilis vóluit comprehénderi, ante témpora manens, esse cœpit in témpore. Nova autem nativitate génitus est : concéptus a Virgine, natus ex Virgine, sine patérnæ carnis concupiscéntia, sine matérnæ integritátis injúria, quia futúrum hóminum Salvatórem talis ortus decébat, qui et in se habéret humanæ substantiæ natúram, et humanæ carnis inquinaménta nescíret. Origo dissimilis, sed natúra consimilis : humano usu et consuetúdine, quod crédimus, caret ; sed divína potestáte subnixum est, quod Virgo concéperit, quod Virgo pepérerit, et Virgo permanserit.

R. Benedícta, filia, tu a Dómino, quia per te fructum

vitaë communicavimus. \* Sola sine exemplo placuisti Dómino nostro Jesu Christo. *Ÿ.* Nostras deprecationes ne despicias in necessitatibus nostris, et a periculis cunctis libera nos, sancta Dei Génitrix. Sola.

*Lectio vj.*

**O**PORTUIT ut primam Genitricis integritatem nascéntis incorruptio custodiret, et complácitum sibi claustrum pudóris et sanctitátis hospítium divini Spíritus virtus infusa serváret, quæ statúerat dejécta erigere, confrácta solidáre, et superándis carnis illécebris multiplicátam pudicitiaë donáre virtútem; ut virginitas, quæ in áliis non póterat salva esse generádo, fieret áliis imitábilis renascéndo. Hoc ipsum autem, quod Christus nasci éligit ex Virgine, nonne appáret altíssimæ fuisse ratiónis : ut scilicet humáno géneri natam salútem diábolus ignoráret; et spirituáli laténte concéptu, quem non álium vidéret, quam álios, non áliter créderet natum esse, quam céteros? Quod ut fieret, éditus est Christus ex Virgine, quam Spíritus sanctus fœcundávit; et cum in ómnibus mátribus non fiat sine peccáti sorde concéptio, hæc inde purgatióem traxit, unde concépit.

*Ŕ.* Benedicta tu inter mulieres, et benedictus fructus ventris tui. \* Unde hoc mihi, ut véniat Mater Dómini mei ad me? *Ÿ.* Respéxit humilitátem ancíllæ suæ, et fecit mihi magna qui potens est. Unde. *Glória Patri.* Unde.

*In tertio Nocturno.*

*Ÿ.* Fecit mihi magna, qui potens est. *Ŕ.* Misericórdia ejus a progénie in progénies tíméntibus cum.

*Léctio sancti Evangélii secúndum Lucam.*

*Lectio vij. Cap. 2.*

**I**N illo témpore : Cum redirent, remánsit puer Jesus in Jerúsalem, et non cognovérunt paréntes ejus. Et reliqua.

Homilia S. Bernárdi Abbátis. *Hom. 1. de Laud. Virg. Matr.*

**D**EUM et Dóminum Angelórum María suum Fílium appéllat, dicens : Fili, quid fecisti nobis sic? Quis hoc áudeat Angelórum? Súfficit eis, et pro magno habent, quod, cum sint spíritus ex conditióne, ex grátia facti sint et vocáti Angeli, testánte David : Qui facit Angelos suos spíritus. María vero Matrem se agnóscens, majestátem illam, cui illi cum reveréntia serviunt, cum fidúcia suum nūcupat Fílium. Nec dedignátur nūcupári Deus, quod esse dignátus est. Nam paulo



post subdit Evangelista : Et erat subditus illis. Quis? Quibus? Deus hominibus. Deus, inquam, cui Angeli subditi sunt, cui Principatus et Potestates obediunt, subditus erat Mariæ.

**R.** Beata es, Virgo Maria, Dei Genitrix, quæ credidisti Domino, perfecta sunt in te, quæ dicta sunt tibi : \* Propterea benedixit te Deus in æternum. **V.** Diffusa est grátia in labiis tuis : intercede pro nobis ad Dominum Deum nostrum. Propterea. **Bened.** Cujus festum colimus, ipsa Virgo virginum.

### Lectio viij.

**M**IRARE utrúmlibet et élige quid ámplius mireris, sive Filii benignissimam dignationem, sive Matris excellentissimam dignitatem. Utrínque stupor, utrínque miraculum. Et quod Deus feminae obtemperet, humilitas absque exémplo : et quod Deo femina principetur, sublimitas sine sócio. In Láudibus Virginum singulariter cánitur, quod sequuntur Agnum quocúmque íerit. Quibus ergo láudibus júdeas dignam, quæ étiam præit? Disce, homo, obedire, disce, terra, subdi, disce, pulvis, obtemperare. De Auctóre tuo loquens Evangelista : Et erat, inquit, subditus illis. Erubescce, superbe cinis : Deus se

humiliat, et tu te exáltas? Deus se hominibus subdit, et tu, dominári géstiens hominibus, tuo te præponis Auctóri? **†** Felix Maria, cui nec humilitas defuit, nec virginitas. Et quidem singularis virginitas, quam non temerávit, sed honorávit fœcunditas. Et nihilóminus specialis humilitas, quam non abstulit, sed éxtulit fœcunda virginitas : et incomparabilis prorsus fœcunditas, quam virginitas simul comitatur et humilitas. Quid horum non mirábile? Quid non incomparábile? Quid non singuláre? Mirum veró si non hæsit in horum ponderatione, quid tua júdices dignius admiratione, utrum videlicet pótius stupenda sit fœcunditas in Virgine, an in Matre intégritas : sublimitas in prole, an cum tanta sublimitate humilitas? Nisi quod indubitánter horum singulis præferenda sunt simul cuncta, et incomparabiliter excellentius est atque felicius ómnia percepisse, quam aliqua. Et quid mirum, si Deus, qui mirabilis cernitur et légitur in Sanctis suis, mirabilem se exhibuit in Matre sua? Venerámini ergo, cónjuges, in carne corruptibili carnis integritatem : mirámini étiam vos, sacræ vírgines, in Virgine fœcundi-



tatem : imitámini, omnes  
hómínes, Dei Matris humi-  
litétem.

**Ŕ.** Congratulámini mihi om-  
nes, qui diligitis Dóminum,  
quia, cum essem párvula,  
pláculi Altíssimo : \* Et  
de meis viscéribus génuí  
Deum et hómínem. **Ÿ.** Beá-  
tam me dicent omnes ge-  
neratiónes, quia ancíllam  
húmílem respéxit Deus. Et.  
**Glória Patri. Et.**

**Lectio ix. de Homilia Do-  
minicæ occur.**

**AD LAUDES,**

**et per Horas, Anæ.**

1. Beáta es, \* Virgo María,  
quæ ómnium portásti Crea-  
tórem. **Ps.** Dóminus regná-  
vit, cum reliq. 48.

2. Genuísti, \* qui te fecit, et  
in ætérnum pérmanes Virgo.

3. Beátam me dicent \* omnes  
generatiónes, quia ancíllam  
húmílem respéxit Dóminus.

4. Fecit mihi magna \* qui  
potens est, et sanctum no-  
men ejus.

5. Vidérunt eam \* filiæ Sion,  
et beátam dixerunt, et regi-  
næ laudavérunt eam.

**Capit. Eccli. 24. a**

**Q**UI creávit me, requiévít  
in tabernáculo meo, et  
dixit mihi : In Jacob in-  
hábita et in eléctis meis  
mitte radices.

**Hymnus.**

**T**HE, Mater alma Núminis,  
Orámus omnes súpli-  
ces,

A fraude nos ut dæmonis  
Tua sub umbra prótegas.

**O**b pérditum nostrum genus,  
Primi paréntis crimine,  
Ad Inclytum Matris decus  
Te Rex suprémus éxtulit.

**C**leménter ergo próspice  
Lapsis Adámi pósteris :  
A te rogátus Filius  
Depónat iram vindicem.

**J**esu, tibi sit glória,  
Qui natus es de Virgine,  
Cum Patre, et almo Spiritu,  
In sempitérna sæcula. Am.

**Ÿ.** Germinávit radix Jesse,  
orta est stella ex Jacob. **Ŕ.**  
Virgo péperit Salvatórem,  
te laudámus, Deus noster.

**Ad Benedictus, Anæ,**

Sancta María, succúrre mí-  
seris, juva pusillánimes,  
réfove flébiles, ora pro pó-  
pulo, intérvieni pro clero,  
intercéde pro devóto femí-  
neo sexu : séntiant omnes  
tuum juvámen, quicúmque  
celebrant tuam admirábilem  
Maternitátem.

**Oratio.**

**D**EUS, qui de beátæ Mariæ  
Virginis útero Verbum  
tuum, Angelo nuntiánte,  
carnem suscépere voluísti :  
præsta supplicibus tuis ; ut  
qui vere eam Genitrícem Dei  
crédimus, ejus apud te in-  
tercessiónibus adjuvémur.  
Per eúndem Dóminum.

**Et sit commemor. Dñicæ  
occur.**

**Ad Horas, Anæ et Oratio  
ut in Laudibus. Ad Tertiam,**

Capit. Laud. Reliq. ut in  
Festis B. M. V. clvij.

In ij. Vesp. omnia ut in  
primis.

• *Ÿ.* Benedicta tu in mulié-  
ribus. *ŕ.* Et benedictus fru-  
ctus ventris tui.

*Ad Magnificat, Aña.*

Matérnitas tua, Dei Génitrix  
Virgo, gáudium annuntiá-  
vit unívérso mundo : ex te  
enim ortus est sol justítiæ,  
Christus Deus noster.

*Et fit com. Dñicæ.*

*DIE X. OCTOBRIS.*

*In Festo S. Francisci Borgiæ,  
Confessoris.*

*Duplex ij. classis.*

*Pro omnibus Hispaniarum  
Regi subjectis.*

*Omnia ut in Brev. Rom.  
sub hae die, sine com.  
SS. Dionysii, etc. Mart.*

*In j. Nocturno Lectiones,  
Beátus vir, de Comm. Conf.  
non Pont. ij. loco. lxxxvj.  
EADEM DIE X. OCTOBR.*

*Aut alia die assignanda.*

*In Festo S. Ludovici  
Bertrandi, Conf.*

*Duplex.*

*Pro omnibus Hispaniarum  
Regi subjectis.*

*Omnia de Comuni Conf.  
non Pont. lxxiiij. præter seq.  
Oratio.*

**D**EUS, qui beátum Ludoví-  
cum Confessórem tuum,  
per córporis mortificatió-  
nem, et fidei præcónium  
Sanctorum glóriæ coæquá-  
sti : præsta ; ut, quod fide

profitémur, pietátis opéri-  
bus júgiter impleámus. Per  
Dóminum.

*In j. Nocturno Lectiones  
de Scriptura occurrente.*

*In secundo Nocturno.*

*Lectio iv.*

**L**UDOVICUS Bertrándus Va-  
léntiæ in Hispânia Tar-  
raconénsi, honéstis piisque  
paréntibus natus, ab ipsa  
pene infántia, sanctitátis,  
ac pœniténtiæ tyrocínium  
inchoávit. Exácta pueritia,  
intérdum nuda cubábat hu-  
mo, noctes sæpe ducébat  
insómnes, ac in pietátis, et  
charitátis officia sédulus  
incumbébat. Mundi contém-  
ptu, ac religiósæ vitæ ar-  
dóre succénsus, paréntum  
artes, quibus eum a sancto  
propósito dimovére cona-  
bántur, mira constántia su-  
perávit. Sui tandem voti  
compos efféctus, Prædica-  
tórum Ordini nomen dedit :  
ubi brevi tantum profécit,  
ut vel provectióribus ipsis,  
quamvis tyro, fúerit exém-  
plo. Emissa professione,  
mirum! quot et quantis vir-  
tútum incrementis priórem  
vitæ ratiónem cumulárit.  
Jejúniis, flagéllis, ciliciis  
vigiliisque carnem domans,  
mentem jugi oratiónis pá-  
bulo nutriébat : ex quo tan-  
tum intérnæ ánimi modé-  
stiæ, ac puritátis hauriébat,  
ut vel in ejus óculis ac vul-  
tu apparéret. *ŕ.* Honéstum.

## Lectio v.

**A**dhuc júvenis Novitiórum præfécus institútus, eos ad omnem verbo et exémplo sanctimóniam efformábat. Ad occidentáles Indos evangélicus prædicátor missus, quamvis uno tantum Hispánico uterétur idiómate, eum tamen diversæ atque inter se dissitæ natiónes, sua véluti loquéntem lingua, singulæ audiébant, ex quibus innúmeros ad christiánam fidem addúxit: ibique venénium non semel sibi a Bárbaris propinátum innóxie hausit. Públicam vitiórum objurgatióem, tamquam in se unum diréctam, nóbilis quidam ultúrus, mortem Ludovíco inténtat, cum strictus in eum sclopus in Crucifixi formam repénite convértitur. Quo miráculo nefárius aggréssor permótus, ad sancti viri pedes provolútus, tanti facínoris véniam eníxe deprecátur.

**R.** Amávit eum.

## Lectio vj.

**H**UMILITATE, ac patiéntia insignis, illud idéntidem usurpábat: Dómine, hic ure, hic seca, hic non parcas, ut in ætérnum parcas Prophético afflátus spiritu multa prædixit. Ignem signo crucis extínxit; tempestátém sedávit, ferárum ímpetus cohíbuit, mórtuis

vitam, cæcis visum, claudis gressum, surdis réddidit audítum. Tandem durioris pœniténtiæ labóribus fractus, in morbum incidit, sacrisque mystériis rite expiátus, migrávit in cœlum, séptimo Idus Octóbris, anno millésimo quingéntésimo octogésimo primo, ætátis vero suæ quinquagésimo quinto. Quem multis étiam post óbitum miráculis clarum Paulus Quintus Beatórum, Clemens vero Déci-mus Sanctórum número adscrípsit. Ejus demum festum Alexánder Octávus, instánte Rege Cathólico, ab univérso ditiónis ipsius Clero sæculári, sub ritu dúplici celebrándum decrevit, sanctúmque Confessórem novi regni Granaténsis Patrónum apostólica auctoritaté declarávit.

**R.** Iste homo.

**In iij. Noct. Homilia in Evang. Sint lumbi. lxxxiij.**

**DOM. III. OCTOBRIS.**

**In Festo Puritatis B. M. V.**

**Duplex majus.**

**Ad Vesp. Añæ et Capit. de Laud. Psalmi ut in Festis B. M. cxliv.**

**Hymnus.**

**P**RÆCLARA custos Virginum,  
Intácta Mater Núminis,  
Coeléstis aulæ jánuá,  
Spes nostra, cœli gáudium.  
Intra rubéta liliúm,

Columba formosissima,  
Virga e radice gérminans  
Nostro medélam vulneri.

Turris draconí impérvia,  
Amica stella náufragis,  
Tuére nos a fráudibus,  
Tuáque luce dirige.

Erróris umbras díscute,  
Syrtes dolósas ámove,  
Fluctus tot inter déviis  
Tutam reclúde sémitam.

Jesu, tibi sit glória,  
Qui natus es de Virgine,  
Cum Patre, et almo Spíritu,  
In sempitérna sæcula. Am.

Hæc conclusio dicitur in  
fine omnium Hymnorum.

Ÿ. Cum jucunditáte Virgi-  
nitátem beátæ Mariæ sem-  
per Virginis celebrémus. R.  
Ut ipsa pro nobis intercéd-  
dat ad Dóminum Jesum  
Christum.

Ad Magnificat, Aña.

Nihil inquinátum in eam  
incúrrit : candor est lucis  
ætérnæ, et spéculum sine  
mácula.

Oratio ut ad Laudes.

Et fit com. Dñicæ occur.

Ad Matutinum, Invitat.

Virginitátem Deiparæ cele-  
brémus : \* Christum ejus  
Filium adorémus Dóminum.

Psalm. Veníte. 2.

Hymnus.

O stella Jacob fúlgida .  
O solis instar spléndida  
Auróra, qua nil púrius  
Refúlget inter sídera.  
Stolis amíctæ cándidis.  
Tibi catérvæ Cœlitum

Plaudunt , sacræque Virgi-  
nes

Laudes perénnes cóncinunt.

Quin obsequéntes ófferunt

Ligústra et alba lília :

Candor sed horum víncitur

Candóre casti péctoris.

Nostra Angelórum láudibus

Abjécta tellus ássonans

Ad astra voces éfferat,

Et Virginis præcónia.

Jesu, tibi sit glória,

Qui natus es de Virgine,

Cum Patre, et almo Spíritu,

In sempitérna sæcula. Am.

Añæ et Psalmi Noct. ut  
in Festis B. M. cxlvij.

In primo Nocturno.

Ÿ. Venérunt mihi ómnia  
bona páriter cum illa. R. Et  
innumerábilis honéstas per  
manus illius.

De Cánticis Canticórum.

Lectio j. Cap. 2. a

Ego flos campi et lílium  
convállium. Sicut lílium  
inter spinas, sic amica mea  
inter filias. Sicut malus in-  
ter ligna silvárum, sic dí-  
léctus meus inter filios. Sub  
umbra illius, quem deside-  
ráveram, sedi : et fructus  
ejus dulcis gútturi meo. In-  
troduxit me in cellam viná-  
riam, ordinávit in me cha-  
ritátem. Fulcite me flóribus,  
stipáte me malis, quia amó-  
re lángueo. Læva ejus sub  
cápite meo, et délixtera illius  
amplexábitur me. Adjúro  
vos, filiæ Jerúsalem, per  
cápreas cervósque campó-

rum, ne suscitétis, neque evigiláre faciátis diléctam, quoadúsque ipsa velit. Vox dilécti mei, ecce iste venit sáliens in móntibus, transíliens colles : símilis est diléctus meus cápreæ hinnulòque cervórum. En ipse stat post paríetem nostrum, respíciens per fenéstas, prospíciens per cancéllos. En diléctus meus lóquitur mihi: Surge, própera amíca mea, colúmba mea, formósa mea, et veni.

**R.** Diléctus meus mihi, et ego illi, qui páscitur inter lília : \* Pulchra es, amíca mea, suávis, et decóra sicut Jerúsalem, terríbilis ut castrórum ácies ordináta.

**Y.** Una est colúmba mea, perfécta mea. Vidérunt eam filíæ Sion, et beatíssimam prædicavérunt. Pulchra.

**Lectio ij. Cap. 4. a**

**Q**UAM pulchra es, amíca mea, quam pulchra es! óculi tui columbárum, absque eo, quod intrínsecus latet. Capílli tui sicut greges caprárum, quæ ascendérunt de monte Gálaad. Dentes tui sicut greges tonsárum, quæ ascendérunt de lavácro, omnes geméllis fœtibus, et stérilis non est inter eas. Sicut vitta coccínea lábia tua; et elóquium tuum dulce. Sicut fragmen mali púnici, ita genæ tuæ, absque eo quod intrínsecus latet. Sicut turris

David collum tuum, quæ ædificáta est cum propugnáculis : mille clypei pendent ex ea, omnis armatúra fortium. Duo úbera tua sicut duo hinnuli cápreæ gemélli, qui pascúntur in líliis. Donec aspíret dies, et inclinéntur umbræ, vadam ad montem myrrhæ, et ad collem thuris. Tota pulchra es, amíca mea, et mácula nōn est in te. **R.** Surge, própera amíca mea, colúmba mea, formósa mea, et veni : \* Jam hiems tránsiit, imber ábiit, et recéssit : flores apparuérunt in terra nostra. **Y.** Surgam, et circuibó civitátem; per vicos et platéas quæram, quem diligit ánima mea. Jam.

**Lectio iij.**

**V**ENI de Líbano, sponsa mea, veni de Líbano, veni : coronáberis de cápite Amana, de vértice Sanir et Hermon, de cubilibus leónum, de móntibus pardórum. Vulnerásti cor meum, soror mea sponsa, vulnerásti cor meum in uno oculórum tuórum, et in uno crine colli tui. Quam pulchræ sunt mammx tuæ, soror mea sponsa ! Pulchriór sunt úbera tua vino, et odor unguentórum tuórum super ómnia arómata. Favus distíllans lábia tua, sponsa, mel, et lac sub lingua tua : et odor vestimentórum tuórum, sicut odor thuris. Hor-

tus conclusus, soror mea sponsa, hortus conclusus, fons signatus.

**R.** Adjuro vos, filiæ Jerúsalem, si invenitis dilectum meum, ut nuntiétis ei, quia amore lángueo. \* Qualis est dilectus tuus, o pulchérissima mulierum? **Y.** Diléctus meus cándidus et rubicúndus, eléctus ex millibus. Talis est dilectus meus, ipse est amicus meus, filiæ Jerúsalem. Qualis. Glória Patri. Qualis.

**In secundo Nocturno.**

**Y.** Post partum, Virgo, invioláta permansisti. **R.** Dei Génitrix, intercède pro nobis.

Ex libro sancti Ambrósii  
Epíscopi de virgínibus.

**Lectio iv. L. 2. post init.**

**S**IT vobis tamquam in imágine descripta virginitas, vítaque beátæ Mariæ, de qua, velut in spéculo, refúlget spécies castitátis, et forma virtútis. Hinc sumátis licet exémpia vivéndi, ubi, tamquam in exemplári magistéria expréssa probitátis, quid corrigere, quid effügere, quid tenére debeátis, osténdunt. Primus discéndi ardor nobilitas est magístri. Quid nobílius Dei Matre? Quid splendídius ea, quam splendor elégit? Quid castius ea, quæ corpus sine corpóris contagióne generávit?

**R.** Beatíssima Virgo María

hortus conclusus, fons signatus, Regína Angelórum, Dómina mundi, \* Per quam Deus descéndit in terras, ut hómines ascéndere mereréntur ad cœlos. **Y.** Ad te clamámus éxules filii Hevæ: recordáre nostri, sanctíssima Virgo. Per.

**Lectio v.**

**D**E céteris ejus virtútibus quid loquar? Virgo erat non solum corpore, sed étiam mente, quæ nullo doli ámbitu sincérum adulteráret afféctum. Corde húmilis, verbis gravis, ánimo prudens, loquéndi párcior, legéndi studiósior, non in incérto divitiárum, sed in prece páuperis spem repónens; inténta óperi, verecúnda sermóne, árbítrum mentis sólita non hóminem, sed Deum quærere: nullum lædere, bene velle ómnibus, fúgere jactántiam, ratiónem sequi, amáre virtútem.

**R.** Beáta María tantæ éxstitit puritátis, ut Mater Dómini esse mererétur: \* Deus, quam elégerat, creávit: de qua crearétur, elégit. **Y.** Ipsa est stella ex Jacob, cujus rádius univérsum orbem illuminat. Deus.

Ex S. Petro Chrysólogo.

**Lectio vj. Serm. 143.**

**H**ÆC dedit cœlis glóriam, terris Deum, fidem géntibus, finem vítiis, vitæ órđinem, móribus disciplínam.



Grátiam, quam détulit Angelus, accépit Virgo, salutem sæculis redditúra. Vere benedicta Virgo, quæ et virginitatis pòssidet decus, et Matris dignitatem : vere benedicta, quæ et supérni concéptus méruit grátiam, et servávit integritátis coronam. Vere benedicta, quæ et divíni gérminis suscepit glóriam, et Regína éxistit totius castitátis.

**ŕ.** Quómodo fiet istud, quóniam virum non cognóscó? Spíritus sanctus supervéniet in te : \* Et virtus Altissimi obumbrábit tibi, ideóque \* Quod nascétur ex te sanctum, vocábitur Filius Dei.

**ŷ.** Dixit autem María : Ecce ancilla Dómini, fiat mihi secúndum verbum tuum. Et.

**Glória Patri. Quod.**

**In tertio Nocturno.**

**ŷ.** Invenisti grátiam apud Deum. **ŕ.** Sancta Dei Génitrix, Virgo immaculáta.

**L**ectio sancti Evangélii secúndum Lucam.

**Lectio vij. Cap. 1.**

**I**n illo témpore : Missus est Angelus Gábriel a Deo in civitatem Galilææ, cui nomen Názareth, ad Virginem desponsátam viro. Et réliqua.

Homilia S. Bernárdi Abbátis.

Homilia 2. super Missus est.

**N**OVUM cánticum illud, quod solis dábitur in regno Dei cantáre virgini-

bus, ipsam virginum Reginam, imo prima inter céteras esse cantatúram, nemo est qui ámbigat. Puto autem illam, præter illud quod solis licet, cum ómnibus tamen virgínibus ei, ut dixi, commúne erit, dulcióri quodam, atque elegantiori cármine lætificatúram esse civitatem Dei. Cujus itaque dulcisonos deprómere, vel exprimere módulos ne ipsárum quidem virginum ulla digna inveniétur, quia mérito decantándum servábitur illi, quæ sola de partu, et partu divíno gloriátur. Gloriátur, dixi, de partu, non in se, sed in ipso quem péperit. Deus síquidem (Deus enim est, quem péperit) Matrem suam singulári in cœléstibus donatúrus glória, singulári in terris præveníre curávit et grátia, qua videlicet ineffabíliter et intácta concíperet, et páreret incorrupta.

**ŕ.** Egrediétur virga de radice Jesse, et flos de radice ejus ascéndet : \* Ecce Virgo concípiet, et páriet Filium, et vocábitur nomen ejus Emmánuel. **ŷ.** Joseph, fili David, noli timére accipere Mariam cónjugem tuá : quod enim in ea natum est, de Spíritu sancto est. Ecce.

**Lectio viij.**

**D**EUM hujusmodi decébat, natívitás, qua nonnisi

de Virgine nasceretur. Talis congruebat et Virgini partus, ut non pareret, nisi Deum. Proinde Factor hominum, ut homo fieret, nasciturus de homine, talem sibi ex omnibus debuit deligere, imo condere Matrem, qualem et se decere sciebat, et sibi noverat placituram. Voluit itaque esse Virginem, de qua immaculata immaculatus procederet, omnium maculas purgaturus. Voluit et humilem, de qua mitis et humilis corde prodiret, harum in se virtutum necessarium omnibus, saluberrimumque exemplum ostensurus. Dedit Virgini partum, qui ei jam ante et virginitatis inspiraverat votum, et humilitatis prerogaverat meritum. Ut igitur, quæ Sanctum Sanctorum conceptura erat pariter et paritura, sancta esset corpore, accepit donum virginitatis; ut esset et mente, accepit donum humilitatis. ¶ O admirandam, et omni honore dignissimam Virginem! O feminam singulariter venerandam, super omnes feminas admirabilem, parentum reparatricem, posterorum vivificatricem! Missus est Angelus ad Virginem, virginem carne, virginem mente, virginem professione, virginem denique qualem describit Apostolus, mente, et

corpore sanctam, nec noviter, nec fortuito inventam, sed a sæculo electam, ab Altissimo præcognitam, et sibi præparatam, ab Angelis servatam, a Patribus præfiguratam, a Prophetis promissam.

℞. Beata Dei genitrix Maria templum Domini, sacrarium Spiritus sancti: \* Sola sine exemplo placuisti Domino nostro Jesu Christo. ♣. Genuisti qui te fecit, et in æternum permanes Virgo. Sola. Gloria Patri. Sola.

Lectio ix. de Homilia Dominicæ occur.

AD LAUDES,

et per Horas, Añæ.

1. Sicut liliū \* inter spinas, sic amica mea inter filias. Ps. Dominus regnavit, cum reliq. 18.

2. Dilēctus meus mihi, \* et ego illi, qui pascitur inter lilia.

3. Quam pulchra es, \* amica mea, quam pulchra es!

4. Una est columba mea, perfecta mea.

5. Viderunt eam \* filiae Sion, et beatissimam prædicaverunt.

Capitulum. Sap. 4. a

O quam pulchra est casta generatio cum claritate! Immortalis est enim memoria illius: quoniam et apud Deum nota est, et apud homines.

Hymn. O gloriosa. clvj.

**Y.** Spécie tua, et pulchritudine tua. **R.** Inténde prospere procéde et regna.

**Ad Benedictus, Añã.**

Sancta et immaculata Mariæ Virginitas, quibus te laudibus éfferam néscio, quia per te Redemptórem nostrum suscepimus Dóminum nostrum Jesum Christum.

**Oratio.**

**D**A, quæsumus, omnipotens ætérne Deus, ut purissimæ Virginis Mariæ integérrimam Virginitatem festiva celebritate venerantes, ejus intercessióne, puritatem mentis et córporis consequámur. Per Dñum.

**Et fit com. Dñicæ occur.**

**Ad Horas, Añæ et Oratio** ut in Laud. **Ad Tertiam, Capitulum Laud.** Reliqua ut in Festis B. Mariæ.

**In ij. Vesp. omnia ut in j.** **Y.** Cum jucunditate Virginitatem beátæ Mariæ semper Virginis celebrémus. **R.** Ut ipsa pro nobis intercédât ad Dóminum Jesum Christum.

**Ad Magnificat, Añã.**

Beata Dei Génitrix María, Virgo perpétua, sacrárium Spíritus sancti, sola sine exémplo placuisti Dómino nostro Jesu Christo.

**Et fit com. Dñicæ occur.**

**DIE XXI. OCTOBRIS.**

**In Festo SS. Ursulæ et Soc.**

**Virg. et Mart. Dup.**

**Officium a Capitulo de** Comm. Virg. xcij.

**In utrisque Vesp. ad Magnificat, et in Laud. ad Benedictus, Añã.** Prudentes Virgines, aptate vestras lámpades : ecce Sponsus venit, exíte óbviám ei. **Y.** Adducéntur Regi vírgines post eam. **R.** Próximæ ejus afferéntur tibi.

**Oratio.**

**D**A nobis, quæsumus Dómine Deus noster, sanctárum Virginum et Mátyrum tuárum Ursulæ et Sociárum palmas incessábili devotióne venerári : ut quas digna mente non póssumus celebráre, humilibus saltem frequentémus obséquiis. Per Dóminum.

**In j. Nocturno Lectiones de Scriptura occurrente.**

**In secundo Nocturno.**

**Lectio iv.**

**G**RATIANO Imperatóre, Flávius Clemens Máximus, Románi exércitus in Británia dux, arrépta tyránnide, Imperátor a militibus acclamátur. Inde cópias in Gállias transmíttens, ab infénsis Gratiáno legiónibus excéptus, impérium sibi corróborat. Cumque Armo-ricórum úberem regiónem, ejéctis antiquis habitatóribus, Británnicis militibus, quos secum dúxerat, divisisset, quo novas colónias propagáret in pósteros, Connani Británnici réguli, quam Britannórum ducem habé-

bat in exército, consílio, missa legatióne in Británniam, singulis militibus novis colónis singulas vírgines conjúgio fœderandas póstulat.

**R.** Propter veritatem.

**Lectio v.**

**H**AUD visa Británniæ ré-  
gulis absurda petítio.  
Unde in grátiam novi Imper-  
ratoris, et quod filias suas  
nonnisi gentilibus suis, ís-  
que donátis nova provincia  
prædivítibus, honestissime  
collocandas scirent, pro nú-  
mero militum tótidem delé-  
ctæ sunt vírgines, quarum  
princeps erat Ursula, Dió-  
noci Cornúbíæ regis filia,  
desponsáta Connáno duci  
Britannórum militum in  
exército Máximi. Cunctæ  
igitur Londíni colléctæ, im-  
pósitæ sunt invítæ navígiis.  
Solvéntes nautæ, dum Ar-  
moricórum regiónem cógi-  
tant, a sæva procélla in Ger-  
mánicum littus dejiciúntur.

**R.** Dilexisti justítiam.

**Lectio vj.**

**C**ONTIGIT adesse tunc ibi  
Hunnórum cópias, quas  
a Gratiáno Imperátore ad-  
vérsus Máximum evocátas  
ferunt. Naeti igitur Bárbari  
præclárum illud vírginum  
agmen, impoténti libidinis  
æstu furéntes, in eas ír-  
ruunt. Sed cum, hortánte  
Ursula, mortem pótius op-  
pétere, quam virgínei pu-

dóris jactúram pati, invicto  
ánimi vigóre decrevissent;  
Hunni in rábiem immanitá-  
tis convérsi, ad unam om-  
nes trucidant. Sicque Ursula  
super cómitum suárum,  
velut coeléstium margarítarum  
pretiósium acérvum,  
gloriósa víctima procúm-  
bens, púrpura pro Christo  
fusi sánguinis decoráta,  
triumphatórem tot vírginum  
exércitum géminis nempe  
virginitátis et martyrii láu-  
reis insígnem ducens, cœ-  
lum víctrix intrávit. Quarum  
córpora Coloniéenses summo  
honóre condidérunt; ea-  
rúmque illústrem agónem  
christiánis orbis florénti  
semper memória célebrat.

**R.** Afferéntur Regi.

**In iij. Noct. Homilia in  
Evang.,** Simile erit... decem  
virginibus. civ.

**Lectio ix. S. Hilarionis.**  
DOM. IV. VEL ULT. OCT.  
**In Festo SS. Reliquiarum**  
quæ in Ecclesiis asserv.

**Duplex.**

**Omnia de Communi plur.**  
**Mart. xxxviij. præter seq.**

**Oratio.**

**A**UGE in nobis, Dómine,  
resurrectiόνis fidem, qui  
in Sanctórum tuórum Reli-  
quiis mirabilia operáris : et  
fac nos immortalis glóriæ  
partícipes, cujus in eórum  
cinéribus pignora venerá-  
mur. Per Dóminum.

**In j. Noct. Lect. de Script.**

occurr. Ubi fit Dupl. maj.

**Lect.** Fratres, Debitóres. xlj.

**In secundo Nocturno.**

Ex Tractátu S. Joánnis Damascéni de Fide orthodóxa.

**Lectio iv. Lib. 4. Cap. 16.**

**C**HRISTUS Dóminus Sanctórum reliquias velut salutíferos fontes præbuit, ex quibus plúrima ad nos beneficia manant, suavissimúmque unguéntum prófluit. Nec vero quisquam huic sermóni fidem détrahat. Nam si aqua in déserto ex áspera et sólida rupe, atque ex ásini maxílla ad sedándam Sampsonis sitim, Deo ita volén-te, prosiliit, erítne, cur cuiquam incredibile videátur, ex Mártýrum reliquiis suáve unguéntum scaturíre? Mínime certe; iis quidem, quibus Dei potén-tia, honórque, quo Sanctos suos áfficit, perspéctus et explorátus est. Atque illud quidem véteri lege comparátum erat, ut quisquis mórtuum contigisset, immúndus censerétur. Verum hi in mortuórum número mínime habéndi sunt.

**R.** Sancti tui, Dómine.

**Lectio v.**

**E**x quo enim ipsamet vita, ac vitæ Auctor inter mórtuos adscriptus est, eos, qui in spe resurrectionis fidéque erga eum diem extrémum clausérunt, mórtuos haudquáquam appellámus.

Quómodo enim mórtuum corpus mirácula édere queat? Per eos dæmones expellúntur, morbi profligántur, ægróti sanántur, cæci prospíciunt, leprósi mundántur, tentatiónes ac mœróres discutiúntur, ac dé-nique omne donum óptimum a Patre lúminum, eórum ópera ad eos, qui fide mínime dúbia póstulant, descendit. Quid non labóris suscipias, ut patrónum quemdam nanciscáris, qui te mortáli regi ófferat, ac tuo nómine ad eum verba fáciat? An non igitur hi honorándi sunt, qui totius humáni géneris patrónos se profiténtur, ac Deo nostra causa súpplicant?

**R.** Vérbera carníficum.

**Lectio vj.**

**H**ONORANDI certe, et quidem ita, ut in eórum nómine Deo templa extruá-mus, dona offerámus, eórum memóriam colámus, atque in ea spirituáliter oblectémur; quo nimirum lætítia nostra iis, a quibus invitámur, cóngruat; ne dum eos cólere et demeréri studémus, offendámus pótius, et irritémus. Quibus enim rebus Deus cólitur, iisdem quoque servi ipsíus oblectántur: quibus autem Deus offénditur, iisdem étiam ipsíus milites offendúntur. Quocírca in psalmis, et

hymnis, et cāntibus spirituālibus, et compunctiōne, et eórum, qui in egestāte versāntur, commiseratiōne, quibus obséquiiis Deus potissimum conciliātur, Sanctos colāmus, stātuas ipsis, ac visibiles imāgines erigāmus, immo ipsi virtūtibus eórum imitāndis hoc consequāmur, ut vivāe eórum stātuae, atque imāgines simus.

**R.** Tamquam aurum.

**In iij. Nocturno Homilia in Evang.** Descēdens Jesus, de Communi ij. loco. lj.

**DIE XXIII. OCTOBRIS.**

**In Festo SS. Redemptoris.**

**Duplex majus.**

**Ad Vesperas, Añæ.**

1. Virgam virtūtis suæ emittet Dóminus ex Sion, et regnābit in sæculum sæculi.

**Ps. Dixit Dóminus. 134.**

2. Redemptiōnem misit Dñus pópulo suo; mandāvit in ætérnum testaméntum suum. **Ps. Confitébor. 134.**

3. Misericórdia mea, et refúgium meum Dóminus, suscéptor meus, et liberátor meus. **Ps. Crédidi. 138.**

4. Apud Dóminum misericórdia, et copiósa apud eum redemptio. **Ps. De profundis. 144.**

5. In quacúmque die invocāvero te, exáudies me: multiplicābis in ánima mea virtutem. **Ps. Confitébor. 149.**

**Capitulum Laudum.**

**Hymnus.**

**C**REATOR alme siderum,  
Ætérna lux credéntium,  
Jesu, Redémptor ómnium,  
Inténde votis súpplicum.

**C**ommúne qui mundi nefas  
Ut expiāres, ad crucem  
E Virginis Sacrário  
Intácta prodís víctima.

**C**ujus potéstas glóriæ,  
Noménque cum primum sonat,

Et cœlites et inferi  
Treménte curvántur genu.

**Q**ui dæmonis ne fráudibus  
Períret orbis, impetu  
Amóris actus, lánguidi  
Mundi medéla factus es.

**T**e deprecāmur últimæ  
Magnum díci Júdicem,  
Armis supérnæ grátie  
Defénde nos ab hóstibus.

**J**esu, tibi sit glória,  
Qui natus es de Vírgine,  
Cum Patre, et alno Spiritu,  
In sempitérna sæcula.

Amen.

**V.** Redemísti nos, Dómine,  
in sángine tuo. **R.** Et fecísti nos Deo nostro regnum.

**Ad Magnificat, Añæ.**

Salus autem mea in sempitérnum erit, et justitia mea in generatiōes generatiōum, allelúia.

**Oratio ut ad Laudes.**

**Ad Matutinum, Invitat.**

Redemptórem sæculórum,  
ipsum Regem Angelórum,  
\*Adorémus Dóminum. **Ps.**  
Veníte. 2.



## Hymnus.

**R**ERUM Creátor óptime,  
 Rectórque noster, áspice:  
 Nos a quiéte nóxia  
 Mersos sopóre libera.

Mentes manúsque tóllimus,  
 Prophéta sicut nóctibus  
 Nobis geréndum præcipit  
 Paulúsque gestis cénsuit.

Te, sancte Christe, pósci-  
 mus :

Ignósce culpis ómnibus ;  
 Ad confiténdum súrgimus,  
 Merásque noctis rúmpimus.

Jesu, tibi sit glória,  
 Qui natus es de Virgine,  
 Cum Patre, et almo Spirítu,  
 In sempitérna sæcula. Am.

## In primo Nocturno.

**Añá.** Voce mea ad Dómi-  
 num clamávi, et exaudivit  
 me de monte sancto suo.

**Ps.** Dómine, quid multipli-  
 cáti. 4.

**Añá.** Dómine Dóminus no-  
 ster, quam admirábile est  
 nomen tuum in univér-  
 sa terra ! **Ps.** Dómine, Dómi-  
 nus noster. 6.

**Qui incipitur**  
**a ij. versu.** Quóniam.

**Añá.** Dóminus in templo  
 sancto suo : Dóminus in  
 cœlo sedes ejus. **Psalm.** In  
 Dómino confido. 8.

**ŷ.** Rédime me, Dómine, et  
 miserére mei. **R̃.** In ecclé-  
 siis benedicam te, Dómine.

De Isaia Prophéta.

## Lectio j. Cap. 51.

**A**UDITE me, qui sequimini  
 quod justum est, et  
 quæritis Dóminum : attén-

dite ad petram unde excelsi  
 estis, et ad cavérnam laci  
 de qua præcelsi estis. Conso-  
 lábitur ergo Dóminus Sion,  
 et consolábitur omnes rui-  
 nas ejus : et ponet desértum  
 ejus quasi delicias, et soli-  
 tudinem ejus quasi hortum  
 Dómini. Gáudium et lætítia  
 inveniétur in ea, gratiárum  
 áctio, et vox laudis. Attén-  
 dite ad me, pópule meus,  
 et, tribus mea, me audíte :  
 quia lex a me éxiet, et ju-  
 dícium meum in lucem po-  
 pulórum requiescet. Prope  
 est justus meus, egréssus  
 est Salvátor meus, et brá-  
 chia mea pópulos judicá-  
 bunt : me ínsulæ expectá-  
 bunt, et bráchium meum  
 sustinébunt.

**R̃.** Vidi Dóminum sedén-  
 tem super sólum excélsu-  
 m et elevátum, et plena erat  
 omnis terra majestáte ejus :  
 \* Et ea quæ sub ipso erant.  
 replébant templum. **ŷ.** Sé-  
 raphim stabant super illud ;  
 sex alæ uni, et sex alæ ál-  
 teri. Et ea.

## Lectio ij.

**L**EVATE in cœlum óculos  
 vestros, et vidéte sub  
 terra deórsum : quia cœli  
 sicut fumus liquéscent, et  
 terra sicut vestiméntum at-  
 terétur, et habitatóres ejus  
 sicut hæc interibunt : salus  
 autem mea in sempitérnum  
 erit, et justítia mea non  
 deficiet. Audite me, qui sci-

tis, justum, pópulus meus, lex mea in corde eórum : nolite timére oppróbrium hóminum, et blasphémias eórum ne metuátis. Sicut enim vestiméntum, sic cómedet eos vermis : et sicut lanam, sic devorábit eos tínea : salus autem mea in sempitérnum erit, et justítia mea in generatiónes generatiónum.

**R.** Aspice, Dómine, de sede sancta tua, et cógita de nobis : inclína, Deus meus, aurem tuam, et audi. \* Aperi óculos tuos, et vide tribulatióem nostram. **V.** Qui regis Israel, inténde, qui dedúcis velut ovem Joseph. Aperi.

### Lectio iij.

**C**ONSURGE, consúrge, induere fortitúdinem bráchium Dómini : consúrge sicut in diébus antiquis, in generatióibus sæculórum. Numquid non tu percussisti supérbum, vulnerásti draconem? Numquid non tu siccásti mare, aquam abyssi veheméntis : qui posuísti profúndum maris viam, ut transírent liberáti? Et nunc qui redépti sunt a Dómino, reverténtur, et vénient in Sion laudántes, et lætítia sempitérna super cápita eórum, gáudium et lætítiam tenébunt, fúgiet dolor et gémitus. Ego, ego ipse consolábor vos : quis tu, ut

timéres ab hómine mortáli, et a filio hóminis, qui quasi fœnum ita aréscet? Et oblitus es Dómini factóris tui, qui teténdit cœlos, et fundávit terram : et formidásti júgiter tota die a fácie furóris ejus qui te tribulábat, et paráverat ad perdéndum : ubi nunc est furor tribulántis? Cito véniet grádiens ad aperiéndum, et non interficiet usque ad interneció-nem, nec deficiet panis ejus. Ego autem sum Dóminus Deus tuus.

**R.** Deus, qui sedes super thronum, et júdicas æquitátem, esto refúgium páuperum in tribulatióne : \* Quia tu solus labórem, et dolórem consíderas. **V.** Tibi enim derelictus est pauper, pupillo tu eris adjútor. Quia tu solus. Glória Patri. Quia tu solus.

### In secundo Nocturno.

**Añá.** Suscépimus, Deus, misericórdiam tuam in médio templi tui. **Psal.** Exáudiat. 45.

**Añá.** Tu es ipse Rex meus, qui mandassalútes in Jacob. **Ps.** Dómini est terra. 31.

**Añá.** Immola Deo sacrificium laudis, et redde Altíssimo vota tua. **Ps.** Deus noster refúgium. 70.

**V.** Meménto nostri, Dómine, in beneplácito pópuli tui. **R.** Visita nos in salutári tuo.

Sermo S. Leónis Papæ.

**Lectio iv.**

*Serm. 1. de Jejun. x. mensis.*

**S**i fidèlìter, dilectìssimi, atque sapiènter creatiònis nostræ intelligámus exórdium, inveniémus hóminem ideo ad imáginem Dei cónditum, ut imitátor sui esset Auctóris : et hanc esse naturálem nostri géneris dignitátem, si in nobis, quasi in quodam spéculo, divínæ benignitátis forma respléndeat. Ad quam quotidie nos útique réparat grátia Salvatóris, dum quod cécidit in Adam primo, erigitur in secúndo. Causa autem reparatiónis nostræ non est, nisi misericórdia Dei : quem non diligerémus, nisi prius nos ipse diligeret, et ténebras ignorántiæ nostræ suæ veritátis luce discúteret.

**R.** A dextris est mihi Dóminus, ne commóvear : \* Propter hoc dilatátum est cor meum, et exultávit lingua mea. †. Dóminus pars hereditátis meæ et cálicis mei. Propter.

**Lectio v.**

**D**ILIGENDO itaque nos Deus, ad imáginem suam nos réparat : et ut in nobis formam suæ bonitátis invéniat, dat unde ipsi quoque quod operátur, operémur, accéndens scilicet méntium nostrárum lucérnas, et igne

nos suæ charitátis inflámans : ut non solum ipsum, sed étiam quidquid diligit, diligámus. Nam si inter hómines ea demum firma amicitia est, quam morum similitúdo sociárit, cum tamen parilitas voluntátum sæpe in réprobos tendat afféctus, quantum nobis optándum atque niténdum est, ut in nullo ab iis, quæ Deo sunt plácita, discrepémus ? De quo dicit Prophéta : Quóniam ira in indignatióne ejus, et vita in voluntáte ejus : quia non áliter nobis erit dignitas divínæ Majestátis, nisi imitatio fúerit voluntátis.

**R.** Apud Dóminum misericórdia : \* Et copiósa apud eum redemptio. †. Húmiles spiritu salvábit. Et.

**Lectio vj.**

**D**ICENTE itaque Dómino : Diliges Dóminum Deum tuum ex toto corde tuo, et ex tota mente tua ; et diliges próximum tuum sicut teípsum : suscípiat fidélis ánima auctóris sui atque rectoris immarcescibilem charitátem, totámque se étiam ejus subjícias voluntáti, in cujus opéribus atque judiciis nihil vacat a veritate justitiæ, nihil a miseratióne cleméntiæ. Quóniam etsi magnis quis labóribus, et multis fatigétur incómmodis, bona est illi causa to-

lerandi, qui se adversis vel corrigi intelligit, vel probari.

**R.** Rememorati sunt quia Deus adiutor est eorum, \* Et Deus excelsus Redemptor eorum est. **V.** Et pavit eos in innocentia cordis sui. Et. **Gloria Patri.** Et.

**In tertio Nocturno.**

**Añs.** Ego autem ad Deum clamavi, et Dominus salvavit me. **Ps.** Exaudi Deus deprecationem. 81.

**Añs.** Deus meus Salvator meus, salutare meum et spes mea in æternum. **Ps.** Confitebimur tibi. 94.

**Añs.** Protector noster aspice Deus, et respice in faciem Christi tui. **Ps.** Quam dilecta tabernacula. 106.

**V.** Notam fecisti in Gentibus virtutem tuam. **R.** Redemisti in brachio tuo populum tuum.

**Lectio sancti Evangelii secundum Joannem.**

**Lectio vij. Cap. 3.**

**I**N illo tempore : Dixit Jesus Nicodemo : Nemo ascendit in cælum, nisi qui descendit de cælo, Filius hominis, qui est in cælo. Et reliqua.

Homilia S. Augustini Episc.

*Ex Tr. in cap. 3. Joan.*

**N**EMO ascendit in cælum, nisi qui de cælo descendit. Descendit enim, et mortuus est, et ipsa morte liberavit nos a morte. Morte

occisus, mortem occidit. Et nostis, fratres, quia mors ista per diaboli invidiam intravit in mundum. Deus mortem non fecit. Scriptura loquitur : nec lætatur, inquit, in perditione vivorum : creavit enim ut essent omnia. Sed quid ibi ait ? Invidia autem diaboli mors intravit in orbem terrarum. Ad mortem a diabolo propinatam non veniret homo vi adactus : non enim cogendi potentiam diabolus habebat, sed persuadendi versutiam. Si non consentire, nihil invexerat diabolus ; consensio tua, o homo, te perduxit ad mortem. A mortali mortales nati, et ex immortalibus mortales facti. Ab Adam omnes homines mortales, Jesus autem Filius Dei, Verbum Dei, per quod facta sunt omnia, unicus, æqualis Patri, mortalis factus est, quia Verbum caro factum est, et habitavit in nobis. Si ergo mortem suscepit, et mortem suspendit in cruce, de ipsa morte liberantur mortales. Quod in figura factum est apud antiquos, commemoravit illud Dominus.

**R.** Laudabilis populus, \* Quem Dominus exercituum benedixit, dicens : Opus manuum mearum tu es ; hæreditas mea Israel. **V.** Beata gens, cujus est Dómi-

nus Deus : pópulus eléctus in hæreditátem. Quem.

**Lectio viij.**

**E**T sicut, inquit, Moyses exaltávit serpéntem in erémo, ita exaltári opórtet Filium hóminis. Quis est serpens exaltátus ? Mors Dómini in cruce. Quia enim a serpénte mors, per serpéntis effigiem figuráta est mors. Morsus serpéntum lethális, mors Dómini vitális. Atténditur serpens, ut nihil váleat serpens. Quid est hoc ? Atténditur mors, ut nihil váleat mors. Sed cujus mors ? Mors vitæ. Nonne vita Christus ? Et tamen mórtuus est Christus. **ñ.** Duo Séraphim clamábant alter ad álterum : \* Sanctus, Sanctus, Sanctus Dóminus Deus Sábaoth : \* Plena est omnis terra glória ejus. **†.** Tres sunt, qui téstimónium dant in cœlo, Pater, Verbum et Spíritus sanctus, et hi tres unum ~~sunt~~. Sanctus. Glória Patri. Plena.

**Lectio ix.**

**I**NTERIM modo, fratres, ut a peccáto sanémur, Christum crucifixum intueámur ; quia sicut Moyses, inquit, exaltávit serpéntem in erémo, ita exaltári opórtet Fílium hóminis : ut omnis qui credit in eum, non péreat, sed hábeat vitam ætérnam. Quómodo qui intuebántur

illum serpéntem, non peribant mórsibus serpéntum : sic qui intuéntur fide mortem Christi, sanántur a mórsibus peccatórum. Sed illi sanabántur a morte ad vitam temporálem ; hic autem ait, ut hábeant vitam ætérnam. Hoc enim interest inter figurátam imáginem, et rem ipsam : figúra præstábat vitam temporálem ; res ipsa, cujus illa figúra erat, præstat vitam ætérnam.

**Te Deum laudámus. 17.**

**AD LAUDES,**

**et per Horas, Anæ.**

**1.** Cantáte Dómino, \* quóniam magnífice fecit : annuntiáte hoc in univérsta terra. **Psalmi de Dñica. 18.**

**2.** Ecce Deus \* Salvátor meus, fiduciáliter agam ; quia factus est mihi in salútem, alleluia.

**3.** Hauriétis aquas \* in gáudio de fóntibus Salvatóris, et dicétis : Confitémini Dómino, et invocáte nomen ejus.

**4.** Facta est salus, et virtus, et regnum Dei nostri, et potéstas Christi ejus.

**5.** Exúlta, \* et lauda, habitátio Sion ; quia magnus in médio tui Sanctus Israel.

**Capitulum. Tobie 3.**

**B**ENEDICTUM nomen tuum, Deus patrum nostrórum ; qui cum irátus fúeris, misericórdiam fácies, et in tēpore tribulatiónis peccáta dimíttis his qui invocant te.

## Hymnus.

**S**ALUTIS humanæ Sator,  
Jesu, voluptas cordium,  
Orbis redempti Conditor,  
Et casta lux amantium.

Qua victus es clementia,  
Ut nostra ferres crimina,  
Mortem subires innocens,  
A morte nos ut tollereres?

Te cogat indulgentia,  
Ut damna nostra sarcias,  
Tuique vultus compotes  
Dites beato lumine.

Jesu, tibi sit gloria,  
Qui natus es de Virgine,  
Cum Patre, et almo Spiritu,  
In sempiterna sæcula. Am.  
Ÿ. Dómine, refúgium factus  
es nobis. R̃. A generatione  
et progénie.

## Ad Benedictus, Añña.

Ecce Deus noster iste; expectávimus eum, et salvábit nos: sustinúimus eum, exultávimus, et lætábimur in salutári ejus, alleluia.

## Oratio.

**D**EUS, qui Unigénitum tuum mundi Redemptórem constituísti, et per eum, devicta morte, nos misericórditer ad vitam reparásti: concéde; ut hæc beneficia recoléntes, tibi perpétua charitáte adhærere et ejúsdem redemptionis fructum percipere mereámur. Per eúmdem Dóminum.

Ad Primam, in R̃. br. dic.  
Ÿ. Qui redemísti mundum.

Ad Tertiam, Capit. Benedictum, ut supra.

R̃. br. Rédime me, Dómine,  
\* Et miserére mei. Rédime me. Ÿ. In Ecclesiis benedicam te, Dómine. Et. Glória Patri. Rédime. Ÿ. Meménto nostri, Dómine, in beneplácito pópuli tui. R̃. Visita nos in salutári tuo.

## Ad Sextam, Capitulum.

## 1. Cor. 1.

**E**x ipso autem vos estis in Christo Jesu, qui factus est nobis sapiéntia a Deo, et justítia, et sanctificatio, et redemptio.

R̃. br. Meménto nostri, Dómine, \* In beneplácito pópuli tui. Meménto. Ÿ. Visita nos in salutári tuo. In. Glória Patri. Meménto. Ÿ. Redemísti nos, Dómine, in ságuine tuo. R̃. Et fecísti nos Deo nostro regnum.

## Ad Nonam, Capitulum.

## Apoc. 4. et 5.

**D**IGNUS es, Dómine, Deus noster, accipere glóriam, et honórem, et virtútem; quóniam occísus es, et redemísti nos Deo in ságuine tuo ex omni tribu, et lingua, et pópulo, et natióne, et fecísti nos Deo nostro regnum.

R̃. br. Notam fecísti in pópulis \* Virtútem tuam. Notam. Ÿ. Redemísti in bráchio tuo pópulum tuum. Virtútem. Glória Patri. Notam. Ÿ. Dómine, refúgium factus es nobis. R̃. A generatione et progénie.



In ij. Vesperis omnia dicuntur ut in j. præter

ŷ. Redemisti nos, Dómine, in ságuine tuo. ŷ. Et fecisti nos Deo nostro regnum.

Ad Magnificat, Añã.

Regnum tuum regnum ómnium sæculórum, et dominatio tua in omni generatióne et generatióne, allel.

DIE XXIV. OCTOBRIS.

In Festo S. Raphaelis, Arch.

Duplex majus.

Pro omnibus Hispaniarum Regi subjectis.

Ad Vesp. Añæ de Laud.,

Ps. de Dñica. 134. et loco ult., Ps. Laudáte Dóminum, omnes gentes, 138.

Capitulum. Tobíæ 12.

QUANDO orábas cum lácrymis, et sepeliébas mórtuos, et derelinquébas prándium tuum, et mórtuos abscondébas per diem in domo tua, et nocte sepeliébas eos, ego óbtuli oratióne tuam Dómino.

Hymnus.

**T**IBI, Christe, splendor Patris,  
Vita, virtus córdium,  
In conspéctu Angelórum  
Votis, voce psállimus :  
Alternántes concrepándo  
Melos damus vóci bus.  
Collaudámus venerántes  
Omnes cœli Príncipes,  
Sed præcipue fidélem  
Médicum, et cómitem  
Raphaélem, in virtúte  
Alligántem dæmonem.

Quo custóde procul pelle,  
Rex Christe piíssime,  
Omne nefas iniúnci,  
Mundo corde, et córpore :  
Paradíso redde tuo  
Nos sola cleméntia.

Glóriam Patri melódis  
Personémus vóci bus :  
Glóriam Christo canámus,  
Glóriam Paráclito :

Qui trinus, et unus Deus  
Exstat ante sæcula. Amen.

ŷ. Stelit Angelus juxta aram templi. ŷ. Ilabens thuríbulum áureum in manu sua.

Ad Magnificat, Añã.

Ego sum Ráphael Angelus,  
qui asto ante Dñum : vos  
autem benedicite Deum, et  
narráte ómnia mirabilia  
ejus.

Oratio.

**D**EUS, qui beátum Raphaélem Archángelum Tobíæ fámulo tuo cómitem dedisti in via : concéde nobis fámulis tuis ; ut ejúsdem semper protegámur custódia, et muniámur auxílio. Per Dñum.

Ad Matutinum, Invitat.

Regem Archangelórum Dóminum.\* Veníte, adorémus.

Ps. Veníte. 2.

Hymnus. Tibi, Christe.

In primo Nocturno.

Añã. Ingréssus Tobias invénit júvenem præcinctum, et quasi parátum ad ambulándum, et ignórans quod Angelus esset, salutávit eum.

Psalmi ut in Festo SS. Angelórum Cust. die ij. Oct. 395.

**Añā.** Angelus Ráphael seipsum occúltans, ait : Ego sum Azariás magni Ananiæ filius.

**Añā.** Sanum ducam filium tuum in regiónem Medórum, et sanum tibi redúcam, allelúia.

**Ÿ.** Data sunt Angelo incénsa multa. **Ŗ.** Ut adoléret ea ante altáre áureum, quod est ante óculos Dómini.

De libro Tobíæ.

**Lectio j. Cap. 12.**

**V**OCAVIT ad se Tobías filium suum, dixítque ei : Quid póssumus dare viro isti sancto, qui venit tecum ? Respóndens Tobías, dixit patri suo : Pater, quam mercédem dábimus ei ? aut quid dignum póterit esse beneficiis ejus ? Me duxit et redúxit sanum, pecúniam a Gabélo ipse recépit, uxórem ipse me habére fecit, et dæmónium ab ea ipse compéscuit, gáudium paréntibus ejus fecit, meipsum a devoratióne piscis erípuit, te quoque vidére fecit lumen cœli, et bonis ómnibus per eum replétus sumus. Quid illi ad hæc potérimus dignum dare ? Sed peto te, pater mi, ut roges eum, si forte dignábitur mediétatem de ómnibus, quæ alláta sunt, sibi assúmere.

**Ŗ.** In illo témpore exaudítæ sunt preces ambórum in conspéctu glóriæ summi

Dei : **\*** Et missus est Angelus Dómini sanctus Ráphael, ut curáret eos ambos ; quorum uno témpore sunt oratiónes in conspéctu Dómini recitátæ. **Ÿ.** Tobías et Sara in tribulatióne pósito, cum lácrymis oráre cœpérunt. Et.

**Lectio ij.**

**E**T vocántes eum, pater scilicet, et filius, tulérunt eum in partem : et rogáre cœpérunt, ut dignarétur dimídiam partem ómnium, quæ attúlerant, accéptam habére. Tunc dixit eis occúlte : Benedícite Deum cœli, et coram ómnibus vivéntibus confitémini ei, quia fecit vobiscum misericórdiam suam. Etenim sacraméntum regis abscondere bonum est : ópera autem Dei reveláre et confitéri honoríficum est. Bona est orátio cum jejúnio, et eleemósyna magis quam thesáuros auri recóndere : quóniam eleemósyna a morte liberat, et ipsa est, quæ purgat peccáta, et facit inveníre misericórdiam et vitam ætérnam. Qui autem faciunt peccátum, et iniquitatem, hostes sunt animæ suæ. Manifésto ergo vobis veritatem, et non abscondam a vobis occúltum sermónem. Quando orábas cum lácrymis, et sepeliébas mórtuos, et drelinquébas prándium tuum,

et mórtuos abscondébas per diem in domo tua, et nocte sepeliébas eos, ego óbtuli orationem tuam Dómino. Et quia accéptus eras Deo, necesse fuit ut tentátio probáret te.

**R.** Egréssus Tobías invénit júvenem spléndidum stantem præcinctum, et quasi parátum ad ambulándum, et salutávit eum, et dixit :  
**\* Unde te habémus, bone júvenis?** **Ÿ.** Et ignórans, quod Dómini Angelus esset, salutávit eum, et dixit. Unde.

### Lectio iij.

**E**T nunc misit me Dóminus ut curárem te, et Saram uxórem filii tui a dæmónio liberárem. Ego enim sum Ráphael Angelus, unus ex septem, qui astámus ante Dóminum. Cumque hæc audissent, turbáti sunt, et treméntes, cecidérunt super terram in fáciem suam. Dixitque eis Angelus : Pax vobis, nolíte timére. Etenim cum essem vobiscum, per voluntátem Dei eram : ipsum benedicite, et cantáte illi. Vidébar quidem vobiscum manducáre, et bíbere : sed ego cibo invisibili et potu, qui ab homínibus víderi non potest, utor. Tempus est ergo ut revértar ad eum, qui me misit : vos autem benedicite Deum, et narráte ómnia mirabilia

ejus. Et cum hæc dixisset, ab aspéctu eórum ablátus est, et ultra eum vídere non potuérunt. Tunc prostráti per horas tres in fáciem, benedixérunt Deum : et exsurgéntes narravérunt ómnia mirabilia ejus.

**R.** Ingréssus Angelus ad Tobíam, salutávit eum, et dixit : Gáudium sit tibi semper. **\* Forti ánimo esto : in próximo enim est, ut a Deo curéris.** **Ÿ.** Et respóndens Tobías, ait : Quale gáudium mihi erit, qui in ténebris sédeo, et lumen cœli non video? Forti. Glória Patri. Forti.

### In secundo Nocturno.

**Añã.** Dixit autem Angelus : Apprehénde bránciam piscis, et trahe eum extra aquas.

**Añã.** Obsecro te, Azaría frater, ut dicas mihi quod remédium habébunt ista, quæ de pisce serváre jussisti?

**Añã.** Lúmina fel sanat, sed virtus cordis et jécoris diaboli expéllit potestátem.

**Ÿ.** Ascéndit fumus arómatum in conspéctu Dómini.

**R.** De manu Angeli.

Sermo S. Augustíni Epíscopi.

### Lectio iv.

*Serm. 1. in Dom. 15. de B. Tobia, qui est 226. de Temp.*

**B**EATUS Tobías, qui panem suum nóverat frángere esuriénti, mercédem célerem

mercenário præparat laboranti. Patiënter lectione percépta, quæ nuper est recitata, admirabámur patris, filique tractatum, quemádmódum Angelus monet, quem æstimábant terrénium sub cœlesti glória mercenarium. Ad hoc enim cæcitátis incúrrit exitium, ut Angelum susci-peret medicum, qui divinis fácibus incénsus, sic anhelávit: Honésta est orátio cum jejúnio et eleemósyna. Orátio justí clavis est cœli. Ascéndit precátio, et descendit Dei miserátio. Licet alta sit terra, altum cœlum, audit tamen Deus hóminis linguam, si mundam habet consciéntiam. Cum sénsibus lóquitur, si sit solus noster gémitus. Súfficit áuribus imber oculórum: fletus citius audit, quam voces. Orátio invidi solet de áuribus propulsári. Erat patris et filii ánima mea, dum esset proprietas membrórum, erat illis singuláris germánitas animórum. Fili, inquit, dimittámus istum hóminem, adjiciéntes ad mercédem plácitam, quia nobis multa ópere suo cóntulit bona: et rogáre cœpit mercenarium, ut mercédis suæ sumat effectum. Frater, inquit, áccipe quod tuum est, et tunc vade salvus. Récipe mercédem tuam, quia mihi, et filio meo bonam præbuísti mi-

sericórdiam. Tolle, ut dixi, médiam substántiam, quam cum filio meo reportásti: nam grátia, quam tibi debémus, non potest ponderári. **R.** Interrogávi Tobias Angelum: De qua domo, aut de qua tribu es tu? Qui respóndens, ait! \* Ego sum Azariás Ananiæ magni filius. **Y.** Genus quæris mercenárii, an ipsum mercenarium qui cum filio tuo eat? Sed ne forte sollicitus sis. Ego sum.

#### Lectio v.

**C**ONTINUO Angelus gaudet de cogitata mercéde, qui missus fúerat gratis fácere pietátem. Tobis, inquit, vel Tobía, quid de mea mercéde satis supérflue cogitátis? Habéte quod vobis donávit Pater ille cœlestis. Ego minister sum curatiónis, ille est auctor sanitátis. Nescitis, cujus mercenárii ope pérfrui meruístis. Defunctos captivitátis sepellíre non timuísti. Tobis, ascenderunt ad Dóminum ópera tua, quia, relicto prándio, reddidísti mórtuum sepultúræ. Ego Dómino medulláta intuli sacrificia pro venerábili sepultúra. Ego directus sum operárius fori cœlestis. Mórtuum sepelí-stis, et mortis acúleum non timuístis. Ipse sepúltus pro vobis voce tácita proclamávit. Probatiónis fúerat cæ-

citās oculórum, unde patiéntia tua clárius meruisset de cœléstibus ornámētum. Ego sum Ráphael, unus ex septem Angelis, qui astámus ante claritátem Dei. Non indigeo fructu humánæ mercédís : divitem me facit conversátio Majestátis. Dives est ille, qui me misit, gratis jussit impénderi, quod gratis ipse concéssit. Nec ipsum honórem gratiárum mihi deputétis, quia nihil meis víribus percepistis. Deum benedicíte, et illi confitémini, et ipsum gloriíficáte, quia vobíscum fecit bona.

**¶** Exívit Tobías, ut laváret pedes suos, et ecce piscis immánis exívit ad devorándum eum; qui expavescens, clamávit voce magna, dicens : Dómine, invádit me. Et dixit ei Angelus : Apprehénde bránchiam ejus, et trahe eum ad te : \*Exéntera hunc piscem, et cor ejus, et fel, et jecur repóne tibi : sunt enim necessária ad medicámēta utiliter. **¶** Attráxit autem Tobías piscem in siccum, et palpitáre cœpit ante pedes ejus, et ait Angelus ei. Exéntera.

### Lectio vj.

**S**UBITO patefacto mystérii cœléstis honóre, voce Raphaélis Archángeli attóniti Tobis et Tobías, collá-

psi in terram proruérunt, vocem trémulam pénitus oc-cultavérunt, quia vocem insólitam audierunt. Quid metuístis, pater Tobis, filiús-que Tobía ? Mercenárius habére cœléstem, et tamquam operárius locáre terréstrem ? Celávit vobis Angelus nomen : Azarías sum, inquit, Ananiæ magni filius; et non dixit : Ego sum Ráphael Angelus. Celávit in primo nómine dignitátem, ne fáceret locatóri terrórem. Si enim diceret : Ego sum Angelus, non esset Tobíæ mercenárius. Serváta est dignitas nóminis, ut postremo magnitúdo clarésce-ret dignitátis. Vidéte, charissími, quantum sit eleemósynæ méritum : Angelum méruit habére operárius. Vidétis quantum próficit mórtuos sepelire, ut oblátio ejus per Angelum Raphaélem ad cœléstem ascénderet Majestátem. Vidétis, quia eleemósyna a morte liberat, et ipsa purgat peccáta facit purgatiónem oculórum, liberata ténebris peccatórum. Tobías in vía sua dedúctus, Sara tot viris contristáta per Angelum matrimónio copulá-tur.

**¶** Ubi introjeris domum tuam, dixit Angelus Ráphael ad Tobíam, statim adóra Dóminum Deum tuum, et grátias agens ei, accéde



ad patrem tuum, et osculäre eum : \* Statimque lini super oculos ejus ex felle isto piscis, quem portas tecum : Scias enim, quóniam mox aperientur oculus ejus, et vidébit pater tuus lumen cœli, et in aspéctu tuo gaudébit.

Ÿ. Tolle tecum ex felle isto piscis : erit enim necessarium. Statimque. Glória Patri. Statimque.

*In tertio Nocturno.*

**Añs.** Est hic Sara Raguélis filia, quæ tibi conjúgio dábitur, et omnis substántia ejus.

**Añs.** Septem viros hábuit, quos dæmónium opprèssit : timeo ne mihi símile contingat.

**Añs.** Per tres dies orationi cum uxóre tua vacábis, ut in sémine Abrahæ benedictionem in filiis consequáris.

Ÿ. Apprehéndit Angelus Ráphael dæmónium. R. Et religávit illud in desérto superiórís Ægypti.

*Lectio sancti Evangélii secundum Joánnem.*

*Lectio vij. Cap. 5.*

**I**N illo témpore : Erat dies festus Judæórum, et ascendit Jesus Jerosólymam. Et reliqua.

Homília sancti Augustíni Episcopi.

*Tract. 17. in Joannis 5.*

**M**IRUM non esse debet a Deo factum miraculum :

mirum enim esset, si homo fecisset. Magis gaudére, quam mirári debémus, quia Dóminus noster et Salvátor Jesus Christus homo factus est, quam quod divína inter hómines Deus fecit. Plus est enim ad salutem nostram, quod factus est propter hómines, quam quod fecit inter hómines ; et plus est, quod vitia sanávit animárum, quam quod sanávit languóres córporum moriturórum.

R. Benedicite Deum cœli, dixit Angelus Ráphael, et coram ómnibus vivéntibus confitémini ei : \* Quia fecit vobíscum misericórdiam suam. Ÿ. Ipsum benedicite, et cantáte illi, et narráte ómnia mirabilia ejus. Quia, **Bened.** Cujus festum cólimus.

*Lectio viij.*

**S**ED quia ipsa ánima non eum nóverat, a quo sanánda erat, et oculos habébat in carne, unde facta corporália vidéret ; nondum habébat sanos in corde, unde Deum laténtem agnósceret. Fecit quod vidéri póterat, ut sanarétur, unde vidéri non póterat. Ingréssus est locum, ubi jacébat magna multitúdo languéntium, cæcórū, claudórum, aridórum.

R. Tempus est ut revértar ad eum, qui me misit, dixit Angelus Ráphael : \* Vos



autem benedicite Dóminum, et narráte ómnia mirabilia ejus. **Y.** Confitémini ei coram ómnibus vivéntibus, quia fecit vobíscum misericórdiam suam. Vos. Glória Patri. Vos.

**Lectio ix.**

**E**T cum esset médicus et animárum et córporum, et qui venisset sanáre omnes ánimas creditórum, de illis languéntibus unum elégit quem sanáret, ut unitátem significáret. Si mediócri corde, et quasi humano captu et ingénio considerémus faciéntem, et, quod ad potestátem pértinet, non magnum áliquid perfécit: et, quoad benignitátem, parum fecit. Tot jacébant, et unus curátus est, cum pósset uno verbo omnes erigere. Te Deum laudámus. 17.

**AD LAUDES,**

**et per Horas, Añæ.**

**1.** Missus est Angelus Ráphael ad Tobíam et Saram, ut curáret eos. **Ps.** Dóminus regnávit, **cum reliq.** 18.

**2.** Ingréssus Angelus ad Tobíam, salutávit eum, et dixit: Gáudium sit tibi semper.

**3.** Forti ánimo esto, Tobía: in próximo enim est, ut a Deo curéris.

**4.** Benedicite Deum cœli, et coram ómnibus vivéntibus confitémini illi, quia fecit vobíscum misericórdiam suam.

**5.** Pax vobis, nolite timére: Deum benedicite, et cantáte illi.

**Capitulum. Tobie 12.**

**Q**UANDO orábas cum lácrymis, et sepeliébas mórtuos, et derelinquébas prándium tuum, et mórtuos abscondébas per diem in domo tua, et nocte sepeliébas eos, ego óbtuli oratió-nem tuam Dómino.

**Hymnus.**

**C**HRISTE, sanctórum decus Angelórum,  
Rector húmáni géneris et Auctor

Nobis sacrátum tribue benignus

Scándere cœlum.

Angelum nobis médicum salutis

Mitte de cœlis Ráphael, ut omnes

Sanet ægrótos, paritérque nostros

Dirigat actus.

Hinc Dei nostri Génitrix María,

Totus et nobis chorus Angelórum

Semper assístat, simul et beáta

Cóncio tota.

Præstet hoc nobis Déitas beáta

Patris, ac Nati, paritérque sancti

Spiritus, cujus réboat in omni

Glória mundo. Amen.

✓ In conspéctu Angelórum

psallam tibi, Deus meus.  
**R.** Adorábo ad templum  
 sanctum tuum, et confi-  
 tébor nómini tuo.

**Ad Benedictus, Añā.**

Ego sum Ráphael Angelus,  
 qui asto ante Dóminum : vos  
 autem benedicite Deum, et  
 narráte ómnia mirabilia  
 ejus, alleluia.

**Oratio.**

**D**EUS, qui beátum Raphaé-  
 lem Archángelum Tobíæ  
 fámulo tuo cómitem dedisti  
 in via : concéde nobis fámu-  
 lis tuis ; ut ejúdem semper  
 protegámur custódia, et mu-  
 niámur auxilio. Per Dñum.

**Ad Tertiam, Añā.**

Ingréssus Angelus.

**Capit.** Quando orábas.

**R. br.** Stetit Angelus\* Juxta  
 aram templi. Stetit. **V.** Ha-  
 bens thuríbulum áureum  
 in manu sua. Juxta. Glória  
 Patri. Stetit. **Y.** Ascéndit  
 fumus arómatum in con-  
 spéctu Dómini. **R.** De ma-  
 nu Angeli.

**Ad Sextam, Añā.**

Forti ánimo.

**Capit.** Tobíæ 12. c

**E**T nunc misit me Dómi-  
 nus, ut curárem te, et  
 Saram uxórem filii tui a  
 dæmónio liberárem. Ego  
 enim sum Ráphael Angelus,  
 unus ex septem, qui astá-  
 mus ante Dóminum.

**R. br.** Ascéndit fumus aró-  
 matum \* In conspéctu Dó-  
 mini. Ascéndit. **V.** De manu

Angeli. In. Glória Patri.  
 Ascéndit. **Y.** In conspéctu  
 Angelórum psallam tibi,  
 Deus meus. **R.** Adorábo ad  
 templum sanctum tuum, et  
 confitébor nómini tuo.

**Ad Nonam, Añā.**

Pax vobis.

**Capit.** Tobíæ 12. d

**T**EMPUS est ut revértar ad  
 eum, qui me misit : vos  
 autem benedicite Deum, et  
 narráte ómnia mirabilia  
 ejus.

**R. br.** In conspéctu Ange-  
 lórum \* Psallam tibi, Deus  
 meus. In. **Y.** Adorábo ad  
 templum sanctum tuum,  
 et confitébor nómini tuo.  
 Psallam. Glória Patri. In.  
**Y.** Adoráte Deum. **R.** Om-  
 nes Angeli ejus.

In ij. Vesp. Añæ et Capit.  
 de Laud. Psalmi de Dñica.  
 134. et loco ult., Ps. Confité-  
 bor tibi... quóniam. 149.

**Hymnus ut in j. Vesp.**  
**V.** Stetit Angelus juxta aram  
 templi. **R.** Habens thuríbu-  
 lum áureum in manu sua.

**Ad Magnificat, Añā.**

Princeps gloriosissime Rá-  
 phael Archángele, esto me-  
 mor nostri : hic, et ubique  
 semper precáre pro nobis  
 Filium Dei.

**DIE XXX. OCTOBRIS.**

In Festo B. Alphonsi  
 Rodriguez, Conf.

Duplex.

Omnia de Communi Conf.  
 non Pont. lxxiiij. præter seq.

Oratio.

**D**EUS, fortitúdo fragilium et humilium celsitúdo, qui famulum tuum Alphónsum jugi mortificatiónis stúdio, et exímiae humilitátis laude claréscere voluísti : da ut, ejus imitatióne, carne mortificáti, et in humili crucis Filii tui sequéla fidé-liter perseverántes, glóriam consequámur ætérnam. Qui tecum.

In j. Nocturno Lectiones de Scriptura occurrente.

In secundo Nocturno.

Lectio iv.

**A**LPHONSUS Ródriguez Dí-  
adaco patre mercatóre Segóviæ in Hispânia natus, ab ipsa jam puerítia egrégium futúrae sanctitátis spécimen exhibuit. Piis enim paréntum curis studiósè obsecútus, sacerdotibus ad aram operántibus in primis religiosissime inservire, et sanctíssimam Dei Matrem impénse cólere puérulus adhuc in delíciis hábait. Complútum ad litteras ad-discéndas missus, haud multo post, ob mortem patris, ad mercatúram faciéndam revocatús a matre, eaque hortánte, honestíssimæ puéllæ fœdere nuptiali est junctus. Interim tamen quæ Dei sunt sollicitè quærens, piis opéribus exércitam vitam duxit. Verum ad majóra vocátus a Deo, ut

uxóre et bina ex ea suscep-ta prole orbátum morte se vidit, negotiatióni, terrenis-que ómnibus valedicere, et perfectiórís vitæ curriculum inire constituit. Quare totíus vitæ máculis sacra exomológési diligentissime detérsis, oratióni, divinárum rerum contemplatióni, vigíliis, jejúniis, flagellatió-nibus, omnique austeritá-tum géneri, ut mórtuus corpore, spírítu viveret, se pénitus addixit.

R. Honéstum fecit.

Lectio v.

**C**UM autem in via christiá-næ perfectiόνis tam stré-nue et feliciter progredérétur Alphónsus, adhuc tamen ut árcetius Deo firmíusque adhæreret, de religioso áliquo institúto amplecténdo cogitáre cœpit. Qua in delibera-tiône, cum ex visu quodam se ad Societátem Jesu vocári intellexisset, in litterárum vero stúdiis se parum aut nihil profecísse sciret, ut in humili inserviéntium gradu in eámdem Societá-tem admitterétur, instán-ter pétiit, et obtínuit. Vir-tútes ejus in religiósæ vitæ palæstra splendídius elu-xére : mira imprimis humi-litas et obediéntia, sui ipsíus et mundi contémp-tus, oratiónis stúdiu, pauper-tátis amor, præceptórum exactíssima observátio. Ad

puritatis præsidium adjécit  
sénsuum custodiæ corpóris  
étiam cruciátus. Per annos  
ámplius quadraginta gra-  
vissimis infirmitátibus in-  
victa patiéntia tolerátis, ac-  
cèssit malórum spirituum  
in eum immánis furor et  
pugna. Eórum tamen astus  
et ímpetus beatíssimæ Vir-  
ginis ope, cujus aspéctu et  
allóquio idéntidem recrea-  
bátur, fortis illúsit semper  
atque protrivit.

¶. Amávit eum.

*Lectio vj.*

**E**RGa próximum charitáte  
fervens, animárum salú-  
tem, quantum in ipso erat,  
studióse curávit, necdum  
précibus, sed et piis adhor-  
tationibus, et salutáribus  
consiliis, præsertim in ad-  
ventántibus ad jánuam, cu-  
jus per annos ámplius tri-  
ginta, máximo humilitátis,  
patiéntiæ et charitátis exém-  
plo, in Majoricénsi collégio  
custos fuit: imo étiam scri-  
ptis plúribus cœlésti plane  
sapiéntia refértis non lévi-  
ter promóvit. In Deíparam  
Virginem, præcipue sub tí-  
tulo Immaculátæ Conceptió-  
nis, quam ardénti flagrâret  
amóre, ac pietátis sensu, et  
quam large ab ea vicíssim  
remunerátus fúerit, vix  
dici potest. Rosárii, quod  
a púero didicerát, globórum  
assídua contrectátio dígitis  
callum indúxerat, ut post

ejus mortem compértum  
fuit. Nihil ei jucúndius,  
quam Missæ Sacrificio in-  
servire: quo témpore Chri-  
stus Dóminus ei se intérd-  
um viséndum præbuit.  
Altíssimæ contemplatiónis  
dono et lacrymárum, per-  
pétua cum Deo consuetúdi-  
ne, qua in ipsum alienáta  
a sénsibus mente sæpe ra-  
piebátur, prophetiæ spí-  
ritu, curatiónum grátia,  
aliisque divínis munéribus,  
et méritis plenus, voluntá-  
riis étiam castigatió nibus,  
diútinis infirmitátibus et  
sénio conféctus, peregrina-  
tiónis suæ finem tandem  
adésse sensit. Quare Sacra-  
méntis munitus, sanctíssi-  
mis Jesu et Mariæ nomini-  
bus suavíssime pronuntiá-  
tis, obdormívit in Dómino,  
incipiénte pervigílio San-  
ctórum ómnium, anno età-  
tis suæ octogésimo sexto, re-  
ligiónis quadragésimo sexto,  
salútis millésimo sexcenté-  
simo décimo séptimo, in  
Palménsi Majóricæ collégio.  
Funus utriúsque Cleri, pró-  
cerum, et totius ferme ci-  
vitátis frequéntia honestá-  
tum, statim mirácula sub-  
secúta sunt. Quibus tum  
virtútibus, tum miráculis  
rite probátis, Leo Duo-  
décimus Póntifex Máxi-  
mus, anno Jubilæi mil-  
lésimo octingentésimo vi-  
gésimo quinto, illum so-

lémni ritu Beatórum factis descripsit. Iste homo.

In iij. Noct. Homilia in Evang., Nolite timére, ij. loco. lxxxviiij.

DIE XXXI. OCTOBRIS.

In Festo S. Wolfgangi,  
Episc. Ratisbonensis.

Duplex.

Pro tota Germania.

Omnia de Comm. Conf.

Pont. liij. præter seq.

Oratio.

**D**EUS, qui nobis æternæ salutis beátum Wolfgángum Episcopum et ministrum tribuisti : præsta quæsumus ; ut quem Doctórem vitæ habuimus in terris , intercessórem habére mereámur in cœlis. Per Dóminum.

In j. Nocturno Lectiones de Scriptura occurrente.

In secundo Nocturno.

Lectio iv.

**W**OLFGANGUS nóbili in Suévia genere prognatus, rerum exterárum fuit et sui contéptor egrégius : solum ex ánimo Deum quærens, honóres amplíssimos ab Henrico Trevirénsium Episcopo sibi oblátos recusávit, illóque demórtuo, pollicitatióibus aliórum contéptis, monásticam tandem vitam, cujus semper desidério flagráverat, est ampléxus. Sacris Ordinibus a beáto Udalrico iniatiatus, cum in Pannóniam

prædicándi Evangélii causa se prius contulisset, propter conjúctam in eo eximia cum pietáte prudéntiam, Othónis Imperatóris stúdio, totiúsque Cleri et pópuli acclamatióne, Ecclesiæ Ratisbonénsi rite præficitur.

¶. Inveni David.

Lectio v.

**S**USCEPTO Episcopátus múnere, gregem Dómini verbo pavit, et exémplo, sanctíssimisque Ecclesiám temperávit institútis. Monastério sancti Emmeráni, quod jam diu Episcopi administráverant, restitútis provéntibus, magno illius bono, insignem virum Romuáldum præpósuit. Sanctimoniálium cœnóbium, quod ipse fundáverat, tam sancte instituit, ut collápsa in áliis disciplina eo exémplo sit fáciie restauráta, novóque pietátis odóre capta Brígida, Baváriæ Ducis filia, Sponsum Christum secúta ad sacras se Virgines aggregávit. Bohémis, quo amplióra apud illos fides incrementa cáperet, contépto suæ Ecclesiæ detriménto, rejéctis aliórum consiliis, próprium dari Episcopum libentíssime permísit. ¶. Pósui.

Lectio vj.

**E**GREGIAM viri sanctitátem comprobáverunt energú-

meni, et váriis languóribus oppréssi, quos precatióne sanávit. Divínó aflátus instinctu, sanctum Henrícum Imperatórem regnatúrum, fratrem ipsíus Brunónem ad Episcopátum promótum iri, e soróribus álteram Regi-  
nam, Abbatissam álteram fore prædixit. Dénique cum vigínti et ámplius annis in séduli Pastóris múnere per-  
áctis, extrémum sibi diem imminére intelligeret, quæ ex usitáta liberalitáte su-  
pérerant, per manus páupe-  
rum præmisit, sacræque Eucharistiæ Viático præmu-  
nitus, in sancti Othmári æde, uti divinitus ántea futúrum accéperat, sanctís-  
simam vitam pari morte conclúsit, Ratisbónæ in templo sancti Emmeráni sepúltus.

¶. Iste est qui ante.

In iij. Noct. Homilia in Evang., Vigiláte, de Comm. ij. loco. lxxvj.

#### OFFICIUM

Patrocinii B. M. V.

Duplex majus.

Pro omnibus Hisp. Regi subjectis recitandum aliqua die Dom. Novembris ab Ordinario loci eligenda.

Omnia ut in Festis B. M. cxliv. etiam Lect. trium Nocturnorum.

In Añá ad Magnificat in j. Vesp. et in ¶. vij. ad Matutinum, loco Tuam san-

ctam festivitátem, dicitur : Tuum sanctum Patroci-  
nium.

Et fit com. Dñicæ in utris-  
que Vesp. et Laud.

DIE XIII. NOVEMBRIS.

In Festo sancti Stanislai  
Kostkæ, Confessoris.

Duplex.

Omnia de Comm. Conf.  
non Pont. lxxij. præter seq.

In Hymn. Iste Conféssor,  
mutatur tertius versus.

Oratio.

DEUS, qui inter cætera sapiéntiæ tuæ miracula étiam in ténera ætáte matú-  
ræ sanctitátis grátiam con-  
tulísti : da, quæsumus ; ut,  
beáti Stanislái exémplo,  
tempus instánte operádo  
rediméntes, in ætérmam ín-  
gredi réquiem festinémus.  
Per Dóminum.

In j. Noct. Lectiones de  
Script. occurr. Si dicendæ  
sint propriæ, J ustus si mor-  
te, de Comm. j. loco. lxxvj.

In secundo Nocturno.

Lectio iv.

STANISLAUS, Senatória  
S Kostkárum gente ortus  
in Polónia, quam olim es-  
set militiam secutúrus, no-  
men Jesu prænuntiávit, pa-  
ritúræ matris grémio divíni-  
tus inscriptum. Virginitatem  
adhuc puer ita cóluit, ut  
patérna in mensa si quid  
minus pudíce dictum audís-  
set, præ horróre exánimis  
corrúeret. Ad Viennénse in



Austria seminarium studio-  
rum causa missus, non  
minus exemplo sodalibus,  
quam venerationi fuit. Co-  
actus inde in lutherani ho-  
spitis aedes migrare, ibique  
a Paulo fratre ad liberio-  
rem vitam omni etiam asperita-  
tum genere incitatus, do-  
mesticum bellum toto bien-  
nio constantissime susti-  
nuit : ad aeterna se, non  
ad caduca natum affirmans.  
Itaque unicum illi erat re-  
rum coelestium desiderium.  
perpetua cum Deo consue-  
tudo, cultus Deiparae adeo  
tener, ut Matrem suavissime  
appellaret.

¶ Honestum fecit.

Lectio v.

**Q**UOTIDIANAE fratris vexa-  
tioni crebra ipse jejunia,  
flagella, aliosque insontis  
corpusculi cruciatus adjici-  
ens, lethalem in morbum  
incidit. Quo ingravescente,  
cum daemone, horrendi  
canis specie insilientem,  
signo crucis ter fugasset,  
sacrum Viaticum, quod in  
haeretica domo decumbens  
frustra ab hominibus petebat,  
ab Angelis accepit.  
Mox ad pueri Jesu comple-  
xum a beatissima ejus Matre  
comiter admissus, ac Socie-  
tati jussus nomen dare, su-  
bito convaleuit. Sed cum adi-  
tum ad illam patris timor in  
Germania praecluderet, per-  
egrini habitu solus, pedes,

mendicis fugam arripuit,  
certus non sistere, nisi voti  
compos fiat. Iter non uno  
Dei beneficio prosperum  
fuit. Nam praeter alia, Pauli  
profugum fratrem jam asse-  
quentis equi, immisso di-  
vinitus torpore, constitue-  
runt. Et Stanislaus Ange-  
lorum pane iterum angelico  
ministerium refectus, post  
duodecies centena passuum  
millia, tandem Romae in  
Societatem Jesu a sancto  
Francisco Borgia generali  
Praeposito meruit cooptari.  
¶ Amavit eum.

Lectio vj.

**T**IRONIS emeriti virtutes in  
religiosae vitae palaestra  
splendidius eluxere : chari-  
tas praesertim erga Deum,  
in quem assidue alienata a  
sensibus mente rapiebatur.  
Inde illi facies semper ac-  
censa, nonnunquam radians;  
perennes lacrymae ; ardor  
pectoris tantus, ut media  
quoque hieme foret ingesta  
identidem gelida temperan-  
dus. Itaque amore verius,  
quam febre, aestuans, die  
assumptae in caelum Virgini  
sacro ad ejus triumphalem  
pompam propius, ut optave-  
rat, spectandam, ab ipsa,  
beatarum Virginum choro  
stipata, vocatus est ex Qui-  
rinali domo probationis,  
anno innocentis vitae decimo  
octavo, operum plenior quam  
dierum. Multis post obitum

miráculis in sua præsertim Polónia entuit ; ejus armis contra formidábiles Turcárum exércitus spectábilis e cœlo áffuit non semel, et civitátes álias peste, álias incéndio liberávit. Quámobrem Clemens Décimus eum inter primários tòtius regni Patrónos constituit : Benedictus vero Décimus tertius (quod a Cleménte Undécimo jam pridem fuerat decretum) in Sanetórum númerum rétulit.

*R.* Iste homo.

*In tertio Nocturno.*

*Lectio sancti Evangélii secundum Matthæum.*

*Lectio vij. Cap. 19.*

**I**N illo témpore : Obláti sunt Jesu párvuli, ut manus eis impóneret. Et reliqua.

Homília sancti Augustíni  
Epíscopi.

*In Psalm. 118.*

**Q**UID párvulus, nisi húmilis ? Hæc sunt mirabilia testimónia tua, Dómine, quæ scrutáta est ánima párvuli hujus ; et ideo invénit, quia humiliátus est, et párvulus factus est. Quis enim facit mandáta tua, sicut faciéndá sunt, id est, ex fide, quæ per dilectionem Dei operátur, nisi ejus in corde per Spíritum sanctum ipsa diléctio diffundátur ? Hoc étiam iste párvulus confitétur : Os meum, inquit, apérui, et attráxi spíritum,

quia mandáta tua desiderábam. Quid desiderábat, nisi fácere mandáta divína ? Sed non erat, unde fáceret infirmus fórtia, et párvulus magna. Apéruit os, confitens quod per se ipse non fáceret, et attráxit unde fáceret.

*R.* Iste est qui ante.

*Lectio viij*

**J**UNIOR sum ego, inquit, et contéptus : justificatiónes tuas non sum oblítus. Non sicut inimíci mei, qui obliti sunt verbórum tuórum. Vidétur autem minor ætáte non oblítus justificatiónes Dei, dolére, pro inimícis suis ætáte majóribus, qui obliti sunt. Nam quid est : Júnior ego non sum oblítus, nisi, illi majóres obliti sunt ? Sed contéptum se dicit hic júnior : ideo factus est major ; quia ignobília et contemptibília mundi elégit Deus, et ea, quæ non sunt, tamquam sint, ut ea, quæ sunt, evacuéntur. Et ecce sunt novíssimi, qui erant primi, et primi, qui erant novíssimi.

*R.* Sint lumbi.

*Lectio ix.*

**I**STE autem júnior non est oblítus, quia non suam vóluit habére justítiam, sed Dei ; de qua étiam nunc dicit : Justítia tua, justitia in ætérnum. Propter hanc passus est persecutióne júnior

a majore, ut diceret junior quod sequitur : Tribulatio et necessitas invenérunt me; mandata tua meditatio mea est. Sæviant, persequantur, dum tamen mandata Dei non relinquántur, et ex ipsis mandatis étiam qui sæviunt, diligántur. Intelléctum da mihi, et vivam. Intelléctum poscit iste junior; quem si non haberet, non super seniores intelligeret. Sed eum poscit in tribulatione et necessitate, quo intélligat, quam sit contemnendum, quod ei possunt auférre persequéntes inimici, a quibus se dicit esse contemptum.

**T**e Deum laudamus. 17.

**DIE XXVI. NOVEMBRIS.**

**In Festo S. Silvestri Abbatis.**

**Duplex.**

**Omnia de Communi Conf. non Pont. lxxiij præter seq.**

**Oratio.**

**I**NTERCESSIO nos, quæsumus, Dómine, beáti Silvestri Abbátis comméndet; ut quod nostris méritis non valémus, ejus patrocínio assequámur. Per Dóminum.

**In j. Nocturno Lectiones de Scriptura occurrente.**

**In secundo Nocturno.**

**Lectio iv.**

**S**ILVESTER, Auximi in Picéno nobili génere ortus, statim puerilem ætatem litteris ac bonis móribus mirifice exornávit. Adoléscens

Bonóniam ad stúdia juris-prudentiæ missus a patre, cum sacris litteris a Deo mónitus dedisset óperam, paréntis incúrrit indignationem, quam æquo ánimo toto decénio pertulit. Ob egrégiam ejus virtutem a canónicis cathedrális Auximánæ Ecclesiæ sócius honóris electus est, in quo múnere pópulo orationibus, exemplo et concionibus opem tulit.

**¶. Honéstum fecit.**

**Lectio v.**

**I**NTER funus nobilis cujusdam defuncti, in apérto tumulto formósi viri suique propínqui defórme cadáver conspiciens: Ego, inquit, sum, quod hic fuit; quod hic est, ego ero. Et mox, perácto fúnere, illa sibi Dómini occurrénte senténtia: Qui vult veníre post me, abneget semetípsum, et tollat crucem suam, et sequatur me, in solitudinem majóris perfectiónis stúdio secéssit, ibique vigiliis, orationibus, jejuniisque deditus, crudas tantum herbas in cibum sæpius adhíbuit. Ut autem magis latéret hómines, várias mutávit sedes; ac demum pervénit ad montem Fanum, locum quamvis prope Fabriánum, eo tamen témpore désertum, ibique in honórem sanctíssimi Patris Benedicti templum crexit, congreg-

gationisque Silvestrinorum fundamenta jecit, sub régula et habitu in visione sibi ab eodem Sancto ostēsis.

¶. Amāvit eum.

### Lectio vj.

**A**T invidens sātanas vāriis terrōribus illius mōnachos turbāre nitebātur, noctu monastērii jānuas hostiliter invādens. Sed vir Dei hostis impetum ita reprēssit, ut mōnachi in sancto Institūto magis confirmarentur, ac Patris sanctitatem agnōscerent. Spiritu prophetiæ, aliisque donis enituit. Quæ ut semper profunda humilitate conservavit, ita contra se dæmonis invidiam concitavit, a quo præceps actus per scalas oratorii, et prope intermēndus, præsentissimo Virgini beneficio incolumitati redditus est. Quod beneficium perpētua et singulāri in illam pietate commendavit ad ūltimum usque vitæ spiritum, quem fere nonagenarius, sanctitate et miraculis clarus, Deo reddidit, anno salutis millésimo ducentésimo sexagésimo primo, sexto Kalēdas Decēbris. ¶. Iste homo.

### In tertio Nocturno.

Lectio sancti Evangēlii secūndum Matthæum.

### Lectio vij. Cap. 19.

**I**n illo tēpore : Dixit Petrus ad Jesum : Ecce nos

reliquimus omnia, et secuti sumus te : quid ergo erit nobis ? Et reliqua.

De Homilia venerabilis

Bedæ Presbyteri.

In natali S. Benedicti.

**D**UO sunt ordines electorum in judicio futuri : unus judicantium cum Domino, de quibus hoc loco mēmorat, qui reliquerunt omnia, et secuti sunt illum : alius judicandorum a Domino, qui non quidem omnia sua pariter reliquerunt, sed de his tamen quæ habebant, quotidianas dare eleemōsynas, Christi pauperibus curabant : unde et audituri sunt in judicio : Venite, benedicti Patris mei, possidete præparatum vobis regnum a constitutōne mundi. Esurivi enim, et dedistis mihi manducare : siti vi, et dedistis mihi bibere.

¶. Iste est qui.

### Lectio viij.

**S**ED et reproborum duos ibi futuros ordines, Domino narrante, comperimus : unum eorum qui fidei christiānæ mystēriis initiati, opera fidei exercere contēmnunt, quibus in judicio testatur : Discēdite a me, maledicti, in ignem ætērnū, qui præparatus est diabolo et angelis ejus : esurivi enim, et non dedistis mihi manducare : alterum eorum qui fidem et

mystéria Christi vel nunquam suscepére, vel susceptam per apostásiam deseruere : de quibus dicit : Qui autem non credit, jam judicátus est, quia non credit in nómine unigéniti Fílii Dei.

ñ. Sint lumbi.

**Lectio ix. de S. Petro, ejus commem. in Laud. Si autem transferatur, dicitur Lect. seq.**

**Lectio ix.**

**V**ERUM his cum timóre et pavóre débito paulisper commemorátis, ad lætíssima pótius Dómini et Salvatóris nostri promissa convertámus audítum. Videámus quæ tantæ grátia pietátis, non ætérnæ tantúmmodo vitæ præmia suis sequácibus, sed et præsentis múnera pollicétur exímia. Et omnis, inquit, qui reliquerit domum, vel fratres, aut soróres, aut patrem, aut matrem, aut uxórem, aut filios, aut agros, propter nomen meum, céntuplum accipiet, et vitam ætérnam possidébit. Qui enim terrénis afféctibus sive possessionibus pro Christi discipulátu renunciáverit, quo plus in ejus amórem profecerit, eo plures invéniet, qui se intérno suscipere afféctu, et suis gáudeant sustentáre substántiis.

Re Deum laudámus. 17.

DIE XXVII. NOVEMBRIS.

**In Festo B. Leonardi a Portu Mauritio, Conf.**

**Duplex.**

**Omnia de Communi Conf. non Pont. lxxij. præter seq.**

**In Hymno, Iste Confessor, mutatur tertius versus.**

**Oratio.**

**D**EUS, qui ad obstináta peccatórum corda per evangélicam prædicatióem ad pœniténtiam flecténda, beátum Leonárdum Confessórem tuum admirábilem sanctitáte et invicto dicéndi róbre suscitásti : da, quæsumus ; ut contritiónis læcrymas, ad quas ob duritiám cordis nostri sine te promovéri non póssumus, per ejus preces ac mérita consequámur. Per Dñum.

**In j. Nocturno Lectiones de Scriptura occurrente.**

**In secundo Nocturno.**

**Lectio iv.**

**B**EATUS Leonárdus a Portu Mauritio, in ora Ligústica Itáliæ, piis paréntibus natus, étiam a prima puerítia mirífica quadam propensióne ad pietátem porténdit indicia futúræ sanctitátis. Quæ multo clarióra deinde ejus in adolescéntia eluxérunt, cum Romam proféctus in collégio Románo stúdiis litterárum, ac philosophiæ óperam dedit. Ita enim in illa scholárum celebritáte est versátus ut dum ingé-



nii exercitatióne némini concéderet, innocentia morum, austeritate vitæ, contemptu sui, stúdio rerum divinárum omnes antecéderet, ádeo ut in adolescén-te alter Aloysius Gonzágua collégio illi rédditus viderétur. His pósitois fundamentis, ad consummándum sanctitátis opus quod ædificáre cœperat, inter sodáles Caravitános adléctus, dum de more illius sodalitii totus esset in navánda ópera apostólicis Urbis concionatóribus, captus apostolátus sanctitate, nihil magis in votis habére cœpit, quam se totum proximórum salúti dedicáre. Ad quod vitæ genus quo facilius formarétur, terrénis ómnibus abdicátis, in familiam Fratrum Minórum reformatórum Institúti rigidióris ingressus est. Hic, quámdiu vixit, nunquam a summa sanctitate est visus abesse. Admiránda in domésticis légibus servándis vigilántia, singuláre oratiónis stúdium, exímium in Jesum atque Deíparam amor, assídua in afflictándo corpore acérbitas, ardens in próximos charitas, summa in omni virtútum laude ánimí demissio, eum absolutum sanctitátis exémpplar constituébant.

¶ Honéstum fecit.

### Lectio v.

**E**x hac virtútis schola, suscepto sacerdotio, atque theológicis stúdiis ad prædicatióem formátus, urgén-te in próximos charitate, tamquam e cárcere ad cursum ad lucrándas ánimas aggréssus, tanta contentiône apostolátum suscepit, ut, conátibus impar ejéctu ságuinis, apostólicis labóribus in ipso prædicatiónis exórdio abstinére ei fúerit necesse. Hoc ex morbo, quinto post anno, Deíparæ ope relevátus, ad pristinam contentiõem ita se renovávit, ut prodígii loco haberétur, in corpúsculo ádeo gráviter affécto, inédia, vigiliis, maceratióibus semper extenuáto, tantam inesse firmitátem. Hoc in vitæ génere nunquam nec periculis detérritus, nec labóribus defatigátus, annos quátuor supra quadraginta perseverávit; quanta cum animárum utilitate declárant Itáliæ regiónés, admirábili ejus dicéndi vi, qua vel obstinatíssimos quosque pervincébat, ad religiónis stúdium revocatæ; ac urbs Roma præcipue, quæ conciónibus ejus, ad quas étiam Benedictus Décimus quartus intérfuit, ádeo ad virtútes exársit, ut fructus adhuc perénnent admirándi illius



apostolatus. Nec vero, dum exterorum salutis consulébat, suos oblivisecebatur: nam, beneficio Cosmæ Tertiæ, in solitudine Etruriæ comparata ea domo, in quam ipse sese a prædicatione recipere ad sancti Ignatii exercitia solébat, auctor fuit iis, qui acrius Deo adhærere vellent, ut eo secéderent, ibique, juxta leges ab ipso conditas, et a Clemente Undécimo probatas, secréti a populo, asperiore vitæ genere uterentur.

**ñ.** Amavit eum.

**Lectio vj.**

**I**DEM plura sodalitia Urbis excóluit, atque illud præcipue sanctissimi Cordis Jesu, quod est in sancti Theodóri templo; in iis multa instituit, quibus in Christum atque in Deiparam honos mirifice est auctus. Horum dulcissima nomina in ore habébat semper, et tamquam præsidia certa salutis præ foribus domorum palam proponenda curabat. Passiõis Domnicæ meditandæ stúdium propagávit, sacellis in amphitheatro Flávio ædificatis, ad quæ cruciatus Christi crucem ad Calvârium bajulantis recolerentur. Ab eo étiam perpétua Sacraménti Eucharistici adoratio præcipuis in Italiæ úrbibus est consti-

tuta. Illis igitur aliisque admirandis virtutum méritis maturus cœlo, postquam et prophetiæ dono, et miraculorum virtute Deus sanctitatem servi sui confirmasset, cum tempus appropinquáret retributiõnis, ut Benedicto Décimo quarto fidem præstáret, cui nûspiam nisi Romæ se moriturum promiserat, ex prædicatione Bononiénsi, ad quam ab eodem fuerat missus, in Urbem revêrsus, laboribus fractus, morbo tentári cœpit; quo cum deficeret, Ecclesiæ Sacris expiatus, et postréma salutis mónita Fratribus suis dedisset, anno ætatis suæ quinto et septuagésimo sanctissime obdormívit in Dómino, die vigésima sexta Novémbris, in cœnóbio sancti Bonaventúræ, ubi nunc ejus corpus colitur; eique Pius Sextus, qui vivéntem magno honore habúerat, absoluto prius rite de virtutibus et miraculis servi Dei iudicio, anno ab ejus óbitu quadragésimo quinto, Beatórum honóres, Officium et Missam decrevit.

**ñ.** Iste homo.

**In iij. Noct. Homilia in Evang. Sint lumbi. lxxxij.**

**OFFICIUM**

**DE SS. SACRAMENTO.**

**Quod Feria v. cujusque Hebdomadæ, extra tempus**

Adventus, Quadrag., et Vigiliarum, non impedita Officio ix. Lect., etiam translato, fieri potest sub ritu Semid. ab omnibus, qui in Regnis suæ Majestatis, Dominiis, ac Statibus hereditariis Augustissimæ Dominus Austriacæ ad Horas Canonicas tenentur, ex concessione Clementis XI.

Ad Vesperas, Añæ.

1. Sacerdos in ætérnum \* Christus Dóminus secúndum órđinem Melchisedech, panem et vinum obtulit. Ps. Dixit Dóminus. 134.

2. Miserátor Dóminus \* escam dedit timéntibus se in memóriam suórum mirabilium. Ps. Confitébor. 134.

3. Cálicem \* salutáris accípiam, et sacrificábo hóstiam laudis. Psalm. Crédidi. 138.

4. Sicut novéllæ olivárum, \* Ecclésiæ filii sint in circuitu mensæ Dóminj. Ps. Beáti omnes. 143.

5. Qui pacem \* ponit fines Ecclésiæ, fruménti ádipe sátiat nos Dóminus. Psalm. Lauda Jerúsalem Dóminum. 155.

Capit. 1. Cor. 11. e

**F**RATRES, Ego enim accépi a Dómino quod et tráddi vobis, quóniam Dóminus Jesus in qua nocte tradebátur, accépit panem, et grátias agens fregit, et dixit : Accípите, et manducáte : hoc

est corpus meum, quod pro vobis tradétur : hoc fácite in meam commemoratió-nem.

Hymnus.

**P**ANGE, lingua, gloriósi Córporis mystérium, Sanguinisque pretiósí, Quem in mundi prétium Fructus ventris generósi Rex effúdit géntium.

Nobis datus, nobis natus Ex intácta Virgine, Et in mundo conversátus, Sparso verbi sémíne, Sui moras incolátus Miro clausit órđine.

In suprémæ nocte cœnæ Recúmbens cum frátribus, Observáta lege plene Cibis in legálibus, Cibum turbæ duodénæ Se dat suis mánibus.

Verbum caro, panem verum Verbo carnem éfficit : Fitque sanguis Christi me-rum :

Et si sensus déficit, Ad firmándum cor sincérum Sola fides súfficit.

Tantum ergo Sacraméntum Venerémur cérnui :

Et antiquum documéntum Novo cedat rítui :

Præstet fides suppléméntum Sénsuum deféctui.

Genitóri, Genitóque Laus et jubilátio, Salus, honor, virtus quoque Sit et benedictio : Procedénti ab utróque Compar sit laudátio. Amen.

V. Panem de cœlo præstitisti eis. *R.* Omne delectamentum in se habentem.

*Ad Magnificat Añã.*

O quam \* suavis est, Domine, spiritus tuus, qui ut dulcedinem tuam in filios demonstrâres, pane suavissimo de cœlo præstito, esuriêntes reple bonis, fastidiôsos divites dimittens inânes.

*Oratio.*

**D**EUS, qui nobis sub Sacramento mirabili passionis tuæ memoriâ reliquisti: tribue, quæsumus; ita nos Corporis et Sanguinis tui sacra mystéria venerari, ut redemptionis tuæ fructum in nobis jûgiter sentiâmus. Qui vivis.

*Ad Complet., et per Horas in fine Hymnorum dicitur:*  
Jesu, tibi sit glória,  
Qui natus es de Virgine.

*Ad Matutinum, Invitat.*  
Christum Regem adorémus dominântem Géntibus, \*  
Qui se manducântibus dat spiritus pinguédinem. *Ps.*  
Veníte, exultémus. 2.

*Hymnus.*

**S**ACRIS solémniis juncta  
sint gáudia,  
Et ex præcórdiis sonent  
præcónia;  
Recédant vétera, nova sint  
omnia,

Corda, voces, et ópera.

Noctis recólitur cœna novíssima,

Qua Christus créditur agnum et ázyma

Dedisse frátribus, juxta legitima

Priscis indúlta pátribus.

*P*ost agnum typicum, explétis épulis,

Corpus Domínicum datum discipulis,

Sic totum ómnibus, quod totum singulis,

Ejus fatémur mânibus.

*D*edit fragilibus cörperis férculum,

Dedit et tristibus sânguinis póculum,

Dicens: Accípite quod trade vâsculum,

Omnes ex eo bíbite.

*S*ic sacrificium istud instituit,

Cujus officium commíttere vóluit

Solis Presbyteris, quibus sic cóngruit,

Ut sumant, et dent céteris.

*P*anis angélicus fit panis hóminum,

Dat panis cœlicus figúris términum:

O res mirábilis! manducat Dóminum

Pauper, servus, et húmilis.

*T*e, trina Déitas únaque, póscimus,

Sic nos tu vísitâ, sicut te cólimus:

Per tuas sémitas duc nos quo téndimus,

Ad lucem quam inhábitas. Amen.

**In primo Nocturno.**

**Añã.** Fructum salutiferum  
\* gustandum dedit Dóminus  
mortis suæ témpore. **Psalm.**  
**Beátus vir.** 3.

**Añã.** A fructu \* fruménti  
et vini multiplicáti fidéles  
in pace Christi requiészunt.  
**Ps.** Cum invocárem. 158.

**Añã.** Communióne cálicis,  
\* quo Deus ipse súmitur,  
non vitulórum ságuine,  
congregávit nos Dóminus.  
**Psalm.** Consérva me, Dómi-  
ne. 10.

**Ÿ.** Panem cœli dedit eis.

**Ŕ.** Panem Angelórum man-  
ducávit homo.

**In j. Nocturno Lectiones  
de Scriptura occurrente.**

**Ŕ. j.** Immolábit hædum  
multitúdo filiórum Israel ad  
vésperam Paschæ : \* Et  
edent carnes, et ázymos  
panes. **Ÿ.** Pascha nostrum  
immolátus est Christus :  
ítaque epulémur in ázymis  
sinceritátis et veritátis. Et.

**Ŕ. ij.** Comedétis carnes, et  
saturabimini pánibus : \*  
Iste est panis, quem dedit  
vobis Dóminus ad vescén-  
dum. **Ÿ.** Non Moyses dedit  
vobis panem de cœlo, sed  
Pater meus dat vobis panem  
de cœlo verum. Iste.

**Ŕ. iij.** Respéxit Elias ad  
caput suum subeinerícium  
panem : qui surgens comé-  
dit et bibit : \* Et ambulávit  
in fortitúdine cibi illius  
usque ad montem Dei. **Ÿ.**

Si quis manducáverit ex  
hoc pane, vivet in ætérnum.  
Et. **Glória Patri.** Et.

**In secundo Nocturno.**

**Añã.** Memor sit Dóminus  
\* sacrificií nostri, et holo-  
cáustum nostrum pingue  
fiat. **Ps.** Exáudiat. 15.

**Añã.** Parátur nobis \* mensa  
Dómini advérsus omnes qui  
tribulant nos. **Ps.** Dóminus  
regit me. 33.

**Añã.** In voce exultatiónis  
résonent epulántes in mensa  
Dómini. **Ps.** Quemádmódum  
desíderat. 68.

**Ÿ.** Cibávit illos ex ádipe  
fruménti. **Ŕ.** Et de petra,  
melle saturávit eos.

**MENS. SEPT. ET OCT.**

Ex libro sancti Ambrósii  
Epíscopi de Sacraméntis.

**Lectio iv.**

**Lib. 4. c. 4.**

**A**UCTOR Sacramentórum  
quis est, nisi Dóminus  
Jesus? De cœlo ista Sacra-  
ménta venérunt. Consilium  
enim omne de cœlo est. Vere  
autem magnum est et diví-  
num miráculum, quod pó-  
pulo pluit Deus manna de  
cœlo; et non laborábat pó-  
pulus, et manducábat. Tu  
forte dicis: Meus panis est  
usitátus. Sed panis iste, pa-  
nis est ante verba Sacramen-  
tórum: ubi accésserit con-  
secrátió, de pane fit caro  
Christi. Hoc igitur adstruá-  
mus: Quómodo potest, qui  
panis est, corpus esse Chri-

sti? Consecratione. Consecratio igitur quibus verbis est, et cujus sermonibus? Domini Jesu. Nam reliqua omnia quæ dicuntur, laudem Deo deferunt: oratio præmittitur pro populo, pro regibus, pro ceteris: ubi venit, ut conficiatur venerabile Sacramentum, jam non suis sermonibus sacerdos, sed utitur sermonibus Christi.

**R.** Cœnantibus illis, accipit Jesus panem, et benedixit, ac fregit, deditque discipulis suis, et ait: \* Accipite, et comedite: hoc est corpus meum. **Y.** Dixérunt viri tabernaculi mei: Quis det de carnibus ejus, ut saturémur? Accipite.

#### Lectio v.

**E**RGÓ sermo Christi hoc cōficit Sacramentum. Quis sermo Christi? Nempe is, quo facta sunt omnia. Jussit Dóminus, et factum est cœlum: jussit Dóminus, et facta est terra: jussit Dóminus, et facta sunt m̃aria: jussit Dóminus, et omnis creatura generata est. Vides ergo quam operatórius sit sermo Christi. Si ergo tanta vis est in sermone Dómini Jesu, ut inciperent esse quæ non erant, quanto magis operatórius est, ut quæ erant, in aliud commutentur? Cœlum non erat, mare non erat, terra non erat.

Sed audi dicentem: Ipse dixit, et facta sunt: ipse mandavit, et creata sunt. Ergo tibi ut respondeam, non erat corpus Christi ante consecrationem: sed post consecrationem dico tibi, quod jam corpus est Christi. Ipse dixit, et factum est: ipse mandavit, et creatum est.

**R.** Accipit Jesus cálicem, postquam cœnavit, dicens: Hic calix novum testamētum est in meo s̃anguine: \* Hoc facite in meam commemorationem. **Y.** Memoria memor ero, et tabescet in me ánima mea. Hoc.

#### Lectio vj. Cap. 5.

**J**AM redi mecum ad propositionem meam. Magnum quidem et venerabile, quod manna Judæis pluit e cœlo. Sed intèllige, quid est amplius, manna de cœlo, an Corpus Christi? Corpus Christi utique, qui auctor est cœli. Deinde, manna qui manducavit, mortuus est: qui manducaverit hoc corpus, fiet ei remissio peccatorum, et non morietur in ætérnum. Ergo non otiose, cum accipis, tu dicis, Amen: jam in sp̃itu cōfitens, quod accipias Corpus Christi. Dicit tibi sacerdos, Corpus Christi: et tu dicis, Amen, hoc est, verum. Quod confitetur lingua, teneat affectus.

**R.** Ego sum panis vitæ : patres vestri manducaverunt manna in deserto, et mortui sunt : \* Hic est panis de cœlo descendens, ut si quis ex ipso manducet, non moriatur. **Y.** Ego sum panis vivus, qui de cœlo descendi : si quis manducaverit ex hoc pane, vivet in æternum. Hic. **Gloria Patri.** Hic.

### MENSE NOVEMBRI.

Sermo S. Cyrilli Episcopi Jerosolymitani.

#### Lectio iv.

*Catech. Mystag. 4.*

**I**PSA beati Pauli doctrina abunde sufficere videtur, ut certam vobis de divinis mystériis fidem faciat, quibus digni reddití, concorporéi, ut ita dicam, et consanguinei Christi facti estis. Ipse enim modo clamabat, quod in nocte, qua tradebatur Dóminus noster Jesus Christus, accípiens panem et grátias agens, fregit, et dedit discíplis suis, dicens: Accípíte, et manducáte: hoc est corpus meum. Et accípiens cálicem, et grátias agens, dixit: Accípíte et bíbite: hic est sanguis meus. Cum igitur ipse de pane pronuntiáverit, ac díxerit: Hoc est corpus meum: quis audébit deinceps ambígere? Et cum idem ipse tam asseveránter díxerit: Hic est sanguis meus: quis unquam

dubitáverit, ut dicat non esse ejus ságuinem?

**R.** Cœnantibus.

#### Lectio v.

**A**QUAM olim in vinum convertit in Cana Galilææ, quod habet quamdam cum ságuine propinquitatem: et eum parum dignum existimáimus, cui credámus quod vinum in ságuinem transmutárit? Ad eas nuptias, quibus córpora copulantur, vocátus, præter opiñiónem ómnium hoc fecit miráculum: et non multo magis sic eum corpus et ságuinem suum fruenda nobis donásse persuásum firmiter habébimus, ut ea cum omni certitudine tamquam corpus ipsius et ságuinem sumámus? Nam in spécie panis dat nobis corpus, et in spécie vini dat nobis ságuinem: ut, cum sumpseris, gustes corpus et ságuinem Christi, factus ejúsdem córporis et ságuinis párticeps. Sic enim efficimur Christíferi, hoc est, Christum in corpóribus nostris feréntes, cum corpus ejus et ságuinem in membra nostra recipimus: sic secúndum beátum Petrum, divínæ natúræ consórtes réddimur.

**R.** Accépit Jesus.

#### Lectio vj.

**O**LIM cum Judæis Christus disserens, Nisi manducavéritis, inquit, carnem



meam, et bibéritis meum ságuinem, non habébitis vitam in vobis. Cum autem illi quæ dicta fúerant, non spiritaliter accepissent, of-fénsi abiérunt retro: putá-bant enim, quod eos ad manducándas carnes hortarétur. Erant et in véteri Testaménto panes propositi-ónis: verum illi cum fúerint véteris Testaménti, finem jam acceperunt. In novo vero Testaménto, panis est cœléstis, et calix salutáris, qui et ánimam et corpus sancti-ficant. Quámobrem non sic hæc atténdas velim, tam-quam sint nudus et simplex panis, nudum et simplex vi-num; corpus enim sunt et sanguis Christi. Nam etiámsi sensus illud tibi renúnciat, fides tamen te confirmet. Ne júdices rem ex gustu: sed te citra ullam dubitatió-nem fides certum reddat, quod sis dignus factus, qui cõr-poris et ságuinis Christi párticeps fíeres.

**R.** Ego sum.

**In tertio Nocturno.**

**Añs.** Introibo \* ad altáre Dei: sumam Christum, qui rénovat juventútem meam.

**Ps.** Júdica me, Deus. 73.

**Añs.** Cibávit nos Dóminus \* ex ádipe fruménti: et de petra, melle saturávit nos.

**Ps.** Exultáte Deo. 104.

**Añs.** Ex altári tuo, Dó-mine, \* Christum súmimus:

in quem cor et caro nostra exúltant. **Ps.** Quam dilécta. 106.

**V.** Edúcas panem de terra.

**R.** Et vinum lætíficet cor hóminis.

**MENS. SEPT. ET OCT.**

**L**ectio sancti Evangélíi  
secúndum Joánnem.

**Lectio vij. Cap. 6. f**

**I**N illo témpore: Dixit Je-sus turbis Judæórum: Caro mea vere est cibus: et sanguis meus vere est potus. Et réliqua.

Homília sancti Hiláarii  
Episcopi.

**L. 8. de Trinit. ante med.**

**N**ON est humano aut sæ-culi sensu in Dei rebus loquéndum. Quæ scripta sunt, legámus: et quæ le-gérimus, intelligámus: et tunc perféctæ fidei officio fungémur. De naturáli enim in nobis Christi veritáte quæ dicimus, nisi ab eo discimus, stulte atque im-pie dícimus. Ipse enim ait: Caro mea vere est esca, et sanguis meus vere est po-tus. Qui edit carnem meam, et bibit ságuinem meum, in me manet, et ego in eo. De veritáte carnis et sán-guinis non relíctus est am-bigéndi locus.

**R.** Qui mandúcat meam carnem, et bibit meum ságuinem, \* In me manet et ego in eo. **V.** Non est ália nátio tam grandis, quæ

habeat deos appropinquantes sibi, sicut Deus noster adest nobis. In me. **Bened.** Divinum auxilium.

**Lectio viij.**

**N**UNC enim et ipsius Domini professione, et fide nostra vere caro est, et vere sanguis est. Et hæc accepta atque hausta id efficiunt, ut et nos in Christo, et Christus in nobis sit. Anne hoc veritas non est? Contingat plane his verum non esse, qui Christum Jesum verum esse Deum negant. Est ergo in nobis ipse per carnem, et sumus in eo, dum secum hoc quod nos sumus, in Deo est. Quod autem in eo per sacramentum communicatæ carnis et sanguinis simus, ipse testatur, dicens: Et hic mundus jam me non videt, vos autem me videbitis: quoniam ego vivo, et vos vivetis: quoniam ego in Patre meo, et vos in me, et ego in vobis.

**R.** Misit me vivens Pater, et ego vivo propter Patrem: **\*** Et qui manducat me, vivet propter me. **V.** Cibavit illum Dominus pane vitæ et intellectus. Et qui. **G**loria Patri. Et qui.

**Lectio ix.**

**Q**UOD autem in nobis naturalis hæc unitas sit, ipse ita testatus est: Qui edit carnem meam, et bibit sanguinem meum, in me

manet, et ego in eo. Non enim quis in eo erit, nisi in quo ipse fuerit, ejus tantum in se assumptam habens carnem, qui suam sumpserit. Perfectæ autem hujus unitatis sacramentum superius jam docuerat, dicens: Sicut me misit vivens Pater, et ego vivo per Patrem: et qui manducat meam carnem, et ipse vivet per me. Vivit ergo per Patrem: et quo modo per Patrem vivit, eodem modo nos per carnem ejus vivemus.

**T**e Deum laudamus. 17.

**MENSE NOVEMBRI.**

**L**ectio sancti Evangelii secundum Joannem.

**Lectio vij. Cap. 6. f**

**I**N illo tempore: Dixit Jesus turbis Judæorum: Caro mea vere est cibus: et sanguis meus vere est potus. Et reliqua.

Homilia S. Cyrilli Episcopi Alexandrini.

**Lib. 4. in Joan. cap. 17.**

**Q**UI manducat, inquit, carnem meam, et bibit sanguinem meum, in me manet, et ego in illo. Sicut enim si quis liquefactæ ceræ aliam ceram infuderit, alteram cum altera per totum commisceat necesse est: sic qui carnem et sanguinem Domini recipit, cum ipso ita conjungitur, ut Christus in ipso, et ipse in Christo inveniatur. Simile

quodam modo apud Matthæum compéries. Simile est, inquit, regnum cœlôrum fermento, quod accéptum abscondit mulier in farinæ satis tribus. Sicut parum, ut Paulus ait, fermenti totam massam fermentat, sic parvula benedictio totum hominem in seipsam attrahit, et sua grátia replet: et hoc modo in nobis Christus manet, et nos in Christo.

**R.** Qui manducat.

**Lectio viij.**

**N**OS vero, si vitam æternam consequi volumus si largitorem immortalitatis habere in nobis desideramus, ad recipiendam benedictionem libenter concurramus: caveamusque ne loco láquei damnosam religionem diabolus nobis prætendat. Recte (inquit) dicis: scriptum tamen esse non ignoramus, iudicium sibi comedere atque bibere illum, qui de pane comedit, et de cálice bibit indigne. Ego igitur probo meipsum, et indignum invenio. Quando igitur, quicumque tu es, qui ista dicis, dignus eris? Quando Christo teipsum offeres? Nam si peccando indignus es, et peccare non desinis (quis enim delicta intelligit? secundum Psalmistam) expers omnino eris vivificæ hujus sanctificationis.

**R.** Misit me.

**Lectio ix.**

**Q**UARE pias, quæso, cogitationes suscipias, studiose sancteque vivas, et benedictionem participes: quæ (mihi crede) non mortem solum, verum etiam morbos omnes depellit. Sedat enim, cum in nobis maneat Christus, sævientem membrorum nostrorum legem, pietatem corroborat, perturbationes animi extinguit, ægrôtos curat, collisos redintegrat: et sicut pastor bonus, qui animam suam pro óvibus posuit, ab omni nos erigit casu.

**T**e Deum laudamus. 17.

**AD LAUDES,**

**et per Horas, Añæ.**

**1.** Sapientia \* ædificavit sibi domum, miscuit vinum, et posuit mensam. **Ps.** Dominus regnavit, **cum reliq.** 18.

**2.** Angelorum esca \* nutritisti populum tuum, et panem de cœlo præstitisti eis.

**3.** Pinguis est panis \* Christi, et præbebit delicias régibus.

**4.** Sacerdotes sancti incensum et panes offerunt Deo.

**5.** Vincenti dabo manna \* absconditum, et nomen novum.

**Capit.** 1. Cor. 11. e

**F**RATRES, Ego enim accepi a Domino quod et tradi vobis, quoniam Dominus Jesus in qua nocte tradebatur, accepit panem, et

grátias agens fregit , et dixit : Accípite , et manducáte : hoc est corpus meum , quod pro vobis tradétur : hoc fácite in meam commemoratiónem.

### Hymnus.

**V**ERBUM supérnum pródiens ,  
Nec Patris linquens dexteram ,

Ad opus suum éxiens ,  
Venit ad vitæ vésperam.

In mortem a discípulo  
Suis tradéndus æmulis ,  
Prius in vitæ férculo  
Se trádedit discípolis,  
Quibus sub bina spécie  
Carnem dedit et Sanguinem ;

Ut dúplici substantiæ  
Totum cibáret hóminem.

Se nascens dedit sócium ,  
Convéscens in edúlium ,  
Se móriens in prélium ,  
Se regnans dat in præmium.

O salutáris hóstia ,  
Quæ cœli pandis óstium :  
Bella premunt hostília ,  
Da robur , fer auxilium.

Uni trinóque Dómino  
Sit sempitérna glória :  
Qui vitam sine término  
Nobis donet in pátria.

Amen.

ŷ. Pósuit fines tuos pacem.

Ŕ. Et ádipe fruménti sátiat te.

### Ad Benedictus. Añã.

Ego sum \* panis vivus , qui de cœlo descéndi : si quis

manducáverit ex hoc pane , vivet in ætérnum.

### Oratio.

**D**EUS , qui nobis sub Sacramento mirábili passionis tuæ memóriam reliquisti : tríbue , quæsumus ; ita nos Córporis et Sanguinis tui sacra mystéria venerári , ut redemptionis tuæ fructum in nobis júgiter sentiámus. Qui vivis.

Ad Primam, in Ŕ. br. ŷ.  
Qui natus es de Maria Virgine.

Ad Tertiam, Añã.  
Angelórum esca.

Capit. Fratres, Ego.  
Ŕ. br. Panem cœli \* Dedit eis. Panem cœli. ŷ. Panem Angelórum manducávit homo. Dedit eis. Glória Patri. Panem. ŷ. Cibávit illos ex ádipe fruménti. Ŕ. Et de petra, melle saturávit eos.

Ad Sextam, Añã.  
Pinguis est panis.

Capit. 1. Cor. 11. f  
**Q**UOTIESCUMQUE enim manducábitis panem hunc , et cálicem bibétis : mortem Dómini annuntiábitis donec véniat.

Ŕ. br. Cibávit illos \* Ex ádipe fruménti. Cibávit. ŷ. Et de petra, melle saturávit eos. Ex ádipe. Glória Patri. Cibávit. ŷ. Edúcas panem de terra. Ŕ. Et vinum lætificet cor hóminis.

Ad Nonam, Añã.  
Vincénti dabo manna.

Capit. 1. Cor. 11. f

**Q**UICUMQUE manducáverit panem hunc, vel biberit cálicem Dómini indigne : reus erit Córporis et Sanguinis Dómini.

**R.** br. Edúcas panem \* De terra. Edúcas. **V.** Et vinum lætíficet cor hóminis. De. Glória Patri. Edúcas. **V.** Pósuit fines tuos pacem. **R.** Et ádipe fruménti sátiat te.

In ij. Vesperis omnia dicuntur sicut in j. Vesp.

**V.** Panem de cœlo præstitisti eis. **R.** Omne delectaméntum in se habéntem.

Ad Magnificat, Añæ.

O sacrum \* convívium, in quo Christus súmitur, recólitur memória passiõnis ejus: mens implétur grátia, et futúræ glóriæ nobis pignus datur.

OFFICIUM

IMMAC. CONCEPT. B. MARIE VIRGINIS PER ANNUM.

(Ex Decreto SS. D. Pii PP. IX. 23 Septembris 1863.)

AD VESPERAS,

Añæ et Capitulum de Laud. Psalmi ut in Festis B. M. V. per annum. cxliv.

Hymnus. Ave maris. cxlvj. **V.** Immaculáta Concéptio tua Dei Génitrix Virgo. **R.** Gáudium annuntiávit univérso mundo.

Ad Magnificat, Añæ. Beátam me dicent omnes

generatiões quia fecit mihi magna qui potens est. Al-lelúia.

Oratio ut ad Laudes.

Ad Matutinum, Invitat.

Immaculátam Conceptiõnem Virginis Mariæ celebrémus : \* Christum ejus Fílium adorémus Dóminum.

Ps. Venite exultémus.

Hymnus. Præclára custos Virginum. ccxxij.

In primo Nocturno.

Añæ. Admirábile est nomen tuum, Dómine, in univérsa terra quia in Virgine María dignum tibi habitáculum præparásti. Psalmi ut in Festis B. M. V. per annum. cxliv.

Añæ. In sole pósuit Deus tabernáculum suum.

Añæ. In Conceptiõne sua accépit María benedictiõnem a Dómino et misericórdiam a Deo salutári suo.

**V.** Deus omnípotens præcínxit me virtúte. **R.** Et pósuit immaculátam viam meam.

Lectiones de Scriptura occurrente.

**R.** j. Per unum hóminem peccátum in hunc mundum intrávit in quo omnes peccavérunt. \* Ne tímeas María, invenísti grátiam apud Deum. **V.** Eripuit Dóminus ánimam tuam de morte, et contra inimicum factus est protéctor tuus. Ne tímeas.

**R.** ij. Transite ad me omnes, qui concupiscitis me: \* Et narrabo vobis quanta fecit Deus animæ meæ. **V.** Vivit Dominus quoniam adimplévit in me misericórdiam suam. Et.

**R.** iij. Elécta mea cándida sicut nix in Líbano, sicut favus distíllans lábia ejus; \* Mel et lac sub lingua illius. **Ÿ.** Veni de Líbano, Sponsa mea, veni, coronaberis coróna gratiárum. Mel. Glória Patri. Mel.

In secundo Nocturno.

**Añá.** Diffúsa est grátia in Conceptione ejus, et speciósá apparuit inter filias hóminum.

**Añá.** Adjúvit eam Deus mane dilúculo; sanctificávit tabernáculum suum Altísimus.

**Añá.** Gloriósá dicta sunt de te, Cívitas Dei; fundávit te Dóminus in móntibus sanctis.

**Ÿ.** In hoc cognóvi quoniam voluísti me. **R.** Quoniam non gaudébit inimícus meus super me.

Ex Bulla Dogmática Pii Papæ IX.

Lectio iv.

**O**MNES norunt quanto stúdio hæc de Immaculáta Deiparæ Virginis Conceptione doctrína a spectatíssimis Religíosis Famíliis et celebrióribus Theológicis, Académiis, ac præstantíssimis

divinárum rerum sciéntia Doctóribus fúerit trádicta, assérta ac propugnáta. Omnes páriter norunt quantóperere solliciti fúerint Sacrórum Antístites vel in ipsis ecclesiásticis convéntibus palam publicéque profitéri, sanctíssimam Dei Genitricem Virginem Mariam ob prævísa Christi Dómini Redemptóris mérita numquam origináli subjacuisse peccáto, sed præservátam omnino fuisse ab originis labe, et idcirco sublimióri modo redemptam. Quibus illud profecto gravíssimum et omnino máximum accédit, ipsam quoque Tridentínam Synodum, cum dogmáticū de peccáto origináli éderet decretum, quo juxta sacrárum Scripturárum sanctorúmque Patrum ac probatíssimórum Conciliórum testimónia, státuit ac definívit: Omnes hómines nasci origináli culpa inféctos; tamen solémniter declarásse: Non esse suæ intentiónis, in decreto ipso tantáque definitiónis amplitúdine comprehéndere beatam et Immaculátam Virginem Dei Genitricem Mariam. Hac enim declaratióne Tridentíni Patres, ipsam beatíssimam Virginem ab origináli labe solútam, pro rerum temporúmque adjúnctis, satis innuérunt, atque



ádeo perspicue significá-  
runt, nihil ex divínis Lí-  
teris, nihil ex traditióne,  
Patrúmque auctoritatē rite  
afférri posse, quod tantæ  
Vírginis prærogativæ quo-  
vis modo refragétur.

*R.* Ego ex ore Altíssimi  
prodivi, primogénita ante  
omnem creatúrā: ego feci  
in cœlis ut orirétur lumen  
indeficiens: \* Nondum erant  
abyssi, et ego jam concépta  
eram. *Ÿ.* Deus enim creá-  
vit me in justitia, et ap-  
prehéndit manum meam,  
et servávit me. Nondum.

*Lectio v.*

**E**T re quidem vera hanc de  
Immaculáta beatíssimæ  
Vírginis Conceptionē do-  
ctrínā quotidie magis gra-  
víssimo Ecclésiæ sensu ma-  
gistério, stúdio, sciéntia ac  
sapiéntia tam spléndide ex-  
plicátā, declarátā, con-  
firmátā et apud omnes  
cathòlici orbis pópulos ac  
natiónes mirándū in mo-  
dum propagátā, in ipsa  
Ecclésiā semper extitisse  
véluti a majóribus accé-  
ptā, ac revelátæ doctrínæ  
charactère insignítā, il-  
lústria venerándæ antiqui-  
tátis Ecclésiæ Orientális et  
Occidentális monuménta va-  
lidíssimè testántur. Equi-  
dem Patres Ecclesiæque  
Scriptóres, cœléstibus edó-  
cti elóquiis, nihil antiquius  
habuére, quam in libris ad

explicándas Scriptúras, vin-  
dicándā dógmata, erudien-  
dósque fidéles elucubrátis,  
summā Vírginis sanctitá-  
tem, dignitatē, atque ab  
omni peccáti labe integri-  
tatem, ejúsque præcláram  
de tetérrimo humáni géne-  
ris hoste victóriam, multis  
mirisque modis certátim  
prædicáre atque efférre.

*R.* Nihil inquinátum in eam  
incúrrit: \* Candor est lu-  
cis æternæ et spéculum sine  
mácula. *Ÿ.* Est enim hæc  
speciósior sole, et luci com-  
paráta invenítur púrior.  
Candor est.

*Lectio vj.*

**Q**UAPROPTER enarrántes  
verba, quibus Deus præ-  
paráta renovándis mortáli-  
bus suæ pietátis remédia  
inter ipsa mundi primórdia  
prænúntians; et deceptóris  
serpéntis retúdit audáciam  
et nostri géneris spem mi-  
rífice eréxit, inquiens: Ini-  
micítias ponam inter te et  
mulierem, et semen tuum  
et semen illius, docuére: di-  
vino hoc oráculo clare aper-  
téque demonstrátum fuisse  
misericórdem humáni gé-  
neris Redemptórem, scilicet  
Unigénitum Dei Fílium  
Christum Jesum ac designá-  
tam beatíssimā Ejus Ma-  
trem Vírginem Mariam, ac  
simul ipsíssimas utriúsque  
contra diábolum inimicítias  
insígniter expréssas. Quo-

circa sicut Christus Dei hominumque mediator, humana assumpta natura, delens quod adversus nos erat chirographum decreti, illud cruci triumphator affixit, sic sanctissima Virgo, arctissima et indissolubili vinculo cum eo conjuncta, una cum illo et per illum, sempiternas contra venenosum serpentem inimicitias exercens ac de ipso plenissime triumphans, illius caput immaculato pede contrivit.

**R.** Signum magnum apparuit in caelo : Mulier amicta sole, et luna sub pedibus ejus : \* Et in capite ejus corona stellarum duodecim.

**Y.** Induit eam Dominus vestimentis salutis, indumento justitiae, et quasi sponsam ornavit eam monilibus suis. Et in capite. Gloria Patri. Et in capite.

**In tertio Nocturno.**

**Añā.** Sanctimonia et magnificentia in Conceptione ejus ; annuntiāte in omnibus populis gloriam ejus.

**Añā.** Laetamini, omnes, in Domino : et confitemini memoriae sanctitatis ejus.

**Añā.** Notum fecit Dominus opus suum : in conspectu gentium revelavit gloriam Genitricis suae.

**Y.** Exaltabo te, Domine, quoniam suscepisti me. **R.**

Nec delectasti inimicos meos super me.

**Lectio sancti Evangelii secundum Lucam.**

**Lectio vij. Cap. 1.**

**I**n illo tempore : Missus est Angelus Gabriel a Deo in civitatem Galilaeae, cui nomen Nazareth, ad virginem desponsatam viro, cui nomen erat Joseph, de domo David, et nomen virginis Maria. Et reliqua.

**Homilia sancti Sophronii Episcopi.**

*Homil. in Deiparae Annunt.*

**V**ere benedicta tu in mulieribus, quoniam Evae maledictionem in benedictionem commutasti ; quoniam Adam, qui prius jacebat execratione percussus, ut per te benediceretur effecisti. Vere benedicta tu in mulieribus, quoniam benedictio Patris per te affulsit hominibus, eosque a veteri maledicto liberavit. Vere benedicta tu in mulieribus, quia per te progenitores tui salutem inveniunt ; tu siquidem genitura es Servatorem, qui divinam ipsis salutem comparabit. Vere benedicta tu in mulieribus, quoniam sine semine eum protulisti fructum, qui benedictionem terrarum orbi elargitur, ipsumque a maledictione spinas germinante redimit. Vere benedicta tu in mulieribus, quia mulier

naturáli conditione cum sis, Dei tamen Génitrix reipsa fies. Etenim si qui ex te nascitúrus est secundum veritatem Deus est incarnátus, ipsa jure meritóque diceris Deípara, quippe quæ Deum verissime paris.

**R.** Hortus conclusus soror mea sponsa, hortus conclusus, fons signátus: \* Emissiones tuæ Paradísus, o María. **Ÿ.** Aperi mihi soror mea, amíca mea, colúmba mea, immaculáta mea. Emissiones tuæ.

### Lectio viij.

**N**E timeas María, invenisti enim apud Deum grátiam perire nesciam; invenisti apud Deum grátiam præ quálíbet exímiam; invenisti apud Deum grátiam ómnibus votis expeténdam, invenisti apud Deum grátiam ómnium gratiarum splendidíssimam; invenisti apud Deum grátiam nunquam elanguéntem; invenisti apud Deum grátiam quæ te salvam præstet; invenisti apud Deum grátiam, quæ nullo ímpetu quatiátur; invenisti apud Deum grátiam plane invictam; invenisti apud Deum grátiam perénniter duratúram. Et álíi quidem, íque plures ante te exímia sanctitáte floruerunt. Sed némini, quemádmódum tibi, plena grátia impertíta est; nemo sicut tu, ad tantum

magnificéntiæ est evéctus: nemo, sicut tu, purificánte grátia, præoccupátus est; nemo, sicut tu, cœlésti lumine refúlsit; nemo, sicut tu, præ omni celsitúdine exaltátus est.

**R.** Magnificat ánima mea Dóminum: \* Quia fecit mihi magna qui potens est, et sanctum nomen ejus. **Ÿ.** Ecce enim ex hoc beátam me dicent omnes generatiónes. Quia fecit. Glória Patri. Quia fecit.

### Lectio ix.

**E**T mérito quidem; nemo enim, sicut tu ad Deum tam prope accéssit, nemo, sicut tu, Dei donis ditátus est; nemo, sicut tu, Dei grátiae párticeps fuit. Omnia vincis, quæcúmque inter hómínes emíneant; ómnia súperas múnera, quæ effúsa a Dei largitáte in quólibet dimanáverint. Plus enim ómnibus inhabitántis Dei possessione ditéscis. Nemo sic in se Deum complécti pótuit; nemo pótuit sic frui Dei præsentia; nemo dignus est hábitus, qui sic per Deum illumináretur; ac proptérca non modo Deum ómnium Conditórem ac Dóminum in te excepísti, sed eum habes ex te ineffabiliter incarnátum, atque in útero tuo gestátum, et post hæc génitum, et univérso hómínes a patr-

na condemnatiōne redimētem, ac salutē, quæ nullum finem habitūra sit, ipsis largiētem. Et propterea tibi clamāvi, atque iterum vehemēter clamābo: Ave grātia plena, Dōminus tecum, benedicta tu in muliēribus.

**Te Deum laudāmus. 17.**

**AD LAUDES,**

**et per Horas, Añæ.**

**1.** Tota pulchra es, Mariā, et mākula originālis non est in te. **Psalm.** Dōminus regnāvit, **eum reliquis de Dñica. 18.**

**2.** Vestimētum tuum candidum quasi nix, et faciēs tua sicut sol.

**3.** Tu glōria Jerūsalem, tu lætitia Israel, tu honorificētia pōpuli nostri.

**4.** Benedicta es tu, Virgo Mariā, a Dōmino Deo excēlso præ omnibus muliēribus super terram.

**5.** Trahe nos, Virgo immaculāta, post te currēmus in odōrem unguentōrū tuōrum.

**Capitulum. Prov. 8.**

**D**OMINUS possēdit me in initio viārum suārum, antequam quidquam fāceret a principio. Ab ætérno ordināta sum, et ex antiquis antequam terra fieret. Nondum erant abyssi et ego jam concēpta eram.

**Hymnus. O gloriōsa virginum. clvj.**

**Immaculāta Concēptio**

tua, Dei Gēnitrix Virgo. **R̃.** Gāudium annuntiāvit univēso mundo.

**Ad Benedictus, Añæ.**

Ait Dōminus Deus ad serpētem: Inimicitias ponam inter te et mulierem, et semen tuum et semen illius: ipsa cōteret caput tuum. Allelūia.

**Oratio.**

**D**EUS, qui per Immaculatam Virginis Conceptiōnem dignum Filio tuo habitāculum pręparasti: quęsumus; ut qui ex morte ejusdem Filii tui pręvisa, eam ab omni labe pręservasti, nos quoque mundos ejus intercessiōne ad te pervenire concēdas. Per eūdem Dōminum.

**Ad Primam, in R̃. br. dicitur Ÿ.** Qui natus es de Mariā Virgine.

**Ad Tertiam, Añæ.**

Vestimētum tuum.

**Capitulum ut ad Laudes.**

**R̃. br.** Deus omnīpotens \* Pręcinxit me virtūte. Deus. **Ÿ.** Et pōsuit immaculatam viam meam. Pręcinxit. Glōria Patri. Deus. **Ÿ.** In hoc cognōvi quōniam voluisti me. **iq̃.** Quōniam non gaudēbit inimicus meus super me.

**Ad Sextam, Añæ.**

Tu glōria Jerūsalem.

**Capitulum. Ezech. 44.**

**P**ORTA hæc clausa erit, non aperiētur, et vir

non intrábit per eam ; quóniam Dóminus Deus Israel ingressus est per eam : eritque clausa Príncipi. Príncipe ipse sedébit in ea.

*R. br.* In hoc cognóvi , \* Quóniam voluísti me. In hoc. *Ÿ.* Quóniam non gaudébit inimícus meus super me. Quóniam voluísti. Glória Patri. In hoc. *Ÿ.* Exaltábo te , Dómine , quóniam suscepísti me. *R.* Nec delectásti inimícos meos super me.

*Ad Nonam , Aña.*

Trahe nos.

*Capitulum. Apoc. 12.*

**S**IGNUM magnum appáruit in cœlo : Múlier amícta sole , et luna sub pédibus ejus , et in cápite ejus coróna stellárum duódecim.

*R. br.* Exaltábo te , Dómine , \* Quóniam suscepísti me. Exaltábo. *Ÿ.* Nec delectásti inimícos meos super me. Quóniam. Glória Patri. Exaltábo. *Ÿ.* Immaculáta Conceptio tua , Dei Génitrix virgo. *R.* Gáudium annuntiávit univérso mundo.

*In ij. Vesperis omnia ut in primis.*

*Ad Magnificat, Aña.*

Sancta María , succúrre míseris , juva pusillánimes , réfove flébiles , ora pro pópulo , intérveni pro Clero , intercède pro devóto fœmíneo sexu : séntiant omnes tuum juvámen , quicúmque célebrant tuam sanctam Immaculátam Concepciónem.

# PRÆPARATIO AD MISSAM,

## PRO OPPORTUNITATE SACERDOTIS FACIENDA.

**Añã.** Ne reminiscaris. In **Duplicibus duplicatur.**

**Psalmi.** Quam dilècta, 106.

**Benedixisti.** 106. **Inclína.** 107.

**Crédidi.** 138. **De profundis.** 144.

**Deinde repetitur Añã.** Ne reminiscaris, Dómine, delicta nostra, vel paréntum nostrórum, neque vindíctam sumas de peccatis nostris.

**Postea Sacerdos dicit :** Kyrie eléison. **Christe eléison.** Kyrie eléison. **Pater noster.** **Ÿ.** Et ne nos indúcas in tentatióem.

**R.** Sed libera nos a malo. **Ÿ.** Ego dixi, Dómine, miserere mei. **R.** Sana ánimam meam, quia peccávi tibi. **Ÿ.** Convèrttere, Dómine, aliquántulum.

**R.** Et deprecàre super servos tuos. **Ÿ.** Fiat misericórdia tua, Dómine, super nos. **R.** Quem ádmodum sperávimus in te. **Ÿ.** Sacerdótes tui induántur justítiam. **R.** Et sancti tui exúltent.

**Ÿ.** Ab occúltis meis munda me, Dómine. **R.** Et ab aliénis parce servo tuo. **Ÿ.** Dómine, exáudi oratióem meam. **R.** Et clamor meus ad te véniat. **Ÿ.** Dóminus vobíscum. **R.** Et cum spíritu tuo.

**Orémus.**

**A**URES tuæ pietátis, mitíssime Deus, inclína précibus nostris, et grátia sancti Spíritus illúmina cor nostrum : ut tuis mystériis digne ministráre, teque atérna charitáte diligere mereámur.

**D**EUS, cui omne cor patet, et omnis volúntas lóquitur, et quem nullum latet secrétum : purífica per infusióem

sancti spíritus cogitatióes Cordis nostri ; ut te perfectè dilígere, et digne laudáre mereámur.

**U**NE igne sancti Spíritus renes nostros et cor nostrum, Dómine ; ut tibi casto córpore serviámus, et mundo corde placeamus.

**M**ENTES nostras, quæsumus Dómine, Paráclitus, qui a te procédit, illúminet : et inducat in omnem sicut tuus promísit Fílius, veritátem.

**A**BSIT nobis, quæsumus Dómine, virtus Spíritus sancti : quæ et corda nostra cleménter expúrget, et ab ómnibus tueátur advérsis.

**D**EUS, qui corda fidélium sancti Spíritus illustratióne docuísti : da nobis in eódem Spíritu recta sápere, et de ejus semper consolatióne gaudere.

**C**ONSCIENTIAS nostras, quæsumus Dómine, visitádo purífica : ut véniens Dóminus noster Jesus Christus fílius tuus, parátam sibi in nobis invéniat mansiónem. Qui tecum vivit.

### ORATIONES

**Dicendæ cum Sacerdos induitur sacerdotal. paramentis.**

**Cum lavat manus.**

**D**A, Dómine, virtútem manibus meis ad abstergéndam omnem máculam : ut sine pollutióne mentis et córporis váleam tibi servíre.

**Ad Amictum, dum ponitur super caput.**

**I**Mpone, Dómine, cápiti meo gáleam salútis ad expugnándos diabólicos incúrsus.



**Ad Albam, cum ea induitur.**

**D**EALBA me, Dómine, et munda cor meum: ut in sanguine Agni dealbátus, gáudiis pérfruar sempitérnis.

**Ad Cingulum, dum se cingit.**

**P**RÆCINGE me, Dómine, cingulo puritátis, et exstingue in lumbis meis humórem libidinis, ut máneat in me virtus continentíæ et castitátis.

**Ad Manipulum, dum imponitur brachio sinistro.**

**M**EREAR, Dómine, portáre manipulum flétus et dolóris: ut cum exultatióne recipiam mercédem labóris.

**Ad Stolam, dum imponitur collo.**

**R**EDDE mihi, Dómine, stolam immortalitátis, quam perdidisti in prævaricatióne primi paréntis: et quamvis indignus accédo ad tuum sacrum mystérium, mérear tamen gáudium sempitérnum.

**Ad Casulam, cum assumitur.**

**D**OMINE, qui dixisti: Jugum meum suáve est, et onus meum leve: fac, ut istud portare sic váleam, quod conséquar tuam grátiam. Amen.

#### ORATIONES

**Pro opportunitate sacerdotis ante celebrationem et communionem dicendæ.**

**Oratio S. Ambrosii Episcopi.**

**DIE DOMINICA.** Summe sacerdos, et vere Póntifex Jesu Christe, qui te obtulisti Deo Patri hóstiam puram et immaculatam in ara crucis pro nobis miseris et peccatóribus, et qui dedisti nobis Carnem tuam ad manducándum, et Sanguinem tuum ad bibéndum, et posuisti mystérium istud in virtúte Spíritus sancti tui, dicens: Hæc quotiescúmque fecéritis, in mei memóriam faciétis. Rogo per eúndem Sanguinem tuum, magnum salútis nostræ prætium: rogo per hanc miram et ineffabilem charitátem, qua nos miseros et indignos sic

amáre dignatus es, ut laváres nos a peccatis nostris in Sanguine tuo. Doce me servum tuum indignum, quem inter cetera dona tua étiam ad Officium sacerdotále vocáre dignatus es nullis meis méritis, sed sola dignatióne misericórdiæ tuæ: doce me, quæso, per Spíritum sanctum tuum, tantum tractáre mystérium ea reveréntia et honóre, ea devotióne et timóre, quibus opórtet et decet. Fac me per grátiam tuam semper illud de tanto mystério crédere et intelligere, sentíre et firmiter tenére, dicere et cogitáre quod tibi placet, et expedit animæ meæ. Intret spíritus tuus bonus in cor meum, qui sonet ibi sine sono, et sine strépitu verborum loquátur omnem veritatem. Profúnda quippe sunt nimis, et sacro tecta velámine. Propter magnam clementiam tuam concéde mihi Missarum solémnia mundo corde et pura mente celebráre. Líbera cor meum ab immúndis et nefandis, vanis et nóxiis cogitationibus. Muni me beatórum Angelórum pia et fida custódia, ac tutéla piórrissima, ut hostes ómnium bonórum confúsi discedant. Per virtútem tanti mystérii, et per manum sancti Angeli tui, repélle a me, et a cunctis servis tuis, duríssimum spíritum supérbiæ et cœnodóxiæ, invidiæ et blasphemíæ, fornicatiónis et immunditíæ, dubietatis et dissidentíæ. Confundántur qui nos persequúntur, péreant illi qui nos pérdere festinant.

**FERIA II.** Rex vírginum et amátor castitatis et integritatis, cœlesti rore benedictiόνis tuæ exstingue in corpore meo fómitem ardéntis libidinis: ut máneat in me tenor castitátis corporis et animæ. Mortífica in membris meis carnis stimulos, omnesque libidinósas commo-

tiones; et da mihi veram et perpétuam castitatem, cum ceteris donis tuis, quæ tibi placent in veritate; ut sacrificium laudis casto corpore et mundo corde valeam tibi offerre. Quanta enim cordis contritione, et lacrymarum fonte, quanta reverentia et tremore, quanta corporis castitate et animæ puritate istud divinum et cœlestē sacrificium est celebrandum, ubi caro tua in veritate sumitur, ubi sanguis tuus in veritate bibitur, ubi ima summis, terrēna divinis unguntur, ubi adest sanctorum Angelorum præsētia, ubi tu es sacrificium et sacerdos mirabiliter et ineffabiliter constitutus!

**FERIA III.** Quis digne hoc celebrare poterit, nisi tu, Deus omnipotens, offerentem feceris dignum? Scio, Domine, et vere scio, et idipsum pietati tuæ confiteor, quia non sum dignus accedere ad tantum mysterium propter nimia peccata mea, et infinitas negligentias meas. Sed scio, et veraciter ex toto corde meo credo, et ore confiteor, quia tu potes me facere dignum, qui solus potes facere mundum de immundo conceptum semine, et de peccatoribus justos et sanctos. Per hanc omnipotentiam tuam te rogo, Deus meus, ut concedas mihi peccatori hoc sacrificium celebrare cum timore et tremore, cum cordis puritate, et lacrymarum fonte, cum lætitia spiritali, et cœlesti gaudio. Sentiat mens mea dulcedinem beatissimæ præsentiæ tuæ, et excubias sanctorum Angelorum tuorum in circuitu meo.

**FERIA IV.** Ego enim, Domine, memor venerandæ Passionis tuæ, accedo ad altare tuum, licet peccator, ut offeram tibi sacrificium, quod tu instituisti, et offerri præcepisti in commemoratiōnem tui, pro

salute nostra. Sūscipe illud, quæso, summe Deus, pro Ecclesia sancta tua, et pro populo quem acquisivisti Sanguine tuo. Et quoniam me peccatorem inter te et eundem populum tuum medium esse voluisti, licet in me aliquod boni operis testimonium non agnoscas, officium saltem dispensationis creditæ non recuses; nec per me indignum eorum salutis pereat pretium, pro quibus victima salutaris dignatus es esse et redemptio. Profero etiam, Domine, (si digneris propitius intueri), tribulationes plebium, pericula populorum, captivorum gemitus, misérias orphanorum, necessitates peregrinorum, inopiam debiliū, desperationes languentium, defectus senum, suspiria juvenum, vota virginum, lamenta viduarum.

**FERIA V.** Tu enim misereris omnium, Domine, et nihil odisti eorum quæ fecisti. Memorare quæ sit nostra substantia: quia tu Pater noster es, quia tu Deus noster es, ne irascaris satis, neque multitudinem viscerum tuorum super nos contineas. Non enim in justificationibus nostris prosternimus preces ante faciem tuam, sed in miserationibus tuis multis. Aufer a nobis iniquitates nostras: et ignem sancti Spiritus in nobis clementer accende. Aufer cor lapideum de carne nostra: et da nobis cor carneum, quod te amet, te diligat, te delectetur, te sequatur, te perfruatur. Oramus, Domine, clementiam tuam, ut sereno vultu familiam tuam, sacri tui nominis officia præstolantem, aspicere digneris: et, ut nullius sit irritum votum, nullius vacua postulatio, tu nobis preces suggere, quas ipse propitius audire, et exaudire delecteris.

**FERIA VI.** Rogamus etiam

te, Dómine sancte Pater, et pro spirítibus fidélium defunctorum: ut sit illis salus, sánitas, gáudium, et refrigérium, hoc magnum pietátis Sacraméntum. Dómine Deus meus, sit illis hódie magnum et plenum convívium de te pane vivo, qui de cœlo descendísti et das vitam mundo, de tua carne sancta et benedicta, Agni videlicet immaculáti, qui tollis peccáta mundi, quæ de sancto et glorióso beátæ Virgini Mariæ útero est assúpta, et de Spíritu sancto concépta, ac de illo pietátis fonte, qui per lanceam militis ex tuo sacratíssimo látere emanávit: ut exínde refécti et satiáti, refrigeráti et consoláti, exúltent in laude et glória tua. Peto cleméntiam tuam, Dómine, ut descendat super panem tibi sacrificándum plenitúdo tuæ benedictiónis, et sanctificatio tuæ divinitátis. Descendat étiam, Dómine, illa sancti Spíritus tui invisíbilis incomprehensibilisque majéstas, sicut quondam in patrum hóstias descendébat, qui et oblatiónes nostras Corpus et Sanguinem tuum efficiat, et me indígnum sacerdotem dóceat tantum tractáre mystérium cum cordis puritáte et lacrymárum devotióné, cum reveréntia et tremóre, ita ut plácide, ac benígne suscépias sacrificium de mânibus meis, ad salutem ómnium tam vivórum quam defunctorum.

**SABBATO.** Rogo étiam te, Dómine, per ipsum sacrosáctum mystérium Córporis et Sanguinis tui, quo quotidie in Ecclesiá tua páscimur, et potámur, ablúimur et sanctificámur, atque unús summæ divinitátis partícipes efficimur: da mihi virtútes tuas sanctas, quibus replétus bona consciéntia ad altáre tuum accédam, ita ut hæc cœléstia Sacraménta efficiántur mihi salus et vita.

Tu enim dixisti ore tuo sancto et benedicto: Panis, quem ego dabo, caro mea est pro mundi vita. Ego sum panis vivus, qui de cœlo descéendi. Si quis manducáverit ex hoc pane, vivet in ætérnum. Panis dulcíssime, sana palátum cordis mei, ut séntiam suavitátem amoris tui. Sana illud ab omni languóre, ut nullam præter te séntiam dulcédinem. Panis candidíssime, habens omne delectaméntum et omnem sapórem, qui nos semper réficis, et nunquam in te defícis, cómedat te cor meum, et dulcédine sapóris tui repleántur viscera ánimæ meæ. Manducat te Angelus ore pleno, mandúcet te peregrínus homo pro módulo suo, ne defícere possit in via, tali recreátus viático. Panis sancte, panis vive, panis munde, qui descendísti de cœlo, et das vitam mundo, veni in cor meum, et munda me ab omni inquinaménto carnis et spíritus. Intra in ánimam meam, sana et munda me intérius et extérius. Esto tutámen, et continua salus ánimæ et cörperis mei. Repélle a me insidiántes mihi hostes, recédant procul a præsentia poténtiæ tuæ, ut foris et intus per te múnitus, recto trámite ad tuum regnum pervéniam: ubi non in mystériis, sicut in hoc témpore ágitur, sed fácie ad fáciem te vidébimus, cum tradíderis regnum Deo et Patri, et eris Deus ómnia in ómnibus. Tunc enim me de te satiábis satietáte mirífica: ita ut nec esúriam nec sítiam in ætérnum. Qui cum eódem Deo Patre, et Spíritu sancto vivis et regnas per ómnia sæcula sæculórum. Amen.

#### Alia Oratio ante Missam.

**A**d mensam dulcíssimi convivii tui, pie Dómine Jesu Christe, ego peccátor de propriis méritis nihil præsumens, sed de tua confídens miseri-

córdia et bonitate, accédere véreor et contremísco. Nam cor et corpus hábeo multis crimínibus maculátum, mentem et linguam non caute custodítam. Ergo, o pia Déitas, o treménda majéstas, ego miser inter angústias deprehénsus, ad te fontem misericórdiæ recúrro, ad te festíno sanándus, sub tuam protectiónem fúgio, et quem júdicem sustinére néqueo, salvatórem habére suspíro. Tibi, Dómine, plagas meas osténdo, tibi verecúndiam meam détego. Scio peccáta mea multa et magna pro quibus tímeo. Spero in misericórdias tuas, quarum non est númerus. Réspice ergo in me óculis misericórdiæ tuæ, Dómine Jesu Christe, Rex ætérne, Deus et homo, crucifixus propter hóminem. Exáudi me sperántem in te: miserére mei pleni misériis et peccátis, tu qui fontem miseratiónis nunquam manáre cessábis. Salve, salutáris víctima, pro me et omni humáno génere in patíbulo crucis obláta. Salve, nóbilis et pretióse Sanguis, de vulnéribus crucifixi Dómini mei Jesu Christi prófluens, et peccáta totíus mundi ábluens. Recordáre, Dómine, creatúræ tuæ, quam tuo Sanguine redemísti. Pœnitet me peccásse, cúpio emendáre quod feci. Aufer ergo a me, clementíssime Pater, omnes iniquitátes et peccáta mea: ut purificátus mente et corpore, digne degustáre mérear Sancta Sanctorum: et concéde, ut hæc sancta prælibátio Corporis et Sanguinis tui, quam ego indignus súmerem inténdo, sit peccatorum meórum remíssio, sit delictórum perfécta purgátio, sit túrpium cogitatónum effugátio, ac bonórum sénsuum regenerátio, operúmque tibi placéntium salúbris efficácia, animæ quoque et corporis contra inimicórum

meórum insídias firmíssima tuítio. Amen.

**Oratio S. Thomæ Aquinatis.**

**O**MNIPOTENS sempitérne Deus, ecce accédo ad sacraméntum unigéniti Filii tui Dómini nostri Jesu Christi: accédo tamquam infirmus ad medicum vitæ, immúndus ad fontem misericórdiæ, cæcus ad lumen claritátis ætérnæ, pauper et egénus ad Dóminum cœli et terræ. Rogo ergo imménsæ largitátis tuæ abundántiam, quatenus meam curáre dignéris infirmitátem, laváre scéditátem, illumináre cæcitátem, ditáre paupertátem, vestíre nuditátem ut panem Angelórum, Regem regum, et Dóminum dominántium, tanta suscépíam reveréntia et humilitáte, tanta contritióne et devotióne, tanta puritáte et fide, tali propósito et intentiόne, sicut expedit salúti animæ meæ. Da mihi, quæso, Domínici Corporis et Sanguinis non solum suscépere sacraméntum, sed étiam rem et virtútem sacraménti. O mitíssime Deus! Da mihi Corpus unigéniti Filii tui Dómini nostri Jesu Christi, quod traxit de Vírgine María, sic suscépere, ut corpore suo mystico mérear incorporári, et inter ejus membra connumerári. O amantíssime Pater! concéde mihi diléctum Fílium tuum, quem nunc velátum in via suscépere propóno, reveláta tandem fácie perpétuo contemplári. Qui tecum vivit et regnat in unitáte Spíritus sancti Deus, per ómnia sæcula sæculórum. Amen.

**GRATIARUM ACTIO**

POST MISSAM.

**Añña.** Trium puerórum. **In Duplicibus duplicatur.**

**Cantic.** Benedícite. 19. **In fine non dicitur Glória Patri.**

**Psalm.** Laudáte Dóminum in sanctis ejus. 21. **In fine Glória Patri.**

Añā. Trium puerorum cantemus hymnum, quem cantabant sancti in camino ignis, benedicentes Dóminum.

**Postea Sacerdos dicit:** Kyrie, eléison. **C**hriste, eléison. Kyrie, eléison. **P**ater noster. **Ÿ.** Et ne nos indúcas in tentationem. **R.** Sed libera nos a malo. **Ÿ.** Constituteántur tibi, Dómine, ómnia ópera tua. **R.** Et sancti tui benedicant tibi. **Ÿ.** Exultábunt sancti in glória. **R.** Lætábuntur in cubilibus suis. **Ÿ.** Non nobis, Dómine, non nobis. **R.** Sed nómini tuo da glóriam. **Ÿ.** Dómine, exáudi orationem meam. **R.** Et clamor meus ad te véniat. **Ÿ.** Dñus vobíscum. **R.** Et cum spíritu tuo.

**O**remus.

**D**eus, qui tribus púeris miti-gásti flammās ignium : concéde propítius ; ut nos fámulos tuos non exúrat flamma vitiorum.

**A**CTIONES nostras, quæsumus Dómine, aspirádo præveni, et adjuvádo proséquere : ut cuncta nostra orátio et operátio a te semper incipiat, et per te cœptafiniátur.

**D**a nobis, quæsumus Dómine, vitiorum nostrórum flammās extingui, qui beáto Laúrentio tribuísti tormentórum suórum incéndia superáre. Per Christum Dóminum nostrum. **R.** Amen.

**ORATIONES**

**Post Celebrationem et Communionem dicendæ.**

**Oratio S. Thomæ Aquinatis.**

**G**RATIAS tibi ago, Dómine, sancte, Pater omnípotens, ætérne Deus, qui me peccatórem, indignum fámulum tuum, nullis meis méritis, sed sola dignatióne misericórdiæ tuæ satiáre dignátus es pretiósó Córpo et Sanguine Filii tui Dómini nostri Jesu Christi. Et precor, ut hæc sancta Commúnio non sit mihi reátus ad pœnam, sed intercessio salutáris

ad véniam. Sit mihi armatúra fidei, et scutum bonæ voluntátis. Sit vitiorum meórum evacuátio, concupiscéntiæ et libídinis exterminátio, charitátis et paciéntiæ, humilitátis et obediétiæ, omniúmque virtútum augmentátio : contra insídias inimicórum ómnium, tam visibílium, quam invisibílium, firma defénsio : mórtuum meórum, tam carnálium, quam spirituálium, perfectá quietátio : in te uno ac vero Deo firma adhæsió : atque finis mei felix consummátio. Et precor te, ut ad illud inestábile convívium me peccatórem perducere dignéris, ubi tu cum Filio tuo et Spíritu sancto, Sanctis tuis es lux vera, satiétas plena, gáudium sempitérnum, jucúnditas consummáta, et felicitas perfectá. Per eúmdem Christum Dóminum nostrum. Amen.

**Alia Oratio S. Bonaventuræ.**

**T**RANSEIGE, dulcíssime Dómine Jesu, medúllas et víscera ánimæ meæ suavíssimo, ac salubérrimo amóris tui vulnere, vera seneráque et Apostólica sanctíssima charitatē, ut lángueat et liquefíat ánima mea solo semper amóre et desidério tui : te concupíscat, et deficiat in átria tua, cúpiat dissólvi, et esse tecum. Da ut ánima mea te esúriat panem Angelórum, refectionem animárum sanctárum, panem nostrum quotidíanum, supersubstantiálem, habéntem omnem dulcedinem et sapórem, et omne delectaméntum suavitátis, te in quem desidérant Angeli prospícere, semper esúriat, et cómedat cor meum, et dulcedine sapóris tui repleántur víscera ánimæ meæ : te semper sítiat fontem vitæ, fontem sapiétiæ et sciétiæ, fontem ætérni lúminis, terréntem voluptátis, ubertátē domus Dei, te semper ámbiat, te



quærat, te invéniat, ad te tendat, ad te pervéniat, te meditetur, te loquatur, et ómnia operetur in laudem et glóriam nóminis tui, cum humilitate et discretione, cum dilectione et delectatione, cum facilitate et affectu, cum perseverantia usque in finem: ut tu sis solus semper spes mea, tota fiducia mea, divitiæ meæ, delectatio

mea, jucunditas mea, gáudium meum, quies et tranquillitas mea, pax mea, suávitās mea, odor meus, dulcédo mea, cibus meus, refectio mea, refúgium meum, auxílium meum, sapiéntia mea, pórtio mea, possessio mea, thesáurus meus, in quo fixa et firma et immobiliter semper sit radicáta mens mea, et cor meum. Amen.





# PSALMORUM INDEX.

119. Ad Dominum cum tri- bularer.	458	71. Deus iudicium.	91
27. Ad te Domine clamabo.	48	108. Deus laudem meam.	123
24. Ad te Domine levavi.	51	66. Deus misereatur.	19
122. Ad te levavi oculos.	141	43. Deus noster refugium.	70
28. Afferte Domino.	49	82. Deus quis similis.	103
77. Attendite popule.	96	59. Deus repulisti nos.	81
48. Audite hæc omnes.	72	81. Deus stetit.	105
118. Beati immaculati.	25	78. Deus venerunt.	99
127. Beati omnes, qui.	143	95. Deus ultionum.	111
51. Beati, quorum.	51	114. Dilexi, quoniam.	137
40. Beatus, qui intelligit.	67	17. Diligam te Domine.	12
1. Beatus vir, qui.	5	58. Dixi: Custodiam.	65
111. Beatus vir.	155	109. Dixit Dominus.	154
53. Benedicam Dominum.	53	55. Dixit injustus.	55
102. Benedic anima mea.	120	15. Dixit insipiens.	9
103. Benedic anima mea.	121	52. Dixit insipiens.	77
145. Benedictus Dominus.	152	140. Domine clamavi.	151
84. Benedixisti Domine.	106	7. Domine Deus meus.	5
91. Bonum est confiteri.	118	87. Domine Deus salutis.	108
18. COELI enarrant.	15	8. Domine Dñs noster.	6
149. Cantate Domino.	21	101. Domine exaudi.	119
95. Cantate Domino.	112	142. Domine exaudi.	114
97. Cantate Domino.	117	20. Domine in virtute.	16
74. Confitebimur tibi.	94	6. Domine, ne in furore.	5
9. Confitebor tibi.	6	37. Domine, ne in furore.	57
110. Confitebor tibi.	154	150. Domine, non est.	144
157. Confitebor tibi.	119	158. Domine probasti.	149
104. Confitemini.	125	5. Dñe quid multiplicati.	4
105. Confitemini.	125	14. Domine quis habitabit.	10
106. Confitemini.	127	89. Domine refugium.	101
117. Confitemini.	24	5. Domini est terra.	34
135. Confitemini.	147	26. Dominus illuminatio.	47
15. Conserva me.	10	22. Dominus regit me.	55
115. Credidi propter.	158	92. Dominus regnavit.	18
4. Cum invocarem.	158	96. Dominus regnavit.	115
129. De profundis.	64	98. Dominus regnavit	117
45. Deus auribus.	68	155. Ecce nunc.	160
49. Deus deorum.	75	152. Ecce quam bonum.	146
62. Deus Deus meus.	18	58. Eripe me.	80
24. Deus Deus meus.	55	159. Eripe me Domine.	150
69. Deus in adiutorium.	90	44. Eructavit cor meum.	70
55. Deus in nomine.	25.	144. Exaltabo te Deus.	155
		29. Exaltabo te Domine.	49

19. Exaudiat te Dominus.	43	120. Levavi oculos meos.	159
60. Exaudi Deus deprecationem.	81	47. MAGNUS Dominus, et.	71
54. Exaudi Deus...., et ne.	77	151. Memento Domine.	145
65. Exaudi Deus... cum.	82	56. Miserere mei Deus, miserere.	79
16. Exaudi Domine justitiam.	44	55. Miserere mei Deus, quoniam.	78
39. Expectans expectavi.	66	50. Miserere... secundum.	59
80. Exultate Deo.	104	180. Misericordiam.	119
52. Exultate justi.	52	88. Misericordias Domini.	109
67. Exurgat Deus.	84	126. Nisi Dominus.	143
86. FUNDAMENTA ejus.	108	123. Nisi quia Dominus.	142
85. INCLINA Domine.	107	56. Noli æmulari.	56
125. In convertendo.	142	61. Nonne Deo subjecta.	82
10. In Domino confido.	8	75. Notus in Judæa.	95
113. In exitu Israel.	136	46. OMNES gentes.	71
50. In te Domine speravi.	50	107. PARATUM cor.	128
70. In te Domine speravi.	90	72. QUAM bonus Israel.	92
63. Jubilate Deo...., psallimum.	83	83. Quam dilecta.	106
99. Jubilate Deo...., servite.	118	2. Quare fremuerunt.	4
34. Judica Domine.	54	41. Quemadmodum.	68
42. Judica me Deus.	75	124. Qui confidunt in.	142
25. Judica me Domine.	52	51. Quid gloriaris.	74
121. LÆTATUS sum.	141	90. Qui habitat.	159
145. Lauda anima mea.	154	79. Qui regis Israel.	100
147. Lauda Jerusalem.	155	128. SARE expugnaverunt.	144
148. Laudate Dominum de cœlis.	20	68. Salvum me fac.	88
150. Laudate Dominum in sanctis.	21	41. Salvum me fac Domine.	8
116. Laudate Dominum omnes.	158	57. Si vere utique.	79
146. Laudate Dominum quoniam.	155	156. Super flumina.	148
134. Laudate nomen Domini.	146	64. Te decet hymnus.	86
112. Laudate pueri.	135	94. VENITE, exultemus.	2
		5. Verba mea auribus.	60
		76. Voce mea.... ad Deum.	95
		141. Voce mea..... ad Dominum.	151
		12. Usquequo Domine.	9
		73. Ut quid Deus repulisti.	93

## CANTICORUM INDEX.

AUDITE cœli.	151	Ego dixi : In dimidio.	75
BENEDICITE omnia.	19	Exultavit cor meum.	86
Benedictus Dominus.	22	MAGNIFICAT.	157
CANTEMUS Domino.	102	NUNC dimittis.	160
Confitebor tibi.	64	QUICUMQUE vult.	26
DOMINE audiui.	114	TE Deum laudamus.	17

# HYMNORUM INDEX.

ÆTERNA cœli gloria.	416	MAGNÆ Deus potentia.	448
Æterna Christi munera.	iiij	Memento rerum Conditor.	clxj
Æterne rector siderum.	405	Nocte surgentes.	3
Æterne rerum Conditor.	22	Nox atra rerum.	88
Ales diei nuntius.	76	Nox, et tenebræ.	87
Alto ex Olympi vertice.	cxxx	Nunc sancte nobis.	39
Ave maris stella.	cxlvj	O gloriosa virginum.	clvj
Aurora jam spargit.	134	O quot undis.	348
COELESTIS Urbs Jerusalem.	cxix	O stella Jacob.	ccxxij
Cœli Deus sanctissime.	443	PANGE lingua... Lauream.	337
Cœlo Redemptor.	ccxv	Pange lingua... Corporis.	cclvij
Christe, sanctorum.	587	Placare Christe servulis.	435
Christe, sanctorum... Rector.	ccxlv	Præclara custos virginum.	ccxxij
Christo profusum.	xxxix	Primo die, quo Trinitas.	3
Consors paterni luminis.	63	QUEM terra, pontus.	clviiij
Corpus domas.	423	RECTOR potens, verax Deus.	42
Creator alme siderum.	281	Regis superni nuntia.	417
Custodes hominum	598	Rerum Creator optime.	76
DEUS, tuorum militum.	xxij	Rerum Deus tenax vigor.	44
Ecce jam noctis.	21	Rex gloriose Martyrum.	xlx
Exultet orbis gaudiis.	ij	SACRIS solemniis.	cclviiij
FORTEM virili pectore.	cxj	Salutis æternæ.	446
GENTIS Polonæ.	424	Salutis humanæ	ccxxxvij
HÆC est dies, qua.	418	Sanctorum meritis.	xxxviiij
HOMINIS superne.	452	Somno relectis artubus.	47
Hujus oratu, Deus alme.	cxij	Splendor Paternæ gloriæ.	63
JAM lucis orto sidere.	25	Summæ Parens.	416
Jam sol recedit igneus.	456	Summæ Deus clementiæ.	555
Jam toto subitus.	349	Te deprecante.	427
Jesu corona celsior.	lxxxiv	Te lucis anteterminum.	460
Jesu corona Virginum.	xciv	Telluris alme Conditor.	443
Jesu Redemptor omnium.	lxiv	Te, Mater alma.	ccxx
Immense cœli Conditor.	439	Te splendor, et virtus.	582
Invicte Martyr.	xxxij	Tibi, Christe, splendor.	ccxxxviiij
Iste Confessor.	liij	Tu Trinitatis Unitas.	404
Lucis Creator optime.	457	VERBUM supernum.	ccclxv
Lustra sex qui jam.	542	Vexilla Regis.	556
Lux ecce surgit aurea.	405	Virginis Proles.	xcv

# INDEX ALPHABETICUS

## OMNIUM FESTORUM ET NOMINUM SANCTORUM

### HUJUS PARTIS AUTUMNALIS BREVIARIJ.

*Hoc signum \* denotat Festum ex Indulto.*

ADAUCTI et Felicis mart.	308	Cypriani et Justinæ mart.	379
Adriani mart.	320	Damiani et Cosmæ mart.	379
Ægidii abbatis.	311	Dariæ et Chrysanthi mart.	428
Agricolæ et Vitalis mart.	451	Decollat. S. Joannis Bapt.	303
* Alphonsi Rodriguez C.	ccxlv	Dedic. Basilicæ Salvatoris.	463
Andreas apostoli.	501	Dedicatio Basilicarum SS.	
Andreas Avellini conf.	466	Petri et Pauli.	480
* Angeli Custodis.	cxc	Dedic. S. Michaelis Arch.	381
Angelorum Custodum.	394	Didaci conf.	475
Apuleii et soc. mart.	410	Dionysii et soc. mart.	412
Augustini episc. conf.	503	Dolorum septem B. M. V.	348
Bacchi et soc. mart.	410	Duodecim Frat. mart.	311
Basilicæ Salvatoris Dedic.	465	Eduardi regis conf.	415
Basilic. SS. Apost. Petri et		Eleutherii et soc. mart.	412
Pauli Dedic.	480	Elisabeth viduæ.	482
Bibianæ virg. et mart.	507	Euphemie et soc. mart.	354
Birgittæ viduæ.	411	Eustachii et soc. mart.	368
Brunonis conf.	409	Evaristi papæ et mart.	428
Cæcilie virg. et mart.	487	Exaltatio S. Crucis.	356
Callisti papæ et mart.	416	Felicis de Valois conf.	484
Caroli Borromæi ep. et C.	451	Felicis et Adaucti mart.	308
Catharinæ virg. et mart.	498	Felicitatis mart.	492
Chrysanthi et Dariæ mart.	428	Francisci conf.	406
Chrysogoni mart.	495	Francisci Borgiæ conf.	415
Clementis papæ et mart.	492	* Idem.	ccxxj
* Concept. Immac. B. M.		Francisci Impr. Stigmat.	556
Offic. per annum.	ccxvj	Fratrum duodecim mart.	311
Cornelii et Cypriani mart.	554	* Gallæ viduæ.	ccx
Coronatorum Quat. Mart.		Geminiani et soc. mart.	554
com.	460	Gertrudis virg.	476
Cosmæ et Damiani mart.	379	Gorgonii mart.	522
Crucis Exaltationis.	356	Gregorii Thaum. ep. conf.	478
Cypriani et Cornelii mart.	554	Hedwigis viduæ.	420

Hieronymi presb., conf. et eccl. doct.	389	* Patrocinii B. M. V.	ccxlix
Hilarionis abbatis.	427	* Petri Claver conf.	ccv
Hyacinthi et Proti mart.	329	Petri de Alcantara conf.	422
Impress. Stigm. S. Franc.	356	Petri Alexandrini episc. et mart.	499
Januarii episc. et soc. M.	363	Placidi et soc. mart.	408
Joannis Baptistæ Decollat.	303	Pontiani papæ mart.	483
Joannis Cantii conf.	424	Præsentat. B. M. V.	486
Joannis a Cruce conf.	493	Proti et Hyacinthi mart.	329
Josephi a Cupertino conf.	360	* Pulcheriæ virg. imp.	ccxj
Judæ et Simonis apost.	430	* Puritatis B. M. V.	ccxxij
Justinæ et Cypriani mart.	379	* Raphaelis Archang.	ccxxvij
Laurentii Justiniani ep. C.	313	Raymundi Nonnati conf.	309
* Leonardi a Portu Mauri- tio conf.	ccliv	* Redemptoris SS.	ccxxj
Lini papæ et mart.	373	* Reliquiarum SS.	ccxxix
Lucæ evangelistæ.	424	Remigii episc. et conf.	394
Luciæ et soc. mart.	354	Respici et soc. mart.	466
* Ludovici Bertrandi C.	ccxxj	Rosæ a S. Maria virg. Li- manæ.	508
Marcelli et soc. mart.	410	* Rosæ Viterbiensis virg.	ccij
Marci papæ et conf.	410	* Rosaliæ virg. Panorm.	ccij
Mariæ B. V. Nativitas.	317	Rosarii B. M. V. Solemnit.	392
Nomen.	322	Rustici et soc. mart.	412
Septem Dolorum.	348	Sabinæ mart.	303
De Mercede.	377	* Sacramenti SS. Officium per annum.	cclvj
Rosarii Solemnit.	392	Sanctorum omnium.	435
Præsentatio.	486	Saturnini mart.	499
* Maternitas.	ccxv	Septem Dolorum B. V. M.	348
* Puritas.	ccxxij	Sergii et soc. mart.	410
* Patrocinium.	ccxlix	* Silvestri abbatis.	cclij
* Concept. Immac. Offic. per annum.	ccxvj	Simonis et Judæ apost.	430
* Mariæ de Socos.	ccviij	Stephani Hung. reg. conf.	312
Martini episc. et conf.	469	* Stanislai Kostkæ conf.	ccxlix
Martini papæ et mart.	474	Teresiæ virginis.	417
* Maternitatis B. M. V.	ccxv	Theclæ virg. et mart.	375
Matthæi apost. et evang.	370	Theodori mart. com.	463
Mauritii et soc. mart.	373	Thomæ de Villanova episc. et conf.	572
Mennæ mart.	469	Tryphonis et soc. mart.	466
Michaelis Archang. Dedic.	381	Ursulæ et soc.	427
Nativitas B. M. V.	317	* Idem.	ccxxvij
Nicolai de Tolentino conf.	328	Vitalis et Agricolæ mart.	451
Nicomedis mart.	344	Wenceslai ducis et mart.	380
Nominis B. M. V.	322	* Wolfgangi episc. Ratis- bonensis.	ccxlvij
Nymphæ et soc. mart.	466		
Omnium Sanctorum.	453		

# FORMULA

## Ad impertiendam Indulgentiam plenariam in articulo mortis.

✠ Adjutórium nostrum ✠ in nómine Dómini. **R.** Qui fecit cœlum et terram. **Añã.** Ne reminiscáris, Dómine, delicta fámuli tui **vel** ancillæ tuæ, neque vindictam sumas de peccáteis ejus. **Kyrie eléison. Christe eléison. Kyrie eléison. Pater noster, etc. V.** Et ne nos inducas in tentatióem. **R.** Sed libera nos a malo. **V.** Salvum fac seryum tuum, **vel** ancillam tuam. **R.** Deus meus, sperántem in te. **X.** Dómine, exáudi oratióem meam. **R.** Et clamor meus ad te véniat. **V.** Dóminus vobíscum. **R.** Et cum spíritu tuo.

### Orémus.

**C**LEMENTISSIME Deus, pater misericordiárum, et Deus totíus consolatiónis, qui néminem vis períre in te credéntem, atque sperántem, secúndum multitudínem miserationum tuárum respice propítius fámulum tuum **N.** **vel** fámulam tuam, quem **vel** quam tibi vera fides, et spes christiána comméndant. Vísita eum, **vel** eam, in salutári tuo, et per Unigéniti tui passióem, et mortem, ómnium ei delictórum suórum remissióem, et véniam cleménter indúlge: ut ejus ánima in hora éxitus sui te júdicem propitiátum invéniat, et in sáanguine ejúsdem Fílii tui ab omni mácula ablúta transíre ad vitam mereátur perpétuam. Per eúmdem Christum Dóminum nostrum.

Tum dicto ab uno e clericis astantibus; Confíteor, etc. Sacerdos dicat: Misereátur, etc.

### Deinde:

**D**OMINUS noster Jesus Christus Fílius Dei vivi, qui beáto Petro Apóstolo suo dedit potestátem ligándi, atque solvéndi, persuam piíssimam misericórdiam recípiat confessiόem tuam, et restítuat tibi stolam primam, quam in baptísmate recepísti: et ego facultátem mihi ab apostólica Sede tribúta, indulgéntiam plenáriam, et remissiόem ómnium peccatórum tibi concédo. In nómine Patris, ✠ et Fílii, et Spíritus sancti.

**P**ER sacrosáncta humanæ reparatiόnis mystéria remittat tibi omnípotens Deus omnes præséntis, et futúræ vitæ pœnas, Paradísi portas apériat, et ad gáudia sempitérna perducát. Amen.

Benedícat te ómnípotens Deus, Pater, ✠ et Fílius, et Spíritus sanctus. Amen.

**Si vero infirmus sit adeo mortí proximus, ut neque confessionis generalis, neque precum tempus suppetat, statim ei benedictionem impertiatur dicens: Dóminus noster, etc.**

**Et si mors proxime urgeat, dicat,**

Indulgéntiam plenáriam et remissiόem ómnium peccatórum tibi concédo in nómine Patris ✠ et Fílii, et Spíritus sancti. Amen.





# OFFICIA PROPRIA

SANCTORUM S. R. E.

## SUMMORUM PONTIFICUM

ET ALIORUM QUÆ CLERO ROMANO INDULTA SUNT.

### PARS AUTUMNALIS.

DIE IV. SEPTEMBRIS.

In Festo S. Rosæ Viterbiensis, Virginis.

Duplex.

Omnia ut in fine Brev.

EADEM DIE IV.

In Festo S. Rosaliæ Panormit., Virginis.

Duplex.

Omnia ut in fine Brev.

DIE IX. SEPTEMBRIS.

In Festo S. Sergii I.

Papæ Confessoris.

Duplex.

Oratio. D a quæsumus.

In j. Nocturno Lectiones de Scriptura occurrente.

In secundo Nocturno.

Lectio iv.

**S**ERGIUS, Antiochénus genere, Tibério patre, Panórmī in Sicília natus, Conóne vita functo, anno

AUTUMN. ROM.

Christi sexcentésimo octogésimo séptimo, annuente Deo, et suffragántibus ómnium votis, in sacro Lateranénsi Palátio assumptus, fœdissimum schisma, quod Exárchī Imperatóris avarítia, et Paschális Archidiáconi ambitio excitárant, in ipso ortu extínxit. Adeódato Pontífice, Romam véniens, in Ecclésiæ Románæ clerum ab eódem adscítus, et a Leóne hujus nóminis secúndo Présbyter Títuli sanctæ Susánnæ ordinátus, impigre suo múnere defúctus est.

℟. Invéni David.

Lectio v.

**C**ANONES a Græcis sextæ Synodo dein afflíctos, instánte licet et dira mi-

nante Imperatōre , admittēre nōluit , sed ut spūrios , non sine vitæ periculo , constāter abjecit. Magnam dominicæ Crucis portiōnem , revelāte Deo , a se invētam , in Basilica Constantiniāna pōpulo adorādam collocāvit. Corpus sancti Leōnis in obscurō cōditum āngulo , Dei nutu , inde amōvit , et ornatiorē loco ōmnibus colēndum expōsuit. Basilicam demum Vaticanā innūmeris donis ornāvit , egrēgiis certe amoris sui erga Principem Apostolorū monumētis.

*R.* Pōsui adiutorium.

*Lectio vj.*

**C**HILIANUM , et sōcios martyrio deinde affēctos , in Germāniam , Willebrōrdum , et Suitbērtum , cum sōciis in Frisiam , aliāsque circumjēctas regiōnes misit , in quibus māximum paganōrum nūmerum ad Christi fidem convertērunt. Coadvallum Britōnum regem Romam veniētem excēpit , et sacro baptismate tinxit. Ravennātibus Damiānum , Leodiēnsibus Hubērtum , Britānnis Berectualdum Episcopos ordināvit. Stāuit , ut Liturgiæ sacræ pius versus : Agnus Dei , qui tollis peccāta mundi , miserere nobis , adderētur. Méritis dēnique plenus , postquam sedisset

trēdecim annis , mēnsibus octo , sancto fine quievit , ac sepūltus est in Vaticanō.

*R.* Iste est.

In iij. Noct. Homilia in Evang. Homo pēgre , de Comuni cum ix. Lectione S. Gorgonii Mart. ut in Breviario.

DIE X. SEPTEMBRIS.

In Festo S. Hilari , Papæ Confessoris.

Duplex.

Oratio. Exaudi.

In j. Nocturno Lectiones de Scriptura occurrente.

In secundo Nocturno.

Lectio iv.

**H**ILARUS , natione Sardus , patre Crispino genitus , post sancti Leōnis transitum , Romānæ Ecclesiæ Pōtifex factus est. Eum adhuc diāconum idem Leo legātum destināvit pro Ephesina Synodo celebrāda. Sed cum Diōscori Alexandrini Episcopi furōre per vim , et metum Ephesi patrarēntur indigna , Hilarus vix effugiens per invia loca , et multa pericula , divīna ope liberātus , ad Leōnem revērsus est. Pōtifex autem renuntiātus , nihil antiquius hābuit , quam quæ contra hærēticos constitūta fuerant , suo decrēto firmāre. Quāmobrem encyclicam epistolam scripsit de damnatione Nestōrii , et Eutychētis , ac

trium præcipuorum confirmatiône Conciliórum.

**R.** Inveni David.

**Lectio v.**

**A**B eo invitatus Victorinus, natione Aquitanus, paschalem cursum cautissimaindagatione composuit. Ecclesiasticæ disciplinæ retinentissimus, nulum voluit Episcopum per Ecclesias consecrari, præter Metropolitani consensum, nec Episcopum quempiam, relicta propria Ecclesia, ad aliam transfèrri, neque transcendendi terminos a Patribus constitutos. Leontium Arelatensem Episcopum, suæ Sedis vicarium constituit per Gallias, cui solitudinem in congregandis quotannis Episcopis delegavit. Ecclesiæ prædia, quæ neque deserta, neque inutilia essent, quibus plurimorum necessitatibus subveniretur, alienari, nisi prius apud Concilium alienationis causa dicta, prohibuit; aliaque complura sancte decrevit in ea Synodo, quam apud sanctam Mariam Majorem coëgit.

**R.** Posui adiutorium.

**Lectio vj.**

**A**NTHEMIUM Imperatorem, cum Philothæus Macedoniânus, ejus familiaritate suffultus, nova diversarum conciliabula secta-

rum in Urbem conarétur inducere, apud beatum Petrum Apóstolum palam ne id fieret objurgando cohibuit: in tantum ut ea non fore introducenda promiserit Imperator, interposito etiam juramento. Fecit in Constantiniânæ Basilicæ baptistério oratoria quatuor, nempe sanctæ Crucis, sancti Joannis Baptistæ, sancti Joannis Evangelistæ, et sancti Stéphanî, ac insuper bibliothecas duas. Monastérium construxit una cum bálneo, et prætorio ad sanctum Laurentium foris, alterumque in Urbe ad Lunam. Plura, atque magnifica tum alia ornamenta ex auro, argento, lapidibusque pretiosis, sacris locis contulit. Constituit in Urbe ministeriales, qui præfixas obirent stationes. Pro eommuni Sacerdotum Dómini concórdia solícite procuravit, ne sua auderent quærere, sed quæ essent Christi studerent obtinere. Demum ipse corpore solutus, abiit in cœlum regnáturus cum Christo, quarto Idus Septémbris, sub Imperatoribus Leone, et Anthémio, ejusque corpus sepúltum fuit ad sanctum Laurentium in crypta juxta corpus beati Xysti. Una ordinatione mense Decémbri,

creávit Presbyteros viginti quinque , Diáconos sex , Episcopos per diversa loca viginti duos. Apostólica Sedis régimen tenuit annos sex , menses novem , dies viginti et octo.

**R.** Iste est , qui.

**In ij. Nocturno Homilia in Evang. , Vigiláte quia nescitis , de Comm. ij. loco.**

**DIE XX. SEPTEMBRIS.**

**In Festo S. Agapiti I.**

**Papæ Confessoris.**

**Duplex.**

**Oratio.** Da quæsumus.

**In j. Nocturno Lectiones de Script. occurr. In Quat. Temp. Fidélis sermo.**

**In secundo Nocturno.**

**Lectio iv.**

**J**OANNE , hujus nóminis secúndo , e vivis sublato , Agapítus Románuſ genere , patre Gordiáno , sanctæ Románæ Ecclesiæ Archidiaconus , propter singularem eruditiónem , qua probe , et apprime instrúctus erat , et compósitos castigatíssimæ vitæ mores , quibus præ céteris eminébat , commúnibus totius cleri suffrágiis , et ómnium bonórum gratulatióne , ad sanctam Petri sedem promótus est ; et sublímem illam provinciam perinde administrávit , ac si non ab homínibus , sed ab ipso Deo eléctus fuisset.

**R.** Invéni David.

**Lectio v.**

**E**GREGIUS laudum titulis ab antiquis Pátribus decorátus est , dictusque ab iis præco justitiæ , Evangelii tuba , vas cathólicum , vir pietáte , et miráculis celebérrimus , quibus heróicas illius virtútes , et apostólicæ vitæ sanctimóniam Deus illustrávit. Aliquot hujus sanctíssimi Præsulis decretáles extant , in quibus cathólicæ fidei dógmata sarta téctaque servántur , ecclesiástica disciplínæ forma , et régula tráditur , sacrórum cánónum , et antiquárum traditiónum indemnitati consúlitur , ac demum omnes et singulæ pastorális solici tudinis partes impléntur.

**R.** Pósui adjutórium.

**Lectio vj.**

**C**ONSTANTINOPOLIM profectus est , álio prorsus , quam ad quem hómines illum destinárant , consílio , divíno scilicet instinctu , et nutu ut Anthímum hæreticum Patriárcham Constantinopolitánum Theodóre Imperatricis malis ártibus intrúsum exauctoráret , atque damnáret , et in ejus locum Mennam substitueret ; Patriarcháles item sedes Alexandrinam , et Antiochenam , extrúsus hæreticis , cathólicis pastóribus restitúeret. Sed tandem

biennio Pontificatus nondum explēto, vir sanctissimus, in quo nihil, nisi longiorem vitam Catholici desiderassent, Constantinopoli pie obiit anno Christi quingentesimo trigésimo sexto. Ejus corpus Romam translātum, in Vaticanō conditum est.

**R.** Iste est.

**In iij. Nocturno Homilia in Evang. Homo peregere, de Comm. cum ix. Lect. Vigil. nisi venerit in Feria Quat. Temp.**

**DIE XXVI. SEPTEMBRIS.**

**In Festo S. Eusebii, Papae Confessoris.**

**Duplex.**

**Oratio.** Da, quæsumus.

**In j. Noct. Lectiones de Script. occurr.**

**In secundo Nocturno.**

**Lectio iv.**

**E**USEBIUS natione Græcus, patre Médico, post sanctum Marcellum Romanæ Ecclesiæ est constitutus Episcopus. Is hæreticos invenit in Urbe, quos resipiscētes, sola manus impositione, Ecclesiæ reconciliavit. Cui et e Sardinia accēdens nōbilis femina Restituta, filium suum erudiendum tradidit, quem egregie fide christiana imbūtum baptizavit, suoque nōmine insignivit, atque Eusebium nominavit. Dignum plane tanti

Pontificis germen, quo Vercellēsi postea Episcopo, fides catholica in Oriēte propemodum extincta lætiore propagine revivisceret. Cum autem Eusebius una ordinatione mense Decēmbri, Presbyteros trēdecim, Diaconos tres, Episcopos quatuordecim per diversa loca creasset, beato fine quievit, sepultusque est in cœmetērio Callisti via Appia, sexto Nonas Octōbris, sub Constantino Imperatore. Rexit Ecclesiā annos duos, menses octo, dies sexdecim.

**R.** Inveni David.

**Sermo sancti Ambrōsii Episcopi.**

**Lectio v.**

**De S. Euseb. 70.6. ed. Rom.**

**D**EPOSITIONEM sancti Eusebii hodie celebrāmus. Quid est depositio? Non illa utique, quæ, sepe liēdis in terra membrorum reliquiis, clericorum manibus procuratur, sed illa, qua homo vinculis carnalibus absolutus, liber iturus ad cælum, terrēnum corpus expōnit. Ipsa plane est depositio, in qua concupiscere abjicimus, cessāmus delinquere, peccare desinimus, et totum quidquid salutī est grave, quasi abjecta sarcina oneris expōnimus. Nam ideo



hæc dies pro celebritate máxima procuratur, quia vere est summa festivitas, mortuum esse vitiis, soli vigere justitiæ.

**R.** Pôsui adjutorium.

**Lectio vj.**

**U**NDE et depositionis ipsa dies natalis dicitur, quod delictorum carcere liberati, libertati nascimur Salvatoris. Sed videamus, sanctus Eusébius cum qua glória ad hanc diem depositionis advenerit. Volare non potest, nisi quod purum, leve, atque subtile est: cujus nec sinceritas in temperantia retardatur, nec alacritas, nec velocitas mole gravatur: gravari autem volatum dico, non tam mole membrorum, quam pondere delictorum. Unde puto, etiam in ipsis avibus, ideo velocius columbam pene præ omnibus volitare, quod alacritatem, et innocentiam comitetur. Volavit ergo hac die sanctus Eusébius. Estimemus jam ejus innocentiam de volatu, et puritatem ejus de ipsa elatione judicemus. Tanquam columba enim in domo Dei degens, assumpsit spiritales pennas, et requievit in monte.

**R.** Iste est, qui.

**In iij. Nocturno Homilia in Evang. Homo peregre, de Communi, cum ix. Lect.**

ex duabus una SS. Cypriani, et Soc. Mart. ut in Breviario.

**DOM. II. OCTOBRIS.**

**In Festo Maternitatis**

**B. M. Virginis.**

**Duplex majus.**

**Omnia ut in fine Brev.**

**DOM. III. OCTOBRIS.**

**In Festo Puritatis B. M. V.**

**Duplex majus.**

**Omnia ut in fine Brev.**

**DIE I. OCTOBRIS.**

**In Festo S. Gregorii Patriarchæ Armeniæ Martyris vulgo Illuminatoris.**

**Duplex.**

**Oratio.**

**D**EUS, qui per beatum Gregorium, Pontificem et Martyrem tuum, Armeniæ gentis populum, regemque veræ fidei lucem recipere tribuisti: da Ecclesiæ tuæ de tantis gaudere triumphis, et apud te meritis ejusdem, et precibus adjuvari. Per Dominum.

**In j. Nocturno Lectiones de Scriptura occurrente.**

**In secundo Nocturno.**

**Lectio iv.**

**G**REGORIUS, Armeniæ Regibus cretus, qui primus post sanctum Bartholomæum Apóstolum in illam provinciam Christi fidem invexerat, dictus propterea patria voce Illuminator, infans clam ereptus ad declinandam necem, qua ejus

familia petebatur, Cæsareæ Cappadociæ pie est educatus, legemque Christi edoctus Baptismum suscepit. Secésserat illuc Teridates, filius Cusaronis Armenorum regis ab Anach Gregorii patre dolose intercepti, a Persis regno spoliatus, cui Gregorius patèrni scéleris bene cónsciùs se in servitùtem trádedit, et cum eo, qui jam a Románis regnum recuperáverat, deinde in Arméniam rédiit, ubi a Teridate sæpius tentatus ut idólis sacrificare vellet, cum constantissime renúisset, innumera pene et incredibilia tormentorum génera subire coactus est.

¶. Honéstum fecit.

### Lectio v.

**A**RECTA primum custódia Gregorium inclúsit Teridates; tunc manus ejus latéribus sic alligári jussit, ut extárent cúbiti, et eamum ori ejus inseri, massasque excísi salis dorso ejus impóni, constrictúmque loro circa pectus fórtiter stringénte suspéndi celssissimo loco. Mansit autem sic suspénsus septem diébus, post quos cum in sua senténtia permanéret, ex uno pede suspénsus coactus est fumum haurire excitátum ex fimo graveolente, dum intérea fórtiter

cædebatur báculis húmidis. Inter hæc eníxis Deum préciibus exorávit pro salute ómnium, præsertim gentis Arménia, atque ut sibi constántiam pro fide tribúeret. Hanc rex demirátus quidem, crudélius tamen desæviit, mandavitque afférri lignorum truncos, et compóni tábulas super anterióres partes pedum ejus, easque fúnibus nodósis veheménter constríngi, donec deflúeret sanguis per summitátes digitorum. Cólaphis insuper contúsus fuit, et caput ejus artificiósæ cóchleæ impósitum et admóta nari ejus fistula, effúsa sunt sal, nitrum, et acétum simul commíxta. Multa similia et pejóra crudelitátis génera perpéssus est, ádeo ut Rex ipse veheménter mirarétur mansísse vivum, et nihili fecísse dolóres inténsos.

¶. Desidérium animæ.

### Lectio vj.

**C**UM autem quidam ex Sátrapis, regem allocútus, illi manifestáset Gregorium filium esse Anach interfectóris patris ejus Cusaronis, jussit illum mánibus, pedibúque et collo vinctum perdúci in provinciam Ararat truditque in vérticem castri Artáxat, demittique in infi-

mum hiátum donec ibídem morerétur. Deus vero, qui e tantis torméntis vivum illum eripúerat, ex hoc páriter servávit incólumem, et post longum tempus Teridátem ipsum velut álterum Nabuchodónosor tentatióne probátum ad fidei lumen addúxit; quem Gregórius jejúnio purgátum, Deo per baptismum reconciliávit. Itaque facta potestate públice prædicándi Christi Evangélium, Majóris Arménia gentem in fide erudívit, et sacro fonte lustrávit, ecclesiásque undequaque eréxit, destrúctis superstitiónis simulácris, templisque eórum evérsis. Cæsaréæ ordinátus suæ gentis Archiepiscopus, impénsius Arménos divína doctrína instrúxit, atque in fide suscepta confirmávit. Quiétis tandem ac divini ótii cupidíssimus in solitúdinem se recépit, ubi jejúnio et contemplatióni déditus, méritis cumulátus, in bona senectúte obdormívit in Dómino, Constantíno Magno Imperatóre. Corpus illius Christiáni ex Arménia fugiéntes in Itáliam traustulérunt; caput cum caténis quibus vinctus fúerat Neápoli, bráchium vero in Cathedráli Neritonénsi collocátum fuit.

**R.** Stola jucunditátis.

**In iij. Nocturno Homilia in Evangelium. Si quis venit, de Communi.**

**R.** vij. Dómine prævenisti.

**DIE V. OCTOBRIS.**

**In Festo S. Gallæ, Viduæ.**

**Duplex.**

**Oratio.**

**O**MNIPOTENS et miséricors Deus, qui beátam Gallam eximia in páuperes dilectiόνis virtúte decorásti: ejus méritis et précibus concéde; ut charitátis ópera exercéntes, misericórdiam tuam cónsequi mereámur. Per Dóminum.

**In j. Nocturno Lectiones de Scriptura occurrente.**

**In secundo Nocturno.**

Ex libro quarto Dialogórum S. Gregórii Papæ.

**Lectio iv.**

**G**OTHORUM temporibus, Galla, hujus Urbis nobilíssima puélla, Symmachi Cónsulis ac patricii filia, intra adolescéntiæ témpora marito trádicta, in unius anni spátio ejus est morte viduáta. Quam dum fervénte mundi cópia, ad iterándum thálamum et opes et ætas vocárent, elégit magis spirituálibus núptiis copulári Deo, in quibus a luctu incépitur, sed ad gáudia æténa pervénitur, quam carnálibus núptiis subjici, quæ a lætítia semper incépiunt, et

ad finem cum luctu tendunt.

℞. Propter veritatem.

Lectio v.

**M**ox ergo ut ejus maritus defunctus est, abjecto sæculari habitu, ad omnipotentis Dei servitium sese apud beati Petri Apostoli ecclesiam monasterio tradidit, ibique multis annis simplicitati cordis atque orationi dedita, larga indigentibus opera eleemosynarum impendit. Cumque omnipotens Deus perennem jam mercedem reddere ejus laboribus decrevisset, cancri ulcere in mamilla percussa est. Nocturno autem tempore ante lectum ejus duo candelabra lucere consueverant, quia videlicet amica lucis, non solum spirituales, sed etiam corporales tenebras odio habebat. Quæ dum nocte quadam ex hac eadem jaceret infirmitate fatigata, vidit beatum Petrum Apostolum inter utraque candelabra ante suum lectum consistentem, nec perterrita timuit, sed ex amore sumens audaciam, exultavit, eique dixit: Quid est, Domine mi, dimissa sunt mihi peccata mea? Cui ille, benignissimi ut est vultus, inclinato capite, annuit, dicens: Dimissa. Veni. ℞. Dilexisti justitiam.

Lectio vj.

**S**ED quia quamdam sanctimoniālem feminam in eodem monasterio præceteris diligebat, illico Galla subjunxit: Rogo ut soror Benedicta mecum veniat. Cui ille respondit: Non, sed illa talis veniat tecum; hæc vero, quam petis, die erit trigésimo secutura. His itaque expletis, visio Apostoli assistentis et colloquentis ei ablata est. At illa proutinus cunctæ congregationis accivit matrem, eique quid viderit, quidve audierit, indicavit. Tercio autem die cum ea, quæ jussa fuerat, sorore defuncta est; illa vero, quam ipsa poposcerat, die est trigésimo subsequuta. Quod factum nunc usque in eodem monasterio manet memorabile; sicque hoc a præcedentibus matribus traditum narrare illic solent subtiliter juniōres, quæ nunc sunt sanctimoniāles virgines, ac si illo in tempore huic tam grandi miraculo et ipsæ adfuisent.

℞. Fallax grātia.

In iij. Nocturno Homilia in Evangelium. Simile est regnum cœlorum thesauro, de Communi non Virginum.

Lectio ix. SS. Placidi, et Soc. Mart.

## DIE VII. OCTOBRIS.

In Festo S. Marci,

Papæ Conf.

Duplex.

Oratio.

**E**XAUDI, Dómine, preces nostras : et interveniēte beáto Marco, Confessóre tuo atque Pontífice, indulgéntiam nobis tribue placátus et pacem. Per Dñum.

In j. Nocturno Lectiones de Scriptura occurrente.

In secundo Nocturno.

Lectio iv.

**M**ARCUS RománuS, Constantíno Magno Imperátore Póntifex, instituit, ut Episcopus Ostiēsis, a quo RománuS Póntifex consecrátur pállio uterétur. Duas Romæ Basílicas ædificávit, álteram in Urbe, álteram via Ardeatína; quas Constantínus, auctas magnis munéribus, exornávit. Vixit in Pontificátu menses octo, sepultúsque est in cœmetério Balbínæ.

ñ. Invéni David.

Sermo S. Gregórii Papæ.

Lectio v.

2. part. Past. c. 1.

**T**ANTUM debet actiōnem pópuli actio transcēdere Præsulis, quantum distāre solet a grege vita pastóris. Opórtet namque ut metiri se solícite studeat, quanta tenéndæ rectitudinis necessitate cōstringitur, sub cuius æsti-

matione pópulus grex vocátur. Sit ergo (necesse est) cogitatiōe mundus, actiōe præcípuius, discretus in siléntio, útilis in verbo, singulis compassiōe próximus, præ cunctis contemplatiōe suspénsus, bene agéntibus per humilitátem sócius, contra delinquéntium vltia per zelum justitiæ eréctus, internórum curam in exteriórum occupatiōe non mínuens, exteriórum providéntiam in interiórum sollicitúdine non relínquens.

ñ. Pósuí adjutórium.

Lectio vj.

**C**ONSIDERANDUM quoque est, quia cum curam pópuli eléctus Præsul suscipit, quasi ad ægrum médicus accédit. Si ergo adhuc in ejus córpore passiōes vivunt, qua præsumptiōe percússum mēdéri próperat, qui in fácie vulnus portat? Ille igitur modis ómnibus debet ad exémplum bene vivéndi pértrahi, qui cunctis carnis passiōibus móriens jam spirituáliter vivit : qui próspéra mundi postpónit : qui nulla advérsa pertiméscit : qui sola intérna desíderat. Cujus intentiōni bene cōgruens, nec omnino per imbecillitátem corpus, nec valde per contumáciam repúgnat spi-



ritus : qui ad aliéna cupiéndam non dúcitur , sed própria largitur.

*ñ.* Iste est qui.

In iij. Nocturno Homilia in Evangelium, Vigiláte, de Communi ij. loco.

In Laudibus fit commem. SS. Sergii et Soc. Mart.

DIE XIV. OCTOBRIS.

In Festo S. Callisti I.

Papæ Martyris.

Duplex.

Omnia ut in Breviario præter Orat. seq.

Oratio.

**D**EUS, qui nos cónspicis ex nostra infirmitáte deficere : ad amórem tuum nos misericórditer per beáti Callisti, Mátyris tui atque Pontificis, exéempla restáura. Per Dóminum.

DIE XXI. OCTOBRIS.

In Festo SS. Ursulæ et

Soc. Virg. et Mart.

Duplex.

Omnia ut in fine Brev.

DIE XXIII. OCTOBRIS.

In Festo SS. Redemptoris.

Duplex majus.

Omnia ut in fine Brev.

DIE XXIV. OCTOBRIS.

In Festo S. Raphaelis

Archang.

Duplex majus.

Omnia ut in fine Brev.

DIE XXV. OCTOBRIS.

In Festo S. Bonifacii I.

Papæ Conf.

Duplex.

Oratio. Da , quæsumus.

In j. Nocturno Lectiones de Scriptura occurrente.

In secundo Nocturno.

Lectio iv.

**B**ONIFACIUS Románus, patre Jucúndo presbytero, post beátum Zósimum humanis rebus exéptum, Románæ Ecclesiæ Episcopátum adéptus est. Is annósus présbyter, ac in lege doctíssimus, bonisque móribus comprobátus, invítus, ac relúctans, totíus pópuli acclamatióne, ac Urbis optimátum consénsu, a septuagínta presbyteris, novémque diversárum provinciárum Episcopis divínæ institutiónis órdine serváto, consecrátus est in Basilica Júlii; quo témpore Eulálius Archidiáconus, diacónibus circumvéntus, paucíssimisque de clero, ac multitudíne turbátæ plebis, in locum sibi non débitum per ámbitum próruens, ordinátur in Constantiniána Basilica. Eo in schísmate Bonifácus legítimus Póntifex, veheménter depréssus, coáctus est beáti Petri Basilicam desérere, et una cum suis ad beáti Pauli secédere. Deláta mox causa ad Episcopórum Concílium, cum Patres inter se dissidérent, plenióri Synodo, res tota servátur, jussis intérea, Honórii Augústi



opera , tum Bonifácio , tum Eulálio , ab Urbe discédere. Quare hic Antium , sanctæ Felicitátis Basilicam ille pétiit. *R.* Invéni David.

*Lectio v.*

**S**ED cum Eulálius se in Urbem intrusisset , occasionémque præbuisset publicæ seditiõnis , Honórius , ea re commótus , Eulálium Urbe pelléndum , Bonifácium vero in eam inducéndum rescripsit : quod frequénti Episcopórum Synodo confirmátum fuit. Itaque Bonifácius regréssus , solícita cura conátus est cunctos in mútuam restituere concórdiam , cui et in futúrum consúluit , ne post óbitum suum gravióri scissúra distraherétur Ecclesiá. Piissimórum autem Imperatórum devotiõne gaudébat , et contra inimicos grátiae Dei , non solum apostólicis , sed étiam régiis utebátur edictis ; et licet ipse doctíssimus esset , advérsus libros tamen Pelagianórum , beáti Augustini Episcopi respónsa poscébat ; cui et Augustínus tantum détulit , ut ei sua scripta non tam ediscénda , quam examinánda , et emendánda diréxerit. *R.* Pósui adjutoriũ.

*Lectio vj.*

**P**ATROCLUM Arelaténsem Episcopum aliénæ Me-

trópolis jura invadéntem , représsit : datisque lîtteris ad Hilárium Narbonénsem Episcopum , jussit , ut jure Metropolitáni , et apostólicæ Sedis præceptiõne , ad pervásum locum accéderet , agéndaque vidéret , et apostólicæ Sedi cuncta reférret. Constituit , ne mûlier , vel mónacha , sacráta pállia contíngeret , aut laváret ; neve quis incénsus in Ecclesiá póneret , nisi mínister esset. Servum , vel cúriæ , vel rei cuilibet obnoxium , cléricum fieri vétuit. Fecit oratórium in cœmetério sanctæ Felicitátis Mártiris , juxta corpus ejus , cujus itémque sancti Silváni sepúlchrum ornávit , plúribus donis oblátis. Dénique fama celebérrimus , et grátia Dei plenus , ejúsdem glóriam adéptus est , Honório et Theodósio principibus , sepultúsque in cœmetério sanctæ Felicitátis via Salária , octávo Kaléndas Novémbris. Semel mense Decémbri creávit Presbyteros trédecim , Diáconos tres , Episcopos per divérsa loca sex supra trigínta. Pontificátum tenuit annos quinque , minus duóbus ménsibus et tribus diébus. *R.* Iste est.

*In iij. Nocturno Homilia in Evang. Homo pégre , de Comm. cum Lectione ix.*

**SS. Chrysanthi et Sociorum  
Martyrum ex duabus una ut  
in Brev.**

**DIE XXVI. OCTOBRIIS.**

**In Festo S. Evaristi ,**

**Papæ Martyris.**

**Duplex.**

**Oratio.** Infirmi-tatem.

**In j. Nocturno Lectiones  
de Scriptura occurrente.**

**In secundo Nocturno.**

**Lectio iv.**

**E**VARISTUS, Græcus natione,  
patre Judæo génitus,  
christiánæ pietátis studio-  
sissimus, Trajáno Impera-  
tore, ad cáthedram Petri  
promótus est, seditque in  
ea annos novem, menses  
tres. Fecit ordinatiónes quá-  
tuor, mense Decém-bri, ac  
creávit Presbyteros decem  
et septem, Diáconos duos,  
Episcopos per diversa loca  
quíndecim.

**ñ.** Honéstum fecit.

**Lectio v.**

**E**CCLESIARUM títulos urbis  
Romæ Presbyteris eum  
divisisse légimus, ut unus-  
quisque suæ parœciæ tér-  
minis, ac limitibus distin-  
gueretur; et mandásse, ut  
altária, in quibus Sacra  
fiunt, exstrúcta ex lápide,  
benediceréntur; ut septem  
diáconi Episcopum custodi-  
rent, ipsique adéssent, dum  
prædicatiónis evangélicæ of-  
ficio, et ministério fúngitur,  
quasi traditæ ab illo doctri-  
næ testes. **ñ.** Desidérium.

**Lectio vj.**

**C**ONSTITUIT étiam ex tradi-  
tióne apostólica, ut ma-  
trimónium públice celebré-  
tur, et sacerdotis benedictio  
adhibeátur. His, aliisque sa-  
lutáribus, utilibúsq; con-  
stitutiónibus edéndis Ponti-  
ficátus sui tempus transégit;  
non tamen illud omísit, ut  
simulacrórum cultum ex  
ánimis hóminum avélleret.  
Qua in re cum strénue la-  
borásset, martyrio coroná-  
tus est ac sepúltus prope  
sepúlchrum Principis Apo-  
stolorum in Vaticáno, sé-  
ptimo Kaléndas Novémbris.  
**ñ.** Stola jucunditátis.

**In iij. Nocturno Homilia  
in Evang. Si quis venit, de  
Comm.**

**FESTUM**

**SS. Reliquiarum.**

**Duplex.**

**Omnia ut in fine Bre-  
viarii.**

**DIE XXXI. OCTOBRIIS.**

**In Festo S. Siricii ,**

**Papæ Conf.**

**Duplex.**

**In Hymno, Iste Confés-  
sor, mutatur tertius versus.**

**Oratio.**

**D**EUS, qui beátum Sirí-  
cium, Confessórem atque  
Pontíficem, ecclesiásticæ  
disciplínæ propagatórem ex-  
imium effecísti: da Ecclésiæ  
tuæ; ejus institútis profi-  
cere, et méritis adjuvári.  
Per Dóminum.

In j. Nocturno Lectiones  
de Scriptura occurrente.

In secundo Nocturno.

Lectio iv.

**S**IRICIUS Románus ex Presbytero Tituli Pastoris, vita functo sancto Dámaso Papa, cleri, populi que universi acclamatione ad apostolicam Sedem evectus est: obnitente frustra Ursicino schismatico, gratulante vero in primis Valentiniáno Imperatore, qui magnum innocentiae et probitatis exemplum eum praedicavit. Ipso sui Pontificatus exordio decretalem epistolam, saluberrimis institutionibus plenam, ad Himérium dedit Tarraconensem Episcopum, aliis Hispaniarum Ecclesiis communicandam, ut corrupti clericorum mores emendaréntur, et disciplinae vigor instaurarétur, quam in Africa quoque collabentem, habita Romae Synodo octoginta Episcoporum, reparandam curavit. *ñ.* Inveni David.

Lectio v.

**I**NNUMERA sunt cetera, quae pro fidei defensione toto sui Pontificatus tempore invicta perégit. Joviniánus monachum, sanctae virginitatis hostem, et christianum Epicurum, in romana Synodo anathemate confixit. Bonosum quoque Sardicensem Episcopum Christi divinitatem et Deiparae post

partum virginitatem inficiantem damnavit. Manichaeos ex Urbe ejectos imperiali lege saecularibus poenis coercendos subjecit, redeuntes vero ad Ecclesiam in monasteria detrudi, ac nonnisi in vitae exitu ad communionem recipi voluit. *ñ.* Posui adiutorium.

Lectio vj.

**R**ELIGIONIS tuendae, et amplificandae studium, quod sane quam maximum declarabat, egregie adjuvit magnus Theodosius Imperator, qui cum, sublatis gentilium simulacris templisque interdictis, aut eversis, idolorum cultum omnem aboleri jussisset, christiana religio, ipso sedente Pontifice, mirifice propagata est. Praeclaris pro Ecclesia functus laboribus, editisque sanctissimis legibus, septuagenario major, obdormivit in Domino, anno salutis trecentésimo nonagésimo octavo. Sedit in Pontificatu annos circiter quatuordecim. Ejus corpus e coemeterio Priscillae via Salaria in titulum sanctae Praxedis a Paschali Primo translatum est. Illius vero nomen Benedictus Décimus quartus Pontifex Máximus, plene vindicata ejus ab objectis criminibus innocentia, in Romani Martyrológii tabulas referrí jussit. *ñ.* Iste est.

In iij. Nocturno Homilia  
in Evang. Vigilâte, de Comm.  
ij. loco, cum Lect. ix. Vigil.  
ut in Brev.

DOM. II. NOVEMBRIS.

In Festo Patrocinii

B. M. V.

Duplex majus.

Omnia ut in Festis B.  
Mariæ Virg.

Âñâ ad Magnificat et R.  
vij. terminantur Tuum san-  
ctum Patrocinium.

DIE XIII. NOVEMBRIS.

In Festo S. Nicolai I,

Papæ Conf.

Duplex.

Oratio. Da, quæsumus.

In j. Nocturno Lectiones  
de Scriptura occurrente.

In secundo Nocturno.

Lectio iv.

NICOLAUS, hujus nóm-  
inis primus, natione Romá-  
nus, patre Theodóro regio-  
nário, Benedicto Tértio e vi-  
vis sublato, mirábili ómniũ  
consensióne anno Christi oc-  
tingentésimo quinquagésimo  
octávo, a clero eléctus, et  
ex Basilica Principis Apo-  
stolorum, in qua latitabat,  
per vim eductus, adductus-  
que in Lateranénse Pa-  
triarchium, Románuš Pón-  
tifex renunciátus est. A  
prima puerítia pietátem,  
omnémque virtútem cóluit,  
eósque in sacris litteris pro-  
gréssus fecit, ut eum Sér-  
gius Secúndus in ipso eó-  
dem Patriarchio, Ecclésiæ

Románæ subdiáconum, Leo  
vero Quartus diáconum creá-  
verint, Benedictus demum  
Tértius, ejus consilio et  
ductu, univérsum Ecclésiám  
administráverit.

R. Invéni David.

Lectio v.

EXSTANT plúrimæ ab eo  
Escriptæ epístolæ in qui-  
bus errántes corréxit, su-  
pérbos depréssit, opprésos  
recreávit. Episcopos, reges,  
imperatóres in officio con-  
tinuit: Joánnis Ravennátis  
Archiepiscopi contumáciam  
fregit: Hincmárum Rhe-  
ménsem Archiepiscopum,  
de injústa Rhotáldi Episcopi  
Suessionénsis depositióne  
ácrius reprehéndit, ejus ea  
de re, nec non Synodi Sil-  
vanecténsis júdicium abro-  
gávit; tum apud sanctam  
Mariám Majórem in pervi-  
gílio Nativitátis domínice  
Missárum solémnia explens,  
Episcopum ipsum pristinæ  
dignitáti, et paulo post suæ  
sedi plene restituit. Lothá-  
rium regem, qui, rejécta  
legítima uxóre Theutbérge,  
Waldrádam concubinam dú-  
xerat, intentáto anathémate,  
ad saniórem mentem redú-  
xit. Electionem Phótii lai-  
ci hóminis reprobávit, et  
Patriárcham Ignátium in  
pristinam sedem resituit.  
Ecclésiæ demum Románæ  
jura ita deféndit, ut singulæ  
illius epístolæ quasi tótidem

fortissima Sedis apostolicæ munimenta esse videantur.

*R.* Pósuí adjutórium.

*Lectio vj.*

**C**UM illius zelus intra tunc præscriptos Ecclesiæ fines contineri non posset, ad conversionem infidelium applicuit animum, fecitque, ut amplissima Bulgarorum gens, una cum rege, ad Christi fidem conversa, Ecclesiæ Romænæ, frendente licet Imperatore schismatico, accesserit. Operam quoque suam privatis pietatis officiis sedulo navavit. Hinc descripta omnium indigentium nomina apud se habere voluit, ut singulis accuratius succurreret. Reparandis etiam, ornandisque Basilicis Urbis, præcipue Lateranensi Patriarchio, liberalem manum apposuit, et nullis sumptibus pepercit. Inito demum décimo Pontificatus anno in cælum migravit, et in Vaticano sepultus est.

*R.* Iste est.

*In iij. Nocturno Homilia in Evang. Homo peregre, de Comm.*

*In Vesp. Oratio. Exaudi. EADEM DIE XIII.*

*In Festo S. Stanislai Kostkæ, Conf.*

*Duplex.*

*Omnia ut in fine Breviarii.*

**DIE XIV. NOVEMBRIS.**

*In Festo S. Deusdedit Papæ Confessoris.*

*Duplex.*

*In Hymno. Iste Confessor, mutatur tertius versus.*

*Oratio. Da, quæsumus.*

*In j. Nocturno Lectiones de Scriptura occurrente.*

*In secundo Nocturno.*

*Lectio iv.*

**B**ONIFACIO, hujus nominis quarto, e vivis sublato, postquam Sedes apostolica mensibus quinque, et duodecim diebus vacasset, beatus Deusdedit egregiis virtutibus, et eximia sanctitate conspicuus, natione Romanus, patre Stéphano, unanimi omnium consensione, ex subdiacono Romanus Pontifex creatus est. Ut autem subdiaconus Pontifex crearetur, tunc primum accidit, absque majorum exemplo; sed ut aliis prætermisissis, Deusdedit eligeretur, insignis ejusdem sanctimonia præstitit, qua mirifice inter tot tenebras illustratus emicuit.

*R.* Inveni David.

*Lectio v.*

**H**IC a domo Dei regiminis initium fecit. Cleri enim maximam curam gessit, quem cum imminutum, et valde distractum invenisset, eundem plurimum auxit, in pristinas sedes restituit,



et multis beneficiis cumulavit. Sed plane dolendum est, tanti Pontificis facta, scriptorum inopia, aut certe temporis injuria, obscura mansisse quæ quidem insignia fuisse oportuit, cum eum antiquitus Ecclesia inter Sanctos receperit, et annua commemoratione ut Sanctum fuerit venerata.

*R.* Pôsui adjutórium.

*Lectio vj.*

**I**LLUD tamen unum, ac singulâri non excidit. Cum enim ob terræmôtus vehementissimos, elephantiæ lues orta esset, dum afflictæ Urbi sanctissimus Pontifex prospiceret, præsensque raro exemplo ægros inviseret, unum ex illis, in quo Christum contemplatus est, benigne complexus, et osculatus, divîno miraculo, eundem a lepra mundavit, ut vëtera Ecclesiæ monuménta testantur. Epistolæ ab eo scriptæ fragmëntum exstat, in quo luculentum de spirituâli cognatione decretum continetur. Ubi demum tres annos sedisset, ex hac vita discëssit, anno Christi sexcentésimo decimo séptimo, et sepultus est in Vaticanô.

*R.* Iste est.

*In iij. Noct. Homilia in Evang. Homo pëgre, de Comuni.*

AUTUMN. ROM.

**DIE XVI. NOVEMBRIS.**

*In Festo B. Pauli a Cruce, Conf. Duplex.*

*Omnia de Comm. Conf. non Pont., præter seq.*

*In Hymno, Iste Confessor, mutatur tertius versus.*

*Oratio.*

**D**OMINE Jesu Christe, qui ad recolenda Passionis tuæ mystéria, ejusque memoriâ excitandâ, beatum Paulum elegisti, et per eum novam in Ecclesiâ tuâ familiam congregasti: concede propitius; ut per ejus vestigia gradiëntes, ejusdem passionis fructum percipere mereâmur. Qui vivis.

*In j. Nocturno Lectiones de Scriptura occurrente.*

*In secundo Nocturno.*

*Lectio iv.*

**P**AULUS, Uvådæ in Ligúria natus ex nóbili gënere Daneórum, qui erant a Castellatio prope Alexandriam Statiellórum, quanta futurus esset sanctitate conspicuus jam inde ex eo patuit, quod noctu miro fulgóre pariëntis matris cubiculum coruscárit. Decénis redeúntibus paréntibus Castellatium venit, ubi Deipara Virgo apërte osténdit, quam sibi foret accéptus, quum puérulo in flumen delápsa confestim ádfuit, et eduxit incolumem. Gratiæ ergo ubertate præventus, puerilibus ludis, sæculique deli-



ciis abstinuit, atque unum Jesum, et hunc crucifixum, cordi habuit, et præ viribus imitatus est. Quapropter corpori suo bellum indicens, ipsum vigiliis, jejuniis, labore extenuavit, ciliciis, aliisque modis cohibuit, flagellis attrivit. Neque ab incépto unquam destitit, sed patiendi ardore magis in dies æstuans, dulcissimum nomen Jesu suo pectori inussit, pro quo vitam cum sanguine fundere exoptabat; ac nomine familiæ rejecto, a Cruce nuncupari exinde voluit. Illud etiam ea ætate demirandum, quod patrui hæreditati nuncium miserit, ac honestum matrimonium recusaverit. Iis immaculatæ vitæ inuocentiam sociavit, quod perpétua sensuum custodia, et sui abnegatione consecutus est. Virginitatem adeo coluit, ut, repulsis procacibus feminis, ejus castimoniam tentantibus, suavem quoque efflaret odorem, et obscenos aliorum mores nosceret ex fœtore. Ut perfectus homo Dei ad omne opus bonum instructus foret, humanioribus litteris Cremolini, sacris disciplinis Romæ operam dedit. Orandi studio summopere addictus, et lacrymarum munere ditatus, hominum peccata, errorésque serpentes amā-

re flebat, avulsam Angliam præsertim, pro ejus réditu ad Ecclesiæ sinum quinquaginta annis et amplius Deum exoravit.

**RE. Honestum.**

**Lectio v.**

**P**ROXIMORUM salutis succensus zelo, nondum Cléricus, rudi tantum tunica indutus, cœlitus sibi demonstrata Jesu cruci affixi commentatione fideique mystériis, jussu Episcopi, imbuébat in patria concives, et sacras alibi peragebat missiones, ac spirituália exercitia, exsultans ut gigas ad currendam viam suam. Ast ex obediéntia Præbyter in Urbe ab ipso Summo Pontífice Benedicto Décimo tertio consecratus, mirum quo animi ardore, nullis deterritus periculis, aut laboribus fractus, usque ad senectam demandatum munus verbi Dei prædicandi obiret. Quo factum est, ut innúmeros a fide et salute devios Christo lucrifecerit, et probos homines quamplurimos ad pietatem magis magisque inflammárit. Facta ab eodem Pontífice potestate socios Passiónis Christi in animarum bonum protenderent, Montem Argentarium prope Urbitellum petiit, quo a Deipara, quæ sese illi con-

spiciendam déderat, vocabatur. Ibi soli Deo confisus, prima suæ Congregationis fundaménta jecit, quarto sodalibus voto obstrictis promovendi gratam apud Christifidéles patientis Dómini memóriam. Ut autem opus divína voluntáte inceptum, ad optátum finem perdúceret, haud fá-cile dictu est, quod itinera pedestris fere semper confecerit, quot persecutiónes æquo ánimo túlerit, quot ærúmnas et ludibria libens devoráverit, parátus majóra pérpeti, ut Christi in carne passi exhibéret imáginem. Novo demum Institúto una cum régulis, quas inter orándum divínitus accéperat, ab Apostólica Sede non semel probáto, etsi relúctans, præesse quoad vixit coactus est, factus forma gregis ex ánimo. Moniales quoque, Cleménte Décimo quarto approbánte, instituit, quæ sédulo Redemptóris cruciátus meditaréntur.

**R.** Amávit eum.

### **Lectio vj.**

**S**ERVI sui sanctitátem et apostólicos labóres Deus multis, præclarisque charismátibus honestáre vóluit. Pátrio quippe concionántem idiómate hómines divérsi sermónis unusquisque audiébat lingua sua illum lo-

quéntem: voxque illius ad tria, vel quátuor millia pássuum distántibus intónuit. Tanto divínæ charitátis igne cor ejus exársit, ut eum finibus suis mínime continéri posset, duæ cóstulæ sese mirum in modum extúlerint. Modo vultus ejus, modo corpus totum dum Sacrum ágeret, vel de Deo verba fáceret, cœlésti lúmine circumfúsus, et ex humo sublime conspéctum est. Peramántis Jesu sub veste páuperis peténtis stipem, ejúsque beatíssimæ Matris Filii pœnis condoléntis, ac Angelórum in multis opitulántium sibi, consuetúdine dignátus est: animæ vero piaculáribus flammis deténtæ sæpe virum Dei, ut sibi ipsis parentáret, mœstæ rogavére. Prophetiæ spíritu, miraculórum, et bilocationis dono, compescendique dæmones potestate excélluit. Hæc inter profúndæ humilitáti studens, servum inútilem sese existimábat ac máximum peccatórem, atque omnis géneris ærúmnis digníssimum, quibus per plures annos a Deo probátus fúerat. Tandem extrémum diem sibi imminére cognóscens, convocátis alúmnis fraternam charitátem, orationis, religiósæ paupertátis et solitúdinis stúdiu, véluti

sue Congregati6nis tesse-  
ram, ex animo commendá-  
vit. Et dum Evangélii verba:  
Sublevátis in cœlum óculis:  
legeréntur, quo prædixerat  
die, octuagenário major,  
cœlesti visi6ne recreátus, dé-  
cimo quinto Kaléndas No-  
vémbri, anno millésimo se-  
ptingentésimo septuagésimo  
quinto, ánimam Deo réddi-  
dit Romæ in domo, quam  
cum attigua Basilica san-  
ct6rum Mátyrum Joánnis  
et Pauli, título Pammáchii,  
Clemens Décimus quartus,  
de Congregati6ne óptime  
méritus, ei perpétuo assi-  
gnáverat. Quem tot virtúti-  
bus illústrem, et miráculis  
étiam post mortem clarum,  
Pius Nonus Póntifex Máxi-  
mus, ejúsdem Congrega-  
ti6nis munificentíssime ve-  
re parens, Kaléndis Maji  
anni millésimi octingenté-  
simi quinquagésimi tértii,  
Beat6rum cénsui adjúnxit,  
assignáta ejus festo quot  
ánnis celebrándo die décima  
sexta Novémbris.

¶. Iste Homo.

In iij. Nocturno, Homil.  
in Evang. Designávit Dómi-  
nus, ut in Comm. Evang.  
¶¶. vero ut in Communi  
Conf. non Pont.

DIE XIX. NOVEMBRIS.

In Festo S. Pontiani,

Papæ Marí.

Duplex.

Oratio. Infirmitátem.

In j. Nocturno Lectiones  
de Scriptura occurrente.

In secundo Nocturno.

Lectio iv.

PONTIANUS RománuS præ-  
fuit Ecclésiæ, Alexándro  
Imperátore: qui sanctum  
Pontíficem, propter chri-  
stiánæ fidei confessi6nem,  
in Sardíniam ínsulam cum  
Hippólito presbytero rele-  
gávit. Ubi is pro Christi  
fide multis calamitátibus  
afflictus, décimo tértio  
Kaléndas Decémbris e vita  
migrávit. Ejus corpus Fa-  
biáno Pontífice, cum clero  
Romam delátum in cœme-  
téri6 Callísti via Appia se-  
pelitur. Sedit annos quá-  
tuor, menses quátuor, dies  
viginti quinque. Fecit ordi-  
nati6nes duas mense De-  
cémbrí, quibus creávit  
Presbyteros sex, Diáconos  
quinque, Episcopos per di-  
vérsa loca sex.

¶. Honéstum fecit.

Sermo sancti Augustíni  
Episcopi.

Lectio v.

De S. Cypriano, Serm. 12.

SERMONEM éxigit tam gra-  
ta, et religi6sa solémni-  
tas: qua passi6nem beáti  
Mátyris Pontiani (vel N.)  
celebrámus. Tristis procul  
dúbio tunc Ecclésiá fuit,  
non damno cadéntis, sed  
desidério recedéntis; sem-  
per cúpiens vidére præsen-  
tem tam bonum rectórem,

atque doctorem. Sed quos affligerat sollicitudo certaminis, consolata est corona victoris. Et nunc non solum sine ulla tristitia, verum etiam cum ingenti lætitia, cuncta, quæ tunc gesta sunt legendo recolimus; dièque isto gaudere nobis concessum est, non timere. Neque enim formidamus terribiliter venientem, sed expectamus hilariter redeuntem. *R.* Desiderium.

*Lectio vj.*

**V**ICINA corporis morte, non moriebatur in animo pastoris vigilantia pastoralis, et cura tuendi dominici gregis, usque ad extremum vitæ hujus diem, mente sobria tenebatur. Nec excutiebatur ab animo diligentiam fidelissimi dispensatoris manus jam proxima cruenti carnificis. Ita se martyrem cogitabat futurum, ut esse non oblivisceretur Episcopum; magis curans, quam rationem pastorum Principi de commissis sibi omnibus redderet, quam quid infideli Proconsuli de fide propria responderet. Amabat quippe eum, qui Petro dixerat: Amas me? pasce oves meas. Et pascēbat oves ejus, pro quibus sanguinem fundere illum imitans præparabat.

*R.* Stola jucunditatis.

*In iij. Noct. Homilia in*

*Evang. Nihil est opertum, ut in Brev. in Festo S. Calisti, die xiv. Octobris.*

*R.* viij. Domine, prævenisti.

**DIE XXVI. NOVEMBRIS.**

*In Festo S. Silvestri,*

*Abbatis.*

*Duplex.*

*Omnia ut in fine Breviarii.*

**DIE XXVII. NOVEMBRIS.**

*In Festo B. Leonardi a Portu Mauritio, Conf.*

*Duplex.*

*In Hymn. Iste Confessor, mutatur tertius versus.*

*Oratio.*

**D**EUS, qui ad obstinata peccatorum corda per evangelicam prædicationem ad poenitentiam flectenda, beatum Leonardum, Confessorem tuum, admirabilem sanctitate et invicto dicendi robore suscitasti: da quæsumus; ut contritionis lacrymas, ad quas ob duritiam cordis nostri sine te promovēri non possumus, per ejus preces ac merita consequamur. Per Dominum.

*In j. Nocturno Lectiones de Scriptura occurrente.*

*In secundo Nocturno.*

*Lectio iv.*

**B**EATUS Leonardus a Portu Mauritio, in ora Ligustica Italiæ, piis parentibus natus, etiam a prima pueritia mirifica quadam pro-

pensione ad pietatem protendit indicia futuræ sanctitatis. Quæ multo clariora deinde ejus in adolescëntia eluxerunt, cum Romam profectus in Collégio Romano studiis litterarum, ac philosophiæ operam dedit. Ita enim in illa scholarum celebritate est versatus, ut dum ingénii exercitacione nemini concederet, innocëntia morum, austeritate vitæ, contemptu sui, studio rerum divinarum omnes antecederet, adeo ut in adolescënte alter Aloysius Gonzaga collégio illi redditus videretur. His positis fundamentis, ad consummandum sanctitatis opus quod ædificare cœperat, inter sodales Caravitanos adlêctus, dum de more illius sodalitii totus esset in navanda opera apostolicis Urbis concionatoribus, captus apostolatus sanctitate, nihil magis in votis habere cœpit, quam se totum proximorum salutî declinare. Ad quod vitæ genus quo facilius formaretur, terrënis omnibus abdicatis, in familiam Fratrum Minorum reformatorum instituti rigidiôris ingressus est. Hic, quâmdiu vixit, nunquam a summa sanctitate est visus abesse. Admiranda in domesticis légibus servândis vigilantia, singulære orationis studium, eximius

in Jesum atque Deiparam amor, assîdua in afflictando corpore acerbitas, ardens in próximos charitas, summa in omni virtutum laude ânimi demissio, eum absolutum sanctitatis exemplar constituébant.

*R.* Honestum fecit.

#### Lectio v.

**E**x hac virtutis schola, suscepto sacerdotio, atque theolôgicis studiis ad prædicationem formatus, urgente in próximos charitate, tanquam e carcere ad cursum ad lucrândas animas egressus, tanta contentione apostolatium suscepit, ut, conatibus impar ejectione sanguinis, apostolicis laboribus in ipso prædicationis exordio abstinere ei fuerit necesse. Hoc ex morbo, quinto post anno, Deiparæ ope relevatus, ad pristinam contentionem ita se renovavit, ut prodigii loco haberetur, in corpûsculo adeo graviter affecto, inedia, vigiliis, macerationibus semper extenuato, tantam inesse firmitatem. Hoc in vitæ genere nunquam nec periculis deterritus, nec laboribus defatigatus, annos quatuor supra quadraginta perseveravit: quanta cum animarum utilitate declarant Italiæ regiones, admirabili ejus dicendi vi, qua vel obstinatissimos quosque



pervincēbat , ad religiōnis stūdiū revocatæ , ac urbs Roma præcipue , quæ concionibus ejus, ad quas etiā Benedictus Décimus quartus interfuit , adeo ad virtutes exarsit , ut fructus adhuc perennent admirandi illius apostolatus. Nec vero, dum exterorum salutī consulēbat, suos obliviscebatur: nam, beneficio Cosmæ Tertiī, in solitudine Etruriæ comparata ea domo, in quā ipse sese a prædicatione recipere ad sancti Ignatii exercitia solēbat, auctor fuit iis, qui arctius Deo adhærere vellent , ut eo secēderent , ibique, juxta leges ab ipso cōditas, et a Clemēte Undécimo probatas, secrēti a pōpulo , asperiōri vitæ genere uterentur.

℞. Amāvit eum.

### Leectio vj.

**I**DEM plura sodalitia Urbis excōluit , atque illud præcipue sanctissimi Cordis Jesu, quod est in sancti Theodōri templo ; in iis multa instituit, quibus in Christum atque in Deiparam honos mirifice est auctus. Horum dulcissima nomina in ore habēbat semper, et tanquam præsidia certa salutis præ fōribus domōrum palam proponēda curābat. Passiōnis domīnicæ meditandæ stūdiū propagāvit, sacellis in am-

phiteatro Flāvio ædificatis , ad quæ cruciatus Christi crucem ad Calvārium bajulantis recolerentur. Ab eo etiā perpētua Sacramēti Eucharistici adoratio præcipuis in Italiæ urbibus est constituta. His igitur aliisque admirandis virtutum mēritis matūrus cœlo, postquam et prophetiæ dono , et , miraculorum virtute Deus sanctitatem servi sui confirmasset , cum tempus appropinquāret retributiōnis , ut Benedicto Décimo quarto fidem præstāret, cui nūspiam nisi Romæ se moritūrum promiserat, ex prædicatione Bononiēsi ad quam ab eodem fuerat missus , in Urbem revērsus , laboribus fractus , morbo tentari cœpit ; quo cum deficeret Ecclesiæ Sacris expiatus , et postrēma salutis mōnita Fratribus suis dedisset , anno ætatis suæ quinto et septuagésimo sanctissime obdormivit in Dōmino , die vigésima sexta Novēbris, in cœnōbio sancti Bonaventuræ, ubi nunc ejus corpus cōlitur ; eiūque Pius Sextus , qui vivētem magno honore habuerat, absoluto prius rite de virtutibus et miraculis servi Dei iudicio, anno ab ejus obitu quadragésimo quinto, Beatōrum honores, Officiū et Missam decrevit. ℞. Iste homo.



In iij. Noet. Homilia in  
Evang. Sint Iulii, de  
Comm. j. loco.

**DIE XXVIII. NOVEMBRIS.**

In Festo S. Gregorii III,

Papæ Conf.

Duplex.

Oratio. Da, quæsumus.

In j. Nocturno Lectiones  
de Script. occurr.

In secundo Nocturno.

Lectio iv.

**G**REGORIUS, hujus nómínis  
tértius, natióne Syrus,  
patre Joánnē, Gregório Se-  
cúndo vita functo unánimi  
cleri, et pópuli consénsu,  
nec non divíno quodam in-  
stinctu, cum digníssimus  
ómnium esset, subrogátus  
est, anno Christi septingen-  
tésimo trigésimo primo. Vir  
singulári doctrína, et virtú-  
te, latína, et græca lingua  
eruditus, mirábili dicé-  
di facúndia, atque ádeo felici  
memória, ut totum psalté-  
rium memóriter recitáret;  
is demum quem prædeces-  
sóri suo Gregório, doctrína  
et prudéntia sapientíssimi  
hómínes æquiparándum es-  
se duxérunt.

¶. Inveni David.

Lectio v.

**C**ATHOLICÆ fidei propu-  
gnátor acérrimus, Leó-  
nem Isáurum Imperátorem  
Iconoclástam patrénis mó-  
nitis, et líteris ad saniórem  
mentem redúcere conátus  
est. Sed cum nihil profi-

ceret, convocáto Romæ no-  
nagínta quinque Episcopó-  
rum Concílio, sacrárum  
imáginum cultum apostóli-  
co decréto firmávit, et diro  
anathémate fériit Iconóma-  
chos. Quæ cum ad Leónis  
aures pervenissent, áltius  
rugire cœpit, misitque ad-  
vérsus Gregórium florentís-  
simam classem cum poten-  
tíssimo exércitu, sed hæc,  
volénte ac víndice Deo, in  
Adriático sæva tempestáte  
agitáta fœdo naufrágio pér-  
iit.

¶. Pósuí adjutórium.

Lectio vj.

**M**ULTA quoque a Luitprán-  
do, Longobardórum re-  
ge inique passus est, qui  
et Urbem longa obsidióne  
cinxit, et sancti Petri Basí-  
licam sacrílega manu dirí-  
puit. In his angústíis san-  
ctíssimus Póntifex ad Cáro-  
lum Martéllum, antecessó-  
ris exémplo, legátos cum sa-  
cris munéríbus destinávit.  
Munívit Urbis mœnia, lar-  
gas in egénos eleemósynas  
erogávit, novas Basílicas a  
fundaméntis extrúxit, anti-  
quas ornávit ac restaurávit,  
Vaticánam præsértim, intra  
quam oratórium auro, ar-  
génto, gemmis, omníque pre-  
tíosi óperis génere ditátum  
eréxit, in quo sanctórum  
Apostolórum, et Mátyrum  
reliquias, summa cura, et  
diligéntia, toto christiáni

orbis ámbitu conquisitas re-  
pósuit, et coléndas expó-  
suit, eo máxime témpore  
quo illas Agiómachi diabóli-  
co furóre proculcábant. Mul-  
ta monastéria restítuit, et  
sanctis légibus instrúxit,  
statuitque, ut presbyteri,  
et mónachi altérnis noctu-  
diúque divínas laudes ce-  
lebrárent. Fractus demum  
labóribus, méritis licet, at-  
que virtútibus ínclytus, an-  
no sui Pontificátus undéci-  
mo nondum perácto, quar-  
to Kaléndas Decémbris pie  
óbiit in Dómino, et in præ-  
dicto oratório Vaticáno se-  
púltus est.

**R.** Iste est.

In iij. Nocturno **Homi-  
lia in Evang. Homo pére-  
gre, de Communi.**

In Vesp. Orat. Exáudi.

**DIE XXIX. NOVEMBRIS.**

In Festo S. Gelasii I.

**Papæ Confessoris.**

**Duplex.**

In Hymno, Iste Confés-  
sor, **mutatur tertius ver-  
sus.**

**Oratio.** Da, quæsumus.

In j. Nocturno **Lectiones  
de Scriptura occurrente.**

In secundo Nocturno.

**Lectio iv.**

**G**ELASIUS, gente Africánus,  
patre Valério, in Felí-  
cis Tertii locum subrogá-  
tus, Pontificátum gessit an-  
nos quátuor, menses octo,  
duodevigínti dies. Creávit

in dúplici ordinatióne Diä-  
conos duos, Presbyteros  
trigínta et duos, sexagínta  
septem per divérsa loca Epi-  
scopos. Vir sane singulári  
fidei propagándæ, ac ser-  
vándæ zelo ardentíssimus,  
omni litteratúra, præsertim  
sacra instructíssimus, et in-  
trépidi pectoris róbre, tum  
ad vindicándam Ecclésiæ et  
Sedis apostólicæ jura, tum  
ad retundéndam hæreticó-  
rum, et schismaticórum pro-  
térviám armátus.

**R.** Invéni David.

**Lectio v.**

**E**JUS cura, et stúdio non  
clerus modo plúrimum  
auctus est, verum étiam uni-  
vérsa Ecclésiä magnis ín-  
creméntis adolévít. In quo  
certe illíus prudéntia mirá-  
bilis fuit, cum eo témpore  
Anastásius Imperátor hæré-  
ticus, et Theodorícus Ariá-  
nus rerum utriúsque Impé-  
rii potiréntur. Imminénte  
famis perículo, úbere annó-  
na Urbem recreávit. Luper-  
cália, aliæque gentílium spe-  
ctácula, quæ ad hæc usque  
témpora post tam multa Im-  
peratórum edícta advérsus  
idololatriám lata, et Roma-  
nórum Pontíficum stúdia ad  
eam extirpándam adhíbíta,  
viguísse constat, Andrómá-  
cho senatóre, aliisque Ro-  
mánis, frustra licet, refra-  
gántibus, pénitus abolévít.

**R.** Pósui adjutórium.

## Lectio vj.

**A**LIA quamplúrima ad dignitatem et disciplinam Ecclesiæ spectántia præstitit, sancivit, et scripsit. Defensores Acacii, Euphæmii præsertim Constantino- politánum damnávit; scriptisque ad diversos nervosissimis juxta atque doctissimis litteris, vel eos in officio continuit, vel aberrantes redúxit. Pelagiános, Manichæos, et álios hæreticos coércuit, eorúmque libros públicis flammis tradi curávit. Præter decretáles, et hymnos ecclesiásticos, egrégia scripsit opúscula contra Nestórium, Arium, Pelágium, et Eutychétem. Sed illud præ céteris memorándum, quod li-

bros canónicos ab áliis, et probátos ab apócrýphis in romána Synodo septuaginta Episcopórum, singulári decreto distinxit. Post multos demum labóres in regénda universáli Ecclesiá exantlátos, sanctíssimus, et doctíssimus Póntifex pie obiit in Dómino undécimo Kaléndas Decémbris, anno Christi quadringentésimo nonagésimo sexto, et sepúltus est in Vaticáno.

**Itē.** Iste est qui.

**In iij. Nocturno Homilia in Evangelium, Homo pègre, de Communi Conf. Pont.**

**Officium SS. Sacramenti et Officium Immac. Conceptionis B. M. V. habentur in fine Breviarii.**

# KALENDARIUM.

## SEPTEMBER.

- iv. S. Rosæ Viterbiensis, virginis. **Duplex.**
- iv. S. Rosaliæ Panormit. virginis. **Duplex.**
- ix. S. Sergii I, papæ conf. **Duplex.**
- x. S. Hilari, papæ conf. **Duplex.**
- xx. S. Agapiti I, papæ conf. **Duplex.**
- xxvij. S. Eusebii, papæ conf. **Duplex.**

## OCTOBER.

- Dom. ij. Maternitatis B. M. V. **Duplex majus.**
- Dom. iij. Puritatis B. M. V. **Duplex majus.**
- j. S. Gregorii, patriarchæ mart. **Duplex.**
- v. S. Gallæ, viduæ. **Duplex.**
- vij. S. Marci, papæ conf. **Duplex.**
- xiv. S. Callisti I, papæ martyris. **Duplex.**
- xxj. SS. Ursulæ et soc. virg. mart. **Duplex.**
- xxij. SS. Redemptoris. **Duplex majus.**
- xxiv. S. Raphaelis archangeli. **Duplex majus.**
- xxv. S. Bonifacii I, papæ conf. **Duplex.**
- xxvj. S. Evaristi, papæ mart. **Duplex.**
- Festum SS. Reliquiarum. **Duplex.**
- xxxj. S. Siricii, papæ conf. **Duplex.**

## NOVEMBER.

- Dom. ij. Patrocinii B. M. V. **Duplex majus.**
- xij. S. Nicolai I, papæ conf. **Duplex.**
- xij. S. Stanislai Kostkæ, conf. **Duplex.**
- xiv. S. Deusdedit, papæ conf. **Duplex.**
- xvj. B. Pauli a Cruce, conf. **Duplex.**
- xix. S. Pontiani, papæ mart. **Duplex.**
- xxvj. S. Silvestri, abbatis. **Duplex.**
- xxvij. B. Leonardi a Portu Mauritio, conf. **Duplex.**
- xxvij. S. Gregorii III, papæ conf. **Duplex.**
- xxix. S. Gelasii I, papæ conf. **Duplex.**

# THE HISTORY OF THE

REIGN OF THE EMPEROR SHUN-CHI

OF THE MING DYNASTY

BY THE EMPEROR SHUN-CHI

OF THE MING DYNASTY

OF THE MING DYNASTY

OF THE MING DYNASTY

OF THE MING DYNASTY

OF THE MING DYNASTY

OF THE MING DYNASTY

OF THE MING DYNASTY

OF THE MING DYNASTY

OF THE MING DYNASTY

OF THE MING DYNASTY

OF THE MING DYNASTY

OF THE MING DYNASTY

OF THE MING DYNASTY

OF THE MING DYNASTY

OF THE MING DYNASTY

OF THE MING DYNASTY

OF THE MING DYNASTY

OF THE MING DYNASTY

OF THE MING DYNASTY

OF THE MING DYNASTY

OF THE MING DYNASTY

OF THE MING DYNASTY

OF THE MING DYNASTY

OF THE MING DYNASTY

OF THE MING DYNASTY

OF THE MING DYNASTY

OF THE MING DYNASTY

OF THE MING DYNASTY

OF THE MING DYNASTY

OF THE MING DYNASTY

OF THE MING DYNASTY

# SUPPLEMENTUM

## PRO REGNO SCOTIÆ.

DIE I. DECEMBRIS.

*Secunda die infra Octav.*

*S. Andreæ.*

*In secundo Nocturno.*

Sermo S. Petri Chrysólogi.

*Lectio iv. Serm. 133.*

**B**EATUS Andréas mérito natus hódie créditur, quando non ad præsentem vitam matérno est effusus ex útero, sed concéptu fidei martyrii partu, cœléstem nóscitur generátus ad glóriam; quando non eum matérna cunábula suscepére vagiéntem, sed supérna triumphántem secréta receperunt: quando non infirmum lactis pastum genitrícis trahit ex pectore, sed pro rege suo devotíssimus miles virtútis sánguinem fudit. Vivit, quia mortem cœléstis militiæ bellátor occidit. *ñ.* Homo Dei.

*Lectio v.*

**S**EQUITUR hic moriéndò Dóminum æstuans et anhé-lans, ac toto virtútis gradu Dóminicis incúmbit hærére vestigiis, ne eum cursus faciat disparem fratri, quem nátura símilem, vocátio só-

cium, parem grátia ipsa perfécerat. Ad unam vocem Dómini, sicut ille, patrem, pátriam, censum relíquit, labóribus, oppróbriis, itinéribus, contuméliis, viglliis, Christi indefesse germáni societáte donávit. Solum est, quod témpore Dominicæ Passiónis fugit: sed neque hoc impar, quia fugit. Negáre autem si áliqua putátur culpa, non est grávius fúgere, quam negáre. Sed tacénda sunt ália. Æquávit fratres vénia, quos sic discráverat culpa. *ñ.* O bona crux.

*Lectio vj.*

**C**RUCEM, quam refúgerant, póstea conjúctis víribus ardénter invádunt, ut, unde reátum sumpserant, inde conscénderent cœlum, inde præmium súmerent et corónam. Petrus namque crucem, árborem conscéndit Andréas: ut qui Christi cómpati gestiébant, in semetípsis figúram formámque ipsíus exprímerent Passiónis; et redéempti ligno consummaréntur ad palmam. Sic Andréas noster,



etsi cedit ordini, præmio  
tamen non cedit, et labóri.

**R.** Expánder manus.

**In tertio Nocturno.**

**Lectio** sancti Evangélii  
secúndum Matthæum.

**Lectio vij. Cap. 4.**

**I**N illo témpore : Ambulans  
Jesus juxta mare Gali-  
lææ, vidit duos fratres, Si-  
mónem, qui vocátur Petrus,  
et Andréam fratrem ejus,  
mitténtes rete in mare. Et  
réliqua.

De Homilia S. Gregórii  
Papæ.

**Homilia 5. in Evangelia.**

**M**ULTUM dimísit, qui cum  
Mre posséssa étiam concu-  
piscéntiis renuntiávit. A se-  
quéntibus tanta dimíssa  
sunt, quanta a non sequén-  
tibus concupisci potuérunt.  
Nemo igitur étiam cum  
quosdam cónspicit multa  
reliquisse, apud semetípsum  
dicat : Imitári hujus mun-  
di contemptóres volo, sed  
quod relínquam non hábeo.  
Multum, fratres, relínqui-  
tis, si desidériis terrénis  
renuntiátis.

**R.** Orávit sanctus.

**Lectio viij.**

**E**XTERIORA etenim nostra  
Dómino quámlibet par-  
va sufficiunt : cor namque  
et non substántiam pensat,  
nec perpéndit, quantum in  
ejus sacrificio, sed ex quan-  
to proferátur. Nam si exte-  
riorem substántiam per-  
pendámus, ecce sancti  
negotiátóres nostri perpé-  
tuam Angelórum vitam da-  
tis rétibus et navi mercáti  
sunt. Æstimationem quippe  
prétii non habet, sed tamen  
regnum Dei tantum valet,  
quantum habes.

**R.** Videns crucem.

**Lectio ix.**

**V**ALUIT namque Zachæo  
dimídium substántiæ,  
quia dimídium áliud ad hoc,  
quod injúste ábstulit, resti-  
tuéndum in quádruplum re-  
servávit. Váluit Petro et  
Andréæ, dimíssis rétibus,  
et navi. Váluit et viduæ  
duóbus minútis. Váluit ál-  
teri cálicem aquæ frigidæ.  
Regnum itaque Dei, ut dí-  
ximus, tantum valet, quan-  
tum habes.

**Te Deum laudámus.**

DIE XXVIII. NOVEMBRIS.

IN FESTO

SS. IRENÆI, EPISCOPI,

ET SOC. EJUS MARTYRUM.

Duplex.

*Omnia de Communi plurimorum Martyrum, præter sequentia.*

*Oratio.*

**D**EUS, invisibilis fortitúdo certantium : adesto, quæsumus, nobis supplicántibus ; ut qui hodiérna die sanctorum Mátyrum tuorum Irenæi et Sociorum gloriósum triúmphum recólimus, eórum méritis et précibus contra spirituália nequitiæ muniamur. Per Dóminum nostrum.

*In j. Nocturno Lectio- nes de Scriptura occurrente.*

*In secundo Nocturno.*

Ex Epístola S. Irenæi, Epíscopi et Mátyris, ad Florínium de Monarchía.

*Lectio iv.*

*Euseb. Hist. Eccl. Lib. 5. Cap. 20.*

**F**LORINE, vidi te cum adhuc puer essem, in inferióre Asia, apud Polycárpum, splendide agéntem in palátio, et magnópere laborántem, ut te illi approbáres. Etenim ea quæ tunc témporis gesta sunt, mélius memória téneo, quam illa quæ nuper accidérunt ; ádeo ut et

AUTUMN. CAN.

locum ipsum possem dicere, in quo beatissimus Polycarpus sedens disserébat : procéssus quoque ejus et ingréssus, vitæque totius formam, et cörperis spéciem : sermões déni- que quos ad pópulum habébat, et familiárem consuetúdinem, quæ illi cum Joánnē, ut narrábat, et cum réliquis qui Dóminum vidissent, intercésse- rat, et quáliter dicta illórum comemorábat : et quæcúm- que de Dómino ab iis- dem audierat : de miráculis quoque illius ac de doctrína, prout ab iis qui verbum vitæ ipsi conspéxerant, Polycarpus accéperat, eódem prorsus modo referébat, in ómnibus cum Scriptúris conséntiens. Hæc ego, divína mihi largiēte misericórdia, tunc studiósius audiébam, non in charta, sed in corde meo audita describens; eadémque per Dei grátiam assidue répeto ac revólvo.

¶ Sancti tui, Dómine, mirábile consecúti sunt iter, serviētes præcéptis tuis, ut invenirén-

tur illæsi in aquis válidis : \* Terra apparuit árida, et in mari Rubro via sine impediménto.

✠. Quóniam percússit petram, et fluxérunt aquæ, et torrētes inundavérunt. Terra.

Ex libro sancti Hierónymi Presbyteri, de Scriptóribus ecclesiásticis.

#### Lectio v. Cap. 5.

**I**RENÆUS, Pothini Epíscopi, qui Lugdunensem in Gállia regébat ecclésiám, a martyribus ejúsdem loci ob quasdam Ecclésiæ quæstiónes legátus Romam missus, honoríficas super nómine suo ad Eleuthérium Episcopum perfert litéras. Póstea, jam Pothíno prope nonagenário, ob Christum martyrio coronáto, in locum ejus substitúitur. Scripsit quinque advérsus hæreses libros, et contra Gentes volúmen breve; et de disciplína, áliud : et ad Marciánum fratrem, de Apostólica prædicatióne; et librum variórum tractátuum, et ad Blastum, de schísmate : et ad Florinum, de Monar-

chia, sive quod Deus non sit cōditor malórum; et de Octonário egrégium commentáriũ. Ferúntur ejus et áliæ ad Victórem, Episcopum, de quæstiōne Paschæ, epístolæ, in quibus cōmmonet eum non fáciie debére unitátem collégii scíndere. Siquidem Victor multos Asiæ et Oriéntis Episcopos, qui a décima quarta luna cum Judæis Pascha celebrábant, damnandos crediderat. In qua senténtia ii qui discrepábant ab illis, Victóri non dedérunt manus. Flóruit máxime sub Cómmodo Príncipe, qui Marco Antoníno Vero in impérium succésse-  
rat.

**R.** Vérbera carníficum non timuérunt Sancti Dei, moriéntes pro Christi nómine: Ut hærédes fierent in domo Dómini. **✠** Tradidérunt córpora sua propter Deum ad supplicia. Ut. Ex libro primo Historiarum sancti Gregórii Turonénsis Episcopi.

**Lectio vj. Cap. 27.**

**B**EATISSIMUS Irenæus Póthini succéssor Már-

tyris, qui a beáto Polycárpo Lugdunénsem ad urbem diréctus est, admirábili virtúte enítuit: qui in módici témporis spátio prædicatiōe sua máxime in íntegro civitátem réddidit christiánam. Sed veniénte persecutiōe, tália ibídem diábolus bella per tyránnum exércuit, et tanta ibi multitúdo Christianórum ob confessiōnem domínici nóminis est juguláta, ut per platéas flúmina current de ságuine christiáno: quorum nec númerum, nec nómina collígere potúimus; Dóminus enim eos in libro vitæ conscripsit. Beátum Irenæum divérsis in sua cárnifex præsentia pænis afféctum, Christo Dómino per martyrium dedicávit.

**R.** Tamquam aurum in fornáce probávit eléctos Dóminus, et quasi holocáusti hóstiam accépit illos: et in témpore erit respéctus illórum; Quóniam donum et pax est eléctis Dei. **✠** Qui confidunt in illum, intélligent veritátem: et fidéles in dilectiōe ac-

4 Die xxviiij Novemb. SS. Irenæi et Soc.

quiescent illi. Quóniam. In ij. Vesp. fit Comm.

Glória Patri. Quóniam. S. Saturnini, ut in Bre-

In tertio Nocturno Ho-

viario.

milia sancti Gregorii in Si Festum S. Andreae

Evangelium, Cum au- venerit FERIA ij. ix. Le-

diéritis, de Communi ctio fit de Vigilia ejus-

plurimorum Martyrum. dem Sancti.



















Author Breviary

Brev

1853

Title Briviarum Romanum. Autumnalis.

# University of Toronto Library

DO NOT  
REMOVE  
THE  
CARD  
FROM  
THIS  
POCKET

Acme Library Card Pocket  
Under Pat. "Ref. Index File"  
Made by LIBRARY BUREAU

see H. 111



UTL AT DOWNSVIEW



D RANGE BAY SHLF POS ITEM C  
39 16 04 06 16 002 5